




15.1.245

15. R. 1.







# TRACTATUS DE DEO UNO.

TOMUS II.

COMPLECTENS DISPUTATIONES TRES,  
DE SCIENTIA FUTURORUM CONTINGENTIUM,  
DE VOLUNTATE DEI, DE PRÆDESTINATIONE SS.

ET IMPIORVM REPRORATIONE.

AD SS. D. N.

CLEMENTEM XI.  
PONTIFICEM MAXIMUM.

*AVCTORE*

R. AD. P. FR. FRANCISCO PALANCO,  
Campo-Regalensi, Ordinis Minimorum S. Francisci de  
Paula, in hac Castellæ Provincia, Sacræ Theologiæ Lectore  
Iubilato, & Provinciæ Patre, Sanctæ, & Generalis In-  
quisitionis Qualificatore ex munere; ac Toletani  
Archiepiscopatus Synodali Exa-  
minatore.



CVM SUPERIORVM PERMISSV.

MATRITI: EX TYPOGRAPHIA REGIA,  
apud Iosephum Rodriguez. Anno Dñi.  
M.DCC.VI.

THE  
LIBRARY

NOT

NOV

1900

1900

1900

1900

1900

1900

1900

1900

1900

1900

1900

1900

1900

1900

1900

1900

1900

1900

1900

1900

1900

1900

1900

# INDEX QVÆSTIONVM, QVÆ IN hoc secundo Tomo continentur.

## DISPVATIO V.

*De Scientia futurorum.*

### QVÆSTIO I.

*Vtrum futura sint Deo physice presentia in sua eternitate? fol. 1.*

### QVÆSTIO II.

*An presentia physica futurorum in eternitate requirita sit, ut Deus ea cognoscat, & quomodo? fol. 33.*

### QVÆSTIO III.

*An scientia Dei de futuris sit causa illorum? fol. 43.*

### QVÆSTIO IV.

*An ideo res sint, quia videntur à Deo, an potius videantur, quia sunt? fol. 51.*

### QVÆSTIO V.

*In quo medio cognoscat Deus futura contingentia absoluta? fol. 69.*

### QVÆSTIO VI.

*In quo medio futura contingentia conditionata Deus cognoscat, seu, an detur scientia media? fol. 77.*

### ARTICULUS I.

*An Deus cognoscat futura conditionata contingentia in libero arbitrio super comprehensor? fol. 78.*

### ARTICULUS II.

*An Deus cognoscat conditionata contingentia in necessitate moralis? fol. 79.*

### ARTICULUS III.

*An contingentia conditionata cognoscantur à Deo in ideis divinis, aut in essentia divina pro priori ad decretum exercitum Dei? fol. 86.*

### ARTICULUS IV.

*An Deus cognoscat futura contingentia in se ipsi ante decretum? fol. 90.*

### ARTICULUS V.

*An scientia media repugnet dominio diuino? fol. 122.*

### ARTICULUS VI.

*An scientia media rectè cohereat cum libertate creatæ? fol. 142.*

### ARTICULUS VII.

*An Deus certo cognoscat futura conditionata contingentia ut determinatè vera, vel ut determinatè falsa? fol. 150.*

### ARTICULUS VIII.

*In quo ergo medio Deus contingentia conditio- nata cognoscat, fol. 167.*

## DISPVATIO VI.

*De Voluntate Dei.*

### QVÆSTIO I.

*An detur in Deo voluntas, & an ex intellectu rectè demonstretur à D. Thom. fol. 177.*

### QVÆSTIO II.

*An in Deo detur appetitus innatus, aut, elicitus, & ad quid? fol. 196.*

### QVÆSTIO III.

*Quodnam sit obiectum motuum, & terminativum voluntatis divina? fol. 199.*

### QVÆSTIO IV.

*Quinam affectus erga creaturas dentur propriè in voluntate divina? fol. 212.*

### QVÆSTIO V.

*Quenam virtutes morales dentur in Deo, aut in voluntate divina? fol. 236.*

### QVÆSTIO VI.

*In quo consistat actus liber divina voluntatis? fol. 246.*

### QVÆSTIO VII.

*An divina voluntas potuerit manere suspensa ab omni velle libero, & qualiter libera sita? fol. 281.*

### QVÆSTIO VIII.

*An Deus potuerit incipere velle in tempore quod non voluerit ab aeterno? fol. 289.*

### QVÆSTIO IX.

*An Deus possit velle aliquid libere purè ineffica- citer? fol. 295.*

### QVÆSTIO X.

*An Deus possit velle aliquid purè conditionatè, fol. 300.*

### QVÆSTIO XI.

*Quo sensu velit Deus, omnes homines salvos fieri, & ad agnitionem veritatis venire? fol. 315.*

### QVÆSTIO XII.

*An Deus amet creaturas possibili? fol. 347.*

### QVÆSTIO XIII.

*An Deus amet se ipsum amore specialiter, & fructu talis? fol. 358.*

### QVÆSTIO XIV.

*An Deus necessariò velit optimum saltem neces- sitate morali? fol. 364.*

### QVÆSTIO VLTIMA.

*An si Deus operaretur ex necessitate natura, nostra voluntas libere ageretur? fol. 375.*

## DISPUTATIO. VII.

*De Prædeterminatione Sanctor. & reprobationis impiorum.*

### QUÆSTIO I.

*Quid sit, aut quo pacto definatur prædeterminatio?*  
fol. 381.

### QUÆSTIO II.

*An prædeterminatio sit certa, & qua certitudine?*  
fol. 386.

### QUÆSTIO III.

*Quinam actus requirantur ad prædeterminationem?* fol. 396.

### QUÆSTIO IV.

*In quo ex prædictis actibus consistat essentialiter prædeterminatio?* fol. 414.

### QUÆSTIO V.

*An prædeterminatio, seu electio prædeterminatorum ad gloriam sit gratuita seu ante merita prævisæ?*  
fol. 427.

### QUÆSTIO VI.

*An vocatio efficax, iustificatio, perseverantia finalis, & glorificatio sint effectus prædeterminationis, & quomodo?* fol. 466.

### QUÆSTIO VII.

*An gratia per peccatum interrupta, & vocationes inefficaces sint effectus prædeterminationis?*  
fol. 469.

## QUÆSTIO VIII.

*An actus salutes prout à libero arbitrio, & ipse usus gratia sint effectus prædeterminationis?*  
fol. 473.

## QUÆSTIO IX.

*An peccatum, seu peccati permissio sit effectus prædeterminationis?* fol. 477.

## QUÆSTIO X.

*An substantia, vel existentia prædeterminati sit effectus prædeterminationis?* fol. 497.

## QUÆSTIO XI.

*An Deus aliquos reprobet, & in quo reprobatio consistat?* fol. 509.

## QUÆSTIO XII.

*An reprobatio negativa sit ante prævisæ demerita?* fol. 515.

## QUÆSTIO XIII.

*An reprobatio positiva sit ante prævisæ demerita?* fol. 522.

## QUÆSTIO XIV.

*An peccatum originale sit causa reprobationis in adultis?* fol. 533.

## QUÆSTIO XV.

*Quinam sint effectus reprobationis?* fol. 546.

## QUÆSTIO ULTIMA.

*De numero prædeterminatorum, & reprobatorum.*  
fol. 547.

## ERRATA IN HOC TOMO SECVNDO.

- F**ol. 48. col. 2. lin. 31. afficit, lege *efficit*.  
 Fol. 49. col. 2. lin. 16. existens, lege *existentem*.  
 Fol. 49. col. 2. lin. 19. existens, lege *existentem*.  
 Fol. 49. col. 2. lin. 40. actus, lege *actu*.  
 Fol. 49. col. 2. lin. 44. existens, lege *existentem*.  
 Fol. 49. col. 2. lin. 47. existens, lege *existentem*.  
 Fol. 68. col. 1. lin. 12. verba, lege *verba*.  
 Fol. 68. col. 1. lin. 47. occasionatam, lege *occasionatum*.  
 Fol. 68. col. 1. lin. 49. possint, lege *possim*.  
 Fol. 68. col. 2. lin. 19. sed, lege *seu*.  
 Fol. 69. col. 2. lin. 16. necessitata, lege *necessitate*.  
 Fol. 81. col. 1. lin. 38. physica, lege *physica*.  
 Fol. 113. col. 1. lin. 34. Deo, lege *Deum*.  
 Fol. 114. col. 2. lin. 25. determinati, lege *determinari*.  
 Fol. 130. col. 1. lin. 39. promissam, lege *promissa*.  
 Fol. 131. col. 1. lin. 39. præmissiones, lege *promissiones*.  
 Fol. 294. col. 1. lin. 23. fuisse, lege *facisse*.

# TOMUS II.

## DISPUTATIO QUINTA

### DE SCIENTIA FUTURORVM.



HANC disputationem seorsim à præcedenti ponimus, quia celeberrima habetur inter omnes Theologiæ Scholasticæ, vtpotè quæ lucem affert ad alias de prædestinatione, & gratia, & à qua potissimè enodatio illarum dependet. Præcipuus ergo, qui in Deo futurorum præscientiam negavit, fuit Cicero, de quo dixit M.P. Augustinus, quod *ut homines faceret liberos, fecit sacrilegos*, quia videlicet, iudicavit impossibilem præscientiam futurorum in Deo, quæ libertatem hominibus non auferret, & ne hominibus negaret libertatem, sacrilegè ausus est negare Deo præscientiam futurorum. Vtrumque autem esse confitendum, & nostri arbitrij libertatem, & Dei præscientiam, Catholica Fides docet, imò & ratio ipsa naturalis non contradicit. Verumtamen, quia variant quammaximè Theologi in hoc explicando; propterea, ut à radice rem solidius explicemus, à futurorum in æternitate præsentia exordium fumimus.

\*\*\*\*\*  
\*\*\*\*\*

#### QUESTIO I.

*VTRVM FUTURA SINT DEO  
physicè præsentia in sua æter-  
nitate?*

1 **S**upponendum est primò, nec futura, nec aliquid creatum existere ab æterno in propria mensura, sive secundum proprium modum durandi; sed omnia incipisse in tempore. Id enim de Fide est ex illo Genetis initio: *In principio creavit Deus Cælum, & Terram.* Supponendum est secundò, omnia futura, præsentia, & præterita esse Deo ab æterno obiectivè præsentia in sua scientia, quia Deus ab æterno omnia cognoscit ut sunt in suis temporum differentijs. Nec id nemo negat, nisi Ethnicus, cum de Fide sit, Deum esse præcium futurorum. His ergo suppositis.

\*\*\*      \*\*\*      \*\*\*      \*\*\*

*NOSTRA SENTENTIA AV-  
toritate SS. PP. probatur.*

2 **D**ico igitur: *Futura sunt Deo physice præsentia in sua æternitate modo, semper, & ab æterno.* Ita omnes Thomistæ cum D. Thom. & ex Iesuitis, Molina, Grana-dos, Christophorus Gil, Fonseca, Ruiz, Qzuiros, Ribadeneira, & P. Emmanuel à Conceptione, Trinitarius Excalceatus, *Tractat. de Scientia Dei, Disputat. 4. quæst. 2.* Qui sanè illo brevi, & perspicuo, ut ipsi familiare est, nostram sententiam contra suos probat satis solidè, & ab obiectis facile vindicat; ut miseris Hæricem, & Izquierdum dicentes, Thomistas in hac sententia nihil roboris, nihil fundamenti, nihil probabilicatis habere. Quinimò, & Thomistas in hac sententia non esse verè Thomistas: Sic Hæricè. Ut autem, quam sine fundamento hoc dictum fuerit, constet; primum nostræ sententiæ motivum ex præcipuo loco theologico, nempe ex communi PP. traditione fumimus.

3 Probatur ergo conclusio, primò ex Div. August. qui *tom. 4. lib. 2. ad simplicij. quæst. 2.* postquam removit à Deo poenitentiam propriè talem, prosequitur dicens, quod si liquidiora confi-

A de

derationis inspicitur notio huius nominis *præscientiæ*, etiam à Deo removeri debet, atque adeò incongruè de ipso dièl. Quod probat sic: *Quid est præscientia, nisi scientia futurorum? Quid autem futurum est Deo, qui omnia supergreditur tempora? si enim in scientia res ipsas habet, non sunt futura, sed præsentia, ac per hoc non iam præscientia, sed tantum scientia dici potest; si autem sicut in ordine temporali, ita & apud eum nondum sunt, quæ futura sunt, sed ea prævenit sciendo: Vis ergo ea sentit, uno quidem modo secundum futurorum præscientiam; altero vero modo secundum præsentium scientiam: Aliquid ergo temporaliter accedit scientiæ Dei, quod absurdissimum, & falsissimum est. Ecce ubi non solum asserit, sed etiam probat, futura semper esse Deo præsentia, primò quia nihil futurum est Deo, quia ratione æternitatis omnia supergreditur tempora. Secundò, quia alius Deus ea vis cognosceret, antè nempe per præscientiam. & postèa per præsentium scientiam; quod absurdissimum reputat. Item lib. 4. de Trinitat. cap. 17. sic ait: *Apud Deum præterita, & futura fiunt.* Et cap. 16. *Nec præterita transferunt, & futura iam facta sunt.* Et lib. de cognitione veræ vitæ, cap. 3. 1. *Quidquid est, fuit, vel erit totum sibi præsens adest.**

4. Secundò ex D. Prospero, August. discipulo, qui lib. 2. de Vocatione Gentium, cap. 34. sic ait: *Non intelligunt scientiam Dei, quæ & præterita, & præsentia, & futura complectitur, tempore non teneri, & tam inconspicuum asserere ea, quæ gerenda sunt, quam illa, quæ aut geruntur, aut gesta sunt; quod eum verissimum sit non indiget mora cernendi, & discernendi illa virtus, quæ perpetuo, veroque consuetu creata, & creanda, orta, & oriunda, acta, & agenda simul aspiciat.* Item lib. Epigram. sic habet: *Vt locis præsens simul adest Deus omnibus unus, sic rerum metus secum habet, & numeros.* Nec seruum, nec proprium sibi sentit in ordine rerum, cui cuncta assistunt acta, & agenda simul.

5. Tertiò ex Magno Gregorio, qui lib. 2. Moral. cap. 15. sic ait: *Apud illum nequaquam cursus temporis mutatione dièl, noctis quæ variatur, quia in ea luce, quæ sine accessu ea, quæ eligit, illustrat, & sine recessu ea, quæ respuit, deserit, defectus mutabilitatis venit; quia in semetipso manendo immutabilis, mutabilia cuncta disponit; sicque in se transuentia condidit, ut apud se transire nequaquam possint; nec tempus intus inconspicuum eius defuit, quod apud nos foris decurrit; unde fit, ut in eternitate eius fixa maneant.* Cur ergo dicitur quadam diè factum aliquid coram Domino, cui nimirum diès una est eternitas sua? Quam videlicet, nec fine claudi, nec initio aperiri vidit Psalmista, &c. Et lib. 4. Moral. cap. 27. sic ait: *Fuisse, & futurum esse eternitas*

*non habet, cui nimirum, neque præterita transeunt, neque, quæ futura sunt, veniunt, quia cuncta per præsens videt.* Et lib. 9. cap. 2. 6. sic ait: *Visam nostram, quæ tempore incipitur, & tempore finitur, eternitas devorat, cuius nimirum immensitas, quæ ultra, citraque super nos tenditur, sine incubatione, & termino eius æternum esse dilatatur, eique nec transacta prætereunt, neque adhuc ventura, quasi quod non appareant, defunct; quia is, qui semper esse habet, cuncta sibi præsentia conspiciat, cumque aspiciendo possit, & ante non tenditur, nulla intuitus mutatione variatur.* Et lib. 12. cap. 1. ad illa verba Iob. Numerus mensuræ eius apud te est: Sic ait, quia apud Deum etiam labentia stant, apud eum esse numerum mensuræ perhibet. Et lib. 20. cap. 23. sic ait: *Quomodo Deus est præsciens, dum nulla, nisi, quæ futura sunt, præsciuntur. Et sciens, quia Deo futurum nihil est, ante cuius oculos præterita nulla sunt, præsentia non transeunt, futura non veniunt; quippe, quia omne, quod nobis fuit, & erit, in eius prospectu præfuit, & omne, quod præsens est, scire potest, potius quam præscire. Cui difficultati sic respondet: Quia ea, quæ nobis futura sunt, videt, præsciens dicitur, quamvis nunquam futurum prævideat, quod præsens est. Et intrà: In illo enim, nec præterita, nec futura reperiri queunt, sed cuncta mutabiliter immutabiliter durant, & que in se ipsi simul existere non possunt, illi simul omnia assistunt, nihilque in illo præterit, quod transit, quia in eternitate eius modo quodam incomprehensibili cuncta volumina secularium transuentia manent, æternitatis stant. Quid clarius?*

6. Quartò ex Anselmo lib. de Concord. præscient. & prædest. cum Liber. Arbitr. ubi sic ait: *Hoc quippe propositum, secundum quod vocati sunt sancti, in eternitate, in qua non est præteritum, vel futurum, sed tantum præsens, immutabile est; sed in ipsi hominibus ex libertate, aliquando est mutabile, sic enim, quamvis in eternitate non fuit, aut erit aliquid, sed tantum est, &c. Rursus: Quamvis enim ibi nihil sit, nisi præsens, non est tamen illud præsens temporale, sicut nostrum, sed æternum, in quo tempora cuncta continentur; siquidem quemadmodum præsens tempus continet omnem locum, & que in quolibet loco sunt; ita æterno præsentis simul clauditur omne tempus, & que sunt in quolibet tempore. Cum ergo ait Apollol. Quod Deus præsciens Sanctos suos, prædestinavit, vocavit, iustificavit, magnificavit, nihil horum prius, aut posterius apud Deum est, sed omnia simul æterno præsentia sunt intelligenda: Habet enim eternitas suam simul, in quo sunt omnia quæ simul sunt loco, vel tempore, & que sunt diversis locis, vel temporibus. Et paulò infra: Non magis opposita sunt, mutabile in tempore, & im-*



mutabile in aeternitate, quam non esse in aliquo tempore, & esse semper in aeternitate; & fuisse, vel futurum esse secundum tempus, atque non fuisse, nec futurum esse in aeternitate. Siquidem non dico aliquid nunquam esse in tempore, quod tempus est in aeternitate; sed tantum dico, in aliquo tempore non esse: Non enim dico, actionem meam crastinam nullo tempore esse, sed tantum hodie non esse, quae tamen semper est in aeternitate. Et quando negamus, fuisse, vel futurum ibi esse aliquid, quod in tempore fuit, aut erit, non asserimus, id quod fuit, aut erit, nullo modo ibi esse, sed tantum praeterito, vel futuro modo dicimus non ibi esse, quia ibi indefinenter est suo praesenti modo: Nam hoc ipsum ibi est eternaliter, quod temporaliter aliquando est: Quod facit vis aeternitatis, quae claudit omne tempus, & quae sunt in quolibet tempore. Ecce ipsissimam Thomistarum sententiam repetitam, & rigidius expressam ab ipso Anselmo, quam ab ipsis Thomistis.

7 Quinto ex D. Petro Damiano, tom. 3. opusc. cap. 8. ubi sic ait: Omnipotenti Deo non est beri, vel eras, sed hodie sempiternum, cui nihil defuit, nihil accedit, cui nihil est varium, nihil a se diversum. Illud hodie aeternitas est immutabilis, indefectiva, inaccessibilis, cui videlicet nihil addi, nihil valet imminui, & omnia, quae apud nos elaborando distrahunt, aut per temporum vicissitudines se variant, apud illud hodie stant, & immobiliter perseverant: In illo iam hodie, dies ille adhuc immobilis est, in quo mundus ille sumpsit originem: In illo iam, & ille nihilominus est, quod iudicandum est per eterni Iudicis equitatem. Neque enim in eam lucem, &c. Prosequitur traducens verba Gregorii supra expensa primo loco, & concludit: Quid est ergo, quod ipse non videat de praeteritis, praesentibus, & futuris, qui videlicet omnia facta, vel facienda sine ullo transitu desiguit, & statuit in sua praesentia maiestatis? Cui profecto, & illud tempus intransibiliter adest, quod ea, quae facta sunt antecessit, & illud, quod cuncta deinceps concludit. Et ap. 15. Eius hodie non in moras, vel in aliquid temporis vicissitudine permittitur, sed sicut ipse semper est, ita quicquid illi adest semper adest. Quid clarius?

8 Sexto ex D. Boetio, qui lib. 5. de Consolat. Prosa 6. seu ult. sic ait. Quod igitur interminabilis vitae plenitudinem totam comprehendit, ac possidet, cui nec futuri quicquam absit nec praeteriti fluxerit, hoc aeternum esse iure perhibetur. Idque necesse est, & sui compos praesens sibi semper assistere, & infinitatem mobilis temporis habere praesentem. Id est ait D. Thom. exponens Boetium; ipsius aeterni nihil transit in praeteritum, idem semper sibi praesens assistit: Et sicut nunquam incipit, cum habeat vitam interminabilem, necesse est, quod ei adsint quali-

bet differentia temporis, etiam si ponatur tempus infinitum, & quod eodem modo assistat differentijs temporum, per quem modum in se subsistit; modus autem, quo in se subsistit, est praesentarius; ideo etiam assistit differentijs temporis per modum praesentiae, & propterea dicit, quod necesse est, aeternum praesentem habere infinitatem temporis mobilis.

9 Prosequitur Boetius: Quoniam igitur omne iudicium secundum sui naturam, quae sibi subiecta sunt, comprehendit, est autem Deo semper aeternus, & praesentarius status, scientia quoque eius, omnem temporis supergressa motionem, in sua manet simplicitate praesentia, infinitaque praeteriti, ac futuri spatia complectens, omnia quasi iam gerantur in simplici cognitione considerat. Itaque si praesentiam pensare velis, quia cuncta dignoscit non esse praesentiam; quasi futuri, sed scientiam nunquam deficientis instantis, rectius estimabis, unde non providentia, sed potius providentia dicitur, quia peculiariter rebus infinitis constituta, quasi ab excelso rerum cacumine cuncta prospiciat. Vbi Divus Thom. Nota, quod cognitio sequitur modum cognoscentis: Status autem Dei est aeternus, & praesentarius, cum esse dicimus aeternitatem mensuratur. Ergo scientia Dei erit aeterna, & praesentaria; ita quod omnia, quae sunt praeterita, & futura, cognoscit quasi sint praesentia: Et postquam sibi objicit, quod futurum est non ens, & non ens non potest esse alicui praesens: Respondet, distinguendo duplex non ens, nempe, quod nec actu, nec potentia, nec in futurum est, & quod in potentia, & in futurum erit; & de hoc ait: Licet huiusmodi non ens non possit coexistere realiter temporis praesenti; potest tamen coexistere eternalitati, quia aeternitas, cum sit infinita, excedit tempus praesens, extendendo se ad praeteritum, & futurum, & sic praeteritum, & futurum sunt eternalitati coexistentia praesentialiter, quia in aeternitate non est successio. Ex infra: Deo omnia sunt praesentia, & sibi nihil est futurum; ideo scientia sua non est dicenda praesentia, quae sonat ad aliquid futurum, &c.

10 Denique ex D. Thom. qui in praesent. artic. 13. in corpor. sic ait: Deus autem cognoscit omnia contingentia, non solum prout sunt in suis causis, sed etiam prout unumquodque eorum est actu in se ipso; & licet contingentia fiant in actu successivo, non tamen Deus successivo cognoscit contingentia prout sunt in sua esse, sicut nos, sed simul, quia sua cognitio mensuratur aeternitate, sicut etiam suum esse: Aeternitas autem tota simul existens ambis totum tempus, unde omnia, quae sunt in tempore, sunt Deo ab aeterno praesentia, non solum ea ratione, quae habet ratio-

nes rerum apud se presentes, ut quidam dicunt, sed quia eius intuitus fertur ab aeterno supra omnia prout sunt in sua praesentialitate; unde manifestum est, quod contingentia infallibiliter à Deo cognoscuntur in quantum subduntur divino conspectui secundum suam praesentialitatem. Et quæst. 2. de Veritat. articul. 12. sic ait: Tunc autem aliquid cognoscitur, ut futurum, quando inter cognitionem cognoscentis, & rei eventum invenitur ordo præteriti ad futurum; hic autem ordo non potest inveniri inter cognitionem divinam, & quamcumque rem contingentem, sed semper ordo divine cognitionis ad rem quamcumque est sicut præsentis ad præsens. Unde cum visio divine scientie eternitate mensuretur, quæ est tota simul, & tamen totum tempus includit, neque alicui parti temporis deest, sequitur, quod quicquid in tempore geritur, non ut futurum, sed ut præsens videat; hoc enim, quod à Deo visum est, futurum est rei alteri, quæ succedit in tempore, sed ipse divine visioni, quæ non in tempore, sed extra tempus est, non est futurum, sed præsens. Ita ergo nos videmus futurum, ut futurum, quia visioni nostre futurum est, cum ipsa tempore mensuretur, sed divine visioni, quæ extra tempus est, futurum non est.

11. Hactenus SS. PP. quorum testimonio adeo diffusè descripti, quia displicet valde aliquorum genium, qui in theologicis controversiis, per translationem tantum PP. testimonia diminutissimè expendunt, & una, vel altera expositione, non tam illorum mentem enucleant, quam elidunt, & ad proprios discursus, tanquam ad arcem munitissimam confugiunt, in quibus lato calamo decurrunt, quasi SS. PP. Auctoritas, & traditio leve quoddam, & parvi momenti fundamentum sit; & sola ratio, ac proprius discursus prævalere debeat; cum tamen certum sit, PP. communem traditionem locum esse theologicum validiorem nostris rationibus, ac discursibus; cui per prius Theologus inniti debet, & ad cuius normam suas rationes, ac discursus coercere, ac restringere. Iam igitur.

12. Ex prædictis PP. testimoniis sic argumentor: In controversiis theologicis ad Sacram Doctrinam spectantibus sentiendum est iuxta communem, & receptam PP. traditionem, quicquid reclamet difficultas nobis apparens; nam in tali casu sentiendum est, totam difficultatem oriri ex defectu nostræ intelligentiæ, nostræque rationis minus assuetæ rebus divinis contemplandis, minusque deputatæ à modo rerum temporalium, materialium, & finitarum, quam SS. PP. mens, intelligentia, & ratio: Sed ista controversia de præsentia futurorum in eternitate, verè est theologica, & ad Sacram Doctrinam potissimè spectans, ut nemo disiteri potest: Ergo in ea sentiendum est iuxta communem, & receptam PP. traditio-

nem. Tunc sic: Sed communis, & recepta PP. traditio est, quod ea, quæ nobis futura sunt, Deo in sua eternitate nunquam sunt futura, sed iam semper, & ab æterno præsentia, siquidem uniformiter sentiunt, & expressis testimoniis asserunt, nihil ipsi præteritum, aut futurum unquam esse, sed cuncta semper, & indefinenter præsentia, quod eternitas est quoddam hodie sempiternum, quod simul claudit, comprehendit, complectitur, supergreditur, ambit, & includit omne tempus, & quæ sunt in quolibet tempore, & consequenter quod omnia, quæ apud nos elabendo discurrunt, apud illud hodie sempiternum sunt, & immobiliter perseverant, & quod in illo hodie eternitatis, neque præterita transeunt, neque quæ futura sunt veniunt, neque transacta pereunt, neque ventura desunt, & consequenter, quod in eternitate simul sunt, & dies quo mundus creatus, & dies quo finaliter iudicandus est, & cuncta volumina sæculorum, transeuntia manent, labentia sunt, & apud Deum iam sunt, quæ nobis futura sunt, quod nec setum, nec properum sentit in ordine rerum, sed cuncta ei assunt aëta, & agenda simul; quod omnia, quæ sunt in tempore, sunt Deo ab æterno præsentia, & alia huiusmodi, quæ relegendi tabulis manifestè patebunt: Ergo in hac controversia sentiendum est, omnia præterita, & futura, & quæ per cuncta volumina sæculorum, sive gesta sunt, sive gerenda, sive præterita, sive futura, sunt Deo in sua eternitate indefinenter, semperque, & consequenter ab æterno simul re ipsa præsentia, nihilque re ipsa futurum.

#### REFFELLITVR COMMVNIS evasio contrariorum.

13. Respondent contrarii PP. intelligentes esse de præsentia solum obiectiva, quia per se præsentiam, quam affirmant, exponunt per hoc, quod omnia sunt in conspectu Dei, coram Deo, quod apparent eius perpetuo contuitui, ac intuitui, quod conspiciuntur à Deo, intuentur ab ipso, sive ut ait Div. Thom. *Quod eius intuitus fertur ab æterno supra omnia.* Quod est explicare illorum præsentiam ab æterno, quia ab æterno à Deo ipso intuentur, & cognoscuntur in se ipsis, quæ sanè est præsentia intentionalis, non physica.

Sed licet hæc evasio, & quod loquuntur de præsentia physica, facile convincatur sola SS. PP. lectione, aut relectione; verum tamen, quia Theologi publici Proflores sæpè desiderant modos suadendi veram PP. mentem, & illam publicè propugnandi contra negantes, propterea.

14. Contra prædictam evasione sic arguo primò, quia sæpius asserunt præteritorum, & futurorum simulaneam præsentiam in eternitate,

re, nulla facta mētiōe aspectus, intuitus, aut cognitionis divinæ, sed absolute, & simpliciter profertur, in eternitate nihil præteritum, nihil futurum, sed omnia simul esse præsentia indefinenter, & semper: Ergo saltem, ubi sic loquuntur, debent intelligi de præsentia reali, & physica: Si autem semel tradiderint præsentiam physicam in eternitate, quid ad rem, quod alibi, vel ibi, antea, vel postea asserant præsentiam intentionalem in scientia, vel intuitione Dei, quæ præsentie physice in eternitate non opponitur vilo modo? Contra secundo: Quia PP. vt legenti constabit, sæpius, & per se primo fundant hanc præsentiam præteriti, & futuri in infinita duratione Dei, seu eternitate, quæ claudit omnia tempora, quam in infinitate eius scientiæ: Sed præsentia fundata in eternitate, quia est duratio infinita claudens omnia tempora, non est præsentia purè obiectiva, seu in cognosci, quia hæc ad summum fundari posset in infinita perspicacia divinæ scientiæ, non in infinita duratione Dei omnia tempora simul complectentes: Ergo manifestè loquuntur de præsentia physica, non de purè intentionali. Tertio: Quia præsentia purè intencionalis per se, & ex terminis, non est præsentia in duratione aliqua, vel alicui durationi, sed solum est præsentia in mente, in intellectu, in cognitione, vel scientia: Sed PP. absolute, & simpliciter asserunt, & proferunt, præterita, & futura esse simul præsentia in divina duratione, nempe in illo hodie sempiterno, sive in eternitate, quæ duratio infinita Dei est: Ergo, cum hoc simpliciter proferunt, & asserunt, vt videre est locis citatis, seu relatis, intelligi non possunt de præsentia purè intentionali, sed de entitativa, & physica.

15 Quarto: PP. loquuntur de præsentia, vi cuius in Dei eternitate nihil est præteritum, nihil futurum, præterita non transeunt, futura non veniunt: Sed vi præsentie purè intentionalis cum physica, & reali absentia, hoc dici non posset, quia quantumvis hodie, & cras sit intencionaliter in mea mente præsens mors, v.g. alicuius, quam vidi hæc, falsum est, quod illa re ipsa non transierit hodie in mea duratione, seu quod stet fixè, & indefinenter in hoc die, seu quod non sit mihi in hoc die præterita: & quamvis aliquis per lumen propheticum haberet mortem alicuius, antequam contingeret, præsentem, videndo illam modo, quo Prophete videntes appellantur, dici non posset, quod respectu illius in sua duratione, seu in suo die mors non veniret, nec ventura esset, aut futura: Ergo PP. non loquuntur de præsentia purè intentionali cum physica absentia. Quinto: Quia præsentia purè intencionalis non est simpliciter præsentia, sed simpliciter absentia, & solum secundum quid præsentia: Vnde notitia abstractiva diffinitur: *Notitia rei absentis*, absolute, & sine addito, quamvis sit notitia rei præ-

sentis intencionaliter in ipsa notitia: Sed PP. absolute, & simpliciter excludunt absentiam futurorum, & præteritorum in eternitate, & absolute, & simpliciter affirmant præsentiam sine addito diminuentem: Ergo loquuntur de præsentia physica, non de purè intentionali, liquidem loquuntur de præsentia simpliciter, & sine addito in eternitate, & negando similiter absentiam. Explicatur.

16 Nemo sane mēis diceret de statua lignea hominis: *Hæc non est lignum, sed homo*, quamvis representativè non sit lignum, sed homo; sed deberet potius dicere: *Hæc est lignum, & non homo*, quia physicè est lignum, & non homo; & similiter de cognitione, aut specie alicuius substantiæ, nemo cordatè diceret absolute, & sine addito: *Hæc non est qualitas, sed substantia*, eo quod intencionaliter, & representativè esset substantia, & non qualitas; sed deberet potius dicere: *Est qualitas, & non substantia*, quia physicè est qualitas, & non substantia; & hoc ideo, quia esse intencionaliter, aut repræsentativè, est esse secundum quid, esse autem physicè est esse simpliciter, & absolute tale; & in loquutione, præteritum adversativa, sine addito, & absolute prolata, prædicatum sumitur semper pro absolute, & simpliciter tali, & non pro secundum quid tali: Ergo PP. toties absolute, & simpliciter affirmantes, in eternitate nihil esse præteritum, nihil futurum, nihil absens, sed cuncta simul, & indefinenter præsentia, non nisi violentissimè exponuntur, quod sint præsentia purè secundum quid, & secundum quid non præterita, nec futura, nec absentia, quamvis sint simpliciter præterita, futura, & absentia, & non simpliciter præsentia, cum potius si ita forent, deberent absolute proferre, non esse præsentia, sed absentia, absolute, & sine addito: Ergo nec possunt exponi, quasi affirmant solum præsentiam intencionalen, & negent solum intencionalen absentiam, quia hæc solum secundum quid est præsentia, vel absentia. Et vrgetur, quia eodem sensu affirmant, esse præsentia, quo negant esse præterita, futura, aut absentia: Sed dum negant, ea esse præterita, futura, vel absentia in eternitate, non possunt intelligi, nisi de præteritione, futuritione, & absentia simpliciter tali, seu physica, quia si agnoscerent contingencia esse in eternitate physicè, & simpliciter iam præterita, iam futura, & simpliciter, physicèque absentia, non possent dicere absolute, & sine addito, vt dicunt, nihil in eternitate esse præteritum, nihil ibi futurum, nihil ibi transire, nec venire, nihil ex his, quæ aliquando sunt, ibi abesse, non esse ibi fuit, nec erit, fuisse, nec futurum esse; potissimè loquentes, non obiter ad aliud intencum, sed exproffesso agentes de præsentia rerum in eternitate; non semel, sed semper, quando de hoc assumpto sermonem faciunt; non vnus, aut

alter, sed communiter omnes PP. nam ipsa profertur, vltima supra relator, Ambrosius lib. 4. de Fide ad Grat. cap. 7. dicens: *Deo, quæ sunt futura, præsentia sunt, & ei, cui præcognita sunt, omnia ventura pro factis sunt.* Hilarius lib. 12. de Trinitat. sic proter: *Nihil non cum Deo fuit, quicquid in rebus est.* Hieronymus in Comment. ad Epist. ad Ephef. cap. 1. *Cui omnia futura iam facta sunt.* Gregor. Nilen. Orat. Cateches. 22. *Futuros eventus, tanquam res præsentis intuetur.* Beda lib. variat. question. quæst. 13. inquit: *Ab æterno ea, quæ sunt futura nobis, in conspectu suo præsentia habuit.* Ergo intelligi non possunt de præsentia secundum quid, & consequenter, nec de pure intentionali, quæ solum est præsentia rei secundum quid.

17 Contra sextò; nam iuxta D. Prosper. ubi supra num. 4. intelligendum est, tam in conspectu Dei adstare ea, quæ gerenda sunt, quam ea, quæ geruntur, aut gesta sunt: Sed ea, quæ geruntur, sunt in conspectu Dei, non solum obiectivè, sed physicè præsentia: Ergo & ea, quæ gerenda sunt. Septimò ex illo Gregor. ubi supra. dicentis, *Quod Deus præterita, & futura aspiciendo, post & ante non tenditur.* Sed si quando aspiciat, non essent sibi physicè præsentia, opus illi esset ad inspicendi præterita, ante, seu retro respicere, nempe ad tempus iam re ipsa, & physicè præteritum; & etiam ad post, ut futura respiceret, nempe ad tempus re ipsa, & physicè post venturum: Ergo quando aspiciat præterita, & futura, & consequenter ab æterno, sunt ei præsentia, non solum obiectivè, sed physicè. Octavò, quia eodem sensu dicunt PP. præsertim Boetius, & D. Thom. supra num. 8. & num. 9. Quod Deus præsentia adest simul temporis præterito, & futuro, ac dicunt, quod præteritum, & futurum tempus adest præsentia: Ergo in sua æternitate: Sed cum dicunt, quod assitit præsentia, seu per modum præsentis differentijs temporum, non est sensus, quod assitit Deus præsentia obiectivè differentijs temporum, cum ab illis non cognoscatur: Ergo nec cum dicunt, omnia simul assitit Deo per modum præsentis, intelligunt præsentiam intentionalem. Explicatur Cum PP. dicunt æternitatem claudere simul omne tempus, non est sensus, quod obiectivè claudit omne tempus, quia æternitas non est cognoscitiva; & consequenter nihil complectitur, aut claudit obiectivè: Ergo nec quando dicunt, omne tempus esse simul in æternitate, est sensus, quod sit simul obiectivè, quia æternitas non est cognoscitiva.

18 Nono, quia præsentia directè visâ, seu se tenens ex parte rei visæ non est præsentia intentionalis, sed physica; nam præsentia intentionalis consistit formaliter in ipsa cognitione, vel notitia, quia res cognoscitur, aut videtur, & est extrinseca rei visæ, seque tenet ex parte cognitionis, non est parte rei visæ: solaque præsentia physica se tenet

re ipsa ex parte rei visæ: Sed PP. dum explicant præsentiam futurorum, & præteritorum in æternitate per visionem, & intuitionem, aut conspectum Dei, non ponunt præsentiam in ipsa visione, sed ex parte rei visæ: idcirco enim, quod cuncta præsentia conspiciat, ut Gregorius, & similiter Nilenus, & Beda proxime citati, Augustinus item vocat cognitionem Dei de futuris præsentium scientiâ, Boetius, inquit, quod non tam est præsentia futuri, quam scientia nunquâ deficientis, seu semper præsentis instantis, D. Thom. quod intuitus Dei fertur supra contingentiâ ut sunt in sua præsentia. Item, quod quicquid in tempore geritur, non ut futurum, sed ut præsens videt. Et quæst. 2. de Veritat. artic. 12. ad 3. inquit, quod contingens scitur à Deo secundum quod est iam præsens, non secundum quod futurum est. Et ad 6. quod cognoscit ea, ut præsentia sibi, alij autem futura, quod lapsissime repetit: Ergo PP. ponunt præsentiam, de qua loquuntur, ex parte rei visæ, & non ex parte visionis, seu exercit in ipsa visione.

19 Decimò, & vrgentissimè, quia August. Gregorius, Boetius, & D. Thom. ubi supra. a num. 3. 5. 9. & 10. expresse dicunt, cognitionem Dei de contingentibus nobis futuris non esse propriè præsentiam quasi futurorū; sed intuitum, & scientiam præsentium: Sed si non essent sibi physicè præsentia, quando ea cognoscit, propriè diceretur præsentia futuri, quam scientia, vel intuitus præsentis: Ergo manifestè sentit, futura esse Deo physicè præsentia, ex quo illa cognoscit, & consequenter ab æterno. Probat minor, quia quod solum intentionaliter est præsens, dum concipitur, physicè autem futurum, magis propriè est futurum, quam præsens in eo quando; & cognitio propriè, nempe physicè, & præcedenti durationis, præcedit rem cognitam, quam illi coexistat, quia solum intentionaliter illi coexistit: Sed quando cognitio eventus magis propriè præcedit præcedenti durationis ipsum eventum, quam illi coexistat; & quando eventus, dum cognoscitur, magis propriè est futurum, quam præsens, cognitio illius magis propriè est præsentia futuri, quam intuitus præsentis eventus: Ergo. Explicatur: Qui affirmaret, & diceret, aliquem eventum post mille annos futurum, quando solum esset sibi intentionaliter præsens, nondum tamen physicè, propriè diceretur, prædicere, & prænuntiare futurum, potius quam annunciare præsentem eventum: Ergo si quando Deus scit eventum futurum, nondum est sibi præsens physicè, sed physicè futurum, propriè, sicut dici debet, cum præscire futurum,

non intueri, aut videre  
præsentem.

\*\*\*  
\*\*\*  
\*\*\*

OSTEN-

**OSTENDITVR, COGNITIONEM**  
*intuitivam exigere praesentiam physicam*  
*obiecti in ea duratione, in qua*  
*exercetur cogni-*  
*tio.*

20 **V**ltimo, quia si PP. solum adstrue-  
 rent praesentiam intentionalem,  
 maxime, quia saepe dicunt, futura esse *coram*  
*Deo, in conspectu illius, coram oculis eius, intue-*  
*ri ea, videre, conspiciere, aspiciere* ea praesentiali-  
 ter: Sed huiusmodi verba non significant praesentiam pure intentionalem, sed intentionalem simul, & physicam: Ergo adhuc ex praedictis vet-  
 bis constat PP. adstruere praesentiam physi-  
 cam futurorum in aeternitate. Probatum minor,  
 nam si quis diceret: Rem aliquam esse coram  
 Rege, coram oculis eius, in conspectu illius, vi-  
 deri, conspici, aspiciere ab eo, patenter sig-  
 nificaret, non solum illam esse intentionaliter  
 praesentem Regi, sed etiam physice illi praesen-  
 tem, & coexistentem: Ergo cum PP. asserunt  
 ita esse futura coram Deo, praefatis verbis non  
 solum significant esse intentionaliter in divina  
 mente illi praesentia, sed etiam physice coram  
 ipso.

21 **R**espondent contrarii, praesentiam tri-  
 bus his ultimis replicis, praesentiam obiectivam  
 esse duplicem, nempe intentionalem, & obiecti-  
 vam in actu secundo, quae consistit in ipsa cog-  
 nitione, qua obiectum fit praesens actu in mente  
 cognoscentis, aut videntis; & intentionalem, seu  
 obiectivam in actu primo, quae nempe obiectum  
 ex parte sua ita se habet, ut per se ipsum possit  
 videri in se ipso, possitve determinare, aut mo-  
 vere facultatem visivam ad sui visionem, ita ut  
 ex parte sua nihil illi deficiat ut praesentialiter  
 videatur. Igitur, dum PP. ponunt praesentiam  
 futurorum ex parte illorum, seu ex parte rei  
 visae; & dum dicunt, scientiam Dei non esse praesci-  
 entiam, sed intuitum, quia est rei praesentis; &  
 dum dicunt, futura esse coram Deo, in conspectu  
 illius, & coram oculis eius, sensus est, quod ex  
 parte sua, & pro priori ad sui visionem, sunt praesentia  
 Deo intentionaliter in actu primo, & ideo  
 scientiam Dei non esse praescientiam quasi futuri,  
 sed intuitionem praesentis, ponendo praesentiam  
 ex parte rei visae.

22 **S**ed contra primum, quia reddit argu-  
 mentum factum; si enim quis diceret: Rem esse  
 coram Rege, in conspectu illius, coram ocu-  
 lis eius, ab eo intuitivè videri, & conspici, non  
 solum diceret, esse illi praesentem intentionaliter  
 in actu primo, sed etiam physice: Ergo pa-  
 riter, dum PP. simili stillo loquendi dicunt, futu-  
 ra esse praesentia Deo. Secundo, quia implicat  
 futura esse praesentia Deo in actu primo in ordi-  
 ne ad videnda ea intuitivè, quando non sunt illi

physice praesentia: Sed PP. dicunt, ea esse semper, & ab aeterno coram Deo, in conspectu il-  
 lius, & praesentia: Ergo etiam si intelligantur lo-  
 qui de praesentia obiectiva in actu primo, ex con-  
 sequenti affirmant, quod sunt semper, & ab aeterno  
 illi praesentia physice. Probatum maior, in qua  
 est difficultas, quia sic esse obiectivè praesentia  
 in actu primo est formalissimè esse proximè visi-  
 bilia in se ipsis, & per se ipsa, seu, ut loquuntur  
 contrarii, nihil illis ex parte sua deesse, quom-  
 nus possint per se ipsa determinare, & movere ad  
 sui visionem: Sed implicat, quod sint in se ipsis  
 proximè visibilia, seu quod possint movere, &  
 determinare facultatem visivam ad sui visionem,  
 quando nondum sunt physice praesentia, seu an-  
 tequam physice existant: Ergo implicat, ea esse  
 praesentia obiectivè in actu primo ut videantur,  
 quando nondum sunt physice praesentia. Expli-  
 catur: PP. per vos, dicunt, futura esse Deo semper,  
 & ab aeterno praesentia obiectivè in actu pri-  
 mo: Sed esse sic praesentia, per vos, est esse pro-  
 ximè visibilia in se ipsis, seu posse per se ipsa de-  
 terminare, & movere ad sui visionem: Ergo PP.  
 dicunt, futura semper, & ab aeterno esse proximè  
 visibilia in se ipsis, & posse movere, & determi-  
 nare ad sui visionem: Sed implicat quod semper,  
 & ab aeterno sint visibilia in se ipsis, & quod sem-  
 per, & ab aeterno possint movere, & determina-  
 re ad sui visionem, nisi semper, & ab aeterno sint  
 praesentia physice facultati visivae, quia antequam  
 aliquid physice existat, aut sit physice praesens,  
 non est proximè visibile in se ipso, nec potens  
 per se ipsum movere, nec determinare faculta-  
 tem visivam ad sui visionem: Ergo PP. sentiunt  
 futura esse semper, & ab aeterno physice praesentia  
 Deo, seu eius facultati visivae.

23 **D**icunt, verum esse, quod obiectum  
 quando nondum est physice praesens, non est pro-  
 ximè visibile à facultate visiva creata, nec potest  
 determinare, aut movere facultatem visivam  
 creatam ad sui visionem; secus tamen respectu  
 intellectus divini, qui cum sit infinitè efficaciter  
 cognoscitivus, & intensivus, respectu illius est iam  
 proximè visibile, quod nondum existit physice,  
 & potest illum ad sui visionem movere, & de-  
 terminare. Sed contra est, primum, quia obie-  
 ta creata non sunt validiora erga intellectum in-  
 finitum Dei, quam erga finitum, & creatum:  
 Sed antequam physice existant, non possunt mo-  
 vere, & determinare intellectum creatum ad  
 sui visionem: Ergo nec divinum, & infinitum.  
 Secundo, quia obiectum creatum, antequam phy-  
 sice existat, intrinsecè in se ipso nihil differt à me-  
 re possibili, nec amplius habet in se ipso, quam si  
 esset merè possibile: Sed si esset merè possibile, non  
 esset proximè visibile in se ipso adhuc ab intelle-  
 ctu divino, nec potens illum ad sui visionem  
 determinare: Ergo nec antequam physice existat,  
 sic

seu quando nondum est physice præsens, est proxime visibile in se ipso respectu intellectus divini, nec potens illum ad sui visionem determinare. Confirmatur. Esse proxime visibile in se ipso, adhuc ab intellectu divino, & posse determinare ad sui visionem non est denominatio extrinseca, aut esse extrinsecum obiecto, a iâs non conveniret ei in se ipso, & per se ipsum, ut supponitur, sed est denominatio, & esse intrinsecum ipsi obiecto; deinde non est denominatio, nec esse necessarium, & essentiale obiecto creato, alias etiam puris possibilibus conveniret esse visibile in se ipsis intuitivè, quod nemo concedit, sed est denominatio, & esse contingens. Sed obiectum creatum antequam existat, seu quando nondum est physice præsens, nullam denominationem intrinsecam, & contingentem in se habet, sicut nullum esse intrinsecum contingens, cum nullius causæ actione terminet, à qua illud esse intrinsecum contingens accepit: Ergo antequam, seu quando nondum est physice præsens, non est proxime visibile intuitivè in se ipso, nec per se ipsum potens determinare ad sui visionem, adhuc respectu intellectus divini.

24 Dicunt denique, non ideo dici futura præsentia in actu primo, aut proxime visibilia Deo semper, & ab æterno, quia illa sint ex parte sua intrinsece ab æterno visibilia, aut potentia determinare Deum ad sui visionem, sed quia Antichristus, v.g. prout in sua figura differentia temporis existens, ex illo tunc est proxime visibile à Deo ab æterno, & ex illo tunc potest determinare, & determinat Deum ut ab æterno illum intuitivè videat. Sed contra est, quia in primis hoc non salvat, quod Antichristus sit semper, & ab æterno obiectivè in actu primo præsens Deo ab æterno, sed solum, quod quando existet post mille annos, v.g. erit præsens, obiectivè in actu primo Deo, seu intellectui divino existenti ab æterno: Sed PP. expressè dicunt, quod futura sunt semper, & ab æterno Deo præsentia, coram ipso, in conspectu illius, & non quod erunt, quando existant, præsentia Deo ab æterno præsistenti: Ergo per hanc præsentiam obiectivam in actu primo minimè salvatur præsentia, quam PP. communiter affirmant, nec illa est, quam tuerentur, sed alia, nempe præsentia physica in eternitate, quæ est semper, & ab æterno in eternitate inmutabilis, & nunquam futura, aut præterita.

25 Secundò, quia implicat, quod Antichristus in sua differentia temporis futura, seu ex illo tunc nobis futuro possit terminare, (quo minus determinare, aut movere) sui visionem intuitivam ut semper, & ab æterno existentem, nisi illa differentia temporis, seu illud tunc nobis futurum, sit physice præsens Deo ab æterno in duratione Dei, seu in sua eternitate: Ergo solutio, quæ id supponit, negando hanc physicam præsentiam illius *nunc* in eternitate, implicat in terminis, & falso

supponit. Probatur antecedens, primò, quia in hoc differt visio intuitiva à cognitione abstractiva, à memoria, & à prophetia, seu præsentiâ, quod essentialiter exigit, quod quando exercetur, seu quando intuetur obiectum, tunc illud sit in se ipso proxime visibile, & consequenter existens physice: Sed si differentia illa, seu tunc temporis in quo existet Antichristus, non sit physice præsens Deo in eo quando, seu mea duratione, in qua Deus videt, nempe in sua eternitate ab æterno, Antichristus non esset in se ipso proxime visibile, nec physice existens in illo tunc, nec in illo quando, aut duratione, in qua Deus videt, seu exercet visionem: Ergo nec posset à Deo videri ab æterno in sua duratione, nempe in eternitate; & consequenter nec posset Antichristus in suo tunc remanere, nec determinare visionem Dei, ut ab æterno exercitatu, & terminatam ad se ipsum.

26 Contra secundò: Quia ad præteritum non datur potentia, nec de præsentì, nec de futuro: si enim nihil præsens habet de præsentì vim, seu potentiam ad præteritum ante mille annos, multo minus futurum, ut pro duratione futura existens, habeat vim, aut posse erga præteritum ut ante mille annos iam præexistens: Ergo Antichristus ut mille post annos existet, prout tunc existens, seu ex illo tunc non habebit vim, nec posse determinare intellectum divinum, ut quod ante mille annos, & ab æterno ipsum viderit, nisi illud tunc nobis futurum, modo, & ab æterno sit physice præsens Deo modo, & ab æterno, alias haberet vim, & posse ad præteritum ante mille annos, & ab æterno. Explicatur: Nemo sanè mentis dicit, me modo posse movere, & determinare intellectum Prophetæ, qui vixit mille ab hinc annis, ut ante mille annos, me videret hæc scribentem, non alia ratione, nisi quia hoc *nunc*, in quo scribo, non erat, nec est physice præsens in illo tunc, quando vixit Prophetæ, nec comparatur tanquam præsens ad præsens, sed tanquam præsens ad præteritum, & præsens ad præteritum non datur posse: Sed nisi illud tunc, in quo vivet Antichristus, sit physice præsens Deo semper, & ab æterno in eternitate, comparabitur cum Deo ut modo, & ab æterno existente, non ut præsens ad præsens, sed ut præsens pro tunc ad præteritum ante mille annos, & ab æterno: Ergo non poterit pro tunc determinare intellectum divinum, ut ab æterno illum viderit, nisi datur potentia præsens, vel futuri ad præteritum, quod evidenter repugnat.

27 Nec iam est locus distinguendi, dicendo, quod id verum tenet erga intellectum creati, quia eius sphaera intuitiva, seu visiva est limitata obiectivè ad tempus, in quo præsentialiter vivit, & videt: Sed non respectu intellectus divini, cuius sphaera visiva non est obiectivè limitata, sed infinitè extensa ad omnes differentias temporis. Eæ ideo in quacunque differentia temporis obiectivè

existat, ex illo tunc est proximè visibile ab intellectu divino, & potest illum ad sui visionem determinare, vel saltem terminare eius visionem. Contra enim est, quia ex quo intellectus divinus sit infinitus in vi cognoscitiva, & infinita eius sphaera obiectiva, fieri non potest, quod obiectum, ut modo existens, possit modo determinare, aut movere ipsum, ut mille ab hinc annis, quando hoc obiectum nondum existeret physice, videret ipsum; si enim nec facere potest, quod præteritum detur potentia, aut posse: Ergo. Deinde: Omisso hoc argumento, aptissimo quidem ad probandum, quod obiectum temporale non possit esse motivum, nec determinativum intellectus divini ad sui visionem, seu cognitionem æternam. Contra est secundò, quia propterea sphaera visiva intellectus divini est obiectivè infinita, sive extensa infinited ad omnes temporis differentias ab æterno usque in æternum se succedentes, & ad omnia præsentia in quibuslibet illis differentijs temporum, quia subiectiva eius duratio est actu infinita, actu durans simul in omnibus temporum differentijs, & omnes illas claudens ut sibi physice præsentis: Sed contrarij hoc secundum non admittunt: Ergo inconsequenter supponunt, sphaeram intellectus divini esse sic obiectivè infinitam erga omnes temporum differentias. Probo maiorem, quia si per impossibile duratio subiectiva intellectus, seu scientiæ divine non esset infinita ab æterno usque in æternum, sed finiendi foret ante tempus Antichristi, quantumvis esset infinita eius vis cognoscitiva in linea cognoscitiva, non se extenderet ad videndum Antichristum intuitivè in se ipso, nec ea, quæ illo tempore, & non antea, existerent, nec illa tunc forent proximè visibilia ab intellectu divino ut modo existenti, siquidem non essent tunc visibilia intellectui præterito ante mille annos, v.g. sicut hæc mea scriptio non est proximè visibilis intellectui humano mille ab hinc annis præterito: Ergo ideo sphaera obiectiva intellectus divini se extendit infinited per omnes differentias temporum, seu omnes illas complectitur, & quæ in illis existunt, quia eius subiectiva duratio est simpliciter infinita, actu simul durans in omnibus temporum differentijs, & actu simul omnes illas claudens, & complectens ut sibi præsentis physice.

28 Confirmatur primò, quia si per impossibile vis visiva scientiæ Dei esset actu, & simpliciter infinita, sed eius duratio non esset actu, & simpliciter infinited durans simul quantum durat, sed solum successive, & in potentia, solum sequeretur, quod se extenderet obiectivè sine limite ad omnia visibilia, quæ actu visibilia forent, quando ipsa existeret, & videret, non vero ad actu videnda ea, quæ pro tunc non essent actu visibilia; sicut si daretur oculus corporeus infinited visivus, ex hoc præcisè titulo solum se ex-

tenderet ad videndos omnes colores actu visibiles, quando existeret, non vero colores futuros visibiles, quando nondum erant actu visibiles; similiterque, si daretur speculum sphaericum infinited re-præsentativum, solum sequeretur, quod actu re-præsentaret in se ipso omnia actu coram ipso existentia, non vero quod actu re-præsentaret ea, quæ actu non existerent, quando ipsum existeret, & re-præsentabat: Et similiter, si daretur lux infinita, infinited illuminativa, solum sequeretur, quod illuminaret omnia, quæ existerent actu quando ipsa existeret, & illuminabat, non vero ea, quæ tunc non existerent, quando ipsa illuminabat: Ergo ex quo scientia divina sit infinited visiva, & intuitiva, si per impossibile eius duratio non esset actu infinited durans simul quantum durat, sed solum successive, solum esset visiva, sive posset videre, quæ actu essent visibilia, quando videret, non vero ea, quæ tunc, quando videbat, non erant actu visibilia.

29 Confirmatur secundò: Siquidem tota hæc doctrina colligitur aperte ex SS. Patribus, qui, ut scientia divina intuitivè, & præsentialiter videat simul omnia, quæ nobis præterita sunt, aut futura, ut sibi præsentia, requirunt, quod scientia Dei sit æterna, seu durans per æternitatem, quæ complectitur simul omne tempus ab æterno usque in æternum, & omnes temporis differentias. Vide Boetium supra cum Commentario D. Tho. ubi prius probat scientiam Dei durare æternitatem, quæ est tota simul complectens omne tempus ab æterno usque in æternum, ut sic concludat, eam videre omnia, quæ sunt in quolibet tempore, ut sibi præsentia, & non ea præterita ut futura, sed ea videre ut præsentia. Gregorius etiam prius expogit Dei æternitatem, in qua sunt omnia præsentialiter, & post subiungit: *Is qui esse semper habet, cuncta sibi præsentia conspiciat*. Sed clarius præ omnibus D. Tho. ubi supra num. 10. Ibi enim expressè fundat, quod scientia Dei videt ea, quæ nobis futura sunt, non ut futura, sed ut præsentia, quia ordo eius ad illa non est, ut præteriti ad futurum, sed ut præsentis ad præsens; & hoc quia ipsa divina visio æternitatem mensurat, quæ est tota simul complectens omne tempus, & omnis temporis differentias, ut sibi præsentis: Ex quo ibidem explicat, quo pacto scientia divina de contingentibus falli non possit, quia sicut visus noster non fallitur videns Socratem sedere, dum sedet, quia videt hoc, cum iam præsens est, ita scientia divina falli non potest erga contingencia, quia videt ea ut sunt iam sibi præsentia, quia nempe mensurat æternitatem, quæ tota simul comprehendit, & includit totum tempus, & consequenter illud, in quo contingencia contingunt, & sunt; unde concludit, quod *si scientia Dei consideretur ut est, magis dicendum est, quod scit hoc esse*, nempe de præteriti respectu illius, & in sua duratione, quam quod scit hoc futurum, quia

quia sibi futurum non est: Sed si scientia divina posset videre obiectum, quando actu nondum esset visibile, nec sibi physicè præsens, frustra omnino exigenter PP. quod scientia divina duraret eternitate, quæ tota simul ambitur, & includeret omne tempus: Ergo dum PP. hoc requirunt, eo est, quia sentiunt, non posse videre intuitivè ut præsens obiectum, quando nondum est sibi præsens physicè.

30 Explicatur: Certissimum est PP. exigere, quod Deus, eiusque scientia sit infinitè durans ab æterno usque in æternum, duratione quæ sit tota simul, nempe eternitate, ut sic videat contingentia, non ut futura, sed intuitivè, & ut præsentia: Sed illa duratio solum exigi potest, ut futura in qualibet temporis differtètia sint physicè præsentia Deo in duratione ipsius Dei, non autem ut sint præsentia obiectivè, quia, cum duratio non sit de linea cognoscitiva, sed de linea enitativa, non facit res præsentibus obiectivè, sed entitativè, & in essendos; tum quia quod Deus simul daret ab æterno usque in æternum, & cõsequenter in omni temporis differtètia, solum conducit, ut Deus sit physicè simul præsens omnibus temporū differtentijs, tam à parte autè, quàm à parte post, & hoc solum per se exigitur, ut omnes temporum differtentiæ sine physicè præsentibus in illa infinita duratione Dei, non autem obiectivè: Tum denique, quia, ut scientia divina haberet futura sibi præsentia solum obiectivè, satis esset iuxta contrarios, quod esset infinita in linea cognoscitiva, & intuitiva, nam ex hoc præcisè haberet sphaeram obiectivam infinitè comprehendentem omnes differtentijs temporis, quamvis non esset, & quando actu non esset æternaliter durans in illis: Ergo si PP. exigunt, quod scientia duret eternitate, quæ sit tota simul, ut videat præterita, & futura ut sibi præsentia, idè est, quia exigunt, quod quando ea intuetur, in eodem quando, & duratione visionis sint iam physicè præsentia, & quod non potest ea videre ut præsentia pro duratione, pro qua nondum sint sibi physicè præsentia. Vigenur: Si PP. iudicassent possibile, quod scientia divina ut hoc tantum die finito præsens, & exercita, nondumque actu durans tempore futuro Antichristi, posset iam intueri Antichristum ut tempore futuro, & Adamum ut tempore præterito existentem, minimè exigenter ad hanc visionem, & intuitionem, quod esset æternaliter durans duratione, quæ esset tota simul amplectens tempus Adami, & tempus Antichristi, nec quod eius hodie esset sempiternum includens simul dies Adami nobis præteritos, & dies Antichristi nobis futuros, sed solum exigere, quod ut hoc die finito tantum existens, in eo haberet vim infinitè intuitivam, & sphaeram obiectivam infinitam: Sed PP. evidenter exigunt, quod Dei scientia, vel visio, non solum sit infinitè cognoscitiva, & intuitiva, sed etiam quod eius duratio, & eius hodie sit infi-

nitum, & sempiternum includens simul omnes dies nostros finitos, & diem creationis simul cum die iudicii, ut supra vidimus: Ergo quia nunquam iudicantur, nec venit in illorum mentem, quod ut hoc die finito tantum existens, seu quando nondum durat in tempore futuro Antichristi, nec perseverat durans tempore præterito Adami, posset intuitivè videre Adamum, & Antichristum, ut sibi præsentem.

31 Constat igitur, quod licet PP. aliquando explicaverint præsentiam futurorum, & præteritorum, per esse coram Deo, in conspectu illius, ab eo conspici, & intueri ut præsentia, ex his ipsis eorum testimonijs, in quibus fundant contrarij suam præsentiam purè obiectivam, manifestè convincitur, eos asseruisse præsentiam physicam, quia iuxta ipsos, videri non possunt intuitivè à Deo, nec esse in conspectu illius præterita, & futura, quando Deus non durat actu, & præsentia liter in eis durationibus; in quibus fuerunt præterita, & erunt futura; (ob hoc enim requirunt durationem æternam Dei, & totam simul), & consequenter nec quando ipsa futura, & præterita non sunt physicè, seu durativè præsentia Deo.

*PRIMA RATIO PRO CONCLUSIONE, & prima ratio impugnatur.*

32 **P**rima sit: Deus modo, & ab æterno est physicè præsens tempori futuro, in quo erit Antichristus, vel aliud futurum: Sed quandiu Deus est physicè præsens tempori, in quo erunt futura, futura sunt physicè præsentia Deo: Ergo modo, & ab æterno futura sunt physicè præsentia Deo. Probo maiorem, postea minorem probaturus: Deus modo, & ab æterno est actu durans in eo tempore, in quo erit Antichristus: Ergo modo, & ab æterno est physicè præsens illi tempori. Probo antecedens: Deus modo, & ab æterno est simpliciter, & in actu æternus, tam à parte ante, quàm à parte post; non enim Deus est æternus in potentia, aut per partes successivè, sicut Cælum, aut anima rationalis, sed ex quo Deus est, est simpliciter, simul, & in actu æternus: Sed non esset modo, & ab æterno simpliciter æternus, si modo, & ab æterno non esset actu durans in eo tempore, quo Antichristus erit: Ergo ita durans est in eo tempore. Probo minorem, quia si modo, & ab æterno non esset actu durans in eo tempore, modo esset tantum in hoc die finito actu durans, in potentia vero ad durandum tempore futuro: Sed dum aliquod tantum durat die finito, licet sit in potentia ad durandum in infinitum tempus, dum sic durat, non est simpliciter, & in actu æternus, sed ad summum secundum quid, & in potentia: Ergo si modo, & ab æterno actu



actu non duraret tempore futuro Antichristi, non esset modo, & ab æterno simpliciter æternus in actu. Confirmatur: Ex quo Deus est, est semper æternus in actu: Sed esse sempiternum est esse semper existentem, seu durantem: Ergo ex quo Deus est, est durans semper in actu: Sed modo, & ab æterno Deus est: Ergo modo, & ab æterno est durans semper in actu: Sed *semper* idem significat ac omni tempore ab æterno vsque in æternum: Ergo modo, & ab æterno est durans in actu in omni tempore ab æterno vsque in æternum, & consequenter etiam tempore futuro Antichristi. Virgetur: Deus simul vivit, & durat actu quantum potest vivere, & durare, & quantum nostro modo concipiendi vixit, & duravit, vivet, & durabit per totam æternitatem, alias enim Deus simul actu non viveret, nec duraret, quantum concipimus vixisse, & durasse, nec quantum vivere, & durare posset, aut videretur, & duraturus esset, sed maneret in potentia ad amplius vlvendum, & durandum, quo nihil absurdius excogitari posset, nec magis contrarium definitioni æternitatis, quæ est *interminabilis vita tota simul, & perfecta possessio*: Sed nostro modo concipiendi concipimus quod vivet, & durabit tempore Antichristi, & quod duravit, & vixit tempore Adami: Ergo simul in actu durat, & vivit, & tempore Adami, & tempore Antichristi: Ergo simul, & in actu est præsens physice utroque tempore: Ergo quando erat physice præsens vni, erat etiam physice præsens alteri: Ergo quando erat physice præsens tempori præterito Adami, simul erat præsens tempori futuro Antichristi, alias non simul, & in actu, sed successivè, & in potentia duraret in utroque tempore: Ergo modo, & ab æterno est physice præsens tempori futuro Antichristi, non enim est maior difficultas, ut quando erat Adamus esset iam in actu durans, & præsens tempore futuro Antichristi, quam quod sic daret modo, & ab æterno.

33 Respondetur primò; contrarij, Deum quidem ex parte sua, & in se ipso esse absolute in actu æternum, ut tamen actu, & absolute daret hoc, vel illo tempore determinato, indigere, & expectare, quod veniat illud tempus, tanquam connotatum exactum extrinsecè, ut absolute daret, & sit præsens in eo tẽpore; quia ex quo Deus sit actu æternus, solum probatur, quod ex se sit subiectivè intrinsecè necessitatus ad durandum in quolibet tempore, quando vel sub conditione quod adveniat illud tempus, per sui totius successivam replicatione in illo. Vnde denominatio absolute durantis omni tempore est denominatio Deo semiextrinsecæ, seu partim intrinsecæ, & partim extrinsecæ, importans intrinsecè ex parte Dei suam intrinsecam durationem, & extrinsecè ex parte temporis ipsius existentiam: eoque ad illam requiritur, quod non solum existat duratio intrinsecæ Dei, sed etiam quod detur actu tem-

pus, ut in illo absolute denominetur existens. Ita loquendo cum alijs.

34 Sed contra est, quia implicat, quod Deus ex parte sua, & in se ipso sit absolute in actu æternus, & quod ut daret absolute aliquo tempore, expectet, aut egeat adventu illius temporis: Ergo solutio implicat in terminis. Probo antecedens primò, quia si ex parte sua, & in se ipso est absolute æternus in actu: Ergo ex parte sua, & in se ipso est absolute durans infinite in actu: Ergo absolute durans in actu quantum durare potest: Sed implicat esse absolute durans in actu quantum durare potest, & ultra expectare tempus ad durandum eo tempore, quia alias nondum duraret in actu quantum durare posset, sed expectaret remissus ad durandum amplius: Ergo. Secundò: Implicat Deum in se ipso esse absolute, & in actu æternum, quin in se, & ex parte sua sit actu durans absolute, & adequatè ab æterno vsque in æternum: Sed quod iam est actu durans absolute, & adequatè ab æterno vsque in æternum, implicat, quod expectet ad durandum absolute hoc vel illo die connotatum aliquod extrinsecum, siquidem, quod modo iam durat absolute, & adequatè in actu ab æterno vsque in æternum, si nondum actu, & absolute durat cras, nec alijs diebus sequentibus, sed expectat tempus ad durandum actu, & absolute illis diebus? Ergo.

35 Contra tertio; quia vel Deus in se ipso independenter à tempore, & pro priori nature ad omne tẽpus, durat in se ipso absolute: Vel constituitur durans absolute in se ipso per tempus, tanquam per partiale constitutivum huius denominationis *Deus durans in se ipso*: Hoc secundum dictum non potest, quia alias Deus adequatè intrinsecè non esset æternus in se ipso, imò nec adequatè intrinsecè per se ipsum actu durans, sed miserè egeret ad durandum in se ipso subsidio temporis extrinseci, quo inadquate constitueretur durans absolute, & in actu; quo nihil absurdius excogitari potest contra summam Dei independentiam ab omni extrinsecò in essendo, & in durando: Ergo dicendum est primum, nempe quod Deus per se ipsum, & in se ipso independenter omnino ab omni connotato temporali, & à tempore extrinsecò, seu pro priori nature ad omne tempus est actu absolute durans in se ipso: Rogo nunc, vel pro illo priori, & cum illa independentia durat in se ipso duratione excedente, vel ad minus equante durationem omnis temporis possibilis ab æterno vsque in æternum, vel duratione minori? Hoc secundum dici non potest, quia duratio minor vel talis, esset actu finita, & implicat eviderent Deum infinitum durare duratione finita: Ergo debet dici primum, nempe quod Deus independenter ab omni connotato temporali, durat intrinsecè in se ipso duratione maiori, & excedente, vel ad minus æquante durationem omnis temporis possibilis

ab æterno vsque in æternum; Ergo per se ipsum, & in se ipso, independentem à connotato temporis, durat Deus plusquam, vel ad minus quantum durat, & durare potest successe omne tempus ab æterno vsque in æternum: Sed durare plus, vel quantum durat omne tempus, est, vel includit formaliter durare quandiu durat omne tempus: Sicut me durare plus, vel quantum durat vita mea, est formalissimè me durare quandiu durat vita mea: Ergo Deus per se ipsum, & in se ipso, independentem, & pro priori ad omne connotatum temporale, intelligitur absolutè in actu durans quandiu durat, vel durare potest omne tempus possibile ab æterno vsque in æternum: Sed actu durare, quandiu durat omne tempus, includit formalissimè actu durare omni tempore, sicut hominem durare quandiu durat integrum sæculum, est formalissimè durare toto sæculo: Ergo Deus independentem, & pro priori ad omne connotatum temporale, actu durat in se ipso omni tempore, & consequenter etiam tempore Antichristi.

36 Explicatur: Deus in se ipso, & independentem à tempore, plus durat, quam omne tempus: Ergo independentem à tempore tantum durat, quantum omne tempus: Ergo independentem à tempore durat, quandiu durat omne tempus: Ergo independentem à tempore durat, quando durat quodlibet tempus: Ergo independentem à tempore durat quando tempus Adami, & quando tempus Antichristi: Ergo non eget, nec expectat tempus Adami, nec tempus Antichristi, vt daret præfentialiter, & actu, quando illa tempora: Ergo per se ipsum, & in se ipso simul in actu iam durat pro priori, & independentem ab illis temporibus, quandiu, & quando illa tempora durarunt, & durabunt, & longè amplius à parte ante, & à parte post.

37 Explicatur, detegendo non rectam intelligentiam æternitatis, & nostræ sententiæ, qua laborant contrarij. Etenim, quando dicimus, Deum durare aliquo tempore, non est sensus, quod propriè duret in illo tempore, eo modo, quo res temporales tempore durant, nempe vt mensurate ipso tempore, & intra tempus, circumscriptæ in durando tempore à parte ante, & tempore à parte post; hoc enim modo Deus, nec existit, nec durat in tempore, sed existit, & durat potius extra tempus, & suprâ tempus omne, vt dicunt Patres; sed sensus est, quod durat quandiu tempus durat, cum infinito excessu penetrando, complectendo, & excedendo suâ duratione totum tempus, & omnem temporis differentiam, ad eò vt melius diceretur, tempus durare in quando, seu duratione Dei, nempe in æternitate eius, quam Deum, seu eius æternitatem durare in tempore; ad modum quo, dum dicimus Deum esse in aliquo loco, vel in omni loco, non est sensus, quod propriè sit in loco, sicut res visibiles, nempe circumscriptus à

loco, & contentus in loco; sed improprie, quod est ubi est omnis locus, cum infinito excessu penetrando, complectendo, & excedendo suâ vibratione, & immensitate omnem locum, ita vt potius dici deberet, quod loca sunt in ubi Dei, seu in immensitate Dei, quam quod Deus, cuiusque immensitas sit in loco: Tunc sic, sed vt Deus sit actu durans duratione penetrante durativè, excedente, & complectente durationem omnis temporis possibilibus, non indiget connotato temporali, nec tempore ipso, sed per se, & intrinsicè est actu, & adæquarè sic infinitè durans: Ergo. Explicatur magis: Vt motus Cœli duret quandiu durat motus horologii, nō indiget motu horologii, nec duratione ipsius, quia motus Cœli est mensura superexcedens motum horologii, & duratio illius durationem huius, & nō e contra: Sed duratio Dei est mensura durationis temporis, & non e contra: Ergo vt Deus duret quandiu tempus, non indiget duratione temporis.

38 Contra teritiò, quia dato, quod denominatione Dei durantis in tempore aliquo, de connotato importet tempus illud, non importat de connotato tempus illud, nisi vt suo tempore existens: Ergo dato casu, quod durare Deum tempore Antichristi importet de connotato tempus futurum Antichristi, solū illud importat vt de futuro in ipsomet tēpore futurum: Ergo semel supposito, quod existit in se illud tempus suo tempore, iam nihil expectat Deus, vt actu duret quando illud tempus, seu illo tempore: Sed in hac questione supponimus tempus futurum; & hoc supposito, inquirimus, vtrum Deus actu, & ab æterno sic præsens physicè, seu actu durans tempore futuro: Ergo in sensu, & suppositione questionis, Deus nihil expectat, nihil eget extrinsecò, vt actu, & ab æterno sit præsens absolutè illi tempori, sed durat actu, quando illud tempus. Explicatur primò: Deus vt sit physicè præsens Antichristo, præcisè desiderat, quod Antichristus aliquando, vel aliqua duratione totius æternitatis existat, non vero, quod existat in hac præfenti duratione, potius quam in futura, vel præterita: Sed supposito, quod Antichristus sit futurus, vt modo supponimus, supponimus illum existere in aliqua duratione totius æternitatis: Ergo in prædicta suppositione, nihil Deus expectat, nulloque amplius eget, vt sit actu præsens Antichristo, & actu durans, quando ipse, & tempore illius. Et consequenter iam actu durat, & est physicè præsens Antichristo. Probo maiorem à paritate, quia ex quo Deus est immensus, licet vt sit penetratus cum aliquo corpore, seu ubi est tale corpus, eget vt connotato, quod tale corpus alicubi existat intra spatium immensitatis, non tamen quod in hoc loco determinato potius, quam in distantissimo existat: Sed Deus æquè est æternus, ac immensus: Ergo vt sit physicè præsens, & durativè penetratus cum

cum

cum existentia Antichristi, licet egeat, ut connota-  
to, quod Antichristus existat in aliqua duratione  
totius aeternitatis, non tamen eget, quod in hac  
potius, quam in futura, vel praeterita.

39 Explicatur secundò: Deus non expec-  
tat, quod veniat duratio, aut tempus Antichristi,  
ut sit physice praesens illi tempori, vel durationi  
Ergo iam est actu praesens illi tempori, & dura-  
tioni. Probo antecedens, quia Deus expectare ne-  
quit, quod veniat illud tempus Antichristi, nisi ex-  
pectando, quod veniat ad se post suam praesen-  
tem durationem, vel ad suam praesentem duratio-  
nem: Sed Deus expectare non potest, quod veniat  
ad se post suam praesentem durationem, alias Deus  
duraret successive pluribus durationibus, una post  
aliam: Deinde nec quod veniat ad se in sua pra-  
esenti duratione: Ergo nullo modo expectare po-  
test, quod veniat tempus illud Antichristi. Probo  
minorem, quia implicat ex duabus durationibus  
semel distantibus vnam venire ad aliam, vel ei  
appropinquari; siquidem durationes, quae semel  
sunt distantes, essentialiter sunt distantes, sicut  
ubi cationes, quae semel sunt distantes, essentialiter  
sunt distantes; unde sicut implicat, quod *ubi Ro-*  
*mae* veniat ad *ubi* Matriti, ita implicat, quod *quan-*  
*do*, sive duratio futura Antichristi veniat ad *quan-*  
*do* praesens, seu ad praesentem durationem: Ergo  
implicat in Deo, quod tempus, seu duratio futura  
Antichristi veniat ad se in sua praesenti duratione.  
Explicatur tertio: Licet res durans possit expecta-  
re quod veniat, & appropinquet duratio futura;  
implicat tamen quod duratio praesens expectet  
quod adveniat, vel appropinquet duratio futura,  
alias enim duratio praeterita Adami expectasset  
adventum huius temporis, & in hoc tempore, non  
praeterita, sed praesens esset, quod ridiculum est, &  
chimericum: Ergo duratio praesens Dei expecta-  
re non potest, quod adveniat duratio futura. Anti-  
christi: Ergo vel nunquam erit physice praesens  
durationi futurae Antichristi, vel iam, illam non  
expectando, est illi physice praesens, & nunquam  
fuit ab illa distans, nec physice absens; quod de-  
fendimus.

40 Dices forsan, quod licet duratio suc-  
cessiva determinata, quia essentialiter transitoria,  
non possit expectare, quod veniat altera, tamen  
duratio permanens, & fixa, qualis est duratio Dei,  
bene potest expectare, quod adveniat duratio futu-  
ra Antichristi; & ei successive appropinquet,  
per continuam nempe sui totius replicationem in  
durationibus venientibus, & transsuntibus usque  
ad futuram Antichristi. En genuinam mentem  
P. Iquierdo. Sed contra est, & quarto impugno  
datam solutionem, primò ex supra dictis *Disput.*  
*2. quaest. 15. n. 20.* contra replicationem aeternita-  
tis. Secundo, quia implicat in terminis, duratio-  
nem infinitam totam replicari: Sed duratio Dei  
est infinita duratio: Ergo implicat in terminis so-

lutio, dum ait, appropinquare durationem Dei  
durationi Antichristi per sui totius replicationem.  
Probo maiorem: Implicat durationem infinitam  
semel, & iterum, atque iterum totam exerceri:  
Sed replicari est eam semel, & iterum, atque ite-  
rum totam exerceri: Ergo & replicari. Probo mi-  
norem: Durationem infinitam totam exerceri, est  
actu durare infinitè: Sed implicat durationem in-  
finitam semel, & iterum, atque iterum infinitè du-  
rare, nam post vnum durare infinitè non est aliud  
durare infinitè, alias post vnam aeternitatem esset  
alia aeternitas, & post illam alia; quod est ridicu-  
lum, & chimericum, destruitque conceptum  
aeternitatis: Ergo. Confirmatur: Quando aliquid  
permanens replicatur iterum, atque iterum in  
succedentibus durationibus, evidens est, quod  
quanto amplius replicatur, tanto amplius durat:  
Sed implicat in terminis, durationem actu infini-  
tam amplius, & amplius durare, alias duraret  
plusquam infinitè: Ergo implicat in terminis, du-  
rationem infinitam actu totam iterum, atque ite-  
rum replicari. Confirmatur secundò: Si replicare-  
tur tota duratio, seu aeternitas Dei, replicaretur in  
quolibet momento, & instanti tota: Sed implicat  
in terminis durationem infinitam, seu aeterni-  
tatem replicari totam in quolibet momento, vel  
instanti, quia eo ipso finitissima foret, utpote actu  
non excedens momentum, vel instanti; siquidem  
egeret sui totius replicatione ad durandum in  
alio momento, vel instanti, iuxta nunquam actu  
duraret plusquam vno momento, vel instanti:  
Ergo.

41 Nec dici valet, esse actu infinitam, quia  
licet nunquam constituat Deum actu durantem  
plusquam vno momento, aut instanti, constituit  
tamen Deum necessitatum ad durandum infinitè  
per omne tempus ab aeterno usque in aeternum.  
Nam contra est, primò, quia duratio non consistit  
in necessitate durandi, sed in exercitio durandi,  
est enim vltima actualitas in suo genere: Ergo fal-  
so constituitur duratio Dei per hoc, quod consti-  
tuat Deum necessitatum ad durandum infinitè, &  
non per ipsum actu durare infinitè. Secundò:  
Deus per suam essentiam sub conceptu efficientie  
est necessitatus ad durandum infinitè, quin tamen  
essentia Dei sit formaliter ipsa Dei duratio infini-  
ta: Ergo non consistit duratio actu infinita in ne-  
cessitate durandi infinitè. Tertio: Nemo consti-  
tuit volitionem divinam in necessitate volendi  
infinitè, nemo intellectionem infinitam in neces-  
sitate intelligendi infinitè, sed in actuali exerci-  
tio volendi, & intelligendi infinitè: Ergo nec du-  
ratio infinita debet consistere in necessitate duran-  
di infinitè, sed in actuali exercitio durandi infini-  
tè. Quarto: Si duratio divina nunquam consti-  
tueret Deum actu durantem plusquam vno in-  
stanti, nunquam constitueret Deum actu duran-  
tem plusquam singulis, & finitissimè, ut per se pa-

Sed implicat, durationem pro solo vno instanti, & non amplius constituere suum subiectum necessitatum ad durandum infinite; durare enim actu finitum, quomodo potest constituere subiectum metaphysicę necessitatum, aut determinatum ad durandum plusquam finitę? Quisquid: Duratio actu infinita, actu communicata subiecto capaci, implicat quod illud non constituat actu infinite durans: Sed duratio Dei per se est actu infinita, actu communicata Deo summe capaci: Ergo implicat quod ipsum non constituat actu infinite durantem: Ergo implicat quod constituat illum actu durantem non amplius quam vno instanti, ita vt egeat replicari successivę, vt constituat illum durantem in reliquis sequentibus. Sexto: Implicat duratio actu indifferens ad durandum hoc, vel illo die, quia duratio essentialiter est vltima determinatio in durando, ac per consequens incapax indifferentię ad diversa tempora, vel durationes, alias enim egeret alia duratione ad durandum, quod est contra rationem essentialem durationis: Sed si duratio Dei duraret per sui replicationem, ex se esset indifferens ad durandum hoc, vel illo die, quia iam duraret vno, quando nempe replicaretur in illo, iam in alio, quando in illo replicaretur, & ex se esset capax disiunctim replicari in vno, & in alio: Ergo non esset duratio, quominus infinita, sed res durans diversis durationibus.

42 Ex quo iam inferitur, denominationem durantis infinite, eternaliter, & consequenter omni tempore, minime esse partim extrinsecam Deo, constitutamque per connotata temporalia durationum finitarum. Tum quia alias duratio, & eternitas Dei non esset illi adequate intrinseca, quod nescio an vllus concedat. Tum quia Dei duratio continet eminenter omnem temporis durationem; implicat autem, quod egeat ad durandum ea duratione extrinseca, quam in se eminenter continet: Tum quia est contra rationem durationis infinite, imo & finitę constitui durantem alia duratione distincta, & sibi extrinseca, alias non esset vltima actualitas in ea linea: Est ergo denominatio adequate intrinseca Deo. Dato autem, quod denominatio durantis in tempore, importaret de connotato illud tempus vt existens, non importat illud expectando illud, aut eius existentiam, sed complectendo illud intra infinitatem suam, seu intra eternitatem, & sic sicut semper est eternitas complectens omne tempus, semper est durans illo tempore, supposito quod illud tempus sit in sua durationi futura, aut preterita, qualiscunque sit, quia omnes actu complectitur intra suam infinitam durationem.

\*\*\*

ALLA EVASIO, ET SECUNDA RATIO pro conclusionē.

43 Respondent secundò contrarij, ex dictis solum probari, quod Deus in se ipso, seu quantum est ex se semper, & ab æternitate sit præsens simul omnibus præteritis, & futuris, quia in se semper est æternus, & consequenter semper durans simul ab æterno vsque in æternum. Sed ex hoc non sequi, quod futura semper, & ab æterno sint Deo physicę præsentia, quia ipsa futura solum possunt esse Deo physicę præsentia, quando existunt physicę; cum autem ipsa physicę non existant semper, & ab æterno, nec semper, & ab æterno possunt dici physicę præsentia Deo.

44 Sed contra est primò, quia SS. PP. vt re legenti eorum tabulas constabit, sæpius, imò ferè semper, dicunt, quod præterita, & futura sunt indifferenter præsentia Deo in illo hodie, & in illa Dei eternitate, quam quod Deus sit illis semper præsens: Ergo semel hoc admissio, potiori titulo dicendum est secundum. Secundò sic arguo, & simul probo minorem primi syllogismi ex num. 32. Quia præsentia physica vnus ad aliud essentialiter est mutua: Ergo quodcumque Deus est physicę præsens Antichristo, v. g. etiam Antichristus est physicę præsens Deo: Ergo semel admissio, quod Deus semper sit physicę præsens Antichristo concedi debet, quod Antichristus semper, & ab æterno est physicę præsens Deo. Antecedens probatur, quia physica præsentia vnus ad aliud est simul tanea, & præsentialis existentia vnus in eadem duratione, siue in eodem quando, in quo præsentialiter existit aliud: Sed hæc essentialiter est mutua; quia implicat, quod ex duobus, A. v. g. & B. A. existat de præsentia, quando de præsentia existit B, quin B. existat etiam de præsentia, quando existit A, in eodem quando, & in eadem duratione: Ergo præsentia physica vnus extremi ad aliud est essentialiter mutua. Sed quid, quid de hoc sit.

45 Secundò probo conclusionem, & consequenter, quod etiam futura sunt semper, & ab æterno in eternitate physicę præsentia Deo: Futura aliquando in eternitate sunt Deo physicę præsentia: Sed idem est re ipsa aliquando in eternitate, ac semper in eternitate: Ergo re ipsa semper in eternitate sunt Deo physicę præsentia: Ergo, & ab æterno in eternitate. Minor, in qua sola est difficultas, probatur, quia aliquando in eternitate est idem formalissimè, ac in aliquo quando eternitatis, & semper in eternitate est idem formalissimè, ac in omni quando eternitatis: Sed quodlibet quando eternitatis idem est re ipsa, ac omne quando eternitatis: Ergo aliquando in eternitate est idem re ipsa, ac semper in æter-

æternitate. Minor probatur, quia nullum *quando* æternitatis re ipsa distinguitur ab illo alio *quando* æternitatis, quia in æternitate non est multiplex, imò nec duplex *quando* re ipsa distinctum, cum tota æternitas sit vnum simplicissimum *quando*, sicut vna simplicissima duratio: Ergo quodlibet *quando* in æternitate est omne *quando* æternitatis.

46 Explicatur primò: (nam hæc ratio sola explicatione eget) Si daretur in æternitate aliquod *quando*, quod re ipsa non esset omne *quando* in illa, daretur in æternitate *quando* re ipsa distinctum ab alio *quando* ipsius æternitatis: Sed hoc est falsissimum, quia in æternitate nemo agnovit duplex *quando* vtrumque re ipsa distinctum ab alio, sed omnes fatemur, quod est tantum vnum simplicissimum *quando*, sicut vna simplicissima, & indivisibilis duratio: Ergo non datur in æternitate vllum *quando*, quod re ipsa non sit omne *quando* in illa: Ergo si futura sunt physice præsentia in aliquo *quando* æternitatis; etiam in omni *quando* illius: Ergo si aliquando in æternitate, semper in æternitate. Secundò: *Aliquando* idem est formalissimè ac in aliqua duratione; & semper formalissimè est idem, ac in omni duratione: Ergo *aliquando* in æternitate idem est formalissimè, ac in aliqua duratione æternitatis, & semper in æternitate idem est formalissimè, ac in omni duratione æternitatis: Tunc sic, sed idem est re ipsa aliqua duratio æternitatis, ac omnis eius duratio, quia non datur in tota illa nisi vna simplicissima duratio, quæ re ipsa est omnis eius duratio in actu: Ergo idem est re ipsa *aliquando* in æternitate, ac semper in æternitate: Ergo si futura sunt aliquando physice præsentia in æternitate, etiam semper in æternitate. Tertiò, & vrgentius: Si futura, v. g. si Antichristus non esset physice præfens Deo semper in æternitate, sed solum aliquando, aliquando in æternitate esset physice præfens; & aliquando in æternitate non esset physice præfens: Sed hoc est falsum, & impossibile, quia alias daretur duplex *quando* in æternitate, vnum *quando* esset physice præfens, & aliud *quando* non esset physice præfens, quod aperte repugnat in æternitate simplicissima, & tota simul, qualis modo supponitur: Ergo pariter est impossibile, quod Antichristus aliquando, & non semper in æternitate sit physice Deo præfens.

47 Quare, quia *nunquam non* idem valet, ac *semper*, sicut nullus non valet *omnis*: Sed Antichristus nunquam non est in æternitate physice præfens: Ergo semper in æternitate est physice præfens, & consequenter ab æterno in æternitate. Probo minorem: Non est assignabile in tota Dei æternitate quando non fuerit præfens physice Antichristus; liquidem nullum *quando*, nullum *nunc* est assignabile in Dei æternitate, nisi æternum in actu, quo nempe Deus durat æternaliter in actu, sive quod idem est, ab æterno vsque

in æternum simul, & in actu, & in hoc *nunc*, seu *quando* sic æterno ab idubio Antichristus est Deo physice præfens: Nullum ergo est assignabile *quando* in tota Dei æternitate, in quo Antichristus non sit Deo physice præfens: Ergo nunquam in æternitate non est Deo physice præfens; vel assignent contrarij, quando. Quintò: Ex quo Deus exiit, & quodcumque Deus exiit, est illi physice præfens Antichristus: Sed idem valet, *ex quo Deus exiit*, ac si dicamus *ab æterno*, & similiter *quandocumque Deus exiit*, ac si dicamus *semper*: Ergo semper, & ab æterno est Deo physice præfens Antichristus. Probo maiorem: Quodcumque Deus exiit, & ex quo exiit, exiit infinitè in actu, & æternaliter in actu, sine principio videlicet nec fine: Sed quodcumque sic exiit, & ex quo sic exiit, est illi physice præfens Antichristus: Ergo. Probo minorem, quia quodcumque, & ex quo Deus sic exiit, exiit plusquam omni tempore, penetrando durativè omne tempus, & actu excedendo, & completendo à parte ante, & à parte post, omne tempus; hoc enim est existere infinitè in actu, & æternaliter in actu: Sed quodcumque, & ex quo Deus exiit plusquam omne tempus, penetrando durativè, excedendo, & completendo omne tempus à parte ante, & à parte post, illi est physice præfens Antichristus: Ergo ex quo, & quodcumque exiit infinitè in actu, & æternaliter in actu, est illi physice præfens Antichristus.

48 Sextò: Quidquid durat præfentialiter in tota duratione Dei, est illi physice præfens ex quo exiit, & vsque dum exiit, & quando durat; sicut quia terra, v. g. exiit, & durat in tota duratione Cœli, est illi physice præfens, & coexistens ex quo durat, & vsque dum duret, seu quandiu durat Cœlum: Sed Antichristus exiit, & durat in tota duratione Dei, nempe in Dei æternitate, quæ essentialiter est tota simul: Ergo durat, & est physice præfens Deo ex quo Deus exiit, & durat, & quandiu durat, & exiit, & consequenter semper in æternitate. Explicatur hoc ipsam: Quidquid coexistet creaturæ æternæ à parte antea, & à parte post, sive existenti ab æterno vsque in æternum, (supponamus illam gratia disputandi possibilem) si illi coexistet in tota eius duratione, esset illi physice præfens ab æterno, & vsque in æternum: Sed quælibet creatura semel existens, coexistit, & est physice præfens Deo existenti ab æterno vsque in æternum, & in tota eius duratione: Ergo est illi coexistens, & physice præfens ab æterno vsque in æternum.

49 Respondet P. Izquierdo, quod qui coexistet integræ durationi divisibili carenti principio, & fine, seu ab æterno vsque in æternum, coexistet illi ab æterno vsque in æternum; secus autem, quod coexistit toti, & integræ durationi indivisibili carenti principio, & fine, quæ

totum tempus replet utrinque infinitum per sui totius temporalis replicationem, & hoc pacto se habere durationem, sive aternitatem Dei. Sed quis non videat manifestam contradictionem, nempe, quod duratio Dei actu careat principio, & fine, seu quod sit actu infinita durativè, & quod repleat totum tempus per sui temporalem replicationem? Sane, si vt repleat durativè duo momenta temporis, indiget, quod tota replicetur in secundò; non ergo ea duratio est actu maior, quam duratio vnius momenti, quia etiam duratio vnius momenti, si replicaretur in duobus, & tribus, & mille, omnia illa repleteret successivè, quamvis finitissima, & limitatissima, habensque actu principium, & finem; sibi ergo manifestè contradicit, dum ex vna parte supponit durationem Dei actu infinitam, & ex alia vult quod repleat durativè tempus per continuum sui totius replicationem in singulis temporum momentis. Deinde sic argumentor: Non minus infinita actu est tota Dei duratio, quam foret infinita tota duratio illius creaturæ existentis ab æterno vsque in æternum, hoc enim vix catholicè negari potest: Sed vt tota duratio illius creaturæ repletur durativè omne tempus, non ei opus esset sui totius replicatione in quolibet temporis momento, immo implicaret illam semel replicari, quia infinita: Ergo multo minus infinita Dei duratio, seu æternitas ad replendum durativè omne tempus, eget sui totius replicatione, magisque in illa est impossibilitas huiusmodi replicatio.

### TERTIA EVASIO PRÆCLVDITVR.

50 **P**ropterea alij respondent, æternitatem quidem esse totam simul realiter formaliter, quia realiter formaliter est vna simplex duratio; verumtamen esse virtualiter successivam, & continuam virtualiter ex pluribus durationibus virtualiter distinctis, seu ex pluribus virtualitatibus eiusdem durationis, ita vt penes vnam correspondeat vni parti temporis, & penes aliam alteri, & sic successivè alijs, vnde dum correspondet temporis præsentis per vnam virtualitatem, non correspondet temporis præterito Adami, v. g. nec temporis futuro Antichristi, & sic nec simul est illi physicè præsens Adamus, & Antichristus. Hæc quidem solutio speciosa videtur, sed re ipsa nihil solidi habet, immensamque potius difficultatem. Vnde.

51 Contra est primò, quia propterea ponuntur in Deo illæ plures durationes virtualiter distinctæ, vt Deus secundum vnam daret hodie, secundum aliam cras, &c. Sed hoc est impossibile, nisi realiter distinguantur: Ergo implicat talis distinctio virtualis durationum, cum realium identitate. Probo minorem, quia implicat, quod Deus hodie daret secundum vnam

durationem, & cras secundum aliam, nisi hodie daret secundum hodiernam, & non secundum crastinam, & cras daret secundum crastinam, & non secundum hodiernam, nam si hodie daret secundum vtramque, & cras similiter secundum vtramque, frustranea esset distinctio virtualis vtriusque: Sed impossibile prorsus est, quod Deus hodie daret secundum vnam, & non secundum aliam, nisi realiter distinguantur vna, & alia: Ergo. Probo hanc minorem, quia impossibile est, quod hodie daret secundum vnam, & non secundum aliam, quin vna existat hodie, non alia; nam si vtraque existeret hodie, secundum vtramque daret hodie: Sed impossibile prorsus est, quod hodie existat vna, & non alia, quin realiter distinguantur; quia existens à non existente realiter distinguitur, sicut ens actu, à non ente actu: Ergo.

52 Nec valet dicere, quod vtraque existit hodie entitativè, & formaliter, seu quoad totam entitatem, & formalitatem, sed vna deficit virtualiter, seu quoad virtualitatem correspondentem crastinò die. Nam contra est, primò, quia si hodie existit vtraque, nempe hodierna, & crastina quoad totam entitatem, & formalitatem, seu entitativè, & formaliter: Ergo vtraque constituit hodie Deum entitativè, & formaliter durantem, licet vna illum non constituat virtualiter, quia virtualiter deficit: Ergo hodie erit Deus entitativè, & formaliter actu durans hodierna, & crastina die, sive hodie, & cras, licet non sit virtualiter durans cras: Ergo simul erit entitativè, & formaliter præsens omni temporis, quod nobis sufficit, quidquid sit de ly *virtualiter*; potissima enim difficultas potius est in eo quod Deus simul, & semper sit formaliter præsens omni temporis, tam præterito, quam futuro; quam in eo quod sit virtualiter præsens. Explicatur: Implicat, quod modo existat in Deo actu, & formaliter tota eius duratio, sive æternitas, quin constituat dum actu, & formaliter æternum, seu actu, & formaliter æternitatem durantem: Ergo constituet eum semper formaliter durantem: Ergo formaliter durantem ab æterno vsque in æternum: Ergo formaliter durantem tempore Antichristi: Ergo formaliter illi temporis præsentem. Hoc si concedatur, non disputamus de ly *virtualiter*.

53 Contra secundò, quia in Deo repugnat distinctio virtualis, vi cuius de ipso, aut de illis formalitatibus, aut virtualitatibus eius, prout est à parte rei, verificentur contradictoria, vt ostendimus supra, Disp. 2. q. 10. præsentem à n. 56. Ergo implicat in illo durationes, aut virtualitates, ita virtualiter distinctæ, vt re ipsa, & à parte rei daret actu secundum vnam, & non secundum aliam: Sed eo ipso, quandoque Deus durat secundum vnam, re ipsa, & à parte rei durat secundum

dem omnes: Ergo quandocumque durat, durat re ipsa, & à parte rei omni tempore, cui ille omnes correspondet: Ergo quandocumque durat, re ipsa, & à parte rei est formaliter praesens omni tempori, cui ille omnes virtualitates correspondent: Ergo & tempori Antichristi, cui aliqua virtualitates correspondent.

54 Contra tertio, quia licet aliqui admittant, quod ratione distinctionis virtualis verificari possint à parte rei contradictoria de eodem realiter, nullus tamen admittit, quod possint verificari haec contradictoria, nempe *existere, & non existere*: Ergo adhuc admissa distinctione virtuali durationum in Deo, admitti nequit, quod vna re ipsa, & à parte rei existat, quando alia non existit re ipsa, & à parte rei; alias verificaretur de duobus solum virtualiter distinctis, quod vnum realiter à parte rei existeret, & non aliud: Ergo quandocumque vna duratio Dei re ipsa existit, existunt re ipsa, & à parte rei omnes durationes, seu virtualitates virtualiter ab illa distinctae: Ergo omnes re ipsa, & à parte rei erunt simul, nempe, & virtualitas correspondens tempori praeterito, & virtualitas correspondens tempori futuro: Ergo revera, & à parte rei Deus simul erit durans secundum omnes durationes virtualiter distinctas, & consequenter tempore Adam, & tempore Antichristi simul re ipsa, & à parte rei: Hoc ergo est quod defendimus.

55 Contra quartò: Quia licet Theologus saepe distinguat in Deo virtualiter à parte rei, & per rationem cum fundamento attributa, & perfectiones diversas, tamen insolitum est in eodem attributo distinguere virtualiter, & per rationem cum fundamento plura attributa, & perfectiones eiusdem nominis, v. g. in scientia Dei plures scientias, in visione Dei plures visiones, in essentia Dei plures essentias, aut in *vbi* Dei plura *vbi*, vel plures vicationes: Ergo nec in Dei duratione licet distinguere virtualiter, & per rationem cum fundamento in re plures durationes virtualiter, aut ratione distinctas cum fundamento. Vergetur: Nam vel distinguimus virtualiter, & per rationem cum fundamento in Deo plures durationes finitas, vel plures durationes infinitas? Neutrum dici potest: Ergo nec admitti talis distinctio durationum. Probo minorem quoad primam partem, quia distinguimus nequeunt in Deo, nec virtualiter, nec per rationem, quae revera, & propriè in ipso non sunt: Sed in Deo non sunt plures, nec vlla duratio finita: Ergo distinguimus nequeunt in Deo virtualiter, nec per rationem cum fundamento plures durationes finitas, sicut nec distinguimus in Deo plures scientias finitas, nec plures sapientias finitas, nec plures potentias finitas, nec plures iustitias finitas, & sic de reliquis. Deinde quoad secundam partem: Quia

duratio infinita essentialiter est aeternitas: Sed non possumus in Deo distinguere virtualiter, nec per rationem cum fundamento plures aeternitates, nullus enim dixit esse in Deo plures aeternitates virtualiter, aut cum fundamento ratione distinctas, sicut nec plures immanitates, aut plures omnipotentias: Ergo.

56 Dices, te non distinguere in Deo, nec virtualiter, nec per rationem cum fundamento plures durationes, sed solum plures virtualitates eiusdem durationis. Sed contra, nam vel eiusdem virtualiter durationis, vel eiusdem realiter durationis, multiplici autem virtualiter? Si eiusdem virtualiter durationis, quomodo in illa distinguimus plures virtualitates? Siquidem duratio etiam virtualiter vna, & simplex, non habet re ipsa, nisi vnam, & simplicem virtualitatem. Si vero eiusdem durationis realiter, sed multiplici, aut duplici virtualiter: Ergo iam distinguimus duplicem virtualiter durationem, & non solum duplicem virtualitatem; duas durationes virtualiter distinctas, & non solum duas virtualitates. Rursus, nam vel distinguimus plures virtualitates finitas, vel plures actus infinitas? Si plures finitas: Ergo distinguimus in Deo virtualitates, quae re ipsa in ipso non sunt, siquidem in Deo nulla est virtualitas finita. Si plures infinitas: Ergo plures aeternitates virtuales, siquidem virtualitas infinita durativa est aeternitas virtualis. Quis autem distinguit in Deo plures aeternitates virtuales? Vnde ad quas angustias reducat distinctio illa virtualis durationum intrinseca in Deo. Vide supra *Disput. 2. quaest. 10. numer. 56.*

57 Dicendum ergo est, quod quando dicimus, aeternitatem Dei eminenter, seu virtualiter esse plures, & omnes durationes possibili, non est sensus, quod intrinsecè in ipso Deo distinguuntur plures durationes virtualiter, nec plures virtualitates actu, & subiectivè plures intrinsecè, & quantum est ex parte ipsius Dei, adhuc per rationem cum fundamento in Deo; sed dicuntur plures solum extrinsecè, & connotativè, seu in obliquo, non autem subiectivè in recto, quia nempe unica simplicissima Dei duratio, simplicissima quidem ex parte ipsius Dei, tam formaliter, quam virtualiter, & omni modo, continet eminenter omnes durationes creatas distinctas, & distantes, & omnibus illis actu, & simplicissimè simul correspondet, continentia, & correspondentia subiectivè ex parte Dei simplicissima, & solum extrinsecè ex parte durationum, quas continet, & quibus correspondet, multiplici, ita ut ex parte Dei sit vna simplicissima virtualitas intrinsecè, subiectivè, & in recto, sed multiplex ex parte connotati multiplici durationis, quibus correspondet, & quas continet actu. Ex quo iam planè inferitur, quod Deus ex parte sua

semper in actu est simul præsens omnibus temporibus, & durationibus præteritis, præsentibus, & futuris, absque omni successione, aut replicatione ex parte ipsius Dei: Tunc sic, sed eo ipso omne tempus, & duratio, tam præterita, quam futura est simul præsens Deo in illa sua tota, & simpliciter duratione, semper, & quodcumque Deus existit, & ex quo Deus existit Ergo.

**ALIÆ DVÆ RATIONES PRO  
nostra sententia.**

58 **T**ertio probatur conclusio: Negari nequit, quod eternitas est duratio infinita ab æterno vsque in æternum claudens, continens, & ambiens simul omnia tempora, & quæ in eis sunt, tum quia talis dicitur à PP. vt ex eorum indice constat; tum ex dictis *Disput. 2. q. 1. §. 5. à num. 20.* & 24. Sed implicat, illam simul claudere, continere, & ambire omnia tempora, & quæ in eis sunt, nisi in ea sint simul præsentia omnia tempora præsentia, præterita, & futura, & quæ sunt in quolibet ex his temporibus: Ergo in æternitate sunt simul præsentia omnia tempora, & quæ in eis existunt: Ergo quando in ea est præsens tempus Adam, & ipse Adamus, tunc etiam est in ea præsens tempus Antichristi, & ipse Antichristus, & contra: Ergo semper, & ab æterno, quia non est maior ratio vnus, quam alterius, nec maior difficultas in vno, quam in alio.

59. Respondet P. Isquierdo, quem semper simulat hic modus loquendi; quod *eternitatem intrinsecam Dei ambire omne tempus*, eo solum sensu verum est, quia ipsa, semper stans, omnibus partibus temporis successivè fluentibus successivè correspondet, sive coexistit; non vero quia omnia illa ambiat, & complectatur in se simul. Sed contra est, quia licet iste sit sensus contrariorum, adversatur tamen PP. qui expressè asserunt, eternitatem complectere, claudere, continere, ambire omne tempus simul. Vnde Anselmus supra aiebat: *Non est illud præsens temporale sicut nostrum, sed æternum, in quo tempora cuncta continentur*, & ne iterum dicas, contineri successivè, subiungit: *Nam quæ ad modum præsens tempus continet omnem locum, & quæ in quolibet loco sunt, ita æterno præsentia simul clauduntur omne tempus, & quæ sunt in quolibet tempore.* Ex P. Damianus: *Quod in illo bodie sempiterno dies illa adhuc immobilis est, quo mundus sumptis exordium, & ille iam nihilominus est, quo mundus iudicandus est.* Prosper. *quod cuncta ei assistunt acta, & agenda simul.* Gregorius, *quod quæ in se ipsis simul existere non possunt, illi simul omnia assistunt*, nihil quæ in illo præterit, quod transiit. Ex Div. Thom. *Æternitas tota simul existens ambit totum tempus.* Ex totum tempus includit, nec alicui parti temporis deest, Item præfatus sensus eludit locu-

siones PP. nam eternitatem correspondere successivè omnibus partibus temporis, non tam explicat, quam negat ipsam continere, includere, claudere, complectere omne tempus, vt PP. loquuntur.

60 Rursus, si *eternitas semper stans omnibus partibus temporis successivè fluentibus successivè correspondet, & coexistit*: Ergo coexistit vni post aliam, & aliz post illam, &c. Ergo nunquam coexistit, nisi vni: Quo ergo pacto omnes complectitur? Omnes claudit? Sanè equo iure posset dicere, quod vna fixa manens complectitur, claudit, & continet totam longitudinem cunctivlnarem, quia fixa manens, vt solet, correspondet successivè toti illi longitudini transeunti per ipsam; & similiter, quod columna in medio fluvij complectitur, & claudit totum fluvium ab ortu vsque ad mare, quia fixa manens correspondet successivè toti fluvio, & omnibus eius partibus successivè fluentibus; quod tamen, nisi illustrare, dici non posset. Demum, quia si æternitas fixa manens correspondet successivè cunctis temporis partibus fluentibus: Ergo per illam transeunt omnes temporis partes: Ergo iam per illam transeunt integra secula, & alia restant transitura: Ergo illi sunt illa præterita, hæc ventura, seu futura. Item: Ergo etiam illa transibit per secula præterita, siquidem verum esse non potest, quod per illam transeunt anni, & secula, nisi pariter verum sit, quod illa transierit per annos, & seculas; sic verum esse non potest, quod per me transierint quadraginta anni, quin ego pariter transierim per quadraginta annos. Quo ergo pacto eternitas dicitur *fixa manens*, aut tota simul, si sic transit? Si relinquit post se tempus præteritum, & expectat tempus futurum, & nunquam simul coexistit, nisi in momento præsentis? Vide sanè, an hoc conciliari possit eum SS. PP. constanti traditione supra expensa? Vide etiam, an questio ista sit solum de voce, an de re, & quidem maximi momenti.

61 Quare probatur conclusio, ratione D. Augustini supra expensa *num. 3.* Etenim, si futura non sunt physice præsentia Deo in sua eternitate semper, & ab æterno: Ergo non semper, & ab æterno cognoscit Deus illa intuitivè vt sibi actus præsentia, sed ab æterno cognoscit illa abstractivè vt physice sibi absentia vsque ad tempus, in quo existit, & tunc incipit ea cognoscere intuitivè vt sibi physice præsentia: Sed hoc est absurdum, nam si hoc ita esset, vis Deus cognosceret futura, primo abstractivè vt absentia; secundò intuitivè vt præsentia, & modus ea intuendi vt præsentia, adveniret scientiæ Dei in tempore, aliquidque accideret temporaliter scientiæ Dei, quod absurdissimum, & falsissimum est, vt inquit Augusti. Ergo, ne hoc dicatur, dicendum est, esse Deo physice præsentia in sua eternitate semper, & ab æterno.



Confirmatur: Scientia Dei de futuris absurdum est verè iudicativa, verèque iudicat ipsorum existentiam. Vel ergo semper iudicat de praesenti *Antichristus existit*; vel ab eterno iudicat de futuro *Antichristus existit*; vsque dum adveniat tempus Antichristi, & tunc iudicare incipiet de praesenti *Antichristus existit*? Si primum: Ergo semper, & ab eterno Antichristus existit de praesenti respectu Dei in sua eternitate, alias Deus falleretur iudicans de praesenti *Antichristus existit*, quando nondum existeret de praesenti, sicut ergo falleret, si iudicaret de praesenti *Antichristus existit*, quia in mea duratione non existit de praesenti Antichristus. Si dicatur secundum: Ergo Deus incipiet in tempore Antichristi iudicare de praesenti *Antichristus existit*: Ergo aliquid adveniet temporaliter scientiæ Dei, quod absurdissimum, & falsissimum reputat August.

62 Huic sanè vigentissimo argumento, respondet primò P. Izquierdo, eque in nos militare, quia negare non possumus, quod quando veniat tempus Antichristi, Deus iudicabit de praesenti Antichristus existit in propria mensura; hoc autem non potuisset iudicare ab eterno, & semper, nec vsque ad tempus Antichristi, quia alias Deus falleretur, cum Antichristus non existeret semper, & ab eterno in propria mensura, ut nos ipsi fatemur: Ergo eque non premit praefatum argumentum, ac contrarios. Sed contra est, quia negamus suppositum, nempe quod Deo adveniat de novo tempus Antichristi, Deus enim in sua eternitate semper sine principio, & sine habet sibi physice praesens tempus Antichristi, & ipsum Antichristum in eo ut in propria mensura contenta intra mensuram eternitatis: Unde semper, & ab eterno affirmat de praesenti *Antichristus in sua propria mensura, & cum sua propria mensura nunc mihi praesens existit*. Et ratio est, quia unusquisque, dum iudicat de praesenti, iudicat exercitè secundum suam propriam durationem, licet signatè possit iudicare secundum alienam: Nos ergo iudicamus de praesenti secundum nostram, Deus autem exercitè secundum suam: Nos iudicamus exercitè de praesenti nostro: Deus autem exercitè de praesenti suo: Cum ergo Deus in praesenti suo, vpotè eterno, & toto simul, semper habeat praesentem propriam mensuram Antichristi, & ipsum in ea, inde est, quod semper sine initio, & sine affirmat de praesenti suo exercitè, *Antichristus existit in propria mensura*; nos vero, cum in nostro praesenti, vpotè momentaneo, & transitorio, non habemus praesentem propriam mensuram Antichristi, non possumus absolute de praesenti iudicare *Antichristus existit*, sed solum de futuro *existet*: Tunc sic, sed iuxta contrarios praesens duratio Dei non est talis, cui semper sit praesens propria mensura Antichristi, sed talis, quod ei primo, & ab eterno est iuxta, & absens physice, deinde post

advenit illi proprium tempus, & mensura Antichristi praesentialiter physice: Ergo in eorum sententia sequitur, quod Deus primo iudicet de futuro *Antichristus existit*, & cum venerit ei praesentialiter physice tempus Antichristi, iudicabit de praesenti, *Antichristus existit*: Premis ergo contrarios nostrum argumentum; non tamen nos, Sed de hoc redibit sermo quasi sequens.

63 Respondet secundò, adeò in gentem esse difficultatem praefari argumenti, ut in gentem fateatur se non habere solutionem, in qua planè quiescat animus. Nec mirum inquit, cum nec illam habuerit Augustinus. Nam post locum citatum subdit: *Et tamen, & scit Deus, & praesens Deus ineffabili modo*. Ineffabile quippe est, quo modo Deus per eandem prorsus scientiam, qua iudicavit ab eterno, me exiturum hodie, iudicet hodie, me iam actualiter existere. Sed quis non videat ex hoc ipso satis constare, ipsum non vitationis coactum, sed voluntariè negare praesentiam physicam futurorum in eternitate; nam sanè nulla ratio potuit ipsum adeò vtgere ad illam negandam, cui pari iure respondere non posset, se non habere solutionem, in qua planè quiesceret animus, sed difficultatem esse mysterium ineffabile. Et quidem, si ad has tandem angustias deveniendum erat, quanto foret optabilius cum Thomis, imò cum PP. in hac controversia loqui, & sentire. Deinde, modus ille ineffabilis; quo D. Augustinus ait, *Deum scire simul, & praesens*, non in eo consistit, quod ab eterno iudicaverit de futuro me hodie exiturum: *Quid enim futurum est Deo, qui omnia super greditur tempora*, ait Augustinus; sed in eo, quod scientia Dei longè distat à nostra, adeò vt irrisoria foret comparatio, vt ibi subiungit Augustinus, potissimèque, vt explicat Boetius, & D. Thom. quia scientia Dei mensuratur eternitate, quæ omnia simul tempora concludit, nostra autem momentanea est, & solum momentum habet praesens. Sed de hoc etiam questione sequenti.

## SOLVUNTUR OBIECTA.

64 **O** Bijunctum primò contrarij omnia illa PP. testimonia, in quibus asserunt nihil creatum esse, aut existere ab eterno, aut esse æternum: Ex quibus probare conantur, nec in eternitate res esse semper, nec ab eterno praesentes physice. Sed frustra, quia nos non probamus eas esse ab eterno physice praesentes Deo, ex longitudine, vel antiquitate durationis ipsarum, sed ex infinitate, & æternitate durationis Dei, quæ vnico, & simplici actu, & exercitio, seu vnica simplici duratione durat simul ab eterno vsque in æternum, completendo, & excedendo simul à parte ante, & à parte post omne tempus finitum in quo praeterita, & futura finitè, & temporalitè

existunt. Nihil ergo contra nos probatur, ex eo quod ipsa creatura non existeret ab æterno, sed ex tempore incepterit; sed opus erat probare, quod æternitas, ex quo est æternitas, actu non cōplectitur, nec penetrat durativè tempus futurum; quod probari nequit, nisi probando æternitatem non esse actu durativè infinitam, seu non durare actu per totum tempus simul, sed successivè per sui replicationem successive in temporis partibus, quod absque æternitatis iniuria probari nunquam potest.

65 Secundò obijciunt ex D. Thom. locum eius suprà citatum num. 10. Vbi catenus ait: *Omnia contingentia esse Deo præsentia in æternitate, quia eius intuitus fertur ab æterno super omnia, prout sunt in sua præsentia*. Sed hæc solum est præsentia obiectiva: Ergo ex D. Thom. solum constat præsentia obiectiva. Confirmatur primò, ex eo, quod Boetius, & D. Thom. ubi suprà num. 9. aiunt, *Dei scientiam procul à rebus infini constitutam, quasi ab excelso rerum cacumine, cuncta prospicere*; quod etiam repetit D. Thom. alijs in locis. Vbi, inquit P. Izquierdo, *per procul præsentiam physicam excludit, ut per se patet*. Secundò ex Augusti. qui *Serm. 11. de Verb. Apost.* sic ait: *Habet Deus electos apud semetipsum non in eorum natura, sed in sua præsentia*. Tertiò ex Iliodoro lib. 1. de Summo Bono, cap. 8. sic aiente: *Si tempora essent Deo præsentia, non essent tempora, sed æternitas, quia non mutarentur, sed flarent*. Ergo.

66 Respondeo, negando minorem, quia, ut suprà latè ostendimus, Deum futurà intueri, prout sunt in sua præsentia, importat ea esse physicè præsentia ipsi Deo, quandiu ea sic intueretur, & consequenter ab æterno in ipso quando Dei. Vnde ibid. artic. 9. in corpor. sic ait: *Quædam enim, licet non sint nunc actus, tamen fuerunt, vel erunt, & omnia ista dicitur Deus scire scientia visionis, quia cum intelligere Dei, quod est eius esse, æternitate mensuretur, qua sine successione existens totum tempus comprehendit, præsens intuitus Dei fertur in totum tempus, & in omnia, quæ sunt in quolibet tempore sicut in subiecta sibi præsentia*. Ergo ab æterno intuetur ea ut sibi subiecta præsentia: Ergo ab æterno sunt sibi subiecta præsentia: alia fallere divinus intuitus. Vide suprà à num. 6. Ad primam confirmationem, dico, mirum esse, Theologum ex illo textu, & ex illa particula *procul* collegisse, excludi præsentiam physicam, quam ibidem Boetius, & D. Thom. apertissimè exprimunt, & explicant per hoc ipsum, quod Deus procul à modo successivo temporis existens, quasi ab excelso rerum cacumine, à sua æternitate cuncta prospiciat, ut sibi subiecta præsentia. Vnde ly *procul* in Deo non significat vnquam distantiam, seu abiectionem Dei, nec localem, nec durativam, alias

cum dicitur, *longè à peccatoribus Deus*, exponendum esset, quod Deus physicè non esset ubi, nec quando sunt peccatores; quod hæreticum foret: Sed sonat excessum, & eminentiam divinæ durationis, & vocationis suprà omnem durationem, & ubi creatur; ex qua probatur, quod simul, & sine successione ambit in actu omne tempus, & ubi creatur, tanquam sibi subiecta præsentia. Ad secundam, dico, sensum Augusti. solum esse, quod Deus non habet apud se per identitatem electos in sui natura, quia nempe secundum eorū naturam realiter, per realem distinctionem, sunt extra Deum; minime vero sensus est, quod secundum eorū naturam non continetur intra ambitum æternitatis, nec sint illi physicè præsentis in sua æternitate, cum hoc expressè afferat locis suprà citatis. Ad tertiam ex D. Iliodoro, dico, sensum ipsius esse non posse, quod tempora non sint Deo præsentia, ut sonant verba relata; sed solum quod non sint illi præsentia equaliter, seu eodem modo in se ipsis, ac æternitas, quia inde sequeretur quod tempora non essent; cum quo componitur; quod sint illi præsentia ut mensuratum inferius, & divisibile, sub mensura superiori, & indivisibili.

67 Obijciunt tertio: Antichristus non est physicè præsens Deo modò, nec ab æterno: Ergo nec futura. Probatur antecedens: Idem est esse physicè præsentem Deo, ac coexistere Deo physicè; siquidem ex duobus vnum physicè, & durativè esse præsentem alteri, est existere quando alterum; & hoc formaliter est illi coexistere: Sed Antichristus modò, nec ab æterno coexistit Deo: Ergo nec modò, nec ab æterno est ipsi physicè præsens. Probatur minor: Nihil coexistit Deo antequam existat in se, seu quando nondum existit in se: Sed Antichristus, nec modò, nec ab æterno existit in se, ut fide certum est: Ergo nec modò, nec ab æterno coexistit Deo. Maior patet, quia ex duobus vnum coexistere alteri, est existere quando alterum.

68 Respondeo huic rationi, quæ est Achilles contrariorum, misceri in ea plures equivocationes, quas vt detegam. Notò primò, quod ly *quando*, ly *modò*, ly *nunc*, ly *dum*, & omnia alia ad verba durationis possunt sumi, vel exercitè pro *nunc*, pro *modò*, pro *quando*, vel pro *dum* Dei, seu æternitatis; vel pro *quando*, *modò*, *nunc*, aut *dum* nostri temporis; & similiter ly *est*, aut quodlibet verbum de præsentia. Quia licet naturaliter, & sine addito, aut seclusa alienatione, ex proprio modo significandi semper significant pro nostra duratione, aut tempore præsentis exercitè, tamen cum addito alienante possunt significare pro alia duratione, nempe æternitatis. Et quia iam prædicta adverbia, iam verbum accipitur pro vna, iam pro alia duratione, inde solet oriri equivocatio, & hallucinatio, in qua detegenda stat tota argumenta-

men-

menti solutio. Noto secundò, contrarios, nostris non precabentibus, pro eodem accipere, *res esse praesentes Deo ab aeterno in aeternitate*, ac *res coexistere aeternitati ab aeterno*. Verumtamen idem non significari per hoc, ac per illud. Constat primò, quia SS. PP. qui ad hoc constanter docent, perterrita, praesentia, & futura esse Deo in aeternitate simul, & semper, & indefinenter praesentia. Vix vel nunquam dicunt, *coexistere*, aut *esse coexistentia Deo*, aut *aeternitati*; mirum autem esset, quod non vterentur verbo *coexistendi aeternitati*, si idem significaret, ac esse praesens in eternitate. Secundò, quia *coexistere unum alteri* propriè significat simultaneitatem in existendo, ex equo, & sub communi, vel equali vtriusque mensura sine subordinatione, aut inferioritate mensurae vnius ad mensuram alterius, quasi parallelum quodam duorum existentium quodlibet extra aliud. Attamen vnum existere in duratione alterius sepius significat, vnum existere intra ambitum durationis alterius cum subordinatione vt mensuratum inferioris sub mensura superiori. Vnde verè dicimus, *prandium, vel hora prandij existit in hoc die*; non tamen verè diceremus, *coexistit diei* bodierno; quia videlicet, prandium, & hora prandij existit in hoc die, vt mensuratum, & mensura inferior intra ambitum superioris, non tamen ex equo, & quasi collateraliter durans cum die ipso. Vnde sicut casu, quo dies esset duratio simplex, & tota simul, esset verum dicere: *Ex quo dies existit, & quandiu dies existit, existit in eo hora meridiana*, & *prandium in illa, vt in mensura inferiori contenta intra ambitum superioris*, non tamen similiter esset verum dicere: *Coexistit diei ex quo dies est, & quandiu dies est*; ita similiter verum est dicere: *Ex quo existit dies simplicissimus aeternitatis, & quandiu existit, existit in illo tempus Antichristi, & ipse in illo, vt mensuratus in mensura inferiori, mensurata, & contenta intra ambitum superioris*; quin tamen aequaliter verum sit dicere: *Coexistit illi tempus Antichristi, & ipse in illo*. Ex qua differentia non precauta non semel vidi contrariorum argumenta vires sumpsisse. His ergo positis.

69 Respondeo in forma, distinguendo antecedens: Antichristus non est physice praesens Deo modo, nec ab aeterno nostri temporis, concedo: *Ly modo*, & *ly ab aeterno* significante in aeternitate, nego antecedens. Ad cuius probationem, distinguo maiorem: Vnum esse praesentem alteri in alia mensura extra mensuram illius, cui praesens dicitur, est illi coexistere, concedo: Vnum esse praesentem alteri intra mensuram illius, cui praesens dicitur, est illi coexistere, subdistinguo: Est illi coexistere, propriè accepto *coexistere*, nego: Impropiè, vt hora coexistit diei, transeat maior. Et distinguo minorem: Antichristus, nec modo, nec ab aeterno in nostro tempore coexistit

Deo, concedo: Nec modo, nec ab aeterno in eternitate, subdistinguo: Non coexistit propriè, concedo: Impropiè vt hora diei, vel tanquam mensuratum inferioris coexistit mensuræ superiori continenti, nego minorem. Ad cuius probationem, distinguo maiorem: Nihil coexistit Deo propriè, &c. concedo: Impropiè, vt mensuratum inferius intra mensuram, & durationem Dei, subdistinguo: Antequam existat in se, *ly antequam* significante in nostro tempore, concedo: *Ly antequam* significante in eternitate, aut duratione Dei, nego suppositum, quod scilicet sit in duratione Dei *ante*, vel *post*. Et distinguo minorem: Antichristus, nec modo, nec ab aeterno existit in se, *ly modo*, & *ly ab aeterno* significante in eternitate, nego minorem: Significantem in nostro tempore, concedo minorem, & nego consequentiam.

70 Est dicere, quod Antichristus modo, & ab aeterno, & semper in eternitate est physice praesens, vt mensuratum inferius intra mensuram superiorem continentem, & ambientem durationem Antichristi, quia loquendo in eternitate non differunt in illa *aliquando, modo, semper*, & *ab aeterno*, quia est vnum simplex durans identiticans simul omne durare Dei. Non tamen dicimus, quod Antichristus est praesens Deo modo, & ab aeterno extra durationem Dei in nostro tempore, vt considerato extra Dei aeternitatem, quia in nostro tempore seorsum considerato ab eternitate modo solum est futurus, solumque existet in parte temporis modo futura: Et similiter dicimus, quod propriè non coexistit Deo ab aeterno, nec in nostro tempore considerato extra aeternitatem vt per se patet; nec intra ambitum aeternitatis, quia coexistere propriè dicit simultaneitatem duorum ex equo durantium absque subordinatione. In propriè tamen coexistit Deo ab aeterno, vt mensuratum inferius intra aeternitatem Dei; ad modum quo prandium coexistit diei, vt mensuratum inferius intra mensuram diei. Cum autem dicis, quod nec se potest coexistere aeternitati intra mensuram aeternitatis, antequam existat in se, si *ly antequam* significet in eternitate, negamus suppositum, quia in eternitate non est assignare antequam Antichristus existeret, nec postquam existeret, quia non est in illa *ante*, nec *post*, sed solum praesens aeternum simul, & absque successione omnia tempora claudens, & sic in illa, & ex illa loquendo, iam Antichristus existit in se, & nunquam in illa assignari potest quando nōdum Antichristus existat in se, & in propria mensura, quia nec in illa est assignabile quando non existat in illa tempus, & mensura propria Antichristi, nobis futura. Si autem *ly antequam* significet in nostro tempore, fatemur, non posse Antichristum modo dici coexistere Deo, aut illi esse physice praesentem antequam

quam

quam existat in se, & in propria duratione, quia in nostro tempore anteriori ad tempus illius non existit, nec coexistit, nec est physice præsens Deo; nec hoc defendimus, sed solum, quod in æternitate est physice præsens, vt. existens in illo suo tempore nobis futuro, & in sua propria mensura, quæ nunquam deest præsentialiter in æternitate, sed semper intra illam continetur, quando æternitas existit, vnde aiebat supra D.P. Damianus, quod in illa tam & ille dies præsens est, quo mundus iudicandus est.

71. Sed contra inquit Izquierdo: Aut existere Antichristum ab æterno in mensura æternitatis est coexistisse eum semper, & absque principio æternitati intrinsecæ Dei; aut est coexistere illi tunc temporis, quando existet ipse? Primum dici non potest, quia contra fidem; & secundum est id ipsum, quod fatetur contrarij, licet latrabatur extraneo, & alieno modo loquendi: Ergo vel nihil novi dicimus, sed vocibus alienis ab instituto fucamur, & ludimus, agentes questionem de vocibus, vel contra fidem sentimus. Et urget: Nam Antichristum coexistere Deo, aut eius æternitati semper, & ab æterno, nisi velimus ludere terminis, aliud non significat, nisi eum in omni tempore, in quo Deus existit, coexistisse, & coexistere Deo: Hoc est hæreticum: Ergo.

72. Respondeo, negando maiorem, nam in ea agnoscitur, quantum noceat illa vox *coexistendi æternitati*, sumpta pro eodem, ac *existere in æternitate*; nam sane *coexistere æternitati* significat existere collaterale, vt parallelum æternitati, & consequenter extra æternitatem, & scorsim ab illa; cum tamen existere in æternitate significet existere, vt mensuratum inferius intra infinitam mensuram æternitatis. Ex idè contrarij vnum cum alio confundentes, nostram, nec PP. sententiam percipere vix possunt. Igitur semper in nostris cavenda est hæc confusio, & non admitenda vox *coexistendi æternitati*, qua PP. non vtiuntur, sed solum vox *existendi præsentialiter in æternitate*, quam PP. vsurpant. Vnde propriè loquendo, dico, quod Antichristum existere ab æterno in æternitate, nec est ipsum coexistisse ab æterno æternitati, nec præcisè ipsum tunc temporis, quando existat, coexisturum æternitati; sed est ipsum cum suo tempore, in quo existet, esse in æternitate semper, & ab æterno Deo præsente, vt mensuratum inferius intra infinitam mensuram æternitatis, semper, & quando est æternitas simul mensurantem, & complementem illud tempus, & omnia tempora. Facemur etiam, quod in hoc nihil novi dicimus, sed quod iam olim PP. dixere; quod tamen de novo negat ipse Izquierdo. Nec vocibus alienis ludimus, sed voces vsurpamus proprio instituto proprias, quas nampè PP. eidem explicando

mislecio vsurparunt. Nec facimus questionem de nomine, vt plures existimant, sed de re contra P. Izquierdo; & quotcumque alios, qui cum ipso dicant, æternitatem intrinsecam Dei non simul, & semel mensurare omnia tempora, sed per sui totius successivam replicationem in singulis temporum momentis. Quod quam de re ipsa discedat à nostro, & SS. PP. sensu, satis per se constat. Ex quo ad cõfirmationem, dico, quod coexistere Deo aut æternitati ab æterno, improprie sumendo *coexistere* pro existere vt mensuratum intra mensuram excedentem æternitatis, quo solum sensu à nobis conceditur, non est coexistere Deo in omni tempore, in quo Deus existit; tum quia Deus propriè non existit in tempore, sed in æternitate complementente omne tempus; tum quia non est existere in omni tempore, quod æternitas complectitur, sed est existere in aliquo tempore, quod æternitas, ex quo est æternitas, simul cum omnibus alijs complectitur, & claudic; hoc enim est Antichristum cum suo tempore existere præsentialiter in æternitate Dei, ex quo Deus est æternus, & æternaliter existens, seu ab æterno Dei, licet non ab æterno nostri temporis.

73. Sed non quiescit præfatus Autor, quia, nemo, inquit, hætenus, vique ad istos Thomistas, accepit *ly semper*, & *ly ab æterno* pro duratione intrinsecæ Dei tota simul, sed omnes pro semper temporis veri, vel imaginarij, seu pro eodem, ac omni tempore vero, vel imaginario infinito à parte antea; immo nec ipsi Thomistæ aliter accipiunt in alijs questionibus: Ergo in hac abutuntur illis particulis. Et potest pro ipso vteri; nam *ly semper* est particula universalis distributiva durationis, æquivalens huic: *Omni duratione*; & similiter *ly quando libet*, *quandocumque*, & aliz similes, sicut *ly aliquando* est particula significans disiunctivè pro aliqua duratione: Sed in æternitate, quæ fit tota simul, & unica simplex duratio, non est locus distribuendi durationem pro omnibus universaliter, cum sit vna sola, & simplicissima, nec ibi potest esse *semper* durare, sed semel tantum; nec est ibi aliqua particularis duratio ex pluribus, sed vna singularissima sola: Ergo *ly semper*, *ly quandocumque*, & *ly aliquando*, & aliz similes particule, non possunt significare pro æternitate intrinsecæ Dei, sed solum pro duratione nostri temporis, quæ sola distribui potest per plures durationes.

74. Respondeo, præfatum Autorem immerito hæc dicere, nam certè SS. PP. vt patet in indice supra expenso, apertè illas particulas *semper*, & *ab æterno* accipiunt pro *semper*, & *ab æterno* in æternitate, quam dicunt totam simul; quo ergo iure dici potest, neminem vspere ad istos Thomistas illas particulas sic vsurpasse? Nec minum, quod in alijs questionibus, ubi argumetu-

tum, de quo agitur, id non exposcit, accipiant *ly semper*, & *ly ab eterno* secundum propriam, & connaturalem significationem pro *semper*, & *ab eterno* nostri temporis extra eternitatem Dei; nam sicut *ly bodie* regulariter accipitur pro hoc die finito, & temporalis nostro, quin hoc obliet, vt ibi agitur de eternitate, possit transferri ad significandum *bodie* eternitatis infinitum, & totum simul, in quo Pater Eternus cum Filio loquitur: *Ego bodie genui te*, de quo item D. Petrus Diamanus supra aiebat: *Deo non est heri, vt heras, sed bodie sempiternum*. Et Gregorius: *Cui nimirum dies vna est eternitas sua, quam nec sine, nec initio aperiri vidit Psalmista, &c.* Ita, quod regulariter *ly semper*, & *ly ab eterno* accipiarur in nostro tempore, non tollit, quod vbi explicanula suscipitur eternitas Dei infinita, & tota simul, accipiarur translatitice, & per alienationem, ad significandum *semper*, & *ab eterno* in eternitate. Et similiter de alijs particularibus significantibus durationem, vt *nunc*, potest accipi pro *nunc* eternitatis, quando pro quando eternitatis, & sic de alijs.

75 Ad confirmationem, distinguo maiorem: *Ly semper* est particula vniuersalis distributiva durationis apprehensivè, & ex nostro modo concipiendi, concedo: Iudicativè, aut ex parte rei significatque *semper*, nego maiorem, & idem de *ly aliquando*. Et distinguo minorem: In eternitate non est locus distribuendi durationem pro omnibus, aut pluribus, iudicativè, aut ex parte rei significatque *semper*, nego maiorem, & ex modo significandi, nego minorem, & consequentiam; iateatur enim, quod in Deo ex parte rei significatque non est duratio distributa in plures Dei durationes, nec est aliqua ex pluribus eius durationibus, sed vnica simplicissima, & singularissima duratio; ceterum quia illa eminenter continet omnes durationes creatas possibiles, & imaginabiles, potest à nobis significari per particulas vniuersales, quibus ex nostro modo concipiendi apprehendimus illam ad modum durationis infinite distribuibilis in infinitas à parte ante, & à parte post, immo non habemus alium modum eam apprehendendi, & significandi, licet hoc pacto non illam apprehendamus prout est in se, sed opus est defectum horum apprehensionum corrigere per iudicium, iudicando nempe, illam non esse durationem ita successivè, & infinite distributam, sicut apprehendimus, sed vniam simplicissimam durationem actu infinitam, & totam simul, simul claudentem omnes durationes imaginabiles à parte ante, & à parte post. Quod si contrarij vellent, corrigere modum apprehendendi per iudicium, aperte inveniunt veritatem nostræ sententiz.

76 Et quidem hæc difficultas non est spe-

cialis in duratione Dei, sed communis omnibus alijs Dei perfectionibus, quas æqualissimè nomine plurali, aut distributivo significamus, in quo nullus est error, si apprehensionem, & modum imperfectum concipiendi pluraliter, corrigamus per iudicium, v. g. dicendo: *Omnis Dei perfectio est vna simplex perfectio*: *Omnis Dei volitio, est vna simplex volitio*: *Omnis Dei intellectio, est vnica simplex intellectio*; ecce vbi distribuimus, & negamus distributionem, quia distribuimus apprehensivè, & ex modo concipiendi, & negamus iudicativè distributionem, scilicet formalem ex parte rei significatque. Sic ergo, dicit debet de *ly semper*, quod scilicet non correspondet ex parte Dei re ipsa, prout à nobis significatur, & apprehenditur, nempe cum distributione reali formali, aut successiva, sed à solum eminenter pro vna sempiterna duratione actu infinita, sempiterna, & tota simul, licet emittentes complectentes omnes possibiles, & *ly aliquando* in eternitate, non significat ex parte Dei aliquam ex pluribus durationibus ipsius eternitatis, vel si hoc significat apprehensivè, & ex modo significandi, corrigitur per iudicium, dicendo, idem esse in eternitate *aliquando* eternitatis, ac *semper* eternitatis, quia idem est re ipsa in illa *semel*, ac *semper*. Vnde cum dixit Psalmista: *Semel loquutus est Deus*, illud *semel*, est *semper*, quia *semper* loquitur eternum verbum, & illud *semper*, est *semel*, quia vnica sola in duratione indivisibil, quæ eminenter est omnis duratio excogitabilis, vtpote actu infinita, & claudens, complectens, & ambiens omnem durationem.

77 Obijciunt quarto: Si futura existerent ab eterno in eternitate, existerent ab eterno in propria duratione: Sed hoc est hæreticum: Ergo. Probatur maior; non possunt existere in eternitate, nisi vt existentes in propria duratione: Ergo si existerent ab eterno in eternitate, etiam in propria duratione. Secundo: Ideo existunt ab eterno in eternitate, quia coexistunt toti eternitati, & ipsa est tota ab eterno: Sed quando existunt futura in propria duratione, in propria duratione coexistunt toti eternitati, & ipsa est tota ab eterno: Ergo quando existunt in propria duratione, existunt in propria duratione ab eterno. Tercio: Futura, dum non existunt in propria duratione, non existunt in eternitate: Ergo ab opposito, dum existunt in eternitate, existunt in propria duratione: Ergo si ab eterno existunt in eternitate, ab eterno existunt in propria duratione. Cætera patent. Primum antecedens probatur: Dum non existunt in propria duratione, non mensurantur eternitate: Ergo nec existunt in eternitate. Probo antecedens: Dum non existunt in propria duratione, non mensurantur immediate eternitate, quia eternitas non est mensura immediata creaturarum, sicut nec intrinseca illarum: Deinde nec mensurantur me-

dia propria duratione, siquidem nondum sunt in propria duratione, nec illa mensurantur: Ergo dum non existunt in propria duratione, non mensurantur illo pacto aeternitate.

78 Quartò dicitur: Antequam futura existant in propria duratione, non existunt in aeternitate: Ergo si ab aeterno existunt in aeternitate, etiam in propria duratione. Probo antecedens: Primò, quia antequam existant in propria duratione, non mensurantur aeternitate, siquidem prius est mensurari igne mediata, & intrinsece propria duratione, quam mensurari extrinsece, & mediata aeternitate: Sed antequam mensurantur aeternitate, non existunt in aeternitate: Ergo. Secundò, quia antequam existant in propria duratione, non sunt quid creatum, nec productum à Deo, siquidem quando producuntur à Deo, producuntur in proprijs durationibus: Sed antequam sint quid creatum, & productum à Deo, non existunt in aeternitate, alias in aeternitate existerent vt quid increatum, & improductum: Ergo antequam existant in propria duratione, non existunt in aeternitate. Et vergetur: Quia creatura non producitur vis, semel in aeternitate, & iterum in sua propria duratione; alias qui hodie vivimus fuissimus olim, & ab aeterno creati, & viventes in aeternitate, & postmodum in hoc nostro tempore iterum creati, & viventes: quod est, si non haereticum, ridiculum: Sed antequam aliquid sit creatum, & productum in propria duratione, non est creatum, nec productum in aeternitate: Ergo antequam existat in propria duratione, non existit in aeternitate.

79 Respondeo, negando maiorem. Ad primam probationem, distinguo antecedens: Non possunt existere in aeternitate, nisi vt existentes aliquando in propria duratione, concedo: Nisi vt existentes semper, & ab aeterno in propria duratione, nego antecedens, & consequentiam, quia solum infertur, quod existant aliquando in propria duratione. Ad secundam, (omissa causali, & termino *coexistendi toti aeternitati*, ne semper litigenus de vocibus, cauta tamen semper advertentia, quod non illam admittimus in propria significatione *coexistendi*, sed impropria, vt hora coexistit diei,) distinguo minorem: Quando existunt futura in propria duratione adaequante eternitatem, coexistunt toti eternitati, nego suppositum: In propria duratione infinitè minori aeternitate, concedo minorem, & nego consequentiam, quia ad existendum ab aeterno in aeternitate, satis est coexistere toti aeternitati, vel potius existere in aeternitate, quæ tota simul existit ab aeterno: quia quod existit intra aeternitatem, existit in illa ex quo tota aeternitas existit, & consequenter si tota illa existit ab aeterno, existit in illa ab aeterno: sicut si dies hodiernus existisset ab aeterno totus, prandium hodiernum existisset in illo ab aeterno: tamen vt aliquid existat ab aeterno in propria

mensura, & duratione, non sufficit quod in propria mensura infinitè minori coexistat toti aeternitati, sed ultra exigitur, quod propria mensura, & duratio, vel sit aeternitas, vel coequalis aeternitati, quod non potest creaturæ convenire, nec convenit futuris, quando sint in propria duratione. Et ideo negavi suppositum.

Ad tertiam, distinguo antecedens: Futura, dum non existunt in propria duratione, non existunt in aeternitate, si ly *dum* significet in aeternitate, nego suppositum: Si ly *dum* significet præcisè in nostro tempore, concedo antecedens, & distinguo consequens: Ergo dum existit in aeternitate, existit in propria duratione, si ly *dum*, & ly *existunt* significet in aeternitate, concedo: Si ly *dum*, & ly *existunt* significet in nostro tempore præcisè, nego suppositum, & ultimam consequentiam.

80 Est dicere, quod in aeternitate non est *dum*, nec *cum*, nec *quando* futura non existant in propria duratione, quia in ea non est *dum*, nec *cum*, nec *quando* non existat propria duratio futurorum, in qua futura existunt suo tempore, sed solum in ea est unicum, & simplex *dum*, *cum*, & *quando* infinitum, in quo præsentialem est omne tempus, & cui nullum tempus, nullave duratio unquam abest. Et sic si ly *dum futura nondum existunt in propria duratione*, significet pro *dum* aeternitatis, negatur suppositum, quia in aeternitate non est tale *dum*, nec *cum*, nec *quando*. Si vero ly *dum* significet, vt sonat regulariter, in nostro tempore, sensus erit, quod futura non sunt præsentia in aeternitate, vt existit in hoc *dum* nostri temporis, quando nondum existunt in propria duratione: quod libenter fatemur, quia aeternitas ea non mensurat, nec continet vt existentia in hoc *nunc* nostri temporis: negatur enim suppositum, quod nempe nunc existant propria duratione. Vnde ad probationem antecedentis, eadem distinctione respondendo, quod si ly *dum* significet pro aeternitate, negatur suppositum, ratione iam dicta: si sumatur pro *dum* nostri temporis, in quo nondum habent propriam durationem, verum est, quod non mensurantur aeternitate, vt existentia in illo, quia negatur suppositum, quod in illo existat propria duratione, & sic nec immediatè, nec mediata mensurantur aeternitate, vt nunc nostri temporis existentia, vt bene probat argumentum.

81 Hanc solutionem alij explicant aliter distinguendo, nempe sic: Futura, dum non existunt in propria duratione vt mensurata, & contenta in aeternitate, non existunt in aeternitate, concedo: Dum non existunt in propria duratione vt purè mensurante, nego: Et pariter distinguo consequens: Ergo dum existunt in aeternitate, existunt in propria duratione vt men-

surata.

furata, & contenta in aeternitate, concedo: Existunt in propria duratione vt pure mesurante, nego consequentiam. Et ad probationem pariter distinguunt, concedentes, quod dum non existunt in propria duratione vt mensurata, & contenta in aeternitate, non mensurantur aeternitate, nec mediate, nec immediate; ceterum nunquam non sic existunt, quia ex quo existit aeternitas, existunt in propria duratione vt contenta, & mensurata ab aeternitate, non quidem in propria duratione, quam habeant in hoc nunc nostri temporis, quia haec nunquam datur, & sic nec mensuratur aeternitate, sed in propria mensura, quam habebunt, quae iam continetur, & mensurantur aeternitate, ex quo aeternitas existit. Ex quo.

82. Ad quartam pariter, distinguo antecedens: Antequam futura existant in propria duratione non existunt in aeternitate, si ly *antequam* significet in aeternitate, nego suppositum: Si ly *antequam* significet in nostro tempore, concedo antecedens. Ad cuius probationem eadem distinctione respondeo, quod si ly *antequam* significet in aeternitate, negatur suppositum, quia in aeternitate non est ante, nec post, sed est tota simul, & semel, & simplex duratio. Si vero ly *antequam* significet pro nostro tempore, verum est, quod non mensurantur aeternitate, vt existentes in hoc nostro tempore antequam existant in propria duratione, quia negatur suppositum. Cum vero arguitur, quod prius est mensurari intrinsicè, & immediate propria duratione, quam mensurari extrinsicè, & mediate aeternitate, dicendum est, quod est prius in genere causae materialis, non vero prius prioritae durationis, quia duratio propria, aut propria mensura non est prior duratio, quam duratio aeternitatis, vt per se patet, sed contenta intra illam, sicut duratio intrinsicè prandij non prior duratio, quam duratio extrinsicè, & maior totius diei, seu totius circulationis solaris, in qua dies consistit, sed contenta intra illam. Ex quo ad secundam probationem pari distinctione constat, quia in aeternitate non est *antequam*, nec *postquam* sint quid creatum, nec *antequam*, vel *postquam* productae sint in propria duratione, sed tantum quodam simul complexens illam propriam durationem, in qua sunt quid creatum, & productum à Deo; solum autem in nostro tempore est assignare *antequam* sint quid creatum, & productum; & sic faciemur, quod non existunt in aeternitate, vt existentia in illo ante, quia negatur suppositum.

83. Et similiter ad vrgentiam, dicimus, quod creaturæ non producuntur vis, sed semel in propria duratione, quae productio in propria duratione est semper praesens in aeternitate, in qua non est ante, nec post, sed quodam si-

mul complexens illam propriam durationem, & productionem passivam creaturæ in ea exercitam, non aliam productionem diversam, sed eandem. Sicut prandium existit in propria duratione, & in duratione diei, seu circulationis solaris, sed non propter exercitæ vis, aut vis existit, sed semel in propria duratione vt contenta intra durationem diei, aut circulationis solaris; & sicut actio mea producitur à me vna actione, & à Deo alia actione distincta, quin tamen producat vis, sed semel mea actione, producta per diversam, & extrinsicam. Vnde non est opus distinguere duas vitas, vnā exercitam hodie in nostro tempore, aliam exercitam in aeternitate olim, sed ipsa, quae hodie exercetur in nostro tempore, vt exercita in nostro tempore est semper in aeternitate, ex quo aeternitas est, quia ex quo aeternitas est, complexitur hoc ipsum tempus, & vitam in eo exercitam.

84. Vel aliter ad quartam, distinguo antecedens: Antequam futura existant in propria duratione vt contenta, & mensurata aeternitate, non existunt in aeternitate, concedo: Antequam existant in propria duratione vt præcisè mensurante, nego antecedens, vel suppositum. Ad cuius primam probationem, eadem distinctione dico, quod antequam existant in propria mensura vt mensurata, & contenta in aeternitate, non mensurantur aeternitate; ceterum nunquam non existunt in propria mensura vt mensurata aeternitate, quia ex quo aeternitas est, mensurat illam propriam mensuram, in qua futura existunt. Ceterum existunt in aeternitate antequam in propria mensura vt pure mesurante, vel quia nunquam existunt in propria mensura: pure mesurante, sed solum in propria mensura mensurata; vel quia mensura aeternitatis est eminenter anterior ad mensuram propriam futurorum, vt pure mesurantem, cum illa sit aeterna, ista finita, licet non formaliter anterior. Et cum arguis, quod prius est mensurari intrinsicè propria mensura, quam extrinsicè aliena, dico, quod est prius in genere causae quasi materialis, quia intrinsicè mensura mensuratur extrinsicè, & illi subest; sed non prioritae durationis, nam potius mensurari extrinsicè aeternitate est prius eminenter ex parte mensuræ, seu durationis extrinsicè, quam mensurari intrinsicè, quia hoc est mensurari finitè, cum limitatione, & ad tempus, & illud est mensurari infinitè, & supra tempus; illa est mensura commensurata creaturæ, ita mensura super excedens, & sic ista est anterior eminenter, licet illa sit prior materialiter. Et similiter ad secundam probationem, dicatur, quod creaturæ, antequam existant in propria duratione vt contenta, & men-

furata in æternitate, non sunt quid creatum, & sic antequam sic existant, non existunt in æternitate. Et similiter ad vrgentiam, quod non vis producantur, nec vivunt, sed semel in sua propria duratione, quæ quia ab æterno mensuratur æternitate, ideo producantur, & vivunt ab æterno in æternitate eadem ipsa productione, & vita, qua producantur, & vivunt in propria duratione vt mensurata æternitate.

85 Sed replicabis primò, quia vel hæc propositio: *Futura existunt in æternitate antequam in propria duratione* aliquo sensu vera est; vel nullo? Si nullo sensu vera est: Ergo nullo sensu dici potest, quod existant in æternitate antequam in propria mensura: Ergo nec quod existant ab æterno in æternitate, vel existere ab æterno in æternitate, non significabit ea existere in æternitate antequam in propria duratione, sed solum quando existant in propria duratione, quod omnes facientur, etiam contrarij, & erit ludere vocibus. Si aliquo vero sensu: Ergo vel sumendo, ly *antequam* in hoc nostro tempore, vel in æternitate? Si in æternitate: Ergo in æternitate datur antequam existant in propria duratione, & falso negavimus suppositum. Si in hoc nostro tempore: Ergo antequam in hoc nostro tempore existant propria duratione, non existunt in æternitate: Ergo nec ab æterno, vel questio erit de vocibus. Rursus, vel ly *antequam in propria duratione*, intelligitur, antequam in propria duratione vt mensurata æternitate; vel antequam in propria duratione vt mensurante? Si primum, iam id negavimus, nempe quod existant in æternitate antequam in propria duratione vt mensurata æternitate, & in illa contenta. Si secundum, etiam est falsum, quia propria mensura creature non potest mensurari æternitate prius quam ipsa exercitè mensuret creaturam: Ergo tandem nullo vero sensu existunt futura in æternitate antequam in propria mensura.

86 Secundo: Vel propria mensura Antichristi existit ab æterno in æternitate vt actu, & exercitè mensurans ipsum; vel non? Si non: Ergo aliquod futurum, nempe ipsa mensura Antichristi, vt actu, & exercitè mensurans, non existit ab æterno in æternitate, sed existit postea cum actu, & exercitè mensurore. Si existit ab æterno in æternitate vt actu, & exercitè mensurans: Ergo etiam Antichristus existit ab æterno in propria mensura vt actu, & exercitè mensurante ipsum, quod dici nequit salva fide. Tertiò, nam Thomistæ non admittunt mensuram mensuræ: Ergo nec mensura propria Antichristi existit ab æterno vt mensurata mensura aliena æternitatis. Quartò, quia

adhuc admissa illa mensura aliena æternitatis, illa non existit ab æterno sub munere mensurandi propriam, & temporalem Antichristi: Ergo nec mensura propria, & temporalis Antichristi existit ab æterno vt mensurata æternitate. Probatur antecedens, quia mensura æternitatis, licet ab æterno mensuret Deum, cuius est propria mensura, non tamen ab æterno mensurat tempus futurum Antichristi; quia non potest mensurare illud tempus antequam illud tempus existat: Sed illud tempus non existit ab æterno: Ergo nec mensurat ab æterno mensuram propriam, aut proprium tempus Antichristi.

87 Respondeo ad primam, quod in aliquo vero sensu est verum dicere: *Futura existunt in æternitate antequam in propria duratione*. Primò, si ly *antequam* accipitur eminen- ter in æternitate, & correlative ad existentiam in propria duratione, quia re ipsa existunt physice in æternitate vt in duratione eminentes anteriori ad propriam, & creatam, liquet existunt in illa vt in duratione excedente propriam, & illam complectente à parte ante, & à parte post; æternitatem autem esse mensuram excedentem propriam durationem Antichristi à parte ante, & à parte post, est esse eminenti- ter anteriorem, & eminenti posteriorem illa, & sic existere in æternitate vt in mensura excedente propriam, est existere in illa vt in mensura eminenti anteriori, & eminenti posteriori ad propriam, & consequenter est existere ante, & post eminentem quam in propria, & ideo existere in æternitate est existere ab æterno usque in æternum, quia in æternitate non est alius modus existendi. Non autem propterea admittimus existere in æternitate *antequam* in propria duratione, ly *antequam* sumpto formaliter, & privative, hoc est, in aliqua duratione ita anteriori, quod simul non sit simultanea, & posterior. Sicut nec dicimus diem creationis mundi existere adhuc in æternitate postquam exitit in propria duratione, ly *postquam* sumpto formaliter, & privative, quatenus assignemus in æternitate aliquam durationem formaliter, & privative posteriorem ad durationem illius diei, in qua nempe non existit ille dies; hoc enim est, quod iam supra negavimus, negando suppositum de *ante*, & *post* in æternitate. Item nec propterea admittimus existere in æternitate, dum non existunt in aliqua propria duratione ex contentis in æternitate, quia illud *ante* eminentiale æternitatis ad propriam durationem, non est purè *ante*, sed est indivisibiliter, & indistinctè *ante*, *simul*, & *post* propriam durationem, & sic non est aliquod *ante*, nec aliquod *dum*, quando nondum existit propria



pria illa duratio, sed est dum infinitum, in quo existunt omnes durationes anteriores ad illam, illa, & omnes posteriores simul.

88 Rursus est vera illa propositio hoc sensu: *Possimus dicere, quod existunt in æternitate, ut exercitè mensurante, antequam possimus dicere, quod existunt in propria duratione ut exercitè mensurante*, quia nunc possumus dicere: *Existunt in æternitate ut exercitè iam illa mensurante*, & nunc non possumus dicere: *Existunt in propria mensura ut exercitè mensurante*, quia eternitas, ex quo est eternitas, & consequenter ab æterno, & modo, actu, & exercitè mensurat omnia futura; ac propria mensura Antichristi non mensurat modò, nec ab æterno actu, & exercitè vitam Antichristi, sed solum quando existat tempore futuro. Cum autem arguis, quod propria mensura Antichristi non potest actu, & exercitè mensurari eternitate priusquam ipsa actu, & exercitè mensuret Antichristum. Dico, ipsam mensurari eternitate prius eminenter, & inclusive quam ipsa actu mensuret Antichristum, quia mensuratur actu, & exercitè eternitate in ipsa duratione eternitatis, & in ipso quando eternitatis, quod eminenter, & inclusive est prius ad propriam mensuram Antichristi ut actu, & exercitè mensurante, sed non mensuratur eternitate prius formaliter, & privative, aut exclusivè, quam ipsa actu, & exercitè mensuret Antichristum, quia in æternitate non est tale prius, nec tale ante, ut iam supra explicavimus. Ex quo.

89 Ad secundam dico, quod propria mensura Antichristi existit ab æterno in eternitate, non reduplicativè ut mensurans ipsum, quia ex quo mensuratur, non est in æternitate, sed ex quo mensuratur; sed specificativè ut mensurans, & reduplicativè ut mensurata existit ab æterno in æternitate. Ex quo solum sequitur, quod Antichristus existat ab æterno in propria mensura specificativè ipsum mensurante, & reduplicativè ut mensurata æternitate, cadente ly *ab æterno* supra reduplicacionem *mensurata*, in quo nihil est contra fidem. Si vero dicas, quod reduplicativè ut mensurans erit futura in æternitate, quia reduplicativè ut mensurans non est in eternitate. Dico, quod reduplicativè ut mensurans, nec est præsens in eternitate, nec futura in æternitate, quia in æternitate nunquam est, nec erit reduplicativè ut mensurans; nec hoc est inconveniens, sicut non est inconveniens, quod actio creaturæ reduplicativè ut produciens non sit producta à Deo, licet esset inconveniens, quod specificativè ut produciens, non esset producta à Deo. Ad tertiam dico, quod Thomistæ non admittimus mensuram mensuræ intrinsecam, aut homogeneam, bene vero mensuram ætherogeneam, & extrinsecam mensuræ inferiori; id enim mille in partibus admittunt. Ad quartam, nego antecedens. Ad probationem, ne-

go etiam antecedens, quia licet non possit mensurare tempus Antichristi, antequam illud existat, illud tamen existit ab æterno in æternitate. Vel distinguo illud *ante* penes eminenter, & inclusive, vel formaliter, & privative ut supra. Ex quibus infertur, quætionem non esse de nomine, nec de vocibus, quia contrarii contendunt, æternitatem mensurare successivè durationes creatas per successivam replicationem in illis, nos contra dicimus, illas mensurare simul unica simplici mensuratione infinita.

90 Sed rogabis: Quomodo, si Antichristus non existit in æternitate ante formaliter, quam in sua duratione, modo verum est, quod existit in æternitate, & modo verum non est, quod existit in propria duratione? Item, quomodo verum est, quod existit ab æterno in æternitate, & non verum est, quod existit ab æterno in propria duratione? Respondet, hoc ita verum esse, quia cum dicimus, *existit in æternitate*, ly *existit* alienatur, & significat in duratione æternitatis, quæ modò, & semper, & ab æterno est de præfenti, & sic dicimus, quod Antichristus existit de præfenti in æternitate modò, semper, & ab æterno: Ar dum, non memorata æternitate, dicimus: Antichristus existit in propria duratione, ly *existit* significat per statum de præfenti in nostro tempore, quia non ponitur particula alienans; & cum falsum sit quod existat præfentialiter in nostro tempore modò, nec ab æterno, ideo non est verum, quod existat in propria duratione modò, nec ab æterno. Nec hæc differentia probat, quod ante formaliter existat in æternitate, quam in propria duratione, quia *modò, semper, & ab æterno* in æternitate, seu æternitatis, non est duratio anterior formaliter ad propriam durationem futuram Antichristi, sed solum eminenter anterior, simul, & posterior, quia eminenter complectitur anteriores, illam, & posteriores. Nec in æternitate differunt *modò, aut nunc, ab æterno*, vel *usque in æternum*, quia istæ voces dum significant in æternitate, solam unam simplicem durationem significant æternam, & totam simul, quæ indistinctè est duratio ab æterno, modò, & semper.

Obijcies quindò: Antichristus non existit quandocumque existit æternitatis: Sed si existeret in æternitate ab æterno, existeret quandocumque illa existeret: Ergo non existit ab æterno in æternitate. Probarur maior, quia æternitas existit in omni tempore præterito, & præfenti: Sed Antichristus non existit in omni tempore præterito, & præfenti: Ergo non existit, quandocumque existit æternitatis. Urgetur: Aliquando existit tota æternitas, quando non existit Antichristus, primò, quia inægabale est, quod æternitas tota existit in omni tempore imaginario ante mundum conditum sine Antichristo, imò sine vlla creatura: Ergo existit tota æternitas aliquando, quando non

existeret Antichristus. Secundò, quia iste sunt contradictoriæ: *Aliquando existit tota æternitas, quando non existit Antichristus: Nunquam existit tota æternitas, quando non existit Antichristus*: Sed hæc est falsa, quia alias nunquam existeret æternitas sine Antichristo: Ergo prima est vera. Tertiò: Quia tota æternitas existeret, quando vixit mortaliter Adamus: Sed quando vixit mortaliter Adamus non existit Antichristus: Ergo tota æternitas existeret, vel existit aliquando, quando non existeret Antichristus: Ergo non existit Antichristus quandocumque æternitas.

91. Respondeo, distinguendo maiorem: Antichristus non existit, quandocumque existit æternitas, hoc est in quolibet proprio quando æternitatis, nego maiorem: In quolibet alio quando inferiori æternitate, & ab illa mensurato, concedo maiorem, & distincta minori eodem modo, nego consequentiam. Ad probationem maioris, distinguo maiorem: Æternitas existit in omni tempore, tanquam in proprio, & æquali quando, nego maiorem: Tanquam in quando infinito minori, & alieno, concedo maiorem, & minorem, & distinguo consequens ut supra; quia in æternitate non est, nisi vnum proprium, & infinitum quando, & illud est quodlibet, & omne quando eius, & hoc in sensu Antichristus existit quandocumque existit Deus, & æternitas, hoc est, in quocumque quando proprio Dei, quod est sola ipsa æternitas: sed non existit in quolibet quando extrinseco, & infra æternitatem, quia hoc designat omne tempus mensuratum æternitate, in quo æternitas existit tanquam in mensurato; quod nõ tam est æternitatem existere in omni tempore, quam omne tempus existere in æternitate, quia proprie loquendo, tempus non est quando æternitatis, nec quando existit æternitas, sed melius, & proprius dicitur, quod æternitas est quando omnis temporis, in quo omne tempus concluditur vnde ex quo Antichristus non existit in omni tempore, non sequitur quod non existat quandocumque existit æternitas in proprio quando, seu in se ipsa, & cum ipsa existat in se ipsa ab æterno, etiam Antichristus existit in illa ab æterno.

92. Ad confirmationem, eadem distinctione dico, quod aliquando existit tota æternitas tanquam in quando inferiori, & infinito minori ipsa, in quo quando nondum existit Antichristus; & hoc solum probatur ex eo quod tota æternitas existeret in toto illo tempore imaginario sine creaturis, non autem quod æternitas existeret aliquando, hoc est aliquo quando proprio, quando, vel in quo non existerent creature, & Antichristus; quia æternitas nullum quando proprium habet, nisi quando infinitum, in quo falsum est, quod non existat Antichristus. Ex quo ad secundam probationem concedo, quod illæ sunt contradictoriæ: sed nego quod secunda sit falsa, si ly

*nunquam*, & ly *quando* significent quando æternitatis proprium, quia potius sic est vera, nempe quod nunquam, id est, in nullo quando proprio existit tota æternitas, in quo non existat Antichristus. Ad tertiam similiter dico, quod tota æternitas existeret, quando vixit Adamus, in illo nempe quando, & duratione propria Adami, tanquam in quando, & duratione inadæquata, & infinite minori; non tanquam in quado, & duratione sibi adæquata; & in hoc sensu, concedo maiorem, & minorem, & distinguo consequens: Ergo tota æternitas existit, vel existit aliquando, hoc est, aliquo in quando adæquato, & sibi proprio quando non existeret Antichristus, nego consequentiam: Hoc est, in aliquo quando inadæquato, & inferiori sub æternitate contento, quando non existeret Antichristus, concedo consequentiam. Ex quo nihil contra nos, qui solum dicimus Antichristum existere ab æterno in quando infinito æternitatis, seu quandocumque æternitas existit in transitivo in se; non vero existere ab æterno in omni quando temporali, finito, & inadæquato contento in æternitate, in quo tanquam in quando mensurato, & inferiori existit æternitas.

93. Sed replicabis: Per nos, quandocumque existit æternitas in se, existit Antichristus: Sed hodie existit æternitas in se: Ergo hodie existit Antichristus: Sed hoc est falsum: Ergo & illud ex quo sequitur. Vel aliter: Quandocumque existit æternitas in se, existit Antichristus: Sed quandocumque existit æternitas in se, existit Adamus: Ergo aliquando existit Antichristus, quando Adamus, & Adamus quando Antichristus, quod etiam est falsum, quia nunquam existunt simul. Respondeo, omnes huiusmodi syllogismos peccare, sicut istos: *Vbi cumque est tota immensitas, est Matritum: Sed vbi cumque est tota immensitas, est Roma: Ergo alicubi vbi est Matritum, est Roma. Vbi est tota anima informans, est caput: Sed vbi cumque est tota anima, est pes: Ergo vbi est pes, est caput*. Vel sicut hic: *Omnis Dei perfectio est Paternitas: Omnis Dei perfectio est filiatio: Ergo aliquis filiatio est paternitas*. Nam licet hi syllogismi omnes videantur in darapti arguere ex duabus vniversalibus affirmativis, vis subiecto medio, ad particulare affirmativum vnus extremi de alio, & possint reduci ad alios modos, vt argenti placerit; habent tamen defectum, quo laborat hic vltimus, nempe quod medium est realiter commune pluribus realiter distinctis, vbi autem tale est medium, ex identitate, vel subiectione duorum extremorum illi eidem medio, non inferuntur identitas, nec mutua subiectione extremorum inter se, & sic non tenet syllogismus, nisi in consequenti inferatur identitas extremorum in ipso tertio realiter verique communi. Vnde in hoc vltimo solum inferri potest: Ergo *aliquis filiatio est paternitas in perfectione, seu quantum ad perfectionem*.

Et

Et similiter in priori solum inferri potest: Ergo ubi est pes, est caput, quantum ad animam utriusque communem. Et similiter in alio de immensitate, totum inferri potest: Ergo ubi est Matritum, est Roma, quantum ad ubi immensitatis commune cuilibet ubi creato. Et similiter in alio solum inferri: Ergo aliquando existit Antichristus, quando Adamus, in quando infinito aeternitatis, utrique communi realiter, non vero in quando proprio. Et similiter in primo solum inferri: Ergo hodie in aeternitate existit Antichristus; non vero quod hodie existat in propria duratione.

94 Quia sicut perfectio absoluta Dei identificatur cum paternitate, sed non tanquam cum extremo adaequato, & unico suae identitatis, sed tanquam cum extremo inadaequato, & similiter cum filiatione tanquam cum extremo inadaequato relative opposito primo; & ideo ex quo identificetur cum utroque, non inferri utramque inter se identificari, sed solum in tertio communi, ita similiter, quia anima non est in capite tanquam subiecto adaequato, nec in pede, sed solum tanquam in subiecto inadaequato distincta sivealiter à capite; non inferri, quod pes sit ubi caput, nec econtra, nisi solum quantum ad animam. Et pariter, quia tota immensitas non est ubi Roma, tanquam in ubi adaequato, nec similiter Matriti, sed tanquam in ubi inadaequato localiter à primo distanti, non inferri Matritum esse ubi Roma, nisi quantum ad ubi commune immensitatis, in quo sunt simul. Et similiter, quia tota aeternitas non existit quando Adamus, tanquam in quando adaequato, nec quando Antichristus tanquam in quando adaequato, sed tanquam inadaequatis inter se distantibus temporaliter, non inferri Antichristum existere quando Adamus, nisi in tertio, nempe in quando infinito aeternitatis, utrique realiter communi. Nam sicut cohaerent bene, quod paternitas, & filiatione inter se distinguatur, & sint idem in perfectione realiter utrique communis; & quod pes, & caput sivealiter dissent, & quod sint simul, vel idem in anima, & quod ubi Matriti, & ubi Romae proprium inter se dissent localiter, & sint simul in ubi immensitatis, ita cohaeret, quod Adamus, & Antichristus unusquisque in proprio quando dissent temporaliter, & quod sint simul in quando proprio aeternitatis.

95 Hanc autem simultatem durationis in aeternitate, cum distantia temporali creaturarum inter se, explicat D. Thom. duplici exemplo. Primum est in eo, qui ex alta turri videret transeuntes per colles, & vales inferiores, cui quidem omnes transeuntes essent simul praesentes, cum tamen illi inter se mutuo essent absentes; & licet non videret omnes transeuntes per aliquod tempus simul praesentialiter simultate durationis, sed successively toto tempore suae visionis, quia tempus suae

visionis non est totum simul, tamen si sua visio tota simul posset existere, simul praesentialiter omnes videret, licet non omnes simul praesentialiter transirent. Verba sunt D. Thom. quaest. 2. de Veritat. artic. 12. in corpor. Sic ergo Deus existens veloci in alta turri, in quando infinito suae aeternitatis eminentissimo supra omne tempus, quae est tota simul, & totum tempus includit, nec alicui parti temporis desit, habet omnia praeterita, & futura simul sibi in suo, quando praesentia, licet inter se ad invicem sint temporaliter valde absentia, & distantia. Aliud exemplum est in puncto centrico circuli, qui correspondet simul, & immediate omnibus lineis à circumferentia in ipsum respicientibus, ita ut omnes in puncto sint simul, sed inter se distantes. Et casu, quo circulus circulariter perfecte moveretur, punctus centricus immotus simul corresponderet omnibus lineis, & partibus circumferentiae succedentibus una post aliam. Vbi videre est, primo quod omnes lineae in puncto centrico sunt simul, licet una distet ab alia, & non sit in alia. Secundo, quod quaelibet in motu succedit sivealiter, aut localiter alteri, attamen in puncto centrico, in quo omnes sunt simul, non moverentur, neque transirent una post aliam, sed in illo puncto, qui est punctus omnium, immotus manerent: Sic ergo Deus, quem Trismegistus apertissime appellavit circulum, cuius centrum ubique est, & circumferentia nusquam, & pariter posset dicere, cuius centrum semper est, & circumferentia nunquam, est quasi punctus centricus omnium creaturarum, & aeternitas eius quasi punctus centricus omnium durationum, ac proinde omnes durationes creatae inter se distantes temporaliter, in illo puncto aeternitatis sunt simul, & quamvis inter se succedant una alteri, & sic omnes transeant, in illo puncto aeternitatis nulla alteri succedit, omnia transeuntia manent, currentia quiescunt, labentia stant. Si dicas: Casu, quo lineae existerent successivae, & non simul, non coexistenter simul centro: Ergo creaturae, quae existunt successivae una post aliam, non coexistunt simul in centro aeternitatis. Concesso antecedenti, quia punctus circuli non est centrum durationum, sed solum linearum, nego consequentiam, quia aeternitas est centrum durationum, & non solum creaturarum.

96 Obijciunt sexto: Vbi res incipiunt esse non sunt semper, & ab aeterno, ut per se patet: Sed res incipiunt esse in aeternitate: Ergo non sunt semper, & ab aeterno in aeternitate. Probatur minor, quia res incipiunt esse, quando existit earum inceptio: Sed inceptio rerum existit in aeternitate: Ergo res incipiunt in aeternitate. Si negamus maiorem, sic inferunt: Ergo inceptio mundi praeterita, & inceptio futura aliorum, quae erunt, non existit in aeternitate: Ergo non omnia praeterita, & futura existunt semper in aeternitate. Idem argu-

men-

mentum fieri potest de rerum defitione, nam illa non existit semper, & ab aeterno in aeternitate, aliis semper, & ab aeterno Adamus definiret, vel desisset esse in aeternitate; & iam non esset semper praesens in aeternitate: Sed desilio rerum aliquando est futura, aliquando praeterita: Ergo aliqua futura, vel praeterita non sunt semper, & ab aeterno in aeternitate. Item: Inceptio cuiusvis rei est transitus de non esse ad esse; desilio est transitus de esse ad non esse: Sed hic transitus non est in aeternitate semper, & ab aeterno: Ergo nec rerum inceptio, aut desilio: Sed rerum aliquarum inceptio est praeterita, & aliarum est futura: Ergo aliquid praeteritum, & aliquid futurum non est semper, & ab aeterno in aeternitate. Prima minor patet, quia implicat ab aeterno rem transire de non esse ad esse, aut de esse ad non esse, adhuc in aeternitate: Sed si talis rerum transitus esset ab aeterno in aeternitate, ab aeterno in aeternitate res transirent, vel de non esse ad esse, vel de esse ad non esse: Ergo.

97 Respondeo, negando minorem. Ad cuius probationem, distinguo maiorem: Res incipiunt esse, quando existit exercitè, & ut quo earum inceptio, concedo maiorem: Quando existit signatè, & ut res quaedam, nego maiorem, & distinguo minorem: Inceptio rerum existit in aeternitate exercitè, & ut quo, nego: Signatè, & ut quod, sive ut res quaedam, concedo minorem, & nego consequentiam; quia inceptio rerum aliter existit in tempore, aliter in aeternitate; in tempore existit exercitè hoc est exercendo munus incipiendi, seu exercitè ut quo incipiendi; at in aeternitate non existit exercitè incipiendi, nec ut quo, nec ut quod, quia nec ipsa incipit in aeternitate, nec est, quia res incipiunt existere in aeternitate, sed quia res incipiunt existere in tempore: Solum ergo existit praesentialiter in aeternitate, ut res quaedam mensurata aeternaliter, & permanent in ipsa. Sicut enim ipsa rerum successio, & ipsum tempus successivum existit in aeternitate, sed non ut in illa exercitè succedens, & transiens, sed ut succedens, & transiens in tempore, ut manens tamen, & ut stans in aeternitate, in qua, ut aiebat Gregorius, modo quodam incomprehensibili, transientia manent, currentia stant: Nec tempus intus in conspectu eius defluit, quod apud nos foris decurrit.

98 Et ut aiebat P. Damianus, omnia quae apud nos elabendo discurrunt, aut temporum vicissitudine se variant, apud illud bodie stant, & immobiliter perseverant; sic etiam ipsa rerum inceptio, & ipsae res incipientes, sunt in aeternitate sine inceptioe in illa, quia in illa incipientia non incipiunt, & deficientia non deficient, sed sempiterno modo invariabiliter, & immutabiliter, indefinenter, & aeternaliter stant. In quo, ut aiebat Anselmus ubi supra, nulla est

contrarietas, quia aliter sunt res in tempore, quam in aeternitate, cum aliquando verum sit, quod est aliquid in aeternitate, quando non est in tempore; & quod fuit in tempore, quod ibi non fuit, & quod erit in tempore, quod ibi non erit, non quia ibi nullo modo sit, sed quia ibi non est praeterito, vel futuro modo, siquidem ibi indefinenter est suo praesenti modo; & sicut in his non est contrarietas, ita nec in eo, quod incipientia in tempore, ibi non incipiant, & quod deficientia in tempore, ibi sint indefinenter, & quod transientia in tempore, ibi sint immutabiliter. Quippe non magis opposita sunt, mutabile in tempore, & immutabile in aeternitate, incipiens in tempore, & non incipiens in aeternitate, deficient in tempore, & indefinenter existens in aeternitate, transiens in tempore, & manens in aeternitate, quam non esse in aliquo tempore, & esse semper in aeternitate: Fuisse, vel futurum esse in tempore, & non fuisse, nec futurum esse in aeternitate: Sicut ergo haec non opponuntur, ita nec illa.

99 Ex quo iam patet ad alias formas eiusdem argumenti, dicimus enim, quod rerum desilio existit in aeternitate, non exercitè suo modo, nempe deficienter, aut definendo in illa, sed ut res quaedam alio modo, nempe indefinenter, & aeternaliter, & hoc etiam modo sunt in aeternitate res in tempore decedentes, & deficientes, nempe indefinenter, indefinenter, & consequenter aeternaliter. Item fateamur, quod desilio est transitus de esse ad non esse, & inceptio transitus de non esse ad esse; sed sicut ibi inceptio modo non inceptivo, & desilio modo non defectivo, sed indefinenter, & aeternaliter, ita est ibi transitus non ibi transiens, nec modo transitorio, aut transeunter, sed modo permanenti, seu permanenti, & immobiliter. Et quidem, quid magis consistens in transitu, quam tempus, quod consistit in ipso continuo fluxu, & transitu motus, & durationis; & tamen, ut Gregorius ait, tempus ibi non defluit, quod apud nos foris decurrit. Quod si haec difficilia capui videntur, nihil mirum, nec propterea illis contradiendum est; quia ut bene notat in praesenti. Ildephonsus Michael, de rebus divinis tam altis, tamque excellentibus humana ingenia, standum est magis dicis SS. & intelligentis ipsorum, quorum ingenia fuerunt absolutius magis illustrata, & affluenter facta rebus divinis, minusque nebulis vitiis impedita, propter resurgentiam divinae conversationis, & amicitiae. Possimè, cum illis, licet non acquiescas, tandem, cum Izquierdo, ut supra, devenitur es ad tales angustias, ut fatearis argumentis presus, te non habere solutionem, qua animus quiescat, & esse misterium ineffabile.

100 Obijciunt sepeimò: Si Antichristus futurus esset semper præsens in æternitate, carentia Antichristi esset semper præsens in æternitate; & nunquam esset præsens in æternitate: Sed hoc implicat contradictionem: Ergo & quod Antichristus sit semper præsens in æternitate. Probo sequelam, quoad primam partem, nam propter eam Antichristus esset vt semper præsens in æternitate, quia exiit in aliquo tempore, & æternitas simul, & semper complectitur omne tempus: Sed etiam carentia Antichristi exiit in aliquo tempore, & æternitas simul, & semper complectitur omne tempus: Ergo carentia Antichristi erit esset semper præsens in æternitate. Deinde probo sequelam, quoad secundam partem, quia quandocumque exiit de præsenti Antichristus in eadem duratione indivisibili non potest existeret eius carentia, cum sine apertè contradictoria: Sed per nos semper in duratione indivisibili æternitatis exiit de præsenti Antichristus: Ergo nunquam in illa existeret de præsenti carentia Antichristi: Ergo semper, & nunquam; quod nihil impossibile excogitari potest.

101 Huic argumento, respondent nostri, semper in æternitate existeret de præsenti Antichristum, & semper in æternitate existeret de præsenti carentiam Antichristi; cæterum hæc non esse contradictoria in æternitate, sed compatibilia; licet essent contradictoria, existeret Antichristum in æternitate, & non existeret Antichristum in æternitate; quia in his vna negat, quod affirmat alia, in illis vero neutra negat, sed utraque affirmat, vna existentiam Antichristi, alia existentiam carentie ipsius, & affirmatio duorum existentiarum in æternitate non importat contradictionem in illa. Sicut illæ sunt contradictoriae: *In flubio sunt pisces: In flubio non sunt pisces*, quia vna negat, quod affirmat alia; quin tamen illæ sint pariter contradictoriae: *In flubio sunt pisces: In flubio sunt non pisces*, quia utraque est affirmativa.

102 Sed contra hanc solutionem pluræ militant, Primò, quod paritas non est ad rem, cum quia flubius non est locus indivisibilis, sicut æternitas est quando indivisibilis; & sic possint in flubio esse pisces in vno vbi illius, & esse non pisces in alio vbi illius; at in æternitate non potest esse duplex quando, vnum quando existat Antichristus, aliud quando existat eius carentia: Secundò, quia propositiones difficiles in æternitate sunt illæ: *Semper in ea exiit Antichristus: Semper in ea exiit carentia Antichristi*, Vnde vt servaretur paritas debet dici in alijs desflubio: *In eo ubique sunt pisces: In eo ubique sunt non pisces*, quod non ita verificari posset. Tertiò, quia non ita opponuntur, *pisces*, & *non pisces*, sicut *Antichristus*, & *carentia Antichristi*, vnde vt servaretur paritas, deberet dici: *In flu-*

*bio ubique sunt pisces; in flubio ubique est carentia p seium*; & sic servata paritate, absdubio illæ implicat contradictionem: Ergo pariter implicat contradictionem illæ: Semper in æternitate exiit Antichristus: Semper in æternitate exiit carentia Antichristi. Secundò, quia idem formalissimè est à parte rei existeret carentiam rei, ac non existeret rem, vt enim alibi diximus, carentia non existunt positivè à parte rei, quasi res existentes, sed solum remotive, quatenus carentiam rei existeret est idem formalissimè ac rem à parte rei non existeret: Ergo existeret in æternitate carentiam Antichristi, est re ipsa Antichristum in ea non existeret: Sed implicat contradictionem Antichristum existeret semper in æternitate, & ipsum re ipsa semper non existeret in æternitate: Ergo.

103 Propterea respondet P. Emmanuel à Conceptione, negando, quod carentia Antichristi existat in æternitate, quia ad hoc non sufficit, quod aliquando existat in tempore, sed opus erat, quod semper in tempore existisset, & exitura foret, siquidem aliter non vitat, quod Antichristus existat aliquando in tempore, & consequenter nec quod existat semper in æternitate, vt probatum reliquimus; si autem carentia Antichristi existens aliquo tempore non vitat quod Antichristus sit semper in æternitate, probari nequit ex eo, quod ipsa sit in tempore aliquo, quod sit etiam in æternitate, quia alias excluderet existentiam Antichristi in æternitate, contra suppositum.

104 Sed hæc solutio augeat, & non soluit vim argumenti. Nam certè, si quod Antichristus sit in aliquo tempore, sufficit, vt existat semper in æternitate; cur quod carentia Antichristi sit in aliquo tempore, non sufficit, vt existat semper in æternitate? Et, si rationes nostræ primum probant, cur non probabunt secundum? Item si carentia Antichristi existens in aliquo tempore non vitat, quod Antichristus sit semper in æternitate, cur Antichristus existens in aliquo tempore vitabit quod carentia eius sit semper in æternitate? cum non magis opponatur Antichristus suæ carentia, quam carentia eius ipsi.

105 Alter ergo respondeo distinguendo sequelam: Carentia Antichristi esset semper præsens in æternitate mediante certa mensura temporis, & non esset semper in æternitate median-  
tibus alijs temporum mensuris, concedo: Effet & non esset semper mediante eadem mensura temporis, nego sequelam. Cuius probatio solum eam probat in sensu concesso, quia ex quo Antichristus existat in aliquo tempore, non probamus illum immediatè existeret semper in æternitate, tamquam in mensura immediata, & instantanea, sed solum mediante illa mensura temporis nobis futuri, in qua existit; quia enim in  
illa

illa erit existens, & illam cum omni alio tempore complectitur simul, & semper aternitas, ideo mediante illa est semper in aternitate praesens. Carentia autem eius, ex quo etiam existat in aliquo tempore, pariter infertur, quod medio illo, seu media illa mensura temporis, existat semper in aternitate. Ceterum, quia diversa est realiter mensura temporis, in qua existit Antichristus, & mensura temporis, in qua existit eius carentia, ideo solum infertur, quod carentia Antichristi sit semper in aternitate mediante vna mensura temporis, & Antichristus sit etiam semper in aternitate mediante alia mensura temporis, in quo nulla est contrarietas, nec contradictio; siquidem ad summum sequitur, quod Antichristus sit semper in aternitate mediante mensura temporis A, & quod nunquam existat in aternitate mediantibus alijs mensuris, quibus mediantibus existit eius carentia semper in aternitate; quod utrumque simul verum est.

106 Sicut enim in furdo vnus auris, & audiente per alteram, dici potest, quod eius anima, licet indivisibilis, habet auditum mediante vna aure, & carentiam auditus, seu surditatem mediante alia; & casu quo verbum assumsisset duas humanitates, posset simul ambulare media vna, & federe media alia, dormire media vna, & vigilare media alia; vnde sicut tunc in eodem supposito indivisibili esset simul per distincta media fessio, & ambulatio, somnus, & vigilia, seu simul fessio, & carentia fessionis, somnus, & carentia somni, & in anima indivisibili essent simul per distincta media auditus, & carentia auditus; ita etiam in eodem quando indivisibili aternitatis possunt esse simul per distincta media, seu medijs distinctis temporum mensuris, Antichristus, & eius carentia, Antichristus vivus, & Antichristus mortuus, & alia plura, quae essent contradictoria in eadem immediata mensura, sed non sunt contradictoria nec opposita mediantibus diversis mensuris in eadem mensura mediata, licet indivisibili. Sicut etiam in eodem *vbi* immediatè non possent esse lux, & tenebrae, diaphanum, & oppacum, possunt tamen in eodem *vbi* indivisibili immensitatis mediatis diversis vbiicationibus diversorum locorum, intra *vbi* immensitatis contentorum; ita similiter in eodem quando indivisibili non potest immediatè idem homo esse vivus simul, & mortuus, ipse, & eius carentia, & tamen in eodem quando indivisibili aternitatis potest simul esse mediantibus diversis durationibus temporis in illo quando simul contentis, idem homo, & eius carentia, idem homo mortuus, & vivus.

107 Sed dices: Ergo verum esset dicere in aternitate: *Hic homo mortuus, est vivus; vivus, est mortuus. Hic aer lucidus, est tenebrosus, &c.*

*nebrosus, est lucidus.* Respondeo, quod esse verum apponendo diversas mensuras temporis medias. Nam sicut de facto Filius Dei simul fuit mortuus, & vivus, & melius verificaretur, si assumsisset duas humanitates, & moreretur mediante vna, viveret mediante alia, ita posset dici: *Homo de praesenti media mensura temporis A, mortuus, est de praesenti media mensura temporis B, vivus*, & similiter de aere; non vero absque medijs diversis mensuris, nec mediante eadem mensura temporis. Est hoc pacto responderi debet ad alia similia apparenter contradictoria, quae solent excogitari, quae tunc non exercent suam contradictionem in aternitate, quia mensura, & duratio infinita est incapax contradictionis, sed totam suam contradictionem exercent in tempore divisibili, & finito, capaci contradictionum; ita ut tota illa contrarietas sit in tempore exercitè, & modo contradictorio, aut contrario, sed in aternitate signatè, & medio tempore, absque modo contradictorio in illa, quatenus illa propter sui infinitatem actu complectitur tempus divisibile capax duorum contradictionum. Vnde sicut in locis corporeis, vnum corpus excludit aliud ab eodem *vbi*, sed nullum corpus potest excludere aliud ab *vbi* eodem, & indivisibili immensitatis, ita in temporibus, vnum contrarium excludit aliud ab eadem duratione temporis, sed non ab eadem indivisibili duratione, & quando aternitatis.

108 Obijciunt octavo: Ex quo Petrus existat aliquo loco contentò intra Dei immensitatem, non sequitur, quod vbiq; existat in immensitate, alias ego, qui hic existo, simul existerem localiter praesens Romae. Ergo ex quo Antichristus existat aliquo tempore contentò in aternitate, non sequitur, ipsum existere semper in aternitate. Respondeo, negando antecedens, quia cum immensitas sit *vbi* simplex, & infinitum Dei, in quo simul continentur omnia loca, *idem est* ipsa *alicubi* in immensitate, ac *vbiq;* in immensitate Dei, quia illud *vbi* est vbiq;, & omne *vbi* complectitur: Cum ergo Petrus esset alicubi in immensitate, si esset hic, esset planè vbiq; in immensitate, hoc est in quocumque *vbi* interinseco immensitatis, medio illo *vbi* finito; & medio etiam isto *vbi* Matrici, esset in *vbi* immenso Romae, *vbi* nempe Roma est tamquam in *vbi* excedente, & infinito, sed non esset Romae, nec in *vbi* immediato Romae; sicut nec Antichristus est hodie, nec in hoc nostro quando, licet existat quando existit hoc nostrum quando in aternitate, seu in quando praesenti aternitatis. Et proportionaliter idem dicendum est de praesentia vbiicali rerum in immenso *vbi* Dei, ac de praesentia durativa rerum in infinito, & aeterno quando Dei. Vt diximus Disp. 2. q. 20. & 21.

109 Sed dices: Immensitas, quamvis infinita.

finita non extenditur ad loca futura, nec preterita, sed solum ad presentia: Ergo aeternitas, quamvis infinita, non extenditur ad tempora futura, nec ad preterita, sed solum ad presentia. Respondeo, omisso antecedenti, negando consequentiam, quia immensitas ratione sui solum est mensura omnium locorum, non temporum; unde solum habet ratione sui adunare simul omnia loca in suo ubi immenso, non autem adunare in se omnia tempora, quia non est mensura temporum; unde ratione sui solum se extendit ad omnia loca quantumvis distantia localiter, sive à parte Orientis, sive à parte Occidentis, quæ presentia supponuntur, non autem ad loca temporaliter distantia, ut sunt preterita, & futura, quia non est minus immensitatis vincere distantiam temporis, nec vincere in se tempora distantia, quia hoc est proprium eternitatis; sed solum vincere distantia localem, & vincere in se loca distantia; cum quo tamen componitur, quod immensitas ut aeterna, & ratione eternitatis etiam extendatur ad loca temporaliter distantia, nempe ad loca preterita, & futura; & propterea omisso antecedens, quia in hoc sensu posset negari.

110 Obijciunt denique: Eo res essent presentes Deo ab eterno in eternitate, quia sunt presentes eternitati, & ipsa est duratio simplex, & indivisibilis, & consequenter tota simul: Sed hæc ratio est nulla: Ergo. Probatur minor, quia eum, seu eternitatem Angeli est duratio simplex, & indivisibilis, & consequenter non successiva, sed tota simul: Ex tamé modo ego sum præsens Angelo in sua eternitate, quin illi fuerim physice præsens, ex quo existit eius eternitas, alias Angelus esset, & fuisset physice præsentia omnia futura ex quo existit; quod nemo audebit asserere, quia alias cōnaturaliter illa, & intuitivè videret: Ergo ex quo res sint presentes eternitati, & ipsa sit duratio simplex, & tota simul, non sequitur quod sint physice præsentia Deo in sua eternitate ex quo eternitas existit, & consequenter nec ab eterno. Respondeo, concessa maiori, negando minorem. Ad cuius probationem, distinguo maiorem: Duratio Angeli est simplex, & indivisibilis subiectivè, & quoad esse durans, concedo: Formaliter, quoad ipsum durare, nego maiorem; quia duratio Angeli solum est simplex, & tota simul, quoad subiectum, & esse durans; ipsum autem durare formaliter, non est totum simul, simplex, & in actu, alias essentialiter esset interruptibile, & indurabile, immo & infinitum in actu, quia esset durare simul, & in actu usque in æternum, sine limite in actu, quod creaturæ cuilibet repugnat; unde nunquam est concedenda illi creaturæ duratio propria æterna; nec à parte ante, nec à parte post, quæ sit essentialiter ininterruptibilis, & tota simul in actu, quia esset actu infinita, & actu æterna, & actu indurabile essentialiter, quod creaturæ, quantumvis excellenti, repugnat; cum sit singularissimum Dei attributum, eo quod

Deus est simpliciter, & actu infinitus. Quo autem pacto duratio Angeli, seu eternitas dicatur duratio permanens, & non successiva, fufius suo loco explicabimus, & mentem D. Tho. in hoc facta difficilem.

## QUESTIO II.

### AN PRÆSENTIA PHYSICA

*futurorum in eternitate requiratur sit,  
ut Deus ea cognoscat, & quo  
modo?*

1 Difficultas est, primò, an requiratur ad futura cognoscenda infallibiliter? Secundo, an ad ea cognoscenda ut sunt in se ipsa? Tertio, an ad ea cognoscenda intuitivè? Quarto, an ad ea cognoscenda immutabiliter? Quibet, ut respondeam.

2 Dico primò: *Præsentia futurorum in eternitate non requiritur immediatè, & per se ad hoc ut Deus ea cognoscat infallibiliter.* Probatur, quia, dato, quod non essent physice Deo præsentia, esset tamen physice præsens Deo apud semetipsum mediis, in quo ea cognoscere posset ut infallibiliter futura, nempe decretum citius, vel positivum, vel permissivum illorum: Sed eo ipso in illo decreto posset ea cognoscere ut infallibiliter futura: Ergo ut ea cognoscat infallibiliter ut futura, non requiritur eorum præsentia in eternitate.

3 Sed obijcies ex D. Tho. in præsent. ubi sic ait: *Contingens aliquod potest dupliciter considerari. Vno modo in se ipso, secundum quod iam in actu est; & sic non consideratur ut futurum, sed ut præsens; nec ad utrumlibet contingens, sed ut determinatum ad unum, & propter hoc sic infallibiliter subdi potest certæ cognitioni. Alio modo considerari potest contingens ut est in sua causa, & sic consideratur ut futurum, & ut contingens nondum determinatum ad unum, quia causa contingens se habet ad opposita; & sic contingens non subditur per certitudinem alteri cognitioni.* Ex qua doctrina, quam sæpius repetit D. Tho. sic arguitur: Iuxta ipsum dupliciter tantum potest cognosci futurum contingens, nempe, vel ut in se ipso, vel ut in causa; & item ut in causa non potest cognosci infallibiliter, sed solum in se ipso: Sed ut cognoscatur infallibiliter ut est in se ipso, requiritur præsentia illius physica; quia ut in se ipso, non consideratur ut futurum, sed ut præsens: Ergo tandem non potest cognosci infallibiliter, nisi ut præsens: Ergo præsentia futuri in eternitate est necessaria ut cognoscatur infallibiliter.

4 Respondeo, concessa textu D. Tho. ad argumentum inde desumptum, distinguendo maiorem: Duplici tantum modo potest cognosci, vel in se ipso, vel ut in sua causa temporali, & creata, nondum determinata præcisè, nego: Vel in sua causa, aut creata, & nondum determinata, vel increata, & eterna per decretum determinata; concedo

maiores, quoad primam partem, & distingo similiter, quoad secundam: In sua causa creata contingenti nōdum determinata cognosci nequit infallibiliter, concedo: In sua causa eterna determinata per decretum, nego maiore, & concessa minori, nego consequentiam quia D. Theo loco, solum consideravit futurū, ut in sua causa contingenti nōdum determinata, vel ut in se ipso: sed nō excludit considerationē illius in causa sempiterna vel determinata per decretum: quam tamen alibi considerat, nempe in hac 1. p. q. 16. art. 7. ad 3. dicens: *Illud, quod nunc est, ex eo futurum fuit antequam esset, quia in causa sua erat ut fieret: Sola autem causa prima est eterna, unde ex hoc non sequitur, quod ea, quae sunt, semper fuerit verum ea esse futura, nisi quatenus in causa sempiterna fuis ut essent futura.* Et q. 3. de Verit. art. 6. vbi ait: *Quod idea eorum, quae sunt, fuerunt, vel erunt, determinatur a proposito divinae voluntatis.* Et de Verit. q. 12. art. 10. & 12. sic ait: *Dicendum, quod causa superiores, quae sunt rerum rationes in divina praesentia, nunquam deficient ab adimplentione suorum effectuum, sicut deficient causa inferiores: Ideo in causis superioribus cognoscuntur rerum eventus absolute, sed in inferioribus non nisi sub conditione.*

Ex quibus patet, quod iuxta D. Th. ultra considerationem futuri contingentis, vel in se ipso, vel in sua causa contingenti indifferenti, potest considerari etiam in causa sempiterna, in qua quae semper fuit verū ea esse futura: & in idēis divinis vel determinatis a proposito divine voluntatis, sive in rationibus superioribus, quae nunquam deficient ab implentione suorum effectuum, eo nempe quia determinantur per propositum, aut decretum efficax divinae voluntatis: Licet ergo cognosci non possint infallibiliter, ut sunt in se ipsis, nisi sint praesentia cognoscenti, ut ait D. Thom. nec possint cognosci infallibiliter in causis contingentibus indifferētibus ad utrumlibet, ut etiam asserit D. Tho. Restat tamen aliud medium, quod non negat D. Th. loco citato in argumento, sed potius illud affirmat locis a nobis allatis, nempe divinum decretum eternum, sive essentia, aut idea divina determinata per decretum divinae voluntatis, quae infallibiliter inferit eventum.

5 Sed dicet, cum M. Gonet, quod si futura non essent praesentia Deo in aeternitate, eternitas admitteret antea, & postea, ex quo sequeretur, quod Decretum Dei esset mutabile: nam eo ipso, quod Deus in sua aeternitate haberet antea, & postea, posset nunc decernere existentiam futuri, & postea oppositum: Iam ergo decretum non esset medium infallibile. Sed contra est, quia propterea dixi in conclusione, quod non requiritur immediatē, & per se praesentia futurorum in aeternitate, ut Deus ea cognoscat infallibiliter ut futura: fateor enim, quod per consequentias mediatas inferri potest, quod si futura non essent

physicē praesentia Deo, Deus non esset simpliciter eternus eternitate simplici, & indivisibili, & quod si ita non esset eternus, nec esset immutabilis in suis decretis, aut in sua voluntate, sed posset nunc vnum velle, & postea aliud, ut suo loco dicemus: quo casu decretum, ut antea existens, nō esset medium infallibile ad cognitionem futuri, quia non esset medium immutabile: verumtamen, loquendo per consequentiam infallibilem ad cognitionem futuri, quia non sequitur immediatē, quod deesset decretum ab intrinseco efficax de illo postea producendo, imō nec per consequentiam immediatam sequitur, quod tale decretum foret variabile, aut mutabile, sed hoc ad summum sequitur per consequentias mediatas, unde ad summum sequitur, quod mediatē, indirectē, & remotē requiritur praesentia futurorum in eternitate, ut Deus ea infallibiliter, & certo cognoscat, quatenus requiritur, quod decretum sit immutabile, & ut sit immutabile, requiritur, quod sit aeternum non admittens antea, & postea, & sic aeternum esse non potest, nisi si sint praesentia omnia tempora praeterita, praesentia, & futura: in quo sensu non diffitemur, Deum non posse cognoscere infallibiliter futura, nisi sint ei praesentia physice in sua aeternitate. Quod quidem aliter etiam probari posset, quia nisi futura sint physice praesentia Deo in aeternitate, Deus non potest ea cognoscere immutabiliter, ut infra dicemus: Ergo nec infallibiliter. Consequentia etiam probari posset per consequentias mediatas, quia si Deus non cognosceret futura immutabiliter, nec ea doceretur immutabiliter, si autem non ea doceretur immutabiliter, nec decretum esset medium infallibile.

6 Dico secundo: *Futura non possunt cognosci a Deo in se ipsis quoad eventum, si nō sunt physice praesentia ipsi in aeternitate.* Hoc assertum est contra levis specialiter, qui ex vna parte negant praesentiam futurorum in aeternitate: & ex alia descendunt, Deum ea cognoscere immediatē in se ipsis ab eterno. Probat autem ex D. Tho. in praesent. vbi ait, quod *futurum consideratur uno modo in se ipso, & secundum, quod iam est in actu, & sic, inquit, non consideratur ut futurum, sed ut praesens.* Ergo iuxta D. Thom. futurum non potest cognosci in se ipso, nisi cognoscatur ut praesens: Sed si futura non sint Deo praesentia in sua aeternitate, non possunt cognosci ut praesentia, sed solum ut futura: Ergo nec poterunt a Deo cognosci in se ipsis. Confirmatur ex eodem D. Thom. quaest. 12. de Veritat. artic. 10. in corpor. vbi sic ait: *Circa futurorum cognitionem duo est considerare, scilicet ipsum ordinem causarum ad futuros eventus: & exitum, sive executionem huius ordinis: Quaecumque igitur virtus creat alicuius cognitionem habet de futuris, sua*



sua cognitio non fertur, nisi ad ordinem causarum: Sed Deus non solum cognoscit futura ratione ordinis causarum, sed quantum ad ipsum exitum, vel executionem ordinis. Cuius ratio est, quia eius intuitus æternitate mensuratur, quæ omnia tempora in uno nunc indivisibili comprehendit, unde uno simplici intuitu videt, & ad quid causæ sunt ordinatæ, & qualiter ordo ille impletur. Hoc autem creature est impossibile, cuius intuitus limitatur ad aliquod tempus determinatum; unde cognoscit ea, quæ sunt in illo tempore; futura vero in tempore, quando adhuc sunt futura, non sunt, nisi in ordine suarum causarum, unde sic solum modo à nobis cognosci possunt, ut rectè considerantibus appareat, in hoc quod futura præseire dicimus, esse magis præsentium, quam futurorum scientiam habere.

7 Ex qua doctrina sic efficaciter probatur conclusio: Si futura nondum essent Deo in sua æternitate præsentia, quando Deus ea cognoscit, eius cognitio solum ferretur ad ordinem causarum, tunc existentem, non vero ad eventum, & exitum ordinis, ut distinctum ab eo ordine: Ergo non posset cognoscere futura in se ipsis. Probatur antecedens, primò, quia virtus creata, dum aliquam cognitionem habet de futuris, sua cognitio non fertur, nisi ad ordinem causarum: Ergo pariter, si futura non essent Deo præsentia in æternitate, quando ea cognoscit, divina cognitio non ferretur, nisi ad ordinem causarum. Antecedens est D. Thom. Probo consequentiam, quia ideo cognitio nostra non fertur, nisi ad ordinem causarum, quia quando cognoscimus solus ordo causarum est nobis præsens, non vero eventus, qui dicitur futurus; unde rectè considerando, nostra scientia de futuris est magis præsentium, quam futurorum: Sed si futura in se ipsis non essent Deo physice præsentia, quando ea cognoscit, eadem ratio militaret in divina cognitione: Ergo eius cognitio solum ferretur ad ordinem causarum, non vero ad eventum in se ipso.

8 Secundo, quia ideo Deus cognoscit de facto futura, non solum quantum ad ordinem causarum, sed etiam quantum ad eventum, quia eius intuitus æternitate mensuratur, quæ omnia tempora in uno nunc æternitatis indivisibili comprehendit: Sed si futura non sint physice præsentia Deo in sua æternitate, quando illa Deus cognoscit, eius cognitio non mensurabitur æternitate omnia tempora comprehendente, sed solum mensurabitur duratione, vel quando, in quo nondum comprehendatur tempus futurum, siquidem quando cognitio divina exercetur, seu cognoscitur futurum, nondum erit præsens tempus futurum, pro quo est futurus eventus, sed potius erit positivè absens: Ergo per eam cognitionem, ut in illo quando exercitiam, non cognoscet Deus futurum, quantum ad eventum, sed solum quantum ad ordinem causarum.

9 Tertiò, quia ideo nostra cognitio de futuris, quando sunt futura, non fertur, nisi ad ordinem causarum, quia limitatur ad aliquod tempus determinatum, & ideo non cognoscit, nisi ea quæ sunt in illo tempore, futura vero, quia eo tempore, quæ sunt futura, solum sunt in ordine causarum, solum hoc modo cognoscuntur: Sed conclusa præsentia futurorum in æternitate, divina cognitio esset limitata, quando cognosceret futura, ad tempus determinatum, in quo nondum existerent quantum ad eventum, sed solum quantum ad ordinem causarum: Ergo tunc Deus ea non cognosceret quantum ad eventum, sed solum quantum ad ordinem causarum.

11 Dico tertiò: Præsentia futurorum in æternitate requiritur essentialiter, ut Deus ea cognoscat intuitivè sive ut cognitio divina sit intuitiva respectu illorum. Ita communiter Thomistæ, & probatur facile ex D. Thom. locis supra expensis quæst. præcedent. à num. 8. 9. & 10. ubi cognitionem divinam intueri futura ut præsentia in se ipsis semper reducit ad hoc, quod æternitate mensuratur, quæ omnia tempora comprehendit, cui proinde nihil comparatur ut futurum, sed omnia sunt ei præsentia. Et confirmari potest ex eodem in 1. disp. 38. quæst. 1. artic. 5. ad 2. ubi ait: Quia cognitio divina æternitate mensuratur, quæ eadem manens omni temporis est præsentia, ideo omni quodque contingentium videt prout est in suo actu: Ergo quod divina cognitio sit intuitiva, visioque rerum futurarum in se ipsis, provenit ex eo, quod in æternitate, quæ divina cognitio mensuratur, omnia sunt præsentia, nihil vero absens, aut futurum. Confirmatur etiam ex dictis supra quæst. præcedent. à num. 20. ubi ex PP. ostendimus, noticiam intuitivam futurorum supponere apud ipsos præsentiam physicam illorum in æternitate.

Ratio vero à priori sumitur ex diffinitione noticiæ intuitivæ, quæ communiter definitur *notitia rei præsentis*: Sed cognitio divina de futuris, non potest esse notitia rei præsentis, nisi sint Deo physice præsentia in æternitate, quando ea cognoscit: Ergo hæc præsentia requisita est, ut cognitio divina sit intuitiva respectu illorum. Minor probatur, quia si futura non sint Deo physice præsentia, quando ea cognoscit, erunt illi physice absentia: Ergo tunc, quando illa cognoscit, cognitio eius erit notitia rei potius absens, quam præsentis: Ergo non potest esse notitia rei præsentis, nisi quando ea cognoscit, illa sint Deo physice præsentia.

12 Dices, satis esse ad noticiam intuitivam cognoscere rem ut in se ipsa existentem cum omnibus suis accidentibus, licet eam cognoscat ut sic existentem in aliqua duratione, non præsentem physice, sed futura: Sed cõtra est, quia, ut vidimus ex D. Th. non potest intellectus cognoscere rem ut actu existentem in se ipsa, quando actu non est præsens, sed futura, si nem.

nempé in quando, aut in duratione cognitionis, nondum actu exiit in se ipsa, quia tunc tolli potest eam cognoscere vt tunc est, nempé in ordine, & quantum ad ordinem cautarum: Ergo implicat quod eam cognoscat vt actu existentem in se ipsa, pro duratione futura, & non sibi præsenti. Contra est secundo: Quia Deus non potest videre reu vt in se ipsa existentem actu cum omnibus suis accidentibus, quando illa non est in se ipsa, actu visibilis: Sed implicat, quod sit actu in se ipsa visibilis, quando actu non est præsens physice: Ergo implicat, quod Deus illam videat vt existentem in se ipsa, quando nondum est physice præsens, sed solum etit præsens pro duratione tunc futura. Vide solutiones huius impugnationis, enervatas, *quæst. præcedent. à num. 22.*

13 Dico quarto: *Præsentia futurorum in æternitate requiritur essentialiter vt Deus futura cognoscat immutabiliter, & inuariabiliter ex parte sua.* Hoc assertum probatur potissimè ex Augusti. cuius textum dedimus, *quæst. præced. num. 3. ex quo num. 61.* arguebamus efficaciter, divinam cognitionem mutandam fore penes diversos modos cognoscendi, iam de futuro, iam de præsenti, iam de præterito, si futura non essent illi semper, & ab æterno in sua æternitate præsentia. Videantur ibi dicta, & singulare dictum P. Izquierdo, ingenuè consentientis, *se non habere solutionem, in qua animus quiescat.* Et merito; nam si futura Deo non sunt physice præsentia ab æterno, & semper in sua æternitate, illi in sua æternitate primo, & ab æterno erunt physice futura, secundo in tempore, quando existant, erunt illi physice præsentia; postea demum erunt illi physice præterita: Ergo primo, & ab æterno cognosceret illa per iudicium, & affirmationem de futuro; postea vero, cum existunt, per iudicium affirmativum de præsenti, ac demum postquam exiterit per iudicium affirmativum de præterito: Ergo ab æterno vsque ad tempus Adami, iudicavit de futuro sic: *Adamus existet*; tempore vero Adami de præsenti sic: *Adamus existit*; nunc vero de præterito sic: *Adamus existit*: Ergo variatur cognitio Dei penes modos diversos iudicandi idem obiectum.

14 Respondere tamen conatur P. Emmanuel à Conceptione in suo *Tract. de Scientia Dei, Disputat. 4. quæst. 3. num. 92.* Licet enim nobiscum in questione præcedenti sentiat, & hoc argumentum ex D. Augusti. desumptum validum existimet ad probandam præsentiam futurorum physicam in æternitate; nihilominus negat eam præsentiam physicam necessariam esse ad perfectionem, & immutabilitatem divinæ cognitionis. Et respondet, quod illi modi affirmandi de futuro, de præsenti, & de præterito, sunt modi significandi nobis divinam cognitionem, non vero modi cognoscendi intrinseci ex parte

divinæ cognitionis; quia Deus cognoscit, & indicat existentiam Adami pro suo tempore, non sub illis terminis *existet, nec existit, nec existit*, sed sub alijs, qui pro omni tempore possunt uniformiter verificari: Nempé afirmando ipsum Deum semper existere, ac proinde in tempore Adami, & Adamum eo tempore existere, & simul cognoscendo, quod ante tempus Adami præcedit aliud tempus, & quod Deus in illo existit, & non Adamus, & item cognoscendo, quod post tempus Adami sequitur aliud tempus, & quod Deus in illo existit, & non Adamus. Ad modum quo, scientia Prophetarum, qui affirmaverunt Christum venturum, non solum tunc fuit vera, sed etiam modo vera est; cum tamen modo non sit venturus Christus, quod scientia Prophetarum diceret tunc Christum venturum, pertinebat ad modum significandi nobis, qui tunc expediebat; scientia vero ipsa affirmabat existentiam Christi pro tempore illo B. Virg. quâ existentiam etiam modo affirmat, quamvis aliter eam nobis explicaret Propheta, si nunc eam nobis aperiret.

15 Sed contra est; nam in primis huiusmodi solutio aptè contradicit Augustino, si enim salvari potest, quod Deus perfectissimè, invariabiliter, & eodem modo ex parte sua cognoscat futura antequam sint, cum sunt, & postquam fuerint, absque tali præsentia: Ergo inepè sic arguit Augustinus: *Si autem sicut in ordine temporali creaturarum, ita apud eundem non sunt, quæ futura sunt, sed ea prævenit sciendos. Bis ergo ea scit, vno quidem modo secundum futurorum præsentiam, altero modo secundum præsentium scientiam: Aliquid ergo temporaliter accidit scientia Dei, quod absurdissimum, & falsissimum est; neque enim potest, quæ ventura prænoscat, nosse cum venerint, nisi bis innosceant, & prænoscendo antequam fiant, & cognoscendo cum iam sunt.* Sanè totum hoc argumentum Augustini corruit, si Deus potest eodem ipsissimo modo affirmare existentiam Adami, v.g. antequam sit sibi præsens, cum est sibi physice præsens, & cum iam est sibi physice præteritus: Quia si eodem modo ex parte sua idem cognoscit, non obstante reali successione illorum temporum apud Deum, & in eius æternitate: Ergo malè infert Augustinus, quod bis ea cognosceret, vno modo de futuro per præsentiam, altero vero modo de præsenti per præsentium scientiam: Non ergo potest Deus, quæ ventura prænoscat, nosse cum venerint, quamvis sibi innosceant, sed potest semel, & vno modo ea nosse, antequam veniant, cum venerint, & cum transierint.

16 Respondet, quod Deus in casu argumenti bis futura noscet, non quia duplici cognitione, sed quia in duplici tempore; & secundum

quod

quod in vno, scilicet antequam sint, diceretur presentia; secundum quod in alio, scilicet, cum iam sunt, diceretur scientia. Et hac inquit est mens Augustini. Sed contra est, quia Augustinus inquit: *Quod absurdissimum, & falsissimum est*. Sed non esset absurdissimum ea nosse in duplici tempore, si semper ea nosset vnica cognitione, & eodem modo ex parte cognoscens, vt per se patet. Ergo. Respondet, Augustinum reputasse absurdissimum, & falsissimum ponere in Deo successionem temporis futuri, & presentis. Sed contra est, quia ideo Augustinus ponere in Deo absurdissimum, & falsissimum, quia Deus *bis cognosceret futura, vno nempe modo antequam veniant; & altero modo, cum venerint*. Et quia *aliquid temporaliter accideret scientia Dei, quod absurdissimum, & falsissimum est*: Ergo ly *absurdissimum, & falsissimum* non appellat supra successionem temporis præcisè, sed supra mutationem scientiæ Dei penes diversos modos cognoscendi futura, nempe vno modo antea, & alio modo postea, & supra illud, quod sequeretur, nempe *quod aliquid accideret temporaliter scientiæ Dei*. Et quidem rogo: Quid accideret temporaliter scientiæ Dei, si bis futura nosset, vno modo antea, alio modo postea? Accideret ne sola extrinseca denominatio? Vel novus modus intrinsecus cognoscendi futura? Si sola extrinseca denominatio ex tempore succedenti: Ergo falso dixit Augustinus: *Quod absurdissimum, & falsissimum est*. Siquidem nec falsum, nec absurdum est, quod Deo adveniant temporaliter denominationes extrinsecæ, quæ ipsum sanè non mutant, nec alterant. Si novus modus intrinsecus cognoscendi: Ergo fateretur, scientiam divinam mutandam fore intrinsecè penes diversos modos intrinsecos cognoscendi, iam de futuro, iam de presenti, si futura non essent illi physice presentia in æternitate.

17 Secundò impugno principalem solutionem: Quia Deus non potest affirmare existentiam Adami præscindendo à modo exercito de presenti, aut de futuro, aut de præterito: Ergo quando illam affirmat, vel illam affirmando modo de presenti, vel modo de futuro, vel modo de præterito: Sed quando Adamus nondum erat physice sibi præsens, sed futurus, non affirmabat illam modo de presenti, nec de præterito: Ergo illam tunc affirmabat modo de futuro: Item, sed quando Adamus erat sibi physice præsens, non affirmabat illam modo de futuro, nec de præterito: Ergo illam affirmabat modo de presenti. Ac demum: Sed nunc, quando iam Adamus physice in se ipso Deo absuit, & præterivit, non affirmat illam de futuro, nec de presenti: Ergo illam affirmat modo de præterito: Ergo tribus modis illam affirmabit, nempe primo modo de futuro, postea modo de præ-

sentis, & tandem modo de præterito: Ergo variata est scientia Dei penes diversos modos, non solum significandi ad extra, sed penes diversos modos iudicandi, seu affirmandi existentiam Adami. Totus discursus est legitimus, & iustitæ primo antecedenti; quod sic orobatur: Quia iudicium Dei exercitum, & affirmativum existentie alicuius rei non potest præscindere ex parte iudicantis à duratione in qua iudicat, & affirmat, nam essentialiter iudicat exercitè prout exercitum in ea duratione, in qua iudicat: Deinde nec potest præscindere ex parte existentie iudicatæ, & affirmatæ à duratione aliqua determinata, pro qua, & in qua illam affirmet; quia existentia affirmata est exercitum essendi determinatè in aliqua, & cum aliqua mensura, & duratione, & Deus non affirmat, nec iudicat existentiam Adami, v.g. vagam ab omni duratione, & mensura, sed cum certa duratione, & mensura: Demum nec potest Deus sic iudicans præscindere, aut abstrahere à modo, quo se habet duratio, in qua Deus iudicat, cum duratione pro qua affirmat existentiam Adami, nempe vel tanquam presentis ad præsens, vel tanquam presentis ad futurum, vel tanquam presentis ad præteritum, nam determinata duratio Dei, in qua iudicat exercitè, cum determinata duratione Adami, pro qua affirmat ipsum exercitè existerè, essentialiter debet importare vnàm ex his proportionibus determinatam, à qua non præscindat Deus in suo iudicio: Sed si duratio, in qua Deus iudicat cum duratione, pro qua existentiam Adami affirmat, comparatur vt præsens ad præsentem, affirmat illam de presenti: Si vt præsens ad præteritum, affirmat de præterito, si vt præsens ad futurum, affirmat modo de futuro: Ergo tandem non potest præscindere à modo de presenti, de præterito, vel de futuro.

18 Vnde cum inquis, quod Deus alio modo ab his affirmat existentiam, nempe affirmando se ipsum semper existerè, & consequenter tempore Adami. Rogo: Affirmat ne Deus semper de presenti se existerè tempore Adami, hoc nempe modo *existere tempore Adami*? Vel solum ita affirmat, cum advenit tempus Adami, & non semper? Si primum, esse non potest, quin semper illi sit præsens tempus Adami: Quia Deus non exiit de presenti tempore non sibi presentis; si secundum: Ergo Deus, alio modo iudicat *se existerè tempore Adami*, quando Adamus exiit, ac antea, siquidem antea non potuit sic iudicare de presenti *existere tempore Adami*, sed ad summum ita de futuro: *Existam tempore Adami*: Ergo diverso modo iudicat Deus se existerè tempore Adami, antea, quam postea; quod longè absurdum est. Vnde Augustinus ubi supra, sic subiungit: *Quod si ita in Deo est, ut possit propriè dici, intelligi, & intellexit;*

fin.

*sensit, & sensit; admittit tempus, & subreptis illa mutabilitas, qua longè à Dei substantia removenda est; quati dicat, in Deo non est propriè dicere intellegit de presenti, & intellexit de præterito; sensit de presenti, & sensit de præterito; & consequenter nec existit de presenti, & existit de præterito; quia sic subreptis illa mutabilitas scientiæ, qua longè à Deo releganda est. Ergo Deus, cum se cognoscit existere semper, & consequenter tempore Adami, & tempore Antichristi, id cognoscit de presenti, semper iudicando, existo semper, seu omni tempore, existo tempore Adami, & tempore Antichristi, quia omnia tempora sunt illi præsentia, si autem non sint illi simul præsentia omnia tempora, non poterit iudicare semper modo de presenti existo tempore Adami, & tempore Antichristi, sed aliquando de futuro, aliquando de presenti, aliquando de præterito, & mutabit modos iudicandi scientia Dei, licet idem iudicet ex parte rei iudicatz.*

19 Nec isti modi sunt solum ex modo significandi nobis scientiam Dei, sed erunt intrinsecè ex parte ipsius scientiæ Dei in modo intrinsecò iudicandi, quia ex suo modo intrinsecò iudicandi, & affirmandi, affirmabit prius de futuro, postea de presenti, ac demum de præterito eandem existentiam in eodem, seu pro eodem tempore; nec enim iudicium affirmans existentiam potest ab his modis abstrahere, ut dictum est. Nec exemplum de prophetia Christi venturi oppositum probat, quia licet illa prophetia, quoad rem significatam semper vero sit; tamen quoad modum de futuro, quo illud Prophetæ tunc iudicabant, modo verum non est, quia modus de futuro, de presenti, aut præterito, exercitè connotat durationem affirmantis comparative ad durationem rei, vel existentie affirmatz, & ab hac nemo præscindere potest, nec ipsa Deus, dum affirmat existentiam rei.

### SOLLVNTVR OBIECTA.

20 **C**ontra præcedentes conclusiones ferè nihil momenti obijciunt à contrariis. Obijciunt enim contra secundam; quia Deus potest infundere de presenti intellectui speciem, & noticiam, quæ repræsentet rem futuram, v. g. Antichristum immediatè in se ipso existentem tempore futuro: Sed tunc intellectus cognosceret ipsum existentem in se ipso immediatè: Ergo potest noster intellectus cognoscere de presenti, seu nunc rem futuram, non solum quantum ad ordinem causarum, sed quantum ad existentiam illius in se ipsa immediatè: Ergo multo melius intellectus divinus, quamvis rei existentia sit respectu illius futura. Et confirmant in scientia infusa Christi Domini, qua res fu-

turas cognoscebat, non in alio medio, quam in se ipsis. Huic argumento, respondeo primò, distinguendo maiorem: Speciem, & noticiam, quæ repræsentet apprehensivè Antichristum immediatè in se ipso existentem tempore futuro, transeat, quia hoc non est ad rem: Quæ repræsentet illum iudicativè, & affirmativè immediatè ut in se ipso existentem tempore futuro, sub distinguo: Quæ immediatè per exclusionem medij signatè, & categorematice affirmati, concedo: Per exclusionem medij sincategorematice, & exercitè affirmati, nego maiorem, & distinguo minorem eodem modo, & similiter consequens, quoad secundam partem; quia de presenti, scilicet de lege ordinaria, dari non potest noticia, quæ repræsentet affirmativè existentiam Antichristi futuram ita immediatè in se ipsa, quod non repræsentet illam exercitè, & sincategorematice ex parte obiecti sub modo futuriæ, & ordinis causæ, vel causarum ad illam, vel saltem ut revelatam de presenti, & ut fiat sub revelatione divina de presenti, vel sub alio modo, & ordine de presenti connexo cum existentia postea; quia debet repræsentare illam existentiam, ut quid firmum, & ratum de presenti, & non potest existentia futura repræsentari, ut quid firmum, & ratum de presenti, nisi repræsentetur sub aliquo modo aut ordine, aut dispositione divina de presenti connexa cum illa.

21 Vel secundo respondeo, concessa maiori, distinguendo minorem: Tunc intellectus cognosceret Antichristum, ut existentem in se ipso immediatè per noticiam infusam à Deo, cui Antichristus esset physicè præsens, concedo: Modo connaturali, & per noticiam, vel ex se, vel ab obiecto acquisitam, nego minorem, & distinguo consequens eodem modo; quia data illa noticia infusa, ideo per illam posset intellectus cognoscere affirmativè existentiam futuram Antichristi in se ipsa, quia hanc representationem haberet ex Deo, cui Antichristus in se ipso esset physicè præsens, non autem posset inquam intellectus creatus connaturaliter ex se, & ex obiecto, attenta habitudine connaturali sui ad existentiam obiecti, illam repræsentare immediatè in se ipsa, nisi illa esset sibi præsens physicè in se ipsa. Ex quo negatur ultima consequentia, quia, cum Deus non possit cognoscere futura per noticiam sibi infusam ab alio, cui futura sint physicè præsentia, sed solum per se, à se, & connaturaliter, secundum connaturalem sui intellectus tendentiam ad obiectum, minimè posset ea affirmativè cognoscere immediatè in se ipsis existentia, si ut sic existentia non essent sibi physicè præsentia in sua duratione æternitatis. Et ratio est, quia implicat cognoscere futura immediatè ut existentia actu in se ipsis, nisi vel quia cognoscenti sunt physicè præsentia in se ipsis, vel quia accipit, & par-

participat notitiam ab alio, cui sunt physice presentia: Intellectus creatus potest hoc secundò modo ea cognoscere immediatè, vt existentia in se ipsis tempore futuro, si potest accipere notitiam, ea sic representantem, infusam à Deo, cui sunt physice presentia ea futura; sed Deus non potest ea sic cognoscere, nisi primò modo.

22 Vel tertio & melius respondeo, distinguendo maiorem: Deus potest infundere de presenti notitiam, quæ representet rem futuram vt immediatè existentem in se ipsa tempore futuro, media participatione aliqua suæ æternitatis in tali notitia, concedo: Absque omni æternitatis participatione in tali notitia infusa, nego maiorem, & distinguo minorem: Tunc intellectus cognosceret Antichristum immediatè, vt existentem in se ipso ex vi æternitatis participatæ, vi cuius compararetur intellectus, siue ea notitia ad tempus Antichristi, vt ad tempus sibi præsens, concedo: Absque tali participatione, nego minorem, & distinguo consequens eodem modo, negoque vltimam consequentiam; quia casu quo Deus infundere velit intellectui creato notitiam immediatam existentiam rei futuræ in se ipsa, opus est, quod talis notitia participet ex Deo modum æternitatis ipsius, vi cuius comparatur ad tempus futurum, tanquam ad tempus sibi præsens; quem modum æternitatis potest Deus Prophetæ, vel alteri communicare, ita vt eius intellectus modo quodam amplissimo æternitatis se habeat præsentem ad tempus longè distans, quod quidem licet sit distans physice respectu temporis nostri, & naturalis durationis ipsius Prophetæ, sit tamen præsens respectu æternitatis participatæ in illa notitia infusa, quæ nempe notitia infusa ex participatione æternitatis habeat modum durandi amplioiorem completentem tempus futurum, vt sibi præsens physice; & ratione huius presentie, seu æternitatis participatæ poterit esse notitia intuitiva Antichristi in se ipso pro illo tempore, quod respectu nostri est futurum, sed respectu illius notitiæ, vt participatiuè æternæ, sit præsens. Vnde semper requiritur presentia futuri in æternitate, vt cognoscatur immediatè, vt existens in se ipso; nempe vel presentia per essentiam talis, vel presentia participatiuè talis in ea notitia.

23 Ex quo iam patet ad confirmationem desumptam ex scientia infusa anime Christi aut alicui; licet enim certum sit, quod per illam cognoscit futura infallibiliter, incertum tamen est, quomodo, aut in quo medio ea cognoscatur. In qua difficultate variant Theologi. Explicanda autem est vno ex tribus modis relatis; nempe vel dicendo, quod illa non cognoscit, nisi sub aliquo ordine, vel modo de presenti connexto cum illis postea; vel quod si illa cognoscit immediatè, ideo est, quia ea cognoscit notitia sibi

infusa à Deo, cui futura sunt physice presentia, quam notitiam ita immediatam Deus infundere non potest, nisi illi futura essent physice presentia; vel denique quod illa representat immediatè vt in se ipsis existentia ratione æternitatis participatæ, vi cuius comparatur scientia infusa ad tempus futurum, tanquam ad tempus sibi physice præsens. Quocumque autem ex his modis solvatur illa difficultas, & explicetur scientia infusa de futuris, semper manet certum, requiri in Deo presentiam physicam futurorum in eius æternitate, vt illa in se ipsis vt actu existentia cognoscat connaturaliter, & per connaturalem habitudinem ad illa, quia in Deo non est locus notitiæ infusæ ab alio, cui sint physice presentia. Videatur D. Thom. *quest. 12. de verit. art. 6.* vbi explicat, quo pacto Propheta videat res futuras in speculo æternitatis.

24 Obijcies secundò contra tertiam conclusionem: Notitia rei futuræ per propriam speciem terminata ad eius quidditatem, existentiam, & accidentia verè est intuitiva illius rei: Sed talis notitia haberi potest absque presentia physica illius rei in propria, nec in aliena mensura: Ergo & notitia intuitiva rei. Probatum maior, primò, quia illa notitia non est abstractiva, cum non abstrahat ab existentia: Ergo est intuitiva. Secundò, quia talis notitia perseverare potest eadem manens usque ad tempus, in quo existat illa res: Sed tunc esset intuitiva: Ergo & ante, siquidem eadem est ante, quam post. Tertiò, quia cognitio infusa Petro existentis Salmanticæ, de Paulo vt existente Romæ, representans illum quoad existentiam, & cetera accidentia, foret intuitiva, non obstante absentia locali cum tanta distantia: Ergo pariter notitia infusa Petro nunc existentem, de Paulo vt existentem tempore Antichristi, esse poterit intuitiva, non obstante absentia, & distantia temporalis, ex nunc usque ad tunc Antichristi.

25 Responder Illust. Godoy, negando maiorem. Ac eius primam probationem, negat antecedens, quia licet non abstrahat omnino ab existentia, abstrahit tamen ab illa vt actu extra causas exercitæ, quod sufficit vt sit abstractiva, sicut actus voluntatis, quo quis desiderat tempus, non est gaudium, sed desiderium, sicut non abstrahit omnino à possessione, quia abstrahit ab illa exercitè. Ad secundam, omittit maiori, negat minorem, quia cum ea cognitio non terminaretur ad rem vt exercitè sibi presentem, licet adveniret tempus, in quo esset re ipsa sibi præsens, hoc esset per accidens respectu illius notitiæ, non per se, quia per se abstraheret à tali presentia, vt patet, inquit, in notitia intellectuall, quam Petrus haberet clausis oculis de Paulo alias sibi actu præsenti, quæ non esset intuitiva, sed solum abstractiva. Ad tertiam, omittit antecedenti, negat consequentiam, quia absque presentia.

scientia locali salvatur noticia rei terminata ad rem vt extra causas exercit existentem, quod sufficit vt noticia sit intuitiva, non tamen absque presentia in duratione.

26 Sed hæc solutio, ni fallor, non plane satisfacit ad probationes maioris. Non ad primam, nam sanè si semel admittatur noticia rei future per propriam speciem, quæ immediatè eam repræsentet certò, & affirmativè, vt existentem tempore futuro eum omnibus suis accidentibus, prout revera in illo suo tempore existentem, ea cognitio imprimis non abstrahit ab existentia exercitæ extra causas, cum immediatè agnoscat rem illam extra causas existentem in tempore illo, in quo extra causas erit exercitè: Ergo non erit abstractiva ab existentia exercitæ extra causas. Nec item ad secundam, nam si illa noticia esset noticia immediata rei vt existentis tempore determinato A, v. g. adveniente tempore illo, & illa noticia perseverante in illa, iam per te esset noticia immediata rei existentis exercitè de presenti, quia per se esset, sicut antea, noticia immediata rei vt existentis tempore A, & tunc tempus A esset sibi præsens, vnde per se esset noticia rei vt existentis tempore sibi præsentis: Ergo esset intuitiva. Nec ad tertiam, nam si semel admittatur noticia immediata & certa rei vt existentis in se ipsa pro duratione posteriori, & distanti à duratione præsentis, æquè respiceret hæc noticia rem, vt exercitè existentem extra causas in illa duratione, & æquè immediatè, ac noticia habita Salamanicæ de Paulo, vt existente Romæ respiceret Paulum vt exercitè existentem extra causas in vocatione Romæ distanti: Ergo æquè illa esset intuitiva, ac ista, siquidem æquè illa immediatè respiceret Paulum, vt exercitè existentem in duratione distanti per duos annos, v. g. ac ista respiceret immediatè illum, vt exercitè existentem in vocatione distanti per bis centum leucas: Ergo æquè veraque esset intuitiva.

27 Vnde censeo, quod admissa noticia immediata, & affirmativa, ac certa rei vt existentis in se ipsa pro tempore posteriori, vel anteriori ad præsentem durationem talis notitiae, quælibet manens, an illa sit intuitiva, vel non, erit solum de nomine, nam sanè illa erit noticia certa, & iudicativa, immediataque rei vt existentis exercitè in se ipsa extra causas in duratione, & tempore determinato, vi cuius possit intellectus affirmare immediatè, *rei existit actu & exercitè extra causas in tempore A, v. g. nam illam immediatè video in eo tempore si existentem in se ipsa extra causas.* Quod vero illud tempus, in quo illam sic agnoscit actu, & exercitè existentem extra causas, sit actu coexistens, cum existe ea noticia, erit differentia omnino accidentalis, & per accidens, non immutans in

trinsecè illam noticiam quandam ad modum repræsentandi certo, & immediatè rem vt exercitè existentem extra causas in se ipsa tempore illo determinati A, ac per còtequens faciet quæstionem de nomine, an scilicet vocanda sit intuitiva, vel non, nec erit cur potius vocetur abstractiva, eum repræsentet immediatè rem vt exercitè existentem in se ipsa in tempore A.

28 Vnde melius respondeo, ex doctrina tradita, impensibilem esse noticiam certam, & iudicativam immediatam de re vt existentem in se ipsa extra causas tempore futuro, nisi ea noticia participet de modo æternitatis præsentiam ad tempus illud futurum, vi cuius tempus futurum non habeat erga illam modum futuri, vel absentis, sed modum præsentis, vnde solum ex participatione æternitatis, cui omnia tempora sunt præsentia, potest dari noticia immediata, ac certa de rebus futuris vt existentibus immediatè in se ipsis extra causas; secluta vero præsentia illa temporum in æternitate, vel per essentiam, vel participata, *quacumque virtus creata aliquam cognitionem habet de futuris, eius cognitio non servatur nisi ad ordinem causarum, quia eius intuitus limitatur ad aliquod tempus determinatum, vnde solum cognoscit ea, quæ sunt in illo tempore; futura autem in tempore, quando adhuc sunt futura, non sunt nisi in ordine suarum causarum, vnde sic solum modo à nobis cognosci possunt, & ab omni intellectu, cuius cognitio tempore mensuratur.* Quæ doctrina, vt vidimus est expressa D. Thom. Ex qua quidem ad argumentum in forma melius respondeo, omnia maiori, negando minorem; quia noticia immediatè terminata ad existentiam rei future extra causas, haberi nequit, nisi exparticipatione æternitatis, cui tempus futurum est actu præsens, & consequenter est impossibilis sine præsentia physica rei future in mensura æternitatis, per quam cognitio, vel noticia illa participative mensuretur.

29 Obijcies tertio: Cognitioni Dei de futuris est intuitiva ab æterno secundum omnem virtualitatem æternitatis: Sed futura non sunt illi præsentia physice ab æterno in æternitate secundum omnem virtualitatem æternitatis: Ergo non requiritur præsentia physica futurorum in æternitate, vt cognitio illorum sit intuitiva. Respondet Illust. Godny distinguendo maiorem: Est intuitiva ab æterno secundum omnem virtualitatem æternitatis, id est ex omni virtualitate æternitatis, negat: Id est, in omni virtualitate æternitatis, sed non ex omni virtualitate illius concedit, & distincta minori eodem modo, negat consequentiam; quia vt cognitio divina de futuris sit intuitiva in omni virtualitate æternitatis non requiritur, quod futura sint illi præsentia in omni virtualitate illius, sed satis est, quod sint illi physice præsentia secundum illam virtualitatem.

virtualitatem, ex qua habet conceptum intuitivum: licet enim cognitio divina sit intuitiva in omni virtualitate aeternitatis, non tamen ex omni virtualitate illius, sed solum ex illa, secundum quam futura sunt sibi praesentia, seu secundum quam correspondet praesentialiter illi tempori determinato, in quo futura existunt.

30 Sed hanc solutionem non admittimus, quia ut supra ostendimus *quest. praeced. a. num. 50.* illa distinctio virtualis, aut virtualitatum in aeternitate est fictitia, & inepta ad explicandam aeternitatem, & praesentiam illius simultaneam ad omnia tempora. Et item, quia rogo, vel cognitio Dei de Antichristo, quae per se est intuitiva in omni virtualitate aeternitatis, & consequenter in virtualitate correspondente tempori praesenti, est intuitiva ex hac virtualitate praesentis, vel non ex hac, sed ex illa, quae correspondet tempori futuro Antichristi. Si primum Ergo in virtualitate, in qua est intuitiva, est intuitiva ex illa ipsa virtualitate: Ergo si in omni, etiam ex omni virtualitate, est intuitiva; quod negas. Si secundum: Ergo potest esse intuitiva in una virtualitate, non ex illa, sed ex alia virtualitate posteriori ad illam, & virtualiter futura respectu illius: Ergo poterit poterit in una duratione esse intuitiva, non ex ipsa, sed ex alia duratione posteriori ad illam, & futura respectu illius, in qua fit physice praesens Antichristus: Ergo poterit esse intuitiva in duratione, in qua non existat de praesenti Antichristus, si nimirum dicatur, quod non habet esse intuitivum ex hac praesenti duratione, sed ex alia posteriori, in qua existit praesens Antichristus. Nec enim apparet minor difficultas in eo, quod in una virtualitate habeat conceptum intuitionis, non ex illa, sed ex alia virtualitate posteriori ad ipsam, & futura respectu ipsius, quam in eo, quod in una duratione, aut replicatione habeat conceptum intuitivum, non ex ipsa, sed ex alia posteriori ad ipsam, & suo modo futura respectu illius.

31 Nec solvit difficultatem Ill. God. dicens, quod duratio praesens non continet anticipare obiectum solum existens per alia duratione futurae duratio autem aeternitatis continet anticipare durationes creatas secundum diversas sui virtualitates. Cetera enim est, quia si semel ille virtualitates sunt diversae, ut supponit, secundum virtualitatem correspondentem tempori praesenti non continet anticipare durationem propriam Antichristi, sed solum illam continet secundum aliam posteriorem correspondentem tempori futuro: Ergo iam salvatur, quod divina cognitio in una virtualitate habet conceptum intuitionis, non ex illa, nec ex alia vi cuius anticipare continet praesentialiter durationem Antichristi, sed solum ex alia posteriori, vi cuius illam continet virtualiter: Ergo patitur in una duratione, aut replicatione poterit habere conceptum intuitivum, non ex illa, nec quia anticipare continet obiectum praesens, sed ex alia posteriori, in qua

lud continet praesentialiter. Vergetur, quia eo modo, quo distinguit illas virtualitates, debet inter illas assignare ordinem prioris, & posterioris, & succedentiam inter illas: Ergo non erunt simul virtualiter, sed una virtualiter post aliam: Ergo in virtualitate correspondenti tempori praesenti non continetur virtualiter virtualitas correspondens tempori Antichristi: Ergo si in hac virtualitate correspondenti ad tempus praesens iam illa noticia est intuitiva ex alia virtualitate non contenta in illa, nec in illa existenti, sed ad illam posteriorem, poterit etiam esse intuitiva in una duratione, ex alia nondum existenti in ipsa, sed posteriori ad ipsam; nec enim est minor difficultas in eo, quod virtualitas posterior praesens effectum in virtualitate priori, quam in eo quod duratio, aut replicatio posterior praesens effectum in priori duratione, aut replicatione.

32 Vnde melius respondeo, negando illas virtualitates diversas in aeternitate, & consequenter negando minorem, vel eius suppositum, quia in aeternitate intrinsece, & pro recto non sunt plures, sed unica simplicissima virtualitas, vi cuius simul mensuratur unica simplicissima mensuratione omnia tempora vera, vel imaginaria ab aeterno usque in aeternum, unde nulla est excogitabilis virtualitas intrinseca in aeternitate, in qua non sit illi physice praesens tempus Antichristi, & eo mediante ipse Antichristus, unde in omni virtualitate intrinseca illius divina cognitio est intuitiva Antichristi, imò & ex omni virtualitate, quia non est a parte rei, nisi unica virtualitas simpliciter infinita, & consequenter correspondens omni tempori ab aeterno usque in aeternum, ex qua, & non solum in qua, habet divina cognitio, quod sit intuitiva Antichristi. Vide *quest. praecedent. num. 50.*

33 Sed instabis ex Ill. God. Antichristus distat duratione ab aeternitate, ut equivalenti huic *nunc* nostri temporis: Ergo non est praesens illi, ut equivalenti huic *nunc* nostri temporis: Ergo nec est praesens huic equivalenti, nec virtualitati. Probatur antecedens, primum, quia Antichristus non est simul duratione cum aeternitate, ut equivalenti huic *nunc* nostri temporis, alias esset simul durationem cum hoc *nunc* nostri temporis: Ergo distat ab aeternitate, ut equivalenti huic *nunc* nostri temporis: Secundum, nam qui existit Salmantica, distat ab immensitate secundum virtualitatem, quae est praesens Matriti; alius qui existit Salmantica, esset praesens toti immensitati, & omni illius virtualitati: Ergo. Respondeo, negando antecedens. Ad primam probationem, nego etiam antecedens, & sequela, quia aeternitas ex parte sua non prius equivaleat uni tempori, quam alteri, nec per distinctas equivalencias, sed una simplicissima equivalencia simul equivaleat omnibus temporibus inter se distinctis, & succedentibus, unde eo ipso, quod Antichristus sit praesens aeternitati, est praesens in ea, ut equivalencia omnibus temporibus, quia aeternitas, ex quo est

eternitas simul, & simplicissima æquivalentia equi-  
 valet omnibus temporibus; nec inde inferitur, quod  
 Antichrius existat in omnibus temporibus, aut  
 in hoc nostro tempore; quia ex quo coexistat equi-  
 valentæ infinite ad omnia tempora, non sequitur,  
 quod coexistat omni tempori, nam ex quo sit præ-  
 sens toti recto, non sequitur, quod sit præsens om-  
 nibus connotatis illius recti, quando rectum est sim-  
 plicissimum, & infinitum, & infinita habens con-  
 notata inter se distantia. Ex quo ad secundam,  
 nego antecedens; nam qui est præsens Salmanticæ  
 immensitati, est præsens, nedum toti immensitati,  
 sed omni virtualitati intrinsecæ immensitatis, nam  
 ubi est tota immensitas, est sanè omnis virtualitas  
 intrinsecæ immensitatis, cum virtualitas intrinsecæ  
 immensitatis non possit distare à parte rei ab im-  
 mensitate tota; nec ex hoc inferitur, quod qui est  
 Salmanticæ, sit Martii, nam licet tota virtuali-  
 tas intrinsecæ immensitatis pro recto sit Salman-  
 tica, non sequitur, quod ubi est totum rectum, sed  
 tota virtualitas pro recto, sint omnia illius conno-  
 tata, & obliqua, quando rectum totum habet, in-  
 finita connotata distincta, in quibus sit. Et ratio est,  
 quia immensitas, licet tota, tam formaliter, quam  
 virtualiter intrinsecæ sit in quolibet loco, v.g. Sal-  
 manticæ, non est in illo tanquàm in loco sibi equali,  
 sed infinite minori; & similiter licet eternitas tota  
 tam formaliter, quam virtualiter intrinsecæ, & pro  
 recto virtualitatis sit in quolibet tempore, non est in  
 illo ut in duratione sibi equali, sed infinite mino-  
 ri, & inæquali, quia videlicet immensitas secun-  
 dum totam suam entitatem, & virtualitatem in-  
 trinsecam communis est realiter innumeris alijs  
 locis, ita ut in quolibet tota sit, tam formaliter,  
 quam virtualiter intrinsecæ, & pro recto virtuali-  
 tatis, & similiter eternitas secundum totam suam  
 entitatem, & virtualitatem intrinsecam pro recto  
 communis est realiter innumeris alijs tempori-  
 bus, ita ut in quolibet tota sit formaliter, & virtu-  
 aliter intrinsecæ pro recto virtualitatis; quando au-  
 tem rectum est ita realiter commune pluribus ex-  
 tremis inæqualibus, & inæqualibus, ex quo totum,  
 tam formaliter, quam virtualiter intrinsecæ pro  
 recto sit in uno, & totum similiter in alio, non in-  
 feritur, quod unum sit in alio, nec quod illa extre-  
 ma inter se sint simul. Ut vidimus suprà q. præ-  
 c. 23.

34 Denique obijciat: Præsentia futu-  
 rum in eternitate impedit quod Deus cognoscat  
 futura; Ergo, non est necessaria ut illa perfectissi-  
 me cognoscat. Probatur antecedens; quia illa  
 præsentia impedit quod sint futura, quia per præ-  
 sentiam physicam tollitur futurio: Ergo & quod  
 cognoscantur futura. Confirmatur. Præsentia phy-  
 sica futurorum in eternitate non est medium ne-  
 cessarium, in quo cognoscantur à Deo futura: Er-  
 go non requiritur ut perfectissime cognoscantur.  
 Probatur antecedens, primò, quia sufficiens me-

diū est decretum, iuxta Thomistas: Ergo eter-  
 nitas non est medium necessarium. Secundò, quia  
 æternitas ex se non est causa rerum præsentium  
 in illa, nec connexa cum illis: Ergo non est mediū,  
 in quo cognoscantur. Tertiò, nam Deus cognoscit  
 perfectissime futura conditionata in se ipsis; & ta-  
 men nō sunt physicè præsentia in eternitate: Ergo.

35 Respondeo, distinguendo antecedens: Im-  
 pedit, quod Deus cognoscat futura reduplicativè,  
 aut tanquam sibi futura, concedo: Futura specifica-  
 tivè, ut sibi præsentia, nego antecedens, & conse-  
 quentiam. Ex quo ad probationem antecedentis  
 patet, quia præsentia futurorum in eternitate tol-  
 lit futuritionem illorum respectu Dei in sua eter-  
 nitate, sed non tollit quod illa maneant futura in  
 tempore respectu nostræ; unde Deus cognoscit fu-  
 tura, quæ nobis in tempora sunt futura, ut sibi præ-  
 sentia in eternitate; in quo nulla est contradictio.  
 Ad confirmationem, concedo antecedentem, nego  
 consequentiam, quia nō exigimus præsentiam fu-  
 turorum in eternitate tanquam medium ea cog-  
 noscendi, sed ut conditionem necessariam ut Deus  
 ea cognoscat intuitivè ut sunt in se ipsis extra cau-  
 sas, & ut illa cognoscat invariabiliter, ut ex di-  
 ctis patet, unde admittimus duas primas proba-  
 tiones antecedentis. Ad tertiam autem, dico, quod  
 futura conditionata non possunt à Deo cognosci  
 in se ipsis, non solum quia ipse non sunt obiecta for-  
 male, nec obiectum, nec terminativum primarium  
 divine cognitionis, sed etiam quia non sunt præ-  
 sentia in eternitate. De quo dicemus infra.

36 Sed replicabit: Ut cognoscantur in decre-  
 to futura satis est, præsentia ipsius decreti: Sed per  
 nos futura solum cognoscuntur in decreto: Ergo  
 satis est præsentia decreti, & non requiritur præ-  
 sentia illorum in se ipsis. Respondeo, distinguen-  
 do maiorem: Ut cognoscantur in decreto intran-  
 sitivè, & in se: quantum ad denominationem ex-  
 trinsecam decreti, & quantum ad ordinem, quem  
 habent in causa prima, concedo: Ut cognoscantur  
 in decreto transitivè, transiente scilicet cog-  
 nitione ex decreto ad cognoscenda futura ut exi-  
 stentia in se ipsis, nego maiorem, & distingo mi-  
 norem eodem modo, neque consequentiam  
 quia, dum dicimus, Deū cognoscere futura in de-  
 creto, non est sensus, quod solum ea cognoscit in  
 transitivè in decreto, ut præcisè extrinsecè decre-  
 tata, aut voluta, aut præcisè quantum ad ordinem,  
 & esse quod habent in Deo ut in causa determi-  
 nata ad ipsas, sed quod cognoscit illa in decreto ut  
 in medio, in cuius transit divina cognitio ad cog-  
 noscenda futura secundum existentiam intrinsecam  
 illorum extra causas, veque existentia in se ipsis suo  
 tempore; quo pacto ea non posset cognoscere, ad-  
 huc in decreto, ut in medio, nisi ut existentia in  
 se ipsis extra causas essent physicè præsentia Deo  
 in sua eternitate; quia aliter, si essent physicè ab-  
 sentia, solum ea cognosceret, quantum ad ordi-  
 nem



nam præsentem, quem de præsentī haberent in causa prima, non vero immēdiatē quantum ad executionem talis ordinis, ut suprà vidimus ex D. Thom. vel solum ea cognosceret abstractivē, non intuitivē; vel ea cognosceret nunc de futuro, nunc de præsentī, nunc de præterito, variabiliter, non vero immutabiliter semper de præsentī, ut suprà dicebamus.

### QUÆSTIO III.

#### AN SCIENTIA DEI DE FUTURIS sit causa illorum?

**C**ommunis sententia Theologorum in hoc vno consensit, quod scientia Dei de creaturis ut possibilibus, quæ appellatur scientia simplicis intelligentiæ, est causa rerum, nō executiva, aut effectiva propriē, sed per modum dirigentis. Difficultas autem est, an etiam ut est scientia de futuris, aut de rebus existentibus, quo pacto appellatur scientia visionis, sit causa ipsarum rerum efficiens illas existere. In qua difficultate Iesuitæ communiter negant; Thomistæ communiter affirmant.

2 Pro intelligentia tamen sententiæ Thomistarum, notandum valde est, scientiam Dei de futuris, aut de rebus ut existentibus in se ipsis, prius denominari scientiam approbationis, quam scientiam visionis; denominatur enim scientia approbationis ex decreto, aut beneplacito divini voluntatis, vi cuius, seu quia divini voluntati placet res producere, approbat illas ut producendas, sive illarum productionem, & existentiam; denominatur autem scientia visionis ex hoc quod intuetur illas ut existentes in se ipsis, & ut præsentēs in sua æternitate. Notandum item est, quod non est distincta scientia vilo pacto vno ac alio modo, quia utroque modo habet idem ipsissimum obiectum, tam primum, quam secundarium, quia tam ut approbationis, quam ut visionis respicit pro obiecto primario essentiam divinam ut determinatam per voluntatem ad res producendas, & pro obiecto secundario ipsas res ut producendas in se ipsis, & secundum suam existentiam; cum hac sola differentia, quod ut approbationis respicit prædicte ipsas res inferendo earum existentiam; ut visionis autem significatur ut eas respiciens speculativē ut factas, & existentes; quæ differentia amplius infra explicabitur. Igitur.

#### NOSTRA SENTENTIA,

3 **D**ico primò, quod scientia Dei de rebus futuris, aut existentibus, est causa effectiva ipsarum rerum. Sive, quod scientia Dei, non solum prout terminatur ad quidditatem, & possibilitatem rerum, quo pacto dicitur scientia simplicis intelligentiæ; sed prout termi-

natur ex determinatione libera divine voluntatis ad futura, aut existentia, quo pacto dicitur scientia approbationis, est causa effectiva ipsarum rerum futurarum, aut existentium. Ita D. Thom. in præsent. artic. 8. ubi sic ait: *Vnde de neceffe est, quod sua scientia Deus sit causa rerum, secundum quod habet voluntatem coniunctam, unde scientia Dei, secundum quod est causa rerum, consuevit nominari scientia approbationis.* Sed clarius id ipsum docet in 1. dist. 39. quæst. 2. artic. 1. ubi inquit, utrum Deus possit non scire illud, quod est scitum ab eo, & quantum argumentum sic contra se format: *Scire ipsum est ipsum esse eius: Sed ipse non potest non esse quod est. Ergo non potest non scire, quod scit.* Et respondet sic: *Ad quantum dicendum, quod licet esse, & scire, sint idem secundum rem, tamen scire sequitur voluntatem ut imperatum ab ipsa, esse autem non; & ideo esse suum non subiacet libertati voluntatis, sicut scire operativum creaturæ.* En igitur, ubi locus non est interpretandi Div. Thom. de scientia simplicis intelligentiæ; tum quia scientia Dei, ut habet voluntatem coniunctam, & ut est scientia approbationis, non manet purè ut scientia simplicis intelligentiæ purè terminata ad quidditates ut possibiles. Tum, quia D. Thom. in secundo loco adstruit scire liberum, operativum creaturæ, quod sequitur ad voluntatem, ut imperatum ab ipsa: Sed hoc scire non est scientia simplicis intelligentiæ, quæ necessaria est, & minime sequitur ad voluntatem, nec imperatum ab ipsa: Ergo D. Thom. interpretari nequit de scientia simplicis intelligentiæ.

4 Nihilominus P. Emmanuel à Concept. inquit scientiam approbationis dici à D. Thom. ipsam, scientiam simplicis intelligentiæ, quia licet scientia simplicis intelligentiæ ex se sit indeterminata, determinatur tamen per voluntatem adiunctam, & sic non est causa rerum usque dum ei adiungatur voluntas, per quam determinatur, & quatenus habet illam adiunctam, dicitur scientia approbationis. Sed contra est, quia scientia approbationis, ut videtur, dicitur à D. Thom. scire operativum creaturæ, quod sequitur ad voluntatem, ut imperatum ab ipsa, & subiacet libertati voluntatis divine: Sed scientia simplicis intelligentiæ talis dici nequit, nisi falsissime: Ergo scientia simplicis intelligentiæ non dicitur à D. Thom. scientia approbationis. Contra secundo, quia potest scientia simplicis intelligentiæ non est causa rerum, nisi ut determinata per voluntatem divinam; Sed ut determinata per voluntatem divinam, non manet scientia de solis quidditatibus possibilibus, seu solum simplicis intelligentiæ, sed est iam scientia de rebus ut faciendis, aut ponendis in re, & consequenter de illis ut existentibus pro posterius ad ipsam; Ergo scientia simplicis intelligentiæ

mentum fieri potest de rerum defitione, nam illa non existit semper, & ab æterno in æternitate, aliàs semper, & ab æterno Adamus definiret, vel desisset esse in æternitate; & iam non esset semper præsens in æternitate: Sed deficio rerum aliquando est futura, aliquando præterita: Ergo aliqua futura, vel præterita non sunt semper, & ab æterno in æternitate. Item: Inceptio casualis rei est transitus de non esse ad esse; deficio est transitus de esse ad non esse: Sed hic transitus non est in æternitate semper, & ab æterno: Ergo nec rerum inceptio, aut deficio: Sed rerum aliquarum inceptio est præterita, & aliarum est futura: Ergo aliquid præteritum, & aliquid futurum non esse semper, & ab æterno in æternitate. Prima minor patet, quia implicat ab æterno rem transire de non esse ad esse, aut de esse ad non esse, adhuc in æternitate: Sed si talis rerum transitus esset ab æterno in æternitate, ab æterno in æternitate res transiret, vel de non esse ad esse, vel de esse ad non esse: Ergo.

97 Respondeo, negando minorem. Ad cuius probationem, distinguo maiorem: Res incipiunt esse, quando existit exercitè, & vt quo eorum existit, concedo maiorem: Quando existit signatè, & vt res quædam, nego maiorem, & distinguo minorem: Inceptio rerum existit in æternitate exercitè, & vt quo, nego: Signatè, & vt quod, sive vt res quædam, concedo minorem, & nego consequentiam; quia inceptio rerum aliter existit in tempore, aliter in æternitate; in tempore existit exercitè hoc est exercitèdum incipiendi, seu exercitè vt quo incipiendi; at in æternitate non existit exercitèdum existendi, nec vt quo, nec vt quod, quia nec ipsa incipit in æternitate, nec est, quia res incipiunt existere in æternitate, sed qua res incipiunt existere in tempore: Solum ergo existit præsentia in æternitate, vt res quædam mensurata æternaliter, & permanent in ipsa. Sicut enim ipsa rerum successio, & ipsam tempus successivum existit in æternitate, sed non vt in illa exercitèdum succedens, & transiens, sed vt succedens, & transiens in tempore, vt manens tamen, & vt stans in æternitate, in qua, vt aiebat Gregorius, modo quodam incomprehensibili, transeuntia manent, currentia stant: Nec tempus intus in conspectu eius defluit, quod apud nos foris decurrit.

98 Et vt aiebat P. Damianus, omnia que apud nos elabendo discurrunt, aut temporum vicissitudine se variant, apud illud bodie stant, & immobiliter perseverant; sic etiam ipsa rerum inceptio, & ipsæ res incipientes, sunt in æternitate sine iniectione in illa, quia in illa incipientia non incipiunt, & deficientia non deficient, sed sempiterno modo invariabiliter, & immutabiliter, indefinenter, & æternaliter stant. In quo, vt aiebat Anselmus ubi supra, nulla est

contrarietas, quia aliter sunt res in tempore, quam in æternitate, cum aliquando verum sit, quod est aliquid in æternitate, quando non est in tempore; & quod fuit in tempore, quod ibi non fuit, & quod erit in tempore, quod ibi non erit, non quia ibi nullo modo sit, sed quia ibi non est præterito, vel futuro modo, siquidem ibi indefinenter est suo præsentis modo; & sicut in his non est contrarietas, ita nec in eo, quod incipientia in tempore, ibi non incipiunt, & quod deficientia in tempore, ibi sunt indefinenter, & quod transeuntia in tempore, & mutata, vel mutabilia in tempore, ibi sunt immutabiliter. Quippa non magis opposita sunt, mutabile in tempore, & immutabile in æternitate, incipiens in tempore, & non incipiens in æternitate, deficient in tempore, & indefinenter existens in æternitate, transiens in tempore, & manens in æternitate, quam non esse in aliquo tempore, & esse semper in æternitate: Fuisse, vel futurum esse in tempore, & non fuisse, nec futurum esse in æternitate: Sicut ergo hæc non opponuntur, ita nec illa.

99 Ex quo iam patet ad aliàs formas eiusdem argumenti, dicimus enim, quod rerum deficio existit in æternitate, non exercitèdum suo modo, nempe definenter, aut definendo in illa, sed vt res quædam alio modo, nempe indefinenter, & æternaliter, & hoc eodem modo sunt in æternitate res in tempore decedentes, & definentes, nempe indefinenter, indefinenter, & consequenter æternaliter. Item fatemur, quod deficio est transitus de esse ad non esse, & inceptio transitus de non esse ad esse; sed ficut est ibi inceptio modo non inceptivo, & deficio modo non defectivo, sed indefinenter, & æternaliter, ita est ibi transitus non ibi transiens, nec modo transitorio, aut transeunt, sed modo permanenti, seu permanenti, & immobiliter. Et quidem, quid magis consilens in transitu, quam tempus, quod consistit in ipso continuo fluxu, & transitu motus, & durationis; & tamen, vt Gregorius ait, tempus ibi non defluit, quod apud nos foris decurrit. Quod si hæc difficultas capu videretur, nihil mirum, nec propterea illis contradicendum est; quia vt bene notat in præfati. Idephonus Michael, de rebus divinis tam altis, tamque excelsis humana ingenia, standum est magis deus SS. & intelligentiis ipsorum, quorum ingenia fuerunt abscondito magis illustrata, & assuefacta rebus divinis, minusque nebulis vitiis impedita, propter refulgentiam divinæ conversationis, & amicitie. Potissimum cum illis, licet non acquiescas, tandem, cum loquendo, vt supra, devenimus es ad tales angustias, vt fatemur argumentis pressis, te non habere solutionem, qua animus quiescat, & esse misterium ineffabile.

100 Obijciunt septimò: Si Antichristus futurus esset semper praesens in aeternitate, carentia Antichristi esset semper praesens in aeternitate; & nunquam esset praesens in aeternitate: Sed hoc implicat contradictionem: Ergo & quod Antichristus sit semper praesens in aeternitate. Probo sequelam, quoad primam partem, nam propter eam Antichristus esset ut semper praesens in aeternitate, quia existit in aliquo tempore, & aeternitas simul, & semper complectitur omne tempus: Sed etiam carentia Antichristi existit in aliquo tempore, & aeternitas simul, & semper complectitur omne tempus: Ergo carentia Antichristi erit esset semper praesens in aeternitate. Deinde probo sequelam, quoad secundam partem, quia quandocumque existit de praesenti Antichristus in eadem duratione indivisibili non potest existere eius carentia, cum sint aperte contradictoria: Sed per nos semper in duratione indivisibili aeternitatis existit de praesenti Antichristus: Ergo nunquam in illa existeret de praesenti carentia Antichristi: Ergo semper, & nunquam; quod nihil impossibilius excogitari potest.

101 Huic argumento, respondent nostri, semper in aeternitate existere de praesenti Antichristum, & semper in aeternitate existere de praesenti carentiam Antichristi; ceterum hæc non esse contradictoria in aeternitate, sed compatibilia; licet essent contradictoria, existere Antichristum in aeternitate, & non existere Antichristum in aeternitate; quia in his vna negat, quod affirmat alia, in illis vero neutra negat, sed utraque affirmat, vna existentiam Antichristi, alia existentiam carentiae ipsius, & affirmatio duorum existentiarum in aeternitate non importat contradictionem in illa. Sicut istæ sunt contradictoriae: *In subio sunt pisces: In subio non sunt pisces*, quia vna negat, quod affirmat alia; quin tamen istæ sint pariter contradictoriae: *In subio sunt pisces: In subio sunt non pisces*, quia utraque est affirmativa.

102 Sed contra hanc solutionem pluræ militat. Primò, quod paritas non est ad rem, cum quis subius non est locus indivisibilis, sicut aeternitas est quando indivisibilis, & sic possunt in subio esse pisces in vno ubi illi, & esse non pisces in alio ubi illi; at in aeternitate non potest esse duplex quando, vnum quando existat Antichristus, aliud quando existat eius carentia. Secundò, quia propositiones difficiles in aeternitate sunt istæ: *Semper in ea existit Antichristus: Semper in ea existit carentia Antichristi*. Vnde ut servaretur paritas deberet dici in alijs desubio: *In eo ubique sunt pisces: In eo ubique sunt non pisces*, quod non ita verificari posset. Tertiò; quia non ita opponuntur, *pisces*, & *non pisces*, licet *Antichristus*, & *carentia Antichristi*, vnde ut servaretur paritas, deberet dici *In subio*

*ubique sunt pisces: in subio ubique est carentia p. scium*; & sic servata paritate, abduobus istæ implicat contradictionem: Ergo pariter implicat contradictionem illæ: Semper in aeternitate existit Antichristus: Semper in aeternitate existit carentia Antichristi. Secundò, quia idem formalissimè est à parte rei existere carentiam rei, ac non existere rem, ut enim alibi diximus, carentia non existit positivè à parte rei, quasi res existentes, sed solum remotive, quatenus carentiam rei existere est idem formalissimè ac rem à parte rei non existere: Ergo existere in aeternitate carentiam Antichristi, est re ipsa Antichristum in ea non existere: Sed implicat contradictionem Antichristum existere semper in aeternitate, & ipsum re ipsa semper non existere in aeternitate: Ergo.

103 Propter eam responderet P. Emmanuel à Conceptione, negando, quod carentia Antichristi existat in aeternitate, quia ad hoc non sufficit, quod aliquando existat in tempore, sed opus erat, quod semper in tempore existisset, & exitura foret, siquidem aliter non vitat, quod Antichristus existat aliquando in tempore, & consequenter nec quod existat semper in aeternitate, ut probatum relinquimus, si autem carentia Antichristi existens aliquo tempore non vitat quod Antichristus sit semper in aeternitate, probari nequit ex eo, quod ipsa sit in tempore aliquo, quod sit etiam in aeternitate, quia alias excluderet existentiam Antichristi in aeternitate, contra suppositum.

104 Sed hæc solutio augeat, & non solvat vim argumenti. Nam certè, si quod Antichristus sit in aliquo tempore, sufficit, ut existat semper in aeternitate; cur quod carentia Antichristi sit in aliquo tempore, non sufficit, ut existat semper in aeternitate? Et, si rationes nostræ primum probant, cur non probabunt secundum? Item si carentia Antichristi existens in aliquo tempore non vitat, quod Antichristus sit semper in aeternitate, cur Antichristus existens in aliquo tempore vitabit quod carentia eius sit semper in aeternitate? cum non magis opponatur Antichristus suæ carentiae, quam carentia eius ipsi.

105 Aliæ ergo respondeo distinguendo sequelam: Carentia Antichristi esset semper praesens in aeternitate mediante certa mensura temporis, & non esset semper in aeternitate mediantribus alijs temporum mensuris, concedo: Esset & non esset semper mediante eadem mensura temporis, nego sequelam. Cuius probatio solum eam probat in sensu concesso, quia ex quo Antichristus existat in aliquo tempore, non probamus illum immediatè existere semper in aeternitate, tamquam in mensura immediata, & intersecata, sed solum mediante illa mensura temporis nobis futuri, in qua existit; quia enim in

illa erit existens, & illam cum omni alio tempore complectitur simul, & semper aternitas, ideo mediante illa est semper in aternitate praesens. Carentia autem eius, ex quo etiam existat in aliquo tempore, pariter infertur, quod medio illo, seu media illa mensura temporis, existat semper in aternitate. Caterum, quia diversa est realiter mensura temporis, in qua existit Antichristus, & mensura temporis, in qua existit eius carentia, ideo solum infertur, quod carentia Antichristi sit semper in aternitate mediante vna mensura temporis, & Antichristus sit etiam semper in aternitate mediante alia mensura temporis, in quo nulla est contrarietas, nec contradictio; siquidem ad summum sequitur, quod Antichristus sit semper in aternitate mediante mensura temporis A, & quod numquam existat in aternitate mediantibus alijs mensuris, quibus mediantibus existit eius carentia semper in aternitate; quod utrumque simul verum est.

106 Sicut enim in surdo vnus auris, & audiente per alteram, dici potest, quod eius anima, licet indivisibilis, habet auditum mediante vna aure, & carentiam auditus, seu surditatem mediante alia; & casu quo verbum assumsisset duas humanitates, posset simul ambulare media vna, & sedere media alia, dormire media vna, & vigilare media alia; vnde sicut tunc in eodem supposito indivisibili esset simul per distincta media scisio, & ambulatorio, sonnus, & vigilia, seu simul scisio, & carentia scisionis, sonnus, & carentia sonni, & in anima indivisibili essent simul per distincta media auditus, & carentia auditus; ita etiam in eodem quando indivisibili aternitatis possunt esse simul per distincta media, seu medijs distinctis temporum mensuris, Antichristus, & eius carentia, Antichristus vivus, & Antichristus mortuus, & alia plura, quae essent contradictoria in eadem immediata mensura, sed non sunt contradictoria nec opposita mediantibus diversis mensuris in eadem mensura media, licet indivisibili. Sicut etiam in eodem *vbi* immediate non possent esse lux, & tenebrae, diaphanum, & opacum, possunt tamen in eodem *vbi* indivisibili immensitatis mediis diversis vibrationibus diversorum locorum, intra *vbi* immensitatis contentorum; ita similiter in eodem quando indivisibili non potest immediate idem homo esse vivus simul, & mortuus, ipse, & eius carentia, & tamen in eodem quando indivisibili aternitatis potest simul esse mediantibus diversis durationibus temporis in illo quando simul contentis, idem homo, & eius carentia, idem homo mortuus, & vivus.

107 Sed dices: Ergo verum esse dicere in aternitate: *Hic homo mortuus est vivus; vivus, est mortuus. Hic aer lucidus, est tenebrosus, &*

*tenebrosus, est lucidus.* Respondeo, quod esse verum apponendo diversas mensuras temporis medias. Nam sicut de facto Filius Dei simul fuit mortuus, & vivus, & melius verificaretur, si assumsisset duas humanitates, & moreretur mediante vna, vivens mediante alia, ita posset dici: *Homo de praesenti media mensura temporis A, mortuus, est de praesenti media mensura temporis B, vivus,* & similiter de aere; non vero absque medijs diversis mensuris, nec mediante eadem mensura temporis. Et hoc pacto responderi debet ad alia similia apparenter contradictoria, quae solent excogitari, quae tunc non exercent suam contradictionem in aternitate, quia mensura, & duratio infinita est incapax contradictionis, sed totam suam contradictionem exercent in tempore divisibili, & finito, capaci contradictionum; ita ut tota illa contrarietas sit in tempore exercere, & modo contradictorio, aut contrario, sed in aternitate signata, & medio tempore, abque modo contradictorio in illa, quatenus illa propter sui infinitatem actu complectitur tempus divisibile capax duorum contradictoriorum. Vnde sicut in locis corporeis, vnum corpus excludit aliud ab eodem *vbi*, sed nullum corpus potest excludere aliud ab *vbi* eodem, & indivisibili immensitatis, ita in temporibus, vnum contrarium excludit aliud ab eadem duratione temporis, sed non ab eadem indivisibili duratione, & quando aternitatis.

108 Obijciunt octavo: Ex quo Petrus existat aliquo loco contento intra Dei immensitatem, non sequitur, quod vbique existat in immensitate, alias ego, qui hic existo, simul existerem localiter praesens Romae: Ergo ex quo Antichristus existat aliquo tempore contento in aternitate, non sequitur, ipsum existere semper in aternitate. Respondeo, negando antecedens, quia cum immensitas sit *vbi* simplex, & infinitum Dei, in quo simul continentur omnia loca, idem est re ipsa *alicubi* in immensitate, ac *vbique* in immensitate Dei, quia illud *vbi* est vbique, & omne *vbi* complectitur: Cum ergo Petrus esset *alicubi* in immensitate, si esset hic, esset plane vbique in immensitate, hoc est in quocumque *vbi* in infenso immensitatis, medio isto *vbi* finito; & medio etiam isto *vbi* Matriti, esset in *vbi* immenso Romae, *vbi* nempe Roma est tamquam in *vbi* excedente, & infinito, sed non esset Romae, nec in *vbi* immediato Romae; sicut nec Antichristus est hodie, nec in hoc nostro quando, licet existat quando existit hoc nostrum quando in aternitate, seu in quando praesenti aternitatis. Et proportionaliter idem dicendum est de praesentia vbicali rerum in immenso *vbi* Dei, ac de praesentia durativa rerum in infinito, & aeterno quando Dei. Vt diximus Disp. 2. q. 20. & 21.

109 Sed dices: Immensitas, quamvis in-  
finita-

finita non extenditur ad loca futura, nec preterita, sed solum ad presentia: Ergo eternitas, quamvis infinita, non extenditur ad tempora futura, nec ad preterita, sed solum ad presentia. Respondeo, omisso antecedenti, negando consequentiam, quia immensitas ratione sui solum est mensura omnium locorum, non temporum; unde solum habet ratione sui adunare simul omnia loca in suo ubi immenso, non autem adunare in se omnia tempora, quia non est mensura temporum; unde ratione sui solum se extendit ad omnia loca quantumvis distantia localiter, sive à parte Orientis, sive à parte Occidentis, quæ presentia supponuntur, non autem ad loca temporaliter distantia, ut sunt preterita, & futura, quia non est quoniam immensitatis vincere distantiam temporum, nec vincere in se tempora distantia, quia hoc est proprium eternitatis; sed solum vincere distantia localem, & vincere in se loca distantia; cum quoniam componitur, quod immensitas ut æterna, & ratione eternitatis etiam extendatur ad loca temporaliter distantia, nempe ad loca preterita, & futura; & propterea omisso antecedens, quia in hoc sensu posset negari.

110 Obijciunt denique: Eo res essent presentes Deo ab æterno in eternitate, quia sunt presentes eternitati, & ipsa est duratio simplex, & indivisibilis, & consequenter tota simul; Sed hæc ratio est nulla: Ergo. Probatur minor, quia evum, seu eternitas Angelis est duratio simplex, & indivisibilis, & consequenter non successiva, sed tota simul: Et tamé modo ego sum præsens Angelo in sua eternitate, quin illi fuerim physice præsens, ex quo existit eius eternitas, alias Angelus essent, & fuissent physice præsentia omnia futura ex quo existit, quod nemo audebit asserere, quia alias cōnaturaliter illa, & intuitivè videret: Ergo ex quo res sint presentes eternitati, & ipsa sit duratio simplex, & tota simul, non sequitur quod sint physice præsentia Deo in sua eternitate ex quo eternitas existit, & consequenter nec ab æterno. Respondeo, concessa maiori, negando minorem. Ad cuius probationem, distinguo maiorem: Duratio Angelis est simplex, & indivisibilis subiectivè, & quoad esse durans, concedo: Formaliter, quoad ipsum durare, nego maiorem; quia duratio Angelis solum est simplex, & tota simul, quoad subiectum, & esse durans ipsum autem durare formaliter, non est totum simul, simplex, & in actu, alias essentialiter esset interruptibile, & indestructibile, immo & infinitum in actu, quia esset durare simul, & in actu usque in æternum, sine limite in actu, quod creaturæ cuilibet repugnat; unde nunquam est concedenda ulli creature duratio propria eternitatis à parte ante, nec à parte post, quæ sit essentialiter interruptibilis, & tota simul in actu, quia esset actu infinita, & actu eterna, & actu indestructibilis essentialiter, quod creaturæ, quantumvis excellenti, repugnat; cum sit singularissimum Dei attributum, eo quod

Deus est simpliciter, & actu infinitus. Quo autem pacto duratio Angelis, seu eternitas dicatur duratio permanens, & non successiva, susus suo loco explicabimus, & mentem D. Tho. in hoc satis difficilem.

## QUESTIO II.

### AN PRÆSENTIA PHYSICA

*futurorum in eternitate requisita sit,  
ut Deus ea cognoscat, & quo  
modo?*

1 Dificultas est, primò, an requiratur ad futura cognoscenda infallibilitèr? Secundo, an ad ea cognoscenda ut sunt in se ipsi? Tertiò, an ad ea cognoscenda intuitivè? Quartò, an ad ea cognoscenda immutabiliter? Quibz, ut respondeam.

2 Dico primò: *Præsentia futurorum in eternitate non requiritur immediatè, & per se ad hoc ut Deus ea cognoscat infallibilitèr.* Probatur, quia dato, quod non essent physice Deo præsentia, esset tamen physice præsens Deo apud semetipsum mediū, in quo ea cognoscere posset ut infallibilitèr futura, nempe decretum efficax, vel positivum, vel permissivum illorum: Sed eo ipso in illo decreto posset ea cognoscere ut infallibilitèr futura: Ergo ut ea cognoscatur infallibilitèr ut futura, non requiritur eorum presentia in eternitate.

3 Sed obijciat ex D. Tho. in præsent. ubi sic ait: *Contingens aliquod potest dupliciter considerari. Vno modo in se ipso, secundum quod iam in actu est, & sic non consideratur ut futurum, sed ut præsens; nec ad utrumlibet contingens, sed ut determinatum ad unum, & propter hoc sic infallibilitèr subdij potest certè cognitioni. Alio modo considerari potest contingens ut est in sua causa, & sic consideratur ut futurum, & ut contingens nondum determinatum ad unum, quia causa contingens se habet ad opposita; & sic contingens non subditur per certitudinem alteri cognitioni.* Ex qua doctrina, quam sæpissime repetit D. Tho. licet arguitur: Iuxta ipsū dupliciter tantū potest cognosci futurum contingens, nempe, vel ut in se ipso, vel ut in causa; & item ut in causa non potest cognosci infallibilitèr, sed solum in se ipso: Sed ut cognoscatur infallibilitèr ut est in se ipso, requiritur presentia illius physica; quia ut in se ipso, non consideratur ut futurum, sed ut præsens: Ergo tandem non potest cognosci infallibilitèr, nisi ut præsens: Ergo presentia futuri in eternitate est necessaria ut cognoscatur infallibilitèr.

4 Respondeo, concessa textu D. Tho. ad argumentum inde desumptum, distinguendo maiorem: Duplici tantum modo potest cognosci, vel in se ipso, vel ut in sua causa temporali, & creata, nondum determinata præcisè, nego: Vel in sua causa, aut creata, & nondum determinata, vel increata, & eterna per decretum determinata; concedo

maiozem, quoad primam partem, & distingo fimiliter, quoad secundam: In sua causa creata contingenti nõdum determinata cognosci nequit infallibiliter, concedo: In sua causa æterna determinata per decretum, nego maiore, & concessa minori, nego consequentiam, quia D. Tho. loco soliti confidit: rati futurũ, vt in sua causa contingenti nõdum determinata, vel vt in se ipso; sed nõ excludit considerationẽ illius in causã sempiterna vt determinata per decretum; quam tamen alibi cõsiderat, nempe in hac 1. p. q. 16. art. 7. ad 3. dicens: *Illud, quod nunc est, ex eo futurum fuit antequam esset, quia in causa sua erat vt fieret: Sola autem causa prima est æterna, unde ex hoc non sequitur, quod ea, quæ sunt, semper fuerit verum ea esse futura, nisi quatenus in causa sempiterna fuit vt essent futura.* Et q. 3. de Verit. art. 6. vbi ait: *Quod idea eorum, quæ sunt, fuerunt, vel erunt, determinatur à proposito diuine voluntatis.* Et de Verit. q. 12. art. 10. Et 12. sic ait: *Dicendum, quod causa superiores, quæ sunt verum rationes in diuina præsentia, nunquam deficient ab adimplectione suorum effectuum, sicut deficient causa inferiores: Et ideo in causis superioribus cognoscuntur rerum euentus absoluti, sed in inferioribus non nisi sub conditione.*

Ex quibus patet, quod iuxta D. Th. vltra considerationem futuri contingenti, vel in se ipso, vel in sua causa contingenti indifferenti, potest considerari etiam in causa sempiterna, i. quæ semper fuit verũ ea esse futura; & in idem diuini vt determinatis à proposito diuine voluntatis, siue in rationibus superioribus, quæ nunquam deficient ab implectione suorum effectuum, eo nempe quia determinantur per propositum, aut decretum efficax diuine voluntatis: Licet ergo cognosci non possint infallibiliter, vt sunt in se ipsis, nisi sint præsentia cognoscendi, vt ait D. Thom. nec possint cognosci infallibiliter in causis contingentibus indifferentiis ad vtrumlibet, vt etiam asserit D. Tho. Restat tamen aliud medium, quod non negat D. Th. loco citato in argumento, sed potius illud assernat locis à nobis allatis, nempe diuinum decretum æternum, siue essentia, aut idea diuina determinata per decretum diuine voluntatis, quæ infallibiliter infert euentum.

Sed dices, cum M. Gonet, quod si futura non essent præsentia Deo in æternitate, æternitas admitteret antea, & postea, ex quo sequeretur, quod Decretum Dei esset mutabile; nam eo ipso, quod Deus in sua æternitate haberet antea, & postea, posset nunc decernere existentiam futuri, & postea oppositum: Iam ergo decretum non esset medium infallibile. Sed contra est, quia propterea dixi in conclusione, quod non requiritur immediatè, & per se præsentia futurorum in æternitate, vt Deus ea cognoscat infallibiliter vt futura: facit enim, quod per consequentias mediatas inferri potest, quod si futura non essent

physicè præsentia Deo, Deus non esset simpliciter æternus æternitate simplici, & indivisibili, & quod si ita non esset æternus, nec esset immutabilis in suis decretis, aut in sua voluntate, sed posset nunc vnum velle, & postea aliud, vt suo loco dicemus; quo casu decretum, vt antea existens, nõ esset medium infallibile ad cognitionem futuri, quia non esset medium immutabile; verum tamen, loquendo per consequentiam immediatam, ex quo solùm deesset præsentia physica futuri in æternitate, si aliud non deesset, non sequitur, quod deesset medium infallibile ad cognitionem futuri, quia non sequitur immediatè, quod deesset decretum ab intrinseco efficax de illo positiã produciendo, imò nec per consequentiam immediatam sequitur, quod tale decretum foret variabile, aut mutabile, sed hoc ad summum sequitur per consequentias mediatas, vnde ad summum sequitur, quod mediatè, indirectè, & remotè requiritur præsentia futurorum in æternitate, vt Deus ea infallibiliter, & certo cognoscat, quatenus requiritur, quod decretum sit immutabile, & vt sit immutabile, requiritur, quod sit æternum non admissens antea, & postea, & sic æternum esse non potest, nisi ei sint præsentia omnia tempora præterita, præsentia, & futura; in quo sensu non diffitemur, Deum non posse cognoscere infallibiliter futura, nisi sint ei præsentia physice in sua æternitate. Quod quidem aliter etiam probari posset, quia nisi futura sint physice præsentia Deo in æternitate, Deus non potest ea cognoscere immutabiliter, vt infra dicemus: Ergo nec infallibiliter. Consequencia etiam probari posset per consequentias mediatas, quia si Deus non cognosceret futura immutabiliter, nec ea decerneret immutabiliter; si autem non ea decerneret immutabiliter, nec decretum esset medium infallibile.

6 Dico secundò: *Futura non possunt cognosci à Deo in se ipsis quoad euentum, si nõ sunt physice ei præsentia ipsi in æternitate.* Hoc assertum est contra leuitas specialiter, qui ex vna parte negant præsentiam futurorum in æternitate; & ex alia defendunt, Deum ea cognoscere immediatè in se ipsis ab æterno. Probat autem ex D. Tho. in præsent. vbi ait, quod futurum consideratur vno modo in se ipso, & secundum, quod tunc est in actu, & sic, inquit, non consideratur vt futurum, sed vt præsens: Ergo iuxta D. Thom. futurum non potest cognosci in se ipso, nisi cognoscatur vt præsens: Sed si futura non sint Deo præsentia in sua æternitate, non possunt cognosci vt præsentia, sed solum vt futura: Ergo nec poterunt à Deo cognosci in se ipsis. Confirmatur ex eodem D. Thom. quæst. 12. de Veritat. artic. 10. in corpor. vbi sic ait: *Circa futurorum cognitio nem duo est considerare, scilicet ipsum ordinem causarum ad futuros euentus: & exitum, siue executionem huius ordinis: Quæcumque igitur virtus creata aliquam cognitionem habet de futuris, sua*

sua cognitio non fertur, nisi ad ordinem causarum: Sed Deus non solum cognoscit futura ratione ordinis causarum, sed quantum ad ipsum exitum, vel executionem ordinis. Cuius ratio est, quia eius intuitus æternitate mensuratur, quæ omnia tempora in uno nunc indivisibili comprehendit, unde uno simplici intuitu videt, & ad quid causa sunt ordinata, & qualiter ordo ille impleatur. Hoc autem creaturæ est impossibile, cuius intuitus limitatur ad aliquod tempus determinatum; unde cognoscit ea, quæ sunt in illo tempore; futura vero in tempore, quando adhuc sunt futura, non sunt, nisi in ordine suarum causarum, unde sic solum modo à nobis cognoscit possunt, ut rectè considerantibus appareat, in hoc quod futura præscire dicimus, esse magis præsentium, quam futurorum scientiam habere.

7 Ex quâ doctrina sic efficaciter probatur conclusio: Si futura nondum essent Deo in sua æternitate præsentia, quando Deus ea cognoscit, eius cognitio solum ferretur ad ordinem causarum, tunc existentem, non vero ad eventum, & exitum ordinis, ut distinctum ab eo ordine: Ergo non posset cognoscere futura in se ipsis. Probat antecedens, primò, quia virtus creata, dum aliquam cognitionem habet de futuris, sua cognitio non fertur, nisi ad ordinem causarum: Ergo pariter, si futura non essent Deo præsentia in æternitate, quando ea cognoscit, divina cognitio non ferretur, nisi ad ordinem causarum. Antecedens est D. Thom. Probo consequentiam, quia ideo cognitio nostra non fertur, nisi ad ordinem causarum, quia quando cognoscimus solus ordo causarum est nobis præsens, non vero eventus, qui dicitur futurus; unde, rectè considerando, nostra scientia de futuris est magis præsentium, quam futurorum: Sed si futura in se ipsis non essent Deo physice præsentia, quando ea cognoscit, eadem ratio militaret in divina cognitione: Ergo eius cognitio solum ferretur ad ordinem causarum, non vero ad eventum in se ipso.

8 Secundo, quia ideo Deus cognoscit de facto futura, non solum quantum ad ordinem causarum, sed etiam quantum ad eventum, quia eius intuitus æternitate mensuratur, quæ omnia tempora in uno nunc æternitatis indivisibili comprehendit: Sed si futura non sint physice præsentia Deo in sua æternitate, quando illa Deus cognoscit, eius cognitio non mensurabitur æternitate omnia tempora comprehendente, sed solum mensurabitur duratione, vel quando, in quo nondum comprehendatur tempus futurum, siquidem quando cognitio divina exercetur, seu cognoscit futurum, nondum erit præsens tempus futurum, pro quo est futurus eventus, sed potius erit positivè absens: Ergo per eam cognitionem, ut in illo quando exercitum, non cognoscet Deus futurum, quantum ad eventum, sed solum quantum ordinem causarum.

9 Tertiò, quia ideo nostra cognitio de futuris, quando sunt futura, non fertur, nisi ad ordinem causarum, quia limitatur ad aliquod tempus determinatum, & ideo non cognoscit, nisi ea quæ sunt in illo tempore, futura vero, quia eo tempore, quæ sunt futura, solum sunt in ordine causarum, solum hoc modo cognoscuntur: Sed conclusa præsentia futurorum in æternitate, divina cognitio esset limitata, quando cognosceret futura, ad tempus determinatum, in quo nondum existerent quantum ad eventum, sed solum quantum ad ordinem causarum: Ergo runc Deus ea non cognosceret quantum ad eventum, sed solum quantum ad ordinem causarum.

11 Dico tertiò: Præsentia futurorum in æternitate requiritur essentialiter, ut Deus ea cognoscit intuitivè sive ut cognitio divina sit intuitiva respectu illorum. Ita communiter Thomistæ, & probatur facile ex D. Thom. locis suprà expensis quæst. præcedent. à num. 8. 9. & 10. ubi cognitionem divinam inquiri futura ut præsentia in se ipsis semper redditur ad hoc, quod æternitate mensuratur, quæ omnia tempora comprehendit, cui proinde nihil comparatur ut futurum, sed omnia sunt ei præsentia. Et confirmari potest ex eodem in 1. dist. 38. quæst. 1. artic. 5. ad 2. ubi ait: Quia cognitio divina æternitate mensuratur, quæ eadem manens omni tempore est præsens, ideo unumquodque contingentium videt prout est in suo actu: Ergo quod divina cognitio sit intuitiva, visioque rerum futurarum in se ipsis, provenit ex eo, quod in æternitate, quæ divina cognitio mensuratur, omnia sunt præsentia, nihil vero absens, aut futurum. Confirmatur etiam ex dictis suprà quæst. præcedent. à num. 10. ubi ex PP. ostendimus, noticiam intuitivam futurorum supponere apud ipsos præsentiam physicam illorum in æternitate.

Ratio vero à priori sumitur ex distinctione noticiæ intuitivæ, quæ communiter definitur notitia rei præsentis: Sed cognitio divina de futuris, non potest esse notitia rei præsentis, nisi sint Deo physice præsentia in æternitate, quæ ea cognoscit: Ergo hæc præsentia requisita est, ut cognitio divina sit intuitiva respectu illorum. Minor probatur, quia si futura non sint Deo physice præsentia, quando ea cognoscit, erunt illi physice absentia: Ergo tunc, quæ illa cognoscit, cognitio eius erit notitia rei potius absentis, quam præsentis: Ergo non potest esse notitia rei præsentis, nisi quando ea cognoscit, illa sint Deo physice præsentia.

12 Dices, satis esse ad noticiam intuitivam cognoscere rem ut in se ipsa existentem cum omnibus suis accidentibus, licet ea cognoscat ut sic existentem in aliqua duratione, non præsentem physice, sed futura: Sed cõtra est, quia, ut vidimus ex D. Th. non potest intellectus cognoscere res ut actu existentem in se ipsa, quæ actu non est præsens, sed futura, si

nempè in *quando*, aut in *duratione* cognitionis, nondum actu existit in se ipsa, quia tunc solū potest eam cognoscere ut tunc est, nempè in ordine, & quantum ad ordinem causarum: Ergo implicat quod eam cognoscat ut actu existentem in se ipsa, pro *duratione* futura, & non sibi præsenti. Contra est secundū: Quia Deus non potest videre rem ut in se ipsa existentem actu cum omnibus suis accidentibus, quando illa non est in se ipsa, actu visibilis: Sed implicat, quod sit actu in se ipsa visibilis, quando actu non est præsens physicè: Ergo implicat, quod Deus illam videat ut existentem in se ipsa, quando nondum est physicè præsens, sed solū erit præsens pro *duratione* tunc futura. Vide solutiones huius impugnationis, enervatas, *quest. præcedent. à num. 22.*

13 Dico quartò: *Præsentia futurorum in æternitate requiritur essentialiter ut Deus futura cognoscat immutabiliter, & invariabiliter ex parte sua.* Hoc assertum probatur potissimè ex Augusti. cuius textum dedimus, *quest. præced. num. 3. ex quo num. 61.* arguebamus efficaciter, divinam cognitionem mutandam fore penes diversos modos cognoscendi, iam de futuro, iam de præsenti, iam de præterito, si futura non essent illi semper, & ab æterno in sua æternitate præsencia. Videantur ibi dicta, & singulare dictum P. Izquierdo, ingenue confitentis, *se non habere solutionem, in qua animus quiescat.* Et merito; nam si futura Deo non sunt physicè præsencia ab æterno, & semper in sua æternitate, illi in sua æternitate primo, & ab æterno erunt physicè futura, secundò in tempore, quando existant, erunt illi physicè præsencia; postea demum erunt illi physicè præterita: Ergo primò, & ab æterno cognosceret illa per iudicium, & affirmationem de futuro; postea vero, cum existunt, per iudicium affirmativum de præsenti, ac demum postquam extiterit per iudicium affirmativum de præterito: Ergo ab æterno usque ad tempus Adami, iudicavit de futuro sic: *Adamus existet*; tempore vero Adami de præsenti sic: *Adamus existit*; nunc vero de præterito sic: *Adamus existit*: Ergo variatur cognitio Dei penes modos diversos iudicandi idem obiectum.

14 Respondere tamen conatur P. Emmanuel à Conceptione in suo *Tractat. de Scientia Dei, Disputat. 4. quest. 3. num. 92.* Licet enim nobiscum in questione præcedenti sentiat, & hoc argumentum ex D. Augusti. desumptum validum existimet ad probandum præsentiam futurorum physicam in æternitate; nihilominus negat eam præsentiam physicam necessariam esse ad perfectionem, & immutabilitatem divinæ cognitionis. Et respondet, quod illi modi affirmandi de futuro, de præsenti, & de præterito, sunt modi significandi nobis divinam cognitionem, non vero modi cognoscendi intrinseci ex parte

divinæ cognitionis; quia Deus cognoscit, & iudicat existentiam Adami pro suo tempore, non sub illis terminis *existet, nec existit, nec exitit*, sed sub alijs, qui pro omni tempore possunt uniformiter verificari: Nempè affirmando ipsum Deum semper existere, & eo proinde in tempore Adami, & Adamum eo tempore existere, & simul cognoscendo, quod ante tempus Adami præcedit aliud tempus, & quod Deus in illo existit, & non Adamus, & item cognoscendo, quod post tempus Adami sequitur aliud tempus, & quod Deus in illo existit, & non Adamus. Ad modum quo, scientia Prophetarum, qui affirmaverunt Christum venturum, non solum tunc fuit vera, sed etiam modo vera est; cum tamen modo non sit venturus Christus, quod scientia Prophetarum diceret tunc Christum venturum, pertinebat ad modum significandi nobis, qui tunc expediebat; scientia vero ipsa affirmabat existentiam Christi pro tempore illo B. Virg. quæ existentiam etiam modo affirmat, quamvis aliter eam nobis explicaret Propheta, si nunc eam nobis aperiret.

15 Sed contra est; nam in primis huiusmodi solutio aperte contradicit Augustino, si enim salvari potest, quod Deus perfectissimè, invariabiliter, & eodem modo ex parte sua cognoscat futura antequam sint, cum sunt, & postquam fuerint, absque tali præsencia: Ergo inceptè sic arguit Augustinus: *Si autem sicut in ordine temporali creaturarum, ita apud eundem non sunt, quæ futura sunt, sed ea prævenit scientia. Bis ergo ea scit, vno quidem modo secundum futurorum præsentiam, altero modo secundum præsentium scientiam: Aliquid ergo temporaliter accidit scientia Dei, quod absurdissimum, & falsissimum est; neque enim potest, quæ ventura prænoscat, nosse cum venerint, nisi bis innotescant, & prænoscendo antequam fiant, & cognoscendo cum iam sunt.* Sanè totum hoc argumentum Augustini corruit, si Deus potest eodem ipsissimò modo affirmare existentiam Adami, v.g. antequam sit sibi præsens, cum est sibi physicè præsens, & cum iam est sibi physicè præteritus: Quia si eodem modo ex parte sua idem cognoscit, non obstante reali successione illorum temporum apud Deum, & in eius æternitate: Ergo malè infert Augustinus, quod bis ea cognosceret, vno modo de futuro per præsentiam, altero vero modo de præsenti per præsentium scientiam: Non ergo potest Deus, quæ ventura prænoscat, nosse cum venerint, quamvis sibi innotescant, sed potest semel, & vno modo ea nosse, antequam veniant, cum venerint, & cum transierint.

16 Respondet, quod Deus in casu argumenti bis futura nosset, non quia duplici cognitione, sed quia in duplici tempore; & secundum quod



quod in vno, scilicet antequam sint, diceretur praesentia; secundum quod in alio, scilicet, cum iam sunt, diceretur scientia. Et haec inquit est mens Augustini. Sed contra est, quia Augustinus inquit: *Quod absurdissimum, & falsissimum est.* Sed non est absurdissimum ea nosse in duplici tempore, si semper ea nosset vnica cognitione, & eodem modo ex parte cognoscentis, ut per se patet: Ergo. Respondet, Augustinus reputasse absurdissimum, & falsissimum ponere in Deo successiorem temporis futuri, & praesentis. Sed contra est, quia ideo Augustinus hoc reputat absurdissimum, & falsissimum, quia Deus *his cognosceret futura, vno nempe modo antequam veniant; & altero modo, cum venerint.* Et quia *aliquid temporaliter accideret scientia Dei, quod absurdissimum, & falsissimum est:* Ergo ly *absurdissimum, & falsissimum* non appellat supra successiorem temporis praesentis, sed supra mutationem scientiae Dei penes diversos modos cognoscendi futura, nempe vno modo antea, & alio modo postea, & supra illud, quod sequeretur, nempe *quod aliquid accideret temporaliter scientiae Dei.* Et quidem rogo: Quid accideret temporaliter scientiae Dei, si bis futura nosset, vno modo antea, alio modo postea? Accideret ne sola extrinseca denominatio? Vel novus modus intrinseca cognoscendi futura? Si sola extrinseca denominatio ex tempore succedenti: Ergo falso dixit Augustinus: *Quod absurdissimum, & falsissimum est.* Siquidem nec falsum, nec absurdum est, quod Deo adveniant temporaliter denominationes extrinsecae, quae ipsum sanè non mutant, nec alterant. Si novus modus intrinsecus cognoscendi: Ergo faretur, scientiam divinam mutandam fore intrinsece penes diversos modos intrinsecos cognoscendi, iam de futuro, iam de praesenti, si futura non essent illi physice praesentia in aeternitate.

17 Secundò impugno principalem solutionem: Quia Deus non potest affirmare existentiam Adami praescindendo à modo exercitio de praesenti, aut de futuro, aut de praeterito: Ergo quando illam affirmat, vel illam affirmando modo de praesenti, vel modo de futuro, vel modo de praeterito: Sed quando Adamus nondum erat physice sibi praesens, sed futurus, non affirmabat illam modo de praesenti, nec de praeterito: Ergo illam tunc affirmabat modo de futuro: Item, sed quando Adamus erat sibi physice praesens, non affirmabat illam modo de futuro, nec de praeterito: Ergo illam affirmabat modo de praesenti. Ac demum: Sed nunc, quando iam Adamus physice in se ipso Deo absuit, & praeterivit, non affirmat illam de futuro, nec de praesenti: Ergo illam affirmat modo de praeterito: Ergo tribus modis illam affirmabit, nempe primo modo de futuro, postea modo de praesenti, & tandem modo de praeterito: Ergo varia-

ta est scientia Dei penes diversos modos, non solum significandi ad extra, sed penes diversos modos iudicandi, seu affirmandi existentiam Adami. Totus discursus est legitimus, & iustitiae primo antecedenti; quod sic orobatur: Quia iudicium Dei exercitum, & affirmativum existentiae alicuius rei non potest praescindere ex parte iudicantis à duratione in qua iudicat, & affirmat, nam essentialiter iudicat exercitè prout exercitum in ea duratione, in qua iudicat: Deinde nec potest praescindere ex parte existentiae iudicate, & affirmatae à duratione aliqua determinata, pro qua, & in qua illam affirmet; quia existentia affirmata est exercitum essendi determinatè in aliqua, & cum aliqua mensura, & duratione, & Deus non affirmat, nec iudicat existentiam Adami, v.g. vagam ab omni duratione, & mensura, sed cum certa duratione, & mensura: Demum nec potest Deus sic iudicans praescindere, aut abstrahere à modo, quo se habet duratio, in qua Deus iudicat, cum duratione pro qua affirmat existentiam Adami, nempe vel tanquam praesentis ad praesens, vel tanquam praesentis ad futurum, vel tanquam praesentis ad praeteritum, nam determinata duratio Dei, in qua iudicat exercitè, cum determinata duratione Adami, pro qua affirmat ipsum exercitè existerè, essentialiter debet importare vnam ex his proportionibus determinatam, à qua non praescindat Deus in suo iudicio: Sed si duratio, in qua Deus iudicat cum duratione, pro qua existentiam Adami affirmat, comparatur ut praesens ad praesentem, affirmat illam de praesenti: Si ut praesens ad praeteritum, affirmat de praeterito, si ut praesens ad futurum, affirmat modo de futuro: Ergo tandem non potest praescindere à modo de praesenti, de praeterito, vel de futuro.

18 Vnde cum inquis, quod Deus alio modo ab his affirmat existentiam, nempe affirmando se ipsum semper existerè, & consequenter tempore Adami. Rogo: Affirmat ne Deus semper de praesenti se existerè tempore Adami, hoc nempe *modo existo tempore Adami?* Vel solum ita affirmat, cum advenit tempus Adami, & non semper? Si primum, esse non potest, quin semper illi sit praesens tempus Adami: Quia Deus non existit de praesenti tempore non sibi praesentis; si secundum: Ergo Deus, alio modo iudicat se existerè tempore Adami, quando Adamus existit, ac antea, siquidem antea non potuit sic iudicare de praesenti *existo tempore Adami*, sed ad summum ita de futuro: *Existam tempore Adami:* Ergo diverso modo iudicat Deus se existerè tempore Adami, antea, quam postea; quod longè absurdum est. Vnde Augustinus ubi supra, sic subiungit: *Quod si ita in Deo est, ut possit propriè dici, intelligi, & intellexit;* sen-

*sensit, & sensit; admittit tempus, & subreptis illa mutabilitas, qua longe à Dei substantia removenda est; quali dicat, in Deo non est propriè dicere intellegit de presenti, & intellexit de præterito; sensit de presenti, & sensit de præterito; & consequenter nec existit de presenti, & existit de præterito; quia sic subreptis illa mutabilitas scientiæ, quæ longe à Deo releganda est: Ergo Deus, cum se cognoscit existere semper, & consequenter tempore Adami, & tempore Antichristi, id cognoscit de presenti, semper iudicando, existit semper, seu omni tempore, existit tempore Adami, & tempore Antichristi, quia omnia tempora sunt illi præsentia, si autem non sint illi simul præsentia omnia tempora, non poterit iudicare semper modo de presenti existit tempore Adami, & tempore Antichristi, sed aliquando de futuro, aliquando de presenti, aliquando de præterito, & mutabit modos iudicandi scientia Dei, licet idem iudicet ex parte rei iudicatz.*

19 Nec isti modi sunt solum ex modo significandi nobis scientiam Dei; sed erunt intrinsecè ex parte ipsius scientiæ Dei in modo intrinseco iudicandi; quia ex suo modo intrinseco iudicandi, & affirmandi, affirmabit prius de futuro, postea de presenti, ac demum de præterito eandem existentiam in eodem, seu pro eodem tempore; nec enim iudicium affirmans existentiam potest ab his modis abstrahere, ut dictum est. Nec exemplum de prophetia Christi venturi oppositum probat, quia licet illa prophetia, quoad rem significatam semper vero sit; tamen quoad modum de futuro, quo illud Propheta tunc iudicabat, modo verum non est, quia modus de futuro, de presenti, aut præterito, exercitè connotat durationem affirmantis comparative ad durationem rei, vel existentie affirmatz, & ab hac nemo præscindere potest, nec ipsa Deus, dum affirmat existentiam rei.

### SOLVUNTUR OBIECTA.

20 **C**ontra præcedentes conclusiones ferè nihil momenti obijciunt à contrarijs. Obijciunt enim contra secundam; quia Deus potest infundere de presenti intellectui speciem, & notitiam, quæ repræsentet rem futuram, v. g. Antichristum immediatè in se ipso existentem tempore futuro: Sed tunc intellectus cognosceret ipsum existentem in se ipso immediatè: Ergo potest noster intellectus cognoscere de presenti, seu nunc rem futuram, non solum quantum ad ordinem causarum, sed quantum ad existentiam illius in se ipsa immediatè: Ergo multo melius intellectus divinus, quamvis rei existentia sit respectu illius futura. Et confirmant in scientia infusa Christi Domini, qua res fu-

turas cognoscebat, non in alio medio, quam in se ipsis. Huic argumento, respondeo primò, distinguendo maiorem: Speciem, & notitiam, quæ repræsentet apprehensivè Antichristum immediatè in se ipso existentem tempore futuro, transeat, quia hoc non est ad rem: Quæ repræsentet illum iudicativè, & affirmativè immediatè ut in se ipso existentem tempore futuro, sub distinguo: Immediatè per exclusionem medijs signatè, & categorematicè affirmati, concedo: Per exclusionem medijs sincategorematicè, & exercitè affirmari, nego maiorem, & distinguo minorem eodem modo, & similiter consequens, quoad secundam partem; quia de presenti, iactem de lege ordinaria, dari non potest notitia, quæ repræsentet affirmativè existentiam Antichristi futuram ita immediatè in se ipsa, quod non repræsentet illam exercitè, & sincategorematicè ex parte obiecti sub modo futuritionis, & ordinis causæ, vel causarum ad illam, vel saltem ut revelaram de presenti, & ut stat sub revelatione divina de presenti, vel sub alio modo, & ordine de presenti connexo cum existentia postea; quia debet repræsentare illam existentiam, ut quid firmum, & ratum de presenti, & non potest existentia futura repræsentari, ut quid firmum, & ratum de presenti, nisi repræsentetur sub aliquo modo aut ordine, aut dispositione divina de presenti connexa cum illa.

21 Vel secundo respondeo, concessa maiori, distinguendo minorem: Tunc intellectus cognosceret Antichristum, ut existentem in se ipso immediatè per notitiâ infusam à Deo, cui Antichristus esset physicè præsens, concedo: Modo connaturali, & per notitiam, vel ex se, vel ab obiecto acquisitam, nego minorem, & distinguo consequens eodem modo; quia data illa notitia infusa, ideo per illam posset intellectus cognoscere affirmativè existentiam futuram Antichristi in se ipsa, quia hanc representationem haberet ex Deo, cui Antichristus in se ipso esset physicè præsens, non autem posset unquam intellectus creatus connaturaliter ex se, & ex obiecto, attenta habitudine connaturali sui ad existentiam obiecti, illam repræsentare immediatè in se ipsa, nisi illa esset sibi præsens physicè in se ipsa. Ex quo negatur ultima consequentia, quia, cum Deus non possit cognoscere futura per notitiâ sibi infusam ab alio, cui futura sint physicè præsentia, sed solum per se, à se, & connaturaliter, secundum connaturalem sui intellectus tendentiam ad obiectum, minimè posset ea affirmativè cognoscere immediatè in se ipsis existentia, si ut ex existentia non esset sibi physicè præsentia in sua duratione æternitatis. Et ratio est, quia implicat cognoscere futura immediatè ut existentia actu in se ipsis, nisi vel quia cognoscentes sunt physicè præsentia in se ipsis, vel quia accipit, & par-

participat noticiam ab alio, cui sunt physice presentia: Intellectus creatus potest hoc secundò modo ea cognoscere immediate, vt existentia in se ipsis tempore futuro, si potest accipere noticiam, ea sic representantem, infusam à Deo, cui sunt physice presentia ea futura; sed Deus non potest ea sic cognoscere, nisi primò modo.

22 Vel tertio & melius respondeo, distinguendo maiorem: Deus potest infundere de presenti noticiam, quæ representet rem futuram vt immediate existentem in se ipsa tempore futuro, media participatione aliqua suæ æternitatis in tali notitia, concedo: Absque omni æternitatis participatione in tali notitia infusa, nego maiorem, & distinguo minorem: Tunc intellectus cognosceret Antichristum immediate, vt existentem in se ipso ex vi æternitatis participatæ, vi cuius compararetur intellectus, siue ea notitia ad tempus Antichristi, vt ad tempus sibi præsens, concedo: Absque tali participatione, nego minorem, & distinguo consequens eodem modo, negoque vicinam consequentiam; quia casu quo Deus infundere velit intellectui creato noticiam immediatam existentiam rei futuræ in se ipsa, opus est, quod talis notitia participet ex Deo modum æternitatis ipsius, vi cuius comparatur ad tempus futurum, tanquam ad tempus sibi præsens; quæ modum æternitatis potest Deus Prophetæ, vel alteri communicare, ita vt eius intellectus modo quodam amplissimo æternitatis se habeat præsentialiter ad tempus longè distans, quod quidem licet sit distans physice respectu temporis nostri, & naturalis durationis ipsius Prophetæ, sit tamen præsens respectu æternitatis participatæ in illa notitia infusa, quæ nempe notitia infusa ex participatione æternitatis habeat modum durandi ampliolem completentem tempus futurum, vt sibi præsens physice; & ratione huius præsentiæ, seu æternitatis participatæ poterit esse notitia intuitiva Antichristi in se ipso pro illo tempore, quod respectu nostri est futurum, sed respectu illius notitiæ, vt participatiue æternæ, sic præsens. Vnde semper requiritur presentia futuri in æternitate, vt cognoscatur immediate, vt existens in se ipso; nempe vel presentia per essentiam talis, vel presentia participatiue talis in ea notitia.

23 Ex quo iam patet ad confirmationem desumptam ex scientia infusa animæ Christi aut aliorum; licet enim certum sit, quod per illam cognoscit futura infallibiliter, incertum tamen est, quomodo, aut in quo medio ea cognoscat. In qua difficultate variant Theologi. Explicanda autem est vno ex tribus modis relatis; nempe vel dicendo, quod illa non cognoscit, nisi sub aliquo ordine, vel modo de presenti connexto illis postea; vel quod si illa cognoscit immediate, ideo est, quia ea cognoscit notitia sibi

infusa à Deo, cui futura sunt physice presentia, quam noticiam ita immediatam Deus infundere non potest, nisi illi futura essent physice presentia; vel denique quod illa representat immediate vt in se ipsis existentia ratione æternitatis participatæ, vi cuius comparatur scientia infusa ad tempus futurum, tanquam ad tempus sibi physice præsens. Quocumque autem ex his modis solvatur illa difficultas, & explicetur scientia infusa de futuris, semper manet certum, requiri in Deo presentiam futurorum in eius æternitate, vt illa in se ipsis vt actu existentia cognoscat connaturaliter, & per connaturalem habitudinem ad illa, quia in Deo non est locus notitiæ infusæ ab alio, cui sint physice presentia. Videatur D. Thom. *quest. 12. de verit. art. 6. vbi explicat*, quo pacto Propheta videat res futuras in speculo æternitatis.

24 Obijcies secundò contra tertiam conclusionem: Noticia rei futuræ per propriam speciem terminata ad eius quidditatem existentiam, & accidentia verè est intuitiva illius rei: Sed talis notitia haberi potest absque presentia physica illius rei in propria, nec in aliena mensura: Ergo & notitia intuitiva rei. Probatur maior, primò, quia illa notitia non est abstractiva, cum non abstrahat ab existentia: Ergo est intuitiva. Secundò, quia talis notitia perseverare potest eadem manens vsque ad tempus, in quo existat illa res: Sed tunc esset intuitiva: Ergo & ante, siquidem eadem est ante, quam post. Tertio, quia cognitio infusa Petro existentis Salmanticæ, de Paulo vt existente Romæ, representans illum quoad existentiam, & cetera accidentia, foret intuitiva, non obstante absentia locali cum tanta distantia: Ergo pariter notitia infusa Petro nunc existentis, de Paulo vt existente tempore Antichristi, esse poterit intuitiva, non obstante absentia, & distantia temporalis, ex nunc vsque ad tunc Antichristi.

25 Respondet Illust. Godoy, negando maiorem. Ac eius primam probationem, negat antecedens, quia licet non abstrahat omnino ab existentia, abstrahit tamen ab illa vt actu extra causas exercitæ, quod sufficit vt sit abstractiva, sicut actus voluntatis, quo quis desiderat rem possibilem, non est gaudium, sed desiderium, licet non abstrahat omnino à possessione, quia abstrahit ab illa exercitæ. Ad secundam, omittit maiorem, negat minorem, quia cum ea cognitio non terminaretur ad rem vt exercitæ sibi præsente, licet adveniret tempus, in quo esset re ipsa sibi præsens, hoc esset per accidens respectu illius notitiæ, non per se, quia per se abstraheret à tali presentia, vt patet, inquit, in notitia intellectuali, quam Petrus haberet clausis oculis de Paulo aliis sibi actu præsenti, quæ non esset intuitiva, sed solum abstractiva. Ad tertiam, omittit antecedenti, negat consequentiam, quia absque presentia.

sentia locali salvatur notitia rei terminata ad rem vt extra causas exercitè existentem, quod sufficit vt notitia sit intuitiva, non tamen absque presentia in duratione.

26 Sed hæc solutio, ni fallor, non planè satisfaciæ ad probationes maioris. Non ad primam, nam sanè si semel admittatur notia rei futuræ per propriam speciem, quæ immediatè eam representet certò, & affirmativè, vt existentem tempore futuro cum omnibus suis accidentibus, prout revera in illo suo tempore existentem, ea cognitio imprimis non abstrahit ab existentia, exercita extra causas, cum immediatè agnoscat rem illam extra causas existentem in tempore illo, in quo extra causas erit exercitè: Ergo non erit abstractiva ab existentia exercita extra causas. Nec item ad secundam, nam si illa notitia esset notitia immediata rei vt existentis tempore determinato A, v. g. adveniente tempore illo, & illa notitia perseverante in illa, iam per te esset notitia immediata rei existentis exercitè de presenti, quia per se esset, sicut antea, notitia immediata rei vt existentis tempore A, & tunc tempus A esset sibi præsens, vnde per se esset notitia rei vt existentis tempore sibi præsentis: Ergo esset intuitiva. Nec ad tertiam, nam si semel admittatur notitia immediata & certa rei vt existentis in se ipsa pro duratione posteriori, & distanti à duratione præsentis, æquè respiceret hæc notitia rem, vt exercitè existentem extra causas in illa duratione, & æquè immediatè, ac notitia habita Salmanticæ de Paulo, vt existente Romæ respiceret Paulum vt exercitè existentem extra causas in vocatione Romæ distanti: Ergo æquè illa esset intuitiva, ac ista, siquidem æquè illa immediatè respiceret Paulum, vt exercitè existentem in duratione distanti per duos annos, v. g. ac ista respiceret immediatè illum, vt exercitè existentem in vocatione distanti per bis centum leucas: Ergo æquè utraque esset intuitiva.

27 Vnde censeo, quod admissa notitia immediata, & affirmativa, ac certa rei vt existentis in se ipsa pro tempore posteriori, vel anteriori ad præsentem durationem talis notitiæ, quælibet manens, an illa sit intuitiva, vel non, erit solum de nomine, nam sanè illa erit notitia certa, & iudicativa, immediataque rei vt existentis exercitè in se ipsa extra causas in duratione, & tempore determinato, v. cuius possit intellectus affirmare immediatè *rei existit actu & exercitè extra causas in tempore A, v. g. nam illam immediatè video in eo tempore sic existentem in se ipsa extra causas*. Quod vero illud tempus, in quo illam sic agnoscit actu, & exercitè existentem extra causas, sit actu coexistens, cum existe ea notitia, erit differentia omnino accidentalis, & per accidens, non immutans in;

trinsecè illam noticiam quantum ad modum representandi certo, & immediatè rem vt exercitè existentem extra causas in se ipsa tempore illo determinato A, ac per consequens tacitè quælionem de nomine, an scilicet vocanda sit intuitiva, vel non, nec erit cur potius vocetur abstractiva, cum representet immediatè rem vt exercitè existentem in se ipsa in tempore A.

28 Vnde melius respondeo, ex doctrina tradita, impossibilem esse noticiam certam, & iudicativam immediatam de re vt existentem in se ipsa extra causas tempore futuro, nisi ea notitia participet de modo æternitatis præsentiam ad tempus illud futuram, vi cuius tempus futurum non habeat erga illam modum futuri, vel absentis, sed modum præsentis; vnde solum ex participatione æternitatis, cui omnia tempora sunt præsentia, potest dari notitia immediata, ac certa de rebus futuris vt existentibus immediatè in se ipsis extra causas; seclusa vero præsentia illa temporum in æternitate, vel per essentiam, vel participata, *quæcumque virtus creata aliquam cognitionem habet de futuris, eius cognitio non fertur nisi ad ordinem causarum, quia eius intuitus limitatur ad aliquod tempus determinatum, vnde solum cognoscit ea, quæ sunt in illo tempore; futura autem in tempore, quando adhuc sunt futura, non sunt nisi in ordine suarum causarum, vnde sic solum modo à nobis cognosci possunt*, & ab omni intellectu, cuius cognitio tempore mensuratur. Quæ doctrina, vt vidimus est expressa D. Thom. Ex qua quidem ad argumentum in forma melius respondeo, omnia maiori, negando minorem; quia notitia immediatè terminata ad existentiam rei futuræ extra causas, haberi nequit, nisi ex participatione æternitatis, cui tempus futurum est actu præsens, & consequenter est impossibilis sine præsentia physica rei futuræ in mensura æternitatis, per quam cognitio, vel notitia illa participative mensuretur.

29 Obijcies tertio: Cognito Dei de futuris est intuitiva ab æterno secundum omnem virtualitatem æternitatis: Sed futura non sunt illi præsentia physice ab æterno in æternitate secundum omnem virtualitatem æternitatis: Ergo non requiritur præsentia physica futurorum in æternitate, vt cognitio illorum sit intuitiva Respondet Illust. Godoy distinguendo maiorem: Est intuitiva ab æterno secundum omnem virtualitatem æternitatis, id est ex omni virtualitate æternitatis, negat: Id est, in omni virtualitate æternitatis, sed non ex omni virtualitate illius concedit, & distinda minori eodem modo, negat consequentiam; quia vt cognitio divina de futuris sit intuitiva in omni virtualitate æternitatis non requiritur, quod futura sint illi præsentia in omni virtualitate illius, sed satis est, quod sint illi physice præsentia secundum illam virtualitatem.

virtualitatem, ex qua habet conceptum intuitivum: licet enim cognitio divina sit intuitiva in omni virtualitate aeternitatis, non tamen ex omni virtualitate illius, sed solum ex illa, secundum quam futura sunt sibi praesentia, seu secundum quam correspondet praesentialiter illi temporis determinato, in quo futura existunt.

30 Sed hanc solutionem non admittimus, quia ut supra ostendimus *quaest. praeced. a. num. 50.* illa distinctio virtualis, aut virtualitatum in aeternitate est fictitia, & inepta ad explicandam aeternitatem, & praesentiam illius simultaneam ad omnia tempora. Et item, quia rogo, vel cognitio Dei de Antichristo, quae per se est intuitiva in omni virtualitate aeternitatis, & consequenter in virtualitate correspondente temporis praesentis, est intuitiva ex hac virtualitate praesentive non ex hac, sed ex illa, quae correspondebit temporis futuro Antichristi? Si primus Ergo in virtualitate, in qua est intuitiva, est intuitiva ex illa ipsa virtualitate: Ergo si in omni, etiam ex omni virtualitate, est intuitiva; quod negas. Si secundus: Ergo potest esse intuitiva in una virtualitate, non ex illa, sed ex alia virtualitate posteriori ad illam, & virtualiter futura respectu illius: Ergo poterit poterit in una duratione esse intuitiva, non ex ipsa, sed ex alia duratione posteriori ad illam, & futura respectu illius, in qua fit physice praesens Antichristus: Ergo poterit esse intuitiva in duratione, in qua non existat de praesenti Antichristus, si nimirum dicatur, quod non habet esse intuitivum ex hac praesenti duratione, sed ex alia posteriori, in qua existit praesens Antichristus. Nec enim apparet minor difficultas in eo, quod in una virtualitate habeat conceptum intuitionis, non ex illa, sed ex alia virtualitate posteriori ad ipsam, & futura respectu ipsius, quam in eo, quod in una duratione, aut replicatione habeat conceptum intuitivum, non ex ipsa, sed ex alia posteriori ad ipsam, & suo modo futura respectu illius.

31 Nec solvit difficultatem Ill. God. dicens, quod duratio praesens non continet anticipare obiectum solum existens per alia duratione futura; duratio autem aeternitatis continet anticipare durationes creatas secundum diversas sui virtualitates. Ceterum enim est, quia si semel illae virtualitates sunt diversae, ut supponit, secundum virtualitatem correspondentem temporis praesentis non continet anticipare durationem propriam Antichristi, sed solum illam concinebit secundum aliam posteriorem correspondentem temporis futuro: Ergo iam salvatur, quod divina cognitio in una virtualitate habet conceptum intuitionis, non ex illa, nec ex alia vi cuius anticipat concinet praesentialiter durationem Antichristi, sed solum ex alia posteriori, vi cuius illam concinebit virtualiter: Ergo pariter in una duratione, aut replicatione poterit habere conceptum intuitivum, non ex illa, nec quia anticipat continet obiectum praesens, sed ex alia posteriori, in qua

illud concinebit praesentialiter. Vergetur, quia eo modo, quo distinguit illas virtualitates, debet inter illas assignare ordinem prioris, & posterioris, & successione inter illas: Ergo non erunt simul virtualiter, sed una virtualiter post aliam: Ergo in virtualitate correspondenti temporis praesentis non continetur virtualiter virtualitas correspondens temporis Antichristi: Ergo si in hac virtualitate correspondenti ad tempus praesens iam illa noticia est intuitiva ex alia virtualitate non contenta in illa, nec in illa existenti, sed ad illam posteriorem, poterit etiam esse intuitiva in una duratione, ex alia nondum existenti in ipsa, sed posteriori ad ipsam; nec enim est minor difficultas in eo, quod virtualitas posterior praesent effectum in virtualitate priori, quam in eo quod duratio, aut replicatio posterior praesent effectum in priori duratione, aut replicatione.

32 Vnde melius respondeo, negando illas virtualitates diversas in aeternitate, & consequenter negando minorem, vel eius suppositum, quia in aeternitate intrinsece, & pro recto non sunt plures, sed una simplicissima virtualitas, vi cuius simul mensuratur unica simplicissima mensuratione omnia tempora vera, vel imaginaria ab aeterno usque in aeternum, unde nulla est excogitabilis virtualitas intrinseca in aeternitate, in qua non sit illi physice praesens tempus Antichristi, & eo mediante ipse Antichristus, unde in omni virtualitate intrinseca illius divina cognitio est intuitiva Antichristi, imò & ex omni virtualitate, quia non est a parte rei, nisi una virtualitas simpliciter infinita, & consequenter correspondens omni temporis ab aeterno usque in aeternum, ex qua, & non solum in qua, habet divina cognitio, quod sit intuitiva Antichristi. Vide *quaest. praecedent. num. 50.*

33 Sed instabis ex Ill. God. Antichristus distat duratione ab aeternitate, ut equivalenti huic *nunc* nostri temporis: Ergo non est praesens illi, ut equivalenti huic *nunc* nostri temporis: Ergo nec est praesens huic equivalenti, nec virtualitati. Probat antecedens, primò, quia Antichristus non est simul duratione cum aeternitate, ut equivalenti huic *nunc* nostri temporis, alias esset simul durationem cum hoc *nunc* nostri temporis: Ergo distat ab aeternitate, ut equivalenti huic *nunc* nostri temporis. Secundò, nam qui existit Salmantica, distat ab immensitate secundum virtualitatem, quia est praesens Matriti; aliis qui existit Salmantica, esset praesens toti immensitati, & omni illius virtualitati: Ergo, Respondeo, negando antecedens. Ad primam probationem, nego etiam antecedens, & sequens, quia aeternitas ex parte sua non prius equivaleat uni temporis, quam alteri, nec per distinctas aequivalentias, sed una simplicissima aequivalentia simul aequaleat omnibus temporibus inter se distinctis, & succedentibus, unde eo ipso, quod Antichristus sit praesens aeternitati, est praesens in ea, ut aequivalenti omnibus temporibus, quia aeternitas, ex qua est

eternitas simul, & simplicissima æquivalentia equi-  
 valet omnibus temporibus; nec inde infertur, quod  
 Antichristus existat in omnibus temporibus, aut  
 in hoc nostro tempore; quia ex quo coexistat equi-  
 valentiæ infinitæ ad omnia tempora, non sequitur,  
 quod coexistat omni tempori, nam ex quo sit præ-  
 sens toti recto, non sequitur, quod sit præsens om-  
 nibus connotatis illius recti, quando rectum est sim-  
 plicissimum, & infinitum, & infinita habens con-  
 notata inter se distantia. Ex quo ad secundam,  
 nego antecedens; nam qui est præsens Salmanticae  
 immensitati, est præsens, nedum toti immensitati,  
 sed omni virtualitati intrinsecæ immensitatis, nam  
 ubi est tota immensitas, est sanè omnis virtualitas  
 intrinsecæ immensitatis, cum virtualitas intrinsecæ  
 immensitatis non possit distare à parte rei ab im-  
 mensitate tota; nec ex hoc infertur, quod qui est  
 Salmantica, sit Matriti, nam licet tota virtuali-  
 tas intrinsecæ immensitatis pro recto sit Salman-  
 tica, non sequitur, quod ubi est totum rectum, sed  
 tota virtualitas pro recto, sint omnia illius conno-  
 tata, & obliqua, quando rectum totum habet, in-  
 finita connotata distincta, in quibus sit. Et ratio est,  
 quia immensitas, licet tota, tam formaliter, quam  
 virtualiter intrinsecè sit in quolibet loco, v.g. Sal-  
 manticae, non est in illo tanquàm in loco sibi equali  
 sed infinitè minori; & similiter licet eternitas tota  
 tam formaliter, quam virtualiter intrinsecè, & pro  
 recto virtualitas sit in quolibet reperi, non est in  
 illo ut in duratione sibi equali, sed infinitè mino-  
 ri, & inæquali, quia videlicet immensitas secun-  
 dum totam suam entitatem, & virtualitatem in-  
 trinsecam communis est realiter innumeris alijs  
 locis, ita ut in quolibet tota sit, tam formaliter,  
 quam virtualiter intrinsecè, & pro recto virtuali-  
 tatis, & similiter eternitas secundum totam suam  
 entitatem, & virtualitatem intrinsecam pro recto  
 communis est realiter innumeris alijs tempori-  
 bus, ita ut in quolibet tota sit formaliter, & virtu-  
 aliter intrinsecè pro recto virtualitatis; quando au-  
 tem rectum est ita realiter commune pluribus ex-  
 tremis inæqualis, & inæqualibus, ex quo totum,  
 tam formaliter, quam virtualiter intrinsecè pro  
 recto sit in uno, & totum similiter in alio, non in-  
 fertur, quod unum sit in alio, nec quod illa extre-  
 ma inter se sint simul. Ut vidimus suprà q. præ-  
 c. 93.

34 Denique obijciat: Præsentia futuro-  
 rum in eternitate impedit quod Deus cognoscat  
 futura: Ergo non est necessaria ut illa perfectissi-  
 me cognoscat. Probatur antecedens; quia illa  
 præsentia impedit quod sint futura, quia per præ-  
 sentiam physicam tollitur futuritio: Ergo & quod  
 cognoscantur futura. Confirmatur. Præsentia phy-  
 sica futurorum in eternitate non est medium ne-  
 cessarium, in quo cognoscantur à Deo futura: Er-  
 go non requiritur ut perfectissime cognoscantur.  
 Probatur antecedens, primò, quia sufficiens me-

dium est decretum, iuxta Thomistam: Ergo eter-  
 nitas non est medium necessarium. Secundò, quia  
 eternitas ex se non est causa rerum præsentium  
 in illa, nec connexa cum illis: Ergo non est medi-  
 um, in quo cognoscantur. Tertiò, nam Deus cognoscit  
 perfectissimè futura conditionata in se ipsis, & ta-  
 men non sunt physicè præsentia in eternitate: Ergo.

35 Respondeo, distinguendo antecedens: Im-  
 pedit, quod Deus cognoscat futura reduplicativè,  
 aut tanquam sibi futura, concedo: Futura specifica-  
 tivè, ut sibi præsentia, nego antecedens, & conse-  
 quentiam. Ex quo ad probationem antecedentis  
 patet, quia præsentia futurorum in eternitate tol-  
 lit futuritioem illorum respectu Dei in sua eter-  
 nitate, sed non tollit quod illa maneant futura in  
 tempore respectu nostris; unde Deus cognoscit fu-  
 tura, quæ nobis in tempora sunt futura, ut sibi præ-  
 sentia in eternitate; in quo nulla est contradictio.

Ad confirmationem, concedo antecedentem, nego  
 consequentiam, quia non exigimus præsentiam fu-  
 turorum in eternitate tanquam medium ea cog-  
 noscendi, sed ut conditionem necessariam ut Deus  
 ea cognoscat intuitivè ut sunt in se ipsis extra cau-  
 sas, & ut illa cognoscat invariabiliter, ut ex di-  
 ctis patet, unde admittimus duas primas proba-  
 tiones antecedentis. Ad tertiam autem, dico, quod  
 futura conditionata non possunt à Deo cognosci  
 in se ipsis, non solum quia ipse non sunt obiecta for-  
 male, nec medium, nec terminativum primarium  
 divinæ cognitionis, sed etiam quia non sunt præ-  
 sentia in eternitate. De quo dicemus infra.

36 Sed replicabis: Ut cognoscantur in decre-  
 to futura satis est, præsentia ipsius decreti: Sed pen-  
 nos futura solum cognoscantur in decreto: Ergo  
 satis est præsentia decreti, & non requiritur præ-  
 sentia illorum in se ipsis. Respondeo, distinguen-  
 do maiorem: Ut cognoscantur in decreto intransi-  
 tivè, & ynicè quantum ad denominationem ex-  
 trinsecam decreti, & quantum ad ordinem, quem  
 habent in causa prima, concedo: Ut cognoscantur  
 in decreto transitive, transiente scilicet cogni-  
 tione ex decreto ad cognoscenda futura ut exi-  
 stentia in se ipsis, nego maiorem, & distingo mi-  
 norem eodem modo, nequeque consequentiam;  
 quia, dum dicimus, Deum cognoscere futura in de-  
 creto, non est sensus, quod solum ea cognoscit in  
 transitive in decreto, ut præcisè extrinsecè decre-  
 tata, aut ynicè, aut præcisè quantum ad ordinem,  
 & esse quod habent in Deo ut in causa determi-  
 nata ad ipsa; sed quod cognoscit illa in decreto ut  
 in medio, vi cuius transit divina cognitio ad cog-  
 noscenda futura secundum existentiam intrinsecam  
 illorum extra causas, utque existentia in se ipsis suo  
 tempore; quo pacto ea non posset cognoscere, ad-  
 huc in decreto, ut in medio, nisi ut existentia in  
 se ipsis extra causas essent physicè præsentia Deo  
 in sua eternitate; quia aliter, si essent physicè ab-  
 sentia, solum ea cognosceret, quantum ad ordi-  
 nem

nam presentem, quem de presenti haberent in causa prima, non vero immediate quantum ad executionem talis ordinis, ut supra vidimus ex D. Thom. vel solum ea cognosceret abstractivè, non intuitivè vel ea cognosceret nunc de futuro, nunc de presenti, nunc de praterito, variabiliter, non vero immutabiliter semper de presenti, ut supra dicebamus.

### QUESTIO III.

#### AN SCIENTIA DEI DE FUTURIS sit causa illorum?

**C**ommunis sententia Theologorum in hoc vno consensit, quod scientia Dei de creaturis ut possibilibus, quæ appellatur scientia simplicis intelligentiæ, est causa rerum, non executiva, aut effectiva proprie, sed per modum dirigentis. Difficultas autem est, an etiam ut est scientia de futuris, aut de rebus existentibus, quo pacto appellatur scientia visionis, sit causa ipsarum rerum efficiens illas existere. In qua difficultate Iesuicæ communiter negant; Thomistæ communiter affirmant.

**1** Pro intelligentia tamen sententiæ Thomistarum, notandum valde est, scientiam Dei de futuris, aut de rebus ut existentibus in se ipsis, prius denominari scientiam approbationis, quam scientiam visionis; denominatur enim scientia approbationis ex decreto, aut beneplacito divinæ voluntatis, vi cuius, seu quia divinæ voluntati placet res producere, approbat illas ut producendas, sive illarum productionem, & existentiam; denominatur autem scientia visionis ex hoc quod intuetur illas ut existentes in se ipsis, & ut presentes in sua æternitate. Notandum item est, quod non est distincta scientia villo pacto vno ac alio modo, quia utroque modo habet idem ipsissimum obiectum, tam primum, quam secundarium, quia tam ut approbationis, quam ut visionis respicit pro obiecto primum essentiam divinam ut determinatam per voluntatem ad res producendas; & pro obiecto secundario ipsas res ut producendas in se ipsis, & secundum suam existentiam; cum hac sola differentia, quod ut approbationis respicit prædicte ipsas res inferendo earum existentiam; ut visionis autem significatur ut eas respiciens speculativè ut factas, & existentes; quæ differentia amplius infra explicabitur. Igitur.

#### NOSTRA SENTENTIA,

**3** Ideo primum, quod scientia Dei de rebus futuris, aut existentibus, est causa effectiva ipsarum rerum. Sive, quod scientia Dei, non solum prout terminatur ad quidditatem, & possibilitatem rerum, quo pacto dicitur scientia simplicis intelligentiæ; sed prout termi-

natur ex determinatione libera divinæ voluntatis ad futura, aut existentia, quo pacto dicitur scientia approbationis, est causa effectiva ipsarum rerum futurarum, aut existentium. Ita D. Thom. in present. artic. 8. ubi sic ait: *Vnde de necessesse est, quod sua scientia Deus sit causa rerum, secundum quod habet voluntatem coniunctam Etiam, unde scientia Dei, secundum quod est causarum, consuevit nominari scientia approbationis.* Sed clarius id ipsum docet in 1. dist. 39. quest. 2. artic. 1. ubi inquit, utrum Deus possit non scire illud, quod est scitum ab eo, & quantum argumentum sic contra se format: *Scire ipsum est ipsum esse eius. Sed ipse non potest non esse quod est. Ergo non potest non scire, quod scit.* Et respondet sic: *Ad quantum dicendum, quod licet esse, & scire, sint idem secundum rem, tamen scire sequitur voluntatem ut imperatum ab ipsa, esse autem non; & ideo esse suum non subiacet libertati voluntatis, sicut scire operativum creaturæ.* En igitur, ubi locus non est interpretandi Div. Thom. de scientia simplicis intelligentiæ; tum quia scientia Dei, ut habet voluntatem coniunctam, & ut est scientia approbationis, non manet purè ut scientia simplicis intelligentiæ purè terminata ad quidditates ut possibiles. Tum, quia D. Thom. in secundo loco adstruit scire liberum, operativum creaturæ, quod sequitur ad voluntatem, ut imperatum ab ipsa: Sed hoc scire non est scientia simplicis intelligentiæ, quæ necessaria est, & minime sequitur ad voluntatem, nec imperatur ab ipsa: Ergo D. Thom. interpretati nequit de scientia simplicis intelligentiæ.

**4** Nihilominus P. Emmanuel à Concept. inquit scientiam approbationis dici à D. Thom. ipsam, scientiam simplicis intelligentiæ, quia licet scientia simplicis intelligentiæ ex se sit indeterminata, determinatur tamen per voluntatem adiunctam, & sic non est causa rerum usque dum ei adiungatur voluntas, per quam determinatur, & quatenus habet illam adiunctam, dicitur scientia approbationis. Sed contra est, quia scientia approbationis, ut vidimus, dicitur à D. Thom. scire operativum creaturæ, quod sequitur ad voluntatem, ut imperatum ab ipsa, & subiacet libertati voluntatis divinæ: Sed scientia simplicis intelligentiæ talis dici nequit, nisi falsissime: Ergo scientia simplicis intelligentiæ non dicitur à D. Thom. scientia approbationis. Contra secundum, quia per te scientia simplicis intelligentiæ non est causa rerum, nisi ut determinata per voluntatem divinam; Sed ut determinata per voluntatem divinam, non manet scientia de solis quidditatibus possibilibus, seu solum simplicis intelligentiæ, sed est iam scientia de rebus ut faciendis, aut ponendis in re, & consequenter de illis ut existentibus pro posteritatem ad ipsam; Ergo scientia simplicis intelligentiæ

non est causa rerum vt scientia tantum simplicis intelligentiæ, sed vt reddita scientia de faciendis, aut existentibus pro posteriori ad ipsam. Minor probatur, quia scientia simplicis intelligentiæ, vt determinata per divinam voluntatem, seu per decretum divinæ voluntatis, amplius scit de rebus quam pro priori ad talem determinationem, vel decretum: Sed pro priori sciebat quidditates possibiles vt possibiles, & factibiles, vel ad summum vt faciendas tantum conditionatè: Ergo ex vi determinationis divinæ voluntatis eas scit vt absolute faciendas, & ponendis in re, & consequenter vt existentes pro posteriori. Maior probatur, nam scientia illa, vt determinata per divinum decretum, scit, quantum scibile est ex vi divini decreti: Sed ex vi divini decreti plus est scibile de rebus, quam pro priori ad ipsum: Ergo, vt determinata per illud, plus scit de rebus, quam pro priori ad ipsum.

5 Explicatur primò: Scientia Dei per se solum est causa rerum vt determinata per decretum: Non vt determinata per decretum inefficax, quia decretum purè inefficax non est causa rerum: Ergo, vt determinata per decretum efficax: Tunc sic, sed vt determinata per decretum efficax est scientia de rebus vt fiendis, & ponendis in re absolute: Ergo vt est scientia de rebus vt fiendis, & ponendis in re absolute, est causa rerum. Probatur minor, quia vt determinata per decretum efficax est scientia de rebus vt sunt scibiles ex vi talis decreti: Sed ex vi decreti efficacis res sunt scibiles, non solum vt factibiles, sed vt absolute fiende, & ponende in re pro posteriori: Ergo vt determinata per decretum est scientia de rebus vt fiendis, & ponendis in re absolute pro posteriori. Explicatur secundò, quia prædicta scientia, vt determinata per decretum, determinatur ad sciendum id ipsum, ad quod efficiendum determinatur; implicat enim determinari scientiam Dei ad aliquid efficiendum, quin determinetur ad illud sciendum: Sed per decretum efficax scientia, quæ erat simplicis intelligentiæ, seu de quidditatibus, vt possibilibus, determinatur ad efficiendas res ipsas existentes pro posteriori: Ergo determinatur ad sciendas res ipsas vt existentes pro posteriori: Sed vt scientia de rebus vt existentibus pro posteriori, est scientia visionis, & non iam solius simplicis intelligentiæ: Ergo scientia Dei, vt determinata per decretum, est scientia visionis, licet sub nomine approbationis, de rebus vt existentibus pro posteriori: Sed per vos, vt determinata per decretum, est causa rerum: Ergo scientia visionis, licet sub nomine approbationis, est causa rerum. Videantur à nobis dicta Tractat. de Provid. quest.

5. num. 24.

6 Secundò probatur conclusio ratione D. Thom. quest. 2. de Veritat. artic. 14. in corp. ubi sic ait: *Opportet, quod quæcumque sunt simi-*

*lia, ita se habeant, quod vel unum sit causa alterius, vel ambo ex una causa causentur: Sed in omni scientia est assimilatio scientis ad scitum. Ergo oportet, quod vel scientia sit causa sciti, vel scitum sit causa scientiæ, vel utrumque ab una causa causetur. Sed non potest dici, quod res scita à Deo sint causa scientiæ in eo, cum res sint temporales, & scientia Dei sit æterna, temporale autem non potest esse causa æterni: Similiter non potest dici, quod utrumque ab una causa causetur, quia in Deo nihil potest esse causatum, cum ipse sit, quidquid habet: Ergo relinquitur, quod scientia eius sit causa rerum. Explicatur: Nam scientia nostra causata est à rebus, in quantum scilicet eam à rebus accipimus: Sed scientia Angelorum non est causata à rebus, nec causa rerum, sed utrumque est ab una causa, sicut enim Deus formas universales in se rebus vt subsistant, ita similitudinis earum in se in mentibus Angelorum ad cognoscendum res: Ergo scientia Dei est causa rerum. Patet consequentia, quia scientia Dei non est causata à rebus, sicut nostra; nec utrumque ab una causa causatur, sicut in scientia Angelorum: Ergo est causa rerum scitarum, cum non sit medium.*

7 Nec hic est locus exponendi D. Thom. de scientia tantum simplicis intelligentiæ. Primò ex illa minori subsumpta: *Non potest dici, quod res scite à Deo sint causa scientiæ, cum res sint temporales, & scientia Dei æterna: Sed res prout scite scientia simplicis intelligentiæ non sunt temporales, quia prout sic sunt quidditates possibiles, quæ abstrahunt à tempore, & sunt æternæ veritates, solum autem sunt temporales, prout scita per scientiam liberam, & visionis: Ergo D. Thom. loquitur de scientia visionis. Secundò, & vrgentius, quia discursus D. Thom. probat de omni scientia respectu sciti, vnde sic potest formari: *In omni scientia, in qua est assimilatio scientis ad scitum, oportet, quod vel scientia sit causa sciti, vel scitum sit causa scientiæ, vel utrumque ab una causa causetur: Sed non potest dici, quod res scita à Deo per scientiam visionis sint causa scientiæ visionis in eo, cum res sint temporales, & scientia visionis æterna, temporale autem non potest esse causa æterni; nec potest dici, quod utrumque ab una causa causetur: Ergo relinquitur, quod scientia visionis in Deo sit causa rerum. Sane supposita maiori, quæ prout iacet, est expressa D. Tho. non est cur in minori non debeat accipi scientia pro scientia visionis de rebus existentibus, cum in illa non minus sit assimilatio scientis ad scitum, quam in scientia simplicis intelligentiæ. Tertiò, quia D. Thom. expressè loquitur de scientia respectu sciti, cum inquit, quod vel scientia est causa sciti, vel scitum causa scientiæ, &c. Sed scientia simplicis intelligentiæ non est causa sui sciti in actu secundo; quia scitum illius sunt quidditates**



¶ merè possibiles, & vt sic non causantur: Ergo solum intelligi potest de scientia visionis, vt est approbationis, cuius scitum sunt res vt transcurrentes ad statum existentie, quo pacto causantur, & non vt possibiles.

8 Sed obieci ex eodem D. Tho. ibid. nam sic profecquitur: *Sciendum tamen, quod scientia, in quantum scientia, non dicit causam activam, sicut nec forma, in quantum est forma: Actio enim est vt in exequendo aliquid ab agente; sed forma, in quantum huiusmodi, habet esse in perficiendo illud, in quo est, & quiescendo in ipso: Et ideo forma non est principium agendi, nisi mediante virtute: Et in quibusdam quidem ipsa forma est virtus, sed non secundum rationem forme; in quibusdam autem virtus est aliud à forma substantiali rei, sicut videmus in omnibus corporalibus, à quibus non procedunt actiones, nisi mediantibus aliquibus suis qualitatibus. Similiter etiam scientia significatur per hoc quod aliquid est in sciente, non ex hoc quod aliquid sit à sciente: Et ideo à scientia nunquam procedit effectus, nisi mediante voluntate, quæ de sui ratione importat influxum quemdam in voluta, sicut à substantia nunquam exit actio, nisi mediante virtute; quævis in quibusdam sit idem voluntas, & scientia, vt in Deo, in quibusdam autem non.* Ex quibus sic arguitur: Iuxta D. Thom. scientia solum est causa rerum mediante voluntate: Sed scientia, quæ est causa rerum mediante voluntate, solum est scientia simplicis intelligentiæ, & de rebus vt possibilibus, non scientia visionis de rebus vt existentibus, nec futuris absolute: Ergo non ista, sed solum illa est causa rerum ex mente D. Thom. Probatur minor, quia scientia, quæ est causa rerum mediante voluntate, est quæ præcedit determinationem divinæ voluntatis: Sed scientia, quæ præcedit determinationem divinæ voluntatis, non est scientia visionis, nec de rebus vt futuris, vel existentibus, sed scientia simplicis intelligentiæ de rebus vt possibilibus: Ergo. Hoc argumentum exigit vt explicemus amplius mentem D. Thom. & Thomistarum. Pro quo.

## SECUNDA CONCLUSIO.

9 **D**ico secundò: *Scientia simplicis intelligentiæ est causa rerum virtute tantum, seu ex parte actus primi in Deo; scientia autem libera approbationis, & visionis est causa rerum per modum actus secundi.* Probatur ex D. Thom. in præsent. artic. 16. ad 1. vbi ait: *Dicendum, quod scientia Dei est causa, non quidem sui ipsius, sed aliorum. Quorumdam quidem actu, scilicet eorum, quæ secundum aliquod tempus sunt: Quorumdam vero virtute, scilicet eorum, quæ potest facere, nunquam autem facit: Sed scientia Dei respectu eorum, quæ nunquam facit,*

*est simplicis intelligentiæ; respectu vero eorum, quæ secundum aliquod tempus facit, est libera, seu approbationis, & visionis: Ergo scientia simplicis intelligentiæ est causa rerum virtute tantum, seu ex parte actus primi, vel quasi primi; scientia autem libera, seu approbationis, & visionis est causa rerum per modum actus secundi.* Confirmatur: Scientia practica est causa rei, cuius est scientia practica, eo modo, quo est scientia practica illius: Sed iuxta D. Thom. scientia Dei est practica solum secundum quid, & virtute tantum de possibilibus; de rebus vero aliquando existentibus est scientia practica simpliciter: Ergo scientia Dei de rebus vt possibilibus est causa illarum virtute tantum, de rebus vero aliquando existentibus, quæ est scientia approbationis, & visionis, est causa in actu secundo illarum. Probatur minor ex D. Thom. in corpor. artic. citat. vbi ait: *De his, quæ potest quidem facere, sed secundum nullum tempus fecit, non habet practicam scientiam, secundum quod practica scientia dicitur à fine: Sic autem habet practicam scientiam de his, quæ secundum aliquod tempus facit: Sed iuxta ipsum immediate ante hæc verba, scientia, quæ non est practica secundum finem, solum secundum quid est practica; cum vero ordinatur ad finem est practica simpliciter.* Ergo iuxta D. Thom. scientia Dei est practica secundum quid, & virtute tantum, in quantum est scientia eorum, quæ nunquam facit; & practica simpliciter, in quantum est eorum, quæ aliquando facit. Explicatur: Scientia simplicis intelligentiæ, vt talis, solum est practica secundum quid, & in virtute; scientia vero eorum, quæ Deus aliquando facit, est scientia practica simpliciter, & in actu secundo: Sed scientia practica simpliciter, & in actu secundo est causa in actu secundo sui obiecti: Ergo.

10 Secundò probatur conclusio, explicando illam, quia vt reor, sola explicatione eger. Etenim scientia Dei pro priori ad propositum divinæ voluntatis terminatur ad creaturas vt merè possibiles, & respectu illarum est scientia simplicis intelligentiæ, quæ pro illo signo non est practica, nec causa creaturarum in actu secundo, nec per modum actus secundi, sed solum in virtute, & per modum actus primi. In hoc sanè conveniunt nobiscum contrarij, & est doctrina expressa Div. Thom. Sed difficultas est, an adveniente decreto, sen proposito divinæ voluntatis, scientia Dei maneat in esse simplicis intelligentiæ practicæ; an vero reddatur iam ex vi illius scientia libera approbationis, & visionis? Item, an causet in actu secundo res vt est scientia solius simplicis intelligentiæ, an vero vt scientia libera approbationis, & visionis? Nos ergo dicimus hoc secundum, & probamus efficaciter, quia scientia Dei solum causat res in actu secundo vt determinata per decretum, vt ipsi contrarij sentent, non vero ante decretum. Sed

sed vt determinata per decretum in esse simplicis intelligentie, sed est iam scientia libera approbationis, & visionis: Ergo non causat in actu secundò, nisi vt est scientia libera approbationis & visionis. Minor probatur, quia vt determinata per decretum, non repræsentat res purè vt factibiles, & possibiles, sed iam determinatè vt fiendas, & ponendas in re pro posteriori: Sed primò modo est scientia simplicis intelligentie, secundò modo est scientia libera approbationis, & visionis: Ergo vt determinata per decretum non manet tantum scientia simplicis intelligentie, sed redditur scientia libera approbationis, & visionis, & consequenter vt talis, est causa in actu secundò rerum.

rr Explicatur: Secundò scientia Dei priori ad decretum cognoscit res vt factibiles tantum; proffigno vero decreti, & vt determinata per ipsum, cognoscit res vt determinatè fiendas, & ponendas in re; ita quod ante decretum solum affirmat, *hoc est factibile*, adiuncto autem decreto, iam dicitur, *hoc est faciendum*: Sed illa prima cognitio, *hoc est factibile*, quæ est scientia simplicis intelligentie, est practica, & causa rerum solum ex parte actus primi; secunda vero iam est scientia libera, & approbationis, & est practica in actu secundò, & per modum actus secundi causa rei fiende: Ergo scientia simplicis intelligentie est causa rerum per modum actus primi, scientia vero libera approbationis, & visionis, est causa rerum per modum actus secundi. Tertiò: Vt res aliqua fiat ab agente intellectu vt tali, non solum requiritur cognitio, seu dictamen practicum in actu primò, quo ante determinationem voluntatis iudicet *hoc est factibile*; sed vltra requiritur dictamen practicum in actu secundò, quo ex determinatione voluntatis iudicet, & dicitur, *hoc est faciendum*: Sed hoc secundum in Deo est scientia libera approbationis, & visionis, & absdubio est causa rei fiende per modum actus secundi, cum sit dictamen practicum in actu secundò: Ergo in Deo scientia libera approbationis, & visionis est causa rerum in actu secundò. Explicatur quartò: Scientia Dei, vt determinata per decretum, practice, & per modum imperij cognoscit res vt fiendas, & dicitur, quod fiant: Sed vt dictans, & imperans, quod fiant, est causa illarum per modum actus secundi, & est scientia libera, & approbationis de illis vt fiendis: Ergo. Probatur maior, quia vt determinata per decretum, iam ex vi ipsius decreti habet efficaciam voluntatis, & vim intimandi efficaciam illam rebus: Sed hoc est formalissimè imperare rebus vt fiant; quia imperium practicum nihil aliud est, quam intimatio voluntatis efficacis rebus subiectis, aut subiectis: Ergo scientia Dei ex vi decreti, & vt determinata per decretum, practice, & per

modum imperij cognoscit res vt fiendas, & dicitur per modum imperij, quod fiant.

12 Confirmatur validè hoc ipsum ex facto Textu, & SS. PP. qui communiter testantur Deum omnia fecisse per imperium. Dixit enim, *fiat celum, & factum est celum, fiat terra, & facta est terra, fiat lux, & facta est lux*, & sic de reliquis: Sed hoc imperium est actus divini intellectus efficacis ex voluntate præsupposita: Ergo Deus per actum divini intellectus ex præsupposita voluntate facit omnia: Sed hic actus non est scientia simplicis intelligentie, sed approbationis, & libera: Ergo Deus non per solum scientiam simplicis intelligentie, sed per scientiam liberam, & approbationis facit omnia.

13 Respondens contrarij, primò, negando; quod omnia Deus fecerit per imperium illud, quia actus liberus creaturæ non efficit per imperium, sed per decretum indifferens. Secundò, permittendo tale imperium; sed negando, quod sit actus intellectus, quia tenet esse actum voluntatis. Tertiò, permittendo, quod sit actus intellectus; sed negando, quod sit actus iudicii, dicunt enim, esse actum non pertinentem ad vllam ex tribus operationibus intellectus. Quartò, permittendo, quod sit actus iudicii; sed negando, quod affirmat existentiam rerum fiendarum, quia solum affirmat existentiam decreti, vt ex illo moveat ad executionem, & productionem rei; vnde concludunt, non inferri, quod Deus per scientiam visionis, quæ est iudicium de existentia rei, sit causa ipsius rei.

14 Sed contra est, nam hæc varietas opinandi, & discutendi pro solutione huius argumenti, satis convincit, quam validum illud sit, & quam difficilis, aut impossibilis solutio animi quietans. Deinde contra primam militat expressè D. Ioannes Chrysostom. Homil. 2. in Psalm. 50. col. 2. sic inquires: *Si Deus dixerit adultero: Iam nolo vt adulter sis, verba statim vertuntur in opera: Si dixerit fornicatori: Cessa ab immunditia tua, illico mens eius in melius mutatur: Et vt scias, quia ita est, dixit, fiat celum, & factum est celum, præcepit fieri terram, & verbum eius in opere celsit, &c.* Item D. Bernardus de persecutione sublimanda cap. 1. super illud Psalm. 147. Et dixisti: *Convertimini filij hominum*, sic subiungit: *Quis humanis comparare audeat dictis, quod dixisse dicitur Deus? Vixit profectio est sermo Dei, & efficax, & vox eius in magnificentia, & virtute. Denique ipse dixit & facta sunt: Dixit Deus, fiat lux, & facta est lux: Dixit, convertimini filij hominum, & conversi sunt: De quo verbo Deus per Isaiam dicit cap. 55. Verbum meum, quod egredietur de ore meo, non reverietur ad me vane, sed faciet quicquid volui. Ecce ubi*

PP. testantur manifestè, non solum cœlum, & terram, & alias creaturas Deum fecisse imperio suo, dicendo *sunt*, sed similiter etiam eodem imperio, & dicendo, vel dictando modo imperativo, & immutare liberum arbitrium, & illum convertere de pravo in rectum, de immundo in mundum: Falsum ergo est, quod Deus eo imperio non efficiat omnia, seu quod non efficiat actus liberi arbitrii, seu eius mutationem, quæ opus est dextere excelli. Mirro alia, quæ videri possunt *Tract. de Provid. quaest. 9. à num. 33.*

15. Contra secundam militat etiam Sacet-  
textus & SS. PP. qui omnes expriment illud imperium, ut actum dicendi, per hoc nempe quod  
*dixit Deus*: Sed dicere non est actus voluntatis, sed solius intellectus, quia est verbum, & dictum, quod potissimè ad intellectum spectat: Ergo. Deinde militat expressè contra D. Th. qui *1. 2. 2. quaest. 17. art. 1. in corpore*. Sic concludit: *Relinquitur ergo, quod imperare sit actus rationalis, præsupposito actus voluntatis in cuius virtute ratio per imperium movet ad exercitiū actus*. Unde licet sit præsuppositivè actus voluntatis, cuius efficaciam intimat, tamen formaliter ipsa intinatio, in qua consistit imperium, non est actus voluntatis, sed intellectus: Ergo. Mitto alia quibus infra probabimus, esse actum intellectus. Contra tertiam militat, quod actus intellectus, qui nec est simplex apprehensio, nec discursus, non potest non esse iudicium: (dicere enim, quod est actus intellectus ad nullam ex tribus operationibus intellectus pertinens, est quid alienum à communi doctrina Philosophorum, & purè voluntarium, quod sanè vnicè dicitur ad effugiendum vim argumenti, & recedendum à sententia, quam probamus.) Sed ille actus intellectus divini non est simplex apprehensio, nec discursus: Ergo est iudicium. Secundo, quia implicat etiam actus intellectus, qui vnicè deserviat operationi ad extra, & nullo modo sit cognoscitivus; nam esset actio de linea physica, & non de linea intellectiva, nec intentionali, ac per consequens non esset actus intellectus: Ergo falso dicitur, quod ille actus purè deserviat operationi ad extra, si est actus intellectus. Tertiò, quia licet ille actus imperij non sit iudicium speculativum, est tamen iudicium practicum in actu secundò: Ergo falso negatur, quod sit iudicium. Probatur antecedens, quia, ubi datur iudicium practicum in actu primò, debet assignari iudicium practicum in actu secundò. Sed cognitio, seu scientia representans indifferenter creaturas ut possibiles, & factibiles, iuxta contrarios, est iudicium practicum in actu primò: Ergo iudicium de creaturis ut determinatè fiendis, quod nempe dicitur, *hoc est fiendum*, seu *fiat hoc*, est iudicium practicum in actu secundò. Vel assignent contrarij iudicium practicum in

actu secundò, & dicant, quid practice habere & dicat: Quod non facile prestabunt, nisi nobiscum fateantur, dicere practice creaturas ut fiendas hio & nunc. Unde, ni fallor, contrarij in hoc deficiant, quod non distinguunt iudicium speculativum, & practicum: non enim agnoscerent volunt alium iudicium de creaturis ut agendis, aut fiendis, nisi quod illas factas, & existentes supponat; quod quidem intellectum de iudicio purè speculativo, verum tenet; sed sanè loquendo de iudicio practico, falsum est, quia iudicium practicum non supponit obiectum factum, aut existentem, sed illud facit existentem, & terminatur ad obiectum existentem, non illud præsupponendo existentem, sed illud efficiendo existentem. 16. Ex quo iam quartæ evasio impugnetur, quia si talis actus est iudicium affirmans existentiam decreti, & movens ad executionem, & productionem rei, ut hoc ipso est iudicium practicum de re ut producenda, & facienda: Ergo tandem incidit in eorū quod iudicium practicum, seu scientia practica de re ut exequenda, & producenda, movet ad executionem, & productionem rei, & est causa affirmativa ipsius: Sed hæc scientia practica de re ut exequenda, & producenda, non est scientia simpliciter intelligentia; sed scientia libera, & approbationis: Ergo scientia libera, & approbationis est causa rerum: Probatur antecedens, quia ex vi decreti, seu propositi divinæ voluntatis, verum est, rem iam esse determinatè exequendam, & faciendam, sed producendam à Deo; imò quicumque habet propositum efficax aliquid faciendi, ex vi sui propositi cum veritate iudicat, & dicitur *facturus* sum hoc, seu, hoc à me fiendum est: Unde qui habet propositum efficax audiendi sacrum, vel dandi elemosynam, cum veritate dicit, & iudicat in vi talis propositi: *Auditurus sum sacrum, daturus sum elemosynam*. Ergo magno modò illius Deus, in vi decreti, seu propositi efficacis de re producenda, iudicat cum veritate: *Facturus sum rem hanc, seu, rei à me producenda*, & dicitur eius imperio, quod *fiat*, & producat. Ergo iudicium affirmans existentiam decreti, & movens ad executionem, ex hoc ipso est iudicium practicum de re ut producenda, & facienda: Confirmatur, quia iudicium affirmans existentiam decreti, & movens ad executionem, non est scientia simpliciter intelligentia; sed libera, & approbationis, nec est de re tantum ut possibile, & factibile, sed de re ut in proposito facienda, & producenda: Sed per vos hæc scientia est causa rei, quia per vos movet ad executionem, & productionem rei: Ergo non sola scientia simpliciter intelligentia, prout est de re possibile, & factibile, sed etiam scientia libera approbationis, ut est de rebus ut producendis, est causa rerum: Hæc igitur est nostra sententia.

## SOLVUNTUR ARGUMENTA.

17 **E**X quo iam patet ad obiectionem ex *nom.* 8. concessio textu D. Thom. ad argumentum inde desumptum, concessa maiori, nego minorem. Ad cuius probationem, distinguo maiorem: Scientia, quæ est causa rerum immediate voluntate, est quæ præcisè præcedit determinationem divinæ voluntatis, ut præcisè illam præcedit, nego maiorem: Quæ præcedit, & subsequitur causans in vi illius, concedo maiorem, & distinguo minorem eodem modo, negoque consequentiam; itaque D. Thom. solum intendit, quod scientia divina ex conceptu scientiæ præcisè, non sit causa rerum, ac proinde egere proposito divinæ voluntatis, ut sit causa rerum, seu, quod idem est, non esse causam rerum nisi mediante proposito, aut determinatione voluntatis: Ideoque consultò non dixit, nec determinatè, quod scientia simplicis intelligentiæ, nec determinatè, quod scientia approbationis, aut visionis est causa rerum, sed præcisè, quod scientia Dei, quia eadem scientia Dei, quæ mediantè voluntate est causa rerum, pro priori antequam medietè propositum voluntatis, est scientia simplicis intelligentiæ, & causa rerum in virtute, seu in actu primò, mediantè vero iam proposito divinæ voluntatis, est scientia libera, & approbationis, & causa rerum in actu secundò. Et quidem non minus verum est, quod scientia Dei non est scientia de rebus ut producendis, nisi mediantè voluntate, ac est verum, quod non est causa rerum, nisi mediantè voluntate: Sed ex primo non licet inferre, scientiam solum simplicis intelligentiæ esse de rebus ut producendis, quia solum inter illam, & res producendas mediat voluntas: Ergo nec ex secundò licet inferre, solum scientiam simplicis intelligentiæ esse causam rerum, quia solum inter illam, & res mediat voluntas.

18 Mitto aliorum Thomistarum solutionem, dicentium, quod adhuc inter scientiam approbationis, & res fiendas mediat actus voluntatis, qui dicitur usus activus, ac proinde etiam de illa verificari, quod causat mediantè voluntate. Mitto inquam hanc solutionem, quia non est necessaria, & fortè nec vera, quia actus ille, quem dicunt usum activum, distinctum ab intentione, aut electione efficaci, in Deo ingentem habet difficultatem, immo nec in creatis dari realiter distinctum ab intentione, aut electione efficaci, alibi forsan ostendam.

19 Sed replicabis: Iuxta D. Thom. sic scientia est causa rerum mediantè voluntate, sicut forma substantialis mediantè virtute operativa: Sed forma substantialis non habet alium influxum, nisi influxum ipsum virtutis operativæ, non autem influxum, aut causalitatem aliquam

posteriorem ad virtutem operativam: Ergo scientia Dei non habet aliam causalitatem in res, nisi causalitatem voluntatis divinæ, non autem influxum posteriorem ad voluntatem. Respondeo, concessa maiori, & minori quoad primam partem, negando illam quoad secundam, quia actio ipsa virtutis operativæ, quæ effectum assimilat formæ substantiali, est posterior ad ipsam virtutem operativam, & est actio propria formæ substantialis, per quam forma substantialis assimilat effectum sibi, ut explicavimus in *Physica lib. 2. q. 9. a. 16.* Vnde, adhuc servata paritate D. Thom. in omnibus, sequitur, quod scientia divina pro posteriori ad voluntatem divinam habet propriam actionem, quæ assimilat effectum sibi; quia licet tota efficacia illius actionis sit ex voluntate, voluntas tamen, ut directæ per scientiam, non agit nomine, & virtute propria, sed nomine, & virtute scientiæ, quia non assimilat per se effectum sibi, sed scientiæ; unde scientia est, quæ virtute & efficacia voluntatis assimilat effectum sibi; sicut forma est, quæ virtute activa assimilat effectum sibi, & quæ agit principaliter nomine, & virtute propria. Item valde notandum est, quod D. Thom. parificat scientiam divinam, non cuilibet formæ substantiali, sed formæ identificanti secum virtutem operativam, quia scientia divina identificat secum voluntatem, cuius efficacia agit: Sed forma identificans secum virtutem operativam immediate agit, & afficit effectum sibi similem: Ergo pariter dicendum venit de scientia Dei, quod immediate agit ad extra, & efficit effectus sibi similes, eos causaliter assimilando sibi.

20 Sed dices, in hoc non esse difficultatem, sed in eo, quod scientia visionis, seu libera, & approbationis sit, quæ hoc modo causat res, & non potius scientia simplicis intelligentiæ; siquidè sola scientia simplicis intelligentiæ est, quæ comparatur formæ substantiali. Respondeo tamen, formam substantialem posse considerari primò respectivè ad subiectum, cuius est forma, & sic non est causa efficiens, nec explicat influxum, aut efficientiā in aliud. Secundò, potest considerari ut communicabilis, & imitabilis ad extra, & sic radicatur virtutem operativam ad extra. Tertiò potest considerari ut in actu primò proximo per virtutem illam activam, & sic est proximè operativa, & respicit effectus ut possibiles. Quartò, ut actus agens per efficaciam ipsius virtutis, & sic est actus influens, & respicit effectum ut hic, & nunc faciendum. Sic ergo scientia Dei potest considerari, primò respectivè ad ipsum Deum, cuius est scientia per se primò, & sic solum explicatur ut cognitio ipsius Dei in se ipso, & hoc pacto non explicatur ut causa rerum. Secundò potest considerari ut cognitio ipsius Dei tamquam summæ boni communicabilis, participabilis, & imitabilis.

tabilis ad extra; & sic radicat voluntatem ut virtutem communicativam, & influivam ad extra. Tertiò, potest considerari scientia Dei, ut per voluntatem, quasi in actu primo productiva, & effectiva rerum, & sic respicit creaturas, ut posibles, & est scientia simplicis intelligentiæ respectu illarum. Quartò, potest considerari, ut virtute, & efficacia voluntatis agens in actu secundo, & efficiens creaturas, & sic respicit creaturas ut hic, & nunc fiendas, & est consequenter iam scientia libera approbationis, & visionis respectu illarum. Vnde paritas D. Tho. est admirabilis, & tandem probat, quod scientia Dei est causa rerum in actu secundo ut scientia libera approbationis, & visionis; & In actu primo, ut scientia simplicis intelligentiæ. Quia videlicet scientia simplicis intelligentiæ de creaturis ut possibilibus, comparatur formæ substantiali, ut in actu primo proximo operativæ, & respicienti effectum ut possibilem scientia libera approbationis, & visionis comparatur formæ substantiali ut in actu secundo efficienti, & influenti, & respicienti effectum ut hic, & nunc fiendum.

21 Sed obijciat aliter: Quia D. Tho. inquit, scientiam Dei esse causam rerum, sicut scientia artificis creati est causa domus: Sed in artifice creato non est causa domus, scientia, qua videt domum iam factam, sed scientia illa, qua eam considerat ut factibilem: Ergo pariter in Deo. Confirmatur primo, quia scientia qua Deus cognoscit rem ut factibilem cum omni modo, & circumstantia, qua factibilis est, est sufficiens ad dirigendum Deum, & eius voluntatem in re determinandam, & faciendam: Sed talis scientia est solum simplicis intelligentiæ: Ergo frustra ponitur alia, ut dirigat Deum in productione rerum. Secundo, quia scientia visionis, cum sit intuitiva rerum, supponit existentiam rerum: Sed scientia supponens existentiam rerum non potest esse causa rerum: Ergo.

Respondeo, concessa maiori, distinguendo minorem: In artifice creato non est causa domus scientia, qua videt domum iam factam, nec qua dicitur praticæ domum faciendam hic, & nunc, nego minorem: Est tamen causa ista scientia, qua praticæ dicitur de determinatione voluntatis domus hic, & nunc faciendam, concedo minorem, & distinguo consequens: Ergo pariter in Deo, servatis servandis, concedo: Non servatis servandis, nego consequentiam: quia in primis etiam in artifice creato, non sola scientia, qua cognoscit artefactum ut factibile, est causa artefacti, sed etiam iudicium practicum, quo in vi propositi efficacis praticæ dicitur illud esse faciendum sicut est in idæa, & in proposito; illa quidem est causa ex parte actus primi; hoc vero iudicium est causa in actu secundo; & in hoc est paritas scientiæ divini cum scientia artificis creati. Sed in hac paritate servanda est proportionalitas eum ea differentia, quam affert secum excessus scientiæ divini supra scientiam artificis creati.

22 Hic autem excessus consistit primo, in eo,

quod scientia divina non solum est causa effectus in fieri, sed etiam illius in facto esse, & in conservari, & ideo ut causa illius, & pro priori ad illum, ipsum agnoscit non solum ut fiendum, sed ut factum, & conservatum pro posteriori: scientia artificis creati est solum causa artefacti in fieri, & ideo ut causa illius, & pro priori ad illud solum illud cognoscit ut factibile, & ut faciendum, seu in fieri, non vero cognoscit illud ut factum, & conservatum, nisi pro posteriori ad ipsum, ex ipso, & in se ipso. Secundo, in eo, quod scientia divina, dum cognoscit effectum ut faciendum ex vi propositi efficacis, non manet impeditibilis, nec variabilis pro posteriori effectus executio, & existentia, sed ex vi propositi efficacis infallibiliter, & immediate infert ipsum effectum executum, & existens in se ipso, ut erat in idæa, & in proposito; & ideo nihil de est, ut ex vi ipsius propositi efficacis cognoscat infallibiliter, & videat effectum ut executum, & existens pro posteriori in se ipso; scientia artificis creati, cum cognoscit, & dicitur effectum faciendum ex vi propositi efficacis, adhuc manet impeditibilis effectus pro posteriori, eo quod propositum artificis creati non est ita efficax, quod non indigeat manibus, instrumentis, & sæpe ministris, ex quorum resistentia, aut negligentia, vel aliunde potest impedi executionem artefacti, vel in totum, vel in partem, ita quod, vel non fiat, vel si fiat, deficiat in eo aliqua circumstantia ex his cum quibus erat in idæa, & in proposito; ideoque eius scientia ex vi propositi non potest cognoscere infallibiliter, minime intuitivè effectum ut factum pro posteriori in se ipso. Quæ differentia expressè colligitur, cum ex Theodoro libro 4. de Natura, & Mundo, sic aiente: *Quod in alijs artificibus sunt, & materia, & instrumenta, tempusque preterita, & consuetudinis opera, hoc est ipsi Deo sola, unicuique voluntas.* Tum ex Aug. serm. 131. de Tempore, sic aiente: *Cælum, Terram, Mare, & c. nō aliquo operis actus, sed solo Verbi creavit imperio.* Tertiò, ex eo, quod scientia divina practica de effectu ut faciendū, non est præcisè practica erga illum ut faciendū, sed speculativa erga illum ut factū, & ut existens in se ipso; vnde eadem ipsa scientia, qua Deus cognoscit illum ex vi propositi praticæ ut faciendū, eadem cognoscit illum speculativè ut factū, & existens in se ipso; at tamen scientia artificis creati, qua cognoscit, & dicitur praticæ artefactum ut faciendum ex vi propositi, solum est practica erga artefactum in fieri, non speculativa erga illud ut factū in se ipso, sed opus est alia scientia, aut cognitione speculativa tantum ad cognoscendum illud ut factum, & existens in se ipso, & ex ipso; quia cum eius cognitio sit limitata, non potest eadem simul esse practica de illo ut faciendū, & speculativa de illo ut factū, sicut scientia Dei, quæ quia infinita, est simul practica, & speculativa. Quas differentias, qui consideraverit, inveniet, doctrinā D. Th. & nostram verissimā esse, & illarū proportionalitatem ex ipsa paritate scientiæ artificis creati.

33 Ex quo ad primam confirmationem, distinguo maiorem: Scientia, quia Deus cognoscit rem vel fallibilem, &c. est sufficienti ex parte actus primi ad dirigendum Deum in executione, concedo: Est sufficienti etiam ex parte actus secundi, nego maiorem, & concessa minori, consequentiam; quia scientia libera, & approbationis, seu practica de re scienda, non ponitur ut dirigat ex parte actus primi, sed ut dirigat in actu secundo executionem rei iuxta idam præscriptam ex parte actus primi, & ideo non est frustranea, sed necessaria ex parte actus secundi; sicut in artifice creato dictam præscriptam, quo dicitur sibi, vel ministris cum efficacia, hoc est sic faciendum, non est frustra, licet supponatur ex parte actus primi scientia idialis, qua cognoscit artefactum esse sic faciibile. Et ut videas, intelligasque hanc paritatem artis cum scientia Dei in rebus causandis, audi ipsum D. Thom. in 1. dist. 38. quest. 1. artic. 1. sic eam mirè explicantem: *Sicut est causalitas artificis per artem suam, ita est consideranda causalitas divinæ scientiæ: Est ergo iste processus in productione artificiat: Primo scientia artificis ostendit finem: Secundò voluntas eius intendit finem illum. Tertiò voluntas imperat actum, per quem educatur opus, circa quod opus scientia artificis ponit formam conceptam. Unde scientia se habet, ut ostendens finem, & ut dirigens actum, & informans opus. In isto enim processu faciemur, quod in primo signo, in quo scientia artificis ostendit finem, est scientia simplicis intelligentiæ de opere ut faciibili; sed in secundo signo, in quo iam præsupponitur voluntas intendens finem, seu opus faciendum; & in tertio, in quo imperat actum, certè iam non manet scientia simplicis intelligentiæ tantum, nec de opere ut tantum faciibili, sed iam est scientia approbationis de opere ut faciendo, imperans actum faciendi; nam licet D. Thom. dicat, quod in tertio voluntas imperat, intelligitur certè quod imperat per actum intellectus efficacem ex præsupposito actu voluntatis, nam in sententia expressa D. Thom. imperium est actus rationis præsupposito actu voluntatis. Ac demum cum inquit: *Circa quod opus scientia artificis ponit formam conceptam.* iam intelligi nequit de scientia simplicis intelligentiæ, seu quæ tantum sit de opere ut faciibili, quia postquam supponitur voluntas intendens opus, & imperans actum executivum, iam scientia non est tantum de opere ut faciibili, sed de opere ut faciendo, & hæc est quæ ponit in opere formam præconceptam per scientiam simplicis intelligentiæ de opere ut faciibili; scientia enim, quæ ponit in opere formam conceptam, certè supponit formam conceptam: Ergo supponit scientiam simplicis intelligentiæ, quæ nempe primo concipitur forma, seu quidditas rei faciibilis: Ergo scientia, quæ ponit in opere formam conceptam, non est scientia simplicis intelligentiæ: Est ergo scientia approbatio-*

nis de opere ut hic, & nec faciendo: Ergo tandem ipsa paritas scientiæ artificis cum scientia Dei, probat manifestè, quod in Deo non sola scientia simplicis intelligentiæ de opere ut faciibili, sed multò magis scientia libera approbationis de opere ut hic, & nunc fiendo, est causa operis, quæ quidem in Deo non potest non esse vitio ipsius operis. Ad tertiam, in qua totam suam vim facit sententia contraria, distinguo maiorem: Scientia visionis, quæ est purè speculativa, & purè intuitiva, supponit existentiam rerum, transcat: Quæ est per prius practica, & approbationis, quam speculativa, & intuitiva, nego maiorem, & concessa minori, nego consequentiam. Vel aliter distinguo maiorem: Scientia visionis, quæ est intuitiva rerum immediatè in se ipsis ut in obiecto formali motivo, aut specificativo, concedo: Quæ est intuitiva rerum in decreto ut in causa rerum, & ut in obiecto motivo, & specificativo, nego maiorem, & concessa minori, nego consequentiam.

24 Et in primis inflatur manifestè argumentum in sententiâ communi, etiam apud contrarios, quæ asserit, Verbum divinum procedere à Patre ex cognitione ipsa, quia Pater cognoscit Verbum ipsum, non quidè ex cognitione abstractiva illius, sed ex cognitione intuitiva Verbi. Etenim illa cognitio non præsupponit verbum ipsum ut productum, & existens, cum per illam producatur, & procedat: Et tamen est cognitio intuitiva verbi ut existentis pro posteriori originis ad ipsam: Ergo pariter cognitio practica, & causans in actu secundo res creatas, licet illas non supponat existentes, potest esse intuitiva rerum ut existentium pro posteriori causalitatis ad ipsam. Et hæc quidem instantia repetenda est, quotiescumque contrarij instaurant hoc argumentum, nam illius vim planè evertit.

25 Deinde tunc solum cognitio intuitiva obiecti debet supponere obiectum, quando ex illo movetur, aut specificatur, aut quado est purè speculativa illius; quando vero per prius est practica respectu obiecti, quam speculativa, ita ut obiecti existentiam, & præsentiam non aliunde emendicet, sed sibi ipsi foimet obiectum præsens, quod intueatur, seu quando ad illud intendendum non movetur ex ipso, nec ex ipso specificatur, sed ex alio priori efficaciter illud causante, & efficiente existens, & præsens, tunc non opus est, quod illud existens, & præsens supponat, quia satis est, quod illud sibi præsens faciat. Cum autem scientia visionis de rebus creatis in Deo, non moveatur ex ipsis rebus existentibus, nec ab illis specificetur ad eas videndas, sed vniat ex decreto divinæ voluntatis efficaciter inferre illas ut existentes, & præsentis pro posteriori, nec sit purè speculativa, sed per prius practica, ita ut foimet sibi obiectum præsens, quod intueatur; inde est, quod non debet supponere obiectum aliunde, quam à se ipsa existens, & præsens, sed potest illud facere sibi præsens pro posteriori.

NOSTRA SENTENTIA.

riori, & ex se ipsa illud intueri ut praesens pro posteriori. Qui modus cognoscendi obiectū praesens, & videndi illud eminentissimus est, & soli Deo proprius; & ideo licet sit contra communem experientiam nostrarum visionum, & intueionum, quia semper nostra visio, & intusio movetur ab objecto viso, & est purē speculativa respectu illius; tamen in Deo, cuius visio, & intusio rei creatae non potest ab illa moveri, nec specificari, nec esse tantum speculativa respectu illius, admittendus est, ut Deo dignissimus, & specialissimus. Vide infra quaest. sequenti, num. 50. exemplum, & doctrinam apertissimam ad hunc modum videndi explicandum, & confirmandum.

26 Denique obijciunt contrarij, quia si hoc ita esset, falsa esset illa causalis, ideo Deus videt res futuras, quia futurae sunt, & vera esset opposita, ideo futurae sunt, quia Deus videt eas esse futuras: Sed hoc est contra doctrinam PP. asserentium, non ideo res esse futuras, quia videntur à Deo, sed ideo videri, quia sunt: Ergo. Ut huic argumento respondeatur. Sit.

• QUESTIO IV.

AN IDEO RES SINT, QVIA videntur à Deo, an potius ideo videntur, quia sunt.

CONTRVERSIA ista maximè iuvat ad praecedentis intelligentiam. In qua tamen adeo contrarij se PP. autoritate munitos exilimant, ut P. Vazquez, tom. 1. in 1. part. disputat. 68. cap. 6. postquam refert sententiam D. Thom. & pro ea Albertum Magnum, Bonaventuram, & Gregorium de Arimino, subiungit. Verum communi doctrina PP. & ratione benè perspecta, res haec extra controversiam esset, si an imus indagandę veritati, potius quam contentioni esset intentus. Sunt enim praecleara quidem PP. testimonia, quibus docemur, ideo rem aliquam à Deo praesciri, quia futura est, non contra. Et postquam citat PP. non relatis eorum verbis, iterum subiungit. Potrò testimonijs adductis non satis fieri, si cum S. Thoma dicamus, PP. solum locutos de sola causa consequentię, patet manifestè, &c. & ad marginem annotat sic: Sancti Thoma effugium pracluditur. Quinimò, & Mag. Herrera, Tractat. de Scientia Dei, quaest. 11. sect. 4. num. 91. postquam retulit solutionem expressam D. Thom. quia interpretatur Origenem, subdit: Verum haec solutio auctoritati PP. plurimum videtur detrabere. Sed quidquid de hoc sit.

Discendum cenfeo cum D. Tho. quod in sensu causali non ideo Deus praescit, aut videt res futuras, quia futurae sunt, sed ideo eas futuras esse, quia praesciuntur, & praevidentur à Deo. Conclusio ista probanda venit potissimè auctoritate SS. PP. Et in primis, quantum inter PP. praevalere Magnus Parens Augustinus in hac praesertim controversia, nullus ignorare permittitur, tum propter sublimè illius ingenium in penetrandis rebus altissimis; tum quia praeceteris deditus fuit studio, & confiderationi divinæ praescientię, & praedestinationis, de qua toties ex professo tractavit.

3 Igitur Augustinus lib. 7. Confession. cap. 4. sic ait: Quid improvissum tibi, qui nosti omnia, & nulla natura est, nisi quia tu nosti eam? Secundo ibid. lib. ultim. cap. ultim. sic ait: Nos ista, quę fecisti, videmus quia sunt, tu autem quia vides eas sunt. Tercio lib. 3. de Liber. Arbitr. cap. 3. sic ait: Voluntas ergo nostra erit, quia voluntatis nostrę ipse est praescius. Quarto lib. 6. de Trinitat. cap. 10. sic ait: Non enim haec, quę creata sunt, ideo sciuntur à Deo, quia facta sunt; ac non potius, id est, imò potius, ideo facta sunt, vel mutabilia, quia immutabiliter à Deo sciuntur. Quinto lib. 15. cap. 13. sic ait: Univerfas creaturas suas, & spirituales, & corporales, non quia sunt, ideo movit, sed ideo sunt, quia movit. Non enim nescivit, quę fuerat creaturus: Quia ergo scivit, creavit; non quia creavit, scivit. Sexto lib. 5. de Genes. ad Litter. cap. 18. sic ait: Non enim quidquam fecit ignorans. Nota ergo fecit, non facta cognovit: Proinde antequam fierent, & erant, & non erant. Erant in Dei praescientia, non erat in sui natura. Ne autem quis dicat, quod erant in Dei praescientia, ut possibilia tantum, antequam fierent, non autem in scientia visionis ut existentia, subiungit paulò infra: Ipsi autem Deo, non audeo dicere, alio modo innotuisse, cum ea fecisset, quam illo, quo ea moverat ut faceret. Septimo lib. 5. de Civitat. Dei, cap. 9. sic ait: Qua propter voluntates nostrę tantum valent, quantum Deus eas valere voluit, atque praescivit: Et ideo, quidquid valent, certissime valent, & quod faciunt sunt ipsi, omnino faciunt sunt; quia volutaras, atque facturas ille praescivit, cuius praescientia falli non potest. Octavo super Psalm. 49. ad illa verba: Cognovi omnia volatilia Caeli, sic ait: Ego cognovi omnia, non quia feci cognovi, sed ut facerem.

4 Contellatur Magnus Gregorius lib. 20. Moral. cap. 23. aliis 24. sic inquires: Quaeque sunt, non ab aeterno eius ideo videntur, quia sunt; sed ideo sunt, quia videntur. Et lib. 32. cap. 5. sic ait: Nam non existentia videndo erat,

videndo continet: Quidquid ergo creator non videt, essentia suisvisendi caret. D. Petr. Chrysolog. serm. 24. loquens de muliere, quæ sanguinis fluxum patiebatur, ad illa verba: *Conversus Iesus, & videns eam, &c.* sic ait: *Vidit eam divinis oculis, non humanis, ut saluti redderet, non ut agnosceret, quam sciebat, vidit eam. Donatur bonis, malis caret, eam viderit Deus.*

5. Boetius etiam, quem P. Vazquez pro sua allegare audeo sententia, lib. 5. de Consolat. Prof. 3. tradens, quo pacto conciliatur divina præscientia cum libertate nostra, & contingentia rerum, sic ait: *Neque enim illam probo rationem, quæ se quidam credunt, hunc questionis nodum posse dissolvere. Aiunt enim, non ideo quid esse eventurum, quoniam id providentiam futurum esse præcepit: sed è contrario potius, quoniam quod futurum est, id divinam providentiam latere non possit. Et reddens rationem, cur non probet hanc rationem dissolvendi nodum illud, quæ sanè est ipsa ratio conciliandi libertatem cum divina præscientia, quam Iesuitæ propugnant, sic subiungit: Iam vero, quam præposuimus est, id est, perversum, (exponit D. Thom. ibid.) ut æterna præscientia temporalium rerum eventus causa esse dicatur: Quid autem aliud est arbitrari, ideo Deum futura, quoniam sunt eventura, providere, quam putare, quæ olim acciderunt, causam summæ illius esse providentiam. Vbi, ut vides, Boetius aperte reprobat sententiam illam, quæ tuetur, ideo Deum prævidere futura, quia futura sunt, quod præposterum asserit, seu perversum esse; quia hoc est dicere, quod temporale est causa æternæ providentiæ. Et Prof. 6. sic ait: *Omne nuncque futurum divinus præcurrit intuitus, & ad præsentiam propriæ cognitionis retorquet, & revocat: Nec alternat, ut tu estimas, nunc hoc, nunc illud prænoscenti vices, sed uno intuitu mutationes tuas, manens, prævenit, atque complectitur. Quam comprehendendi omnia, visendique præscientiam, non ex futurarum eventuum rerum, sed ex propria Deum simplicitate sortitus est: Ex quo illud quoque solvitur, quod paucis ante posui fuisse, indignum scilicet esse, scientiæ Dei causam futura nostra præstare dicantur; hæc enim scientiæ vis præsentaria notione cuncta complectens; rebus omnibus modum ipsa constituit, nihil vero posterioribus debet. Sanè, si rebus omnibus modum ipsa constituit: Ergo ideo sunt omnia eo modo quo sunt, quia sic Deus illa futura præcivit. Item, si nihil posterioribus debet: Ergo non ideo Deus illa præcivit, quia sic sunt.**

6. Denique Mag. Sentent. lib. 1. dist. 38. postquam ponit rationem dubitandi, quod si scientia Dei sit causa rerum, videtur sequi, quod evertat libertatem, & contingentiam futurorum; & quod crit etiam causa malorum, & peccatorum, subiungit: *Neque etiam res futura sunt*

causa præscientiæ. Licet enim non essent futura, nisi præferrentur à Deo; non autem ideo præsciuntur, quia futura sunt. Si enim hoc esset, tunc eius quod æternum est, aliquid existeret causa ab eo alienum, ab eo diversum, & ex creaturis penderet scientia creatoris, & creatum causa esset in creati. Et postea subiungit: *Hanc igitur repugnantiam de medio tollere cupientes, dicimus, res futuras nullatenus causam esse præsentiam, vel scientiam Dei, nec ideo præsciri, vel sciri, quia futuræ, vel factæ sunt. Et mox subdit: Scientiæ Dei, si ad solam notitiam referatur, non esse causam futurorum, nisi line qua non fierent. Si vero, inquit, nomine scientia includitur etiam beneplacitum, atque dispositio, tunc rectè dici potest, causa eorum, quæ Deus facit: Hoc modo fertè accipit August. dicens: Ideo sunt, quia movit, id est, quia scienti placuit, & quia sciens disposuit. Nam ibi agit Augustinus de bonis, scilicet de creaturis futuris, & de his, quæ Deus facit, quæ omnia novit, non solum scientia, sed etiam beneplacito, ac dispositione. Mala vero scit Deus, & præcivit antequam fiant, sed sola notitia non beneplacito. Præcivit enim Deus, & prædicit etiam quæ non est ipse factururus: sicut præcivit, & prædixit infidelitatem Iudeorum, sed non fecit: Nec ideo quia præcivit, ad peccationem infidelitatis eos coegit. Vnde August. super Ioann. inquit: *Deus futurorum præcivit per Prophetam prædixit infidelitatem Iudeorum, sed non fecit; neque præcivisset mala eorum, nisi ea haberent. Non enim ideo quemquam ad peccandum cogit, quia futura hominum peccata præannuntiat; illorum enim præcivit peccata, non sua. Ideoque scia, quæ ille præcivit, ipsum non sunt, non vera ille præcivit. Sed quia illius præscientia falli non potest, sine dubio non alius, sed ipsi peccant, quos Deus peccaturos esse præcivit. Et ideo si non malum, sed bonum facere voluissent, non malum facturi præviderentur ab eo, qui novit, quid sit quisque factururus. Hactenus August. relatus à Magistro, quæ illum exponit, eo sensu, ut de bonis, & his, quæ Deus factururus est, verum teneat, ideo ea esse futura, quia prævidentur à Deo, ut toties asserit August. quia nempe ea videt, non scientia sola, sed scientia simul, & beneplacito. De malis vero non ita, quia mala videt sola scientia, non beneplacito, quia non videt ea, ut ipse factururus ea, sed aliunde.**

7. Ex quibus omnibus, patet, primò quod iuxta August. & alios PP. relatos, loquendo de bonis, & de his, quæ Deus facit, scientia Dei prædicta in actu secundo, quæ scilicet habet adiunctum beneplacitum, ac propositum divinæ voluntatis, ex quo sortitur efficaciam, est causam rerum, ita, ut ideo res sint, quia præsciuntur à Deo, & non contra; licet loquendo de malis, non sit causa illorum, quia non est scientia practica illorum,



rum, nec habet adiunctum beneplacitum Dei erga illa; ac per consequens non ideo eveniunt mala, quia praesciuntur à Deo, sed potius si non evenirent, non praescirentur. Et hæc sanè est notissima mens D. Thom. cuius textus refertur super-vacuum foret. Vt tandem mireris, contrarios sæpè assentes, suam sententiam communem esse apud SS. PP.

8 Sed respondent contrarij primò, intentum Augustini, & aliorum PP. dum negant, ideo res à Deo praesciri, quia sunt, esse, Deum non accipere in tempore, aut physicè scientiam à rebus. Ira M. Herrera in præsent. Sed contra est, quia dato, quod intentum PP. sit hoc, ad hoc intentum planè negant illam causalem, in sensu nempe causali, ideo praesciuntur, quia sunt: Sed non solum debemus stare intento SS. PP. sed etiam doctrinæ, quæ probant intentum: Ergo. Secundò, quia si illa causalis vera esset in sensu causali, Deus acciperet physicè scientiam à rebus, siquidem res essent obiectum motuum divinæ scientiæ de ipsis, Deusque discerneret ex illis earum existentiam, & futuritionem, & non ex se ipso, ut satis ostendimus, *Disputat. 4. quaest. 5. à num. 9. & 47. & 49. & fere per totam*: Ergo conformiter ad intentum PP. debet negari illa causalis, immo PP. ideo illam negarunt, quia, illa concessa, sequeretur Deum accipere scientiam à rebus; alias extra intentum illam negassent. Tertiò, quia intentum PP. non solum est, quod Deus non accipiat scientiam physicè, aut successivè à rebus, sed quod illam nullo modo accipiat à rebus temporalibus, nec alio à se indiget ad eas praesciendas; Sed si vera sit illa causalis, saltem obiectivè, & specificè acciperet Deus scientiam visionis ab ipsis rebus, seu ab alio extra se, nam per prius ipse res praesentarent conspectui divino, ut Deus illas cognosceret, ac videret; ideo enim eas videret, quia praesentes existerent, ad easque videndas eis indigeret, & ab illis eius visio moveretur, & specificaretur: Ergo. Contra tertiò, quia non solum PP. negant illam causalem, sed contrapositivè affirmant, ideo res esse, quia praevidentur à Deo: Sed cum hac causali est impossibilis opposita in sensu causali, adhuc obiectivo: Ergo.

9 Respondet M. Herrera, ubi supra, sensum esse August. in prædicta causali, quod scientia Dei identicè, id est, quatenus est essentia Dei, vel Deus, est causa rerum. Sed contra etiam est, quia nõ minus est idem cum essentia divina cognitio Adami, quam cognitio Antichristi: Ergo si ratione identitatis intelligi debet illa causalis, æquè verum erit dicere, ideo Antichristus est futurus, quia Deus prævidit Adamum; ac dicere, ideo Antichristus erit, quia Deus prævidit ipsum. Sequela patet, quia si cognitio, aut prævisio Antichristi futuri solum identicè est causa ipsius, quatenus idem cum Deo, qui est causa ipsius, eo-

dem modo cognitio; seu prævisio Adami erit causa Antichristi, quia etiam est idem cum essentia divina, seu cum Deo, qui causa est Antichristi futuri; ac proinde, sicut verum est in sensu causali, quod ideo Antichristus erit; quia Deus ipsum futurum prævidit, eadem ratione verum erit, quod ideo Antichristus erit, quia Deus prævidit Adamum: Sed hoc est potius ridiculum, adeò ut nemo sanè mentis admittat ut veram causalem illam secundam: Ergo nec credi debet PP. eodem sensu, nempe ratione identitatis praescientia Dei cum Deo, asseruisse primam causalem. Confirmatur, nam ad veram causalem terrio prolata nemo iudicavit sufficiens, quod id, quod redditur pro ratione, & causa; sit solum identicè causa, & ratio, seu identificetur realiter eù eo quod est causa; alias enim hæc esset vera causalis: *Quia homo est animal, est discursibus, & illa: Quia Deus est aternus, Antichristus est futurus, & alia huiusmodi*, siquidem in prima animal identificatur cum rationali, quod est ratio, & causa discursus; & in secunda, æternitas identificatur cum decreto, quod est ratio, & causa; cur Antichristus sit futurus: Ergo dum PP. asserunt illam causalem: *Ideo res sunt, quia praesciuntur à Deo*, exponi non possunt; nisi ineptissime, in sensu purè identico, ita ut ad illam iudicaverint sufficere, quod praescientia Dei identificetur realiter cum eo, quod causa est, cur res sint, aut existant; imò sic eos exponere, videtur potius illorum repetitam sententiam illudere:

10 Propterea respondent alij, PP. reddere pro ratione, & causa futuritionis; aut existentia rerum, scientiam Dei, non quidem scientiam visionis, aut de existentia; & futuritione rerum, sed scientiam simplicis intelligentia, quæ solum est de rebus, ut possibilibus. Sed contra est, iuxta hanc expositionem sensus prædictæ causalis esset hic: *Res ideo sunt futura, quia praesciuntur à Deo ut possibiles*: Sed hic non est sensus PP. Ergo nec loquuntur de scientia simplicis intelligentia, quæ solum sit de rebus ut possibilibus, dum illam reddunt pro ratione, & causa cur res sint futuri, aut existant. Probatur minor, primò, quia sensus ille aperte est falsus; saltem enim est res existeret, aut futuras esse, quia eas ut possibiles prævidit Deus, cum infinitas creaturas prævidit possibiles, quæ tamen nec futuri, nec existentes sunt: Sed sensus PP. non est falsus: Ergo. Secundò, quia PP. non ignorabant, quod ad veram causalem requiritur, quod sit bona consequentia ex eo, quod ponitur pro ratione & causa, ad id quod ponitur ut causatum; cum Dialécticis omnibus notum sit, quod a causali ad rationalem, & ad conditionalem debet esse bona consequentia, v. g. si verum est: *Ideo bonum est risibile, quia est rationalis*, sequitur, quod sit bona illa consequentia: *Est rationalis: Ergo risibile* ita

ita

item ista conditionalis: *Si est homo, est risibilis*: Sed hæc consequentia est falsissima: *Res præsciuntur à Deo ut possibiles*: Ergo existunt, aut sunt futura, & similiter ista conditionalis: *Si res præsciuntur à Deo ut possibiles, existunt, aut sunt futura*: Ergo sensus illius causalis assertæ toties ab Augustin. & PP. non est iste, ideo sunt futura, quia præsciuntur ut possibiles.

11 Respondet Herrera, posse esse veram causalem, quin sit bona consequentia: Nam verum est: *Ideo homo peccat, quia tentatur*; quin tamen sit bona consequentia, tentatur: Ergo peccat. Sed contra est, quia in primis non debet admitti - vt vera in rigore illa causalis, cum potius sit vera ista contradictoria, non ideo peccat, qui peccat, quia tentatur, sed quia consentit tentationi: Ergo semper requiritur ad veram causalem, quod sit bona consequentia. Secundò, quia illa causalis, si aliquando admittitur ex vfu loquendi, non intelligitur in sensu veræ causalis, sed in sensu conditionis sine qua non; est enim sensus: *Si non tentaretur, non peccaret*, vel ad summum in sensu alleôivo, & motivo sufficienter, quod solum tenet respectu voluntatis, & agentis liberi, quod liberè potest moveri, vel non moveri ex causa alleôiva; non vero in rebus quantum ad esse, & non esse, quæ ad esse, & non esse non evenitur liberè ex causa, vel motivo aliquo: Sed PP. in illa causali: *Ideo res sunt, quia præsciuntur à Deo*, non ponunt Dei præscientiam vt causam allicientem res liberas, vt liberè eligant esse, sed vt causam physicam cur sint, vel non sint, in qua ipse non habent electionem, sed totalis causa extendi præ non extendi debet esse ab alio: Ergo non possunt intelligi de causa indifferenti ad esse, & non esse, sed debent intelligi de causa determinatè inferente, quod sint.

12 Contra quartò, quia Augustinus expressè loquitur de scientia visionis, dum eam reddit pro ratione, & causa, cur res existant, vt patet ex illis verbis: *Nos ista, quæ fecisti, videmus, quia sunt; tu autem, quia vis eas, sunt*; & ex illis: *Non audeo dicere, illi alio modo innotuisse, cum ea fecisset, quam illo, quo ea noverat, sit faceret*. Ex ex illis: *Voluntates nostra quod facturæ sunt, omnino facturæ sunt, quia facturas ille præscivit*, cuius præscientia falli non potest, & ex alijs allatis supra, quæ nisi per æquivocationem ingentem, cum qua credi non debet loquutum fuisse Augustinum, intelligi nequeunt de scientia solius possibilitatis; nam, seclusa æquivocatione, dnm dicatur, res sunt, quia Deus eas vidit, atque præscivit, debet intelligi, quia eas vidit, atque præscivit esse, aut futuras esse; aliter enim antecedens positum pro causa, & ratione, nempe præscientia Dei, esset de alio obiecto distincto ab obiecto consequentis; sicut si quis diceret,

ideo Petrus est dives, quia cognoscitur à Deo præcivè à divitijs, aut est sapiens, quia cognoscitur à Deo vt capax sanctitatis, & alia huiusmodi: Non ergo credi potest, sensum Augustini iussè, ideo res esse, seu existere, quia cognoscuntur à Deo, vt possibiles, & capaces extendi, seu existendi, & præcivè ab existentia, quo pacto solum cognoscuntur per scientiam simplicis intelligentiæ.

13 Contra quintò, quia Magnus Gregorius expressè ait: *Et quia ea, quæ nobis futura sunt, videt, quæ tamen ipsi præsto sunt, præcivè dicitur, quævis nequaquam futurum prævideat, quod præsens videt*, & de hac scientia, quæ certè est visionis, subdit: *Quæque sunt, non ab æternitate eius ideo videntur, quia sunt, sed ideo sunt, quia videntur*. Ergo intelligi nequit, nisi violentissime, de scientia simplicis intelligentiæ, aut solius possibilitatis. Contra denique, quia vt exponit M. Sententiarum, D. Augustinus in ea causali, loquitur de scientia, quæ importat Dei beneplacitum: Sed hæc non est scientia simplicis intelligentiæ: Ergo non loquitur de scientia simplicis intelligentiæ. Confirmatur, quia M. Sent. vt legenti eius textum constabit, cum sibi obieciisset, quod si res ideo sunt, quia infallibiliter à Deo præsciuntur, videtur sequi, res evenire ex necessitate, & non cum contingencia, quia non poterunt non esse; respondet per distinctionem sensus compositi, & divisi, concedendo, quod semel præcivè, non possunt non esse in sensu composito, possunt tamen non esse loquendo in sensu diviso: Sed hæc doctrina frustranea esset, & falsa, si Præscientia, quam Augustinus ponit pro ratione, & causa, cur res sint, esset illa scientia simplicis intelligentiæ, quia res præsciuntur per scientiam simplicis intelligentiæ possunt non esse etiam in sensu composito, vt per se patet. Ergo supponit, Augustinum loqui de scientia visionis, seu approbationis inferente infallibiliter futura.

#### RATIONIBVS PROBATVR conclusio.

14 **P** Ræcipua ratio pro conclusione sic se habet: Ista causalis: *Ideo res videntur à Deo, quia sunt*, accepta in sensu causali, significat, quod creaturæ vt existentes sunt causa divinz visionis, aut scientiæ, seu cur à Deo sciuntur scientia visionis: Ista vero: *Ideo sunt, quia sciuntur*, significat scientiam, qua Deus videt eas esse, esse causam cur existant, seu existentiz ipsarum: Sed creaturæ non possunt esse causa scientiæ Dei, qua Deus videt eas esse, sed potius scientia Dei, qua videt eas esse, est causa existentiz ipsarum: Ergo non ideo videntur, quia sunt, sed potius sunt, quia videntur. Maior patet, quia vt communiter asserunt Dialectici,

ei, casualis vt sit vera, exigit, quod sit bona consequentia, & quod antecedens sit causa consequentis. Minor vero habet duas partes. Probatum autem quoad primam, arguentis Boerij, & Mag. Sentent. suprà relati; siquidem creaturæ vt existentes sunt temporales, quia solum in tempore existunt, suntque realiter à divina scientia distinctæ; scientia vero Dei, quæ eas videt existentes, est æterna: Sed temporale non potest esse causa æterni, nec diuinæ scientiæ potest esse causa aliquid alienum, & distinctum ab ea, hoc enim præposterum est, adque peruersum: Ergo creaturæ non possunt esse causa scientiæ; quia Deus videt eas esse.

15 Communis solutio contrariorum est, quod temporale non potest esse causa æterni, nec creaturæ scientiæ Dei in genere physico; bene vero in genere obiectivo, per modum obiecti motiui, & rationis obiectivæ à priori determinantis diuinam scientiam. Sed contra est, quia vt suprà ostendimus *Disputat. præcedent. quaest. 5. per totam*, implicat creaturam esse obiectum motuum diuinæ scientiæ, causamque illius, adhuc in genere obiectivo, & intentionali, quod ex Dionisio, & alijs PP. satis ostendimus: Quod solutio est falsa. Et quidem, quidquid contrarij dicant, nullo pacto mens percipere valet, quo pacto, quod temporale est, possit adhuc in genere obiectivo, præcedere, ac determinare ab æterno scientiam Dei, cum minimè supponatur ab æterno existens, & consequenter nec aliquem influxum de semittere valens. Nec enim dici potest, quod supponitur obiectivè ab æterno. Nam vel sensus est, quod supponitur obiectivè vt possibile, vel quod supponitur obiectivè vt existens in rerum natura? Si primum, non est ad rem; quia vt possibile non determinat scientiam visionis de existentia, nec ad videndam rem existentem. Si secundum, quomodo supponitur obiectivè ab æterno vt existens in rerum natura, quod minimè existit ab æterno in rerum natura, sed in tempore post æternitatem à parte antea? Vrgetur: Quod movet, & determinat scientiam diuinam ad sui visionem, aliquomodo debet præexistere ante sui visionem, siquidem movet, & determinat, quia existit; imò debet præexistere realiter in se, siquidem movet, & determinat, quia existit realiter in se iuxta contrarios: Sed implicat creaturam existere ante scientiam visionis Dei æternam, multoque magis, quod realiter existat in se ante illam: Ergo. Nec iterum valet dicere, quod non existit in se ante illam prioritate durationis, bene vero prioritate causalitatis obiectivæ, & in genere obiectivo, quia existentia illius in tempore obiectivè præcedit sui visionem ab æterno existentem. Contra enim est, quia saltem ad hoc requiritur, quod existentia illius in tempore præcedat obiectivè existens ante sui visionem æternam: Sed hoc est impossibile,

quia existentia temporalis redditur formaliter existens obiectivè in mente divina per ipsam visionem, seu quia est visa; & implicat, quod præcedat vt visa sui visionem: Ergo adhuc obiectivè præcedere non potest.

16 Confirmatur: Causa, quæ causat, aut movet immediatè ad sui visionem, non vt existens intentionaliter, aut obiectivè, sed vniç vt existens physicè, & realiter, non causat, nec movet purè obiectivè, sed physicè, & realiter: Sed creatura non causat, nec movet intellectum divinum immediatè ad sui visionem, vt existens intentionaliter, sed vt existens physicè in se ipsa, iuxta contrarios: Ergo non obiectivè, sed physicè erit causa illius. Probo minorem, quia in primis non movet ad sui visionem vt existens intentionaliter in aliqua sui specie, quia contrarij non admittunt, quod creatura existens emittat speciem sui ad intellectum divinum, quæ illi notam faciat sui existentiam, sicut inter nos obiectum emittit sui speciem ad oculos, & per oculos ad intellectum; nec posset existentia rei in tempore, retro versus emittere speciem ad æternitatem à parte antea: Ergo non movet vt ab æterno vt existens intentionaliter in aliqua sui specie. Deinde nec movet vt existens obiectivè media aliqua sui cognitione, quia non est in mente divina alia cognitio de existentia rei in se ipsa, nisi visio ipsius; & evidens est, quod non movet ad sui visionem vt visa, seu vt existens obiectivè in sui visione, aut media sui visione in mente divina: Ergo tandem dicere tenentur, quod movet immediatè ad sui visionem æternam vt physicè existens in se ipsa: Sed hoc nõ est movere, nec causare sui visionem purè obiectivè, sed physicè, & realiter immediatè, non minus, quam tangibile movet tactum in sententia uegante, quod movet media sui speciei: Ergo tandem sequitur, quod existentia temporalis causat, & movet immediatè physicè, & realiter, sui visionem æternam. Nec mihi obijcias, quod intellectus Prophetæ determinatur obiectivè multo ante ab obiecto existituro multo post. Respondet enim non determinari, nec moveri obiectivè immediatè ab ipso vt in se existituro; sed ab illo vt præexistenti, & prædeterminato in idæa, & scientia divina, à qua per participationem descendit ad intellectum Prophetæ determinata visio obiecti futuri: Obiectum autem nec per speciem à se emissam, nec perse, & immediatè movet intellectum Prophetæ, quia utrumque est impossibile; & multo magis, quod sic moveat intellectum divinum: Nulla ergo est instantia.

17 Vrgetur: Si existentia temporalis Antichristi, v.g. determinat, & movet ad sui cognitionem æternam, pariter debet determinare, & movere ad sui existentiam obiectivam in mente divina æternam, siquidem vniç per sui cognitionem æternam redditur formaliter existens

obiectivè in mente divina ab æterno: Sed ad sui existentiam obiectivam æternam non potest movere, nec determinare obiectivè, quia non potest præcedere obiectivè ad sui existentiam obiectivam æternam in mente divina: nisi velis quod existat obiectivè ante primam sui existentiam obiectivam: Ergo si determinat, & movet ad illam, & illam causat, non restat alius modus illam causandi, determinandi, & movendi ad illam, nisi physice immediatè: Ergo si existentia temporalis Antichristi causat, & determinat sui cognitionem æternam in mente divina, non potest illam causare, nec determinare, nisi in genere physico, verè, & realiter; siquidem ad primam sui cognitionem non potest aliter præcedere, nisi physice, cum ante illam non præcedat existens intentionaliter, nec obiectivè.

\* Explicatur, quia licet obiectum semel existens obiectivè in intellectu media prima sui cognitione, aut existentia obiectiva, possit obiectivè movere, aut obiectivè determinare, & obiectivè causare aliam cognitionem, tamen primam sui noticiam, & existentiam obiectivam in mente causare non potest, nec determinare obiectivè: Ergo si illam causat, & movet, non obiectivè, sed physice illam causabit. Probatur antecedens, quia primam sui noticiam, aut existentiam obiectivam non potest præcedere obiectivè, implicat enim in terminis, quod ante primam sui noticiam, vel existentiam obiectivam existat obiectivè, & consequenter, quod illam præcedat obiectivè: Sed solum potest illam causare, & determinare ad illam eo modo, quo potest illam præcedere: Ergo non potest illam causare, aut determinare obiectivè, sed si illam causat, & determinat, est in genere physico.

18 Etenim, obiectum ut primo existens obiectivè in intellectu, sæpè movet, determinat, & causat obiectivè sui assensum, aut aliam cognitionem; sed si queramus causam ex parte obiecti primæ noticiæ, seu existentie obiectivæ in mente, tunc iam recurrimus ad ipsum ut præexistens intentionaliter, seu intelligibiliter in sui specie; si vero queramus causam ex parte obiecti illius primæ speciei, seu existentie intentionalis in mente per illam, iam opus est recurrere ad ipsum obiectum non, ut existens obiectivè, nec intentionaliter, sed ad ipsum ut existens physice, & ut physice præcedens, & causans sui primam speciem, & existentiam inreptionalem: Sed in præsentem inquirimus causam ex parte obiecti primæ existentie obiectivæ, & intentionalis huius, quod est *Antichristum in suo tempore existere*: Ergo si ipsum *Antichristum existere* est causa cur hoc ipsum ita sit, aut existat intentionaliter, & obiectivè in mente Dei, sicut est in se, necessario erit causa, non obiectiva, nec intentionalis, sed physice, & in genere physico; siquidem si præcedit, non potest præcedere obiectivè, aut intentionaliter, sed solum physice,

Ex quibus demum inferre licet, illam causalem, ideo *Deus cognoscit res existere, quia existunt*, non admittere sensum causalem causalitate purè obiectiva, sed solum causalitate physica, quia facit hunc sensum: *Ideo res existunt obiectivè, & representantur intellectui divino ut existentia in re, quia in re existunt*, quæ non potest importare causalitatem, aut præcedentiam obiectivam, siquidem ad primam existentiam obiectivam, & representationem rerum in mente divina, res non possunt præcedere intentionaliter, aut obiectivè, sed si præcedunt, & causant, debent præcedere, & causare realiter, & physice. Cum ergo hoc etiam apud contrarios falsissimum sit, sequitur quod illa causalis in sensu causali est falsa.

19 Iam vero minor primi syllogismi ex num. 4. nempe quod alia causalis, scilicet, *ideo res sunt, quia sciuntur, aut videntur à Deo*, vera sit, seu quod scientia, qua videntur à Deo, sit causa existentie ipsarum, facile probatur discursu D. Thom. expenso *quest. præced. à num. 6.* Nam inter obiectum scitum, & scientiam necessarium omnino est, quod vel scitum sit causa scientiæ, vel scientia sit causa sciti, vel utrumque ab una causa causetur: Sed scientia, qua Deus videt res existere, & ipsarum existentia non causatur utrumque ab una causa; & alias, ut ostensum manet, scitum, nempe *res existere*, non est causa scientiæ: Ergo scientia illa, qua nempe Deus scit res existere, est causa sciti, nempe cur res existant: Ergo ideo existunt, quia Deus scit, aut præcise eas exituras, & non contra. Videatur discursus D. Thom. relatus.

#### SPECIALIS PROBATIO conclusionis.

20 Secundo probatur conclusio alia doctrina D. Thom. familiarissima apud ipsum, & ipsissime repetita, qua firmissimè tenet, quod res naturales non mensurantur intellectui divinum, sed ab illo mensurantur, è contra autem mensurantur intellectui humanum, & ab illo non mensurantur in suo esse. Sic enim ait, *quest. 1. de Veritat. artic. 2. in corpor. hoc ipsum explicans: Ex quo patet, quod res naturales, ex quibus intellectus noster scientiam accipit, mensurantur intellectum nostrum, sed sunt mensurate ab intellectu divino, in quo sunt omnia creata, sicut omnia artificata in intellectu artificum: Res ergo naturalis inter duos intellectus constituta, secundum adæquationem ad utrumque vera dicitur, cum hac nempe differentia, quod secundum adæquationem ad intellectum divinum vera dicitur, in quantum implet, hoc, ad quod est ordinata per intellectum divinum, et patet per Augustinum, lib. de Vera, & August. lib. de Vera Religion. & per Avicennam, in definitione inducenda.*

Secundum autem adaequationem ad intellectum humanum dicitur res vera, in quantum de se sua est formare veram estimationem. Id ipsum repetit artic. 8. in corpor. & artic. 4. in corpor. sic ait: Veritas autem, quia dicitur de rebus per comparationem ad intellectum humanum, est rebus quodammodo accidentalis, quia posito, quod intellectus humanus non esset nec esse posset, adhuc res in sua essentia permanerent. Sed veritas, quae dicitur de eis per comparationem ad intellectum divinum, eis inseparabiliter communicatur; non enim subsistere possunt, nisi per intellectum divinum eas in esse producentem. Per prius etiam inest rei veritas per comparationem ad intellectum divinum, quam humanum, cum ad intellectum divinum comparatur quasi ad causam, ad humanum autem quodammodo quasi ad effectum. Item artic. 10. in corp. sic ait: Res intellectui divino comparatur, sicut mensuratur mensurae, quantum ad ea, quae in rebus positive dicuntur. Et 1. sent. Gent. cap. 6. 1. rat. 6. sic ait: Scientia intellectus humani à rebus quodammodo causatur, unde provenit, quod scibilia sunt mensura scientiae humanae; ex hoc enim verum est, quod ab intellectu iudicatur, quia res ita se habet, & non e converso. Intellectus autem divinus per suam scientiam est causa rerum, unde oportet quod scientia eius sit mensura rerum, sicut ars est mensura artificiorum. Talis ergo est comparatio intellectus divini ad res, qualis est rerum, ad intellectum humanum. Idem repetit cap. 6. 2. rat. 4. & in omnibus D. Th. operibus invenitur haec doctrina ab ipso tradita, non verumque, sed ex mente Aug. Anselm. & aliorum. Quam quidem ideo fuisse recti, quia impossibile mihi videtur, quod si contrarij ingenio mentis D. Th. agnoscende desiderio eam legant, non statim mutant mentem, & modum concipiendi scientiam, & intellectum divinum, & consequenter sententiam, quae ni fallor, tota nititur in eo, quod intellectus, & scientiam Dei concipiunt admodum nostrae, ut mensuraturam à rebus scitis, ab illisque motam, & determinatam, & ideo veram, quia res scitae sic habent sicut per illam cognoscuntur, non autem e contra. Quod quam falsum sit, & inversum, satis declarat D. Thom. textibus relatis.

21 Ex quibus sic in forma iam suadeo conclusionem: Res naturales existentes comparantur ad intellectum, & scientiam Dei, ut mensuraturae ad mensuram, & scientia Dei ad ipsas, ut mensura ad res mensuratas: Sed si ideo Deus cognoscit creaturas existere, quia existunt, & non e contra, res comparantur ad scientiam Dei, ut mensura illius, & non e contra; solumque scientia Dei potest esse mensura rerum, si ideo res sunt, quia cognoscuntur à Deo ut existentes: Ergo non ideo Deus cognoscit res existere, quia existunt, sed potius e contra, ideo existunt, quia cognoscuntur ut exi-

stentes. Minor, in qua sola stat difficultas, probatur quoad primam partem, nam si ideo Deus cognoscit res existere, quia existunt, praesupponuntur existentes, & scientia Dei se illis conformatur, agnoscendo illas, & illas representando ut praesupponuntur: Sed in hoc consistit scientiam divinam mensurari à rebus, & non res per scientiam divinam: Ergo. Explicatur: Inter duo similia, aut conformia, illud est mensura, quod supponitur ad aliud, & cui aliud se conformatur: Sed si ideo Deus cognoscit res ut existentes, seu scientia visionis, quia illae existunt, & non e contra, res ut existentes praesupponuntur ad scientiam visionis de illarum existentia, & scientia ista se illis conformatur, affirmando, seu cognoscendo illas ut praesupponuntur, & non e contra: Ergo scientia visionis erit mensurata, res autem mensura illius.

22 Explicatur secundò: Ideo res comparantur ut mensura ad intellectum humanum, quia scientia intellectus humani à rebus quodammodo causatur. Et quia ideo verum est, quod ab eo iudicatur, sive iudicium eius, quia res ita se habent, & non e converso: Sed si ideo Deus cognoscit res existere, quia existunt, & non e converso, scientia intellectus divini causatur quodammodo à rebus, ideoque verum est iudicium affirmans eas existere, quia existunt, & non e converso: Ergo res erunt mensura intellectus, & scientiae Dei. Tertiò, nam rogo à contrarijs, ex his causalibus: Scientia divina iudicans res existere vera est, quia res verè existunt; res verè existunt, quia scientia Dei affirmat eas existere, quoniam est vera praeter alia? Si haec secunda: Ergo ideo res verè existunt, quia cognoscuntur à Deo scientia visionis, affirmante nempe eas existere. Si prima: Ergo scientia visionis in Deo mensuratur in sua veritate formaliter à rebus existentibus, siquidem ideo vera est, quia res existunt sicut eas existere iudicat.

23 Dices forsam, scientiam visionis in Deo affirmantem res existere, dupliciter esse veram; nempe, vel transcendentem, & illativè, vel formaliter. Primo modo est vera à se, & per identitatem, quia per se, & ab intrinseco exigit, quod res ita sint, sicut illas affirmat. Secundo vero modo solum denominatur extrinsece, vel semi-extrinsece vera ab obiecto, ab eo nempe quod res ita se habeant. Et nullum est inconveniens, quod in hac veritate, ut potè extrinsece, vel semi-extrinsece, ut dicunt, intellectus, aut scientia Dei mensuretur à rebus. Sed contra est primò, quia hoc pacto non salvatur ingens differentia assignata à D. Th. inter intellectum divinum, & humanum, quoad mensurare res, vel mensurari à rebus; nam etiam intellectus humanus in pluribus cognitionibus essentialiter veris, ab intrinseco

illarum infer eas esse sicut eas iudicat; itemque veritas formalis etiam illis semi-extrinfeca, & consequenter solum in veritate semi-extrinfeca mensuratur à rebus: Ergo prædicta solutio expressè militat contra Div. Thom. Secundò, quia veritas formalis est propria perfectio intellectus: Sed implicat, quod intellectus divinus habeat propria perfectionem semi-extrinfecam, seu formaliter sitam partem in aliquo extrinfeco realiter à se distincto, & quod in propria perfectione per aliquid extrinfecum mensuretur: Ergo & quod veritas formalis sit illi semi-extrinfeca, & mensurata per aliquid extrinfecum. Explicatur, nam ideo veritatem formalem intellectus creati ponimus semi-extrinfecam, quia respicit ut mensuram propriam, cui se debet conformare, res extra ipsum existentes, & veritas eius consistit in conformitate cum propria mensura: Ergo si pariter ponatur veritas formalis intellectus divini semi-extrinfeca, ideo erit, quia res extra ipsum existentes erunt propria mensura intellectus divini, cui se debeat conformare, ut verus sit; hoc autem non minus absurdum est, quam ponere pro norma, & regula sanctitatis divinæ legem extra Deum, cui debeat conformari, ut sanctus sit, & ponere pro norma iustitiæ divinæ ius aliquod extra Deum, cui se debeat conformare, ut iustus sit. Item non minus absurdum est ponere, quod intellectus divinus, & iudicium eius de rebus, ut verum formaliter sit, respiciat pro norma, & mensura, res extra ipsum existentes, quam ponere, quod iudicium eius, non sicut iustificata in semetipso, sed ut iusta sint, respiciat pro norma ius extra Deum, cui debeant conformari; & quod voluntas divina, ut sancta sit, respiciat pro norma legem extra Deum, cui debeat conformari; siquidem non minus intellectus divinus, & eius iudicium de rebus est per essentiam verum, quam eius voluntas per essentiam sancta, & eius iudicia per essentiam iusta; nec minus repugnat, quod veritas sit intellectui divino semi-extrinfeca, quam quod sanctitas sit voluntati divinæ semi-extrinfeca, & iustitia iudicio Dei semi-extrinfeca, per normam, nempe extrinfecam: Ergo sicut hoc secundum dici non potest, ita nec primum.

24 Redeamus iam ad secundam partem minoris, ex mm. 21. quam sic probo, quia solum respondent esse mensura scientiæ, si ideo cognoscuntur, quia sunt: Ergo solum scientia potest esse mensura rerum, si ideo sunt, quia cognoscuntur. Explicatur primò, nam iuxta D. Thom. talis est comparatio scientiæ divinæ ad res, qualis est comparatio rerum ad intellectum humanum: Sed res respectivè ad intellectum humanum, ideo cognoscuntur, quia sunt: Ergo comparando intellectum divinum ad res, ideo sunt res, quia cognoscuntur

ab intellectu divino. Secundò, quia iuxta D. Thom. res naturalis comparative ad intellectum divinum vera dicitur, in quantum implet hoc, ad quod ordinatur per intellectum divinum: Ergo præcedit in intellectu divino cognitio prædicte ordinans re ad existentiam, ut res existens, verè dicatur existens: Sed intellectus divinus non ordinat rem ad existentiam per scientiam simplicis intelligentiæ, seu solius possibilitatis, sed per scientiam practicam existentis, seu approbationis, & visionis: Ergo præcedit in intellectu divino scientia practica existentis, seu approbationis, & visionis, ut res illi conformis verè dicatur existens: Ergo ideo res existit, quia & existens, vel exitura prædicte cognoscitur, & non e contra. Tercio: Iuxta D. Thom. Veritas conveniens rebus comparative ad intellectum divinum eis communicatur in separabiliter, quia subsistere non possunt, nisi per intellectum divinum eas in esse producentem: Sed intellectus divinus eas in esse non producit per scientiam simplicis intelligentiæ, & solius possibilitatis, sed solum per scientiam respicientem illas prædicte ut hic, & nunc pro posterori existentes, quæ sanè est scientia visionis: Ergo ideo verè existunt, & subsistunt, quia per scientiam visionis practicam in esse producentur. Quarto ex eodem D. Thom. nam veritas per prius convenit rebus comparative ad intellectum divinum, quam ad humanum, quia ad divinum comparantur ut ad causam, & ad humanum ut ad effectum: Sed hoc salvari non potest, nisi res ideo sint, quia sic ab intellectu divino cognoscuntur, nam aliter non possunt ad illud ut ad causam comparari: Ergo.

25 Ex qua doctrina D. Tho. efficaciter impugnatur recursum cōtrariorum ad scientiam simplicis intelligentiæ: nam licet scientia simplicis intelligentiæ sit mensura rerum in actu primo, seu illarum quantum ad quidditatem, ut possibilem; tamen illa non potest esse mensura rerum in actu secundo ut actu existentium, immo inter res ut actu existentes, & scientiam simplicis intelligentiæ non est comparatio mensuræ, & mensurati, tum quia huiusmodi comparatio solum est inter scientiam, & ipsius proprium obiectum, & creaturæ ut existentes non sunt obiectum scientiæ simplicis intelligentiæ; tum quia nec scientia simplicis intelligentiæ terminata ad res ut posibles mensuratur per res ut existentes; nec res ut existentes mensurantur in actu secundo per scientiam solius intelligentiæ, cū illa solum repræsentet eas ut posibles, ipse vero hanc mensuram excedit, cum sunt existentes: Ergo cōparatio mensuræ, & mensurati, solum esse potest, vel inter creaturas ut posibles, & scientiā simplicis intelligentiæ ex una parte; vel inter creaturas existentes, & scientiam visionis ex alia: Sed in hac secunda consideratione creaturæ ut existentes non sunt mensura scientiæ divinæ visionis: Ergo scientia visionis in Deo est mensura rerum existentium; Explicatur: Sic debet com-

parari scientia visionis ad res vt existentes, sicut scientia simplicis intelligentiæ ad res vt possibiles, & quidditative tales: Sed res vt possibiles, & quidditative tales, non sunt mensura scientiæ simplicis intelligentiæ, sed potius scientia simplicis intelligentiæ est mensura quidditatis illarum, seu possibilitatis, indeque inferunt, non ideo Deum cognoscere per scientiam simplicis intelligentiæ creaturas vt quidditative tales, quia tales sunt, sed potius eas quidditative tales esse, quia sic idæatæ, seu idealiter cognitzæ, & excogitatæ fuerunt per scientiam simplicis intelligentiæ: Ergo pariter res vt existentes non sunt mensura scientiæ visionis cognoscentis illas vt existentes, sed potius scientia visionis est mensura illarum, ac per consequens, ideo taliter existunt, quia per scientiam visionis cognoscuntur practicæ vt taliter existentes, & non e contra.

26 Imò, nec scientia simplicis intelligentiæ, seu idealis potest mensurare res existentes, nisi media scientia practica visionis, quod sic probatur, quia scientia illa idealis non potest mensurare in actu secundo creaturas existentes, nisi applicetur per voluntatem in actu secundo: Sed vt applicata per voluntatem in actu secundo, iam est scientia visionis practica de rebus vt existentibus pro posteriori, vel vt fiendis iuxta idæam, & sic est iam mensura in actu secundo ipsarum rerum in facti, seu in existere: Ergo.

COBOLARIVM NOTATVM  
dignum.

27 EX quibus inferes, adhuc dato, quod sola scientia idealis, seu simplicis intelligentiæ esset mensura rerum, & causa illarum, contrarios intentum minime assequituros. Propterea enim in hac, & precedenti questione bellum excitantur contra Thomistas, & à mente D. Thom. discesserunt, ne videlicet cogerentur admittere præviam, & causalem determinationem ex parte Dei erga nostros actus liberos, cum illis à priori connexam, & illos à priori inferentem: Sed hoc minime assequi possunt, si semel admittant scientiam simplicis intelligentiæ, seu idealæ esse causam illorum, & mensuram: Ergo. Probo minorem, quia si semel id admittant, concedere tenentur, Deum fœ eius omnipotentiam in efficiendis actibus liberis, non se relinquere arbitrio voluntatis create determinandam, sed dirigi per scientiam idealæ, sicut artifex creatus in efficiendo artefacto dirigitur per artem; imò hoc exemplo artificis creati sapissimè contra nos vtuntur, & eo prævalere se putant: Sed implicat, quod artifex creatus dirigatur per scientiam suæ artis in efficiendo artefacto, si se, & manus proprias relinquere arbitrio alterius determinandas ad hoc, vel illud operandum; nam eo casu ars in illo non

dirigeret in actu secundo, sed ad sic operandum ex determinatione alterius, propterea scientia artis in illo ociosa esset, minimeque causa esset operis elicitæ ex alterius vnica determinatione: Ergo vel negare tenentur scientiam Dei, adhuc idealæ, & simplicis intelligentiæ, esse causam omnium rerum, mensuramque illarum, & directricem, vel si hoc admittant, non assequuntur intentum, propter quod totum bellum excitantur coorta Thomistas.

28 Valde enim mirandum, & notandum est, quod Thomistis ad defendendam suam sententiam de Deo physicè prædeterminante actiones humanas, qua bonas, satis erat, quod Deus in illis efficiendis dirigeretur per scientiam simplicis intelligentiæ, seu idealæ, sicut artifex in efficiendo artefactum dirigitur per artem; ex hoc enim efficacissimè probatur, Deum eas actiones prædeterminare, vt monstravimus *Tractat. de Provident. quæst. 16. à num. 242. & 234. & quæst. 8. à num. 60. &c.* Vnde, si vltimus defendimus scientiam visionis practicam esse causam rerum, non id præstamus coacti ex necessitate tuendi prædeterminationem, vt ipsi putant, sed ex iugenus intelligentia D. Thom. & eminentia divinæ scientiæ, contra quam iugenus in dicamus esse, quod mensuretur rebus creatis, & non potius illas mensuret, quod causetur ab ipsis, & non potius illas causet. Attamen, contrarijs, ad negandam prædeterminationem, non satis est, negare scientiam visionis esse causam rerum, nisi pariter negent id ipsum de scientia idealis, seu simplicis intelligentiæ, quia nec ista potest Deum dirigere in efficiendis liberis actibus nostræ voluntatis, nisi Deus illos efficiat ex propria determinatione, vt artifex artefacta, & illos prædeterminando. Vnde, adhuc dato, quod scientia visionis non esse causa rerum, & quod D. Thom. & alij PP. exponendi forent de scientia simplicis intelligentiæ, pro quo suadendo contra Thomistas, adeo laborarunt, ne cogantur admittere prædeterminationem; totus hic labor casus, ac irritus manet, nam tandem non assecuntur intentum, & tota difficultas in suo robore manet, nam ex causalitate scientiæ simplicis intelligentiæ pariter obligantur ad admittendam prædeterminationem.

29 Vidit hanc difficultatem M. Herrera in præsent. & ait, seclusa prædeterminatione, scientiam simplicis intelligentiæ dupliciter esse causam consensus liberi, v.g. primò directivè remotè, quatenus dirigit Deum ad consentiendam media, indifférentia scilicet, ad consensum, & dissensum, nam ipsi alia non admitterunt. Secundo identicè sumpta cum omnipotentia, quia quatenus est à parte rei ipsa omnipotentia, concurrat executivè, quia ipsa omnipotentia concurret executivè. Sed, quia hic non videat, quo tandem deducant causalitatem divinæ scientiæ in nostras voluntates, & actio-

res, quam sicut in omnes res creatas, tantopere asserunt Augustinus, & Thomas, cum alijs citatis. Etenim in primis exponere eam causalitatem per se iam identitatem cum omnipotentia causante, iam supra vidimus, quod non tam est exponere, quam illudere PP. testimonio, nam quis dicat, eo sensu dixisse, *res existere, quia prescitur à Deo*, quo posset dici, *res existunt, quia Deus est æternus*, aut *quia Deus est immensus* aut *enam rem existere, quia cognoscit aliam*? Quod sanè verum est, si immensitas, veritas, aut scientia cuiusvis rei accipitur pro omnipotentia, cum qua identificatur. Deinde exponere illos de causalitate remota in media indifferentia ad consensum liberum, est excludere causalitatem per modum scientiz artificialis in artefacta, quam toties inculcat D. Thom. & contrarij contra Thomistas; nam dirigere solum ad conferenda alteri media penitus indifferentia ad hunc effectum, vel contrarium, non est causare illum effectum per modum artis dirigentis, nec per modum, quo in artifice creato ars est causa artefacti. Vide Tract. de Provid. ubi supra.

### SOLVUNTUR OBIECTA.

30 **O**bjiciunt contrarij, primò, & præcipue ab authoritate PP. Nam in primis Origenes, super Epist. ad Roman. sic ait: *Non propterea aliquid erit, quia id scit Deus futurum, sed quia futurum est, ideo scitur à Deo antequam fiat.* Et paulò infra: *Et si fingamus Deum non præcognoscere aliquid futurum, samen futurum sine dubio erit.* Iulianus etiam contra Etnicos in lib. quæst. contr. Gent. quæst. 58. sic ait: *Non est prænotio causa eius, quod futurum erat, sed quod futurum erat, causa prænotionis, non enim prænotionem sequitur res futura, sed rem futuram prænotio.* Damascenus Dialog. contra Manicheos, sic ait: *Et quidem Dei præscientia vera, atque inviolabilis est, verum ipsa haud quaquam causa est, cur omnino fiat id, quod futurum est, quin potius, quia id, vel illud facturi sumus, idcirco præcognoscit, quæ ipsi minime grata sunt.* D. Hieronymus super cap. 26. Ieremiae, sic ait: *Non quia Deus scit futurum aliquid, idcirco futurum est, sed quia futurum est, novit Deus, quia prescius futurorum.* Alia non inagis efficacia testimonio referunt ex Athanasio *Serm. de Passion. Domin.* Cirilo Alexandrino lib. 9. in Ioann. cap. 10. & lib. 11. cap. 23. Epiphano lib. 1. contra heres. heres. 38. Ex Leone Magno *Serm. 16. de Passion. cap. 2.* Ex Beda lib. varior. quæst. Ex Eusebio de Preparat. Evangel. lib. 6. cap. 6. Et ex alijs non tantez authoritatis. Ex quibus suam sententiam ut communem PP. prædicant contrarij.

31 Respondet tamen, horum PP. testi-

monia convinanda esse cum testimonijs D. Aug. & aliorum supra pro nostra sententia iam allatis; & inde veritas eruenda. Cum autem inter utroque apparès cōtradictio inveniatur, opus est hos, vel illos benignè interpretari, & extra rigoris significationis, quam verba præferunt, ad aliorum trahere sententiam. Difficultas autem est, quoniam ad quos trahendi sunt, an August. Gregorius, Boetius, &c. ad sensum obivium, & rigidum Origenis, Iuliani, Damasceni, &c. an è contra? In quo dubio, dico firmiter, potius Origenem, Iulianum, Damascenum, & alios pro se allegatos à contrarijs benignè interpretandos, & trahendos ad sensum obivium, & proprium Augustini, Gregorii, Boetij, & aliorum, quam è contra. Quod sic suadeo, primò, quia plerique ex illis locuti sunt ante exortam in Ecclesia controversiam de præscientia, & prædestinatione contra Pelagium, & ideo minus cautè loquebantur, & prout opus erat ad convincendos Gentiles, aut Manicheos; è contra autem Augustinus, & alij à nobis allegati locuti sunt post prædictam controversiam, in qua opus fuit detegere summam emenditiam, & independentiam divinæ præscientiæ, & prædestinationis, quam ceteri contra Gentiles non explicaverant, ut non necessarium: Sed ratio exigit ut in aliqua controversia potius stemus sensui proprio, & obvio illorum PP. qui in ea versati fuerunt, quam illorum, qui ante illam locuti sunt. Ergo ratio exigit, ut stemus potius sensui proprio, & obvio Augusti, quam aliorum PP. qui ante prædictam controversiam locuti sunt. Etenim ut August. lib. de Dono Perseverant. cap. 20. ait: *Didicimus enim singulas quosque Hæreses intulisse Ecclesie proprias quæstiones, contra quas diligentius defenderetur Scriptura divina, quam si nulla talis necessitas cogeret.* Unde quod attinet ad doctrinam de præscientia, & prædestinatione, absdubio credendum est, diligentius examinatas, & propugnatas fuisse Scripturas divinas ab Augustino, & alijs PP. post exortam Hæresim Pelagij, quam ab alijs ante illam, ac præinde, potius illi trahendi sunt ad sensum Augustini, & sequentium; quam è converso. Secundo, quia D. Thom. D. Bonaventura, & Mag. Sentent. explicant, ac mitigant verba Origenis, eaque detorqueant ad sensum Augustino conformem; pariter absdubio explicaverunt alios PP. qui non magis rigidè locuntur: Sed cum inter PP. testimonia est apparens cōtradictio, standum est interpretationi PP. posteriorum: Ergo potius trahendi sunt PP. ante controversiam cum Pelagio scribentes, ad sensum Augustini, quam è contra: Ostendane enim contrarij alium D. Thom. alium Bonaventuram, alium Mag. Sententiarum, alios ve Antiquos mitigantes Augustini sententiam, & eam detorqueantes ad sensum proprium, & obivium Origenis, & aliorum, & tunc pari iure licebit

Au.



Augustini sententias mitigare: Sed sanè id nunquam praestabunt. Nos ergo in Pagrum expositionem sequimur D. Thom. Bonaventuram, & Mag. Sententiarum; at contrarij nullos sua Schola Antiquiores.

32 Hac igitur regula supposita, respondeo in praedictis testimonijs duplicem reperiri propositionem, nempe istam: *Non ideo aliquid futurum est, quia Deus se it illud futurum*: Et istam: *Ideo Deus se it aliquid futurum, quia futurum est*. Dico ergo, primam veram esse, attenta ratione scientiae, cui non competit ratio causalitatis; seu scientiae purè speculativae, & in hoc sensu loquutum fuisse Origenem, & alios PP. Ita D. Th. in praesent. art. 8. ad 1. ubi sic ait: *Ad primum dicendum, quod Origenes loquutus est, attendens rationem scientiae, cui non competit ratio causalitatis, nisi adiuncta voluntate*. Unde sentus illius est: *Attenta solum ratione scientiae speculativae, & praecisae, seu seclusa voluntate adiuncta, non ideo aliquid est futurum, quia praescitur à Deo*; in quo sentu veram illam iudicamus, & asserunt à PP. negamus autem, quod PP. loquuti fuerint in ea propositione de scientia Dei sola scientia adiuncta voluntate, & beneplacito, quo factio dicimus scientiam Dei esse causam rerum, & ideo res futuras esse, quia Deus illas futuras esse praescivit. Et hinc infertur, quod scientia Dei non est causa peccatorum, aut malorum, quae futura praevident, quia respectu illorum est scientia purè speculativa, non vero practica, nec affectuosa per beneplacitum voluntatis. Et hæc est alia expositio PP. nam plerique illorum loquuntur solum de Divina praescientia erga peccata, quo sensu verum est, non ideo ea esse futura, quia praesciuntur. Vel secundo dicatur cum D. Thom. *quaest. 2. de Veritat. art. 14. ad 1. Quod intentio Origenis est dicere, quod scientia Dei non est causa, quae inducit necessitatem scito, ut ex hoc cogatur aliquid evenire*.

33 Circa secundam vero propositionem PP. Respondet etiam D. Tho. ubi proximè, quod dum Orig. dicit: *Quia futurum est, ideo scitur à Deo, non importatur causa efficiendi, sed causa inferendi tantum*. Vel ut super Boetium lib. 5. de Consolat. Prof. 6. ubi, relata Origenis sententia, sic ait: *Quod tamen potest intelligi dupliciter. Vno modo, quod eventus rei sit causa praescientiae secundum rationem consequentiae, & sic responsio est vera. Alio modo potest intelligi quod eventus rei sit causa praescientiae secundum existentiam, & sic est falsa, & improbatur à Boetio*. Eodem modo exponit utramque propositionem

Mag. Sententiar. ubi

suprà.

PLURES INSTANTIAE CONTRA expositionem Div. Thom. solvuntur.

34 SED contra insurgunt multipliciter contrarij. Primò contra expositionem primam: Quia PP. de eadem scientia affirmant, habere creaturas pro ratione à priori existendi, de qua negant esse rationem à priori existendi creaturas, nec aliter serio intelligi potest illa adversativa: *Non ideo res sunt futurae, quia praesciuntur à Deo, sed ideo praesciuntur à Deo, quia sunt futurae*: Sed de scientia Dei, attenta praecisè ratione scientiae Dei, neque affirmant, neque affirmare possunt habere pro ratione existendi creaturas; siquidem scientia, qua Deus se cognoscit, habet rationem scientiae, & non habet pro ratione existendi creaturas: Ergo non loquuntur de scientia Dei, attenta praecisè ratione scientiae. Secundò, quia de ea scientia negant PP. quod sit causa futurorum, de qua dicebant Gentiles tollere libertatem: Atqui Gentiles de scientia Dei, prout iacet, dicebant, tollere libertatem: Ergo PP. loquuntur de scientia Dei erga futura, & prout iacet, & non attenta praecisè ratione scientiae divinae ut sic. Tertio, nam Origenes, sic subiungit: *Et si fingamus, Deum non praecognoscere aliquid futurum, tamen futurum sine dubio erit*: Ergo de mente Origenis est, praescientiam futuri, ut iacet, non esse causam futuri. Quarto, nam eo Gentiles censebant, scientiam divinam tollere libertatem, quia cum necessario inferat adum praecognitum, v.g. consensum, si illa praecederet in Deo ante ipsum, praecederet ad nostrum consensum aliquid necessario inferens consensum, cum quo libertatem conciliare non poterant: Sed huic apparenti ratione PP. non satisfecerunt, si solum negarent scientiam Dei ex conceptu scientiae esse causam consensum, permittendo scientiam practicae, quae adiuncto decreto inferret à priori, & necessario, ut causa, consensum; quia de hac restabat eandem difficultas: Ergo PP. non solum negant, scientiam secundum rationem scientiae speculativae praecisè, fed etiam quocumque modo consideratam, esse rationem à priori consensum infallibiliter, seu necessario inferentem consensum. Quintò, quia dum PP. negant, scientiam infallibiliter inferentem consensum esse causam consensum, seu rationem à priori, & causalem existendi consensum, tacite admittunt, quod scilicet scientia illativa consensum, causans consensum, tolleretur libertatem consensum: Ergo non permittunt scientiam illativam consensum, quae sit causa consensum. Sextò, quia PP. ut explicant concordiam divinae praescientiae cum libertate, & contingentia nostrorum actuum, saepe videntur exemplo visionis corporis, qua nos videmus alium

aliud sic, vel sic operantem, quæ sanè non est causa cur ille sic operetur, & ideo non tollit, quod ille liberè operetur: Ergo planè sentiunt, talem esse scientiam visionis in Deo, quæ sub nulla consideratione causet, vel inierat à priori consensum.

35 Septimo instant contra aliam expositionem, nam in primis falsum est, quod PP. loquantur solum de peccatis futuris, nam licet loquantur, occasione sumpta ex peccatis, loquantur tamen vniversaliter de futuris: Ergo prædicta expositio est contra mentem PP. Octavò, quia, dato quod loquantur de peccatis, ideo negant, Dei scientiam esse causam illorum, ne lædatur libertas: Sed par, vel maior libertas est in bonis operibus: Ergo eorum doctrina comprehendit etiam opera bona. Nono, nam Damascenus expressè loquitur de omnibus actibus liberis, de quibus admittit in Deo præscientiam, & negat prædeterminationem, quam solum admittit respectu eorum, quæ in nostro arbitrio non sunt, sic enim ait: *Deus ea, quæ voluntariè à nobis futura sunt, hoc est, ea quæ in voluntate nostra sunt, nimirum virtutem, & vitium, præsciens ea demum prædefinit, quæ in arbitrio nostro minimè consistunt*: Ergo solum admittit præscientiam, sed non prædeterminationem, de nostris actibus liberis, tam bonis, quam pravis: Sed per nos præscientia sine prædeterminatione non est causa rerum: Ergo nec est causa actu liberum, qui sunt in nostra potestate: Ergo aperte comprehendit actus etiam bonos, dum asserit præscientiam non esse causam cur aliquid sit futurum. Decimò, quia licet, quantum ad hoc quod præscientia Dei sit causa futuri, admittatur ratio disparitatis, cur sit causa bonorum, & non malorum, tamen nulla est ratio disparitatis, cur Deus præsciat mala, quia futura, & non similiter bona: Ergo si admittimus de peccatis futuris illà causalem PP. ideo Deus præscit ea futura, quia futura sunt, pariter illam debemus admittere de bonis actibus futuris. Probatur antecedens, nam ratio quare negamus Deum præscire futura, quia sunt futura, in sensu causali, ideo est, quia temporale non potest esse causa æterni: Sed hæc ratio quæ comprehendit peccata, & bonos actus futuros, nam etiam peccata sunt temporalia: Ergo nulla est disparitas, cur actus boni non præsciantur, quia futuri, & peccata præsciantur, quia futura: Ergo vel de bonis, & malis verificatur, præsciri quia futura; vel nec de malis, nec de bonis.

36 Deinde obijciunt contra expositionem secundæ propositionis affirmativæ. Primò, quia PP. loquantur aduersativè, negando vnā causalem, nempe, ideo res esse futuras, quia præsciantur futuræ, & affirmando aliam è conuerso, nempe, ideo præsciri, quia sunt future: Sed hæc aduersativa non potest esse vera in sensu purè illativo;

Ergo falso exponitur in tali sensu, & non in sensu causali. Probatur minor, quia in sensu illativo quæ verum debet esse, ideo res esse futuras, quia præsciantur, ac ideo præsciri, quia sunt futuræ; nam sicut ex futuro inferitur præscientia illius, ita ex præscientia futuri inferitur illud esse futurum: Ergo loquendo in sensu purè illativo illa aduersativa, quæ negat vnū, & affirmat aliud, falsa erit. Explicatur: In propositione aduersativa negante vnā, & affirmante aliam propositionem, vtrique debet accipi in eodem sensu, nam alias in equivoco laboraret: Sed accipiendo vtramque in sensu illativo, falso negarent PP. aut dicerent, non ideo res esse futuras, quia præsciantur futuræ, cum falsum sit, quod ex præscientia futuri non inferitur futurum: Ergo loquuntur in sensu causali, & rationis à priori.

37 Secundò, quia hac ratione PP. nituntur explicare, quod scientia diuina nullum detrimentum affert humanæ libertati: Sed quod ex eventu futuro inferatur scientia diuina, si scientia diuina humanæ non subiaceat libertati, nihil minuit difficultatis: Ergo si PP. solum loquerentur in sensu illativo, vterentur responsione inepta ad difficultatem propositam euacuandam. Probant minorem, quia scientiam diuinam inferri ex consensu non probat consensum esse liberum, nec libertatem in consentiendo; siquidem si scientia diuina influeret per modum naturæ necessitando ad consensum, eodem modo inferretur ex consensu, & tamen consensus non esset liber: Ergo.

38 Hæc sunt, quibus contrarij prædictas expositiones impugnant, sed frustra sanè, nam his omnibus vitare non possunt, quod illæ expositionis sunt D. Thom. & Mag. Sententiarum, & D. Bonaventuræ; & sanè in vi autoritatis, non potest non prevalere expositio PP. data à tantis Doctoribus, ante exortam controversiam scientiæ mediæ, aduersus eam, quam prætendunt contrarij, licet mille coniecturis, aut rationibus eam comprobare conentur; quandoquidem eam non comprobant aliqui Expositores antiquiores præfata controversia, nec maioris autoritatis. Vnde, vt suo ordine ad obiecta dicam.

39 Ad primum, contra expositionem primæ propositionis negativæ, omittā maiori, distinguo minorem: De scientia Dei attenda præcisè ratione scientiæ Dei, quæ solum sit scientia Dei obiectivè, concedo: Attenda præcisè ratione scientiæ Dei subiectivè, & obiectivè futurorum, nego maiorem, & consequentiam in eodem sensu. Nam arguens laborat in equivoco; siquidem cum Div. Thom. inquit, quod *Origenes locutus est, attendens rationem scientiæ, cui non competit ratio causalitatis*, non est sensus, quod Origenes solum attendit ad rationem scientiæ, quæ Deus se cognoscit; sed quod solum attendit ad scientiam Dei

erga

erga futura, secundum præcisam rationem scientiæ futurorum, præcisive à causalitate, seu à voluntate adiuncta, sine qua non importat causalitatem; & de hac dicimus loqui PP. dum dicunt, non ideo res esse, quia præsciuntur, sed præcisci, quia sunt. Ad secundam, concessa maiori, distinguo rationem præscientiæ infallibilis, non vero causalitatis ex vi decreti, concedo: Vm facientes in causalitate per decretum, nego minorem, & consequentiam; siquidem Gentiles, solum attendebant in divina præscientia rationem præscientiæ infallibilis, quæ falsificari non posset, & ex hac inferebant, quod circa futura præscita non poterat manere libertas, nec potestas ad oppositum; de causalitate vero per decretum efficax, aut in vi prædefinitionis, & prædestinationis, non erat tunc exorta controversia, nec in illa Gentiles vim faciebant; eoque potius oportebat de tali causalitate silere, & non vnam difficultatem altera maiori inspicere, sed modo faciliori Gentilibus exponere, quomodo præscientia infallibilis ex terminis præscientiæ infallibilis poterat intelligi non contra libertatem, & contingentiam; & cum ex terminis præscientiæ infallibilis non sit causa obiecti præsciti, tum quia infallibiliter præscit peccata Deus, quin sit causa illorum, tum quia Propheta infallibiliter prænoverunt plura futura, & eorum causa non fuit ipsorum præscientia; ideo loquendo de præscientia infallibili, & attendendo solum rationem præscientiæ infallibilis, cui non competit causalitas, rectè dixerunt, non ideo res esse futuras, quia præsciuntur à Deo, sed potius præcisci, quia futuri sunt. Ad tertiam similiter dico, Orige nem locutum, fuisse attentam solum ratione præscientiæ sine causalitate, quo sensu verum dixit, quod, cum fingamus Deum aliquid non præcognoscere, præscientia nempe purè speculativa, & non attentata ratione causalitatis, nihilominus illud futurum proculdubio erit, quia ex defectu præscientiæ sic consideratæ, non deficeret causa illius futuri, cum sic considerata præscientia ex terminis præscientiæ causa non sit.

40 Ad quartam, omitta maiori, nego minorem, quia licet de scientia prædicta, & vi decreti causantis consensum, testaret eadem, immo & maior difficultas, ea difficultas non excitabatur ea tempestate, sed solum de præscientia titulo præscientiæ infallibilis; vnde semel satisfacto argumento, quod in eo titulo solum fundabatur, aliam difficultatem poterunt PP. tunc prætermittere, imò & dissimulare, tanquam tunc non necessariam. Postea vero cum Pelagius eam excitavit dicens, Deū solum præscire, non vero prædestinare, nec prædefinire bona opera, nec homines ad gloriam, opus fuit aliter contra ipsum procedere, nempe detegendo, divinam præscien-

tiam erga opera bona, & salutaria, non solum esse præscientiam, sed prædeterminationem, non meè speculativam, sed prædictam, non causatam ab ipsis, sed causam illorum, ut fecit M. P. Augustinus, & PP. posteriores. Ex quo ad quintam, nego maiorem; quia non est idem prætermittere, aut silere sententiam circa aliquam difficultatem, ac vnam partem illius sententiæ tacite admittere: PP. ergo tunc prætermittebant difficultatem de scientia divina vt vi decreti efficacis causantis futurum consensum, an tolleret, vel non libertatem, quia non opus erat cum Gentilibus de hoc differere, imò esset eis arma disciplina ministrare; sed non propterea nec tacite admettebant, quod scientia sic causans consensum, eam tolleret, imò verisimile est, sensisse id ipsum, quod postea Augustinus, sed prudenter de hoc pro tunc differere noluisse, ne difficultatem apparentem Gentiliam maiorem facerent.

Possumus enim cum August. lib. de Prædestin. SS. cap. 14. dicere: Quid igitur opus est, ut eorum scrutemur opuscula, qui priusquam ista hæresi oriretur, (nempe Semi Pelagiana) non habuerunt necessitatem in hac difficultate ad solvendum questione versari? Quod proculdubio facerent si responderent talibus cogitationibus. Vt coactus fuit Augustinus, Semi-Pelagianis dicentibus, quod Dei præscientia circa statum hominis, qualitates, & species prænoſcendi de humani actus inspectione mutuatur: Ex magis de origine voluntatis humana, genus præscientiæ divine derivari, quam opera, & voluntates dominum de nutu, & impulsu Providentiæ Cælestis incipere: Ex quod nisi præscientia exploraveris, Prædestinationio nihil decernit, vt aiebat Faustus Semi-Pelagianus, lib. 2. de Liber. Arbitr. cap. 2. & 3. addens, quod præscientiam, & prædestinationem male intelligunt, adstruentes, quod inde humanorum actuum causa nascitur. Hoc provocavit Augustinum, & provocasset etiam Patres Antiquiores, vt, sicut Augustinus, præscientiæ divinæ causalitatem propugnarent, & similia, quæ Augustinus, dicerent, si eorum tempore tali hæresi cogenteret respondere: Sed antea non habuerunt necessitatem in hac difficultate ad solvendum questione versari; sed oportuit potius de illa silere, eamque non excitare.

Ex quo ad sextam, pariter dico, PP. vfos eo exemplo, quia loquebantur de præscientia, attendendo solum rationem præscientiæ infallibilis titulo præscientiæ infallibilis, & præscindendo à beneplacito, ex quo solum habet causalitatem; quo sensu nullam causalitatem explicat in scitum, sicut nec visio nostra in rem scitam; & ideo exemplum illud erat apicissimum ad mentem Gentiliū suadendam, qui non alio titulo utebantur, nisi titulo præscientiæ infallibilis; non enim arguebant ex decreto prædefinitivo, aut prædestinativo, de quo

quo postea exorta fuit cōtroverfia. Præterquam, quod exemplum illud semper est aptissimum, quia sic visio nostra, qua videmus homines sic, vel sic agentes, non immutat modum operandi, nec indifferentiam ex parte ipsorum ad operandū sic vel aliter, ita divina præscientia, quamvis causa infallibiliter inferens operationem, non immutat modum nostrum operandi, nec indifferentiam antecedentem ex parte nostra, sed potius infert à priori, & nostram indifferentiam, & modum operandi cum indifferentia, ut explicabam *Tract. de Provid. quest. 16.*

41 Ad septimum contra aliam expositionem, dico: Plerosque PP. solum loqui de peccatis futuris, nam in primis Damascenus, expressè concludit: *Idcirco præcognoscit, quia ipsi minime grata sunt, nec propterea tamen ipse horum causa est, quemadmodum nec Medicus idcirco morbi auctor est, quia futurum prænoſcit.* Vbi satis innuit, se loqui de peccatis, ut talibus. Athanasius etiam loquitur expressè de peccatis, ut legenti textum citatum, constabit. Chrysostomus similiter de scandalis prædicis, aut prædictis per Prophetas loquitur. Beda etiam expressè loquitur de peccatis, & similiter alij. Quod si aliqui illorum videantur univèrsaliter etiā loqui de malis, & de bonis operibus, sequitur manifestè, eos loqui de præscientia, titulo præcisè præscientiæ infallibilis, quia solum sub hoc titulo se extendit ad bona, & mala, nam adiuncta voluntate, solum est de bonis. Ad octavum, distinguo. maiorem: Ideo negant Dei scientiam esse causam peccatorum, ne lædatur libertas propria illorum, concedo: Ne lædatur libertas generalis, & communis actibus bonis, nego maiorem, & concessa minori, nego consequentiam; quia libertas peccatorum non est libertas subordinata divini, sed prima indeficiente, & hæc non coheret cum eo quod scientia divina esset causa illorum, & ideo ne lædatur hæc libertas, negant legitimè scientiam Dei esse causam peccatorum; quæ ratio non currit in actibus bonis, licet liberis maiori libertate, quia illorum libertas non est in deficiente, & consequenter nec prima, sed in efficiente, & secunda, subordinata primæ, unde non est contra illam subijci primæ libertati, nec actum existere, quia à Deo præscitum, seu prædefinitum. Vel aliter respondeo, PP. non ideo negare scientiam Dei esse causam, vel rationem à priori peccatorum, ne scilicet lædatur libertas, sed potissimè ne peccata attribuantur Deo, & non peccantibus; quod nefarium esset; aut ne peccantes excusentur à culpa; & hæc ratio non currit in actibus bonis, imò currit opposita, quia actus boni debent tribui Deo, ut primo Authori, & primæ causæ, & de illis debemus Deo gratias agere, & ea in Deum ut Authorem referre, iuxta illud: *Perditio tua ex te Israel, tantummodo in me auxilium tuum.*

42 Ad nonum, dico, Damascenum, dum loquitur de omnibus actibus, sive bonis, sive malis, solum negare prædefinitionem, quæ inducat necessitatem ad actum prædefinitum, eo modo, quo D. Thom. exponit Origenem relatum *quest. 2. de Veritat. artic. 14. ad 1.* dicens: *Quod intentio Origenis est dicere, quod scientia Dei non est causa, quæ inducat necessitatem scito, ut ex hoc cogatur aliquid evenire.* Et eodem modo exponit Damascenum apparenter negantem prædefinitionem in Deo erga actus nostros liberos, adhuc bonos, nempe dicendo, quod solum negat prædefinitionem, quæ inducat necessitatem; aut quæ virtuti, aut vitio vim inferat. Sic enim exponit Damascenum in præsent. *quest. 23. art. 1. ad 2. & 3. contr. Gent. cap. 10. vers. finem.* Nec huiusmodi expositio iniuriola est Patribus, aut illorum authoritati detrahit, ut arguit Mag. Herrera; tum quia potius hoc dicere, haud leviter detrahit authoritati D. Thom. qui inter Theologos PP. potissimum locum tenet. Tum quia licet intentum PP. esset explicare, quod divina præscientia, aut providentia humanam voluntatem non necessitat; bene poterant argumentis Gentilium respondere, non necessitate, quia non prædefinit, nec prædic cogendo, aut necessariando; nec huiusmodi locutio nugatoria est, aut petitio principij, ut vult præcatus Author; tum quia pet eam non intendunt PP. probare positivam libertatem nostram, sed tantum respondere argumento Gentilium, vel Manichæorum desumpto ex præscientia, aut providentia; ad quod rectè respondetur, quod licet Deus præsciat, & provideat actus nostros, non prædic, nec provideat necessitando, nec cogendo nostram voluntatem, qui modus respondendi communis, & vñtatus est, & non nugatorius, imò eo vitut Hieronymus in simili assumpto, in illud Ezechiel. 2. *Hæc dices ad eos, sic rationem reddens, cur divina præscientia non facit immutabile, quod Deus futurum novenerit: Non enim inquit, quia ille ventura cognoscit, idcirco necesse est nos facere, quod ille præscivit: sed quod nos propria voluntate summus facturi, ille novit futurum quasi Deus.* Similiter, & Beda loco citato à contrariis, eodem modo ait: *Quid ergo? Coëgit nos Deus, ut mali sibi videremur ab æterno? absit.* Et sic alij PP. satis indicant solum se negare præscientiam esse causam cogentem, aut necessitatem inducentem; quod satis erat ad argumentum Gentilium solvendum, qui oppositum non probabant, nec probare poterant, hoc negato. Vide *Tractat. de Provident. quest. 8. à num. 83.*

43 Ad decimum, distinguo antecedens: Tamen nulla est ratio disparitatis, cur Deus præsciat peccata, quia futura, & non similiter bona, ly quia significante rationem causalem, vel à priori præscientiæ ex parte Dei, concedo: Ly quia significante

te rationem causalem, vel à priori peccati futuri, nego antecedens. Ad cuius probationem, concedit maiori, distinguo minorem: Hæc ratio equè comprehendit peccata futura, vt non sint ratio causalis, vel à priori præscientiæ ex parte Dei, concedo: Vt non sint futura aliunde quam ex scientia Dei, nego minorem, & consequentiam in sensu negato. Quia in primis hucusque nunquam conceisimus hanc causalem in sensu causali, adhuc de peccatis, ideo Deus ea præscit futura, quia futura sunt, nec diximus, peccata futura esse rationem causalem præscientiæ Dei de illis, nec in hoc assignauimus disparitatem inter bona, & peccata, sed solum quantum ad aliam causalem, nempe: *Ideo futura esse, quia præsciuntur à Deo*, quam quidem veram esse de bonis futuris, falsam autem de malis futuris, diximus, & ideo rectè PP. eam negasse in sensu causali, dum locutus de malis, & peccatis futuris; quam tamen diximus non negare de scientia Dei innixa decreto positivo in sensu causali de bonis futuris.

44 Quod si roges: In quo sensu PP. proferunt illam propositionem, adhuc de malis futuris, nempe *ideo præsciuntur futura, quia futura sunt*? Respondeo, PP. eam proferre primo in sensu causali sumpto vnicè supra ipsa peccata ex parte obiecti, non vero supra præscientiam ex parte actus, ita vt ly *ideo*, & ly *quia* non appellet supra præscientiam ex parte Dei, sed supra ipsum peccatum futurum, quasi sensus sit: *Deus præscit peccatum ideo esse futurum, quia voluntas ex se, &c. à se peccatura est*, non vero ita, vt sensus sit: *Ideo Deus ex parte sua præscit peccatum futurum, quia futurum est, seu quia voluntas ex se peccatura est*; & ratio est, quia in hoc secundo sensu, causalis significaret, peccata temporalia, seu futura esse causam æternæ præscientiæ se tenentis ab æ. non ex parte Dei; & ideo, vt benè probat argumentum, eadem ratio est negandi hanc causalem, ac aliam de bonis futuris, quod nempe ideo Deus ea præscit futura, quia futura sunt, ne videlicet temporale sit causa æterni. At in primo sensu solum significat, peccata non esse futura ex Deo, nec ex Dei præscientia, sed esse futura in creatura à se, eo quod creatura est prima causa malorum, à qua radicaliter, & causaliter futura sunt, Deo solum permissiue se habent; quod tamen non ita verum tenet de bonis futuris, nam bona futura, non sunt radicaliter, nec originaliter futura ex creatura, sed ex Dei prædefinitione, & præscientia, & ideo de illis dici non potest, *Deus ab æterno prævidet voluntatem ideo futuram esse bonam in tempore, quia à se bona erit*, potest tamen dici: *Deus ab æterno prævidet voluntatem ideo malum futuram esse in tempore, quia à se mala erit in tempore*.

45 Et hic sanè est sensus genuinus PP. qui locutus de malis futuris; dum enim dicunt, non

ideo nos malum facturos esse, quia Deus præscit, sed potius Deum malum præscire, quia illud facturi sumus, sensus est, præscientiam non esse causam, nec rationem causalem, cur nos malum facturi sumus, sed potius Deum præscire, quod ideo nos malum facturi sumus, quia à nobis ipsis malum facturi sumus, & non ex Deo, nec ex Dei præscientia, ne videlicet, causam malorum, aut ipsa malum in Deum, aut in Dei præscientiam considerent, sed vnicè in nos ipsos; quod tamen de bonis non dicerent, nisi Pelagiani, aut Semi-pelagiani. Nec obest, quod PP. præponant illam particulam *ideo*, seu *quia* ad præscientiam ipsam Dei, dicendo *ideo Deus præscit, &c.* quia debet intelligi semper ex parte obiecti prædicti, non ex parte ipsius præscientiæ, sicut cum dicimus Deum propter meritum velle conferre præmium, inquit D. Thom. quod ly *propter* non significat causalitatem meriti in ipsum velle Dei, sed ex parte obiecti in ipsum præmium; nam vt ipse ait, si rectè loquamur, & in rigore, non *propter hoc vult hoc*, sed *vult hoc esse propter hoc*, ita vt ly *propter* cadat in obiectum, non in actum volendi: Sic ergo debet exponi ly *quia*, & ly *ideo* dum PP. de malis dicunt, ideo Deum ea præscire futura, quia nos ea facturi sumus, ita vt sensus sit, quod Deus præscit, ideo mala esse futura, quia nos ea à nobis ipsis facturi sumus, & peccaturi, non autem nos peccaturos esse, quia Deus præscit peccata futura. Quo sensu ingens est disparitas inter bona, & mala, vt per se patet.

46 Ex quo iam ad primam obiectionem contra expositionem secundæ causalis, ex num. 35. respondeo, ommissa maiori, negando minorem. Ad cuius probationem, distinguo antecedens. In sensu illativo æquè verum debet esse respectu nostri, ideo res esse futuras quia præsciuntur à Deo, ac e contra, nego: Respectu videntium Deum intuitiue transeat, negoque consequentiam, quia dum D. Thom. dixit, illam causalem *ideo res præsciuntur futura, quia futura sunt* intelligi debere secundum causam inferendi, siue secundum causam consequentiam, non secundum causam essendi, aut existentiam, loquitur respectu nostri; causa enim vnde nos inferimus aliquid prædictum fuisse à Deo vt futurum, est quia illud videmus existens, nos enim cognoscimus præscientiam Dei vnicè à posteriori per ipsa futura, aut existentia, non vero à priori ipsa futura, aut existentia per Dei præscientiam, vnde respectu nostri causa inferendi præscientiam sunt futura, aut existentia, non tamen causa inferendi futura est ipsa præscientia, & ideo à adhuc in sensu illativo, seu secundum causam inferendi, aut causam consequentiam, verificatur illa aduersativa in sensu aduersativo respectu nostri.

47 Ex quo ad explicationem, in primis nego maiorem; quam vel contrarij ipsi debent

negare, quia iuxta illos: Hæc affirmativa, *ideo res præsciuntur future, quia future sunt*, intelligitur in sensu causali pure obiectivo, non in sensu causali physico, quia non significat res futuras esse causam physicam præscientiæ; alia autem affirmativa, *non ideo res sunt future, quia præsciuntur*, non negat causalitatem obiectivam, cur res existant, nam in hac neganda nos etiam convenimus, qui non prætendimus scientiam divinam esse causam obiectivam rei future præscire, sed negat causalitatem physicam: Ergo adhuc iuxta ipsos intelligitur vna in sensu causali distincto, ac alia: Non ergo opus est, quod vtraque intelligatur in eodem sensu, & significatione, sed potest vna intelligi in diverso sensu, quin inde sequatur equivocationis. Vnde omissa maiori, distinguo minori: Accipiendo vtramque in sensu illativo secundum causam inferendi respectivè ad nos, fatiè dicere PP. non ideo res esse futuras, quia præsciuntur future, nego: Sumpto aliter sensu illativo, transcat minor, quia vt iam præmonui, sensus illativus penes quæ exponit D. Tho. PP. seu Origenem, est secundum causam inferendi respectu nostri; quo pacto, vt ià divi, res future sunt nobis causa inferendi præscientiam, non præscientia causa inferendi futura.

48 Ex quo ad secundam ex num. 36. Omnis maiori, nego minorem, vel claritatis gratia, distinguo: Quod ex consensu futuro vt cõtingenter futuro intra ordinem causæ secundæ, & respectivè ad causam secundam, inferatur scientia divina, nihil minuit difficultatis, nego: Aliter, transcat antecedens. Ad cuius probationem, dico, quod scientiam divinam inferri ex consensu, vt iacet intra ordinem causæ secundæ, nempe vt efficitur à causa secunda in suo ordine indifferenti, non probat libertatem, sed potius quoad nos illà supponit, & explicat, quo pacto divina præscientia illam non aufert, quod solum PP. intèdebant. Nec opus est, quod divina præscientia nostræ subiaceat libertati, imò hoc non leve absurdum reputatur à Boetio, M. Sententiar. & D. Thom. imò & ab Ubaldis accessit de defensione nostræ libertatis contra hæreticos modernos, cuius verba dedimus *Tract. de Provid. quæst. 16. num. 211.* sed satis est, quod respiciat nostras actiones prout reuera à nobis intra ordinem causæ secundæ omnino indifferentibus pro nostro libito emanant, nihil immutando de nostro modo operandi cum contingentia, & libertate; quod solum PP. explicare conabantur, & satis explicarunt illo modo loquendi, prout expediebat cum Gentilibus, & eo sæculo, quando nõdum exorta cõtroversia de præscientia, & prædestinatione antevertebat merita nostra, opus non erat, nec expediens, causalitatem divinæ præscientiæ in nostros actus liberos prædicare, prout illam postea prædicavit August. & alij PP. Videantur à nodis dicta *Tract. de Provid. ubi sup. præsertim à n. 217.* vbi ostendimus, qualiter divina provi-

dentia non nocet libertati, quia supponit obiectivè actum liberam in idæa, nihil immutando de constitutivis libertatis ipsis.

49 Hæc diximus pro sequenda expositione PP. qua vtitur D. Tho. M. Sentent. & Bonavent. licet satis erat: tales habuissè Authores, vt non ita accerrimè impugnaretur, præsertim, vbi ad auctoritatem fit recursus, & quãdo ad talem expositionem impugnandam nulla maior, imò nec cum illis comparanda auctoritas, cogit. Vt videas, quanto rationabilius nos, quam P. Vazquez, dicere possemus, *verum, communis doctrina PP. & ratione, benè inspecta, res hæc extra controverfiam effert, si animus indagandæ veritati, potius, quam contentioni effert intentus. Sunt enim præclara PP. testimonia, quibus docemur non ideo Deum præscire res futuras, quia future sunt, sed e converso, quæ à nullo ex PP. in alium sensum, ab eo quem præferunt, exponuntur; e contra autè, si quæ sunt PP. testimonia oppositum apparenter inveniuntur, à D. Thom. M. Sentent. & Bonaventura exponuntur benignè, vt iam vidimus.*

**ADVERTENTIA SPECIALIS,**  
*Et corollarum notatu dignum, in quo explicatur concordia præscientiæ Dei cum contingentia, Et libertate eventus præsciti, Et mens D. Tho. circa hoc ipsum.*

50 **V**erum valde etiam notandum est; plerisque ex PP. quos contrarij allegare curant, de loqui solum de peccatis, de quibus diversa est ratio, vt iam ostendimus, vel loqui solum excludendo, quod divina præscientia sit nobis causa cogens, aut necessitans nos ad ponendum, vel agendum, quod præscitum est, vel agere tantum de prædicatione prophetica, qua Spiritus Sanctus per os Prophetarum prædixit infidelitatem Iudæorum, aut illa peccata futura; de qua prædicatione prophetica facemur, quod non est causa rei præsumptæ; quibus titulis ferè omnia testimonia, quæ ab ipsis allegantur, aliena sunt ab instituto præsentis.

51 Nos enim solum defendimus, ideo res futuras esse quoad entitatem, bonitatem, & perfectionem, quam habitura sunt, quia prævidentur à Deo sic future, visionem nempe affectuosam, & aspectu benefico, de se communicario existentis, & bonitatis, qualis est aspectus, & visio Dei adiuncto beneplacito, & ex vi illius; sicut enim Deus habet quendam modum dicendi, faciendo per ipsam locutionem, quod dicit, vt cum dixit: *Hoc est Corpus meum*, quod dicto fecit quod dixit, ita vt non ideo dixerit: *Hoc est Corpus meum*, quia erat corpus eius, sed potius ideo fuit corpus eius, quia dixit: *Est corpus meum*, & similiter, cum dixit: *Vade, Filius tuus vivit*, quibus verbis effecit quod viveret, & similiter cum dixit, *dimittuntur tibi*

*sibi peccata*, nam eisdem verbis effecit, quod illi dimitterentur: non enim quia dimissa erant, hoc dixit, nec quia filius vivebat, dixit *filius tuus vivis*, sed ut viveret, ut dimitterentur; sic habet Deus modum specialem videndi, nō supponendo aliunde, quod videat, sed id faciendo pro ipsam visionem. Nam vt aiebat Gregorius supra, *Deus non existens, videndo, creat*. Et Chryzologus, *Donatur bonis malis caret, quā viderit Deus*, aspectu nempe beneficio ex libera voluntate imperato; de quo aspectu, & visione dicimus, ideo res esse, quia videntur, non videri quia sunt, quia omnis res vt potissimum existat, & participet de esse Dei, eget tali aspectu videri à Deo, nam quod *Creator sic non viderit, essentia subsistendi caret*, vt aiebat Gregorius supra. Sic autem videt Deus bona, non autem mala, quæ potius in hoc sensu ignorat, & nescit. Ex qua doctrina facile solvi possunt, quæ ex ratione opponunt contrarij, potissimum quia non perpendunt hunc modum specialem videndi proprium Dei, ideoque ab eis solvendis superfedeo, & quia iam ea soluta habes *quæst. præced.*

52 Ex dictis tandem inuestis, infallibilitatem scientiæ Dei non esse conciliandam cum nostra libertate, ex eo, quod voluntas, licet non possit scientiam Dei falsificare, quia illam præfixivè benè aucturam, potest tamen impedire quod Deus præficerit illam sic aucturam, & determinare obiectivè intellectum Dei ad hoc vt illam præficerit peccaturam; eo nempe, quia Deus per suam scientiam non esse causā, cur voluntas benè per malè auctura sit, sed potius voluixas benè potius, quam malè agens, causā est obiectivā, cur Deus eam benè per malè operaturam viderit, auct præficeret; licet enim hoc pacto Schola Iesuitica conciliare nitatur præscientiam infallibilem Dei cum nostra libertate; quantum tamen repugnet perfectioni, assecutari, efficaciz, & independentiz divinæ scientiæ, & providentiæ, supremæque Dei dominio, hæc ratio conciliandi libertatem cum divina præscientia, & providentia, satis ostendimus *Tractat. de Provident. per tot.* Solum ergo est concilianda ex eo, quod divina præscientia, quantumvis infallibilis, quantumvis causā, & quidem ab intrinseco efficacis consensus futuri, v.g. & quantumvis in impedibilis, & in determinabilis per exercitum nostræ libertatis, nihilominus ex hoc ipso infert efficaciter consensus præfixum quoad substantiam, & modum libertatis, quod non solum efficaciter facit, & præficer, quod consensus erit, sed quod erit liberè, sicut præconceptus supponitur in idea per scientiam simplicis intelligentiæ: Ex quo quidem constat, necessitatem fundatam in hac libera Dei præscientia, seu in eius intrinseca infallibilitate, & efficacia, esse necessitatem consequentem ad ipsam consensus liberum in idea, quod satis esse vt non lædat libertatem, efficaciter ostendimus

*Tractat. de Provident. quæst. 16.* Ex quo sequitur etiam, eam necessitatē non esse necessitatem consequentis, sed solum consequentiæ; quia præscientia, licet infallibiliter, & per necessariam consequentiā inferat consensus tanquam consequens, non infert consequens necessarium, sed consensus liberum, & contingens; quia solum infert quod præficer, & quod causat, præficer autem infallibiliter, & efficaciter infert consensus liberum, vt liberum, & contingens, non consensus necessarium; unde necessitas illa, solum est necessitas consequentiæ, non consequentis, quia scilicet ex scientia infallibili Dei de consensu per consequentiam necessariam infertur consequens non necessarium, sed contingens, & liberum, vt liberum, & contingens.

53 Quæ doctrina rectè intelligitur, si cum D. Tho. supponatur, libertatem, seu contingentiam, & necessitatem in effectibus, & actibus causarum secundarum non esse pensandam penes respectu ad causam primam universalem formaliter, sed solum penes respectum ad causam secundam, vel ad causas secundas proximas. Vnde cum D. Tho. in præf. art. 13 sic sibi obiecit: *A causa necessaria procedit effectus necessarius: Sed scientia Dei est causa scitorum, vt supra dictum est: Cum ergo ipsa sit necessaria, non ergo scientia Dei est contingentium.* Respondet, dicendum, quod licet causa suprema sit necessaria, tamen effectus potest esse contingens propter causam proximam contingentem. Sicut germinatio plantæ est contingens propter causam proximam contingentem, licet motus Solis, quod est causa prima, sit necessarius. Et similiter scita à Deo sunt contingentia propter causas proximas, licet scientia Dei, quæ est causa prima, sit necessaria. Quæ doctrina aliquibus vita est difficilis, eo quia scientiam Dei dicit esse necessariam, & scitu contingens. Vnde in contra sibi obiecit D. Tho. *Omni conditionalis, cuius antecedens est necessarium absolutè, consequens est necessarium absolutè; sic enim sic habet antecedens ad consequens, sicut principia ad conclusionem.* Ex principiis autem necessarij non sequitur conclusio, nisi necessaria, vt in 1. Poster. probatur. Sed hæc est conditionalis veritas: Si Deus scivit hoc futurum esse, hoc erit, quia scientia Dei non est, nisi verorum, & antecedens est necessarium absolutè, tum quia æternum, tum quia significatur vt præteritum. Ergo & consequens est necessarium absolutè. Sane, si D. Tho. sensisset cum Schola scientiæ mediæ, facillimè responderet, in ea conditionalis, antecedens non esse causam consequentis, sed potius consequens esse causā obiectivā antecedentis, & item antecedens non esse necessariū, sed contingens, & impedibile per defectum consequentis, seu per potestatem impeditivam consequentis. Sed nihil horū respondet, immo reiecit duabus solutionibus, quæ contendebar, antecedens nō esse necessariū,

respondet: Vnde dicendum est, antecedens esse necessarium absolute. Sed cum, hoc supposito, vigeat magis argumentum, tunc aliam solutionem, sic: Nec tamen sequitur, ut quidam dicunt, quod consequens sit necessarium absolute; quia antecedens est causa remota consequentis; quod propter causam proximam contingens est. Quam tamen adhuc, explicatis facere, inquit, sic subiungens: Sed hoc nihil est, effect enim conditionalis falsa, cuius antecedens est causa remota necessaria, & consequens effectus contingens. Vt puta si diceremus: Si Sol mouetur, herba germinabit. Quo pacto videtur impugnare solutionem datam ad 1. quasi sic argueret: Ideo ex motu solis necessarium, sequitur germinatio plantæ contingens propter causam proximam, vt ad 1. dixerat, quia non est condicionalis vera, nec bona consequentia ex motu solis ad germinationem plantæ; seu quia germinatio plantæ non sequitur infallibiliter ex motu solis; eo nempe, quia influenza solis potest impediri per causas proximas, vt alibi ait: Sed ex scientia Dei de futuro eventum est vera condicionalis, & bona consequentia ad eventum ipsum, quia scientia Dei infallibiliter infert scitum, & eius causalitas impeditur nequit per causas proximas, vt alibi ait: Ergo est manifesta disparitas, & exemplum non satisfacit.

54 Vnde aliter respondet, nempe sic: Et ideo aliter dicendum est, quod quando in antecedente proponitur aliquid pertinens ad actum anime, consequens est accipiendum, non secundum esse, quod in se est, sed secundum quod est in anima. Aliud enim est esse rei in se ipsa, & esse rei in anima. Vt puta si dicam: Si anima intelligit aliquid, illud est immateriale; intelligendum est, quod illud est immateriale, secundum quod est in intellectu, non secundum quod est in se ipso: Et similiter, si dicam: Si Deus scivit aliquid, illud erit; consequens intelligendum est, prout subest diuine scientie, scilicet prout est in sua presentia, & sic necessarium est, sicut & antecedens, quia omne quod est, dum est, necesse est esse, vt dicitur 1. Peribit. En totam doctrinam D. Thom. in qua exponenda laborant Caietanus, Ferrarientis, & alij, quam plurimum. Sed quia in eis plus obscuritatis, quam claritatis inveni, forsan occasionatam ex illo, & terminis antiquioribus, iam in Scholis parum familiaribus, propterea tentabo eorum doctrinam, qua possint claritate donare, & mentem D. Thom. exponere.

55 Pro quo suppono primo, D. Thom. per necessarium absolute, non intellexisse idem, quod necessarium ex terminis, seu ex essentia sua indefectibile, quo pacto Deus dicitur ens necessarium per essentiam, & scientia simplicis intelligentie de quidditatibus rerum, dicitur necessaria, immo & ipsæ essentia, & quidditates rerum dicuntur veritates necessariae, quia ex terminis, & ex

essentia sua hæc omnia non possunt aliter se habere, nec subfuit libero Dei dominio. Solum ergo intelligit per absolute necessarium, quod iam, quando loquimur, est determinatum, & impedibile, quominus ita sit, seu immutabile iam, & inalterabile; licet antequam determinate esset, fuerit in Deo dominum, & libertas vt ita non esset, quia ex essentia sua, seu ex terminis potuit esse, & non ita esse. Hanc suppositionem infere evidenter ex ipso textu Div. Thom. nam probat, quod illud antecedens: Deus scivit hoc esse futurum, esse necessarium absolute, tum quia æternum, tum quia significatur vt præteritum: Sed ex hoc non probatur esse necessarium, nisi prout necessarium dicitur, quod iam est impedibile, & in alterabile, quia nempe æternum est in alterabile, & ad præteritum, non datur potentia; non autem probat, quod ab æterno non potuerit ex dominio Dei non ita, sed aliter fuisse: Ergo. Secundo, quia concludit, quod consequens, nempe futurum, vt subest scientie Dei, seu prout est in Dei presentia, necessarium est, sicut antecedens, quia omne quod est, dum est, necesse est esse: Sed futurum, adhuc prout est in Dei presentia, non ita est necessarium, quod non potuerit ex Dei dominio non ita esse præsens; & item, quod est, dum est, non ita est necessarium, quod non potuerit antecedenter non ita esse, sed solum dicitur necessarium, quia iam non manet possibile ad non esse, nec potentia vt non sit: Ergo hoc secundo, & non primo modo accipit D. Thom. necessarium absolute; id est necessarium necessitate immutabilitatis, non necessitate opposita diuine libertati, & dominio ab æterno existentem. Et confirmatur, quia art. 15. sequenti ad 2. inquit, quod ex hoc quod Deus plura potest facere, quam facit, non sequitur, quod possit plura scire, quam sciat, nisi hoc referatur ad scientiam visionis, ubi satis innuit, potuisse Deum per scientiam visionis plura videre, quam quæ de facto videt, si nempe plura voluisset facere, quam quæ de facto voluit. Et supra vidimus, quæst. 3. num. 3. expressè admittit D. Thom. quod scire Dei respectu futurorum, subiacet eius voluntati, & libertati, qualiter negat illi subesse ipsum esse Dei: Ergo cum ait, hoc antecedens: Deus scivit hoc esse futurum esse necessarium absolute, non intelligitur de necessitate opposita libertati, & dominio Dei, sed de necessitate immutabilitatis, vi cuius iam, dum loquimur, nulla est potentia ad impediendam veritatem illius, nec potest iam impediri, quo minus verum sit ab æterno, & semper. Quo firmiter supposito.

56 Supponendum est, secundo, quod cum D. Thom. ait, quod ex hoc antecedenti: Deus scivit hoc esse futurum, non sequitur consequens, nisi prout subest scientie Dei, nempe prout est in eius presentia, non esse sensum, quod non sequatur existentia ipsius in rerum natura vera, &



reals pro ea duratione, pro qua existitur scitur; scia quod solum sequatur existentia intentionalis illius in scientia Dei hoc enim longe abest à mente D. Thom. sed est sensus quod sequitur existentia realis ipsius futuri, non ut futura Deo, sed ut praesens Deo in sua aeternitate, quia non subest futurum scientiae Dei ut futurum, sed ut praesens in sua aeternitate. Et quia ut praesens in aeternitate iam est absolute necessarium necessitate imminutabilitatis, quia quod est, dum est, necesse est se, & quia ut supra vidimus ex PP. *quaest. 1. a. num. 7.* quae apud nos, & in ordine rerum sunt futura, contingencia, & mutabilia, in aeternitate immutabilia sunt, fixa, & statia, & sic subduntur scientiae visionis Dei, & sic inferuntur ex illa inde est quod, ut ex illa inferuntur, sunt necessaria necessitate immutabilitatis, sicut ipsa scientia visionis Dei, ex qua inferuntur. Quae quidem necessitas non est opposita contingentiae, nec libertati, ut per se patet, quia non tollit, quod causa secundum in suo ordine causarum secundarum, maneat non indifferencia, contingencia, & potestatem impediendi, aut determinandi illum eventum in se ipso, seu in propria duratione, & respectu ad illam; nec quod ille eventus respectu ad causas secundas maneat in certus, contingens, futurus, determinabilis, aut impediibilis per illas: Et sic ex causa secunda, & respectu ad illam semper manet contingentia, & libertas; quae quidem determinabitur, vel determinatur postea, aut pro posteriori ad ipsas causas, & per ipsas causas secundas. Sed quia haec determinatio, quae respectu causarum secundarum est futura, & posterior, respectu Dei in sua praesentialitate, non fixura, nec posterior, sed praesens est; ideo respectu divinae scientiae est necessaria necessitate immutabilitatis, quia nempe, quod est, dum est, necesse est iam esse; respectu vero causarum secundarum futura, contingens, determinabilis, & impediibilis, quia respectu earum non supponitur praesens determinatio, sed est futura, aut posterior. Sic ergo conciliat D. Thom. infallibilitatem divinae praesentiae cum contingencia, & libertate effectus, vel eventus, & sic est concilianda, quin opus sit recurrere ad potestatem causae secundae, quae possit impedire, aut determinate scientiam Dei de futuris, quando potest in suo ordine impedire, aut determinare suum actum, aut exercitium; hoc enim longissime abest à mente D. Thom. Et ex praemissis suppositis, solvantur innumera, quae contra litteram D. Thom. obijci solent, quia procedunt ex non intelligentia ipsius. De cetero autem videatur *Tractat. de Providentia. quaest. 16. & 17. per totam*, ubi de concordia divinae providentiae cum libertate late differui, & nihil restat addendum.

## QUESTIO V.

### IN QVO MEDIO COGNOSCAT Deus futura contingentia absoluta.

**I**N hac quaestione plures sunt sententiae. Prima asserit, ea futura cognosci à Deo in suis causis proximis, quae tribuitur Molinae, Becano, Durando, & alijs. Secunda asserit, ea cognosci in praevia applicatione, seu determinatione voluntatis, vel causae contingentis. Et haec tribuitur Valentiae, Coinch. Theophilo Raynando, & eam potissime tenet N. Maignan in sua Philosophia Sacra. Tertia tenet, ea cognosci à Deo in se ipsis motivis, & terminativis. Et haec est iam communis inter Iesuitas, licet cum hac diffidentia, quod aliqui negant in Deo decreta ab intrinseco efficacia, seu praedeterminativa actuum liberiorum, seu contingentium, etiam bonorum, & salutarium; & hi tenent, ea cognosci vnicè in se ipsis, non autem in divino decreto, aut in essentia divina per illum determinata. Alij vero, admittunt tale decretum, praeteritum de bonis, & salutaribus actibus liberis, & illud negant de actu peccati, adhuc quoad entitatem, unde dicunt, actus bonos, & salutares cognosci à Deo, tum in decreto eorum praedeterminativo, tum in se ipsis; actum vero peccati, & alios, quos à Deo negant praedeterminatos, dicunt cognosci vnicè in se ipsis motivis, & terminativis. Quarta denique sententia est Thomistarum, qui communiter affirmant, omnes actus liberos, & eventus contingentes esse à Deo praedeterminatos, & praedeterminatos decreto efficaci suae voluntatis, ac proinde à Deo cognosci in essentia sua ut determinata per tale decretum; actum autem peccati esse quidem positive praedeterminatum quoad entitatem, & actualitatem positivam, quam importat, solamque permissivam, quoad malitiam, ac proinde cognosci in decreto positivo entitatis, & permissivo malitiae. Et haec est nostra sententia, sed ante illam.

### REIJCIVNTVR SENTENTIAE minus receptae.

**S**uppono primò, futura contingentia non cognosci à Deo ut infallibiliter futura, aut existentia, in causis proximis. Ita D. Thom. in *praesent. artic. 13. in corpore*, ubi sic ait: *Alio modo potest considerari contingens ut est in sua causa. Et sic consideratur ut futurum, & ut contingens nondum determinatum ad unum, quia causa contingens se habet ad opposita, & sic contingens non subditur per certitudinem alicui cognitioni. Unde quicumque cognoscit effectum contingentem in causa sua tantum, non habet de eo, nisi*

nisi coniecturalem cognitionem. Ergo futura contingencia non cognoscuntur à Deo infallibiliter vt futura in suis causis proximis. Et ratio clara est, quia causa proxima futuri contingentis est indifferens, & ad opposita se habens: Sed in medio indifferenti, se habenti ad opposita, non potest cognosci determinatè vnum præ alio vt infallibiliter futurum, vt per se patet: Ergo in causa proxima non potest cognosci futurum contingens determinatè vt infallibiliter futurum, nec existens determinatè pro posteriori. Nec luvat dicere, quod Deus supercomprehendit eam causam proximam, & vi huius supercomprehensionis potest detegere determinationem, quam habitura sit. Contra enim est, quia supercomprehensio non potest tollere, quod causa illa sit medium indifferens, & ad opposita se habens: Sed quantumvis supercomprehendatur medium indifferens, in illo cognoscei nequit infallibiliter extremum determinationis, imò tanto magis cognoscitur eius indifferencia, quanto magis supercomprehendatur: Ergo. Sed de his infra.

4. Suppono secundò, futura contingencia, aut libera non cognosci in prævia applicatione, aut determinatione voluntatis, aut causæ contingentis ad ipsa, nisi cognoscantur in se ipsis. Ita etiam communiter Iesuite. Primò, quia de hac prævia determinatione, & applicatione est eadem difficultas. Vel enim ea est futura contingenter, vel necessario? Si necessaria, rursus rogo, vel infallibiliter connexa cum consensu, & eventu, vel indifferens? Si indifferens: Ergo in ea cognoscei nequit determinatè eventus, vel consensus vt infallibiliter futurus, eadem ratione, qua cognoscei nequit in ipsamet causa proxima indifferenti, vt iam supponimus. Si est infallibiliter connexa, & aliàs necessaria: Ergo eventus non manet contingens, nec consensus liber; quia quod infallibiliter sequitur ex antecedenti necessario, & non contingenti, nec libero, necessarium, & non contingens, nec liberum est; nam certè, si ea applicatio, & determinatio necessaria supponatur, voluntas, non liberè, & contingenter, sed necessario se determinabit, & applicabit præviæ ad consensum; item si ex illa applicatione, & determinatione sequitur infallibiliter consensus: Ergo voluntas necessario, & non contingenter determinatur ad consensum, determinatione infuitrabiliter inferente consensum: Non ergo liberè, & contingenter, sed necessario consentiet, si illa applicatio, & determinatio prævia sit necessario, & infallibiliter connexa cum consensu. Si vero dicatur, quod ea applicatio, & determinatio prævia est libera, & contingens, rogo iam quo medio cognoscitur? Si in se ipsa: Ergo iam futurum contingens cognoscitur in se ipso, quando quidem ea determinatio est contingenter futura, & cognoscitur in se ipsa. Si in alio medio; illud sanè erit, in quo futurum conti-

gens cognoscitur, & non ipsa applicatio, aut determinatio: Ergo tandem vel futurum contingens cognoscitur in se ipso, vel non in ea determinatione prævia.

5. Secundò, nam vel ea applicatio, & determinatio prævia ponitur distincta realiter ab ipsa causa proxima, v.g. vt ad rem loquamur, à voluntate, & obiecto illi proposito; vel realiter indistincta? Si distincta realiter, vel est vniç in voluntate à Deo, & non ab ipsa voluntate; vel vniç ab ipsa voluntate, non à Deo; vel à voluntate, & à Deo? Si vniç à Deo, & non à voluntate, erit sanè physica prædeterminatio RR. Thomistarum, quam tantopere detestantur Autoris huius solutionis, eritque immediatus effectus Dei prædeterminantis, seu voluntatis divinæ efficaciter decernentis, & in eo decreto cognoscetur, non in se ipsa, vnde tandem futurum ex illa determinatione cognoscetur in voluntate divina decernente, seu in divino decreto; quod pariter negant. Si vero dicatur, quod vniç est à voluntate, & non à Deo, sequitur primò, quod aliquid habeat voluntas à se, & non à Deo; & cum illa determinatio sit potissimum initium bonæ voluntatis, imò, & in qua totum meritum actus liberi consistit, sequitur secundò, quod voluntas habeat à se, & non à Deo initium bonæ voluntatis, & totum meritum boni operis, quod est hæreticum. Tertio sequitur, quod voluntas habeat eam determinationem, quæ certè bona est, quando est bonum opus, & non illam acceperit à Deo, contra illud Apostoli. *quid habes, quod non acceperis, si autem acceperis, quid gloriaris, quasi non acceperis.* Mitto alia absurda, quæ inde sequuntur, quia hæc sufficinnt, vt nullus audeat, hoc dicere. Si demum ea determinatio est à voluntate, & à Deo, rogo vel à Deo concurrente ad illam ex determinatione voluntatis, vel à Deo ex propria determinatione concurrente? Si primum: Ergo tenentur dicere, quod ante illam determinationem prævia datur in voluntate alia prævia determinatio, ex qua Dei concursus determinatur ad illam efficiendam. Patet sequela; primò, quia propterea excogitantur illam præviam determinationem ante actum voluntatis, vt possit intelligi quod Deus concurrat ad actum voluntatis vt determinatus à voluntate; quia videtur impossibile, quod concurrat ad ipsum actum, ex ipso actu determinatus ad ipsum: Sed per vos concurrat ad ipsam præviam determinationem vt determinatus à voluntate, & videtur impossibile, quod concurrat ad ipsam determinatus ab ipsa ad efficiendam ipsam: Ergo tenemini admittere aliam præviam, vt possit intelligi, quod concurrat ad ipsam vt determinatus à voluntate ad ipsam: De illa ergo alia erit eadem difficultas, & procedemus in infinitum: Ergo.

6. Propterea N. Maignam cum alijs, dixit, eam præviam applicationem esse indistinctam

realiter à voluntate, & obiecto proposito in tali proportionē bonitatis. Sed hoc etiam non minus, sed sine comparatione maiorem difficultatem habet. Primum, nam vel ea determinatio est ad exercitum talis actus; vel solum quoad specificationem, cum indifferentia ad exercitum? Si hoc secundum, manet tota difficultas in sua vi, nam à quo determinatur voluntas, Deique ad concurrēdū exercitū ad illum actum? Rursus, in quo medio cognoscitur Deus actum illum exercitū futurum? Si primum, quod certe est sensus horum Authorum; ergo voluntas ex obiecto proposito non manet libera, sed determinata iam, & necessitata ad talem actum in exercitio, seu exercitū ponendum. Vbi ergo libertas, & indifferentia in voluntate? Etenim, in potestato voluntatis non est, quod obiectum sibi representetur, vel non sub hac proportionē, vel alia; aliunde semel proposito in tali proportionē bonitatis, ex hoc ipso per identitatem iam est determinata, & necessitata ad actum, & non iam indifferens: Vbi ergo, vel quando in illa libertas vera indifferentie? Inquit, quod ea proportio inter ipsam, & obiectum est libera ipsi, quia ipsa potest seipsam, aut finis suos ampliare, vel comprimere magis, vel minus, ita ut obiectum eius amplitudinem adequet, vel excedat, vel non impleat, secundum quod ipsa magis, vel minus dilatat, vel comprimitur. Si amplitudo, & dilatio volūtatē excedat bonitatem, cum qua obiectum proponitur, tunc non determinatur ex eo: Si non excedat, tunc ea impletur, & determinatur quoad exercitum; & cum ei liberum semper sit, magis vel minus se ipsam, si nūscque suos ampliare, & dilatare, libera semper est illi illa proportio sui cum obiecto, in qua consistit praedicta determinatio.

Sed contra est, nam hic Author, vel intendit, quod voluntas entitative sumpta, & quantum ad suam propriam entitatem, nullo ei entitative distincto superaddito, ampliatur, aut comprimitur, dilatat finis suos, vel illos comprimat? vel quod in actuali affectu, vel actu secundo entitative distincto ab ipsa ampliatur, vel comprimitur, extendat, vel comprimat finis suos? Si primum, planē est chimericum; quia implicat voluntatem realiter entitative invariantam, & immutatam in se ipsa, esse entitative iam ampliorem, iam minus amplam, iam magis, iam minus extensam, & dilatatam, nisi velit, quod entitative invarianta, nunc est maioris entitatis, nunc minoris, quod ex ipsis terminis, omnino repugnat. Nec enim exemplum rarefactionis, & condensationis in quantitate molis id suadet; tum, quia res spirituales, qualis est voluntas, non sunt capaces huiusmodi ampliationis, & condensationis, & est rudissima explicatio velle sic intelligere res spirituales simplices, & indivisibiles, ac quantitate molis. Tum, quia pariter negamus, rarefactionem, &

condensationem in quantitate molis consistere intransitive in ipsa entitate quantitatē absque qualitate realiter distincta, & superaddita, ut diximus in lib. 3. de *Generat. & corrupt.* Si vero dicatur secundum, id omnes fatentur, nam per actum secundum amandi realiter distinctum ab ipsa voluntate, ut potentia est, voluntas ampliat, ac dilatat suum affectum, nunc magis, nunc minus, adeo ut videamus homines ita demissos, & affectus ita compressos, quod rebus vilibus, ac terrenis contenti sunt, in eisque suam felicitatem, & saturitatem habeant; alios vero ita generosos, & affectus adeo dilatati, ut nisi Deo infinito contenti esse nolint; sed hoc ex animi motu, & affectu libero pendet, realiter distincto ab ipso animo entitative sumpto, & ab ipsa voluntate ut potentia est in actu primo; unde de hoc actu, & actuali determinatione ad ipsum est tota quaestio, quae minime solvitur dicendo, quod voluntas liberē determinatur ampliando finis suos, quia hoc ampliare finis est actus secundus liber, ad quem se determinat.

7 Scio huiusmodi Authorem, negare actum secundum in voluntate realiter ab ea distinctum, sicut omnia accidentia, & modos realiter distinctos à substantia. Sed hinc maius contra ipsum sumitur argumentum, siquidem ille totus est, in probando eam determinationem ad actum praevidiam, quia aliter intelligi nequit, quod Deus concurrat ad actum voluntatis ex determinatione voluntatis: Sed iuxta hunc Authorem non datur actus voluntatis ab ea, & obiecto distinctus re ipsa, ad quem Deus de novo concurrat: Ergo superfluit ea determinatio praevidiam; vel assignet ad quid est illa determinatio, & ad quid Deus concurrat ex illa determinatione; quod haud facile prestabit, si Deus, ut ipse vult, nihil entitative novum, aut distinctum effici in voluntate post creationem illius. Mitto alia contra illam determinationem praevidiam; quae Iesuicis etiam ut in plurimum displicet.

8 Ex dictis tamen inferre licet, quod quamvis apud Thomistas admittatur qualitas intrinseca voluntati, eam intrinsecē, & praevidie determinans, non solvitur per illam praesens difficultas; tum quia cum illa ut futura cognosci non possit nisi in decreto Dei, pariter nec actus voluntatis liber cognosci poterit, nisi primario in decreto Dei. Est item quia, ut vidimus ex D. Thom. in causa proxima contingenti non potest cognosci effectus determinatus: Vel ergo voluntas ut determinata per illam qualitatem definit esse causa contingens, vel non? Si non: Ergo adhuc in illa ut affecta tali qualitate cognosci non potest effectus determinatus: Si definit esse causa contingens: Ergo redditur causa necessaria, & tollitur de medio libertas voluntatis, & iam actus voluntatis non erit futurum contingens, sed necessarium; nam effectus causae necessariae determinatur  
ad

ad vnum non est futurum contingens, sed necessarium, vt Eclipsis futura ex motu orbium Coelestium.

9 His præmissis, iam tota controversia vnicè in hoc inter RR. Iesuitas, asserentes, futura absoluta contingencia cognosci à Deo in se ipsis motivè, & determinativè, præcisiuè à decreto efficaci de ipsis; & inter Thomistas hoc negantes, asserentesque, solum Thome à Deo in suo decreto efficaci, siue in sua essentia vt est idæa determinata per decretum ad rei futuræ productionem. Cum quibus.

### NOSTRA SENTENTIA.

10 **D**ICO: *Futura contingencia absoluta non cognoscuntur à Deo in se ipsa motivè, aut determinativè, sed in essentia divina vt idæa illorum determinata per decretum ad illorum productionem.* Prima pars probanda venit omnibus fundamentis, tum ab autoritate, tum à ratione, quibus *Disputat. præcedent. quæst. 4.* probavimus, creaturas nō cognosci à Deo motivè, aut determinativè in se ipsis, quia ea omnia non minus, sed cum maiori vrgentia, probant de creaturis futuris, quam de possibiliibus. Recolantur specialiter verba Dionisij, *Non ex existentibus essentia discerni, &c.* Secunda item pars pariter debet probari eidem fundamentis, quibus *quæst. 4.* ostendimus, & explicavimus, creaturas posibles cognosci à Deo in sua essentia vt in idæa illarum, seu tanquam in causa illarum. Sicut enim essentia divina vt prævenit liberam Dei voluntatem, seu decretum, & in quantum est idæa rerum omnium factibilium, est primum principium inferens à priori res omnes quidditative sumptas, & vt posibles, & factibiles, ita essentia ipsa divina vt idæa rei futuræ determinata per liberam Dei voluntatem, seu per decretum ad ipsarum rerum productionem, est primum principium, & causa inferens à priori rem futuram, non iam vt purè possibilem, aut quantum ad solam quidditatem, sed vt futuram, vel existentem pro posteriori: Ergo sicut Deus in essentia sua vt idæa rerū factibilium, cognoscit res vt posibles, & factibiles; quoad illarū nempe quidditatē, & possibilitatē; ita in illa vt idæa rerum faciendarum determinata per liberam Dei voluntatem, aut decretum ad res ipsas producendas, cognoscit res ipsas vt futuras, aut existentes pro posteriori.

11 Secundo probari posset conclusio ex eo, quod futurum absolutum non constituitur infallibiliter futurum, nisi per decretum efficax primæ causæ: Ergo cognosci non potest infallibiliter, nisi in illo, aut in prima causa determinata per tale decretum. Antecedens probatur, quia futurum non constituitur formaliter futurum, nisi per determinationem causæ ad dandam illi existen-

tiam: Ergo futurum infallibiliter futurum non constituitur formaliter tale, nisi per determinationem infallibilem, & infrustrabilem causæ ad dandam illi existentiam: Sed respectu futuri contingentis non est alia determinatio infallibilis, aut infrustrabilis ad dandam illi existentiam, nisi decretum efficax primæ causæ: Ergo non constituitur infallibiliter futurum, nisi per decretum efficax primæ causæ. Primum antecedens, & totius hic discursus latè confirmatus fuit à nobis in *Metaphysic. quæst. 9. per totam*, & soluta argumenta contraria, vnde supervacaneum iudico hic eadem inculcare, licet ab aliquibus ea controversia de constitutivo futuri hic interferatur.

12 Tertiò probari posset, quia propositiones de futuro contingenti non habent veritatem determinatam. pro priori ad decretum efficax primæ causæ, seu præcisiuè ab illo, sed vnicè per illud: Sed solum possunt cognosci infallibiliter futura contingencia in eo medio, ex quo, & per quod habent veritatem determinatam: Ergo soli cognosci possunt in decreto, aut ex vi illius, seu in essentia divina, vt determinata per decretum. Maiorem, quam hic etiam controversum plerique, ostendimus latè in eadem *Metaphysic. quæst. 16. per totam*, vnde illis lectorem remittimus, & ab illic dictis repetendis abstinemus.

13 Sed contra has duas rationes, dicit forsam aliquis, eas nihil probare, nec esse ad rem, quia Deus non cognoscit futura contingencia, vt futura, siquidem Deus nihil est futurum; sed immediate vt præsentia, & quantum ad eventus ipsos, seu existentiam illorum, prout nempe actu existunt in sua differentia temporis actu præsentis in æternitate; ac proinde non esse ad rem constitutum futuri, vt futuri, nec veritas propositionem de futuro, quandoquidem Deus nihil de futuro cognoscit, nec vt futurum, sed vt existens, & præsens nihil autem constituitur existens, aut præsens per decretum, sed per existentiam propriam in se ipso; vnde quidquid sit de constitutivo futuri, Deus rem futuram cognoscere poterit vt actu existentem in ipsam rem, motivè, aut determinativè. Quæ doctrina confirmari posset ex D. Thomæ pluribus in locis, vbi ait, Deum futura contingencia cognoscere vt actu existentia in se ipsis, & non solum vt futura in suis causis.

14 Sed contra est primò, nam plerique contrariorum vti non possunt hac evasione, quia negant, futura esse physice præsentia Deo in sua æternitate, & consequenter tenentur latere Deum ea de futuro, & vt futura cognoscere; & contra hos omnes tenent duæ rationes præmissæ. Contra secundò, quia dupliciter intelligi potest, quod Deus cognoscat futurum, vt futurum. Primò directè, & exercitè, cognoscendo illud de futuro respectu sui durationis, in qua illud cognoscit; & hoc modo fateamur, quod Deus, nihil cognoscit

vt futurum, sed omnia de praesentia; quia in duratione, in qua Deus cognoscit, nempe in sua eternitate, est praesens omne tempus, & omne quod futurum est in quolibet tempore, & sic exercere, & directe omnia cognoscit vt praesentia, & existentia actu, nihilque vt futurum. Secundo potest cognosci aliquid vt futurum signatè, & quasi reflexè, affirmando nempe, aut iudicando signatè, illud esse futurum alteri, aut in altera duratione ab ea, in qua durat, & cognoscit, qui cognoscit, & hoc modo bene potest Deus ea ipsa, quae exercere cognoscit, & directe vt sibi praesentia, & actu existentia, cognoscere signatè ea esse futura nobis, & in nostro tempore, verasque esse propositiones de futuro à nobis enuntiatas; quo supposito, sic argumentor: Deus cognoscit signatè, Antichristum, v.g. respectu nostri, & in nostro tempore esse infallibiliter futurum: Sed hoc cognoscere non potest, nisi in decreto efficaci de existentia Antichristi, quia in nostro tempore non est aliud, per quod constituatur sic futurum, nisi tale decretum: Ergo saltem in quantum Deus cognoscit futura signatè esse futura respectu nostri in nostro tempore, ea sic cognoscere nequit, nisi in se ipso vt in causa determinata per decretum ad illorum productionem. Quod confirmari potest ex D. Tho. in praesent. quaest. 16. art. 7. ad 3. vbi sic ait: *Illud, quod nunc est, ex eo futurum fuit, antequam esset, quia in causa sua erat ut fieret, unde sublatà causa, non esset futurum illud fieri. Sola autem causa prima est aeterna. Unde ex hoc non sequitur, quod ea, quae sunt, semper fuerit verum ea esse futura, nisi quatenus in causa sempiterna fuit ut essent futura, quae quidem causa solus est Deus.* Etenim rogo, quomodo semper fuit verum rem esse futuram in causa sempiterna? Non sanè exercitè in eternitate eius, quia in eternitate nihil est futurum; sed solum in tempore imaginario eterno à parte autè, quia cum semper in quocumque tempore imaginato à parte autè extiterit causa sempiterna determinata ad rei futurae productionem, in omni illo tempore semper fuit verum rem esse futuram per determinationem primae causae semper existentem: Deus ergo cognoscit signatè rem fuisse semper, id est, in omni tempore à parte autè futuram infallibiliter; non aliunde, non in alio, nisi in se ipso, vt per decretum determinato ad rei productionem.

15 Loquendo vero, in quantum Deus cognoscit res futuras exercitè vt sibi praesentes in sua eternitate, qui est potissimus modus cognoscendi eas in Deo, non probamus eas sic cognoscere in decreto suo, quia per decretum constituuntur futurae tempore anteriori; immo, quavis per impossibile non fuissent futurae tempore vilo anteriori, si semel existerent in aliquo tempore, Deus eas cognosceret vt praesentes sibi in illo tempore semper sibi praesenti; non tamen eas cognosceret vt futuras in tempore vilo anteriori. Aliandè

igitur probandum est, quod eas vt existentes, & praesentes solum cognoscit in decreto. Vnde sic argumentor: In primis Deus non cognoscit futura signatè vt infallibiliter futura, nisi in decreto, quia non constituuntur sic futura, nisi per decretum, adeo vt illo sublato, futura non fuissent nam vt inquit D. Thom. *sublatà causa, non esset futurum illud fieri.* Ergo saltem verum est, quod ea non cognoscit signatè vt infallibiliter futura in se ipsis, sed solum in decreto. Et vergeri potest, quia iuxta D. Thom. vbi supra nam. 2. *Futurum est, in se ipso, secundum, quod actu est, non consideratur vt futurum, sed vt praesens.* Ergo implicat cognosci in se ipso, & vt futurum cognosci. Ergo in quantum à Deo cognoscitur signatè vt futurum, non cognoscitur futurum in se ipso, sed in causa vt determinata, id est in Deo vt determinato per decretum.

16 Deinde nec cognoscit futura exercitè vt praesentia, & vt actu existentia, motivè, & terminativè in ipsismet futuris: Ergo nullo modo cognoscit futura motivè, & terminativè in se ipsis. Probatu antecedens, non iam ex constitutione futuris, sed primo, quia non est idem cognosci futurum vt actu existens in se ipso, ac cognosci in se ipso motivè, & determinativè: Ergo licet ratione praesentis in eternitate cognoscantur futura, vt actu existentia in se ipsis, non tamen inde sequitur, quod cognoscantur in se ipsis motivè, & determinativè. Probarur antecedens; quia cognosci vt existens in se ipso, praesens importat, quod cognitio terminetur directè ad ipsum vt actu existens in tempore praesentis; cognosci autem in se ipso motivè, & determinativè, importat, quod ipsum sit obiectum motivum, & determinativum ad sui cognitionem intuitivam: Sed licet cognitio divina terminetur directè ad futurum, non vt futurum, sed vt actu existens in tempore Deo praesentis, tamen futurum vt existens in tempore Deo praesentis non est obiectum motivum, nec determinativum ad sui cognitionem intuitivam: Ergo. Probarur minor omnibus fundamētis, quibus *Disput. praed. quaest. 4.* probavimus, creaturas non posse esse obiectum motivum, nec determinativum divinae cognitionis. Itemque, quia vt *quaest. praed.* ostendimus, scientia visionis est causa, cur obiectum existat in se ipso, non autem e contra: Sed oppositum esse dicendum, si esset obiectum motivum, & determinativum illius: Ergo futurum vt existens in se ipso non est obiectum motivum, nec determinativum cognitionis ipsius: Non ergo cognoscitur motivè, aut determinativè in se ipso, adhuc quando cognoscitur vt existens actu in se ipso.

17 Ex quo iam sequitur secunda pars conclusionis, nempe, quod futurum vnicè cognoscitur motivè, & determinativè in essentia divina, vt est idea propria futuri designata per

decretum, aut per divinam voluntatem ad ipsius productionem; tum quia non relict aliud medium, in quo motivè, & determinativè cognoscatur. Tum quia Deus non habet aliud obiectum motivum, & determinativum suæ cognitionis, nisi suam essentiam: Sed ad cognoscenda futura ut acta existentia in se ipsis, non movet, nec determinat essentia divina ut prævenit liberam Dei voluntatem, sed per ipsam liberam voluntatem, quam appellamus decretum: Ergo cognoscuntur in essentia divina ut determinata per liberam voluntatem, aut per decretum, sive ut melius dicani, in ea, ut per liberam voluntatem determinante, & causante existentiam futurorum.

18. Quartò probatur conclusio ex August. lib. de Prædest. Sanctior. cap. 10. vbi sic ait: *Prædestinatione Deus ea præfixit, quæ fuerat ipse factururus.* Item ex Hilario lib. 9. de Trinitat. vbi sic ait: *Quæ Deus facere decrevit, in sua voluntate cognovit.* Item ex D. Thom. pluribus in locis, videatur suprà relatus quæst. 2. num. 4. vbi expressè asserit, futura esse determinata in idæis divinis, seu in causa temporaria, ita ut causæ istæ superiores nunquam deficient ab adimplentione suum effectuum, & ideo, concludit, in causis superioribus cognoscuntur rerum eventus absolute, sed in inferioribus non nisi conditionatè. Mitto alia plura loca D. Thom. iam relata suprà, vel adducenda infrà, quia mens D. Thom. in hoc puncto satis per se clara est.

19. Quintò denique probatur conclusio tatione, quia Deus absolute, & efficaciter decreto decernit omnia, quæ absolute futura sunt, excepto peccato: Sed eo ipso ea cognoscit in se ipso ut in causâ determinante, & causante per decretum illorum existentiam: Ergo ea sic cognoscit in se ipso. Maior probatur, quia in primis Deus absolute, & efficaciter decreto decrevit omnes effectus futuros independentes à libero arbitrio creaturæ, siquidem circa illos non est cur voluntas divina se habuerit indifferenter. Imò si indifferenter se habuisset, futuri non essent, ut ipsi contrarij viderentur, & est communis sententia PP. à nullo, quem viderim, negata: Deinde etiam decrevit decreto absolute, & efficaciter, tam intentivo, quam executivo omnes actus liberos bonos pendentes à libero arbitrio creaturæ, ut latè ostendimus Tractat. de Provid. Ergo.

20. Deinde quoad peccata, decrevit etiam positivè actum peccati, quantum ad id quod entitatis, & bonitatis est in ipsis, & permissivè illorum malitiam, decreto prædeterminativo quidem entitatis, & permissivè malitiæ. Vt ostendimus etiam latè Tractat. de Provid. quæst. 19. & 20. sed hoc decretum est altissimum medium in quo Deus cognoscit peccatū, tum quoad entitatem, tum quoad malitiam: Ergo tandem medium, in quo Deus cognoscit omnia futura absoluta, sive

bona, sive mala est decretum, vel efficax, & prædeterminativum erga bona, vel permissivum erga mala ut talia.

### SOLVUNTUR OBIECTA.

21. **O**BJICES primò: Si Deus solum cognosceret futura contingentia in suo decreto efficaci, superflueret præsentia illorum in æternitate ad ea cognoscenda: Sed per nos hæc exigitur: Ergo non cognoscuntur solum in decreto. Probatior maior, quia ut ea cognoscat in decreto, satis est præsentia decreti. Hoc argumento iam respondimus suprà q. 2. m. ult. Sed aliter explicò eandem solutionem, distinguendo maiorem: Si Deus solum cognosceret futura in decreto ex parte rei cognite, concedo: Si solum ea cognosceret in decreto ex parte medij, aut motivi cognoscendi ea, nego maiore, & concessa minori, distinguo consequens eodè modo. Itaque cognosci in decreto ex parte rei cognite, est cognosci ut extrinsecè determinata, & contenta in decreto, aut in essentia divina per decretum, ita ut res signatè cognita sint futura ut contenta, & determinata in ipso decreto; & hoc pacto negamus, tem cognosci solum in decreto, quia non cognoscuntur tantum ut continentur in causâ determinatâ per decretum; sed ut sunt in se ipsis secundum esse proprium distinctum à decreto, & extra causas: Et ad hoc dicimus requiri præsentiam illorum physicam æternitate, quia sine illa solum possent cognosci ex parte rei cognite ut existentia in causâ determinatâ, seu quantum ad ordinem, quem haberet de præsentem in causâ, non vero quantum ad eventum, executionem ordinis, & existentiam propriam illorum extra causas, ut vidimus quæst. 2. à n. 6. Cognosci vero in decreto ex parte motivi cognoscendi, est moveri, & determinari obiectivè cognitionem à decreto; & hoc pacto dicimus solum cognosci in decreto, per quod non excluditur, quod cognitio terminetur directè, & immediatè ad ipsa futura ut sunt in se ipsis existentia, & consequenter nec necessitas præsentis physice in æternitate; nam hanc præsentiam non exigit D. Thom. ut futura moveant, aut determinent scientiam Dei, cum hoc nunquam admittat; sed ut cognitio divina feratur, seu terminetur ad ipsa futura prout actu existentia in se ipsis extra causas.

22. OBJICES secundò: Medium, in quo cognoscit Deus infallibiliter futurum, debet esse prius intelligibile, & connexum infallibiliter cum ipso: Sed decretum divinum non est prius intelligibile, quam effectus futurus: Ergo nec medium in quo cognoscatur. Minorem probat Vazquez, cuius est argumentum, primò, quia decretum solum addit suprà actum necessarium Dei respectum rationis ad creaturam, vel effectum, vel denominationem extrinsecam ab ipso effectu: Sed nec res-

pectus

pectus rationis, nec extrinseca denominatio ab effectu ipso potest prius intelligi, quam effectus ipse, quia fundatur in ipso: Ergo nec decretum liberum Dei. Secundo, quia decretum liberum Dei pro recto solum importat entitatem actus necessarij, quæ ex se non potest esse infallibiliter connexa cum effectu, quia necessarium non connectitur cum contingenti; pro obliquo tamen, & de connotato, importat ipsum effectum: Sed neutro modo potest esse medium cognoscendi infallibiliter effectum. Ergo. Probatur minor, quia pro recto non importat connexionem infallibilem cum effectu, ut diximus: Ergo pro recto non est medium cognoscendi infallibiliter effectum. Deinde pro obliquo est ipse effectus: Ergo nec pro obliquo est medium cognoscendi ipsum effectum.

23 Respondet hoc argumentum potissimè pendere ex modo explicandi, & constituendi liberum Dei decretum. De quo *Disput. sequent.* si enim constituitur pro recto per formalitatem, aut terminationem activam intrinsecam defectibilem, & additam actui necessariò, ut plures Theologi etiam ex Iesuistis tenent, nullam vim habet argumentum, quia illa terminatio activa, & intrinseca intrinsecè connexa est cum effectu, & prior natura ipso effectu, & consequenter medium à priori cognoscendi ipsum. Si vero constituitur pro recto vnicè per ipsum actum necessarium, & de connotato per effectum, ut infra explicabo, respondeo, distinguendo maiorem: Medium, in quo cognoscit Deus infallibiliter futurum, debet esse prius natura, & connexum infallibiliter cum ipso futuro, connexionem liberam, concedo: Connexione necessaria, nego maiorem, & minorem, quia nunquàm admitteremus, quod decretum Dei liberum constituitur per respectum rationis, imò nec per denominationem extrinsecà ab effectu desumptam, quia cum sit causa realis effectus, implicat, quod causa realis constituitur per ens rationis, nec per denominationem ab effectu ipso, cuius est causa realis efficiens, seu in genere causæ efficientis: Solum ergo admittemus, quod pro recto importet præcisè actum necessarium, ut liberè amantem creaturas; quod pacto licet liberè tantum inferat effectum, sicut liberè tantum amat, infallibiliter tamen illum infert, & esse potest medium cognoscendi liberè, & infallibiliter effectum. Ad secundam, distinguo maiorem quoad secundam partem: Quæ ex se non potest esse infallibiliter, & necessariò connexa cum effectu, concedo: Infallibiliter liberè, nego maiorem, & minorem. Ad cuius probationem dico, quod entitas actus necessarij, quam importat pro recto actus Dei liber, non est necessariò, & antecedenter connexa cum effectu, quia necessarium in essendo non potest necessariò connecti, aut necessariò inferre aliquid contingens in essendo, ex necessariò eodem per necessariam consequentiam non sequitur nisi necessarium; attamen necessarium

in essendo, liberum tamen in volendo, vel causando, potest liberè inferre in fallibiliter effectum contingentem, & cum illo liberè infallibiliter connecti, quia ex necessariò per liberam illationem, & consequentiam bene potest inferri contingens; & hoc sufficit ut pro recto sit medium liberè movens, & determinans scientiam Dei ad cognoscendum effectum contingentem infallibiliter, quia licet liberè, infallibiliter tamen, & irresistibiliter infert effectum à priori, & per modum causæ. Quam doctrinam infra fufius explicabimus. Modo tamen, certum sit, quod quomodocumque constituitur decretum, debet constitui ut causa futuri, & futurum ut effectus detesti, in hoc enim omnes conveniunt, ita ut decretum sit ratio à priori existendi effectus, effectusque ideo existat, quia Deus vult: Sicut ergo componatur, quod decretum sit ratio à priori existendi effectum, eodem modo debet explicari, & componi, quod sit ratio à priori cognoscendi effectum; nam eundem ordinem, quem habent decretum, & effectus quoad esse, debent habere in cognoscendo.

24 Obijcies tertio: Si decretum sit medium, in quo cognoscitur futurum, cognitio futuri erit in Deo specie distincta à cognitione eiusdem ut possibilis: Sed hoc admitti non potest: Ergo nec potest medium. Sequela probatur, quia decretum est movens, aut medium distinctum ab essentia divina, quæ est medium, in quo Deus cognoscit possibilia: Sed ubi media, & motiva cognoscendi sunt distincta, etiam cognitiones sunt specie distinctæ: Ergo. Respondeo, distinguendo maiorem: Si decretum sit medium, in quo cognoscitur futurum, applicativè solum, sive ut quo applicatur essentia divina ut movet, nego maiorem: Si sit medium ut quod, & seorsim ab essentia divina, transeat maior, seu sequela. Ad cuius probationem, nego maiorem, quia decretum non ponimus ut medium distinctum ab essentia divina, seu seorsim ab illa, sed solè ut quo applicatur essentia divina, vel eius vis motiva ad futura; essentia enim divina per se ipsam movet necessariò ad cognitionem possibilium, quia necessariò iofert ea esse possibilia, solumque liberè movet ad cognoscenda ea ut existentia; & cum non possit liberè movere, nisi per voluntatem liberè volentem, vi cuius applicatur liberè ad effectus, ideo ponimus decretum liberum, non ut medium distinctum, sed ut applicatione liberam eiusdem medij, in quo cognoscuntur necessariò possibilia. Sicut enim idem est principium obiectivum, quod infert necessariò possibilia, & liberè per voluntatem existentia, ita idem est medium obiectivum cognoscendi necessariò possibilia, & liberè existentia; unde sicut in voluntate non distinguimus duos amores specificè, unum necessarium bonitatis divinæ, & aliud liberum creaturarum, sed eundem dicimus esse amorem necessarium divinæ bonitatis, & liberum creaturarum, quia eadem bonitas divina, quæ necessariò movet ad sui amorem,

libera movet ad amorem creaturarum, ita similiter dicimus, quod idem medium, quod necessarium movet obiectivè ad cognitionem possibilem, liberè movet, & determinat ad cognitionem existentium, & sic est eadem ipsissima cognitio, quæ necessaria est respectu possibilem, & libera respectu existentium.

25 Ex quo inferes, quod licet Thomistæ plerumque dicant, futura cognosci in decreto, decretum esse medium, & alia huiusmodi, hoc semper intelligendum est, per modum applicationis, aut extensionis essentiae divinæ, quæ necessarium solum infert creaturas vt possibilem, & determinat divinam cognitionem ad illas, liberè vero per decretum infert etiam plures existentes, & extendit liberè divinam cognitionem ad ipsas; licet ob inopiam vocum sæpè aliter loquamur. Imò, quando dicimus, quod essentia divina movet vt determinata per decretum, non est intelligendum, quod essentia divina propriè determinetur per decretum, quia ipsa non est passivè indifferens, sed potius, idem, ac essentia divina vt determinans activè per decretum existentiam futurorum, sic enim movet divinam cognitionem ad ea vt existentia. De his tamen latè infra, cum de constitutivo actus liberi Dei dicamus.

26 Quartò obijcies: Futura in se ipsis habent veritatem determinatam præcisiivè à decreto: Ergo cognoscibilitatem determinatam intrinsicam: Ergo in se ipsis sunt determinatè cognoscibilia: Sed Deus ea cognoscit omni modo, quo sunt cognoscibilia: Ergo ea cognoscit in se ipsis. Respondeo, distinguendo antecedens: Futura vt futura in se ipsis, implicat interminis: Futura vt actus existentia in se ipsis, subdividuo: Habent veritatem primam, & per essentiam talem, nego: Veritatem secundam, & participativè talem, concedo antecedens, & distincto primo consequenti eodem modo, distinguo aliter secundum: Ergo in se ipsis sunt determinatè cognoscibilia terminativè secundariò per divinam cognitionem, aut motivè, & terminativè primariò per cognitionem creatam, concedo: Motivè, aut terminativè primariò per divinam, nego consequentiam: Et distinguo pariter minorem subsumptam: Deus cognoscit ea omni modo quo sunt cognoscibilia ex parte rei cognitæ, aut terminativè secundariò, concedo: Ex parte cognoscentis, aut ex parte movè, nego minorem, & consequentiam in eodem sensu. Faremur enim in primis, quod Deus cognoscit futura in se ipsis terminativè, seu ex parte rei cognitæ, quia cognoscit ea existere in se ipsis, sive vt sunt in se ipsis, non quidem vt futura, quia vt sæpius vidimus ex D. Thom. dum futurum consideratur vt est in se ipso, non consideratur vt futurum, sed vt præsens, & solum consideratur vt futurum, dum consideratur vt est in suis causis; vade implicat in terminis futurum cog-

nosci in se ipso vt futurum, quia implicat futurum in se ipso futurum; nec vñquam hoc potui intelligere in sententia cõtrariorù: Solum ergo cognoscit Deus futura vt sunt in se ipsis præsentia, aut existèntia, & hoc ex parte rei cognitæ; ex parte vero motivi, aut rationis formalis cognoscendi nõ in ipsis, sed in sua essentia liberè movente ea cognoscit. Nec oppositum probatur, ex eo, quod in se ipsis habeat intrinsecam veritatem, quia solum habent veritatem secundam, & per participationem talem; quæ quidem nata est movere, & determinare obiectivè intellectum secundum, & participativè talem, non autem intellectum primum, & per essentia talè, quia hic non potest obiectivè moveri, nisi à veritate prima, & per essentiam taliquod ad eò per se verum est, vt mirum videatur esse, qui negent. Nec Deus debet cognoscere futura omni modo quo cognoscibilia sunt ex parte motivi, aut motivi, quia cognoscibilia sunt finitè coniecturaliter, ex motivo creato, &c. & Deus hoc modo ea non debet cognoscere; sed solum debet ea cognoscere omnimodo quo cognoscibilia sunt ex parte rei cognitæ, cognoscendo nempe omnem modum, & omne inotivum, quo cognoscibilia sunt à quolibet intellectu, sed non ea cognoscendo omni modo, nec omni ex motivo, quo à quocunque intellectu cognoscibilia sunt, sed solum eo modo, & ex illo motivo, quo à primo intellectu, nempe à se ipso cognoscibilia sunt, quod motivum sola est prima veritas per essentiam.

27 Obijciunt quintò, quia licet erga alia futura detur in Deo decretum efficax, & antecedens, non tamen erga futuros actus nostros liberos; quia tale decretum opponitur libertati eorum: Ergo saltèm nostros actus liberos non cognoscit Deus in decreto efficaci, & antecedenti, sed in se ipsis. Confirmatur, quia etsi admittatur decretum efficax erga actus liberos bonos, non tamen potest admitti erga liberos pravos, quia faceret Deum Authorem peccati: Ergo saltèm actus liberos pravos non cognoscit Deus in decreto, sed in se ipsis. Hoc argumentum est potissimum motivum contrariorùm, cuius causa tota diversitas orta est inter Scholam Iesuiticam, & Thomisticam. Sed facitè respondeo, negando antecedens, quia iam latè ostendi *Tractat. de Provid. quest. 16. & 17.* præfatum decretum ab intrinseco efficax, & antecedens non tollere, sed potius inferre, & optimè conciliare libertatem creatam. Ad confirmationem similiter dico, admittendum esse decretum efficax erga actus pravos quoad entitatem, & actualitatem physicam, quam important, quod permissivum sit erga illorum privitatem, & malitiam, quin proinde sequatur tale decretum facere Deum Authorem peccati. Vt ostendimus latè *ubi supra quest. 19. & 20.* & in hoc decreto cognoscit Deus actus pravos.



QUESTIO VI.

IN QVO MEDIO DEVS FUTURA  
conditionata cognoscat, seu an detur  
scientia media?

**C**oncertatio, sive controversia ista  
facis celebris est inter Theologos;  
quia in ea positissime controvertitur scientia illa  
media, cuius primus Author, si ipsi credimus,  
Molina fuit Societatis Theologus. Ipse enim in  
concordia Ulyssipone edita aperte supponit prae-  
dictam scientiam mediam, seu rationem concili-  
andi libertatem humanam cum praescientia, &  
praedestinatione ignotam fuisse Augustino, & alijs  
PP. ceterisque Scholasticis vsque ad sua tempo-  
ra. *Quae si data, explanataque semper fuisset,*  
*inquit, forsam neque Pelagianae haeresis fuisset*  
*exorta, neque ex Augustini opinione, concerta-*  
*tionibusque cum Pelagianis tot fideles fuissent*  
*turbati, ad Pelagianosque defecissent, facilius*  
*reliqua illa Pelagianorum in Galia, de quibus*  
*in Epistola Prosperi, & Hilarii sit mentio, fuis-*  
*sent extincta.* Ceterum aperte fallitur Molina,  
nam testantibus iam utriusque Scholae Doctori-  
bus, scientia media, licet non sub isto nomine,  
olim temporibus Augustini, à Pelagianis, & Semi-  
Pelagianis circumserebatur, licet mille admixta er-  
roribus, eaque abutebantur, inquit Suarez, pro eis  
defendendis. Vnde Augustino contra Pelagianos  
agenti ignota esse non potuit, neque Patribus  
illius temporis. Solum ergo Molina de novo eam  
excitavit, simulque tantum inter Theologos Ca-  
tholicos dissidium, ut ad fidei tribunalia eam  
controvertantur haud pauci detulerint, ex indeque  
SS. Pontifices Clemens VIII. & Paulus V. ad se  
littem avocaverint, quae in Romana Curia coram  
praedictis Summis Pontificibus per varias Sessio-  
nes agitata est, ab ann. 1602. vsque ad ann. 1606.  
habitus denique permixtus à PP. societatis eam  
scientiam mediam propugnandi certis cum mo-  
derationibus, ut refert P. Henao in sua scientia  
media historice propagata. Nec praedicta con-  
tentio ideo cessavit inter Catholicos, imò in dies  
crevit, erumpentibus quotidie integris volumi-  
nibus, vel ut defendatur, vel ut impugnetur. In  
his tamen duo vitanda notavi, nempe, & nimiam  
latitudinem, quae vel dicta inculcant, vel imperi-  
nentia congrunt; & censurandi, notandique li-  
centiam, dictisque invendi Authores opposi-  
tos. Eoque in hac quaestione utrumque pro posse  
vitare conabor, dum brevis stillo ea praecise, quae  
immediate, & per locum ab intrinseco difficulta-  
tem istam attingunt, pertractabo, & ab omni  
censura, dictisque ablinebo iniuriosisque sive  
à nobis in contrarios, sive à contrariis in nos pro-  
ferantur, nihil prius veritatis illi sententiam

conciliant, nihil falsitatis in opposita pro-  
bant.

**2** Igitur scientia media, quatenus modo  
explicari potest, nihil aliud est, quam praescien-  
tia, quae Deus, antequam quidquam decernat de  
libero voluntaris humanae arbitrio, nec de eius  
actibus, praenoscere dicitur, quid voluntas hu-  
mana eligeret, aut vollet sub quibuslibet condi-  
tionibus, & circumstantijs, sub quibus consideretur  
proxime libera, & indifferens ad utrumlibet. Exemp-  
plar. *quod voluntas creata, si vocetur auxilio,*  
*aut inspiratione morali A. consentiet illi.* Ex quo  
iam interest, obiectum scientiae mediae esse nostros  
actus liberos, ut contingenter futuros sub condi-  
tione pro priori ad omne decretum exercitum  
divinae voluntatis.

**3** Pro cuius clara intelligentia recolenda  
est doctrina, quam tom. 3. *Cursus Philosoph. in*  
*Metaphysic. quaest. 9. & 10.* tradidimus de futu-  
ris abiolutis, & conditionalis; itemque *quaest. 16.*  
de veritate propositionum de futuro; quae licet  
hic non minus propria sedem habere, quam  
illuc, ne eadem transcribamus, ad ea lectorem  
remittimus. Ex illis enim maxime pendunt, quae  
dicuntur; quin imò haud difficile esset ex ibidem  
dictis à fundamento ipso, sive ab eius obiecto  
scientiam mediam impugnare hoc duplici argu-  
mento. Primum sic: Obiectum scientiae mediae à  
suis Authoribus assignatum, sunt actus liberi vo-  
luntatis creatae ut conditionate contingenter fu-  
turi pro priori ad omne decretum libere exerci-  
tum Dei: Sed actus liberi voluntatis creatae non  
sunt futuri contingenter conditionate pro priori  
ad omne decretum: Ergo non datur obiectum  
scientiae mediae: Ergo nec ipsa scientia media. Ma-  
ior est contrarium. Minorem habes fasè pro-  
batam *ubi supra quaest. 10. per totam.* Ibi enim  
efficaciter ostendimus, nihil esse contingenter  
conditionate futurum pro priori ad omne decre-  
tum exercitum Dei, seu independentem ab eo. Se-  
cundum sic: Futura contingenter conditionata  
non sunt scibilia ut determinate talia pro priori  
ad omne decretum exercitum Dei: Sed eo ipso,  
Deus ea non cognoscit ante omne decretum  
exercitum ut determinate futura: Ergo non datur  
scientia media, quae in huius antelucana cogniti-  
one consistit. Maior probatur, quia quod non est  
determinate verum, nec habet veritatem deter-  
minatam, non est determinate scibile, scibiles  
enim super veritatem fundantur: Sed ut ostendi-  
mus *ubi supra quaest. 16. per tot.* futura contin-  
gentia conditionata non habent veritatem deter-  
minatam, nec sunt determinate vera ante decre-  
tum: Ergo pro eo priori non sunt scibilia ut de-  
terminate futura conditionate.

**4** Nihilominus, tamen, quia scientia ista  
media variè à suis Authoribus explicatur, non  
numquam ab omnibus assignetur medium, in quo  
Deus

Deus futura conditionata cognoscat; & quia in hoc non pauci conari sunt declinare duas extremas sententias, propter eam opus erit, in hac questione fusius solito discurre. Eaque propter eam, præter morem, dividemus in varios articulos, tum ad confusionem vitandam; tum vt cuilibet sententiae suae respondeat locus; tum vt recta methodus, & ordo setvetur. Sit ergo.

### ARTICULUS PRIMUS.

**AN DEVS COGNOSCAT FUTURA**  
*conditionata contingentia in libero*  
*arbitrio supercompre-*  
*hensio?*

**R**espondeo *negatim*. Contra Molinam, qui in sua Concordia *quest. 4. artic. 13. disputat.* 50. eo asserit, Deum ante decretum cognoscere futura libera, quia per suam infinitam scientiam supercomprehendit liberum arbitrium, & in eo, sic supercomprehensio, agnoscit infallibiliter, quid voluntas factura sit sub quibuslibet circumstantiis, *vt* vocationibus. Verumtamen hæc sententia communiter deferitur à suis in sensu obvio, quem præfert, licet ab aliquibus explicetur in alio sensu.

**6** Nostra tamen conclusio probatur facile, & efficaciter, quia in causa indifferenti ad vtrumlibet eorum extremum potest cognosci infallibiliter vt determinat futurum: Sed liberum arbitrium, quantumvis supercomprehensum, est causa indifferens ad vtrumlibet, v.g. ad consensum, & dissensum: Ergo in eo, quantumvis supercomprehensio, neque cognoscit infallibiliter vnum extremum, v.g. consensum determinatè prædissensu, vt futurum conditionatè. Maior, quæ sola est difficilis, est D. Thom. pluribus in locis. Videatur in *present. quest. 14. artic. 13. & quest. 57. artic. 3. quest. 86. artic. 4. & 2. 3. quest. 171. artic. 6. & 1. contr. Gent. cap. 67. & quest. 2. de Veritat. artic. 12. & quest. 12. artic. 10. & alibi sæpe, vbi constanter tenet, quod de futuris contingentibus in suis causis proximis haberi non potest cognitio infallibilis, aut certa, sed ad summum coniecturalis, seu quod in eis talia futura non possunt certò cognosci, sed solum coniecturaliter. Deinde probatur ratione, quia effectus non aliter possunt cognosci in sua causa, nisi quatenus habeant esse in illa, cognosci enim sequitur ad esse: Sed in causa indifferenti, vt indifferenti ad vtrumlibet, neutrum extremum habet esse determinatè futurum, vt se patet, quia alias iam non esset indifferens, sed determinata: Ergo.*

**7** Respondet Molina, hoc verum esse respectu intellectus cognoscentis quidditative, vel purè comprehensivè causam indifferentem, nempe liberum arbitrium, sed non respectu intel-

lectus divini, qui per infinitam suam scientiam non purè comprehendit, sed supercomprehendit liberum arbitrium creatum. Sed contra est, quia Deus per supercomprehensionem solum potest cognoscere in libero arbitrio, quod in illo cognoscibile fuerit, non vero, quod in illo cognoscibile non sit, nisi velis, quod vi supercomprehensionis cognoscere possit in libero arbitrio vnius hominis actus liberos alterius, imò & Angelorum, & alia huiusmodi: Sed ostensum manet, quod in libero arbitrio indifferenti non sunt certo, & infallibiliter cognoscibiles eius actus vt determinatè futuri: Ergo quantumvis Deus illud supercomprehendat, nequit in illo eos actus vt determinatè futuros certò cognoscere.

**8** Confirmatur primo, quia vt Deus in libero arbitrio, tanquam in medio obiectivo, cognosceret consensum vt determinatè futurum prædissensu, opus erat, quod liberum arbitrium esset ratio obiectivè movens, & suadens certò futurum esse consensum prædissensu: Sed hoc est impossibile adhuc respectu intellectus divini supercomprehendens: Ergo & quod intellectus divinus per supercomprehensionem cognoscat infallibiliter in illo futurum consensum prædissensu. Maior patet, quia illa est condicio cuiusque modij obiectivi, in quo aliquid cognoscitur. Minor vero probatur, quia quod ex se est indifferens ad consensum, & dissensum, implicat, quod sit ratio obiectiva obiectivè, & certò suadens futurum consensum prædissensu, quia indifferens, vt indifferens, ex se obiectivè non suadet certo, & determinatè vnum potius extremum, quam aliud, ad quod est indifferens: Sed liberum arbitrium ex se est indifferens ad consensum, & dissensum, vt supponimus: Ergo.

**9** Confirmatur secundò, quia quanto cognitio perfectior, & certior est, tanto firmiori, & certiori medio innit debet ad cognoscendum obiectum: Sed supercomprehensio, quæ talis est perfectissima cognitio: Ergo quia talis debet inniti medio obiectivo firmissimo, & certissimo ad cognoscendum consensum vt futurum prædissensu. Tunc sic, sed liberum arbitrium secundum se, & ante omnem determinationem Dei, vel illius circa consensum, (quo sensu loquimur de illo) nō est medium firmissimum, sed valde infirmum, nec certissimum, sed incertissimum, vt potè indifferens, & flexibile ad oppositum: Ergo tam longè abest, vt divina cognitio, quia supercomprehensio est, possit eo vt in medio obiectivo ad cognoscendum consensum futurum, quod potius ex eo capite probatur oppositum.

**10** Sed obijcit Molina: Comprehensio liberi arbitrij terminatur ad omnia, cum quibus habet necessariam connexionem: Sed supercomprehensio aliquid plus debet attingere: Ergo debet terminari etiam ad actus liberos, qui contin-

genter ex illo sequuntur, alias enim nihil plus cognoscere, quam comprehensio. Confirmat, quia Patet ex indole filij sibi nota sepe cognoscit, saltem cōiecturaliter, in quam partē filius inclinabit: Ergo Deus, qui hominis genium, & inclinationem perfectissime penetrat, & supercomprehendit, non solum cōiecturaliter, sed infallibiliter, & evidenter id cognoscere poterit.

11 Respondet, concessa maiori, negando minorem, quia comprehensio obiecti ut sic verē talis, debet attingere in obiecto quiddam ex vi illius attingibile est, ita ut ex vi illius nihil vltra maneat attingibile, si enim aliquid vltra maneat cognoscibile, iam non cognoscit obiectum, quantum cognoscibile est, & consequenter non comprehendit illud: Semel autem cognito in obiecto quiddam ex vi illius cognoscibile est, implicat cōtradictionem, quod per supercomprehensionem aliquid plus in obiecto, & ex vi illius cognosci possit. Unde excessus supercomprehensionis ad comprehensionem non est ex parte obiecti, nec exactus ab obiecto, sed ex parte cognoscentis, aut maioris luminis cognoscitivi. Ex quo ad confirmationem, concessa antecedenti de cognitione cōiecturali, nego consequentiam, quia quamvis cognitio divina sit infinitē perfectior, non sequitur quod cognoscat certo in ea inclinatione, aut genio, quod in eo cognoscibile non est, sed tantum quod cognoscat modo perfectissimo, & infinita claritate, quod in tali inclinatione cognoscibile est, eo sensu, quo in illa cognoscibile fuerit, cum autem in ea inclinatione solum, solum ut futurum cōiecturaliter sit cognoscibile alterum extremum libertatis, solum cognoscit Deus infinita claritate esse cōiecturaliter futurum tale extremum, de reliquo etiam infinita claritate cognoscit illam esse flexibilem ad opposita, & nihil certo persuadere obiectivē, & hoc tanto magis, quanto magis eius indifferentiam, & flexibilitatem supercomprehendit.

## ARTICVLVS SECVNDVS.

AN DEVS COGNOSCAT FVTVRA CON-  
tingentia conditionata in necessitate  
moralit?

12 Barminius, & Granados, teste Ribade-  
neyra in *present. disp.* 13. cap. 4. asse-  
ruerunt, Deum vel semper, vel quandoque cog-  
noscere futuros actus liberos metaphysica certitu-  
dine, in libero arbitrio ut ornato omnibus circum-  
stantijs praecedentibus ex parte actus primi; quae  
quidem circumstantiae (aiunt ipsi) inducunt mora-  
lem necessitatem consentiendi. Inquam senten-  
tiam veniunt reputandi plures Scotistae adstruen-  
tes ad actus bonos auxilium moraliter neces-  
sitans voluntatem ad consensum, & ex vi talis auxi-

lij asserentes Deum metaphysica certitudine cog-  
noscere eventum, vel consensum futurum, ita ut  
ex vi talis scientiae possit sine periculo frustratio-  
nis praedestinare consensum, securus de eo, quod  
posito eo auxilio moraliter necessitante, inalli-  
biliter voluntas consentiet. Contra quos omnes  
sit.

## NOSTRA SENTENTIA.

13 **D**ico igitur: *Deus non cognoscit futura  
libera conditionata in praedicto cum-  
mulo circ. instantiarum, nec in necessitate morali,  
ut infallibiliter futura.* Probat, primò ex D.  
Th. qui locis citatis *supra* n. 6. universaliter tenet  
quod de futuris cōiungentibus consideratis in suis  
causis proximis non potest haberi certitudo plus-  
quam cōiecturalis: Sed cummulus ille circumstantiarum,  
vel auxilium morale cōputatur inter causas proxi-  
mas, vel cum causa proxima, quam constituunt in  
actu primo proximo ad consensum, vel dissensum,  
v.g. Ergo in eis non potest cognosci determinatē  
consensus cum certitudine infallibili. Explicatur,  
quia voluntas, ut ornata eo cummulus circumstan-  
tiarum, vel auxilium moraliter necessitante, manet  
indifferens saltem physice, & metaphysice, ad  
consensum, & dissensum, ita ut in seculo composito  
illarum circumstantiarum, vel auxilij possit physi-  
cē, & metaphysicē contingere, quod voluntas dis-  
sentiat: Sed in causa sic indifferēti non potest cog-  
noscī consensus praeter dissensum ut determinatē futu-  
rus metaphysica infallibilitate: Ergo. Probat  
minor, quia quocumque intellēctus cognoscit  
obiectum in aliquo medio obiectivo, & ex vi il-  
lius, non est magis infallibilis, & certa cognitio,  
quam connexio medij cum obiecto cognito, cog-  
nitio enim, & eius certitudo in ea connexionem  
fundatur, & iungitur: Sed voluntas praedicto mo-  
do indifferens tantummodò habet connexionem  
moralem cum consensu praeter dissensum, non vero  
connexionem physicam, aut metaphysicam: Ergo  
cognitio ex vi illius, aut in illa de consensu praeter  
dissensum non potest esse physice, aut metaphysice  
certa, sed ad summum moraliter.

14 Explicatur secundò, & detegitur æquivo-  
catio opinionis contrariæ: Etenim, vel contrarij  
volunt, quod in voluntate sic moraliter necessita-  
ta videatur consensus infallibiliter, & certitudine  
metaphysica ex parte cognitionis divinae, non ta-  
men ut infallibiliter futurus cum metaphysica cer-  
titudine, sed tantum ut futurus moraliter, seu cum  
certitudine morali? Et hoc vltra eis concedimus,  
quia Deus cum metaphysice certitudine cognos-  
cit, quod in causa moraliter necessitata ad even-  
tum, eventus est certò moraliter futurus, nam hec  
est veritas necessaria, & metaphysicē infallibilis,  
non minus quam ista: *In causa metaphysicē neces-  
sitata ad eventum, eventus est certò metaphysicē  
futurus.* Vel volunt, quod consensus cognoscatu-

non solum cognitione metaphysicè certa ex parte Dei, sed etiam vt futurum cum omnimoda certitudine ex parte obiecti: Et hoc manifestè est falsum, quia in voluntate præsato modo indifferenti, consensus solum est morali certitudine futurus, cum ea causa non sit plusquam moraliter necessitata, & determinata ad ipsum; implicat autem, quod Deus cognoscat consensum vt infallibiliter, aut certo metaphysicè fixum ex parte obiecti in ea causa, in qua solum est futurus morali cum certitudine.

15 Dicunt, Deum in voluntate moraliter necessitata solum primo modo cognoscere consensum futurum, id est, cognitione ex parte Dei metaphysicè infallibili, quæ solum affirmat consensum esse moraliter futurum ex vi auxilij moraliter necessitantis; & hoc sufficere, vt Deus ex vi talis scientiæ possit prædefinire consensum cum metaphysica securitate de non frustranda tali prædefinitione. Sed contra est, quia vt prædefinitio non frustraretur, non est satis, quod consensus sit moraliter futurus, sed vltius requiritur, quod voluntas in actu secundo ponat consensum prædefinitum: Sed quamvis Deus in vi illius scientiæ de consensu moraliter futuro sit securus omnino, quod consensus in vi auxilij erit moraliter futurus, non tamen est ita securus, quod voluntas ponet consensum in actu secundo, seu quod in actu secundo non dissentiet: Ergo nec habet metaphysicam securitatem de eo, quod prædefinitio non frustrabitur. Minor patet, quia vt Deus sit metaphysicè securus de eo, quod voluntas non dissentiet, debet habere aliquod principium metaphysicè inferens, quod voluntas consentiet, seu non dissentiet: Sed hoc principium non habet Deus in eo casu, quia auxilium non metaphysicè, sed solum moraliter infert consensum, nec moralis futuricio metaphysicè connectitur cum eo, quod in actu secundo ponatur consensus, quia alias esset futuricio metaphysica, & non purè moralis: Ergo.

16 Confirmatur: Per vos, posito eo auxilio moraliter necessitante, voluntas potest potentia physica illi dissentire, & resistere in sensu composito: Ponamus ergo, quod ita dissentiret, & resisteret, sicut potest: Ergo tunc frustraretur prædefinitio Dei de consensu, & falsificaretur scientia Dei de ipso: Ergo si hoc est possibile potentia physica, & metaphysica, similiter possibile erit falsificari scientiam Dei, & frustrari prædefinitionem, quod quis dicere aude?

17 Dices primò, quod supposito auxilio moraliter necessitante, si voluntas actu dissentiret, non dissentiret per potentiam moralem, sed per potentiam physicam, & ideo non frustraretur prædefinitio, nec falsificaretur scientia Dei, quia hæc solum affirmat actum futurum moraliter, cum morali impossibilitate non eveniendi, non autem futurum physicè cum impotentia physica non eveniendi. Sed

contra est, quia prædefinitio non prædefinit præcisè, quod consensus sit moraliter futurus ex vi auxilij, tum quia hoc non eget prædefiniri, cum sit quid omnino necessarium sub conditione auxilij; tum, quia per ipsum auxilium non intendit Deus præcisè, quod in vi illius consensus sit moraliter futurus, nec quod voluntas in actu primo sit moraliter necessitata, sed quod reipsa consentiat in actu secundo. Tum denum, quia si solum Deus prædefiniret, quod consensus esset moraliter futurus, non autem quod voluntas consentiret re ipsa, & in actu secundo, daretur quidem in Deo providentia, & scientia certa metaphysicè de morali futuritione consensus, sed non de ipso consensu vt ponendo in re, Deique solum præficeret cum metaphysica infallibilitate, quod consensus, esset moraliter futurus, non vero quod ponendus esset in re; quod quidem contrarij non dicunt: Prædefinitio ergo decrevit, necum quod consensus per auxilium sit moraliter futurus, sed quod vltius ponatur in re: Tum sic, sed casu quo per potentiam physicam voluntas actu dissentiret, non poneretur consensus in re adhuc per potentiam moralem, cum eo in casu potentia physica resisteret in actu secundo potentia, & necessitati morali, & impediret actum eius: Ergo eo in casu per potentiam physicam frustraretur actu prædefinitio, & falsificaretur scientia Dei. Urgetur: Implikat contradictionem voluntatem actu consentire per potentiam moralem, & actu dissentire per potentiam physicam: Ergo si per potentiam physicam dissentiret, non consentiret re ipsa, & in actu secundo per potentiam moralem: Sed eo ipso frustraretur prædefinitio, & falsificaretur præscientia: Ergo.

18 Dices secundò, falso à nobis supponi casum, in quo posito auxilio moraliter necessitante, voluntas actu dissentiret; quia tale auxilium habet infallibilem illationem moralem cum consensu, & illatio moralis consistit in hoc, quod quævis detur potentia physica, & metaphysica ad dissentium, seu omissionem consensus, semper tamen ponitur in re consensus, supposito auxilio, vt moraliter necessitante. Sed contra, quia ille casus per vos est possibilis physicè, & metaphysicè; licet moraliter impossibilis: Ergo cum illum supponimus vt de facto existentem, nihil supponimus implicans contradictionem, nec metaphysicè impossibile, sed aliquid non implians contradictionem, & possibile metaphysicè, imò & physicè possibile: Sed possibili posito in re, nullum sequitur impossibile eodem modo sumpta possibilitate, & impossibilitate: Ergo si posito illo casu in re sequitur falsificari scientiam Dei, & frustrari prædefinitionem, sicut est possibilis ille casus, nempe physicè, & metaphysicè, eodem modo erit possibilis falsitas scientiæ Dei, & frustratio prædefinitionis. Explicatur: Possibili posito in re nullum sequitur impos-

possibile: Ergo possibile physice, & metaphysice tali posito in re, nullum sequitur impossibile physice, & metaphysice tale: Sed per vos ille casus est physice, & metaphysice possibilis, licet moraliter impossibilis, & illo posito in re, sequitur praedestinationem frustrari, & scientiam Dei falsificari: Ergo hoc non erit impossibile, nec physice, nec metaphysice, sed solum moraliter; quod quis dicat? Vel subsumo aliter: Sed falli scientiam Dei, & praedestinationem frustrari, est metaphysice impossibile, & hoc sequitur necessario, si ille casus ponatur in re: Ergo ille casus est physice, & metaphysice impossibile, & non solum moraliter, quod nempe voluntas, posito auxilio moraliter necessitante, actu dissentiat: Ergo ad hoc non datur potentia physica, nec metaphysica.

19 Contra secundo: Quia falsum est, quod illatio, seu necessitas moralis essentialiter consistat in eo, quod licet datur potentia physica, & metaphysica ad dissentium, semper tamen consensus eveniat: Quod sic ostendo, quia si in hoc consistit, erit de essentia necessitatis moralis semper coniungi cum effectu, seu cum consensu: Ergo tam impossibile erit separari a coniunctione actuali cum consensu, quam impossibile est separari a sua essentia, siquid ea coniunctio actualis est ipsius essentia: Sed implicat contradictionem potentia physica, aut metaphysica ut necessitas moralis separetur a sua essentia, quia impossibile est metaphysice rem ullam separari a sua essentia: Ergo implicat contradictionem necessitas moralis ad consensum, cuius essentia sit semper coniungi cum consensu, cum potentia physica, & metaphysica, ut actu non coniugatur, seu ut separetur ab actuali coniunctione cum consensu.

20 Contra tertio, quia si auxilium illud separaretur a consensu, rogo, an separaretur ab essentia sua? Si affirmes: Ergo si cum nec potentia physica, nec metaphysica potest separari ab essentia sua, ita nec potentia physica, aut metaphysica potest separari a consensu. Si neges: Ergo de essentia sua non est semper actu coniungi cum consensu.

21 Dices, quod si separaretur a consensu per potentiam moralem, separaretur ab essentia sua; non tamen si separaretur per potentiam physicam. Sed contra: Si separaretur per potentiam physicam a consensu, actu non coniungeretur cum consensu per potentiam moralem, quia implicat actu simul coniungi cum consensu, seu consentire per potentiam moralem, & actu simul separari a consensu, seu dissentire per potentiam physicam, alias posset voluntas simul consentire vi potentie moralis, & simul dissentire vi potentie physicae, simulque mereri, & peccare vi illius duplicit potentie, quod quis non dicat implicare contradictionem? Ergo si salvaretur eius essentia, si separaretur per potentiam physicam a consensu, salvaretur etiam essentia sua, quoniam non coniungeretur in actu

secundo cum consensu per potentiam moralem. Ergo non est de essentia sua semper actu coniungi cum consensu per potentiam moralem: Ergo an actu coniungeretur cum consensu, vel non coniugetur, & an actu ab illo separabitur per potentiam physicam, non potest Deo infallibiliter constare ex vi solius auxilii necessitantis moraliter.

22 Propterea dicunt ultimo, quod auxilium necessitans moraliter non est medium, in quo cognoscatur consensus futurus in se, seu quod erit in se consensus, sed ad hoc ultra requiritur decretum comitans tribuens consensui futuro incertum completam, & vi illius constat Deo infallibiliter, quod consensus erit in se. Recte, sed sic infero: Ergo ex vi auxilii moraliter necessitantis solum cognoscit Deus, quod consensus erit moraliter futurus; quod autem consensus erit re ipsa in se, seu quod actu existeret, non cognoscit nisi in decreto efficaci: Hoc autem omnes Thomistae dicimus, licet dissidium sit, an illud decretum sit comitans, an praeivum. Secundo: Si tandem opus est recurrere ad decretum comitans, ut quid necessitas illa moralis? Nam sane, licet auxilium non necessitet moraliter, licet tantum probabiliter, aut coniecturaliter inclinet, licet possit aliquando evenire oppositum, poterit tamen Deus se assecurare quando voluerit decretum comitanti, per quod tandem evitatur periculum omne frustrationis, aut falsitatis: Ergo frustra est recursus ad illam necessitatem moralem, de cuius essentia sit, ut oppositum nunquam eveniat. Ex quo.

23 Secundo impugnatur praedictus modus dicendi; quia videlicet non semper, quando voluntas consensit, pro signo actus primi invenitur moraliter necessitata ad consensum, sed pluries consensit quando omnes circumstantiae, imò & auxilium sufficiens est moraliter indifferens ad dissentium, & consensum. Etenim non solum datur libertas physica, & metaphysica ad consensum, & dissentium, sed etiam datur libertas moralis ad utrumque: Sed quando voluntas in actu primo est moraliter libera, & indifferens, & non moraliter necessitata ad consensum, nequit praevideri de terminato consensus vi futuris praeter dissentium in praedicta necessitate morali, quae tunc non datur; nec in cumulo circumstantiarum, quae tunc non sunt moraliter connectae cum consensu; nec item in auxilio propter eandem rationem: Ergo praedictus modus dicendi non assignat universaliter medium, in quo Deus cognoscit determinate quid voluntas ageat sub quibuslibet circumstantiis.

24 Explicatur: Quando aliquis invenitur graviter tentatus, & vincit gravem tentationem, ut contingit D. Benedicto se inter vepres volutato ad libidinem vincendam, & D. Bernardo se in stagnum gelidum immergendi ad eandem tentationem vincendam; tunc certe non praecessit in actu primo necessitas moralis ad eam tentationem via

cendam, sed potius moralis impossibilitas; si enim sancti illi pro signo antecedenti ad illam heroicam resolutionem fuissent ad eam moraliter necessitati, abs dubio illa resolutio heroica non esset nec magna laude, & admiratione digna; quid enim mirum, aliquem se determinare ad aliquam actionem, ad quam moraliter est necessarius, & quam moraliter loquendo omittere nequit? Dicendum est ergo ideo eas determinationes heroicas fuisse, & admiratione dignas, quia, attentis omnibus circumstantiis, moraliter erat impossibile, ad rem tam difficilem, arduamque tanto animo se determinare; tunc sic, sed Deus tunc praevidebat eam resolutionem, & determinationem futuram: Ergo non in cursu circumstantiarum, quae tunc oppositum moraliter fuadebat.

25 Confirmatur, quia nec semper voluntas, quando voluntas resistit gratiae, invenitur moraliter necessitata ad resistendum gratiae, & inspirationi, alias semper excusaretur a culpa gravi, vel saltem minueretur semper culpa peccantis, nam quis non excuset, vel saltem minuat culpam peccantis, si ad peccandum fuit necessitatus moraliter? Sed hoc est falsum, nam saepe homines peccant ita voluntarie, & sine ulla excusatione, ut facilius possent non peccare; sepeque eorum peccatum aggravatur ex facilitate, qua potuerunt illud vitare, v. g. quando quis vivens inter Iustos, mille exemplis provocatus ad bonum, doctrinis sanctis eruditus, inspirationibus celestibus monitus, nihilominus scelus aliquod audaciter parrare non renuit; tunc enim peccatum ab omnibus aggravatur, audacia ingens dicitur, imò de tali peccatore dicitur Iob. 15. *Contra omnipotentem roboratus est.* Ergo falsum est, quod tunc peccatum praevideri poterit in necessitate morali ad peccandum.

Urgetur, nam aliquando ex voluntate, ut constituta in actu primo proximo ante peccatum, posset expectari potius bona determinatio, quam mala, iuxta illud: *Quid ultra debui facere Vineam meam, & non fieri? expectavi ut faceret vbas, fecit autem spinas.* Sed ex voluntate necessitata ex parte actus primi proximi ad peccandum, praevideri sperari non potest bona determinatio: Ergo falsum est, quod, quotiescumque peccat, pro signo actus primi proximi sit necessitata moraliter ad peccandum.

## SOLVUNTUR OBIECTA.

26 **O**bjicies primò in favorem Granados, & aliquorum Scotistarum; in causa moraliter necessitata ad consensum, vel ex cunctis circumstantiarum, vel vi auxilij moralis, potest cognosci infallibiliter eventus: Ergo. Probatur antecedens, quia posita morali necessitate ad eventum, infallibile est metaphysicè, quod consequetur eventus: Ergo. Antecedens probatur, quia illud est moraliter necessarium, quod licet possit physicè, & metaphysicè non evenire, semper tamen eveniet: Ergo si non eveniret, sequitur quod non esset moraliter necessarium: Ergo posita morali necessitate, infallibile est metaphysicè, quod eveniet. Confirmatur: Propositio definita à Concilio Tridentino, nimirum, *hominem non posse vincere gravem tentationem sine speciali gratia*, est infallibilis tam physicè, quam metaphysicè, & omnino secuta; cum sit propositio de Fide: Sed ea propositio tantum fundatur in impotentia morali, quam homo habet ad vincendam gravem tentationem, & necessitate morali ei succumbendi: Ergo impotentia moralis, vel moralis necessitas possunt fundare infallibilitatem, & securitatem tam physicam, quam metaphysicam.

27 Respondeo, negando antecedens: Ad eius probationem, nego antecedens. Ad cuius probationem distinguo antecedens: Semper eveniet regulariter, & morali certitudine, concedo antecedens: Excludendo casum irregularem, & metaphysicè certitudine, nego antecedens, & consequentiam in eodem sensu; quia non est de essentia (necessarii) moralis, ut aliqui autumant, quod semper ita eveniat; nec de essentia moralis impossibilis, quod nunquam omnino contingat, ita ut si aliquando in aliquo casu rarissimo, & maxime irregulari contrarium eveniret, ideo destrueretur essentia necessitatis, vel impossibilitatis moralis: Si enim huiusmodi esset impossibilitas moralis, esset etiam impossibile metaphysicè contrarium evenire, cum esset contra essentiam necessitatis, aut impossibilitatis moralis; illud autem, quod est contra essentiam alicuius rei, non tantum moraliter, sed etiam metaphysicè est impossibile, & contradictorium metaphysicè necessarium. Est ergo moraliter necessarium, quod regulariter, & iuxta prudentiam existimationem semper ita eveniet; si tamen ita non eveniret, non ideo diceremus, illud non fuisse moraliter necessarium, sed casum illum fuisse irregularissimum, & rarissimum. Vnde necessarium moraliter est apud prudentes, quod quotidie aliquis homo moriatur in toto mundo; si tamen aliquis contingeret dies, in quo, ut possibile natu-



raliter est, & absque miraculo, quod nullus homo è vita decederet, non ideo dicetemus, non fuisse moraliter necessarium, sed casu irregularissimo victam fuisse eam necessitatem moralem. Itemque, si iuvenis à carne, & diabolo intus, & à pulcherrima femina foris, cæterisque circumstantijs tentaretur ad libidinem, & nihilominus tentationem vinceret, non ideo negaremus hoc fuisse moraliter impossibile; sed dicetemus eum adjuvante gratia, sua heroica virtute, & mirabili determinatione prædictam impossibilitatem vicisse.

26 Ex quo ad confirmationem, concessa maiori, nego minorem, quia infallibilitas illius propositionis, vtpote de fide, solum fundatur in divina revelatione facta per Spiritum Sanctum Concilio infallibiliter assistentem; quæcumque enim Concilium definit, Spiritus Sanctus per ora Patrum revelat; non autem fundatur in impossibilitate morali præcisè. Sed quia divina revelatio innititur divina sapientia, seu scientia infallibili, & huic est assignandum obiectum infallibile, propterea dico, quod PP. Concilij solum definierunt, hominem non posse vincere gravem tentationem sine speciali auxilio; vincere autem gravem tentationem sine speciali auxilio non solum est impossibile moraliter, sed physicè, & metaphysicè. Itaque cuius intelligentia notandum est ex dicendis de necessitate gratiæ, auxilium illud, quod requirit Concilium speciale ad vincendam gravem tentationem, non semper requiritur ex parte actus primi, sed ex parte actus secundij; cum enim victoria gravis tentationis sit opus arduum, heroicum, & difficilimum, præcipue respectu naturæ lapsæ, est domum specialissimum Dei, ac proinde haberi non potest absque gratia speciali in actu secundo adjuvante, immo implicat contradictionem sine illa haberi, quia ipsa victoria gravis tentationis est gratia specialis ex parte actus secundij, ac proinde foret contradictio eam habere absque speciali gratia. Concilium ergo non solum accepit fundamentum ex impossibilitate morali, sed ex impossibilitate, & repugnantia metaphysica, qua repugnat victoria gravis tentationis sine speciali gratia.

27 Sed dicis, ex hoc sequi, non solum moraliter, sed etiam physicè, & metaphysicè non posse hominem vincere gravem tentationem sine speciali auxilio: Sed hoc est, contra commune placitum Theologorum: Ergo & solutio. Distinguo maiorem: Sine speciali auxilio, *ly sine* determinante actum secundum, concedo maiorem: *Ly sine* determinante posse, vel actum primum, nego maiorem, & minorem cum consequentia: Rem declaro: Etenim pro priori ad auxilium speciale, & independentem ab eo, homo habet potentiam physicam, & metaphysicam ad vincendam gravem tentationem cum impotentia morali, & hoc asserunt Theologi, quando dicunt, homi-

nem sine auxilio speciali posse physicè, & metaphysicè vincere gravem tentationem, non tamen posse moraliter; verumtamen non asserunt, quod ea potentia physica, quam homo habet sine speciali auxilio, sit potentia physica ad vincendam gravem tentationem sine speciali auxilio, sed dependenter ab eo.

28 Quod si vigeas: Etiam sine auxilio Dei repugnat victoria levis tentationis, *ly sine* determinante actu: Ergo in hoc non assignatur differentia inter gravem, & levem tentationem. Distinguo antecedens: Sine auxilio Dei speciali, nego: Sine communi, & regulari, concedo antecedens, & nego consequentiam; etenim, ad vincendam gravem tentationem, antecederet ad auxilium speciale, & sine eo, solum datur potentia physica, non tamen moralis; ad vincendam autem levem, datur etiam sine auxilio speciali potentia moralis; itemque tentatio gravis implicat quod vincatur in actu secundo absque gratia speciali in actu secundo, secus veto levis, quæ sæpè vincitur cum solo concursu generali Dei: Salvatur ergo maxima differentia inter gravem, & levem tentationem absque auxilio speciali vincendam.

29 Obijcies secundò: Non solum moraliter, sed physicè, & omnino infallibile est, existere Romam, & existisse Ciceronem: Et tamen hæc infallibilitas solum fundatur in morali necessitate, seu in impossibilitate morali, ut tot testes testes, & historie fallantur: Ergo infallibilitas omnimoda potest fundari in necessitate, aut impossibilitate solum morali. Confirmatur: Homines quantumvis ambitiosus, & anhelans ad aliquam dignitatem, non est necessitatus physicè, nec metaphysicè ad eam acceptandam, si ei conferatur: Et tamen est infallibile saltem physicè quod illam acceptabit, si ei conferatur: Ergo in sola necessitate morali potest fundari infallibilitas physica, & omnimoda.

30 Respondeo, distinguendo maiorem: Est physicè, & omnino infallibile existere Romam, & existisse Ciceronem, aliunde quam ex testimonio dicentium, vel scribentium, seu alij, v.g. Deo, vel Angelis, vel eis, qui Romam vident, aut viderunt Ciceronem, transeat, quia hoc non est ad rem Nobis ex testimonio dicentium, vel scribentium, subdistinguo: Si sit physicè impossibile tot testes cõfesses de re oculari, & nullo contradicente falli, concedo: Si id solum sit moraliter impossibile, nego maiorem, & distingo minorem eodem modo, negoque consequentiam, quia valdè dubium est, an tot testes testes de re oculari præferant, quando nullus est qui contradicat, & quando res, de qua contestantur, est superflua, de qua quisque suis oculis potest certificare; possint omnes simul convenire in fallendo adhuc potentia physica, id enim repugnat

physicè naturæ rationali valdè probabile est; idque si hoc repugnet physicè, dabitur infallibilitas physica fundata in tanta concordia testium ocularium; at si solum repugnet moraliter, solum erit infallibilis moralitè nobis in vi illorum testimoniorum, Romam existere, licet in summo gradu certitudinis moralis, de qua nulla possit esse prudens formido, erit tamen contingentia, & possibilitas physica falsitatis: Vnde nunquam in sola impossibilitate moralis potest fundari infallibilitas physica, aut metaphysica.

31 Ad confirmationem, distinguo maiorem: Homo ambitiosus, & anhelans ad aliquam dignitatem non est necessarius physicè, nec metaphysicè ad eam acceptandam si ei conferatur, ex suppositione quod periret in sua ambitione ad illam, quando ei offeratur, nego: Præciudicando ab hac suppositione, concedo: Et distinguo minorem eodem modo, negoque consequentiâ, quia non solum moraliter, sed physicè est impossibile, quod homo actualiter desiderans efficaciter aliquid, illud nolit accipere simul dum illud efficaciter vult habere, licet hæc impossibilitas sit consequens ad suam ambitionem, & desiderium; præciudicando tamen ab eo quod perseveret in ea ambitione, non est infallibile physicè, quod eam acceptabit, quia potest mutare, ac deponere eam ambitionem, & sic respondendum est ad alias necessitates, quæ opponunt contrarij, & infallibilitates fundatas in voluntaria dispositione subiecti.

32 Ex quibus inferes, contrarios, si quid dicunt singulare, quo à Thomistis differant, in primis confundere necessitatem moralem cum necessitate physica, & metaphysica, quia, si volunt, quod de essentia necessarij moralis sit, quod ita semper eveniat, faciunt illud necessarium physicè, & metaphysicè, quia necessum est physicè, & metaphysicè, quod illi non desit sua essentia.

Secundo inferitur, longè difficiliorē reddere libertatem creatam, quam Thomistæ, siquidem Thomistæ non ponunt ex parte actus primi in voluntate necessitatem viliam, nec physicam, nec moralem, de cuius essentia sit, quod oppositum nunquam eveniat; illi autem Scotistæ eam necessitatem ponunt ex parte actus primi requisitam, sive ad bonum, sive ad malum, siquidem ad malum ponunt requisitam ex parte actus primi pravam delectationem necessitatem moraliter ad actum pravam, & impossibilitatem moralem ad bonum oppositum. Item ad bonum ponunt requisitam ex parte actus primi delectationem vitiāricem ex gratia, necessitatem moraliter ad bonum, cum impossibilitate morali ad omissionem, talem, quod de eius essentia sit, quod nunquam coniungatur cum omissione; quæ quidem necessitas, & impossibilitas posita ex parte actus primi de medio tollit libertatem.

33 Nec enim difficultas solvitur, eo, quod dicunt manere in voluntate potentiam physicam ad oppositum, quia huiusmodi potentia physica nunquam omnino reducitur ad actum, & non maior potentia est, quam quæ datur ut falsum sit existere Romam, aut existisse Ciceronem; & quis dicat, peccanti tam impossibile esse virare peccatum, quam impossibile est falli, aut fallere simul? quosque dixerunt se vidisse Romam? Et virgeri potest, quia nullus videtur reprehensione dignus, eo quod non fecit, id ad quod faciendū fuit necessitatus talinecessitatis, cui nullus vnquam hominū resistit, aut resistit; nec quia potuit illi resistere potentia quadam physica, quæ nunquam reducitur, nec deducenda est ad actum, nec ea vnquam fecit, quod sic potuit: Ergo reprehensibilitas peccatoris excluditur, & consequenter peccatum. Et similiter laudabilitas in bonis operibus; quia nemo laude dignus est eo, quod fecit, id, quod faciendū tanta fuit necessitate confictus, quod nullus vnquam simili necessitati resistit, nec resistet. Nec enim prodest, aut iuvat, quod potuerit resistere potentia physica, quæ potius impotentia, quam potentia est, siquidem eam nullus vnquam reduxit, nec reducit ad actum.

34 Quod quidem virgeri potest, argumento theologico ex solempni proscriptioe illius propositionis Iansenianæ: *Interiori gratia nunquam resistitur in statu naturæ lapsæ*, dum enim illa damnatur, deicitur videtur, esse gratiam interiorem ita indifferentem ex parte actus primi, ut ei interdum consentiatur, interdum resistatur, non solum talis, cui possit voluntas potentia illa physica resistere, sed cui etiam aliquando resistit, & aliquando consentit; quod non alia ratione definitum videtur, nisi quia ad impotabilitatem, & libertatem veram non satis est potentia physica resistendi, de qua certum sit, quod nunquam resistit, nec resistet; siquid si hæc sufficeret, immerito damnaretur illa propositio; cū adhuc ea admittitur, integrè salvaretur tota libertas, & impossibilitas per potentiam physicam resistendi, quia nullus vnquam resistit, aut resistet. Quin imò nulla esset gratia interior verè sufficiens ex parte actus primi, cui voluntas aliquando resisteret, aliquando non resisteret; quia si esset gratia interior necessitans moraliter, illi iuxta contrarios nunquam omnino resistitur; si autem esset gratia interior non necessitans moraliter, in primis ea non esset verè sufficiens ex parte actus primi, quia egret ex parte actus primi gratia maiori, nempe illa moraliter necessitans; deinde, illa admittitur, sine alia moraliter necessitanti talis esset, cui nunquam voluntas consentiret, sed semper illi resisteret, quia solum præstaret potentiam physicam consentientiæ, quæ voluntas iuxta contrarios nunquam consentiret, sed semper illi resistitur, unde tandem sequitur nullam esse veram gratiam sufficientem



tui aliquando voluntas consentiat, aliquando resistit. Quod hic insinuasse sufficit, quisque enim poterit urgentissimum inde in forma argumentum elicere.

33 Nec omittere licet instantias Scotistarum, dicunt enim, nos eodem argumento premi, quia nos etiam admittimus gratiam interioriorem, cui nunquam resistitur, nempe physicam prædeterminationem. Item admittimus potentiam, quæ nunquam reducitur ad actum, nempe potentiam antecedentem; unde contra nos æquè militat illud argumentum imputabilitatis moralis. Si quidem, si nullus reprehensione dignus est, quia fecit, id ad quod faciendum tanta fuit necessitate constrictus, cui nullus unquam resistit, aut resistit; pariter non erit reprehensione dignus, qui fecit prædeterminatus aliquid, siquidem illud fecit tanta necessitate constrictus, cui nullus unquam resistit, aut resistit. Nec enim salvarur difficultas per potentiam antecedentem ad oppositum, quia per potentiam antecedentem nullus unquam posuit oppositum, nec resistit tentationi, sed solum per potentiam consequentem.

36 Respondeo enim has, & similes instantias fieri posse ab his, qui doctrinas Scholarum grossè, confusè, & indistinctè, & primo aspectu salutant, à quo quidem importuno stilo instandi, nullus, vel qui magis consulerie libertati servandæ, liberari poterit; sed penetratis, & distinctè consideratis doctrinis, similes instantiæ nullam vim habent. Igitur, nos non admittimus gratiam verè sufficientem ex parte actus primi, seu quæ det posse, de qua certum sit, quod nunquam illi resistitur, sed omnem talem gratiam dicimus esse talem, cui aliquando consentitur, aliquando resistitur; licet enim prædeterminationi nunquam resistatur, hæc non est gratia ex parte actus primi; nec dans posse, nec necessitas voluntatem, vnde ostendi in *Traictat. de Provident. quaest. 16. per totam*, & communiter fateatur omnis Thomistæ, licet differant in modo id defendendi. At Scotistæ, contra quos disputamus, planè admittunt, & defendunt gratiam verè sufficientem ex parte actus primi, dantem posse, itaque necessitantem voluntatem moraliter, ut tali necessitati, & gratiæ nullus unquam resistit, aut resistit, nec resistit. Nec item nos admittimus potentiam antecedentem, quæ nunquam reducatur ad actum; imò dicimus, potentiam antecedentem constitutam libertatis in actu primo talem esse ex natura sua, quod interdum reducitur ad actum, interdum non licet ut reducatur de-

pendeat à Deo præmovere, ut non reducatur, à Deo permittente, quando enim quisque actu operatur, non operatur per aliam potentiam, nisi per ipsam potentiam antecedentem. Nec enim, ut aliqui vulgo existimant, potentia antecedens excludit potentiam consequentem, aut illi est

contraria, sed potius est ipsa vera, & plena potestas in actu primo considerata pro priori ad actum secundum, & præcise à prædeterminatione, vel permissione Dei, pro quo priori dicitur potentia antecedens, cum indifferentia ut fiat potentia etiam consequens, vel ut coniungatur cum impotentia consequenti in actu secundo; taliter, quod semper ipsa potentia antecedens est vera, & plena potestas, & eadem quantum ad verū posse, & verum dominium; quia quod consequenter, & ex parte actus secundi dicitur interdum impossibilis actus, hoc non spectat ad eam potentiam verè, nec actus primi, nec eam immutat, detrahendo de illa, nec augendo illam, sed est denominationis accidentaliter superveniens extra signum potestatis verè, & plenæ. At tamen Scotistæ in hac parte contrarij, distinguunt verè potentiam seu potestatem antecedentem physicam, & potestatem moralem; ex parte actus primi utramque, dicentes illam esse talem, quæ nunquam omnino reducitur ad actum; istam vero talem, ut de eius essentia sit semper reduci ad actum, cum summa necessitate morali antecedenti, & ex parte actus primi ut reducatur ad actum. Ex quo planè sequitur, quod ista secunda potius sit simpliciter necessitas antecedens voluntatis ex parte actus primi, tanquam ut nullus unquam ei resistit, illa vero prima, non tam sit potentia, quam impotentia, ut potè quæ nullus unquam actu operabitur.

37 Unde illud argumentum imputabilitatis moralis nos minime urget, sicut illos, quia tota imputabilitas moralis fundatur in eo, quod quis pro signo actus primi ante actum haberet verum posse ad actum, & non actum, taleque posse, quod interdum reducatur ad actum, interdum non, cum plena indifferentia, & dominio in suo ordine causæ secundæ; quod plenè salvamus non obstante physica prædeterminatione, quæ nec ad posse nositum verum, & plenum spectat, nec ad ordinem causæ secundæ, nec posse anget, nec posse minuit; unde non constituit voluntatem in suo ordine necessitatem antecedentem ad actum; nec dicimus, aut statuisse, voluntatem agere tanta necessitate constrictam, cui nullus unquam resistit, aut resistit; hoc enim procul abest à nostra sententia, sed dicimus, eam agere inclinatam quidem ex parte actus primi tali inclinatione, cui interdum resistit, sive illa inclinatio sit gratia excitans, & dans posse ad bonum, sive sit tentatio ad vitium, nec enim admittimus tentationem ad malum ad eam necessitantem ad malum, de qua certum sit, quod nullus unquam illi resistit, aut resistit in statu naturæ lapsæ, nec similem gratiam excitantem, aut sufficientem ex parte actus primi ad bonum, & ideo meretur digna laude, vel vituperio, quia operatur id, ad quod pro signo actus primi proximi in suo ordine causæ secundæ,

nulla necessitate constringitur, & quod similiter vitare potuit potestate tali, qua plures id vitaverunt. Attamen Scitistæ isti planè admittunt, voluntatem nunquam actu agere, nisi moraliter necessitatem ex parte actus primi; & in suo ordine causæ secundæ ad actum, tantaque necessitate, ut nullus vnquam ei resistat, nec resistit; vnde ad malum constringitur tanta necessitate ut nemo vnquam illi resistit, & ad bonum similiter. Quo pacto autem cum hoc concilietur quod sit digna laude in bono, aut reprehensione in malo, videat quisque, & simul, quæ diximus *Traetat. de Provident. quest. 18. præsertim à num. 93.* vbi latè egimus de principijs impunitatis ad laudem, vel vituperium.

### ARTICVLVS TERTIVS.

*AN CONTINGENTIA CONDITIONATA COGNOSCANTUR à Deo in ideis divinis, aut in essentia divina pro priori ad decretum exercitum Dei?*

38 **R** Espondeo *negativè*. Hæc conclusio est contra *Ægidium Cardinalem*, si creamus *P. Iosepho à Villanova, Augustiniano, in Promptuario Divinae Providentia*, quod Compluti edidit, sæpiusque publicè defensavit; ibi enim ex prædicto *Ægidio* ait, Deum cognoscere contingentia conditionata in ideis divinis, sive in statu idæali, & pro signo purè possibilitatis, per scientiam necessariam, & ante omne decretum.

39 Nostra tamen conclusio sic ex dictis probatur: In causa indifferenti, ut indifferenti, nihil potest cognosci ut determinatè futurum: Sed idææ divinæ, vel essentia divina, pro statu possibilitatis, & ante omne decretum, est omnino indifferens ad suos effectus producendos, vel non producendos: Ergo in ideis divinis, aut in essentia divina, pro tali prioritate, non possunt cognosci effectus ut conditionatè futuri. Maior probata manet. Minor etiam probatur, quia idææ divinæ, vel essentia divina, solum determinatur ad res producendas per decretum divinæ voluntatis, nec ibi est aliud determinans: Ergo pro priori ad illud decretum, sive pro signo possibilitatis, idææ divinæ, sive essentia divina supponuntur cum omnimoda indifferentia ad effectus producendos, vel non producendos, vnde tales effectus pro eo signo poterunt cognosci in essentia divina ut factibiles, vel ut possibiles, non tamen ut futuri sub conditione.

40 Sed audiamus prædictum Authorem: Supponit ergo primò, omnia auxilia collata voluntati esse indifferentia. Supponit secundò, voluntatem in statu absoluto consentientem posse

considerari in triplici signo. In primò voluntas secundum se præcise ab auxilio; in secundò voluntas cum auxilio potens proximè consentire, vel dissentire; in tertio voluntas ut consentiens auxilio, & per consensum reddens impossibilem consequenter dissentium. Tertio supponit hunc triplicem statum voluntatis eo modo, quod de facto ex existit in re, præcise in statu puræ possibilitatis; quod sic probat, quia omne quod in tempore existit eo modo quo existit, fuit prius possibile, & in statu possibilitatis: Ergo si voluntas de facto existit sub illo triplici signo, ita præcise in statu puræ possibilitatis. Vnde in eo statu præcedit voluntas secundum se, itemque voluntas possibilis cum auxilio, & potentia antecedenti ad consensum, & dissentium. Et denique voluntas consentiens cum impossibilitate consequenti dissentium. Hæc omnia ut possibilia.

41 Ex his ergo sic prædictus Author suam probat sententiam: Essentia divina pro priori ad omne decretum repræsentat quidquid invenitur in statu possibilitatis, cum pro eo signo sit idæa omnis veri possibilis: Sed in statu puræ possibilitatis inveniuntur illa tria signa voluntatis: Ergo pro priori ad omne decretum cognoscit Deus illa tria signa voluntatis: Sed in tertio signo intelligitur voluntas ut consentiens, & reddens impossibilem consequenter dissentium: Ergo Deus in illo tertio signo possibilitatis, ante omne decretum, videt voluntatem consentientem, reddentemque impossibilem consequenter dissentium. Sed eo ipso videt quid voluntas agat, si ponatur sub eo auxilio; nimirum quod determinatè consentiet, & non dissentiet: Ergo ante omne decretum cognoscit Deus quid voluntas agat, si ponatur sub auxilio indifferenti. Sic prædictus Author suam mentem probat, iactatque, sine scientia media, & sine decretis Thomisticis se quamoptimè componere, conciliareque divinam scientiam, & providentiam cum libertate creata per hanc *Ægidij* præscientiam.

42 Sed mirum est, ait quidam R. quantum homines proprio fidant ingenio, cum prædicta opinio sola confusione, & equivocacione nectatur; & tamen suo Authoti ad hoc plausibilis visa fuerit. Respondeo ergo ad eius probationem, omitendo primum notabile, & concedendo secundum, quia verissimum est. Circa tertium tamen, quod supponit, duo sunt advertenda; primum quod ille triplex status præcedit in signo puræ possibilitatis iuxta modum illius signi, scilicet ut purè possibilis; secundum, quod in eo signo præcedit alius status voluntatis etiam possibilis, quem quidem statum oblitus est prædictus Author, & eo pervenit in plures equivocaciones. Etenim fateor, quod in statu existentie, dum voluntas consensit, solum habet statum illum triplicem, quia in illo tertio signo non potest componi, quod

quod voluntas de facto dissentiat, & consentiat, ac proinde in tertio signo solum voluntas habet statum consentientis: At vero in signo possibilitatis, non solum habet voluntas pro illo tertio signo, quod habet in statu absoluto existentiz, sed quicquid potest habere, non enim ea solum, quae existunt, sed ea omnia, quae existere possunt, dantur in statu possibilitatis; cum autem voluntas, quae in statu existentiz consentit in tertio signo ab Authore assignato, potuisset dissentire, si voluisset; inde est, quod etiam in illo vastissimo sinu possibilitatis voluntas, non solum habet statum consentientis in tertio signo, sed etiam statum dissentientis, quia utrumque possibile est.

43 Ex quo in forma, concessio toto primo syllogismo, distinguo minorem subsumptam: In illo tertio signo intelligitur voluntas consentiens, reddentque impossibilem consequenter dissentium, & simul dissentiens, reddensque impossibilem consequenter consensum, concedo maiorem: Ut consentiens praecise, nego minorem, & distinguo consequens: Videt voluntatem consentientem, reddentemque impossibilem consequenter dissentium, totum hoc ut pure possibile, & simul videt possibile quod voluntas in eo tertio signo dissentiat, reddendo impossibilem consequenter dissentium, concedo consequentiam: Videt voluntatem consentientem de futuro, nego consequentiam, & cetera, quae sequuntur. Etenim Deus solum videt pro priori ad omne decretum illud tertium signum voluntatis, quod est signum actus secundi, sive actualis determinationis, ut possibile, quia pro eo priori nihil habet esse, nisi possibiliter, & ut possibile; in illo autem tertio signo, non solum est possibilis consensus cum impossibilitate consequenti dissentus, sed etiam est possibilis dissentus cum impossibilitate consequenti consensus: Vtrumque igitur Deus videt ut possibile in eo tertio signo. Ex hoc autem vnde inferre poterit Deus, quod si voluntas ponatur de facto sub auxilio, potius consentiet, quam dissentiet: Cum utrumque viderit aequè possibile in eo tertio signo: Minime igitur per hanc scientiam praevidet Deus in statu pure possibilitatis, quid voluntas determinate agat, aut in quam partem determinabitur.

44 Sed inquit praedictus Author, quod in eo tertio signo possibilitatis praevidetur voluntas consentiens in actu secundo cum impossibilitate consequenti dissentus: Sed pro signo, pro quo intelligitur voluntas consentiens cum impossibilitate consequenti dissentus, nequit pro eodem signo intelligi voluntas ut dissentiens, quia pro eo signo est consequenter possibilis dissentus: Ergo pro illo tertio signo tantum intelligitur voluntas consentiens, non autem dissentiens. Secundò, quia voluntas in secundo signo praesentia, est potens consentire, & dissentire, ac proinde in

eo signo est possibilis consensus, & dissentus: Sed in tertio signo, cum sit signum determinationis, non potest iam dari indifferentia, nec possibilitas de verumlibet: Ergo in illo tertio signo non intelligitur possibilis consensus, & dissentus indifferenter, sed determinate intelligitur consensus possibilis, cum impossibilitate consequenti dissentus, aliis enim ideam omnino intelligitur in tertio signo, ac in secundo, & e contra. Tertio, quia Deus habet ideam specialem voluntatis consentientis pro illo tertio signo distinctam ab ideam voluntatis dissentientis: Ergo ad minus in illa ideam vnicè, & praecise videt voluntatem consentientem, cum impossibilitate consequenti dissentus, & consequenter quod si ponatur voluntas sub auxilio, consentiet, & non dissentiet.

45 Respondeo, concessa minori de consensu in actu secundo ut possibilis (quo in sensu semper loquimur) distinguo minorem: Pro signo, pro quo intelligitur voluntas consentiens cum impossibilitate consequenti dissentus, nequit intelligi dissentiens, si solum hoc intelligatur ut merè possibile, nego minorem: Si intelligatur ut exercitum in rerum natura, concedo minorem, & nego consequentiam; quia, loquendo in statu illo possibilitatis, (ut loquitur Author,) in quocumque signo intelligitur quicquid in eo signo possibile est absolute, & ex terminis, cum autem sit possibile absolute, & ex terminis non solum voluntatem consentire impossibilitate in illo tertio signo dissentium, sed etiam sit possibile absolute, & ex terminis, voluntatem in illo tertio signo dissentire, impossibilitate consequenter consensum; inde patet evidenter, quod in illo signo possibilitatis utrumque cognoscitur à Deo aequè, & non vnum tantum, ac proinde semper manet indifferentia, ut si voluntas ponatur sub auxilio, consentiat, vel dissentiat, & consequenter incertum.

46 Nec obstat, quod consensus, & dissentus sine contradictoria; quia licet contradictoria non possint esse simul in eodem signo exerceri, & de facto, bene tamen sunt possibilia in eodem signo simul, non quidem simul possibilitate simultatis, ita ut sit possibile ea simul existere, sed similitate possibilitatis, ita ut utrumque sit simul possibile, sive habeat possibilitatem simul cum possibilitate alterius, quia possibilitates non opponuntur. Nec obstat secundò, quod in illo tertio signo sit consensus possibilis cum impossibilitate consequenti dissentus, quia etiam ea impossibilitas consequens dissentus, intelligitur ut possibilis, ac proinde non excludit, quod in eo signo sit etiam possibilis impossibilitas consequens consensus, & ipse dissentus inducens talem impossibilitatem; vnde cum Author ait, quod in eo tertio signo est impossibilis consequenter dissentus, fallitur aperte, quia licet sit in eo signo pos-

possibilis impossibilitas consequens dissensus, quatenus est possibilis consensus; non tamen est pro eo signo ea impossibilitas exercitè excludens possibilitatē, nec exercitè denominans dissensum consequenter impossibilem, sed tantum signatē, & possibiliter; quia in eo statu nihil est exercitè, sed omnia sunt possibiliter.

47 Ad secundum, distinguo maiorem quoad secundam partem: In secundo signo est possibilis consensus, & dissensus possibilitate extrinseca consistente in libertate actus primi, concedo maiorem: Est possibilis consensus possibilitate intrinseca consistente in ipso consensu, & dissensu quoad sua prædicata essentialia, nego maiorem: Et distincta minori eodem modo, nego consequentiam; hæc enim est differentia inter secundum, & tertium signum; quod in secundo signo datur possibilitas extrinseca consensus, & dissensus; quæ nihil aliud est, quam potestas voluntatis libera ad consensum, & dissensum: In tertio autem signo non datur hæc possibilitas extrinseca ad utrumlibet, sed tantum possibilitas intrinseca utriuslibet; quia consensus prout in illo signo consideratus est intrinsecè possibilis, & secundum sua prædicata essentialia non repugnans, similiterque dissensus. Vnde in tertio signo intelliguntur consensus, & dissensus, ut intrinsecè possibiles in se ipsis, similitate possibilitatis intrinsece; in secundo autem signo intelliguntur ut possibiles extrinsecè in causa proxima, similitate possibilitatis extrinsece, & in hoc differunt illa duo signa; non vero in eo, quod pro tertio signo detur aliqua determinatio exercitæ consensus præ dissensu, quia in illo statu nihil est exercitum.

48 Ad tertiam, concessio antecedenti, distinguo consequens: In illa idæa videt vnicè voluntatem consentientem cum impossibilitate consequenti dissensui, excludendo aliam idæam, per quam simul cognoscat voluntatem dissentientem cum impossibilitate consequenti consensui, nego consequentiam: Non excludendo aliam idæam, cōcedo consequentiam: Ex quo nihil contra nos, quia si Deus habet duplicem idæam, vnam in qua videt consensum pro illo tertio signo possibilem, aliam per quam videt dissensum in illo etiam tertio signo possibilem, vade inferre poterit ex prima idæa, quod erit consensus de facto, si ponatur auxilium, nisi etiam inferat ex secunda idæa quod erit dissensus de facto, si ponatur auxilium? Vnde cum utrumque inferre non possit, neutrum poterit pro eo signo determinatè inferre, sed vagè, & indeterminatè, quod scilicet erit consensus, vel dissensus, si ponatur auxilium; ut autem vnum representetur ut determinatè futurum præ alio, necessum erit decretum quod determinet vnam idæam potius quam aliam.

49 Ex quo patet ad duas auctoritates D.

Thom. quæ favere videntur sententiæ prædictæ Authoris prima est *quest. 2. de Verit. art. 6. vbi ait: Si loquimur de cognitione ex parte cognoscentis, sic (Deus) cognoscit res in idæa, id est, per idæam, quæ est similitudo omnium accidentalium, & essentialium*: Ergo iuxta D. Thom. Deus in idæa cognoscit, non solum essentialia, quæ sunt prædicata necessaria, sed etiam accidentalia, quæ sunt contingentia, v.g. futuritionem conditionatam. Respondeo enim, quod essentia divina per modum idææ representat omnia prædicata, tam essentialia, quam accidentalia cuiuslibet rei. Cæterum, si consideretur talis idæa pro priori ad decretum, representat omnia essentialia, & accidentalia ut purè possibilia; si tamen determinetur per decretum, representabit ea ut futura ex vi ipsius, & hoc modo cognoscit ea per idæam rectèque explicatur D. Thom. Similiterque explicandus est cum in *hæc 1. part. quest. 14. art. 13. ait, quod omnia sunt ab æterno Deo præsentia* ea ratione, qua habet rationes rerum apud se præsentis, per quas quidem rerum rationes intelligit idæas. Dicendum est enim, quod in prædictis idæis, quas Deus habet apud se, antecedenter ad decretum, habet res ut purè possibiles sibi præsentis intentionaliter, per decretum vero fiunt præsentis etiam ut future, nunquam autem dixit D. Thom. quod in idæis pro priori ad decretum representantur res ut future, vel existentes.

50 Enodato iam fundamento præcipuo, quo incipitur prædictus Author, placet illius iudicium amplius impugnare. Etenim ex eo plura sequuntur absurda; sequitur enim primò, Deum ante omne decretum vidisse omnia, quæ de facto existunt, non solum ut conditionatè futura, sed ut absolutè existentia eo ipsissimo modo, quo de facto existunt. Quod sic probatur: Omnia, quæ de facto existunt, eo modo quo existunt, præcesserunt in statu possibilitatis ante decretum; quia eo ipsissimo modo, quo existunt, fuerunt possibilia: Sed Deus per scientiam necessariam, & ante omne decretum, videt quicquid præcedit in statu possibilitatis: Ergo in eo statu ante omne decretum vidit omnes creaturas existentes, eo modo quo de facto existunt. Immo sequitur, Deum in eo statu videre, & præscire alterum mundum existere de facto, hoc modo: Deus intuetur in eo signo, vel statu quicquid in eo statu invenitur: Sed in eo statu invenitur alteri mundus de facto existere: Ergo id Deus intuetur in eo statu. Minor probatur, quia iuxta illum Authorē, quicquid est possibile invenitur in statu purè possibilitatis: Sed alterum mundum de facto existere est verè possibile, non enim implicat contradictionem: Ergo. Ex quo inferes, prædicto modo discurrendi pariter probari posse, Deum videre, quamlibet creaturam possibilem existere de facto, quia id de quolibet possibile est, & consequenter invenitur in statu

statu puræ possibilitatis, ubi Deus illam existere necessario conspiciet: Sed hæc omnia absurdissima sunt: Ergo prædictum argumentum, vel modus arguendi, manifestè fallax est. Cuius fallacia in eo consistit, quod facit transitum à modo essendi rerum in statu puræ possibilitatis, ad modum essendi in se ipsis: etenim omnia creata in se ipsis exercitè existunt, & ipsum existere exercetur contingenter extra causas; cæterum hæc omnia, & ipsum existere, quamvis sint in statu possibilitatis, ibi sunt iuxta modum illius status, scilicet possibiliter, signatè, obiectivè, quidditativè, & præsciendū ab omni statu accidentali, & hoc modo à Deo cognoscuntur, sed non cognoscuntur ut exercitè futura, aut existentia, quia ibi nihil est exercitè.

51. Secundò impugnatur prædictus modus dicendi, quia si Deus in eo statu per scientiam necessariam cognosceret consensum ut futurum sub conditione auxilij indifferentis, posito eo auxilio, voluntas non haberet potentiam antecedentem impediendi consensum, sive non consentiendi: Sed eo ipso non haberet libertatem: Destrueretur ergo libertas, quam prædictus Author, ut defendat, rejicit decretum Thomisticum, & præscientiam Agidianam propugnat. Maior probatur primò, quia voluntas non potest, adhuc potentia antecedenti, impedire quod est metaphysicè necessarium ante omnem suppositionem liberam: Sed si Deus per scientiam necessariam cognosceret consensum esse futurum sub conditione auxilij, esset metaphysicè necessarium, quod voluntas, posito auxilio, consentiret; quia quod Deus cognoscit per scientiam necessariam metaphysicè necessarium debet esse: Ergo voluntas, posito auxilio, non posset impedire consensum, adhuc potentia antecedenti.

52. Nec valet recursus prædicti Authoris ad secundum signum præscientiæ, in quo asserit esse antecedenter possibilem, tam consensum, quam dissensum; quamvis in tertio signo sit impossibilis consequenter dissensus. Etenim implicat, quod voluntas in secundo signo habeat potentiam ad ponendum dissensum, nisi ad illum ponendum in tertio signo, quia dissensus, cum sit actus secundus, solum pertinet ad tertium signum: Sed voluntas in secundo signo non habet potentiam ad ponendum dissensum in tertio signo: Ergo non habet ullam potentiam ad dissensum, & consequenter nec libertatem. Minor probatur, quia voluntas in secundo signo non habet potentiam ad ponendum dissensum in signo, in quo est metaphysicè impossibilis talis dissensus, alias enim haberet potentiam ad chimeram: Sed si Deus prævideret per scientiam necessariam consensum ut futurum in tertio signo, dissensus in eo tertio signo esset metaphysicè impossibilis: Ergo. Probo hanc minorem, quia in eo signo, in

quo consensus est metaphysicè necessarius, in eo est dissensus metaphysicè impossibilis: Sed, si Deus prævideret per scientiam necessariam consensum futurum in tertio signo, consensus in eo tertio signo esset metaphysicè necessarius: Ergo dissensus in eo tertio signo esset metaphysicè impossibilis. Minor patet, quia quod Deus prævidet per scientiam necessariam ut talem, est metaphysicè necessarium.

53. Nec valet appellare hanc impossibilitatem dissensus consequentem; tum quia impossibilitas metaphysica nunquam est consequens, sed antecedens, quia est essentialis, & de essentia metaphysica rei impossibilis; tum, quia si ea impossibilitas est consequens, est consequens ad consensum metaphysicè necessarium: Sed impossibilitas consequens ad aliquid metaphysicè necessarium æquè nocet libertati, ac impossibilitas antecedens: Ergo. Minor patet, nam impossibilitas hominis ad creandum aliquid ex nihilo est consequens ad eius essentiam; & tamen hæc impossibilitas tollit illi libertatem ad creandum, quia est consequens ad suam essentiam, quæ est metaphysicè necessaria: Ergo.

54. Utgetur: Vel implicat contraditionem, & est chimera essentialiter, & ex terminis, dissensum existere in eo tertio signo; vel non? Si hoc secundum: Ergo possibile est absolute, & ex terminis, dissensum existere in eo tertio signo, & prævideri à Deo, excluso consensu: Ergo scientia Dei de consensu in illo tertio signo non est necessaria, sed potens deficere, & contingens. Si dicatur primum: Ergo in secundo signo non datur potentia antecedens ad ponendum dissensum in tertio. Pater consequentia, quia nulla datur vera potentia ad chimeram implicantem contraditionem. Quod si in secundo signo non datur potentia antecedens, ad ponendum dissensum pro tertio, totaliter destruitur libertas, nec voluntas erit laude digna, quia non ponit dissensum, cum hoc ei liberum minimè sit.

55. Nec denique valet dicere hanc impossibilitatem dissensus, & necessitatem consensus pro tertio signo esse ex suppositione, ea ratione quia vnumquodque, ex suppositione quod sit, necessario est. Contra enim est, quia vel ea suppositio quod consensus sit in tertio signo, est metaphysicè, & ex terminis absolute necessaria; vel absolute, & ex terminis contingens? Si primum; malè vocatur ea necessitas ex suppositione, quia potius est necessitas absoluta; sicut homo ex suppositione, quod essentialiter est rationalis, necessariò est rationalis; & tamen hæc necessitas est absoluta, & non vocatur ex suppositione, quia ea suppositio est absolute, & ex terminis necessaria; solum enim in puncto de libertate vocatur necessitas ex suppositione, quæ procedit ex alia qua suppositione libera, vel contingenti. Si vero

dicatur secundum, sequitur manifestè quod scientia, qua Deus videt eam suppositionem, scilicet consensum futurum pro tertio signo, sic contingens, quia quod est ex terminis contingens, ex terminis potuit non esse, & eo ipso potuit non videri à Deo.

56 Ex dictis inferes, Deum per scientiam necessariam non cognoscere futura libera conditionata, ac proinde præter hanc scientiam necessariam querendam esse aliam scientiam in divino intellectu, quæ necessaria non sit. Itemque nulum medium necessarium, ut tale ex suis prædicatis necessarijs, aptum esse ad cognoscenda talia futura contingencia. Patet, quia Deus per scientiam necessariam cognoscit quidquid cognoscibile est in medio necessario ex suis prædicatis necessarijs: Sed Deus, ut dictum est, nequit per scientiam necessariam cognoscere futura contingencia: Ergo nec in medio necessario ex suis prædicatis necessarijs sunt cognoscibilia prædicta futura conditionata contingencia.

57 Ex quo denique infero, nec Molinam, nec Autores, contra quos egimus hucusque, tradidisse scientiam mediam propriè, sed potius indicasse Deum per scientiam necessariam cognoscere futura contingencia conditionata. Etenim medium, quod assignavit Molina, est liberum arbitrium ut supercomprehensum; sed Deus per scientiam necessariam supercomprehendit liberum arbitrium, sicut quamlibet aliam creaturam: Ergo iuxta Molinam Deus, non per scientiam mediam, sed per scientiam necessariam cognoscit futura libera. Confirmatur: Liberum arbitrium, quod supponitur à Molina, tanquam medium, in quo Deus cognoscit futura libera, non supponitur in statu existentie, nec à Deo decretatum ad existendum, sed ut merè possibile, quia Molina loquitur de cognitione ante omne decretum, pro quo priori liberum arbitrium tantum est merè possibile. Itemque liberum arbitrium non supponitur à Molina, ut iam se determinans in statu conditionato, quia alias assereret, non ipso libero arbitrio, sed in ipsa determinatione voluntatis, quam supponeret, cognosci; sed solum supponit ipsum liberum arbitrium ut in actu primo, & in eo sic considerato ait, per supercomprehensionem cognoscere, & detegere determinationem futuram voluntatis: Sed liberum arbitrium sic suppositum est medium omnino necessarium nihil importans contingens: Ergo Molina assumit pro medio cognitionis divinæ aliquid purè necessarium: Sed eo ipso scientia debet esse necessaria: Ergo Molina tantum adstruit scientiam necessariam, non vero mediam.

58 Idem colligitur contra Granados, Bellarmium, & Scotistas supra relictos; scilicet iuxta eorum opinionem, futura conditionata cognosci à Deo per scientiam necessariam; quod ta-

men Scotistæ Complutenses apertè fatebantur. Ratio est, quia medium à prædictis Authoribus assignatum, vel sunt omnes circumstantie antecedentes ex parte actus primi, vel auxilium morale; ut habens moralem connexionem cum consensu præ diffensu: Sed hæc omnia sunt medium necessarium, cum omnem determinationem liberam anteverteant, sive voluntatis divinæ, sive humanæ: Ergo si futura cognoscuntur in tali medio, cognoscuntur in medio necessario, & consequenter per scientiam necessariam. Qua propter impugnandi sunt cum Villanova, eo quod libertatem creatam ad consensum, & diffensum evertant; si enim Deus per scientiam necessariam cognoscit voluntatem sub his circumstantijs, vel sub hoc auxilio consensuram, nec potentia antecedenti poterit sub eo auxilio, aut circumstantijs dissentire, quia quod Deus videt, & affirmat per scientiam necessariam, nec potentia antecedenti, immo nec de potentia Dei absoluta deficere potest.

#### ARTICVLVS QVARTVS.

#### AN DEVS COGNOSCAT FUTURAM CONTINGENTIAM IN SE IPSO

59 Vidimus in præcedentibus articulis, Deum non cognoscere futura contingencia conditionata pro priori ad decretum in aliquo medio indifferenti, nec per scientiam necessariam. Quod quidem libenter iam fatentur, & amplectuntur omnes scientiæ mediæ fautores; asserunt tamen prædicta futura cognosci ante omne decretum; non in aliquo medio priori, aut distincto, sed in se ipsis; quatenus Deus per infinitam suæ scientiæ perpicaciam intuetur, quid voluntas ageret sub quibuslibet circumstantijs, & ad quid se determinaret, in ipsa determinatione voluntatis creatæ conditionatè futura. Et hanc scientiam appellant mediam, quia nec est necessaria, nec libera; non quidem necessaria, quia est de obiecto libero, & contingenti, quod aliter esse potuit, quia voluntas potuit aliter, vel ad aliud se determinare, & consequenter potuit Deus etiam, non istam, sed aliam determinationem prævidere, unde potuit deficere scientia media huius determinationis ad amorem, v.g. & dari scientia media de opposito: Non ergo est necessaria. Deinde nec est libera ipsi Deo, quia præcedit omne exercitium divinæ libertatis, estque ante omne decretum. Potest tamen dici libera, & imputabilis voluntati creatæ, quia voluntas creata pro suo libito, dissentiendo, vel consentiendo, facit quod Deus prævideat consensum, vel dissentium conditionatè futurum. Unde prædicta scientia est purè contingens Deo, mediæque inter liberam, & necessariam. Quam quidem defendunt omnes PP. societatis, & plures alij Doctores, & ma-

maximè utilem ad directionem divinæ providentiz, & prædestinationis. Nos tamen in præfenti solum eius existentiam à Deo relegabimus, in utilitatem vero ipsius ad regimen divinæ providentiz, & huius concordiam cum libertate iam specialitè tractatu ostendimus. Sit ergo.

NOSTRA SENTENTIA, PRIMO ratione, & auctoritate probatur.

60 **D**ico igitur: Quod Deus non cognoscit futura libera conditionata in se ipsis immediate ante omne decretum liberum, & exercitum suæ voluntatis, ac per consequens non datur scientia media. Ita omnes Thomistæ contra Scholam Societatis. Et probatur primo ex D. Dionisio cap. 7. de Divinis Nominibus textu supr. Disputat. 4. quæst. 5. à num. 3. expenso, ex quo recolenda sunt illa verba: Non secundum visionem singulis se immittit; nec enim ea, quæ sunt, ex his, quæ sunt, discit, sed secundum causam contingentiam scit omnia; sed si Deus cognosceret futura libera in se ipsis, singulis secundum suam visionem se immitteret, disceretque ea esse futura ex ipsis; quia non deveniret in eorum cognitionem ex se ipso, tanquam ex causa, nec ex aliquo suo decreto, sed vnicè ex determinatione libera voluntatis conditionatè futura: Ergo iuxta D. Dionisium, Deus non cognoscit futura libera in se ipsis, sed in se ipso. Confirmatur: Iuxta D. Dionisium, & veritatem, implicat quoddam Deus aliquid discat ex his, quæ sunt, sive ex creaturis: Ergo iuxta ipsum omnia, quæ cognoscit à se distincta, ex se ipso ea discit, & in se ipso habet vnde in eorum notitiam deveniat: Sed si cognosceret futura libera, sive determinationem liberam voluntatis in se ipsa, ante omnem suum decretum, non haberet in se ipso vnde in eorum deveniret notitiam, sed vnicè eam cognosceret & disceret ex eis ipsis: Ergo.

61 Nec valet si dicas, Deum in se ipso habere principium sufficientissimum, vnde liberam determinationem voluntatis creatæ cognoscat, scilicet perspicaciam infinitam sui intellectus, & infinitam claritatem suæ scientiæ, cui nihil latere valet. Contra chimæ est, quia vt dicebamus vbi supra, ad aliquid sciendum, & cognoscendum non sufficit principium ex parte subiecti, sive ex parte luminis, sed vltra requiritur principium obiectivum, sive medium determinans obiectivè: Sed iuxta opinionem contrariam Deus in se ipso non habet principium obiectivum determinans ad cognitionem determinationis liberæ conditionatè futuræ: Ergo eam discit ex ipsa, tanquam ex principio obiectivo. Hoc autem est quod negat expressè D. Dionisius, quia cum ait: quod ea, quæ sunt, ex his, quæ sunt, non discit, non negat ideo

lūm in rebus principium quasi subiectivum, & per modum luminis, ad cognitionem divinam, hoc enim aperte falsum præsupponitur; sed negat principium obiectivum, ex quo Deus discat res esse, sive ex quo obiectivè determinetur ad eas cognoscendas.

62 Confirmatur, quia quamvis Deus ex parte sua habeat lumen, & vim cognoscitivam infinitam, si tamen in se ipso non habet principium obiectivum, ex quo deveniat in notitiam rei futuræ, interroganti: Vnde scit Deus voluntatem cōscensuram? Non potestis respondere, quod hoc scit ex se ipso, sed necessariò respondendum est, quod hoc scit ex determinatione futura voluntatis, ex eo videlicet quod voluntas se determinabit potius ad consensum, quam ad dissensum, nec ipse Deus aliam rationem obiectivam intra se, vel in se ipso assignare poterit, quare potius præferat consensum, quam dissensum, sed necessariò debet exire extra se per suam cognitionem ad inveniendam rationem obiectivam suæ scientiæ: Sed hoc est verè discere consensum præ dissensu ex ipsa determinatione voluntatis, & non ex se ipso. Ergo quamvis Deus ex se habeat lumen infinitum, & scientiam infinitam, non salvat sententia contraria, quod Deus non discat ex his, quæ sunt, ea quæ sunt, scilicet ex determinatione voluntatis consensum præ dissensu, ac proinde contradiçit divino Dionisio.

63 Posset etiam probari conclusio ex alijs PP. & D. Thom. asserentibus, Deum alia à se, non in se ipsis, sed in se ipso cognoscere, quorum textum dedimus vbi supra; & finituras interpretationes præclusimus; sed ne eadem iteratò inculcare videar, quamvis huic assumpto probandū aptissima, ad præfatam quæst. 5. lectorem mitto.

64 Conformiter ad hæc posset probari nostra conclusio ex doctrina ibidem tradita, qua ostendimus, scientiam Dei non posse specificari ab aliquo obiecto creato. Itemque nec posse respicere pro obiecto motivo, nec primariò terminativo aliquid extra ipsum Deum; ea enim admissa, corruit totaliter scientia media; quia per eam Deus non respicit se ipsum tanquam obiectum primariò motivum, ac determinativum ad cognoscenda futura libera; cum in se ipso nihil habeat, quod possit movere, & determinare ad illorum cognitionem ante omne decretum; pro illo enim signo Deus ex se omniò est indifferens vt ea sint futura, vel non sint futura: Ergo scientia media solum respicere potest pro obiecto motivo primariò, & primariò terminativo futura libera in se ipsis, quæ sunt aliquid creatum: Ergo scientia media solum respicit pro obiecto primariò motivo aliquid creatum; ac per consequens ab eo specificabitur extrinsecè: Sed hoc implicat in scientia Dei: Ergo scientia media non est scientia Dei.

65 Nec valet hic respondere, scientiam medium solum specificari extrinsecè, & moveri ab aliquo creato quoad denominationem; non autem quoad entitatem, quia quoad entitatem est ipsa scientia necessaria Dei, quæ ab ipso Deo specificatur, ipsumque respicit tanquam obiectum primum. Contra enim est, quia si scientia media respicit pro obiecto primario motivo futura libera in se ipsis, debet esse distincta quoad entitatem à scientia necessaria Dei: Ergo ruit solutio. Antecedens probatur, quia debet esse defectibilis quoad entitatem: Ergo & distincta à necessaria, quæ quoad entitatem indefectibilis est: Antecedens probatur, quia quocumque aliqua scientia est defectibilis quoad denominationem primariam, est defectibilis quoad entitatem; quia forma nequit existere, adhuc quoad entitatem, nisi tribuendo suam denominationem primariam; quamvis possit non tribuere suam denominationem secundariam: Sed scientia media posset non tribuere suam denominationem primariam: Ergo posset deficere quoad entitatem. Minor probatur; quia deficiente obiecto primario motivo, & terminativo alicuius actus, talis actus nequit præstare denominationem primariam: Sed si scientia media respiceret pro obiecto futura libera, pro obiecto in quam primario motivo, & terminativo, posset deficere eius obiectum primum, quia posset deficere ipsa futura libera, quæ sunt contingencia, & consequenter defectibilia: Ergo posset scientia media non præstare denominationem primariam.

66 Confirmatur, deficiente obiecto primario motivo, & terminativo alicuius actus, necessarium est, quod deficiat talis actus, etiam quoad entitatem; quia nullus actus potest adhuc entitativè subsistere, deficiente eius obiecto primario, aut sine illo: Sed nullus actus reperitur in Deo, qui possit deficere quoad entitatem: Ergo nullus actus reperitur in eo, qui respiciat pro obiecto primario motivo, & terminativo aliquid defectibile, quod potuit esse, & non esse, & consequenter nec futura libera: Sed huiusmodi esset scientia media: Ergo non datur in Deo.

67 Contra secundò, quia non solum quoad denominationem, sed etiam quoad intrinsicam perfectionem specificaretur scientia media à determinatione libera voluntatis creatæ: Ergo specificaretur quoad entitatem. Antecedens probatur, quia specificaretur, mensuraretur, & regularetur ab ea quoad sui veritatem: Sed veritas est perfectio intrinseca scientiæ mediæ, ut nemo negavit: Ergo specificaretur quoad perfectionem intrinsecam. Maior probatur, quia prædicta scientia media, quæ Deus, v.g. affirmaret determinationem ad amorem, nullum aliud regulativum suæ veritatis, nec verificativum haberet ex parte obiecti, nisi illam determinationem; quia in ipso

Deo, nullo precedente decreto, nihil esset connexum intrens eam determinationem, ac proinde nihil quod posset affirmationem scientiæ mediæ verificare, aut regulare veritatem illius: Et denique quia cuiuscumque scientiæ veritas regulatur ex obiecto primario, & motivo illius: Ergo scientia media specificaretur, mensuraretur, & regularetur in sui veritate à determinatione libera voluntatis creatæ, quam respiceret ut obiectum primario motivum: Hoc autem repugnare scientiæ Dei quis non videat? cum ab ea derivetur veritas omnis creaturæ, omnique veritas creata mensuratur, & regularitur per ordinem ad scientiam Dei; ita ut ideo aliquid sit verum, quia conformatur scientiæ Dei, & non e contra. Vide *suprà* *quest. 4. à num. 20.* Qualiter ergo poterit scientia Dei mensurari, & regulari ex determinatione creatæ voluntatis, ut ideo sit vera scientia Dei, quia ita voluntas verè se determinabit?

68 Ex quo etiam probari posset nostra conclusio omnibus PP. autoritatibus, quibus *suprà* *quest. 3. & 4.* probabam, scientiam Dei esse causam rerum. Recollatur ille discursus Div. Thom. sic aientis: *Quaecumque sunt similia ita se habent, quod vel unum sit causa alterius, vel ambo ex una causa causentur; in omni autem scientia est assimilatio scientis ad scitum, unde oportet quod vel scientia sit causa sciti, vel scitum sit causa scientia, vel utrumque ab una causa causentur: Non autem potest dici quod res scita in Deo sit causa scientia in eo, cum rei sint temporales, & scientia Dei sit æterna; temporalis autem non potest esse causa æterni; similiter non potest dici quod utrumque ab una causa causetur, quia in Deo nihil potest esse causatum, cum ipse sit quidquid habet; unde relinquimus quod scientia Dei sit causa rerum.* Quiquidem discursus applicari potest in terminis scientiæ mediæ: Cum autem de ea negent contrarii, quod sit causa sui obiecti, à fortiori tenentur concedere, quod vel ipsa, & suum obiectum sint ab una causa, vel quod ipsa causetur à suo obiecto; quod quidem quam absurdum sit in scientia Dei, & contra D. Thom. quis non videat?

69 Confirmatur ex contextu D. Thom. etenim quia scientia nostra assimillatur suo obiecto, & non est causa sui obiecti causatur ab obiecto, & est accepta à rebus, & quia scientia Angelorum assimillatur etiam suo obiecto, & cum illo conformatur, & aliunde non est accepta à rebus, nec causa earum, oportet quod utrumque ab una causa causetur, quia videlicet Deus, dum causat res, simul in mente Angeli causat species, quibus res representantur; & denique quia scientia Dei etiam assimillatur, & perfectissimè est conformis scito, & scitum non causat scientiam, nec ambo ab una causa causantur, oportet quod scientia Dei sit causa sciti: Sed scientia media,

etiam



etiam perfectissimè assimilatur scio, cum sit conformis suo obiecto: Ergo debet pertinere ad unum membrum ex assignatis non pertinere ad tertium, nec ad secundum, cum apud ipsos contrarios non sit causa sui obiecti, nec ambo ab una causa causentur: Ergo ad primum; & consequenter dicendum erit, scientiam mediani causari à suo obiecto creato, sicut nostra scientia causatur à rebus, quod quis non videt absurdissimum esse, & contra mentem Angelici Praeceptoris.

70 Nec vilius momenti est dicere, quod scientia media est causa remota sui obiecti, quatenus dirigit Deum ad ponendum auxilium, quo posito, sequitur suum obiectum. Contra enim est primum, quia obiectum scientiae mediae est determinatio voluntatis prout in statu conditionato, in quo statu omnino est independens à positione auxilij; si enim ponatur, siue non ponatur auxilium, obiectum scientiae mediae saluatur: Ergo ex eo quod scientia media possit Deum dirigere ad ponendum auxilium, non sequitur quod sit causa sui obiecti. Secundò, quia scientia media dirigens ad positionem auxilij, praecise dirigit ad positionem illius, & ibi sistit eius causalitas, & influxus; quod autem postea sequatur determinatio voluntatis ad amorem prae odio, non provenit ex scientia media, nec villo modo causatur ab ea: Sed hoc est obiectum scientiae mediae, scilicet, quod posito auxilio voluntas se determinabit ad amorem, non vero quod ponetur auxilium: Ergo scientia media, proprie loquendo, non est causa sui obiecti. Vrgetur Scientia media solum causat existentiam auxilij, quod est omnino indifferens ad odium, vel ad amorem: Sed quod praecise ponit, & causat aliquid indifferens ad utrumlibet, non est causa propriae, & per se determinationis ad unum: Ergo scientia media non est causa propriae, & per se determinationis ad amorem. Sed haec est suum obiectum: Ergo non est causa propriae, & per se sui obiecti: Ergo dicendum erit, quod suum obiectum sit causa propriae, & per se scientiae mediae. Quia discursum D. Th. de causa propria, & per se procedit, ut intuenti patebit.

71 Huc accedit, illa PP. loquutio. Vbi asserunt, non ideo Deum res cognoscere, quia sunt, sed ideo esse, quia noscuntur Deo. Videantur *supr. q. 4. a. 3.* Sed si futura viderentur in se ipsis tantum in obiecto primario motivo, non quia viderentur, essent; sed potius quia essent, viderentur, ut asserunt contrarii: Ergo iuxta PP. mentem, non videntur in se ipsis, sed in ipso Deo.

72 Ulterius posset probari nostra conclusio ex alia communi Doctrina D. Th. in qua asseritur quod intellectus creatus non potest cognoscere futura quoad eventum in se ipso, quia eventus nondum est sibi praesens, sed solum quoad ordinem, & dispositionem causarum sibi praesentem; intellectus autem divinus cognoscit futura, etiam

quoad eventum in se ipso, quia aeternitate mensurat, & omnia tempora in uno *nunc* indivisibili comprehendit, ac proinde habet eventum in tempore sibi praesentem. Recolantur *supr. dict. q. 2. a. 6.* Sed eventus futurus conditionate in nulla differentia temporis totius aeternitatis est Deo praesens, quia nunquam existit, sed solum existeret, si poneretur condicio: Ergo Deus nequit illum intueri in se ipso.

73 Denique probatur nostra conclusio ex Augustino, qui *lib. de dono perseverantiae cap. 17.* loquens de donis Dei, qualia sunt omnia bona opera, & rectae determinationes voluntatis, sic ait: *An forte nec ipsa dicuntur praedestinata? Ergo nec dantur à Deo, aut ea se daturum esse praesciuit; quod si dantur, & ea se daturum esse praesciuit, profecto praedestinavit.* Et in fine capituli ait: *Haec dona Dei, si nulla est praedestinatio, quam defendimus, non praesciuntur à Deo.* Ex quibus verbis tale formo argumentum: Rectae determinationes voluntatis conditionate future essent dona Dei, & à Deo gratuito accepta: Sed iuxta D. August. dona Dei non possunt à Deo praesciri, nisi praecedat praedestinatio: Ergo independentes à praedestinatione, siue decreto, non possunt à Deo praesciri rectae determinationis voluntatis conditionate futurae. Confirmatur: Ipsas rectas determinationes voluntatis fuerat Deus factururus, si poneretur condicio: Sed iuxta D. Augustinum ibidem cap. 18. *Praedestinasse in Deo est hoc praescisse quod fuerat ipse factururus.* Imò, vt inquit *lib. de Praedestinat. SS. cap. 10. Praedestinatio Deus ea praesciuit, quae fuerat ipse factururus:* Ergo tales determinationes voluntatis conditionate futuras non praescit Deus, nisi eas praedestinando, antequam decerneret. Haec pro nunc sufficiant ex D. Augustino, & D. Thom. quibus adiungenda sunt ea quibus infra probabimus, Deum futura conditionata solum praescire in decreto libero suae voluntatis. Ex dictis tamen clare inferes, quam contraria sit scientia media doctrinis PP. praesertim D. Thom. & Thomistarum.

**PRIMA RATIO PRO CONCLUSIONE.**  
*Contra scientiam mediani ex defectu obiecti determinativi.*

74 **P**ROBAVIMUS in antecedentibus conclusionem ex doctrinis communibus Thomistarum, quae pariter probant de futuris absolutis, ac de conditionatis; nunc autem specialiter est probanda de futuris conditionatis, quae sunt obiectum proprium scientiae mediae. Etenim futura libera conditionata pro priori adjoined decretum praecise habent esse possibilia, & nihil amplius habent in se ipsis: Sed hoc ipso non possunt cognosci vt conditionate futura in se ipsis: Ergo ante omne decretum non cognoscuntur vt conditionata.

tionate futura in se ipsis. Minor paret, quia alias cognosceretur aliter ac sunt in se, quod repugnat cognitioni divinæ. Maior vero probatur, quia nihil habent contingentem in se ipsis additum meræ possibilitati: Ergo præcisè habent esse possibilis, & nihil amplius habent. Antecedens probatur, primò, quia quicquid res habet contingentem in se ipsa additum puræ possibilitati, debet illud habere ab aliqua causa actu illud causante; cum non possit illud habere à se res, quæ solum supponitur ut possibilis: Sed ante omne decretum exercitum in Deo nulla est causa actu causans; non prima, quia prima non causat, nisi applicata per decretum suæ voluntatis: Non secunda, quia ante omne decretum nulla est causa secunda actu existens, sed tantum merè possibilis; causa autem merè possibilis nihil causat in actu secundo: Ergo futura contingentia in se ipsis pro priori ad decretum nihil habent contingentem additum meræ possibilitati.

75 Secundò probatur idem antecedens, quia si amor, v.g. qui dicitur conditionatè futurus, haberet aliquid in se ipso superadditum meræ possibilitati, maximè esse conditionatè futurum sub auxilio: Sed pro priori ad decretum exercitum Dei non habet esse conditionatè futurum in se ipso: Ergo idem quod prius. Minor, in qua stat difficultas, probatur primò, quia ut vidimus in *Metaphysic. quest. 9. & 10.* futurum conditionatum constituitur formaliter per aliquid de præsentem connexum cum existentia habenda sub conditione: Sed amor pro priori ad omne decretum nihil habet in se ipso de præsentem existens cum tali existentia connexum, ut fatetur contrarij: Ergo pro eo priori non habet esse conditionatè futurum in se ipso. Secundò, quia, ut ibidem probavimus, futurum conditionatum infallibiliter tale constituitur formaliter per decretum primæ causæ subiectivè absolutum, & obiectivè conditionatum: Ergo pro priori ad tale decretum amor nequit esse conditionatè futurus in se ipso. Tertiò, quia amor pro priori ad omne decretum exercitum in Deo nequit transire, nec exire de statu meræ possibilitatis ad statum futuritionis conditionatæ contingentis: Ergo pro eo priori nequit esse conditionatè futurum in se ipso. Antecedens probatur, quia, ut amor transire de statu meræ possibilitatis ad statum futuritionis conditionatæ, debet assignari causa extrahens amorem à mera possibilitate, & inducens in eo futuritionem; implicat enim transitus contingens ab vno statu in alium absque causa, ràm efficiens, quàm formalis: Sed pro eo priori nulla est causa, nec efficiens, nec formalis, à qua causetur talis transitus: Ergo pro eo priori non transire amor à mera possibilitate ad statum conditionatæ futuritionis. Minor probatur, & primo de causa efficiens; quia non cautante causa prima efficiens,

implicat quod causet causa secunda, ut sana docet philosophia: Sed pro priori ad omne decretum exercitum in Deo, causa prima non causet efficienter transitum illum contingentem: Ergo nec causa secunda: Nulla igitur datur causa efficiens illum transitum pro eo prioris nisi velint contrarij pro scientia media causam mediam instituere inter primam, & secundam.

76 Deinde probatur de causa formalis, quia causa formalis illius transitus deberet esse aliqua forma, vel aliquid esse formaliter constituens amorem extra meram possibilitatem, & illam innovans cum aliquo novo modo essendi contrarie superaddito purè possibilitati: Sed pro priori ad omne decretum amor non habet in se ipso novum esse, vel novum modum essendi superadditum possibilitati: Ergo non datur causa formalis prædicti transitus. Minor probatur, quia amor pro eo priori, immo antequam existat in rerum natura, intrinsecè, & in se ipso præcisè habet esse merè possibilis, & non aliter; nec enim intrinsecè variari potest in eo statu, aut intrinsecè mutari de merè possibili ad statum alium contingentem, cum pro eo signo actualiter sit nihil, & quod nihil est, dum nihil est, non possit esse subiectum intrinsecè variationis, aut mutationis contingentis: Ergo.

77 Huic rationi, quæ vnum est ex potissimis fundamentis nostræ sententiæ, & absque dubio non parum roret contrariis, unica, & communi solutione respondent; quod ut amor sit in se ipso conditionatè futurus, non requiritur quod de præsentem habeat novum esse, sed sufficit quod haberet novum esse, si poneretur conditio; itemque quod non requiritur, quod transeat de præsentem, & absolute de statu possibilitatis ad statum futuritionis, sed quod posita conditione transiret ad statum existentis, quia talis transitus, inquit, non est transitus, qui sit de facto, sed qui esset. Et denique ex hoc inferunt, non requiri decretum quod de præsentem sit, sed sufficere decretum, quod esset, nec causam, quæ de præsentem causet, sed sufficere causam, quæ esset, & causaret, si poneretur conditio.

78 Sed hæc solutio, & falsa est, & quamvis vera esset, potius destrueret, quam defenderet scientiam mediam. Primum sic probò, & solutionem impugno; quia ad effectum formalem de præsentem non sufficit causa, quæ esset, sed requiritur causa, quæ sit: Sed amorem esse conditionatè futurum esse effectus formalis de præsentem, quia de præsentem est conditionatè futurus, & non expectat conditionem, ut sit conditionatè futurus: Ergo ut amor sit conditionatè futurus, non sufficit causa formalis, quæ esset posita conditione; sed quæ de præsentem sit: Ergo requiritur novum esse de præsentem, quod sit causa formalis talis futuritionis.

79 Confirmatur: Consensum esse conditionatè futurum est novum esse distinctum ab esse merè possibile, & ab eo esse, quod haberet posita conditione: Sed vt consensus sit conditionatè futurus, requiritur ipsum esse conditionatè futurum: Ergo requiritur novum esse distinctum à mera possibilitate, & distinctum ab eo esse, quod haberet posita conditione: Non ergo sufficit illud novum esse, quod haberet posita conditione. Maior quoad primam partem certa est, quoad secundam etiam probatur, quia illud esse, quod haberet consensus posita conditione, esset existentia absoluta, absoluteque existeret: Sed consensus existeret conditionatè, vel esse conditionatè futurum est distinctum ab eo, quod est, consensus existeret absolute: Ergo consensus esse conditionatè futurum est esse distinctum ab esse, quod haberet posita conditione. Confirmatur secundò: Consensus esse conditionatè futurum est aliquid esse: Sed non est esse, quod daretur posita conditione, quia posita conditione, non esset consensus conditionatè futurus: Ergo est esse, quod nunc est, & nunc datur, ante positionem conditionis.

80 Secundò impugnatur solutio; quia vt consensus verè, & determinatè sit conditionatè futurus, requiritur quod de presenti transeat ad statum futuritionis conditionatè, & non sufficit transitus, qui esset posita conditione: Ergo Antecedens probatur, quia, vt consensus sit determinatè futurus, requiritur aliquis exirus, & transitus à mera possibilitate: Sed non requiritur transitus, qui esset posita conditione: Ergo requiritur transitus, qui sit de presenti, & consequenter quod de presenti transeat ad statum conditionatè futuritionis. Minor probatur, quia transitus, qui esset posita conditione, esset transitus ad statum absolutum existentie: Sed vt consensus sit conditionatè futurus, non requiritur transitus ad statum absolutum existentie, vt ex se patet: Ergo non requiritur transitus, qui esset.

81 Confirmatur: Quamvis posita conditione consensus transeat ad statum existentie, tunc tamen non transeat ad statum conditionatè futuritionis: Sed vt consensus sit conditionatè futurus non requiritur quod transeat ad statum absolutum existentie, sed solum quod transeat ad statum futuritionis conditionatè: Ergo non requiritur transitus, qui esset; sed requiritur transitus qui sit, & quo de presenti transeat ad statum futuritionis conditionatè. Et consequenter de presenti erit assignanda causa, & decretum requisitum ad talem transitum, & non sufficit causa, nec decretum, quod esset posita conditione.

82 Ad hæc nescio quid possint contrarij respondere, nisi quod in omnibus propositionibus, in quibus dicitur, quod consensus est conditionatè futurus, quod est in statu futuritionis

conditionatè, quod datur transitus à mera possibilitate, &c. Verbum *est*, & verbum *datur* luminatur per alienationem, & minime significat aliquid esse, aliquem statum, vel transitum de presenti, sed præcisè significat modo conditionato illud esse, & illum statum, & transitum, quem res haberet posita conditione.

83 Sed contra hanc solutionem, quæ vltimus recurritur est contrarior, sic inturgo: Si verbum in prædictis propositionibus nihil omnino significaret ex parte obiecti, nisi illud esse, & illum statum, quem res haberet posita conditione, licet modo conditionato ex parte actus, sequeretur, quod status futuritionis conditionatè ex parte obiecti, & in rei veritate non distingueretur ab statu absoluto existentie, quem res haberet, si poneretur conditio: Sed hoc nequit dici: Ergo. Sequela, præterquam quod communiter conceditur à contrarijs, patet, quia itacus conditionatus præcisè importat ex parte obiecti illud, quod per prædictas propositiones ad eum statum pertinentes significatur ex parte obiecti: Ergo si prædictæ propositiones ex parte obiecti nihil omnino significant distinctum revera ab statu absoluto, quem haberet consensus posita conditione, status conditionatus non erit distinctus revera, & ex parte obiecti ab statu absoluto.

84 Falsitas autem huius sequelæ, & minor præcedentis syllogismi sic probatur, primo, quia nihil est communis inter Metaphysicos, & Theologos, quam distinguere status rerum penes possibilitatem, futuritionem absolutam, vel conditionatam, & existentiam, dicereque, quod status futuritionis est status medius inter possibilitatem, & existentiam; & quod prius transit res de statu possibilitatis ad statum futuritionis, quam ad statum existentie. Sed hæc omnia, quæ dicunt Theologi, & Metaphysici, non sunt modi loquendi præcisè, ita vt nihil omnino significant ex parte obiecti præter existentiam absolutam, alias enim omnes quæstiones, quæ exagitantur de possibilitate, de futuritione, & alijs statibus, tantum essent de modo loquendi, & de modo significandi, solæ autem quæstiones pertinentes ad statum absolutum existentie essent de re: Ergo falsum est dicere, statum futuritionis solum ex modo significandi, & non ex parte obiecti, distinguì ab statu existentie absolute.

85 Secundò, quia, si quis diceret, conversione Tyrionum fuisse conditionatè futuram, & alius diceret, fuisse absolute existentem, non distinguerentur tantum in modo loquendi, & ex modo significandi, sed primus diceret revera aliquid distinctum ex parte obiecti à secundo: Sed primus enuntiaret futuritionem, & statum conditionatum, secundus autem existentiam, & statum absolutum: Ergo futuritio conditionatè, & eius status, non solum ex modo loquendi, & significandi,

di, sed etiam ex parte obiecti quid revera distinctum est ab existentia absoluta, & eius statu. Maior probatur; quia, quando duo loquentes solum distinguuntur in modo loquendi, & significandi, ita, ut idem omnino dicant, & significant ex parte obiecti, quamvis diverso modo loquendi, si unus verum dicit, etiam alter, & contra, implicatque, quod dictum unus falsum sit, si dictum alterius verum est: Sed qui diceret, conversionem Tyriorum fuisse conditionatam futuram, verum diceret in rei veritate, & qui diceret, eam fuisse absolute existentem, in rei veritate diceret falsum: Ergo non distinguenter tantum ex modo loquendi, & significandi; sed etiam ex parte obiecti dicti, & significati. Minor probatur, quia si quis dicat: *Petrus amat Paulum*, & alius dicat: *Paulus amatur a Petro*, implicat quod unus verum dicat, quin etiam alter; non alia ratione, nisi quia tantum distinguuntur in modo loquendi, & significandi, significantque idem omnino ex parte obiecti: Ergo. Videatur *quest. 14. lib. 2. Dial. 3. in tom. 1. Cursus Philosoph. Ex ea enim ferè evidenter hoc assumptum probari potest.*

86 Sed demus contrarij, quidquid volunt, scilicet, quod futuritio conditionata non importet ex parte obiecti aliquod esse de presenti distinctum ab existentia, & statu absoluto, sed quod solum importet ipsum esse, quod haberet consensus posita conditione; certe ex hoc totaliter ruit scientia media. Quod sic probatur, & tertio impugnatur principalis solutio relata *num. 77.* Etenim, si hoc verum est, non datur status medius revera, & ex parte obiecti distinctus ab statu pure possibilitatis, & statu existentie absolutæ: Sed hoc ipso, nec dari debet scientia media distincta in Deo à scientia necessaria, & scientia visionis: Ergo. Probat minor: Scientiæ distinguuntur in Deo tantum ex obiectis; pro distinctis enim obiectis cognoscendis distincte assignantur scientiæ, & non aliter: Sed si non datur status medius inter possibilitatem, & existentiam revera, & ex parte obiecti ab utroque distinctus, nec dabitur obiectum medium inter obiectum scientiæ visionis, & obiectum scientiæ necessariæ: quia obiectum scientiæ necessariæ est status possibilitatis, & obiectum scientiæ visionis est status absolutæ existentie: Ergo nec dabitur scientia media inter utramque.

87 Confirmatur primò, quia scientia media non datur ad cognoscendos nostros modos loquendi præcisè, ut ex se patet: Alias non est necessaria ad cognoscendum aliquid ex parte obiecti: Ergo ad nihil est necessaria scientia media. Probo minorem, quia iuxta contrarios, ex parte obiecti tantum datur status possibilitatis, & status existentie absolutæ, & nihil aliud datur ex parte obiecti ab utroque statu distinctum: Sed ad cognoscendum statum possibilitatis sufficit scientia

necessaria, & ad cognoscendum statum existentie absolutæ, sufficit scientia visionis: Ergo ad nihil cognoscendū ex parte obiecti requiritur scientia media.

88 Confirmatur secundò, quia Deus per scientiam mediam non cognoscit consensum esse absolute existentem ex parte obiecti; hoc enim cognosci nequit, nisi per scientiam visionis: deinde nec cognoscit, consensum esse pure possibile, quia hoc cognoscitur per scientiam necessariam; alias non datur in consensu aliud esse ex parte obiecti: Ergo scientia media nihil omnino ex parte obiecti cognoscit in consensu: Non ergo datur scientia media. Tertio, quia si consensus, ut conditionatè futurus, nullum esse importat de presenti ex parte obiecti superadditū meræ possibilitati, nullam cognoscibilitatem habebit de presenti præter eam, quam habebat in statu meræ possibilitatis: Sed in eo statu tantum erat cognoscibilis per scientiam necessariam: Ergo nunc etiam tantum erit cognoscibilis per scientiam necessariam, non autem per mediam. Explicatur: Implicat, quod consensus habeat novam cognoscibilitatem superadditam cognoscibilitati, quam habebat in statu meræ possibilitatis, quin habeat novum esse de presenti superadditum meræ possibilitati: Ergo si hoc non habet, nec illam. Antecedens probatur, quia vnumquodque est cognoscibile in quantum est ens, & cognoscibilitas sequitur ad esse: Ergo nova, & superaddita cognoscibilitas necessario supponit novum esse: Ergo implicat, quod consensus habeat novam, & superadditam cognoscibilitatem, quin habeat novum, & superadditum esse ex parte obiecti.

89 Confirmatur quartò, quod non est de presenti obiectivè verum, non est de presenti obiectivè cognoscibile, quia nihil est cognoscibile, nisi sub ratione veri: Sed consensum esse conditionatè futurum, non est de presenti obiectivè verum: Ergo non est de presenti obiectivè cognoscibile per scientiam mediam. Minor probatur primò, quia, ut diximus in *Metaphysic. quest. 20. per totam*, futura conditionata non habent veritatem determinatam independentem à decreto exercitio in Deo: Sed hoc decretum negant contrarij: Ergo iuxta ipsos consensum esse conditionatè futurum, non habet determinatam veritatē, nec est obiectivè verum de presenti. Secundò, quia veritas obiectiva identificatur cum esse obiectivo, cum sit attributum entis, & eius passio: Sed iuxta contrarios, consensum esse conditionatè futurum, non habet, nec importat aliquod esse de presenti ex parte obiecti: Ergo nec est verum de presenti veritate obiectiva. Consequentia patet, quia, quando duo identificantur, si vnum non est de presenti, nec aliud.

90 Dupliciter tantum possunt respondere contrarij. Primò, concedendo, consensum non ha-

habere de praesenti cognoscibilitatem, & veritatem obiectivam, qua sit cognoscibilis per scientiam mediam; sed quod illam haberet, si poneretur conditio; & hoc sufficere, ut de praesenti cognoscatur per eam. Secundò, negando, quod consensus non habet de praesenti veritatem, & cognoscibilitatem obiectivam, quia vt illam habeat de praesenti, non requiritur, quod de praesenti habeat novum esse obiectivum, sed sufficit, quod illud haberet. Sed primum sic impugno: Quod aliquid esset cognoscibile per aliquam scientiam, non sufficit, ut de facto cognoscatur per eam: Sed si consensus non habet de praesenti veritatem, & cognoscibilitatem per ordinem ad scientiam mediam, sed tantum illam haberet posita conditione, dicendum est, quod tantum esset cognoscibile per eam: Ergo hoc non sufficit, ut de facto cognoscatur. Maior patet ex terminis, & ulterius probatur; quia si poneretur conditio, & tunc existeret consensus, esset cognoscibilis per scientiam visionis, & tamen hoc non sufficit, ut de facto per eam cognoscatur: Ergo.

91 Nec valet dicere, quod scientia visionis affirmat de re quod absolute, & de praesenti est, & ideo non sufficit, quod res esset, sed requiritur quod de praesenti sit; at vero scientia media solum affirmat, quod consensus esset, & ideo non requiritur, quod de praesenti sit. Contra enim est primò, quia iuxta adversarios, & solutionem, quam impugnamus, idem omnino affirmat scientia visionis ex parte obiecti, & scientia media: Ergo falsum est, quod va affirmet, rem esse de praesenti, & non alia. Secundò, quia paritas à nobis facta non procedit de subiecto materiali scientiae quoad esse, vel non esse de praesenti, sed de obiecto affirmato quoad esse verum, & cognoscibile de praesenti; fatemur enim quod subiectum, de quo aliqua scientia aliquid affirmat, non debet esse de praesenti existens; ceterum dicimus, quod illud, quod affirmat de tali subiecto, debet esse de praesenti verum, & vt tale cognoscibile; vnde sic insinuo paritatem: Quia scientia visionis affirmat rem existere de praesenti, si non sit verum, & cognoscibile de praesenti, rem existere, non potest de praesenti cognosci per illam, nec sufficit, quod verum foret, si poneretur conditio: Sed scientia media affirmat, quod consensus foret si poneretur conditio: Ergo requiritur hoc verum esse, & cognoscibile de praesenti, & non sufficit quod verum foret, & cognoscibile posita conditione.

92 Confirmatur: Vt aliquid de praesenti affirmetur per verum iudicium, quale est iudicium divinae scientiae, debet ita esse, & verum esse ex parte obiecti, & non sufficit, quod ita foret, & verum foret in alio casu, & in alia providentia, vt sic dicamus, & hæc est conditio universalis in omni

ni iudicio de praesenti vero: Sed iuxta solutionem, quam impugnamus, verum non est de praesenti, nec de praesenti ita est, aut cognoscibile obiectivè, quod consensus foret si poneretur conditio, siquidem non habet veritatem, aut cognoscibilitatem de praesenti, sed tantum illam haberet, si poneretur conditio: Ergo non potest affirmari de praesenti per iudicium verissimum divinae scientiae, quod consensus esset si poneretur conditio.

93 Dices cum secunda parte praedictae solutionis, verum esse, & cognoscibile de praesenti, quod consensus foret si poneretur conditio; ad hoc autem non requiri novum esse de praesenti, sed sufficere illud esse, quod haberet consensus posita conditione. Sed contra est, quia, vt probatum manet, implicat nova veritas, & nova cognoscibilitas absque novo esse: Ergo. Secundò, quia implicat, verum, & cognoscibile esse de praesenti, quod consensus foret, quin ita sit de praesenti, quod consensus foret, & non sufficit quod ita esset, si poneretur conditio: Sed implicat quod ita sit de praesenti, absque aliquo esse de praesenti: Ergo non sufficit illud esse, quod haberet, sed requiritur esse de praesenti. Maior patet, quia ex terminis aliquid esse obiectivè verum, est ita esse ex parte obiecti, sicut affirmatur: Ergo aliquid esse verum de praesenti, est ita esse de praesenti: Impletur ergo verum esse de praesenti quod consensus esset, quin ita sit de praesenti.

94 Tertiò illud esse, quod foret posita conditione, non fundaret veritatem conditionatam cognoscibilem per scientiam mediam: Ergo vt sit verum, & cognoscibile per scientiam mediam, quod consensus esset, non sufficit illud esse, quod daretur posita conditione. Antecedens probatur, primò, quia esse, quod non est praesens, sed tantum existeret, non potest causare, aut fundare, aut radicare veritatem, & cognoscibilitatem praesentem, sicut causa, quæ non est de praesenti, non potest causare effectum de praesenti, & essentia quæ non est de praesenti, nequit radicare proprietates de praesenti. Secundò, quia illud esse, quod daretur posita conditione, fundaret veritatem absolutam cognoscibilem per scientiam visionis: Sed eo ipso non fundaret veritatem de praesenti cognoscibilem per scientiam mediam: Ergo. Probo minore, quia veritas de praesenti cognoscibilis per scientiam mediam fundatur in distincto esse, ac veritas cognoscibilis per scientiam visionis: Ergo illud esse, quod posita conditione fundaret veritatem cognoscibilem per scientiam visionis, illud idem esse nequit fundare veritatem de praesenti cognoscibilem per scientiam mediam. Antecedens probatur, quia veritas fundatur in eo esse, quod per eam dicitur verum: Sed distinctum est esse, quod dicitur verum per veritatem

conditionatam, ac illud, quod diceretur verum per veritatem absolutam posita conditione: Ergo prædictæ veritates in disticto esse fundantur. Minor probatur primo, quia de præsentis verum est *esse*, quod affirmatur per scientiam conditionatam, & non est de præsentis verum illud *esse*, quod affirmaretur per scientiam visionis: Ergo distinctam est vnum esse ab alio. Secundò, quia posita conditione, verum esset *consensum esse absolute existentem*, nunc autem solum est verum *consensum esse conditionatè futurum*: Sed *consensum esse futurum conditionatè*, est distinctum esse ab *esse absolute existentem*: Ergo distinctum *esse* est, quod est verum obiectivè per vnam veritatem, ab eo quod est verum per aliam: Ergo prædictæ veritates obiectivè fundantur in distincto: Ergo veritas conditionata cognoscibiles per scientiam mediam non fundatur in eo esse, quod daretur posita conditione: siquidem illud esse fundaret veritatem absolutam cognoscibilem per scientiam visionis.

95 Denique confirmatur, quia vel veritas conditionata de præsentis fundatur in eo esse, quod habet consensus, sumpto signatè, & secundum suam essentiam; vel in eo esse sumpto exercitè? vel in eo esse ut possibilibi, vel in eo esse ut existenti absolute? Non primo modo, quia illud esse signatè, & secundum suam essentiam, si ve ut possibile, tantum fundat veritatem necessariam, veritas autem conditionata, de qua loquimur, est veritas contingens. Nec secundo modo, tunc quia falsum est, quod illud esse sit exercitum, aut existens, cum supponatur, nunquam consensus absolute extitum; tum quia esse consensus exercitum, aut existens, solum fundat veritatem absolutam, non conditionatam.

96 Dices fundare prædictam veritatem conditionatam, non quatenus purè possibile, nec quatenus exercitum, aut existens absolute; sed quatenus esset, si ve quatenus foret; & in quantum foret, & esset, esse verum de præsentis, quia verum est de præsentis, quod esset, si poneretur conditio. Bene: Ergo *esset*, & *foret* aliquid importat distinctum à consensu ut merè possibile, & ab esse absolute existenti, superadditum contingenter ad meram possibilitatem, & non pertingens ad existentiam absolutam: Sed hoc nequit esse illud, quod haberet consensus posita conditione, quia illud esset existentia absoluta: Ergo est aliquid, quod est de præsentis: Ergo *esset*, quatenus verum est de præsentis, importat aliquid de præsentis, & non aliquid, quod esset posita conditione. Etenim quod *consensus esset*, & *foret*, & quod *haberetur existentiam absolutam*, ita est de præsentis, & affirmatur tanquam quid fixum, & firmum de præsen-

ti; & ut hoc ita sit, non expectatur conditio, sed ante conditionem verificatur: Ergo quod *consensus esset*, & *foret*, si ve *consensus foret*, & *facturum esset*, non est idem omnino ac illud, quod verificaretur posita conditione, & ad quod verificandum, expectatur conditio: Est ergo aliquid de præsentis contingentem conveniens consensui. Tunc sic, sed de præsentis nihil intrinsecè convenit consensui in se ipso independentè à decreto exercitum in Deo: Ergo de præsentis non verificatur de consensu in se ipso quod *esset*, aut *foret*, nec quod *sit conditionatè futurum* independentè à decreto: Sed hoc ipso nequit cognosci per scientiam mediam ut conditionatè futurum in se ipso: Ergo futura contingentia conditionata non cognoscuntur in se ipsis per scientiam mediam.

SECUNDA RATIO PRO CON-  
clusionè, & contra scientiam mediam ex  
defectu obiecti motivi, & deter-  
minativi.

97 **T**oto discursu præcedenti probabimus, futura contingentia non posse cognosci à Deo in se ipsis ante omne decretum, eo quod in se non sunt contingentèr cognoscibilia, si ve eo, quod non possunt terminare cognitionem, aut scientiam Dei contingentem, quod est impugnare scientiam mediam, eo quod non habeat obiectum terminativum. Nunc autem impugnanda est, eo quod non habeat obiectum motivum, aut determinativum. Etenim implicat, quod Deus potius habeat scientiam mediam de consensu conditionatè futuro, quam de dissensu, quia ab aliquo determinetur ad habendam vnam præ alia: Sed pro priori ad decretum nihil omnino est, à quo possit determinari: Ergo implicat, quod pro eo priori Deus cognoscat consensum esse conditionatè futurum præ dissensu. Discutitur est legitimus. Præmissæ probantur, & in primis maior, quia Deus ex se non est determinatus ad cognoscendum ut futurum potius consensum, quam dissensum, sed omnino indifferens: ita ut, quantum est ex se, possit habere scientiam de dissensu, vel scientiam de consensu: Sed qui ita est indifferens ad vnam, vel alteram scientiam, implicat quod habeat vnam determinatè præ alia, nisi ab aliquo determinetur; quia si non determinatur, manebit in sua indifferentia cum omnimoda suspensione: Ergo implicat quod Deus habeat scientiam de consensu, potius quam scientiam de dissensu conditionatè futuro, quin ab aliquo determinetur ad vnam præ alia. Minor vero etiam patet, quia pro priori ad decretum omnia sunt indifferen-

tia,

tis, nullaque datur determinatio cōtingens; quod sic probō, quia omnis determinatio cōtingens, vel est à causa prima, vel à causa secunda: Sed pro priori ad decretum non datur determinatio causę primę, vt ex se patet; alias nec causę secundę: Ergo nulla. Probo minorem, quoad secundam partem, quia causa secunda nihil potest contingenter determinare, nec habere vllam determinationem contingentem, quandiu merē possibilis est: Sed causa secunda pro priori ad decretum merē possibilis est: Ergo pro priori ad decretum nulla est determinatio exercita causę secundę.

98 Mirum est, quantum torquet aduersarios hæc nostra ratio; signum evidens est, varietas opinionum in assignando determinativo scientię medię, & multitudo foliorum, quę in hac difficultate enodanda infumunt. Solam communioem, & quę sola his temporibus viget inter eos, solutionem impugno. Aium igitur, scientiam infinitam Dei per se ipsam esse determinatam ad cognoscendum omne cognoscibile, & consequenter ad cognoscendum, quid eveniret contingenter sub qualibet hypotēsi, & conditione; ac proinde, vt cognoscat Petrum consensurum, potius quam oppositum, nulla alia determinatione, aut determinativo opus esse, quam quod *Petrus foret consensurus, si poneretur conditio.*

99 Sed hæc solutio non solvit difficultatem; quia ea determinatio, quę divina scientia ratione suę infinitatis est determinata ad cognoscendum omne cognoscibile, non est determinatio absoluta ad cognoscendum determinatē consensum præ diffensu; sed est quædam determinatio vaga, & quasi conditionalis respectu cuiuslibet contingentis; ad modum quo libertas in actu primo est determinata ad amorem, vel eius omissionem, ita scientia divina ratione suę infinitatis est determinata vagē, & indifferenter ad affirmationem, vel negationem consensu sub conditione: Sed posita huiusmodi determinatione vaga, & quasi conditionali, vterius requiritur aliud determinativum, vt de factō, & absolute detur affirmatio, potius quam negatio consensus: Ergo in infinitate divinę scientię non stat vnicum, & totale determinativum eius, potius ad consensum, quam ad diffensum.

Explicatur primò: Non minus est determinata scientia divina ad cognoscendum quidquid absolute exiturum sit in rerum natura, quam ad cognoscendam quid eveniret sub qualibet hypotēsi: Sed, non obstante huiusmodi determinatione, ea præcisē attentā, non est absolute determinata ad intruendam existentiam Antichristi, sed vteriori indiget determinativo, vt eum determinatē affirmet futurum, nimirum decreto illum faciente futurum; Ergo ea deter-

minatione præcisē attentā, nec erit absolute determinata ad affirmandum consensum præ diffensu, sed indigebit vteriori determinativo, scilicet decreto. Explicatur secundò: Non minus determinatus est amor Dei ratione suę infinitatis ad amandum omne amabile, quam divina scientia ad cognoscendum omne cognoscibile: Et tamen nullum datur obiectum in particulari cōtingens, ad quod amandum non indigeat determinativo, scilicet decreto: Ergo nullum erit obiectum cōtingens, ad quod cognoscendum non indigeat divina scientia vteriori determinativo, scilicet decreto.

100 Et ratio à priori est, quia quidquid per se, & ab intrinseco est coniungibile absolute cum affirmatione consensus, & cum negatione illius per se, & ab intrinseco non est determinatum ad affirmationem præ negatione consensus, sed absolute indifferens ad vtrālibet: Sed infinitas scientię Dei per se, & ab intrinseco est coniungibilis absolute tam cum affirmatione, quam cum negatione consensus: Ergo per se, & ab intrinseco infinitas scientię Dei nō est determinatio, nec determinata absolute, sed absolute indifferens ad affirmationem, vel negationem consensus, & consequenter indiget vteriori motivo. Discursus est in *darrij.* Maior evidens. Minor, præterquam quod conceditur ab aduersarijs, probatur, quia quidquid est coniungibile cum eo, quod consensus sit conditionatē futurus, vel cū eo, quod non sit conditionatē futurus, indifferenter est coniungibile cū eo, quod Deus affirmet, vel neget, cum esse conditionatē futurum vt per se patet: Sed infinitas divinę scientię est coniungibilis cum eo, quod consensus sit conditionatē futurus, & cum eo quod non sit conditionatē futurus, quia tam infinita erit divina scientia, siue Petrus consentiret, siue non consentiret sub conditione, alias enim Petrus sub ea conditione non posset non consentire, nisi destruendo infinitatem scientię Dei: Ergo.

101 Hac ratione efficaciter constat, scientiam Dei, quantumvis infinitam, per se ipsam, & absolute non esse vltimo determinatam, sed esse absolute indifferenter ad affirmationem, vel negationem consensus: Quo supposito inquirimus vterius determinativum, per quod vterius determinetur vltimo ad affirmationem, potius quam ad negationem; hoc opus, hic labor, hæc difficultas. Quodnam est hoc determinativum? à contrarijs interrogo. Et quidem, vel est aliquid divinum, vel aliquid creatum? Quid creatum nequit esse apertē; quia vt aliquid actu cōtingenter, & absolute determinet, debet actu, & absolute existere cōtingenter; nihil autem creatum absolute existit actu, & cōtingenter ab æterno: Ergo.

nihil creatum potest contingenter ab æterno eam scientiam determinare. Deinde nihil divinum, quia vel esset de linea voluntatis divinæ, scilicet aliquod decretum, & hoc negant contrarii; vel aliquid de linea divini intellectus, & scientiæ; & hoc, interrogo, vel est ab ipsa scientia, & intellectu divino determinante? Et hoc nequit esse, quia alias ipsa scientia Dei se ipsam contingenter determinaret ad unum præ alio, quod negant cōtrarii, & ulterius sequeretur, scientiam eam liberam esse, quandoquidem pro sua determinatione unum præ alio affirmaret: Vel illud esset ab alio determinante? & sic ibimus in infinitum, quia de quolibet determinante redibit eadem difficultas.

102 Respondet Ribadeneyra, præter infirmitatem divinæ scientiæ, ulterius determinativum requiri; hoc autem esse consensum, qui foret posita conditione. Ait autem, hoc non esse determinativum physicum, sed purè logicum, & quasi per consequentiam à priori, quia ex eo quod consensus esset posita conditione, sequitur à priori, quod Deus illum affirmet determinatè. Alij aiunt, esse determinativum, non per modum forme, aut causæ influentis, sed per modum puræ conditionis, aut connotati. Sed contra est primò, quia obiectum motivum, & determinativum cuiusvis scientiæ, si ab ea realiter distinguitur, verè, & realiter insit in eam scientiam, quamvis non influxu pertinet ad lineam physicam, influxu tamen pertinet ad lineam intentionalem. Vnde rejicienda est omnino distinctio, quam sæpe adstruit prædictus Author de obiecto motivo physico, & obiecto motivo logico, vel intentionaliter; obiectum enim non movet physicè, & in ordine physico, quia motio physica, & est ex parte potentia, & à causa physica; sed tantum movet intentionaliter, & per modum causæ obiectivæ, sive ex parte obiecti, quam doctrinam fusè ostendimus *Disputat. præcedent. quest. 5. à num. 22*. Sed implicat quod verè, & realiter, quamvis in linea intentionali, consensus insit in scientiam Dei, quia nihil divinum, vt potè ens à se, & omnino independens ab alio, potè verè, & reali causalitate ab alio dependere: Ergo implicat, quod consensus, qui esset, qui realiter distinctus est à divina scientia, sit obiectum determinativum illius.

103 Contra secundò, quia prædictus Author, contra communem modum loquendi, appellat obiectum motivum determinativum logicum, & refugit illum appellare determinativum intentionale, qualiter communiter appellatur, quod quidem alio titulo non facit, nisi vt diminueat, vel vt auferre videatur influxum obiecti in scientiam, quam determinat; reverà tamen non tollit, quia, dummodo sit obiectum vnicè, & primariò motivum, & determinativum, vt ipse fa-

teatur, reversa debet aliquomodo influere, sicutim vt causa formalis extrinseca. Deinde ineptè illud appellat determinativum logicum, quia determinativum logicum, vel est per modum, quo differentia determinat genus, vel alio modo pertinente ad considerationem logicam; solum enim, aptè loquendo, potest dici logicum, quod pertinet ad considerationem logicam: Sed obiectum determinativum, quatenus determinativum est, non pertinet ad considerationem logicam, vt ex se patet: Ergo ineptè appellatur determinativum logicum.

104 Deinde, quidquid sit de vocibus, sic tertio impugno solutionem: Implicat quod scientia ex se indifferens absolute ad affirmationem, vel negationem obiecti, reverà determinatè illud affirmet in actu secundo, nisi reverà determinetur in actu secundo ad affirmationem præ negationem. Sed scientia Dei, quantumvis infinita, ex se, & ab intrinseco est absolute indifferens ad affirmationem, vel negationem consensus: Ergo nequit reverà affirmare determinatè consensus, nisi reverà determinetur: Tum sic, sed reverà nequit determinari à consensu, qui esset si poneretur conditio: Ergo contrarii non assignant sufficiens determinativum prædictæ affirmationis. Hæc minor probatur primò, quia reverà nequit intrinsece determinari à consensu, qui esset, tanquam à constitutivo intrinseco; tum quia scientia divina affirmativa consensus, non constituitur intrinsece per obiectum; tum quia scientia divina absolute, & de præsentī affirmat consensus determinatè, & consensus, qui esset; non est de præsentī, id autem quod determinat constituendo intrinsece, debet esse de præsentī, quando de præsentī est constitutum: Ergo scientia divina, prout affirmativa consensus, nequit determinari intrinsece per modum constituentis à consensu, qui esset.

105 Deinde nequit etiam reverà determinari à consensu, tanquam ab extrinseco determinativo; tum quia determinativum extrinsecum, præcipue si sit per modum obiecti, debet esse causa extrinseca, saltim formalis, actus determinativi; implicat autem scientiam divinam causari extrinsece reverà ab aliquo creato, tanquam à causa formali. Deinde, & præcipue, quia implicat, quod id, quod de præsentī non est, sed tantum esset, de præsentī determinet, adhuc extrinsece, scientiam Dei: Ergo adhuc extrinsece nequit divina scientia determinari à consensu, qui esset. Antecedens probatur, quia implicat, quod adhuc extrinsece determinet divinam scientiam, nisi eam constituat extrinsece determinatam, & absolute determinatam: Sed nequit constituere eam determinatam absolute, adhuc extrinsece, quin existat de præsentī: Ergo si non est de præsentī, sed tantum esset, si poneretur conditio, nequit, adhuc extrinsece, determinare scientiam



tiam Dei ad affirmationem potius, quam ad negationem.

106 Confirmatur: Omnis notitia paritur ab obiecto, & potentia iuxta commune proloquium; quia propter, quia obiectum sapere est distans, vel non existens, insititur sunt species, in quibus obiectum intelligibiliter existit, ut medijs ipsis concurret, & determinet extrinsecè ad sui notitiam: Ergo obiectum, nisi existat in se, vel in aliquo medio, nequit determinare ad sui notitiam: Sed secluso decreto, consensus præ dissensu nec est immediatè in se ipso, nec in aliquo medio: Ergo implicat, quod determinet, adhuc extrinsecè, ad sui notitiam. Nec valet dicere, primum contingere in nobis, quia scientia nostra finita est, & ideo indiget aliquo determinativo verè influenti in notitiam, & consequenter in re existenti in se, vel in medio: scus autem in scientia Dei, quæ infinita est. Non inquam valet, quia infinitas scientiæ Dei solum petit habere omnem determinationem ex parte sua, & de linea scientiæ, non autem exigit usurpare determinationem de linea obiecti: unde in ipso Deo non solum damus scientiam infinitam ex sua parte omnino determinatam, ad sciendum, sed etiam damus essentiam divinam per modum obiecti, & speciei obiectivè determinans eam scientiam: Ergo infinitas divinæ scientiæ, non tollit, quod sit necessarium ad eius notitiam obiectum concurrens, & determinans eam notitiam obiectivè. Tunc sic, sed obiectum nequit concurrere, nec determinare ad sui notitiam, nisi existat in se, vel in medio: Ergo consensus, qui, secluso decreto, nec existit in se, nec in medio, nequit determinare, adhuc extrinsecè, & per modum obiecti, ad sui notitiam, quamvis existeret, si poneretur conditio.

**OSTENDITUR EFFICACITER**  
*essentiam divinam per modum speciei non  
representare determinatè contingentiam  
conditionatam pro priori ad  
decretum.*

107 **V**rgetur: Nullum obiectum potest determinare intellectum ad sui cognitionem, nisi vniatur immediatè per se cum intellectu, vel mediante specie, in qua obiectum contineatur, ut est communis Philosophorum doctrina, & sana Theologia: Sed consensus conditionatus præ dissensu, nec per se immediatè vniatur intellectui divino, ut per se patet: nec mediante vlla specie, in qua contineatur: Ergo nequit determinare intellectum divinum per modum obiecti ad sui cognitionem. Minor quoad secundam partem, in qua stat difficultas, probatur: quia non vniatur mediante specie distincta ab essentia divina, quia intellectus divinus non vniatur ad ali-

quid cognoscendum alia specie, quam sua propria essentia: Sed consensus conditionatus præ dissensu non continetur in essentia divina pro priori ad omne decretum: Ergo pro eo priori, pro quo semper loquimur, non vniatur consensus conditionatus cum intellectu divino mediante specie, in qua contineatur. Explicatur: Intellectus, qui solum unica specie vniatur ad cognoscendum, nihil omnino cognoscere potest, quod in ea specie non contineatur: cognitio enim implicat, quod excedat continentiam speciei, quia ad æquatur, & mensuratur cum specie: Sed essentia divina, quæ est unica species, quia intellectus divinus intelligit, non continet pro priori ad decretum: consensus ut conditionatè futurum præ dissensum, sed solum ut possibilem, & cum omnimoda indifferentia ad vtrumlibet: Ergo pro priori ad decretum nequit intellectus divinus cognoscere determinatè consensus ut futurum præ dissensu.

108 Respondebis fortasse, pro eo priori essentiam divinam continere repræsentativè consensus ut conditionatè futurum præ dissensu, quia videlicet, cum essentia divina in ratione speciei sit infinitè repræsentativa, per se est determinata ad repræsentandum omne repræsentabile: & cum pro eo priori sit repræsentabile, quod consensus esset, quia pro priori ad omne decretum iam supponitur, quod esset, consequenter pro eo priori iam repræsentatur determinatè consensus præ dissensu in essentia divina, & in ea repræsentativè continetur.

109 Sed contra est, quia essentia divina ex se, & ab intrinseco non est absolutè determinata ad repræsentandum consensus futurum præ dissensu, quod pari modo probandum est de essentia divina, ac illud probabimus *suprà à num. 101*: de scientia Dei, unde essentia divina per se, & ab intrinseco absolutè est indifferens ad repræsentandum potius futurum, quam de iurisdictionem consensus: Ergo nequit determinatè repræsentare vnum præ alio, nisi detur, aliqua determinatio contingenter, vel libere ei addita, ratione cuius determinetur potius ad vnum, quam ad aliud: Sed ante omne decretum talis determinatio dari non potest: Ergo ante omne decretum essentia divina nequit determinatè repræsentare vnum præ alio. Minor probatur, quia determinatio contingens debet esse ex alicuius libere electione, vel ex aliqua libertate determinante: Sed pro priori ad divinum decretum nulla est libertas determinans, aut eligens: Ergo pro eo priori non potest dari talis determinatio. Maior videtur evidens, quia omniis determinatio contingens, quæ scilicet potuit esse, & non esse, nequit determinatè existere, nisi ex alicuius dominio, & electione, sive aliquo determinante, alias enim casu, & fortuito appareret in Deo talis determinatio: sed

fed de hoc amplius infra. Minor vero probatur, quia pro priori ad divinum decretum non est libertas divina eligens, & liberè determinans, cum per decretum constituitur formaliter eligens, & determinans: Deinde nec est libertas creata eligens, & determinans, quia ante omne decretum non existit libertas creata, & consequenter nec eligit, nec determinat: Ergo.

110 Dices, libertatem creatam in statu conditionato, eligere conditionatè, & media sua electione determinare representationem essentiz divinæ ad consensum præ dissensu. Sed contra est, quia implicat libertatem creatam in statu conditionato absolutè, & de facto determinare representationem essentiz divinæ: Ergo ruit solutio. Antecedens probatur, libertas, quæ absolutè, & de facto non est, quamvis esset in aliquo casu possibili, nullam indifferentiam potest absolutè, & de facto determinare per suam electionem: Sed libertas in statu conditionato absolutè, & de facto non est, sed esset in aliquo casu possibili: Ergo in eo statu nequit absolutè, & de facto determinare representationem essentiz divinæ. Maior probatur, præterquam quod ex terminis patet, quia quando determinativum de facto non est, nequit de facto, & absolutè determinare, alias actu determinaret, quin actu esset determinativum: quod planam præfert contradictionem: Sed libertas, quæ de facto non est, non est de facto per suum actu determinativa, quia nec ipsa, nec eius actus de facto, & absolutè existit: Ergo nequit de facto, & absolutè ullam indifferentiam determinare.

111 Nec hic valent illi termini, *determinare logicè, aut physicè*; quia determinatio, quæ essentia divina debet determinari, est vera, & realis determinatio, quia verè, & realiter repræsentat determinatè consensum præ dissensu: Sed ubi est vera, & realis determinatio, debet esse verum, & reale determinans: Ergo vel determinativum logicum est verum, & reale determinans, vel non sufficit. Si dicas, esse verum, & reale determinans, & non fidè, aut per rationem nostram purè, pro neutro debet dici. Semper vrget argumentum, quia implicat, libertatem per suum actu de facto, & absolutè determinare, quin de facto, & absolutè exerceat determinationem; determinare enim de facto nihil aliud est, quam de facto exercere determinationem; sicut agere de facto est de facto exercere actionè, & eligere de facto est de facto exercere electionem: Sed libertas, dum absolutè, & de facto in se non existit, nequit de facto, & absolutè ullam exercere determinationem veram, & realem contingentem: Ergo nequit determinare representationem essentiz divinæ absolutè, & vera, & reali determinatione. Querendum ergo restat adversariis, à quo verè, & realiter à parte rei determinetur essentia divina absolutè, & de facto, ut de facto, & absolutè assermet determinatè consensum, præ dissensu.

112 Et quia in hoc vis nostræ rationis maxime nititur, sic vterius explicatur: Essentia divina, ut de præsentì repræsentet determinatè consensum præ dissensu, debet esse de præsentì verè, & realiter contingenterque determinata ad vnum præ alio: Sed implicat aliquid esse contingenter determinatum de præsentì, nisi ab aliquo de præsentì contingenter determinare: Ergo debet dari aliquid de præsentì contingenter determinans representationem essentiz divinæ. Tunc sic, determinans contingenter, est ita determinans, quod potuit non determinare: Sed hoc est formaliter esse liberè determinans: Ergo debet dari de præsentì, & absolutè aliquid liberè determinans representationem essentiz divinæ: Hoc non est libertas creata per suum actu, quia de præsentì, & absolutè illa nihil determinat liberè in statu conditionato, sed solum determinaret, ut ipsi aiunt: Ergo debet esse libertas divina per suum decretum: Ergo pro priori ad suum decretum essentia divina non est absolutè, & de facto determinata, ut potius repræsentet consensum conditionatè, quam dissensum.

113 Ubi obiter nota, hic non esse recursum ad determinationem intentionalem, quia quod determinat intentionaliter, debet præexistere absolutè, saltem intentionaliter, in aliqua specie; quia eo modo debet aliquid existere, quo actu, & absolutè determinat, unde si actu, & absolutè determinaret intentionaliter representationem essentiz divinæ, actu & absolutè deberet existere saltem intentionaliter; quod non posset esse, nisi in aliqua specie: Sed ad determinandam representationem essentiz divinæ per modum speciei, non est alia species, in qua existat consensus conditionatus intentionaliter, ut possit intentionaliter de facto, & de præsentì illà determinare: Ergo non potest, adhuc intentionaliter, nec ut absolutè existens intentionaliter consensus conditionatus determinare de facto representationem essentiz divinæ per modum speciei. Et ratio à priori omnium est, quia cum officium speciei sit intelligibiliter, & intentionaliter determinare intellectum ex parte obiecti, & alias essentia divina sit prima species, à qua omne esse representativum, & omnis species descendit, & originem ducit; inde est quod essentia divina est primum determinans obiectivè, & intentionaliter, à qua omnis determinatio intentionalis descendit, & participatur: Sed huiusmodi primum determinans, à quo omnis determinatio intentionalis participatur, & originem ducit, implicat quod ab alio, quam à se, determinetur intentionaliter: Ergo implicat, quod adhuc intentionaliter determinetur à consensu conditionato. Minor probatur, quia si ab alio, quam à se, determinaretur obiectivè, & intentionaliter, illa determinatio obiectiva, & intentionalis esset in essentia divina, quasi passivè, quia per illam determinare-

tur, & non activè ab ea, sed ab alio, quia si esset activè ab ea, à se determinaretur, & non ab alio: Sed supponendo, quod debet supponi, scilicet quod essentia divina sit species prima, & infinita, primumque determinans obiectivè, & intentionaliter, à quo omnis species, omnisque determinatio intentionalis ducit originem, implicat determinatio obiectiva, & intentionalis, quia essentia divina determinetur, & quæ non sit ab ipsa essentia divina, sed ab alio determinante: Ergo.

114 Deinde impugnatur secundo solutio supra data num. 98, quia, vt consensus conditionatus obiectivè determinet scientiam Dei ad sui notitiam, debet repræsentativè contineri in ipsa essentia divina, vt probatum manet, & fateri tenetur contrarij: Ergo iam pro priori ad scientiam mediam præcedit in essentia divina aliqua determinatio absoluta subiectivè, & obiectivè conditionata ad consensum. Probo consequentiam, quia pro priori ad scientiam mediam consensus præ diffensu, debet essentia divina actu determinata esse ad repræsentandum consensum præ diffensu; alias in ea non contineretur determinatè consensus præ diffensu: Sed implicat essentiam divinam actu esse determinatam ad repræsentandum consensum conditionatè futurum præ diffensu, nisi per determinationem subiectivè, & ex parte sua absolutam, etsi obiectivè conditionatam, hoc est, respicientè consensum sub conditione: Ergo ante scientiam mediâ debet præcedere in essentia divina aliqua determinatio subiectivè absoluta, etsi obiectivè conditionata ad consensum. Quo supposito manifestè sequitur, iam futurum conditionatum non cognosci à Deo in se ipso per scientiam mediam, si quidem cognoscere debet illum in sua essentia determinata subiectivè absolute ad consensum conditionarum.

115 Dices, cognoscere Deum futurum conditionatum in sua essentia, aut per suam essentiam, tanquam per speciem repræsentativam, non vero tanquam in medio obiectivo præcognito, & connexo cum consensu: Sed contra est, quia quotiescumque datur in Deo determinatio connexa cum obiecto creator, talis determinatio est medium apertissimum, vt ea prius cognita ducat in cognitionem obiecti creator: Sed in essentia divina, quamvis per modum speciei, datur determinatio cõnexa cum consensu sub conditione: Ergo ea determinatio est medium apertissimè, vt prius à Deo cognitum determinet ad cognitionem determinatam consensum. Explicatur: Deus non solum videtur sua essentia, tanquam specie, sed etiam cognoscit eam, tanquam obiectum quoad omnem eius determinatam repræsentationem, & quoad omne prædicatum, quod habet sive contingentè, sive necessario; omnia enim hæc Deus perfectissimè cognoscit, & comprehendit in sua essentia: Ergo si in sua essentia datur determinatio condi-

gens ad repræsentandum consensum conditionatum præ diffensu, Deus eam determinationem perfectissimè, & comprehensivè cognoscit: Sed ea sic cognita, non potest non determinare scientiam Dei ad cognoscendum consensum conditionatū cum quo connectitur: Ergo prædicta determinatio, sive essentia divina per eam determinata, determinat scientiam divinam per modum obiecti prius cogniti ad cognoscendum eventum conditionatum. Minor illa probatur, quia obiectum cognitum comprehensivè, determinat obiectivè cognoscendum ad cognoscenda omnia ea, cum quibus habet connexionem: Sed ea determinatio in essentia divina habet connexionem cum consensu conditionato: Ergo ea cognita comprehensivè, determinat scientiam Dei ad cognoscendum eventum.

116 Si dicas, hoc verum fore, quando eventus non præsupponitur cognitus ante talem determinationem cognitam; ceterum de facto, cum eventus conditionatus inferat talem determinationem à priori, quia ideo essentia divina cum determinatè repræsentat, quia erit, & non e contra inde est, quod de facto prius est cognoscibilis eventus conditionatus, & prius cognoscitur, quam determinatio repræsentationis, ac proinde ea determinatio non potest determinare, tanquam obiectum cognitum, ad cognoscendum eventum: Sed contra est, quia eventus conditionatus sit proxime, & formalitèr cognoscibilis per determinatam repræsentationem speciei: Ergo non est prius cognoscibilis, quam ipsa species. Secundo, quia ea determinata repræsentatio est medium, saltem formale per modum speciei, determinans ad cognitionem consensum conditionati: Sed medium determinans ad alterius cognitionem, est prius cognoscibile, quam id, ad cuius cognitionem determinat: Ergo illa determinata repræsentatio est prius cognoscibilis, quam consensus conditionatus: Ergo prius cognoscitur. Patet hæc consequentia, quia Deus obiecta cognoscit pro omni priori, pro quo sunt cognoscibilia. Confirmatur: Illa determinata repræsentatio consensum conditionati, prius repræsentat se ipsam, quam consensum conditionatum: Sed quod prius repræsentatur in specie, prius à Deo cognoscitur: Ergo illa determinata repræsentatio prius à Deo cognoscitur, quam consensus conditionatus. Maior probatur, quia illa determinata repræsentatio prius est propter se, quam propter consensum: Ergo prius repræsentat se, quam consensum. Explicatur: Quæcumque forma præstans aliquam denominationem, si sic capax talis denominationis in se, prius præstat sibi, & habet in se eam denominationem, quam respectu alterius, & hoc quando forma illa est per se subsistens, sive propter se; hoc patet in essentia divina, & essentia Angeli, quæ quia repræsentativa est, & propter se, & alias ipsa est repræsentabilis, prius re-

præsentat se ipsam, quâ alia à se: Sed illa determinata representatio consensus conditionati, est propter se, & non propter consensum conditionatû, quia est prædicatum divinum, cui repugnat esse propter aliquid creatum, & non propter se primario, & alias est in se representabilis: Ergo prius se ipsam repræsentaret, quam consensum conditionatum.

117 Confirmatur secundò, quia talis determinata representatio repræsentat se ipsam, & consensum conditionatum cum ordine primarij, & secundarij, & non ex æquo, cum inter eam representationem, & consensum conditionatum detur aliquis ordo prioris, & posterioris: Sed implicat repræsentare primariò consensum, & secundariò se ipsam: Ergo primariò repræsentat se ipsam, & secundariò consensum. Minor probatur, primò propter dicta, quia implicat prædicatum divinum, quod primariò sit propter aliud à se, & secundariò propter se. Secundò, quia si primariò repræsentaret consensum, & secundariò se, primariò deberet cognosci consensus, quam ea determinata representatio; quo supposito primarium determinativum, & necessarium determinativum per modum obiecti prius cogniti ad cognoscendâ eam determinationem, esset consensus conditionatus: Sed hoc implicat, quia alias daretur aliquod prædicatum divinum, quod Deus non posset in se ipso cognoscere tanquam in medio obiectivo, sed necessariò foret cognoscendum in aliquo obiecto creato; ex quo ulterius sequeretur, Deum non posse habere in se ipso plenam sui ipsius cognitionem quoad omnia sua prædicata, sive necessaria, sive contingentia, sed saltem quoad prædicata contingentia primariò se debere cognoscere ex creaturis, & in creaturis, tanquâ ex primariò determinativis; quod quidè haud leve absurdum est, quia alias Deus non posset indagare, aut cognoscere quid in se ipso contingenter haberet, nisi ex obiectis creatis, & mediantibus illis, tanquam obiectis primo cognitis; quod esset discere sua ex alienis: Ergo implicat, quod primariò cognoscatur consensus conditionatus, quam ipsa repræsentatio, & consequenter quod ipsa representatio primariò repræsentet consensum, & secundariò se ipsam.

118 Confirmatur tertio, quia quotiescumque inter duo datur convenientia, & assimilatio, vel vnum est causa alterius, vel utrumque ab vna communi causa causatur, ut vidimus ex D. Thom. *num.* 68. Sed determinata representatio consensus conditionati habet suam convenientiam, conformitatem, & assimilationem intentionalem cum consensu: Ergo vel utrumque ab vna causa communi utriusque procedit; quod nemo audebit asserere; vel vnum est causa alterius; quod quidem necessariò dicendum est. Interrogo igitur, an consensus conditionatus sit causa

illius determinatæ representationis? Et hoc, si dicatur, præterquam quod absurdum videtur, & impossibile, ut probatum manet, præcipuè in sensu, in quo procedit discursus D. Thom. nimirum de causa vera, & reali in essendo; sequitur autem minus, prius cognosci à Deo, & primariò consensum conditionatum, quam eam determinatam representationem, quia prius cognoscit Deus causam, quam causatum, ac proinde non ex æquo, sed primariò consensum, & secundariò illam determinationem; unde manet in suo robore absurdum præcedentis confirmationis.

119 Ex quibus infero, de illa determinatione representationis, necessariò dicendum esse, quod non sit ab ipso consensu, sed necessariò debere esse in Deo à se implicat enim, quod Deus aliquid in se habeat, quod verè, & realiter à se non habeat; ac proinde Deus haberet à se illam determinationem, & per illam propriè semetipsam determinaret ad repræsendum consensum: Effet ergo decretum divinum; cum Deus, nec alia causa, non aliter se determinet, nisi per actum voluntatis: Implacit igitur essentiam divinam determinatè repræsentare consensum, nisi determinata per suum decretum. Quo modo rectè salvaretur discursus D. Thom. quia tunc illa determinata representatio per decretum esset causa sciti, ac proinde non esset utrumque ab vna causa communi, sed vnum, scilicet determinata representatio, causa obiecti representati.

120 Quod quidem, ita dicendum esse, sic probatur; quia essentia divina nihil potest continere in repræsendendo, quin per prius illud contineat in essendo, vel formaliter, vel eminenter, hoc est, in essendo, vel in causando; unde se ipsam repræsentat quia est, alia vero à se, quia ea continet per modum cause: Sed præscindendo à decreto, essentia divina non continet determinatè per modum cause consensum conditionatum præ dissensu; sed omnino indifferenter consensum, aut dissensum: Ergo nec determinatè continebit per modum speciei, aut repræsentare poterit consensum præ dissensu. Minor patet, quia Deus ut causa, non aliter determinatur ad consensum præ dissensu, nisi per decretum. Confirmatur: Quia essentia Angeli non est instituta per se primo ad repræsendendum, sed representatio eius fundatur in esse, nequit aliquid repræsentare per modum speciei, nisi quod est, vel formaliter, vel eminenter; unde ad ea, quæ non continentur in Angelo, tanquam in causa, requiruntur species distinctæ per se primo institutæ ad repræsendendum, ut suo loco videbimus: Sed præscindendo à decreto, essentia divina, nec formaliter in essendo, nec in causando continet determinatè consensum præ dissensu: Ergo præscindendo à decreto, nequit illum repræsentare determinatè, sed indigebit specie distincta ab alio accepta. De-

nique confirmatur, quia si essentia divina representat per modum speciei creaturas possibiles, ideo est, quia eas continet in sua essentia, & omnipotentia porente illas producere; & si representat per modum speciei creaturas absolute futuras, eo est, quia illas continet vt determinata ad eas producendas per decretum obiectivè absolutum: Ergo similiter, vt determinatè representet adus liberos conditionatè futuros, debet illos præconfinere, vt determinatè per decretum obiectivè conditionatum.

EXPLICATUR, AN CON-  
DITIO  
nata cognoscantur in decreto, vt  
futuro.

121 SED dices, ad hoc sufficere decretum subiectivè conditionatum, scilicet decretum, quod foret posita conditione, per illud enim decretum redditur conditionatè determinata omnipotentia, & Deus continet conditionatè consensum præ dissensu, ac proinde, potest illum representare. Sed contra est, quia decretum, quod esset posita conditione, apud contrarios esset purè indifferens, & non determinatè connexum cum consensu præ dissensu, ne auferret libertatem: Sed per decretum indifferens non determinatur omnipotentia, vt determinatè contineat consensum præ dissensu, nec ex vi illius determinatè representatur in essentia divina vnus præ alio, nec est cognoscibilis ex vi illius, vt etiam faceretur contrarij: Ergo per illud decretum, quod est conditionatum subiectivè, sive quod esset posita conditione, non continet essentia divina determinatè consensum, nec illum determinatè representat.

122 Explicatur, quia vel illud decretum conditionatè existens est prædeterminativum, seu intentivum? Et hoc nequit dici, quia decretum intentivum non est futurum sub conditione, siquidè præcedit conditionem, & Deum movet ad ponendam conditionem, vt ea posita sequatur consensus prædeterminatus, vt explicat contrarij adstruentes decretum prædeterminativum. Vel tale decretum esset executivum consensus posita conditione? Et tunc rursus interrogo: Vel esset, vel non indifferens ad consensum, & dissensum? Si esset, minime determinaret essentiam divinam, aut omnipotentiam, vt determinatè contineret, aut representaret consensum præ dissensu, vt ex se patet: Si autem non esset indifferens, esset prædeterminativum, & connexum cum consensu. Quod si tale esset, fateatur quod determinaret sufficienter essentiam divinam, & si contrarij tale decretum executivè determinans consensum admitterent, saltem quod esset posita conditione, libenter cum eis conveniremus. Sed hoc totaliter refugit, imò ne tale

decretum executivum, & prædeterminativum admittant, scientiam mediam induxerunt, quæ divina providentia sine tali decreto subsisteret. Ex quo planè inferes, frustra, & invulter recurre contrarios ad decretum, quod esset posita conditione, cum illud, nedum pro tunc, verum etiam pro tunc minime posset determinare re præsentationem essentia divina, aut scientiam Dei ad cognoscendum consensum præ dissensu, cum esset indifferens.

123 Sed forsam dices cum Vazquez, & præcipue cum Ribadeneyra, & alijs fautoribus decreti executivi comitantis, quod, quando consensus est conditionatè futurus sub auxilio, sub eodem auxilio prævidetur conditionatè existens illud decretum comitans, concomitanter determinans consensum voluntatis, & per tale decretum comitans conditionatè existens sufficienter determinari divinam omnipotentiam ad determinatè continendum in statu conditionato consensum præ dissensu, & consequenter essentiam divinam ad illum representandum, & scientiam mediam ad illum cognoscendum.

124 Sed contra est; nam, vt vidimus *Tractat. de Provident. quaest. 7.* prædictum decretum comitans est repugnans. Secundo, quia si prædictum decretum esset comitans, nulla vera prioritate præcederet consensum in essendo, nec in causando: Ergo non prius representaretur in essentia divina, nec prius cognosceretur, quam consensus, cum essentia divina eo ordine representet obiecta, quo in se ipsis sunt: Tunc sic, sed si non representatur prius aliqua prioritate, quæ consensus, nequit determinare essentiam divinam ad representandum consensum: Ergo prædictum decretum comitans non potest sufficienter determinare divinam essentiam ad representandum consensum præ dissensu.

125 Sed dicit aliquis: Ergo saltem in prædeterminatione conditionatè futura, aut in decreto prædeterminativo, quod esset, si poneretur conditio, potest Deus cognoscere consensum conditionatè futurum. Patet consequentia, quia per prædictum decretum determinatur conditionatè omnipotentia, vt contineat consensum præ dissensu, & consequenter essentia divina etiam conditionatè esset determinata ad representandum potius consensum, quam dissensum. Hæc ratione aliquando probabile iudicavi, quam optime posse componi scientiam mediam cū physica prædeterminatione; quia scientia media ex terminis præcisissimis scientiæ mediæ, solum exigit cognoscere consensum vt conditionatè futurum pro priori ad omne decretum executivum in Deo, & subiectivè absolutum; quod quidè optime salveretur, si Deus consensum conditionatum prævideret, non in decreto subiectivè

absoluto, sed in prædeterminatione, aut decreto prædeterminatio sub conditione futuro, ac proinde in eo casu daretur scientia media, nondum compositibilis cum physica prædeterminatione, sed etiam physice prædeterminatio in in-nixa. Advertere tamen licet, quod hæc scientia media non respiceret pro obiecto motivo aliquid creatum, nec ab aliquo creato specificaretur, aut determinaretur, quod Thomistæ semper reputamus absurdum; itemque talem scientiam non fore subiectivè liberam, bene tamen obiectivè, quia supponeret determinationem liberam conditionatam in divina voluntate, & à divina voluntate in statu conditionato prædeterminante determinaretur; & non ab aliquo creato, nec à libertate creata, ac proinde non haberet inconvenientia, quæ contra scientiam mediam Iesuitarum, opponimus Thomistæ. Et item cum supremo dominio Dei compositibilis esset, cum eiusque suprema causalitate in omnes causas secundas, eoque retenta plenè omni Thomistarum doctrina, censebam posse defendi probabiliter scientia media in prædicto sensu.

126 Sed licet prædicta cogitatio probabilis appareat, & revera iudicem scientiam mediam in prædicto sensu purificari ab omnibus ferè imperfectionibus, & inconvenientibus quæ secum afferret scientia media in sensu Iesuitarum; verumtamen à præcipuo argumento, quod hac ratione prosequimur, non liberatur. Etenim decretum prædeterminativum, aut physica prædeterminatio (idemque de decreto comitanti) quæ de facto, & absolute non existit, nequit determinare de facto, & absolute repræsentationem essentiz divinæ, aut scientiam divinam potius ad consensum conditionatum, quam ad dissensum: Sed necessariò requiritur quod eam determinet de facto, & absolute: Ergo non potest prædictum decretum, aut physica prædeterminatio sufficienter determinare repræsentationem essentiz divinæ, nec scientiam divinam. Minor patet, quia essentia divina de facto, & absolute repræsentat determinatè consensum conditionatum præ dissensu conditionato, & scientia Dei de facto illum determinatè cognoscit; non enim potest dici quod illum tantum cognosceret, & repræsentaret posita conditione; & quod de facto, & absolute illum non cognosceret, quia hoc esset negare de facto in Deo scientiam illius conditionati, sive scientiam mediam: Sed nequit de facto essentia divina determinatè repræsentare, & scientia divina determinatè cognoscere consensum conditionatum, nisi ab obiecto de facto, & absolute determinetur: Ergo minor est vera. Maior vero eadem ratione probanda, est qua iam probavimus consensum conditionatum non

posse determinare absolute, & de facto scientiam, aut repræsentationem essentiz divinæ, quia de facto, & absolute non existit.

127 Et videtur in decreto prædeterminativo, quia tale decretum, in tantum determinat essentiam divinam per modum speciei ad repræsentandum, in quantum eam determinat per modum causæ ad efficiendum consensum: Sed decretum prædeterminativum, quod foret, & de facto non est, de facto non constituit essentiam divinam absolute determinatam ad causandum consensum, sed tantum illam determinaret, quando esset: Ergo nec de facto constituit illam determinatam ad repræsentandum, sed illam constitueret, quando existeret; ac proinde dicendum est, nihil posse de facto, & absolute determinare repræsentationem essentiz divinæ, nisi quatenus de facto est, & non sufficit, quod esset.

#### ITERVM REDDITVR AD principale assumptum.

128 **N**EC valet dicere, prout dicebat prima solutio num. 102. consensum conditionatum non determinare repræsentationem essentiz divinæ per modum causæ, aut formæ, sed tamen per modum conditionis, quia essentia divina per se est omnino determinata, ut posita existentia conditionata consensus per modum pure conditionis, illam actu, & absolute repræsentet. Contra enim est primò, quia obiectum primarium alicuius repræsentationis, & cognitionis, non concurret ad eam per modum conditionis pure, sed vere influendo obiectivè ut sæpè diximus: Ergo. Secundò, quia adhuc per modum conditionis, nequit determinare. Quod quidem probatur primò à paritate: Quia enim ignis est, quantum est ex sua parte, omnino determinatus ad comburendum, sub conditione tamen applicationis, quam exposcit, ut absolute sit determinatus, applicatio, quæ esset sub aliqua hypothese, non sufficit ut ignis de facto sit determinatus absolute, nec ut de facto comburatur: Et tamen applicatio solum determinat per modum conditionis: Ergo quod non est de facto, sed esset, nequit de facto determinare adhuc per modum conditionis. Secundò à priori: Quia determinatio obiectivè conditionata nequit transire in absolutam, remanente conditione in statu conditionato, sed requiritur quod conditio sit in statu absoluto, & absolute existens; quod enim absolute non est, minimè potest reddere determinationem conditionatam absolutam: Sed quantumvis essentia divina sit omnino determinata ad repræsentandum consensum quantum est ex se, hæc determinatio est obiectivè conditionata; quia exposcit conditionem consensus, ut illum absolute

repraesentet de facto. Ergo talis determinatio non potest reddi absoluta per conditionem, quae esset in aliqua hypotesi, sed necessario requirit conditionem, quae sit de facto, & absolute, ut essentia divina de facto, & absolute dicatur determinata.

129 Explicatur: Essentia divina, quantum est ex se, est determinata ad repraesentandum quodlibet, expectat tamen, ut de facto, & absolute repraesentet, aliquam conditionem ex parte obiecti; ac per consequens haec determinatio nequit transire in absolutam, nisi per positionem conditionis: Sed ut illa determinatio transeat in absolutam, non sufficit conditio pure conditionate existens: Ergo requiritur conditio absolute existens. Minor probatur, quia, ut aliqua determinatio conditionata fiat absoluta, non sufficit aliquid non absolutum, seu pure conditionatum; conditionatum enim non redditur absolutum, nisi per aliquid absolutum; sicut enim nigrum additum nigro non facit album, sed relinquit nigrum. Ita conditionatum additum determinationi conditionatae, nequit illam reddere absolutam, sed illam relinquet conditionatam; & sicut nigrum nequit fieri album, nisi per albedinem, ita conditionatum nequit transire, aut reddi absolutum, nisi per conditionem absolutam, absoluteque existentem: Sed conditio pure conditionate existens est conditionata subiective, utpote nondum existens, sed expectans conditionem ad essendum: Ergo ea non sufficit, ut determinatio conditionata transeat in absolutam.

130 Confirmatur: Quod dependet ab aliqua conditione ut sit absolute, si talis conditio nondum existat, sed etiam expectet aliquam conditionem, illud, quod ab ea dependet, nondum est absolutum, sed manet conditionatum, ut ex se patet: Sed repraesentatio scientiae divinae, ut sit absoluta repraesentat consensum conditionati, expectat ipsum consensum conditionatum, & consensus conditionatus, dum existit tamen conditionate, expectat aliquam conditionem à qua dependet: Ergo dum consensus manet existens pure conditionate, nequit reddere absolutam repraesentationem essentiae divinae respectu consensus conditionati.

131 Dices totum discursum praecedentem verum esse, quando conditio, quae expectatur, est aliquid absolutum, non vero quando conditio, quae expectatur, est aliquid conditionate tantum existens; ad hoc autem ut essentia divina absolute, & de facto repraesentet consensum conditionatum, conditio, quae expectatur, non est aliquid absolutum, sed solum ipse consensus conditionate existens. Sed contra est, quia omne conditionale, formaliter ut tale, necessario desiderat aliquid absolutum, ut fiat absolutum: Ergo implicat in terminis solutio, dum ait, essentiam di-

vinam, ut absolute repraesentet consensum conditionatum; solum expectare aliquid conditionale, & non absolutum. Antecedens patet ex dictis, quia omne nigrum, ut fiat album, necessario desiderat album, quia nihil potest fieri album per non album: Sed nihil potest fieri absolutum per non absolutum: Ergo omne conditionale, formaliter ut tale, necessario desiderat aliquid absolutum, ut fiat absolutum; ac per consequens falso supponit solutio, scientiam Dei, ut absolute repraesentet consensum conditionatum, nihil absolutum expectare per modum conditionis, sed solum consensum conditionatum.

132 Explicatur, & equivocatio solutionis detegitur. Etenim, vel praedicta repraesentatio, ut absolute repraesentet consensum conditionatum, expectat ipsum consensum in se ipso, vel expectat quod ipse consensus sit conditionate futurus? Hoc est, vel expectat, quod ipse consensus existat in se ipso, vel solum expectat quod sit conditionate existens? Si primum, visquedum consensus existat absolute in se ipso, non poterit essentia divina illum absolute repraesentare. Si secundum, (quod necessario dicendum est in opinione contraria,) necessarium est, quod etiam absolute, & de facto sit consensus conditionate existens, quia hoc expectatur, ut absolute, & de facto repraesentetur: Ergo semper requiritur aliquid absolutum; unde licet non requiratur quod ipse consensus sit absolutus, requiritur tamen quod eius futuritio conditionata, quae per essentiam divinam absolute repraesentatur, sit subiective existens absolute. Ex ratio est, quia si ipsa futuritio conditionata non esset subiective existens absolute, nondum daretur, sed tantum danda foret, si poneretur conditio auxilii: Ergo nondum daretur conditio expectata ad repraesentationem absolutam essentiae divinae, sed danda foret, si poneretur conditio: Ergo de facto essentia divina non repraesentaret absolute consensum conditionatum, sed ut illum repraesentaret expectanda foret conditio auxilii.

133 Explicatur amplius: Conditio, quae expectatur, in sententia contrariorum, est quod consensus sit conditionate existens: Interrogatur igitur, vel consensus est iam conditionate existens, & nulla expectatur conditio, ut sit conditionate existens? Vel nondum est conditionate existens, sed expectatur conditio alia, ut sit conditionate existens? Si hoc secundum dicatur: Ergo essentia divina nondum repraesentat consensum conditionatum, sed ut illum absolute repraesentet, adhuc expectat, quod consensus sit conditionate existens, quae conditio tunc implebitur, cum ponatur conditio requisita, ut sit conditionate existens: Si dicatur primum: Ergo consensum existere conditionate, est iam aliquid absolute. Probo hanc consequentiam, quia quod ita iam est, ut nulla expec-

est conditionem ad ita essendum, non est conditionatum, sed absolutum: Ergo si consensus iam est existens conditionatè, & ut ita sit, nullam expectat conditionem, consensus, ut existens conditionatè, erit iam aliquid absolutum: Ergo de primo ad ultimum conditio, quæ requiritur ut essentia divina absolute, & de facto representet consensum conditionatum, non est aliquid, quod esset, si poneretur conditio, sed aliquid, quod absolute iam est, ante, & independentè à qualibet conditione: Sed hoc nequit esse ipse consensus, qui esset: Ergo consensus, qui esset, si poneretur conditio, per se ipsum non determinat absolute; nec facit absolutam adhuc per modum conditionis representationem essentia divinarum; sed aliquid, per quod ipse consensus constituitur de facto, & absolute existens conditionatè: Quod quidem, aliud nequit esse, nisi decretum divinum de eventu conditionato, non decretum quod esset, sed decretum quod iam absolute in Deo sit.

134 Propter hæc, & alia, quæ possemus congerere adversus prædictam determinationem absolutam divinarum representationis à consensu purè conditionato; alij respondent, consensum conditionatum non determinare de facto, & absolute, sed tantum determinare conditionatè; quia posita conditione, scilicet auxilio, tunc voluntas per consensum determinaret scientiam mediam de consensu, & voluntati conscientie imputaretur, quod Deus haberet potius scientiam mediam consensus, quam dissensus. Sed hæc solutio difficilior est cæteris prædictis, primò, quia si consensus, antequam ponatur conditio, non determinat de facto, & absolute scientiam, & representationem Dei, scientia, & representatione Dei, antequam ponatur conditio auxilij, remanebit absolute, & de facto indeterminata, & indifferens, eo modo, quo ex se erat in signo possibilitatis indifferens ad representandum consensum conditionatum præ dissensu conditionato: Sed si absolute, & de facto remanet ita indifferens, & indeterminata, implicat, quod absolute, & de facto representet determinatè consensum conditionatum, præ dissensu: Ergo de facto scientia Dei non representabit vnum præ alio determinatè, sed expectandus erit consensus absolute, purificata conditione, & tunc determinatè illum representabit: Sed hoc est negare de facto ante positionem conditionis scientiam mediam: Ergo. Secundò, quia posita conditione auxilij, tunc consensus esset absolutus, & non conditionatus: Sed consensus absolutus non determinat scientiam mediam, sed scientiam visionis: Ergo tunc consensus non determinaret scientiam mediam, sed scientiam visionis. Denique, quia scientia Dei secundum sua prædicata necessaria, & in signo necessario, non representat determinatè consensum conditionatum præ dissensu: Vel et,

go in signo posteriori aliquid ei additur absolute, & de facto, vel nihil, sed tantum adderetur, si poneretur auxilium: Si hoc secundum: Ergo sicut in signo necessario non representat determinatè consensum præ dissensu, ita in signo posteriori se habebit absolute, & de facto; quandoquidem nihil amplius habebit absolute, & de facto. Si primum: Ergo absolute, & de facto determinatur per illud, quod ei absolute, & de facto superadditur. Tunc sic: Vel determinatur à se, vel à consensu? Si à se: Ergo liberè per voluntatem, quia nullus à se determinatur ad aliquid, nisi liberè se determinando per voluntatem. Si à consensu: Ergo consensus absolute, & de facto determinabit scientiam Dei: Cum ergo, iuxta hanc solutionem, à consensu absolute, & de facto non determinetur. Dicendum erit, quod à se liberè determinatur per suam voluntatem, & consequenter per decretum: Constat igitur ex hac nostra secunda ratione, scientiam Dei non posse cognoscere consensum conditionatum determinatè in se ipso pro priori ad omne decretum exercitum in Deo, & nisi per tale decretum determinetur.

**PRIMUM ARGUMENTUM**  
*contra duas precedentes rationes.*

135 **O**bjiciunt primò, cōtrarij in hunc modum: Per hoc præcisè, quod scientia Dei sit infinita, & consensus sit conditionatè existens, præciscendo à quolibet alio, scientia Dei cognoscit consensum conditionatè existentē: Sed scientia Dei per se, & ab intrinseco infinita est, præciscendo ab omni decreto: Itemque consensus est conditionatè existens, præciscendo etiam à decreto exercito in Deo: Ergo præciscendo ab omni decreto exercito, Deus per suam scientiam infinitam cognoscit determinatè consensum conditionatè existentem. Maiorem probant, quia per hoc præcisè, quod scientia sit infinita, & obiectum aliquid scibile sit, extenditur ad tale obiectum, scientia enim infinita est scientia omnis scibilis: Sed per hoc præcisè, quod consensus existat conditionatè, est scibilis ut conditionatè existens, quia vnumquodque in quantum est, scibile est: Ergo per hoc præcisè, quod scientia Dei infinita sit, & consensus sit existens conditionatè, præciscendo à quolibet alio, scientia Dei cognoscit consensum existere conditionatè. Deinde probant minorem quoad secundam partem, in qua stat difficultas; quia consensus, ut conditionatè existens, nihil omnino importat formaliter, quam quod consensus esset, si poneretur auxilium: Sed hoc nullum omnino importat decretum exercitum in Deo: Ergo consensus est conditionatè existens, præciscendo ab omni decreto exercito in Deo. Hæc est ratio à prio-



priori vnica contrariorum ad probandam scientiam mediam.

136 Ad illam ergo primò respondeo, distinguendo maiorem, (quam veluti principium evidens statuunt contrarij): Per hoc præcisè, quod scientia Dei infinita sit, & consensus sit conditionatè existens, præcindendo à quolibet alio, scientia Dei cognoscit consensus existere conditionatè, si consensus vt conditionatè existens inuoluar decretum exercitum formaliter, concedo maiorem: Si consensus, vt conditionatè existens, præcindat ab eo decreto, nego maiorem. Ad cuius probationem distinguo etiam maiorem: Per hoc præcisè, quod scientia Dei sit infinita, & obiectum aliquod scibile sit in ipso Deo, tanquam in obiecto primariò, extenditur ad illud, concedo maiorem: Si tantum esset scibile obiectum in se ipso, & non in Deo, tanquam in obiecto, nego maiorem, & distincta minori eodem modo, nego consequentiam. Itaque, quamvis admitteremus, cum contrarijs, consensum non constitui formaliter conditionatè existentem per decretum exercitum, & quod consensus in se ipso haberet suam existentiam conditionatam à decreto distinctam; adhuc in eo casu non teneremur admittere, quod Deus illum cognosceret in se ipso pro priori ad omne decretum. Et ratio est, quia, vt aliquid cognosceretur per scientiam infinitam Dei, non sufficit, quod obiectum in se ipso sit cognoscibile, sed etiam requiritur quod sit cognoscibile in ipso Deo, tanquam in obiecto primariò determinatiuo, & motiua ad illius cognitionem; quia scientia diuina, propter eam quod infinita est, ea, quæ sunt, non ex his, quæ sunt, discit, nec ad singula se innititur, sed se ipsam cognoscens; scit alia, vt vidimus ex D. Dionysio *num. 60.* nec aliquid extra se ipsum intuetur Deus, sed alia à se, non in ipsis, sed in se ipso cognoscit, tanquam in medio, vt attestantur D. Augustinus, & Div. Thom. *num. 61. citatis*, ac proinde, vt aliquid per scientiam infinitam Dei cognoscat, necessarium est, quod sit in ipso Deo determinatè cognoscibilis. Cum autem præcindendo à decreto non sit in Deo determinatè cognoscibilis consensus per se diffusus, quia, præcindendo à decreto, Deus ex se est indifferens ad verumque; inde est, quod, præcindendo à decreto, non posset consensus per infinitam Dei scientiam cognosci, quamvis, præcindendo à decreto, esset conditionatè existens. Hanc solutionem prosequatur habes, *Disputat. præcedent. quaest. 5. num. 89.*

137 Ex ea tamen constat, quod si futuritio conditionata non constitueretur formaliter per decretum, prout etiam aliqui ex nostris censuerunt, necessariò dicendum est, supponere essentialiter in Deo decretum exercitum in genere causæ efficientis; ac proinde futuritionem conditionatam in eo casu, præcindere à decreto,

tanquam à forma, siue causa formali, non tamen ab eo, tanquam à causa efficienti, quia in eo casu futuritio conditionata esset in se ipsa cognoscibilis terminatiue, sed non esset in se ipsa cognoscibilis motiue, & determinatiue, sed solum in Deo vi decreti; ac proinde semper necessarium foret decretum ad eam cognoscendam; idemque dicendum esset in tali casu de futuritione conditionata, ac de existentia absoluta in ordine ad cognosci in decreto. Quod si cum leuiter constitutur futuritio conditionata independentèr à decreto exercitio, nedum vt causa formali, sed etiam vt à causa efficienti, & ab eo vtroque modo præcindatur; dicendum est, talem futuritionem in eo casu, nobis impossibili, fore cognoscibilem in se terminatiue præcindendo à decreto, non tamen esset cognoscibilis in Deo; quod quidem absurdum reputamus, non minus quam aliquid existere in se, quod non continetur in Deo; ac proinde nihil mirum quod sequeretur contradictoria, scilicet, quod futuritio illa conditionata cognosceretur à Deo, quia in se erat cognoscibilis terminatiue; & rursum non cognosceretur à Deo, quia non erat in Deo cognoscibilis motiue, & determinatiue.

138 Deinde ad argumentum conformiter ad doctrinam de constitutione futuri, aut existentis conditionati per decretum. Respondeo secundò, concessa maiori, negando minorem. Ad cuius probationem, concessa etiam maiori, nego minorem; quia quod consensus esset, dicit exercitè de præsentì determinationem conditionatam obiectiue ad existentiam consensus; quia vt in *Metaphysica* probatum manet, qui dicit, *quod consensus existeret, si poneretur conditio*, aliquid repræsentat, & significat exercitè de præsentì, quod nihil aliud est, quam determinatio præsens ad consensum sub conditione, siue decretum subiectiue absolutum, & obiectiue conditionatum. Vnde, præcindendo à tali decreto, non est verum, quod consensus esset, si poneretur conditio.

139 Sed contra hanc solutionem replicabis primò: Vt consensus sit possibilibis, siue possit esse, sufficit decretum possibile: Ergo vt consensus sit conditionatè existens, siue vt esset, si poneretur conditio, sufficit decretum conditionatè existens, siue quod esset posita conditio. Confirmatur, quia possibilitas intrinseca rebus nihil est de facto, & exercitè existens, sed tantum, id quod potest esse: Et tamen de facto est cognoscibilis in se ipsa: Ergo licet existentia conditionata nihil sit exercitè, & absolute existens, sed quod esset, si poneretur conditio, potest esse de facto cognoscibilis in se ipsa. Confirmatur secundò: Vt futurum conditionatum sit determinatè cognoscibile, sufficit quod sit verum: Sed vt sit verum, non requiritur quod sit aliquid actu existens:

Et.

Ergo quamvis futurum conditionatum non sit aliquid de presenti existens, potest esse cognoscibile de presenti. Minor probatur ex D. Thom. *quæst. 1. de Veritat. art. 5. in corp.* ubi sic ait: *In hac adequatione (in qua stat veritas) intellectus ac rei, non requiritur, quod utrumque extremorum sit in actu, intellectus enim noster potest nunc adequari his, quæ in futurum erunt, nunc autem non sunt; alias non esset hæc veritas: Antichristus nascetur, unde hæc denominatur vera à veritate, quæ est in intellectu tantum, etiam quando non est rei ipsa.* Ergo ut aliqua res vera sit, non requiritur, quod sit aliquid de facto existens. Vrgetur ex eodem D. Thom. *ibidem ad 2.* ubi loquens de non ente, sic ait: *Vnde quod intellectui, cuiusque æquatur, non est ex ipso non ente, sed ex ipso intellectu, qui ratione non entis accipit in se ipso.* Deinde ad 6. sic prosequitur: *Quod est futurum, in quantum est futurum, non est, & similiter præteritum, unde eadē est ratio de veritate præteriti, aut futuri, sicut de veritate non entis.* Tunc sic, sed non ens non est aliquid, nec importat aliquid de presenti existens, & tamē sæpè dicitur de presenti verum, ut privationes, & negationes: Ergo similiter futurum conditionatum, quamvis de presenti nihil importet existens, poterit esse de presenti verum.

140 Ad replicam, respondeo, concessio antecedenti, negando consequentiam; & quidem si solum admittamus possibilitatem extrinsecam, est manifesta disparitas, quia possibile formaliter ut tale, non constituitur per decretum, sed per omnipotentiam, ideoque non requirit decretum exercit existens, requirit tamen ipsam omnipotentiam exercit existentem; futurum autem conditionatum constituitur formaliter per decretum, unde ut de facto aliquid sit conditionatè futurum, requiritur decretum, quod actu sit, & non sufficit decretum, quod esset; aliis enim de facto non esset conditionatè futurum, quando veniret illud decretum, quod esset. Cæterum, quia ex dictis in Metaphysica, verius iudicavimus, dari possibilitatem intrinsecam rebus ipsis convenientem essentialiter, & quidditative; aliter reddo disparitatem, quia scilicet possibilitas est status necessarius, absolutus à tempore, ac proinde nihil importat actu existens contingenter, ideoque non indiget decreto exercit existente in Deo, sed tantum omnipotentia radicante, & à priori inferente talem possibilitatem intrinsecam; at vero futuritio, aut existentia conditionata, de qua loquimur, est status contingens, qui proinde debet concernere aliquod tempus determinatum; cum autem non possit concernere tempus, quod esset posita conditione, quia, ut sæpè diximus, status conditionatus non expectat conditionem ut sit, sed in realitate est ante positionem conditionis, inde est,

quod talis status conditionatus debet concernere tempus præsens, & futuritio conditionata debet esse de presenti, & importare aliquid de presenti existens contingenter: Hoc autem impossibile est sine decreto de presenti existente.

141 Ex quo ad confirmationem, omittam maiori, distinguo minorem: Et tamen est cognoscibilis per simplicem intelligentiam necessariam, concedo minorem: Per affirmationem contingentem, nego minorem, & consequentiam: quia possibilitas intrinseca rerum non est cognoscibilis per affirmationem contingentem, sed tantum per simplicem intelligentiam in Deo, & in nobis per affirmationes necessarias; hæc autem est distinctio in his modis cognoscendi; quod simplex notitia, aut intelligentia in Deo, sicut in nobis affirmatio necessaria, respiciunt obiectum cum omnimoda abstractione à tempore, & ab omni actualitate accidentali, unde obiectum, ut sit cognoscibile prædicto modo, & respectu simplicis intelligentie necessarie Dei, non requiritur quod importet, aut sit aliquid actu existens, sed sufficit, quod verè, & absolute sit intrinsece iuxta modum necessarii illius status, scilicet à abstractione ab omni actualitate accidentali; quomodo diximus in Metaphysica, rebus omnibus positivè, intrinsece, & absolute eis convenire sua prædicta essentialia, & similiter possibilitatem; unde tam possibilitas, quam predicata essentialia rerum sunt cognoscibilia per simplicem notitiam, aut intelligentiam Dei, & per affirmationes necessarias, quamvis non sint de presenti existentia.

142 At vero affirmatio contingens non respicit obiectum cum tanta abstractione, sed necessario respicit obiectum concernendo aliquem statum accidentalem; cum autem status accidentalis necessario sit in aliquo tempore de presenti, inde est, quod per affirmationem contingentem nequit obiectum esse de presenti cognoscibile; quin de presenti habeat aliquem statum accidentalem, & contingentem, & consequenter quoniam importet aliquid de presenti existens. Vnde si futurum contingens conditionatum nihil importaret de presenti existens, nequiquam esset de presenti cognoscibilis per affirmationem contingentem, qualis est scientia media apud ipsos contrarios, sed ad summum esset cognoscibile per simplicem notitiam, ut possibile.

143 Ex quo aliam deduco disparitatem, nimirum, quod, quando dicitur quod possibilitas est cognoscibilis, est affirmatio necessaria, ac proinde verbum est absolutum à tempore, & facit hunc sensum, *possibilitas ex se, & ex suo conceptu obiectivo est cognoscibilis*, quod quidem verum est, quamvis non sit de presenti existens, sicut in hac propositione *homo est animal rationale* contingeret, quamvis nullus existeret homo, qui esset ani-

animal rationale de facto, propter eandem rationem. Cum vero dicitur: *Consensus est cognoscibilis et conditionate futurus*, est affirmatio contingens, ac proinde in ea verbum non absoluitur a tempore, sed significat exercitè de presenti prædictam cognoscibilitatem, unde si de presentia non existat talis cognoscibilitas, non erit veniè dicere, quod prædicto modo est cognoscibilis. Vide in Metaphysica *quaest. 16. à num. 7. & quaest. 9. à num. 7.*

144. Ex quo addo etiam aliam disparitatem, nimirum quod possibilis consensus ex parte obiecti est absoluta, & necessaria, distinctaque ex parte obiecti ab existentia exercita ipsius consensus, ac proinde, ut suo modo detur possibilitas ex parte obiecti, non expectat existentiam contingentem, aut aliam conditionem; sed, cum sit omnino necessaria, datur absolute in suo statu obiectivo ante omnem conditionem contingentem: At vero futuritio conditionata apud contrarios nullo modo datur absolute ex parte obiecti, sed, ut sit absolute, expectat conditionem contingentem; siquidem apud ipsos non est ex parte obiecti distincta ab existentia absoluta rei futuræ. Cum autem in tantum sit aliquid cognoscibile, in quantum datur ex parte obiecti; inde est quod possibilitas ante omnem existentiam, aut conditionem contingentem, est absolute cognoscibilis, quia absolute datur ex parte obiecti suo modo, futuritio vero conditionata non erit absolute cognoscibilis, quia non datur absolute ex parte obiecti, sed expectat conditionem, unde expectanda erit conditio etiam, ut sit absolute cognoscibilis.

145. Unde paritatem in adversarios intorqueo: Si enim res non esset ex parte obiecti absolute possibilis ante existentiam exercitam, sed expectanda foret existentia exercita, ut esset intrinsecè, & ex parte obiecti absolute possibilis, expectanda foret existentia exercita, ut eius absoluta possibilitas affirmaretur de ipsa re: Sed iuxta contrarios, futurum conditionatum ex parte obiecti, non est absolute futurum conditionatum ante conditionem, sed expectatur conditio, ut detur absolute ex parte obiecti ipsa futuritio conditionata: Ergo etiam expectanda erit conditio, ut futuritio conditionata sit absolute cognoscibilis, & affirmabilis de re futura. Quod quidem evidentius patet in possibilitate proxima accidentali, qua actus liber dicitur possibilis proximè ex libertate proxima. Etenim, quia talis possibilitas ex parte obiecti dependet à libertate proxima, & eam expectat, tanquam conditionem, non est absolute cognoscibilis ea possibilitas affirmativè, usquequid detur ea libertas proxima: qua propter, si nunquam daretur libertas proxima, nunquam esset cognoscibilis affirmativè talis possibilitas proxima, quia nunquam posset affirmari cum veritate: *Actus liber est proximè*

*possibilis*: Sed non minus contingens est futuritio conditionata respectu consensus, quam eius proxima possibilis: Ergo si talis futuritio conditionata non datur de presenti ex parte obiecti, sed expectat conditionem, ut absolute detur, non est cognoscibilis absolute, & de presenti, sed expectanda erit conditio, ut sit absolute cognoscibile, *consensum esse conditionate futurum*.

146. Ex quo ad secundam confirmationem ex num. 139. concessa maiori, nego minorem. Ad cuius probationem ex D. Thom. concessa tota eius auctoritate, distinguo consequens: Non requiritur quod sit aliquid existens in se ipso, & extra causam, concedo consequentiam: Non requiritur quod sit existens in causa saltem, subdistinguo: Vt sit verum obiectivè, nego consequentiam: Vt sit verum formaliter, & ex parte actus, concedo consequentiam. Ex quo ad augmentum difficultatis admissio textu D. Thom. distinguo minorem subsumptam quoad secundam partem: Et tamen sæpe dicitur de presenti verum formaliter, & ex parte actus, concedo minorem: Obiectivè, & in se, nego minorem, & consequentiam. Itaque D. Thom. in eo articulo expressè distinguit duplicem veritatem, vnam rebus creatis intrinsecam, & obiectivam, & aliam extrinsecam, & formalem ex parte actus intellectus: Ait autem in corpore quod ad veritatem formalem, & extrinsecam, quod consistit in adæquatione intellectus cum re, non requiritur quod res existat; quod quidem intelligendum est, de existentia rei in se ipsa, & extra causam, quod libenter fatemur, quia, ut inquit S. D. hæc est hodie vera: *Antichristus nascetur, à veritate quæ est in intellectu tantum, etiam quando non est res ipsa*, scilicet Antichristus in se ipso: Non autem negat Angelicus Doctor, ad huiusmodi veritatem requiri, quod res ipsa sit in sua causa determinata ad eventum, cum hoc expressè asserat 1. part. *quaest. 16. artic. 7. ad 3.* ubi expressè ait, quod ea, quæ ab æterno sunt futura, non sunt verum ea esse futura, nisi quatenus in causa sempiterna sunt, ut essent futura. Itemque 1. Periermen. cap. 8. *lect. 13.* & alibi sæpe id ipsum asserit.

147. Loquendo autem de non ente, nimirum de privatione, & negatione, prout loquitur D. Thom. ad 2. dicendum est, quod non requiritur ad veritatem, quod in se ipso non ens sit aliquid positivè existens, quia ut inquit Angelicus Præceptor, talis veritas, vel adæquatio, non est ex ipso non ente, itemque nec requiritur quod sit in sua causa, quia negationes, & privationes non habent causam positivam, in qua sint, requiritur tamen quod res negata, aut privata non sit in re. Quod si virget, dicendo D. Thom. asserere, quod quod eadem ratio est de futuro, ac de præterito quoad

quoad veritatem, ac de veritate non entis: Ergo sicut ad veritatem non entis non requiritur, quod verè sit, nec in se, nec in sua causa, ita similiter ad veritatem futuri hoc non requiritur. Respondet, quod D. Thom. intelligendus est, quantum ad esse, vel non esse in se ipsis; quia sicut ad veritatem non entis, non exigitur quod sit in se ipso, ita ad veritatem futuri non requiritur quod sit in se ipso, immo requiritur quod in se ipso non sit, non autem meminit ibi D. Thom. de existentia, vel non existentia in causa determinata; quia intentum illius articuli solum est, quod nulla veritas creata sit æterna, sed sola veritas divina, & primæ ad quod sufficit, quod præteritum, aut futurum in se ipsis non sint ab æterno, nec habeant veritatem intrinsicè inherentem, non autem requiritur, quod non sint in causa sempiterna determinata ad eorum existentiam, immo non aliter potest esse verum ab æterno aliquid esse futurum.

148 Vnde in *corp. artic.* immediatè post verba relata hæc habet D. Thom. *Si autem accipiamus veritatem pro veritate creatorum verorum eis inherentem, quam invenimus in rebus, & in intellectu creato, sic veritas non est æterna, cum ipse res, nec intellectus, quibus veritates inherent, non sint ab æterno:* Ergo ex mente D. Thom. veritas obiectiva, quæ est intrinseca rebus, solum potest dari, quandiu ipse res habent esse, & quandiu non sunt, non possunt habere veritatem obiectivam intrinsicè in se ipsis, & consequenter nec cognoscibilitatem: Sed futura contingentia conditionata in se ipsis non habent esse, sed tantum illud habent, si poneretur conditio: Ergo in se ipsis non habent veritatem, nec cognoscibilitatem obiectivam, sed tantum illam haberent, si poneretur conditio: Ergo non cognoscuntur de facto in se ipsis. Ecce ex mente ipsius D. Thom. & ex ipso corpore articuli, nobis obiecto, ruit manifestè opinio contraria.

#### ALITER SOLVITUR PRÆCEDENS ARGUMENTUM.

149 SED ut videas, quam levi filo innitatur ex hac parte scientia media, deus contrariis, futura contingentia conditionata habere in se ipsis veritatem obiectivam, & cognoscibilitatem intrinsicè, eo modo, quo illam habent possibilia. Ad summum ex hoc sequeretur, esse cognoscibilia in se ipsis terminative, quia hoc tantum modo admittit Schola Thomistarum, Deum cognoscere possibilia in se ipsis. De quo vide *Disputat. præcedent. quæst. 5. per totam, & præsertim à num. 82.* Restat ergo contrariis assignare medium, in quo motivè, & determinative cognoscantur, sive obiectum motivum, & determinativum scientiæ mediæ.

150 Sed contra replicabis, quia eo ipso,

quod futurum contingens conditionatum habeat veritatem, & cognoscibilitatem obiectivam, potest determinare sufficienter scientiam mediæ: Ergo si primum est verum, potest quamoprimè futurum conditionatum in se ipso esse obiectum determinativum scientiæ mediæ, & in se ipso cognosci motivè, & determinativè. Antecedens probatur à P. Herrera in *present. quæst. 14. scilicet 34. num. 35.* quia vt obiectum determinet potentiam ex se determinatam ad cognoscendum omne verè cognoscibile, sufficit quod in se habeat cognoscibilitatem, sive sit cognoscibile: Sed scientia Dei, sive intellectus divinus est ex se determinatus ad cognoscendum omne verè cognoscibile: Ergo si admittitur obiectum conditionatum habere in se cognoscibilitatem, & veritatem obiectivam, poterit determinare scientiam Dei ad sui cognitionem. Confirmatur, quia Deus titulo summæ sapientiæ determinatus est omnino ad cognoscendum omne obiectum habens veritatem sufficientem, vt cognitio illius vera sit: Sed si admittatur obiectum conditionatum habere veritatem obiectivam, & cognoscibilitatem, cognitio illius vera erit: Ergo eo ipso vltimò determinabit scientiam Dei ad sui cognitionem. Patet consequentia, quia scientia ex se determinata ad cognoscendum omne, quod habuerit veritatem sufficientem vt cognitio illius vera sit, præcisè ei deficit, vt sit vltimò determinata, quod obiectum habeat talem veritatem: Ergo per hoc præcisè vltimò determinatur.

151 Respondeo, negando primum antecedens. Ad cuius probationem, distinguo maiorem: Si potentia esset determinata ad cognoscendum omne verè cognoscibile in se ipso, tanquam in obiecto motivo, & determinativo, concedo maiorem: Si potentia sit determinata ad cognoscendum omne cognoscibile in ipso cognoscente præcisè, tanquam in obiecto motivo, & determinativo, nego maiorem; & distinctio minoris eodem modo, consequentiam; quia intellectus divinus, quamvis sit determinatus ad cognoscendum omne cognoscibile propter infinitam vim cognoscitivam, propter eandem tamen infinitatem est determinatus ad omnia cognoscenda in se ipso, seu in sua essentia, tanquam in obiecto motivo, & determinativo; quia repugnat intellectui infinitum, & æternum determinari, & moveri ab aliquo extra se ad aliquam cognitionem; vnde per hoc præcisè quod obiectum creatum in se habeat veritatem, & sit intrinsicè cognoscibile, ad summum sequitur, quod sit obiectum terminativum, non vero motivum, & determinativum intellectus divini.

152 Ex quo ad confirmationem, distinguo maiorem: Deus titulo summæ sapientiæ determinatus est ad cognoscendum in se ipso, sive in sua essentia omne obiectum habens veritatem suffi-

sufficientem, ut cognitio illius vera sit, concedo maiorem: Ad illud cognoscendum in obiecto creato, tanquam in motivo, & determinativo, nego maiorem, & concessa minori, consequentiam. Ad cuius probationem patet ex dictis, quia licet obiectum habeat veritatem sufficientem, ut cognitio illius vera sit, ulterius requiritur quod intra ipsum Deum detur principium, in quo tanquam in medio, & obiecto motivo possit talis veritas cognosci, quin sit necessarium quod Deus extra se egrediatur ad querendam veritatem, aut quod a veritate extra se posita determinetur, quia hoc repugnat cognitioni divinae omnino independenti, & per se infinitae. Ex quo inferes, quod quamvis obiectum haberet sufficientem veritatem ut cognitio illius vera foret, si tamen non daretur intra Deum decretum cum ea connexum, non haberet sufficientem veritatem ut cognitio eius a se determinata infinita foret, & omnino independens, qualis debet esse cognitio divina, ac proinde non haberet sufficientem veritatem ut determinaret cognitionem infinitam.

153 Sed replicabis implicat quod obiectum habeat sufficientem veritatem ut determinet cognitionem veram, quin habeat sufficientem veritatem ut determinet cognitionem infinitam: Sed veritas obiectiva, & intrinseca futuri conditionati haberet sufficientiam ad determinandam cognitionem veram: Ergo. Maior probatur, quia implicat aliquid cognosci cognitione vera, quin cognoscatur cognitione infinita Dei, alias enim aliquid posset vere cognoscere aliquid quod Deo latere: Ergo. Respondeo, negando maiorem, quae falsa est, quia quodlibet obiectum creatum, & finitum existens in se ipso potest determinare cognitionem sui veram in alio intellectu humano; sed minime potest determinare cognitionem infinitam Dei. Vnde ad eius probationem, distinguo antecedens: In eodem medio, & obiecto determinativo, nego antecedens: In diverso medio, & obiecto motivo, concedo antecedens, & nego consequentiam; quia licet necessarium sit, quod Deus cognoscat quicquid cognoscitur vera cognitione creata, minime tamen est necessarium quod Deus illud cognoscat in eodem medio, in quo cognoscitur a cognitione creata, aut in eodem obiecto motivo, & determinativo; sed potius est necessarium quod obiectum cognitum in se ipso determinativè a cognitione creata, cognoscatur per cognitionem divinam in ipso Deo tanquam in obiecto determinativo propter dicta. Ex quo patet, quod quamvis obiectum conditionatum in se ipso haberet veritatem sufficientem ad determinandam cognitionem veram creatam, & finitam, minime tamen haberet veritatem suf-

ficientem ad determinandam cognitionem infinitam Dei, quae a nullo finito extra se determinari valet.

154 Verumtamen neganda etiam est minor praecedentis replicae, nempe, quod veritas obiectiva, & intrinseca futuri conditionati, si daretur, haberet vim ad determinandam cognitionem sui veram, etiam creatam; quia quod de facto nihil est, nec de facto existit, nequit de facto determinare sui cognitionem: At illa veritas conditionata intrinseca de facto nihil esset, nec existeret: Ergo non posset determinare cognitionem sui, etiam creatam, videantur supra dicta a num. 104. & Disputat. praecedent. quaest. 54 a num.

155 Sed replicabis: Ut obiectum determinet cognitionem, non requiritur, quod verè insuat in cognitionem, sed sufficit, quod in se sit cognoscibile, & potens illam terminare: Sed quamvis ad primum requiratur existentia, non tamen ad secundum: Ergo ad determinandam sui cognitionem non requiritur existentia. Maior probatur, quia cognitiones Angelorum determinantur ab obiectis: Et tamen obiecta ipsa nullum verum habent influxum in cognitionem Angelorum, alias enim Angeli acciperent suam scientiam a rebus: Ergo. Respondeo, negando maiorem. Ad eius probationem, distinguo maiorem: Cognitiones Angelorum determinantur ab obiectis ut in specie contentis, concedo maiorem: ut in se ipsis immediate, nego maiorem, & distincta minori eodem modo, nego consequentiam; quia, licet Angeli non accipiant scientiam a rebus, quia suas species non accipiunt a rebus, tamen suam scientiam habent ab speciebus inditis, in quibus speciebus continentur res, & obiecta in esse intelligibili proximo. Vnde Angelorum cognitiones determinantur, tanquam ab obiecto motivo, & determinativo, ab obiectis ut contentis in ipsis speciebus, & obiecta ut contenta in speciebus verè influunt in cognitiones Angelorum.

156 Sed dices: Ipsae species Angelorum in sui representatione determinantur ab obiectis & tamen obiecta non influunt in representatione obiectorum: Ergo poterit obiectum determinare representatione scientiae divinae, quamvis in illam non influat. Maior probatur, quia species Angelorum specificantur ab obiectis: Ergo in sui representatione determinantur ab illis. Confirmatur: Species Angeli, antequam res naturalis existat, non repraesentat eius existentiam, alias enim repraesentaret futura, & Angelus cognosceret naturaliter futura; quod nemo dicit; & postquam res naturalis existit, repraesentat eius existentiam: Sed ad hanc existentiam de novo repraesentandam, non determinatur ab alio, quam ab ipsa existentia: Ergo.

157 Respondeo, distinguendo maiorem

re n: Determinatur ab obiectis prout in se ipsis, nego maiorem: Ab obiectis prout contentis in idæ divinis, concedo maiorem, & distincta minori eodem modo, nego consequentiam. Ad probationem maioris, dico, quod species Angelorum, ut fert communis sententia Theologorum, & præcipue Thomistarum, cum suo Angelico Magistro, vnicè producuntur à Deo, quia dum producit res in se ipsis in esse naturali, simul eas producit in esse intelligibili in mentibus Angelorum; & sicut Deus ad producendas res in esse naturali determinatur, & regularur per idæam, ita & præcipue ad producendas ipsas res in esse intelligibili, sive species earum in mentibus Angelorum; unde tales species sunt participationes divinarum idæarum, à quarum mensuram producuntur, & accipiunt suam representationem determinatam; ideoque à rebus, prout sunt in divinis idæis, determinantur, & specificantur in sua representatione; res autem prout sunt in idæis divinis verè influunt in species Angelorum, quia idææ divinx sunt causæ verè exemplares, verèque influentes in tales species. Quæ doctrina est Div. Thom. pluribus in locis.

158 Ex quo ad confirmationem concessa maiori, nego minorem; quia sicuti species in sui primatia existentia, & representatione non determinatur ab obiecto creato in se ipso, ita similiter in illa representatione accidentali ter ei adveniente non determinatur ab obiecti existentia, sed determinatur à Deo producente existentiam obiecti, quia dum Deus producit aliquod individuum determinatum, simul in mente Angelicæ determinat eius speciem, ut illud representet. Qualiter tamen hæc determinatio fiat, an per novam speciem, entitatem, modum, aut expressionem, non est huius loci examinare. Arridet tamen nobis placitum Ioann. à Sanct. Thom. adstruentis novam modum de novo productum à Deo, ratione cuius de novo species representat existentiam illius individui.

159 Sed non quiesces primò, quia si species determinaretur in sui representatione ab obiecto prout in idæa divina, representaret obiectum prout in idæa divina: Sed talis species non representat obiectum prout in idæa divina: Ergo non determinatur ab obiecto prout in divina idæa. Minor probatur, quia intellectus angelicus cognoscit obiectum eo modo, quo per speciem representatur: Sed non cognoscit obiectum, prout in idæa divina, sed in se ipso: Ergo species non representat illud prout in idæa divina, sed prout in se ipso. Secundò, quia obiectum prout in idæa divina, est aliquid divinum: Sed illæ species Angelorum non possunt determinari, nec specificari ab aliquo divino: Ergo non determi-

nantur ab obiecto, prout in idæa divina. Minor probatur, quia ille species non sunt aliquid theologium, sed aliquid purè naturale, & physicum: Sed quod specificatur, determinaturque ab aliquo divino, est aliquid theologium, & non purè physicum: Ergo.

160 Respondeo, negando maiorem: quia non est necessarium, quod obiectum in eodem statu, in quo determinat, & causat representationem speciei, representetur per ipsam, aut sit obiectum terminativum illius; sed potest contingere, quod obiectum in vno statu sit causa exemplaris, specificativa, & determinativa speciei, & quod ab specie representetur in alio; quod clare explico in artificie consciente imaginem alicuius hominis, Cæsaris v.g. Etenim illa imago causatur, specificatur, & determinatur ab ipso Cæsare existente in mente artificis per modum idææ, siquidem artifex, dum construit imaginem, illam conficit conformiter ad idæam, & iuxta mensuram, & proportionem obiecti prout est in idæa, & tamen imago constructa non representat Cæsarem in idæa, neque idæam artificis, sed immediate representat Cæsarem in se ipso: Ita ergo similiter dicimus, speciem angelicam determinari, & specificari extrinsece ab obiecto prout in idæa divina, quia Deus efficiens talem speciem, regularur, & conformatur cum idæa talis obiecti; unica enim, & ipsissima idæa regulatus efficit rem, in suo esse naturali; itaque illam efficit in esse intelligibili in mentibus Angelorum; sed non efficit tale esse intelligibile, sive talem speciem ut representet obiectum in idæa, sed ut illud representet in se ipso.

161 Explicatur etiam hoc in cognitione actuali, sive in specie expressa, quæ abs dubio determinatur ab obiecto, & ab eo causatur specificativè, non quidem ab obiecto immediate in se ipso, sed ab obiecto ut contento in specie impressa; & tamen cognitio, sive species expressa non representat obiectum prout contentum in specie impressa, sed illud representat immediate in se ipso: Ergo quamvis species in sui representatione determinetur ab obiecto, prout in idæa divina, non sequitur quod illud representet prout in idæa, sed potest illud immediate representare prout in se ipso.

162 Ex quo ad secundam replicam, distinguo maiorem: Obiectum prout in idæa divina est aliquid divinum quoad statum, concedo maiorem: Ex parte rei contentæ, nego maiorem, vel aliter: Est aliquid divinum præcisè, nego maiorem: Est aliquid divinum formaliter, & eminenter obiectum creatum, concedo maiorem, & eodem modo distincta minori, nego consequentiam. Ad probationem minoris dico primo, quod, ut aliqua virtus, vel tendentia dicatur theologicæ, non sufficit, quod respiciat aliquid divinum.

ut determinativum, aut specificativum præcisè; sed requiritur, quod ipsum Deum primario respiciat ut obiectum determinativum; qua ratione plures Theologi admittunt virtutem religionis respicere pro obiecto motivo Maiestatem divinam, & tamen negant, esse virtutem theologicam, quia non respicit pro obiecto terminativum ipsam Maiestatem divinam, sed cultum eius. Sed iuxta distinctiones traditas melius respondeo, quod ut aliqua tendentia sit verè theologia, requiritur quod respiciat obiectum divinum, non utcumque, sed quod sit divinum quoad rem ipsam, quæ obiectum denominatur, hoc est, quod non solum status, in quo obiectum determinat, & specificat, sit aliquid divinum, sed quod ipsum obiectum ex parte sua specificativè sumptum sit aliquid divinum: Item non sufficit, quod sit aliquid divinum quatenus eminenter est creatum, sed requiritur quod obiectum determinativum sit aliquid divinum, ut divinum, & præcindendo ab omni creato; hoc autem non salvatur in speciebus Angelorum, quia licet specificentur, & determinentur ab obiecto prout est in idæa divina, illud obiectum solum est divinum quoad statum, & reduplicato illo statu, *In idæa divina*, non tamen est aliquid divinum specificativè, & ex parte sua; itemque quamvis reduplicato illo statu, sit aliquid divinum, non est divinum ut purè divinum, sed ut eminenter creatum; unde clarè patet non esse rationem sufficientem, ut illæ species dicantur aliquid theologicum, sed semper manent in ordine purè naturali, & physico.

163. \* Hæc sufficienter dicta de causalitate obiecti determinativi, & specificativi in scientiam, & speciem sui, pro salvanda verissima doctrina D. Thom. asserentis, quod quando scientia non est causa obiecti, obiectum debet esse causa scientiæ, vel utrumque debet ab eadem causa provenire; hoc enim ultimo modo contingit in speciebus Angelorum, ubi ab una, eademque idæa tanquam vera causa exemplari, causatur obiectum in esse naturali, & species eius in mente Angelorum; quod est idem ac speciem causari, & determinari ab obiecto, ut eminenter in idæa contento. Hinc iam patet apertè, scientiam medium non posse respicere pro obiecto determinativo obiectum conditionatum, prout in se ipso, nec posse ab illo sic determinari, quia ad hoc erat necessarium, quod eius representatio ab eo obiecto prout in se ipso causaretur specificativè, determinativè, & motivè, quod apertè repugnat propter sæpè dicta.

164. Patet etiam ex dictis, primò, futura contingentia conditionata non habere veritatem, aut cognoscibilitatem ullam intrinsecam contingentem in se ipsis, adhuc per modum obiecti determinativi. Secundò, quod licet talem cognoscibilitatem

haberent, si tamen deficeret decretum ex parte Dei exercitum, non cognoscerentur ab ipso Deo, quia in se ipso non haberet principium obiectivum, unde ea cognosceret, & aliundè non posset ea ex ipsis discere, nec accipere ex ipsis obiectis creatis eorum notitiam. Nec obstat quod sit impossibile ignorari à Deo aliquid terminativè cognoscibile, quia hoc impossibile, & absurdum sequeretur ex eo, quod aliquid esset contingenter cognoscibile terminativè independentè à divino decreto.

## SECUNDA OBIECTIO soluitur.

165. S. Secundo obijcis contradicta: Vt consensus esset si poneretur auxilium, non requiritur decretum exercitum in Deo. Ergo nec requiritur, ut Deus cognoscat quod consensus esset, quia quod sufficit ut obiectum ita sit, sufficit ut Deus illud ita cognoscat, nec aliud omnino requiritur. Antecedens probatur, quia ut consensus sit posito auxilio, non requiritur essentialiter, quod ante determinationem auxilij præcesserit decretum exercitum obiectivè conditionatum de consensu; alias nihil contingeret in statu absoluto, quod Deus prius non decrevisset decretis conditionatis; quod absurdum videtur: Ergo ut consensus esset si poneretur auxilium, non est necessarium quod nunc de facto præcedat ante auxilium decretum conditionatum obiectivè, exercitum in Deo ante positionem conditionis; sed posset esse consensus, quamvis de facto non detur tale decretum. Confirmatur: Antequam Deus decremat positionem auxilij, debet scire, an voluntas sub illo consentiat, vel non consentiat: Sed non debet exercitè decernere quod consentiat, neque quod dissentiat: Ergo potest scire, an consentiret, vel dissentiret, non præcedente decreto exercitè.

166. Respondeo ad hoc argumentum, quod sæpè inculcatur à contrarijs, primò, negando antecedens, ut illud negavi num. 138. & propter ibi dicta. Secundò, illud distinguendo, si sumatur *ly esset* exercitè tanquam quid firmum de præsentì, & ita se habens; tunc antecedens: Si *ly esset* sumatur purè signatè, & non firmando illud de præsentì, sed cum omnimoda indifferentia, ut sit, vel non sit, concedo antecedens. Etenim hæc propositio: *Ut consensus esset non requiritur decretum*, manifestam præfert fallaciam in argumento, & quia ea velut nervo unico nititur opinio contraria, oportet, ut clarè à nobis detegatur. Primò instantijs: Etenim, ut ego cras ieiunem, non requiritur quod hodie habeam animum ieiunandi, ut ex se patet: Et tamen, ut hodie verè dicam, *cras ieiunabo*, requiritur quod hodie habeam animum de ieiunio crastino: Ergo

similiter, quamvis, vt Petrus consentiret posita conditione, non sit necessarium decretum, vt tamen Deus verè dicat *Petrus consentiret*, est necessarium de præsenti decretum. Secunda instantia est, quia vt aliquis cum veritate dicat: *Acciperem beneficium, si mihi daretur*, requiritur quod exercitè habeat voluntatem obiectivè conditionatam recipiendi beneficium; alias enim mentiretur apertè, & falsum diceret: Et tamen, vt collato, vel oblato beneficio, illud acceptaret, non esset necessarium quod ante obligationem beneficij præcèssisset ea voluntas conditionata: Ergo idem quod prius. Tertia instantia: Quia vt Deus vocaret Petrum auxilio A, casu quo auxilium A videretur efficax, non esset necessarium, quod præcèderet scientia reflexa de Petro vocando, aut de tali vocatione conferenda sub conditione efficaciz ante positionem talis vocationis, cum apud P. Herrera de *Scientia Dei quæst.* 16. num. 48. prædicta scientia reflexa nunquam præcedat collationem auxilij, aut vocationis; & tamen, vt Deus sciat de facto ante positionem auxilij, quod illud conferret, si prævideretur efficax, requiritur de facto scientia reflexa antevetens conditionem auxilij: Ergo potest quamoptimè aliquid requiri ad futurum conditionatum de præsenti, quod nõ esset necessarium, casu quo poneretur conditio.

167 Confirmatur, quia, vt Deus cognoscit suos actus liberos sub conditione futuros, v.g. vt cognoscat, quod *decerneret Incarnationem Spiritus Sancti, si daretur alter mundus*, necessarium omninò est de præsenti aliquod decretum conditionatum de tali Incarnatione; vel ad minus omisio libera decreti oppositi de facto exercita in Deo; vt postea probabimus, & facetur ipse Herrera loco citato num. 101. Et tamen, vt decerneret Deus Incarnationem Spiritus Sancti, casu quo existeret alter mundus, non esset tunc necessarium quod in statu conditionato præcèssisset decretum conditionatum, aut omisio libera exercita, sicut de facto Deus in præsenti mundo decrevit Incarnationem Verbi, quin sit necessarium afferere præcèssisse in statu conditionato decreti conditionatum de tali Incarnatione, aut omisitionem liberam illius: Ergo idem quod prius.

168 Secundo detegitur equivocatio contrariorum explanatione; quia dum ita affirmamus, *consensus esset, si poneretur conditio*, respicitur esse conditionatum consensus vt quid firmum, & ratum, ita firmiter se habens, sicut affirmatur affirmatio enim semper respicit obiectum affirmatum hoc modo; quia cum sit affirmatio obiecti representativa, debet illud ex parte obiecti representare vt firmum, & ratum; cum autem dicitur hoc est necessarium, vel requiritur, aut non requiritur *ut consensus esset*, non affirmatur quod *consensus esset*, sed sumitur ly *esset* purè appre-

hensivè, & signatè secundum suam essentiam, aut exigentiam essentialem, quam habet vt deus, præcidingo tamen ab eo quod daretur, vel non daretur; unde non sumitur, vt exercitè, & de facto conditionatè futurum, sed tanquam quid merè possibile de facto. Quod clarè explicatur hoc exemplo supra posito; quia *ut ego acciperem beneficium, si mihi conferretur*, non est necessaria voluntas conditionata præsens; tamen falso dicerem: *Accipiam beneficium, si mihi conferatur*, nisi de præsenti haberem voluntatem conditionatam illud recipiendi; quare hoc? Certè quia ly *acciperem beneficium* in prima locutione sumitur purè signatè, & apprehensivè, præcidingo omninò à futuritione exercita, & ab eo quod ita esset, vel non esset, & ad illud hoc modo sumptum non requiritur voluntas exercita de præsenti, sed sufficit voluntas purè signata, & possibilis, & quæ tunc esset exercita, quando acciperetur beneficium. In secunda vero locutione, ly *accipiam beneficium, si offeratur*, significat acceptionem beneficij vt ex nunc firmam, & ratam pro casu conditionis, non præcidingo ab eo quod ita foret, vel non foret, sed firmando de præsenti, & absolute, seu representando tanquam quid absolute firmum, quod foret; ad hoc autem apertè requiritur quod de præsenti detur voluntas ratione cuius sit firmum, & ratum, quod acciperem beneficium, si conferretur; ita similiter dicimus in casu argumenti. Ex quo patet quare distinximus antecedens, ad vitandam equivocationem illius.

169 Ex quo ad eius probationem distinguo antecedens: Non requiritur quod ante positionem auxilij præcèssisset decretum conditionatum, si ante positionem auxilij requiratur, quod fuerit firmum, & ratum, *quod consensus esset*, nego antecedens: Si hoc nõ requiratur, concedo antecedens, & nego consequentiam; itaque nos fatemur, quod vt posito auxilio voluntas consentiat, non requiritur quod ante determinationem auxilij præcèssisset decretum conditionatum; cæterum hoc ideo est, quia in nostra sententia ante positionem auxilij, non debet præcedere, tanquam quid firmum, & ratum quod *consensus esset, si poneretur conditio*, nec id debet affirmari determinatè à Deo ante decretum auxilij; si vero hoc esset necessarium, vt fatetur contraria sententia, dicendum esset, quod etiam foret necessarium, vt posito auxilio voluntas consentiret, quod ante auxilium præcèderet decretum conditionatum, ratione cuius, tanquam quid firmum prævideretur à Deo quod voluntas consentiret.

170 Ex quo ad confirmationem, distinguo maiorem: Si minor sit falsa, concedo minorem: Si minor sit vera, nego maiorem, & distincta minori eodem modo, nego consequentiam; quia in præsenti non est determinandum, an Deus necessariò reguletur ad conferendum



auxilium ex scientia conditionata eventus, vel a talis scientia debeat procedere ad decretum collativum auxilij, de hoc enim satis diximus in *Traclat. de Provident.* ubi sententiam negativam satis efficaciter ostendimus. Dicimus tamen quod si talis scientia conditionata procedere deberet, deberet etiam procedere decretum conditionatum.

ALIA RATIO VRGENTISSIMA contra scientiam mediam.

171 **Q**Uamvis duæ præcedentes rationes per locum ab intrinseco, & à priori satis convincant assumptum, non tamen desunt aliae efficaces etiã contra scientiam mediam, quarum vnam breviter, insinuare placuit. Eaque hæc: Quia vel scientia media ponitur affirmans absolute, & de præsentis, consensum esse ex parte obiecti conditionatè futurum sub auxilio; vel solum affirmans conditionatè, & de futuro, quod consensus erit existens, si ponatur auxilium? Hoc est, vel modus affirmandi ex parte actus est absolute, & de præsentis, licet ex parte obiecti solum affirmet consensum esse conditionatè futurum? vel modus affirmandi est de futuro, & conditionatè, affirmando tamen hoc modo de futuro, & conditionatè, quod consensus existet absolute, si ponatur auxilium. Sed neutro modo: Ergo nõ datur scientia media. Non quidem primo modo, quia scientia Dei, utpotè essentialiter vera, non potest affirmare ex parte modi absolute, & de præsentis consensum esse ex parte obiecti conditionatè futurum, nisi de præsentis, & absolute ex parte obiecti consensus sit conditionatè futurus, hoc est, quin absolute, & de præsentis detur ex parte obiecti futuritio conditionata consensus: Sed iuxta contrarios non datur absolute, & de præsentis ex parte obiecti futuritio conditionata consensus, nec consensus ex parte obiecti est de præsentis, & absolute futurus conditionatè, quia iuxta ipsos futuritio conditionata non consistit in aliquo de præsentis absolute existentis, sed vnicè in aliquo, quod de futuro erit, aut esset, si ponatur, vel si poneretur conditio; unde iuxta ipsos ea futuritio non datur absolute, & de præsentis ex parte obiecti, sed danda foret, si poneretur conditio: Ergo scientia media non potest illo modo, absolute nempe, & de præsentis affirmare, consensum ex parte obiecti esse conditionatè futurum, alias enim falleretur.

172 Dices forsam cum loquidero, & alijs, consensum ex parte obiecti esse in se ipso absolute, & de præsentis conditionatè futurum, quia status conditionatè futuritiois obiectivè distinguitur à statu purè possibilitatis, & à statu existentie absolute, & datur absolute ex parte obiecti, ut ab illis distinctus, & sic est signatè affirmabilis per

scientiam Dei. Sed hanc solutionem vehementer impugnatur P. Herrera *Traclat. de Scientia Dei, quaest. 10. sect. 2.* Nobis autem displicere non potest, immò ex illa sic arguo. Per te scientia Dei affirmat absolute, & de præsentis ex modo affirmandi, consensum ex parte obiecti esse continenter conditionatè futurum, & hoc ita est absolute, & de præsentis ex parte obiecti: Sed hoc non habet consensus in se ipso intrinsece, nec ex se ipso absolute, & de præsentis, sed solum illud habere potest extrinsece in causa, vel à causa determinata de facto, & exercitè ad ponendum consensum, si ponatur auxilium; quia consensus in se ipso, antequam ponatur auxilium, seu antequam existat absolute intrinsece in se ipso, purè est possibilis, & à putà possibilitate intrinseca absolute, aut de præsentis non extrahitur, præsertim si nulla præcedit causa absolute illum extrahens à tali statu, ut supra arguebamus à *num. 75.* Ergo scientia Dei, dum affirmat absolute, & de præsentis consensum ex parte obiecti esse conditionatè futurum, non id affirmat de consensu intrinsece, & in se ipso præcivè à causa de præsentis, & subiectivè absolute determinatam, sed de illo in causa iam de præsentis subiectivè absolute determinatam, & in vi talis determinationis: Sed hæc non est scientia media, sed visionis, & libera, quia determinatio in causa absolute existens cognoscitur à Deo liberè, & per scientiam visionis: Ergo non datur scientia media prædicto modo affirmans consensum ex parte obiecti esse conditionatè futurum.

173 Explicatur: Per te, status futuritiois contingentis conditionatè, non est status, qui erit, vel esset, si poneretur conditio, nam hic esset status absolutus; sed est status, qui iam de præsentis contingentis est absolute ex parte obiecti ante positionem conditionis, & independentes ab ea: Sed Deus per scientiam visionis, & liberam videt quidquid contingenter est absolute de præsentis independentes, & antequam libet conditionem non purificatam: Ergo Deus per scientiam visionis, & consequenter liberam, videt illum statum futuritiois conditionatè, seu ipsam futuritionem conditionatam contingentem, quæ iam ex parte obiecti datur absolute, & de præsentis: Vnde quid ergo scientia media?

Nec dicas, cum loquidero illum statum non dari absolute, & de præsentis ut quid subiectivè existens à parte rei in rerum natura; sed solum dari obiectivè, ad modum, quo status possibilitatis intrinsece, & status quidditativus. Sed contra est, quia licet status quidditativus, & possibilitatis intrinsece detur obiectivè absolute, & ab æterno verificativè, ut suo loco diximus, hoc ideo est, quia ille status importat præcisè prædicata essentialia, & quidditativa rerum cum abstractione ab omni tempore, & statu contingentis, secundum

dum id præcisè, quod res sunt ex suo obiectivo conceptu, & quidditare: Sed status futuriionis contingentis conditionatæ, utpote contingens, & potens ita esse, vel non esse, non importat præcisè prædicata quidditativa, & necessaria rei, nec id præcisè quod res habet ex conceptu suo obiectivo, sed vitæ importat aliquid contingentem, & accidentaliter ei adveniētem, & consequenter non abstrahit ab omni tempore, & statu accidentaliter. Ergo nulla est paritas de vno ad alium statum, sed status futuriionis conditionatæ, si absolute, & contingentem datur, debet dari non purè obiectivè, sed subiectivè, & à parte rei in rerum natura, vel in ipsa re, vel in causa eius. Explicatur primò, quia si futuriio conditionata esset status rei purè obiectivus, nihil importans realiter exiliens in rerum natura, non esset status contingens, sed necessarius, quia ipsa futuriio conditionata non contingentem, sed necessariò est obiectum cognoscibile, inò & necessariò cognita ab intellectu divino signatè, cum intellectus divinus necessariò cognoscat quidditativè, & signatè futuriionem conditionatam secundum suam essentiam, & quidditatem: Ergo illa, non contingentem, sed necessariò datur obiectivè in intellectu divino saltem.

174 Dices, eam necessariò cognosci ab intellectu divino signatè sumptam, & quidditativè, non vero ut exercitram futuriionem consensus. Benè quidem, sed sic infero: Ergo ut Deus cognoscat consensum esse ex parte obiecti conditionatè futurum, sive ut talis sit contingentem ex parte obiecti, non sufficit, quod futuriio conditionata signatè existat, & detur obiectivè in mente divina quidditativè sumpta, sed requiritur, quod re ipsa ex parte obiecti sit exercitè, & contingentem futuriio consensus: Sed hoc est illam existere re ipsa ex parte obiecti, non solum obiectivè in mente, sed extra mentem, & in rerum natura: Ergo requiritur, quod contingentem existat extra mentem in rerum natura. Minor patet, quia rem quamlibet existere in rerum natura, nihil aliud est, quam esse exercitè ex parte obiecti, & extra mentem, id quod quidditativè erat ex suo conceptu obiectivo, sicut hominem existere absolute in rerum natura, nihil aliud est, quam esse exercitè extra mentem animal rationale, quod erat obiectivè, & quidditativè ex suo conceptu obiectivo. Concluditur ergo, quod si futuriio conditionata consensus datur absolute ex parte obiecti contingentem, hoc esse nequit, nisi sit absolute existens realiter in rerum natura: Cum ergo non existat realiter absolute intrinsecè in ipso consensu, sequitur illam existere realiter in causa aliqua, seu esse determinationem contingentem absolute existentem in causa, & consequenter videri à Deo scientia visionis, & non media.

175 Secundo sic arguo: quia licet possi-

bilis intrinsecè rerum, seu eius status, sit solum obiectivè in mente divina, non tamen est talis sine causa actu existente, quia licet non habeat causam actu efficientem illam intrinsecè quidditativè, & possibilitatem rerum in eo statu quidditativè, habet tamen causam actu idzantem illam quidditativè, & possibilitatem, nempe divinam sapientiam, sine qua actu, & necessariò idzante non daretur necessariò, adhuc obiectivè, ille status quidditativus, seu possibilitatis, nec quidditas, aut possibilitas rerum, quia nec esset idzara à Deo, & quod non est idzara à Deo, nec habet veram quidditatem, nec est verè possibile ex parte obiecti: Ergo si paritas faciendæ est de statu quidditativo, & possibilitatis ad statum futuriionis conditionatæ contingentis, pariter assignari debet causa, quæ actu det consensui, v.g. illum statum obiectivum contingentem futuriionis conditionatæ: Sed hæc esse nequit voluntas sub auxilio, quia hæc non est causa actu existens, sed merè possibilis, quæ proinde non potest dare consensui actu, & absolute statum illum contingentem, licet obiectivum: Ergo opus erit assignare aliam causam actu existentem, & absolute dantem consensui statum illum contingentem: Sed hæc non potest esse alia, nisi Deus, aut divina voluntas, & sapientia, non quidem per actum necessarium, sed per liberum, quia divina sapientia, & voluntas solum per actum liberum dat rebus statum contingentem, sicut per actum necessarium dat sapientia divina rebus statum quidditativum necessarium: Ergo opus erit, quod divina sapientia, & voluntas per actum liberum det actu, & absolute consensui illum statum contingentem futuriionis conditionatæ: Tunc sic, sed divina sapientia, & voluntas non dat per actum liberum rebus actu, & absolute statum contingentem, nisi causando absolute ad extra illum statum contingentem, seu id, in quo ille status contingens consistit, ad differentiam status quidditativè necessarij, quem habent res, non à divina sapientia actu libero voluntatis causante ad extra, sed solum ab illa actu necessariò idzante ad intra: Ergo ille status contingens futuriionis conditionatæ necessariò est aliquid actu libero causatum à Deo ad extra, & consequenter actu, & realiter existens in rerum natura extra Deum, & non purè obiectivè in mente divina, sicut status possibilitatis: Sed eo ipso videtur à Deo per scientiam liberam, & visionis, non per mediam: Ergo.

176 Propter à Herrera, & plerique Authores scientiæ mediæ deserunt Iaquierdi sententiam, & dicunt, scientiam mediam non affirmare absolute, & de præsentis statum, seu futuriionem conditionatam ex parte obiecti talem, sed modo de futuro, & conditionatè affirmare ipsam existentiam absolutam, quam habebit, vel haberet consensus, si poneretur conditio auxilij, qui est socun-

condus modus explicandi scientiam mediam apponitur *num. 171*. quem iam sic inipugno; quia in primis reducunt probationes contra ipsum exparte *supra a num. 78. & 81*. Deinde specialiter, quia repugnat scientiæ Dei affirmare aliquid de futuro ex parte modi: Ergo si scientia media sic affirmat consensum, non est scientia Dei, vel repugnat. Probatur antecedens, quia scientiam abinviare de futuro ex parte modi affirmandi est affirmare obiectum pro tempore sibi, vel respectu lux durationis præsentis futuro: Sed hoc repugnat scientiæ Dei, quæ cum mensuretur æternitate, quæ omnia tempora simul complectitur, nullum tempus respicit, ut sibi, aut respectu lux præsentis durationis futuro: Ergo. Explicatur: Affirmare de futuro ex parte modi, est affirmare hoc modo, *erit*: Sed scientiæ Dei repugnat hic modus affirmandi, quia adveniente tempore illo, pro quo dixisset, *eris*, variaretur iam ille modus, quia opus esset dicere tunc, *est*, de præsentis, relicto alio modo de futuro, nempè *eris*: Ergo. Vide *supra quaest. 2. a num. 13*. ubi hoc fundamentum videntur: in ex Augustin. proponimus.

177 Propter hæc respondetis ex Herrera, cui modus affirmandi de futuro in divina scientia, etiam displicet, quod conditionatum contingens triplex excogitari potest ex parte temporis, nempè de præsentis, de præterito, vel futuro. De præsentis, ut in hac: *Si Petrus nunc vocatur vocatione A, consentit*. De præterito ut in illa, quæ continetur in Evangelio: *Si Tyrj vidissent opera Christi, penitentiam egerunt*. Et denique de futuro, ut in hac: *Si Antichristus vocetur auxilio A, dissentiet*. Verumtamen vltus optinuit, ut quodlibet ex his vltus appelleretur futurum conditionatum, licet primum sit præsens conditionatum, secundum præteritum conditionatum, solumque tertium sit propriè loquendo futurum conditionatum. Ex quo inferitur, quod scientia Dei, cui nullum tempus est futurum, sed omnia præsentia, non de futuro, sed de præsentis affirmare quodlibet conditionatum, ac per consequens, quodlibet esse præsens conditionatum respectu illius; hoc tamen non tollit, quod consensum, v.g. affirmet modo conditionato ex parte actus, affirmando nempè conditionatè ipsum consensum absolutum, qui foret, si poneretur condicio.

178 Sed contra, quia in primis iam habemus; quod Deus per scientiam mediam re ipsa, & ex parte sua non affirmat conditionatè de futuro, v.g. *Si vocavero Petrum, consentiet*, sed ad summum de præsentis, *si voco Petrum, consentiet*: Sed hic modus affirmandi in primis ineptus est ad directionem divinæ providentiæ; deinde repugnat etiam divinæ scientiæ: Ergo tandem, si scientia media ponatur prædicto modo conditionata de præsentis, & inepta est ad regimen divinæ

providentiæ, ad quod vnicè instituta est, & aliundè repugnans. Probo minorem, quoad primam partem, quia scientia de præsentis affirmans, quod Petrus vocatus consentiet, inepta est ad regulandà ex parte actus primi, ut volunt contrarij, providentiam in vocando Petro, vnde contrarij ipsi ut aptè illam explicant ad regulandà eam providentiam, seu collationem auxilij, semper supponunt illam conceptam a Deo de futuro, quati dicat: *Si vocavero Petrum, consentiet*, nam aliter inepta videtur, non minus, quam si de præterito diceret, *si vocavissim Petrum consensisset*, quo pacto magis apta videtur ad penitentiam de nouo vocato Petro, quam ad providentiam pro illo vocando. Vel saltem sequitur, quod quotiescumque contrarij supponunt, Deum per scientiam mediam affirmare de futuro: *Si vocavero Petrum consentiet*, imponere Deo modum aliquid ab eo, & improprie loqui de scientia Dei, quod si concedatur, haud parum detrahatur scientiæ mediæ. Sed quidquid de hoc sit.

179 Probo iam secundam partem minoris, nempè quod talis modus conditionatus, ad hoc de præsentis, repugnet scientiæ Dei, primò, quia ille modus conditionatus de præsentis, adhuc apud nos videtur fatuus, & ineptus, nemo enim loquitur inter homines conditionatè de præsentis, nisi in materia necessaria, & in sensu univèrsali, abstrahendo nempè à tempore, v.g. *si Petrus currit, movetur*, quo pacto propositio non alligatur temporis, sed abstrahit à tempore, & solum vera est, si univèrsaliter verum sit, quod *quando currit, movetur*: Loquendo vero contingenter, & de singulari contingenti, nemo conditionatè loquitur de præsentis, & meritò, quia præsens, ut præsens, nullam expectat conditionem ut sit, ac proinde non est conditionatum, & similiter conditionatum, ut conditionatum, est quod expectat conditionem ut sit, & quod expectat conditionem ut sit, implicat quod iam sit de præsentis: Ergo talis modus conditionatus de præsentis potiori iure repugnat scientiæ Dei. Confirmatur: Quia talis modus affirmandi conditionatè consensum sub hypotesi auxilij, importat pro instanti, pro quo sit affirmatum, ignorantiam, vel saltem suspensionem iudicii de existentia, vel non existentia auxilij, nemo enim in instanti, in quo videt auxilium existens, iudicare potest conditionatè *si existit auxilium, &c.* Sed in Deo foret insignis imperfectio ignorantia, aut suspensio iudicii de existentia, vel non existentia auxilij: Ergo talis modus affirmandi conditionatè repugnat Deo.

180 Respondet Herrera, posse in eodem instanti aliquem habere noticiam conditionatam, & absolutam, modo notitia conditionata sit in signo antecedenti ad absolutam, sive in signo indifferentiæ ad positionem, vel non positionem con-

conditionis; nam ego, inquit, possum habere in instanti A, pro priori naturæ, hoc iudicium: *Si eliciam actum contritionis, iustificabor*, deindeque in eodem instanti reali, pro diverso signo, elicere actum contritionis, & experiri me illum elicuisse. Patificat secundò in scientia simplicis intelligentiæ, quæ pro eodem instanti coniungitur in Deo cum scientia visionis de eodem obiecto, quamvis ille affirmet modo de possibili, & ista modo de præsentī. Sed contra est, quia in primis falsum est, quod quis possit intransitivè in eodem instanti iudicare conditionatè, *si eliciam actum contritionis, iustificabor*, & in eodem experiri se elicuisse illum, tum quia actus contritionis non cadit sub experientia, nisi velis, quod iustificatio etiam cadit sub experientia, quod quis dicere auserit? Secundò, & magis ad rem, quia si dicit conditionatè: *Si eliciam actum contritionis, iustificabor*, non loquitur de præsentī, sed de futuro, & consequenter, non relatè ad instans præsens, sed relatè ad futurum: Iam ergo non erit idem instans in quo format illud iudicium conditionatum, & instans purificandæ conditionis. Tertio, & adhuc magis ad rem, quia ille modus iudicandi hypoteticè, seu conditionaliter, essentialiter importat ignorantiam, vel nescientiam, aut suspensionem iudicii de existentia, vel non existentia conditionis: Sed hæc implicat in eodem instanti cum evidentia de existentia conditionis: Ergo.

181 Nec prodest recursum ad diversa signa naturæ intra idem instans, quia ignorantia, aut suspensio iudicii est privative opposita evidentia, aut iudicio evidenti circa idem obiectum; sed eo ipso, adhuc pro diversis signis compati non possunt: Ergo. Probatur maior, quia ea ignorantia, seu suspensio iudicii est privativa imperfectio, ut per se patet: Ergo privativè opposita evidentia, aut iudicio.

182 Dices, modum illum conditionatum non importare ignorantiam, nec suspensionem iudicii, sed puram præcisionem à iudicio de existentia conditionis, ac proinde nec importare imperfectiorem privativam. Sed contra est primò, quia voluntas ex parte actus, & in modo tendendi conditionata importat imperfectiorem ex parte volentis: Ergo multò magis scientia ex parte actus, & ex modo affirmandi conditionata. Probo antecessens ex D. Thom. in 1. disp. 46. quæst. 1. artic. 1 ad 2. vbi cum sibi obieciisset, contra voluntatem antecedentem salvandi omnes homines, quod illa esset conditionata; & voluntas conditionata est imperfecta: Ergo non datur in Deo. Respondet, quod voluntas antecedens potest dici conditionata, nec tamen est imperfectio ex parte voluntatis divine, sed ex parte voliti, quod non accipitur cum omnibus circumstantiis, &c. Ergo si esset conditionata ex parte actus, & ex modo intrinseco tendendi, esset im-

perfecta ex parte voluntatis. Secundo, quia falsum est, quod ad iudicium affirmans modo conditionato sufficiat pura præcisio à iudicio de existentia conditionis, & non requiratur ignorantia, vel suspensio illius: Ergo. Probatur, quia si sufficeret illa præcisio, & non exigeretur hæc ignorantia, vel suspensio, quisque quantumvis sciens evidenter existentiam conditionis posset serio iudicare conditionatè sub illa; ac proinde posset quis serio sic iudicare, *si eras existat Deus, audiam sacrum*, *si Cælum moveatur, ibo complutum*: Sed hoc nullus serio sic iudicare potest, nam si hoc iudicium proferret, vel riderent audientes, vel putarent ipsum ambigere de existentia Dei, aut de motu perenni Cæli: Ergo. Sequela patet, quia quisque potest præcindere à iudicio de existentia Dei, & de motu perenni Cæli, ut patet, cum dicimus: Deus est substantia: Cælum est quiddam vivè corpus incorruptibile, in quibus iudicijs præcidi-mus à iudicio de existentia: Ergo si sufficeret mera præcisio, posset quis serio iudicare conditionatè ut supra.

183 Urgetur, nam, quotiescumque adimus aliquid affirmantem aliquid sub hypotefi, concipimus statim lumine naturali, ipsum ignorare, vel dubitare existentiam hypotefis, adeò ut si quis diceret conditionatè: *Si verbum caro factum est, aut si Christus est verus Deus, credam Evangelium, si non est verus Deus, non credam*, aut aliud huiusmodi, ex hoc ipso modo iudicandi conditionatè redderetur, vel hereticus, vel suspectus de hæresi, quia videlicet convinceretur ambiguus, & dubius de prædictis Mysterijs; nã univèrsim, quisquis conditionatè indicat aliquid sub aliqua hypotefi de præsentī, aut de futuro modo conditionato, manifestat se ignarum, aut dubium de tali hypotefi: Ergo signum est, quod ad illum modum iudicandi conditionatè de præsentī, aut de futuro non satis est præcisio à iudicio de conditionis existentia, sed requiritur ignorantia, vel dubitatio de illa: Ergo ille modus iudicandi importat imperfectiorem manifestam repugnantem Deo. Explicatur, nam si Deus habet hunc modum iudicandi, *si Petrus vocetur, consentiet*, pariter, & simul habebit hunc modum iudicandi: *Si non vocetur non consentiet*. Sed implicat hoc modo iudicare: *Si Petrus vocetur consentiet, si non vocetur, non consentiet*, nisi cum dubio, aut ignorantia an vocabitur, vel non vocabitur, nec sufficit mera præcisio, nam qui videret Petrum vocatum actu consentientem, quantumvis ab ea evidentia præcinderet, non posset sic iudicare: Ergo. Urgetur. Nam illa particula *si* in iudicio conditionato evidenter significat ambiguitatem, & expectationem; unde conditionaliter affirmans expectat ex vi ipsius modi conditionalis purificationem conditionis, ut possit iudicare absolutè; & ideo forsam nunquam iudicamus de præsentī con-

conditionatè, sed semper de futuro, quia nullus expectat, nisi de futuro: Ergo idem quod prius. Amplius: Qui non ignorat, nec dubitat de existentia conditionis, sed scit eam non positam, aut non ponendam, ad summum indicare potest conditionatè de præterito, v.g. *si vocassem, consentiret; si vocaturus essem, consensurus foret*, aut si sciat eam positam, vel ponendam, sic, *si non vocarem, non consentiret; aut, nisi vocaturus essem, non fuisset consensurus*, non vero de præteriti, nec de futuro, sic, *si vocem, aut si vocavero, consentiet*: Ergo quia hic modus specialiter importat suspensionem saltè, & expectationem circa conditionem, quam ille primus supponit positam, vel non positam.

184 Mitto alia, quibus idem suadere possem. Ex his tamen colligo pro dicendis, quod licet Deus cognoscat omnes veritates conditionatas ex parte obiecti, non tamen modo hypoteticas, & conditionales ex parte sue scientiæ, sed modo absoluto semper, ita ut tota conditionalitas sit signatè cognita ex parte obiecti, modo tamen absoluto ex parte actus. In quo tamen consistat conditionalitas ex parte obiecti, infra dicemus, & etiam divimus in Metaphysica, nempe consistere in connexione obiectiva conditionis cum conditionato, vel necessaria, vel contingenti, vel accidentali, vel essentiali.

185 Circa modum vero de *possibili*, in quo etiam parificabat Herrera, dico, quod in primis, modus de *possibili*, solum importat præcisionem ab existentia, non ambiguitatem, nec dubitationem, nec expectationem illius, in quo quisque videre poterit differentiam à modo illo conditionali *si*, &c. Deinde dico, Deum cognoscere possibilitatè obiectivam, non tamen modo ex parte actus de *possibili*, sed modo absoluto cognoscendo prædicata quidditativa rei simpliciter notitia cum præcisione ex parte obiecti ab existentia, à qua ipsa quidditas, & essentia rei re ipsa præscindit. Vnde nulla est paritas, nec instantia.

186 Sed demus iam contrariis, quod ille modus affirmandi conditionatè non dedecet Deum, adhuc tamen argumentum manet in suo robore. Nam implicat Deum modo conditionato affirmare consensum sub auxilio, nisi ex parte obiecti consensus actu existat conditionatè, seu nisi absolute iam detur consensus ex parte obiecti modo conditionato: Sed implicat quod consensus habeat iam absolute ex parte obiecti modum existendi conditionatè, nisi in causa actu determinata, aut connexa cum ipso sub conditione; quia intrinsecè in se ipso nullam novitatem intrinsecam habet actu, & absolute vtrà possibilitatem, nec alium statum intrinsecum obiectivum vtrà statum quidditativum, & possibilitatis, ut fateatur ipse Herrera, & iam ostendimus contra Izquierdo: Ergo tandem requiritur, quod

consensus habeat iam actu, & absolute modum existendi conditionatè extrinsecè in causa aliqua iam determinata subiectivè absolute, & obiectivè conditionatè ad ipsum, quod est nostra ipsissima sententia. Maior, quam solam negat Herrera, probatur, quia nisi ex parte obiecti consensus actu, & absolute detur modo conditionato, actu & absolute ex parte obiecti nulla datur ratio obiectiva, cur affirmetur modo conditionato ex parte actus, potius, quam ut negetur modo conditionato ex parte actus; vel assignent ipsam: Sed sine vlla ratione obiectiva cur potius affirmetur, quam ut neget, implicat Deum affirmare, potius quam negare: Ergo.

187 Dices, eam rationem obiectivam esse ipsum consensum, qui esset; non vero existentia vlla conditionata, quæ de facto sit. Hoc semper respondet, sed re ipsa effugit difficultatem, & non respondet, nam difficultas est, an sit illa existentia, quæ esset, specificativè sumpta, seu quia quidditativè est existentia, aut quia possibilis? an quia esset, potius, quam non esset? Non primum, quia eadem esset specificativè, & quidditativè, seu de possibili illa existentia, sive esset, sive non esset futura sub auxilio, ac proinde sic sumpta non est ratio ex parte obiecti, cur Deus potius affirmet, quam neget, quod esset. Et virgetur, nam rogo, cur existentia, quæ non esset, non est ratio ex parte obiecti affirmandi illam modo conditionato, sed potius est ratio obiectiva negandi illam modo conditionato, contra vero existentia, quæ esset, est ratio obiectiva affirmandi illam modo conditionato potius, quam illam negandi? Non sane, quia specificativè, quidditativè, aut possibiliter est existentia, quia utraque est sic existentia, & in hoc non est dispar ratio ex parte obiecti: Ergo tandem ratio obiectiva, cur potius scientia divina affirmet modo conditionato potius quam neget eam existentiam, est ea existentia quæ esset, non specificativè sumpta, nec quia existentia, sed reduplicativè ut esset, & quia esset, potius quam non esset.

188 Ex quo iam infero primo: Ergo quod esset, potius, quam quod non esset, est differentia ex parte obiecti se tenens, & non purè diversus modus ex parte actus. Patet evidenter, quia est disparitas obiectiva, cur ex parte actus talis modo affirmetur, & non contrario modo. Infero secundo: Ergo falsum est, quod hi actus: *Consensus existit sub auxilio A: consensus non existit, si existat auxilium A*, solum distinguuntur ex parte modi, minime vero ex parte obiecti. Patet etiam evidenter; nam rogo: Cur quando non existit auxilium A, Deus affirmat modo conditionato, quod *existit consensus, si existat auxilium A*, & non affirmat modo absoluto, quod *existit consensus sub auxilio A*? Assigna rationem obiectivam disparitatis. Sane non est alia, nisi quia con-

*sensus existet, si existat auxilium A, sed non existit absolute sub auxilio A, alias nulla esset ratio obiectiva disparitatis, sed Deus purè voluntariè, aut casualiter affirmaret potius modo conditionato, quam absolute illam existentiam: Sed ratio obiectiva disparitatis est differentia ex parte obiecti, & non solum ex parte actus: Ergo evidenter differunt ex parte obiecti, existere conditionatè, si ponatur auxilium, & existere absolute sub auxilio: Ergo falsum est, quod nō differunt ex parte obiecti: Tunc sic; sed quod non differunt ex parte obiecti, sed solum ex parte actus, iuxta Mag. Herrera Tractat. de Scientia Dei, quæst. 10. sect. 3. num. 33. est genuina sententia scientiz mediz, nam sic subiungit: Hæc est nostra sententia, quam & veram existimo, & genuinam, suæque mentem Schola Societatis continere, perperamque sine illa scientiam mediam posse propugnari: Ergo tandem Schola Societatis in sincera, & genuina intelligentia scientiz mediz, & ipsa scientia media innititur principio falso, & adeo falso, quam falsum est, quod sine vlla disparitate obiectiva Deus affirmat modo conditionato consensum existiturum, si ponatur auxilium, secus autem illum existere absolute sub auxilio, sine vlla inquam disparitate obiectiva inter vnum & aliud, cur potius affirmet vnum, quam aliud.*

189 Dices forsan, esse disparitatem obiectivam, non quæ de facto existat ex parte obiecti, aut in rerum natura, sed quæ solum existeret, si poneretur auxilium. Sed hoc in primis est dicere, quod de facto, & absolute, dum Deus affirmat consensum vno modo potius, quam alio, nullam habet disparitatem obiectivam, cur potius vno modo, quam alio affirmet, ac proinde, quod pro nutu, aut casualiter vnum præ alio affirmat. Secundo, quia potius, si existeret auxilium, tum non esset ratio obiectiva disparitatis, cur potius affirmaret consensum modo conditionato potius, quam absolute; quia tunc consensus existens esset ratio obiectiva cur illum affirmaret modo absolute, & non cur illum affirmaret modo conditionato. Tercio, quia si tunc solum esset absolute in rerum natura, & ex parte obiecti ratio obiectiva, cur illum affirmaret modo conditionato, & modo non datur absolute ea ratio obiectiva: Ergo modo, & absolute Deus non affirmat illum modo conditionato, quia ad hoc modo, sed solum illum affirmaret modo conditionare, si daretur auxilium, quia tunc solum haberet rationem obiectivam sic affirmandi. Nam rogo, cur modo non affirmat consensum modo absolute? Sanè, quia licet haberet rationem obiectivam illum sic affirmandi, si daretur auxilium, modo non habet absolute rationem obiectivam sic affirmandi: Sed pariter per vos, licet si poneretur auxilium haberet tunc absolute rationem

obiectivam affirmandi illum modo conditionato, modo tamen non habet absolute talem rationem obiectivam: Ergo nec modo affirmat modo conditionato, sed affirmaret: Ergo nec modo habet scientiam mediā, sed haberet.

## ARTICVLVS QUINTVS.

### AN SCIENTIA MEDIA REPVGNET DOMINIO DIVINO?

190 **P**otissimum, ac maxime theologorum cum fundamentum nostræ sententiz contra scientiam mediam desumitur ex eo, quod lapsa sit supremi dominij Dei. E contra vero vnicum fundamentum scientiz mediæ desumunt contrarij ex eo, quod sine illa dominium libertatis creari salvari non potest. In subsequenti articulo duobus faciemus; primò enim in presenti articulo conabimur demonstrare scientiam mediam rectè non coherere cum supremo Dei dominio. Secundo probabimus in sequenti articulo, eam minime fabere libertati creatæ, sed potius eam evertere, principijs contrariorum attentis.

### NOSTRA CONCLUSIO AVTHORITATE PROBATUR.

191 **D**ico igitur scientiā mediam, prout defenditur à suis AA. non coherere cum supremo Dei dominio. Probatur primò, vnicapro nunc autoritate D. Fulgentij, D. Augustini discipuli. Hic igitur lib. de Incarnat. & Gratia Christi, cap. 26. sic inquit: Quomodo omnia, quæ vult facit, si volens hominem salvum fieri, cuius salus, non nisi à bona incipit voluntate, ipsum velle non in homine Deus inchoat, sed ut ab homine nascatur, expectat? O quam pessimum nefas asseritur, dum gratia Dei contumaciter repugnatur, & homines opere Dei se in bonum mutari negant, qui homines non essent, nisi bonitate Dei operantis existerent. Ita rerum ordo credi, putari ve permittitur, ut Deus, qui creator est hominis, valeat hominem facere, non nutare, & qui nullius eget adiutorio, ut hominem faciat, operari tamen, quod vult, in hominis voluntate non possit, priusquam in homine ipsum, velle repererit. Tunc sic, sed in principijs scientiz mediz Deus non inchoat ipsum velle voluntatis creatæ, sed ante omnem sui determinationem videt, quid voluntas volitura sit, vel nolitura, expectatque per scientiam mediam quid voluntas volet sub qualibet conditione; itemque Deus nequit operari quod vult in hominum voluntate, nisi prius in ipsa voluntate repererit consensum, vel velle conditionatum, aut illum præviderit per scientiam mediam; Ergo scientia media cum suis principijs non componitur cum hoc quod

quod Deus quaecunque velit faciat, nec cum eo quod possit operari pro suo domino quidquid velit in hominum voluntate, & consequenter nec cum ipso supremo Dei dominio coheret.

192 Explicatur iuxta praedicta fulgentij verba & veritatem, est contra supremum Dei dominium, quod habet supra hominum voluntates; quod Deus non inchoet ipsum velle voluntatis, sed ut ab homine nascatur expectet; itemque quod Deus non possit operari in hominum voluntate, quod velit, priusquam in homine ipsum velle reperit: Sed ista verificantur in principiis scientiae mediae: Ergo scientia media est contra supremum Dei dominium. Probo minorem, quia in principiis scientiae mediae Deus nihil omnino potest decernere circa voluntatem creatam, nisi prius praeviderit per scientiam mediam, quid voluntas futura sit sub quibuslibet hypothesebus; nec potest praevidere per scientiam mediam, bonam futuram esse voluntatem praeter mala, nisi ex determinatione voluntatis creatae, & quia voluntas ita se determinaret, si poneretur conditio: Ergo totum negotium nostrae praedestinationis incipit à bona voluntate praevisa in statu conditionato, & Deus nequit facere quod velimus, nisi prius ipsum velle praeviderit conditionatè futurum, & consequenter Deus non inchoat in homine bonum velle, sed ut ab homine nascatur expectat: Ergo ista omnia verificantur in principiis scientiae mediae.

193 Nec valet communis contrariorum responsio dicentium, PP. in his, & similibus testimoniis solum damnare errorem Pelagij assertentis, quod voluntas creata prius inchoabat sine gratia Dei, bonam voluntatem habebatque ex proprijs viribus bonae voluntatis initium, etiam in statu absoluto; quo praevisto à Deo per scientiam visionis, Deus ex illo merito bonae voluntatis motus, conferebat gratiam ad opera subsequens, hoc (inquiunt) asserbat Pelagius, & hoc Patres resistebant suis scriptis; à quo errore longissimè se distare dicunt ipsi, quia in eorum sententia nec initium bonae voluntatis potest esse sine gratia Dei, licet gratia concurret ut à libero arbitrio determinata; nec in statu absoluto Deus praevidet initium bonae voluntatis ad praedestinandum, nec hoc est necessarium, sed potius praedestinatio, & collatio gratiae efficaciae praecedat initium bonae voluntatis in statu absoluto, licet eam necessario praesupponat praeviam in statu conditionato.

194 Sed nostri muneris in praesenti non est, errorem Pelagij explicare; sufficit, quod communiter, & lato calamo meliores Thomistae effeciter probant, praescientiam, quam adstruebat Pelagius, & quam Patres negaverunt, fuisse scientiam conditionatam de bona voluntate conditionatè futura ante omne decretum Dei. De quo videndi sunt Gonet, & Salmancenses gratiam

de necessitate gratiae, explicantes errorem Pelagianorum, & Semipelagianorum. Vide etiam, *Traité de Prov. q. 8. à num. 10.* Data tamen, & admissa contrariorum explicatione, sic arguuntur: PP. iudicabant contra supremum Dei dominium; quod voluntas creata in statu absoluto inchoaret sine gratia bonam voluntatem; itemque, quod Deus voluntatem in bonum mutare non posset, nisi prius praevideret bonam voluntatem nascentem à libero arbitrio, ut videre est apud fulgentium in verbis relatis: Sed si hoc opponitur supremo Dei dominio, eadem ratione debet opponi quod voluntas praevideatur consensura, v. gr. conditionatè, ante omne decretum exercitum in Deo: Ergo si PP. primum negarunt, ut oppositum supremo Dei dominio, scilicet ex consequenti, & illativè negarunt secundum. Minor, in qua stat difficultas, probatur: Nam idèò primum verum est, quia iuxta illam doctrinam Pelagij, Deus ad praedestinandum indigeret aliquo sibi non libero; scilicet initio bonae voluntatis, quod tantum esset in potestate voluntatis creatae, non vero in libero Dei dominio: Sed in sententia contrariorum voluntatem esse conditionatè consensuram non est Deo liberum, nec pendet ex eius supremo dominio; sed vnicè ex libera determinatione voluntatis creatae; & alias nisi Deus illam praeviderit consensuram sub conditione, nequit eius consensum praedestinare, aut eius voluntatem in bonum mutare: Ergo sententia contrariorum pari ratione opponitur supremo Dei dominio, ac error Pelagij.

195 Explicatur: Vel PP. iudicabant contra supremum Dei dominium, quod Deus ad mutandam voluntatem in bonum indigeret aliquo sibi non libero, & libero voluntati creatae; vel hoc non iudicabant ex terminis oppositum supremo Dei dominio? Si hoc secundum dicitur, cur PP. asseruerunt esse contra supremum Dei dominium, qui omnia quaecunque voluit fecit in caelo, & in terra, quod indigeret initio bonae voluntatis antecedenti ad gratiam, ad operandum in hominis voluntate? Si dicatur primum (prout dici debet) Ergo PP. iudicantur esse contra dominium Dei, quod indigeat ad immutandam voluntatem creatam consensura futuro conditionatè praevisto. Patet consequentia, quia consensum praevideri ut conditionatè futurum, à potest contrarios non est Deo liberum, cum sit ante omne decretum divinae voluntatis. Explicatur amplius: PP. iudicantur contra dominium Dei, quod initium bonae voluntatis non esset ex gratuita voluntate Dei; quia cum illud initium esset aliquid in voluntate contingens, iudicabant contra supremum dominium Dei, quod aliquid contingeret in voluntate creata antequam Deus illud vellet sua libera voluntate: Sed futuritio conditionata est contingens; potuit enim consensus esse, vel

non esse conditionatè futurus, & apud contrarios, id contingit ante omne liberum Dei decretum, aut liberam voluntatem: Ergo hæc futuritio conditionata ex mente PP. & consequenter scientia media est contræ supremum Dei dominium.

### PRIMA RATIO PRO CONCLUSIONE.

196 **E**X quo deducitur prima ratio pro nostra conclusione. Etenim contra supremum dominium Dei est, quod aliquid contingenter eveniat ante omnem eius liberam determinationem: Sed futuritio conditionata evenit contingenter ante omnem Dei liberam determinationem, ut fatentur AA. scientiæ mediæ: Ergo apud ipsos non salvatur supremum dominium Dei. Maior probatur, quia contra supremum dominium Dei est, quod aliquid contingenter eveniat, & quod Deus non potuerit illud impedire, aut vitare, nec potentia antecedenti, nec consequenti, adhuc de sua potentia absoluta: Sed si aliquid eveniret contingenter ante omnem determinationem liberam Dei, illud Deus impedire, aut vitare non potuisset, nec potentia antecedenti, nec de sua potentia absoluta: Ergo esset contra supremum Dei dominium. Minor patet, quia quod prævenit omnem determinationem liberam alicuius voluntatis, ab ea voluntate impediri non potest, nec potentia antecedenti, nec vlla veta potestate, ut fatentur ipsi contrarii.

197 Respondebis, futuritionem conditionatam non esse aliquid de præsentī contingens, sive quod eveniat de præsentī; sed solum esse aliquid, quod contingeret, & eveniret, si poneretur conditio; tunc autem non eveniret ante omnem liberam determinationem Dei, quia eveniret post decretum purificationis conditionis, quod decretum esset Deo liberum. Sed contra est primo, quia futuritio conditionata non eveniret, nec contingeret, casu quo purificaretur conditio, tunc enim consensus iam non esset conditionatè futurus, sed absolutè existeret: Ergo futuritio conditionata est aliquid de præsentī contingens, & eveniens. Secundo, quia futuritio conditionata non dicitur contingens propter contingentiam, quam haberet posita conditione, sive quia tunc consensus contingenter eveniret: Ergo dicitur contingens à contingentia, quam habet ante purificationem conditionis. Antecedens probatur, quia huiusmodi conditionatio, si Deus efficere vellet Petrum convertere, converteretur Petrus, non est conditionatum contingens, sed conditionatum metaphisicè necessarium: Et tamen purificata conditione, conversio Petri foret absolutè contingens, cum libera foret: Ergo futurum conditionatum non dicitur contingens præcisè, quia eventus foret contingens posita conditione, seu propter contingentiam, quam tunc haberet. Ex-

plicatur: Prædictum conditionatum non dicitur metaphisicè necessarium, quia posita voluntate efficaci Dei, conversio in se ipsa necessaria foret, cum potius esset absolutè libera, & contingens; sed quia voluntas efficax Dei habet necessariam connexionem cum conversione volita: Ergo pariter, conditionatum hoc, si Petrus vocaretur auxilio A indifferenti, consentiret, non erit contingens, quia posita conditione Petrus consentiret contingenter; in hoc enim convenit cum conditionato necessariò, sed quia connexio conditionis cum conditionato est contingens: Sed ista connexio de præsentī est contingens, & de præsentī datur contingenter: Ergo futuritio conditionata de præsentī est contingens.

198 Tertio impugatur prædicta solutio, quia saltem veritas & cognoscibilitas futuri conditionati contingentis datur de præsentī contingenter, quia prædicta futura de præsentī habent cognoscibilitatem, & veritatem, alias de præsentī non cognoscerentur à Deo, ut dicebamus articulo præced. Ergo iam datur aliquid contingenter de præsentī, quod evenit & contingit de præsentī ante omnem liberam Dei determinationem. Quarto, quia ipsa scientia media affirmativa consensus, v. gr. absolutè existit in Deo, & quidem contingenter, quia sicut potuit consensus non esse conditionatè futurus, potuit Deus non habere scientiam mediam affirmativam consensus: Et tamen scientia media affirmativa consensus existit in Deo ante omnem eius liberam determinationem: Ergo aliquid evenit absolutè, sive absolutè contingit, ante omnem liberam Dei determinationem.

199 Confirmatur primo hæc instantia, quæ maximè præmit contrarios; quia certissimè est contra supremum Dei dominium, quod ei conveniat absolutè aliquid prædicatum, vel denominatio intrinseca contingenter, ante omnem eius liberam determinationem: Sed scientia media affirmativa consensus est prædicatum intrinsecum Dei, Deumque denominat intrinsecè scientem, & affirmantem consensum conditionatum: Ergo est contra supremum dominium Dei, quod talis scientia contingenter absolutè covepiat Deo ante omnem determinationem liberam suæ voluntatis. Maior probatur primo, quia talis denominatio, aut prædicatum intrinsecum Deo, conveniret ab extrinseco, & non ab intrinseco: Sed absdubio est contra supremum Dei dominium, quod aliquid intrinsecum ei contingenter adveniat purè ab extrinseco: Ergo. Maior patet, quia quod advenit alicui contingenter, & non ex propria determinatione, convenit ei ab extrinseco, & non ab intrinseco. Minor vero probatur; quia absdubio est contra supremum Dei dominium habere in se aliquid intrinsecum contingenter, quod vitare non possit; etenim in nobis est ma-



SPECIALIS EVASIO  
RR. Tyrso.

xima imperfectio libertatis, quod habeamus motus primo primos, & plures cogitationes anteverentes vsum libertatis, quia eas vitare non possumus: Ergo multo magis erit imperfectio repugnans summae libertati, & supremo Dei dominio habere in se aliquam affirmationem contingentem ab extrinseco, quam vitare non possit, quia anteverit eius libertatis determinationem.

200 Secundò probatur illa maior, quia talis denominatio intrinseca, vel prædicatum intrinsecum, posset Deo non convenire ab extrinseco, & ex alterius determinatione, non vero ex determinatione ipsius Dei: Sed eo ipso esset contra supremum Dei dominium, quia cum eo non comparatur quod aliquid Deo ita contingentem conveniat, quod potuerit ei non convenire purè ab extrinseco, & ex aliena determinatione, non autem ex propria: Ergo.

201 Confirmatur secundò, quia manifestè est contra supremum Dei dominium, quod aliquid indifferens ad esse, & non esse, determinatè sit, & non sit determinatum à Deo: Sed illa denominatio intrinseca affirmantis consensum ex se indifferens est ad esse, & non esse, cum possit esse, & non esse in Deo, & alias determinatè est in Deo, quin ab ipso Deo determinata sit: Ergo est contra supremum Dei dominium. Maior probatur, quia de ratione supremi Dei dominij est, esse determinativum omnis determinabilis, ita ut nullum determinabile possit esse determinatum in actu, nisi ab ipso: Sed quod est indifferens, ut sit, vel non sit, est determinabile: Ergo nequit esse determinatum in actu, quin determinetur à Deo, vel si aliter sit determinatum, erit contra supremum Dei dominium. Maior probatur, quia dominium Dei fundatur, vel latius patet, quam eius suprema, & universalis causalitas: Sed quia Deus est suprema, & universalissima causa effectiva, repugnat aliquid efficienter causabile, quod non causetur à Deo: Ergo quia est supremum, & universalissimus dominus, repugnat aliquid determinabile, quod non determinetur ab ipso, & consequenter hoc est contra eius supremum, & universalissimum dominium.

202 Confirmatur tertio, & urgentius: Impletur, vel repugnat cum supremo dominio Dei, quod aliquid prædicatum existat intrinsece in ipso, ipsique intrinsece conveniat casualiter, & fortuito: Sed scientia media est huiusmodi: Ergo repugnat cum supremo Dei dominio. Maior ex terminis videtur nota. Minor vero probatur, quia illud dicitur casuale, & fortuito respectu alicuius, quod illi evenit præter eius intentionem, prævenitque omnem eius determinationem: Sed scientia media evenit in Deo præter omnem eius intentionem, prævenitque omnem eius determinationem: Ergo scientia media convenit Deo, in eoque existit casualiter, & fortuito.

203 **R**espondet RR. Tyrso, *Disputat.* 38. *sect.* 8. scientiam mediam non esse Deo causalem; quia Deus pro priori ad illam per scientiam necessariam prævidet se habiturum, vel scientiam affirmativam consensum, vel negativam, & ob suam infinitam perfectionem ex his duabus scientijs postulat habere illam determinatè, quæ si exultat, erit conformis obiecto: Non est autem casuale alicui, illud quod ab ipso præcognoscitur indeterminatè, & vagè, & ad quod habendum determinatur ex propria perfectione. Ita penè ad verbum prædictus Author.

204 Sed contra est primò, quia quamvis Deus per scientiam necessariam prævidet se habiturum, vel scientiam affirmativam, vel negativam consensum, pro eo signo non scit determinatè quod habiturus sit affirmativam præ negativam, nec determinatè expectat vnam præ alia, ne aliàs eius expectatio frustraretur: Sed hoc sufficit, ut scientia affirmativa præ negativa casualiter, & fortuito conveniat Deo: Ergo prædicta solutio hoc non vitatur absurdum. Minor probatur primò, quia lutor ante ludum rosa certitudine scit, se habiturum, vel bonam, vel malam sortem: Et tamen quia scire non potest determinatè, nec determinatè expectare vnam præ alia ante sortis eventum, quæcumque illi eveniat, casualiter, & fortuito illi evenit: Ergo. Secundò, quia si poneretur voluntas creata necessitata, v.g. ad amorem, vel odium in statu absoluto, & Deus ante absolutam determinationem voluntatis prævideret voluntatem habituram, vel amorem, vel odium: si tamen neutrum determinatè prævideret visquidum voluntas absolute se determinaret, determinatio voluntatis creata, v.g. ad amorem esset casualis respectu Dei, & fortuita, minimè vero provida; quæ propter contrarij, ut divinam providentiam salvent, & casualitatem excludant, adstruunt scientiam mediam, qua prælucente, possit Deus scire determinatè, antequam voluntas absolute se determinet; inquam partem se determinabit: Et tamen Deus in tali casu sciret vagè, & indeterminatè voluntatem habituram amorem, vel odium: Ergo quamvis, &c.

205 Confirmatur hæc paritas, quia si creaturæ conveniret absolute, & de facto aliqua denominatio intrinseca, vel intrinsecum prædicatum contingens, præter omnem intentionem, & expectationem Dei, & præter omnem eius liberam permissionem, quamvis sciret antecederet futuram talem denominationem, vel eius oppositam vagè, & indeterminatè, tamen talis denominatio intrinseca, aut eius opposita casualis foret, & fortuita Deo: Sed scientia media affir-

mativa consensus absolute, & de facto convenit Deo intrinsece tanquam predicatum intrinsecum, & intrinseca denominatio, præter omnem eius intentionem, & expectationem, & præter liberam eius permissionem, quia scientia media adhuc non pendet à libera Dei permissione, cum ab ipso Deo impediri non possit: Ergo quamvis Deus prævideat se habiturum, vel scientiam affirmativam, vel negativam, scientia affirmativa determinatè sumpta casualis erit, & fortuita Deo. Consequentia patet, quia, si quod in creatura sub his circumstantiis contingeret, foret fortuitum Deo, quare si hoc ipsum sub eisdem circumstantiis cogitaretur in Deo, non erit Deo fortuitum.

206 Explicatur non minus providus debet esse Deus in se ipso quam erga creaturam, nec minus excludit casualitatem in his, quæ sibi intrinsece contingunt, quam in his, quæ contingunt intrinsece creaturis: Sed si aliquid intrinsecum creaturis absolute contingeret, & existeret, præter omnem Dei intentionem, & liberam eius permissionem, casualiter eveniret respectu Dei: Ergo scientia media, quæ intrinsece, & absolute existit contingenter in Deo præter omnem eius intentionem, & liberam permissionem, casualis erit, & fortuita Deo.

207 Ex his patet, primò, falso supponere solutionem, Denique ex propria perfectione determinari ad habendam scientiam mediam affirmativam consensus; quia licet, iuxta contrarios, determinetur ex sua perfectione ad sciendum, an voluntas consensus sit, nec ne, minimè tamen determinatur ex perfectione intrinseca ad affirmandum determinatè quod consensus erit; cum tota perfectio intrinseca Dei coniungibilis sit cù defectu talis affirmationis, absolute loquendo, testibus etiam ipsis contrariis: Ergo saltem quod existat scientia affirmativa præ negativa, casuale erit, & fortuitum respectu Dei. Patet secundo, inepè inflare Authorem contrarium nostrum argumentum in peccato, quod absolute contingit præter omnem Dei intentionem; primò, quia vel loquitur de peccato pro materiali, & sic in nostris principiis falso supponit, quia entitas peccati non existit absolute præter omnem Dei intentionem, sed dependenter à decreto præ definitivo, & prædeterminativo; si autem loquitur de peccato quoad malitiam formalem illius, sic peccatum nihil est, sola privatio est; quæ quid mirumquod existat præter omnem intentionem positivam Dei, cum sub eius providentia positiva non cadat; at vero scientia media affirmativa consensus non est in Deo pura privatio, & nihil. Secundò, & præcipue, quia est apud contrarios, peccatum, tam quoad entitatem, quam quoad malitiam, absolute existat præter omnem intentionem positivam Dei, tamen non existit, nisi dependenter ab intentione permissiva, sive à libera Dei permis-

sione; si enim Deus vellet, posset quam optime facere, quod nullum peccatum absolute existeret, unde si aliquid peccatum existit, eo est quia Deus liberè permittit voluntatem peccare; unde dixit Augustinus, *nihil sit, quod Deus fieri non velit, vel finiendo ut fiat, vel ipse faciendū*. Sed scientia media ponitur in Deo, non solum præter omnem intentionem positivam Dei, sed independentè etiam ab omni libera permissione, Deus enim eam impedire non potest: Ergo ponitur casualiter, & fortuitò.

208 Sed mirum est, quod subiungit RR. Tyrso: Nec absurdum est inquit, quod Deo competat aliqua formalitas intrinseca scientiæ contra eius intentionem; nempe, scientia representans peccatum futurum sub aliqua conditione; nam Deus, quantum est ex se, vellet ut sub illa hypothesis poneretur actus bonus, & in hoc necessario complacere, nempe in eo, quod si Petrus vocaretur ad honestè operandū, honestè operaretur, & non peccaret, & necessario displicet in eo quod si vocetur resistat, unde resistentia illa, & peccatum est præter Dei intentionem, & consequenter scientiæ; licet supposito obiecto pravo, sit iuxta Dei complacentiam illud cognoscere, quia cum sit summa Dei perfectio cognoscere omne, quod est, vel esset, ex suppositione quod sit, vel esset, licet suppositio peccati sit contra Dei intentionem antecedentem, & consequenter contra illam sit, quod ipse sciat peccatum existere, quia vellet scire oppositum, tamen ex suppositione quod peccatum existat, est iuxta Dei inclinationem, & perfectionem illud scire.

209 Hæc ad litteram ex RR. Tyrso traxi, ut videas, qualia deborat inconvenientia, dum vnum conatur defendere. Etenim, si Deo conveniret aliqua formalitas intrinseca scientiæ contra eius intentionem, quin id ipse Deus impedire, aut vitare valeret, aperte Deus in se ipso necessarium, & intrinsecum experiretur contradictionem, inevitabilemque, ac domesticam oppositionem inter eius intrinsecam predicatam: At hoc absurdissimum est: Ergo & primum. Maior patet, quia intentio illa Dei, contra quam esset formalitas intrinseca scientiæ, etiam esset predicatum intrinsecum Dei, ut ipse manifestè innuit: Ergo iam essent in Deo duo predicata intrinseca sibi invicem adversantia, quin Deus id vitare vlla potentia posset: Hoc autem absurdissimum esse, quis non videat? Etenim absurdissimum est dicere, Deum inevitabiliter, & ab æterno intrinsecam miseriam experiri, intrinsecè quæ miseriam esse: At si inevitabiliter intrinsecam in se ipso experiretur contradictionem, & inter sua intrinseca predicata adversitatem, inevitabiliter miser foret; quænam enim maior miseria, quam interna domesticæ contradictionis, & adversitatis? Vel dicat contrarius, quam aliam miseriam experiebatur Paulus,

dura

dum inquebat, *miser*, vel, ut alij legunt, *infelix ego homo, quia me liberabit de corpore mortis tuus*, nisi internam, domesticamque contradictionem: Ergo & absurdissimum est illud, ex quo illa sequuntur.

210 Explicatur: Non minor apparet miseria, intellectum à voluntate invicem discordare, quam carnem ab spiritu; vnde non minus infelix est, qui intellectum patitur contraria cogitantem, & repraesentantem affectui, quam qui corpus contrarium sentit spiritui: Sed magna miseria, & infelicitas est in homine carnem à spiritu, ipso inviro, discordare: Ergo magna miseria, & infelicitas erit ex terminis in qualibet natura intellectu. Quali intellectum à voluntate discordare, contrariaque voluntati, ipsa in vita, repraesentare. Urgetur: Magna miseria est, videre, & repraesentari tibi quod tibi displicat, nec illud posse vilo modo vitare, aut oblivisci: Sed iuxta praedictam solutionem, Deus quantum est ex se vellet scire, & providere honestam operationem, quæ sibi placeret, & inevitabiliter videt pravam operationem, quæ sibi necessario displicet, ut conditionatè futuram, idque ab æterno, ita ut nec potentia vlla antecedenti id vitare, aut impedire poterit. Ergo magnam Deus patietur miseriam.

211 Nec aliquid iuvat contrarium id, quod lenire conatur absurdum, nimirum, quod est summa Dei perfectio, scire quid esset in qualibet hypotese, & consequenter ex suppositione, quod operatio prava sit conditionatè futura, ei complacet, scire illam. Non inquam iuvat; quia iuxta ipsum, Deus vellet scire oppositum; vnde si postea, supposita operatione prava, complacet in scientia affirmativa illius, erit ad plus non posse, ut vulgo dicitur, quia videlicet id impedire non potest; quod etiam miseria est, & manifestum argumentum impotentiae. Tum etiam quia adhuc ex suppositione, quod operatio prava sit conditionatè futura, ipsa non placet Deo, sed necessario displicet: Ergo iam Deus inevitabiliter intuetur, quod ei displicet necessario, quod etiam miseria est. Tum denique, quia licet sit magna perfectio Angeli, & cuiusvis animæ separatae, videre quidquid contingit in rerum natura, miseria tamen eius foret, videre peccata hominum sibi displicentia, nisi scirent ea ex Dei voluntate permitti, & à Deo liberè ordinari in fines oculissimos suæ providentiæ: Sed Deus quamvis ex sua perfectione sit determinatus ad videnda peccata conditionatè futura, ea tamen non videt ut conditionatè futura ex sui libera permissione, aut ex ordinatione suæ providentiæ, sed ante omnem permissionem liberam suæ voluntatis, & ante omnem dispositionem suæ providentiæ, immò contra omnem eius intentionem: Ergo hoc erit magna miseria in Deo.

212 Deinde, si prædicta RR, Tyrti sca-

tentia vera foret, quod nimirum Deus ante omnem sui liberam permissionem, videret peccata futura conditionatè sibi necessario displicentia, ut peccata movere possent sub eo statu. Dehinc ad puniendum peccatorem, quod est hæresis Pelagiana, ut ipsi fatentur contrarij. Sequela patet, quia actus pravus liber sub eo statu, sub quo displicet Deo, potens est movere Deum ad displicentiam erga peccatorem, & consequenter ad puniendum peccatorem, eo quod in illo statu prævideretur liberè displicens Deo; & quidem non tantum displicens conditionatè, id est, quod tantum displiceret, si poneretur conditio; sed displicens de facto, & absolute, siquidem apud Authorem, quem impugnamus, peccatum in statu conditionato de facto, & absolute displicet Deo, & est contra eius intentionem: Ergo.

213 Sed dices, has, aliatque absurditates à nobis illatas, pariter sequi in nostris principijs, quia Deus ab æterno plura videt peccata absolute futura sibi displicentia, quin tamen ex hoc aliquam miseriam incurrat. Tum etiam, quia nos negare non possumus, Deum præscire plura peccata in statu conditionato sibi displicentia, pro quibus tamen punire nequit in statu absoluto: Sed contra est, quia si Deus prævidet plura peccata absolute futura, sibi que displicentia, hoc ideo est, quia ipse Deus liberè, & sapientissima providentia disposuit ea permittere ad altissimos, & occultissimos fines, ad maiorem videlicet sui gloriam, & suorum attributorum ostensionem; hoc autem modo videre peccata futura sibi displicentia, miseriam vllam non arguit, sed potius summam sapientiam, & bonitatem, quibus etiam ea, quæ sibi displicent, liberè permittit, ut ex illis suam augeat gloriam, & honorificentiam inquit Augustinus, *suprema, & infinita bonitas: melius iudicavit de malis bene facere, quam male nulla esse permittere*. At vero ex prædicti Authoris sententia Deus inevitabiliter, velle, nolle, videt in statu conditionato infinita peccata sibi de facto, quibus creatura in illo statuliberè displicet Deo, antequam existat; quæ quidem peccata Deo displicent ante omnem eorum, & ante permissionem, minimeque Deo deferuntur in illo statu ad suam gloriam, & honorem inde augendam, neque ut conducere possint ad suorum attributorum manifestationem liberè permittuntur; cum statim ille sit ante omne decretum exercitium in Deo, & consequenter ante existentiam absolutam cuiuslibet creaturæ, cui possint eius attributa manifestari; itemque quia peccata in tantum deferuntur Deo ad ostensionem suorum attributorum, in quantum potest ostendere iustitiam, ea puniendo, vel misericordiam, ea dimittendo: Sed neutrum exercere potest circa peccata purè conditionata, cum, ut ipsi contrarij fatentur, pro eo statu non sine demeritoria pena: Ergo non possunt deferre ad ostensionem

ostensionem suorum attributorum; sed vnicè ad displicendum Deo, absque vilo alio fine; quis autem non videat, miseriàm, & infelicitatem arguere in Deo, pròvidere inevitabiliter peccata sibi displicentia, quæ ipse liberè non permisisset, nec vitare potuerit, ipsique ad nihil deserviant, nisi ad displicentiam; hoc autem ita non evenit in peccatis absolute futuris, sed omninò contrarium in nostris principiis.

214 Circa peccata vero in statu conditionato, nos in primis non admittimus ea, vt conditionatè futura inevitabiliter respectu Dei, quia peccatum solum potest esse futurum sub conditione per decretum permissivum, suppletivè absolutum, & obiectivè conditionatum. Vnde ex hac parte maximè discrepamus à doctrina contrariorum, quæ admittit peccata contingentèr conditionatè futura inevitabiliter respectu Dei. Secundò, nos non admittimus prædicta peccata posse constitui conditionatè futura per decretum permissivum, nisi ex aliquo fine conducente ad maiorem Dei gloriam; contra vero apud Authores scientiæ mediæ talia peccata sunt conditionatè futura absque omni fine conducente ad honorem Dei, sed solum vtilia sunt, & deserviant ad displicendum Deo. Tertiò, in nostris principiis peccata purè conditionatè futura non habent malitiam sufficienti modo, vt terminent displicentiam Dei, nec Deo in illo statu displicere possint, sicut enim negamus illis veritatem intrinsecam ratione cuius intrinsecè cognoscibilia sunt, ita negamus illis malitiam ratione cuius possint movere ad sui displicentiam, & multò potiori ratione; at vero in principiis prædicti Authoris, supponit peccata in illo statu cum malitia sufficienti vt Deo absolute, & de facto displiceant. Ex quibus patet, nostra principia toto Cælo distare à prædictis absurdis, à quibus tamen principia Authoris contrarij minimè liberati possunt.

## SECUNDA RATIO PRO nostra conclusione.

215 **P**ROBATUR conclusio secundo alia ratione non minus efficaci, quam præcedens. Etenim, qui habet supremum, & absolutum dominium alicuius rei, nihil potest scire contingentèr de illa, nisi quod ille determinaverit, aut permisisset, ac per consequens ante suam determinationem liberam, vel positivam, vel permissivam, nequit scire determinatè quid erit de illa re: Sed Deus habet supremum, & absolutum dominium voluntatis creatæ, quia, vt inquit Augustinus, magis habet Deus in sua potestate voluntates hominum, quam ipsi suas: Ergo ante omnem suam determinationem, vel liberum decretum, nequit Deus scire quid erit de voluntate creatæ, aut quid agat voluntas creatæ, sub quali,

bet hypotesi: Ergo ex supremo Dei dominio supra libertatem creatam corrumpitur scientia media. Maior, quæ sola difficilis est, probatur primo à paritate domini creati, quia si à Petro habente dominium plenum, & absolutum sui equi, interrogaretur, quorsum cras equus tuus iter faciet? nihil determinatè poterit respondere, nec scire, antequam illud determinet; non enim poterit determinatè scire, aut asserere, quod Matitum versus iter faciet, nisi id prius sua voluntate decreverit; & hoc non alia ratione, nisi quia equus est sub eius dominio, & potestate, & ideo nequit certum esse, quorsum iter faciet, nisi quò ipse prius pro suo dominio decreverit: Ergo qui habet supremum dominium voluntatis creatæ, nequit determinatè scire quid voluntas agat, nisi id prius suo decreto prædeterminet. Explicatur magis, quia si ab homine libero interroget, quid facies post hanc horam? nihil determinatè poterit asserere, priusquam determinaverit voluntate, quid sit a futuris; hocque, non alia ratione, nisi quia habet plenum dominium sui: Sed Deus habet maius dominium hominæ voluntatis: Ergo nihil scire potest determinatè de ipsa, an scilicet consueperit, vel discessit auxilio, priusquam id ipse determinaverit per decretum.

216 Secundò probatur illa maior, quia si antequam aliquid Deus decerneret circa voluntatem creatam, sciret, quid ea futura foret, Deus iam non haberet supremum dominium illius: Ergo. Antecedens probatur, quia si Deus sciret inevitabiliter, & ante determinationem suæ voluntatis, quid voluntas creatæ futura foret, iam Deus pro suo libito non posset facere, quod voluntas ageret contrarium, cum eam scientiam impedire non posset, nec falsificare, vt contrarij ipsi admittunt: Non ergo haberet supremum dominium Deus ad faciendum quicquid vellet de libertate creatæ. Explicatur: Si voluntas creatæ pro priori ad suum actum sciret infallibiliter, & inevitabiliter se dilecturam pro posteriori, vi illius scientiæ necessitaretur ad amorem, & impotens libertate ad odium, ac per consequens amitteret dominium ad utrumlibet: Ergo similiter, si Deus ante omnem suum decretum sciret infallibiliter, & inevitabiliter voluntatè dissensuram sub auxilio, Deus necessitatus maneret ad permittendum dissensum, impossibilitatibusque ad faciendum quod voluntas consentiret, ac per consequens non haberet dominium ad utrumlibet.

217 Huic rationi, quæ absdubio vi non caret, & quidem haud levi, respondere possunt contrarij, Deum habere supremum dominium ad faciendum de voluntate in statu absoluto quicquid voluerit, non tamen exercere suum dominium circa voluntatem in statu purè conditionato; ideoque optimè componi cum eius supremo dominio, quod ante omnem suam determinationem

nem sciat, quid voluntas ageret in statu conditionato; licet non possit scire determinatè, quid voluntas ager in statu absoluto antequam sua voluntas decernat. Sed contra est primò, quia ut supra vidimus, etiam est contra supremum dominium Dei, quod aliquid eveniat contingenter, adhuc in statu conditionato, ante omnem Dei determinationem: Ergo si Deus non exercet suum supremum dominium circa voluntatem in statu conditionato contingenter consentientem, vel dissentientem, minuitur, saltem ex hac parte, tale dominium. Secundò, quia, ut infra probabimus, Deus decernere potest, vel saltem promittere sub conditione, quid voluntas ager sub his, vel illis conditionibus: Ergo exercet suum dominium circa voluntatem in statu conditionato.

218 Contra tertio, quia si Deus, ante omnem sui determinationem, inevitabiliter, & infallibiliter scit, quod voluntas dissentiet, v.g. si ponatur sub auxilio A indifferenti, sequitur, quod circa talem voluntatem non possit adhuc in statu absoluto exercere suum dominium: Ergo ruit solutio. Sequela probatur, quia Deus non posset facere in statu absoluto, quod voluntas sub eo auxilio absolute consentiret; cum tamen ipsa, posita sub auxilio, consentiret posset: Sed hoc ipso non exerceret suum dominium circa illam voluntatem in statu absoluto: Ergo. Concedunt communiter sequelam contrarij, quam tamen absurdam non reputant, quia, iudicant, Deum non posse facere in statu absoluto, quod voluntas consentiat, vel convertatur sub quocumque auxilio indifferenti; sed solum sub auxilio illo, quod prævicit efficax per scientiam mediam; quamvis voluntas sub quolibet se convertere possit.

219 Sed hoc revera non est solvere argumentum, sed eius oneri succumbere ut enim *Tractatu de Providentia* probavimus efficaciter, dominium Dei magna ex parte minuitur, læditurque, nisi Deus possit convertere creaturam sub quocunque auxilio, sub quo ipsa se potest convertere. Ad ea lædorem remitto. Interim tamen prænotare licet ex ibidem dictis, maius absurdum inferri, quia si Deus nequit convertere creaturam in statu absoluto sub auxilio A, quia inevitabiliter, & infallibiliter prævicit per scientiam mediam eam dissenturam, potuit pariter contingere quod ea foret dissentura sub infinitis auxilijs; ex quo frequenter, quod voluntas posset convertere se sub infinitis auxilijs, sub quibus Deus eam convertere non posset, ac per consequens potentia creturæ infinitè excederet potentiam Dei: Etiam posset contingere quod voluntas foret dissentura omnibus auxilijs indifferentibus, quo casu sub nullo Deus posset eam convertere, ipsa tamen sub omnibus; et

setque potens se convertere, sed à Deo inconvertibilis, adhuc de potentia absoluta; quod quidem, & absurdum esse, & necessariò concedendum in opinione contraria, fuisse iam ostendi ubi supra, impugnatis evaluationibus Recentiorum.

220 Nunc autem sic quartò impugnò doctrinam contrariorum; quia, ut ipsi sapè aiunt, licet Deus non possit convertere creaturam sub eo auxilio, sub quo eam prævicit dissenturam, eo solo auxilio attento, habet tamen dominium eam convertendi sub eo auxilio, aliud novum superaddendo: Sed Deus scire non potest, an ipse velit, vel nolet novum auxilium superaddere, nisi id prius ipse decreverit: Ergo scire non potest, an voluntas sub eo auxilio revera converteretur, vel non converteretur, antequam id decremaverit. Minor probatur, quia adhuc sub conditione quod ponatur auxilium A, est sub dominio Dei, addere, vel non addere novum auxilium: Sed id, circa quod Deus exercet dominium, vel quod est sub eius dominio, nequit Deus scire determinatè, an erit, vel non erit, antequam id ipse determinet: Ergo.

221 Confirmatur: Deus abs dubio potest conditionatè decernere, vel si hoc decretum admittere nolis, potest promittere conditionatè, convertere Petrum sub conditione quod audiat concionem alicuius prædicatoris: Quis hoc neget, nisi supremum Dei dominium evertendo? Sed si Deus ante omnem suam determinationem, vel decretum sciret, quid Petrus faceretur esset, audito eo sermone, Deus id promittere, aut decernere non posset: Ergo evertetur supremum dominium Dei. Minor probatur, quia vel Deus sciret, Petrum, audito eo sermone, dissenturum, vel convertendum? Si primum, abs dubio non posset promittere, quod illum convertetur esset, ne falsificaretur eius promissio, vel scientia. Si secundum, quamvis Deus posset affirmare, quasi speculative, Petrum convertendum in illa hypotesi, quia id præciebat infallibiliter, non ramen posset id decernere, aut promittere; quod sic probatur, quia quod quis prævicit aliunde futurum independenterque à proptia determinatione, potest quidem quasi propheticè prænunciare futurum; sed non illud decernere, & promittere quasi à se faciendum; quia decretum, & promissio ex modo suotendendi faciunt futurum, id quod promittunt, non vero supponunt illud aliunde futurum, si erit mera prophetia: Sed Deus per scientiam mediam prævicit Petrum convertendum sub ea hypotesi, & hoc prævicit et conditionatè futurum ante omnem suam determinationem, & consequenter aliunde, quam ex propria determinatione: Ergo non posset verè promittere,

R

quod

quod Petrum conversurus esset sub hypotesi sermonis.

222 Confirmatur ex Augustino *libr. de Prædestination. Sanct. cap. 10.* ubi sic ait: *Quando promissit Deus Habraæ in femine eius fidem gentium, dicens, Patrem multarum gentium te constitui, non de nostra voluntatis potestate, sed de sua prædestinatione promissit; promissit enim quod ipse facturus fuerat, non quod homines: Sed eadem ratio militat de promissione obiectivè conditionata, qua Deus promitteret convertere Petrum sub conditione, quod audiret concionem: Ergo talem conversionem non promitteret Deus de nostræ voluntatis potestate, sed de sua prædestinatione: Sed hoc est falsum, si Deus ante omnem sui prædestinationem, sive decretum, præficeret Petrum convertendum, eiusque conversionem conditionatè futuram ex sola determinatione conditionata voluntatis crearet: Ergo vel hoc est falsum, vel Deus nequit promittere conversionem Petri sub prædicta conditione.*

223 Confirmatur secundò: Ideo iuxta Augustinum, quando promissit Deus Habraæ fidem gentium, illam promissit de sua prædestinatione, quia promissit quod ipse facturus fuerat, non quod homines, & hoc ideo; quia ut inquit idem Augustinus immediatè post verba relata: *Licet faciant homines bona, quæ pertinent ad colendum Deum, ipse facit ut illi faciant, quæ præcepit; non illi faciunt, quod ipse faciat quod promissit:* Sed tota hæc ratio patitur currere in promissione, quam Deus faceret de convertendo Petrum sub conditione sermonis: Ergo Deus talem conversionem non aliter posset promittere, nisi de sua prædestinatione, sive præsupposito decreto suæ voluntatis. Confirmatur tertio, quia Magnus Augustinus sic immediatè subiungit: *Alioquin, ut Dei promissum compleantur, non in Dei, sed in hominum est potestate, & quod à Domino promissum est, ab ipsis redditur Habraæ: Non autem sic credidit Habraam; sed credidit, danti gloriam Deo, quoniam, quæ promissit, potens est & facere, non ait prædicere, non ait præfrire, sed ait, potens est & facere.* Tunc sic, sed si conversio Petri conditionatè futura esset sic futura ante omnem Dei determinationem, aut decretum exercitum, ex solo consensu conditionatè voluntatis, idque præficeretur inevitabiliter à Deo ante omne decretum, casu quo Deus promitteret talem conversionem sub conditione concionis verb. grat. adimpletio talis promissionis non esset in Dei potestate, sed solum in potestate Petri, Petrusque adimpleret quod Deus promissit, non autem ipse Deus: Ergo prædicta futuritio, & scientia conditionata conversionis Petri ante omne decretum est manifestè

contra dominium Dei, prout exponitur ab Augustino, adimplendi ea, quæ promissit. Minor, quæ sola difficilis est, probatur, quia veritas, & adimpletio talis promissionis conditionatæ formaliter consisteret in eo, quod, si Petrus audiret concionem, converteretur, de hoc enim erat formaliter talis promissio: Sed quod Petrus converteretur, si concionem audiret, non esset liberum Deo, nec in eius potestate, sed solum esset liberum Petro, in eiusque dominio: Ergo Minor probatur primò, quia quod supponitur verum ante omnem liberam Dei determinationem, ex sola determinatione libera voluntatis crearet, inevitabiliterque præfictum à Deo, non est Deo liberum, nec in eius libera voluntate; sed quod Petrus converteretur, si concionem audiret, verum supponeretur ante omnem Dei determinationem liberam, inevitabiliterque præfictum à Deo: Ergo hoc non esset in eius libera potestate. Secundò, quia quod Petrus converteretur, si concionem audiret, est obiectum scientiæ mediæ: Sed obiectum scientiæ mediæ, apud contrarios, nec est Deo liberum, nec in eius libera potestate; sed solum est liberum voluntati creatæ: Ergo quod Petrus converteretur, si concionem audiret, non esset in Dei libera potestate, sed solum in potestate libera creaturæ: Ergo non esset in potestate libera Dei adimpletio formalis suæ promissionis conditionatæ, sed tantum in potestate libera creaturæ.

224 Confirmatur quartò, quia ut constat ex ultimis verbis Div. Augustini, & ex Sacra Pagina, Habraam credidit Deo promittenti, non quia potens erat præfrire, aut quia præfcius esset futurorum, sed quia potens est facere quæcumque promittit: Ergo nos, qui Habraæ sumus in fide Filij, & imitatores, debemus similiter credere Deo promittenti conversionem Petri sub prædicta conditione, non quia præfcius esset talis conversionis conditionatè futuræ, sed quia in eius libera potestate est facere quæcumque promittit: Atqui, si Deus præficeret ante omne decretum Petrum convertendum sub conditione concionis, contrarium foret dicendum, quia ut probatum manet, non esset in eius libera potestate, quod Petrus converterendus foret, sed tantum id præficeret ex determinatione voluntatis creatæ conditionatè futuræ: Ergo prædicta scientia mediæ conversionis conditionatè futuræ ante omne decretum, est contra D. Augustinum *loco citat.* immo & contra fidem Habraæ expositionem ab ipso Augustino traditam; cumque Augustinus explicans fidem Habraæ, omnino nitatur in supremo Dei dominio, ac omnipotentissima potestate; consequens est prædictam scientiam mediæ esse contra supremum Dei dominium, & omnipotentissimam potestatem.

Ex

**DISTINCTIO SCIENTIAE**  
media in liberam, & necessariam  
examinatur.

217 **Q**UA propter aliter pro contra-

rijs respondebis, distinguendo nimirum in Deo duplicem scientiam mediam, aliam scilicet obiectivè liberam Deo, aliam obiectivè liberam soli creaturæ. Prima est, in qua ex parte conditionati prævidetur aliquis actus liber Dei, vt conditionati futurus, v.g. scientia media, qua Deus affirmat: *Si Petrus audierit concionem, vocabo eum interius cogitatione sancta, quam prævidero efficacè ad illius conversionem*; quia adhuc supposita auditione concionis, est liberum Deo vocare Petrum vocatione interna congrua, vel illum sic non vocare; & ideo huiusmodi scientia dicitur Deo libera obiectivè, quia affirmat obiectum ipsi Deo liberum. Secunda est, in qua ex parte conditionati præcisè affirmatur aliquid liberum creaturæ, & non liberum Deo; v.g. *Si vocavero Petrum auxilio A indifferenti sub hac numero libertate proxima, convertetur*; quia supposita libertate proxima Petri ad conversionem, iam non est liberum Deo, sed soli Petro, converti, vel non converti. Quod si obijcias, adhuc supposita in Petro libertate proxima, posse Deum superaddere aliud auxilium prævidum efficax, ac proinde adhuc, ea libertate supposita, erit liberum Deo Petrum converti, vel non converti. Respondebant iuxta sua principia, quod si Deus superaddideret illi libertatè proximæ aliud auxilium, iam mutaretur hypotesis scientiæ mediæ, quia hæc secunda scientia mediæ, quæ tantum est obiectivè libera creaturæ, assumit pro hypotesi, vel conditione libertatem proximam creaturæ determinatam in individuo, cum exclusione alterius cuiuslibet compincipij v.g. *Si vocavero Petrum sub hoc auxilio, indifferenti, sub hac numero libertate, in hoc numero instanti nihil aliud superaddendo, convertetur*; quia quidem hypotesi facta, Deus aliud auxilium addere non posset in ea hypotesi, quia tale auxilium excluditur in hypotesi.

218 **Q**UA doctrina supposita, inferunt contrarij, primò, Deum non posse promittere, nec liberè decernere conditionatè illud, quod est obiectum scientiæ mediæ obiectivè liberæ soli creaturæ, quia illius obiectum soli creaturæ est liberum; exterum hoc non esse inconveniens, quia ex parte hypotesis supponitur, quod Deus nolit addere voluntati aliud auxilium; & hac suppositione facta, iam impotentia Dei ad convertendum Petrum sub ea hypotesi, est consequens. Loquendo vero de scientia mediæ obiectivè libera Deo, asserunt, Deum bene posse promittere conditionatè, & conditionatè decernere eius ob-

215 Ex quo patet, in præsens, contrarios respondere; quod in Dei potestate est adimplere, quæ promittit, quia est in eius libera potestate ponere conditionem, sub qua prævidet, Petrum convertendum, licet non sit in eius libera potestate, quod posita conditione Petrus convertatur, vel non convertatur. Contra enim est, quia promissio, de qua nos loquimur in argumento, non est promissio ponendi conditionem, sub qua Deus prævidet Petrum convertendum, sed est promissio conditionata conversionis Petri sub conditione, nimirum, quod audiat concionem: Sed hæc promissio non adimpletur formaliter per positionem conditionis, sed per hoc quod, posita conditione; Petrus convertatur; siquidem hoc secundum promittit, & non primum: Ergo quamvis primum sit in libera potestate Dei, si tamen secundum non est in eius libera potestate, non est in eius libera potestate adimplere promissum.

216 Confirmatur denique doctrina præcedens; quia Deus promittere nequit, quæ decernere non potest, vt infra probabimus; itemque decernere non potest, quod non est ei liberum, nec sub eius dominio; cum decretum Dei essentialiter sit actus liber, & de obiecto sibi libero: Sed obiectum scientiæ mediæ non est Deo liberum, nec sub eius dominio, cum supponatur ad omnem eius liberam determinationem: Ergo Deus nequit promittere quod est obiectum scientiæ mediæ, nec illud decernere: Tunc sic, conversio Petri sub conditione quod audiat concionem est obiectum scientiæ mediæ: Ergo Deus nequit decernere, nec promittere conversionem Petri sub conditione quod audiat concionem; idemque de qualibet alia bona operatione sub conditione indifferenti: Sed hoc est manifestè contra supremum Dei dominium prout in Sacra Pagina exprimitur, ubi sæpius inveniuntur promissiones conditionatæ, quibus Deus promittit homines convertendos sub aliquibus conditionibus; itemque in Ecclesiasticis Historijs, ubi pluries inveniet, qui legerit, Deum sanctis viris promississe conversionem, vel consensum aliorum hominum sub conditione prædicationis, vel exempli, vel miraculi, &c. Ergo de primo ad ultimum adstruere scientiam mediam de quocunque obiecto conditionatè futuro, ante omne Dei decretum, quæ proinde non sit libera Deo, nec eius obiectum sub dominio ipsius, est contra supremum Dei dominium.

\*\*\*



atum, & ad hanc scientiam pertinere conversiones, & alia quæ Deus promissit sub conditione; quia videlicet conditio talis erat, quod adhuc ex suppositione libera illius, Deus habebat in sua libera potestate, quod sequeretur, vel non sequeretur conditionatum.

229 Hæc est sanè doctrinæ contrariorum summa, & quod melius responderi potest in eorum principiis ad præcedentes difficultates. Cæterum contra illam est primò, quod imò non sufficit vnica scientia media, sed planè admittunt duas, quarum vna est obiectivè libera Deo, alia secus. Et quidem, si scientiam mediam nuncuparunt, quia mediat inter liberam, & necessariam, eo quod est purè contingens, & non libera Deo, quare non possunt nuncupare aliam scientiam intermediam, quæ nimirum mediat inter eam, quæ est obiectivè libera Deo, & inter eam quæ est obiectivè necessaria; quia videlicet obiectivè est purè contingens respectu Dei, & libera creaturæ? Sed quidquid sit de hoc.

230 Contra est secundò, quia semper est magnum absurdum, quod Deus non possit promittere conditionatè obiectum scientiæ mediæ, quæ tantum est obiectivè libera creaturæ: Ergo. Probatur antecedens, quia quamvis ex parte hypothetis ponatur, quod Deus non velit superaddere aliud auxilium, adhuc tamen hoc supposito, est possibile, quod Petrus sub eo auxilio convertatur, & supponitur id Deum præscire, scilicet Petrum convertendum sub ea numero hypothese: Sed magnum est inconveniens. Petrum sub aliqua hypothese se posse convertere, imò & convertendum fore, & Deum non posse promittere sub ea hypothese illius conversionem: Ergo absurdum illatum semper manet in suo robore. Confirmatur, quia, vt *Tract. de Prov. q. 12 n. 77.* ostendimus, implicat quod, facta aliqua hypothese libertatis proximæ sub prædictis circumstantiis à contrariis assignatis, sit in potestate libera creaturæ se convertere, quin sit in potestate libera Dei, illam convertere sub eisdem circumstantiis: Ergo implicat, quod prædicta scientia media sit obiectivè libera creaturæ, quis sit obiectivè libera Deo.

### IMPUGNATUR SCIENTIA

media obiectivè libera

Deo.

231 **T**ertio, & principaliter impugnatæ prædicta doctrina contrariorum, quia repugnat aliquod obiectum sub conditione indifferenti prævideri à Deo per scientiam mediam, & tale obiectum conditionatum esse Deo liberum: Ergo repugnat scientia media obiectivè libera, siue cuius obiectum sit Deo liberum. Antecedens probatur primò, quia obiectum Deo li-

berum non potest prævideri vt determinatè futurum, nisi in decreto divinæ voluntatis: Sed implicat prævideri per scientiam mediam, si prævidetur in decreto libero divinæ voluntatis: Ergo. Maior patet primò, quia obiectum creaturæ liberum non potest prævideri futurum, nisi in determinatione libera voluntatis creaturæ: Ergo obiectum Deo liberum nequit prævideri vt conditionatè futurum, nisi in decreto libero divinæ voluntatis. Secundò à priori, quia obiectum Deo liberum nequit esse determinatè futurum, nisi ex determinatione divinæ voluntatis: Ergo nequit prævideri vt conditionatè futurum, nisi ex tali, & in tali determinatione. Minor vero etiam patet, quia scientia media ex terminis non potest in decreto Dei fundari, aut eo inniti tanquam medio obiectivo, vt sæpius asserunt contrarij: Ergo implicat Deum prævidere obiectum sibi liberum in decreto, & illud prævidere per scientiam mediam.

232 Respondebis, scientiam mediam, quam contrarij negant esse innixam decreto libero Dei, esse scientiam mediam, quia Deus cognoscit nostros actus liberos sub conditione futurorum; dari tamen in Deo etiam scientiam mediam, quæ prænoscit suosmet actus liberos sub conditione futurorum, siue quid ipsemet Deus ageret sub quibuslibet conditionibus; & hanc scientiam mediam esse innixam ex parte obiecti decreto conditionatè futurum, quod, scilicet, esset posita conditione, antecedere tamen omne decretum subiectivè absolutum, & exercitum in Deo: Sed contra est primò, quia nedum actus liberi Dei, sed etiam actus liberi voluntatis creatæ sunt liberi Deo, & sub eius dominio sub quacumque conditione indifferenti? dummodo ex parte conditionis non apponatur libertas cum exclusione alterius auxilij, quia sub quacumque conditione indifferenti non excludente auxilium superadditum potest Deus addere aliud auxilium prævisum efficax, quo extorqueat à voluntate consensum; vnde liberum est Deo sub quacumque conditione prædicto modo sumpta, extorquere consensum liberum creaturæ: Sed Deus non potest prævidere obiectum conditionatum sibi liberum sub conditione, nisi in decreto libero suæ voluntatis, vt probatum manet: Ergo etiam actus liberos creaturæ vt conditionatè futuros sub conditione non dicente exclusionem auxilij superadditi, prævidet Deus in decreto libero suæ voluntatis. Ex quo inferitur, quod sola scientia media, quæ assumit pro conditione libertatem proximam voluntatis creatæ cum exclusionem alterius superadditi, nititur in determinatione voluntatis creatæ, & cum respiciat pro obiecto determinativo; quælibet autem alia scientia media assumens pro conditione libertatem creatam cum præfensione ab alio superaddito, vel aliam quamlibet



conditionem, decreto esse innixam, respicereque pro obiecto sui determinativo decretum liberum Dei.

233 Fatentur id contrarii; sed inquirunt, non esse innixam, nec supponere decretum exercitum, sed solum decretum; quod foret, posita conditione. Sed contra est, quia etiam hæc scientia media auferet dominium Dei circa obiecta, & actus sibi liberos: Ergo non est admittenda. Antecedens probatur, quia ea scientia media est inimpedibilis à voluntate divina: Ergo. Probo antecedens, postea consequentiam probaturus; quia ea scientia media existit ante omne exercitum liberum voluntatis divinæ. Sed quod existit in Deo ante omne exercitum liberum suæ voluntatis, est inimpedibile ab ipsa voluntate divina: Ergo prædicta scientia est inimpedibilis à voluntate divina. Minor probatur, quia quod existit in homine ante omne exercitum voluntatis humanæ, est ab eo inimpedibile; hæc enim ratione probant contrarii, prædeterminationem esse à nobis inimpedibilem: Ergo quod existit in Deo ante omne exercitum liberum suæ voluntatis, est ab eo inimpedibile: Ergo prædicta scientia media est à Deo inimpedibilis. Hoc autem supposito, probatur consequentia, scilicet talem scientiam auferre dominium Dei circa obiecta, & actus sibi liberos sub conditione futuri; quia apud contrarios, quod sequitur ex inimpedibili, inimpedibile est: Sed ex ea scientia infallibiliter sequitur, quod si ponatur conditio indifferens, Deus vocabit Petrum vocatione congrua, v.g. Ergo si ea scientia inimpedibilis est, Deus posita conditione, non poterit impedire vocationem Petri: Ergo auferret eius dominium vocandi, vel non vocandi Petrum ea vocatione; & consequenter supra suos actus liberos.

234 Confirmatur: Si Deus ante omne suum decretum exercitum, scit hoc conditionatum, v.g. *Ego vocabo Petrum, si Paulus oret pro eo*, non poterit pro sua libertate hoc promittere, vel contrarium: Sed hoc est contra supremum Dei dominium promittendi quæcumque velit: Ergo & prædicta scientia. Sequela probatur, quia in primis illud promittere nequit, nisi cum proposito, aut decreto illud faciendi: Sed nequit proponere, aut decernere liberè vocare Petrum, si Paulus oret pro eo: Ergo nec illud promittere. Maior patet, quia promissio includit essentialiter propositum, & decretum faciendi promissum. Minor vero probatur, quia vel illud posset decernere ante scientiam mediam illius, & hoc neutiquam; quia prædicta scientia media est essentialiter ante omne decretum exercitum in Deo, nequitque supponere decretum subiectivè absolutum, & obiectivè conditionatum, quale esset prædictum decretum vocandi Petrum sub conditione, quod Paulus oret: Ergo non posset id decernere pro

priori ad eam scientiam medianam. Deinde, nec pro posteriori, quia decretum non posset supponere, ut futurum infallibiliter, id quod decernit liberè; tatum enim esset decretum de aliquo futuro, quod ante ipsum decretum, & independententer ab eo, præciebatur ut futurum: Tunc etiam quia decretum liberum essentialiter versatur circa obiectum, quod potest esse, & non esse, supponitque illud cum indifferencia; alias nihil decerneret, aut determinaret: Sed pro posteriori ad eam scientiam, iam præsupponeret ut futurum, & infallibiliter prævisum, quod si Paulus oraret pro Petro, Deus vocaturus erat Petrum: Ergo pro posteriori non posset id decernere.

235 Confirmatur ulterius: Quia ad supremum Dei dominium pertinet, posse sub prædicta conditione orationis Pauli, promittere vocationem Petri, vel non vocationem: Sed pro nullo signo haberet Deus libertatē promittendi vocationem, & earentiam vocationis: Ergo nec dominium. Probo minorem, quia non haberet talem libertatem pro priori ad scientiam medianam, alias enim promittendo vocationem, posset determinare scientiam medianam de vocatione, & promittendo earentiam vocationis, eam impedire, & determinare oppositam, & consequenter iam non esset scientia media, sed potius scientia Dei exercitiè libera, dependensque à decreto, vel promissione subiectivè absoluta, & obiectivè conditionata. Deinde non haberet talem libertatem pro posteriori ad scientiam medianam, quia scientia media affirmaret determinativum extremum, v.g. earentiam vocationis sub conditione orationis, & consequenter non relinqueret pro posteriori libertatem, & indifferenciam decernendi, aut promittendi vocationem sub tali conditione: Non ergo haberet libertatem promittendi vocationem, vel oppositum.

236 Urgetur: Libertas decernendi vocationem, vel earentiam vocationis sub prædicta conditione, esset libertas determinandi, aut impediendi scientiam conditionatam de vocatione; quia per decretum vocandi determinaret scientiam conditionatam de vocatione, & per decretum non vocandi determinaret scientiam oppositam: Sed libertas, quæ per suum exercitum posset impedire, vel determinare scientiam medianam, exercetur pro priori ad scientiam medianam: Ergo prædicta scientia media supponeret libertatem exercitam in Deo, sive exercitum liberum divinæ libertatis, per quod determinaretur, vel impediretur: Ergo non esset scientia media, sed exercitè libera.

237 Propter hæc respondet Herrera *quest. 16. sect. 3. num. 101.* negari non posse, scientiam medianam de actu libero Dei sub conditione futuro esse liberam ipsi dupliciter. Primo in actu primo, quatenus Deus posset antecedenter decre-

nere reflexum actum liberum sub conditione, & sic potuit determinare scientiam medium illius. Secundò in actu secundo, quia Deus libere cohibuit decretum de veritate conditionata opposita, v.g. decretum non vocandi Petrum, quamvis pro eo Paulus oraret. Sed in primis hic Author iam admittit, scientiam mediam de actibus Deo liberis, ac per consequens omnem scientiam medium obiectivè Deo liberam esse etiam subiectivè, & exercitè liberam, supponereque exercitium liberum, liberamque determinationem exercitum divinæ voluntatis. Cum quo, qualiter componatur talem scientiam esse medium inter liberam, & necessariam videat ipse. Sed inquit fortasse, quod quamvis prædicta scientia supponat exercitium liberum omnisibum, quo Deus omisit libere decretum de veritate opposita, non tamen nititur, aut determinatur per talem omissionem ad affirmandam vocationem Petri sub conditione orationis Pauli; sed ad hoc affirmandum determinatur, & nititur in decreto, quod Deus haberet, posita oratione Pauli; ideoque non esse exercitè liberam positivè, sed tantum permisivè, quia non determinatur positivè per illam omissionem liberam exercitum, sed permittitur, sive non impeditur, cum impediri posset.

238 Sed contra est primò, quia saltem permisivè est exercitè libera, supponitque iam determinationem illam exercitum divinæ voluntatis, licet permisivam, quod sanè sufficeret, ut ad scientiam liberam reduceretur, & non media appellanda foret. Secundò, quia etià sequitur, prædictam scientiam posse de facto esse exercitè liberam positivè, quia cum sit libera in actu primo, ita ut pro priori ad illam Deus sit liber ad decernendam veritatem oppositam, vel eandem, profecto, si eandem veritatem conditionatam decerneret, ut potuit, determinaret positivè, & exercitè eam scientiam affirmantem talem veritatem. Si vero determinaret veritatem oppositam negativam, etiam positivè determinaret scientiam negativam: Ergo scientia media potuit esse exercitè, & positivè libera, præsupponereque decretum subiectivè absolutum, & obiectivè conditionatum. Ex quo duo sequuntur, primò, scientiam mediam posse non esse scientiam mediam, quia si esset positivè, & exercitè libera, & supponeret decretum exercitum, tunc media non foret, eum apud contrarios sit contra rationem scientiæ mediæ sic liberam esse, & tale decretum supponere. Secundò inferitur, contrarios ex nullo capite posse impugnare scientiam liberam conditionatam à nobis postea defendendam, initentem decreto exercitum in Deo subiectivè, & obiectivè conditionato; si enim ipsi admittunt quod ipsa scientia media potest supponere prædictum decretum exercitum, & eo inniti, quanto magis nos poterimus adquirere scientiam conditionatam,

tam liberam cum suppositione prædicti decreti.

239 Contra tertio, quia prædicta scientia affirmare non potest determinatè autè purificationem conditionis, quod Deus vocabit Petrum sub conditione orationis Pauli, nisi ante conditionem Deus exercitè decernat vocare Petrum sub tali conditione: Ergo non solum potest talis scientia affirmativa præsupponere tale decretum, sed omnino debet. Antecedens probatur, implicat Deum pro aliquo signo esse actum, & exercitè impossibilitatem ad negandam vocationem Petro pro casu orationis Pauli, esseque actum, & exercitè necessitatem ad concedendam talem vocationem pro tali casu, nisi pro tali signo, vel detur, vel supponatur determinatio exercitum divinæ voluntatis concedendi talem vocationem pro tali casu; siquidem Deus nequit exercitè necessitari ad aliquid sibi liberum, nec ad oppositum exercitè impossibilitati, nisi à sua exercita voluntate. Sed pro signo, pro quo scientia Dei affirmat vocationem Petri futuram sub conditione orationis Pauli, Deus invenitur impossibilitatus exercitè ratione illius scientiæ ad negandam vocationem pro tali casu orationis Pauli, determinatusque ad eam concedendam sub tali conditione: Ergo prædicta scientia non potest determinatè affirmare quod Deus vocabit Petrum sub tali conditione, ante illius purificationem, nisi pro tali prioritate, vel detur, vel supponatur decretum exercitum vocandi Petrum sub prædicta conditione.

240 Confirmatur, & explicatur: Iuxta contrarium, Deus ante positionem conditionis determinatè affirmat, quod si ponatur oratio Pauli, vocabit Petrum: Ergo ante positionem conditionis habet iam Deus in se aliquid impossibile cum eo, quod, posita oratione Pauli, negetur vocatio Petro, & aliquid essentialiter connexum, cum eo, quod, posita oratione Pauli, vocabit Petrum. Patet hæc consequentia, quia ea scientia affirmativa habetur à Deo ante positionem conditionis, & est connexa essentialiter cum hoc secundo, & essentialiter impossibile cum primo. Tunc sic; sed pro eo signo, pro quo Deus habet exercitè in se aliquid impossibile cum vno extremo, & essentialiter connexum cum opposito, invenitur exercitè impossibilitas ad tale extremum, & determinatus exercitè ad oppositum: Ergo antepositionem conditionis invenitur Deus exercitè impossibilitatus ad negandam vocationem Petro pro casu orationis Pauli, & exercitè determinatus ad illum vocandum sub ea hypotesi. Tunc sic, sed ante positionem conditionis nihil supponitur à Deo decretatum exercitè: Ergo antequam Deus aliquid decernat, vel eius oppositum, invenitur impossibilitatus ad unum, & necessariè determinatus ad

ad aliud. Sed qui ante suam exercitiam determinationem invenit impossibilitatem ad unum de duobus extremis, & determinatus ad aliud exercit, non habet perfectum dominium illorum extremorum: Ergo ex praedicta doctrina contrarium manifeste sequitur, Deum non habere perfectum dominium vocandi, vel non vocandi Petrus sub conditione orationis Pauli.

241. Contra quartò, quia Deus non solum habet dominium decernendi conditionatum ante conditionem, sed etiam potest pro suo libito decernere unico decreto conditionem, & conditionatum; v.g. ut exemplo utar Authoris contrarij, Deus non solum potest pro suo dominio sic decernere, *si decrevero alterum mundum, decernam incarnationem Spiritus Sancti*, sed potest etiam pro suo dominio decernere unico tantum decreto alterum mundum, simulque incarnationem Spiritus Sancti: Sed hoc non posset, si ante conditionem iam daretur exercit scientia media de carentia incarnationis, v.g. sub conditione alterius mundi: Ergo talis scientia media non componitur cum supremo Dei dominio. Explicatur: Deus pro priori ad decretum de conditione, v.g. de existentia alterius mundi, est omnino liber ad decernendum per unicum decretum existentiam mundi, & incarnationem Spiritus Sancti; vel etiam per aliud unicum decretum existentiam mundi, & carentiam talis incarnationis: Sed hæc libertas Dei omnino est impossibilis, si ante existentiam alterius mundi, debeat præcedere scientia media determinata de incarnatione futura sub conditione alterius mundi, vel eius opposita: Ergo prædicta scientia est impossibilis cum libertate Dei. Minor probatur, quia, ut Deus sit liber prædicto modo, necessum est, quod pro omni priori ad decretum de existentia mundi proponatur mundus, ut composibilis cum incarnatione Spiritu Sancti, & cum eius carentia, ut vel Deus possit decernere coniunctum ex mundo, & tali incarnatione, vel coniunctum ex mundo, & carentia talis incarnationis: Sed si pro priori ad tale decretum proponeretur iam per scientiam mediam determinatè futura incarnatio sub tali conditione mundi, non proponeretur cum tali indifferentia mundus, sed potius ut iam connexus cum incarnatione: Ergo prædicta Dei libertas omnino est impossibilis cum tali scientia media præsupposita.

242. Contra est quintò, quia posita conditione indifferenti, si Deus nihil determinatè decreverit, debet esse liber, ut pro suo dominio decernat conditionatum, vel carentiam illius; cum ex se, & essentialiter habeat dominium ponendi conditionatum, vel illud non ponendi sub conditione indifferenti: Sed si ante positionem conditionis præsupponeretur scientia media determinatè affirmans conditionatum, posita conditio-

ne iam non esset Deus liber ad ponendum, vel non ponendum conditionatum: Ergo prædicta scientia privat Deum suo dominio, & libertate. Minor probatur primo, quia ut supra probavimus, ante positionem conditionis esset Deus per talem scientiam impossibilitatus ad non ponendum conditionatum sub conditione, five pro casu conditionis: Ergo multo melius esset impossibilitatus postea posita conditione, cum impossibilitas antecedes essentialiter inferat impossibilitatem consequentem, quamvis non e contra. Secundo, quia dum poneret conditionem illam, poneret illam cum advertentia, & prævisione conditionati: Sed hoc ipso posita conditione, non maneret indifferens, nec cù libertate proxima ponendi, vel non ponendi conditionatum: Ergo. Probo minorem, quia qui ponit conditionem cum prævisione conditionati sequendi, dum vult ponere conditionem, saltem ex consequenti, & interpretativè vult conditionatum: Sed postquam aliquis vult interpretativè, & ex consequenti ponere conditionatum, non manet cum indifferentia, & libertate proxima ponendi, vel non ponendi conditionatum: Ergo si ponit conditionem cum prævisione conditionati, non manet cum prædicta indifferentia.

243. Tercio probatur minor: Quia ponens conditionem cum prævisione conditionati, exercet totum dominium, quod habet, ut conditionatum existat absolute, vel non existat absolute: Sed post exercitum totum dominium erga existentiam, vel non existentiam absolutam, non manet ulterius dominium ut existat, vel non existat absolute conditionatum: Ergo posita conditione cum prævisione conditionati, non manet ulterius dominium, ut existat, vel non existat absolute conditionatum. Maior probatur, quia providens conditionatum futurum infallibiliter, si ponatur hæc conditio, non aliter habet dominium, ut existat, vel non existat absolute conditionatum, nisi quatenus habet dominium, ut existat, vel non existat conditio; supposita enim ea prævisione, non aliter potest vitare existentiam conditionati, nisi non ponendo conditionem; prævidet enim infallibiliter, quod si ponat conditionem, statim ponetur conditionatum: Sed qui non habet aliud dominium ut existat, vel non existat conditionatum, nisi dominium quod habet, ut existat, vel non existat conditio, dum ponit conditionem, exercet totum suum dominium: Ergo. Explicatur: Ex vi illius prævisionis conditionatz pro priori ad positionem conditionis est necessitas, & determinatus conditionatè ad ponendum conditionatum sub tali conditione: Sed necessitas, & determinatio conditionata fit formaliter absoluta per solam, & præcisam positionem conditionis: Ergo pro signo pro quo intelligitur posita conditio, intelligitur Deus absolute necessitatus,

& determinatus ad conditionatum, & consequenter non manet cum proxima indifferentia, & libertate.

244 Quotò probatur minor principalis hoc exemplo: Etenim, si fide divina, vel alia cognitione infallibili prævideret, quod posita aliqua conditione, peccaturus essem, neutiquam possem pro mea libertate ponere conditionem, & non peccare, quia eo ipso quod me determinarem ad ponendam conditionem interpretativè, & indirectè me determinarem ad peccandum; unde posita conditione, non maneret in me libertas ad vitandam peccatum: Ergo similiter, si Deus cum prævisione infallibili conditionati ponit conditionem, se determinat ipso facto ad conditionatum saltem interpretativè, & non manet cum ulteriori indifferentia, & libertate ad ponendum, vel non ponendum conditionatum.

245 Sed ex hoc ipso exemplo instabis: Si Deus mihi revelaret, quod si è domo exirem, v.g. peccaturus essem, & ego cum tali prævisione è domo exirem, adhuc tamen maneret in me libertas ad non peccandum: Ergo quamvis Deus cum prævisione infallibili conditionati ponat conditionem, poterit remanere cum ulteriori dominio ad non ponendum conditionatum. Antecedens probatur, quia, adhuc supposita egressione è domo, de facto peccarem peccato à Deo revelato, alias enim revelatio divina falsificaretur: Sed peccare non possem, nisi haberem libertatem ad peccandum, vel non peccandum: Ergo. Respondeo, distinguendo antecedens: Maneret in me libertas ad non peccandum in positione conditionis, nego antecedens: Post positam conditionem, omitto antecedens, & nego consequentiam; quia in primis, qui, credita tali revelatione, è domo exiret, non posset non peccare in tali exitu, & hoc ideo, quia ipso facto se determinaret ad peccandum, & non posset se determinare ad exitum, nisi se determinando ad peccandum; ex quo inferimus Deum non posse determinare se ad ponendam conditionem cum prævisione conditionati, nisi se determinando ad conditionatum. Deinde admitrimus, quod ego, posita conditione, sive post exitum à domo, haberem libertatem ad peccandum, vel non peccandum peccato revelato; ceterum hoc esset propter nostram mutabilitatem, quia videlicet, adhuc supposita nostra determinatione ad aliquid faciendum, possumus post illam determinationem mutare propositum, & contrarium deliberare; ideoque quavis in exitu à domo me determinavissem ad peccatum sequendum ex tali exitu, ulterius haberem libertatem non peccandi; at vero in Deo hoc contingere non potest, quia semel quod se determinet ad aliquid faciendum, non manet ei ulterior libertas, aut indifferentia ad faciendum oppositum; unde cum, ponendo conditionem se

determinaret absolute ad ponendum conditionatum, ut probatum manet, non remaneret ulterior libertas ad illud non ponendum. Accipe etiam aliam disparitatem, quod nimirum, quamvis ego ante exitum à domo crederem actualiter peccatum sequendum ex tali exitu, possem tamen post exitum id non credere, vel de eo non cogitare, ideoque possem habere ulteriorem libertatem in instantibus sequentibus; at vero Deus, semel quod prævideat conditionatum futurum sub conditione, nequit id in posterum oblivisci, aut non prævideri; sed necessum est quod omni signo sequenti perseveret talis prævizio; ac proinde in nullo signo sequenti poterit remanere indifferentia, aut libertas proxima ad non ponendum conditionatum, pro casu conditionis.

246 Ex dictis tamen inferes, per hanc scientiam mediā auferri à Deo dominium, & libertatem magna ex parte, etenim omnia, quæ Deus de præfenti facit sub quibuslibet conditionibus indifferentibus, v.g. dum supposito hoc mundo, decrevit incarnationem, supposita creatione Angelorum, decrevit alios perducere ad beatitudinem, alijs peccatum permittere; dum suppositis orationibus Sanctorum, eis concessit, vel negavit optatum, & alia innumera, quæ Deus facit, suppositis conditionibus indifferentibus, omnia ea necessariò faceret: Sed hoc est magna ex parte destruere supremum Dei dominium: Ergo. Sequela probatur, quia quotiescumque aliquis, antequam aliquid determinet in actu secundo, invenitur determinatus, & necessitatus absolute ad illud faciendum, facit illud necessariò, & quidem necessitate antecedenti, præcipue in principijs contrariorum; & in omnium sententia, si talis necessitas, & determinatio præcedat ex parte actus primi, & non ut applicatio ad actum secundum: Sed iuxta doctrinam scientiæ mediæ, antequam Deus aliquid determinaret circa omnia, quæ contingunt sub prædictis conditionibus, erat determinatus, & necessitatus absolute ad ea facienda: Ergo ea non facit liberè, sed necessariò. Minor probatur, quia antequam aliquid determinaret, sciebat infallibiliter, quod si ponerentur prædictæ conditiones, ponenda erant conditionata, v.g. quod si existeret mundus, exitura esset incarnatio, quod si existeret primus homo, ei erat permittendum peccatum, quod si existeret Lucifer, damnandus erat, quod si existeret Michael, perseveraturus esset in gratia, &c. Sed pro eo priori, pro quo Deus infallibiliter id sciebat, iam erat necessitatus, & determinatus ad hæc facienda, vel permittenda: Ergo sic erat necessitatus, & determinatus antequam aliquid determinaret liberè circa ista omnia. Unde dicendum erit, Deum antequam mundum crearet, iam fuisse necessitatum ad incarnandum, si mundum vellet creare; ac per consequens non potuisse mundum creare, &

mun-

mundo negare Incarnationem; itemque, antequam liberationem concederet, fuisse necessitatum ad permittendum ei peccatum; & consequenter non potuisse hominem creare, & illius vitare peccatum, &c. quae omnia, quis non videat magna ex parte ledere supremum Dei dominium; ideoque à contrariis concedenda non esse; ceterum, an ex scientia media sequantur hæc, & similia absurda, videt quæ præcedentes discursus perlegerit. Vide *Tractat. de Provident. quest. 5. à num. 21.*

**TERTIA RATIO PRO NOSTRA**  
*conclusionē, in qua examinatur scientia media reflexa.*

247 **Q**uarto probatur conclusio, quia ideo datur scientia media, quia Deus scire tenetur, quid determinatē eveniret sub qualibet hypotesi, ante omne suum decretum: Sed hoc evertit supremum Dei dominium: Ergo & scientia media. Minor probatur, quia si Deus teneretur scire ante omne suum decretum exercitum, quid facturum esset sub qualibet hypotesi, teneretur scire ante omne suum decretum, quid facturus ipse esset sub hypotesi, quod haberet scientiam mediam de consensu sub auxilio A, verb. grat. Sed hoc ipso evertitur dominium Dei: Ergo. Probo minorem, quia si Deus sciret ante omnem suam determinationem liberam, quid esset facturus, si talem scientiam mediam haberet, verb. grat. si sciret determinatē se collaturum auxilium in prædicta hypotesi, supposita, vel purificata hypotesi, Deus non posset non conferre tale auxilium: Sed hoc est manifestè contra supremum Dei dominium: Ergo. Sequela probatur; quia si Deus ante omnem suam determinationem sciret se collaturum auxilium, si haberet scientiam mediam affirmativam consensu, ante omnem suam determinationem ex vi talis scientiæ esset iam necessitatus ad conferendum tale auxilium, & impossibilitatus ad illud negandum sub conditione, quod haberet talem scientiam mediam; atque talem scientiam mediam haberet etiam ante omne decretum suæ voluntatis: Ergo ante omne decretum suæ voluntatis esset iam absolutè necessitatus ad conferendum auxilium, & impossibilitatus ad illud negandum; hoc autem evidenter evertit dominium Dei.

248 **C**onfirmatur: Contra dominium Dei est, quod aliquid prævideatur absolutè futurum ante omnem determinationem exercitum suæ voluntatis: Hoc sequeretur ex prædicta scientia media: Ergo. Minor probatur, quia si Deus sciret ante omnem suam liberam determinationem hanc veritatem conditionatam;

*Si habuero scientiam mediam de efficacia auxilij A, conferam illud Petro, rursusque haberet scientiam mediam de efficacia auxilij A; pro eodem signo, pro quo haberet has duas scientias medias, esset iam absolutè futurum auxilium A, Deusque esset absolutè collaturus tale auxilium: Sed illas duas scientias medias haberet pro priori ad omnem suam liberam determinationem; cum hoc sit de ratione scientiæ mediæ, nimirum antevertere omne Dei decretum: Ergo ante omnem Dei liberam determinationem esset iam absolutè futurum illud auxilium. Maior probatur, quia pro eo signo, pro quo Deus scit conditionatè, quod si ponatur aliqua conditio, ponetur auxilium, & pro quo ponitur, vel intelligitur posita talis conditio, iam intelligitur absolutè futurum illud auxilium; futurum enim conditionatum, posita conditione, transit in absolutum: Sed scientia media reflexa videret Deus auxilium futurum sub conditione scientiæ mediæ de efficacia illius, & hanc haberet ante omne decretum: Ergo ante omne decretum divinæ voluntatis exercitum videret Deus illud auxilium absolutè futurum.*

249 **N**on defecit ex fautoribus scientiæ mediæ, qui sequelam admitteret. Ideoque dixit, quamoptime componi, quod Christus Dominus fuerit primus decretatus à Deo, vt Reus demptor, sive quod primum Dei decretum fuerit de Christo Domino vt Redemptore, & tamen quod præsupposuit scientiam absolutam de peccato Adami vt absolutè futuro; quia Deus per prædictas scientias medias directam, & reflexam, potuit modo, quo probatur in argumento, prævidere peccatum Adami vt absolutè futurum ante omne decretum exercitum in Deo. Quo supposito, necessariò dicendum esset, etiam prævidisse Deum ante omne decretum exercitum, ipsum Adamum vt absolutè futurum, & alia omnia necessariò prærequisita ad tale peccatum; quia nequit pro aliquo signo esse futurum absolutè peccatum, quin pro eo signo intelligatur absolutè futura omnia essentialiter requisita ad tale peccatum.

250 **S**ed hæc solutio, nescio, an à cæteris scientiæ mediæ Patronis approbanda sit; contra illam autem sic argumentor: Si Deus ante omne decretum exercitum prævideret Adamum, v. g. absolutè futurum, non liberè, sed necessariò decrevisset existentiam Adami; hoc est contra dominium Dei: Ergo & prædicta solutio. Sequela probatur; quia si Deus ante omne decretum exercitum prævidisset Adamum vt absolutè futurum, ante omne decretum exercitum inveniretur necessitatus, & determinatus absolutè ad creandum Adamum, & impossibilitatus absolutè ad illum non creandum: Ergo;

Sequela probatur, quia pro eo signo, pro quo Deus scit infallibiliter, Adamum absolute futurum esse, non est indifferens ad creandum, vel non creandum Adamum, sed determinatus, & necessarius ad illum creandum, & impossibilitatus ad illum non creandum. Ergo. Antecedens probatur, quia pro eo signo, pro quo Deus infallibiliter scit Adamum esse absolute futurum, est connexus inwincibile ratione talis previsionis cum creatione Adam. Ergo non est indifferens ad creandum, vel non creandum Adamum.

251 Quod si dicas, talem necessitatem, & determinationem esse obiectivè consequentem, quia subsequitur obiectivè ad ipsam creationem ut absolute futuram, quam respicit ut obiectum, & ideo praevidet Adamum absolute futurum, quia Deus cum est liberè creaturus, non autem e contra. Contra est, quia, adhuc admissio gratis, quod talis scientia esset obiectivè consequens ad creationem Adam, similiterque necessitas ex illa proveniens, tamen sententia, quam impugnamus, admittit talem scientiam esse subiectivè, & exercitè in Deo ante omnem determinationem exercitam divine voluntatis: Ergo necessitas ex illa proveniens esset etiam exercitè, & subiectivè in Deo ante omnem eius liberam determinationem: Sed implicat Deum ante omnem eius liberam determinationem exercitè esse exercitè, & subiectivè necessitatè ad aliquid faciendum, & quod illud liberè faciat: Ergo adhuc, admissa praedicta solutione, non posset Deus liberè creare Adamum. Confirmatur: Ut aliqua necessitas sit obiectivè consequens, necessarium est, quod voluntas per suam liberam determinationem possit eam impedire, aut determinare: Sed implicat, quod voluntas pro aliquo signo inveniat exercitè, & subiectivè necessitatè, & determinatè, & quod pro eo signo possit impedire, aut determinare eam necessitatè per suam liberam determinationem: Ergo implicat quod voluntas pro priori ad omnem determinationem exercitam inveniat exercitè necessitatè, & determinatè, & quod talis necessitas sit obiectivè consequens ad suam liberam determinationem.

252 Confirmatur secundò, pro signo, pro quo intelligitur scientia media exercitè existens in Deo, non intelligitur indifferentia, aut libertas ad eam determinandam, vel impediendam, sed intelligitur iam determinatè existens, & positivè inimpedibilis: Ergo nec pro eo signo, nec pro vilo signo sequenti ad illud signum potest impediri ea scientia media per decretum liberum voluntatis divine: Sed hoc ipso non est necessitas consequens obiectivè ad liberum Dei decretum: Ergo est necessitas omnino antecedens, & neutiquam obiectivè consequens. Sed de hoc infra, vnum ramen, velim advertas; hanc solutionem de necessitate obiectivè consequenti, & physice antecedenti esse familiarem adversariis; ideoque

praedicto modo esse impugnandam, quia videlicet, quovis cumque aliqua necessitas exercitè, & subiectivè, & physice praecedat ad exercitum voluntatis, iam praecedat ut inimpedibilis, & ut actus determinatè existens, ac per consequens implicat, quod pro posteriori detur libertas eam impediendi, quod notandum est pro supra dictis à num. 239. si forte ibi contrarij hanc velint solutionem applicare.

253 Secundò respondet Herrera nostrae rationi, quod quando datur in Deo scientia media directa de efficacia auxilij, verb. grat. non datur scientia media reflexa affirmans hoc modo, *si praevidero auxilium A fore efficax, conferam illud Petro*; quia hic modus tendendi supponit, nondum esse scientiam mediam efficaciam, sed expectari pro sequenti signo, hoc autem esse non potest, quia scientia media reflexa praedicto modo tendens nequit esse in signo priori ad scientiam mediam directam de efficacia auxilij; & ratio est, quia nequit vilo modo dirigere; aut juvare ad talem scientiam mediam directam; alio autem modo praecedere non potest.

254 Sed contra est, quia iuxta hanc solutionem iam datur aliqua conditio contingens, ante cuius absolutam existentiam non scit Deus, quid eveniet, si talis conditio detur; nimirum scientia media directa de efficacia auxilij, ante cuius determinatam existentiam Deus non scit, an si existat, conferet, vel non conferet auxilium: Sed hac doctrina supposita, nulla restat ratio probandi scientiam mediam de futuris conditionatis sub alijs conditionibus: Ergo iuxta praedictam solutionem negari poterit scientia media, etiam de alijs futuris conditionatis. Minor probatur, quia ratio potissima, quare probant contrarij scientiam mediam in alijs plerisque conditionatis, est, quia antequam ponatur conditio debet Deus scire, quid erit si talis conditio existat, verb. grat. antequam ponatur auxilium, quid voluntas aget sub conditione quod illi detur: Sed hac ratio est nulla iuxta solutionem, quia iam datur aliqua conditio, ante cuius existentiam non scit Deus determinatè, quid eveniet sub illa: Ergo.

255 Confirmatur, quia vel ex terminis veritas conditionata de eo quod contingeret sub aliqua conditione, debet praecedere ante veritatem absolutam de existentia conditionis? vel ex terminis praecedere non debet? Si primum: Ergo ista conditionalis, *si praevidero auxilium A fore efficax, conferam illud*, debet prius esse vera, quam ista absoluta: *Praevidero auxilium A fore efficax*. Ergo debet prius cognosci, contra solutionem. Si secundum: Ergo voluntariè adferitur à contrariis, ante alias condiciones, verb. grat. ante creatio-

ante decretum creandi Adamum praevideri à Deo necessario, quid eventurum foret sub tali conditione; si enim idem est necessarium respectu cuiuslibet conditionis contingentis, voluntarium erit asserere, illud esse necessarium in alijs, & in alijs non esse necessarium.

256 Nec vilius momenti est, dicere, quod in alijs conditionibus Deo liberis, scientia conditionata potest Deum dirigere ad ponendam, vel non ponendam conditionem; v.g. scientia de efficacia auxilij sub conditione quod datur, potest Deum dirigere ad illud dandum, & scientia de peccato Adami sub conditione quod creetur, potest Deum retrahere ab illius creatione, ideoque requiritur quod talis scientia praecedat ante decretum ponendi conditionem; at vero in conditione, vel hypotesi scientia mediz directae, contrarium evenit, quia scientia conditionata reflexa non potest dirigere ad scientiam directam, quae assumitur pro conditione, ac proinde nequit ad eam praecedere.

257 Non inquam valet haec solutio; quia in primis hoc probaret, nec scientiam Dei necessarium, aut simpliciter intelligentiam, praecedere ad scientiam mediam, aut aliquo modo esse pro priori ad illam, quia ad illam non dirigit, nec vilo modo inuat; cum enim scientia media non conveniat Deo liberè, nequit illi convenire ex directione aliqua praecedenti: Sed hoc non probatur, quia iuxta adversarios, & omnes, scientia necessaria praecedit pro signo priori ad scientiam contingentem: Ergo quamvis scientia conditionata reflexa non possit dirigere ad scientiam mediam directam, non obest quominus possit ad illam pro priori signo praecedere.

258 Secundò, quia scientia media directae non ideo praecedit ad positionem conditionis, quia dirigere potest, sed potius ideo dirigere potest, quia praecedit, & quia existit in signo priori ante decretum ponendi conditionem: Ergo si aliunde non detur ratio praecedentis in vno casu, potius quam in alio, nequit reddi pro disparitate, quod in vno casu potest dirigere, & non in alio. Confirmatur: Ratio, quare scientia media reflexa nequit dirigere ad directam, est quia scientia directae, cum non sit ex deliberatione Dei, est incapax directionis; vnde si esset in libera, Dei determinatione eligere scientiam mediam de efficacia, vel inefficacia auxilij, ad talem electionem posset dirigere scientia media reflexa de collatione auxilij sub conditione scientiae mediz directae: Ergo si non dirigit de facto, non est quia non existat in signo priori, sed quia licet existat in signo priori, scientia directae est incapax talis directionis.

259 Tertiò, quia scientia media de actibus liberis Dei, v.g. de gratia conferenda Adamo, si creetur, est Deo permixtè libera, quare

nus potuit eam determinare; aut impedire per decretum subiectivè absolutum de conferenda; vel neganda tali gratia sub conditione creatiois, ideoque supponit omissionem liberam talis decreti, vt vidimus *suprà à num. 237*. Sed ad liberam omissionem talis decreti potest praecedere scientia reflexa, vt dirigens, cum omisso libera possit, immo debeat procedere ex scientia dirigente: Ergo ad scientiam mediam directam de actibus Dei liberis potest praecedere scientia media reflexa, vt dirigens.

Confirmatur: Antequam Deus concipiat exercere quodcumque decretum, debet praecedere in sententia contrarium scientia media de eventus futuro, si ponatur tale decretum: Ergo pro signo, pro quo Deus est potens proximè concipere aliquod decretum exercitum, debet dari in Deo scientia media de eo quod Deus faciet, posito tali decreto. Tunc sic, sed pro signo priori ad scientiam mediam directam de actibus Dei liberis, est potestas proxima in Deo determinandi veritatem conditionatam affirmativam, vel oppositam, vt vidimus *suprà ex Herrera*: Ergo pro eo priori datur scientia reflexa de eo, quod Deus faciet, si detur veritas conditionata affirmativa, v.g. Ergo de primo ad ultimum, in principijs contrariorum, non est caput; vnde negetur scientia reflexa pro priori ad directam.

260 Sed age, demus contrarijs, scientiam mediam reflexam non posse praecedere in signo priori ad directam. Ad minus in eorum principijs, videtur innegabile, posse dari scientiam reflexam sub conditione directae independentem à directae, quia in eorum sententia veritas conditionata semper est independens ab existentia absoluta conditionis; & consequenter etiam scientia conditionata, quae respicit pro obiecto veritatem conditionatam, debet esse independentem ab existentia absoluta conditionis: Sed hoc ipso, quod derur scientia media reflexa independentem à scientia directae, quam respicit pro conditione, talis scientia media reflexa debet saltem praecedere ad decretum, quod praevidetur futurum sub conditione directae: Ergo tam reflexa, quam directae praecedunt ad decretum, quod sequitur post directam, v.g. ad decretum creandi Adamum: Sed utraque simul sumpta necessitat absolute ad tale decretum, vt *suprà* probatum manet: Ergo iam tale decretum non manet liberum, nec Deus manet cum domino proximo decernendi creationem Adami, vel eam non decernendi.

261 Dices, nec etiam dari scientiam mediam reflexam, quae praecedat ad decretum sequutum post directam, quia si talis scientia media reflexa praecederet ad decretum illud, necessitaret ad illud, habet enim cum eo insalibilem connexionem. Ita solent respondere contrarij; sed sanè dum ita respondent, nobis concedunt

intantum; quia hoc est, quod nos probare conamur ex principiis scientiæ mediæ, nimirum everti libertatem divinam per eam, Deumque pro priori ad omne decretum inveniri iam per scientiam mediā determinatam exercitè, exercitèque necessitatum ad omnia quæcumque facit, quia ea omnia ita faciendā prævidet per talem scientiam inevitabiliter ante omnem eius liberam determinationem.

162 Inquit præterea Herrera, Deum ante scientiam mediā directam non prævidisse, se collaturum auxilium; sed simul vidisse, se habere scientiam mediā directam, & velle conferre auxilium. Sed cur nos etiam non poterimus dicere, ante decretum creandi Adamum, Deum non scivisse determinatè, an illi permissurus esset peccatum, vel non, sed simul prævidisse, vel vidisse decretum creandi Adamum, & decretum permittendi peccatum, eo ordine, quo talia decreta fuerunt in Deo, & non pro priori antequam essent. Ecce qualiter in hac conditione scientiæ mediæ directæ, negata scientia mediæ reflexa de eventu, vel decreto futuro sub illa, instantur fere omnia argumenta contraria, proæ ea infra instabimus.

#### VLTIMA, ET BREVIS RATIO pro nostra conclusione.

163 **H**EC desumitur ex autoritate Fulgentij suprà expensa numer. 119. & ex communi doctrina contrariorum, quæ asserunt, Deum nec prædestinare, nec opera salutaria prædestinare posse, nisi præcænte scientia mediæ de eisdem operibus sub cōditione futuris. Etenim, ut à num. citat. vidimus, est contra D. Fulgentium, Deum indigere aliquo sibi non libero, quodque in eius potestate non sit, sed solum in potestate creaturæ, ad immutandam, & convertendam voluntatem humanam in bonum: Ergo multo magis erit contra supremum Dei dominium eo indigere ad prædestinandum, & prædestinandum: Sed scientia mediæ est Deo non libera, & ea indiget Deus ad prædestinandum, & prædestinandum, ut ipsi fatentur contrarij: Ergo scientia mediæ est contra supremum Dei dominium.

Sed quamvis antecedens, & prima consequentia videantur expressa in autoritate D. Fulgentij, vel saltem aperte illata ex eius verbis, quia tamen à contrarijs negantur, sic illa suadeo, quia de ratione supremi dominij Dei est, quod à se, & independenter ab omni alio, quod in eius potestate non sit, habeat proximam, & expeditam potentiam prædestinandi creaturas rationales, & prædestinandi earum opera salutaria: Sed si ad hoc indiget scientia mediæ, quæ sibi libera non sit, sed solum libera creaturæ, non potest

independenter ab ea habere à se, & ex se potentiam proximam, & expeditam ad prædestinandum, & prædestinandum: Ergo nec habere supremum dominium, & consequenter talis indigentia erit contra supremum Dei dominium. Minor conceditur à contrarijs. Maior probatur, quia de ratione supremi dominij Dei est, quod sit à se omnipotens ad prædestinandum, & prædestinandum, & quod hæc omnipotentia nō dependeat ab alio, quod non sit in eius libera potestate, nec eo indigeat; posse enim in Deo sequitur ad eius effectum autem esse Dei sit à se cum omni moda independentia ab alio, pariter quæ posse, & omnipotentia debet illi convenire à se, & non cum dependentia ab aliquo sibi non libero, & tantum libero creaturæ, qualis est scientia mediæ. Cum ergo omnipotentia Dei maxime resplendat in prædestinando, & prædestinando opera naturæ rationalis; planè fateri omnes debent, Deum ex se, & à se, & independenter à talis scientia, habere omnipotentiam ad prædestinandum, & prædestinandum: Sed omnipotentia est potentia proxima, & expedita, cum sit essentialiter summa potentia: Ergo de ratione supremi dominij Dei est habere potentiam expeditam ad prædestinandum, & prædestinandum independenter à scientia mediæ: sed si datur scientia mediæ, hoc est falsum, & cum ea componi non potest, ut fatentur eius Auctores: Ergo scientia mediæ opponitur supremo Dei dominio. Videatur hæc ratio latius, prosecuta ab Illust. Godoy in præf. disputat. 38. num. 41. & à nobis Tractat. de Provident. quest. 3. à num. 3. & quest. 5. à num. 2. Vide etiam quest. 12. per totam.

164 Confirmatur, quia contra supremum dominium Dei est, quod aliquid potens existere, & non existere in rerum natura, determinatè excludatur ab existentia, & deleatur de numero existentium, ipso Deo inconsulto, & ante omnem eius liberam determinationem: Sed hoc sequitur ex scientia mediæ: Ergo. Probo minorem, quia supposito, quod Deus sciat per scientiam mediā, voluntatem non consensuram sub auxilio A, consensus voluntatis sub auxilio A manet exclusus à numero existentium, ita ut iam sit impossibile, quod existat in rerum natura: Sed consensus sub auxilio A ex se est absolute possibilis; cum non implicet contradictionem, ac proinde absolute, & ex se est potens esse, & non esse in rerum natura: Ergo supposita prædicta scientia mediæ, aliquid potens existere, & non existere in rerum natura, excludatur ab existentia, & deleatur de numero existentium: Sed scientia mediæ supponitur in Deo ante omnem eius liberam determinationem, ipsoque inconsulto: Ergo manifestè sequitur ex scientia mediæ, quod aliquid potens existere in rerum natura, excludatur ab existentia, & deleatur de numero existentium, ipso Deo



Deo inconsulto, & ante omnem eius liberam determinationem.

265 Denique confirmatur, quia implicat, vel repugnat supremo Dei dominio, quod aliquid absolute, & ex se possibile, fiat ipsi Deo impossibile ex suppositione ipsi non libera, & libera creatura: Sed hoc sequitur ex scientia media: Ergo. Probo minorem, quia consensus sub auxilio *A*, v.g. est absolute Deo possibilis, & ab ipso Deo possibilis in rerum natura, cum continetur intra obiectum suum omnipotentem, sitque ens verum, & realiter possibile: Sed consensus sub auxilio *A* redditur Deo absolute impossibilis ex suppositione quod Deus per scientiam mediam praevidet voluntatem non consenturam sub illo, quae suppositio non est Deo libera, sed tantum libera creatura: Ergo aliquid ex se absolute possibile fit Deo impossibile ex suppositione Deo non libera, & libera creatura: Hoc autem absurdum esse, quis non videat? Quod nimirum, ipse inconsulto, & ante omnem eius liberam determinationem, voluntas creata iam reddat plura possibilia sibi, & ex terminis, impossibilia Deo, & ita dispenset in numero possibilium, quod alia relinquat Deo possibilia, alia reddat Deo impossibilia, quin Deus id vitare potuerit, aut impedire? Mirum sane est, quod voluntas creata pro eo signo antequam existat, iam sit in causa, quare Deus possit alios actus liberos praedestinare, alios non, ipsamque omnipotentiam impotentem reddat quodammodo ad plura, quae alias posset; & quod magis mirum est, quod voluntas adeo inatutina, & autelucana luce praevenit divinam omnipotentiam, & dominium, ut antequam Deus aliquid erga ipsam decerneret, aut eius actus liberos praedestinare posset, iam in causa est, cur Deus possit, vel non possit suos actus praedestinare, cur alios possit, alios non possit, cur hoc medio possit, & alio medio non possit, &c. quin tamen Deus adeo antelucanam voluntatis creatae dispensationem praevenire potuerit, aut impedire; hoc sane incredibile apparet, & plane alienissimum à supremo Dei dominio.

266 Nec vllius est momenti dicere, quod actus, sive consensus creaturae non est annexus auxilio determinato; vnde licet supposita scientia media de consensu sub auxilio *A*, non possit Deus ponere consensum sub eo auxilio, potest tamen ponere illud auxilium, & etiam consensum sub alio auxilio, eundem inquam consensum; vnde, inquirunt, nihil manet Deo impossibile. Nullius inquam momenti est, primo, quia nostrum argumentum non procedit de consensu secundum se, nec de auxilio secundum se, sed de consensu sub auxilio *A* determinato, quo modo semper manet in suo robore argumentum praedictum. Secundo, quia probabilissima est opinio asserens, actum voluntatis essentialiter esse annexum auxi-

lio moventi ad ipsam; quia tale auxilium, apud contrarios, consistit in cogitatione attrahente, & actus voluntatis essentialiter pendet à tali cogitatione, taliter quod hic numero actus non possit ex alia cogitatione procedere, quod ad minus de actione productiva actus negari non potest, cum per se, & ratione sui dependeat à tali cogitatione, à qua de facto procedit. Itaque autem opinione supposita iam redditur absolute Deo impossibile illa numero actio, & ille numero consensus voluntatis, quandoquidem voluntas praevidetur non consentura sub auxilio *A*, & illi numero consensus, qui possibilis erat sub auxilio *A*, non est possibilis per aliud auxilium; vnde ex suppositione Deo non libera manet iam Deo impossibile. Tertio, quia ad minus illud complexum ex auxilio *A*, & consensu, sive consensu sub auxilio *A* est aliquid ex terminis possibile; & tamen ex suppositione scientiae mediae, quae Deo non est libera, sed soli voluntati creatae, redditur Deo impossibile, quia videlicet voluntas creata determinavit scientiam mediam de consensu sub tali auxilio, & non de consensu: Ergo semper salvatur, quod voluntas creata ante omnem Dei determinationem liberam reddit Deo impossibile, quod ex terminis possibile est. Sed de hoc latius alibi. Contra hanc conclusionem, ut praecedentibus rationibus fulciam, nihil speciale obijciunt contrarii; sed totam litem devolvunt ad probandum, libertatem creatam totaliter destrui, si Deus eam suis decretis praedeterminet, & praeveniat.

267 Sed vnum, vel alterum proponamus obiectum: Non est contra dominium Dei, quod possit tribuere voluntati creatae libertatem proximam ad consensum, & dissensum: Sed eo ipso nequit Deus scire, quid voluntas faciet sub ea libertate proxima, nisi per scientiam mediam: Ergo scientia media non opponitur supremo dominio Dei. Minor probatur; quia Deus nequit scire, quid voluntas sic libera faciet, in suo decreto, aut determinatione divina: Ergo debet illud scire ante suum decretum, aut determinationem, & consequenter per scientiam mediam. Antecedens probatur, quia ex suppositione libertatis proximae in voluntate creata, Deus iam nequit determinare ipsam voluntatem creatam, nec decernere determinatè quid actura sit: Ergo nequit scire determinatè quid actura sit, in decreto. Antecedens probatur, quia eo ipso quod Deus det voluntati creatae libertatem proximam; relinquere eam in manu consilij sui, ut quocumque voluerit se convertat: Ergo ex tali suppositione nequit iam Deus se ingerere ad eam determinandam, sed necessariò debet expectare eius determinationem, & ex ea praevidere, quid factura sit.

268 Respondeo, negando minorem. Ad eius probationem, nego antecedens. Ad eius pro-

probationem, nego antecedens. Ad cuius probationem, distinguo antecedens: Relinquit eam in manu consilij sui, retinendo, & conservando dominium suprà illius actus, & operationes: Concedo antecedens: Amittendo tale dominium, nego antecedens, & consequentiam, quia quando Deus tribuit libertatem, non relinquit voluntatem esseptam, & sine subordinatione ad supremum eius dominium, eo modo, quo dicebat ille Pelagianus, vel Semipelagianus, quem reprehendit D. Hieronymus ad Ctesiphontem: *Dedisti mihi libertatem arbitrij, quid rursus te ingeris? Aut rator semel potestate, qua mihi data est, ut liberum servetur arbitrium; aut si alterius ope indigeo, libertas arbitrij in me destruitur*, non inquam ita dar voluntati Deus libertatem arbitrij, nec ita illam relinquit in manu consilij sui. Sed dat ei libertatem secundam, supremo Dei dominio subordinatam, quam proinde Deus potest ad utrumlibet determinare, juxta illud: *Cor regis in manus Domini, quocumque voluerit vertet illud*. Sed de his plura *Tractat. de Provid.*

269 Sed replicabis: Cur non poterit Deus conferre voluntati libertatem proximam, ralem, quæ vltiori determinatione Dei non egeat? Cur non poterit concedere creaturæ tale dominium in suas operationes, quod, eo supposito, Deus iam ex illa suppositione, non possit in illam vltius exercere dominium? Cur non poterit ita illam relinquere in manu consilij sui, vt absque vltiori Dei determinatione, vel subsidio possit liberè se determinare ad partem quam maluerit? Certè negare hoc divinæ potentiz, non est eius defendere dominium: sed potius magna ex parte minuere. Respondeo, in primis instando argumentum: Interrogo igitur à contrarijs: Cur Deus nequit concedere creaturis virtutem proxime operativam, qua supposita, possit operari absque immediato concursu Dei? Cur nequit producere creaturam, quæ semel existens, non indigeat libera Dei conservatione, sed per se ipsam subsistere possit? Horum igitur rationem reddam, & ea suis respondebimus interrogationibus. Deinde dico, illud illud esse impossibile, quia Deus talis conditionis est, quod nihil omnino potest in creaturis contingere, nullaque actualitas, aut entitas superaddi, quæ ab ipsa plenitudine essendi non participetur, & nihil potest, vt inquit Hieronymus, in ribolo creaturæ manere, quod non eo Authore defluerit; & hoc provenit ex eo, quod Deus est ipsa plenitudo essendi, primusque fons, & origo omnis esse, & operationis: Cum autem nihil possit ab eo desinere, nec ab ipso participati, nisi per voluntatem, & eo volente; ideo nequit sic relinquere creaturam in manu consilij sui, & in sua libertate, vt absque vltiori voluntate, sive dominio, sive decreto Dei, possit ipsa se determinare ad suam operationem; alias enim Deo

nihil determinante, aut volente, participaretur à Deo illa determinata operatio; ac denique sequerentur omnia absurda à nobis suprà allata, & illata ex scientia media, quæ pariter sequerentur ex prædicta libertate, si Deus eam conferre posset. Ac denique respondeo, Deum, vt probatum manet, & magis probavimus *Tractat. de Provid.* ab intrinseco habere dominium immediatum cuiuslibet operationis creaturæ; & hoc dominium est Deo naturale, ac proinde illud abdicare non potest, quia, vt rectè ait Ambrosius, *non potest amittere quod naturaliter habet divina maiestas*; vnde quamvis possit dare creaturæ dominium suprà suos actus, non tamen abdicando à se dominium suprà ipsos, sed etiam conservando ipsum naturale dominium, quo gaudet in ipsam voluntatem, eiusque actus, ideoque prædictam libertatem creaturæ concedere nequit, quia nequit cedere, aut abdicare à se suam naturalem perfectionem. Ac denique, quia nequit Deus communicare voluntati creatæ libertatem divinam; talem autem fore libertatem intentam à contrarijs sequenti Articulo declaro. Sit ergo,

## ARTICVLVS SEXTUS.

AN SCIENTIA MEDIA RECTE  
cogereat cum libertate creatæ?

270 **Q**Uamvis scientia media instituta fuerit à suis Authoribus pro servanda immuni libertate creatæ, nihilominus tam longè abest, vt id per illam assequi possint, quod potius maiores secum difficultates affert, vt iam ostendo.

STATVITVR NOSTRA  
conclusio.

271 **D**ico ergo: *Scientiam mediam; etiam esse impossibilem cum libertate creatæ*. Hanc conclusionem singulari ratione probavi, & in Salmantina propugnavi Academia ingeniosissimus noster, ac Reverendissimus P. Fr. Franciscus à Paula, dum pro hoc nostro Colegio Tenses solitas tueretur. Eius tamen probationem sic breviter ad formam reducam: Etenim, eo ipso quod libertas creatæ fiat divina, destruitur libertas creatæ: Sed ex principijs scientiæ mediæ libertas creatæ non est creatæ, sed sic divina: Ergo destruitur libertas creatæ, & consequenter scientia media est incompatibilis cum libertate creatæ. Maior probatur, quia essentia rerum consistunt in indivisibili, vnde non minus destruitur per excessum, quam per defectum; etenim non minus destrueret essentiam hominis, qui hominem diceret, aut faceret Angelum, quam qui hominem diceret, aut faceret equum: Sed

libertas creata destrueretur per defectum, si deficeret à perfectione libertatis creatæ: Ergo destruitur per excessum, si ita magnificetur, & exrolatur ut hæc libertas divina: Hoc autem ita contingere in principiis scientiæ mediæ, quod asserit minor primi syllogismi, probandum est, supponendo primò, in quo consistat essentialiter libertas divi-  
na prout divina.

272 Consistit ergo primò in eo, quod sit prima libertas, primumque determinans. Secundò in eo, quod sit independens in eligendo, aut determinando ab alio. Tertiò in eo, quod habeat in sui dominio, & potestate quicquid requiritur ad sui exercitium; his enim tribus præcisè intellectis, intelligitur libertas divina in ratione talis. Tunc scilicet in principiis scientiæ mediæ libertas creata habet hæc tria: Ergo in principiis scientiæ mediæ libertas creata est libertas divina. Hæc minor probatur primo quoad primam partem, quia ea est prima libertas, primumque determinans, quæ non subordinatur alteri libertati primo determinanti, aut primo eligenti: Sed in principiis scientiæ mediæ libertas creata non subordinatur alteri libertati primo determinanti, aut primo eligenti; non enim admittunt quod libertas creata ab ulla alia libertate determinari possit: Ergo in prædictis principiis ipsa est prima libertas, primumque determinans.

Secundò probatur minor quoad secundam partem, quia licet libertas creata in essendo dependeat à Deo, eo quod Deus liberè illam ponat in esse, tamen semel existens, à nullo alio dependet in eligendo, sed ipsa à se potest eligere, & determinare extremum libertatis, quod voluerit, quin ab alio impeditur, aut determinari possit iuxta prædicta principia: Sed hoc ipso est independens ab alio in eligendo, aut determinando: Ergo hoc secundum etiam habet libertas creata. Tertiò probatur minor quoad tertiam partem; quia libertas creata semel existens, iuxta contrarios, petit essentialiter, quod omnia requisita ad suum exercitium sint in re, vel ad minus in suo dominio, & potestate, ita ut, si deficiat aliquod requisitum, cuiuscunque ordinis sit, si non est in potestate, & dominio voluntatis illud acquirere, petit omnino libertas: Ergo etiam hoc rectum habet libertas creata: Ergo habet tria relata, quæ constituunt libertatem divinam in esse libertatis divinæ.

273 Respondebis, libertatem creatam non esse primam libertatem, nec primum determinans. Primò, quia talis libertas non est à se, sed à Deo causata. Secundò, quia non se determinat independenter ab alio, sed dependenter à Deo concurrente simultaneo, à quo habet suam determinationem. Tertiò, quia licet se ipsam determinet, non tamen determinat alia agentia libera, ac proinde respectu illorum non est primum libe-

rum. Sed contra est, quia nulla ex his rationibus est sufficiens, ut libertas creata non sit prima libertas, & primum determinans. Non prima: Quia quod libertas creata non sit à se, sed à Deo causata, ratiò probat quod in ratione entis non sit prima, sive quod non sit primum ens, non autem quod non sit prima libertas, & primum determinans; quod sic patet: Quia si libertas creata haberet esse independentem à Deo, & in ratione entis à Deo non dependeret, esset primum ens, sive prima in ratione entis: Sed quamvis non habeat esse independentem à Deo, est tamen potens se determinare, & liberè eligere independentem ab ipso determinante: Ergo licet prædicta ratione probetur non esse primum ens, non tamen probatur, quod non sit prima libertas, & primum determinans.

274 Confirmatur, quia ad rationem formalem libertatis præsuppositivè, & de materiali se habet esse, formaliter verò quod habeat dominium, & potestatem se determinandi: Ergo quamvis in essendo sit dependens à primo ente, si tamen in eligendo, & se determinando non est dependens à primo determinante, erit primum determinans, & primum liberum in ratione formali libertatis. Vergetur: Si per impossibile voluntas creata in essendo tantum dependeret à Deo, non tamen in efficiendo, tunc casus, quamvis voluntas non esset primum ens, esset tamen primum efficiens, quia tunc ipsa ageret, & efficere independentem ab alio agente, & efficiente: Sed in principiis scientiæ mediæ, quamvis libertas creata sit dependens in essendo, & in agendo à Deo ut primo ente, & primo efficiente, non tamen est dependens in se determinando à Deo, ut primo determinante: Ergo quamvis non sequatur quod voluntas creata sit primum ens, aut primum efficiens, sequitur tamen quod sit primum liberum, & primum determinans.

275 Deinde, nec secunda ratio est alicuius momenti; quia licet voluntas creata in efficiendo, aut agendo dependeat à concursu simultaneo, sive à Deo simultaneè concurrente, non tamen dependet ab ipso in esse determinantis, aut eligentis: Ergo quamvis vitetur, quod voluntas sit primum agens, non tamen vitatur, quod sit primum liberum, & primum determinans. Antecedens probatur: Quia libertas in esse determinantis non potest dependere formaliter ab eo, quod per ipsam determinatur; determinans enim in esse determinantis, implicat quod dependeat à determinato: Sed concursus simultaneus determinatur per libertatem creatam ad partem, quam voluntas ipsa velit: Ergo libertas in esse determinantis formaliter non dependet à concursu simultaneo. Explicatur: Deus in concurrente simultaneè dependet à libertate ut determinante, unde apud contrarios, Deus non concurrir simul.

multaneè, nisi vt determinatus à libertate creata: Ergo implicat quod libertas creata in ratione formali determinantis dependeat à Deo concurrente simultaneè: Sed de his plura *Tract. de Prov. quæst. 6. à num. 8. & q. 11. à num. 12.*

276 Nec denique tertia ratio contrarium aliquod valet: quia vt inquit Herrera in præsentibus *quæst. 13. num. 103.* non est datione primi liberi quod sit primum determinans actiones liberam alterius agentis: Ergo dummodo libertas creata ita se determinet in suis actionibus, quod non supponat aliud determinans respectu earum, erit primum liberum, & primum determinans. Ex quo inferens, inapte ab aliquibus contrariis responderi voluntatem creatam esse vnicum determinans, non tamen primum determinans; quia videlicet non datur secundum determinans determinatum ab ipsa voluntate; sed ipsa se ipsam vnicè determinat. Contra enim est; quia si semel libertas creata est vnicum determinans in suis actionibus; erit etiam vnicum liberum, & vnica domina respectu earum; cum propriissimum manus libertatis, & domini sit determinare: Si autem hoc admitatur, non restat in quo distinguatur libertas divina à libertate creata, quia iuxta hanc doctrinam, nec libertas divina potest dici primum determinans, nec primum liberum, nec primum dominum, sed vnicum dominum, vnica libertas, & vnicum determinans respectu suarum actionum; quia pariter repugnabit secundum determinans quod determinetur à libertate divina, quia vt inquit Herrera loco citato, *nullum agens liberum patitur iure libertatis suas actiones ab altero formaliter determinari*, vnde dicendum erit, hos terminos primum, & secundum liberum, primum, & secundum determinans, & consequenter primum, & secundum dominum, esse implicatioris; sed omnino dicendum esse Deum respectu suarum actionum esse vnicum liberum, vnicum Dominum, & vnicum determinans; itemque libertatem creatam respectu suarum esse similiter vnicum determinans, vnica domina, & vnica libera; vnde ergo assignabunt contrarij differentiam, aut inæqualitatem formalem inter libertatem divinam, & creatam? Ergo de primo ad vltimum in principiis scientiæ mediæ libertas creata constituitur indistincta à libertate divina formaliter in ratione libertatis.

277 Confirmatur ex supradictis; quia libertas creata non solum dicenda est in principiis contrariorum vnica libertas, vnicum determinans, & vnica domina respectu suarum actionum; sed etiam dici debet primum liberum, primum determinans, & primum dominum respectivè ad libertatem divinam, & facta cum ea comparatione: Sed hoc non est admittendum, vt potest contra ipsum lumen naturale: Ergo. Sequela probatur, quia inter duas libertates illa dicenda est pri-

ma comparativè ad aliam, à qua primò incipit determinatio contingentium, & cuius determinatio debet necessariò prævideri ante determinationem alterius: Sed determinatio contingentium primò incipit à libertate creata; quia antequam libertas divina aliquid determinet, determinatur scientia mediæ, quæ est Deo contingens, & obiectum eius à libertate creata in statu conditionato; itemque libertas divina nihil determinare potest, nisi prius præviderit determinationem libertatis creatæ: Ergo. Vrgetur: Illud est primum determinans, cuius determinatione libera prius prævidetur à Deo: Sed Deus prius prævidet determinationem liberam voluntatis creatæ, quam suam, prius enim prævidet, quid agat voluntas creata; quam quid agat sua voluntas, quia prior est in Deo scientia mediæ, quæ prævidet quid voluntas determinabit creata, quam scientia libera, quæ prævidet quid ipse decernit; vt fatentur contrarij: Ergo prior est in mente divina libertatis creatæ determinatio, quam determinatio libertatis divinæ.

278 Confirmatur: Quamvis Deus prius videat suam libertatem existentem, quam libertatem creatam; prius tamen, si contrariis credimus, videt determinationem liberam voluntatis creatæ, quam habetur ea, si existat, quam suam liberam determinationem; quia prius habet scientiam mediæ de illa; quam scientiam liberam de illa: Sed ea est prima determinatio, quam Deus prius intuetur, & videt: Ergo determinatio libertatis divinæ, comparativè ad determinationem libertatis creatæ, est posterior, istaque comparativè ad illam est prima determinatio. Nec dicas, determinationem libertatis divinæ existere prius absolutè, quam existat absolutè libertas creata, eiusque determinatione. Quia hoc ad summum probat, libertatem divinam in essendo, esse primam respectu libertatis creatæ, non autem in determinando; quia quamvis libertas creata non intelligatur absolutè existens ante determinationem voluntatis divinæ, quia in essendo dependet à decreto Dei, tamen præscindendo ab existentia, intelligitur se determinans pro priori ad determinationem divinæ libertatis, & ante omne Dei decretum; quia in se determinando non dependet à decreto Dei: Ergo semper manet absurdum in suo robore, quod scilicet libertas creata in esse determinantis sit prior ad libertatem divinam, ac per consequens, quod sit primum liberum formaliter, & primum dominum quamvis non sit primum ens.

(?X?)



ALITER SECUNDO PROBATUR CONCLUSIO.

179 **P**robavimus in precedentibus, libertatem creatam ex principiis scientiæ mediæ everti per excessum, nunc autem probare connabimur eam etiam destrui per defectum. Nec mirum, quod procedamus contra scientiam mediam oppositis è regione vijs, quandoquidem melius eius implicatio probari non potest, quam si ostendamus eam plures involvere contradictiones, hocque palam fiet, si ostenderimus eam, dum plus debito libertatem creatam extollit, simul eam deprimere, & necessitare; quod ut fiat apertum, supponenda sunt duo principia, valde contrarijs familiaria, quibus tota eorum contra nostram militat doctrinam. Primum est; quod omne antecedens connexum infallibiliter cum altero extremo libertatis, si sit inimpedibile per libertatis exercitium, tollit libertatem voluntatis eamque necessitat ad illud extremum, cum quo connectitur prædictum antecedens. Secundum est, quod omne requisitum ad aliquod extremum libertatis, si non sit acquiescibile, aut determinabile per libertatis exercitium, eo deficiente, deficit libertas ad illud extremum, & impossibilitata manet voluntas ad illud exercitium. His ergo suppositis.

180 Probatur secundo conclusio: Etenim, posita voluntate cum auxilio indifferenti, & potestate proxima, vel supponitur in Deo scientia media de consensu futuro sub ea libertate proxima, vel scientia media de dissensu futuro sub ea libertate proxima: Sed quæcumque scientia media supponatur, implicat quod voluntas maneat libera ad consensum, & dissensum: Ergo scientia media tollit libertatem voluntatis ad consensum, & dissensum. Maior patet, quia quotiescumque Deus confert voluntati creatæ auxilium, & potestatem proximam, apud contrarios, debet antecedenter providere per scientiam mediam, an voluntas consentiet, vel dissentiet sub eo auxilio, & potestate proxima. Minor vero probatur, & in primis demus casum, quod præcedat in Deo scientia media de dissensu, in hoc casu non manet voluntas proximè libera ad ponendum consensum: Ergo non manet libera ad consensum, & dissensum. Antecedens probatur: Quotiescumque supponitur aliquod antecedens essentialiter connexum cum dissensu voluntatis, & inimpedibile à voluntate per suum exercitium, voluntas non manet libera ad consensum, sed omnino necessitatur ad dissensum, ut patet ex primo principio prædicto, & ipsi contrarij fatentur: Sed scientia media de dissensu est antecedens essentialiter con-

nexum cum dissensu, supposito auxilio, & potestate proxima; itemque est inimpedibilis per exercitium libertatis: Ergo supposita in Deo tali scientia media, non manet voluntas libera ad consensum. Cætera concedunt contrarij, minores vero quas secundam partem, quam solam negant; sic proba, quia libertas proxima voluntatis non potest per suum exercitium impedire id quod supponitur existens ante ipsam: Sed scientia media præsupponitur existens ante existentiam absolutam libertatis proximæ creatæ, cum Deus conferat voluntati libertatem proximam directus per scientiam mediam de consensu futuro sub ea libertate: Ergo libertas proxima creata per suum exercitium nequit impedire scientiam mediam de consensu, vel de dissensu.

181 Dices libertatem proximam non per se, sed per accedens supponere scientiam mediam. Sed contra est, quia talis libertas proxima essentialiter supponit in Deo providentiam; quia Deus talem libertatem proximam confert voluntati, præcedit enim essentialiter, & per se ex divina providentia: Sed providentia Dei conferentis libertatem proximam voluntati creatæ consistit in eo, quod Deus tribuat illam prævidens per scientiam mediam quid voluntas actura sit ea posita: Ergo libertas proxima voluntatis essentialiter, & per se supponit in Deo scientiam mediam in principiis contrariorum. Confirmatur: Implicat, quod Deus conferat voluntati auxilium indifferens sive (quod idem est pro nunc) libertatem proximam ad consensum, & dissensum, nisi præsupponatur in Deo scientia media de eo quod voluntas actura sit sub tali libertate: Ergo non per accedens, sed per se, & essentialiter præsupponitur talis scientia media in Deo ad talem libertatem. Antecedens probatur; quia iuxta contrarios, si Deus conferret prædictam libertatem, non præcedente scientia media de eo quod voluntas factura esset, conferret eam cæco, & ignorant modo, & sine providentia, quia nesciret quid evenitum foret, posita ea libertate: Sed implicat, Deum cæco, & ignorant modo, & absque providentia conferre voluntati libertatem proximam: Ergo.

182 Dices verum esse libertatem proximam per se, & essentialiter supponere in Deo aliquam scientiam mediam vagæ, hoc est, vel scientiam mediam consensum, vel dissensum, non tamen supponere essentialiter scientiam mediam determinatè affirmativam consensum, v.g. quia ipsa libertas proxima indifferenter potest à Deo conferri, vel ex præscientia dissensum, vel ex scientia media consensum. Sed contra est; quia quamvis ea libertas proxima non petat essentialiter præsupponere potius scientiam me-

diam de consensu, quam de dissenso, petit tamen essentialiter, quod presupponatur vna ex illis determinatè existens pro priori, petitque quod supponatur antecedenter determinata indifferentia intellectus divini; quia nisi intellectus divinus, antequam constetur ea libertas proxima, habeat scientiam determinatam de evento futuro, non poterit cum providentia eam libertatem conferre: Sed hoc ipso quod essentialiter supponatur iam determinata indifferentia intellectus divini, aliquaque scientia media determinatè existens, implicat quod ea libertas proxima possit pro suo libito determinare, aut impedire scientiam mediam de consensu, aut de dissenso: Ergo. Explicatur, quia pro priori antequam Deus constet libertatem proximam voluntati est metaphysicè necessarium quod sit iam determinata indifferentia intellectus divini, vel ad scientiam mediam de consensu, vel ad scientiam mediam de consensu; cum sit omnino necessarium apud contrarios, quod Deus pro illo priori, vel determinatè sciat voluntatem consenturam, vel determinatè sciat voluntatem dissenturam: Sed hoc ipso implicat quod libertas pro posteriori existens sit potens pro suo libito determinare indifferentiam intellectus divini ad vnam, vel alteram scientiam mediam: Ergo implicat, quod libertas proxima creata possit impedire, aut determinare scientiam mediam. Minor patet, quia implicat aperte, quod libertas proxima possit pro suo libito impedire, aut determinare, quod ante se ipsam supponit essentialiter iam determinatam, & determinatè existens.

283 Contra secundò, quia quamvis libertas secundum se, & in sua indifferentia non supponat determinatè scientiam mediam consensus præ scientia media disensus, tamen libertas, vt determinatè consentiens essentialiter supponit determinatè existentem scientiam mediam consensus: Sed hoc ipso implicat, quod libertas per suum exercitium possit impedire eam scientiam: Ergo illam impedire non potest. Maior patet, quia implicat, quod existat libertas proxima determinatè consentiens, quin ante illam præcesserit scientia media de consensu, vt ipsi fatentur contrarij. Minor veto probatur, quia libertas per suam exercitium, nequit impedire, quod præsupponit determinatè existens ante suum exercitium, prius enim nequit impediri per posterius: Sed si scientia media consensus supponitur determinatè existens ante libertatem, vt determinatè consentientem, supponitur determinatè existens ante exercitium libertatis: Ergo eo ipso nequit impediri per libertatis exercitium.

284 Sed respondebis, scientiam mediam præcedere in genere physico ad libertatem proximam, quatenus Deum dirigit ad eam libertatem

tem conferendam; cum hoc tamen componi, quod talis scientia media, posita ea libertate, subsequatur obiectivè ad exercitium libertatis, possitque per eius exercitium obiectivè determinari, aut impediri; quia non repugnat mutua prioritas alia in genere physico, & alia in genere obiectivo. Sed contra hanc mutuum prioritatem late agemus Tract. de Provid. quasi. 4. ad num. 20. & præcipue à num. 38. ubi hanc solutionem impugnatam reperies.

285 Nunc tamen sic illam rejicio, quia libertas proxima supponit scientiam mediam obiectivè determinatam: Ergo implicat, quod adhuc obiectivè possit illam determinare, aut præcedere ad illam. Antecedens probatur, quia libertas proxima supponit in Deo scientiam mediam exercitè existentem: Sed pro eo priori, pro quo est exercitè existens, supponitur obiectivè determinata; omnis enim scientia supponit obiectivam sui determinationem, cum ab obiecto determinetur vt sit: Ergo libertas proxima supponit scientiam mediam obiectivè determinatam. Confirmatur: Implicat, quod libertas proxima possit per suum exercitium obiectivè determinare scientiam Dei, nisi in signo immediato ante suum exercitium intelligatur scientia Dei indifferens ad affirmandum consensum, vel dissensum: Sed ante exercitium libertatis proximè in statu absoluto (in quo statu procedit tota hæc nostra ratio) in signo immediato non supponitur scientia Dei indifferens ad affirmandum consensum præ dissenso: Ergo libertas proxima, prout existens in statu absoluto, nequit per suum exercitium determinare obiectivè scientiam mediam consensus præ dissenso. Minor probatur, quia signum immediatum ante exercitium libertatis, est signum, in quo intelligitur ipsa libertas: Sed in tali signo non intelligitur scientia Dei indifferens ad affirmandum consensum, vel dissensum: Ergo, Minor probatur, quia in signo, in quo intelligitur absolute existens libertas creata proxima, præsupponitur iam in Deo determinatè existens aliqua scientia media; sive præsupponitur determinata iam indifferentia intellectus divini ad vnam scientiam mediam præ alia vt iam probatum manet: Sed in signo, in quo præsupponitur iam determinata indifferentia intellectus divini, nequit intelligi intellectus divinus, aut divina scientia indifferens, & proximè determinabilis obiectivè.

286 Secundò impugnatur solutio; quia si libertas proxima, prout existens in statu absoluto, posset per suum exercitium obiectivè determinare scientiam mediam de consensu, v.g. posset determinare scientiam regulantem Deum ad ipsam libertatem conferendam; ita vt Deum regulati potius per scientiam affirmativam consensus, quam per negativam, ad conferendam liber-

tatem, imputandum foret ipsi libertati collata, ipsaque libertas iam collata, per suum exercitium in causa foret, cur Deus ad eam conferendam regulatus fuisset potius per vnam, quam per aliam scientiam: Sed hoc aperte repugnat: Ergo & primum. Minor probatur, quia aperte repugnat effectum productum esse causam, cur sua causa hoc modo, vel illo directa fuerit ad illum producendum; alias enim effectus esset causa suae causae, saltem causa directivae; quo nihil magis impossibile excogitari potest: Ergo. Confirmatur: Libertas proxima voluntatis creatae est effectus divinae voluntatis, & scientia media est causa saltem directivae concurrens ad eam libertatem conferendam: Sed implicat, quod effectus semel existens, pro suo libito, sive per suum liberum exercitium determinet, adhuc obiectivè, à qua causa directiva producendus, aut productus fuerit, ita ut ei impiretur, tanquam determinanti liberè, quod fuerit productus ab vna prae alia: Ergo implicat, quod libertas semel existens, possit per suum exercitium determinare scientiam mediam Deum regulantem ad eam libertatem conferendam. Urgetur, si libertas semel existens, posset pro suo libito, aut per suum exercitium determinare, quatenam scientia directiva foret ad sui productionem, nondum esset determinatum à qua scientia dirigenda foret illius productio, ut ex terminis patet; sed implicat libertatem absolute existere, esseque exercitè productam à Deo, & nondum esse determinatam obiectivè scientiam, qua regulanda est talis productio, ut ex terminis etiam patet, quia scientia regulans talem productionem essentialiter debet existere determinatè ante talem productionem, repugnatque non existere determinatè usque in posterum: Ergo.

287 Confirmatur: Quamvis medium ex se sit indifferens ut ponatur ab agente ex vno, vel altero fine, quia tamen intentio finis essentialiter praexistere debet ad positionem medij, implicat quod medium, semel existens, possit determinare intentionem agentis, adhuc obiectivè; quis enim dicat, me semel existentem posse pro mea libertate determinare intentionem, quia Deus me produxit, postquam facere quod me produxerit ex intentione dandi mihi gloriam, vel ex intentione dandi mihi gehennam? Posseque pro mea libertate facere, quod Deus me produxerit ex intentione maioris gloriae, vel ex intentione minoris gloriae; certè hoc minime concedi posse satis ex terminis patet: Sed huius alia ratio assignari non potest, nisi quia intentio essentialiter praecedit in mente agentis ante positionem medij: Ergo si scientia media essentialiter habet praecedere in mente Dei ante collisionem libertatis proxima, implicat quod ea libertas proxima per suum exercitium possit determinare talem scientiam praecedentem.

288 Denique vrgetur si libertas, prout absolute existens, posset per suum exercitium obiectivè determinare scientiam mediam de consensu, quae regularet collationem talis libertatis, ipsa per suum exercitium esset causa, & ratio à priori, quare Deus regulatus fuisset conferendo talem libertatem per scientiam mediam consensus: Sed in hoc confillic, apud contrarios, Deum facere beneficium speciale consentienti, & illi tribuere gratiam efficacem: Ergo voluntas per eam libertatem esset ratio à priori, & causa cur Deus sibi contulisset gratiam efficacem, & specialem: Quid ergo deficeret ut gratia specialis, & efficax non esset ex meritis, vel magis quam ex meritis? Videantur à nobis dicta, *Tractat. de Provident. quaest. 4. à numer. 2. & quaest. 2. à numer. 8. & infra.*

289 Denique respondebis, verum esse quod voluntas in statu absoluto non potest impedire scientiam mediam, sed hanc impotentiam esse consequentem; quia provenit ex eo, quod in statu conditionato potuit illam impedire, & illam non impedivit. Sed contra est primò, quia si in statu absoluto non habet potestatem ad impedendam scientiam mediam de consensu, v. g. sequitur manifestè, quod nec etiam habebit in hoc statu potestatem ad non ponendum consensum, sed solum dicendum erit quod potuit in illo statu conditionato ponere, vel non ponere consensum; at vero in statu absoluto talem potestatem iam non habere. Ex quo vltierus sequetur, libertatem non exerceri in statu absoluto cum potestate ad vtrumlibet, sed iam exercitam fuisse in statu conditionato, ex cuius suppositione iam in statu absoluto maneret voluntas sine libertate, & potestate ad vtrumlibet. Ac denique ex hoc sequeretur, quod totum meritum, aut demeritum voluntatis fuit in statu conditionato, iam vero in statu absoluto non esse locum merito, aut demerito, quod quidem concedere pluraquam Pelagianum foret.

290 Confirmatur, quia vel voluntas in statu absoluto, posito iam auxilio, sub quo Deus praevidit per scientiam mediam consensum futurum, potest absolute dissentire, saltem potestate antecedenti; vel iam non habet adhuc potestatem antecedentem ad dissentium? Si dicatur primum: Ergo iam in statu absoluto, posito auxilio, potest voluntas impedire scientiam mediam de consensu, quod negat haec solutio. Patet consequentia, quia si non potest impedire scientiam mediam, non posset impedire consensum ex illa infallibiliter sequendum, iuxta illud tritum adversariorum principium, *quidquid sequitur ex inimpedibili, inimpedibile est*: Si dicatur secundum: Ergo iam in statu absoluto non habet libertatem consentiendi, cum hac libertas essentialiter constituitur per potestatem antecedentem dissentienti.

291 Contra secundò, quia si voluntas in statu absoluto non habet potestatem impediendi scientiam mediam, sequitur, quod talem potestatem non habuit in statu conditionato: Ergo implicat contradictionem solutio, dum talem potestatem adstruit in statu conditionato, & illam negat in statu absoluto. Antecedens probatur, quia eandem potestatem, quam habebat voluntas in statu conditionato, eandem omnino habet purificata conditione, in statu absoluto; quia in statu conditionato nullam potestatem absolute habebat voluntas, sed solum erat verum dicere, quod habitura esset potestatem, si poneretur conditio: Sed eandem omnino potestatem, quam habitura erat, si poneretur conditio, est, quam habet in statu absoluto; posita conditione: Ergo, si posita conditione non habet absolute potestatem impediendi scientiam mediam, nec talem potestatem habuit in statu conditionato.

292 Confirmatur: Libertas considerata in statu conditionato ab eisdem causis intelligitur dependens conditionaliter, à quibus absolute dependet in statu absoluto; eum sit eadem omnino in vno, ac in alio statu: Sed libertas in statu absoluto essentialiter dependet à scientia media, tanquam à causa dirigente, illamque absolute presupponit, ideoque illam impedire non potest: Ergo libertas in statu conditionato essentialiter conditionate dependet à scientia media, tanquam à causa directiva, illamque conditionate presupponit, & consequenter nec in statu conditionato poterit illam impedire.

293 Denique impugnatur, hæc solutio, quia voluntas in statu conditionato nihil absolute potest, cum absolute non existat, & prius sit esse, quam posse: Ergo non potest absolute impedire scientiam mediam. Atqui nec in statu absoluto potest absolute illam impedire, ut probatum manet: Ergo in nullo statu illam absolute impedire potest: Sed hoc ipso in nullo statu potest impedire consensum per eam prævisum: Ergo in nullo statu habet potestatem ponendi, aut impediendi absolute consensum: Ergo nec libertatem: Ergo scientia media tollit libertatem.

#### ALIQUA SOLVUNTUR argumenta.

294 **P**ene nihil speciale est, quod contrarij directe obijciant contra dicta; cum cum ferè omnia procedant ex ipsorum principijs, non aliter arguere solent, quam sua principia probando, vel quia physica prædeterminatio tollit libertatem, & similiter quodlibet decretum antecedens; vel quia saltem circa peccata repugnat tale decretum. Ex quo insi-

runt scientiam mediam omnino necessariam esse, ac per consequens non auferre supremum Dei dominium, nec libertatem creatam, quandoquidem Deus nequit exercere suum dominium, nec servare libertatem creatam per physicam prædeterminationem, sed solum per scientiam mediam. Sed hæc argumenta suum locum habent *Tract. de Provident.* ubi latè eorum inefficaciam ostendimus.

295 Nunc autem vnum, vel alterum speciale propono: Quod non existit in signo actus primi ad consensum, nequit necessitare voluntatem ad illum, ac per consequens nequit auferre potestatem proximam ad dissensum: Sed scientia media de consensu futuro sub auxilio *A*, v.g. non existit in signo actus primi proximi ad consensum: Ergo nequit auferre potestatem proximam ad dissensum, & consequenter nec libertatem ad utrumlibet. Respondeo, distinguendo maiorem: Si aliunde non sit connexum, aut inimpedibile per exercitium voluntatis, concedo: Si aliunde sit connexum cum consensu, & inimpedibile per exercitium libertatis; subdividuo: In nostris principijs, concedo: In contrariorum principijs, nego maiorem; fateamur enim solum posse necessitare formaliter voluntatem ad consensum, quod præcedit in signo actus primi ad consensum; ac proinde, quod non potest eius libertatem auferre, nisi illud quod præcedit in signo actus primi. Et quidem in nostris principijs, quamvis aliquid sit connexum cum consensu, & inimpedibile per exercitium libertatis, si tamen non præcedit in signo actus primi nequit auferre libertatem: At vero in principijs contrariorum hoc falsum est, quia præcindendo ab eo, quod sit, vel non sit in signo actus primi, dummodo sit connexum, & inimpedibile, asserunt necessario auferre libertatem, & potestatem ad oppositum: Cum ergo ex supra dictis constet, scientiam mediam esse connexam essentialiter cum consensu; & alias inimpedibilem per exercitium libertatis; manifestè inferitur, eam, apud contrarios, necessario auferre libertatem, præcindendo ab eo, quod sit, vel non sit in signo actus primi.

296 Vel aliter respondeo, omiſſa maiori argumenti, negando minorem, quia etiam apud contrarios est principium infallibile, quod id quod essentialiter requiritur ad actum, & est inacquisibile per ipsum actum; necessario requiritur ex parte actus primi ad eum actum, ita ve sine illo intelligi non possit actus primus proximus ad talem actum; cum autem ex dictis constet, scientiam mediam omnino requisitam esse ad consensum, v.g. & alias sit inacquisibilis per ipsum consensum, cum ad illud essentialiter supponatur, planè sequitur quod, attentis principijs contrariorum, scientia media nequit non præ-



precedere in signo actus primi, ad consensum.

297 Sed dices scientia media est acquisibilis per consensum, & impedibilis per disconsensum: Ergo non potest esse in signo actus primi ad consensum. Antecedens probatur, quia quod est obiectivè consequens ad consensum, est acquisibile per consensum, & impedibile per disconsensum; sed scientia media est obiectivè consequens ad consensum: Ergo est acquisibilis per illum, & impedibilis per disconsensum. Minor probatur, quia scientia media ideo affirmat consensum, quia voluntas consensit, non autem e contra: Ergo scientia media est obiectivè consequens ad consensum. Respondeo negando antecedens. Ad eius probationem, distinguo maiorem: Quod est obiectivè consequens ad consensum ut in re exercitum, omitto maiorem: Quod tantum est obiectivè consequens ad consensum, ut conditionatè futurum, nego maiorem, & sub eadem distinctione, nego minorem. Ad cuius probationem, nego antecedens; quia, in proprijs terminis loquendo, scientia media non affirmat, quod voluntas consensit, hoc enim pertinet ad scientiam visionis, quæ affirmat res ut absolute exercitas: Solum ergo scientia media affirmat, quod voluntas consensit, si ponatur conditio, ac proinde solum affirmat consensum ut conditionatè futurum: Cum autem consensus prius intelligatur conditionatè futurus, quam exercitus; inde est, quod scientia media non est obiectivè consequens ad consensum ut exercitum, sed solum ad consensum ut conditionatè futurum; ac proinde per consensum exercitum acquiri nequit, nec per disconsensum exercitum impediri. Vnde, quamvis voluntas in statu absoluto possit exercitè consentire, aut dissentire; non ideo sequitur, quod possit impedire, aut acquirere scientiam mediam, quia scientia media nequit dependere ab eo quod voluntas absolute, & exercitè consentiat, vel dissentiat; sed solum dependet ab eo, quod consensus, vel disconsensus sit conditionatè futurus; conditionata autem futuritio supponitur iam determinatè vera, vel determinatè falsa atqueam libertas exillat: Nequit ergo per libertatem determinari, aut impediri.

298 Sed dices: Futuritio conditionata consensus consistit in eo, quod si ponatur auxilium, voluntas consentiat: Sed voluntas, posito auxilio, consensit, & potest dissentire: Ergo determinat futuritioem conditionatam consensus, & potest eam impedire. Nego maiorem, vel illam distinguo; in eo, quod, si ponatur auxilium, voluntas consentiat, ea ratione, quæ hoc verum est ante positionem auxilij, concedo: Ea ratione, quæ hoc tantum verum est, posito auxilio, per ipsum consensum, nego maiorem, & consequentiam. Etenim, futuritio conditionata non consi-

stet formaliter in eo, quod, posito auxilio, voluntas exercitè consentiat; tunc enim potius absolvetur futuritio; sed consistit in eo, quod præcedendo à conditione, verum sit voluntatem consenturam, si ponatur auxilium: Hoc autem nequit determinari per hoc quod posito auxilio voluntas re ipsa consentiat, sed potius supponitur iam determinatum, cum apud contrarios, antè positionem auxilij, inmo & ante omne decretum, verum supponatur quod voluntas est consentura sub conditione auxilij.

299 Obijcies secundò, ideo scientia media non potest impediri per libertatis exercitum, quia antecedit physicè ad ipsius existentiam: Sed ex hoc non probatur non posse impediri: Ergo Minor probatur, quia quamvis antecedat physicè, potest consequi obiectivè: Sed hoc ipso impediri posset: Ergo Maior probatur primò, quia scientia Dei visionis, quæ ab æterno videt me nunc scribentem, est obiectivè consequens ad meam scriptionem, cum eam respiciat pro obiecto: Et tamen est physicè antecedens: Ergo quavis scientia Dei sit physicè antecedens, potest esse obiectivè consequens ad consensum. Secundò, quia merita Christi Domini antecedunt obiectivè in mente divina nostram prædestinationem: Et tamen nostra prædestinatio, cum sit ab æterno, antecedit physicè merita Christi Domini, quæ fuerunt in tempore: Ergo id, quod est obiectivè antecedens, potest esse physicè consequens, & e contra.

300 Respondeo primò, distinguendo maiorem, quia antecedit physicè, & obiectivè, concedo maiorem: Quia antecedit physicè præcisè, nego maiorem, & minorem; quia scientia media non solum physicè, & ex parte sua, est anterior ad consensum exercitum; sed etiam obiectivè, sive ex parte obiecti est anterior, quia non respicit pro obiecto consensum absolute existentem, sed ipsum ut conditionatè futurum; cum autem consensus sit conditionatè futurus atqueam exercitus absolute, inde est, quod scientia media, etiam obiectivè, sive ex parte sui obiecti, est anterior ad consensum ut absolute exercitum. Ex quo planè deducet, hic locum non habere illam mutuam prioritatem, obiectivam unam, & aliam physicam, quia quod præcedit obiectivè ad scientiam mediam non est consensus ut absolute exercitus, sed conditionata futuritio illius; ipsa autem scientia media physicè antecedit consensum ut absolute exercitum, ac proinde non est idem quod obiectivè antecedit scientiam mediam, & quod ad illam subsequitur.

301 Vel secundò respondeo, negando minorem. Ad eius probationem, nego maiorem. Ad cuius probationem, nego maiorem; quia ut iam vidimus quæst. 3. scientia visionis in Deo respectu sui obiecti creati non est purè speculativa, sed pra-

practica, & factiva illius; unde non supponit suum obiectum creatum, sed illud causat; nec mirum, quia non respicit illud pro obiecto primario motivo, aut determinativo, sed tantum pro obiecto secundario terminativo; scientia autem non petit semper obiectivè supponere obiectum secundarium terminativum: Sed quamopimè potest illud causare; solum autem petit supponere suum obiectum motivum, & determinativum quod est divinum decretum, ut iam diximus.

302 Sed demus, scientiam visionis in Deo supponere obiectivè rem visam, distinguo tamen minorem: Et tamen est physice antecedens antecedentia durationis, omitto: Antecedentia causalitatis, nego minorem, & consequentiam; quia dato casu quod scientia visionis supponat obiectivè rem visam, tanquam evidentem consequentiam inferunt contrarij contra nos, scientiam visionis non posse esse causam rei visæ, nec illam antecedere antecedentia causalitatis, quamvis illam antecedit duratione æterna: Ergo contrarij aperte iudicant hæc duo esse impossibilia, nimirum, quod aliqua scientia sit antecedens antecedentia causalitatis ad aliquod obiectum, & quod tale obiectum presupponatur obiectivè ad talem scientiam: Sed ipsi contrarij affirmant, scientiam mediam antecedere, non solum antecedentia durationis, sed etiam antecedentia causalitatis, dirigendo nimirum causam primam ad ponendam libertatem, qua posita sequitur consensus exercitus: Ergo scientia media nequit esse obiectivè consequens ad consensum exercitus.

303 Ad secundam, omitta maiori, distinguo minorem: Nostra prædestinatio antecedit physice, antecedentia durationis, merita Christi Domini: Concedo minorem: Antecedentia causalitatis, nego minorem, & consequentiam in eodem sensu; quia dato casu, quod aliquid possit obiectivè præcedere, & physice posterius esse ad scientiam Dei, aut eius decretum posterioritate durationis, quia videlicet Deus ab æterno prævidere potest rem existentem in tempore; attamen non exinde sequitur, quod idem omnino, quod est posterius ad scientiam Dei, aut ad eius decretum posterioritate causalitatis, & tamquam eius effectus in genere physico, possit obiectivè præcedere in mente divina ad talem scientiam, aut decretum; alias enim principium meriti posset cadere sub merito, immo, & meritum posset mereri se ipsum quia posset meritum præcedere obiectivè in mente divina ad decretum causativum sui principij, vel prædefinitivum sui, & sic movere Deum ad causandum suum principium vel se ipsum, cuius contrarium communiter docent Theologi tum prima secundæ agentes de merito. Tum tertia parte de merito Christi Domini.

304 Denique obijcis vel replicabis; finis præcedit obiectivè ad electionem mediorum, &

tamen est posterius in genere physico ad ipsa media posterioritate causalitatis, & per modum effectus: Ergo quamvis consensus sit posterior ad scientiam mediam prædicto modo, potest obiectivè præcedere ad ipsam. Respondeo, distinguendo maiorem: Finis præcedit obiectivè ad electionem mediorum ut absolute existens in se ipso, & ut iam exercitus, nego maiorem: Ut intentus, & signatè sumptus, concedo maiorem, & minorem negoque consequentiam; quia si media præcedunt finem per modum causæ, præcedunt illum, ut existentem exercitè; quia causant eius existentiam exercitum in se ipso: Cæterum finis, ut sic exercitè existens in se ipso, adhuc obiectivè non præcedit electionem, quia pro priori ad electionem non cognoscitur finis ut iam exercitus in se ipso, nec electio regulatur per cognitionem, quæ supponat finem ut exercitè in se ipso existentem; alias enim electio omnino superflua esset: Solum ergo præcedit finis signatè sumptus, apprehensusque ut possibilis, sive ut iam intentus, ad eum autem hoc modo sumptum media physice non præcedunt. Videantur dicenda Tract. de Provid. quest. 4. num. 23. & infra.

#### ARTICVLVS SEPTIMVS.

*AN DEVS CERTO COGNOSCAT  
futura conditionata contingentia, ut deter-  
minatè vera, vel ut determinatè  
falsa?*

305 **P**otissimum argumentum, quo nituntur contrarij ad probandam suam scientiam mediam, hoc modo formatur: Deus infallibiliter cognoscit conditionata contingentia: At illa non cognoscit in decreto exercitè subiectivè absoluto, & obiectivè conditionato: Ergo ea cognoscit independentè à tali decreto, & consequenter per scientiam mediam. Consequentia patet ex dictis, quia non est alius modus ea cognoscendi, vel si alius excogitari posset iam supra relictus manet. Maiorem probant pluribus Scripturis, ac SS. PP. auctoritatibus, necnon & rationibus. Minorem eo probant, quia prædictum decretum repugnat; maxime circa actus liberos voluntatis creatæ, quia eorum everteret libertatem, & præcipue circa actus pravorum, quia Deus faceret Authorem peccati. Ut ergo hinc argumento satisfactum maneat, quantum ad præsens attinet articulo isto, & sequentibus nostram sententiam circa scientiam, quam Deus habet de conditionatis contingentibus, exprimemus; namque hucusque toti fuimus in aliorum opinio-

nibus reiicendis igitur.

(P. 2.)

ALIQVA PRÆNOTANTVR  
ante resolutionem.

306 **P**rimo igitur notandum est, quatenuslibet cognitionem divinam subiectivè, & formaliter esse omnino infallibilem, & evidentem, tam physicè, quàm metaphysicè, ac proinde repugnare Deo cognitionem circa futura subiectivè, & formaliter obscuram, aut aliquammodo fallibilem. Quod quidem patet ex eo, quod Deo repugnat cognitio imperfecta intra lineam cognitionis, expositaque periculo falsitatis, aut erroris: Sed huiusmodi esset cognitio formaliter, & subiectivè obscura, & fallibilis: Ergo huiusmodi cognitio repugnat Deo circa quæcumque futura.

307 Ex quo secundò notandum est, etiam repugnare Deo cognitionem subiectivè, & formaliter dubiam, coniecturalem, aut probabilem, aut tantum moraliter certam de futuris. Patet etiam, quia quælibet ex his cognitionibus manifestam præfert imperfectionem Deo repugnantem; dubia enim importat ignorantiam rei, de qua dubitatur, coniecturalis item, & probabilis addunt periculum falsitatis, & erroris; ac denique cognitio tantum moraliter certa est physicè, & metaphysicè fallibilis, & capax falsitatis, quod totum Deo repugnat.

308 Notandum est tertio, nullum ex Thomistis unquam possuisse in Deo scientiam futurorum subiectivè, & formaliter coniecturalem, aut probabilem, vel tantum moraliter certam, quidquid eis imputaverint aliqui. Et ratio est, quia dum Thomistæ asserunt, Deum habere scientiam coniecturalem de aliquibus futuris, expressè loquuntur de scientia coniecturali obiectivè, & ex parte obiecti tali, per quam nihil aliud significant, quam scientiam evidentem, omninoque infallibilem Dei, qua cognoscit futuritionem moraliter certam, vel probabilem, aut coniecturalem tantum, qualis fuerit ex parte obiecti.

309 Pro cuius intelligentia notandum est quarto, apud Thomistæ, aliam esse futuritionem metaphysicè infallibilem; quæ nimirum etiam metaphysicè infallibilis est, ita ut ea posita, adhuc de potentia absoluta repugnet non sequi eventum; & huiusmodi est apud ipsos futuritio fundata in decreto divino efficaci. Alia est futuritio physicè, & naturaliter infallibilis, & infallibilis, frustrabilis tamen miraculosè, & de potentia Dei absoluta: v.g. futuritio Eclipsis à mathematico prænuntiata, & demonstrata. Alia item est futuritio moraliter certa, & frustrabilis, physicè tamen, & naturaliter fallibilis, & frustrabilis, v.g. futuritio, qua dicitur futurum vt cras aliquis homo moriatur in toto mundo, quia videlicet, quævis moraliter certum sit, quod aliquis moriatur,

physicè tamen, & sine miraculo posset oppositum contingere. Denique aliam admittunt futuritionem, quam appellant coniecturalem, sive coniecturaliter certam, quam quidem expressit Div. Thom. in 1. distinctione 38. quaest. 1. art. 5. in corpore, illis verbis: *Quadam autem sunt causa, ex quibus consequuntur effectus: ut in maiori parte, sed tamen in minori deficient, unde in istis causis effectus futuri non habent certitudinem absolutam, sed quandam, in quantum sunt magis determinata ad unum, quam ad aliud, & ideo per istas causas potest accipi scientia coniecturalis de futuris.* Hanc igitur determinationem, quam prædicti effectus futuri habent in prædictis causis, appellant Thomistæ futuritionem coniecturalem, sive coniecturaliter certam.

310 Notandum est quintò, omnia prædicta futura cognosci à Deo per scientiam infallibilem subiectivè eo modo, quo sunt futura; vnde, si aliquid est futurum futuritione metaphysicè infallibili, cognoscit illud Deus, nedum cognitione subiectivè omnino infallibili; sed etiam vt futurum futuritione metaphysicè infallibili; & hanc scientiam Dei appellant Thomistæ, tam subiectivè, quàm obiectivè metaphysicè, & omnino infallibilem, quia videlicet, nedum ipsa cognitio ex parte sua est metaphysicè, & omnino infallibilis; sed etiam futuritio cognita ex parte obiecti est futuritio metaphysicè, & omnino infallibilis. Si autem aliquid est futurum, tantum naturaliter, & physicè ex determinatione causarum secundarum, metaphysicè tamen frustrabile, illud Deus cognoscit vt hoc tantum modo futurum, & huiusmodi scientia potest appellari subiectivè, & formaliter omnino infallibilis, obiectivè tamen fallibilis metaphysicè, quia respicit futuritionem metaphysicè frustrabilem, & fallibilem. Si vero aliquid sit futurum tantum moraliter, illud Deus cognoscit etiam, vt tantum moraliter futurum, quæ cognitio subiectivè, & formaliter est omnino certa, & infallibilis, ex parte tamen obiecti vocatur à Thomistis tantum moraliter certa, quia respicit pro obiecto futuritionem tantum moraliter certam, & infallibilem, physicè tamen, & metaphysicè fallibilem, & frustrabilem. Ac denique si aliquid est futurum coniecturaliter, illud cognoscit Deus vt coniecturaliter futurum; quæ quidem cognitio non est subiectivè, & formaliter coniecturalis, sed omnino infallibilis; appellatur autem à Thomistis obiectivè coniecturalis, quia respicit pro obiecto futuritionem tantum coniecturaliter certam.

311 Ex quo notandum est sextò, Deum etiam per scientiam omnino infallibilem subiectivè cognoscere quodlibet conditionatum, vt futurum ex vi suæ conditionis, eo modo, quo ex vi talis conditionis est conditionatè futurum. Itaque in propositione conditionali inspicendum est,

est, qualiter conditio connectitur cum conditionato: Si conditio ex se, & ratione sui connectitur metaphysicè cum conditionaro, conditionatum ex vi talis conditionis est conditionatè futurum cum omnimoda infallibilitate, sive futuritione conditionata omninò infallibili, & tunc cognoscitur à Deo ut sic futurum per scientiam omninò infallibilem, tam subiectivè, quam ex parte obiecti: V. gr. *Si prädeterminaverit Petrum, consentiet.* Si conditio ex se, & ratione sui connectitur tantum naturaliter, & physicè cum conditionaro, non tamen metaphysicè, quia saltem miraculosè potest existere sine conditionaro, tunc conditionatum ex vi talis conditionis est tantum physicè, & naturaliter futurum futuritione conditionata naturaliter tantum infallibili, & cognoscitur à Deo ut sic futurum per scientiam omninò infallibilem subiectivè, obiectivè tamen naturaliter tantum infallibilem, v. g. *Si applicetur ignis passio dispositio comburet:* Si autem conditio fuerit tantum moraliter connexa cum conditionato, conditionatum ex vi talis conditionis tantum erit futurum moraliter, & ut sic futurum cognoscitur à Deo, quæ quidem cognitio Dei subiectivè, & formaliter erit omninò infallibilis, obiectivè tamen, sive ex parte futuritionis cognitæ, tantum moraliter certa, & infallibilis. Si denique conditio ratione sui tantum coniecturaliter sit connexa cum conditionaro, aut probabiliter, conditionatum erit ex vi talis conditionis tantum coniecturaliter, aut probabiliter futurum, & ut sic futurum cognoscitur à Deo, per scientiam, quæ subiectivè, & formaliter sit omninò infallibilis obiectivè tamen coniecturalis, sive probabilis, ex parte scilicet futuritionis cognitæ.

312 Sed pro horum terminorum clariori intelligentia obijcies: Implicat, quod futuritio cognita sit aliquomodo fallibilis, quin cognitio illius sit simili modo fallibilis: Ergo si repugnat Deo cognitio subiectivè fallibilis, etiam repugnat cognitio ex parte obiecti fallibilis aliquomodo; & consequenter, quæ ex parte obiecti sit tantum moraliter infallibilis, aut coniecturalis. Antecedens probatur, primò, quia implicat, quod obiectum, sive futuritio cognita sit falsa, quin cognitio illius falsa sit: Ergo implicat quod obiectum sit fallibile, quin cognitio sit fallibilis. Secundò, quia implicat, quod obiectum sit fallibile, quin possit aliter se habere quam per cognitionem affirmatur: Sed si potest aliter se habere, cognitio est formaliter falsificabilis, & fallibilis: Ergo.

313 Respondeo, negando antecedens. Ad eius primam probationem, distinguo antecedens: Implicat, quod obiectum, sive futuritio cognita sit falsa, quin cognitio illius falsa sit, si tale obiectum, aut futuritio cognoscatur, ut falsa, nego antecedens: Si cognoscatur ut vera, conseq-

do antecedens, & nego consequentiam, quia si aut cognitio affirmans de altera cognitione quod est falsa, aut fallibilis, non evadit falsa, aut fallibilis, ex eo quod cognitio cognita per modum obiecti sit falsa, aut fallibilis, sed potius ex hoc ipso sequitur quod sit vera, & infallibilis formaliter, & ex parte sua. Itemque sicut cognitio affirmans aliquam opinionem esse probabilem, non ideo est tantum probabilis, sed potest esse evidens cognitio probabilitatis; ita similiter dicimus, quod quamvis futuritio cognita falsa esset, si tamen cognosceretur ut falsa ex parte obiecti non ideo cognitio eius falsa esset. Similiterque, quamvis futuritio cognita fallibilis sit, quia tamen à Deo cognoscitur ut fallibilis eo modo, quo fallibilis est, & ut infallibilis eo modo, quo est infallibilis; ideo divina cognitio non evadit fallibilis, sed omninò infallibilis subiectivè, & ex parte sua.

314 Ad secundam, distinguo maiorem: Implicat, quod obiectum sit fallibile, quin possit aliter se habere per ordinem ad illud respectu cuius fallibilis dicitur, concedo maiorem: Per ordinem ad illud, quod de ipso omninò infallibiliter affirmatur, nego maiorem, & distincta minori eodem modo, nego consequentiam; quia videlicet futuritio moralis, v. gr. quam dicimus esse physicè, & metaphysicè fallibilem, non ideo hoc dicimus, quia futurum moraliter tale possit aliter se habere quantum ad esse moraliter futurum, sive quia possit physicè, aut metaphysicè contingere, quod non sit moraliter futurum; hoc enim etiam metaphysicè repugnat: Sed dicitur physicè, aut metaphysicè fallibile per ordinem ad eventum; quia videlicet tale futurum non repugnat, nec physicè, nec metaphysicè, quod frustratur ab eventu, & quod eventus quem talis futuritio promittit, evadat in se falsus, quamvis hoc moraliter sit impossibile; Deus autem, dum tale futurum cognoscit, præcisè affirmat de eo, futuritionem moralem: Quæ falsa esse non potest, nec aliter se habere adhuc metaphysicè; quia etiam metaphysicè repugnat futurum moraliter tale non esse moraliter futurum; non autem affirmat immediatè ipsum eventum in se ipso, qui potest non evenire sicut expectatur ex vi moralis futuritionis, unde prædicta futuritio nequit aliter se habere in eo, quod Deus affirmat de illa, ac proinde divina cognitio manet omninò infallibilis formaliter, & ex parte sua, quamvis affirmet ex parte obiecti futuritionem fallibilem, & frustrabilem per ordinem ad eventum.

315 Dices secundò, fallibilitas, aut infallibilitas propriè tantum dicitur de cognitione. Ergo malè à nobis applicatur obiecto cognito, scilicet futuritioni. Respondeo, quod fallibilitas, aut infallibilitas, certitudo, aut incertitudo propriè, & formaliter solum convenient cognitioni, in

in qua reperiuntur tanquam in proprio subiectos; verumtamen obiectivè, & quasi causaliter etiam dicuntur de pluribus obiectis, præcipuè de illis, qui dicunt connexionem, aut determinationem ad aliud; unde connexio unius obiecti cum alio dicitur infallibilis physicè, aut metaphysicè, aut moraliter; itemque determinatio, aut necessitas ad aliquid dicitur fallibilis, aut infallibilis. Cum ergo futuritio sit, quædam connexio, aut determinatio ad eventum; ideo quamoptimè dici potest futuritio infallibilis moraliter, aut physicè, iuxta qualitatem talis connexionis, aut determinationis; unde Div. Thom. *quaest. 6. de Veritat. articul. 3. in corpore*. sic inquit: *Quia certa existimatio habetur de re præcipuè per causam rei, ideo tractum est nomen certitudinis ad ordinem causæ ad effectum, ut dicatur ordo causæ ad effectum certus, quando causæ infallibiliter effectum producit*. Ecce quomodo, infallibilis, aut certitudo, non solum de cognitione, sed etiam dicitur de habitudine causæ ad effectum. Et cum iuxta Div. Thom. cum dicitur aliquid esse futurum, designetur ordo causæ ad eventum, de ipsa futuritione dici potest certitudo, & infallibilitas. Quæquidem fallibilitas, aut infallibilitas in nullo alio consistit, nisi in eo, quod eventus possit contingere, vel non contingere pro eo casu, vel sub ea conditione sub qua dicitur futurus.

316 His ergo suppositis præcipua difficultas est de omnibus conditionatis, in quibus conditio non connectitur metaphysicè, aut physicè cum conditionato, sed est indifferens physicè, aut metaphysicè ad illud, an videlicet ista cognoscantur à Deo ut omninò infallibiliter futura, ita ut Deus non solum affirmet de ipsis futuritionem moralem, aut coniecturalem, sed affirmet ipsum eventum cum omnimoda infallibilitate futurum, vel non futurum: unde quaestio ista, non procedit de futuritione morali, aut coniecturali, quam habent conditionata ex vi conditionis, hanc enim futuritionem Deù cognoscere per scientiam necessariam, iam supponimus omnes; sed de futuritione metaphysicè infallibili, quam prædicta conditionata non possunt habere ex vi conditionis, cum supponatur metaphysicè, & physicè indifferens ad conditionatum, & carentiam illius: De hac igitur futuritione inquirimus, verum Deus cognoscat omnia conditionata contingentia ut determinatè futura, vel ut determinatè de futura; sive an omnia futura conditionata de futuritione infallibili cognoscat Deus ut determinatè vera, vel ut determinatè falsa.

317 Circa quam quaestionem, omnes AA. scientiæ mediæ partem affirmativam tuerentur, asserentes, Deum per suam infinitam scientiam cognoscere omnes posibles eventus conditionatos sub quibuslibet conditionibus indifferenteribus,

saltem conducentibus, ut infallibiliter omninò futuros, vel non futuros. Quam sententiam adeò certam iudicant, & existimant, ut oppositam censuerint tanquam erroneam, parumque si dei consonam, minusque in fide securam. Sed in hac censura æquivocationem passi sunt adversarij, in intelligentia opinionis oppositæ nissalori. Nam dupliciter potest excogitari Deum non cognoscere omnia conditionatè futura. Primò dicendo non omnia conditionata habere determinatè, & infallibilem futuritionem, & ideo non cognosci à Deo ut determinatè, & infallibiliter futura; quia ita futura non sunt. Vel secundò dicendo ea nò cognosci à Deo ut ita futura, quamvis severa ita futura sint, sanè si hoc secundum diceret opinio Thomistica, prædictæ censuræ merito subiceretur, quia iam circa aliqua obiecta admitteret in Deo ignorantiam. Cæterum hoc nullus hucusque asseruit ex Catholicis quominus ex Thomistis. Solum ergo asserit opinio omnium Thomistarum, non omnia conditionata cognosci à Deo ut determinatè, & infallibiliter futura, quia sic futura non sunt; quod sanè nullam meretur censuram, sed sicut probabilissimum est de pluribus conditionatis, nullam omninò dari futuritionem determinatam, ita probabilissimum est, Deum ea non cognoscere ut determinatè futura.

318 Latet etiam in titulo quaestionis alia æquivocatio, in qua nostra sententia cum opposita æquivocari potest, nam nos libenter admitimus, omnia conditionata, vel esse determinatè futura sub conditione; vel non esse determinatè futura sub conditione; quia hoc verum esset, quamvis nullum daretur conditionatarum determinatè futurum, tunc enim nullum prævideretur, ut determinatè futurum, sed omnia ut non futura; at contrarij, hoc non sunt contenti, sed asserunt, sub qualibet hypotesi, vel esse futurum determinatè eventum, vel esse determinatè futuram carentiam eventus, & hoc fundatissimè negant plures Thomistæ. Sed de hoc iam dico.

### PRIMA CONCLUSIO.

319 **D**ico ergo primò, de conditionatis non revelatis nihil certum definiri potest, an scilicet alia eorum sint determinatè, & infallibiliter futura; nec ulla firma ratio id probari potest. Ita in præfati Ioann. à S. Thom. & probatur, quia ut probatum manet futurum contingens conditionatum infallibiliter tale constituitur per decretum divinum subiectivè absolutum, & obiectivè conditionatum; sed circa conditionata non revelata, certo non constat, dari tale decretum: Ergo circa ea nequit certo constare, esse determinatè futura.

tura sub conditione, futuratione infallibili. Confirmatur: Nullum futurum conditionatum, aut propositio de futuro conditionato contingenti, potest esse determinatè vera independentè à decreto exercito in Deo circa tale futurum; vt sæpè ostendimus: Sed nulla firma ratione probari potest, ea esse determinatè futura, & vera. Minor, in qua sola est in præfenti difficultas probatur; quia divina voluntas est omnino libera circa omnia obiecta creata, ita vt possit ea decernere absolutè, vel ea non decernere: Similiterque potest decernere conditionatè eventum sub qualibet conditione, & ab omni decreto cessare, vel per puram omissionem, vel quia nullum vult habere decretum: Quis ergo scire poterit circa non revelata cum habere decretum de eventu sub conditione? Aut quia firma ratione id probari potest? Immo si aliqua congruentia hic valere potest, vel aliquid suadere, potius suadet circa alia infinita conditionata, quæ nec vnquam revelavit, aut promissit, nec vnquam est revelaturus, aut promissurus; nullum habere decretum obiectivè conditionatum, sed omni decreto carere: quia videlicet prædicta decreta circa alias combinationes infinitas possibiles absque vilo fine conciperentur à Deo, vt in sequentibus magis patebit.

320 Ex quo inferes, certo definiri non posse, aut vlla firma ratione probari de alijs infinitis conditionatis, quæ à Deo non sunt revelata, cognosci à Deo vt determinatè futura sub conditione. Patet, quia tantum cognoscitur à Deo, vt determinatè futurum, quod determinatè futurum est: Atqui non constat certo ea conditionata esse determinatè futura, vt probatum manet: Ergo nec quod cognoscantur à Deo, vt determinatè futura.

321 Sed contra obijcies primò: Ea, quæ sunt revelata in Sacra Scriptura, certum est cognosci à Deo, vt infallibiliter futura conditionatè: Sed eadem est ratio de non revelatis: Ergo etiam debet pro comperto haberi, hæc à Deo cognosci, vt determinatè futura. Confirmatur: Ea, quæ revelata sunt, non ideo sunt vera, & infallibiliter futura, quia revelata, sed potius ideo sunt revelata, quia futura, & vera: Ergo etiam alia, etsi non revelentur, erunt vera, & determinatè futura. Vgetur: Ea, quæ Deus revelavit, potuit non revelare: Sed in tali casu essent vera, & non revelata: Ergo ea, quæ non sunt revelata, possunt esse determinatè futura, & vera. Respondeo, omisso antecedenti, de quo conclusione sequenti, negando minorem; quia videlicet de revelatis, eo ipso quod revelata sunt, constat dari decretum, vel positivum,

vel permissivum, quia Deus nihil revelat vt infallibiliter futurum, nisi quod decrevit facere, vel permittere; at vero de alijs non revelatis, vnde constat Deum circa ea habere decretum?

322 Ad confirmationem, concessio antecedenti, nego consequentiam; quia, licet non sint vera, quia revelata, sunt tamen vera, quia decretata; quod quidem decretum ex revelatione constat; at vero circa alia non revelata, nec constat esse vera, nec constat dari decretum, vnde nec constare potest, Deum ea cognoscere vt determinatè futura, & vera. Ad augmentum difficultatis, concessis præmissis, tæteor consequentiam; cæterum ex illa tantum sequitur, posse contingere, quod aliqua futura conditionata sint determinatè vera, quæ non sint revelata; at hoc de facto ita esse non probatur.

323 Sed dices: Certum est, Deum plura posse revelare vt conditionatè futura, quam quæ revelavit de facto: Sed si non essent alia conditionatè futura, quam quæ revelavit non posset alia revelare: Ergo certum est, esse alia conditionatè futura, quam quæ revelavit. Distinguo maiorem: Certum est posse plura revelare potentia antecedenti, concedo maiorem: Potentia consequenti, nego maiorem, & distincta minori eodem modo, nego consequentiam; quia, vt Deus possit potentia antecedenti plura revelare vt conditionatè futura, non requiritur quod de facto sint conditionatè futura, sed fas est, quod Deus potuerit potentia antecedenti ea per decretum facere futura; ac proinde argumenti non probat, ea de facto esse conditionatè futura, sed potentia antecedenti potuisse Deum ea facere conditionatè futura; etenim quis sciat an Deus tantum decreverit, eaque voluit revelare, aut promittere?

### POTISSIMA RATIO AVTHORUM scientia media.

324 **O** Bijcies secundò, ratione principali contrariorum: Deus necessariò scire debet, quid erit determinatè sub qualibet conditione: Sed hoc ipso scire debet aliquid esse determinatè futurum sub tali conditione: Ergo sub quacumque conditione, etiam de conditionatis non revelatis, debet Deus scire aliquid determinatè futurum. Confirmatur: Quia sub hac conditione, quod scilicet *Petrus haberet auxilium A in hoc instanti*, & *sub his circumstantijs*, debet Deus scire, an Petrus determinatè consentiret, vel an determinatè dissentiret: Sed quodcumque sciat iam scit aliquid determinatè futurum: Ergo Deus necessariò debet scire sub prædicta hy-

potest aliquid determinatè futurum; cum autem eadem ratio sit de alijs conditionibus, dicendum erit, quod sub qualibet conditione debet Deus scire aliquid ut determinatè futurum. Minor patet, quia si Deus scit, quod voluntas in ea hypotesi dissentiet, iam scit dissentium esse determinatè futurum; si autem scit, quod consentiet, iam scit, consensum esse determinatè futurum sub illa hypotesi. Maior autem probatur, quia si Deus nesciret determinatè Petrum consensurum in illa hypotesi, nesciret determinatè Petrum in ea hypotesi dissenturum, interroganti quid Petrus facturus esset, si poneretur in ea hypotesi, & circumstantijs, nihil determinatè Deus respondere posset, sed tantum posset dicere, *nescio quid determinatè eveniret*: Sed hoc est absurdissimum, & contra lumen mortalium animabus naturaliter insitum; unde cuicumque mortalium interroges, quid faceret Petrus in tali, vel in tali occasione, statim respondet: *Nescio, Deus scit*, supponendo scilicet Deum scire, quid determinatè eveniret sub quacumque hypotesi: Ergo etiam est absurdissimum, & contra lumen naturale, quod Deus nec sciat determinatè, quod Petrus consentiret, nec sciat determinatè, quod Petrus dissentiret sub praedicta hypotesi. Hoc argumentum magnificè Tyrso *Disputat. 14. sect. 2. num. 14.*

325 Ad illud ergo respondeo, distinguendo maiorem: Deus debet scire determinatè, quid erit sub qualibet conditione, si sub tali conditione sit aliquid determinatè futurum, & determinatè verum, concedo maiorem: Si sub tali conditione, nihil sit determinatè futurum, nec determinatè verum, nego maiorem, & minorem cum consequentia: Patemur autem, Deum necessario scire sub qualibet conditione quidquid determinatè futurum est sub tali conditione, & quidquid determinatè erit, vel esset sub ea, quia implicat, quod aliquid sit determinatè futurum sub ea conditione, & quod à Deo non sciatur ut sic futurum; implicatque, quod verum sit determinatè quod aliquid erit, vel esset sub ea conditione, quin Deus determinatè sciat, quod illud erit, vel esset; attamen contingere potest sub quacumque hypotesi, quod nihil sub ea sit conditionatè futurum, determinatè loquendo; quo casu nihil Deus potest cognoscere ut determinatè futurum potentia consequenti, & ex tali suppositione, quia alias eius cognitio falsa foret.

326 Ad confirmationem, distinguo maiorem, quæ magnam præfert æquivocationem: Debet Deus scire, an voluntas sub ea hypotesi determinatè consentiret, vel an determinatè dissentiret, affirmando determinatè alterum eorum ut determinatè verum, nego maiorem: Vel hoc modo, vel negando utrumque ut falsum, concedo maiorem. Vel, si mavis, poteris negare

suppositum maioris, quia supponit alterum eorum extremorum debere esse determinatè verum, quod quidem falsum est. Quæ quidem doctrina hoc explicatur exemplo, pariterque argumentum instatur: Si enim aliquis sic argueret: Deus scire debet, quisnam oculus requiratur determinatè ad videndum, debetque cognoscere, an determinatè requiratur oculus dexter, vel an determinatè requiratur oculus sinister: Ergo vel Deus scit, quod requiritur oculus dexter, vel scit quod requiritur oculus sinister: A fortiori negandum esset suppositum antecedentis, vel distinguendum modo relato; quia videlicet, supponit aliquem oculum determinatè requiri ad videndum, quod quidem falsum est, unde nec Deus debet scire determinatè, quod requiritur oculus dexter; nec determinatè, quod requiritur oculus sinister, sed tantum scire debet, an aliquis determinatè requiratur, negando determinatè de utroque requiri.

327 Ex quo ad maioris probationem, nego maiorem: Quia illi interrogationi, posset Deus respondere, nihil determinatè se velle, aut voluisse diffinire, ac proinde nec verum esse determinatè quod consensurus foret, nec verum esse determinatè quod foret dissenturus; sed tantummodo esse verum, quod dissentiret, vel consentiret vagè, & disiunctim, quæ responsio determinata esset, & adæquata interrogationi; sicut enim si ab ipso Deo interrogaretur, quisnam oculus requiratur ad videndum, nec posset respondere, quod oculus dexter, nec posset respondere, quod oculus sinister, nec quod uterque; sed necessario responderet deberet iuxta rei veritatem; quod scilicet aliquis requiritur vagè, nullus autem determinatè, & hæc responsio vera esset, & adæquata; ita similiter in nostro casu, si Deus nihil omnino voluisset decernere, aut determinatè de eventu sub illa hypotesi, neutrum determinatè esset verum, nec quod voluntas dissentiret, nec quod voluntas consentiret, quia neutrum erat determinatè futurum propter defectum determinationis; unde posset Deus respondere *Petrus sub ea hypotesi, vel consentiret, vel dissentiret. Si ego vellem, consentiret; si ego permitterem, dissentiret, an autem vellem ipsum consentire, an autem illum permitterem dissentire, determinare nolui*, quia otiosum, ac proinde nullum extremum est determinatè futurum, aut determinatè verum sub illa conditione, sed tantum vagè, & disiunctim, quod scilicet, vel dissentiret, vel consentiret; quæ quidem responsio adæquata esset, & iuxta rei veritatem, quandoquidem, responderet quidquid verum esset in ea materia; si autem aliud responderet indeterminatè, & inconsulta sua voluntate, v.g. quod Petrus determinatè erat dissenturus sub ea hypotesi, manifestè falsum diceret, quia hoc præ eo casu, in quo loquimur;

nimirum, si Deus nihil omnino determinasset; verum determinatè non esset, sed falsum in sensu determinato.

328 Nec sequitur vt inquit Tyrso, prædictæ quæstioni nihil certum possit Deum respondere, sed necessariò eam solutum, per verbum *nescio*: Non inquam sequitur, quia in primis in quacumque quæstione, ille, qui circa eam scit totam rei veritatem, & quidquid verum est, ita vt eum nihil omnino lateat circa veritatem illius dubij, minimè respondere obligatur per verbum *nescio*; sed potius plenè, & adæquate potest respondere quæstioni; casu autem, in quo loquimur, Deus sciret totam rei veritatem, nihilque, quod verum esset, eum lateret circa illam interrogationem; quia quamvis Deus non sciret Petrum determinatè consensurum, nec Petrum determinatè dissensurum, hoc ideo esset, quia neutrum horum esset determinatè verum, sed potius esset falsum, omne autem quod verum esset, Deus sciret, vnde non teneretur solvere quæstionem per verbum *nescio*, hoc enim verbum solum cum veritate proferri potest ab eo, qui veritatem rei interrogatæ ignorat.

Et quidem argumentum etiam instari potest in conditionalibus disparatis; etenim apud plures contrarios, conditionales disparatè non habent determinatam veritatem independentè à decreto exercito. Hoc ergo supposito interrogo contrarios, quid Deus responderet huic quæstioni: *Quid faciet Petrus hac hora, si hac hora Gallus cantauerit? Quid faceret Turca nunc, si nunc ego dormirem?* Supponamus Deum nihil de his decrevisse: Quid ergo responderet? Sanè respondere deberet nihil esse verum determinatè, aut conditionatè futurum sub ea hypotesi disparata, quia nihil ipse decreverat; ac proinde in eis conditionibus, id tantum futurum fore quod ipse vellet, quid tamen ipse vellet noluisse determinare, sed per totam æternitatem indeterminatum relinquere: Quare ergo idem omnino non possumus nos respondere argumento factò?

329 Ubi valdè etiam notandum est, quod dum diximus, Deum non posse tunc casus respondere affirmando determinatè vnum extremum, hoc intelligitur, de impotentia consequenti, ex suppositione, quod noluit determinare vllum extremum, & in sensu composito talis nolitionis libere Deo, non autem de impotentia absoluta, aut antecedenti, vel in sensu diuiso talis suppositionis, aut nolitionis libere Deo; quia potius absolute, & potentia antecedenti posset Deus respondere determinatè affirmando, quod Petrus consentiret, posset item respondere determinatè, affirmando, quod dissensiret, quia posset determinare, quod vellet; posset etiam respondere *neutrum* volo determinare, nec determinatè prædicere, sed quod vtrius-

que extremi determinatio suspensa maneat per totam æternitatem. Et ratio huius non alia est, nisi supremum Dei dominium.

330 Quod quidem hoc ipso argumento haud parum impugnatur; nam si vera est sententia contrariorum, & huius argumenti intentum, Deus illi interrogationi non posset respondere, quod vellet pro sua determinatione, adhuc potentia antecedenti; sed vnum tantum necessariò responderet, necessitate antecedenti, quod nempe prævidisset per scientiam mediam ita vt oppositum, nec præscire, nec respondere posset adhuc potentia antecedenti. Hoc autem, quis non videat esse absurdum contra Dei supremum dominium? Sanè si à me quis rogaret, quid eligerem ex duobus extremis, si optio daretur, possem respondere, quod vellem, quia habeo dominium, & potestatem meæ voluntatis: Ergo multo magis Deus, si rogaretur, quid eligeret Petrus in casu argumenti, posset respondere, quod vellet, quia magis habet in sua potestate voluntatis hominum, quam ipsi suas.

331 Sed dices: Argumentum procedit supponendo, Deum nihil decrevisse circa illud conditionatum ab æterno, & interrogationem fieri in tempore: Ergo tunc Deus non posset respondere, quod vellet. Respondeo, hanc replicam satis rudam esse, nam considerat Deum, quasi inopinatum, & præter æternam eius providentiam, rogari posse in tempore ab hominibus, quod ridiculum est. Dico ergo, quod, quamvis ea interrogatio in tempore fiat, necessum est, quod ab æterno fuerit à Deo prævisa, imò & provisà, imò & physicè sibi præfixa in sua æternitate, ac proinde ex quo illam decrevit, prævidit, & habuit præsentem, nempe ab æterno, potuit illi respondere, quod vellet, quod si supponas Deum nihil decrevisse, supponis iam nihil voluisse respondere determinatè futurum, quia idem est in Deo nihil velle decernere, & nihil velle prædicere determinatè futurum: Si ergo supponis, Deum nihil velle respondere determinatè futurum, quid mirum, quod, quia non vult, non posset consequenter sic respondere, hoc sanè non probat ignorantiam, sed summum dominium, & quod de contingentibus non habet scientiam, nisi sibi liberam, quod sine absurdo vix negari potest.

332 Sed contra præfatam doctrinam restat maior difficultas. Replicabis ergo sic: Necessum omnino est, quod aliquid sit determinatè futurum sub quacumque hypotesi, v. g. sub hypotesi, quod voluntas haberet libertatem proximam ad consensum, vel dissensum necessum omnino est, quod sit determinatè futurus consensus, vel quod sit determinatè futurus dissensus: Sed eo ipso necessum est, quod Deus sciat vnum eorum vt determinatè futurum: Ergo necessariò concedendum est, Deum præscire con-

di-



destinata contingentia vt determinatē futura. Maior, quæ sola difficilis est, probatur, quia necessum omnino est, quod voluntas in ea hypotesi, vel consentiret, vel dissentiret; supponimus enim dissentium esse omissionem consensus, libertatemque proximam esse necessitatem ad consensum, vel eius omissionem, omnimoda necessitate, tanquam ad duo extrema contradictionis: Ergo necessum omnino est, quod sit determinatē futurus consensus sub ea hypotesi, vel quod sit determinatē futurus dissentius.

333 Respondeo, negando maiorem. Ad cuius probationem, distinguo antecedens: Necessum omnino est, quod voluntas in ea hypotesi, vel consentiret, vel dissentiret disiunctim, & vagē, concedo antecedens: Determinatē, aut disiunctivē, nego antecedens, & consequentiam; quia, adhuc admissio, consensus, & dissentium esse extrema contradictoria, ac proinde libertatem proximam, quæ ponitur ex parte hypotesis, esse necessitatem omnimodam, vel consensus, vel dissentius; ex hoc tamen nihil omnino probatur, quia libertas proxima non est necessitas determinata consensus, nec dissentius, alias enim non esset libertas, aut indifferentia ad verumlibet; sed tantum est necessitas vaga vnius, vel alterius; ex hoc autem non sequitur necessario admittendum esse, quod consensus sit determinatē futurus sub ea hypotesi, neque similiter dissentius; sed ad summum quod sub ea hypotesi sit necessariō futurus disiunctim, vel consensus, vel dissentius; quod quidem Deus cognoscere tenetur; non autem determinatam futuritionem vnius præ alio cum ista non detur secluso decreto.

334 Sed contra replicabis; necessum omnino est, quod voluntas in ea hypotesi, vel determinatē consentiret, vel determinatē dissentiret: Ergo necessum omnino est, quod sit determinatē futurus consensus, vel determinatē futurus dissentius. Antecedens probatur, quia voluntas si poneretur in ea hypotesi, necessariō determinaretur per aliquod extremum contradictionis, non enim posset manere absque utroque contradictorio: Ergo vel consentiret determinatē, vel determinatē dissentiret. Respondeo; iterum distinguendo antecedens: Necessum omnino est, quod voluntas in ea hypotesi, vel determinatē consentiret, vel determinatē dissentiret, ly *vel* sumptō disiunctim, concedo antecedens: Ly *vel* sumptō disiunctivē, nego antecedens, & consequentiam. Nec obstat ly *determinatē* quod ponitur in propositione, quia etiam determinatio consensus, vel determinatio dissentius, est vagē, & disiunctim futura, non autem est disiunctivē, aut determinatē futura sub ea hypotesi determinatio aliqua ex illis. Et ratio est, quia secluso decreto, in quo sensu loquimur, nec est determinatē futurum, quod voluntas determinatē con-

sentiret, nec est determinatē futurum, quod voluntas determinatē dissentiret; quia nec determinatum est, quod voluntas determinatē consentiret, nec determinatum est, quod voluntas determinatē dissentiret; sed tantum est determinatum, & futurum, quod voluntas, vel determinatē consentiret, vel determinatē dissentiret, determinatione quidem vagē, & disiunctim futura, non autem determinatē, aut disiunctivē futura, quia de neutra sola potest verificari futuritio; seculo enim decreto non potest dici determinatē verum, aut futurum, quod voluntas determinatē consentiret: Itemque nec potest dici determinatē verum, aut futurum, quod voluntas determinatē dissentiret; sed tantum est nunc verum, & futurum infallibiliter, quod voluntas, vel determinatē consentiret, vel determinatē dissentiret determinatione nunc vagē futura, quæ tamen, si poneretur conditio, tunc de facto determinaretur, quia videlicet de presenti non est determinatum quænam determinatio tunc daretur, sed est quasi in vago, cum sola vaga necessitate vnius, vel alterius determinationis.

335 Vnde si arguas sic: Deus cognoscit quidquid esset sub ea hypotesi: Sed tuuc foret sub ea hypotesi aliqua determinatio voluntatis contingenter: Ergo cognoscit Deus, quænam determinatio voluntatis foret contingenter. Respondeo, quod variatur appellatio de consensu in determinatam, sicuti in isto syllogismo: *Deus scit, quod promissit Petro: Sed promissit dare illi librum determinatum: Ergo Deus cognoscit, quem librum determinatum illi dare promissit*; quia videlicet, licet promissum Petro dare illi librum aliquem determinatum, nullum tamen determinatē promissum, nec determinavi ex vi promissuque, & sic licet Deus sciat, quid promissum, non scit, quem librum determinatum promissum, negatur enim suppositum, quia nullum determinatē promissum, licet promissum dare illi aliquem determinatum. Vnde claritatis gratia, distinguo maiorem: Deus cognoscit, quidquid esset sub ea hypotesi, eo modo, quo verum est, quod esset, concedo: Alio modo, nego maiorem; & distinguo minorem; tunc foret aliqua determinatio contingenter, & modo verum est determinatē quænam foret, nego: Et modo non est verum determinatē, quænam foret, concedo minorem, & nego consequentiam. Vel aliter: Tunc foret aliqua determinatio contingenter, ly *aliqua determinatio*, supponente consensu, & disiunctim, concedo: Supponente dissentiu, aut disiunctivē, nego minorem, & consequentiam, vel suppositum consequentis, quia qui dicit, *Deus scit, quænam determinatio foret contingenter*, supponit vt modo verum determinatē, quænam foret, sive supponit, quod aliqua præ alia determinatē foret, in suppositione determinata; hoc autem falsum est, si

fi nullum supponatur decretum determinans; sed solam verum manet in sensu disiuncto, quod foret vna, vel alia, seu vna ex illis in suppositione confusa, quia foret quod modo datur, & verum est, est fore vnus, vel alterius disiunctim, sed non fore determinatum vnus, sicut necessitas, quæ datur est necessitas vaga vnus, vel alterius, non necessitas determinata vnus.

336 Sed vt clarius hæc doctrina elucescat replicabis: Hæc propositio, *si Petrus vocaretur auxilio A, consentiret, vel dissentiret*, est propositio disiunctiva: Sed disiunctiva debet verificari determinatè in vna parte: Ergo vna pars illius vera est determinatè, & consequenter à Deo cognoscitur vna pars vt determinatè vera. Distinguo maiorem, est disiunctiva in sensu vero, non existente decreto, nego maiorem: In sensu falso non existente decreto, concedo, vel omitto maiorem, & minorem, & nego consequentiam; fateor enim illam propositionem posse accipi, vt disiunctivam, si nimirum proferatur in sensu disiunctivo, & determinato; & quidem si de facto daretur decretum determinans vnā partem illius præ altera, vera esset in sensu disiunctivo, & vt disiunctiva, quia tunc determinatè verificaretur in vna parte; at si nullum datur decretum vnus partis præ alterius, tantum est vera in sensu disiuncto, & vt disiuncta, per futuritionem obiectivè vagam vnus, vel alterius partis; non tamen est vera in sensu disiunctivo, & determinato, quia non verificatur in aliqua parte determinata. Sicuti hæc promissio: *Cras dabo tibi unum librum determinatum*, si intelligatur in sensu disiunctivo, requirit de præsentī determinationem, vel propositum determinans librum dandum, nec sufficit propositum obiectivè vagum vnus, vel alterius determinatū, quod tamen sufficit vt vera sit in sensu disiuncto.

337 Sed dices: Propositio in sensu disiuncto verificatur in necessitate, aut determinatione vaga vnus, vel alterius: Sed prædicta propositio non verificatur in necessitate vaga vnus, vel alterius: Ergo non intelligitur in sensu disiuncto. Minor probatur, quia propositio non verificatur, nisi per obiectum enunciatum: Sed prædicta propositio non enunciat necessitatem, aut determinationem vagā vnus, vel alterius: Ergo. Respondeo, distinguendo hanc vltimā minorem: Prædicta propositio non enunciat signatè, & cathogorematicè necessitatem, aut determinationem obiectivè vagam vnus, vel alterius, concedo minorem; non enunciat illam exercitè, & synthogorematicè, nego minorem, & consequentiam; quia licet ea propositio videatur significare immediatè consensum, vel dissentium, revera tamen, dum significat disiunctim, vel consensum, vel dissentium, immediatè, & exercitè significat determinationem, & necessitatem obligatè

obligatè vagam vnus, vel alterius, quia significat consensum, & dissentium sub vaga necessitate, & determinatione existentis, vel vnus, vel alius quæ quidem vaga necessitas significatur synthogorematicè, quia significatur tanquam modus exercitus, sub quo enunciatur extremæ quod totum explicari potest in promissione disiuncta suprà posita, & in ipsa propositione argumenti, vt necessariā.

338 Sed replicabis contradicta: Ex duabus contradictorijs altera ex illis debet esse determinatè vera: Sed hæc sunt contradictoriæ: *Si Petrus vocaretur auxilio A consentiret: Si Petrus vocaretur auxilio A dissentiret*: Ergo vna ex illis est de præsentī determinatè vera. Aliquæ respondent, negando maiorem, quia sentiant ad legem contradictoriarum non esse necessarium, quod vna ex illis sit determinatè vera, sed solum quod, si vna est vera, altera sit falsa, & e contra. Cæterum, quamvis hæc doctrina salvari possit, loquendo de contradictorijs pro aliquo priori, aut cum aliqua præcisione, vt alibi diximus; attamen nunquam admittimus, dari duas propositiones contradictorias, quæ in instanti reali, & omnibus circumstantijs attentis, sint omnino expertes veritatis, & falsitatis, ita vt neutra sit determinatè vera, neutraque sit determinatè falsa.

339 Quia propter aliter, concessa maiori, nego minorem, quia vtraque illa propositio est affirmativa; de lege autem contradictoriarum est, quod vna sit affirmativa, & altera negativa, vnde illæ propositiones non sunt contradictoriæ, sed ad summum contrariæ, ac proinde possunt esse simul falsæ. Sed dices: Ergo saltem istæ sunt contradictoriæ: *Si Petrus vocaretur auxilio A, consentiret: Si Petrus vocaretur auxilio A, non consentiret*: Sed hæc secunda equivaleat illi, *si Petrus vocaretur auxilio A dissentiret*, quia in ea hypothesis idè esset non consentire, ac dissentire: Ergo illæ antedictæ propositiones, saltem equivalenter, sunt contradictoriæ. Nego primam consequentiam, quia etiam istæ propositiones sunt ambæ affirmativæ. Pro cuius intelligentia notanda est doctrina communis dialecticorum vt valde utilis in præsentī materia. Nimirum, quod vt propositio aliqua sit negativa, debet in ea negari copula principalis, quæ vnit partes principales propositionis; non autem sufficit quod negetur copula minus principalis se tenens ex parte alicuius extremis qua ratione ista propositio: *Antichristus, qui non existit, est futurus*, non est negativa, sed affirmativa, quamvis negetur *ly existit*, quod est verbum; aut copula minus principalis. Itemque ista propositio: *Quia equus non est rationalis, non est risibilis*, est causalis affirmativa, quia quamvis negetur *ly est* in vtroque extremo, non tamen negatur *ly quia* quod est copula principalis, sed potius affirmativa.

Ex

340 Ex qua doctrina vterius inferitur, quod contradictoria vnius propositionis affirmativæ non est assignanda, negando tantum copulam minus principalem se tenentem ex parte extremorum; sed neganda est copula principalis vnius extrema propositionis vnde huic propositioni: *Quia homo est risibilis est rationalis*, non assignabitur contradictoria negando copulam extremorum, v. g. dicendo: *Quia homo non est risibilis, non est rationalis*, quia alias vtraque contradictoria esset simul falsa cum vtraque ista causalis falsa sit, sed assignanda est contradictoria, negando copulam adverbalem, quia quæ est copula principalis in prædicta causalis; dicendo: *Non quia homo est risibilis est rationalis*, quæ vera est, & contradictoriæ opposita alteri falsæ, nimirum: *Quia homo est risibilis est rationalis*, quæ quidem doctrina vera est, & regula communis omnibus sanisulitibus ac proinde principium dialecticæ.

341 Ex quo tamen sequitur, quod in conditionalibus non est assignanda contradictoria affirmativæ, negando copulam minus principalem præcisè, sed negando copulam principalem, quæ quidem est illa particula *si*, quæ quidem, si non negetur, semper conditionalis erit affirmativa, & non poterit esse contradictoria alteri affirmativæ; vnde huic conditionali affirmativæ: *Si Petrus vocaretur auxilio A, consentiret*, non est assignanda contradictoria, negando tantum *ly consentiret*, quia *ly consentiret*, est copula verbalis ex parte extremi se tenens, ac proinde quamvis negaretur, non faceret propositionem conditionalem negativam, aut contradictoriam, sed ad summum conditionalem de extremo negativo, & contradictoriam, vt ergo assignetur contradictoria negativa illius conditionalis affirmativæ, neganda est copula adverbialis, siue principalis, nimirum *ly Si*, dicendo: *Non si vocaretur Petrus auxilio A consentiret*: Ex quo iam patet, propositiones allatas in argumento non esse contradictorias, quia vtraque est affirmativa, in neutraque negatur copula principalis; vnde quam optimè componitur quod vtræque sit simul falsa, & neutra determinate vera.

342 Ex ratio horum est, quia vt ostendimus in metaphysica, quest. 10. à num. 28. vsque ad 38. conditionalis per illam particulam *si* significat connexionem conditionis cum conditionaro, vnde si talis particula non negetur, sed tantum ponatur negatio ex parte conditionati, conditionalis semper affirmabit connexionem conditionis cum conditionaro, licet cum alio, nempe negativo; ac proinde ista: *Si Petrus vocetur auxilio A, consentiet* affirmabit connexionem conditionis cum consensu; ista vero: *Si Petrus vocetur auxilio A non consentiet*, affirmabit connexionem conditionis cum negatione consensus; cum autem possit deficere conuexio conditionis cum

consensu, pariterque conuexio conditionis cum dissensu; si nimirum non detur decretum vnius, nec alterius, ratione cuius solum potest prædicta conditio dicere connexionem determinatam cum altero ex illis extremis; inde patet, posse quam optimè illas conditionales esse simul falsas. Itemque; vnam non esse contradictoriam formalem alterius, quia affirmanti connexionem conditionis cum consensu, non contradicitur affirmando connexionem eiusdem conditionis cum negatione consensus; sed negando ipsam connexionem conditionis cum consensu; quod quidem tantum fieri potest, negando illam particulam *si*. Videnda sunt dicta loco citato.

343 Vt tamen argutias, & fallacias, quæ in hac materia, ad summas potius pertinentes, à contrariis fieri possunt, diluere possis, adverte, quod illa particula *si* in aliquibus propositionibus est sub dubio, an negetur vel affirmetur, v. gr. in ista: *Non consentiret Petrus, si vocaretur auxilio A*; in qua, cum negatio antecedarè mediaturæ saltim ad copulam *si*, potest in sensu loquentis illam particulam negare, negando totam, & integram conditionalem; potestque etiam in sensu loquentis non negari copula *si*, sed tantum conditionatum, relinquendo, copulam in sua vi copulativam; vnde, in his, & similibus propositionibus, semper distinguendum est, si *ly non* neget integram conditionalem, siue copulam principalem; concedendum est esse negativam, & contradictoriam: Si negatio tantum neget conditionatum sub conditione; negandum est esse contradictoriam, & negativam, & vsu huius distinctionis æquiuocatio dissolvetur. Notandum est etiam has propositiones quibus sæpè vtuntur aduersarij: *Si Petrus vocaretur auxilio A, consentiret: Quamvis Petrus vocaretur auxilio A, non consentiret*; non esse contradictorias, si *ly non* in secunda tantum determinet conditionatum propter rationem dictam; quia tamen ex modo loquendi videtur contradicere alteri affirmativæ censendum est, in ea virtualiter negari conditionalitatem ipsam, siue copulam adverbalem, ideoque facit hunc sensum; *quamvis Petrus vocaretur auxilio A, non inde sequitur, quod consentiret*, siue non eo ipso consentiret; quod est apertè negare, ne dum conditionatum, sed etiam conditionalitatem, siue connexionem conditionis cum conditionaro; & si in hoc sensu intelligatur, erit contradictoria alterius affirmativæ, & quidem vera, deficiente omni decreto circa talem conditionalem; quia talis decreto deficiente, verum est, quod quamvis existat auxilium A, non eo ipso voluntas consentiret, quia non datur conuexio auxilij cum consensu, deficiente tali decreto. Si verò intelligatur in sensu affirmante connexionem auxilij cum negatione consensus, minimè erit contradictoria propter rationem dictam, nec vera, si deficiat decretum, sed

sed simul falsa cum alia affirmativa, vnde si arguens laboret in equivoco prædicta distinctione equivocatio tolenda est.

344 Si vero contrarius dicat, se non affirmare ullam connexionem conditionis cum consensu nec cum carentia consensus, sed immediate negare consensum sub conditione; negandum est argumenti suppositum, quod scilicet per conditionalem possit negari, aut affirmari immediate consensus in se ipso, tunc quia vt diximus, & probavimus in *metaph. quest. 9. à num. 33. & quest. 16. à num. 33.* propositio de futuro, quamvis absoluto, non significat immediate eventum in se ipso, sed immediate futuritionem præsentem illius, quanto magis propositio de futuro conditionato non significabit consensum, aut negationem consensus immediate in se ipso? Tum etiam quia vt probatum manet *supra num. 87.* consensus conditionatus immediate in se ipso nullam cognoscibilitatem habet, nisi per modum possibili: Sed per conditionales supradictas non attingitur consensus vt merè possibilis: Ergo non negatur, aut affirmatur consensus immediate in se ipso. Tum denique, quia consensus affirmatur, aut negatur conditionaliter, sicut in propositionibus de possibili affirmatur, aut negatur possibiliter; ita vt modus in propositionibus de futuro conditionato, sit conditionalitas, sive futuritio conditionata, sicut modus in propositionibus de possibili est possibilitas: Sed in propositionibus de possibili, non potest affirmari, aut negari consensus immediate non affirmando, aut negando possibilitatem: Ergo nec etiam in propositionibus de futuro conditionato. Minor patet; quia si dicis, *consensus potest esse*, affirmas immediate possibilitatem consensus, si dicas *consensus potest non esse*, affirmas etiam immediate possibilitatem negationis consensus, & quia in utraque affirmatur modus, utraque est affirmativa, & non sunt contradictoria: Si autem velis assignare contradictoriam, debes negare modum, dicendo: *Consensus non potest esse*, ubi negatur immediate possibilitas: Ergo idem omnino dicendum est in conditionalibus, quod scilicet non potest per illas affirmari, aut negari consensus, nisi sub modo conditionalitatis; iremque, si modus conditionalitatis in utraque affirmetur, utraque erit affirmativa, & non erunt contradictoria, si autem in vna negetur, erit contradictoria alterius, & vera, quamvis nullum deur decretum; quia vt verè negetur futuritio conditionata, non requiritur decretum, immo si nullum deur decretum, nulla dabitur futuritio conditionata contingens.

345 Ex dictis patet, quod si nullum deur in Deo decretum circa conditionata contingentia, nullum erit futurum contingens conditionatum, nihilque poterit affirmari vt determinat futurum, sub conditione: Sed omnes propositiones

affirmantes aliquid futurum sub conditione falsæ erunt, & vt tales cognoscuntur à Deo: Propositiones autem negantes veræ erunt omnes, & vt tales cognoscuntur à Deo. Sicuti, casu quo Deus nihil omnino decrevisset circa absolute futura, nihil omnino esset absolute futurum; sed omnes propositiones de futuro absolute falsæ essent, & vt tales cognoscuntur à Deo, negativæ veræ essent veræ, & vt tales cognoscuntur à Deo.

346 Sed dices: Casu quo Deus nullum decrevisset absolute futurum, saltem carentiæ essent absolute futuræ: Ergo quamvis nullum deur decretum de conditionatis, saltem carentiæ erunt conditionate futuræ, v.g. erit conditionate futura carentia consensus sub conditione auxilij A. Ex quo etiam probaretur fore futurum disensum. Distinguo antecedens: Saltem carentiæ essent absolute futuræ futuritione positiva, nego: Negativa, concedo, vel omitto, & cum eadem distinctione nego consequentiam; quia casu quo Deus nullum omnino haberet decretum, circa absolute futura supponitur, quod Deus nec haberet decretum de existentia, nec decretum permisivum de non existentia, sed merè negativè se haberet ad existentiam rerum; in hoc autem casu, tantum daretur futuritio negativa carentiarum, quæ consisteret in non futuritione existentiz oppositæ, non autem daretur futuritio positiva, consistentis in aliqua positiva determinatione, aut connexion cum carentia postea; sic similiter dicimus, quod deficiente omni decreto conditionato, sive circa conditionata, carentiæ essent futuræ conditionate negativè per non futuritionem contradictorij positivi, v.g. sub conditione auxilij esset negativè futura carentia consensus, quatenus non esset conditionate futurus consensus. Ex quo non sequitur disensum esse conditionatè futurum, quia hoc sonat futuritionem positivam.

347 Denique infertur ex dictis, quod nisi probetur de facto dari in Deo decreta subiectivè absoluta circa conditionata contingentia, probari non potest aliquid à Deo cognosci vt determinatè futurum sub conditione, sed necessariò sub dubio esse ea ipsissima ratione, qua nobis dubium erit, an Deus habeat decreta subiectivè absoluta circa omnes alias combinations posibles conditionatorum. Vnde, dum contrarij conantur adstruere scientiam de eventu futuro sub qualibet hypotesi, semper est distinguendum: Si eventus sub qualibet hypotesi sit determinatè futurus, aut determinatè verus, concedo: Si non sit determinatè verus, aut futurus, nego, & cum vrgent, aliquum eventum esse determinatè futurum sub qualibet hypotesi, distinguendum est etiam: Si sit in Deo decretum de tali eventu, concedo: Si non sit, nego. An autem Deus habeat vel non habeat decretum de eventu determinato sub quacunque hypotesi, nobis nunc certo constare non posse; si enim

enim

enim alterius hominis oculus determinationes suae voluntatis, nec Angelus rimare potest; qualiter nos sinus oculatissimos divinae voluntatis penetrare valeamus, & intueri, an habeat decreta, vel ea omiserit circa alias combinationes possibiles, de quibus nulla extat revelatio. Id autem nobis certo constat, quod si Deus habet decretum de eventu quolibet conditionato, illum cognoscet ut determinatè futurum; si autem decretum non habet, illum ut determinatè futurum non cognoscet; quia futurum determinatè non erit; Deus autem cognoscere non potest, ut futurum, quod tale non est, ne eius cognitio falsa sit.

348 Sed pro Salmanticensibus objicies, probando, Deum habere decreta obiectivè conditionata circa omnes combinationes possibiles: Etenim Deus est actus purissimus, ita ut circa obiectum quodlibet, in eo quod exerceri potest, de facto sit in actu, & non in mera suspensione, aut in potentia: Sed Deus exercere potest suam voluntatem, & libertatem circa quamlibet combinationem possibilem: Ergo de facto illam exercet; sed non potest illam exercere, nisi decernendo aliquem eventum, vel positivum, vel negativum, sub qualibet conditione possibili: Ergo de facto ita dicendum est. Respondeo, omitting totum argumentum, etenim si de facto ita est, quod Deus habeat decretum de eventu futuro sub quacumque conditione possibili, fatebimur vltro Deum cognoscere eventum determinatè futurum sub qualibet conditione possibili. Ceterum, quia maximè dubia est ea Salmanticentium doctrina, adducens infinita Dei decreta de infinitis eventibus circa omnes possibiles combinationes conditionatorum, & ab Authoribus scientiae mediae impugnatur; ut videant nostram sententiam ab ea opinione non dependere, ei nolumus in praesenti alligari, fortè quia tractatu de voluntate Dei cum pluribus Thomistis defensabimus, voluntatem divinam circa quodlibet obiectum, sive conditionatum, sive absolute, potuisse merè permissivè se habere, absque vlllo positivo decreto ad extra; quæ quidem opinio hic admittenda non est, nec resolvenda, sed universa scientiae Dei independentè ab his opinionibus adstruenda est, circa omnes veritates, & futuritiones rerum, quæ cognoscibiles sunt, & verè.

## SECVNDA CONCLVSIO.

349 **D**ico secundò, ex Sacra Scriptura, & revelatione constat, aliqua esse futura conditionata verè talia, & ut talia à Deo cum omnimoda infallibilitate cognosci, quamvis id efficaciter à contrariis non probetur. Hæc secunda pars prius probanda est, ut appareat, quam

levi filo aliqui nitentes, opinionem contrariam censuris notare ausi fuerint. Et in primis ponenda sunt argumenta, quibus suam opinionem, ut fide certam extollunt. Obijciunt ergo primò ex 1. Reg. cap. 23. vbi David Deum consulenti: *Si tradent me viri Ceille in manus eius, & si descendet Saul sicut audieris seruos tuos: i. indica seruos tuos & dixit Dominus: Descendet. Dixitque David: Si tradent me viri Ceille, & viros, qui sunt mecum in manus Saul, & dixit Dominus, tradent.* Ecce, inquit contrarij, vbi Deus apertè prædixit, ut infallibiliter futurum descensum Saulis, & traditionem Davidis in manus eius, sub conditione, quod David permaneret in Ceilla: Ergo hoc prævidebat, ut infallibiliter futurum. Sed facile responderi potest cum Magistro Curiei in præfenti, negando Deum prædicere futuritionem omninò infallibilem prædicti descensus, aut traditionis, quia futuritio omninò infallibilis solum desumi potest ex divino decreto, aut ex eventu in se ipso ut contrarij volunt, Deus autem non prædicebat in prædicto loco futuritionem ex decreto suo, nec ex eventu in se ipso, sed futuritionem ex occulta determinatione, & dispositione Ceillanorum, qui erant determinati, & cogitabant tradere Davidem in manus Sauli. Quæ explicatio manifestè inferat ex parafrasi Caldalca, quæ ita legit: *Num cogitant habitatores Ceille tradere me in manu illius? Num cogitat descendere iuxta id, quod audieris seruos tuos?* Et dixit Dominus, *cogitat descendere, cogitant tradere;* vbi clarè explicatur ly *tradent*, & ly *descendet* quod ponitur in nostra Vulgata, per *cogitant tradere*, & per *cogitat descendere*. Et ratio est, quia David consulens Deum, solum intendebat scire animum, & occultam determinationem Ceillanorum, nec de alio cogitabat; ut autem Deus perspicè Davidi responderet, sufficiebat prædicere traditionem ut futuram ex animo, & determinatione Ceillanorum; cum responsio debeat intelligi iuxta sensum interrogationis. Ex quibus patet, non esse necessarium admittere in prædicto casu futuritionem omninò infallibilem conditionatam, nec Deum prædictum eventum prævidisse ut infallibiliter futurum.

350 Ex quo videre licet, quam inconsummate Ortega controu. 2. de Scientia Dei, Disputat. 5. quaest. 2. cent. 3. num. 5. sic ait; licet Caldalcaus Paraphrastes in alijs libris à Pentateucho Rabbinorum nugis, & fabulis viciatus non esset, Vulgata, & S. Hieronymi, atque eruditissimorum Hebreorum, qui ei adfuerant, versioni credere deberent; in vtraque enim, David, & de descensu, & traditione consuluit Deum, qui ei respondit, *descendet, tradent*; non autem de eorum animo, & cogitatu. Inconsultè inquam hoc ait, quasi Thomistæ non crederemus Vul-

gata editioni, faciem enim Vulgatam esse anteponendam Caldaicæ, minimèque sequendam in fabulis, si quibus viciatur, attamen quando consonat cum vulgata, explicare sensum illius, omnes Expositores eam magnæ Authoritatis faciunt, & pro sensu vulgatæ exponendo, eam sequuntur potius, quam Expositores quosque. Nec est vilius momenti dicere, quod iuxta vulgatam David consuluit dominum de descensu, & traditione, & de ipsis Deus respondit; nam sanè David non consuluit Deum de descensu, & traditione in se ipsis, cum in se ipsis morè possibilis forent; sed de descensu, & traditione secundum statum præsentem, quem habebant in causis, id est in animo, & dispositione Ceillanorum, & Saulis, nec alio in sensu regulariter rogatus, aut inquirimus de futuris liberis, nam si Ioannem, v.g. consulam, vel amicum eius, qui sit conscius secretorum ipsius, an ipse Ioannes cras ieiunabit? Non rogo de ieiunio in se ipso, sed de ieiunio vt in causa, live vt in suo proposito; & in eodem sensu intelligitur responsio: Ergo Caldaicus, qui ipsam interrogationem, & responsum, quæ in Vulgata exprimitur per *descendet*, & *tradent*, exponit vt regulariter intelligitur, per dispositionem animi de descensu, & traditione, seu per *cogitant tradere*, *cogitat descendere*, minimè contradicit Vulgatæ, sed eam exponit in sensu regulari, & clariori: Cur ergo fingitur contradictio? Si dicas, quia Vulgata nihil expressit de cogitatu. Contra est, quia dum ego à Ioanne rogo *an cras ieiunabit?* nihil ex primo de cogitatu, aut de proposito, & tamen de illo intelligitur interrogatio, & idem valet, ac si rogarerem, an habeat de præsentis animum, aut propositum cras ieiunandi? Ergo idem in casu argumenti.

331 Sed obijcit secundò, quia satis ex fama didicerat David animum Saulis, & Ceillanorum, id enim nemo etiam Bardus, nedum sapientissimus David, non assequeretur: Ergo non consuluit David Deum de animo Saulis, & Ceillanorum, sed de eventu ipso-immediatè. Respondet hoc iam non tam esse impugnare Thomistas, quam textum ipsum, sub prætextu defendendi textum, & imputandi Thomistis, quod ipse incurrit; nam iuxta textum ipsum Vulgatæ, David apertè sic consuluit Deum: *Num descendet Saul, & tradent me utri Ceilla, sicut audivit servus tuus*: Ergo de quo audierat per famam, de hoc ipso interrogabat Dominum, nempe de animo illorum, nam de alio non audierat. Nec proinde David Bardus, & non sapientissimus in eo interrogando fuit, quia sapientissimè, & prudentissimè non credebatur rumoribus famæ, sed volebat æstificari oraculo divino de animo Ceillanorum, & Saulis; rumores enim famæ certitudinem non generant, nisi apud Bardos.

332 Tertiò instat, quia æquè ferè certu-

dinis diabolicum, & Angelicum oraculum esset, ac divinum, cum Angeli, ac demones, probabilitatem eventus ex dispositione causarum acutissimè cernant: Sed hoc est absurdissimum, adeò vt inde probat D. Thom. in 1. dist. 40. *quest. 3.* Deum habere scientiam infallibilem futurorum absolutorum, quia alias non essent certiora eius oracula, quam Angelica: Ergo. Respondeo, in primis demones oraculum impertinenter afferri, quia quamvis habeat scientiam, caret veracitate, Angelicum autem non est ita certum ac divinum adhuc in futuris conditionatis, primò, quia Angelus non cognoscit præsentem dispositionem liberam causarum liberarum, ex qua pendet certitudo futuritionis de eventu libero, siquidem nõ penetrat animum oculum hominis. Secundò, quia nescit, an Deus habeat decretum de contrario, & alia plura, ex quibus pendet certitudo futuritionis, quæ Deus scit, & Angelus nescit.

333 Quartò instat, quia alias non teneremur credere eas conditionales à Deo revelatas, sed tantum probabilitatè earum. Sed facile etiam respondeo, quod teneremur credere de fide divina eas conditionales in sensu à Deo revelatas; an autem sint revelatæ quantum ad statum præsentem causarum secundarum, an etiam vt infallibiles quoad eventum ex dispositione cause primæ, incertum plerumque esse, & standum esse iudicio Sanctorum M. Ecclesiæ, sicut in alijs sensibus Sacræ Scripturæ.

334 Secundò obijciunt ex 3. Reg. cap. 11. vbi Deus prohibens filiis Israel ingressus ad filias alienigenarum, sive idolatrarum, sic ait: *Nom ingredimini ad eas, nec de illis ingrediemini ad vestras, certissimè enim avertent corda vestra, vt sequamini Deos earum.* Sed pariter respondetur, talem aversionem ad idolatriam prædici à Deo, vt futuram moraliter tantum, ex qualitate tentationis, & animorum genio, & dispositione. Nec obest illud adverbium *certissimè*, quia debet intelligi humano, & morali modo; dum enim cum hominibus loquitur Deus, humano, ac morali sensu sapientissimè vitur: Illa autem particula *certissimè* humano, & morali modo solum denotat inaximam certitudinem intra lineam certitudinis moralis, & quod Deus de hac tantum certitudine loquatur, patet, quia Deus solum intendebat eis proponere vitium, & energiam illius occasionis, & periculi ad inducendum eos in idolatriam; vi autem illius occasionis non inducebatur, nec induci poterat certitudo physica, aut metaphysica; sed ad summum certitudo moralis.

335 Et quidem, nullus negare potest, Deum potuisse in casu Davidis, facere quod, quavis David permaneret in Ceilla, non traderetur à Ceillanis, nec descenderet Saul; itemque in hoc ultimo casu, facere, quod quamvis Israelita in-

grederetur ad vxorem alienigenam, non induceretur ad idolatriam; quis enim hōc negabit omnipotentis Dei? Ergo seculo omni decreto, qualiter à contrarijs secluditur, non sciebat Deus eventus prædictos, vt omnimoda infallibilitate futuros, alias enim potentiam non haberet ad eos vitandos. Vnde dicendum est, quod si Deus in primo casu decretum habebat concurrendi cū Ceilanis, & eos non impediendi in traditione intentata Davidi, in eo decreto poterat prævidere talem traditionem, vt infallibiliter futuram; itemque, si in secundo casu Deus habebat decretum negandi gratiam efficacem Israelitis, pro casu, quo ingrederentur ad alienigenas, in eo decreto poterat etiam prævidere eorum lapsum in idolatriam, vt omnimoda infallibilitate futurum; at vero pro priori ad hoc decretum, aux præsciendū ab eo, ne eum potuerat esse infallibiliter futurum, cum adhuc esset sub dominio Dei facere, quod veller circa prædictos eventus.

356 Obijciunt tertio ex Ieremia cap. 38. vbi eum sic consulit Rex Sedecias: *Solicitus sum propter Iudeos, qui transigerunt ad Caldeos, ne forte tradar in manus eorum, & illudant mihi. Respondit autem Ieremias: Non te tradent.* Sed hic locus ineptè aducitur à contrarijs; quia in eo non consilium traditio sub aliqua conditione non purificata, sed absolute; & absolute respondet Ieremias, non futurā traditionem; questio autem pæfens solum procedit de futuris conditionatis. Sed dato casu, quod loqueretur de futuritione conditionata, in eo loco Ieremias nihil affirmat futurum, sed solum negat futuram traditionem; fatetur autem, posse aliquid non esse futurum conditionatè; imò necessum esse de quolibet sub qualibet conditione, quod vel sit, vel non sit futurum conditionatè, ita quod si propositio affirmans futuritionem conditionatam vera non est; propositio contradictoria negans vera debet esse, vt patet ex dictis conclusionibus præcedenti.

357 Quarto obijciunt ex illo Sapientie cap. 4. vbi de iusto dicitur: *Raptus est, ne malitia mutaret intellectum eius.* Ergo Deus prævidebat, eum malitia mutandum, si diutius viveret, ac proinde eius lapsum vt infallibiliter sub conditione futurum. Sed ad hoc respondet clarè D. August. lib. de Prædestinat. Sancti. cap. 14. dicens: *Hoc dictum est secundum pericula huius vite, non secundum præscientiam Dei, quæ hoc præscivit, quod futurum erat, non quod futurum non erat.* Ergo iuxta D. Augustinum ex prædicto loco minime inferitur futuricio omnino infallibilis lapsus illius iusti, sed ad summum maximum periculum prævaricandi, si diutius viveret.

358 Dicunt contrarij, D. Augustinum in prædicto loco, solum exclusisse præscientiam de lapsu absolute futuro; At enim immediatè post

verba relata; *quomodo peccaturus esset, qui mansurus in tentatione non esset;* vbi ideo negat lapsum esse futurum, quia non esset mansurus in tentatione, quod solum probat lapsum non esse absolute futurum; non autem quod non sit conditionatè futurus, quia ad futuritionem conditionatam lapsus, minime requiritur quod sit mansurus in tentatione, quia non requiritur quod sit purificanda condicio. Sed contra est, quia licet prædicta ratione solum excludatur futuricio absolute D. Augustinus expressè ait, illud Sapientie dictum fuisse secundum pericula huius vite, & non secundum præscientiam; quod quidem probat, quia lapsus illius hominis non erat absolute futurus; sed si D. Augustinus admitteret aliam futuritionem conditionatam contingentem, quæ esset obiectum præscientiæ, malè probaret, illud fuisse dictum secundum pericula huius vite, & non secundum præscientiam, quia lapsus non erat futurus; cum posset ei manifestè responderi, quod erat conditionatè futurus, licet non absolute, & sic dictum fuisse secundum præscientiam lapsus conditionatè futuri, & non solum secundum pericula huius vite. Ergo D. Augustinus in prædicto loco non admittit futuritionem infallibilem conditionatam lapsus in prædicto iusto.

359 Sed contra obijces, ex D. Augusti lib. de Corr. & Grat. cap. 8. vbi contra Pelagianos nos agit sic loquitur: *Respondeant, si possunt, cur illos Deus, cum fideliter, & pie viverent, non tunc de vita huius periculis rapuit, ne malitia mutaret intellectum eorum? Virum hoc in potestate non habuit, an eorum mala futura nescivit? Nempe nihil bonum, nisi peruersissimè, & insanissimè dicitur:* Ergo iuxta eundem Augustinum, peruersissimum est dicere, Deum non prævidisse lapsum futurum eorum hominum quospiè viuentes, noluit è vita rapere, qui tamen postea lapsi sunt. Cæterum hoc argumentum, inquit Illust. Godoy, ineptè aducitur, quia in prædicto testimonio loquitur D. Augustinus de futuritione absolute lapsus eorum hominum, loquitur enim de illis, qui piè viuentes, postea de facto lapsi sunt; quiquidem lapsus absque dubio fuit ab æterno futurus absolute, ac proinde negare Deo eius prævisionem, peruersissimum esset; non autè loquitur Augustinus de lapsu conditionatè tantum futuro; hanc enim futuritionem excluderat in testimonio antecedenter à nobis allato.

360 Sed dices, D. Augusti loquitur de futuritione, & scientia lapsus, quæ potuit Deum retrahere à conservanda vita illorum hominum, & cum alicerè ad eripiendos eos, ne caderent. Sed prædicta scientia, & futuricio nequit esse absolute, sed conditionata: Ergo loquitur de scientia, & futuritione conditionata lapsus. Respondeo ex dictis Tractat. de Provident. quaest. 5. num. 58. negando maiorem, quia vt loco citato dicimus;

August. solum intendit excludere à Deo ignorantiam, & impotentiam respectu lapsus illorum hominum, sive casualitatem; hæc autem sufficienter excluditur per scientiam liberam absolutam, & absolutam futuritionem Deo liberam circa talem lapsum, quia eo ipso innuitur, Deum liberè, & scienter permisisse lapsum eorum hominum ex oculo suo iudicio, & cum evenisse Deo providè, & scienter illum permittente, cum tamen potuisset antecederet eripere eos à vita, & à lapsu; minime autem requiritur quod Deus potuerit retrahi ex ea scientia à conservatione vitæ eorum hominum. Videantur dicta loco citato.

361 Deinde quamvis daretur huic argumentum Augustinum ibi loqui de scientia conditionata, posset dici esse scientiam conditionatam necessariam assumentem pro hypotesi: *Si Deus eos homines non rapuisset à vitâ, sed eos relinqueret sine gratia speciali, aut efficaci ad vitanda peccata, sub qua conditione Deus prævidet necessariò lapsum futurum cum metaphysicâ infallibilitate, quia metaphysicè infallibile est, hominem peccatum, si Deus eum relinquit sine gratia efficaci; hæc autem scientia posset Deum retrahere à conservatione eorum hominum in vitâ adeò fragili, ut nisi eam Deus auxilijs efficacibus præveniat, necessariò peccatis inficienda videretur; quin sit necessarium admittere scientiam conditionatam contingentem alicuius futuri contingenti conditionati.*

362 Obijciens quintò ex illo celebri testimonio, Matth. cap. 11. *Va tibi Corozain, va tibi Bethsaida, quia si in Tyro, & Sydone, factæ fuissent virtutes, quæ factæ sunt in vobis, olim in cilicio, & cinere poenitentiam egissent.* Ex quibus verbis inferunt contrarij, Christum Dominum prævidisse conversionem Tyriorum, & Sydoniorum, eorumque poenitentiam ut infallibiliter omnino futuram sub illa conditione, quod Deus apud illos fecisset signa, & miracula, quæ apud Iudeos fecit. Sed similiter etiam responderi potest, Christum Dominum solum fuisse loquentem de futuritione morali, aut coniecturali suprà explicata, quia videlicet ex magna vi, & energia suorum miraculorum, & ex meliori dispositione animi, quam sua scientia prævidebat habuisse Tyrios, quam Iudeos, agnoscebat tantquam morali certitudine futurum, quod illi converterentur, si eis propozita fuissent sua miracula sicut Iudeis; quod quidem aperte colligi videtur ex verbis paulò inferius à Christo dictis, quibus explicat præcedentes, ait enim: *Quia si in Sodomis factæ fuissent virtutes, quæ factæ sunt in te, fortè mansissent usque in hanc diem;* vbi illa particula *fortè* manifestè innuit, Christum Dominum non loqui de futuritione metaphysicè infallibili, sed tantum de futuritione coniecturali, aut morali.

363 Sed opponunt contrarij, D. August. quj lib. de Bono Perseverant. cap. 9. sic ait: *Nunquid possumus dicere, etiam Tyrios, & Sydonios, talibus apud se virtutibus factis, credere noluisse, aut credituros non fuisse, si fierent; cum eis ipse Dominus attestatur, quod acturi essent magna humilitatis poenitentiam, si in eis facta essent divinarum illa signa virtutum?* Tunc sic; sed si poenitentia Tyriorum tantum esset moraliter futura, possumus dicere Tyrios non converterendos, si apud illos dicta signa facta fuissent: Ergo Christus, iuxta August. non solum loquitur de futuritione morali, sed de futuritione metaphysicè infallibili. Respondeo, negando minorem, quia id, quod est morali certitudine futurum, ita est futurum, quod nullus, nisi fatuè, & temerariè absque vilo prorsus fundamento prudenti possit dicere, quod ita non eveniet, ac proinde quamvis verba Christi intelligantur de futuritione morali, optinè salvatur cum Augustino, nullum posse dicere Tyrios credituros non fuisse, nimirum prudenter, & cum fundamento; nam imprudenter, & temerariè quisque potest illud dicere, quamvis Christus loquutus fuerit de futuritione metaphysicè infallibili. Sicuti nullus prudenter dicere potest, aut cum fundamento, quod hoc anno non erunt in mundo scandala, non quia id futurum sit futuritione metaphysicè infallibilis; sed quia iuxta verba Christi, necesse est ut scandala veniant, vbi non loquitur, nisi de necessitate tantum morali, in quo sensu se ipsum explicat Augustinus ibid. cap. 14. sic inquit: *Non ergo sic.*

364 Sed opponit Ortega vbi suprà, quia Tyrii, & Sydonij peius erant dispositi, quam Iudei, siquidem erant idolatras, alijsque vicijs obstricti: Ergo ex vi prædictis dispositionis minime fuisset futuram, adhuc connaturaliter, eorum conversionem, aut poenitentiam. Sed quis non videat, hoc pacto etiam Augustinum impugnare, dum in Thomistas invehitur; nam Augustinus lib. de Bono Perseverant. cap. 14. expressè ait: *Nona erant ergo sic exacerati, & sic induratum cor Tyriorum, & Sydoniorum, quoniam credidissent, si qualia viderunt isti signa viderent;* Ergo evidenter est contra Augustinum dicere, quod erant peius dispositi. Imò, & contra textum, nam ibi Christus Dominus ait: *Remissius erit his in iudicij,* nempe Tyrijs, & Sydonibus, quam Iudeis: Ergo agnovit Christus Dominus non fuisse peiores illos, nec peius dispositos, sed potius e contra. Nec illos fuisse idolatras, ut opponit Ortega, est vilius momenti, cum sæpè idolatras, & Gentiles, minus contumaces, minusque rebus temporalibus ambitione, & alijs vicijs obstricti sint, quam fideles.

365 Ex quibus infertur, quam falso contrarij supponunt, esse communem sententiam PP.



PP. Deum praevidere omnes eventus conditionate futuros futuritione infallibili metaphysicè sub quacumque conditione; quamvis enim PP. plerique sèpe asserant, «Deum cognoscere praedicta futura, dubium tamen est, an loquantur de futuritione metaphysicè infallibili, an de futuritione tantum morali, aut coniecturali cum loquantur in eodem sensu, quo loquitur Scriptura. Solum autem est certum, & indubitatum, tam ex Scriptura, quam ex PP. Deum praevidere quaecumque sunt futura, eo modo, quo futura sunt: quia tamen incertum est, an actus liberi sub conditionibus indifferentibus, sub quibus praedicuntur in Scripturis, sint futura futuritione conditionata infallibili metaphysicè, rectèque salventur loca Scripturae cum sola futuritione morali, aut coniecturali ex dispositione praesenti, aut absolute futura causarum secundarum; inde est Scripturam, & PP. ita posse interpretari.

366 «Sed dices, quoniamque PP. & Scriptura possunt interpretari in sensu riguroso, & proprio absque ullo inconvenienti, ita sunt intelligendi: Sed nullum est inconveniens, in eo quod PP. & Scriptura intelligantur de futuritione propria, & infallibili metaphysicè: Ergo ita interpretandi sunt, & non de futuritione morali, aut coniecturali, quae tantum est impropria, & secundum quid. Respondeo, distinguendo minorem: Nullum est inconveniens, si inconveniens non est admittere decreta subiectivè absoluta, & obiectivè conditionata circa illa futura, concedo minorem: Si hoc sit inconveniens, nego minorem, & consequentiam. Itaque, vel contrarij iudicant maximum inconveniens, quod circa ea futura conditionata, quae praedicuntur in Scripturis, praecesserint in Deo decreta obiectivè conditionata, vel hoc non iudicant inconveniens; si hoc non iudicant inconveniens, fatemur quod absque ullo inconvenienti potest Scriptura exponi de futuritione metaphysicè infallibili; ceterum, quia contrarij hoc iudicant inconveniens maximum, nosque quamvis ex alijs motivis, nolumus in praesenti decidere, an sit, vel non sit inconveniens, ideo non certo constat, nec vlla ratione convenienti probari potest, Scripturam esse interpretandam de futuritione propria, & metaphysicè infallibili, quia hoc fieri non potest nisi admittendo decreta obiectivè conditionata circa ea futura, quod apud contrarios maximum est inconveniens.

367 Sed dices secundò, ubi PP. nec Scriptura non limitant futuritionem, de quo loquuntur, nec nos possumus eam limitare: Sed nec PP. nec Scriptura limitant futuritionem, de qua loquuntur, ad solam futuritionem moralem, sed absolute loquuntur: Ergo nec nos possumus cum sufficienti fundamento illam limitare. Confirmabis, quia dum Scriptura, & Patres asserunt, Deum praedicere aliquod absolute futurum, non possunt inter-

pretari de futuritione morali: Ergo nec etiam, dum loquuntur de futuritione conditionata, possunt interpretari de futuritione morali, aut coniecturali. Confirmabis secundò, quia, si Deus, dum praedicat aliquod conditionate futurum, intelligi possit de futuritione solum coniecturali, posset contingere, quod adhuc posita conditione, contrarium eveniret, & Dei praedictio falsa evaderet: hoc est maximum inconveniens: Ergo.

368 Respondeo distinguendo maiorem: Si iusta addit ratio iudicandi PP. cum praedicta limitatione loquutos fuisse, nego maiorem: Si non addit iusta ratio, concedo maiorem, & distinguo minorem: Nec Scriptura, nec Patres limitant futuritionem aliquando, nego: Semper, sub distinguo: Non limitant verbis eorum nude attentis, concedo: Alijs etiam consideratis, nego minorem, & consequentiam. Quia in primis falsum est, quod Scriptura, & PP. nunquam limitent praedictam futuritionem, cum, ut supra vidimus, aliquando Scriptura utatur illa particula *forissem*, aut *forte*, quae absque dubio limitat futuritionem, ut non de infallibili metaphysicè loquatur. Quod si alijs in locis non ita expressè, nec PP. nec Scriptura limitant futuritionem, possunt tamen ita intelligi, attento fine, quo loquebantur, vel alijs circumstantijs, praecipue si supponatur, ut supponitur contrarij, non dari in Deo decreta obiectivè conditionata circa praedicta futura; quia ut saepe diximus, PP. & Scriptura solum loquuntur de ea futuritione, quae revera datur ex parte obiecti; si autem non dantur decreta subiectivè absoluta, & obiectivè conditionata, solum potest dari futuritio coniecturalis, aut moralis sub conditione indifferenti, ac proinde PP. solum de ea loquuntur.

369 Ad primam confirmationem, concedo antecedenti, nego consequentiam; quia circa futura absoluta certum est, ipsis etiam contrarijs annuentibus, Deum habere decreta absoluta, & ea esse physicè praesentia Deo in sua aeternitate; at veto circa conditionata incertum est Deum habere decreta obiectivè conditionata, & certum ea non esse praesentia Deo in aeternitate; ac proinde de futuris absolutis non est locus dubitationi, bene vero de futuris conditionatis. Praeterquam, quod etiam plures praedictiones, quibus Deus absolute praedixit aliqua futura, intelliguntur de futuritione ex ordine, & dispositione causarum, quae apud contrarios est futuritio impropria, quod aperte traditur à D. Thoma de prophetia comminationis, *quaest. 12. de veritate, art. 12. q. 2. 2. quaest. 179. art. 1.* ac proinde nihil mirum, quod praedictiones conditionatae, etiam à nobis intelligantur de futuritione morali, aut coniecturali ex ordine, & dispositione causarum secundarum. Ad secundam confirmationem distinguendo maiorem: Posset contingere, moraliter loquendo, nego maiorem: Physicè, concedo maiorem, & nego.

go minorem; quia sicut in prophetia comminationis, qua Deus prædixit Ezechie mortem, & eversionem. Ninivitarum, factum est, vt postea non eveniret, nec vna, nec alia; quia videlicet, vt inquit D. Thomas, solum fuit prænuntiata futuritio, quam habebant illi eventus ex dispositione causarum, non autem futuritio omnino absoluta, & infallibilis; ita si Deus aliquid prænunciaret futurum sub aliqua conditione, taliter quod prædictio intelligeretur de futuritione tantum morali, aut coniecturali ex dispositione causarum; nullum esset inconveniens, quod postea contrarium eveniret; nec ideo divina prædictio falsa evaderet, quia tantum prædixisset futuritionem illam moralem ex dispositione causarum desumptam, quæ res vera daretur, quamvis eventus esset contrarius, sicut dicendum necessarium est in prophetia comminationis.

370 Ex dictis sufficienter patet, nec esse de Fide, nec dogma Catholicum, Deum prævidere actus liberos, vt conditionatè futuros futuritione infallibili sub qualibet hypothese indifferenti; nec contrarium asserere, esse erroneum, aut vlla censura dignum; sed potius temeritate non vacare eos, qui censuris incurrunt Antiquos Thomistas admittentes præcisè in Deo scientiam subiectivè infallibilem de futuritione morali, aut coniecturali actuum nostrorum liberorum sub prædictis conditionibus.

#### ALITER NOSTRA CONCLUSIO probat.

871 **N**ihilominus tamen nostra conclusio nimirum, aliqua esse futura conditionata de futuritione omnino infallibili, & vt talia à divino intellectu cognosci, facile probatur. Primò, quia de facto dantur in Deo, & in Scriptura plures promissiones conditionatæ: Sed promissio divina conditionata stare non potest sine futuritione omnino infallibili eventus sub ea conditione, sub qua promittitur: Ergo aliqui eventus sunt futuri conditionatè futuritione omnino infallibili, & consequenter vt taliter futuri cognoscuntur à Deo: Maior de Fide est, docet enim Catholica Fides, Deum hominibus promississe gloriam sub conditione finalis perseverantæ, gratiam sub conditione contritionis, & attritionis in Sacramento, & innumera alia promissiones, quibus plena est Sacra Pagina, & quibus nititur spes nostra. Minor vero, etiam patet, quia si prædictæ promissiones non fundarent futuritionem omnino infallibilem eventus promissi, posset contingere, adhuc purificata conditione, quod res promissa non eveniret: Hoc autem est metaphysicè impossibile, quia alias Deus infidelis esset, & promissis non staret, quod est maxima imperfectio omnino Deo repugnans: Ergo prædictæ promissi-

siones fundant futuritionem omnino infallibilem eventus promissi.

372 Nec hic potest esse recursus ad futuritionem moralem desumptam ex connexionem morali conditionis cum evento, nam prædicta futuritio est omnino necessaria, & anteverrens omnem Dei liberam determinationem, huiusmodi autem futuritio necessaria, quamvis possit à Deo prævideri per scientiam necessariam, & prædicti per revelationem, non tamen promitti potest, quia Deus nihil promittit, nisi quod sibi liberum est, & quæ ipse liberè facturus est, vt supra ex Augustino probavimus, vnde quando aliquid promittit sub aliqua conditione, nequit illud promittere vt futurum moraliter, aut coniecturaliter, eo modo, quo infertur ex conditione, quia hæc futuritio est necessaria, & per scientiam necessariam à Deo cognita, sed necessariò debet illud promittere vt futurum liberè ex suo decreto infallibilis: Ergo promissio necessaria fundat futuritionem infallibilem rei promissi.

373 Secundò probatur, nam licet plures prædictiones propheticae conditionales possint intelligi de futuritione tantum coniecturali, præcipue illæ, quibus prædicantur à Deo nostri actus liberi vt à nobis elicendi, quo sensu D. Hieronymus in Ieremiam cap. 16. ait: *Verbum ambiguum forsitan, maiestati Dei non potest convenire, sed nostrum loquitur affectu, ut liberum hominis servetur arbitrium*; quæ verba sic intelligenda censeo, nimirum, quod Deus ex parte sua, & subiectivè semper loquitur, id quod loquitur, cum metaphysica certitudine, atamen cum nostris prædicat actus liberos futuros, loquitur in sensu aliquo ambiguo ex parte obiecti, & respectu nostri, præcipue quando prædicat actus nostros comparative ad nostrum liberum arbitrium, & prout ab eo egrediuntur, quia ab eo egrediuntur cum indifferentia, & contingencia, taliter quod servetur potestas ad oppositum. Nihilominus tamen ea loca Scripturæ, in quibus Deus prædicat plura, quæ ipse faceret sub aliquibus conditionibus, ægrè explicantur de futuritione morali, & incredibile apparet, Deum nihil prædixisse sub conditione indifferenti, vt futurum futuritione omnino infallibili in tota Scripturæ; cum tamen id supponatur possibile, & absque vlo inconvenienti: Ergo id de facto negandum non est, & asserendum inter divinas prædictiones, plures respicere futuritionem conditionatam eventus omnino infallibilem ex divino decreto sicut non omnes revelationes absolutæ esse de futuritione naturali, aut ex ordine causæ secundæ, sed aliquæ de futuritione infallibili ex divino decreto.

374 Tertiò probatur, quia in Scriptura revelatur futurum disparatum omnino infallibile sub conditione: Ergo multo melius credendum est,

est, revelari plura conditionata conducentia, vt infallibiliter futura. Antecedens patet ex illo Reg. 4. *Si percussisses quinq̄uies, vel sexies terram, percussisses Syriam usque ad consumationem*; quod intelligi non potest de futuratione conditionata coniecturali, aut morali, cum conditio nullam connexionem importet nec coniecturalem, nec moralem cum conditionato, sed potius sit omnino disparata: Ergo intelligendum est de futuratione omnino infallibili fundata in decreto, quod supponitur de consumatione destructionis Syriæ sub prædicta conditione. Consequencia patet, quia potius decet Deum habere decreta conditionata de eventibus sub conditionibus condonentibus ad conditionatum, quam de disparatis, ac proinde, si de facto habet decretum sufficiens ad veritatem infallibilem conditionati disparati, cur negabitur, Deum de facto habere decreta sufficiens ad futura conditionata de conditione conducenti, vt nimirum fiat infallibiliter conditionarè futura.

375 Tertiò, quia de facto plura dantur decreta absoluta in Deo, ex quibus inferuntur aliqua infallibiliter omnino futura sub conditione indifferenti: Ergo ea Deus prævidere potest vt infallibiliter omnino futura sub conditione. Antecedens probatur primò, quia datur decretum absolutum, ex quo inferitur aliquid non futurum sub aliqua conditione; vt patet in decreto Incarnationis propter hominum redemptionem à peccato, ex quo inferunt plerique Theologorum contra Scorum, Christum non venturum sub conditione, quod Adamus non peccavisset. Confirmatur: Deus de facto sæpè negat auxilium efficacæ propter aliquod peccatum præcedens tantquam propter vnicum motivum: Sed ex decreto negandi auxilium efficacæ vnicè propter peccatum præcedens, inferitur infallibiliter, quod tale auxilium non negaret, si peccatum non præcessisset, & consequenter inferitur etiam, quod si primum peccatum defuisset, postea eliceretur actus bonus, vel vinceretur tentatio: Ergo de facto datur in Deo decretum absolutum, ex quo inferitur aliquid futurum cum omnimoda infallibilitate sub conditione.

376 Secundò probatur antecedens, quia de facto sæpè datur in Deo decretum efficacæ conservandi aliquem in gratia usque ad finem vite: Sed ex tali decreto planè inferitur cum omnimoda infallibilitate; primò, quod si tentetur hac vel illa tentatione resistit; itemque secundò, quod si ei imponatur præceptum obligans sub mortali, adimplebit illud: Ergo de facto datur in Deo decretum absolutum, ex quo inferitur futurum conditionata omnino infallibilis alterius eventus. Confirmatur: Potest Deus efficaciter decernere actum liberum Petri, quo Petrus vult conditionatè ingresum religionis sub aliqua conditio-

ne: Sed ex tali decreto inferitur infallibiliter, quod si ponatur conditio, Petrus se determinabit absolute ad ingressum religionis: Ergo de facto potest dari in Deo decretum inferens infallibiliter aliquid sub conditione futurum. Hæc & alia decreta excogitari possunt, quorum innumera constar dari de facto in Deo, ex quibus, & in quibus potest Deus plura videre conditionata infallibiliter futura, vt *arist. sequent.* amplius declarabimus. Vnde certo certius est, Deum habere cognitionem plurium conditionatorum, etiam ex parte obiecti omnino infallibilem. Quo supposito ea loca Scripturæ, quæ absque Inconvenienti speciali possunt intelligi de futuratione conditionata fundata in decreto essentialiter connexa cum obiecto conditionato, ita intelligenda esse censuimus; licet à contrariis id probari non possit, quia negant decreta conditionata circa talia conditionata, & his negatis, neuiquam probari potest Deum cognoscere futurationem infallibilem conditionatam, cum hæc sine illis decretis subsistere non possit.

#### ARTICVLVS OCTAVVS.

#### IN QVO ERGO MEDIO DEVS conditionata contingentia cognoscit?

377 **Q**Uamvis hoc dubium sit potissimum, & principalis questio in titio excitata, nihilominus ferè iam ex præcedentibus ita ennodata emanat, vt parum restet addendum; constat enim ex dictis, prædicta conditionata non cognosci à Deo, nec in libero arbitrio vt supercomprehensio, nec in idæis divinis; aut in statu possibilitatis ante omnem decretum; nec denique in eorum veritate obiectiva, quam habere non possunt secluso decreto subiectivè absoluto; itemque constat nihil posse verè esse conditionatè futurum futuratione infallibili, nisi per decretum, nec habere veritatem determinatam, nisi ex vi decreti actu existentis in Deo; ex quibus clarissime inferitur, Deum non nisi in decreto actu existentem in ipso posse cognoscere futura conditionata: Cæterum vt id clarius explicemus sit.

#### NOSTRA CONCLUSIO.

378 **D**icimus ergo cum communis omnium Thomistarum sententia: Deum nullum eventum cognoscere vt conditionatè futurum futuratione contingentem, motivè, aut determinativè, nisi in decreto aliquo absolute existente in ipso, commaxoque cum eventu sub conditione, vel immediatè, vel mediatè. Probatur primò ex illo triplo D. Augustini testimonio lib.

de *Prædestinatione Sanctorum*, cap. 10. vbi sic ait: *Prædestinatione Deusa præscivit, quæ fuerat ipse facturus*: sed eventus quilibet conditionatus bonus est talis, quod Deus fuerat illum factururus, si poneretur conditio: Ergo illum Deus in sua prædestinatione præscivit, & consequenter in decreto. Minor patet, nam licet Deus, vt ibidem ait Augustinus, non faciat quæcumque peccata, hoc intelligendum est de peccatis pro formalide cæteris autem omnibus certum est, quod existere positivè non possunt, nisi à Deo fiant, ac proinde nequeunt à Deo prævideri, nisi in sua prædestinatione: De peccato vero pro formali fatemur non cognoscì à Deo in prædestinatione, siue in decreto positivoinfrà tamen dicemus cognoscì in decreto permissivo. Secundò probanda est omnibus Authoritatibus, quibus probavimus suprà, Deum nihil cognoscere, nisi in se ipso tanquam in principio obiectivo, & ex se ipso; & ponderanda sunt verba Dionysij, ex quibus apertè constat, Deum contingentia conditionata non posse cognoscere, nisi in aliquo principio sibi intrinseco, quod aliud nequit esse, nisi decretum connexum, vel immediatè, vel mediatè cum eventu conditionato. Tertiò probatur ex August. lib. de *Dono Perseverantie*, cap. 18. vbi ait: *Prædestinasse est ea præscivisse, quæ fuerat ipse factururus*: Sed quæcumque futura conditionata, quæ infallibiliter sunt talia, fuerat Deus factururus, si poneretur conditio (peccatis exceptis): Ergo ea Deus præscivisse, est ea prædestinasse, ac proinde ea in sua prædestinatione præscivit: siue in decreto. Vergetur hoc, quia apud Augustinum verbis immediatè subiunctis, nihil prohibet, quando apud aliquos Verbi Dei tractatores legimus Dei præscientiam, & agitur de vocatione electorum, eam prædestinationem intelligere; vnde cap. 17. antecedenti de Donis Dei loquens sic arguit: *An forte nec ipsa dicuntur prædestinata: Ergo nec dantur à Deo, aut ea se daturum esse præscivit, quod si & dantur, & ea se daturum esse præscivit, profecto prædestinavit*. Vnde concludit: *Hæc dona Dei, si nulla est prædestinatio quam defendimus, non præstuntur à Deo*. Vnde lib. de *Prædestinatione Sancti*, cap. 9. sic ait: *Quid enim est verius quam præscire Christum, qui, & quando, & in quibus locis in eum fuerant credituri, sed vtrum predicato sibi Christo à se ipsis habituri essent fidem, an Deo donante sumpturi, id est an tantummodo eos præscierit, an etià prædestinaverit, quævere, ac differere tunc necessarium non putavi*; in quibus omnibus, vt vides, Augustinus idem reputat, & inseparabiliter coniungit, Deum præscire ea, quæ ipse daturus, aut faciens fuerat, ac ea prædestinasse, ac per consequens implicat, Deum aliquid prævidere vt conditionatè futurum, & à se faciendum, quales sunt omnes actus liberi voluntatis boni, & etiam mali quoad caritatem

eorum, quin eos in sua prædestinatione prævidet, aut in decreto suæ voluntatis.

379 Deinde probatur conclusio ratione, quia de facto dantur in Deo decreta subiectivè absoluta, & obiectivè conditionata, vel immediatè, vel mediatè talia: Sed talia decreta sunt media apertissima, vt in eis Deum conditionata cognoscat, & alias ex dictis non est assignabile aliud medium: Ergo in eis decretis cognoscit Deus futura contingentia conditionata, quæ verè sunt talia. Cætera patent, & maior etiam sufficienter patet ex dictis à num. 361. sed specialiter probanda est contra adversarios. Etenim aliqui ex contrarijs, eo nostram sententiam impugnant, quia decreta subiectivè absoluta, & obiectivè conditionata impossibilia censent. Hi sunt Vazquez, Granados, Alarcon, quos citat Godoy in *pres. Disputat.* 36. num. 34. lacissimèque impugnat. Nos tamen breviter contra ipsos agemus, quia à cæteris omnibus scientiæ mediis fautoribus deserruntur, & cum Suariorum tom. 1. de *Grat. Prolog.* 2. de *scient. cond.* cap. 8. num. 21. ferè iam omnes asserunt talia decreta conditionata ex suo genere possibilia esse, pluraque de facto dari in Deo.

380 Quod quidem sic contra prædictos tres Authores probatur primò, quia in Deo datur voluntas antecedens salutis omnium hominum significata per illa Sacri Textus verba: *Deus vult omnes homines salvos fieri, & ad agnitionem veritatis venire*, quæ quidem voluntas verè, & propriè invenitur in Deo, teste D. Tho. quæst. 23. de *Veritat. artic.* 3. in *corpor.* vbi sic ait: *Invenitur propriè ratio voluntatis in Deo, quæ per antecedentem, & consequentem distinguitur*: Sed prædicta voluntas antecedens est conditionata, & non absoluta ex parte obiecti, tum quia alias omnes homines salvarentur in vi illius; tum quia, iuxta D. Thom. in 1. dist. 46. quæst. 1. artic. 1. ad 2. *Voluntas antecedens potest dici conditionata, nec tamen est imperfectio ex parte voluntatis divine, sed ex parte voliti, quod non accipitur cum omnibus circumstantijs, quæ exiguntur ad rectum ordinem ad salutem*: Ergo de facto datur in Deo voluntas obiectivè conditionata, & consequenter decretum. Secundò probatur, quia de facto dantur in Deo plures promissiones conditionatæ, & conditionatæ comminationes, quarum plena est Sacra Scriptura, itemque plura patet cum hominibus sub aliquibus conditionibus: Sed ista non salvantur absque voluntate, & decreto adimplendi promissum, si ponatur conditio: Ergo de facto dantur in Deo decreta obiectivè conditionata. Minor probatur, nam ita homine veraci non salvatur vera promissio siue voluntate adimplendi promissum sub ea conditione, sub qua promittit: Ergo multo minus in Deo, qui fidelissimus est, & verax in promittendo.

381 Tertiò probatur impugnando motum speciale contrariorum; ideo enim negant prædicta libera decreta conditionata, quia censent non posse existere absolute in Deo decretum liberum, quin detur absoluta mutatio ex parte obiecti; sed quamvis hoc verum sit, non probatur intentum; Ergo. Minor probatur, nam dato casu, quod nullum possit dari decretum actu existens in Deo absque mutatione absoluta in creaturis, ex hoc tantum sequitur, nullum posse dari decretum de facto, quod non respiciat aliquem terminum, aut eventum absolute futurum: Sed ex hoc non tollitur, quod respectu alterius possit esse obiectivè conditionatum: Ergo quamvis decretum absolute existens in Deo petat absolutam mutationem ex parte obiecti, non tollitur quod possit dari decretum respectu alicuius obiecti conditionatum. Minor probatur, nam decretum, quod circa unum obiectum est absolutum, potest ex consequenti esse circa aliud conditionatum; quod patet ex ipsis contrariis, ipsi enim fatentur dari in Deo decretum promittendi conditionare, & decretum de obligandi per talem promissionem, quod decretum asserunt esse absolutum, quia respicit pro obiecto promissionem, & obligationem absolute existuras in re: Sed quamvis tale decretum respectu promissionis decretatur sit absolutum, respectu tamen rei promissæ absolutum non est, sed conditionatum, cum rem conditionatè promittendam non decernat absolute: Ergo.

382 Dices, per tale decretum non decerni formaliter rem promissam, sed vnicè esse obiectum talis decreti ipsam promissionem. Sed contra est, quia licet non determinatur formaliter, & immediatè res promissa, implicat tamen quod non decernatur virtualiter, aut mediatè, qui enim vult promissionem essentialiter connexam cum re promissa, sub aliqua conditione, implicat quod saltem virtualiter, & mediatè non vellent rem promissam sub ea conditione: Ergo iam dabitur decretum saltem virtualiter, & mediatè conditionatum: Sed hoc sufficit ad cognoscendum in eo futurum conditionatum: Ergo datur decretum sufficienter conditionatum, ut in eo cognoscantur futura conditionata contingentia. Confirmatur, quia, ut quaest. præcedent. probavimus, dantur in Deo plura decreta absoluta, ex quibus infallibiliter inferuntur alia obiecta conditionatè futura: Sed ea decreta, saltem virtualiter, aut ex consequenti sunt obiectivè conditionata: Ergo dantur de facto in Deo decreta virtualiter, & ex consequenti conditionata respectu aliquorum obiectorum: Sed ea sufficiunt, ut in eis possint cognosci futura conditionata: Ergo ex repugnantia decretorum conditionatorum infelicitèr probabit Alarcon, & Vazquez, Deum futura conditionata non cognoscere in decreto.

383 Ex quo inferes, quam absque funda-

mento Alarcon exagrat ingenuitatem Vazquij, eo quod huiusmodi decreta obiectivè conditionata impugnaverit, asserens soli ei canendum esse triumphum contra Thomistas, eo quod solus ille contra prædicta decreta certavit, quibus nostræ Scholæ veritas vnicè subsistit deplorataque Suarium, & alios suæ familiæ Doctores manu scriptos cum Vazquio non consensisse in hac parte, & quæ asserit infelicitèr contra nos pugnas, quia prædicta decreta admisisse. Etenim nec ipse Alarcon, nec Vazquez negare possunt decreta saltem virtualiter, & mediatè conditionata respectu obiecti secundarij, ut ex dictis patet; nobis autem hæc decreta sufficiunt: Quid ergo Vazquez, & Alarcon suis argumentis contra Thomistas convincent?

384 Sed dices: Multum, & sufficientissimè probare, quia eo ipso quod non dantur decreta obiectivè conditionata formaliter, & immediatè, sed tantum quatenus decernitur immediatè aliquid absolute futurum, sequitur, Deum solùm posse cognoscere in decreto ea conditionata, quæ inferuntur ex futuris absolutis, aut ex decretis per se primo absolutis, ac proinde alia sine decreto præscire tenebitur, contra nostram sententiam. Sed contra est, quia semel admissio, non dari decreta obiectivè conditionata circa ea, quæ non inferuntur ex absolutis, nos dicimus nihil esse conditionatè futurum, nisi quatenus inferuntur ex futuris absolutis, aut ex decretis per se primo absolutis, ac proinde falso supponit contrarius, non dari alia decreta conditionata, & dari alia futura conditionata, quæ non inferantur ex absolutis; quod si non dantur, ut sufficientissimè probatum manet ex dictis, quia sine decreto non datur futurum; quid mirum quod ea Deus in decreto cognoscere non possit, si ea ut futura non cognoscit, quæ futura non sunt. An vero de facto dantur in Deo decreta per se primo, & vnicè conditionata; an tantum conditionata ex consequenti, quatenus absolute respiciunt aliquid conditionatè connexam cum alio extremo, ad Tractatus de voluntate determinandam relinquo.

## SECUNDA CONCLUSIO.

385 Dico secundò: Si non dantur in Deo decreta formaliter, & immediatè obiectivè conditionata, Deus cognoscit contingentia conditionata terminativè in determinatione causarum secundarum absolute existente, aut in aliquo effectu ad extra absolute existente, & connexo cum eventu sub aliqua conditione. Probatur, quia ea conditionata contingentia cognoscuntur ut determinatè futura terminativè in ea determinatione, per quam constituuntur formaliter sic futura: Sed negatis illis decretis, non est alia determinatio, per quam con-

fituantur formaliter sic futura, nisi determinatio aliqua in causis secundis absolute existens, vel in aliquo divino effectu ad extra, ut in aliqua promissione, aut prædictione conditionare promittente, aut prædicente eventum: Ergo cognoscuntur terminative ut futura in ea determinatione, & non ut futura in alio. Probatum minor, quia negatis illis decretis, solum restant decreta immediate, & formaliter absoluta, ut quorum decernitur immediate, & formaliter aliquid absolute futurum, vel existens absolute in aliqua differeuria temporis, quod inferat eventum conditionatè, vel per quod determinetur ad extra conditionare eventus: Sed tunc casus eventus constituitur conditionatè futurus per illam determinationem ad extra absolute existentem, quæ sit obiectum decreti absoluti, & non per ipsum decretum absolutum formaliter, sed solum per illum causaliter, quatenus causat ad extra determinationem conditionatam eventus, vel in causa secunda, vel in aliqua promissione, aut prædictione: Ergo. Explicatur: Negato decreto formaliter, & immediate obiectivè conditionato de conversione Tyrionum, conversio Tyrionum solum fuit conditionatè futura formaliter per dispositionem internam voluntatis Tyrionum, ut cuius non resisterent miraculis, & prædicationi Christi, sicut Iudæi, quia non erat ita induratum cor eorum, sicut cor Iudeorum, ut supra aiebat Augustinus; licet illa melior dispositio Tyrionum descenderet causaliter ex decreto formaliter, & immediate absoluto de illa: Ergo Deus cognoscebat eam conversionem ut conditionatè futuram ex parte obiecti, seu terminative, in ipsa meliori dispositione Tyrionum, licet motivè, & terminative in decreto absoluto de illa dispositione, tanquam in causa illius. Explicatur secundò in decreto promissivo alioquin eventus sub conditione. Etenim, ex vi ipsius promissionis ad extra constituitur eventus conditionatè futurus formaliter, non vero per ipsum decretum promittendi, nisi causaliter, quia illud cum sit formaliter tam subiectivè, quam obiectivè absolutum, & solum ex parte effectus ad extra, nempe ex parte promissionis conditionatum erga eventum per se, & formaliter non constituit futuritionem conditionatam, sed per se causaliter, & per effectum, nempe per promissionem formaliter: Ergo dum cognoscit Deus illum eventum ut conditionatè futurum, cognoscit illum ut conditionatè futurum ex parte obiecti, & terminative in ipsa promissione, & non in alio ex parte obiecti, aut terminative. Sed de his plura disputatione sequenti.

# SOLVUNTUR ALIQUA argumenta.

386 **O**missis igitur argumentis, quibus Vazquez, & Alarcon contendunt impugnare decreta conditionata, quia nullius sunt momenti, & ab Illust. Godoy loco citato abunde solvuntur, itemque quia eis nullus ex modernis iam videtur. Aliter obijcies primò, quia licet non repugnet absolute, & ex terminis decreta conditionata, repugnant tamen circa actus liberos voluntatis creare conditionatè futuros: Sed Deus prævidet actus liberos sub conditione futuros: Ergo iam prævidet aliqua futura conditionata, & non in decreto. Minorem probant, quia tale decretum, si daretur, esset efficax, & antecedens, ac proinde purificaret conditiones præterminaret voluntatem ad actum decretatum: Sed hoc est impossibile, quia auferret libertatem voluntatis, itemque respectu actus mali Deum faceret Authorem illius: Ergo. Hoc est vnicum, & totale argumentum, quo fidit adversa sententia. Sed illi iam ex professo satisfacimus *Tractat. de Provident.* per plures quæstiones, in quibus explicavimus, qualiter decretum divinum, quantumvis connexum nostris actionibus, earum libertatem non evartet, sed cum illa rectè concilietur, similiterque nec Deum facere Authorem peccati, ideoque ab hac difficultate nunc superfedemus.

387 Nihilominus tamen, si velis, independenter ab hoc capite libertatis, respondere poteris argumento, distinguendo maiorem: Si minor sit vera, nego maiorem: Si minor sit falsa, concedo maiorem, & distincta minori eodem modo, negando consequentiam; quia nos in præsentibus nolumus determinatè defendere, dari in Deo decreta conditionata ab intrinseco efficacia circa nostros actus liberos, sed solum quod sine tali decreto non possunt in Deo prævideri ut conditionatè futuri futuritione infallibili omnino, de quantum loquimur in hac quæstione; unde si talia decreta non dantur, dicemus Deum non cognoscere actus liberos ut sic conditionatè futuros, quia non possunt esse sic conditionatè futuri sine decreto, & hoc est quod in præsentibus defendimus; an vero dentur prædicta decreta circa actus liberos, aut bonos, aut malos, non est necessum in præsentibus definire, cum *Tractat. de Provident.* late de hoc egerimus.

388 Secundò responderi posset, negando minorem. Ad cuius probationem, negari posset maior, etiam attente contrariorum principijs; si enim apud ipsos dari potest prædeterminatio ab intrinseco efficax actus liberi, quæ non prædeterminet voluntatem, quia tantum est intentiva, & non executiva; cur etiam non poterit dari de-

decretum conditionatum purè intentivum, & non executivum, quod proinde per se non prædeterminet voluntatem: Et si plerique contrariorum optimè componunt decretum intentivū absolutum, & efficax cum libertate actus prædefiniti absolutè, cur etiam non poterit componi decretum intentivum conditionatè efficax cum libertate actus prædefiniti conditionatè? Sed hoc decretum sufficiens foret, ut in eo Deus prævideret actum liberum conditionatè futurum: Ergo ad hoc non requiritur decretum libertatè oppositum, sed sufficit decretum compatibile cum libertate. Confirmatur: Decretum conferendi Petro auxilium efficax sub conditione quod audiat concionem, non aufert libertatem Petri, ut omnes fateri tenentur, cum Deus possit sub tali conditione conferre auxilium efficax absque læsione libertatis, alias enim Petrus in ea occasione convertere non posset, & non dico auxilium ab intrinseco efficax, sed auxilium efficax, sive sit ab intrinseco, sive ab extrinseco efficax prout ab omnibus Theologis adpittitur: Sed decretum conferendi auxilium efficax sub prædicta conditione effes connexum cum conversione Petri sub ea conditione, ac proinde esset medium sufficiens, ad cognoscendam conversionem Petri conditionatè futuram: Ergo adhuc ex capite libertatis non repugnat decretum, in quo Deus cognoscat actus liberos conditionatè futuros.

389 Secundo obijcies ex illo Matth. cap. 11. & Luca cap. 10. *Ve tibi Corozaim, & tibi Bethsaida, quia si in Tyro, & Sydone facta fuissent virtutes, quæ in te factæ sunt, olim in cinere, & cilicio paenitentiam egressæ.* Ex quibus verbis sic arguit Deus cognovit conversionem Tyriorum ut infallibiliter futuram sub conditione prædicationis Christi: sed hoc non cognovit in decreto actu existente in Deo: Ergo Deus cognoscit actus liberos conditionatè futuros, & non in decreto. Maiorem supponunt ut certam. Minorem probant, quia in prædictis verbis Deus reprehendit Iudæos comparativè ad Tyrios, eo quod paenitentiam non egerant cum eisdem miraculis, & virtutibus, cum quibus converterentur, & paenitentiam agerent Tyrij: Sed si hoc cognosceret Deus in decreto, quod haberet erga Tyrios sub conditione convertendos, reprehensio comparativa esset iniusta: Ergo hoc non cognovit in decreto subiectivè absoluto. Minor probatur, quia reprehensio, cui potest adhiberi iuxta responsio, est iniusta: Sed Iudæi possent iustissime respondere prædictæ reprehensioni dicentes, ideo Tyrios acturos fuisse paenitentiam, quia Deus ita decreverat, ipsos autem Iudæos non egressæ paenitentiam, quia eis deficiebat prædictum decretum omnino necessarium ad agendam paenitentiam; quæ responsio esset iustissima, si quidem redderet manifestam disparitatem vnius

casus ab alio: Ergo prædicta reprehensio supposita decreto, esset iniusta.

390 Hoc etiam argumentum pertinet ad punctum libertatis, à nobisque latè satisfactum fuit *Traſſat. de Provident. quaest. 18. per totum*, & manifestè instatur in omnium Catholicorum sententia: Etenim omnes fatentur, ad poenitentiam agendam, vltra prædicationem, & miracula requiri gratiam specialem, ita ut quibus Deus vult eam conferre, illi convertantur, & quibus eam negat, illi non convertantur, *quibus enim Deus vult miseretur, & quem vult indurat, & loquitur Apostolus, & ut inquit Augustinus circa textum nobis obiectum, lib. de Bono Perseverant. cap. 14. Audiant hæc, & faciunt, quibus datum est, non autem faciunt, sive audiant, sive non audiant, quibus non datum est: hoc igitur suppositum* quoque à Deo reprehensus comparatione alterius poenitentis, eo quod ipse in similibus circumstantiis non ageret poenitentiam, posset similiter respondere Deo, ideo ille poenitet, quia ei datum est, ideo ego non poeniteo, quia nihil datum non est; ideo ille, quia à te accepit gratiam specialem, & efficacem; ideo ego non, quia mihi talis gratia collata non est. Ipsique Iudæi, ad huc in principiis contrariorum, respondere possent: Si Tyrij, & Sydoni convertendi erant visis miraculis Christi, ideo fuit, quia accepturi erant à te auxilium, quod prævideras efficax ipsis convertendis; cum autem innumera prævideas auxilia, quibus nos etiam ad poenitentiam inclinare posses cum efficacia, & nullum eorum nobis contuleris, sed tantum ea, quibus nos prævidisti refuturos, quod nos reprehendis, si non convertimur? certe, si simili modo cum Tyrijs ageret tua providentia, nec illi converterentur.

391 Quapropter omnes tenentur prædicto satisfacere argumento, asserendo nimirum, reprehensionem Dei tantum attendere ad statum nostræ libertatis, & ad nostram determinationem, non autem ad sua decreta, vel gratiam specialem, & indebitam; dum enim Deus nos reprehendit, aut iudicat, respicit nos intra nostrum ordinem causarum secundarum, & nos iudicat ex nostris, & attendendo præcisè ad nostram posse, & ad nostrum agere; & ideo nos iuste respondere non possumus recurriendo ad sua decreta, & occulta indicia, sed tantum attendere debemus ad facultatem, quam habuimus, occasiones, & consilia, quæ nobis proposita fuerunt, & exhortamenta, quæ omnia habere posse, & ingerunt obligationem, fundantque inevitabilitatem; quod si in his duo supponantur æquales, & vnus convertatur ad poenitentiam, alius vero secus, iustissimè à Deo reprehendi poterit in comparatione illius, nec ipse poterit aliquid, nisi temerariè respondere. Sed de hoc iam vbi supra.

392 Nunc autem, ad argumentum factum  
X  
bre.

breviter respondeo, distinguendo maiorem: Deus cognovit conversionem Tyreorum infallibiliter sub conditione futuram prout inferebatur ex statu absoluto, quem habuerunt, concedo maiorem: Aliter, nego maiorem, & minorem. Ad cuius probationem, nego minorem. Ad cuius probationem, nego etiam minorem. Itaque, assero Christum Dominum, dum reprehendit Iudæos comparatione Tyriorum, quos asserit auctores fuisse penitentiam sub conditione predicationis, & miraculorum suorum, id prædicare ex statu absoluto, quem habuerunt Tyrii, præ Iudæis: prævidebat enim Christus Dominus Tyrios non adeo invidiosos, ac superbos existisse, non adeo ambitiosos, ac rerum terrenarum cupidos, nec adeo proprii iudicii tenaces, & cervicofosos, ac corde obduratos, ac erant Iudæi, sed potius habuisse corda moliora, & affectum valde melius dispositum, quam Iudæi, adeo, ut si apud eos ea fierent miracula, & illam predicationem tot signis attestatam viderent, non resisterent; nam ut ait Div. August. de Don. Perseverant. cap. 14. *Non erant ergo sic excacati, & sic induratum cor Tyriorum, & Sydoniorum, quantum credidissent, si qualia viderunt isti, signa viderent.* Prævidebat enim Deus eos non habuisse malitiam, quæ sufficeret ad resistendum, & ex hoc asserere eos auctores penitentiam, si talia viderent, & audirent, & ex hoc arguebat Iudæos, quod maioribus beneficiis obstricti, duriora corda habebant, magisque superbiam, ambitionem, & cupiditatem sequebantur, quam ipsi Tyrii Gentiles, propter quam excacati, & obdurati, ad penitentiam converti nolabant.

393 Ex quo inferes, contrarios ex hac reprehensione comparativa inepte probare suam scientiam mediam; quia per scientiam mediam non prædicantur auctores liberi prout inferuntur ex statu absoluto, sed vnicè ut forent in se ipsis immediate: Deus autem, Deum Iudæos corripit, & arguit de duritia, quam de facto, & absolute habebant, non desumit argumentum immediate ex penitentia conditionata, quam agerent Tyrii sumpta in se ipsa, quia ad hoc possent respondere Iudæi, se etiam auctores penitentiam sub alijs occasionibus. Itemque quia, sicut auctores purè conditionati in se ipsis non sunt motiva actualis laudabilitatis, aut vituperij, ita repugnat illis de summi motivum iustæ reprehensionis; reprehensio enim facta ex comparatione Tyriorum fundari non poterat nisi in eo quod Tyrii aliquantulum meliores fuerunt, quam Iudæi, aut minus mali; hoc autem salvari non potest per penitentiam purè conditionatam prædicando ab statu absoluto; quia per illam nec fuerunt meliores, nec minus mali. Vnde patet, prædictam reprehensionem desumptam esse ex statu absoluto, quem meliorem prævidebat Christus in Tyrijs, quam in Iudæis; ideoque

eos reprehendit. Vnde scientia, quam supponit Christus, & qua utitur in prædicta reprehensione, non respicit immediatè penitentiam conditionatam in se ipsa, ac per consequens non est scientia media; sed solùm penitentiam, quatenus inferretur ex statu absoluto, five ex dispositione, quam habuerunt absolute Tyrii, quæ non est scientia media, sed libera, cum fundetur in decreto, quo Deus talem dispositionem, & statum absolutum contulit Tyrijs.

394 Sed obijciēs contra hæc, quia status absolutus, quem habuerunt Tyrii, fuit purè naturalis: Sed ex statu purè naturali, non potest inferri, quod crederent predicationi Christi, & penitentiam agerent, visis miraculis: Ergo falsò id supponimus in solutione. Minor probatur, quia Fides adhibita predicationi Christi esset supernaturalis: Sed ex statu purè naturali non potest inferri aliquid ordinis supernaturalis, & gratiæ: Ergo o. Confirmabis, quia, adhuc supposito statu, quem in ordine naturæ habuerunt Tyrii, si eis prædicasset Christus, possent non credere: Ergo ex eo statu, non inferebatur, quod crederent. Respondeo, concessa maiori, negando minorem. Ad cuius probationem, concessa maiori, distinguo minorem: Ex aliquo purè naturali nequit inferri absolute aliquid ordinis supernaturalis, concedo minorem: Sub conditione supernaturali, nego minorem, & consequentiam, quia nos non dicimus, quod ex statu naturali, quem habuerunt Tyrii, inferebatur absolute Fides adhibenda Christo, sed sub conditione quod Christus prædicasset eis, & habuissent auxilium sufficiens supernaturale ad credendum, quod habuerunt Iudæi; quod optime potest inferri ex statu purè naturali, quia inferre dependet à conditione supernaturali. Ad confirmationem distinguo antecedens: Possent non credere, potentia antecedenti, & absolute loquendo, concedo: Consequenter, & ex suppositione, nego; quia ex suppositione quod illi liberè essent in illo statu disposito ad credendum, non possent non credere factis miraculis, cæterum hæc impotentia non esset antecedens, sed consequens illum statum bene dispositum, in quo liberè constituti essent.

395 Sed dices, ex hoc sequi, posse dari dispositionem purè naturalem ad gratiam, & ad auctores supernaturales iuvantem. Respondeo, hanc esse dispositionem purè negativam per modum remotionis prohibens, quatenus illa dispositio naturalis removel nimium affectum ad res terrenas, & alia impedimenta, quæ possent obesse gratiæ, quibus remotis, gratia infallibiliter suum consequeretur effectum; quam dispositionem negativam tractatu de gratia, & auxilijs explicabimus, eamque admittit D. August. lib. de bono perseverantia, cap. 14. dicens: *Ex quo patet, habere quosdam in ipso ingenio divinum*



*natur. aliter minus intelligentia, quo moveantur ad fidem, si congrua suis mentibus, vel audiant verba, vel signa conspiciant.*

396 Dices secundò, ex hoc etiam sequi, aliqua auxilia, quæ ex se sunt tantum sufficientia, & indifferentia, esse respectivè efficacia, respectu scilicet status naturalis præsuppositi, quia miracula, & prædicatio Christi esse solum erant absolute sufficientia, respectu vero Tyrriorum, attento eorum statu, essent efficacia, quia cum eis infallibiliter convertereantur. Respondeo, quod essent efficacia negativè, quatenus defectu resistentiæ haberent connexionem cum actu, non tamen efficacia positivè, nisi dependenter à decreto divino prædeterminante; prout, Deo dante, tractatu de auxilijs explicabimus; hoc autem non esse absurdum, ibidem patebit.

397 Tertiò obijcies pluribus locis, tam Augustini, quam aliorum Patrum, in quibus sæpissime asserunt, Deum vocare hominem, quomodo scit ei congruere, vt vocantem non respuat. Respondeo, PP. ita asserentes, loquutos fuisse de divina providentia, quatenus attendit ad statum antecedentem hominis, quem vocare potest; cum enim Deus prævideat, & perfectissimè caleat affectiones occultas cordis, & in quam partem homo ipse inclinatus est, ex inde agnoscit modum congruentem, quo hominem vocare potest, vt consentiat, live vt non resistat, quæ scientia nullatenus est media, cum fundetur, & attendat ad statum absolutum dispositionemque præsentem hominis, vnde non est necessarius recursus ad scientiam mediam, imò nec ad decretum per se primò conditionatum, sed ad decretum de statu absoluto, ex quo inferitur consensus, qui foret. Sed hoc argumenti iam latè solvimus tract. de Provid. quaest. 5.

398 Obijcies quartò ex RR. Tyrso; quia Deus est metaphysicè necessitatus ad cognoscendum, quid eveniret sub quacumque hypotesi possibili: Sed non est necessitatus ad decernendum eventum sub quacumque hypotesi possibili: Ergo potest scire quid eveniret sub quacumque hypotesi possibili absque decreto, & consequenter, per scientiam mediam. Sed hoc argumentum iam solutum fuit artic. præcedent. distinguo ergo maiorem: Est necessitatus ad sciendum quid eveniret, vel affirmando aliquem eventum determinatè, vel negando omnem eventum vt determinatè futurum, concedo maiorem: Affirmando præcisè, nego maiorem; quia, vt constat ex dictis, circa ea conditionata, circa quæ Deus nullum habet decretum, Deus scit quid eveniret sub illa hypotesi, quatenus scit nihil esse determinatè futurum sub ea, sed tantum vagè, & disiunctim, vnum; vel aliud, ad quod non requiritur decretum, sed sufficit omisio decreti.

399 Quintò arguit Tyrso, quia Deus ne-

cessariò, antepositionem cuiuslibet hypotesis, debet præscire eventum futurum sub illa: Sed non debet, imò nec potest decernere conditionatè talem eventum antepositionem conditionis: Ergo iam pro illo priori dabitur scientia media. Respond. distinguendo maiorem: Eo modo, quo fuerit futurus, concedo: Alio modo, nego maiorem, & minorem quoad secundam partem, cum consequentia; itaque Deus, antepositionem conditionis, debet scire eventum tñe futurum eo modo, quo ante talem conditionem supponitur futurus, vnde si antepositionem conditionis solum sit futurus coniecturaliter, illum debet cognoscere, vt sic futurum, ad quod non requiritur decretum; si vero antepositionem conditionis sit futurum infallibiliter, debet illum cognoscere vt infallibiliter futurum; ad hoc autem necessariò prærequiritur aliquod decretum præcedens, sive formaliter, sive virtualiter conditionatum, ratione cuius conditio habeat infallibilem connexionem cum conditionato, quia aliter non salvetur infallibilis futuritio: Hoc autem decretum in nostris principijs, quamvis non sit necessarium, est tamen possibile, vt ad finem articuli præcedentis probabimus, & aliquando admittendum de facto iuxta ordinem divinæ providentiæ, sicuti de facto Deus sæpè promittit conditionatè plura, & postea ponit conditionem ipse ex sua providentia.

400 Sextò arguit Tyrso, quia scientia Dei, modusque cognoscendi futura conditionata est valde mirabilis, & superans humanum caput; vnde inquitur David: *Mirabili facta est scientia tua ex me, confortata est, & non potero ad eam*: Sed si Deus cognosceret actus liberos conditionatè futuros in decreto suæ voluntatis, nõ esset mirabilis modus cognoscendi prædicta futura: Ergo non in decreto, sed per scientiam mediam ea cognoscit. Minorem probat, quia nec mirum est, quod Deus cognoscat suum decretum, cum quisque mortalium pariter cognoscat suas determinationes; nec est mirum, quod ex hac suppositione cognoscat extirpationem esse actum prædefinitum, cum nullus sit intellectus, qui nescire possit ex Dei omnipotentis prædefinitione necessariò sequi eventum prædefinitum infallibiliter, futurum: Ergo modus cognoscendi in decreto non est mirabilis. Confirmat hoc ex Bellarmino in opuscul. de Ascensione munitis in Deum, gradu 12. ita dicente: Sed si ita esset (inquit) non esset mirabilis scientia ista, nam & nos possumus scire, quæ facturi sumus, vel quæ nobis præsentia sunt. Scriptura vero dicit, Deum scrutari renes, & corda, atque ibi videre quid homo cupiat, vel cogitet, aut quid postea cupiet, & cogitabit, hoc vero est prorsus mirabile, quomodo Deus scrutando renes, & corda videat, quod ibi nondum est, & quod ex libertate voluntatis pender, an aliquando erit; igitur sicut ad altitudinem potentie Dei pertinet

vt

vt ex nihilo faciat aliquid, & vocat ea, quæ non sunt, sicut ea, quæ sunt; ita ad profunditatem sapientie Dei pertinet vt scrutando renes, & cõcorda, videat quod ibi nondum est, ac si iam esset.

401 Respondeo, negando minorem. Ad cuius probationem, distinguo antecedens: Nec mirum est, quod Deus cognoscat suum decretum, supposito decreto, concedo: Nec est hoc mirum, nec, quod Deus pro suo supremo dominio possit decernere actum voluntatis, eamque quocumque voluerit inclinare, ita vt nihil in ea contingere possit absque divina dispositione, & scientia practica ordinante, nego minorem, & consequentiam. Itaque modus cognoscendi in decreto occultas cordium cogitationes, valde mirabilis est, adeoque mirabilis, vt contrarijs incredibilis sit; cur (interrogo) contrarijs incredibilis appareat non certè, quia iudicent, Deum, supposito decreto, illud non posse cognoscere, nec connexionem infallibilem eius cum obiecto decretato, hoc enim ipsi non negant; sed quia iudicant impossibile, Deum quolibet hominum voluntarias determinaciones prædefinire, ita vt nihil possit evenire, ipso non prædeterminante: Si ergo propter hanc rationem contrarijs appareat incredibilis modus cognoscendi per decretum, quid mirum à nobis dicatur maxime mirabilis. Itaque tota admiratio divinæ scientiæ fundatur in eo, in quo fundatur ea scientia; nimirum in supremo eius dominio, & causalitate, quæ omnes animi motus causat, regit, & prædefinit, aut permittit, quin aliquid in voluntate præter eius dispositionem, aut liberam permissionem contingere possit; ideoque nihil ei occultum esse potest in corde hominis, quia nihil subterfugere potest eius dominii, aut causalitatem, & in hoc stat maxima perfectio, & profunditas scientiæ Dei supræ omnem scientiam creatam, tam hominum, quam Angelorum: Et quia nemo potest scire aut penetrare modum illum occultissimum, quo divina providentia, eiusque dominium, & efficacia oculos animi motus causat, determinat, & inclinât, absque libertatis læsione, ideo pariter nemo agnoscere potest modum illum, quo Deus prævidet infallibiliter tales animi motus, vt futuros absque læsione libertatis.

402 Nec confirmatio ex Bellarmino vrgetur, licet enim Bellarminus eo in loco nobis contrarijs appareat, ex textu illo, in quo dicitur, quod Deus scrutatur renes, & cõcorda, nihil probatur, quia Deus scrutatur renes, & cõcorda, non id facit, tanquam ex alieno opere disquirens, & investigas, quid erit; vt enim supræ probabimus ex Dionisio, Deus ex his, quæ sunt, nihil discit, sed omnia cognoscit ex se ipso, & in se ipso: Solum ergo Deus scrutatur corda hominum, tanquam opus proprium à se dispositum, & sigillatum pro suo libero dominio ad id, quod ipse vult. Vnde David pro-

bans, mirèque explicans scientiam Dei, Psalm. 32. sic inquit: *De Cælo respexit Dominus, vidit omnes filios hominum; de preparato habitaculo suo respexit super omnes, qui habitant terram. Iam finxit singillatim corda eorum, qui intelligit omnia opera eorum.* Ecce vbi Regius Plates prius ponit, quod Deus singillatim finxit corda hominum, sive eorum voluntates, & exinde infert, Deum cognoscere, ac intelligere opera eorum, intellige, tam interna, quam externa, tam presentia, quam futura.

403 Et quidem D. Thom. quotiescumque probat differentiam Dei, & Angeli in cognoscendas occultas cordium cogitationes, eo id probat, quia Deus habet supremam causalitatem supræ animi motus, & connexionem fixam cum illis, secus autem Angelus. Vnde quæst. 8. de Veritat. art. 13. in corpor. sic inquit: *Motus autem voluntatis non habet dependentiam, nec connexionem ad aliquam causam naturalem, sed solum ad causam divinam, quæ in voluntate sola imprimere potest: Vnde motus voluntatis, & cordis cogitatio non potest cognosci in aliquibus similitudinibus rerum naturalium, sed solum in essentia divina, quæ in voluntate imprimi.* Ecce vbi non aliter ait, posse cognosci (seclusa revelatione) occultas cordium cogitationes, nisi in essentia divinâ, & hoc quid essentia divina in voluntatem imprimit, sive causas ipsas occultas cordium cogitationes, & animi motus. Legatur sanè totus ille articulus, præcipue in corpore, inde enim aperte deducitur, tum Sanctum Doctorem docuisse, Deum prædeterminare voluntatis motus; tum radicè divinæ scientiæ circa actus liberos esse efficaciam suæ causalitatis, quod apud contrarios sublimari non posse patet, quia apud ipsos causalitas Dei in actus liberos offertur à Deo purè indifferenter, & quantum est ex Deo tantum est indifferens eius influxus: Ex influxu autem, & causalitate indifferenti, nequit actus liber determinatus, & in particulari cognoscitur, vt ibidem etiam probat D. Thom. ac proinde quamvis Cardinalis Bellarminus oppositum tradat modum cognoscendi prædictas cogitationes in Deo: Nos tamen malumus sentire cum Angelico Præceptore Ecclesiæ luminari, quam cum Bellarmino, quantumvis Illustri Theologo.

404 Quia tamen contrarijs hanc obtrulit occasionem, placet ex præcedenti doctrina D. Thom. quam sæpissime tradit, agens de cognitione Angelorum, postulat sententiam confirmare. Sed prius audiamus ipsum quæst. 14. de Malo, art. 8. in corp. *Motus (inquit) voluntatis humana dependet ex summo ordine rerum, qui est summus bonum; quod etiam secundum Platonem, & Aristot. ponitur altissima causa; voluntas enim non est alicuius boni particularis, vt proprii obiecti, sed boni universalis, cuius radix est summum bonum. Id autem quod cadit sub ordine superioris causæ, nō*

potest cognoscere inferior causa, sed solum superior causa movens, & ille, qui movetur; sicut si aliquis civis est sub preposito tanquam sub inferiori causa, & sub Rege tanquam sub supremo, non poterit prepositus cognoscere circa civem, si quid immediate Rex circa ipsum ordinaverit: sed hoc fiet solum Rex, & civis, qui movetur secundum ordinem Regis. Unde cum voluntas interior non possit ab alio, nisi a Deo moveri, cuius ordini immediate subest motus voluntatis, & per consequens voluntaria cogitationes, non potest cognosci neque a hominibus, neque a quocunque alio, nisi ab ipso Deo, & ab homine volente, & cogitante. Hæc D. Thom. in quibus iam vides, quam clare, ac perspicue docet, totam rationem, quare motus voluntatis subest cognitioni divinæ, esse, quia subsunt eius suprenio dominio immediate ordinate, & movente, & causante ipsos voluntatis motus: Sed totum hoc falsum est in contrarium principijs, tam quia Deus non immediate movet, nec ordinat motus voluntatis, sed tantum medijs auxilijs constituentibus potestatem, nec habet sub suo dominio immediato actus voluntatis humanæ, sed tantum mediatè, quatenus potest conferre hanc, vel illam libertatem. Tum etiam, quia tota causalitas ex parte Dei est omnino indifferens ad utrumlibet, ideoque nequit esse ratio cognoscendi motum determinatum voluntatis in particulari, ut ex se patet: Ergo sententia contraria apertè contradicit D. Thom.

405 Confirmatur: Apud contrarios, ita Deus cognoscit actus liberos in voluntate futuros, ut illos immediate in se ipsis intueatur, & non in aliquo medio immediate influente, aut causante illos, unde tota ratio obiectiva cognoscibilitatis est tantum, quia sunt in se ipsis, & quia voluntas ita se determinat, vel se determinaret, nullo facto recurso ad divinum dominium, aut eius causalitatem: Sed contrarium apertè tradit D. Thom. locis citatis, quia semper recurrit ad supremum Dei dominium, cuius ordini immediate subsunt motus voluntatis, & à quo immediate movetur voluntas, & quia in eam solus ipse imprimit: Ergo sententia contrariorum apertè contradicit Div. Thom. Nec vilius est momenti dicere, D. Thom. loqui de actibus voluntatis in statu absoluto; quia videlicet, si semel supponatur Deum in statu absoluto immediate determinare, & ordinare actus voluntatis, ita ut in hac determinatione, & ordinatione immediata cognoscatur actus liberos, quos determinat; apertè sequitur, quod nec in statu conditionato poterit aliquis actus liber prævideri conditionatè futurus, nisi ex ordinatione divina, & in decreto illum ordinante, & determinante immediate; cum ab eisdem causis dependeat actus liber in statu conditionato conditionatè, à quibus dependet in statu absoluto absolutè. Tum etiam quia ratio D. Thom. eque probat de acti-

bus liberis in statu conditionato, ac de illis in statu absoluto. Tum denique, quia fautores scientiæ mediæ etiam in statu absoluto negant causalitatem, ordinem, aut motionem immediatam Dei circa actus liberos, ratione cuius Deus possit cognoscere illos: licet enim admittant decretum prædeterminatum antecedens collationem auxilij, & proximæ potestatis, supposita tamen potestate proxima, nullum decretum, aut motionem admittunt determinatè connexam cum vno extremo libertatis, nec in principijs scientiæ mediæ admittunt potestatem: Sed D. Thom. apertè loquitur de ordinatione, & motione divina, cui immediate subsunt actus liberei, ait enim, quod voluntas non potest interiorius ab alio, quam a Deo moveri, cuius ordini immediate subest motus voluntatis: Ergo. Urgetur; quia D. Thom. prædictam doctrinam tradit reddens disparitatem, quare nec Angelus possit cognoscere motus voluntatis immediate: Sed hæc disparitas non salvatur, si loquatur de motione solum indifferenti, & ex parte actus primi inclinante; quia etiam demon potest movere voluntatem ex parte actus primi hoc modo: Ergo loquitur de motione in actu secundo prædeterminante, & connexa cum actu voluntatis.

406 Ex dictis colliges, quam absque fundamento RR. Tyrso asserat, nos valde deprimere vim intelligendi divinæ mentis, eoque vero, scilicet scientiæ mediæ fautores, dignè de ea sentire; etenim, ut supra vidimus agentes de obiecto motivo, & determinativo scientiæ mediæ, per illam Deus ex creaturis discit, quid erit, & non ex se ipso; per illam demittitur ad creaturas, ut sciat ex eis quid facerent, vel non facerent, non autem hoc potest cognoscere ex se ipso, nec intra se habet principium obiectivum, unde id discere possit, quod apertè est contra perfectionem scientiæ Dei, prout traditur à Dionisio altissimo sapientiz Dei contemplatore. Videantur à nobis dicta supra. Nos autem econtra faciemus, Deum de excelso sancto suo, id est de se ipso, in se ipso, & ex se ipso omnia cognoscere, nihilque omnino contingere posse, nisi ab eius summa sapientia dispositum, & ordinatum, ac proinde ex ipsa sua ordinatione, & dispositione cum omni moda infallibilitate cognoscere, quid eveniat, vel non eveniat in quacunque hypotesi, vel occasione, iuxta id, quod ipse oculatissimo suo consilio determinavit, ac ordinavit, quod sanè est magis altè sentire de scientia Dei; cum eius principium, unde omnia cognoscit, ita altissimum agnoscamus, nimirum ipsummet Deum omnia ordinantem, & causantem, econtra vero scientiæ mediæ Authores, ut dictum est.

## CONCLUSIO QUÆSTIONIS.

407 **E**X dictis iam concluditur manifestè, non dari scientiam mediā, nec inter liberam, & necessariam, nec inter simplicis intelligentiæ, & visionis. Non inter liberam, & necessariam, quia scientia conditionatorum contingentium est scientia libera in Deo, cum innixa sit decreto exercitiæ existente in ipso, non minus, quam scientia de futuris absolutis, nec admittenda sit scientia in Deo, quæ innixa sit determinationi voluntatis creatæ in se ipsa, & ab illa determinata obiectivè, quæ Deo non sit libera, sed soli voluntati creatæ in statu conditionato, quod totum ex dictis constat: Non ergo datur in Deo scientia conditionatorum contingentium, quæ nec sit libera, nec necessaria, & consequenter nec media inter utramque.

408 Deinde nec media inter scientiam simplicis intelligentiæ, & visionis; quia Deus incontingentibus conditionatis solum cognoscit, & quod habent essentialiter, & quidditative essentialitiam suam, & hoc per scientiam simplicis intelligentiæ; & futuritionem contingentem illotum, & hanc per scientiam visionis, quia licet eventus ipse, qui dicitur conditionatè futurus, non existat absolute in rerum natura, sed solum sit futurus sub conditione, tamen ipsa futuritio conditionata, ipsaque conditionalitas consistens in conexione accidentali conditionis cum conditionato, non est conditionatè futura, sed de facto existens, quia futuritio conditionata, ut sæpe diximus, non foret, nec existeret, si poneretur conditio, sed modo est, & datur antequam ponatur conditio: Sed quidquid est de facto existens cognoscitur à Deo scientia visionis: Ergo futuritio conditionata cognoscitur à Deo per scientiam visionis: Non ergo per scientiam mediā inter scientiam visionis, & simplicis intelligentiæ. Videantur dicta *Disput. præced. quest. ultim. à num. 11*. Si vero importunè dicas, quod ultra futuritionem conditionatam extrinsecam eventus, quæ de facto datur, seu consistit in determinatione causæ, Deus cognoscit, quod ex illa inferitur, nempe quod ipse eventus esset intrinsecè in se ipso, si poneretur conditio: Hoc autem cognoscere nequit per scientiam visionis, quia non datur de facto, sed daretur. Respondetur, quod ipsum *esse*, datur de facto, licet

non datur de facto esse intrinsecum eventus, quo esset; quia ipsum *esse* significat ordinem præteritæ causæ ad esse intrinsecum eventus, quod haberet, si poneretur conditio; & licet esse quod tunc haberet, foret intrinsecum, *esset* tamen quod modo datur, est extrinsecum, & in causa tantum, non autem intrinsecum ipsi eventui, nisi solum terminativè, & ex parte obliqui, seu connotati, quatenus connotat esse intrinsecum, quod haberet.

409 Sed rursus dices: Ergo illud esse intrinsecum, quod haberet eventus, non cognoscitur scientia visionis: Quia ergo scientia cognoscitur? Secundo, nam si illud *esse* datur de facto, & est extrinsecum, & in causa tantum, dicendum foret, quod eventus *esset extrinsecè, & in causa*, non autem quod esset intrinsecè, & in se ipso: Sed hoc est falsum: Ergo. Respondetur ad primū, quod illud esse intrinsecum, quod haberet, si summatur secundum se, & in se, intrinsecè est merè possibile, & sic cognoscitur scientia simplicis intelligentiæ. Si autem consideretur, ut foret, si ve futurum conditionatè, sive ut stat de præsentī sub modo futuritionis conditionatæ, cognoscitur scientia visionis, quia talis modus futuritionis conditionatæ datur de præsentī, & absolute existit in causa: Concluso autem modo futuritionis conditionatæ, & possibilitate intrinsecæ, aut quidditate ipsius esse, nihil restat cognoscibile medium inter existens, & possibile ex parte obiecti.

410 Ad secundum dico, quod cum quis dicit, *eventus esset*, futuritio significatur exercitiæ, & sine categorematicè, ut modus exercitus sub quo chunciatu signatè ipsum esse, quod haberet eventus; unde licet modus futuritionis, sub quo enunciatu sit extrinsecus, quia tamen prædicatū signatè enunciatu esset intrinsecum, ideo dicendum est, quod *esset intrinsecè in se ipso*, & non quod *esset extrinsecè, & in causa*, quia esse quod enunciatu sub modo præsentī futuritionis non est esse extrinsecum, sed esse intrinsecum, licet enuncietur ut exercitiæ stans sub modo præsentī futuritionis ipsi extrinsecò. Vide supra à *num. 156. & in Metaph. quest. 9. à num. 30. & quest. 10. à num. 25*. Ex quibus concluditur, quam vera, & tenenda sit sententia, quam tenuimus *Disput. præcedent. quest. ultim. à num. 5. & hæc*

sufficiunt de scientia futurorum.



# DISPUTATIO SEXTA, DE VOLVNTATE DEI.

**R**ECTVS iam postulat ordo, vt post duas de scientia Dei disputationes, de divina voluntate tractemus, circa quam sanè non leuiiores, sed forsam graviorcs, & difficiliorec occurrunt inter Theologos controversiæ. Nihilominus, quia ex dictis Tractat. de Provident. & in præcedentibus maior difficultatum pars victa supponitur, ea propter in pluribus calamum stringemus. Sit ergo.

## QVÆSTIO I

*AN DETVR IN DEO VOLVNTAS,*

*& an ex intellectu rectè demonstratur  
à D. Thom.*

**I**co primò: *Datur in Deo voluntas propriè, & hoc est fide certum, & ratione naturali demonstrabile.* Primum patet ex pluribus testimonijs Sacre Paginæ, quibus simpliciter attribuitur Deo voluntas, vt Psalm. 103. *Omnia quacumque voluit facit.* Machabeorum 3. *Sicut fuerit voluntas in Cælo, sic fiat.* Ad Roman. 12. *Vt probetis, quia sit voluntas Dei.* Matth. 6. *Fiat voluntas tua.* Apocalypsis: *Propter voluntatem tuam erant, & creata sunt, & alia innumera, quæ pæssim occurrunt in Sacro Textu.* Patet etiam ex pluribus Concilij, in quibus definitur contra Monotelitas, in Christo esse duas voluntates, vnam humanam propriam naturæ humanæ, aliam divinam propriam naturæ divinæ; itemque ex Catholico dogmate, quo credimus Spiritum Sanctum procedere per voluntatem. Quæ omnia SS. PP. & Scholastici omnes semper intellexerunt de voluntate propriè sumpta, non in sensu improprio, nec metaphorico: Tenendum ergo est tanquam fide certum, dari in Deo voluntatem propriè sumptam.

2. Secundum etiam non minus certum apparet, nam plures sunt demonstrationes naturales huius veritatis, quarum aliquas exponit Div. Thom. 1. *contr. Gent. cap. 71.* earum prima est: Omne intelligens bonum, est volens, id est, volitivum; quia bonum intellectum est proprium obiectum voluntatis: Sed Deus est intelligens, non solum ens, sed bonum, cum sit perfectissimè intelligens, & consequenter non possit sistere in sola ratione entis, sed necessariò etiam cognoscat eius bonitatem: Ergo est volens, seu habet voluntatem. Secunda, quia Deus est perfectissimus agens, & operans: Ergo habet perfectissimam rationem, & modum agendi, & operandi.

Sed ratio, & modus agendi, & operandi per voluntatem perfectior est, quam modus, & ratio agendi per naturam tantum, quia modus agendi per naturam tantum est sine dominio, modus agendi per voluntatem est cum dominio; qui agit per naturam tantum non se ipsum dirigit in finem, sed ab alio dirigitur sicut sagitta à Sagittario, agens vero per voluntatem se ipsum in finem dirigit; & evidenter hic secundus modus agendi est perfectior, quam primus: Ergo Deus agit per intellectum, & voluntatem: Ergo in eo datur voluntas. Tertia, quia omnis perfectio simpliciter simplex, hoc est, quæ ex suo conceptu non dicit imperfectionem, seu quæ in vno quoque melior est ipsa, quam non ipsa, datur in Deo: Sed voluntas est huiusmodi, nam ex conceptu positivo voluntatis nullam importat imperfectionem, vt ex dicendis patebit, & melior est ipsa, quam non ipsa: Ergo in Deo datur.

3. Quarta, & præcipua est; quia voluntas sequitur ad intellectum: Sed in Deo datur intellectus: Ergo in eo datur voluntas. Maiorem probat D. Thom. in hac 1. part. quæst. 19. artic. 1. in corpore. sic: *Sicut enim res naturalis habet esse in actu per suam formam, nempe naturalem, ita intellectus intelligens est in actu per suam formam intelligibilem:* Sed ad formam naturalem sequitur appetitus naturalis, quia quilibet res ad suam formam naturalem hanc habet habitudinem, vt cum non habet ipsam, tendat in eam, & cum habet ipsam, quiescat in ea, & idem est de quolibet perfectione naturali, quæ est bonum natura; quæ quidem habitudo ad bonum in rebus carentibus cognitione vocatur appetitus naturalis: Ergo pariter ad formam intelligibilem sequitur appetitus intellectivus, ita quod ad bonum apprehensum per formam intelligibilem similem habeat habitudinem, vt scilicet, cum habet ipsum, quiescat in ipso; cum vero non habet, querat ipsum, & utrumque pertinet ad voluntatem: Ergo in quolibet habente intellectum est voluntas, sicut in quolibet habente sensum est appetitus.

*tus sensitivus: Ergo in Deo est voluntas, sicut in eo est intellectus.*

Circa hanc D. Tho. rationem dissident RR. aliqui enim ex Iesuitis, tenent eam non esse demonstrationem, sed merā congruentiam. E contra vero omnes Thomistę, & ex Iesuitis plures tenent esse veram demonstrationem. Item ex Iesuitis plures censent, non volitivam; e contra vero Thomistę censent talem naturam potius repugnare. Igitur.

4 Dico secundò: *Prædicta ratio D. Tho. est vera demonstratio.* Probatur explicando, seu formando rationem D. Tho. Etenim appetitus est duplex, unus innatus, alius elicited. Innatus est inclinatio, & propensio in bonū incognitum ab ipso appetente, ut appetitus materię ad formam, & lapidis ad centrum. Appetitus elicited, est qui sequitur ad cognitionem, seu ad bonum cognitum, seu ad formam apprehensam, qualem D. Tho. appellat bonū cognitum; siquidē sicut materia, aut subiectum informatur naturaliter per formā, aut formas naturales, ita subiectū cognoscitivum informatur intentionaliter per obiecta apprehensa, & ideo hæc obiecta vocatur forme apprehensę. Cæterum quia cognitio, seu apprehensio est duplex; una sensitiva, alia intellectiva, seu rationalis, ideo etiam distinguendus est duplex appetitus elicited; nempe sensitivus, qui sequitur ad cognitionē sensitivam boni, seu ad bonum sensitivē cognitum, & apprehensum, seu ad formā apprehensam apprehensione sensitiva; & appetitus intellectivus, seu rationalis, qui nempe sequitur ad cognitionem intellectivam, seu rationalem boni, sive ad bonum, vel formā apprehensam cognitione intellectiva, seu rationali; & hic appetitus vocatur voluntas apud omnes Philosophos, siquidem voluntas definitur *appetitus boni cum ratione seu ratione regulatur*. Sed in Deo est perfectissimē cognitio intellectiva boni, seu bonum perfectissimē cognitū, seu forma perfectissimē per intellectum apprehensa, & hoc evidenter inferitur ex quo habet perfectissimū intellectum, seu quia est perfectissimum intelligens: Ergo in eo est perfectissimus appetitus elicited, non sensitivus, sed intellectivus, & rationalis: Ergo & perfectissima voluntas.

5 Vel aliter: Omne subiectum, vel suppositum habet talem proportionem ad suam formam, bonum, & perfectionem illi convenientem, ut ea ratione, & modo, quo est bonum suum, & perfectio, aut forma eius, in illam inclinatur, vel quiescendo in ea, si eam possidet, vel querendo eam, si sibi deficit: Sed respectu Dei ut se ipsam perfectissimē intelligentis in ea essentia, aut summa bonitas est sua forma, perfectio, & bonum sibi summē conveniens, non tantum modo naturali, sed modo intentionali, eamque habet, & possidet perfectissimē non solum modo naturali, sed modo intentionali, & intellectivo, quia est summē intelligens se ip-

sum: Ergo in illam inclinatur, quiescendo in illa, non solum modo naturali, sed modo intellectivo: Sed appetitus, & inclinatio in formam intellectivā, seu perfectionem, aut bonum intellectum, quiescens in ipso, aut in ipsa modo intellectivo, essentialiter est voluntas: Ergo in Deo datur voluntas. Maior probatur, quia quodlibet subiectum ad suam formam naturalem hanc habet habitudinem, ut quando non habet ipsam, tendat in eam, & quando habet ipsam, quiescat in ea, non sane alia ratione, nisi quia est sua forma, sua perfectio, suūque bonum naturale, seu modus naturalis: Ergo universaliter verum est, quod omne subiectum habet talem proportionem ad suam formam, bonum, aut perfectionem sibi convenientem, ut ea ratione, & modo, quo est forma, perfectio, aut bonum suum sibi conveniens, in illam inclinatur, vel quiescendo in ea, si illam habet; vel querendo eam, si ea caret.

6 Dices cum M. Herreta Complutensi, quod inter appetitum, & bonū intellectum, non requiritur talis proportio, quod si bonum est intellectum, appetitus de necessitate sit elicited, aut intellectivus, aut excedens limites appetitus innati; sed solum, quod intra limites appetitus innati, sit appetitus de illo bono prout ab alijs distincto: nec alia proportio requiritur, nisi solum congruentia, quod proportionetur cum bono ut ab alijs bonis distincto: Sed hoc implicat evidenter intra limites appetitus innati: Ergo implicat in terminis, dum inquis, sufficere, quod proportionetur cum bono ut ab alijs bonis distincto intra limites appetitus innati. Probo minorem; quia bonum physicum, & naturale, & bonum intellectum, seu apprehensum distinguuntur formaliter in ratione boni: Sed sistendo intra limites appetitus innati non potest appetitus proportionari cum bono intellecto ut distincto formaliter à bono naturali, quia implicat manifestam contradictionem, quod appetitus innatus, seu naturalis respiciat bonum intellectum ut formaliter contradistinctum à bono naturali, multoque magis, quod proportionetur cum illo ut à bono naturali contradistincto: Ergo. Maior probatur, primò, quia bonum physicum, & naturale, & bonum intellectum, seu apprehensum distinguuntur essentialiter in ratione appetibilis: Ergo, & in ratione boni. Secundò, quia bonum apprehensum, & intellectum ut tale est bonum universale; bonum autem physicum, & naturale est bonum singulare: Sed bonum universale, & bonum singulare ut tale distinguuntur essentialiter in ratione boni: Ergo.

SOLVUNTUR OBIECTA.

7 **O**bjicies primò contra primam conclusionem: Implicat voluntas propriè talis tunc obiecto formali illius propriè talis: Sed Deus nò habet obiectum formale voluntatis propriè tale: Ergo nec voluntatem propriè talem. Probat minor, quia obiectum formale voluntatis propriè tale est finis: Sed Deus non habet finem: Ergo nec finem. Respondet, concessa maiori, negando minorem. Ad probationem, distinguo maiorem: Obiectum formale propriè tale est finis aliorum volitorum, aut volibilium propter ipsum, concedo: Est finis ipsius volentis, vel voluntatis, subdistinguo: Est finis ipsius, vel per identitatem, vel per causalitatem, concedo: necessariò per causalitatem, nego maiorem, & distinguo minorem: Deus non habet finem in volitis materialibus à se distinctis, nego minorem, quia alia à se vult propter se ipsum ut finem illorum: Non habet finem in volito principali, quod est ipsemet Deus, distinguo: Non habet finem per causalitatem, concedo: Per identitatem summam, nego minorem, & consequentiam, & ad probationem minoris, dico, quod finis est causa finalis illorum, cuius est finis per causalitatem, seu aliorum à se, non vero sui ipsius, unde cum Deus se ipsum amans, non sit aliud ab amato formali, sed summa identitate sit idem amans, & amatum, volens, & volitum, est finis sui ipsius per identitatem summam, non per causalitatem; amat enim se ipsum propter se ipsum ita, quod ly propter non significat causalitatem finis in amantem, nec in amatum, sed summam identitatem amantis cum amato, & amati cum ratione amandi; hoc enim significat amare se ipsum propter se ipsum, significat enim duas identitates, primam amantis cum amato, cum dicitur: Amat se ipsum, secundam rationis formalis amandi cum amato, cum dicitur propter se ipsum, unde non requiritur causalitas finis in amantem, nec in amorem ipsum, nec in amatum ipsum, sed sufficit pura, & summa identitas, quæ omnem causalitatem excludit.

8 Sed dices: De ratione voluntatis est moveri à volito formali, seu à fine volitò: Sed repugnat moveri à volito, seu à fine, quin ab illo distinguatur: Ergo repugnat voluntatem habere obiectum formale, seu volitum principale per summam identitatem. Respondet, distinguendo maiorem: De ratione voluntatis est moveri physicè à volito formali, nego: Est moveri intentionaliter, subdistinguo: Motu propriè tali, prout est actus entis impotentia, nego: Motu impropiè tali, prout est actus perfecti, concedo maiorem: Et distincta minori eodem modo, nego consequentiã, quia in Deo licet non sit motus physicus, immo nec intentionalis sumptus pro actu imperfecti, tamen est pro-

priè motus intentionalis, qui est actus perfecti, prout se intelligere, & se amare est se movere, & sicut hoc pacto movetur à se subiectivè absque vera causalitate, nempe per identitatem, quia sicut est suum vivere, est suum moveri intentionaliter, ita movetur intentionaliter à se ipso obiectivè absque causalitate vlla, sed per summam identitatem, quia ut est summum bonum, est suum movere obiectivè se ipsum; quod totum verificatur ex parte rei significat, quia per summam identitatem intelligit se à se, & per se ipsum, & amat se à se, & propter se ipsum tanquam actus purissimus, & tanquam ipsum amare, & intelligere per se subsistens; nam ex quo est intelligere, & amare per se subsistens, ipsamet intellectio est intellectio sui ipsius subiectivè, & obiectivè, & propter se ipsum, & ipse amor est amor sui ipsius subiectivè, obiectivè, & propter se ipsum; & consequenter est vita spiritualissima, & motus intentionalis sui, in se, à se, & propter se per summam identitatem, & hæc est doctrina D. Thom. in præsent. artis. 1. ad 3. vbi ait: Dicendum, quod voluntas cuius obiectum principale est bonum, quod est extra voluntatem, oportet, quod sit mota ab aliquo: Sed obiectum divinæ voluntatis est bonitas sua, quæ est eius essentia; unde cum voluntas Dei sit eius essentia, non movetur ab alio à se, sed à se tantum eo modo loquendi, quo intelligere, & velle dicitur motus; & secundum hoc Plato dicit, quod primum movens movet se ipsum. Nec ad hoc requiritur ex parte rei significare vlla vera distinctio, aut causalitas, adhuc virtualis; licet ex parte nostra ad illud intelligendum, & explicandum requiratur distinctio rationis exercita in ipso modo concipiendi. Vt latè diximus Disput. 4. quæst. 3. ad num. 2. 7. & quæst. 7. ad num. 3. & 9. vbi explicavi, quomodo intellectio divina habeat propriè obiectum, & propriè etiam obiectum motivum, idem enim dicendum est de divino amore, aut volitione.

9 Objicies secundò: Voluntas idem est ac appetitus: Sed in Deo non datur appetitus: Ergo nec in Deo datur voluntas. Respondet, distinguendo maiorem: Voluntas respectu boni non habet idem est ac appetitus, concedo: Respectu boni habiti, nego maiorem, & concessa minori, consequentiam; quia licet in nobis voluntas dicatur ab appetendo, ideo est, quia ut in plurimum est de bono non habito; non tamen habet hunc solum actum, ut appetat quæ non habet, sed etiam ut amet, quod habet, & delectetur in illo, & quantum ad hoc voluntas in Deo ponitur. Ita D. Thom. ad litteram in præsent.

10 Objicies tertio contra secundam assertum; quia, ratio D. Thom. videtur fundari in principio falso: Ergo non est demonstratio. Probat antecedens, quia fundatur in eo, quod res naturalis ad formam naturalem hanc habet habitudinem, ut cum non habet ipsam, tendat in eam; & cum habet

*ipsum, quiescit in ea*: Sed hoc est falsum: Ergo. Probat minor, quia forma naturalis constituit rem naturalem, & implicat esse sine illa: Ergo non potest comparari ad illam, ut quandoque illam non habet, & tendat in ipsam, eam inquirendo. Respondeo negando antecedens. Ad probationem, concessa maiori, nego minorem. Ad probationem, distingo maiorem: Forma naturalis accidentalis, constituit rem naturalem, nego maiorem: Forma naturalis substantialis, subdistinguo, constituit rem naturalem inadæquate, & quoad speciem, concedo: Etiam quoad materiam, & primum subiectum, nego antecedens, & consequentiam, quia sensus D. Thom. est, quod res naturalis appetit formam naturalem, quam non habet, & quiescit in forma naturali, quando illam habet; quod in primis verum tenet de forma naturali accidentali naturaliter consequuta ad formam substantialem, ut est frigiditas in aqua, & alia accidentia propria, quæ sunt formæ con-naturales, quas cum res naturalis non habet, appetit eas, & cum habet, quiescit in eis. Secundò tenet etiam verum quantum ad formam naturalem substantialem comparatam cum re naturali, non reduplicativè ut per illam constituta, sed cum re naturali quoad materiam, vel primum subiectum, quod aliquando caret forma substantiali, & aliquando illam habet; & quando illa caret, appetit illam; quando illam habet, quiescit in illa; in quo sensu nullam falsitatem continet propositio illa D. Thom.

11 Obijcies quartò; quia si ratio D. Thom. aliquid probat, solum probat in natura intellectuali appetitum ad speciem impressam, seu ad expressam: Sed hic appetitus non est voluntas, nec est appetitus elicitus, sed innatus: Ergo non probat appetitum elicitem, nec voluntatem. Probat maior, quia ratio D. Thom. fundatur in his præmissis: *Sicut res naturalis constituitur in actu per suam formam naturalem, ita intellectus constituitur in actu per formam intelligibilem: Sed res naturalis appetit formam naturalem, quam non habet, & quiescit in illa, quando illam habet*: Sed ex his præmissis solum inferitur appetitus ad formam intelligibilem; sicut in re naturali est appetitus ad formam naturalem: Ergo ratio D. Thom. solum concludit in natura intellectuali appetitum ad formam intelligibilem: Sed hæc est species impressa, seu expressa: Ergo solum concludit appetitum ad speciem impressam, seu expressam. Respondeo, distinguendo maiorem: Solum probat appetitum ad speciem impressam, seu expressam quantum ad prædictum modum speciei impressæ, vel expressæ, nego: Quantum ad rem, & naturam in specie ipsa contentam, concedo maiorem. Ad cuius probationem, concessa maiori, quod nempe ratio D. Thom. fundetur in illis præmissis, distingo minorem: Solum inferitur appe-

titus ad formam intelligibilem, quantum ad prædictum modum essendi intelligibiliter, nego: Quantum ad ipsam rem, quæ est forma intelligibilis, concedo minorem, & distingo consequens eodem modo. Quia in præfati D. Thom. ipse res, seu formæ naturales aliarum rerum, sunt formæ intelligibiles intellectus, & illam informant, secundum quod modo intelligibili, seu intentionali sunt in ipso; unde in forma intelligibili, seu specie, aliud est ipse res, quæ est forma intelligibilis, aliud modus essendi intelligibiliter, secundum quem est forma intelligibilis; res enim, quæ sit forma intelligibilis, est ipsa res, seu obiectum, aut bonum apprehensum; licet ipsum bonum apprehensum, seu obiectum, aut res cognita non sit forma intellectus, nisi secundum modum essendi intelligibilem, aut intentionalem: Cum ergo D. Thom. inferat appetitum ad formam intelligibilem, non inferat appetitum solum ad modum essendi intelligibiliter, sed ad ipsum bonum, seu obiectum apprehensum, quod per talem modum essendi est forma apprehensa, seu intelligibilis: Huiusmodi autem appetitus non est innatus, sed elicitus, & propriè voluntas, quia est appetitus ad rem cognitam, ad obiectum cognitum, & ad bonum apprehensum, quod dicitur forma apprehensa; non ita, quod solum appetat habere illud modo apprehensivo, sed supposito modo apprehensivo, appetit habere illud verè, & in rei veritate completè, & perfectè.

12 Quæ doctrina, ut amplius intelligatur valde notandum est, quod formas ipsas, quas modo physico, & naturali habent res naturales, easdem habere potest natura intellectualis modo altiori, nempe immateriali, spiritali, & intentionali. Ex quo primo sequitur, quod natura intellectualis habere debet modum appetendi tales formas altiores, & spiritaliores, quam sit modus appetendi ipsas in rebus naturalibus; quia iuxta modum altiores habendi formas, debet esse altior appetitus ad illas: Sed hæc excellentia in modo appetendi easdem formas, non est talis, nisi quia natura intellectualis eas appetit modo intellectuivo, & consequenter per voluntatem, res vero naturalis modo physico, & naturali: Ergo ex modo habendi formas aliorum modo intellectuivo, sequitur appetitus ad illas modo etiam intellectuivo, qui est appetitus elicitus, seu voluntas. Secundò sequitur, quod sicut in modo habendi formas naturaliter, & physice est latitudo quedam, penes minus, & magis imperfectè, aut perfectè, siquidem res naturales ut in plurimum prius habent formas in statu imperfecto, & procedunt ad illas habendas in statu perfecto, quia procedunt de potentia ad actum, unde res naturales prius solet habere formas in embrione, & in dispositione, postea in statu minoritatis, & tandem in statu perfecto; ita natura intellectuiva in habendo formas aliorum



modo intellectivo habet suam amplitudinem, penes habere illas primo, modo pure apprehensivo; secundo, modo iudicativo per opinionem, aut fidem, cum quadam spe; & tandem modo intuitivo, & in rei veritate immediate possessa, & visa. Sicut ergo natura materialis, & physica in appetitu innato, & naturali, non quiescit per habere formam in statu imperfecto, sed potius augetur appetitus naturalis usque ad illam habendam in statu perfecto suo modo naturali; & ad illam perfecte possessam sequitur quies naturalis, seu appetitus naturalis gaudij; ita natura intellectiva, licet habens formam alicuius rei pure apprehensam, seu modo intellectivo pure apprehensivo, tunc appetitus ad illam non quiescit, sed magis incitatur; quod si illam habeat modo iudicativo, sed pure probabili, aut per fidem in spe, adhuc non quiescit, sed magis incitatur usque ad habendam illam modo intellectivo perfecto, nempe per visionem, & ut presentem in rei veritate; & tunc ad illam perfecte habitam sequitur quies elicta, seu gaudium elictum; quia tunc habet iam formam intelligibilem in statu perfecto, & modo intellectivo perfecto.

13 Sequitur tertio, quod sicut materia prima, si nullam omnino habeat formam, non habet appetitum innatum, quia sine forma vlla, non dum est naturaliter in actu, & consequenter nec actu appetit, quia non existit; sed ut appetat naturaliter formas, opus est, quod per aliquam sit in actu, saltem imperfecte, ita ut per illam non satietur, sed maneat adhuc in potentia, & inde appetit illam habere perfecte; & quia adhuc illa perfecte habita, non adequatur eius potentialitas, ideo appetit alias, & alias sine fine, quousque satietur; & hoc sensu verum tenet, quod ad formam naturalem sequitur appetitus naturalis, quatenus ad formam naturalem habitam inchoative, & imperfecte sequitur appetitus naturalis ad illam habendam perfecte, & ad formam non satiantem, nec adequantem eius potentialitatem, sequitur appetitus ad reliquas, ita natura intellectualis, si nullam habeat formam intelligibilem, aut apprehensam, non habet appetitum actualem intellectivum, aut elictum, quia absque omni forma apprehensa non est in actu de linea intellectiva, & consequenter adhuc non habet appetitum intellectivalem, nec elictum, unde ut habeat appetitum intellectivalem, seu elictum ad formas intelligibiles, seu apprehensas, opus est, quod prius per aliquam sit in actu, ita ut per illam non satietur in linea intellectiva, sed maneat adhuc in potentia, & inde sequitur appetitus elictus, vel ad ipsam perfecte habendam, vel si ipsa non adequat, ad alias; & in hoc sensu verum tenet, quod ad formam apprehensam sequitur appetitus elictus, quatenus ad formam apprehensam modo imperfecte sequitur appetitus ad ipsam modo perfecte apprehendendam, & tenendam, nempe usque ad illam compre-

hendendam, & videndam in rei veritate; & ad unam formam adhuc perfecte comprehensam, non tamen satiantem, sequitur appetitus elictus ad alias sine fine usque ad aliquam, qua facietur, quz solus est Deus clare visus.

Concluditur ergo, verissimam esse doctrinam D. Thom. & eius rationem demonstrativam, quia fundatur in eo, quod sicut in rebus naturalibus ad formam naturalem sequitur appetitus naturalis, ita in natura intellectiva ad formam intelligibilem, seu apprehensam sequitur appetitus intellectivus, seu elictus, qui voluntas dicitur; & in eo quod sicut res naturalis comparatur ad formam naturalem, ita nempe, quod semel in actu per unam, appetat illam habere in statu perfecto, & illa habita perfecte, si non adequat, appetit alias ratione materia; ita natura intellectiva comparatur ad formas intelligibiles, seu apprehensas, ut semel in actu per aliquam, appetat illam perfecte tenere modo suo intelligibili, & illa perfecte habita, & comprehensa, quiescat in ea, sed si non adequat, nec satiat, inde appetit reliquas, usque ad aliquam, quz adequet, & satiet: Sed tota haec doctrina verissima est, & probat demonstrative in natura intellectiva voluntatem: Ergo.

14 Sed dices, totam hanc doctrinam ad summum probare in natura intellectiva appetitum ad formam intellectam, seu apprehensam: Sed ad formam intelligibilem, seu apprehensam dari potest appetitus innatus: Ergo non probatur determinate appetitus elictus prae innato, & consequenter nec voluntas. Respondeo, distinguendo maiorem: Solum probatur appetitus ad formam intelligibilem, seu apprehensam, ad illam secutus, & illi proportionatus, concedo: Aliter, nego maiorem, & distincta minori, consequentiam; quia sicut ad formam informantem modo naturali, sequitur appetitus, non quilibet, sed proportionatus, nempe naturalis; ita ad formam habitam modo intelligibili, seu apprehensam sequitur appetitus, non quilibet, sed proportionatus, nempe intellectivus, & elictus, qui est voluntas. Unde licet D. Thom. arguat ab appetitu naturali, non probat in natura intellectuali appetitum naturalem, quia arguit cum proportionem, & ex diversa proportionem, unde ex eo, quod ad formam informantem modo naturali, sequitur appetitus naturalis proportionatur formae informanti modo naturali, infertur, quod ad formam informantem modo intellectivo, sequitur appetitus elictus, quia solus appetitus elictus proportionatur formae informanti modo intellectivo, seu formae apprehensae, & intelligibili.

15 Sed adhuc replicabis; nam vel appetitus, qui sequitur ad formam apprehensam, seu intelligibilem est ad ipsam secundum esse intelligibile precise, vel ad ipsam quantum ad rem in illa representatam, seu conceptam modo intelligibili

Si primum, forma illa secundum modum essendi intelligibilem proportionata est appetitui innato, & naturali, imò non potest terminare nisi appetitum innatum, quia ante illam in esse intelligibili non supponitur cognita, sed incognita, & ad rem incognitam non sequitur, nec datur appetitus elicigitur, sed solum naturalis. Si secundum, iterum rogabis, vel appetitus terminatur ad illam possidendam physice, & in esse rei, vel ad illam possidendam intelligibiliter, & modo intentionali? Si primum, etiam proportionatur appetitui innato, & naturali, quia res vt possidenda physice, & in esse rei, proportionata est appetitui physico, & naturali. Si dicatur secundum, in primis si supponitur iam in esse formæ apprehensæ, iam supponetur possessa modo intelligibili: Ergo ad illam non sequitur appetitus ad illam possidendam modo intelligibili, sicut ad formam informantem modo naturali non sequitur appetitus ad illam habendam modo naturali. Deinde, idem est appetitus ad illam possidendam modo intellectivo, ac ad illam intelligendam antequam intelligatur: Sed appetitus ad rem intelligendam antequam intelligatur est appetitus innatus, quia est ad rem non dum cognitam: Ergo tandem solum probatur appetitus innatus.

16 Respondeo ex dictis, ad primam Interrogationem, quod appetitus secutus ad formam apprehensam est appetitus ad ipsam quantum ad rem in illa intelligibiliter consentiam, & representatam, & non præcisè ad ipsam quantum ad modum essendi intelligibilem. Ad secundam subinterrogationem, dico, quod non est ad illam vt possidendam modo physico, & materiali, sed ad illam possidendam modo intellectivo; & nihilominus dico, quod quamvis res supponatur apprehensa, seu in esse formæ apprehensæ, adhuc ad illam potest sequi appetitus ad illam possidendam modo intellectivo, quia apprehensio sola obiecti non est perfecta, imò nec propria possessio ipsius, adhuc modo intellectivo, sed requiritur iudicium, & non quodlibet, nam si sit iudicium per fidem, aut per opinionem, adhuc est imperfecta possessio, & solum possidetur perfecte, quando per visionem, aut evidentiam intellectus tenet obiectum, & rei veritatem in se ipsa assequitur: unde ad formam vel obiectum apprehensum sequi potest, & sequitur appetitus ad ipsam possidendam propriè, & perfecte modo intellectivo; sicut similiter ad formam naturalem habitam modo naturali in statu imperfecto sequitur appetitus naturalis ad illam possidendam in statu perfecto vt iam explicavimus. Ex quo ad probationem in contra, dico, quod appetitus ad illam possidendam modo intellectivo, idem est ac appetitus ad illam intelligendam perfecte, hoc est, intuitivè, & evidenter in se ipsa: hic appetitus, licet sit antequam intelligatur perfecte, non tamen an-

tequam apprehendatur, nam sequitur ad formam ipsam apprehensam, seu ad obiectum primo imperfectè cognitum, & sic est appetitus elicitus, & non innatus.

17 Sed dices: Si ad formam apprehensam, seu imperfectè intellectam sequitur appetitus elicitus, multo magis ad formam perfecte intellectam: Sed ad formam perfecte intellectam non sequitur appetitus ad ipsam: Ergo nec ad formam apprehensam, seu imperfectè intellectam. Respondeo, quod ad formam intellectam perfecte, non sequitur appetitus desiderij ad ipsam, sed solum appetitus gaudi de ipsa, qui licet improprie dicatur appetitus, est tamen propriè actus elicitus, & actus proprius voluntatis, cum per se sequatur ad formam intelligibiliter possessam, & non ad formam naturalem. Et rursus, si ipsa non adæquat potentialitatem naturæ intellectivæ, ad illam sequitur appetitus ad alias, & alias formas intelligibiles, usque ad vnam, quæ faciet.

18 Sed adhuc replicabis contra hoc ultimum, quia aliz supponuntur incognitæ: Ergo appetitus ad alias erit naturalis, & non elicitus. Respondeo, distinguendo antecedens: Aliz supponuntur incognitæ in particulari, transeat in commune, & in vniuersali, nego antecedens, & consequentiam; quia hic detegitur profunditas discursus D. Thom. etenim forma per se primo intelligibilis intellectus est ens, & verum in commune, seu omne ens, & verum; intellectus ergo per se primo informatur intelligibiliter apprehensionibus vniuersalibus entis, & veri in commune; sed quia verum, & ens in commune est forma intellecta, seu apprehensa potentialis, & potentialissimè tantum cognita, ideo ex hac forma vniuersali apprehensa, & ad illam sequitur appetitus ad illam in singulari, & in speciali, hoc est ad ens, & verum in singulari, & in speciali assequendum, & hic appetitus est voluntas, siquidem est appetitus quærens ens, & verum, seu bonum vniuersale, in particulari; & inde nascitur illa indifferentia naturæ voluntatis, quia cum sit appetitus sequutus ad apprehensionem vniuersalem entis, & veri, seu ad ens, & verum vt ad formam quandam vniuersalem apprehensam, tendens ad ipsam in singulari, inveniendam, & possidendam, & lumine suo intellectivo non inueniat eam rationem vniuersalem adæquatè, & perfecte in vilo ente particulari, ideo vagatur, & dividitur appetitus per plura, & plura entia, vera, & bona, seu per plures formas apprehensas, quia in nulla inuenit perfecte, & adæquatè primam, & vniuersalem formam apprehensam, nempe rationem entis, & veri, nisi Deum ipsum videat, cuius sola essentia continet perfecte, & adæquatè in actu formam apprehensam, seu rationem vniuersalem entis, & veri. Ex quo iam sequitur, quod licet appetitus ille vniuersalis, quo natura rationalis inquit obiectum par-

particularia, seu, quod idem est, formas intelligibiles in particulari, non supponat illas cognititas in particulari, nihilominus est appetitus elicitus, & voluntas, quia consequitur ad formam apprehensam vniuersalem, seu ad illas in vniuersali apprehensas, inquirendo formam illam vniuersalem in actu, seu in singulari.

19. Est dicere, quod prima, & per se forma apprehensa, seu intelligibilis intellectus est veritas ipsa in vniuersali, qua qui non informatur, non habet intellectum in actu, quia intellectus primo fit in actu per veritatem in vniuersali apprehensam, & ideo hæc est prima forma intelligibilis, & apprehensa intellectus; sed quia per illam apprehensionem vniuersalem veritatis imperfectissimæ, & potentialissimæ intellectus eam apprehendit, & tenet, inde sequitur appetitus ad illam perfecti, & adæquatè possidendam; vnde aiebat Augustinus, *quid fortius desiderat anima, quam veritatem?* Quomodo enim eam desiderat, si iam illam apprehendit? vel si illam non apprehendit, quomodo illam potest desiderare? Sanè, quia illam apprehendit potentialiter, & in vniuersali, & querit illam apprehendere, & tenere plenè, in actu, & in singulari, & ideo querit, ubi sit; vnde aiebat Augustinus *in confess.* *Vbi est veritas?* *Vbi est veritas?* nempè plenè, & adæquatè in actu, & in singulari: Et hic sanè appetitus est elicitus, & proprius voluntatis, quia secutus ad formam apprehensam vniuersalem; non innatus, & naturalis, quia non immediatè secutus ad formam naturalem; licet aliquando appelleretur naturalis, quia necessarius quoad specificationem: Concluditur ergo, quod appetitus ille vniuersalis consequutus ad formam apprehensam, seu ad veritatem apprehensam in vniuersali, inquirens formas intelligibiles, seu veritates in particulari, licet adhuc in particulari nondum apprehensas, nec cognititas, est appetitus elicitus, quia consequutus ad illas in vniuersali apprehensas.

20. Denique obijciens, quia est possibilis natura intellectiva, non volitiva: Ergo ex conceptu naturæ intellectivæ, seu habentis intellectum, non potest demonstrari, ipsam habere voluntatem, seu esse volitivam. Huic argumento aliqui respondent, concessio antecedenti, negando consequentiam, quia licet ex conceptu communi naturæ intellectivæ non demonstraretur voluntas, tamen ex conceptu naturæ perfectissimæ intellectivæ, qualis est Deus, demonstratur in eo voluntas; sicut ex conceptu communis naturæ sensitivæ non demonstratur esse progressivam, seu habere motum progressivum, quia ostrea habet vitam sensitivam, & non habet motum progressivum; tamen ex conceptu naturæ perfectè sensitivæ demonstratur habere motum progressivum. Propterea Illust. Godoy in *presenti* tenet, quod si natura intellectiva non volitiva ponatur possibilis ex im-

perfectiōne, vel defectu in esse intellectivæ, quia nempè excogitur ita imperfectè intellectiva, quod ex tali imperfectiōne, vel defectu non inferatur volitivum; adhuc sic admissa possibili, potest demonstrari in Deo voluntas ex intellectu, & volitivum ex intellectivo, quia Deus est perfectissimè intellectivus, vnde necessario inferri esse volitivum. Tenet secundò, quod si ponatur possibilis natura intellectiva, non volitiva, quin defectus volitivi oriatur ex defectu, aut imperfectiōne in linea intellectivæ; adhuc in Deo probari nequit ex intellectu volitivum; quia in tali casu posset natura intellectiva intra lineam intellectivam perfectam, & perfectissimam, quin inferret volitivum, siquidem defectus volitivi non proveniret necessariò ex defectu, aut imperfectiōne intellectivi. Tenet tertio, rationem D. Thom. non procedere ex conceptu naturæ divinæ intellectivæ præcisè, nec præcisè ex intellectu perfectissimo, sed vniuersaliter ex conceptu communi naturæ intellectivæ, nam semper assumit illam maiorem vniuersalem: *Voluntas sequitur ad intellectum*, & assumit minorem particularem, nempè: *In Deo est perfectissimus intellectus*, & inde inferri: *Ergo in Deo est perfectissima voluntas*; in quo discursus maior est vniuersalis de omni intellectu, sive divino, sive creato; nec aliter esset consequentia formalis; nam si intelligeretur maior de intellectu divino, & perfectissimo præcisè, argueret ex solis singularibus, aut particularibus; immo & probaret idem per idem, quia probaret ex intellectu divino sequi voluntatem divinam, quia ad intellectum divinum, quia divinum, sequitur voluntas divina; quod de discursu D. Thom. quis credat? vnde vt ratio D. Thom. formalis, & demonstrativa defendatur.

### TERTIVM ASSERTVM.

21. **D**ico tertio: *Implicat natura intellectiva non volitiva.* Ita communiter Thomistæ, & haud pauci ex Iesuitis, contra aliquos R.R. & probatur, primò, quia repugnat natura intellectiva, quæ non sit nata habere formas aliorum modo altiori, nempè modo intelligibili, & apprehensæ: Sed ad formam intelligibilem apprehensam necessariò sequitur appetitus elicitus, sicut ad formam naturalem sequitur appetitus naturalis: Ergo implicat natura intellectiva, ad cuius intellectum non sequatur appetitus elicitus, seu voluntas, & consequenter, quin volitiva sit. Secundò, quia implicat natura cognoscitiva entis, & veri, & non cognoscitiva boni sibi convenientis: Sed implicat natura cognoscitiva boni sibi convenientis, & non volitiva: Ergo & natura cognoscitiva, non volitiva. Minor probatur, quia implicat bonum cognitum vt sibi conueniens non volibile ab ipso cognoscente: Ergo im-

implicat natura cognoscitiva boni sibi convenientis, & non volitiva illius. Probo antecedens, quia implicat bonum non appetibile: Ergo implicat bonum alicui convenientis non appetibile ab ipso: Ergo implicat bonum intellectum ut sibi convenientis, non appetibile ab ipso intelligente illud ut sibi convenientis: Sed bonum intellectum ut sibi convenientis, non est appetibile ab ipso sic illud intelligente ut bonum sibi convenientis, nisi appetitu elicito proprio voluntatis: Ergo implicat bonum intellectum ut sibi convenientis non appetibile ab ipso intelligente appetitu elicito, seu volitivo: Ergo implicat bonum intellectum ut sibi convenientis non volibile ab ipso intelligente.

22 Maior vero probatur etiam; quia implicat natura intellectiva entis, & veri, quoniam sit intellectiva omnis contenti sub ratione entis, & veri: Sed bonum convenientis naturæ intellectivæ continetur sub ratione entis, & veri, imò est ipsum ens, & verum: Ergo implicat natura intellectiva entis, & veri, quoniam sit intellectiva boni sibi convenientis. Explicatur, quia bonum proprium, & convenientis naturæ intellectivæ entis, & veri est ipsum ens, & verum; siquidem illud est proprium bonum naturæ intellectivæ, quo eius potentialitas aduatur, eiusque capacitas, & amplitudo repletur: Sed potentialitas, capacitas, & amplitudo propria naturæ intellectivæ entis, & veri ut talis, non aduatur, nec perficitur, nec repletur, nisi per ipsum ens, & verum: Ergo bonum proprium, & convenientis naturæ intellectivæ entis, & veri ut talis, est ipsum ens, & verum: Ergo implicat natura intellectiva entis, & veri, quoniam non sit intellectiva boni proprii sibi convenientis. Amplius: Iuxta D. Thom. proprium bonum intellectus est verum, id enim sapientissime repetit; unde iuxta Augustinum, anima intellectiva nihil fortius desiderat, quam veritatem; quia sanè verum, & veritas est proprium centrum, finis, & bonum convenientis naturæ intellectivæ: Sed implicat natura intellectiva, quoniam non sit intellectiva veri, & veritatis: Ergo implicat contradictionem natura intellectiva, quoniam non sit intellectiva boni proprii sibi specialiter convenientis. Urgetur: Implicat natura intellectiva, quoniam veritatem non inquirat, & quoniam veritate inventa, non delectetur in ipsa; & si illa veritas inventa non adæquat, quoniam non inquirat ultra magis, & magis veritatem: Sed hac veritatis inquisitio, & delectatio in illa inventa, est voluntas, quia est appetitus boni proprii ut intellectus, vel per modum gaudij in illo invento, vel per modum desiderij: Ergo implicat natura intellectiva; quoniam non sit appetitiva elicite, seu per voluntatem boni proprii sibi convenientis.

23 Ad hæc RR. aliqui, qui nihil firmum inveniri volunt in ratione naturali, nihil demonstrabile, sed omnia inter opinabilia collocari,

Negant primò, repugnare naturam intellectivam, quoniam non sit intellectiva omnis veri, & entis; quia possibile esse inquit, naturam intellectivam, quoniam præcisè sit intellectiva alicuius veritatis speculativæ, v.g. huius, *vix tria sunt sex*, & consequenter intellectum, cuius obiectum formale non sit ens, & verum in univ ersali, sed solum tale verum determinatum. Negant secundò, repugnare naturam cognoscitivam boni, quoniam volitiva non sit, quia possibile dicunt, naturam cognoscitivam boni incapacem tamen illud amandi.

24 Sed contra has duas evasiones militat ratio præcedens, quia in primis, data illa natura vnicè determinata ad illam veritatem *vix tria sunt sex*, sanè illa cognita, complacere in illa, ut in bono suo adepto, & si quis illi contradiceret, dicendo hoc esse falsum, adversus illum eam veritatem, quomodo posset, defenderet; siquidem ea veritas est proprium, & adæquatum bonum illius in ratione naturæ intellectivæ; & nulla est natura, quoniam in proprio bono non complacet, & quoniam proprium bonum non defendat, modo proportionato suæ naturæ: Sed natura cognoscitiva illius veritatis, non posset illam defendere adversus contradicentem, nec delectari in illa cognita, modo proportionato naturæ cognoscitivæ, nisi per voluntatem, nam delectatio in bono cognito, & defensus proprii boni cogniti ut talis formalissimè est actus voluntatis: Ergo. Secundò, quia si ex conceptu naturæ intellectivæ, non esset cognoscitiva omnis veri, & entis, sed posset natura intellectiva esse limitata in vi cognoscitiva iam ad has, iam ad illas veritates, quæ nulla natura cognoscitiva existente esset demonstrabile lumine naturæ, quod posset cognoscere quamlibet veritatem; nam ex quo conceptu? Non enim, quia natura intellectivæ; siquidem per te non repugnat natura intellectiva, cuius capacitas sit limitata ad certas veritates: Nec item quia existens, quia existentia superaddita essentiae non probat maiorem capacitatem in essentia, vel natura: Ergo ex nullo conceptu demonstrabile esset de quolibet natura intellectiva existente esse radicaliter intellectivam cuiuslibet veritatis. Unde hoc etiam, si RR. placeret, collocandum erit inter purè opinabilia. Tertiò, quia repugnat natura intellectiva, nisi immaterialis, imò esse naturam intellectivam fundatur in immaterialitate ipsius, ut ostendimus cum D. Thom. *Disputat. 4. quæst. 1.* Sed implicat natura immaterialis, quoniam non sit nata recipere qualibet aliorum formas finem materia, seu in esse intelligibili, & repræsentativo, seu quoniam sit vnicè capax huius, vel alterius formæ intelligibilis, & aliarum incapax, sicut repugnat speculum diaphanum vnicè capax repræsentandi colorem album, & non viridem: Ergo repugnat natura intellectiva vnicè capax unius, vel alterius veritatis, seu obiecti intelligibilis, & incapax aliorum,

Quat.

25 Quare, quia repugnat natura intellectiva, quæ hac solum veritate cognita: *Vis tria sunt sex*, sit naturaliter beata, beatitudine propria naturæ intellectivæ; cuius nempe beatitudo obiectiva adæquata sit illa sola veritas: Talis esset illa creatura intellectiva excogitata à contrarijs, quia illa sola veritas esset totum, & adæquatum bonum illius ut naturæ intellectivæ, & consequenter esset adæquata beatitudo obiectiva illius: Ergo. Maior ex terminis videtur nota, nam quis non repugnet lumine naturali credere de natura intellectivæ, sola illa veritate cognita, esse adæquatè beatam? Certè, nisi etiam de nostro lumine naturali dubitare liceat, non videtur dubitabilis illius creaturæ manifestæ repugnantia. Quindò, quia rogo à contrarijs, an illa natura intellectiva sic limitata, esset limitata ad illam veritatem in singulari, v.g. quod *vis tres rosæ, sunt sex rosæ*, vel in universalis, non designando, quæ essent illa *vis tria*, & illa *sex*? Si hoc secundum: Ergo posset cognoscere vis tres rosas, vis tres homines, vis tres Angelos, &c. siquidem intellectus, cuius obiectum est ratio universalis, seu aliquid in universalis, evidenter potest cognoscere omnia particularia sub illa ratione universalis contenta; vnde tandem illa naturam posset omnia entia cognoscere, licet sub ratione trium, aut sex contenta, quia omnia possunt sub illa ratione numerari. Si secundum: Rursum rogo, & vel cognosceret *tres rosas*, & *sex rosas* in specie, aut in genere? vel solum esset limitata ad tres has rosas in singulari? Si primum, iam posset cognoscere omnes rosas contentas sub illa ratione universalis specificæ, vel genericæ trium, & sex rosarum, & non esset ita limitata ut fingitur. Si secundum, non esset intellectiva, sed sensitiva, quia non posset percipere rosam abstractivè à materia, sed solum in individuo, in singulari, & in materia, quod est proprium sensus, non intellectus: Ergo tandem implicat natura intellectiva sic limitata ut fingitur à contrarijs.

26 Ex quo iam inferitur radicalis ratio à priori, cur de essentia naturæ intellectivæ, qua intellectivæ, sit esse intellectivam omnis entis, & veri, sive sub ratione entis, & veri; quia natura intellectiva, ut intellectiva, sive ut distincta à purè sensitiva, est cognoscitiva obiecti, non in materia singulari tantum, sed in universalis, & cum abstractione à materia singulari; aliter enim non erit intellectiva, sed purè sensitiva: Sed eo ipso eius vis perceptiva est universalis, & non limitata ad aliquod singulare: Ergo erit universaliter perceptiva omnis entis, & veri. Nec enim dici potest, posse esse limitatam ad aliquam rationem genericam universalem infra rationem communissimam entis, v.g. ad rationem animalis. Nam cur rogo non posset limitari ad hoc animal in singulari? Sanè quia tirulo intellectivæ posset abstrahere animal à materia singulari; Sed pari ratione

cognoscendo talem substantiam, quæ esset animal, posset abstrahere rationem substantiæ universalis à tali substantia, nempe ab animali; & cognoscendo substantiam, quæ est ens per se, posset abstrahere ens à substantia: Ergo tandem limitari nequit, quin possit cognoscere ens abstractivè, & in universalis; & consequenter quodlibet ens confennum sub illo.

27 Iam vero si sit cognoscitiva omnis entis, & veri, non potest non esse cognoscitiva boni proprii in universalis, & in singulari; quia ipsum ens ut verum erit proprium bonum naturæ intellectivæ ut talis, ut iam ostendimus: Nec enim dici potest, quod posset esse cognoscitiva entis, & veri sub ratione veri, quin esset cognoscitiva illius sub ratione boni sibi convenientis; siquidem ipsum ens ideo est verum, quia ens cognoscibile; & ideo est bonum proprium naturæ intellectivæ, quia est verum, siquidem ens ut cognoscibile, & ut verum in universalis, est bonum obiectivum proprium naturæ intellectivæ, quia intellectivæ, cum sit proprium centrum illius ut talis, propriaque illius perfectio, in cuius plena intellectione illius beatitudo consistit; per hoc enim quod plenè intelligat omne verum in vno aliquo vero formalissimè beatur, & exinde est bonum proprium illius, in quo delectatur, cum iam illud habet, & quod semper querit, usque dum habeat: Ergo implicat cognoscere verum sub ratione veri, quin illud cognoscat saltem exercere sub ratione boni proprii sibi convenientis, siquidem hoc ipsum quod est esse verum est esse bonum proprium sibi convenientis. Et ideo dixit Augustinus, quod *anima nihil fortius desiderat quam veritatem*, & non dixit *bonitatem*, quia ipsa veritas est animæ totum bonum, & tota bonitas: Quod quidem licet homines carnales, qui plus appetitu sensitivo, quam intellectivo ducuntur, id non percipiant, nihilominus velint, nolint, id testantur, nam licet appetant bonum delectabile, vel vile ad delectabile, nec in his patiuntur falli; querunt enim verum aurum, veras gemmas, & ægerimè ferunt in his etiam falli, quia adhuc in his viger appetitus ipse veritatis, qui est proprius appetitus animæ, & naturæ intellectivæ, cuius proprium bonum est veritas, sine qua aurum, & gemmæ poterunt placere appetitui sensitivo, sed non rationali. Vide supra num. 19.

28 Sed dices, ex hoc ad summum probari, quod ea natura, quia cognoscitiva veri, sit cognoscitiva boni proprii specificativè, & exercitè, sed non reduplicativè, & signatè; ad excitandum autem appetitum elicicium, vitrà requiri cognoscere ipsum signatè, & reduplicativè ut bonum. Sed contra est, primò, quia ex quo posset cognoscere verum universaliter, legitime inferitur, quod posset cognoscere omne verum, & consequenter, quod posset cognoscere verum

bonum proprium signatè, quia hoc est etiam verum: Ergo semper sequitur, quod possit cognoscere bonum proprium cognitione excitante appetitum elicitedum. Deinde, quia falsum est, quod ad excitandum appetitum elicitedum requiratur cognoscere signatè, reduplicativè, aut reflexè bonum proprium sub denominatione boni: Ergo. Probo antecedens, primò, quia denominatio boni còvenit enti, aut vero, quia appetibile, bonum enim definitur per esse appetibile, seu motivum appetitus: Ergo priùs quia verum ens, est appetibile, seu motivum appetitus, quam denominetur bonum; siquidem denominatur bonum, quia motivum appetitus: Ergo non requiritur ut sit motivum, & excitativum appetitus, quod cognoscatur reduplicativè, & signatè ut bonum. Secundò, quia falsum est, quod exercitè cognoscatur ut ens sibi conveniens, & sui perfectivum; nam ex hoc ipso cognoscitur exercitè ut bonum proprium, & excitat appetitum elicitedum: Ergo opus non est signatè, & reduplicativè cognoscere, quod est bonum proprium. Tertio, quia experientia ipsa docet, quod cognitio veritatis, ex hoc præcisè quod veritatem attingit, delectat, & excitat appetitum magis, & magis veritatem inquirendi, & indagandi; & quo magis de illa intellectus assequitur, tanto magis appetitus ad illam accenditur; & hoc absque vlla reflexione intellectus, qua advertat signatè veritatem esse bonum proprium; imò ex hoc ipso cognoscimus veritatem esse bonum proprium naturæ intellectivæ, quia nihil magis ipsam delectat, quam veritas, nihil fortius desiderat, quam veritatem: Ergo ad excitandum appetitum, seu desiderium satis est cognoscere illam sub ratione veri, nam eo ipso exercitè cognoscitur ut bonum proprium, quia cognoscitur ut centrum, & scopus, cui natura intellectiva, ut intellectiva, destinata est. Vide infra num. 52.

29 Nec dicas, appetitum ad veritatem esse innatum, & naturalem, non elicitedum, quando non procedit ex advertentia, quod veritas est bonum proprium. Contra enim est, quia licet appetitus ad veritatem nullo modo cognitam, seu prout præcedit omnem cognitionem illius, tam in univèrsali, quam in particulari, sit appetitus innatus ipsius naturæ intellectivæ, sive ipsius intellectus, tamen appetitus, qui sequitur ad veritatem cognitā, vel per modum delectationis in illa inventā, vel per modum investigationis ad illam perfectiōē, seu amplius, & amplius indagandam, quia supponitur tantum cognitā in univèrsali, vel in particulari nō adæquante, est sanè appetitus elicitedus, aut voluntas, quia sequitur ad formam apprehensam per intellectum in univèrsali; alioquin veri studiosi, & contemplativi, qui ex veritate in veritatem contemplandam, & indagandam semper moventur insatiabiliter, diceremus eos moveri appetitu so-

lūm innato, velut lapis in centrum, non appetitu virali, nec intellectivo, nec voluntario; cum tamen nullibi appetitus sit magis intellectivus, & magis voluntarius, quam in ipsis erga veritatem amplius, & amplius indagandam, vique ad vnam, quæ sit summa, & adæquet capacitatem intellectus, ad quā inventam sequitur summum gaudium, & summa delectatio; vnde vel ipsi Philosophi Etnici posuerunt beatitudinem in contemplatione vniuersæ summae veritatis: Ergo veritas apprehensa, vel cognita imperfectè, aut inadæquate excitat solum appetitum elicitedum, & proprium voluntatis, non innatum, & commune lapidibus, imò talis appetitus ex hoc ipso est elicitedus, & intellectivus, quia excitatus ex veritate inchoativè cognita, quæ est bonum proprium intellectus, & naturæ intellectivæ ut talis: Concluditur ergo, quod ad excitandum appetitum intellectivum, & consequenter in actu exercito ut bonum proprium. Vide supra n. 18.

30 Iam vero, dicere, quod non repugnat natura cognoscitiva boni proprii, incapax tamen subiectivè illud sic cogniturum appetendi, ut dicebatur secundò RR. supra num. 23, est quid longè magis chimericum. Tum, quia chimerica est natura, quæ inchoativè, & inadæquate tantum habens propriam perfectionem modo physico, & naturali, non appetat naturaliter sui perfectionem consummatam, & adæquatam, quia incapax illam appetendi: Ergo chimerica pariter est natura intellectiva, quæ inchoativè tantum, & inadæquate habens modo intellectivo propriam perfectionem, seu proprium bonum, nempe veritatem, non appetat modo intellectivo consummatè, & adæquate illam habere; seu quæ sit incapax id appetendi. Tum etiam, quia implicat contradictionem, Deum creare naturam per se excitativam proprii appetitus eliciti, incapacem tamen appetendi elicite, nam esset per se excitativa appetitus repugnantis, quo nihil magis chimericum excogitari potest: Sed talis esset natura per se cognoscitiva boni proprii, incapax tamen illud appetendi elicite: Ergo implicat Deum creare talem naturam; & consequenter illa est possibilis. Tum demum, quia ex quo esset cognoscitiva per se boni proprii, & consequenter excitativa appetitus eliciti ad ipsum, exigeret in se appetitum elicitedum illi bono excitativo correspondentem: Ergo saltem exactivè esset appetitiva appetitu elicito: Ergo radicaliter, seu exactivè esset volitiva:

Ergo repugnat natura intellectiva non volitiva saltem radicaliter.

**PRINCIPALIS OBJECTIO, IN**  
*qua explicatur an ad omnem formam apprehensam sequatur appetitus elicitus, &c.*  
*mens Div. Thom. speciali doctrina.*

31 **E**X quibus iam ad argumentum ex num. 20. facile respondetur, negando antecedens, quod nempe sit possibilis natura intellectiva non volitiva, saltem radicaliter. Sed illud probare tenent R.R. primò, quia intellectivum est prius volitivo: Sed omne prius potest, saltem de potentia absoluta, esse sine posteriori: Ergo potest dari intellectivum non volitivum. Secundò, quia ex tali natura data, nulla sequeretur contradictio, vel eam assignemus: Ergo est possibilis. Tertiò, & principaliter, quia talis est proportio intellectus ad volitionem, qualis intellectus ad voluntatem, & qualis intellectivi ad volitivum: Sed non repugnat intellectio non excitativa volitionis, nec amoris, ad quam proinde per se non sequatur, imò nec sequi possit volitio, aut amor: Ergo nec repugnat intellectus, ad quem non sequatur voluntas, nec intellectivum, ad quod non sequatur volitivum. Minor probatur, primò, quia dabilis est sensatio, ad quam sequi non possit appetitus sensitivus: Ergo pariter intellectio, ad quam sequi non possit volitio. Secundò, quia dabilis est intellectio pure speculativa: Sed hæc non esset excitativa volitionis, alioquin iam esset practica, & non pure speculativa: Ergo.

32 Tertiò, quia potest Deus decernere non concurrere cum Petro ad ullam volitionem ipsius, & hoc decretum illi revelare, cui revelationi posset Petrus assentiri: Sed huiusmodi assensus esset impotens excitare volitionem: Ergo est possibilis intellectio impotens excitare actum voluntatis. Minor probatur, quia talis assensus non posset excitare volitionem ipsummet falsificantem, & revelationem ipsam, cui inniteretur: Sed si excitaret volitionem, excitaret volitionem falsificantem ipsum, & revelationem, quia per illam falsificaretur revelatio divina de negando concursum ad omnem volitionem: Ergo. Explicatur, quia assensus ille esset ab intrinseco connexus cum illa revelatione, cui crederet; revelatio cum decreto negandi coconcursus; decretum cum negatione concursus; negatio concursus cum negatione volitionis: Ergo tandem ille assensus esset ab intrinseco connexus cum negatione omnis volitionis: Ergo ab intrinseco repugnans coniungi cum volitione: Ergo nullam excitaret volitionem, cum repugnaret ab intrinseco cuilibet volitioni.

33 Respondeo ad primam probationem, in primis distinguendo maiorem: Intellectivum

proximum est prius volitivo proximo, concedo: Intellectivum radicale est prius volitivo radicali, subdistinguo: Pro recto, nego: Pro connotato, & obliquo, concedo maiorem, & omnia minora, nego consequentiam; quia admittimus, posse de potentia absoluta dari intellectivum proximum sine volitivo proximo, id est intellectum sine voluntate, quia sunt potentie distinctæ, & posset Deus conservare primam contra exigentiam illius destruendo, seu non conservando secundam, negamus tamen possibile, naturam aliquam esse radicaliter intellectivam, quin sit radicaliter volitiva, quia volitivum radicale pro recto non est posterius intellectivo radicali, non enim sunt duæ radices, vna intelligendi, alia volendi, sed vna, & ipsissima ex hoc ipso quod per se primo est radix intelligendi, secundario est radix volendi, non secundario ex parte radices, aut rectè radicantis, quasi sit duplex radix, aut duplex ratio radicandi, sed solum secundario ex parte connotati, & radicati, quatenus eadem ipsissima radix, & ratio radicandi respicit pro radicato primario intelligere, & pro secundario velle; unde ex parte radices non est prior vna quam altera, sed eadem ipsissima, ac proinde implicat separationem sicut implicat separari vim cognoscitivam obiecti formalis, & primarij, à vi cognoscitiva obiecti materialis, aut secundarij, quia pro recto est eadem, licet pro connotato distinguatur penes primarium, & secundarium.

34 Vel secundò, omnia maiori, negatur minor, quia non semper, quod prius est prioritate rationis, aut naturæ potest separari à posteriori adhuc de potentia absoluta, nam sæpe prius infert essentialiter posterius, ut omnipotentia creaturas posibles, & decretum efficax existentiam obiecti decretati, & magis ad rem, forma naturalis in statu imperfecto appetitum saltem radicalem ad se ipsam in statu perfectò; unde sicut implicat forma naturalis in statu imperfecto ad quam non sequatur saltem radicaliter appetitus innatus ad suum statum perfectum, & si habeatur in statu perfectò, ad quam non sequatur quies innata in ipsius possessione; eum non pariter repugnabit forma apprehensa in statu imperfecto, seu inadæquata respectu potentie intellectivæ, ad quam non sequatur saltem radicaliter, & exactivè, appetitus elicitus ad ipsam adæquatè, & perfectè possidendam, & ea possessa, quies elicita, seu gaudium in illa, & de illa; nec enim magis præcedit forma apprehensa appetitum elicatum, quam forma naturalis appetitum innatum, nec minus iste est posterior ad formam naturalem, quam ille ad formam apprehensam.

35 Ad secundam, nego antecedens, quia plures sequerentur contradictoriæ, nempe, quod verum esset bonum proprium nature intellectivi-

*ut ut talis, & non esset, quia non esset in illa motum appetitus. Item ipsa esset intellectiva, seu apprehensiva boni proprii, nempe veri; & non esset, quia non esset excitativa appetitus proprii, & alia plures sequerentur contradictiones, quas iam exposuimus.*

36 Ad tertiam, illust. Godoy in *present.* negat maiorem, quia censet, non omnem cognitionem esse excitativam appetitus, sed solum cognitionem boni convenientis; quod probat ex D. Thom. 1. 2. *quest. 9. artic. 1. ad 2.* ubi sic ait: *Dicendum, quod sicut imaginatio forme sine estimatione convenientis, vel nocivi non movet appetitum sensitivum, ita nec apprehensio veri sine ratione boni, & appetibilis; unde intellectus speculativus non movet, sed intellectus practicus, ut dicitur in tertio de Anima.* Secundo, nam ipse D. Thom. 1. *contr. Gent. cap. 72.* probat in Deo voluntatem, quia omne intelligens, non solum ens, sed etiam bonum, est volens: Sed Deus intelligit non solum ens, sed etiam bonum; quia est perfectissimum intelligens: Ergo est volens: Ergo cognitio non est nata movere voluntatem, quia cognitio entis, & veri, sed solum quia cognitio practica boni.

37 Sed contra sibi objicit, quia D. Thom. in *present. quest. 80. artic. 1.* probat, quod ad formam intelligibilem, seu apprehensam sequitur appetitus elicited, sicut ad formam naturalem, sequitur appetitus innatus; quia ad quamlibet formam sequitur aliqua inclinatio: Et in hoc *artic. quest. 19.* probat, ad formam intelligibilem, seu apprehensam sequi appetitum intellectivum, sicut ad formam naturalem, sequitur appetitus naturalis; quia sicut res naturalis est in actu per formam naturalem, ita intellectus fit in actu per formam intelligibilem, seu intellectam: Sed per omnem formam intelligibilem fit in actu: Ergo ad omnem formam intelligibilem sequitur appetitus intellectivus. Tertio, quia D. Thom. *supra* ait, ad formam intelligibilem sequi appetitum elicited, sicut ad formam naturalem appetitus innatus: Sed nulla est forma naturalis, ad quam non sequatur appetitus innatus: Ergo nulla est forma intelligibilis, ad quam non sequatur, vel sequi possit appetitus elicited.

38 Respondet tamen, doctrinam D. Thom. debere intelligi eo sensu, quod ad omnem formam sequatur appetitus illi proportionatus cum universalitate, & distributione incompleta, accipiendo omnem formam pro omni genere formarum, sed non pro singularibus formis cuivis generis. Ex quo solum sequitur, quod ad formam apprehensam per sensum in genere sequatur appetitus sensitivus; & ad formam apprehensam per intellectum in genere loquendo sequatur appetitus rationalis elicited; non vero, quod quamlibet formam apprehensam per sensum sequatur appetitus sen-

sitivus, nec ad quamlibet apprehensam per intellectum appetitus intellectivus. Er ita esse explicandum mentem D. Thom. quia alias sibi contradiceret.

39 Sed contra hanc evasionem reddunt argumenta facta, nam quantum ad inferre appetitum proportionatum, & equiparat semper Div. Thom. formam intelligibilem, seu apprehensam eum forma naturali: Sed nulla est forma naturalis, quae non inferat appetitum naturalem: Ergo nulla etiam est forma apprehensa, quae de se nata non sit inferre appetitum elicited. Sed rursus respondet, comparationem D. Thom. non posse esse omnimodam, quia alias, sicut ad formam naturalem, non liberè, sed necessariò sequitur appetitus innatus, imò cum illa identificatur, ita ad formam intellectam, seu apprehensam sequeretur appetitus elicited necessariò, & non liberè, & cum illa identificatur.

40 Sed contra est, quia D. Thom. solum intendit, quod ad quamlibet formam sequatur appetitus illi proportionatus, & in hoc equiparat unam alteri: Sed appetitus proportionatus formae apprehensae per intellectum est appetitus liber, & non necessarius, quando nempe est forma apprehensa in universalis, & appetitus ad illam in singularis: Ergo quod appetitus sequatur ad formam apprehensam sequatur liberè, sen sit liber, non minuit comparationem, nec tollit, quod sit omnimoda, sed potius ex omnimoda comparatione sequitur, quod ad formam apprehensam per intellectum sequatur appetitus liberè, seu liberè. Ceterum si admittatur forma apprehensa aliqua, ad quam nollis sequatur appetitus illi proportionatus, penitus falsificatur illa universalis D. Thom. in qua totum discursum fundat, nempe, quod ad omnem formam informantem, & constituentem in actu, sequatur appetitus illi proportionatus; & paritas etiam D. Thom. minime subsistit. Vnde illam sic vigeat quia non solum ad genus formae naturalis, sed etiam ad quamlibet formam naturalem, sequitur appetitus naturalis: Ergo non solum ad genus formae apprehensae, sed ad quamlibet formam apprehensam sequitur, aut sequi potest appetitus elicited.

41 Respondet, esse disparitatem, quia nulla est forma naturalis, ratione cuius non sit consonum subiecto aliquod bonum, vel aliqua perfectio; est autem possibilis forma apprehensa, ratione cuius nollum bonum sit consonum naturae intellectivae, v.g. veritas per speculativè apprehensa; quia solum ratione formae apprehensae sub ratione boni convenientis est consonum naturae intellectivae ut tali bonum. Sed contra instat, & bene; quia cuilibet apprehensioni, seu formae, licet speculativè apprehensae, est consonum eius obiectum: Ergo nulla est possibilis forma ap-



prehensa, quantumvis speculative, ratione cuius non sit consonum aliquod bonum naturae intellectivae. Sed respondet, distinguendo antecedens: Est consonum illius obiectum, vel illi conveniens naturaliter concedit: Intelligibiliter, negat antecedens, & consequentiam, quia ex convenientia naturali obiecti cogniti ad formam intelligibilem solum colligitur appetitus innatus circa bonum sic conveniens, non elicitus. Hucusque Illustris. Godoy; cuius discursum, quia subtilem, & eius ingenij, ac ingenuitatis proprium, qui nescit dissimulare vim argumentorum, & difficultatem, licet propriae sententiae adversam, hic resumere placuit.

42 Verumtamen in hac controversia, cum alijs Thomistis dicendum censo, nullam esse possibilem formam apprehensam, ad quam per se non sequatur, aut sequi possit appetitus elicitus. Et in primis, incipiendo ab hac ultima solutione, in qua sistit, contra illam sic insurgo: Cuiuslibet formae apprehensae, quantumvis speculative, seu naturae intellectivae ratione illius, est intelligibiliter conveniens obiectum ut ita se habens in re, sicut indicatur: Ergo nulla est possibilis forma apprehensa, ratione cuius non sit aliquid conveniens naturae intellectivae ut tali. Probo antecedens, quia naturae intellectivae ratione cuiuslibet formae apprehensae, seu cognitionis est illi conveniens intelligibiliter veritas illius cognitionis: Sed veritas est bonum proprium naturae intellectivae ut talis, & consistit in eo, quod obiectum ita sit in re, sicut cognoscitur, vel sicut est in intellectu: Ergo ratione cuiuslibet cognitionis, seu formae apprehensae est conveniens naturae intellectivae, ut tali, seu intelligibiliter obiectum illius ut ita se habens in re.

43 Explicatur: Verum est bonum proprium naturae intellectivae, ut intellectivae, & consonum illi, non physice, sed intelligibiliter: Sed verum consistit in eo, quod obiectum ita sit in re, sicut est in intellectu, sicut solum in eo, quod obiectum non sit ita in re: Ergo obiectum ut ita se habens in re est bonum proprium naturae intellectivae ut talis, & illi ut tali conveniens: Tunc sic, sed nulla est forma intelligibilis, seu apprehensa, ratione cuius non sit conveniens naturae intellectivae ut tali verum intelligibiliter: Ergo nulla est forma intelligibilis, seu apprehensa ratione cuius non sit conveniens, & consonum intelligibiliter obiectum ut ita se habens in re, sive ut ens, aut essens in re, quod est in intellectu. Explicatur: Veritas ex parte obiecti est bonum consonum naturae intellectivae ut tali: Sed non est bonum consonum pure physice, & naturaliter, quia non perficit intellectum modo physico, & naturali, sed obiectivè, & modo intelligibili, quia intellectus non tenet, nec possidet veritatem modo physico, sed modo intellectivo, ut per se patet: Ergo si ra-

tione cuiuslibet formae intelligibilis est bonum consonum naturae intellectivae aliqua veritas ex parte obiecti, ratione cuiuslibet est illi consonum intelligibiliter, seu modo intellectivo aliquod bonum.

44 Contra secundò, quia per se, ratione formae intelligibilis est conveniens natura intellectivae illius obiectum: Sed non est illi conveniens pure naturaliter: Ergo intelligibiliter. Probo minorem; si ratione formae intelligibilis esset illi conveniens pure naturaliter obiectum illius, ad formam intelligibilem sequeretur per se appetitus naturalis, & innatus, quia per se ex convenientia naturali obiecti cogniti ad formam intelligibilem solum colligitur appetitus innatus ad bonum sic conveniens: Sed falsum est, & contra doctrinam D. Thom. quod ad formam intelligibilem sequatur appetitus innatus, & naturalis: Ergo & quod obiectum ratione formae apprehensae sit solum naturaliter illi conveniens. Minor patet, quia ad formam intelligibilem solum sequi potest appetitus illi proportionatus: Sed falsum est, quod appetitus naturalis, & innatus sit proportionatus formae intelligibili, seu apprehensae, quia solum est proportionatus formae naturali; aliter enim inefficaciter probaretur appetitus elicitus per naturalem, ex hoc, quod ad formam apprehensam sequitur appetitus illi proportionatus, sicut ad formam naturalem appetitus similiter proportionatus, & tota doctrina D. Thom. corrueretur: Ergo.

45 Contra tertio, quia ad quamlibet formam apprehensam, vel obiectum cognitum, licet speculative, sequitur appetitus ad veritatem illius assequendam, vel si plenè assequuta supponatur, delectatio, & gaudium: Sed haec delectatio, & ille appetitus est elicitus, & non innatus: Ergo sequitur appetitus elicitus, vel delectatio elicita. Probo minorem ex D. Thom. qui 1. 2. quaest. 4. art. 8. probat beatitudinem hominis in visione divinae essentiae consistere, quia obiectum proprium intellectus est, quod quid est, seu essentia rei; & quia cognita essentia alicuius effectus, remanet homini naturale desiderium cognoscendi etiam de causa quid est; quod desiderium non potest satiari usque dum perveniat ad causam primam, & cognoscat de ea, quid est, seu essentiam eius, quae cognita satiatur, & delectatur: Sed hoc desiderium est de sola quidditate, & veritate adipiscenda usque ad primam quidditatem, & veritatem, & similiter ea delectatio est de prima quidditate, & veritate inventa, & aliis desiderium illud est appetitus elicitus, & delectatio illa est delectatio elicita, non innata, nec naturalis: Ergo appetitus quidditatis, & veritatis cognoscendae, & delectatio in illa inventa, sunt eliciti, & non innati: Quod illud desiderium sit elicicum, & non appetitus innatus, ostenditur *Disput. 3. q. 4. d. n. 16.* est

est sententia expressa Illust. Godoy, & ferè omnium Thomistarum. Quod item delectatio illa consequuta ad quidditatem, & veritatem inventam sit elicita, & non innata, videtur etiam evidens, quia est delectatio vitalis, & intellectiva, nisi velis, fruitionem, & delectationem beatorum in essentia divina visa, non esse vitalem, nec elicitam, nec actum voluntatis: Ergo respectivè ad quidditatem, & veritatem, ut est obiectum intellectus speculativi, admittit D. Thom. appetitum elicicum, & delectationem elicicam.

46 Explicatur nam vicinque D. Thom. probat desiderium illud non sistens vsque ad visionem primæ essentiz, seu primæ causæ, nullam mentionem facit de intellectu practico proponente bonum signatè ut bonum; sed solum de intellectu cognoscente quidditatem effectus, & inde appetente cognoscere causam, & quidditatem causæ, & sic vsque ad primam causam; qui quidem processus totus est per intellectum speculativum: Ergo iuxta D. Thom. intellectus speculativus, & quidditas speculativè cognita nata est excitare desiderium elicicum cognoscendi speculativè quidditatem, & quidditatem, vsque ad quidditatem primæ causæ.

Confirmatur primò, quia ipse D. Thom. 1. 2. quæst. 3. (ante ipsam 4. ex qua Illust. Godoy suum probat intentum) art. 5. probat, beatitudinem propriam naturæ rationalis consistere in actu intellectus speculativi, potius quam in actu intellectus practici, quia contemplatio maximè queritur propter se ipsum, actus autem intellectus practici non queritur propter se ipsum, sed propter actionem: Sed quod maximè queritur propter se ipsum, maximè est excitativum appetitus, vel si iam habetur, delectationis: Ergo contemplatio quidditatis, seu veritatis, quæ est actus intellectus speculativi, maximè est excitativa appetitus, vel delectationis. Confirmatur secundò, nam 1. Contr. Gen. ipso cap. 72. ex quo Illust. Godoy suam sententiam probat, art. 4. sic probat in Deo voluntatem: *Intelligere, quanto perfectius est, tanto delectabilius est intelligenti. Sed Deus intelligit, & suum intelligere est perfectissimum: Ergo intelligere est ei delectabilissimum: Sed delectatio intelligibilis est per voluntatem, sicut delectatio sensibilis est per concupiscentiam appetitum: Est igitur in Deo voluntas.* Tunc sic, sed hoc intelligere, de quo loquitur, est intelligere speculativum, quia est in quo consistit beatitudo Dei, & quod maximè queritur propter se, vel saltem est intelligere ex terminis abstractendo à speculativè, vel practicè: Ergo intelligere speculativum, vel ex terminis est delectabile tanto magis, quanto perfectius est, per delectationem propriam voluntatis: Ergo est excitativum delectationis elicitz, seu actus voluntatis.

47 Ex quo iam ad loca D. Thom. suprà alla-

ta num. 35. ex quibus Illust. Godoy contendit, mentem D. Thom. esse indubitatam, concessio utroque textu D. Thom. distinguo consequens: Ergo cognitio, quæ cognitio entis, & veri, non est nata movere voluntatem ad actionem, seu actiones imperandas, concedo: Non est nata movere voluntatem intransitivè erga ipsam cognitionem entis, & veri ut delectetur in illa, vel ut illam inquirat amplius, & amplius, nego consequentiam. Itaque valdè advertendum est, quid intelligat D. Thom. nomine intellectus practici, & nomine movendi voluntatem, vel appetitum, si enim quis mature perpendat loca D. Thom. appertè inveniet, quod per movere appetitum, aut voluntatem intelligit D. Thom. illam excitare ad actionem, vel actiones imperandas, seu ad hoc ut exeat ab ipso centro proprio intellectus, & tendat extra per actionem; sicut enim aliquem moveri, est à suo loco exire, & extra tendere, eoque si aliquis alium sibi contiguum in suo loco teneret, & ad suum locum magis, & magis impelleret, non diceretur illum movere propriè, sed solum quando illum impelleret extra: sic per analogiam, intellectum movere voluntatem propriè dicitur, cum illam excitat, & impellit extra centrum proprium intellectus ad agibilia, vel ad factibilia, quæ ut talia sunt extra proprium centrum intellectus; non autem propriè eam movet, cum solum illam excitat erga veritatem contemplandam, inquirendam, vel cognoscendam, quod est proprium centrum intellectus, licet re ipsa illam excitet, ac trahat ut appetat magis, & magis ipsum centrum intellectus, nempe contemplare, & intelligere magis, & magis quidditatem, & veritatem, & ut in hoc delectetur, cum ipsum intelligere quidditatem, & veritatem delectabile sit, & quanto magis, magis, & appetibile propter se, ut inquit D. Thom. Similiter etiam intellectum practicum appellat D. Thom. non ex eo, quod trahat, aut excitet appetitum erga veritatem, & quidditatem contemplandam, quia hoc etiam convenit intellectui speculativo; sed ex hoc, quod excitat voluntatem ad actionem erga agibilia, vel factibilia.

48 Et quod hic sit sensus, & mens D. Thom. constat primo, quia ut ipse aiebat suprà num. 46: actus intellectus practici non queritur propter se ipsum, sed propter actionem; ipsa autem actiones ordinantur ad aliquem finem: Ergo intellectus solum dicitur practicus; in quantum movet voluntatem ad actiones, quæ ordinantur in aliquem finem: Sed contemplatio veritatis non est ex genere suo actio ordinata ad finem aliquem, sed est finis omnium actionum humanarum, nam propterea in ea collocat D. Thom. beatitudinem creaturæ rationalis: Ergo iuxta D. Thom. intellectus non dicitur practicus ex eo, quod moveat appetitum erga contemplationem veritatis. Sequen-

cundò; nam ibid. ad 2. sic ait: *Dicendum, quod intellectus practicus habet bonum, quod est extra ipsum; sed intellectus speculativus habet bonum, quod est in se ipso, scilicet contemplationem veritatis; & si illud bonum sit perfectum, ex illo totus homo sit perfectus, & sit bonus; quod quidem intellectus practicus non habet, sed ad illud ordinat.* Ergo solum intellectus dicitur practicus in quantum movet voluntatem erga bonum existens extra intellectum, ordinando illud ad proprium bonum, quod est contemplatio veritatis. Tunc sic, sed voluntas per prius afficitur erga bonum proprium intellectus, quam erga bonum existens extra intellectum, quod solum queri debet propter bonum intellectus, scilicet propter contemplationem veritatis; Ergo voluntas prius afficitur erga contemplationem veritatis: Sed ad hunc affectum non movetur ab intellectu practico: Ergo ab intellectu speculativo: Ergo tandem intellectus speculativus movet affectum voluntatis, licet non erga bonum existens extra intellectum, quia ad hoc solum movet eam intellectus practicus, tamen erga bonum proprium, nempe erga contemplationem ipsam veritatis. Hæc igitur est genuina mens D. Thom.

49 Nec obstat, quod dixerit: *Sicut imaginatio forme sine affectione convenientis, vel nocivæ, non movet appetitum sensitivum, ita nec apprehensio veri sine ratione boni, & appetibilis movet voluntatem*, quia debet intelligi de movere transitive ad bonum extra intellectum, seu ad agibilia, & factibilia, quod solum est proprie movere in sensu D. Thom. non de movere intransitive voluntatem erga bonum proprium ipsius intellectus, vel imaginativæ; nam etiam imaginativa interdum exercetur cum delectatione sensibili in cogitatis, & imaginatis, nihil cogitando de convenienti, vel nocivo, sed præcisè cum delectatione in ipsis imaginibus, quia pulcris, seu aptis ipsi imaginativæ, licet tunc non dicatur proprie imaginatio nem movere appetitum sensitivum, quia non movet ab bonum extra imaginativam, nec ad actionem, sed ad bonum ipsius imaginativæ intransitive, seu ad delectationem in ipsis imaginatis. Quod quidem magis verum tenet in forma apprehensa per intellectum sub ratione quidditatis, aut veritatis; quia licet dubium sit, an primum bonum animalis sit talis sit imaginabile, seu proprium bonum imaginativæ, tamen certum est, proprium, & primum bonum naturæ intellectivæ ut talis esse bonum proprium intellectus, seu intelligibile, & verum ut tale, eiusque felicitatem in contemplatione veritatis sitam esse; unde per prius, & primario apprehensio veritatis, aut quidditatis movet voluntatem intransitive erga ipsam ut erga bonum primum creatoris rationalis, quam apprehensio boni extranei convenientis ad illam, propria intellectus practici, moveat transitive

ut voluntatem erga bonum extraneum ordinabile ad proprium. Et quidem in eodem art. in corp. sic ait D. Thom. *Obiectum movet determinando ad actum per modum principij formalis: primum autem principium formale est ens, & verum universale, quod est obiectum intellectus, & ideo isto modo motionis intellectus movet voluntatem, quasi præsentans ei obiectum suum, nempe ens, & verum universale: Ergo ex quo intellectus intelligit ens, & verum universale, movet voluntatem: Hæc igitur concilianda sunt.*

50 Nec item obstat, quod D. Thomas 1. contr. Gent. cap. illo 72. probet in Deo voluntatem, quia est intelligens non solum ens, sed etiam bonum; quia licet ex hoc recte probetur voluntas, non tamen tollitur, quod universalius probetur etiam ex hoc præcisò, quod Deus est intelligens, unde ratione 4. probat etiam in Deo voluntatem ex hoc præcisè, quod intelligere est delectabile intelligit; & intelligere Dei est perfectissimum, & ideo delectabilissimum; ubi non facit mentionem de intelligere practice bonum, potius quam de intelligere speculative verum; inò de hoc secundo loquitur, quia hoc secundum est proprie delectabile, quia est propter se: Ergo ratio D. Thom. non est coarctanda ad apprehensionem practicam boni, sed universalius etiam intelligenda, ita ut ad quamlibet apprehensionem, seu formam apprehensam sub ratione veri, sequatur appetitus elicitus.

51 Et quidem, si ratio D. Thom. coarctetur ad formam apprehensam practice sub ratione boni, efficax esse nequit, nisi probando prius omne intellectivum esse intellectivum practicum boni, ita ut in hoc probando stet tota vis rationis D. Thom. Sed hoc dici non debet, quia sæpe D. Thom. ex intellectivo probat volitivum, nulla facta mentione de intellectivo practico boni; ut videre est in præsentis, & alibi sæpe: Ergo ratio D. Thom. efficax est sine illa limitatione.

52 Sed dices, quod licet ens, & verum universale sit proprium bonum intellectus, & creatoris intellectivæ ut intellectivæ, tamen ut excitet affectum voluntatis erga hoc bonum, requiritur, quod intellectus illud cognoscat ut bonum, & convenientis sibi, & creatoris intellectivæ ut talis: Sed ita illud non cognoscit ex hoc præcisè, quod speculative apprehendit ens, & verum universale: Ergo ex hoc præcisè non excitat affectum voluntatis erga ipsum. Respondeo, distinguendo maiorem: Requiritur, quod intellectus illud cognoscat signatè, & reflexè, ut bonum, & convenientis sibi, nego maiorem: Exercitè, & directè, concedo maiorem, & distinguo maiorem eodem modo, nego consequentiam, quia ex quo intellectus apprehendit ens, & verum universale, exercitè apprehendit illud ex sibi convenientis, ut centrum suum, & ut suum bonum; & exercitè trahit volun-

tatem ad illud appetendum, si eo caret, vel ad delectationem in eo, si ipsum perfecte iam tenet, & contemplatur in se ipso. Nec enim opus est, ut reflectat iterum intellectus per alium actum cognoscendo, quod ipsum ens, & verum, quod est obiectum ipsius, est bonum suum; alias essentia divina ut immediate in se visa directe non traheret voluntatem ut delectaretur in ipsa, sed opus esset, quod intellectus beati reflecteret supra se, & supra illam ut visam, & adverteret esse bonum sibi conveniens illam videre; quod nemo dicit; sed omnes fatentur, quod intellectus directe, & exercite, ex quo illam cognoscit ut ens, & verum universale in actu, exercite, & directe cognoscit illam ut summum bonum sui proprium, & ex hoc ipso trahit voluntatem ad summam delectationem in ea.

53 Et similiter videmus, quod si aliquis alium fallit, statim ac advertit se falsum ab illo, displicet, & irascitur, & quisque adversus contradicentes suos sententiae, & iudicio penè indeliberate irascitur, & de contestantibus placet; quin reflectat iudicando, falsitatem esse malum proprium intellectus, & veritatem bonum proprium illius; non alia ratione, nisi quia exercite, & directe cognoscit verum ut bonum proprium, & falsum, ut proprium malum, & ex hoc precise absque ulla reflexione displicet ei falli, & appetit verum in suo iudicio, & quia contradicentes, auferunt ei verum in iudicio, quod exercite, & directe, ex hoc ipso quod iudicat ita esse, respicit ut bonum proprium, ideo statim irascitur, quasi defendens proprium bonum, in eos, qui id ipsum auferre conantur, per hoc precise, quod dicunt, *non est ita*, quod iudicas. Quae omnia, si quis subtiliter penset, inveniet, quod ens, & verum, ex hoc ipso quod cognoscitur ut ens, & ut verum, exercite cognoscitur ut bonum sibi conveniens absque omni reflexione, & excitat appetitum; imò satis est cognoscere ens signatè ut ens; nam si quis iudicat de aliquo, *quod est*, & alius contradicat, dicendo *non est*, statim experimur ex hoc precise displicentiam de contradictione, & provocatur irascibilis ad propugnandum, *quod est*, tanquam ad tuendum proprium bonum; quod impossibile esset, nisi præcederet complacentia in eo *quod est*, tanquam in proprio bono, & nisi illud ut bonum proprium teneret exercite; quia supponimus de hoc non præcisse advertentiam reflexam: Ergo ex hoc precise, quod aliquid apprehenditur, vel iudicatur ut ens, exercite apprehenditur ut bonum proprium, & suffi-

cienter ad excitandum appetitum.

Vide supra num. 28.

\*\*\*



## ALITER SOLVITUR TERTIA replica ex num. 31.

34 **I** Deo ad replicam tertiam ex num. 31: aliter respondeo, nempe, omnia maiori, negando minorem, & ad primam probationem, nego antecedens, de sensatione interna, quae solum comparari potest cum intelligentia; haud facile enim probabitur sensatio interna possibilis, quae nullum de se excitet appetitum; quod si aliquem de se excitare valet, erit appetitus illi proportionatus, nempe sensitivus; nec enim oppositum probatur ex imaginatione pura abstrahente ab estimatione convenientis, vel nocivi, quia haec etiam delectare solet, ut contingit in somniis, quando nempe imaginativa cum delectatione plura componit absque estimatione convenientis, vel nocivi. De quo iam explicavimus Divi Thom. num. 48. Vel admissio antecedenti, negari potest consequentia; quia est ingens disparitas, siquidem bonum proprium, & primum animalis ut talis non est imaginabile, ut imaginabile, sed aliae delectationes sensibiles, nec imaginativa est ita universalis, sicut intellectus, unde in brutis distinguitur imaginativa ab estimativa, tanquam duae potentiae realiter distinctae, & tamen in natura intellectiva idem intellectus est speculativus, & practicus propter sui universalitatem: Cur ergo ex his disparitatibus, non poterit intellectus cognoscendo in actu exercito bonum proprium, id est verum, quod est bonum proprium sui suppositi, & suae naturae, ex hoc ipso excitare appetitum universalem sui suppositi, & suae naturae, qui est voluntas; quin hoc possit imaginativa propter oppositam rationem.

55 Ad secundam, omnia maiori, distinguo minorem, cognitio pure speculativa non esset excitativa volitionis erga bonum extraneum intellectui, agibile, vel factibile, concedo: Erga bonum proprium intellectus, quod est verum contemplabile, nego; nec proinde diceretur ea cognitio practica, quia intellectus solum dicitur practicus, dum extenditur ad proponendum bonum extra ipsum existens agibile, vel factibile in ordine ad proprium bonum. Quod quidem iam explicavimus supra à num. 46. & 47. ex ipso D. Thom.

56 Ad tertium, quod mirum in modum exercet ingenia RR. respondeo primo, illud evidenter esse fallax, quia probat, necdum, quod assensus præstandus illi revelationi, & decreto de se non posset excitare appetitum, sed quod esset inimperabilis à voluntate, imò, & quod esset in cognoscibilis sub ratione boni, & quod re ipsa non esset bonum, nec actualitas, aut perfectio intellectus, nec illi conveniens assentiri; quod sic facile probatur, quia si ille assensus esset bonus, esset

esset cognoscibilis ut bonus ab intellectu ipsa as-  
sentiente; repugnat enim ex terminis bonum in  
cognoscibile ut bonū, nō minus, quam ens incog-  
noscibile ut ens. Et item, quia ut bonum continere-  
tur sub ente, & vero, & consequenter sub obiecto  
specificativo intellectus, implicat autem, quod sit  
cognoscibile ut bonum, nisi obiectivè sit motivū  
appetitus: Totum hoc esset falsum, si argumentum  
verum tenet, quia ille assensus intrinsecè esset in-  
appetibilis, & inamabilis: Ergo non esset intrinse-  
cè bonus, nec cognoscibilis ut bonus, nec motivū  
appetitus, aut voluntatis, adhuc obiectivè: Ergo  
ille assensus re ipsa non esset bonus, nec conve-  
niens intellectui: Hoc autem evidenter implicat  
contradictionem: Ergo argumentum, quod hoc  
probat, probat chimeram, & est fallax.

57 Nec enim satisfacies, si dicas cum Illust.  
Godoy, quod Petrus, cui revelaretur illud decretū,  
posset illi assentiri, sed non posset illud proponere  
ut licet, & nunc cōveniens, aut bonū proprię volun-  
tati. Contra enim est, quia in primis fallitur Illust.  
Godoy, existimans necessarium ad movendam  
voluntatem, quod obiectum proponatur ut con-  
veniens voluntati; satis enim est, quod propona-  
tur ut conveniens supposito, & naturæ intellectu-  
væ, quia voluntas per se primo non est destinata  
ad appetendum bonum privativum ipsius volun-  
tatis, alias esset propter se ipsam, sed ad appeten-  
dum bonum supposito, & naturæ suæ, cuius est  
ipsa: Satis ergo est, quod obiectum proponatur  
ut conveniens supposito, & naturæ intellectu-  
væ: naturæ autē intellectu-æ per prius est conveniens,  
& bonum, verum sub ratione veri, quia hoc est  
bonum conveniens primariæ potentie illius, &  
bonum primarium naturæ intellectu-æ: Ergo ad  
movendam voluntatem satis est, quod propona-  
tur conveniens intellectui, seu naturæ intellectu-  
væ ut intellectu-æ. Deinde, illud decretum esse re ip-  
sa bonum: Ergo de se amabile, & contentum  
sub ratione boni, & amabilis: Ergo esset ama-  
bile à voluntate Petri, siquidem contentum sub  
obiecto specificativo ipsius; nec enim decretum  
variaret obiectum specificativum voluntatis Pe-  
tri, nec redderet se ipsum extra illud, cum  
non esset extra specificativum voluntatis alterius, Pau-  
li v.g. Idemque argumentum potest fieri de assen-  
su præstando illi revelationi; quod nempe esset  
bonus, & amabilis à voluntate ipsius, sicut à vo-  
luntate alterius.

58 Nec iterum satisfacies, si eum illo dicas  
forè amabilem negativè, aut permissivè ex ratio-  
ne communi boni, sed repugnantem amari propter  
rationem differentialem. Hoc enim plura falsa  
involvit, primum, quod ex ratione communi  
boni bonum solum negativè, & permissivè sit  
amabile, & non potius positivè. Secundum, quod  
ex ratione differentiali repugnet amari; quia  
etiam ex ratione differentiali esset bonus, & bonum

positivè, eum bonum, & ens transcendat vtri-  
mas differentias: Esset ergo, decretum illud non  
solum negativè, sed positivè amabile, non solum  
ex ratione communi, sed ex ratione differen-  
tiali; & idem de assensu.

59 Nec similiter dici potest cum Hericè, quod  
ille assensus posset remotè excitare affectum, non  
proximè. Nam hanc solutionem etiam ipse illust.  
Godoy evidenter convincit. Et iterum convinci  
potest, quia, cui repugnat metaphysicè actus mo-  
vendi, & excitandi, repugnat etiam metaphysicè  
potentia proxima ad talem actum; & cui repugnat  
metaphysicè potentia proxima, nec remotè est po-  
tens ad talem actum: Sed argumentum probat,  
quod illi assensui repugnaret metaphysicè actu  
novere affectum voluntatis, quia per hoc falsifica-  
retur, & illi metaphysicè repugnat falsificari: Er-  
go probat, nec remotè, posse excitare affectum.

60 Igitur, facile respondeo ex dictis Traët.  
de Fide disp. 1. q. 15. quod si decretum illud po-  
natur decernens nō concurrere ad vllum volun-  
tatis actum, excludendo etiam actum, vel actum vo-  
luntatis erga ipsum decretum, vel erga assensum  
illius, aut revelationis de ipso, est chimericum, &  
impossibile, quia esset reflexum supra se ipsum, si-  
mulque liberum, & necessarium; liberum, quia de-  
cerneret liberè; necessarium, quia decerneret non  
concurrere ad amorem impossibilem, nempe ad  
amorem sui à Petro, qui esset impossibilis; & quid  
magis necessarium, quam non concurrere ad amo-  
rem impossibilem. Igitur, si illud decretum ponatur  
liberum, & possibile, ponendum est, de non  
concurrendo ad actus voluntatis ad ipsum non  
terminatos, relinquendo secum compossibiles  
actus voluntatis ad ipsum terminatos; quod si  
vellit excludere etiam illos, opporret, quod fiat  
per aliud decretum reflexum supra primum, quo  
Deus nollet concurrere ad actus terminatos ad  
primum, ita ut nullum decretum possit per se ip-  
sum excludere actus, aut negare concursum ad  
actus terminatos ad se, sed solum ad actus termi-  
natos ad aliud, & sic possibile erit decretum, sed  
nullum per se, & ab intrinseco connexus erit cum  
carentia actus voluntatis Petri erga se ipsum, nec  
ab intrinseco tepugnabit cum tali affectu, in quo  
cognitur à Petro, per se, & ab intrinseco excita-  
vit aliquem affectum in eius voluntate quantum  
est ex se.

61 Ex quo in forma ad probationem ex m.  
33. distinguo maiorem: Potest Deus decernere nō  
concurrere, aut negare concursum ad omnē vo-  
litionem Petri non terminatam ad ipsum decre-  
tum, concedo: Etiam ad volitiones terminatas ad  
ipsum decretum, subdistinguo: Medio alio decre-  
to reflexo, supra primum transcat: Per ipsummet  
decretum directum excludendo volitiones erga  
se ipsum, nego maiorem; & in sensu concessio, ne-  
go minorem; quia tale decretum ex vi dependentiæ  
Bb di-

directæ, solum posset negare concursum ad actus, aut volitiones erga alia obiecta, non ad volitiones erga ipsummet; unde non esset ab intrinseco connexus cum carentia amoris, aut volitionis erga se ipsum, sed solum erga alia obiecta, & sic cognitio, vel assensus illius posset excitare affectum erga ipsum, licet non erga alia obiecta. Unde ad probationem minoris, concessa maiori, nego minorem, quia per volitionem erga ipsum decretum, aut erga revelationem illius minimè frustraretur decretum, nec falsificaretur revelatio illius, quia decretum, & revelatio solum esset de nō concurrendo ad volitiones erga alia obiecta, non verò de non concurrendo ad volitionem, vel affectum erga se; & sic per concursum ad volitionem vel affectum erga ipsum non frustraretur decretum, nec falsificaretur revelatio, nec assensus. Ad explicationem, distinguo illam partem: Decretum esset connexus cum negatione concursus ad volitiones, vel affectus erga alia obiecta, concedo: Cum negatione concursus ad volitionem, vel affectum erga ipsummet decretum, nego, & hac distinctione solvitur tota difficultas. Videantur dicta Tract. de Fide, ubi supra, nam ibi latè hanc difficultatem de decretis reflexis tractavi.

#### COROLLARIUM UTILE PRO doctrina Morali, & Mystica.

62 Solent aliqui ex infensis Theologiæ Scholasticæ eius Scholasticas controversias carpere, eo quod inutilia ad mores, ad fidem, & salutem, ac perfectionem animæ discutere dicunt; sed ut quam falsum hoc sit, appareat manifestè, placuit ex dictis in hac questione, quæ purè metaphysica ab aliquibus censetur, inferre, quæ sequuntur vilia.

63 Inferitur enim primò ex dictis præsertim à num. 41. vtilissimè ad mores; quantum creature rationali intersit veritas, tum in iudicijs speculativis, & practicis de agendis, tum in testimonijs, & loquutionibus proferendis, tum in omnibus alijs; quandoquidem, ut ex dictis constat, illa est bonum proprium, & primum creature intellectivæ ut talis, ad cuius pulcritudinem contemplandam per se primo destinata est, & cuius contemplatio tantam animæ intellectivæ delectationem asferre posset, ut merito Augustinus dixerit lib. 10. Confess. cap. 23. *Beatitudinem esse gaudium de veritate; & cuius contemplatio, si perfecta sit, ex illa totus homo fit perfectus, & fit bonus*, ut supra aiebat D. Thom. Quanta ergo dilectione, & aviditate debere homines veritatem in omnibus quærere, inventam tenere, eam omnibus alijs bonis præferre, quæ nempe sola beari possunt, & integrè boni, ac perfecti esse.

64 Colligitur secundò, inordinatè procedere,

quotquot verum propter bonum æstimaunt, & nō verum propter se ipsum, & cætera bona propter ipsum; indeque totā generis humani corruptionē in moribus provenire; quia nempe non considerantes, quod verum, seu veritas ipsa sit primariū bonum creature rationalis, illam non propter se ipsam, sed propter alia bona delectabilia, aut vtilia ad delectationem inquirunt; volunt enim verū aurum, veras gemmas, veram corporis valetudinem, & alia huiusmodi, non propter ipsam veritatem, quæ animam delectat, & pascit, & quæ verus animæ intellectivæ cibus est; sed propter delectandos, & pascendos sensus corporis, qui capaces nō sunt illius delectationis purissimæ veritatis, nec veritate pasciuntur, sed sensibilibus rebus: ambiunt honores, dignitates temporales, famam, & opinionem, quæ quid fantasticum sunt, & sæpè in falso fundantur, quia veritate post habita, bonum apparens, veritati, quæ sola verum, & primum bonū est creature intellectualis, præferunt: *Bonum, bonum* acclamant, & quærant, sed *non verum bonum* sit, contemnant sæpissimè: Experientur voluntatē delectari bono, etiam cum solum est bonum apparens, licet non delectaretur, nisi putaret illud verum; & ideo, quia solum quærant bonum ut delectet voluntatem, non verum quod solidè pascat intellectum, trahunt sæpè intellectum, ut, licet falso, putet tamen verum, bonum, quo delectetur voluntas. Patiuntur intellectum falli, & bono suo proprio privari, nempe veritate, & malo suo proprio insci, nempe falsitate, ut voluntas bono delectetur, licet falso, & purè apparenti. Intellectum suo proprio, & solido cibo, nempe veritate ieiunare cogunt, ut voluntas bono saginetur, licet falso; inde in comertijs iam vtilitas quæritur, veritas contemnitur, inde in testimonijs, in loquutionibus, quin & aliquando in sacris concionibus, non tam verum, quam bonum, quod delectet eligitur; inde etiam interdum pro convenientia ipsa consultores eliguntur, non qui vera dicunt, sed qui placencia; diminutæ sunt veritates à filiis hominum, & inde corrupti sunt mores hominum.

65 Radix ergo corruptionis est contemptus veritatis. Radix autem sanitatis erit æstimatio veritatis, & illius appetitio propter se ipsam, tanquam boni primarij, & proprij creature rationalis, non huius, aut illius tantum veritatis, sed veritatis universalis, quæ avidè inquirebat August. suspiciat emittens, & clamans, *ubi est veritas, ubi est veritas*; hæc sanè est verum, & solidum, & primum bonum creature rationalis; non quia bonum, verum; sed quia verum, est bonum, siquidem quia verum est bonum creature intellectivæ ut intellectivæ, & ab ipsa primariò appetibile, non quia appetibile, nec quia bonum, verum: Curemus ergo prius, seu

seu per se primo de veritate, quam de bonitate, & sic verum bonum adipiscemur.

66 Colligitur tertio pro doctrina Mystica ex dictis *num. 45.* cur mentis contemplatio à Doctoribus Mysticis *quietis* oratio nuncupetur; non sanè quia voluntas otiosa ibi sit, & omni suo affectu orbata; sed quia non movetur ad bonū extraneū bono proprio intellectus, nec extra centrū ipsius intellectus. Tūc enim intellectus est in actua li exercitio contemplationis, quam definiunt PP. *simpliciter veritatis intuitus*, inquit nempe intellectu in caligine quadam, modo quodam ignoto veritatem aliquam magnam, vel interdum veritatem, non hanc, vel illam, sed veritatem universalem, & puram; sed hic intuitus, hæc contemplatio, licet non practica, sed speculativa, non tamen infœcunda est ad excitandam, & trahendam voluntatem, & amorem, imò efficacissima. Nam ex quo contemplatio est veritatis, est in actu exercitio contemplatio boni primarij, & proprii creaturæ rationalis, nam, hoc bonum est veritas qua veritas; nam qua veritas, est convenientis primariæ potentie ipsius naturæ intellectivæ; quis autem dicat naturam, vel animam contemplantem in actu exercitio primarium, & proprium bonum, non alicere voluntatem erga illud? aut eam contemplationem infœcundam esse ad asciendam voluntatem? Imò, ut inquit D. Thom. delectabilissima est per se ipsam, & voluntatem delectat, & delectatione trahit, non ad aliud, sed ad ipsam veritatem contemplatam, & magis, ac magis contemplandam. Ut enim August. profundè explicat *Tractat. 26. in Ioann. post init.* animus trahitur voluptate, quia delectatur veritate, & nihil fortius desiderat, quam veritatem: Quis ergo dicat contemplationem puram veritatis, vel imaginis, vel universalis, quæ maximè per se delectabilis est, non trahere voluntatem voluptate, seu delectatione ad ipsam veritatem contemplandam?

67 Si enim oculus corporalis videns pulchritudinem aliquam magnam, & speciosam, vel gemmam pretiosam, ex hoc præcisè trahit appetitum sensivum per delectationem ad illam, quin ad hoc opus sit querere aliam utilitatem, aut convenientiam in illa, quam eam, quam exercere habet ad vñum corporum in ratione visibilis; cur intellectus contemplant veritatem, vel magnam, vel universalem, qua nihil pulchrius est, nam omne aurum in comparatione illius arena est exigua, & tanquam lutum æstimatur in comparatione illius; ex hoc ipso, quod ipsam intuetur, aut contemplatur, non trahit per delectationem voluntatem ad illam? quin ad hoc opus sit, aliam bonitatem, aut convenientiam in ea attendere, præter ipsam, quam in actu exercitio habet ad intellectum ut intelligibilis, seu ut veritas. Si autem hoc ita est, numquam ergo invenitur illa veritatis contemplatio sine delectatione ingenti

voluntatis in illa, & vehementi affectu erga ipsam propter ipsam, & sistendo in ipsa.

68 At, qui mysticam istam non penetrant inquit: Voluntas non movetur. Ergo otiosa est! Ergo tota illa quies falsa, Molinifica, falsorum illuminatorum, & quietistarum est. Respondeo; in hoc ita proferendo magna caurela opus esse, Theologis præsertim; nam, ut aiebat Augustinus ubi supra: *Da amantem, & sentit, quid dico; si autem frigido loquor, nescit quid loquor.* Nescimus ista plerunque, quia frigidi sumus; & non debemus, quæ nescimus, reprobare, ne nobis dicatur, *quæcumque quidem ignorant, blasphemant.* Igitur, si anima contemplant veritatem illam magnam, vel universalem propter ipsam, licet voluntas non moveatur ad bonum extra intellectū, quod solum est propriè, & strictè moveri, ut supra explicavimus à *num. 46.* movetur tamen improprie per suavisimam delectationem in ipsa veritate contemplata, & erga ipsam affectur vehementer, & in illa contemplata quiescit, & tenetur immota. Quia videlicet ipsa contemplatio, cum sit operatio intellectus speculativi, non proponit tunc voluntati bonum, quod sit extra ipsam, sed bonum suum proprium, nempe veritatem, & ideo illam non movet ad bona agibilia, nec factibilia, nec ad actiones vñas imperandas pertinentes ad vitam activam, sed vñic eam alicic; & afficit erga bonum proprium, & inextinguibilem, nempe erga veritatem ipsam. Nec mirum, quia ut inquit D. Thom. actiones sunt propter contemplationem; ut quid autem intellectus, dum actus contemplant veritatem ingentem, aut universalem, moveat voluntatem ad actiones imperandas, aut erga alia bona, quæ non queruntur propter se, sed solum propter ipsam contemplationem, in qua quidem iam actus est? Hæc ergo est illa sancta quies, quam Sancti, ac Doctores Mystici laudant, & extollunt; & quam interdum nimis actiosi damnare audent; licet Dominus dicat: *Maria optimam partem elegit, quæ nunc aufertur ab ea.*

69 Sed quia dulcis mora, sed brevis illa hora est, & opus est, illa transacta, de agendis agere, tunc agnoscitur, an fuerit vera contemplatio veritatis, necne? Cum enim contemplatio veritatis, si perfecta sit, iuxta D. Thom. totum hominem perfectum, ac bonum reddat, quo per se scilicet, & verior sit, tanto magis rectificabit rationem, & appetitum de agendis, tantoque ipsam faciet magis veritatem; quam hypocrisis velle; tanto magis fictiones quaslibet horrere, famam propter famam contemnere, humilitatem, quæ in vera sui cognitione radicaliter consistit, sectari, & alia huiusmodi; ex fructibus enim eorum cognoscetis eos, inquit Christus Dominus. *Fructus autem lucis est in omni iustitia sanctitate, & bonitate,* inquit August. An igitur veritatem, an vani-

tatem contemplatus fuerit, ex fructibus cognoscendum est; non ex eo, quod ipsa contemplatio, quandiu durat, videatur, aut appareat otiosa, eo quod voluntatem non movet, sed quietam tenet veluti in suo centro; si enim non appareant posse pestissimi fructus, ex quibus ab Ecclesia cogniti, ac damnati sunt falsi illi, ac superbi vanitatis potius, quam veritatis contemplatores, nempe falso illuminati, & Molinus, ac alii pestes similes, sed sequatur pro fructu vite honesta, humilis, ac modesta, licet interdum imperfectionibus nondum depurata, non erit cur quies illa intellectus, & voluntatis damnetur, aut reprobetur; imò in ea reprobanda periculum ingens est avertendi animas a vero suo bono proprio, & primario, quo in dies magis, ac magis perici possunt, & quod propter se ipsum, & propter ipsum cetera querenda sunt. Hæc obiter, & incidenter dixisse sufficiat.

## QUESTIO II.

### AN IN DEO DETUR APPETITVS innatus, aut elicitus?

1 Circa primam partem dubij aliqui, præsertim ex RR. tenent dari in Deo appetitum innatum; cum distinctione tamen, nam aliqui solum admittunt talem appetitum ad perfectiones intrinsecas ipsi Deo necessarias; alij ad relationes, etsi non dicant perfectionem; alij etiam ad decreta libera; alij demum etiam ad creaturas: Econtra autem alij Theologi à Deo relegant prorsus appetitum innatum ad omnia, sive intrinseca, sive extrinseca bona. Cum his ergo.

2 Dico primò: *Non datur in Deo appetitus innatus, neque ad intrinseca, neque ad extrinseca bona.* Probatur primò ex D. Thom. in 3. d. 37. quæst. 1. artic. 2. ubi definit appetitum innatum, *inclinatio in finem suum naturalem ex directione institutoris nature*: Sed huiusmodi inclinatio prorsus repugnat Deo, cum non habeat institutorem suæ naturæ, nec ab alio dirigatur in suum finem, id est, ad suam propriam perfectionem: Ergo. Dices primò, D. Thom. ibi solum definivisse appetitum innatum creaturæ proprium; ac proinde ex quo ille non invenitur in Deo, solum inferitur, non esse in Deo appetitum innatum proprium creaturæ; non autem excluditur absolute, quod in Deo sit appetitus innatus ut abstrahit à creatura, & increato. Sed contra est, quia appetitus innatus ex conceptu essentiali appetitus innati essentialiter est directus ab alio, tanquam ab instituyente naturam: Ergo D. Thom. definivit appetitum innatum ex conceptu essentiali appetitus innati, & consequenter hic non datur in Deo. Probatur antecedens, quia implicat appetitus innatus non directus in finem

certum, seu in certam perfectionem; alias enim esset appetitus nihil certum, aut determinatum appetens, quod ex terminis ipsis repugnat: Sed implicat quod sit directus ab ipso appetente: Ergo ex conceptu essentiali est directus ab alio instituyente naturam. Probatur minor, quia non dirigitur ad certum finem, aut perfectionem, nisi per intellectum, dirigere enim ad certum finem, aut perfectionem est propriissimum solius intellectus; inde enim PP. contra Atheos probant vnum primum intellectum directorem totius naturæ, quia videmus naturas creatas tendere directe per naturalem appetitum, & inclinationem quamlibet ad certum finem, & perfectionem, & omnes simul ad vnum; quod ex terminis repugnare dicitur, nisi ab aliquo intellectu dirigente: Sed appetitus innatus non esset innatus, sed elicitus, si esset directus per intellectum ab ipso appetente, ut per se patet, quia esset appetitus intelligentis ut talis directus per proprium intellectum appetentis: Ergo implicat appetitus innatus directus, nisi ab alio instituyente naturam.

3 Ex quo rejicitur alia solutio, qua dicitur, quod in Deo datur appetitus innatus directus ab institutore naturæ, id est à se ipso modo eminentiori; sicut in ipso datur actus vitalis illi conveniens à se ipso. Rejicitur inquam; nam implicat esse appetitum directum à se ipso, nisi per intellectum proprium, nec est modus eminentior dirigendi appetitum in certum scopum, nisi per intellectum; alias PP. ineptissime probarent ex appetitu innato rerum naturalium intellectus primi existentiam; quia posset eis responderi, eos appetitus esse directos altiori, & eminentiori modo, quam per intellectum: Ergo implicat esse directum à se ipso, nisi per proprium intellectum: Sed eo ipso est appetitus elicitus, & non innatus: Ergo in Deo non datur appetitus innatus. Nec exemplum actus vitalis aliquid probat, quia in Deo non est alius actus vitalis, nisi intelligere, & velle; intelligere autem per se ipsum directum est, cum sit primum dirigens; velle autem à suo intellectu dirigitur: At appetitus innatus, nec posset per se ipsum esse directus, cum intelligere non sit, nec per intellectum proprium, quia elicitus esset. Sed dices: Ipse intellectus divinus tendit aliquo appetitu directus in proprium centrū: Non appetitu elicitō: Ergo innato. Respondeo, negando minorem, quia ex hoc ipso, quod tendit directus à se ipso, & per se ipsum tendit directus per intellectum proprium, ut directus autem per intellectum proprium non potest tendere alio appetitu, nisi elicitō, non innato; nec mirum, quia in Deo ipsemet intellectus est voluntas, & ipsum intelligere velle per essentiam.

4 Sed obijcies: In vnaque re datur appetitus innatus ad propriam perfectionem ex hoc quod



quod est perfectio illi naturaliter conveniens: Sed Deus habet perfectiones sibi naturaliter convenientes, ut esse, subsistere, æternum esse, immensum, & alia huiusmodi: Ergo habet appetitum innatum erga illas. Confirmatur, quia per nos in Deo prius est esse, saltim ratione nostra, quam intelligere: Ergo per prius appetit esse, quam intelligat: Sed appetitus ad esse, vel erga esse proprium antequam intelligamus ipsum intelligere, non est elicitus, quia nondum intelligitur cognitione directus: Ergo est innatus. Et idem argumentum potest fieri de appetitu ad ipsum intelligere. Respondeo, distinguendo maiorem: Ex hoc ipso quod est perfectio illi naturaliter conveniens, & ex impulsu institutoris naturæ, concedo: Praescindendo ab intellectu institutore naturæ, nego maiorem: Et distinguo minorem: Deus habet perfectiones sibi naturaliter convenientes per essentiam, & à se concedo: Ex alio intellectu institutore suæ naturæ, nego minorem, & consequentiam; quia appetitus innatus est impulsus quidam naturæ in propriam perfectionem, alioquin si non est impulsus, non est inclinatio, si non est inclinatio, non est appetitus: Hic autem impulsus non potest esse ad perfectiones, sibi naturaliter convenientes, nisi ex directione institutoris naturæ, ut ostensum manet, & quia institutor naturæ ex hoc ipso quod illam instituit, instituit illam cum certa inclinatione, eurgentia, & impulsu ad certas perfectiones sibi convenientes, & ideo ex hoc quod aliqua perfectio sit naturæ conveniens, inferimus appetitum innatum ad illam, sed non praescindendo, imò potius semper supponendo institutorem naturæ, & directionem. Deo autem nulla perfectio est illi naturaliter conveniens ex institutore naturæ suæ, aut ex alio intellectu dirigente, sed est per essentiam omnis sua perfectio, & ideo in illam inclinari non potest, nisi inclinatione consequenti per modum gaudij ex cognitione sua propria, & hoc est gaudium elicitiuum, non innatum.

5 Ex quo ad confirmationem, concessio antecedenti, nego consequentiam, quia Deus non potest appetere esse, appetitu antecedenti, quasi desiderij, nec similiter intelligere, aut aliam sui perfectionem, quia est ipsum esse, & ipsum intelligere per se ipsum subsistens, & ipsum intelligere per se ipsum subsistens appetit se ipsum appetitu antecedenti, & quasi se ipsum desiderans: Solum ergo potest improprie, seu per modum gaudij, se ipsum appetere appetitu nempe consequenti, & cum hic appetitus consequens ad ipsum esse, debeat esse directus ad ipsum esse per modum gaudij in ipso, & non possit esse directus, nisi per intellectum proprium; inde est, quod non potest esse appetitus innatus, nec gaudium innatum, sed solum elicitiuum, & vitale. Quod

vergentius tenet in appetitu erga ipsum intelligere, qui cum non possit esse antecedens, sed consequens ipsum, necessarium est appetitus elicitus, seu voluntatis, quia est consequens ad ipsum intelligere; eo modo, quo supra *quaest. praecedent. num. 46.* vidimus ex D. Thom. quod intelligere Dei est delectabilissimum, non nisi per voluntatem. Quod quidem ut magis explicetur.

6 Dico secundo: *In Deo non datur appetitus proprie talis ad bona intrinseca.* Ita expressè D. Thom. *in praesent. & in 2. dist. 45. artic. 1. ad 1.º* ubi sic ait: *Dicendum, quod quavis in Deo dicatur esse voluntas, non tamen conceditur ibi esse appetitus, quia secundum August. in Psalm. 118. appetitus proprie est rei non habita; Deus autem totum suum bonum in se habet.* Et videtur: Quia appetitus boni proprie est antecedens boni possessionem; non enim est comitans bonum possessum, aliam purè comitantem, & per accidens compararetur ad illud, & non esset appetitus illius; nec esset consequens bonum possessum, quia frustra esset appetere illud consequenter ad possessionem illius: Ergo appetitus proprie talis essentialiter est antecedens boni appetiti possessionem: Sed in Deo non datur appetitus antecedens boni proprii possessionem quia hic appetitus esset desiderium, & importaret carentiam boni, & potentialitatem ad ipsum Ergo nec datur proprie appetitus erga bona intrinseca.

7 Dices, dari appetitum, non realiter, sed virtualiter, aut ratione nostra antecedentem. Sed contra, quia hoc ad summum probat, quod datur in Deo appetitus virtualiter, æquivalenter, aut ex modo nostro concipiendi, non autem proprie, & formaliter à parte rei: Sed hoc solum defendimus: Ergo. Confirmatur, quia appetitus ex parte rei significat est antecedens boni possessionem: Sed ex parte rei significat non datur in Deo antecedentia vlla ad boni proprii possessionem, cum per essentiam sit totum suum bonum: Ergo nec appetitus ex parte rei significat proprie, & formaliter; quidquid sit de æquivalentijs, aut de nostro modo concipiendi, in quibus magna latitudo est, & voluntarietas, ideoque nec de hoc disputamus. Urgetur: Appetitus proprie sumptus significat desiderium, vel spem, imò importat carentiam privativam boni possessi; tum quia privatio est causa appetitus, tum quia est motus proprie talis in bonum, & consequenter importat appetentem, seu desiderantem esse in potentia ad bonum quod appetit, aut desiderat; implicat autem esse in potentia, nisi carcat privativè bono desiderato, aut appetito: Sed totum hoc repugnat Deo: Ergo & desiderium, aut appetitus proprie talis erga bona intrinseca. Contra hanc rationem, & conclusionem militat omnia ea, quibus satisfecimus

*Tractat. de Spe Theolog. quæst. 14.* quæ videnda sunt, præsertim à num. 18. ubi eisdem rationibus probavimus, non conciliari simul spem, aut desiderium beatitudinis cum actuali possessione illius, seu cum illa. Sed quia lata est disputatio, & non licet omnia hic inculcare, ad eam lectorem remittimus.

8 Dico tertio: *Nec erga bona extrinseca datur in Deo appetitus propriè talis, nec innatus, nec elicitus.* Contrariam sententiam tenent Vazquez, Suarez, Alarcon, & Hericæ; licet hic ultimus distinguat, dicens, quod ad bona extrinseca, quorum existentia pender à solo Deo, non datur in Deo appetitus propriè talis; sed solum ad bona extrinseca, quæ pendent ex libero nostro arbitrio, ut sunt salus animæ, vita æterna, actusque salutares. Sed contra hunc, & alios probatur conclusio. Primum, de appetitu innato, quia repugnat in Deo appetitus cæcus, vagus, incertus, & absque omni directione: Talis esset appetitus innatus Dei ad bona extrinseca: Ergo illi repugnat. Minor probatur, quia in primis esset appetitus cæcus, sicut est omnis appetitus innatus; deinde esset vagus, incertus, & absque omni directione, quia nec esset directus ab alio intellectu, ut per se patet, quia non est intellectus divino superior; nec ab intellectu divino, seu proprio, quia iam non innatus, sed elicitus esset: Ergo. Secundò, quia appetitus innatus, & naturalis semper est ad perfectionem, & bonum proprium rei, completivum ipsius in statu connaturali, & perfectò, minimè vero ad bonum, aut perfectionem, sine qua res quæ benè perfectè, & consummatè perfectè est, & existit, ac cum illo, seu qua minimè eget ad sui consummatam perfectionem: Sed Deus æquè benè se habet, æquè consummatè perfectus est, æquè omni bono creato, & extrinseco, ac cum illo, nulloque eget ad sui perfectionem, & connaturalissimam consistentiam: Ergo nihil extra se appetit connaturaliter, aut innatè.

9 Deinde probatur etiam de elicto, quia appetitus propriè talis, cum sit per modum desiderij, importat carentiam privativam boni, & potentialitatem subiecti appetentis erga bonum: Sed hæc in Deo repugnat, quia licet deficient aliqua bona extrinseca creata formaliter in se ipsis, ipsi tamen nihil deficiunt, nulloque bono caret, quia omnia continent in se ipso eminenter, & perfectiori modo, nempe seclusis limitibus, & imperfectionibus, quibus illa bona existere possunt in se ipsis: Ergo ad illa non habet appetitum, adhuc elicivum. Explicatur: Appetitus, sicuti, & desiderium importat tendentiam, & motum, ut motus est actus entis impotentia: Sed hic motus repugnat Deo erga bona creata: Ergo, & appetitus, aut desiderium erga illa. Probatur minor; quia iuxta D. Thom. in præf. quæst. 53. art. 1. ad 3. motus existentis in potentia est propter indigentiam suam, motus vero existentis in actu est

propter indigentiam alterius: Sed in Deo non datur motus, aut tendentia in bona extrinseca propter indigentiam sui, sed solum propter indigentiam creaturarum: Ergo nec in illo datur motus, qui dicitur actus imperfecti, aut existentis in potentia; & hoc quia omnia continent eminenter: Ex quo infertur, quod licet Deus velit, & amet bona extrinseca creaturarum, hæc volitio, & amor non est propriè appetitus, quia non est motus propter indigentiam sui, sed actus perfecti propter indigentiam creaturarum.

10 Sed dices: Licet Deus non possit velle bonum sibi ex indigentia sui, tamen potest velle bonum creaturæ rationali ex indigentia creaturæ rationalis, & quia creatura rationalis est in potentia ad illud, & eo caret tam formaliter, quàm eminenter: Ergo saltem hoc sensu potest in Deo dari appetitus boni convenientis creaturæ, qui sit propriè appetitus, aut desiderium. Respondeo, concessio antecedenti, negando consequentiam, quia adhuc illud velle, & ille amor, quo creaturæ rationali vult Deus bonum, non est propriè appetitus, nec desiderium, quia ad huius rationem exigitur, ut iam diximus, quod sit motus intentionalis existentis in potentia, & sit indigentia sui, non erga alterum ex indigentia alterius, de quo plura diximus, *Tract. de Spe quæst. 2.* Si dicase Saltem supposita vñone amicitie cum altero, potest quis desiderare, & sperare alteri ex indigentia alterius: Ergo saltem supposita vñone amicitie Dei cum creatura rationali, poterit Deus illi propriè desiderare, & appetere bonum ex indigentia alterius. Respondeo, concessio antecedenti inter creaturas, negando consequentiam in Deo, quia cum quis per amicitiam, aut benevolentiam repetat alterum vñum secum, reputat etiam illum vñum secum in indigentia, & ideo iam non desiderat illi bonum ex indigentia alterius ut alterius, sed iam ex indigentia sui, quia indigentiam alterius per amicitiam facit suam; hoc autem Deus, in quantum Deus, adhuc per amicitiam non facit, quia solum facit creaturam rationalem vñam secum in bonis divinis, sed non communicat cum illa in indigentia, cuius Deus incapax est; & propterea forsitan assumpsit naturam humanam indigentis capacem, ut per illam cum hominibus communicaret etiam in indigentia; at in quantum Deus cum homine etiam amico non communicat in indigentia, & ideo illi tanquam sibi, nec ex indigentia illius, tanquam ex indigentia sui, nequit propriè desiderare bonum.

11 Omisi aliam rationem non contemnendam; quæ priorius etiam probat contra appetitum, aut desiderium erga bona ut bona alterius, nempe, quia omne desiderium, & appetitus propriè talis est de bono pro duratione posteriori, aut futura: Sed Deo nulla est duratio futura, quia omnia

QUÆSTIO III.

QVODNAM SIT OBIECTVM  
motivum, & terminativum voluntatis  
divinae.

nia tempora sunt sibi actus, & indefinenter præsentia: Ergo nihil potest propriè appetere, aut desiderare. Explicatur, quia nullus propriè desiderat nec sibi, nec alteri de præsentibus; sed solum de futuro: Sed Deus non potest desiderare de futuro nec sibi, nec alteri, quia omnis duratio tam sua, quam alterius est sibi præsens: Ergo nec propriè desiderare, aut appetere.

12 Ex quo iam impugnatur specialis sententia P. Hericæ, nam licet supposita doctrina suæ Scholæ de independentia actuum liberorum nostrorum à Deo determinante, & quod illos Deus tantum præcise potest, & habere ex determinatione liberi arbitrij, ipso indifferenter se habente, rectè sequatur, illos posse desiderare, quin, & propriè illos expectare à libero arbitrio creato; tamen ex hoc ipso illa sententia falsa est; & vterius, quia absurdum est dicere, Deum minus continere in se eminenter salutem animæ, & vitam eius æternam, & spirituales, quam alia bona physica, & naturalia: Ergo si quia ista eminenter continent, non potest propriè illa desiderare; nec illa.

13 An vero dentur in divina voluntate alij actus propriè, nempe amor, gaudium, odium, tristitia, ira, & alij, infra tractandum est. Modo autem inferunt, omnia loca Scripturæ, quæ Deo appetitum, aut desiderium, aut expectationem, vel spem attribuant, esse intelligenda in sensu improprio, & quatenus in effectibus ad extra se getit ad modum appetentis, desiderantis, spectantis, aut sperantis, non verò in sensu proprio.

Inferunt secundò, quod licet in tractatu de Incarnatione dicatur, quod Deo fuit maximè conveniens incarnari, & quod summum bonum est summè sui diffusivum, & communicativum sui, totum hoc non significat appetitum innatum, aut subiectivam inclinationem Dei, quia si talis daretur in Deo, esset infinitus appetitus, & infinita inclinatio, & necessitaret ipsum, vel pateretur violentiam physicam, si se non communicaret. Sed solum significat, summum bonum obiectivè ipsum Deum allicere, & invitare cum independentia omnimoda, & sine omni indigentia, ut de suo bono alijs liberè communicet, ut de facto facit; & ideo obiectum maximè convenientem fuisse illi incarnationem, & communicationem ad extra, sed absque appetitu innato ad illam, aut subiectivam inclinationem ad extra, cui fiat violentia, si non communicetur. Sed de hoc ibid.



1 Prætermittimus disputandum, an vel le divinam sit constitutum metaphysicum essentia divinx, an ab ea virtualiter distinctum, aut ratione nostra cum fundamento in re, quia de his plura diximus *disp. 2. quæst. 7. quæst. 10. & quæst. 11. à num. 3.* ex quibus locis abunde constat resolutio, nempe, quod velle Dei non est constitutum metaphysicum essentia divinx, quod ab ea ratione distinguitur ratiocinata, & virtualiter extrinsecè, sed non distinctione virtuali intrinsecè, quam semper inter divina prædicata, seu ab eis telegamus. Prætermittimus etiam disquirere, an in Deo detur voluntas per modum actus primi, aut per modum principij volitionis, aut per modum potentia volitive, quia specialem hæc dubitatio difficultatem non habet in voluntate divina, quam in divino intellectu, sed eadem est ipsissima; & eam de divino intellectu iam resolvimus *disp. 4. quæst. 3. per totam* Tederque ibi dicta amplius inculcare.

2 Licet autem quæ de obiecto intellectu divini dicta relinquimus *disp. 4. quæst. 4. 5. & 6.* satis forent ad præsentem quæestionem resolvable; tamen quia non nostra, sed contraria sententia maiorem valde difficultatem in voluntate divina habet, quam in divino intellectu, propterea specialiter de voluntate dicendum exiliè mavi. Igitur supponendum est, Deum velle, & amare se ipsum, & item alia à se. Quod amet, & velit alia à se, patet primo ex innumeris testimonijs Sacræ Pagine: Quod item amet se ipsum, non minus patet, tum ex illo Sap. *Diligit omnia, quæ sunt;* cum autem Deus maximè sit; evidenter diligit se ipsum. Tum quia omnia, quæ diligit, & operatur ad extra, operatur propter se, *omnia enim propter se metipsum operatus est Deus.* Sed implicat operari propter se ipsum, nisi ex amore sui: Ergo amat se. Tum, quia Deus caritas est, caritas autem est amor Dei: Ergo Deus est amor sui ipsius. Nec in contra est illa obieciuncula, quod amor, aut velle Dei non potest esse obiectum sui ipsius, præsertim motivum; cum hoc exigat distinctionem ab amore, cuius est obiectum: Ergo nec Deus ipse, qui per essentiam est ipse amor, & velle suum, potest esse obiectum sui amoris. Ad hoc enim iam satisfecimus *suprà quæst. 1. art. 7.* dicendo, quod licet ex nostro modo significandi amor, & obiectum importent distinctionem rationis in Deo, ex parte tamen rei significatæ potius importat summam identitatem amor, & amatum principale. Si enim Deus per

summam identitatem est principium, & finis omnium, iuxta illud Apocalyp. 1. *Ego sum Alpha, & Omega, principium, & finis*; eadem identitate, qua primum principium debet esse primum volens, & qua ultimus finis, debet esse primum volitum: Deus ergo per summam simplicitatem est simul primum velle, & primum volitum, primus amor, & primum amatum, quia est amor ipse per essentiam, & per se subsistens, id est amor sui ipsius; sicut quia est intelligere per se subsistens, est intelligere sui ipsius, re ipsa loquendo, quidquid sit de nostris distinctionibus rationis ex imperfecto nostro modo concipiendi. Videantur dicta *Disputat. 4. quest. 7. a num. 7. & 9.*

3. Difficultas ergo inter RR. est, de obiecto formali motivo, aut primario terminativo divinæ voluntatis. Nam aliqui dixerunt, obiectum formale motivum eius non esse solam bonitatem divinam, sed bonitatem communem transcendentaliter complectentem divinam, & creatam; atque adeo Deū velle, & amare creaturas, non solum propter se ipsum, sed etiam ipsas propter ipsas, tanquam propter formale motivum amandis; imò, & aliqui ausi sunt dicere, posse Deum amare ipsas vnicè propter ipsas absque amore ordinante amorem ipsarum ad se, seu propter se, imò, & se ipsum posse amare propter creaturas, ut propter motivum amandis se. Alij autem, licet obiectum motivum dicant esse solam bonitatem divinam, tamen asserunt, creaturas, aut bonitatem creatam illarum esse posse obiectum formale terminativum divinæ voluntatis. Contraria tamen sententia est communis Thomistarum cum suo Angelico Magistro, quam etiam tenent plurimi, & gravioris Theologi Societatis, & Scotistæ. Pro qua.

#### NOSTRA SENTENTIA AVTHORITATE PROBATUR.

4. Dico primò: Sola bonitas divina est obiectum formale motivum divinæ voluntatis, non autem bonitas in cōmuni abstracta à creatura, & increata. Probatum primò ex Sac. Pagina, ex illo nēpe Proverb. 16. *Vnicuique propter semetipsum operatus est Deus.* Cui contestatur illud Apocalyp. 1. *Ego sum primus, & novissimus; principium, & finis.* Est enim primum principium, in quantum causa efficiens omnium, quæ existunt; & ultimus finis, in quantum ipse etiā est propter quem omnia efficiuntur. Sed idem est motivum formale omnia volendi, & omnia operandis; quidem Deus operatur volens, seu per voluntatem; imò omnia quæ operatur, propter voluntatem suam erant, & creata sunt, ut dicitur in eodem Apocalyp. cap. 4. Ergo Deus omnia vult propter se ipsum, seu propter suam propriam bonitatem: Ergo sola bonitas divina est Deo me-

civum formale volendi. Confirmatur ex Dionisio de Divinis Nominibus. cap. 4. ubi sic ait: *Omnia bonitas ad se convertit; omniaque ipsam veluti principium, & finem desiderant, bonumque illud est, ad quod omnia convertuntur, veluti ad suum quoque finem:* Ergo dum Deus illa vult, omnia vult propter se ipsum, ut propter illarum finem, & rationem formalem volendi, non vero propter earum creatam bonitatem.

5. Exponere conantur contrarij illud Proverb. ex aliquibus PP. & Expositoribus, dicentibus, per illud significari, Deū gratuita bonitate, & voluntate, ex se, & non aliunde coactus, sive, ut ex Hugo Cardinali referunt, sola sua bonitate gratuita, non necessitate, suasionem, aut merito mundum creasse. Sed contra est, quia his expositionibus non excluditur, quod textus ipse præfert, nempe, motivum formale, & finem, cuius gratia Deus omnia voluerit, & fecerit, esse ipsummet Deum, qui fecit; imò his ipsis expositionibus hoc ipsum confirmatur, nam quid est, Deū gratuita bonitate, ut ait Bernardus, omnia fecisse, nisi gratis ex propria bonitate, sive propriæ bonitatis gratia omnia fecisse. Item quid est, nulla necessitate, nec aliunde coactus, nec suasionem, aut merito mundum creasse, nisi, quod ut mundum, aut res alias crearet, nihil eum movere potuit; nullum meritum habuerunt creaturæ ut crearentur, nec ex ipsarum motus, suavis, aut allectus fuit, nec ex illarum indigentia coactus, aut necessitatus, sed vnicè ex summa sua bonitate invitatus gratis, & liberrimè omnia voluit, & fecit? Ergo prædictæ expositiones potius confirmant, quam infirmant nostram sententiam.

6. At inquirunt PP. aliqui dicunt, Deum omnia fecisse propter se, & propter creaturam rationalem; propter se ut causam, propter creaturam rationalem ut finem. Sed nec si hoc ita dicant, nostræ sententiæ, aut sensui contradicunt; nam cum finis, cuius gratia aliquid fit, sit causa rei factæ, & solus finis cui, seu utilitatis, non sit causa faciendi; eo ipso quod dicunt, propter se, ut causam, propter hominem ut finem, exprimunt, quod propter hominem ut finem cui, propter se ut finem cuius gratia, id est, gratia, & causa sui ipsius, ut sint proficua homini, & ipsum invent ad Deū optinendū. Alioquin si propter hominem ut finem cuius gratia: Ergo causa ipsius, & propter illum, ut causam; & non solum causam, & gratia sui; quod aperte PP. negant: Sequitur ergo contrarios nulla fundata expositione posse detorquere præfatum textum, ne significet, Deum sui gratia, seu propter se ipsum ut motivum formale volendi, fecisse omnia.

7. Dicant præterea, in præfatis testimonijs sermonem esse de rebus, ut factæ fuerunt in præsentī providentia, non vero de ipsis prout possunt ex libera Dei determinatione fieri. Sed con-

contra est aperte, quia pariter liceret dicere, quod quando dicunt, creaturas fecisse nulla necessitate coactas, intelligendi essent in praesenti providentia, non in alia possibili. Item, quia PP. ex summa Dei perfectione, & bonitate dicunt, Deum omnia propter se, seu gratia sui fecisse: Atqui summa Dei perfectio, & bonitas eadem esset in quacumque providentia: Ergo in quacumque possibili providentia loquuntur. Inquit Herrera, PP. id infert moraliter, illatione nempe morali, ex summa Dei bonitate, & perfectione, non illatione metaphysica. Sed sane Deum ad aliquid necessitari pure moraliter, ipse postea reprobatur. Praeter quam, quod non alio sensu ex summa Dei perfectione inferri posset solum moraliter, Deum amare creaturas gratia sui, & propter se, nisi quia eas aliter amare foret aliqua moralis indecentia, aut imperfectio Dei: Atqui haec etiam Deo metaphysice repugnat in Deo volendi: Ergo & metaphysice ei repugnat aliter illas velle: Ergo illatio PP. non solum est moralis, sed metaphysica.

RATIO D. THOM. PRO CON-  
clusionis.

8 **S**ecundo probatur conclusio ex Div. Thom. in praesent. artic. 2. ubi cum sic sibi objiceret: *Volitum movet volentem: Si igitur Deus vellet aliquid aliud a se, moveretur eius voluntas ab aliquo alio; quod est impossibile.* Respondet: *Ad secundum dicendum, quod in his, quae volumus propter finem, tota ratio movendi est finis, & hoc est, quod movet voluntatem: Unde cum Deus alia a se non velit, nisi propter finem, qui est sua bonitas, non sequitur, quod aliquid aliud moveat voluntatem eius, nisi sua bonitas. Et sic sicut alia a se intelligit intelligendo essentiam suam, ita alia a se vult volendo bonitatem suam.* Quid clarius? Idem probat 1. contr. Gent. cap. 74. sic: *Principale volitum est causa volendi: Si igitur aliquid aliud vellet Deus principaliter, quam se ipsum, sequitur, quod aliquid sit ei causa volendi: Sed suum velle est suum esse: Ergo aliquid ei esset causa essendi.* Ex quibus tale formatur argumentum, quod est ratio a priori nostrae conclusionis. In his, quae volumus propter finem tota ratio formalis, & causa volendi est finis, seu volitum principale: Sed nihil aliud realiter a divina bonitate potest esse finis divinae voluntatis, aut volitionis ipsius, nec principale volitum: Ergo nihil realiter distinctum a divina bonitate potest esse illi ratio formalis volendi, & consequenter nec obiectum formale motivum, aut terminativum illius. Probatur minor, quia nihil realiter di-

stinctum a divina bonitate, potest movere divinam voluntatem, nec illi esse causa volendi: Ergo nihil aliud realiter distinctum a divina bonitate potest esse finis respectu divinae voluntatis, nec principale volitum respectu volitionis illius.

9 Explicatur: Iuxta D. Thom. absurdum est, quod aliquid aliud moveat voluntatem divinam, quod non sit sua bonitas; argumentum enim pro absurdo inferenti, quod si Deus vellet aliquid aliud a se, moveretur eius voluntas ab aliquo alio, quod est impossibile, minime respondet, negando id esse impossibile, aut absurdum; sed potius, quod non sequitur, quod aliquid aliud moveat voluntatem eius, nisi sua bonitas; plane concedens, sequelam esse absurdam, & impossibilem, sed illam negando: Item reputat pro absurdo, & pro impossibili, quod aliquid aliud sit Deo causa volendi, quia alias esset Deo causa essendi: Sed si bonitas creata esset obiectum formale motivum divinae voluntatis, aut volitionis; evidenter divina voluntas in volendo moveretur ab aliquo alio realiter distincto, aliudque realiter distinctum, nempe creata bonitas, esset illi causa volendi: Ergo ex contraria sententia, nempe quod creata bonitas sit obiectum formale motivum divinae voluntatis, aut volitionis, plane sequitur verumque absurdum, & impossibile, quod pro tali reputavit D. Thom.

10 Respondent contrarij, D. Thom. pro obiecto principali, seu motivo volendi intelligere illud, quod movet physice ad anorem, seu a quo amor physice habet esse: Cum igitur nulla creatura sit nec identice, metaphysice causa, nec ratio existendi divinae volitionem in genere physico; ideo negavit, creaturam esse posse principale volitum, aut movere divinam voluntatem, aut esse illi causam volendi. Vel aliter dicunt, quod nomine *causae volendi* non intelligit D. Thom. veram causam, nam si hoc esset, nec ipsa bonitas divina esset principale volitum, cum non sit Deo vera causa volendi; sed intelligit idem, ac hoc nomine, *ratio existendi* volitionem: Cum igitur solus Deus per identitatem sit ratio physica existendi volitionem, ideo solum Deus in hac acceptione est principale volitum, & causa volendi.

11 Sed quis non videat, hanc expositionem alienissimam esse a mente clara D. Thom. & alienis terminis eius perspicuitatem obscurare? Exenim D. Thom. ut verus Philosophus, & ad rem loquens, plane loquitur de movere proprio finis, aut de causa finali volendi, unde ait, *in his, quae volumus propter finem, tota ratio movendi est finis*: Sed finis ut finis non movet physice, nec est causa physica ex genere suo, nec talis appellatur ab illo Philosopho; imò nec ab ipsis con-

trarijs, qui solum causalitatem, & motionem finis appellant ubique motionem, & causalitatem moralem contrapositivè ad motionem physicam: Ergo D. Thom. dum reputat pro absurdo, quod aliquid à Deo distinctum moveat divinam voluntatem, aut sit illi causa volendi per modum finis, aut voliti principalis, non excludit solum, quod aliquid moveat physicè ipsam, aut sit illi causa volendi in genere physico, sed potius quod intentionaliter, aut moraliter, aut obiectivè, eo modo, quo finis movet, moveat voluntatem divinam, aut sit illi causa volendi.

12. Secundo, quia si divina bonitas non est vera causa volendi in Deo, nec verè, & propriè movens, adhuc in genere causæ finalis, hoc vnicè est, quia de ratione vere causæ, & propriè moventis est distinguere realiter ab effectu, & moto, & divina bonitas non distinguitur realiter à voluntate, nec à volitione divina; & propterea D. Thom. negat divinam voluntatem moveri ab aliquo realiter distincto, quia tunc casus, illud esset movens propriè, & vera causa realis volendi, eo sensu quo finis, seu principale volitum, quando realiter distinguitur à voluntate, seu à volitione, est verè, & realiter movens, veraque, & realis causa volendi, licet non physica, moralis tamen, vel intentionalis: Ergo ex quo D. Thom. cum admittit, divinam voluntatem moveri à sua bonitate, loquatur de moveri improprie, & per identitatem, non sequitur, quod cum excludit moveri ab alio realiter distincto, excludat solum moveri improprie, & per identitatem, siquidem hoc ex terminis supponitur exclusum, si movens est aliud à voluntate; sed excludit veram motionem, & causam volendi, quæ sequeretur, ex eo præcisè, quod principale volitum, vel obiectum formale movens esset aliud à volente.

13. Tertiò, quia obiectum formale actus divinæ voluntatis, seu volitionis habet rationem finis formaliter respectu illius: Sed implicat aliquid creatum habere rationem finis respectu divinæ volitionis: Ergo & quod sit obiectum formale illius. Probatur minor, quia de ratione finis, cuius gratia, de quo semper loquimur, est esse causam illius, cuius est finis, si ab eo realiter distinguitur: Sed implicat aliquid creatum esse causam divinæ volitionis: Ergo & habere rationem finis respectu ipsius. Respondet Herrera, ex alijs RR. quod de ratione finis est causare non propriè, & physicè, sed improprie, & moraliter; Deo autem non repugnare, quod eius actus, seu volitio causetur improprie, & moraliter ab aliquo creato. Sed contra est, primò, quia de ratione finis, cuius gratia, quando realiter distinguitur ab eo, cuius est finis, est verè, & realiter causare, & movere, licet non physicè; finis enim apud Philosophos reputatur inter causas veras, & reales, licet non appelletur causa physica, eo

quod non causat, ut existens physicè, sed ut existens obiectivè, & intentionaliter: Sed implicat, quod aliquid realiter distinctum à divina volitione sit vera, & realis causa illius: Ergo & quod sit finis cuius gratia respectu illius. Confirmatur: Quia implicat, quod aliquid realiter distinctum à Deo sit illi vera, & realis causa finalis volendi; hoc enim est, quod impossibile, & absurdum iudicat Div. Thom. siquidem volitum principale, quantumvis realiter distinctum à voluntate, non alio modo est causa volendi, nisi in genere causæ finalis: Sed si semel bonitas creata habet veram rationem finis cuius gratia respectu divinæ volitionis, necessariò erit illi vera, & realis causa finalis volendi; nec hic est locus distinguendi, physicè, aut moraliter, quia causa finalis ut talis non admittit distinctionem in physicam, & moralem, cum per se non sit causa physica: Ergo absolutè implicat, quod bonitas creata realiter à Deo distincta habeat veram rationem finis cuius gratia, respectu divinæ volitionis.

14. Dices forsàn ex alijs, tunc solum finem esse veram causam finalem volendi, quando existit intentionaliter in mente volentis media cognitione realiter à volitione distincta, non vero quando existit media cognitione, realiter identificata cum volitione, quia cum causet, ut existens intentionaliter, seu in cognitione; si cognitio non distinguitur realiter à volitione, nec finis ut existens distinguitur ab illa, & sic illam realiter causare non poterit. Sed contra est, quia ut finis causet verè, & realiter in genere causæ finalis, non requiritur, quod existens intentionalis, seu cognitio, distinguitur realiter à volitione, sed satis est, quod bonitas intrinseca finis distinguitur realiter: Ergo solutio est nulla. Probo antecedens, quia ut finis causet verè, & realiter in genere causæ finalis, satis est quod ratio formalis causandi distinguitur realiter, licet conditio non distinguitur realiter: Sed sola bonitas finis est ratio formalis movendi, & causandi, non vero cognitio, aut existentia intentionalis, quia hæc purè est conditio, ut communiter fateatur Philosophi: Ergo non requiritur, quod cognitio, seu existentia intentionalis realiter distinguitur à volitione, sed satis est, quod bonitas movens specificativè sumpta realiter distinguitur.

15. Propterea alij respondent; bonitatem creatam, dum movet obiectivè, & moraliter divinam voluntatem, solum esse causam volendi, quantum ad terminationem contingentem divinæ voluntatis, aut volitionis ad ipsam bonitatem, vel obiectum, seu quantum ad denominationem contingentem volentis ipsam, non quantum ad entitatem, aut perfectionem intrinsecam illius; hoc autem secundum

forè inconveniens, non primum. Sed contra est, nam vel solutio ista intelligitur de terminatione extrinseca passiva, & ex parte voliti, qua nempe volitum passivè terminat divinam volitionem; vel de terminatione intrinseca, & activa ex parte divinæ voluntatis ad volitum? Si primum, implicat apertè voluntatem divinam solum moveri quoad illam terminationem passivam ex parte voliti tantum, quia finis, dum mover moraliter, aut intentionaliter, non movet volitum, aut obiectum voluntatis ut terminet actum divinæ voluntatis, ut per se patet, sed ipsam voluntatem, ut activè tendat in volitum; nec aliter est intelligibile quod volitum sit obiectum formale voluntatis, & motivum formale illius moraliter, aut intentionaliter: Ergo solutio solum intelligi potest ita, quod bonitas creata moveat divinam voluntatem, quantum ad terminationem, seu tendentiam activam, & intrinsecam contingentem ex parte divinæ voluntatis ad volitum. Tunc sic, sed hoc sensu est falsa: Ergo. Probatur ista minor, primò, quia infra ostendemus tales terminationes activas, & intrinsecas ex parte divinæ volitionis contingentes, & defectibiles sub conceptu intrinseco terminationis, & non sub conceptu entitatis, & perfectionis esse impossibiles. Secundò, quia ut benè arguit Illust. Godoy, licet tales terminationes propugnans, solum admitti potest actus divinæ voluntatis defectibilis, & contingens quoad terminationem ad obiectum materiale, & secundarium, quin sit defectibilis quoad entitatem, & perfectionem intrinsecam; non autem si sit defectibilis, & contingens, quantum ad terminationem ad obiectum formale, & motivum: Sed si bonitas creata ponatur obiectum formale motivum volitionis divinæ, terminatio ad illam est ad obiectum formale motivum: Ergo implicat volitionem illam esse defectibilem quoad illam terminationem, quin sit defectibilis quoad entitatem, & perfectionem, & consequenter moveri ab illa quoad terminationem, quin moveatur ab illa quoad entitatem, & perfectionem. Probatur maior, quia terminatio alicuius actus ad obiectum formale motivum est ipsa essentia, entitas, species, & perfectio essentialis ipsius actus, cum tota essentia, & species actus volendi consistat in terminatione, & tendentia volitiva ad obiectum formale motivum, & specificativum illius: Ergo implicat actum esse defectibilem quoad talem terminationem, nisi sit etiam defectibilis quoad essentiam, speciem, & perfectionem illius actus.

16 Confirmatur: Obiectum formale motivum volendi non potest esse illud, ad quod secundariò terminatur ipse actus volendi, quia nemo hucusque dixit, obiectum secundariò terminativum alicuius actus esse obiectum formale motivum illius: Ergo obiectum formale motivum

volendi debet esse illud, ad quod formaliter, & per se primo terminetur ipse actus volendi: Ergo talis terminatio ad obiectum formale motivum volendi debet esse in illo actu terminatio principalis, & primaria, & formalis: Sed implicat obiectum esse causam volendi quoad terminationem primariam, & formalem actus volendi, quia sit causa actus illius quoad speciem, & essentiam ipsius, & consequenter quod entitatem, & perfectionem: Ergo implicat motivum formale volendi, quin sit causa actus volendi quoad entitatem, & perfectionem.

17 Confirmatur secundò, quia vel admittis in Deo aliquam volitionem per se primo, seu primariò terminatam ad bonitatem creatam, vel nullam admittis, nisi, quod solum secundariò terminetur ad illam? Si hoc secundum: Ergo nullam admittis in Deo volitionem, respectu cuius bonitas creata sit obiectum formale motivum, & consequenter falsò asseris, bonitatem creatam esse obiectum formale motivum divinæ voluntatis, aut volitionis. Patet consequentia, quia bonitas creata non potest esse obiectum formale motivum volitionis secundariò tantum ad illam terminatæ; siquidem evidenter implicat, obiectum, ad quod secundariò terminatur volitio, sive, quod idem est, ratione alterius primariò attracti, esse obiectum formale illius volitionis. Si dicatur primum: Ergo admittis in Deo volitionem, quæ quoad primariam terminationem, & tendentiam causetur obiectivè, & finaliter à bonitate creata: Tunc sic, sed implicat quod causetur obiectivè, & finaliter à bonitate creata quoad primariam sui tendentiam, & terminationem, quin causetur quoad sui essentiam, & speciem intrinsecam: Ergo admittis in Deo volitionem, quæ causetur obiectivè, & finaliter à bonitate creata, quoad sui essentiam, & speciem intrinsecam: Ergo quoad entitatem, & perfectionem. Probatur minor, quia ex terminis essentia, & species intrinseca volitionis consistit metaphysicè apud omnes in tendentia, & terminatione primaria illius ad obiectum, nempe formale, & primum illius: Ergo implicat causari quoad illam terminationem, quin causetur quoad sui essentiam, & speciem intrinsecam volitionis.

18 Ex quo similiter rejicitur recursus ad moveri, aut causari volitionem quantum ad denominationem contingentem volentis ipsam bonitatem creatam. Siquidem, vel denominatio volentis bonitatem creatam est primaria, & formalis in aliqua volitione divina; vel solum secundaria? Si hoc secundum: Ergo nulla est volitio divina, cuius obiectum formale, nec motivum, nec terminativum sit bonitas creata. Patet consequentia, quia nulla volitio denominatur secundariò volens suum obiectum formale, nec motivum, nec terminativum; quia implicat in terminis se-

secundariò solum velle aliquid, & illud esse obiectum formale motuum illius volitionis, quæ secundariò denominatur volens illud. Si dicatur primum: Ergo admittis in Deo volitionem, quæ quoad denominationem primariam, & formalem volendi causetur, & moveatur à bonitate creata in genere causæ formalis: Sed volitio quantum ad denominationem primariam, & formalem volendi est formalissimè idem, ac quantum ad suam speciem, & essentiam intrinsecam: Ergo tandem admittis in Deo volitionem, quæ quoad suam essentiam, & speciem intrinsecam moveatur, & causetur à bonitate creata in genere causæ finalis.

Confirmatur: In quacumque volitione tota illius essentia intrinseca, enitas, & species formalissimè consistit in eo quod sit *velle sui obiecti formale*, & hæc est primaria, & formalis denominatio, quam tribuit subiecto volenti per illam, nempe *velle suum obiectum formale*, & in illud *formaliter tendere*: Ergo implicat quod causetur à bonitate creata tanquam ab obiecto formali, & fine, quantum ad denominationem volendi illam ut obiectum formale, & ut finem, quin causetur quoad denominationem essentialem, & primariam, & quoad totam suam essentiam intrinsecam, speciem, & perfectionem, quæ in hoc formalissimè consistit. En difficultatem.

19 Ex quo inferes, quam frustra contrarij nos instare soleant in hunc modum: Non est minor imperfectio defectibilitas in divina volitione, quam quod causetur, aut moveatur ex bonitate creata: Sed plures Thomistæ admittunt, quod volitio divina est defectibilis quoad terminationem, quin sit defectibilis quoad entitatem: Ergo pariter absque inconvenienti potest admitti, quod causetur finaliter, aut moveatur ex bonitate creata quoad terminationem, aut denominationem, licet non quoad entitatem. Frustra inquam, quia potius ex hac doctrina Thomistarum argumentum sumimus in adversarios: Ideo enim isti Thomistæ admittunt, & componunt, volitionem divinam posse deficere quoad terminationem, & denominationem volendi creaturas, quin deficiat, quoad entitatem, quia cum creaturæ sint solum obiectum materiale, & secundariò terminativum divine volitionis, terminatio ad illas, & denominationis eas volendi est in divina volitione secundaria; & absdubio potest aliqua volitio deficere quoad denominationem, & terminationem secundariam, quin deficiat quoad entitatem, essentiam, & speciem intrinsecam, quæ omnino independens est in qualibet habitudine, vel tendentia à termino materiali; & secundariò: Sed si datur in Deo volitio, cuius obiectum formale, & motuum sit bonitas creata, denominatio volentis illam, & terminatio ad illam erit formalis, & primaria in illa volitione; & implicat volitionem deficere quoad

denominationem, seu terminationem formalem, & primariam, quin deficiat quoad entitatem, essentiam, & speciem intrinsecam: Ergo talis volitio, si est defectibilis quoad denominationem, & terminationem ad bonitatem creatam, erit necessariò defectibilis quoad entitatem, speciem, & essentiam intrinsecam: Ergo pariter, si talis volitio causetur finaliter à bonitate creata, causetur ab illa quantum ad essentiam, speciem, & entitatem intrinsecam, siquidem causetur quantum ad id, secundum quod contingenter existit, & deficere potest.

#### ALIA RATIO PRO CONCLUSIONE.

20 TERTIO probatur ratione efficaci: Deus non amat creaturas propter ipsas ut propter motuum, aut obiectum formale, nec per eundem actum, quo amat se ipsum propter se ipsum, aut creaturas propter se ipsum; nec per distinctum actum: Ergo nullo modo amat creaturas propter ipsas ut propter motuum, aut obiectum formale: Ergo creaturæ, aut earum bonitas non sunt obiectum formale motuum divini amoris, aut voluntatis. Consequentia sunt evidentes. Antecedens habet duas partes. Probatur quoad primam, quia implicat unum, & eundem actum habere diversa obiecta formalia motiva, nam ex diversitate obiecti formalis motivi omnes colligunt evidentem diversitatem ex parte actus; nec habemus aliam regulam distinguendi specificè actus voluntatis, nisi ex diversitate obiecti formalis motivi: Sed bonitas divina, & bonitas creata, si utraque est obiectum formale motuum, sunt diversa obiecta formalia motiva: Ergo implicat unum, & eundem actum habere bonitatem divinam pro obiecto formali, & simul bonitatem creatam etiam pro obiecto formali: Ergo implicat, quod divina voluntas per eundem actum quo amat se propter suam bonitatem, amet etiam creaturas propter ipsas, aut propter earum bonitatem ut propter obiectum formale motuum. Deinde nec per diversos, quod sic proba, & simul secundam partem antecedentis, quia actus quo amaret creaturas propter ipsas, si esset distinctus ab alio, quo amaret se, aut creaturas propter se, esset actus imperfectus: Sed Deo repugnat actus imperfectus: Ergo implicat, quod amet creaturas propter ipsas per actum distinctum ab eo, quo amat se, aut creaturas propter se. Probo maiorem: Quia ille actus vnicè esset amor creaturæ propter ipsam, sistendo in ipsa ut in fine: Sed amor creaturæ vnicè propter ipsam, sistendo in ipsa ut in fine, essentialiter est amor imperfectus: Ergo esset amor imperfectus. Probatur minor, quia amor creaturæ propter se ipsam, sistendo in ipsa, est amor creaturæ sine



subordinatione ad Deum ut ad ultimum finem: Sed hic amor vel in nobis dicitur imperfectum non modo levem, imò est peccatum, vel mortale, vel veniale: Ergo multo magis in Deo.

21 Huic argumento: Variè responderetur à contrarijs. Primò respondent aliqui, illum actum fore imperfectum, si nec per se, nec per alium ordinaretur in Deum ut ultimum finem; attamen in Deo illum amorem creaturæ propter seipsam ordinari per alium in Deum ut ultimum finem. Sed contra est primò, quia si ille actus ordinatur per alium in Deum, hoc erit ex defectu ordinationis in se ipso, & ut suppleatur inordinatio, seu defectus ordinationis intrinsecus in ipso; ob hoc enim contrarij recurrunt ad alium actum ordinantem, & imperantem illum, ut suppleant defectum ordinis intrinsecum in ipso: Ergo iam supponitur ille actus intrinsecè defectuosus, & imperfectus ex se ipso. Secundò, quia licet ordinatio illius per alium in Deum ut ultimum finem impediatur, quod voluntas absoluit, & utroque actu considerato, sistat in creatura ut ultimo fine, non tamen impedit quod ille actus per se ipsum, & ex se sistat in creatura ut ultimo fine sui intrinsecò: Sed eo ipso ex se est intrinsecè defectuosus, & imperfectus: Ergo semper sequitur amorem illum esse intrinsecè imperfectum, & defectuosum. Tertio, quia vel ille actus necessariò, & essentialiter ordinatur in Deum; vel purè contingenter, & accidentaliter? Si primum: Ergo ille actus per se, & essentialiter est amor creaturæ propter Deum: Ergo non est duplex actus unus creaturæ propter se ipsam, alius creaturæ propter Deum. Explicatur: Propter à apud nos solet unus actus ordinari per alium in finem vterioiorem; quia ille primus actus ex essentia sua non est ordinatus in finem vterioiorem, sed contingenter potest ordinari, vel non ordinari: Ergo si ille actus amoris creaturæ essentialiter sit ordinatus in Deum, & non contingenter, frustra ponitur alius actus, per quem sic ordinetur. Amplius: Si ille actus imperatur, & ordinatur per alium, imperatur, & ordinatur liberè, & contingenter, siquidem actus illum imperans debet esse liber in imperando, & ordinando: Sed implicat liberè, & contingenter illum imperare, & ordinare, si ille necessariò, & essentialiter est ordinatus, & imperatus, quia si necessariò, & essentialiter est imperatus, & ordinatus, non erit liberè imperabilis, vel non imperabilis, nec liberè ordinabilis, vel non ordinabilis: Ergo ille actus non potest esse essentialiter ordinatus, sed solum contingenter. Si vero hoc dicas, (quod erat secundum extremum dilematis,) sic arguo: Ergo ille actus intrinsecè est defectuosus ab ordine in Deum; siquidem actus purè contingenter ordinatus in Deum, ex se, & intrinsecè caret ordine in Deum, & deficit à tali ordine. Secundò: Ergo iam talis actus poterit in Deo subsistere, quin per alium

ordinetur in Deum ut ultimum finem: Sed in tali casu erit imperfectus tam intrinsecè, quam extrinsecè, quia tam intrinsecè, quam extrinsecè sistit in creatura tanquam in ultimo fine sui, & deficit ab ordine in Deum: Ergo iam admittis possibilem in Deo actum intrinsecè, & extrinsecè imperfectum, & defectuosum ab ordine in ultimum finem.

22 Propterèa M<sup>r</sup> Herrera Complutensis, *Tractat. de Voluntat. quæst. 7. sect. 2. num. 44.* ut consequentiam doctrinæ teneat: *Sit*, inquit, *secunda conclusio nostræ sententiæ: Opus non est, quod nec per eundem actum, nec per alium virtualiter distinctum ametur creatura propter Deum.* Et hoc probat, quia non tenetur Deus, adhuc ex suppositione quod amet creaturam, illam amare propter se, quia ex quo illam amaret, & non propter se, sed vnicè propter ipsam, solum diceretur Deo aliqua perfectio extrinseca, in quo nullum est inconveniens. Quam quidem alij etiam RR. sequuntur, quia, inquit, Deus nullum habet consilium, nec præceptum amandi creaturam amare propter se ipsum, adhuc ex suppositione, quod illam amet.

23 Sed sanè, ut ingenuè miratus ad primam huius doctrinæ lectionem quidam ex nostris eruditus M. exclamavit, si hoc ita est, ubi peccatum, nec mortale, nec veniale? Nam sanè non alia ratione peccamus, nisi quia affectivè ponimus ultimum finem in creatura, amando illam sine subordinatione ad Deum; qui enim amat se ipsum ut ultimum finem absque subordinatione sui ad Deum, nec formali, nec virtuali, absolute peccat peccato radicali, quod sanè est radix omnium aliorum peccatorum: Atqui hoc esset falsum, imò esset honestum, si Deus amaret creaturam rationalem propter ipsam sistendo in ipsa absque ordinatione, nec formali, nec virtuali ad se ipsum ut ultimum finem: Ergo nullum esset peccatum in creatura rationali. Probatur minor, quia creatura rationalis amans se ipsam ut ultimum finem, hoc est, sistendo in se ipsa absque subordinatione sui ad Deum, nec formali, nec virtuali, conformaretur cum divina voluntate, illamque imitaretur, non solum in volito materiali, sed etiam in volito formali, & in modo amandi ipsam, siquidem amaret, quod Deus amat, nempe se ipsam, & propter quod Deus illam vitam amaret, nempe propter se ipsam; & modo quo Deus, nempe absque subordinatione sui ad Deum, nec ad vterioiorem finem: Sed creatura se conformans cum divina voluntate in volito materiali, formali, & in modo volendi, non peccat, sed honestissimè operatur, & amat: Ergo creatura amans se ipsam propter se ipsam, sistendo vltimè in seipsa, & consequenter tanquam ultimum finem, absque subordinatione, nec formali, nec virtuali ad Deum ut ultimum

finem minime peccaret, sed honestissime ageret: Vbi ergo peccatum?

24 Nec dicas, peccatum solum consistere in amare se ipsam appreciative plusquam Deum; non vero in amare se ipsam propter se ipsam, sistendo ultimatè in se ipsa, absque subordinatione ad Deum. Contra enim est, quia peccatum non consistit in amare se ipsam appreciative signatè plusquam Deum, hoc est faciendo comparationem inter Deum, & se ipsam, & ex his duobus signatè eligendo se ipsum pro meliori fine ultimo, prout Deus; hoc enim modo siue intellectu erroneo, aut atheisticè contingere non posset; nec ipse Lucifer hoc pacto peccavit. Imò de fine ultimo non est electio propria, & signata, nec comparatio practica cum alio fine ultimo, comparatio enim practica ad eligendum vnum de duobus bonis, essentialiter supponit ulteriorem finem, ut communem mensuram, penes quam fiat comparatio, ut alibi ostendam. Solum ergo consistit peccatum in eo quod creatura in actu exercitò, & ex modo amandi se per inconsiderationem Dei, aut ulterioris finis, amat se ipsam propter se ipsam, sistendo in se ipsa, absque subordinatione ad Deum; ex quo modo amandi se ipsam in actu exercitò appreciat se ipsam plusquam Deum, vel saltè in Deum, siquidem appreciat se ipsam ut ultimum finem sui ipsius, absque respectu ad alium finem superiorem: Ergo si creatura sic amando se, imitatur Deum amantem ipsam, & honestè amat, minime unquam peccabit. Explicatur, quia nec Lucifer in suo primo, & capitali peccato appreciabit se comparatione signata plusquam Deum, non enim dixit: *Maiores alioquin, sed similis ero altissimo*; nec hoc dixit signatè sed solum exercitè, quatenus propriam excellentiam amavit propter se ipsum, sistendo in se ipso, absque subordinatione ad Deum, ac si ipse foret altissimus, & ultimus sui finis; hoc enim pacto explicant D. Thom. & plerique Theologi peccatum illud: Atqui hoc peccatum non fuisse, sed amor honestus, cum in eo imitaretur Dei amorem erga ipsum, tam in voluto materiali, quam in voluto formali, & in ipso modo amandi sine subordinatione ad ulteriorem finem: Ergo.

25 Nec item dicas, peccatum in creatura rationali consistere in transgressionem legis, Deum autem nullam legem violare, amando creaturam propter se ipsam sine subordinatione ad ulteriorem finem; secus autem creatura rationalis, quæ plures leges habet, quas, quia violat, peccat, non vero præcisè ex eo, quod amet se ipsam propter se ipsam sine subordinatione ad ulteriorem finem, nisi forsitan sit præceptum se subordinandi ad ulteriorem finem. Contra enim est, quia, ut alibi ostendam, de ultimo fine non est propriè lex, nec præceptum, sed ipse ultimus finis ut talis est pro lege, & ratione sui obligans independenter ab

ulteriori lege, immo in vi illius obligat omnis lex, quia omnis lex propriè sumpta est de his, quæ sunt ad finem, & totam vim habet obligandi ex fine per se ipsum primo obligante: Atqui si creatura rationalis possit se amare unice propter se ipsam, sistendo in se ipsa, absque subordinatione ad Deum, nullo alio fine superiori obligabitur: Ergo nec obligabitur vlla alia lege superiori: Imò ipsa sibi erit prima lex, & prima regula, ac norma moralitatis, quia ipsa sibi erit ultimus finis. Contra firmatur primò: Si Deus potest amare creaturam propter ipsam, sistendo in ipsa, sine subordinatione illius ad ulteriorem finem præstatum; poterit creare naturam rationalem propter ipsam sistendo in ipsa, absque ordinatione illius ad ulteriorem finem: Sed hoc est absurdum: Ergo, & primum. Probatur minor, quia eo in casu creature rationalis Deus non esset ultimus finis: Sed hoc est absurdum ingens: Ergo & illud ex quo sequitur. Sequela patet, quia non est ultimus finis creature rationalis ille, propter quem non est creata: Sed tunc casus non esset creata propter Deum ut finem: Ergo Deus non esset ultimus finis illius. Quod autem hoc sit absurdissimum, probatur, quia tam essentialis est Deo ratio ultimi finis, quam ratio primi principij: Sed absurdissimum foret concedere possibilem creaturam, cuius Deus non esset primum principium: Ergo nota minus absurdum est concedere possibilem creaturam, cuius Deus non sit ultimus finis.

26 Huic replicæ respondet M. Herrera; primò instando sic: Nam de ratione primi principij est, quod nihil nos faciamus, nisi Deo principiante: Ergo pariter de ratione ultimi finis erit, quod nos nihil faciamus, nisi Deum pro fine habeamus. Sed vide æquivocationem instantiz: Distinguo enim maiorem: De ratione primi principij est, quod nihil boni faciamus, cuius Deus non sit primum principium, concedo. Quod nihil mali, seu nullum malum faciamus, cuius Deus non sit primum principium, nego antecedens, quia hoc sensu falsissimum est. Et pariter distinguo consequens: Ergo de ratione ultimi finis est, quod nihil mali faciamus, cuius Deus non sit ultimus finis, nego: Nihil boni, cuius Deus non sit ultimus finis, concedo, & concedendum est; quia nihil boni possumus facere, cuius Deus finis ultimus non sit. Nec obstat, quod in instantia non hoc inferretur sic: *Ergo de ratione finis ultimi est, quod nihil faciamus, quin Deum pro fine habeamus*. Tum quia licet sic inferat, non sic inferatur, sed sicut distinguitur. Tum quia nec etiam de ratione primi principij est, ut in omnibus, quæ facimus, ipsum pro primo principio habeamus, siue enim illum habeamus, vel non habeamus in nostra existimatione, aut intentione pro primo principio, principium sine dubio erit; nisi forsitan intelligat, nisi physice, & realiter habeamus

*ipsum pro principio*: Sed si ita intelligat, quia locutio æquivoca est, patet nos dicin us, esse de ratione ultimi finis, quod in omnibus, quæ boni facimus, habemus phyllicè, & realiter Deum pro ultimo fine ex Dei intentione, licet præter nostram intentionem; quod quam verum sit latius ostendimus *Tract. de Provid. quaest. 19. à num. 30. & quaest. 20. num. 19.* Instantia ergo nulla est.

27 Deinde respondet, quod de ratione ultimi finis solum est, quod sit satisfaciens appetitus rationalis, & quod sit dignus, ut propter se ipsum ut assequendum ametur omnia, quæ honestè amantur. Addique, hoc intelligendum esse de sola aptitudine, & dignitate ut sic ametur omnia propter ipsum, non tamen ita ut nulla sit creatura, quam Deus non diligat propter se ipsum.

28 Sed conera est, quia in primis minus bene, imò & falsò explicatur ratio ultimi finis per condignitatem ut omnia ametur propter ipsum assequendum, tum quia maxima, & præcipua excellentia ultimi finis est, ut omnia debeant amari propter ipsum absolute ut est in se, vel propter ipsum glorificandum, aut communicandum alijs, amore benevolentiae, ut illum amabat B. Ignatius, quando dicebat; *malle se beatitudinis incertum vivere, & interim Deo inservire, & proximorum salutem, quam certum eiusdem gloria statim mori*; quam quod debeant amari propter ipsum assequendum, amore concupiscentiae: Ergo multo melius explicatur, adhuc in ordine ad viatores, ratio ultimi finis per hoc, quod omnia ametur propter ipsum glorificandum, quam propter ipsum assequendum. Tum, quia Deus saltem de facto amat omnia propter se, Beati etiam amant omnia propter Deum ut titulo ultimi finis condignus est, ut omnia propter ipsum ametur: Et tamen non amant omnia, quæ amant, propter ipsum assequendum, ut per se patet: Ergo falso explicatur universaliter ratio ultimi finis per condignitatem, ut omnia, quæ honestè amantur, ametur propter ipsum assequendum. Deinde, dum inquit; *ut propter ipsum ametur omnia, quæ honestè amantur*, committit circulum; nam quænam, tægo, honestè amantur, nisi quæ amantur propter Deum ut vltimum finem? Ergo idem est dicere, quod *vltimus finis est, qui dignus est, ut propter ipsum ametur omnia, quæ honestè amantur*, ac si diceret: *Qui dignus est, ut propter ipsum ametur omnia, quæ propter ipsum amantur*: Hoc autem dicere circulus est nugatocius. Sed de hoc alias.

29 Venio ad vltimum, quod magis est ad rem, nempe quod *hoc intelligendum est de sola aptitudine, & dignitate, ut omnia ametur propter ipsum*, cuius sentus est, quod Deus titulo ultimi finis aptus quidem est, & dignus, sed non tanto merito, & dignitate, quod fundet ius, & obligationem, ut nihil ametur nisi propter ipsum.

Propterea enim infert: Non tamen ita, ut nulla sit creatura, quam Deus non diligat propter se. Tunc sic: Ergo licet Deus titulo finis ultimi aptus, & dignus sit, ac metatur, ut quod amatur, ametur propter ipsum, non tamen tanta dignitate, & merito, quod fundet ius, & obligationem, ut quod amatur, ametur propter ipsum: Ergo absque omni iniuria Dei ut vltimi finis poterit creatura rationalis quidquid amaverit, non amare propter Deum ut vltimum finem, nec cum sub ordinatione ad ipsum. Probo consequentiam, quia licet Deus titulo vltimi finis aptus sit, & dignus ut quod amatur, ametur propter ipsum, non tamen tanta dignitate, & merito, quod ad id fundet ius; quod si ad id non fundat ius, ergo nulla illi fiet iniuria, si quod amatur, non ametur propter ipsum ut vltimum finem. Explicatur, & vrgetur difficultas, & absurdum: Si Deus poterit amare creaturas propter se ipsas, sistendo in ipsis, quin eas amet propter se ut vltimum finem, poterit absque dubio omnes sic amare: Ergo poterit etiam omnes, & semper sic amare, quia in Deo, si semel, semper potest: Ergo poterit omnes creaturas amare propter ipsas, quin vnquam illas amet propter se ipsum, & hoc absque iniuria sui ipsius ut vltimi finis: Nam absque dubio Deus quod potest, potest sine iniuria sui ipsius ut vltimi finis, cum se ipsum ut vltimum finem iniuriare non possit: Ergo Deus titulo vltimi finis ius non habet, ut vlla creatura amanda ametur aliquando propter ipsum ut vltimum finem: Ergo creatura rationalis absque iniuria Dei ut vltimi finis poterit se ipsam propter se ipsam, & omnia propter se ipsam amare, quin aliquand vnquam amet propter Deum ut vltimum finem, sed omnia alia, & semper propter se ipsam, sistendo semper in se ipsa. En quo crescit absurdum.

30 Dices forsam, hoc absurdum non esse attento præcisè titulo vltimi finis in Deo, quia alio titulo, nempe supremi Legislatoris, fieret ei iniuria quæmaxima. Sed contra, quia si titulo vltimi finis non habet ius, ut quod amatur, ametur vnquam propter ipsum, lex præcipiens ut aliquando ametur propter Deum, erit purè positiua, & libera, quia poterit Deus absque iniuria sui ipsius ut vltimi finis id non præcipere: Ergo possibilibus erit casus, in quo creatura rationalis absque omni Dei iniuria, siue ut vltimi finis, siue ut Legislatoris, possit nihil omnino facere, aut velle propter Deum, sed vnice propter se ipsam, sistendo semper in se ipsa: Hoc autem, quis dicat? Secundo, quia si Deus titulo vltimi finis tale ius non fundat, omnes illius leges ad nullum sui respectum obligabunt creaturam rationalem, nam quid quod mihi præcipiat ille, propter quem nihil facere teneor? nec propter alium cuius autoritate fugiatur? Sane nullum est præceptum, quod in vi finis alicui non obliget; vnde si semel Deus titulo vltimi finis nol-

nullum ius, nullam obligationem fundat, ut propter ipsum aliquid faciamus, aut vellemus, nulla ad id lex obligabit, sed homines penitus erunt exleges, & sui quisque ultimus finis, & Deus. Et quidem, quod bonum est maius, tanto magis fundat ius aliquid, ut propter ipsum aliquid fiat: Ergo summum bonum, titulo summi boni, ius summum habet, & non solum aptitudinem, ut omnia propter ipsum fiat: Nunquid enim iudicare possumus, quod non sit tanta illa bonitas, ut ius hoc fundare possit, sed solum aptitudinem? Si autem fundat ius, ergo Deus sine sui ipsius iniuria nihil facere, aut amare potest, nisi propter se ipsum summum bonum. Et hoc quidem non in utiliter dixerim, quia ex penetratione ultimi finis, summique iuris illius ut ametur propter se, & omnia propter ipsum, pendet intelligentia radicalis regularum moris, & obligationis legum, sicut ex negativo illo iure, aut non penetrato, laxitas opinio-num moralium.

**OSTENDITUR DEVM NON POSSE  
amare se propter creaturam ut finem  
cuius gratia.**

31 **S**ed adhuc longè maius sequitur inconveniens, quod sic probò: Per te potest Deus amare creaturam propter ipsam sistendo in ipsa, absque ordinatione huius amoris ad se: Sed Deus potest amare hunc ipsum amorem secum per vos realiter identificatum: Ergo potest illum amare propter ipsam creaturam ut propter motivum formale, & consequenter ut propter finem cuius gratia. Probo consequentiam, primò, quia idem est Deo motivum formale amandi reflexe amorem directum, ac motivum formale amoris directi. Secundò, quia ille amor directus amabilis est propter finem propter quem vnicè, & adequatè est, imò sic petit amari, quia vnumquodque petit amari propter finem, propter quem vnicè, & adequatè est: Sed per te ille amor directus per se vnicè, & adequatè est propter creaturam ut motivum formale adequatum ipsius, live ut finem cuius gratia: Ergo petit amari propter ipsam creaturam tanquam propter motivum formale, & finem cuius gratia: Ergo sic amatur à Deo: Ergo & Deus potest amare se ipsum propter creaturam tanquam propter motivum formale, & finem cuius gratia. Patet consequentiam, quia propter id, propter quod potest Deus amare aliquid sui secum realiter identificatum, propter idem potest amare se ipsum.

32 Respondet præfatus M. Herrera, se id non reputare inconveniens, imò illud pro conclusione itatur, nempe, posse Deum amare se ipsum propter creaturam, non solum ut propter finem eius, sed etiam ut propter finem qui, seu motivum formale amandi, nam de hoc est questio. Sed con-

tra, & meritò sibi opponit vnicam, inquit, sed gravem difficultatem. Nam amare Deum propter creaturam ut propter motivum formale amandi Deum, seu quod idem est, ut propter finem cuius gratia, importat magis amare creaturam, quam Deum, quia propter quod vnumquodque tale, & illud magis; unde dixit Philosophus, quod qui furatur ut inebrietur, magis est ebrius, quam fur, quia eo ipso, quod vult furtum propter ebrietatem, magis vult ebrietatem, quam furtum: Sed amare magis creaturam, quam Deum, est summa perversitas, & inordinatio: Ergo qui admittit Deum amare se propter creaturam ut propter motivum formale, & finem cuius gratia, admittit tenetur in Deo summam perversitatem, & inordinatorem.

33 Confirmatur ex M.P. Augusti. citius textum, licet potissimum fundamentum sit nostræ sententiae, adhuc tamen locum reservavi, ut RR. doctrina cum illo collata, suam falsitatem, ne dicam absurditatem, manifestet. Ille igitur tom. 3. lib. 1. de Doctrina Christiana, cap. 39. Primò dividit res omnes in res, quibus fruendum est, & in res, quibus utendum est. Deinde cap. 4. definit, quid sit frui, & uti, sic inquires: Frui omnino est, amore alteri rei inhærere propter se ipsam. Uti autem, quod in usum veneris, ad id, quod amas, obtinendum referre. Prosequitur cap. 5. designans res, quibus fruendum est, hoc pacto: Res igitur, quibus fruendum est, Pater, & Filius, & Spiritus Sanctus est, eademque Trinitas, una quaedam summa rei, communis omnibus fruentibus ea: Trinitas hæc unus Deus, ex quo omnia, per quem omnia, in quo omnia, &c. Et postquam altissimè explicat Trinitatem, immutabilitatem, veritatem, & æternitatem Dei, eiusque Sapientiam, & quo modo immutabiliter perseverans, incarnata fuit, cap. 20. sic rursus ad scopum redit: In his igitur omnibus rebus, ille tantum sunt, quibus fruendum est, quas æternas, atque immutabiles commemoravimus, ceteris autem utendum est. Id est, ut anotatur ad marginem: Solo Deo fruendum est.

34 Sed ne difficultatem occurrentem dissimulare videatur de creatura rationali, quæ vel vitetur, vel fruatur. Subiungit. Itaque magna questio est, utrum frui se debeant homines, an uti, an utrumque? Præceptum enim est nobis, ut diligamus invicem. Quæ queritur, utrum propter se homo ab homine diligendus sit, an propter aliud? Si enim propter se fruimur eo; si propter aliud, utimur eo. Videtur autem mihi propter aliud diligendus; quod enim propter se diligendum est, in eo constituitur vita beata. Sed nec se ipso quisquam frui debet, si liquido advertas; quia nec se ipsum propter se ipsum debet diligere, sed propter illum, quo fruendum est. Si autem se propter se diligit, non se refert ad Deum, sed ad se ipsum conversus, non ad immutabile aliquid conver-

titur: Si ergo te ipsum, non propter te debes diligere sed propter illum, ubi dilectionis tue rectissimus finis est, non succenseat alius homo, si etiam ipsum propter Deum diligas, & non nempe propter ipsum.

35 Prosequitur August. cap. 3. sic inquit: Quia propter adhuc ambiguum esse videtur, cum dicimus, ea re nos perfrui, quā diligimus propter se ipsam, & ea re nobis fruendum esse tantum, quia esse inuit beati, ceteris vero utendum. Diligit enim nos Deus, & multum nobis dilectionē eius scriptura divina commendat. Quomodo diligit? Ut nobis utatur, an ut fruatur? Sed si fruatur, eget bono nostro, quod nemo sanus dixerit, omne enim bonum nostrum, vel in ipso est, vel ab ipso est, cui autem obscurum est, non egere lucem barum rerum splendore, quas ipsa illustraverit: Dicit enim apertissimē Prophetā: Dixit Domino Deus meus es tu, quoniam bonorum meorum non eges. Non ergo fruatur nobis, sed utitur. Nam si neque fruatur, neque utitur, non invenio, quemadmodum diligat: Ille igitur usus, qui dicitur Dei, quo nobis vivitur, non ad eius, sed ad nostram utilitatem refertur ad eius autem tantummodo bonitatem, quia enim bonus est, sumus, & in quantum sanus, boni sumus, & in quantum sanus mali, in tantum etiam minus sumus.

36 Deinde to. 4. lib. 83. quaest. 9. sic ait: Frui ergo dicimus ea re, de qua capimus voluptatē, utimur ea, quam referimus ad id, unde voluptas capienda est. Omnis itaque humana perversio est, quod etiam vitium vocatur, fruendis uti velle, atque utendis frui. Et rursus omnis ordinatio, quae etiam virtus nominatur, fruendis frui, & utendis uti. Et paulo infra de creatura rationali subiungit: Iudicat autem de omnibus, quibus utitur, de solo Deo non iudicat, quia secundū Deum de omnibus iudicat, nec eo utitur, sed fruatur. Neque enim ad aliquid aliud Deus referendus est, quoniam omne quod ad aliud referendum est, inferius est, quam id ad quod referendum est, nec est aliud Deo superius. Haecenus Augul. cuius textum fuisse retuli, quia in eo radicalis doctrina morum continetur, & doctrina, quam impugnamus, clarissimē contradicitur. Vnde.

37 Sic iam arguo: Summa mentis perversio est, iuxta August. utendis frui, & fruendis uti: Hoc sequitur in Deo, si Deus diligit creaturas propter se ipsas, & se ipsum propter creaturas ut propter finē, cuius gratia: Ergo qui hoc admisserit in Deo, admittit ex consequenti in ipso summam mentis perversiōem. Probo minorem, quia iuxta Augustinum, Deo solo fruendum est, ceteris vero, id est, creaturis utendum: Sed si Deus diligit creaturas propter se ipsas, se autem propter creaturas, fruatur creaturis, & se ipso utatur: Ergo utitur fruendis, & fruendis utitur, in quo consistit summa mentis perversio. Probatur minor, frui enim est,

inquit Augustinus, amore alieni rei inbarere propter se ipsum; uti autem, quod in usum venerit ad id quod amas referre; Icu, ut infra ait: Dicitur, ea re nos perfrui, quam diligimus propter se ipsam, ceteris vero utendum. Et rursus, quod diligimus, si propter se, fruimur eo, si propter aliud, utimur eo: Ergo iuxta Augustinum, si Deus diligit creaturas propter se ipsas, & se ipsum propter creaturas, fruatur creaturis, & utitur se ipso, quo nihil perversius excogitari potest. Confirmatur primò: Inter frui, & uti non datur mediam in modo amandi, siquidem August. expressē ait: Si neque utitur, neque fruatur, non invenio, quemadmodum diligat: Sed ex vi amoris, quo Deus diligeret creaturam propter se ipsam, non ea vteretur, quia non eam referret tali modo amandi ad aliud, in quo iuxta Augustinum consistit uti: Ergo ea fruatur. Rursus: Ex modo amandi se ipsum propter creaturam, non se fruatur, quia frui se, iuxta Augustinum, est amare se propter te, & non se propter aliud, se ad aliud referendo, in quo consistit uti, iuxta ipsum: Ergo se ipso vteretur: Ergo vteretur se, & fruatur creaturis: Ergo fruatur utendis, & vteretur fruendis.

38 Confirmatur secundò: Quod enim propter se diligendum est, inquit Augustin. in eo constituitur vita beata, seu beatitudo: Ergo si Deus diligit creaturam propter se ipsam, in ea constituit vitā beatam, seu beatitudinem: Sed iuxta ipsum ea re fruendum est, quā efficimur beati: Ergo Deo fruendum erit creaturis. Ictide: Iuxta Augustin. Nec se ipso quisquam frui debet, quia nec se ipsum propter se ipsum diligere debet: Ergo ab opposito, si quis ipsum hominem propter ipsum diligat, eo fruatur: Ergo si Deus diligit ipsum propter ipsum, eo fruatur. Quartò, iuxta Augustinum, si homo se propter se diligit, non se refert ad Deum, sed ad se ipsum conversus, non ad aliquod incommutabile bonum convertitur, & ideo indebitē sic, & perversē te amabit, quia ut statim inquit, se ipsum propter se non debet diligere, sed propter illum, in quo finis suae dilectionis rectissimē constituitur: Ergo si Deus hominem propter ipsum diligit, siliendo praefertim in illo, ut voluit contrarij, ex vi talis amoris non refert illum ad Deum, seu ad se ipsum, sed ad ipsum hominem conversus, non ad aliquid incommutabile convertitur ex vi illius amoris, & ideo indebitē sic, & perversē hominem amabit. Explicatur: Si Deus diligere potest hominem propter ipsum, praefertim siliendo in ipso, & absque vitiori ordine ad ipsum Deum, pariter poterit habere dilectionem, cuius finis rectissimē constituitur in ipso homine: Ergo homini, cui semper licet imitari Deum, amando se sicut Deus ipsum amat, licebit amare se ipsum propter se ipsum, siliendo in se ipso, & non se referre

rendo ad aliquid incommutabile, & in se ipso rectissime consistere suæ dilectionis finem; quo nihil contrarius Augustino dici potest. Et rursus: Ergo hoc nihil licebit se ipso frui, contra expressum etiam dictamen Augustini, dicentis: *Neque se ipso quisquam frui debet, quia nec se ipsum propter se ipsum debet diligere, sed propter illum, quo fruendum est.*

39 Quinto: iuxta August. creatura rationalis respectu Dei, *neque eo vitium, sed fruitur.* Cuius rationem reddit: *Neque enim ad aliquid aliud Deus referendus est:* Sed si Deus se ipsum diligit propter creaturas ut finem cuius gratia, se ipsum refert ad aliud, & consequenter iam ad imitationem Dei, Deus referendus erit ad aliud: Ergo licebit creaturæ rationali Deo uti, & se ipsa frui. Explicatur: Deus ad nihil aliud referendus est, quia omne quod ad aliud referendum est, inferius est eo, & quod referendū est. Sed si Deus se amat propter creaturam ut finem qui, aut cuius gratia, se refert ad aliud, & ad aliud referendus est: Ergo se ipsum reputabit, & amabit ut quid inferius alio, ad quod referendus est, & sic amandus, & estimandus erit, quod blasphemia est.

40 Sexto iuxta Augustinum: *Frui ergo dicimus ea re, de qua capimus voluptatem; utimur autem ea, quam referimus ad id, unde voluptas capienda est:* Sed si Deus diligit creaturam propter se ipsam, ex ea necessario capiet voluptatem; & si se amat propter ipsam sic amatur, se refert ad id unde voluptas capienda est: Ergo se vitur, & creatura fruitur. Probat minor, quia diligere creaturam propter se ipsam, iuxta contrarios, est diligere ipsam, quiescendo in ipsa, sicut cognoscere creaturam propter ipsam, seu propter ipsius intrinsecam veritatem, est illam cognoscere quiescendo in ipsa, ut dicebant, *Disputat. 4. quæst. 5. à num. 27.* (videantur, quæ ibi dicebam, & constabit ingenua mens contrarium.) Sed implicat Deum diligere creaturam, quiescendo per talem amorem in ipsa, nisi de ea præsentem capiat voluptatem, seu gaudium, & delectationem; quia in bono propter se ipsum amato, si sit præsens, implicat quod amans non quiescat, de illo gaudeat, & capiat voluptatem: Ergo si Deus diligit creaturam propter ipsam, de ea necessario capiet voluptatem. Explicatur: Si Deus amaret creaturam propter se, sistendo in illa propter ipsam, creatura erit centrum, & finis proprius talis amoris, & dilectionis: Sed voluntas non potest non quiescere per amorem in eodem talis amoris, & dilectionis, & consequenter, non gaudere, & delectari de illo: Ergo.

41 Ex quibus impugnata manent, quæ his omnibus respondere conatur præfatus M. Herrera, & cum eo alij. In primis enipit inquit, quia etsi creaturæ amantur propter Deum, dummodo

amentur, aliquod gaudium capiet amans ex eis, tamen si illud gaudium sit propter Deum; & est eadem difficultas. Deinde, inquit, quod delectatio, quam Deus habet de se ipso, est incapax augmenti; solus autem ille amor capiet delectationem ex amato, qui non supponit in subiecto omnem delectationem possibilem, seu qui supervenit subiecto capaci ulteriori delectationis. Vel aliter respondet, tunc amorem boni propter se ipsum adferre delectationē de ipso præsentem, quando est de bono pertinenti ad felicitatem; secus si sit de alijs bonis. Ac demum, si his non satis fiat argumento; *noto insuper* (inquit) *Doctores RR. non putare absurdum, posse ex amore ad creaturas ereferre delectationem Dei pure extensivē, & accidentaliter.*

42 Impugnata inquam manent, & amplius impugnantur, nam in primis, quod ad instantiam attinet, dico, quod eo ipso, quod Deus amet creaturas vivē propter se ipsum, nullum gaudium capiet ex eis, siquidem ex eis non movetur, nec ad amorem, nec ad gaudium, sed ex gaudio, & voluptate, quam ex se ipso amaro propter se ipsum, capit, eas amat, eisque de sua bonitate participat ad extra; vel si mavis, de eis secundario gaudet propter suam bonitatem, ut infra explicabo; minimè autem eis fruitur. Circa quod non erit absque, August. id non dissimulasse. Obijcit enim illud Pauli ad Philemonem, dicentis ad ipsum: *Ita Frater, ego te fruar in Domino.* Sed sic respondet: *Quod si non addidisset in Domino, & te fruar, tantum dixisset, in eo constituitur spem beatitudinis sue. Quamquam etiam vicinissime dicitur frui, cum delectatione uti, cum enim adesse, quod diligitur, etiam delectationem secum necesse est gerat; per quam si transferis, uteris ea, & abusivo, non proprie diceris frui.* Ergo iuxta Augustinum, frui aliquo bono propter ipsum est proprie frui, & in eo collocare beatitudinē: Sed si Deus amaret creaturam propter se, ea necessariò fruitur etiam propter se: Ergo in ea collocabit suam beatitudinem. Vergetur: Si Paulus non addidisset in Domino, sed dixisset tantum te fruar, sumendo frui proprie, suam beatitudinem in illo collocasset: Ergo si Deus amaret creaturam propter ipsam, & consequenter ea frueretur in te ipsa, suā beatitudinem Deus in creatura collocaret. Ex quo colliges, nullius esse momenti, eam distinctionē de bono amato propter se pertinente, vel non pertinente ad felicitatem; quia iuxta Augustinum, *quod enim propter se diligendum est, in eo constituitur vita beatæ, unde implicat aliquod propter se diligendum, quod ad felicitatem non pertineat.* Deinde, quia August. totam definitionem fruendi, vel utendi primo exponit, per hoc, quod frui sit, *inbarere per dilectionem rei propter se; uti vero, eam amare propter aliquid, seu eam referendo ad aliud, quo fruendum est.* Et hinc infer, quod si homo amicus sit propter se, eo fruatur; & converso

¶ Deus cum diligat propter se, eo fruitur; & quod si eo fruitur, eo indiget, &c. Ergo si semel verum sit, vt contrarij, inquit, Deum diligere creaturas propter se, ex hoc ipso sequitur, Deum ea frui in se ipsa proprie loquendo; in ea constituere vitam beatam; ea indigere; ex ea voluptatem capere, & alia huiusmodi, vnde vel debent contrarij ista non reputare absurda, vel debent reputare falsum primum, ex quo inferit Augustinus cætera, vel tanquam idem cum illo reputat.

43 Iam vero, si Deus est incapax ultioris delectationis de alia bonitate præter eam, quæ capit ex bonitate sua amata propter se: Ergo pariter est incapax amandi propter ipsam ulteriorem bonitatem à sua propria; vel si, adhuc amata sua summa bonitate propter se ipsam, capax est amandi ultiori bonitatem etiam propter ipsam, motus ex ipsa, & in ipsa ulterius quiescendo: Ergo post gaudium, & delectationem de sua summa bonitate, capax est, capiendi ultiori delectationem de alia bonitate propter se etiam amata. Et tandem dicere: Doctores RR. non reputare absurdum, posse ex amore ad creaturas præferre delectationem Dei purè extensivè, & accidentaliter. Inprimis, quid valeant RR. contra August. quisque vidcat. D: inde fateor RR. illos consequenter procedere admittentes, posse crescere delectationem Dei ex amore creaturarum; sed in consequenter in illo addito purè extensivè, siquidem non purè extensivè, sed intensivè etiam augetur.

44 Quod sic proba, quia tunc gaudium divinum solum augetur extensivè, quando solum augetur intra eandem speciem, & sub eadem ratione formali, seu obiecto formali specificativo ad plura obiecta materialia; si vero augetur per aliam speciem gaudij, seu gaudij specie distinctio ex alio obiecto formali gaudendi, non purè extensivè, sed intensivè augetur gaudium, quia additur nova essentia, & species gaudij: Sed si Deus gaudeat, & delectetur in creaturis propter ipsas, gaudium hoc est specie distinctum à gaudio in sua essentia, quia habet obiectum formale terminativum, & motivum distinctum, & consequenter gaudet, & delectatur sub distincta ratione formali gaudendi, & non solum sub eadem ratione formali, seu eodem specificè gaudio ad distincta obiecta materialia: Ergo augetur, vel multiplicatur gaudium, non purè extensivè, aut materialiter, sed intensivè, & formaliter, quoad speciem, & essentiam gaudij.

45 Urgetur hoc argumentum, quia si Deus amat creaturas propter ipsas, amat ipsas, quiescendo in ipsis: Sed voluntas non quiescit, nisi in ultimo fine: Ergo amat ipsas tanquam ultimum finem: Sed ex ultimo fine non potest non crescere intensivè gaudium, & delectatio: Ergo. Res-

pondet P. Emmanuel à Conceptione, *Traicté de Volontate Dei, disputat. 2. quest. 5. num. 87.* distinguendo duos ultimos fines respectu Dei, vñi, qui sit ultimus finis absolute respectu omnium actuum voluntatis divinæ; alium, qui sit ultimus finis respectivè tantum ad vnum actum vt ratione distinctum à cæteris. Asserit ergo creaturam non esse ultimum finem absolute respectu Dei, id est, ultimum finem voluntatis divinæ penes omnes eius actus; esse tamen ultimum finem alicuius actus voluntatis divinæ, nempe actus, quo Deus eam diligit propter ipsam. Quo supposito, distinguat minorem: Voluntas non quiescit, nisi in ultimo fine, qui sit ultimus vno, vel altero modo ex dictis, concedit: Nisi in ultimo fine, qui sit ultimus finis primo modo, negat. Ex inquit, Deum non posse quiescere in creatura per omnem actum, bene tamen posse quiescere in illa per aliquem actum vt ratione distinctum à cæteris. Et hæc sanè est geometria mens contrariorum.

46 Sed contra est, nam rogo, quinam est ultimus finis absolute, seu omnium actuum voluntatis divinæ? Si dicat, quod divina bonitas, rursus rogo: Vel sola divina bonitas, vel illa simul cum bonitate creata, seu aggregatum ex utraque? Si sola divina bonitas: Ergo sola divina bonitas est obiectum formale omnium actuum divinæ voluntatis, siquidem sola illa est finis ultimus omnium. Item ergo in sola divina bonitate, quiescit voluntas divina per omnem suum actum, quia per te solum quiescit in ultimo fine, & sola divina bonitas est ultimus finis omnium. Item, ergo per nullum actum quiescit in creatura, nisi vdis, quod per eundem actum quiescat simul in bonitate creata, & in bonitate divina. Inquit, quod per eundem realiter actum quiescit in utraque, sed per distinctum ratione nostra in vno, ac in alia; siquidem amor bonitatis divinæ propter ipsam, & amor bonitatis creatæ propter ipsam ratione nostra distinguuntur, & per primum vt ratione distinctum à secundo, quiescit in bonitate divina, & per secundum vt ratione distinctum à primo, quiescit in bonitate creata.

47 Restissimè quidem, sed attende: Ergo sola bonitas divina non est finis ultimus absolute divinæ voluntatis, nec sola bonitas creata: sed finis ultimus absolute talis divinæ voluntatis intelligitur ex utraque. Probo consequentiam, quia per te idem est finis ultimus absolute talis voluntatis, ac finis omnium actuum eius; & idem est finis ultimus omnium actuum eius, & in quo quiescit per omnes actus eius: Sed per te voluntas divina non quiescit per omnem actum vt ratione distinctum à cæteris in bonitate divina solum, nec similiter per omnem actum eius in bonitate creata solum, sed per omnem actum quiescit in bonitate divina, aut in bonitate creata: Ergo finis ultimus absolute talis voluntatis divinæ non est so-

la bonitas divina, sed integratur ex bonitate divina, & creata: Ex quo rursus infero: Ergo Deus in sua voluntate divina non habet beatitudinem obiectivam, sed solum in aggregato ex bonitate divina, & creata. Probo hanc consequentiam, primò, quia idem est formalissimè ultimus finis absolute talis, ac beatitudo obiectiva. Secundo, quia non habet Deus totam suam beatitudinem obiectivam, ubi non habet totam suam quietem obiectivam: Atque nec in sola sua bonitate habet totam suam quietem obiectivam, nec in sola bonitate creata, sed in utraque: Ergo pariter beatitudinem obiectivam. Minor patet, quia ideo in sola bonitate creata non habet totam suam quietem obiectivam, quia in illa non quiescit per omnem actum, sed solum per unum ut ratione distinctum à ceteris: Sed pariter, nec in sola bonitate divina quiescit per omnem actum, sed solum per unum ut ratione distinctum à ceteris, quibus quiescit in creaturis: Ergo eadem ratione, quia sola bonitas creata non est quies obiectiva totalis, & adæquata voluntatis divina, nec sola bonitas divina est quies obiectiva totalis, & adæquata voluntatis divina: Ergo pariter beatitudo obiectiva adæquata, & totalis non erit sola divina bonitas, nisi adiungatur bonitas creata. En igitur, cur Augustinus merito dixit: *Quod enim propter se diligendum est, in eo constituitur vita beata*, quia in eo constituitur quies voluntatis saltem partialiter, & inadæquate, & in ista quiete consistit vita beata.

48 Hinc rursus infero: Ergo Deus ad vitam beatam sibi non sufficit, sed eget bono nostro, quod nemo sanus dixerit. Negat consequentiam prefatus Auctor, quia quies illa, inquit, quæ habet in creatura, habetur per actum liberum: Ergo est libera, & consequenter non necessaria: Ergo Deus sibi est sufficiens. Sed contra, quia in hoc procedit sicut ceteri contrariorum, supponentes in sua doctrina salvas omnes Dei perfectiones, & omnes veritates necessariò continentias, cum tamen de hoc ipso quæstio sit. Si quidem nos intendimus ex doctrina contraria nullam, vel raram salvam consistere; unde in primis contendimus, quod si creatura esset à Deo amabilis propter se ipsam, esset necessariò, & non liberè amanda; quia sine illa non haberet totam suam quietem, nec beatitudinem obiectivam; & consequenter ea egeret ad omninò quietam, seu beatam vitam: Ergo respondeo, quod ea non egeret, quia illam amaret liberè, seu per actum liberum, est circulus manifestus. Urgetur, nam implicar in terminis quies libera, & non necessaria in divina voluntate, alias divina voluntas liberè posset carere aliqua quiete, & consequenter vita omnimodo quiete, & beata, est: quæ aliqua ex parte in quiete, quod absurdissimum est: Ergo implicat quies divinæ voluntatis in obiecto liberè voligo, seu per

actum liberum, ut liberum: Ergo si quiesceret in creatura, illam necessariò, & non liberè amaret, & in ea necessariò quiesceret, nisi veller quiete carere, & inquietè vivere aliqua ex parte.

Ehinc demum sequitur, quod ex bonitate creata, non purè accidentaliter, & extensivè, ut iam contrarij admittunt, sed essentialiter, & intensivè cresceret in Deo delectatio, & gaudium, quia ex quiete necessaria ad vitam omninò quietam, & beatam nõ accidentaliter, sed essentialiter, nec purè extensivè, sed intensivè augetur, vel multiplicatur gaudium, & delectatio: Sed talis esset illa quies: Ergo ex illa augetur essentialiter, & intensivè gaudium, & delectatio in Deo.

49 Mitto, haud leve absurdum esse, quod adhuc accidentaliter, & extensivè augetur intrinsicè ex parte Dei gaudium, & delectatio ipsius; quæ sanè ipsi intrinsicè essentiam Deus nec in sua intrinsicè felicitate, nec in sua intrinsicè perfectione augmentum intrinsicè admittit: potest accidentaliter, licet illud appelleretur extensivum; id enim proflus absurdum est, & divina immutabilitate, & summa, ac infinita essentiali perfectione alienissimum, quid quid contrarij velint.

50 Propterea alij respondent, gaudium illud non augere gaudium, quod Deus habet de sua bonitate, quia totum gaudium de bonitate creata continetur eminenter in gaudio de bonitate divina; & similiter, nec quietem in bonitate creata, nec amorem bonitatis creatæ propter ipsam augere amorem, aut quietem, quia continetur eminenter in amore, & quiete, quam Deus habet in sua bonitate divina; sicut bonitas creata, & divina, non faciunt maiorem bonitatem, quia hæc continet eminenter illam. Sed contra, est manifestè, quia id continetur eminenter in alio, quod continetur in illo seclusis imperfectionibus: Ergo si quies in bonitate creata, & amor illius propter ipsam, continetur eminenter in amore bonitatis divinæ propter se, continetur in illo seclusis imperfectionibus: Ergo amor bonitatis creatæ propter ipsam formaliter sumptus importat imperfectionem, qua nudari oportet, ut eminenter continetur in quiete, quam Deus habet in sua bonitate: Sed quies importans imperfectionem formaliter in Deo non est: Ergo in Deo non est quies in bonitate creata propter ipsam, cum in ipso non sit quiesiciens imperfectionem. Secundo, quia subiectum habens aliquam formam, vel actum eminenter est incapax habendi ipsam formaliter, tum quia habere illum eminentem est habere totam illius actualitatem, & perfectionem sine limitibus, & imperfectionibus, quas importat formaliter; & implicat illum actum habere quoad totam actualitatem, & perfectionem seclusis limitibus, & imperfectionibus, & simul habere illum cum limitibus, & imperfectionibus. Tum etiam, quia subiectum habens actum aliquem eminentem non



non est actuabile per illum formaliter, imò si supra illum eminenter addatur illemer actus formaliter, nihil addi poterit, nisi limitatio, & imperfectio, non vero actualitas vlla, quia actus formaliter, super ipsum eminenter, nihil addit, nisi limitationem, & imperfectionem: Sed per te, ex hoc præcisè quod Deus amat se ipsum propter suam bonitatem, continet eminenter anteriorem creaturam propter ipsas: Ergo illo supposito, Deus est incapax amandi formaliter creaturas propter se: Item Deus per te ex vi quietis, quia quiescit in sua sola bonitate, continet eminenter quietem formalem in bonitate creata: Ergo, illa supposita, est incapax huius. Item Deus per te ex vi gaudij, quo gaudet, & delectatur formaliter in sua sola bonitate, continet eminenter gaudium, & delectationem formalem in bonitate creata: Ergo, illo supposito, est incapax huius. Vide *Disputat. 2. quæst. 9. à num. 58.* Explicatur: Vel amor creaturæ propter ipsam est perfectio simpliciter simplex, vel perfectio secundum quid, & mixta imperfectio: Si hoc secundum: Ergo non datur in Deo. Si primum: Ergo non est libera Deo, sed necessaria: Item, ergo non coniectur in Deo eminenter, sed formaliter: Ergo eget Deus amore creaturarum propter ipsas, siquidem eget omni perfectione simpliciter simplici. Sed de hoc questione sequenti.

**SOLVUNTUR OBIECTA,**  
*& explicantur virtutes morales*  
*in Deo.*

51 **O**bjiciunt contrarij primò: Deus potest amare creaturam ut bonam adæquate intrinsecè à se: Sed amare creaturam ut bonam adæquate à se est amare creaturam propter ipsam adæquate: Ergo potest amare creaturam propter se adæquate: Ergo bonitas creaturæ intrinseca est obiectum formale voluntatis divinæ. Sic arguit Mag. Herrera Complutensis. Sed quis non videat, quam absurdum sit dicere, creaturam esse bonam adæquate intrinsecè à se? Nam sanè esse bonum adæquate intrinsecè à se est singularissimum Dei privilegium. Quod si ita non est bona, nego planè eam Deum amare ut bonam adæquate intrinsecè à se. Quod si dicat, se intelligere ly à se per exclusionem causæ formalis, non per exclusionem causæ efficientis. Adhuc ita falsissimum est, quia creatura non est bona adæquate intrinsecè per suam essentiam, sed per esse realiter distinctum ab essentia, & participatum; nec per hoc præcisè, sed per alia plura accidentia intrinseca, quæ considerantur ut sit integrè, & adæquate intrinsecè bona; quæ tamen non habet à se adhuc in genere causæ formalis, sed ab illis ut à se, & à sua essentia distinctis. Deinde, nec vllam bonitatem habet intrinsecam, nisi ut participatam in

genere causæ formalis extrinsece ex divina bonitate, quæ est idæa totius bonitatis, & cuius omnis bonitas participatio est, unde nec Deus potest amare creaturam, nisi ut participativè bonam à sua divina bonitate, & consequenter nisi ratione suæ bonitatis.

52 Sed confirmat: Deus potest amare creaturam ea ratione, quia amabilis est sine imperfectio: Sed creatura est amabilis sine imperfectio propter se: Ergo Deus potest illam amare propter se. Probat minorem, quia alias, omnis actus virtutis non theologicæ esset imperfectus, & reprehensione dignus, siquidem amor, qui non sit actus virtutis theologicæ, est amor creaturæ propter se. Sed in primis, nego hoc ultimum, quia sine virtute theologicâ possunt homines aliquid facere propter Deum, & consequenter aliquid amare propter Deum; quod quidem vix negari potest, sine vrgenti absurdum. Solum enim est difficultas, an propter Deum dilectum efficaciter, & super omnia in statu naturæ lapsæ. Quod si dicat, saltè sequi, omnem actum virtutis moralis esse imperfectum, quia per actum virtutis moralis non amatur bonum creaturam propter Deum, sed propter se. Dico, fore imperfectum, immo non fore propriè actum virtutis, si non amet bonum propter Deum saltè sub ratione consueta boni honesti, seu boni proprii creaturæ rationalis, cum aliqua relatione virtuali ad illum, ex amore prævio illius sub hac ratione; & hoc in creatura. Quid ergo dicemus in Deo, ubi non est locus amandi creaturam propter ipsum virtualiter tantum, aut confusè, sed solum propter se ipsum distinctè, & formaliter? Estet ergo in Deo manifesta imperfectio amare creaturam adæquate propter ipsam, & non propter se, quia si non propter se formaliter, & distinctè, nullam amaret propter se confusè, aut virtualiter, cum hoc in Deo locum non habeat. Sed confer rogo doctrinam huius Authoris cum doctrina Augusti, supra expensa.

53 Obijcies secundo: In Deo datur verus amor amicitiz, & benevolentiz erga creaturam rationalem: Sed de ratione amoris amicitiz, & benevolentiz est diligere personam propter se: Ergo Deus diligit creaturam rationalem propter ipsam. Respondeo, distinguendo minorem: De ratione amoris amicitiz, & benevolentiz est diligere personam propter se, ut propter finem cuius gratia, aut motivum formale amandi, nego: Ut propter finem cui, aut finem effectus, concedo, & distinguo consequens eodem modo. Ex quo nihil contra nos. Videantur, quæ diximus *Tractat. de Charitat. quæst. 2. à num. 27.* ubi hoc argumentum latè proposui, & solum dedi. Et in confirmationem eorum, quæ ibi diximus sunt ea, quæ vidimus ex Augusti, *num. 34. & 35.* notentur illa verba: *Ille igitur usus, qui dicitur Dei, quo nobis utitur, non ad eius, sed ad nostram usum.*

utilitatem refertur, ad eius tantummodo bonitatem, id est, utitur nobis vnicè ex bonitate sua, aut gratia sui, sed ad utilitatem nostram, quod est respicere suam bonitatem, ut motivum formale, & finem cuius gratia, nos vero ut finem cui, & utilitatis. Quæ contra hoc replicatur à contrariis, loco citato abundè solvitur.

54. Obijciunt terciò: Præter virtutem theologicam charitatis, dantur in Deo virtutes morales, liberalitatis, misericordiz, iustitiz, & aliz similes: Sed hæc exerceri non possunt, nisi per actus habentes pro motivo formali bonitatem creatam: Ergo divina voluntas habere potest pro motivo formali bonitatem creatam. Probatur minor, primò, quia virtus moralis distinguitur à virtute theologica ex obiecto formali; quia videlicet virtus theologica habet pro motivo formali aliquid divinum, virtus autem moralis aliquid creatum: Ergo implicat exerceri virtutes morales, nisi per actus habentes pro motivo formali aliquid creatum. Confirmatur, quia obiectum formale motivum misericordiz est aliena miseria ut sublevanda; obiectum motivum iustitiz est ius alienum servandum: Sed in divina voluntate datur propriè, & formaliter iustitia, & misericordia: Ergo habere debet pro obiecto formali, & motivo alienum ius ut servandum, & miseriam alienam ut sublevandam, & consequenter aliquid creatum.

55. Confirmatur secundò: Si divina voluntas vnicè habet pro obiecto formali motivo, & terminativo bonitatem divinam, nullus erit actus in voluntate divina, nisi actus charitatis: Sed hoc est absurdum, quia est excludere à divina voluntate actum misericordiz, iustitiz, & aliarum omnium virtutum: Ergo. Probatur sequela, quia nullus erit actus in divina voluntate, qui non habeat pro obiecto motivo, & formali terminativo divinam, & increatam bonitatem: Sed actus habens pro motivo, & formali terminativo bonitatem divinam, & increatam est actus charitatis: Ergo nullus erit actus, nisi charitatis. Confirmatur terciò: Voluntas divina erga creaturas non solum habet honestatem propriam charitatis, sed etiam honestates speciales misericordiz, iustitiz, & aliarum virtutum moralium: Sed honestas propria, & specialis virtutum moralium non potest specificari à bonitate divina tantum, quia honestas specificata à bonitate divina tantum est honestas propria charitatis theologica, non virtutum moralium: Ergo debet specificari à bonitate creatura.

56. Quarto, quia dum divina voluntas exercet iustitiam remunerando præmia, debet moveri ex meritis: Sed merita sunt aliquid creatum: Ergo debet moveri ex aliquo creato. Probatur maior, primò, quia si non inoveatur ex meritis, sed ex sola bonitate divina, non erit actus iustitiz te-

munerativæ, sed solius charitatis, aut liberalitatis, ut per se patet. Secundò, quia merita essentialiter sunt causa moralis præmij, aliàs enim præmiū non dabitur propter merita: Sed causalitas moralis meritorum in præmio non exercetur, nisi movendo voluntatem præmiantis: Ergo voluntas divina, dum exercet iustitiam, remunerando merita, debet moveri ex meritis. Probatur minor, quia causalitas moralis meritorum non exercetur immediatè erga præmium extra mentem, & voluntatem præmiantis, aliàs esset causalitas physica, & non moralis: Ergo exercetur media voluntate præmiantis: Sed implicat merita causare præmiū media voluntate præmiantis, nisi movendo, & causando moraliter voluntatem præmiantis: Ergo.

57. Respondeo ad hoc argumentum, quod magni faciunt contrarij, totum illius robur consistere, & fundari, non in rei veritate, hoc est, non in voluntate divina ut se habet in rei veritate, sed vnicè in modo nostro limitatò, & imperfecto concipiendi in illa plures actus, & plures virtutes, & plures honestates distinctas, cum tamen in illa non sint plures, sed vnus simplicissimus actus, vnica simplicissima honestas, & virtus, quæ cum omnimoda simplicitate est theologica simul & moralis, charitas, liberalitas, iustitia, misericordia, &c. nec enim est dabilis actus aliquis in divina voluntate, qui non plene adæquet vim volitivam voluntatis, & qui re ipsa non sit omnis illius actus, nisi velis voluntatem divinam in actu secundo dividi, & partiri penes diversos actus inadaquatos, & non esse tam simplicem, & infinitam in actu secundo, ac in actu, quasi primo; quod aperte falsum est, loquendo in rei veritate. Vide *Disputat. 4. quæst. 4. à num. 13.*

58. Hac igitur advertentia præmissa. Distinguo maiorem: Præter virtutem theologicam charitatis dantur in Deo virtutes morales re ipsa distinctæ ab ipsa charitate, & negotio maiorem: Re ipsa indistinctæ, concedo maiorem; & distinguo minorem: Ille exerceri non possunt, nisi per actus habentes pro motivo formali bonitatem creatam, quando re ipsa distinguuntur specie à charitate, concedo: Quando, vel in voluntate, in qua re ipsa sunt vnica virtus primariò theologica, & secundariò moralis, nego minorem. Ad cuius probationem, distinguo antecedens: Virtus moralis distinguitur à virtute theologica ex obiecto formali, quando re ipsa intrinsecè, & specificè distinguitur, concedo: Quando, vel in voluntate, in qua re ipsa, & specificè non distinguitur, implicat in terminis, vel nego antecedens, & consequentiam; quia in Deo re ipsa non distinguuntur intrinsecè specificè virtutes theologica, & moralis, nec actus charitatis, & iustitiz, aut misericordiz, sed vnica intrinsecè, & specificè virtus, & vnus species, & intrinsecè actus simplicissimus primariò,

& necessario est virtus, & actus charitatis Theologica, secundario vero, & liberè est actus iustitiae, aut misericordiae, aut liberalitatis, aut etiam amicitiae, & charitatis erga homines; ad quod non exigit distinctum obiectum formale specificativum, aut motivum, imò ex hoc ipso illi repugnat, quia si re ipsa haberet distinctum obiectum formale specificativum, aut motivum, iam re ipsa essent plures actus, aut virtutes; sed satis est unicum obiectum formale specificativum, aut motivum, & plura obiecta secundaria terminativa, imò & hoc exigitur ex simplicitate divinae virtutis, & actus. Quae solutio clara est, quin opus sit varijs alijs evaluationibus, quibus laborant RR. pro hoc argumento solvendo.

59 Ex quo ad primam confirmationem, distinguo similiter maiorem: Obiectum formale misericordiae, quae re ipsa est purè, & praecise misericordia, est aliena miseria sublevanda, & similiter de iustitia, concedo: Misericordiae, quae re ipsa primario est charitas, & secundario misericordia, nego maiorem, vel implicat in terminis; & distinguo minorem: In Deo datur proprie iustitia, & misericordia, quae re ipsa praecise sit misericordia, aut praecise iustitia, nego minorem: Quae primario sit charitas, & secundario iustitia, aut misericordia, concedo minorem, & nego consequentiam, quia minimè sequitur, sed oppositum. Ad secundam confirmationem, distinguo maiorem: Nullus erit actus, nisi actus solius charitatis, nego: Nisi actus primario charitatis, & secundario misericordiae, iustitiae, &c. concedo maiorem; & nego minorem, seu quod hoc sit absurdum. Ad probationem sequelae, concessa maiori, distinguo minorem: Actus habens pro obiecto formali, & motivo solam bonitatem divinam est actus charitatis, si sit finis, & limitatus, seu in creaturis, concedo: Si sit simpliciter infinitus, vt in voluntate Divina, subdistinguo: Est actus solius charitatis, nego: Charitatis primario, & secundario iustitiae, misericordiae, &c. concedo maiorem, & distinguo consequens vt supra. Quia quando actus respiciens pro motivo formali solum divinam bonitatem est finis in linea virtutis, vt est in voluntate creata, tunc est solius charitatis; at quando est infinitus in linea virtutis, vt in voluntate divina, non est solius charitatis, sed primario charitatis, & secundario reliquarum virtutum; quia est vna simplicissima virtus, quae primario est charitas, & secundario iustitia, misericordia, &c.

60 Ex quo ad tertiam similiter distinguo maiorem: Sed etiam honestates speciales misericordiae, iustitiae, &c. re ipsa distinctas ab honestate charitatis, nego: Tanquam vnam, & simplicissimam honestatem, quae primario est charitatis, & secundario iustitiae, misericordiae, &c. concedo maiorem, & distinguo minorem: Honestas propria, & specialis virtutum moralium non potest

specificari à bonitate divina, quando est limitata, & praecise honestas virtutum moralium, concedo: Quando est infinita honestas primario charitatis, & secundario reliquarum virtutum, nego minorem, quia honestas infinitè specificata à bonitate divina, est honestas infinita simpliciter in ratione honestatis, & consequenter est honestas non solius charitatis, sed omnis virtutis, primario charitatis, & secundario reliquarum.

\* 61 Ad quartam, responder Illust. Godoy, reiectis alijs solutionibus, voluntatem divinam moveri ex meritis ad praemiandum, ex meritis inquam vt contentis eminenter in bonitate Divina, & similiter ad miserendum ex sublevatione miseriae, vt contenta eminenter in bonitate divina. Sed contra est, quia si merita movent divinam voluntatem ad praemiandum, pariter demerita, seu peccata debent movere divinam voluntatem ad puniendum; dicere autem, quod peccata movent vt contenta eminenter in bonitate divina, per se est quid absolum, & in proprietate sermonis omnino falsum. Inquit, peccata, seu demerita, entitativè sumpta, esse mala, ac per consequens sic non contenta in divina bonitate; sumpta vero secundum honestatem obiectivam, qua iustitiam specificant, non esse mala, sed bona; sicut Deus entitativè suprema bonitas est, prout autem terminat odium, obiectivè malus est; sic ergo inquit demerita entitativè mala sunt, prout autem iustitiam primiviam specificant, obiectivè bona sunt; ac per consequens sic supra contineri possunt eminenter in divina bonitate, & vt sic contenta movere divinam bonitatem. Sed haec sunt voces magis absolutae sunt, nam potius demerita, si aliquomodo bona sunt, bona sunt entitativè, quia in quantum sunt, & in quantum de entitate participant, bona sunt physice, & materialiter; obiectivè autem nullo modo bona sunt, quia nec appetibilia sunt, nec habent ullam honestatem obiectivam, alias honestè appetibilia essent; aliud enim est, quod punitio illorum obiectivè honesta sit, aliud quod peccata obiectivè honesta sint; primum est verum, secundum falsum ex hoc ipso, quod primum est verum; illa ex quo punitio illorum honesta est, potius illa inhonesta sunt, siquidem non est obiectivè honesta punitio, nisi quia est punitio inhonesta.

62 Nec ipsa demerita sunt, quae pro recto movent voluntatem ad puniendum; in hoc enim fallitur communis modus loquendi, sicut nec miseria aliena est, quae in recto movet voluntatem ad misericordiam; Sed vt alibi dixi, quod movet in recto obiectivè est honestas obiectiva sublevationis miseriae, & honestas obiectiva punitionis, non vero honestas vlla obiectiva ipsius peccati, vel miseriae, nam peccatum, vel miseria sunt potius materiam destruenda, & contraria, adversus quas militat misericordia, & iustitia ex motivo ho-

honestatis relucens in punitione peccati, & subleuatione miseriz, quam motiui formale; misericordia enim, & iustitia, vt virtutes sunt, non consistunt formaliter in actu fugz, quò solum posset virtuosè respici in recto peccatum, aut miseriz; sed in actu prosecutionis ad subleuationem miseriz, & correctionem peccati, qui planè directè mouentur ex honestate obiectiua, non peccati, aut miseriz, quz nulla est, sed subleuationis, & punitionis. Videantur à nobis dicta *Tract. de Spz, quest. 17. num. 77.* Vnde numquam opus est dicere peccata, aut demerita esse obiectiue bona, aut honesta, minusque eminenter contineri in bonitate diuina. Sed satis esset dicere, quod honestas obiectiua punitionis continetur eminenter in bonitate diuina; quia sola honestas punitionis est motiui formale iustitiæ punitiuæ. Et hoc pacto sublii vti potest solutio Illust. G. Joy.

63 Sed adhuc rogo, quid sit contineri eminenter honestatem obiectiua punitionis, aut remunerationis, aut subleuationis miseriz in bonitate diuina, nam vel intelligit de continentia eminentiali in genere causæ efficientis; vel de continentia eminentiali in genere causæ formalis, & in munere mouendi obiectiue voluntatem? Si primum, honestas obiectiua subleuationis miseriz solum continetur efficienter in bonitate diuina, vt ratione voluntatis subleuatiua miseriz, & punitiua peccati, aut remuneratiua virtutis; seu quod idem est, in bonitate diuina vt formaliter est virtus misericordiæ subleuatiua miseriz alienæ, & in quantum est virtus iustitiæ remuneratiua virtutis, & punitiua peccati, nam hoc solum pacto continet efficienter illam honestatem obiectiua: Ergo tandem dicere, quod illa honestas obiectiua, vt contenta sic eminenter in bonitate diuina est motiui iustitiæ, & misericordiæ, & dicere, quod ipsa iustitia, & misericordia prout efficienter continent honestatem illam obiectiua, sunt motiui formale sui ipsarum; quod sanè est circulus manifestus, & minimè dicit Illust. Godoy.

64 Solum ergo dicit secundum, vt colligere potui ex eius contextu, nam planè pro eodem accipit contineri eminenter in bonitate diuina, ac bonitatem diuinam in munere mouendi ad præmiandum, aut subleuandum miseriam, æquiuale honestati obiectiue creatæ. Sed cur sanè æquiualeat? Sanè, quia est summa, & infinita bonitas, & honestas obiectiua, continens eminenter formaliter omnem honestatem obiectiua cuiusvis virtutis creatæ, & ideo æquiualeat cuilibet honestati obiectiue in munere mouendi voluntatem diuinam. Quod si amplius roges, quid sit æquiualeat in munere mouendi? Aliud responderi nequit, nisi quod est mouere diuinam voluntatem, sicut bonitas creatæ mouet voluntatem creatam, non enim mouet, quia æquiualeat in munere

mouendi, sed potius æquiualeat in munere mouendi, quia mouet; vnde tandem idem est dicere, merita, aut demerita mouere vt contenta eminenter in bonitate diuina, ac dicere solam diuinam bonitatem mouere, & nihil extra ipsam mouere, & difficultas manet in sua vi.

65 Igitur ad quartam confirmationem, nego maiorem, quia, vt iam sæpè diximus, diuina voluntas non potest moueri ab aliquo creato, nec ab aliquo à se realiter distincto, quod firmissimè semper tenendum est in via D. Thom. Ad probationem, nego antecedens, quia stat moueri ex sola bonitate diuina ad seruandam æquitatem cum bonis, & malis, & ad reddendum vnicuique secundum opera sua; qui actus, licet ex sola bonitate diuina moueatur, & obligetur, est actus iustitiæ propriæ talis. Ad secundam, concessa maiori, nego minorem. Ad cuius probationem, distinguo antecedens: Non exercetur immediatè erga præmium, immediatione excludente causam intermediam motam, & causatam à meritis; nego: Immediatione excludente causam superiorem independentem à meritis ex parte sua proportionantem præmia meritis, concedo antecedens, & distinguo consequens: Ergo exercetur media voluntate præstantis vt causa verè intermedia mota, & causata à meritis, nihil: Id est, ratione illius vt cum superioritate, & independentia à meritis, proportionantis præmia meritis, concedo consequentiam. Et distinguo minorem subsumptam. Si voluntas præstantis propriè mediet vt causa intermedia mota, & causata ex meritis, concedo: Si solum improptè mediet, vt causa superior cum independentia respiciens merita, & præmia proportionantem præmia meritis, nego minorem, & consequentiam.

66 Itaque tota difficultas consistit in explicando causalitatem meritorum in præmium. Dignum ergo, totam causalitatem meritorum in præmiu fundati in iure, & exigentia meritorum, vt cuius exigant, & faciant sibi debitum, præmium. Hoc autem ius meritorum aliquando est ius obligans superiorem, aut iudicem præmiatorem, faciensque illum debitorem meritis, aut merenti; aliquando vero non est ius in ipsum superiorem, nec contra ipsum, nec illum obligans, nec faciens debitorem merenti, sed vnicè est ius in præmium ipsum, non autem in præmiatorem. Primum contingit, quando præmiator est iudex, aut superior creatus subditus iuri extraneo, & legibus superioribus, vt quorum debitor fieri potest iuri alterius ab extraneo ipsam obligantis, & quando iudicium, & voluntas eius iustificari debet penes conformitatem cum iure extraneo, seu ex ipso iure extraneo, tanquam ex norma, regula, & mensura suæ iustitiæ. Secundum vero, quando præmiator nulli iuri extraneo subijci potest, nullaque lege extranea obligari, nullique extra se debitor fieri,

& à nullo extra se obligari, nec iudicium, aut voluntas eius iustificari penes conformitatem cum iure extraneo, seu ex iure extraneo tantum ex regula, nonna, aut mensura suae iustitiae; sed potius ipsius iudicium, & voluntas est norma, mensura, & causa iuris extranei, & iustitiae obiectivae, ita ut ideo quod iudicat faciendum, & vult facere iustum sit, quia ipse sic iudicat, & vult sic facere, non vero eius voluntas, & iudicium iustum sit, quia iustum est quod iudicat faciendum, aut vult facere. Hoc secundo modo iudicat, & praemiatur, aut remuneratur Deus primo modo superior creatus. Quae differentia magis aperte consideranda est semper, quia ex ea pendet perfecta intelligentia veritatis.

67 Dicimus ergo, quod quando praemiator est iudex creatus, merita causant praemium mediante iudicio, & voluntate praemiatoris ut causa verè intermedia obligata, mota, & causata ab ipsis meritis, & ex iure ipso meritorum; quando vero iudex, & praemiator est Deus, merita non causant praemium medio iudicio, aut voluntate divina, ut causa verè intermedia obligata, mota, aut causata ex meritis, aut ex iure illorum, sed solum ratione illius ut causantis merita simul, & praemia illis proportionata, tum independentia ex parte sua ab omni iure extrinseco, & consequenter à meritis, quia ipsius voluntas est causa meritorum, & iuris ipsorum, & ipsius iudicium taxat merita, & praemia, & proportionat merita praemijs cum independentia à meritis, & non obligatus ab ipsis, sed vnicè obligatus, & motus ex sua intrinseca bonitate, honestate, & aequitate, iuxta illud Augusti. celebratum estatum: *Reddit debita nulli debens.*

68 Hac doctrina explicatur pro posse nostro summa eminentia divinae voluntatis, & iustitiae, & virtutis, & qualiter Deus summè honestus, virtuosus, & iustus sit in omni genere virtutis, honestatis, & iustitiae. Pro posse inquam nostro, nam ut cum Bernardo supra expenso *Disputat. 2. quaest. 9. num. 40.* loquar: *In hoc interius gradu suspicio illam, & si alter potius appareret, illum potius darem. Nunquid verendum ne cogitatio transfolet ipsam? Quantumcumque in altum proficiat, ultra est. Infra quod homo cogitare possit, altissimum querere ridiculum est. Statuere insipium. Ultra, non citra querendum est. Ascende, si adhuc potest, ad cor altius, & exalabitur Deus.* Hanc regulam observamus, & observare curabimus semper, non timentes iuxta eam à veritate declinare, nam quominus ab extolenda divina in eis explicandis deficit, hic minus à veritate ipsa declinat.

# *EXPLICANTUR AMPLIUS VIR- tutes morales, & causalitas moralis meri- torum in premium.*

69 SED nihilominus contra praefatam doctrinam opponunt contrarii. Primò, quia hoc non est concedere in Deo virtutes morales propriè tales, sed solam virtutem theologicae charitatis; siquidem sublevare miseriam ex solo motivo proprio charitatis, non est virtus moralis sed theologica charitatis. Et confirmant primò, quia possibilis est etiam creaturae affectus sublevandi miseriam alienam ex solo motivo charitatis: Sed ille affectus non esset propriè virtus moralis misericordiae, alias daretur duplex virtus misericordiae, una ex motivo charitatis, alia ex motivo proprio misericordiae, quod nullus dixit: Ergo nec in Deo erit virtus misericordiae affectus sublevandi miseriam ex motivo charitatis. Confirmant secundò, quia in Deo dantur virtutes morales ut distinctae à charitate: Sed ut distinctae à charitate, non possunt habere motivum charitatis, quia ut habentes motivum charitatis formalissimè sunt virtutes charitatis: Ergo in Deo non habent motivum formale charitatis. Probatur maior, primò, quia non erunt propriè virtutes morales, si non sunt virtutes distinctae à virtute charitatis. Secundò, quia in Deo dantur praeter virtutem charitatis virtutes morales: Sed non possunt dari praeter virtutem charitatis, nisi ut distinctae à charitate, quia ut ab illa indistinctae non sunt praeter illam: Ergo dantur ut distinctae à virtute charitatis. Tertiò, quia vel virtutes morales addunt in Deo supra virtutè charitatis, vel non addunt: Si non addunt: Ergo tandem solum in illo datur virtus charitatis, & nulla datur in illo virtus ultra virtutem charitatis. Si addunt: Ergo dantur ut distinctae, siquidem ut indistinctae non addunt supra illam. Confirmant tertiò, quia negari nequit, saltem per rationem nostram distinguì in Deo virtutes morales à virtute charitatis: Sed virtus misericordiae, ut à charitate distincta per rationem, non specificatur à motivo charitatis: Ergo saltem ut sic distincta specificatur à motivo creato.

70 Secundò opponunt, contra explicationem causalitatis meritorum; quia vel actio Dei, qua causat praemium, aliquomodo est à meritis, vel nullo modo est à meritis: Si est à meritis, non potest esse ab illis, nisi moraliter, nec ab illis potest esse moraliter, nisi ab illis ut moventibus moraliter Deum: Ergo merita movent moraliter divinam voluntatem. Si nullo modo est à meritis: Ergo à meritis nullo modo proveniunt quod Deus conferat praemium: Ergo merita non causant villo modo praemium. Item: Ergo Deus dat praemium non ex meritis, nec dependentem à meritis, sed independentem ab illis ex sola sua

gratuita voluntate: Vbi ergo virtus iuſtitiz in Deo? Et vrgetur, quia voluntas Dei conferendi præmiũ debet eſſe cauſalitas meritorum in præmiũ, ſaltem in actu ſecundo; vel aſſignemus cauſaliter meritorum in actu ſecundo: Sed non poteſt eſſe cauſalitas meritorum, niſi ſit à meritis: Ergo, Tertio, quia merita ſunt cauſa moralis præmij: Sed de ratione cauſe moralis eſt cauſare movendo, aut ſuadendo obiectivè voluntatem cauſe efficiẽtis phyſicæ, quia non eſt alius titulus, unde vocetur meritum cauſa moralis: Ergo implicat meritum cauſare præmiũ, niſi movendo voluntatem divinam. Quarto, quia implicat meritum eſſe cauſam præmij, niſi præmiũ conferatur propter meritum; implicat autem conferri præmiũ propter meritum, niſi Deus conferat illud propter meritum, & quia homo illud meretur: Sed implicat Deum conferre præmiũ propter meritum, & quia homo illud meretur, niſi velit conferre præmiũ propter meritum, & quia homo illud meretur: Ergo Deus vult conferre præmiũ propter meritum, & quia homo illud meretur: Sed hoc eſt impoſſibile, niſi voluntas divina moveatur à meritis: Ergo. Quinto, quia vſus communis, nedum inter vulgares pios, ſed etiã inter Theologos, & PP. obcinuit, dicere, quod merita, orationes, & poſtulationes moveant divinam clementiam, pietatem, & voluntatem, vt miſereatur noſtri, vel ad remuneranda obſequia. Item, quod facinora, & legum violatores, & prævaricatores provocant divinam iuſticiam ad vindictam: Sed abſurdiſſimum videtur dicere omnes itas locutiones eſſe tales: Ergo & quod nihil creamus, aut extra Deum movcat divinam voluntatem.

71 Reſpondeo tamen, ad primum, quod virtutes morales propriè tales ex parte rei ſignificatè non important numerum, aut multitudinẽ, diviſionem, aut diſtinctionem, licet hoc modo à nobis ſignificentur, & exiſtant in creaturis. Item nec important ex parte rei ſignificatè moveri ex diverſis motivis, aut ex motivo diſtincto à motivo charitatis, quia alias ex parte rei ſignificatè importaret ſpecificam diſtinctionem, & multitudinem; tum à charitate, tum inter ſe. Quod ſi cõtendas, hanc diſtinctionem ſignatè, & ex conceptu quidditativo importari in illis tanquam eſſentiam ſignatam illarum, tu ipſe teneris dicere, eas propriè in Deo non eſſe re ipſa, & à parte rei, ſed impropriè, quia in Deo propriè, & formaliter à parte rei non diſtinguuntur; nec datur re ipſa, & à parte rei in Deo propriè numerus, aut multitudo, ſeu pluralitas virtutum, ſed re ipſa, & à parte rei unica ſolũ virtus. Nec enim ſatisfacies, ſi dicas, diſtingui à parte rei virtualiter, aut fundamẽtaliter. Quia hæc diſtinctio propriè à parte rei non eſt diſtinctio, vt ſæpè dixi, ſed ſumma, & infinita unitas, & ſimplicitas propriè, & ſolũ æquivalenter diſtinctio. Unde ſi ponas pro eſſentia ſignata ſalũ virtutum,

earum multitudinem, & diſtinctionẽ ſpecificã, teneris dicere, eas propriè non reperiri in Deo, quãtum ad eſſentiam, & quidditatem ſignatam illarũ, quia propriè non eſt in Deo diſtinctio, pluralitas, aut multitudo illarum. Dicendum ergo eſt ab omnibus, eas virtutes ex parte rei ſignificatè non importare diſtinctionẽ vllam verã, ſed ſolũ eam im portare ex modo limitato, quo ſunt in creaturis, & ex modo imperfecto, quo à nobis concipiuntur. Salvatur ergo, quod illę virtutes propriè, & formaliter ſint in Deo ſecundum quod important ex parte rei ſignificatè, licet re ipſa ſint ipſa virtus charitatis, & ex motivo ipſo charitatis, & nõ re ipſa ex motivo diſtincto; licet nõ ſalvetur, quod ſint in Deo quoad modum limitatum, quo ſunt in creaturis, & quo à nobis concipiuntur vt diſtinctę, & cum morivis diſtinctis ex modo concipiendi; & hoc ſolũ dicimus, cum dicimus, eas in Deo propriè reperiri. Videantur dicta Diſp. 2. q. 1. ſ. 9.

72 Ad primam confirmationem, nego maiorem, quia voluntas creata, ob ſui limitationem, nõ poteſt vno ſimplici affectu reſpicere directè bonitatem divinam, & miſeriam alienam vt ſublevandam, adhuc ordine primarij, & ſecundarij, quia non poteſt vno actu reſpicere finem, & ea quę ſunt ad finem. Propterca enim aſſignant Ethicę vltra virtutes theologicas rectificantes voluntatẽ in ordine ad finẽ, virtutes morales realiter diſtinctas rectificantes illã circa ea, quę ſunt ad finem, quia videlicet voluntas indiget propter ſui limitationem diverſis realiter affectibus, vno circa finẽ, & alio circa ea, quę ſunt ad finem, cum ſubordinatione reali vnius ad alium, per modum imperantis, & imperati; & ideò affectus ſublevandi miſerĩ poſſet eſſe ex motivo charitatis medio actu charitatis imperante, ſeu extrinſecè, & imperativè, ſed intrinſecè, & clivè, & formaliter, ac immediate eſſet neceſſariò ex motivo ſuo proprio miſerĩę ſublevandę, ſeu honeſtatis illius; quia cũ eſſet realiter diſtinctus ab actu charitatis, & diverſę ſpeciei, illique ſubordinatus, & ab eo imperatus, neceſſariò deberet habere obiectũ, & motivum formale propriũ, & intrinſecum diſtinctum ab obiecto formalĩ, & motivo charitatis, licet illi ſubordinatum. Si vero cõtendas, poſſe voluntatem eodem realiter actu reſpicere bonitatem divinam, illam amando, & miſeriam alienam, illam ſublevando; tu ipſe tenerberis reſpondere argumento, & decidere, an tunc ille actus eſſet virtutis miſericordię diſtinctę realiter à charitate, & purè moralis, an eiũdem virtutis cum charitate, & ſimul moralis, & theologicę. Vnde argumentum, vel nihil probat, vel probat contra argumentum. Videantur à nobis dicta Traſſat. de Charitat. queſt. 1. 4. per tot. præſertim à num. 7. & 8.

73 Ad ſecundam, vel nego maiorem, vel diſtinguo: In Deo dantur virtutes morales vt diſtinctę re ipſa, & à parte rei à charitate, nego: Vt diſtinctę ratione noſtra, ex modo imperfecto

conciendi, seu obiectivè in nostro intellectu, transeat maior, & distingo minorem: Vt distingas te ipsa à charitate, quod suppositum: Vt distingas per rationem, subdistinguo: Non possunt habere te ipsa, & implicite motivum charitatis, nego: Apparenter, explicitè, seu ex nostro modo concipiendi illas vt distinctas, transeat minor, & nego consequentiam. Ad primam probationem maioris, iam diximus, esse propriè virtutes morales, secundum quod virtus moralis importat ex parte rei significatz, quamvis te ipsa non distinguatur; non autem esse propriè, & realiter virtutes morales, quoad pluralitatem, & distinctionem, quam importat exercitè ex modo concipiendi, aut prout sunt in creaturis. Ad secundam, distingo maiorem: In Deo dantur præter virtutem charitatis, virtutes morales, ly præter sumpto ex parte rei significatz, seu à parte rei, nego: Sumpto per rationem, & ex nostro modo significandi, concedo maiorem, & distingo minorem eodem modo, cum consequenti; quia ex parte rei significatz, seu à parte rei in Deo virtutes morales non sunt præter, aut ultra virtutem infinitam charitatis, sed sunt ipsa infinita virtus charitatis, quæ primariò est theologica, secundariò moralis, primariò est charitatis, & secundariò misericordia, iustitia, liberalitas, &c. Ad tertiam, dico, quod virtutes morales addunt in Deo ex nostro modo concipiendi supra virtutem charitatis, sed non te ipsa; quod est dicere, quod concipiuntur, & apparent nostro intellectui virtutes distinctas, & superadditæ, sed te ipsa nihil addunt, nec sunt virtutes distinctæ, sed ipsam virtutem theologica charitatis, quæ secundariò est misericordia, iustitia, &c.

74 Ad tertiam confirmationem, omissa maiori, & minori, nego consequentiam, quia ex quo, vt distincta per rationem non specificetur à motivo charitatis, non sequitur, quod vt sic distincta specificetur à motivo creato, siquidem vt distincta per rationem à charitate, nec apparet nobis vt determinatè specificata à motivo creato, nec vt determinatè specificata à bonitate divina, imò nec apparet vt determinatè virtus divina, nec determinatè vt virtus creata; sed solum secundum conceptum analogum virtutis moralis, est misericordia, iustitia, &c. virtus autem moralis ex conceptu analogo virtutis moralis præcisè importat esse virtutem circa media, seu circa ea, quæ sunt ad finem, præcindendo à determinato motivo illius, & ab eo, quod sit te ipsa eadem, vel distincta virtus à charitate, & consequenter à virtute morali divina, vel creata; & similiter virtus misericordiz ex conceptu analogo talis solum importat esse subalternam miseriz cum debita mensura, sed præcindit negativè à determinato motivo formali; vnde licet, vt distincta per rationem à charitate non specificetur, id est, non appareat specificata à motivo charitatis, non se-

quitur quod sit, id est, quod appareat obiectivè specificata à motivo creato, sed ab utroque præcindit negativè.

75 Sed dices: Virtus misericordiz, seu virtus moralis ex conceptu analogo talis, est specie distincta à virtute theologica charitatis: Sed implicat esse specie distinctam, nisi ex conceptu talis importet specificativum distinctum: Ergo, Respondeo, distinguendo maiorem: Est specie distincta permissivè, vel negativè, ex modo concipiendi, concedo: Positivè distincta ex parte rei significatz, nego maiorem, & minorem in sensu concessio, quia virtus moralis misericordiz ex conceptu analogo talis, permittit quidem ex modo quo concipitur præcivè à creata, vel increata, distinctionem specificam à virtute theologica charitatis, & sic negativè, vel permissivè per rationem ab ea distinguitur; sed non importat positivè ex parte rei significatz veram distinctionem specificam ab illa, alias hæc distinctio esset de essentia illius, & non posset existere à parte rei in Deo sine tali distinctione specifica à parte rei, quod nemo dicit; vnde non sequitur, quod ex conceptu analogo talis positivè, & ex parte rei specificetur à motivo creato, sed solum, quod negativè præcindat, & permittat ab illo specificari, vt reuera specificetur in minus principali, analogato, nempe in virtute creata morali misericordiz, licet non in alio principaliori, nempe in misericordia increata.

76 Vel aliter ad tertiam confirmationem, distingo maiorem: Negari nequit distingui per rationem in Deo distinctione plurium volitionum, vel actuum voluntatis, nego: Distinctione plurium attributorum, aut denominationum, concedo maiorem; & distincta minori eodem modo, nego consequentiam, quia in Deo distinctio rationis charitatis à iustitia, misericordia, & alijs, non est distinctio rationis penes plures volitiones, aut actus voluntatis, sed est distinctio rationis eiusdem actus divinæ voluntatis penes plura attributa, & denominationes; huiusmodi autem distinctio rationis non petit distincta specificativa, quia hæc argueret pluralitatem actuum: sed solum distincta connotata, & obiecta secundaria, penes quæ nominatur iam misericordia, iam iustitia, iam liberalitas, &c. & ex obiecto specificativo solum denominatur charitas.

Vel aliter etiam, concessa maiori, distingo minorem: Virtus misericordiz, vt distincta per rationem non specificatur te ipsa, aut implicite à motivo charitatis, nego: Explicitè, & apparenter, eo modo quo distinguitur ab illa, concedo minorem, & distingo consequens eodem modo, quia ad summum probatur, quod sicut apparenter tantum, & obiectivè in nostro intellectu explicitè distinguitur à virtute charitatis, sic apparenter solum explicitè specificetur à motivo creato,

id est, concipiatur ut specificata, sicut tamen, sicut sicut distinguitur; cum quo tamen componitur, quod re ipsa, & in rei veritate motivum, aut specificativum distinctum non habeat; sed in rei veritate unice habeat pro motivo, & obiecto formali bonitatem divinam; & id solum defendimus, quidquid sit de obiecto formali motivo facto, seu apparenti ex nostro modo concipiendi. Videantur dicta, *Disputat. 4. quest. 5. à num. 106.*

77 Vel tandem, si cum Illust. Godoy velis, potestis respondere, quod ut distincta per rationem misericordiam divinam à divina charitate, specificatur ab honestate speciali obiectiva sublevationis miseris, non ut creata, nec ut pure formaliter tali, sed ab illa ut eminenter formaliter contenta in bonitate divina, quæ formaliter eminenter continet omnem honestatem creatam obiectivam cuiusvis virtutis moralis; unde eadem bonitas divina, secundum quod est formaliter bonitas divina, est motivum charitatis; & secundum quod eminenter est honestas illa obiectiva, quæ respicit in sublevatione miseris, est motivum misericordiae, & sic de reliquis; sed cum re ipsa in divina bonitate non liceat distinguere plures divinas bonitates, nec plures eminentias in rector, sed sit unica simplicissima, licet diversimodè participabilis ad extra, tota diversitate se tenente ex parte bonitarum, quibus formaliter participabilis est, quæ sunt diversæ connotata bonitatis divinx participabilis, tandem recidit in eo, quod obiectum motivum charitatis, iustitiae, misericordiae, &c. in Deo, pro recto obiecti motivi; est idem ipsissimè, nempe bonitas divina simplicissima, quæ intransitiva, & in se specificat charitatem divinam, & quia illa continet eminenter honestates peculiare iustitiae, misericordiae, &c. & est participabilis per illas, movet ipsam charitatem divinam, ut secundario se extendat ad illas honestates participandas, & communicandas creaturis, sublevando miseriam, remunerando merita, &c. ita ut etiam virtus divina pro recto sit vna simplicissima, solumque dicatur plures morales, ex quo extenditur secundario ad diversas participationes ad extra divinx bonitatis, ut ad diversæ connotata, & obiecta secundaria, & materialia. De quo vide in simili de divino intellectu *Disput. 4. ubi supra.*

78 Ex quo iam ad secundam obiectionem ex num. 70. dico, quod actio Dei, qua dat præmium, nullo modo verè, & realiter est à meritis, quidquid sit de nostro modo concipiendi. Et cum inferis: Ergo à meritis nullo modo provenit, quod Deus conferat præmium, distinguo: Quantum ad actionem ex parte Dei, concedo: Quantum ad receptionem præmij ex parte creaturæ, nego consequentiam, & aliam sub illam, quia licet actio Dei, qua donat præmium, non causetur à meritis

præmium tamen causetur à meritis, sicut licet actio Dei, qua causet compositum ex materia, & forma, non causetur formaliter, nec materialiter à forma, aut materia, compositum tamen causetur materialiter à materia, & formaliter à forma; & licet actio Dei, qua causet species in mentibus Angelorum non specificetur ab obiectis illarum specierum, ipsæ ramè species ab illis specificantur ut vidimus supra *Disp. 5. q. 6. à n. 156.* Et cum iterum inferis: Ergo Deus dat præmium non ex meritis, nec dependenter à meritis, distinguo: ly ex, & ly dependenter cadente supra actionem dandi ex parte Dei, concedo: Ly ex, & ly dependenter cadente supra præmium, nego consequentiam, quia Deus vnica, & indistincta actione ex parte sua confert merita, & præmia illis correspondentia cum æquitate, & proportionem, & hæc actio ex parte Dei est gratuita, & independens ex parte ipsius à meritis, seu non ex meritis, cum potius causet ipsa merita. Sed quia causet merita cum iure, & actione ad præmium, non vero præmium cum iure, nec actione ad merita, ideo merita sunt causa moralis præmij, & non e contra, præmiumque est ex meritis, & dependenter à meritis, sed non actio ex parte Dei se tenens, quia merita non habent ius, nec actionem contra Deum, nec ad actionem propriam Dei, ut ex parte illius se tenerem, licet ut passivè recipitur quantum ad effectum, nempe præmium, in creatura, sit ex meritis, quia merita causa sunt, cur, qui bene egit, recipiat mercedem, sed non sunt causa cur voluntas divina ex parte sua det, aut velit dare, quia cum dedit merita, iam volebat dare præmium, & dando merita dedit & præmia, quantum ad actionem dandi pro recto, quia eadem actione dat utrumque, cum solo ordine prioris, & posterioris, causæ, & effectus inter meritum, & præmium.

79 Et cum vrges, quod voluntas dandi præmium debet esse causalitas meritorum in actu secundò, concedo maiorem, & nego minorem, nempe, quod ad hoc opus sit, quod sit à meritis, aut dependens ab ipsis, satis enim est, quod sit actio pro meritis, & in favorem meritorum; Deus enim dando præmium agit pro meritis, & hæc actio pro meritis, est causalitas in actu secundò meritorum, quoniam sit ab ipsis; ubi enim merita supponunt præmiante ex parte sua adæquatè meritum, & determinatum ad agendum pro ipsis, & conferendum præmium ipsis debitum, non egent ipsi movere, nec influere in ipsum, aut in eius actionem; quia ille, qui præmiaturus est, iam supponitur motus ex sua summa bonitate ad præmium dandum, imò, & volens efficaciter conferre præmium, ob hoc enim consultit meritum. Etenim apud superiorem, aut iudicem creatum merita solent, egere ad consequendum præmium actore, executore, aut procuratore apud ipsum



agente, & movente ut largiatur præmium, vel saltem, quod ipsa merita ipsium moveant, vel quia ipse non dat merita, sed illa expectat ab extrinseco sibi notificari; vel quia apud se non habet quod ipsum moveat in actu secundo, nec quod iustificare possit collationem præmij, sed vnicè illam iustificare potest ex iure alieno, & extraneo; cæterum apud Deum non ita, quia merita apud ipsum, ut obtineant præmium, non egent actore, aut procuratore agente apud ipsum, imò nec actione, aut motione in ipsum Deum, aut in eius voluntatem, (quod magni solati nobis debet esse,) nec Deus tam tardus remunerator est, quod expectet merita aliunde videre, ut velit conferre præmium, cum potius voluntate præmiandi præveniat merita ipsa, nec egeat iure extrinseco remunerationem iustificare, sed ipse potius suo iudicio iustificato ex se in ipso dat ius ipsum merenti ad præmium, & constituit æquitatem inter præmium, & meritum, dando utrumque cum proportionem, correspondentiam, & æquitatē; & talis est iustitia divina, non qualis creata. Vnde ad movendam suam voluntatem, ut det præmium, sua bonitas, & æquitas pro meritis est, pro meritis movet, & sua voluntas pro meritis vult, & agit, & sic est casualis pro meritis, aut meritorum, non quia ex ipsis meritis, nec ab ipsis, sed quia pro ipsis.

80 Ad tertiam, concessa maiori, distinguo minorem: De ratione causæ moralis est causare movendo, aut suadendo voluntatem causæ efficientis, quando illa supponitur mobilis, & non mota, nec suasa, nec obligata, concedo: Quando non supponitur mobilis, sed potius mota, suasa, & obligata ex se metipsa, nego minorem, & consequentiam, quia voluntas divina, cum ipsa conferat merita, ex hoc ipso quod vult conferre merita, vult conferre præmium, & sicut pro priori ad merita supponitur mota, suasaque, imò volens conferre merita, supponitur etiam mota, suasa, imò. & ex ipsa voluntate dandi merita, obligata ad conferendum præmium; divina enim bonitas, honestas, & æquitas non patitur, quod voluntas eius velleit conferre meritum, & non præmium; vnde ex ipsa obligatur, ut volendo dare merita, velit eadem volitione conferre præmiū, ac proinde nō eger, imò nec patitur moveri à causâ morali extrinseca. Cum autem inquis, quod non restat ritulus, vnde appellatur meritum causâ moralis præmij, dico, quod talis appellatur ex iure, & actione morali respectivè ad præmium, vi cuius exigit, attentâ æquitatē divina, procedere à Deo simul volente conferre præmium, non quia moraliter moveat Deum, aut eius voluntatem.

81 Ad quartam, distinguo maiorem: Impliat, meritum esse causam moralem præmij, nisi præmium conferatur propter meritum, & quia homo illud meretur, *ly propter*, & *ly quia* cadente suprà voluntatem conferendi præmium, aut super

actionem ex parte Dei, nego *ly propter*, & *ly quia* cadente suprà præmium ipsum, aut passivam executionem, aut receptionem ipsius, concedo maiorem, & distincta minori eodem modo, nego consequentiam; quia ut rectè dixit D. Thom. *in præsent. quæst. 19. art. 5. in corp.* Deus *vult hoc esse propter hoc, sed non propter hoc vult hoc*, quæ quidem D. Thom. sententia, si medulitè pernetretur, continet totam doctrinam traditam, imò & D. Thom. illa brevi sententia comprehendit profundè rotam doctrinam illius articuli, quæ omninò videnda est, ut conformitas nostræ cum sua cuicque pateat. Vnde, cum dicitur: Deus vult conferre præmium propter meritum, seu quia homo illud meretur, ut sit verum, debet sensus esse, non quod propter meritum vult Deus, aut ex parte sua activè conferre præmium; sed quod vult, & ex parte sua cum independētia à merito faciat, quod præmium sit propter meritum, & quod sit, seu detur, quia illud homo meretur, cadente *ly quia*, & *ly propter* suprà præmium, non suprà voluntatem, aut actionem dandi præmium.

82 Ad quintam, dico, quod vsus ille loquendi communis tenendus est, ubi liquido non disputatur de perfectione independētia, & obiecto motivo divinæ voluntatis; & intelligendus in sensu æquivalenti, hoc est, quod æquivalenter movent divinam clementiam, pietatem, & iustitiam, & voluntatem, quia perinde valēt ac si moveant ipsam, sicut solent movere voluntatem humanam. Sicut etiam vsurpatur in modo communè loquēdi, repræsentare Deo beneficia ab eo accepta, & misericordias antiquas, ipsū obligare, ipsi recordare, & alix huiusmodi locutiones pie, ac devotæ, quæ in sensu proprio falsæ forent, sed intelliguntur æquivalenter, quatenus tantum valent ad effectum obtinendum, ac si revera Deum oblitum recordagemus, Deum non attentum faceremus attentum, Deo non videnti præsentemus obiectum, licet ipsi nihil sit absens, nullius oblitus, nihil nos attendat, à nullo extra se obligari, aut moveri possit, adhuc intentionalitèr, adhuc moralitèr, tanquam à causâ morali, aut finali influente in eius voluntatem.

83 Sed non quietes; nam si voluntas divina solum mota ex sua bonitate eadem volitione, & actu vult dare meritum, ac præmium, antequam obligetur ex merito: Ergo in Deo voluntas præmiandi, imò & ipsa actio præmiandi est actus liberalitatis, non actus iustitiæ. Secundò, quia ad poniendum non dat Deus demerita, nec ius exigens penas: Ergo saltem ad actum iustitiæ punitivæ expectat ab extrinseco demerita, usque ad penas: Ergo movetur ex demeritis, & non ex propria bonitate; videtur enim absurdum, quod bonitas divina, qua talis, moveat ad vindictam. Respondeo hanc duplicem replicam latius solvendam esse, tum quæst. 5. à num. 21. tum

Dis-

*Disputat. sequenti*, ubi disquirendum, qualiter Deus decernendo gloriam ante prævisa merita exercet simul liberalitatem, & iustitiam, & qualiter decernit poenam ante prævisa etiam demerita. Nunc autem facili ex dictis respondeo, quod ille actus volendi, seu dandi præmium est simul liberalitatis, & iustitiæ, est liberalis, quia Deus non dat obligatus à iure alieno, nec propter commodum aliquod proprium, sed vnicò ex abundantia suæ bonitatis, quod est proprium liberalitatis; est etiam iustitia, quia dat meritum cum iure ad præmium, & præmium iure debitum merito, conlueendo æquitatem, & proportionem inter meritum, & præmium, quod est proprium munus iustitiæ; unde vnicò actu liberaliter, & iuste dat meritum, & præmium; liberaliter, quatenus dat vtrumque sine spe commodi, & retributionis, ex sola abundantia bonitatis suæ; iuste, quia dat vtrumque proportionando meritum præmio, & præmium merito; in qua proportionem stat æquitas, & iustitia. Vide infra *quest. 5. à num. 26.* Ad secundam dico, quod Deus non dat, sed tamen liberè permittit demerita, cum iure quod ex sua bonitate habet, non relinquendi, nec permittendi ea impunita manere, nec absolum est, quod divina bonitas moveat ad puniendâ peccata permittit, cum peiora sint peccata impunita, quam peccata punita, & absidio divina bonitas movere potest, ut peccata peiora, id est, impunita non maneant, sed punita; condecet enim divine bonitati, & æquitati ut peccata impunita non maneant; *quia enim iustus est, non impunè mali sumus*, aiebat ubi supra Augustinus. Nec ius positivum ad punitionem est propriè in peccatis, sed in divina Maiestate offensa, & in divina bonitate contempta, unde nihil mirum, quod divina bonitas, aut Maiestas moveat ad honestam vindictam. Nec item absolum est, quod eodem actu, quo permittit peccata, vellit illorum poenam, imò hoc decet æquitatem divinam, cui non decet peccata, impunita esse permittere. Sed de hoc etiam infra.

84. Demum obijciunt, quia in divina voluntate datur odium verum erga peccatores, & peccata illorum, & displicentia de ipsis, nolitiòque illorum: Sed hi affectus, nec per se primò terminari possunt ad bonitatem divinam, nec ab illa specificari: Ergo terminantur primariò ad aliquid extra Deum, nempe ad malum, & ab eo specificantur. Ut huic argumento satis fiat, instituto sequentem quæstionem.

# QUÆSTIO IV.

## QUINAM AFFECTVS ERGA creaturas dantur propriè in voluntate divina?

**Q**UIA Authores nobis adversi in quæstione præcedenti, sæpissimè argumenta desumunt ex varijs affectibus divinæ voluntatis, ut ex odio, iustitia, misericordia, & alijs, supponendo tales affectus propriè esse in Deo, & aliunde probando, non posse moveri ex bonitate divina, sed ex aliquo creato tantum; & quia de iustitia, & misericordia nonnulla dicta relinquimus, placuit immediatè post quæstionem præcedentem de his agere ex vi connexionis doctrinæ, & ut quæ dicta sunt, ex hic dicendis, & quæ hic dicenda sunt, ex dictis illustrentur, seu lucem accipiant.

2. Igitur affectus divinæ voluntatis erga creaturas, de quibus communiter dubitatur, sunt amor benevolentis, & concupiscentis, odium, desiderium, gaudium, tristitia, & ita, liberalitas, misericordia, iustitia denique commutativa, distributiva, vindicativa, legalis. De his suo ordine dicendum est. Et primò in Deo dati verè, & propriè amore benevolentis, & strictam amicitiam erga creaturas rationales, quin moveatur ex bonitate creata, sed vnicò ex bonitate divina, itemque qualiter in ipso etiam detur amor concupiscentis erga ipsas, satis fusè explicavimus *Tractat. de Charitate, quest. 3. per tot. de cæteris autem hic.*

## PRIMUM ASSERTIVM.

3. **D**ico primò: In Deo non datur propriè desiderium. Est sententia cõmunis Thomistarum, & constat ex dictis *quest. 2. à num. 9.* quibus nihil restat addendum, nisi sola applicatio illius doctrinæ datæ de appetitu elicitò, ad desiderium; sed quia quisque id faciliè præstare potest, variando tantum voces, ideo eam præmittimus, solam apponam vnam, vel alteram obijctionem.

4. Obijciunt enim primò: Deus habet voluntatem antecedentem de salute omnium hominum, juxta illud Apost. *Deus vult omnes homines salvos fieri.* Sed hæc non est simplex complacentia de salute illorum ut possibilibi, nec gaudium, quia non est de bono præsentis, siquidè salus omnium hominum non est de facto præsens Deo. Ergo est desiderium. Confirmatur voluntas, quæ quis vult bonum ut futurum, est formalissimè desiderium: Sed Deus ea voluntate vult salutem omnium hominum ut futuram, quia salus omniù non est præsens ex vi illius voluntatis, sed solùm



futura: Ergo est desiderium. Et confirmatur etiam ex Chrysost. homil. 1. in Epist. ad Ephes. ubi ait: *Quod Deus valde cupit, & valde desiderat nostram salutem*, & similia inveniuntur in alijs PP.

5 Confirmatur denique, quia in Deo est propriè gaudium de bono nostro: Ergo & desiderium. Probat consequentia, quia desiderium, & gaudium se habent sicut motus, & terminus, medium, & finis: quia desiderium est medium, via, & motus, & gaudium est terminus, finis, & quies: Sed in quo datur terminus, finis, & quies, debet præcedere motus, via, & medium: Ergo si in Deo datur gaudium, datur etiam desiderium.

6 Respondeo, concessa maiori, & minori, quo ad primam partem; distingo quoad secundam: Non est gaudium de salute consummata omnium in se ipsa, & ut distincta ab ordinatione naturæ humanæ ad illam, concedo: De salute omnium ut contenta inchoativè in ordinatione, & elevatione naturæ humanæ ad illam, nego minorem, & consequentiam, quia illa voluntas in primis est amor creatoris rationalis, vi cuius Deus vult eam generaliter, & in communi ordinare ad salutem ordinationem omnes homines comprehendente; & hoc est velle salutem omnium universaliter, quod velle ordinare, & instituere media generalia, & generalia auxilia omnibus in ordine ad salutem omnium, ut postea explicabimus; hanc autem communem, & generalem ordinationem, præsentem Deus habet, & amor, aut volitio illius etiam gaudium est, non de salute in se ipsa existente, quia ex vi illius voluntatis non fit existens in se salutis omnium, sed de illa ut contenta, & inchoata in illa ordinatione generali; nec mirum quia voluntas illa generalis non terminatur immèdiatè, & absolute ad salutem omnium in se ipsa, sed immèdiatè, & absolute ad illam in ordinatione illa universaliter, quam infra explicavimus in quo consistat.

7 Ex quo ad primam confirmationem, distingo maiorem voluntas, qua quis vult bonum ut futurum, volendo signatè illius futuritionem, quam facit sibi præsentem, est propriè desiderium, nego: Qua quis vult bonum ut futurum exercitè, & ex modo volendi de futuro, concedo maiorem, & distingo minorem eodem modo, negoque consequentiam; quia sicut cognitio, qua Deus cognoscit aliquid ut futurum in ordine causarum secundarum, sed non illud ut existens absolute in se, est scientia visionis respectu illius quantum ad futuritionem illam, quia illam futuritionem in ordine causarum secundarum habet sibi absolute præsentem; licet non sit scientia visionis de eventu illo in se ipso; ita voluntas, qua Deus vult omnes homines salvos fieri, volendo nempe salutem ut futuram in ordinatione generali naturæ humanæ ad ipsam, facit futuram de præsentem salutem, & sic de illa ut de præsentem futu-

ra in illo ordine potest esse gaudium tanquam de bono præsentem; licet de salute ut existenti in se ipsa non sit gaudium, quia non existit absolute in se ipsa. Et sicut non admittimus in Deo cognitionem, quæ exercitè de futuro affirmer eventum immèdiatè in se ipso, quia opporueret scientiam divinam mutari, afirmando prius modo de futuro *res erit*, & postea de præsentem *res est*; ita similiter dicimus, in voluntate divina non esse affectum, aut volitionem, quo velit de futuro, seu per modum desiderij salutem immèdiatè in se ipsa, quia opporueret voluntatem divinam mutari, cum illam respiceret de præsentem, seu præsentem; quia voluntas absque mutatione, & intrinseca successione non potest desiderare rem de futuro, & illam possidere de præsentem, siquidem implicat in vna, & indivisibili duratione desiderare rem de futuro, & in illa gaudere de præsentem possessa, sicut implicat in eadem indivisibili duratione affirmare de futuro *res erit*, & illam intueri de præsentem afirmando *res est*. Ex quo ad secundam confirmationem, dico, Chrysostomum, & alios PP. dum in homilijs, & concionibus dicunt, Deum desiderare, cupere, imò, & expectare, & alia huiusmodi, loqui non cum proprietate sermonis, sed per æquivalentiam, quia perinde valet, Deum velle salutem omnium hominum, volendo absolute omnes generaliter ordinare ad salutem per innumera beneficia, auxilia, leges, & suasiones, quas generaliter exhibet pro omnibus hominibus, ac si ardenti desiderio, & cupiditate illam cuperet, ac desideraret. Ad vicinam, ut respondeam.

#### SECUNDVM ASSERTVM.

8 Dico secundò: In Deo datur gaudium de bono nostro, & de nostra salute. Ita D. Thom. 1. contr. Gent. cap. 90. & sic probat, quia unumquodque in suo simili gaudet, quasi ipse sibi convenienti, nisi per accidens, qui similis est, impediatur bonum, aut lucrum alterius; qua ratione dici solet, quod qui sunt eiusdem officij, sunt inimici: Sed omne bonum nostrum est divinæ bonitatis similitudo, & alias ex bono nostro nullum Deus detrimentum paritur, nec aliquid sibi deperit: Ergo de omni bono, & præsentem de bono nostro gaudet, seu propriè habet gaudium.

9 Quo supposito, iam ad obiedtionem, seu confirmationem ex num. 5. concessa maiori, nego minorem, quia illa solum est vera, quando subiectum successivè acquirit possessionem, vel gaudium, non vero, quando ex quo est, habet bonum sibi præsentem. Sicut anima Christi gaudium ingens habet de vnione hypostatica sui cum Verbo, sed nunquam fuit in via, aut motu ad illam, nec illam desideravit; & Deus ex quo est gaudium

habet de sua bonitate, & nunquam ad illam fuit in motu, & via, nec illam nunquam desideravit, sic similiter, quia bonum, quod absolute amat, & vult, ex quo illud sic vult, semper illud habet sibi præsens, ideo nunquam est in vero motu, aut via ad illud, & nunquam illud proprie desiderat, gaudet tamen in illo semper, quia semper, ex quo est, illud habet sibi præsens in sua eternitate.

10 Sed dices: Licet ex vi volitionis, quia Deus aliquid vult absolute, & efficaciter, illud faciat sibi præsens pro posteriori naturæ, tamen non est illi præsens pro priori naturæ à quo: Sed pro priori naturæ ad præsens iam obiecti voluntas de illo non habet gaudium: Ergo pro illo habet desiderium. Confirmatur: Amor Patris, & Filij in divinis, ex quo procedit Spiritus Sanctus, pro priori originis ad Spiritum Sanctum non est gaudium de Spiritu Sancto: Ergo pro illo priori est desiderium: Ergo in Deo datur desiderium. Hoc argumentum est importunum in præsens. De illo iam egimus *Tract. de Spe, quest. 14. à num. 45.* Ex ibi dictis, concessa maiori, distinguo minorem: Pro priori naturæ ad præsens iam obiecti non habet gaudium, reduplicativè ut gaudium, transeat: Specificativè gaudium, nego minorem, & consequentiam. Et similiter ad confirmationem, dico, quod amor, ex quo procedit Spiritus Sanctus, pro illa prioritate transeat quod non sit reduplicativè gaudium de Spiritu Sancto; sed inde non sequitur quod sit desiderium, quia pro illo priori est specificativè gaudium de Spiritu Sancto, nunquam tamen desiderium; est dicere, quod amor ille non quia desiderium, nec quia gaudium de Spiritu Sancto producit Spiritum Sanctum, sed solum illum producit, quia amor; & quia producit illum, & facit illum præsens, est gaudium de illo specificativè, & similiter amor, seu voluntas, quia Deus producit creaturas, producit illas non quia gaudium de illis, sed quia amor illarum, est autem gaudium illarum specificativè, quia illas producit, & facit sibi præsentes; nunquam tamen est desiderium illarum.

11 Dices secundò: Si Deus habet gaudium de bono creato: Ergo ex bono creato accrescit illi gaudium, & delectatio: Sed hoc suprà *quest. preced. à num. 49.* reputabamus absurdum ingens: Ergo. Confirmatur: Si gaudet de bono creato, fruitur bono creato: Sed hoc est contra Augustinum ibid. Ergo. Probatur: maior, primò, quia gaudere de bono, est illo frui: Ergo si gauderet de bono creato, illo frueretur. Secundò, quia gaudere de bono creato est in illo quiescere, siquidem gaudium est quies: Sed in illo quiescere, est illo frui: Ergo idem quod prius. Tertiò, quia gaudere de bono creato est in illo delectari: Sed in illo delectari est illo frui: Ergo illo frueretur.

12 Respondeo, negando consequentiam,

quia Deus non gaudet de bono creato propter ipsum, sed propter suam bonitatem, de qua primariò gaudet propter ipsam, & hoc idem gaudium de sua bonitate secundariò est gaudium de bono creato, tanquam de similitudine, & participatione suæ bonitatis, unde non accrescit Deo gaudium ex illa, sed idem ipsissimum gaudium de sua bonitate liberè terminatur ad creaturas, quibus suam similitudinem participat, sicut ex amore, & visione creaturarum non accrescit illi amor, aut cognitio propter eandem rationem, secus vero foret, si amaret creaturam propter ipsam, sistendo in ipsa, ut obiectum formale talis amoris, & sic in illa gauderet; quia sic ex amore illo, & gaudio, utpote specificè distincto, & ex distincto obiecto formali, accresceret illi amor, & gaudium, non solum extensivè, sed intensivè, ut suprà arguebamus, *quest. preced. à num. 44.* Ad confirmationem, nego maiorem. Ad illius primam probationem, distinguo antecedens: Gaudere de bono creato in se ipso, & propter ipsum, est illo frui, concedo: Gaudere de illo in Deo, & propter Deum, subdistinguo: Est illo frui absolute, nego: Est illo frui in Deo, transeat, antecedens, & nego consequentiam; quia eo tantum fruitur voluntas absolute, quod diligit propter se, & in quo propter se gaudet; eo autem, quod diligit propter aliud, & de quo gaudet in alio prius amato, tantum abusive fruitur, vel eo fruitur in alio, ut vidimus ex August. *ubi suprà num. 42.* Ad secundam, distinguo similiter: Gaudere de bono creato propter se est in illo quiescere, concedo: Gaudere de illo propter aliud, & in alio, nego quod sit in illo quiescere, quia gaudium solum est quies in obiecto propter se inspecto, non in eo, de quo gaudet in alio, & propter aliud, non sistendo in illo, sed illud transcendendo ad obiectum primarium gaudij. Vel dicatur, quod gaudere Dei in bono creato est quiescere in bono creato relate ad bonitatem divinam, non simpliciter in illo; hoc autem modo in illo quiescere, non est eo frui. Ad tertiam similiter, nego maiorem, quia ut inquit D. Thom. 1. *contra Gent. cap. 90.* iam citato: *Differunt autem gaudium, & delectatio ratione; nam delectatio provenit ex bono realiter coniuncto; gaudium autem hoc non requirit; sed sola quietatio voluntatis sufficit ad gaudij rationem, unde delectatio est solium de coniuncto bono, si proprie sumatur, gaudium autem de exteriori. Unde Deus proprie in se ipso delectatur, gaudet autem in se, & in alijs, intellige, in alijs secundario, & relate ad se.*

### TERTIUM ASSERTIVUM.

13 Dico tertio: In Deo non sunt tristitia, dolor, timor, penitentia, invidia, neque ira, nec alia passiones ad istas consuetas.

quæ. Probatur primò ex D. Tho. ubi supra, quia in Deo non sunt passiones viles: Sed omnia prædicta significant animi passiones: Ergo in Deo non sunt. Probatur maiore primò, quia tales passiones solum sunt secundum sensitivam cognitionem: in Deo autem non est sensitiva cognitio. Secundò, quia omnis passio affectiva contingit secundum aliquam mutationem, vel alterationem corporalem: Hæc autem prorsus Deo repugnat. Tertiò, quia huiusmodi passiones trahunt patientem extra conditionem, aut dispositionem connaturalem, vnde si intendatur, solent occidere: Sed Deus trahi nequit extra naturam suam, nec extra sui statum naturalem: Ergo. Quarto, quia passiones importunt inipetum cæcum ad aliquod vnum, propter eam enim egent ratione regulari: Sed divina voluntas nõ est determinata ad vnum, nisi ex ordine divinæ Sapientie: Ergo. Quintò, quia omnis passio est aliquid in potentia existens, Deus autem est actus purus: Nulla ergo passio affectiva est in Deo.

14. Secundò specialiter, quia in primis tristitia, & dolor est de malo iam inhzrenti, sicut gaudiũ, & delectatio de bono præsentis: Sed Deus incapax est mali inhzrentis, aut sibi nocentis: Ergo incapax est tristitiæ, aut doloris. Deinde, nec timor, quia est de malo imminenti, & Deo nullum potest imminere malum. Tertiò, nec poenitentia, tum quia est species tristitiæ: tum quia importat mutationem animi, Deus autem immutabilis est. Quartò nec invidia, quæ semper est de bono alterius apprehenso vt sibi malo; Deis autem nullum bonũ potest apprehendere vt sibi malũ, quia omne bonum est participatio suæ bonitatis, & hoc cognoscit, & quod ex nullo bono sibi imminet detrimentum suæ bonitatis, vnde sicut Sol, casu quo rationis esset compos, non invideret splendori harum rerum, quas ipse illustrat, sic nec Deus capax est invidiæ. Quintò, nec ira, quia ira est appetitus mali alterius ad vindictam; vnde sicut invidia bonũ alterius æstimat vt malum sibi, sic ira æstimat malum alterius vt sibi bonum, & propterea illud appetit, & connatur inferre: Sed Deo repugnat æstimare malum alterius vt sibi bonum, quia nullius malum est Deo bonum: Ergo Deo repugnat appetere malum alteri, aut alterius, & consequenter iratum etiam, quia ira est appetitus vindictæ ex tristitia de iniuria illata concepta: Sed Deo repugnat tristitia: Ergo & ira.

15. Sed, respondet Suarez, qui oppositum tenet lib. 3. de *Attributis negatiuis*, & in *pres. Disp. de Divina Iustitia. sect. 3.* non esse de ratione specifica iræ, quod sit ex dolore, aut tristitia, sed solum quod sit appetitus nocendi alteri ex iusta vindicta. Sed contra est, quia in definitionibus rerum potius standum est Aristi. D. Tho. & antiquis Philosophis, quam Suariorum, alias cuilibet licebit rerum distinctiones inverttere, & cum illæ sint principia scientiarum, nihil in eis certo scire poterimus: Sed

Arist. 1. *Ethicor. cap. 2.* expressè ait: *Iram esse appetitum cum dolore*, & cap. 4. quod odium potest esse sine dolore, secus vero ira, & D. Tho. quod *ira est appetitus vindictæ propter tristitiam ex iniuria illata conceptam*, & ideo *longè esse à Deo secundum rationem suæ speciei*: Ergo immerito aliam definitionem excogitavit Suarez. Secundò, quia nec in Deo est propriè appetitus nocendi alteri: Ergo adhuc admittenda definitio Suariorum, non datur in Deo ira. Probatur antecedens, quia appetitus nocendi alteri est appetitus auferendi, vel minuendi bonum illius, vt sibi malum, seu est appetitus inferendi illi malum vt sibi bonum; nullus enim nocetur, nisi de bono illius auferatur, aut minuat, aut nisi malum illi inferatur: Sed Deus non potest appetere malum alterius vt sibi bonũ, nec alteri nocere, aut auferre ab illo bonum, vt sibi malum, quia Deus non potest æstimare malum alterius vt sibi bonum, nec bonum alterius vt sibi malum: Ergo. Qualiter autem iustitia vindicativa nemini per se noceat, nec inferat per se malum, infra explicabitur. Satis sit nunc dicere, quod vera Dei iustitia nemini malum esse potest, nisi malis vt malis esse autem malum malis est esse bonum, nõ autem esse malum, sicut negatio negationis non est negatio, sed affirmatio.

QUARTVM ASSERTVM.

16. Deo quarto: In Deo non est propriè, & formaliter odium. Ita D. Tho. 1. *contr. Gent. cap. 96.* Contrarium tamen tenent communiter Iesuitæ. Sed probatur primò ex illo Sapient. 11. *Disceles enim omnia, quæ sunt, & nihil odisti eorum, quæ fecisti.* Secundò rationibus D. Tho. Prima est de odio inimicitie, quia odium est affectus, quo quis vult alicui malũ, sicut amor est affectus, quo quis vult alicui bonum: Sed voluntas divina nulli rei potest velle malum: Ergo nulli rem potest odio habere. Minorem probat D. Tho. quia voluntas nunquam vult malum; *nisi aliquo errore in ratione existente, ad minus in particulari eligibili*: Sed talis error repugnat in mente divina: Ergo voluntas divina non potest velle malũ: Ergo nulli potest velle malum. Maior probatur, quia voluntas non potest velle malum, nisi aliquo modo proponatur sibi vt bonũ: Sed hoc sine errore esse non potest, saltè in apprehensione: Ergo.

17. Confirmatur: Odium propriè tale solum est rerum subsistentiũ, vt expressè asserit D. Tho. ubi supra: Sed Deus nullam rem subsistentem propriè odio habet: Ergo non datur in illo odium propriè tale. Probatur minor, quia si rem aliquã subsistentem propriè odio haberet, maxime hominẽ, dum est in peccato, nam de hoc est tota difficultas: Sed Deus proprio odio non prosequitur hominem, dum est in peccato: Ergo nec vllam rem subsistentem. Probatur minor, quia odio habere hominem

est velle illi malum vt malum illius est ex displicentia in ipso: Sed Deus homini, dum est in peccato, non vult malum, vt malum illius est, ex displicentia in ipso: Ergo nec illum odio propriè tali prolequitur. Maior patet, nam vt inquit D. Tho. *Sicut se habet amor ad bonum, sic odium ad malum*: Sed amare hominem propriè est velle illi bonum, vt bonum illius, ex complacentia in ipso: Ergo illum odio habere propriè tali, est velle illi malum vt malum illius est, ex displicentia in ipso. Minor autem etiam probatur, quia velle homini malum, vt malum illius est, ex displicentia in ipso, tria importat: primum, quod Deus displiceat in homine subsistens; secundum, quod ex hac displicentia velle illi malum; tertium, quod hoc malum velle non per accidens, aut materialiter, sed formaliter vt malum illi: Sed Deus nec displicet in homine vt subsistens efficitur, nec vult illi malum propriè; nec dato, quod illi velit malum, vult tale malum vt malum illi formaliter: Ergo Deus homini, quamvis existens in peccato, non vult malum vt malum illius est ex displicentia in ipso; & hoc triplici ex capite, nempe primò, quia propriè non displicet in illo vt subsistens; secundò, quia non vult illi malum propriè; tertio, quia dato, quod velit illi malum, non vult illud formaliter vt malum illi.

18 Minor, in qua stat difficultas, licet satis esset ad intentum illius probare quoad vnà partem, quia ex ipso excluderetur ex vno capite, odium, & malevolentia propriè talis à Deo, nihilominus, vt appareat in quantis deficit sententia contraria, probanda est, quoad omnes suo ordine. Probat igitur quoad primam; quia homo vt subsistens est, bonus est, & opus Dei, iuxta illud Augusti. *Quasi due res sunt homo, & peccator. Quod audis homo, hoc Deus fecit, quod audis peccator, ipse homo fecit. Tolle quod fecisti, vt Deus saluet, quod fecit*: Sed Deus non potest displicere in suo opere, quod ipse facit, nam vt inquit D. Th. *Omnia agentia sui effectus amant secundum quod binijs modi, sicut parentes filios, Poeta poemata, artifices artefacta sua, quod precipue in primo agente necesse est inveniri*, & hoc, inquit, est quod dicitur Sapient. 11. *Diligis omnia, que sunt, & nihil odisti eorum, que fecisti*: Ergo Deus non displicet, sed potius amat, & complacet in homine vt subsistente, adhuc quando peccator est, seu in peccato.

19 Respondent contrarij, ex hoc solum probari, quod Deus non possit displicere in homine, vt homo est; bene tamen posse displicere in illo vt peccatis fædato, & deturpato, seu in illo vt peccatore, & ex displicentia in illo vt peccatore velle illi malum. Sed contra est, quia in primis homo, vt peccator, non est subsistens, sed solum vt homo: Ergo si in illo vt homo est, non displicet, non displicet in illo vt subsistente, nec illum vt subsistentem odio habet: Sed odium propriè tale est subsisten-

tiam: Ergo non habet odium propriè tale. Secundò, quia Deus non potest non amare hominem, vt hominem, & complacere in illo vt homine, dum existit: Ergo si displicet in illo vt peccatore, tota hæc displicentia reducitur ad hoc, quod amando hominem vt hominem, displicet ei, quod peccator sit: Sed hæc displicentia purè abusive vocatur odium, cum potius amor sit, non minus, quam si quis, amando Petrum vt hominem, ei displiceat, quod pauper sit, aut amando filium vt filium, ei displiceat, quod malus sit: Ergo tandem detegitur, odium prætenfum à contrarijs in Deo impropijsimè, & abusive solum odium esse.

20 Secundò, & probatur iam secunda pars minoris, quia ex displicentia in illo reduplicativè vt peccatori, amando illum vt hominem, non potest velle malum illi vt homini, sed ad summum malum illi reduplicativè vt peccatori: Sed malum, quod solum est malum peccatori, reduplicativè vt peccatori, non est verum malum hominis: Ergo ex displicentia in illo vt peccatore, quam solum admittis, non potest Deus velle illi verum malum. Maior patet, quia ex displicentia in aliquo, quod sibi displicet, non potest Deus velle malum ei, quod amat, & sibi placet, vt ex terminis videtur notum: Siquidem ad summum ex displicentia in aliquo potest Deus velle malum ei, quod sibi displicet, in quantum sibi displicet, non autem ei, quod amat, & sibi placet, in quantum illud amat, & sibi placet. Minor vero non minus certa est, quia malum peccatori reduplicativè vt peccatori est malum peccato vt peccato, est peccati destructivum, aut minorativum illius, peccatoque oppositum; quia si non sit peccato oppositum, nec minorativum, nec destructivum illius, non erit malum ipsi peccato, vt peccatum est; si autem non est malum peccato vt peccatum est, nec erit malum peccatori reduplicativè vt peccator est: Sed malum peccato, vt peccatum est, re ipsa, & simpliciter bonum est, & solum abusive malum: Ergo malum peccatori reduplicativè vt peccatori, propriè non est malum, sed solum impropriè, & abusive, re ipsa ramen simpliciter bonum. Explicatur, quia malum malo reduplicativè vt malo, propriè non est malum, sed bonum; sicut negatio negationis, & privatio privationis non est propriè negatio, nec privatio, sed positivum, & affirmatio: Et item, quia malum malo vt malo, est nocivum malo vt malo; nocivum autem malo vt malo est destructivum, aut minorativum; destructivum autem, aut minorativum mali vt mali, non potest esse propriè malum; sed necessariò bonum est: Sed malum peccatori reduplicativè vt peccatori est malum malo reduplicativè vt malo: Ergo malum peccatori reduplicativè vt peccatori non est propriè malum, sed potius bonum propriè bonum: Ergo si Deus solum velle malum peccatori, vt peccatori, non vult propriè malum illi, sed solum bonum.

**SPECIALI DOCTRINA EXPLICATUR, quod sit, vel non sit verum malum creatura rationalis.**

21 **S**ED dices, quod Deus peccatori, vt peccatori motivè, vult malum, quod est malum subiectivè ipsius hominis vt hominis, siquidem motus ex eo, quod peccator est, vult illi poenam, seu malum poenale, quod non subiectatur in peccato, nec in homine vt peccatore reduplicativè, sed in homine, vt homo est, quia homo, vt homo, patitur poenam. Sed contra est, quia in iudicando, qualis poena, & quomodo poena sit, magna discretione opus est. Et in primis, de poena damni, quæ consistit in pura carentia boni, seu beatitudinis, infra dicemus, quod Deus illam positivè non vult, nec causat, sed illam solum permittit, & peccator est, qui illam sibi ipsi causat, & infert, non Deus. Quantum autem ad poenam sensus non debemus regulari per vulgare hominum iudicium, ad discernendum qualiter mala sit; nam cum homines communissime bonum estimant, quod delectat vitam corporalem, & tantum malum, quod illam incommodat, & torquet; & item malum, & bonum communiter homines iudicant ex palato cordis prout unusquisque affectus est; & aliàs sepius magis affecti sunt ad bonum delectabile, quam ad honestum; sepius in quod ingens malum est creaturæ rationali, vt tali, vt quilibet inhonestas, vix reputatur malum; & quod re ipsa malum non est creaturæ rationali, vt dolor, & paupertas, aut alia huiusmodi, vocantur ore pleno mala. Igitur ad rectum iudicium iudicandum de vero bono, & vero malo hominis, seu creaturæ rationalis vt talis, elevanda est mens, & veritas purè inquirenda. Quæ advertentia præmissa.

22 **Sic arguo:** Dum Deus vult peccatori poenam iustam, (nam aliam Deus non vult,) vult solum verum bonum vt verum bonum: Sed implicat Deum volendo verum bonum, velle illud vt malum, aliàs bonum apprehenderet vt malum: Ergo Deus volendo poenam iustam non vult malum homini per se, adhuc ex motivo peccati. Probatur maior, quia poena iusta peccati, vt talis est, est verum bonum, & per se appetibile à voluntate recta, cum per se sit obiectum iustitiæ, & consequenter bonum honestum, quod solum propriè, & simpliciter bonum est: Ergo Deus volendo poenam iustam, vult verum bonum, vt verum bonum.

23 **Dices,** poenam iustam esse verum bonum ipsi Deo, aut bonum honestum. nihilominus esse etiam verum malum hominis, ac proinde Deum volendo poenam iustam velle homini verum malum. Sed contra est, quia quod est verum

malum hominis non potest esse verum bonum ipsi Deo, nec econtra: Ergo ruit solutio. Probatur antecedens ex D. Tho. 1. contr. Gent. cap. 89. sic aiente: *Non contingit, nisi in particularibus bonis, in quibus corruptio unius est generatio alterius, vt alterius malum possit bonum existere alteri.* Vniversali autem bono ex bono particulari non deperit aliquid, sed per unumquodque representatur: Deus autem est universale bonum, cuius similitudinem participando omnia dicuntur bona: Nullius igitur malum sibi potest esse bonum: Ergo verum malum hominis non potest Deo esse bonum: Ergo implicat quod Deus velit verum malum hominis vt sibi bonum. Confirmatur, quia sic subiungit D. Tho. *Nec potest esse, vt id quod simpliciter bonum est, & non est malum sibi, apprehendat vt malum, quia sua scientia est absque errore:* Sed per te poena iusta non est quid malum Deo, sed potius est bonum simpliciter, id est bonum honestum: Ergo non potest Deus illam apprehendere vt malum, & consequenter nec illam velle vt malum verum hominis.

24 **Explicatur,** quia dum Deus vult poenam iustam peccatoribus inferre, solum vult servare ordinem iustitiæ, seu quod peccatum impunitum non maneat: Sed ex quo Deus velit servare ordinem iustitiæ, & peccatum impunitum non manere, nullum verum malum homini vult, vt rationalis est: Ergo. Probatur minor, primò, quia dum homo ex imperfecta iustitia, qualis est poenitentia, vult suum peccatum punire, servando quantum potest, nempe inæqualiter, ordinem iustitiæ, nullus dicit, quod vult sibi verum malum, sed potius vult sibi verum bonum: Ergo pariter dum Deus ex perfecta iustitia vult peccatum impunitum non esse, servareque ordinem iustitiæ. Secundò, quia poena iusta peccati, supposito peccato, (nam aliter non est poena iusta,) lex scilicet, vt fateris, est bonum honestum: Sed bonum honestum est per se appetibile à creatura rationali vt tali, & consequenter bonum proprium illius vt rationalis est: Ergo non potest esse verum malum hominis vt rationalis est: Ergo ex quo illam Deus velit, non vult homini vt rationali verum illius malum. Tertiò, quia non est verum malum creaturæ rationalis, quod illam reddit minus malam, quam foret sine illo, seu sine quo peior foret: Sed supposito peccato, poena iusta peccati reddit peccatorem minus malum, quam foret sine illa, quia prior est in universo peccator impunitus, quam peccator punitus, cæteris paribus; cum peccator impunitus sit quid magis inordinatum, & iniquum, quàm peccator punitus: Ergo. Quartò, quia peccatum manere impunitum est quid per se dissonum creaturæ rationali, vt tali, econtra autem peccatum impunitum non esse est quid per se consonum naturæ rationali vt tali: Ergo potius illud est per

re malum verum creaturæ rationali vt tali, hoc autem per se bonum: Ergo ex quo Deus velit peccatum non manere impunitum, sed, illo supposito, ipsum iuste punire, nullum verum malum vult creaturæ rationali vt tali.

25 Nec obest, quod poena, quantumvis iusta, nimis torqueat creaturam rationalem, seu hominē in inferno, v.g. & de illa intensissime doleat, & tristetur. Non inquam primò, quia etiam inuidiam torqueere solet bonum alienum, & quo magis bonum est, tanto ipsum magis torquet, quin tamen quis dicat bonum proximi esse verum malum illius, aut eum, qui vellet bonum proximo, ex hoc ipso velle malum verum inuido. Secundo, quia si dolor ille solum est de poena, cū pertinacia in culpa, vt est in inferno, oritur ex inordinatione rationis, & voluntate depravata per ipsam culpam, quia vult, aut vellet suum peccatum impunitum esse; si enim rationem sanam haberet, non posset velle suum peccatum impunitum manere, totusque dolor eket de culpa, non de eo, quod, durante culpa, puniretur: Sed quod aliquid doleat, & torqueat voluntatem depravatam ex perversa, & inordinata ratione, non probat illud esse verum malum subiecti dolentis, sed solum subiectum dolens esse vetè perversum, & malum sua culpa: Ergo ex quo poena iusta intensissime torqueat creaturam rationalem, non probatur, illam esse verum malum illius vt rationalis, & non potius verum bonum.

26 Ex quibus inferes, quod cum poenam iustam appellamus malum poenæ, non est sensus, quod poena iusta, vt distincta à culpa, sit verum malum creaturæ rationalis vt rationalis, quia creaturæ rationalis vt talis solum est verum malum, quod illi vt rationali est dissonum, & disconueniens; poena autem, quantumvis maxima, & quantumvis æterna, si iusta est, non potest, vt à culpa distincta, esse disconueniens, nec dissona naturæ rationali vt tali, quia nequit esse dissona rationi. Vnicum enim malum, & totum malum verum creaturæ rationalis, vt talis, est culpa, peccatum, & vitium, & solum hoc verè nocet creaturæ rationali vt tali; poena autem per se illi non nocet, nec per se eam lædit. Vnde Chrysostomus Homilia quadam ad populum nervosè, & efficaciter probat, quod *nemo læditur, nisi à se mismo*, quia nempe anima rationalis, vt talis, nisi à se ipsa per vitium, & peccatum lædi non potest. Vnde si damnati etiam in parte intellectuiva, & rationali, poena torquentur, non ideo est, quia poena illa iusta re ipsa mala sit animæ, aut naturæ intellectuali secundum se, sed quia mala est illi vt depravata, & inordinata in ratione, & appetitu, quod, vt iam diximus, est poenam iustam esse malum malis, seu voluntati depravatæ, & potius probat esse quid supplet bonum, & solum voluntatem depravatam esse totum ma-

lum; sicut quod lux offendat oculos egros, non probat lucem malam esse, sed totum malum est in egritudine oculorum.

27 Vnde celebratissimum est illud Bernardi *serm. 3. de Resurrectione Domini*, quod nempe voluntas propria est pabulum ignis in inferno: *Quid enim, inquit, odit, aut punit Deus prater propriam voluntatem? Cesset propria, id est, inordinata voluntas, & infernus non erit. In quem enim ignis ille deserviet, nisi in propriam voluntatem? Etiam nunc cum frigus, aut famem, aut aliquid tale patimur, quid læditur, nisi propria voluntas. Quia tamen posset quis opponere, quod interdum ista voluntarie (subtineamus propter Deum, & nihilominus patimur, & torquemur, & lædimur: Ergo non sola inordinata voluntas læditur. Occurrit dicens: Quod si voluntarie substinemus, voluntas iam communis est, & infirmitas quedam, & velut pruritus voluntatis adhuc de proprio est, & in illo omnes penas substinemus, donec penitus consumatur. Constat ergo poenam iustam in damnatis solum malam esse voluntati inordinatæ, ac depravatæ, eam quæ solam torqueat; quod est re ipsa bonum esse, & rectæ rationi consonam; & verum malum eorum in voluntate ipsa vt inordinata, & depravata situm esse. De qua subiungit Bernardus: *Hæc est crudelis bestia, fera pessima, rapacissima lupa*: Deus igitur, dum poena iusta coercet, & quasi iugarcerat, & reducit in ordinem iustitiæ hanc crudelem bestiam, feram pessimam, & rapacissimam lupam, naturæ rationali verè contrariæ, & inimicæ, iustitiam destrudivam, nullum verum malum vult creaturæ rationali vt tali, sed potius verum bonum illi consonum, & conueniens, quo nempe reparatur, ac in ordinem redducitur, quod prava voluntas ipsi naturæ rationali contraria, & inimica, deturpavit, inordinavit, & læsit, illaque, licet cum ingenti rabie, ira, & dolore torqueatur.*

28 Sed dices forsas, poenam non solum malam esse naturæ rationali vt inordinatæ per culpam, sed etiam naturæ rationali, adhuc sanæ, & sine culpa non solum prave voluntati, sed bonæ; primo; quia si anima, licet sancta, poneretur in igne inferni, torqueretur, & doleret: sed non doleret nisi de malo: Ergo animæ, quamvis sanæ, & sanctæ, mala esset, & consequenter verum malum. Secundo, quia quantumvis quis recta voluntate, & propter Deum patiatur frigus, famem, egritudinem corporis, cæcitatem, & ipsam mortem, nihilominus dolet: Sed tuæ rectæ voluntate non potest dolere, nisi de vero malo: Poena ergo est verum malum. Sed ad hæc iam respondet Bernardus, dicens: *Cesset propria, seu inordinata voluntas, & infernus non erit, in quem enim ignis ille deserviet? Quo, sanè innuit, quod cessante voluntate inordinata, ignis ille animam torqueat non poterit, nec in illam deservire, vnde nec ipsam læ-*



dere, aut nocere, ac per consequens, nec dolere afficere poterit. Ad secundam pariter respondet, quod dum frigus, tamen, & alia huiusmodi patiuntur voluntarie recta voluntate, adhuc magis infirmitas quidam, & prout voluntatis ex proprio, & in illo omnes penas sublinemus, donec consumatur; quo etiam videtur inuere, animam plenè purgatam non posse pati etiam ab illis incommodis corporis, quin etiam nec ab illis tormentis corporalibus, nec ab ipsa morte corporali; unde de Martyre hæc tolerante, ait Augustinus: *Quid ei potuerunt facere inimici? occiderunt corpus, animam non occiderunt.* Vnum mihi certum est, hæc omnia incommoda temporalia, & ipsam mortem corporalem, quæ maximum malum dicitur, animam ut rationalem, & plenè tantam non lædere, nec ei verè nocere, nec detrimentum verum per se afferre posse, ac proinde hæc omnia non esse vera mala animæ ut rationalis.

29 Sed dices: Anima Christi Domini, & Matris eius sanctissima fuit, & rectissima ratione, & voluntate, & sine prout illo ex proprio, ad quem recurrit Bernardus in nobis: Et nihilominus verè doluit, & tristata est de tormentis, & morte corporali: Ergo hæc verum malum est, siquidem est malum rectè, & sanæ voluntati, de quo doluit, & tristata est recta, & sana voluntas. Respondeo, quod in primis tormenta illa, & mors iniustissime illata fuerunt Christo à ludæis, ut innocentissimo Domino, & de illa ut sic iniusta potuit quam maxime dolere, & tristari sanctissima voluntas Christi, & Matris eius, ut de veto malo dissona rationi, & dissonissimo. Deinde, anima in corpore non solum est rationalis, sed sensitiva; in Christo autem non solum vita rationalis, quam non potuerunt lædere inimici, sed vita sensitiva erat amabilis valde, & tormenta, morisque erat verum malum naturæ, & vitæ sensitivæ verè lesivum, & nocivum; & ideo de hoc malo naturæ, & vitæ sensitivæ verè malo, & nocivo, potuit dolere, & tristari voluntas Sanctissima Christi, & Matris eius; sed non ex primaria inclinatione voluntatis, quæ solum est ad bonum rationis, & honestum, solumque averfat malum illi contrarium, sed ex secundaria inclinatione, qua ut forma corporis, inclinatur in bonum proprium vitæ, & naturæ sensitivæ, & averfat malum illi contrarium, licet non malum, nec contrarium naturæ rationali, ut rationalis est secundum primariam eius inclinationem.

30 Si demum inferas: Ergo iam pena erit verum malum, si non naturæ rationalis ut talis, aut secundum primariam eius inclinationem; tamen illius, ut sensitiva est, & etiam ut rationalis secundum inclinationem secundariam, qua procurat bonum vitæ sensitivæ. Ergo in hoc sensu, dum Deus vult peccatori penam iustam sensibilem,

vult illi verum malum, & non verum bonum, ut contendebamus. Respondeo, quod in primis hæc replica non tenet in Angelis damnatis, qui naturam sensitivam non habent, sed putè intellectivam. Item nec in animabus separatis, quæ etiam vita sensitiva actu carent, & consequenter non habent subiectum nocibile, vel læsibile illo malo nocivo solum vitæ sensitivæ. Deinde, negare possem, quod Deus adhuc in nobis velit positivè illud malum physicum naturæ sensitivæ lesivum, & nocivum, sed solum permisivè, quia ut latè explicavi *Tract. de Fide. disp. 2. quæst. 3. à num. 61.* hæc mala physica, quæ vera mala physica sunt, non causantur per se à Deo, & consequenter nec ea positivè vult, ut ibi explicavi. Sed adhuc hoc admissio, ad summum sequitur, quod Deus velit homini peccatori verum malum illi ut sensitivo formaliter malum, & obiectivè inclinationi secundariæ ipsius contrarium; sed negamus, quod hoc velit ut malum illius est, quod opus erat, ut eum odio inimicitie prosequeretur.

31 Quod quidem iam probat, probando tertiam partem minoris ex *num. 17.* quia datò, quod vellet illud malum, vult illud, propter bonum proprium creaturæ rationalis ut talis, nempe propter æquitatem, & iustitiam servandam, & ut peccatum impunitum non maneat, quod sanè est verum bonum honestum, & consequenter verum bonum hominis secundum eius primariam inclinationem: Sed hoc modo velle malum homini, non est velle illi malum ut malum illius est. Ergo. Probo minorem, quia nullus unquam dixit, quod dum Deus vult homini paupertatem, egritudines, & alia huiusmodi, ut in virtute perficiatur, vult hæc illi formaliter ut mala illius sunt, quia nempe, ea vult, quæ sunt mala homini secundum eius inclinationem secundariam, propter bonum illius secundum inclinationem primariam: Ergo Deum velle malum inclinationi secundariæ hominis propter bonum inclinationis primariæ, non est velle illi malum ut malum illius est. Quis enim dicat, Medicum propinquantem infirmo potum gustui malum, quia amarum illi, propter salutem, quæ est bonum primarium naturæ sensitivæ, velle illi malum ut malum illius est, aut eum odio habere?

32 Dices, hoc ideo esse, quia vult malum illud inclinationi particulari gustus propter hominem sanandum; at Deus, dum penam æternam malis vult, non vult illam propter eos sanandos, sed ut eos puniat. Sed contra, quia si pena non sanat eos, tamen corrigit eorum pravitatem, & inordinationem, vitando quod peiores sint, quales forent, si impuniti manerent; sicut medicus sæpè amputat pedem, vel manum, quo licet non sanat ægrum, vitat quod peius se habeat, quin tamen propterea dicitur velle illi formaliter malum ut malum illius est, etiam odio ha-

habere, sed potius velle illi bonum: Ergo ex quo Deus velit damnatis malum verum poenae ad corrigendam, licet non sanandam, in ordinationem eorum, & vt peiores non maneant, non inde inferitur, quod velit illis malum formaliter, vt malum illorum est. Imò quamvis solùm propter ordinem vniuersi seruandum, quod sanè bonum vniuersale est, velit illis poenam, non sequitur, quod velit illis malum formaliter vt malum illis est; vel quia nunquam censetur verum malum partis, quod est bonum vniuersale totius; vel quia licet sit malum partis, dum quis illud vult propter bonum vniuersale totius, non censetur velle malum formaliter, vt malum partis est, sed formaliter solùm bonum, quod mille exemplis ostendi potest.

33 Et hæc quidem fusè dixerim, quia ægrè fero, Deo ab aliquibus imponi verum odium inimicitiae, veramque malevolentiam erga creaturas rationales, quas ipse fecit, cum tamen re ipsa erga illas innocentissimus sit, nulli malus, nulli nocivus, neminem per se ledere, nullique per se nocere possit, nemini malevolus, cunctis per se bonus, per se benevolus, per se beneficus, etiam ipsis peruersissimis creaturis, & in malo inflexibilibus, quarum malum sua bonitate temperat, & in debitum ordinem reddidit iustis poenis; ipsæ solæ sunt, quæ propria sua voluntate vti fera pessima, bestia crudeli, lupa rapacissima in se de faciunt atrocissimè, se ipsas dilacerando, adeò vt quod per se bonum est vniuersis, nempe Deum omni suæ creaturæ beneuolum, beneficum, innocentissimum, sibi ipsis malum quodammodo fecerim, non veritate, sed peruersa sua æstimatione, & prava voluntate, de bonoque cunctis bonissimo, amabilissimo, & per se placentissimo, quale est bonum vniuersi, qualis est Deus, tormentum sibi fecerint, & dolorem. O ingens malæ voluntatis peruersitas, & iniquitas! O summa Dei bonitas, & æquitas!

34 Respondebis denique, ratione præcedenti excludi à Deo malevolentiam, seu odium inimicitiae propriè tale; non ramen odium abominationis, quo nempe odio, habeat ipsum malum culpe, quod verum malum est; quod quidem, licet quia res subsistens non est, non terminet odium inimicitiae, quod proprijsimè dicitur tale, potest tamen terminare odium positivum abominationis, propriè etiam, licet minus propriè tale. Sed contra est, quia Deo etiam repugnat odium positivum verè, & propriè tale, qualiter cumque illud appellatur. Quod iam probò.



## SECUNDA RATIO PRO CONCLUSIONE, qua excluditur à Deo odium propriè sumptum generaliter.

35 **S**ecundò igitur probatur conclusio, quia odium propriè tale petit ad malum vt malum per se primò terminari: Sed repugnat in Deo affectus per se primò terminatus ad malum: Ergo & odium propriè tale, quodcumque illud sit. Probatum maior, quia iuxta D. Thom. *Sicut se habet amor ad bonum, ita odium ad malum*: Sed amor propriè talis petit per se primò terminari ad bonum: Ergo & odium propriè tale petit per se primò ad malum terminari. Minor etiam probatur, quia omnis actus, seu affectus voluntatis diuinæ petit essentialiter per se primò ad bonitatem diuinam terminari, quia, vt ostendimus questione præcedenti, sola bonitas diuina est obiectum formale primum, & adæquatum bonitatis diuinæ in omni suo affectu, vel actu: Ergo non potest per se primò terminari ad malum.

36 Nec valet dicere, quod bonitas diuina est obiectum formale voluntatis diuinæ in omni suo affectu tendente per modum prosecutionis non tamen in affectu tendente per modum fugæ; qualis est affectus odij, & ideo odium terminari potest ad malum per se primò, & formaliter vt malum, seu quia malum. Contra enim est, quia repugnat affectus in voluntate diuina specificatus, motus, aut causatus, vel dependens ex aliquo extra Deum à priori, vt supra ostensum est: Sed per se affectus per modum fugæ positivæ petit specificari, & moveri intrinsecè ex malo, & consequenter ab aliquo extra Deum, quia malum semper est extra Deum: Ergo repugnat in voluntate diuina affectus per modum fugæ positivæ, seu propriè talis: Ergo & odium propriè tale. Explicatur: Si daretur talis actus, vel affectus, re ipsa, & à parte rei esset specie distinctus ab amore, tum ex distincto obiecto formali specificativo, tum ex distincto modo tendendi per modum fugæ: Sed repugnat in diuina voluntate actus re ipsa, & à parte rei specie distinctus ab amore: Ergo & affectus odij, aut fugæ positivæ propriè talis. Probatum minor, quia repugnat quod diuina voluntas non sit æquè simplex in actu secundò, ac in actu quasi primo: Sed talis non esset, si daretur in ea affectus re ipsa distinctus specificè ab amore, quia iam in actu secundò voluntas diuina constaret duplici actu secundò specie distincto, nempe amore, & odio, essetque in actu secundò duplex specificè, cum tamen nemo in actu primò distinxerit duplicem voluntatem specificè, vnā prosecutionem boni, aliam fugitivam mali: Ergo repugnat in diuina voluntate actus re ipsa specie distinctus ab amore.

37 Dices, quoniam non esse, quod actus odij re ipsa, seu actu a parte rei distingatur specie ab amore, sed satis esse, quod solum virtualiter, aut ratione nostra distingatur; quo pacto non obest simplicitati divine voluntatis in actu secundo habere duos actus ratione distinctos; sicut non obest divine simplicitati dari in Deo actum intellectus, & voluntatis ratione distinctos, aut virtualiter a parte rei. Sed contra est, quia amor, & odium proprie tale in Deo actu, & formaliter distinguerentur a parte rei: Pro hoc obest divine simplicitati: Ergo. Probo maiorem, primo, quia haberent specificativa, non solum ratione, aut virtualiter distincta, sed realiter distincta: Sed ab specificativis, non solum ratione, aut virtualiter distinctis, sed realiter distinctis, necessarii proveniunt distinctio specifica, non solum rationis aut virtualis, sed realis: Ergo re ipsa seu realiter, & non solum virtualiter, aut per rationem distinguerentur. Ex quo patet ratio disparitatis de actu intellectus, & voluntatis in Deo, quia specificantur voce a divina veritate, & bonitate, quae in Deo sunt omnino idem, quia in Deo veritas ipsa est bonitas, & bonitas est veritas, unde re ipsa non sunt duo specificativa, sed idem ipsissimum, solumque ex nostro modo concipiendi distinctum.

38 Confirmatur: Odium specie distinctum ab amore in Deo esset separabile realiter quoad speciem intrinsecam odij ab amore: Sed eo sensu, quo est realiter separabile ab amore, realiter, & non solum ratione distingueretur ab amore: Ergo. Probo maiorem, quia deficiente malo, a quo illud odium specificaretur, deficeret realiter in Deo odium illud quoad speciem intrinsecam odij non deficiente autem bonitate divina, a quo amor specificaretur, non deficeret amor, quoad sui speciem intrinsecam: Sed eo ipso realiter separarentur quoad speciem intrinsecam: Ergo odium esset separabile realiter quoad speciem intrinsecam ab amore. Probo maiorem quoad primam partem, in qua stat difficultas, quia deficiente obiecto formali specificativo alicuius actus implicat quod maneat actus quoad sui speciem intrinsecam, alias non specificaretur ab illo, unde si deficeret bonitas divina, a qua specificatur amor divinus, absque dubio deficeret amor divinus quoad speciem intrinsecam amoris: Ergo deficiente malo, a quo specificaretur odium in Deo, deficeret odium quoad sui speciem intrinsecam.

39 Explicatur, & tacita evasio pracluditur: Si posset deficere bonitas divina, a qua specificatur amor divinus, perseverante veritate divina, a qua specificatur intellectio divina, posset deficere amor divinus, quoad intrinsecam essentiam, & speciem, perseverante intellectione divina, quoad intrinsecam speciem, & essentiam, & consequenter posset realiter separari amor divinus, & intellectio divina quoad suas intrinsecas essentias, &

species, & non solum quoad terminationem, ut dicunt: Sed potest deficere realiter malum, vel peccatum, a quo per vos specificatur odium divinum proprie tale, perseverante bonitate divina, a qua specificatur divinus amor; alias bonitas divina esset necessario alligata, & connexa malo, & peccato: Ergo potest deficere realiter quoad intrinsecam speciem, & essentiam odium proprie tale in Deo, perseverante in ipso amore quoad suam intrinsecam essentiam, & speciem: Ergo possunt realiter separari quoad suam intrinsecam speciem, & essentiam, & non solum quoad terminationem, ut dicere solent: Ergo realiter distinguerentur, & non solum virtualiter, aut ratione nostra.

40 Vergetur: Vel deficiente malo, persisteret in Deo odium quoad totam suam intrinsecam speciem, & essentiam; vel sic deficeret? Si deficeret quoad intrinsecam speciem, & essentiam: Ergo realiter distinguitur ab amore in intrinseca specie, & essentia, in qua potest ab illo separari. Si persisteret quoad totam suam intrinsecam speciem, & essentiam: Ergo non specificatur a malo; nec malum est obiectum formale illius. Patet consequentia, quia obiectum, sine quo persistit actus quoad totam suam intrinsecam essentiam, & speciem, non est obiectum formale, nec specificativum illius actus, ut per se patet. Ergo vel odium quoad ponitis in Deo, potest realiter deficere quoad suam intrinsecam essentiam, & speciem, deficiente malo; vel non respicit pro obiecto formali, & specificativo malum, sed bonum, & consequenter non est proprie, & formaliter odium.

#### COLVUNTUR OBIECTA.

41 IN primis obijciunt contrarii plures textus Sacri Scripturae, in quibus Deo attribuitur odium, ut est illud Zachariae 8. *Omnia enim haec sunt, quae odii dicit Dominus.* Et illud Malachiae 1. *Iacob dilexi, Esau autem odio habui.* Et illud Psalm. 5. *Odisti omnes, qui operantur iniquitatem.* Et illud: *Odio est Deo impius, & impietas eius.* Respondet D. Thome. 1. contra Gent. cap. 96. quod tales textus non sunt intelligendi de odio proprie tali, dicitur enim Deus aliqua odire similitudinarie. Et hoc dupliciter. Vno modo ex hoc quod Deus, amando res, volens eorum bonum, vult, contrarium bono, scilicet malum, non esse, unde malorum odium habere dicitur: Unde hoc modo dicitur odire impietatem, malitiam, & iniquitatem, quia ex hoc ipso quod vult pietatem, bonitatem, & aequitatem, vult, his contraria, seu harum privationes non esse, nempe impietatem malitiam, iniquitatem non esse; sicut per hoc ipsum, quod quis vult amicitiam divitem esse, vult illum pauperem non esse.

43 Obijciunt secundò: Odium abominatio-  
tis est, cum quis ex amore personæ odio habet  
malum illius, ut cum pater ex amore filij odio ha-  
bet ægritudinem eius: Sed Deus odit peccata ho-  
minum, quos ut amicos diligit: Ergo est in illo  
odium propriè tale, scilicet abominationis, seu erga  
peccata, licet non erga personam. Respondet  
Illust. Godoy, quod odire peccata hominum, quia  
vult illis bonum, non tamen per se primo; & hoc  
secundum requiri ad odium propriè tale, primum  
autem non sufficere. Si vero contra iustes: Etiam  
voluntas hominis fugit malum amico, quia vult  
illi bonum; & tamen salvatur in illo cum proprie-  
tate odium de malo amici: Ergo pariter in Deo.  
Respondet, quod in voluntate hominis salvatur  
cum proprietate odium de malo amici, quia in ea  
intervenit duo actus distincti, primus, quo per  
se primo vult bonum amico; secundus, quo etiam  
per se primo fugit malum illi, & ideo hic secun-  
dus est propriè odium, quia per se primo respicit  
malum. In Deo vero non ita, quia voluntas eius  
odit mala hominum, non ex vi actus distincti ab  
eo, quo vult illis bonum; sed ex vi eiusdem, qui  
primariò terminetur ad bonum, & non nisi secun-  
dariò ad malum per modum fugæ; & ideo deficit  
à ratione odij propriè talis. Et hanc solutionem  
ait esse expressam D. Thom. loco proximè relato.

43 Sed, nifallor, longè alia est mens Div.  
Thom. Quia D. Thom. non admittit odium pro-  
priè tale, adhuc secundariò in Deo: Sed hæc solu-  
tio admittit, quod actus divinæ voluntatis secun-  
dariò, & quia per prius vult nobis bonum, odit  
mala, & peccata nostra: Ergo est contra mentem  
D. Thom. Nec obeit, dicere, quod ex hoc ipso,  
quod secundariò respicit malum, licet per mo-  
dum fugæ, deficit à proprietate odij, quia odiù  
propriè tale exigit per se primo terminari ad ma-  
lum. Nam contra est, quia non minus exigit amor  
liber per se primo terminari ad bonum, quam odiù  
per se primo terminari ad malum: Sed sal-  
vatur in Deo cum proprietate amor liber, qui non  
sit amor liber respectu obiecti primarij, sed solum  
respectu obiecti secundarij: Ergo pariter salvari  
poterit cum proprietate odium, quod præcisè sit  
odium respectu obiecti secundarij, non respectu  
obiecti primarij. Explicatur: Solutio ista admittit  
in Deo actum, qui secundariò ad malum per mo-  
dum odij, & fugæ terminatur: Sed ex quo solum  
secundariò ad illud terminetur, si semel termina-  
tur ad malum per modum fugæ propriè talis ab  
illo, non est cur non sit, scilicet secundariò, odium  
mali propriè tale: Ergo immerito negatur illi ac-  
tui ratio odij propriè talis. Explicatur: Si est de  
ratione odij per se primo ad malum terminari,  
etiam hoc ipsum erit de ratione fugæ propriè ta-  
lis: Ergo implicabit in terminis, quod Deus eodè  
actu primariò respiciat prosecutivè bonum, &  
non nisi secundariò malum per modum fugæ pro-

priè talis. Item: Ergo implicabit in terminis, quod  
Deus per unicum actum velit bonum creaturæ, &  
quia vult illi bonum, per eundem actum ha-  
beat secundariò malum illius: Cum ergo hoc  
admittit Illust. Godoy, sibi ipsi, & D. Thom. re-  
pugnât. Confirmatur: Semel admissio, ut tenent  
plures Theologi, quod in actu contritionis iden-  
tificantur realiter amor Dei, & odium peccati, &  
consequenter, quod ille actus primariò sit amor  
Dei, & secundariò odium peccati, nihilominus  
salvatur in illo, licet secundariò, vera ratio odij:  
Ergo si semel admittatur, quod Deus eodem actu  
amet hominem, & velit illi bonum, & secunda-  
riò, seu ex consequenti odio habeat malum illius,  
respicendo malum secundariò per modum fu-  
gæ positivæ, erit odium propriè tale, licet secun-  
dariò.

44 Vnde — agis ad mentem Div. Thom.  
Respondet ad obiectionem, distinguendo mino-  
rem: Deus odit peccata hominū, quos diligit, per  
hoc ipsum quod vult illis bonum virtutis, & ho-  
nestatis, concedo: Alio affectu, aut tendentia po-  
sitiva erga peccata ut talia, nego minorem, &  
consequentiam; quia iuxta D. Tho. Deus, amando  
res, volens eorum bonum esse, vult (intellige in-  
transitivè, eadem tendentia) contrarium bono,  
scilicet malum non esse, & hoc pacto malorum  
odium habere dicitur. Quod, ut debere intelligas,  
dico, quod ex vi solius affectus, tendentiæ, & ter-  
minationis prosecutivæ, & volitivæ, quo vult ho-  
mini inesse bonum virtutis, & honestatis, intransi-  
tivè, & absque vlla alia terminatione, aut ten-  
dentia per modum fugæ, vult malum illi contra-  
rium, nempe vitium, aut turpitudinem illi non in-  
esse. Et sic probò: Idem est formalissimè homini  
inesse bonum virtutis, & honestatis, ac illi non  
inesse malum oppositum vitij, & turpitudinis:  
Ergo ex præciso affectu, tendentia, & termina-  
tione volitiva, quia positivè vult bonum virtutis  
ei inesse, vult malum oppositum ei non inesse,  
absque vlla tendentia per modum fugæ ad aliud  
obiectum. Probatur antecedens, quia malum vir-  
tutis, & honestatis oppositum formaliter importat  
privationem virtutis, rectitudinis, & honestatis,  
cui opponitur: Sed idem est formalissimè inesse  
homini virtutem, honestatem, & rectitudinem,  
ac non inesse illi ipsius privationem; sicut idem  
est formalissimè inesse homini divitias, ac illi non  
inesse paupertatem; & idem est formalissimè in  
esse aeri lucem, ac illi non inesse tenebras, nec ista  
sunt duo obiecta re ipsa, sed vnum, & idem: Ergo  
idem est formalissimè inesse homini bonum vir-  
tutis, & honestatis, ac non inesse illi malum op-  
positum, ita ut non sint distincta obiecta, sed  
vnum re ipsa. Explicatur: Per hoc præcisè, quod  
Deus velit hominem rectè vivere, vult intransiti-  
vè eodem affectu, & tendentia volitiva, ipsum non  
malè vivere; quia idem est formalissimè ipsum

rectè, seu cum rectitudine, ac ipsum non vivere sine rectitudine: Ergo frustra est tendentia alia, seu terminatio per modum odij, aut fugæ erga malum vitium. Amplius: Dum Deus vult hominem non esse malum, non id vult, quatenus velit hominem non esse, aut non vivere, sed quatenus volendo, quod sit, & vivat, vult quod non vivat sine rectitudine rationis debita: Sed hoc formalissimè est ipsum vivere cum rectitudine debita rationis; quod quidem non est obiectum fugæ, sed prosecutionis: Ergo solo affectu per modum prosecutionis vult Deus, quod homo non sit malus, seu quod non malè vivat, hoc enim est quid bonum, & per se amabile, & volubile positivè: Ad quid ergo tendentia per modum fugæ, & odij?

45 Sed dices: Cum nos volumus bonum amico, ex consequenti solemus odio habere malum illi oppositum affectu fugæ contra ipsum malum, vel saltem positiva nollione ipsius mali: Ergo hoc etiam in Deo admittendum est. Respondet, concessio antecedenti, negando consequentiam, primò, quia nos sæpè apprehendimus malum oppositum, licet in privatione consistens, vt quid positivum, quia privationes concipimus vt formas positivas, vnde paupertatem, cecitatem, & tenebras sæpè positivo odio, fuga, & nollione respicimus, quia eas apprehendimus vt formas positivas malas, & vt tales sunt obiectum proprium fugæ; Deus vero nihil cognoscit vt formam positivam, nec vt aliquid positivum, aut ens, nisi quod ipse facit, & vult; diligit enim omnia, quæ sunt, quatenus positivè sunt, & nihil odit ex his, quæ ipse facit; malum vero vltra ens, & vltra id, quod Deus per se facit, & diligit, non est, nisi non ens, & non bonum, seu defectus boni, & entis, quod proinde non cognoscit per assensum, vt obiectum positivum à bono, & ente distinctum, sed vnicè per dissensum, & remotivè non inveniendò in subiecto bonum, aut ens illi debitum, seu cognoscendò bonum non integrum in bonitate debita: Non ergo Deus potest erga malum, vt malum habere tendentiam positivam per modum fugæ positivæ, sicut nos, quia ad hoc opus erat, quod ipsum malum vt malum apprehenderet per assensum positivè vt aliquid præter ens, & bonum, quod ipse facit, & diligit. Secunda disparitas est, quia nobis, vel amicis potest interdum esse malum aliquod ens, aut bonum particulare, præsertim in ordine ad aliquem finem particularem, quem nobis, vel amicis intendimus, quia enti, aut bono particulari potest esse malum aliud ens, aut bonum particulare; at tamen bono universali, qualis est Deus, & fini universali ab ipso intento, tam tibi, quam amicis, nullum est bonum particulare, quod ipsi, aut eius fini intento sit malum; vt supra vidimus ex Div. Thom. Est ergo ingens disparitas. Et

denique, quia in Deo dari non potest affectus, aut modus tendendi frustraneus; frustranea autem esset in Deo tendentia per modum fugæ positivæ erga malum, cum ad illud excludendum à subiecto factis sit tendentia positiva per modum prosecutionis, & volitionis in bonum malo contrarium; at in nobis sæpè dantur tendentiæ istæ frustraneæ, vt cum de paupertate assignatur, de cecitate, de ægritudine, & de alijs malis, per illorum odium, tristitiam, & fugam affectivâ torqueamur; quibus affectibus per modum fugæ malum non vitatur, sed augetur, fatiatque foret in bonum illis malis contrarium prosecutionivè tendere, & conari pro posse, quo pacto vitarentur ea mala, vt possibile foret; imò & peccata melius vincerentur, & fugarentur amore Dei, & virtutis, quam tristitia, odio, & fuga propria illorum; sicut melius fugit tenebras, qui lucem intendens in lucem, in illam prosecutionivè currit, quam qui respiciens ad tenebras, ab illis fugeret: Et hinc patet, in Deo non dari affectum, nec tendentiam per modum fugæ propriè talis, qua malum, nec primario, nec secundario respiciat; & nihilominus eius voluntatem maximè tendere contra malum, & affici contra malum, quia maximè intendit, & tendit, & afficitur erga bonum malo contrarium, cuius boni malum est, privatio; quia per hoc ipsum intransitivè, magis vitat malum, & contra malum militat eius voluntas, & est maximè inimica malo, per quod intransitivè est maximè amica boni; & hic est vnus modus, quo D. Thom. inquit, quod Deus *malorum odium habere dicitur*, quatenus vult bonum malo contrarium, affectu nempe vnicè prosecutionivè, & volitivo boni. Vt autem alius modus assignatus ab ipso percipiatur.

46 Obijciunt tertio contrarij, probando in Deo odium inimicitiz, hoc enim consistit in velle alicui malum, vt malum illius est, ex displicentia in ipso: Sed Deus vult peccatori malum, vt malum illius est, ex displicentia in ipso: Ergo odio inimicitiz habet peccatores. Probatur minor, quia in primis vult peccatori penam vt pena illius est: Sed pena est malum peccatoris: Ergo vult peccatori malum, vt malum illius est. Deinde illam vult ex displicentia in ipso, quia licet peccator, vt homo, non displiceat Deo, vt peccator tamen, illi displicet: Ergo ex displicentia illius vt peccator est. Si vero dicatur, factis non esse ad odium inimicitiz velle malum peccatori ex displicentia in ipso vt peccatore. Contra opponit Vazquez, quia dum iudex, propter flagitium, aliquem punit ex motivo iustitiæ, vero, & proprio odio inimicitiz illum prosecutionivè tendit: Et tamen non vult illi penam ex displicentia in ipso vt homo est, sed quia homo flagitiosus est, vnde tale odium est secundum virtu-

tem. Ergo de ratione odij inimicitiz non est velle malum alteri ex displicentia in ipso vt homo est, sed satis est, quod sit ex displicentia in ipso vt peccator est. Secundo alij opponunt, quia dum quis inimicum odio prosequitur volendo illi malum, non vult illi malum ex displicentia in illo quatenus homo est, sed quatenus iniurius sibi fuit: Ergo hoc satis est ad odium inimicitiz, & non requiritur displicere in illo vt homo est, nec vt res subsistens est. Tertiò, quia Deus diligit hominem amore amicitiz; & tamen non vult illi bonum ex complacentia in ipso vt homo est, sed vt iustus est accidentaliter: Ergo pariter potest dari odium inimicitiz, qui non sit ex displicentia in homine vt homo est, sed in illo vt malus est malicia accidentaliter.

47 Ad hoc argumentum triplex solutio adhiberi potest, iuxta triplicem titulum negandi in Deo odium supra expensum à *numer.* 17. Primò ergo respondeo, concessa maiori, negando minorem. Ad cuius probationem, distinguo maiorem, vult peccatori poenam, vt poena iusta est suæ malæ voluntatis, concedo: Alter, nego maiorem: Et distinguo minorem: Poena iniusta, aut homini vt rationali contraria, & nociva malum illius est, concedo: Poena iusta illius, vt illius pravæ voluntati contraria, malum illius est, subdividuo: Malum vetum naturæ rationalis vt talis, nego: Malum apparens inordinatæ rationi, & voluntati, seu malum malo, quod potius est verum bonum, concedo minorem, & nihil sequitur; quia poena iusta solæ mali voluntate dolorifera, & contraria est, & vt talis, malum vetum non est, quia est malum malo vt tali, quod potius verum bonum est, vt explicavimus à *numer.* 22. vnde Deus eam poenam volendo, solum vult verum bonum, quod malæ, & depravatæ voluntati malum est.

48 Vel secundò, dato, quod poena iusta sit malum vetum hominis, quia nempe potest esse nociva partis, & vitæ sensitivæ, nego, quod Deus velit illam vt malum illius est, quia solum vult illam vt bonum iustitiz est, & ad ordinem iustitiz servandum, vt explicabam *numer.* 31. & hic est alius modus, quo iuxta Div. Thom. Deus dicitur aliqua odio habere; sic enim subiungit vbi supra: *Alius autem modus est, ex hoc quod Deus vult aliquod malum bonum, quod esse non potest sine privatione minoris boni, & sic dicitur odire, cum magis hoc sit amare. Sic enim in quantum vult bonum iustitia, vel ordinis universi, quod esse non potest sine punitione, vel corruptione aliquorum, dicitur illa odire, quorum punitionem vult, vel corruptionem, quo sensu exponit illud Malach. 1. Effusæ autem odio habuit. Et illud Psalm. Odisti omnes, qui operantur iniquitatem, &c.* Ex quo planè sequitur, quod Deus, licet interdum velit malum poenæ, quod

sic verè nocivum, & malum naturæ sensitivæ, siquidem naturæ rationali, vt tali, poena iusta à Deo positivè volita, & iusta, nociva esse non potest; minime vult illud vt malum illius est, sed vt bonum iustitiz est, seu vt bonum universi constitutivum; Deus vero illam poenam sic volens, re ipsa amat, & vult per se bonum iustitiz, & universi, ex quo malum particulare naturæ sensitivæ, aut alterius appetitus, vel naturæ particularis sequitur per accidens, & præter intentionem Dei, vt privatio minoris boni, ex intentione maioris boni.

49 Vel tertiò responderi etiam potest, negando minorem quoad tertiam partem, quia Deus non vult homini poenam ex displicentia in ipso homine, sed potius ipsum hominem vt talem amando, & conservando: Ad odium autem propriè tale non sufficit velle homini malum poenæ ex displicentia in illo vt peccatore, amando ipsum vt hominem; vt probabam à *numer.* 18. Ad id autem quod in contra obijcit Vazquez, nego maiorem, quia si iudex ex motivo tantum iustitiz vult hominem flagitiosum vt talem punire, amando in illo, quod Deus in illo fecit, nempe hominem vt hominem, & solum displicendo in eo quod flagitiosus est, minime erga illum habet odium inimicitiz, sed potius veram charitatem, quæ cum odio inimicitiz incompatibilis est; nec est possibile odium inimicitiz, & malevolentiz virtuosum, vt vult Vazquez; quod ad eò verum est, vt oppositum haud leviter absurdum appareat. Ad secundam, nego antecedens, quia odium inimicitiz inter homines non præscindit in inimico & quod homo sit, & quod iniuriæ tot fuerit, amando in ipso quod Deus fecit, & purè odio habendo, quod ipse fecit, nempe iniuriam, sed ezo ductu totum hominem odio habet, & in toto displicet, & totum destruite vellet; si enim præscinderet, & amaret, quod Deus in illo amat, & conservat, non esset odium inimicitiz, vt per se patet. Ad tertiam, concessa maiori, & minori, nego consequentiam, quia licet homo sit accidentaliter iustus per gratiam; tamen gratia in ordine supernaturali est natura divina participata, & constituit hominem participativè Deum per modum naturæ, & participativè subsistentem in natura divina, vnde & dicitur spiritualiter genitus, & Filius Dei, & ideo constituitur obiectum benevolentiz, & dilectionis amabilis Dei, ita vt ex complacentia in ipso vt participativè Deo velit illi bona divina; ac peccator non est natura aliqua constituens hominem in aliquo primo esse per modum naturæ; nec participativè, aut alio modo subsistentem, & ideo non potest constituitur hominem obiectum inimicitiz; quia solum res subsistens, vt subsistens in aliquo natura est obiectum odij inimicitiz, vt iam vidimus.

50 Ex dictis infertur primò, quod in divina voluntate non datur affectus ullus positivè terminatus ad malum, adhuc per modum nolitionis positivæ de malo. Pater, quia talis affectus esset fuga positiva mali, & tenderet per modum fugæ positivæ: Sed in divina voluntate repugnât tendentia per modum fugæ positivæ: Ergo & per modum nolitionis positivæ de malo. Probatur minor, quia tendentia per modum fugæ positivæ non potest per se primo, aut primario respicere bonum ut bonum, quia fuga voluntatis implicat quod sit de bono, ut bono: Debet ergo esse vnicò, & consequenter per se primo de malo ut malo: Sed repugnat in divina voluntate tendentia, quæ per se primo sit erga malum ut malum, quia specificaretur à malo: Ergo & tendentia per modum fugæ positivæ. Secundò, quia fuga positiva mali supponit apprehensionem prædicam, & directam à tali per modum alicuius positivi, seu tanquam obiectum positivum: Sed Deus non sic apprehendit malum, sed purè remotivè, & indirectè per bonum, quo privat, quatenus cognoscendo bonum debitum subiecto, vel actui, quo subiectum, vel actus caret, dicitur cognoscere malum, vel quatenus cognoscendo bonum non integrum in bonitate debita, dicitur etiam cognoscere malum, ut explicavimus *Disputat. 4. quaest. 6. d. num. 70.* Ergo. Tertiò, quia in Deo est frustranea tendentia per modum fugæ positivæ de malo, cum per tendentiam volitivam in bonum cummutatissimè possit excludere malum, & perfectissimè malo opponatur: Ergo in eo non datur ea positiva fuga, & consequenter nec positiva nolitio mali, ut distincta à positiva volitione boni, cuius malum est privatio. Quartò, quia in quocumque malo, præter ens positivum, quod de materiali importat, nihil importatur, nisi privatio boni illi debiti; ut suo loco manifestè constabit: Sed per fugam positivam Deus non fugeret ab ente positivo ut tali, quia in quantum ens, bonum est, & à Deo factum, & Deus diligit omnia quæ sunt, in quantum sunt, & nihil odit eorum, quæ facit, nec ab eis fugit: aliunde nec positivè fugere potest per affectum à privatione boni, quia hæc nihil est, & à nihilo fuga esse non potest, nisi apprehenderetur positivè ut aliquid; quod in Deo non habet locum: Ergo in malo nihil est, quod possit esse obiectum positivæ fugæ divinæ voluntatis, & consequenter nec positivæ nolitionis formaliter talis.

51 Ex quo infertur secundò, quod quocumque vnitissimè loquutione dicitur, sive in Scriptura, sive in SS. PP. sive apud Theologos, Deum *nolle* hoc vel illud malum, intelligendum est de nolle æquivalenter, accipiendo *nolle* pro velle bonum oppositum, quia velle bonum aliquid, perfectissimè æquivaleret ad nolle malum, quod sit privatio ipsius; non vero intelligendum

est per tendentiam fugæ positivæ, & formalis à malo, quæ, supposita tendentia volitiva boni, fræstranea esset, specificata à malo ipso, & realiter à volitione boni distincta, & imperfecta, ut supra arguebamus. Sed dices: In actu contritionis plures identificantur tendentiam amativam Dei cum tendentia fugitiva peccati, amorem Dei, cum odio, & nolitione peccati: Ergo etiam posset idem dici de actu divinæ voluntatis. Respondeo, in primis eam sententiam mihi esse falsam, quia nempe implicat eundem actum specificari simul à bono, & malo, & simul habere duas tendentias vnam per modum fugæ, aliam per modum prosecutionis; unde actus contritionis, quatenus est dolor de peccato, est actus distinctus specificè ab amore Dei, licet imperatus ex ipso Dei amore; & hæc sanè est probabilior sententia. Videatur, quæ diximus *Traclat. de Spe Theologica, quaest. 17. a. num. 58.* probando, eundem actum non posse esse simul prosecutionem boni, & fugam formalem mali, adhuc secundariò. Respondeo secundò, quod ea sententia admissa, necessariò admittendæ sunt in actu contritionis duæ tendentia: realiter identificantur, vna per modum prosecutionis in Deum, & alia per modum fugæ à malo peccati; vel ambo ex æquo, vel illa primaria, & illa secundaria, ita tamen ut hæc secundaria specificetur à malo peccati; & actus ille adequatè sumptus specificetur saltem inadæquatè penes aliquæ sui intrinsecæ formalitatem, aut tendentiâ, à malo culpæ, & à Deo à Deo, ut fine, à malo culpæ, ut obiecto: siue quo ille actus subsistere nõ possit idem realiter, aut specificè; hoc autè omnino repugnat in divina voluntate, in qua dari non potest actus, qui adhuc inadæquatè, adhuc penes aliquæ sui tendentiam, aut formalitatem, adhuc secundariâ, specificetur, aut dependeat à malo ut obiecto, quia iam penderet ab illo, quantum ad sui speciem intrinsecam, & intrinsecam essentiam.

52 Sed rogabis, an saltem detur in divina voluntate displicentia positiva verè, & formaliter, talis de peccato? Respondeo, idem dicendum; nequæ Deum æquivalenter, & perfectissimè displicere de peccatis, & offensis suis, quatenus complacet primo in sua summa bonitate, & Maiestateg, cui peccata quodammodo opponuntur, ut privationes participationis illius; secundò in suis legibus, & præceptis, & in ipso ordine rationis ab ipso instituto, quibus etiam opponuntur peccata privando vitam hominis conformitatem cum divinis legibus, & præceptis, & vitam hominis ordinem rationis à Deo instituto, & reitudine ab ipso volita, & præcepta. Displicentia vero formalis; & positiva per modum formalis fugæ de ipso malo peccati, ut de obiecto ab omni ente distincto, nec in Deo est necessaria, nec possibilis; non necessaria, quia per finem complacentiam positam de bono, quo malum privat, perfectissimè salva-

tur, & modo eminentiori displicentia de malo peccati: Nec possibilis, quia Deus non potest apprehendere positivè, & practicè malum ut obiectum distinctum ab omni ente, quod ipse vult, & facit; cum à parte rei malum nihil sit re ipsa præter ens, & bonum, quod Deus facit, sed sola privatio boni debiti. Præterquam, quod displicentia formalis, & positiva de malo præsentis est quodam genus tristitiz, & molestiz, quæ longè à Deo removenda est. Nihilominus vetissimum est, homines, dum peccant, verè ex parte sua Deo displicere, non minus, quam Deum offendere; sicut autem verum tener, eos Deum offendere, quamvis Deus physicè nullam inde recipiat offensam intrinsecam; ita verum est, eos Deo displicere, quamvis Deus in se nullam intrinsecam, & formalem displicentiam, aut molestiam recipiat; quia infinita, summaque complacentia Dei, quæ felix est, nullam formalem, & intrinsecam displicentiam de malo præsentis admittit. Itemque displicentia formalis, & intrinseca in Deo necessariò ab extrinseco esset causata, & specificata obiectivè in ipso, nec enim à sua bonitate posset obiectivè causari, aut specificari; nihil autem intrinsecum Deo potest illi ab extrinseco causari, aut specificari adhuc obiectivè. Ac demum, eam displicentiam intrinsecam, & formalem Deus pateretur potius, quam libetè haberet, quia nullus sponte admittit displicentias, sed eas ab extrinseco sibi illatas magis patitur, quam effugit, aut libetè admittit. Addo insuper, quod displicere formaliter de aliquo, est eo offendi, eodemque modo voluntas aliquo offenditur, quo illud sibi displicet: At voluntas divina intrinsecè, & physicè non offenditur malis nostris: Ergo nec intrinsecè, & physicè displicet formaliter de illis; sed solum æquivalenter, ut explicatum manet; & moraliter, quatenus si divina voluntas esset capax intrinsecè, & formalis displicentiz physicæ, eam illi peccata nostra causarent.

53 Inferitur denique, argumentum ad calcem questionis præcedentis propositum, nullius roboris esse, quia falso supponit dari in Deo odiù propriè, & formaliter tale, aut tendentiam vilam per modum fugæ formalis, & positivæ erga malum; quæ proinde specificari debeat à malo, & primariò malum respicere.

## QUESTIO V.

QUÆNAM VIRTUTES MORALES dantur propriè in Deo, aut in voluntate divina?

12 **Q**uia etiam, ut vidimus quæst. 3. potissimum argumentum eorum, qui contendunt, voluntatem divinam posse inquiri ex aliquo creato, aut extra

Deum, ex virtutibus moralibus defumebant, consequentia etiam doctrinæ exigit, ut quamnam ex illis in divina voluntate reperiantur examine-mus. Igitur.

2 Primò ergo supponendum est, virtutes esse in duplici differentia. Aliæ enim vocantur contemplativæ, seu intellectuales purè, quæ nempe perficiunt intellectum in veritatis attingentia, & spectant ad vitam contemplativam; aliæ sunt morales, quæ spectant ad vitam activam, & perficiunt voluntatem, vel appetitum circa agibilia, vel actiones, & istæ vocantur virtutes morales, quia videlicet eis reguntur hominum mores. Quæ tamen sunt in duplici differentia, nam aliæ per se ordinatæ sunt ad moderandas passionibus, ut continentia, castitas, temperantia, fortitudo, &c. aliæ vero per se ordinatæ ad dirigendas actiones, ut veritas, seu veracitas, liberalitas, magnificentia, prudentia, iustitia, &c.

3 Supponendum est secundò, Deum in se continere omnes has virtutes, vel eminenter, vel formaliter, vel impropiè, vel propriè modo quo ipsi Deo conveniunt. Ita D. Thom. 1. *confr. Gent. cap. 92.* quod sic probat, quia sicut esse Dei, quia universaliter perfectum, omnium entium perfectiones in se comprehendit, vel formaliter, vel eminenter, ita bonitas eius debet omnium bonitates in se comprehendere quodammodo, nempe, vel formaliter, vel eminenter: Sed virtus est quædam bonitas, secundum quam virtuosus dicitur bonus, & opus eius bonum: Ergo bonitas divina omnes virtutes in se comprehendit suo modo, id est, vel eminenter, vel formaliter, modo quo ipsi Deo conveniunt.

4 Supponendum est secundò, nullam virtutem Deo convenire per modum habitus. Ita etiam D. Thom. & probat, primò, quia Deo non convenit bonum esse per aliquid aliud sibi superadditum, aut suæ essentiz, sed per suam essentiam, cum sit omnino simplex; imò nec agit per aliquid suæ essentiz superadditum, cum sua actio sit suum esse: Sed virtus est, quia illam habens bonus est, & quæ agit bonè: Ergo non potest in Deo esse habitus illi superadditus, alias aliquo sibi superaddito Deus bonus esset, & bonè ageret. Secundò, quia habitus est actus imperfectus, quasi medius inter potentiam, & actum secundum, unde & habentes habitum dormientibus comparantur: Sed in Deo non est actus imperfectus, sed perfectissimus tantum: Ergo nec virtus per modum habitus, sed solum per modum actus perfectissimi. Tercio, quia habitus est perfectus in potentia: Sed in Deo nulla est potentia perfectibilis, quia aliàs esset in potentia ad perfectionem; sed est actus purus: Ergo. Quarto, quia habitus est de genere accidentis: Sed in Deo non est accidens: Ergo nec virtutes per modum habitus, sed solum per modum actus, & essentiz.

Sup.



5 Supponendum est tertio, virtutes humanas, prout scilicet vitam activam humanam dirigunt, Deo propriè non convenire. Ita etiam D. Thom. & probat, quia vita activa humana in usu rerum corporalium consistit; unde virtutes eam dirigentes sunt, quibus his bonis rectè vitium. Sed in Deo non est talis vita consistens in usu rerum corporalium: Ergo nec tales virtutes humanæ, prout eam dirigunt. Secundò, quia huiusmodi virtutes per se perficiunt mores hominum secundum politicam conversationem, unde illis, qui politica conversatione non utuntur, v. gr. Solitarijs, qui hominibus non convivunt, vix convenire videntur virtutes istæ morales: Sed Deus longissimè abest à conversatione politica, & humana, nam vita eius longè est à modo vitæ humanæ: Ergo in eo non sunt virtutes humanæ, vt ordinatæ ad mores hominum dirigendos. Ex quo inferes, quod si virtutes morales ex hoc appellantur morales, in Deo non sunt admittendæ virtutes morales secundum propriam huius nominis significationem, eoque nec D. Tho. sub hoc nomine eas unquam Deo attribuit, imò videtur eas à Deo re legare, vt miretis RR. aliquos, vt ingens absurdum reputantes negare Deo virtutes morales propriè sumptas.

6 Supponendum est quarto, in Deo non esse virtutes, quæ circa passionem sunt. Ita etiam D. Thom. & probat, quia istæ virtutes ab ipsis passionibus specificantur, sicut ex proprijs obiectis, unde temperantia à fortitudine differt, ex eo, quod temperantia est circa concupiscibilia, fortitudo vero circa timores, & audacias: Sed in Deo passionem non sunt: Ergo nec huiusmodi virtutes. Secundò, quia huiusmodi virtutes non sunt in parte intellectiva animæ saltem consummatæ, sed in parte sensitiva; in qua sola passionem esse possunt, vt probatur 7. Physicor. Sed in Deo non est pars sensitiva: Ergo nec huiusmodi virtutes, adhuc secundum proprias rationes. Ex quo inferitur, in Deo non esse sobrietatem, quæ ordipatur ad temperandas delectationes cibi, & potus; nec castitatem propriè talem, quæ ordipatur ad reprimendas delectationes venereas; nec demum temperantiam, aut continentiam, quæ vaiverfaliter moderant passionem concupiscibiles; quia cum huiusmodi passionem, & delectationes corporeæ procul à Deo absint, etiam virtutes illis correspondentes procul à Deo relegantur, nedum propriè sumptæ, sed & impropiè. Vnde nec metaphoricè de Deo dicuntur in Scripturis, quia nec est accipere similitudinem ipsarum in Deo, secundum similitudinem alicuius effectus, inquit D. Thom. Virtutes vero, quæ non sunt circa delectationes, aut passionem corporeas, sed circa passionem appetitus in aliquod spirituale bonum, nempe in honorem, famam, dominium, victoriam, vindictam, circa quæ versantur passionem audacitæ, ambitionis, &c. virtutes inquam, quæ has passio-

nes moderantur, quales sunt fortitudo, magnanimitas, mansuetudo, &c. in Deo propriè esse non possunt, quia circa passionem sunt; sed dicuntur in Scriptura metaphoricè de Deo propter similitudinem effectus, vt cum 1. Reg. 2. dicitur: *Non effertis, vt est Dominus*, & Sophon. 2. *Querite lufum, querite mansuetum*, & alia huiusmodi. Exclufus ergo à Deo illis virtutibus, quæ in sua specie, & proprietate manifestam imperfectionem dicunt, transit D. Thom. ad alias, vt fequitur.

7 Supponendum est quinto, dari in Deo propriè illas virtutes, quæ non circa passionem, sed circa actionem sunt, vt sunt veracitas, liberalitas, magnificentia, prudentia, iustitia, & aliz. Probat D. Thom. primò in generali, quia virtus ex obiecto, vel materia speciem sumit: Sed in Deo datur materia, vel obiectum harum virtutum: Ergo & istæ virtutes cum proprietate. Probat minoren, quia obiectum, vel materia harum virtutum, sunt actiones divinz perfectioni non repugnantes, vt imperare respectu prudentiæ; loqui, aut manifestare respectu veracitatis; dare respectu liberalitatis, &c. Sed in Deo dantur huiusmodi actiones: Ergo in eo datur obiectum, vel materia harum virtutum. Secundò, quia huiusmodi virtutes sunt perfectiones quedam voluntatis, & intellectus, quæ sunt principia operandi sine passione: Sed in Deo est voluntas, & intellectus nulla carens perfectione: Ergo & huiusmodi virtutes.

8 Deinde probat in particulari, primò esse in Deo artem; quia in Divino intellectu est ratio propria omnium eorum, quæ à Deo in esse procedunt, nempe idææ: Sed ratio propria rei fiendæ in mente facientis est ars; quia ars iuxta Philosophum 6. Ethicor. est recta ratio factibilium: Ergo in Deo est propriè ars. Secundò, esse in Deo prudentiam, quia voluntas divina erga ea, quæ sunt distincta ab ipso Deo, determinatur, & ordipatur ad vnum agendum præ alio per divinum intellectum: Sed intellectus, vel cognitio ordinans voluntatem ad agendum prudentia est, quæ secundum Philosophum 6. Ethicor. est recta ratio agibilium: Ergo in Deo est prudentia. Et hoc est quod dicitur Iob 12. *Apud ipsum est prudentia, & fortitudo*. Tertiò, esse liberalitatem; quia dare, non propter proprium commodum ex datione spectatum, sed propter ipsam bonitatem, & convenientiam dationis est actus liberalitatis vt patet per Philosophum in 4. Ethicor. Sed Deus dum suam bonitatem alijs communicat, non vult illam communicare ad hoc vt sibi exinde aliquid accrescat, nec propter proprium commodum, sed quia ipsam communicare est sibi conveniens sicut fonti bonitatis: Ergo Deus est maxime liberalis. Minor probatur, quia finis vitium, propter quem Deus operatur, nullo modo deperdet ab his, quæ sunt ad finem, nec quantum ad esse, nec quantum ad perfectionem: Ergo dum Deus ope-

natur propter suum finem, id est, propter se ipsum, non operatur nec propter se ipsum habendum, nec propter se ipsum augendum, aut perficiendum, & consequenter nec ut aliquid sibi accrescat, sed vnicuique, quia sibi ut fonti bonitatis conveniens est dare de sua bonitate, & eam alijs communicare. Ex quo inferit D. Thom. cum Avicena, non solum, quod Deus est maxime liberalis, sed quod solus Deus proprie, & simpliciter liberalis dicitur; quia omne aliud agens, ex sua actione, aliquod bonum appetit acquirere, nempe finem intentum, siquidem semper agit ex intentione alicuius finis acquirendi; solus autem Deus non agit propter finem aliquem acquirendum, sed propter finem perfectissimè habitum, & possessum alijs communicandum: Solus ergo Deus dici debet proprie, & simpliciter liberalis. Iuxta illud Psalm. 103. *Aperiente te manam tuam omnia implebuntur bonitate.* Et illud Epist. Iacob. 11. *Quidat omnibus affluenter, & non improprie.* Demum, esse veracitatem in Deo, probat quia ut inquit Philos. 4. *Ethicor.* ad virtutem veracitatis per se spectat, ut quis talem se exhibeat in suis factis, & dictis, qualis est re ipsa: Sed hoc Deo maxime competit; quia omnia, quæ à Deo esse accipiunt similitudinem eius gerunt, & per omnia quæ facit, & dicit, se ipsum manifestat, quia in quantum sunt, manifestant ipsius essentiam, in quantum bona sanæ eius bonitatem, & secundum suas quidditates manifestant rationes in divino intellectu existentes: Ergo in Deo est maxime veracitas. Iuxta illud Apost. ad Rom. 3. *Est autem Deus verax.* &c. Et illud Psalm. 118. *Omnes viæ tuæ veritas.*

9 His suppositis, & ex D. Thom. 1. contra Gent. cap. 93. & 94. ferè ad litteram traductis, maior restat difficultas de virtute iustitiæ, & misericordie. Quantum autem ad iustitiam in primis etiam supponendum est, in Deo dari verè, & proprie iustitiam, abstrahendo ab speciebus illius. Ad probat D. Thom. ubi suprà, quia cum Deus vult aliquid, vult ea, quæ requiruntur ad id ipsum eiusque perfectionem: Sed quod requiritur ad perfectionem alicuius est ei debitum: Ergo dum Deus vult aliquid, vult quod est ei debitum: Sed munus proprium iustitiæ est velle unicuique quod sibi debetur, definitur enim iustitia, voluntas ius suum unicuique tribuendi: Ergo in Deo est proprie iustitia. Idque adeo certum est, ut merito dixerit August. lib. 1. de lib. arb. cap. 1. *Deum iustum negare, sacrilegum esse, & dementiae de eius iustitia dubitare.* Et Tertulianus lib. 2. contra Marcionem, cap. 12. sic: *A primordio creatura tam bonus, quam iustus, pariter utrumque, Deus processit. Bonitas eius operata est mundum, iustitia modulata est. Iustitia opus est, quod inter lucem, & tenebras separatio pronuntiata est, inter diem, & noctem, inter caelum, & terram, inter*

*aquam superiorem, & inferiorem, inter maris caelum, & aride molem, inter luminaria maiora, & minora, diurna atque nocturna, omnia et bonitas concepit, iustitia distribuit.* Vbi merito Tertulianus, iustitiæ adscribit munus illud distinguendi res, easque suis proprijs locis, & temporibus aptandi secundum determinatas earum mensuras, & proportionones, iuxta illud: *Omnia fecisti in numero, pondere, & mensura.* Et ideo inquit, quod *iustitia modulavit*, quia sicut modulatio musicæ consistit in debita situatione, & ordinatione vocum, singulas suis locis, secundum cuiusque ad reliquas proportionem, aptando, ut inde resultat concentus delectans auditum; quod fit librando quodammodo ipsarum vocum quantitates, & mensuras, ac numeros; ideoque est quidam equitas, & iustitia; ita Deus in universi-creatione iustitia sua, & iudicio iusto omnia libravit in numero pondere, & mensura, distinguitque, & aptavit singula suis quæque locis, & temporibus secundum cuiusque proportionem ad reliqua, & ad totum univèrsu, ut inde concentus quidam mirabilis resuleret; & quia hoc fecit librando omnia inter se, & cum univèrso in numero, pondere, & mensura, ideo merito hanc modulationem iustitiæ esse dixit, quam Deus à primordio creaturæ in omnibus suis operibus manifestavit, iuxta illud Psalm. *Iustus Dominus in omnibus vijs suis.* Sed hoc patet iustitia generalissimè dicitur.

10 Descendendo tamen ad illam magis proprie acceptam, ponit à Iuristis definitur, *constans, & perpetua voluntas ius suum unicuique tribuendi*, in tres potissimè dividitur species, nempe in legalem, distributivam, & commutativam. Cuius divisionis hæc ratio est; quia nempe iustitia semper est ad alterum: Comparatio autem unius ad alterum triplex esse potest, nempe vel partis ad totum, vel totius ad partem, vel partis ad partem: Si comparetur pars ad totum est iustitia legalis, quod pars debite correspondeat toti; si comparetur totum ad partes est iustitia distributiva; si nempe totum debite distribuat partibus, vel distribuat in partes; si denique comparatio fiat partis ad partem, est iustitia commutativa, si partes iuxta debitum mutuo sibi correspondant: Ergo iustitia merito dividitur in legalem, distributivam, & commutativam.

11 Circa iustitiam autem legalem supponendum etiam est, illam aliter esse in partibus relative ad totum, aliter in Principe gerente curam totius relative ad partes; in partibus enim est derivativè, & secundariò, quasi in subditis, & obligatis; in Principe autem est architectonicè, quasi in Legislatore condente leges pro bono totius, quia bus partes debeant correspondere. Est igitur in Deo iustitia legalis primo modo, nempe architectonicè tanquam in supremo omnium Principe, Rege Regum, & domino dominantium,

primoque Legislatore, in creaturis autem derivativè ab ipso tanquam in subditis, qui Dei legibus debite correspondere debeant.

De iustitia autem distributiva, & commutativa est tota difficultas, nam inter Theologos, aliqui sentiunt, neutram esse in Deo propriè, & formaliter, sed solum in eo esse eminentè; alij utramque esse in Deo propriè, & formaliter; alij denique distributivam esse formaliter in Deo, commutativam tamen non nisi eminentè. Vt igitur nostram sententiam explicare possim.

### PRIMA CONCLUSIO.

12 **D**ico primò: In Deo datur propriè, & formaliter iustitia distributiva. Ita D. I. non. & communiter Thomistæ, & plures ex extraneis contra Vasquez, Lessium, Sanchez, Arnubal, & alios. Et probatur primò ex D. Thom. in hac 1. part. quaest. 2. artic. 1. in corp. ubi sic ait: *Iustitia convenit Deo secundum tres actus. Primò quidem secundum hoc quod est distributiva.* Et ibid. *Attribuitur ei distributiva iustitia, quæ non observat æqualitatem quantitatis, ut æqualia omnibus det, sed æqualitatem proportionis, ut det unicuique secundum quod proprium est.* Nam sicut ordo congruus familiæ demonstrat huiusmodi iustitiam in gubernante; ita ordo universi, qui apparet, tam in rebus naturalibus, quam in rebus voluntariis, demonstrat Dei iustitiam, in quantum (ut ait artic. 3.) *perfectiões dantur à Deo creaturis secundum earum proportionem.* Id ipsum testatur in 4. distinct. 46. quaest. 1. artic. 1. quaestione. 1. ubi sic ait: *Ratio distributivæ iustitiæ Deo propriè convenire potest, in quantum scilicet æqualitatem proportionis servat in communicatione bonorum suorum, datur unicuique proportionaliter secundum modum suum.*

13 Deinde probatur ratione, quia Deus distribuit præmia iustis pro bonis operibus ex vera, & stricta iustitia: Sed hæc ad minus est iustitia distributiva: Ergo in Deo datur vera, & stricta iustitia distributiva. Probatur maior, quam solam negant contrarij, primò ex illo Apost. 2. ad Timoth. 4. dicentis: *Superst mibi corona iustitiæ, quam reddet mibi Dominus iustus iudex:* Sed illud quod redditur à Deo ut iusto iudice tanquam corona iustitiæ, datur ex propria, & stricta iustitia: Ergo.

14 Dices, Apostolum vsurpare iustitiam communiter pro fidelitate, quæ est pars potentialis iustitiæ, non vero pro stricta iustitia. Sed contra est, quia huiusmodi expositio aliena est ab ipso textu, & quammaximè violenta, tum quia quod quis accipit ab alio ex sola promissione, & fidelitate, corona iustitiæ minimè dici potest, ut per se patet; tum quia quod quis dat,

quia promissum ex fidelitate, non reddit illud ut iustus iudex, sed ad summum ut fidelis, & verax: Ergo Apostolus intelligi nequit, nisi de iustitia formaliter tali. Secundo, quia quod quis dat solum ex fidelitate, ex quo illud negaret, foret quidem infidelis in promissis, sed non iniustus: Sed si Deus negaret iustis præmia illis debita, non solum infidelis, sed iniustus esset, iuxta illud Apost. ad Hebræos 6. *Non enim iniustus est Deus, ut obli viscat operis vestri, ubi satis minuit, quod foret iniustus, si ea non remuneraret.* Et Augustinus, contra Iulian. cap. 3. *Deus ipse, quod absit, erit iniustus, si ad eius Regnum verus non admittatur iustus.* Et lib. de Natura, & Gratia, cap. 22. *Non est iniustus Deus, ut iustus fraudet mercede sua:* Ergo ex stricta iustitia eorum opera remunerat. Denique probatur conclusio, quia iustitia distributiva ex suo conceptu, & ratione formalis nullam importat imperfectionem, ut ex solutione argumentorum constabit: Sed eo ipso debet admitti in Deo, quia solum debet removeri ab eo iustitia eo quod importet aliquam imperfectionem: Ergo in Deo datur iustitia distributiva propriè, seu secundum suam rationem formalem.

### SECUNDA CONCLUSIO.

15 **D**ico secundo: In Deo propriè, & formaliter datur iustitia vindicativa. Probatur, quia de ratione iustitiæ universali, scilicet distributivæ, non solum est distribuere præmia bonis operibus correspondentia, sed etiam poenas malis secundum eorum demerita: Sed in Deo datur iustitia universaliter distributiva propriè talis: Ergo & iustitia distribuens poenas malis secundum eorum demerita: Sed hæc est formaliter iustitia vindicativa: Ergo. Confirmatur, quia Deus est perfectissimè remunerator: Sed ad perfectum remuneratorem non minus requiritur iustitia remunerans merita præmij, quam iustitia remunerans demerita poenis: Ergo in Deo non minus est ista, quam illa iustitia: Sed iustitia remunerans demerita poenis est iustitia vindicativa: Ergo in Deo est iustitia perfectè vindicativa. Vnde Bernard. lib. 5. de Considerat. ait: *Deus non minus est poena perversorum, quam humilium gloria.* Confirmatur, quia iustitia vindicativa ex suo conceptu maximam dicit perfectionem, & nullam imperfectionem: Ergo in Deo est admittenda. Probatur antecedens, quia in primis maximam dicit perfectionem, nempe instaurare ordinem iustitiæ violatum per peccatum: Hoc enim maxime bonum est, & conduens ad pulchritudinem universi, ut qui contra rationem, & iustitiam se ipsum per superbiam exaltavit supra ceteros, per poenam debite humilietur infra ceteros; & qui Deo ipsi injuriam irrogavit, poenam tan-

tantæ debitæ iniuriæ subleuatur; & quantum turpius se gloriavit in delicijs suis, tantum detur illi tormenti. & lætus, ut dicitur Apocalips. 18. Itemque quod nullum peccatum maneat impunitum in vniuerso, si non voluntariè per poenitentiam, saltem violentè per iustitiam: Sed hoc totum præstat Deus per iustitiam vindictivam: Ergo hæc magnam importat perfectionem. Quod vero nullam importet imperfectionem, constabit ex solutione argumentorum.

### TERTIA CONCLUSIO.

16 **D**ico tertio: *In Deo non datur proprietas, & formaliter iustitia commutativa erga puras creaturas.* Dicimus, erga puras creaturas, quia an ex propria iustitia commutativa acceptaverit satisfactionem Christi Domini pro peccatis nostris, controversia est maioris momenti, quæ spectat ad 3. part. D. Thom. Nostri autem conclusio est D. Thom. & plurium Theologorum contra Suarez, Granados, & alios. Et probatur primò ex D. Thom. in præsent. quæst. 21. art. 1. in corp. Vbi sic ait: *Communitiva enim iustitia in Deo locum non habet, sicut est in venditoribus, & emptoribus, quia ut dicitur ad Rom. 11. Quis prior dedit illi, & retribuetur ei. Sed attribuitur ei distributiva iustitia, &c.* Et 1. contra Gent. cap. 93. sic ait: *Similiter autem iustitia, quantum ad commutationis actum Deo competere non potest, cum ipse à nullo aliquid accipiat.* Unde ad Rom. 11. *Quis prior dedit illi, & retribuetur ei.* Et Job 41. *Quis ante dedit mihi, ut reddam ei.* Per similitudinem autem aliqua Deo dare dicimus, in quantum Deus nostra data acceptat; non igitur sibi competit commutativa iustitia, sed solum distributiva. Ex in 4. disp. 46. quæst. 1. art. 1. sic ait: *Iustitia commutativa, per quam æqualitas constituitur inter Deum dantem, & creaturam recipientem, Deo competere non potest secundum propriam acceptionem.* Est igitur clara in hoc mens D. Thom.

17 Deinde probatur rationibus ex ipso desumptis. Prima sit; quia de conceptu iustitiæ commutativæ est exerceri inter datum, & acceptum constituendo æqualitatem: Sed Deus nihil potest propriè accipere à creaturis, nec creaturæ possunt propriè aliquid illi dare: Ergo Dei ad creaturas non est iustitia commutativa propriè talis. Minor constat primò ex testimonijs Sacr. Scripturæ allegatis à D. Thom. Secundò, quia nihil uos habemus, quod non sit datum ab ipso Deo, magisque ipsius, quam nostrum; & magis sub Dei dominio, quam sub nostro: Sed nemo alteri propriè dare potest, quod ab illo habet, & quod magis est illius, quam sui: Ergo nihil creaturæ Deo dare possumus propriè loquendo.

18. Respondet Suarez, quod quamvis

actiones nostræ sint sub Dei supremo dominio, nihilominus nos habemus particulare dominium illarum, vicuius sunt nobis propriæ, & illas hoc pacto Deo dare possumus, & offerre. Sed contra est, quia nostrum particulare dominium est participatio domini universalis Dei, unde per prius sunt sub dominio Dei, quam sub nostro: Sed eo ipso eas Deo propriè dare non possumus: Ergo. Probo minorem, quia dare aliquid alteri est illud in eius dominium transferre, & ipsius facere proprium: Sed hoc repugnat, si per prius sunt Dei propriæ, nostræ actiones, & sub eius dominio, & in nostro tantum per participationem ex ipso Dei dominio: Ergo. Confirmatur: Quia implicat aliquem dare aliquid alteri, aut illud transferre in dominium ipsius, nisi addendo illi aliquod novum dominium in rem datam, quod alias non haberet: Sed implicat creaturam addere Deo aliquod dominium supra suas actiones, quod alias non habet: Ergo & dare illi proprias actiones, aut illas in Dei dominium transferre. Probatur minor, quia si creatura aliquod dominium posset in Deum transferre, & illi addere, maxime dominium particulare elicitive propriarum actionum: Sed hoc non potest Deo addere, quia hoc ipsum particulare dominium habet creatura participatum à Deo, & consequenter hoc ipsum dominium in Deo præexistit eminentiori modo, aliàs ab eo participari non posset; & aliàs Deo dari non potest, nec ipse ab alio accipere, quod in se præhabet eminenter: Ergo creatura nullum dominium suarum actionem in Deum transferre potest. Et urgetur, quia cum aliquid Deo offerimus, & affectivè damus, non solum datum, seu oblatum, sed ipsummet offerre, & dare ab ipso est, & suum est per prius, quam nostrum, donecque ipsius in fieri, esse, & conservari: Ergo nihil facimus suum vilo modo, quod suum non sit illo, vel eminentiori modo: Nihil ergo te ipsa Deo damus, nec ipse à nobis accipit. Et hæc est medulla illius Apostolici textus, *Quis prior dedit illi, & retribuetur ei?*

19 Secunda ratio est, quia iustitia commutativa importat debitum, & obligationem in redente, & compensante datum, fundatum in iure dantis adversus ipsum recipientem: Sed Deus non potest obligari ex iure alterius, nec ex dato sibi ab altero, nec esse alteri debitor, aut debens: Ergo nec in eo datur stricta iustitia commutativa. Maior patet, nam qui alteri dat non obligatus ab ipso, nec ex dato ipsius, nec illi debens aliquid, non exercet actum iustitiæ commutativæ, ut per se patet. Minor non minus est certa, quia ille, qui obligatur ex iure alterius, quodammodo subijcitur iuri ipsius, ipsique ut creditori: Creditor enim in debitorem aliquid ius, dominium, & superioritatem habet: Sed Deus subijci nequit iuri alterius, nec alteri, ut debitor creditori: Ergo nec obli-

obligari ex iure alterius, nec ex dato illius, nec esse debitor, aut debens. Confirmatur: Quia iuxta Th. Thom. 2.2. quæst. 80. artic. 1. Dupliciter aliqua virtus à ratione iustitiæ commutative deficit: *uno modo in quantum deficit à ratione equalis, alio modo in quantum deficit à ratione debiti.* Unde ex primo capite deficit à ratione iustitiæ in nobis religio, & poenitentia, quia licet reddant ex rigoroso debito Deo cultum, & satisfactionem, non tamen ad æqualitatem; ex secundo capite gratitudo, fidelitas, & amicitia deficient à ratione strictæ iustitiæ, quia licet reddant interdu æquale, non tamen ex proprio, & stricto debito contracta ex iure alterius: Sed dato, quod Deus reddat æquale meritis nostris, & operibus, non reddit ex debito proprio: Ergo nec ex propria iustitia commutativa. Probatur minor ex eodem D. Th. in præf. art. 1. ad 3. sic aiente: *Deus non est debitor, quia ipse ad alia non ordinatur, sed potius alia ad ipsum.* Et 1.2. q. 114. art. 1. ad 3. sic etiã ait: *Ex quo Deus aliquid nostris operibus promissit, non sequitur, quod Deus effectuat, ut simpliciter debitor nobis, sed sibi ipsi, in quantum debitum est ut sua ordinatio impleatur.* Cõstat etiã ex illo Auguſt. *Reddit debita nulli debens:* Ergo Deus non reddit ex debito propriæ tali.

#### SOLVUNTUR OBIECTA.

20 **O**bjicies primò, probando dari in Deo iustitiam commutativã strictẽ talem, ex Aug. de Gloria Paradysi in persona Dei sic loquentis: *Venale habeo. Quid Domine? Regnum Cælorum. Quo emitur? Paupertate Regnum, dolore gaudium, labore requies, vilitate gloria, morte vita.* Similia habent alij PP. Ergo inter Deum & nos intercedit emptio, & venditio: Sed hi sunt actus proprius strictæ iustitiæ commutativæ: Ergo inter Deum & nos intervenit vera, & propria iustitia commutativa. Confirmatur: Quod datur ex conventionẽ, & pacto oneroso, datur ex iustitia commutativa strictẽ talis: Sed Deus dat nobis Regnum Cælorum ex vera conventionẽ, & pacto oneroso, iuxta illud: *Conventionẽ autem factã cum operariis ex denario diurno misit eos in vineam suam.* Et rursus: *Nonne ex denario convenisti mecum, tolle quod tuum est, & vade:* Ergo Deus dat nobis Regnum Cælorum ex stricta iustitia commutativa. Vrgetur: Deus confert nobis Regnum Cælorum ex tali iustitia, quod si non conferreret, suppositis meritis, foret iniustus: Ergo quia violaret ius hominis ad Regnum Cælorum: Ergo homo ex meritis habet ius, ex quo Deus obligatur ad conferendum nobis Regnum Cælorum: Ergo illud confert ex stricta iustitia commutativa.

21 Respondeo ad primum cum D. Tho. in 2. dist. 27. q. 1. art. 3. aiente: *Iponiri quandoque*

*à Sanctis metaphorice dictum, quod bonis operibus Regnum Cælorum emitur, in quantum Deus accipit opera nostra, ut acceptans ea.* Illa ergo loquutio Auguſtini, & alie similes SS. PP. intelliguntur limitatè, & metaphoricè de emptione, & venditione improprie accepta, non de illa propriè sumpta, ac per consequens nec de iustitia commutativa propriè dicta. Ad confirmationem, distinguo maiorem: Si datur ex conventionẽ, & pacto oneroso propriè tali, id est, Deum ab extrinseco onerante, & obligante, concedo: Si datur ex conventionẽ, & pacto oneroso improprie tali, Deum que ab extrinseco non obligante, nego maiorem, & distinguo minorem eodẽ modo, negoque consequentiã, quia conventio illa, seu pactum in Parabola operatorum expressum solum per metaphoram significat in Deo esse pactum, & conventionem, non propriè talem, sed improprie, qualis est promissio Dei de Regno conferendo bonè operantibus usque in finem; quæ promissio pluribus capitibus deficit à proprietate pacti onerosi, & iustitiae conventionis. Primo, quia est de operibus, quæ independentè ab ea promissione Deo nulle titulis debentur, & iure posset ea ab homine exigere, tanquam sibi debita. Secundo, quia ea opera magis sunt Dei dona, quam hominis propria; magisque sub dominio Dei, quam sub nostro. Tertio, quia cõditio bonorum operum non ponitur in illa promissione, ut ab illis Deus obligetur tanquam à iure extrinseco, sed ut homo faciat sibi debitum regnum, non ut Deum faciat debitorem; quæ quidem tria sunt contra rationem iustitiae, & mutuae conventionis, & pacti strictè talis, quia nemo iuste paciscitur cum alio, propriè loquendo, de bonis sibi iam debitis, verèque suis, quæ iam supponunt plenè in eius dominio, & ex quibus nemo possit illum obligare, nec lundare ius adversus illum; eoque pactum initum domini cum suo mancipio esse non potest ex stricta iustitia, quia omnia quæ mancipium habere potest domini sui sunt, sub dominio eius, & ex quibus à servo ad nihil obligari potest, nec servus fundare ius adversus dominum suum: Illa ergo conventio solum est ex promissione Dei, aut ad summum ex iustitia distributiva, ex qua Deus vult, & promittit distribuere, seu dare Regnum Cælorum bonè operantibus, & non alijs, obligando se ipsum gratuito ex propria voluntate, & ex propria lege vnicè, & non ex aliquo iure extrinseco, prout requiritur ad propriam conventionem, & pactum propriè iustum, & onerosum.

22 Ad vrgentiam, distinguo antecedens: Ex tali iustitia, quod si non conferreret, foret iniustus ex violatione iuris extrinseci adversus ipsum, aut iniustitia contraria iustitiæ commutativæ, nego: Ex violatione legis iustitiæ distributivæ secundum quam ipse disposuit conferre præmia, cõcedo.

do antecedens, & nego consequentiam, quia supposita lege iustitiæ distributiue secundum quam Deus disposuit, & ordinavit conferre præmia bene operantibus proportionaliter, ex hac Dei lege, quæ non ab extrinseco iure, sed ex ipso est, Deus taliter obligatur, quod si in sensu cõposito illius negaret mercedem, iniustus esset, non ex violato iure creaturæ adversus ipsum, à quo eius intrinseca iustitia dependeat, aut cui se debeat conformare, ut iustus sit; sed ex violato iure intrinseco legis suæ iustitiæ de retributione præmiorum, quæ lex iusta est, non ex iure aliquo extrinseco, cui conformetur, ut in legibus humanis contingit, sed ex sua bonitate, cui concedens est proportionaliter remunerare dona sua, iuxta illud Augustini: *Deus, dum coronat merita nostra, coronat dona sua*, & illud, *voluit esse merita nostra, quæ sunt dona sua*, quod non ita ordinavit ex iure aliquo nostro, aut nostrorum operum, sed ex bonitate sua, & quia suæ bonitati concedens erat remunerare dona sua, id est, opera bona gratuito donata vobis ab ipso ut essent nostra elicitivè; nam sicut danti formæ concedens est dare consequentia ad formam, ita Deo danti gratuito bona opera concedens erat dare præmia illis correspondentia, & quæ ornare, & coronare, sicut danti gemmam concedens est dare illam decenter ornatum secundum magnificentiam dantis.

23 Sed inde obijcies contra primam conclusionem, quia ex hac doctrina sequitur, Deum non conferre præmia ex stricta iustitia distributiva. Primò, quia quod Deus dat ex condecencia suæ bonitatis, & quia suam bonitatem sic decet, non ex iustitia adque distributiva, sed ex liberalitate potius dat: Sed per nos Deus coronat merita nostra, quæ sunt dona sua, ex condecencia suæ bonitatis: Ergo non ex iustitia distributiva, sed ex liberalitate tantum ea coronat. Secundò, quia iustitia distributiva, non minus supponit debitum, quam iustitia commutativa, cum etiam distributiva sit species strictæ iustitiæ, & omnis iustitia strictè talis strictum debitum supponat: Sed ex defectu debiti iustitia in Deo deficit à ratione iustitiæ commutativæ strictæ talis: Ergo etiam distributiva deficit à ratione iustitiæ strictè talis.

24 Respondeo, negando sequelam. Ad probationem, distinguo maiorem: Quod Deus dat, in quantum dat ex condecencia suæ bonitatis ut absolute communicabilis sine spe proprii commodi, concedo: Quod dat, in quantum dat ex speciali condecencia suæ bonitatis ut proportionaliter, & cum equitate communicabilis, nego maiorem, & distincta minori eodem modo, nego consequentiam. Itaque faremur, Deum nihil creatoris suis dare, aut communicare, nisi ex bonitate sua motus, & ex eo, quod suæ bonitati cõdecens est se communicare, ceterum suæ bonitati nedum cõvenit se communicare absolute, & non servata proportionem.

vnus dati ad aliud datum: sed multo magis se communicare cum certis proportionibus, & æquitate in ipsis datis, & donis servando; has autem proportionem ipse sua sapientia dicat, constituit, & distinguit; & hoc dictamen, & constitutio est lex iustitiæ, quæ penes ipsam divinam bonitatem ut proportionaliter communicabilem à Deo concipitur, non penes ius aliquod extrinsecum, aut extra Deum, ex quo illa lex iustificetur, aut mensuretur, cum ipsa potius sit mensura omnis iustitiæ & omnis iustitiæ proportionis, & mensura, iuxta illud Augustini, *de Genesi ad Litteram, cap. 22. dicentis: A Deo est omnis mensurarum modus, comparilitas numerorum, & omnis ordo ponderum*. In quantum igitur Deus dat suis creaturis dona, & perfectiones absolute, ex generali condecencia, suæ bonitatis, ut absolute communis, vel non attendendo proportionem in datis, vel præcisivè ab eis proportionibus, dat ex mera liberalitate; in quantum autem dat ex speciali condecencia suæ bonitatis ut communicabilis proportionaliter secundum proportionem, & æquitates lege iustitiæ ab ipso dispositas, ordinatas, & constitutas, dat ex iustitia, seu cū iustitia, & æquitate; quia licet semper det ex condecencia suæ bonitatis, five ex sua bonitate motus, & nunquam ex aliquo iure extrinseco obligatus, tamen in quantum dat ex hac speciali condecencia, & secundum proportionem ab ipso statutas, & proximè, & formaliter ex lege iustitiæ ab ipso statuta, & ordinata. Quæ doctrina est Div. Thom. *hic quæst. 21. artic. 3. in corpore*.

25 Ex quo ad secundam, distinguo maiorem: Iustitia distributiva non minus supponit debitum, quam commutativa, & eodem modo, nego: Et diverso modo, concedo maiorem, & minorem, & nego consequentiam; quia inter iustitiam distributivam, & commutativam est ingens disparitas, consistens in eo, quod iustitia distributiva cum sit totius ad partes, seu durantis de bono communi distribuendo in partes, ex se est superioris ad inferiores, & ideo non petit, quod superior distribuens bona communia subficiatur eis, quibus illa distribuit, aut iuri illorum, sed nec bonum totius subordinatur bono partium; imò, nec quod dans, & recipiens ex æquo subficiantur alicui legi: sed superior iuste distributus bona communia solum observare debet debitum boni communis, & ius illius distribuendi cum proportionem, & æquitate, cui soli subficiuntur; quod si ipse superior sit ipsum bonum commune distribuendum, & participandum inferioribus, ipse iam sibi erit lex, & iam nulli iuri extrinseco subdetur, sed solum iuri suæ propriæ bonitatis communicandæ proportionaliter inferioribus; & sic se habet Deus erga creaturas, quia ipsemet est ipsum bonum distribuens, & participandus suis creaturis, ipse sibi lex in proportionibus distinguendis, & statuendis, & mensurandis.

vide potest exercere iustitiam proprie distributivam, quin alieno iuri subijciatur, aut legi, sed solum iuri suae proprietatis bonitatis secundum legem à se ipso statutam ex sola attentione ad ius suae bonitatis vt proportionaliter communicabilis. Attamen, iustitia commutativa ex propria ratione, cum sit partis ad partem, constituitur quando aequalitatem inter dantem, & reddentem, ex ipsoque mutuo conexio subijciuntur ex eoque communi legi, unde si superior velit cum inferiori ex commutativa iustitia commerciarum, contrahere, aut pactum inire, eo ipso in eo pacto cedit superioritati, & aquantur sub communi lege iustitiae, mutuoque alter alteri obligatur, alterque habet ius, & actionem in alterum; unde opus est, quod quilibet iuri extrinseco subijciatur, necum in quantum subijci debet quisque iuri alterius, sed uterque ex aequo legi communi iustitiae, utrique ab altero superiori imposita, neuter enim potest sibi ipse lex esse: Sequitur ergo, quod iustitia commutativa ex propria, & speciali ratione exigit debitum alteri in iure alterius fundatum, & lege extrinseca utrique communi constitutum: iustitia distributiva ex propria ratione solum exigit debitum in iure boni communis fundatum, & quando bonum commune est tam proprium superioris, vt ipse sit ipsum bonum commune, non exigit debitum in alieno iure fundatum, nec aliena lege constitutum, sed satis erit debitum in iure propriae bonitatis fundatum, & sua lege à se ipso constitutum, seu quod distributurus bonum commune, sibi ipse, qui bonum commune est, debitor sit, quod in Deo non repugnat.

22 Sed dicat: De ratione strictae iustitiae est, quod sit ad alterum: Ergo ad rationem strictae iustitiae requiritur debitum alteri, & non satis est, quod sit debitor sibi. Secundo: Rex, vel Princeps inique distribuens de bonis communibus plus minus merentibus, minusque plus merentibus, iniuriam facit, non solum bono communi, sed etiam ipsis inferioribus, quibus minus tribuit: Ergo iustitia distributiva supponit etiam debitum fundatum in iure inferiorum. Et confirmari potest, nam qui sic inique distribueret, teneretur ex iustitia rescire detrimentum eorum, qui minus debito accepissent: Ergo quia violavit ius illorum: Ergo iustitia distributiva supponit etiam ius in eis, quibus distribuit, & debitum in iure inferiorum fundatum. Respondeo ad primum, distinguendo antecessens: De ratione strictae iustitiae est, quod sit ad alterum vt ad terminum, & personam, cui aliquid dandum est, concedo: Ad alterum, vt cui dans debitor esse debeat, seu ad alterum vt fundantem ius adversus datorem, nego antecessens, & consequentiam; quia vt quis exerceat iustitiam distributivam, debet quidem illam exercere ad alterum, id est, alteri à se distribuendo bona communia, in quo & debet esse debitor al-

teri vt termino, & personae, cui debet dare, & hoc sufficit ad rationem strictae iustitiae; sed non opus est, quod sit debitor alteri vt creditori adversus ipsum, nec vt habenti ius, & actionem in ipsum, quia hoc solum requiritur ad rationem specialis iustitiae, nempe commutativae; ad distributivam autem satis est, quod distribuens sit debitor alteri, vt cui dare debet ex debito fundato in bono communi, vel in se ipso, quando ipse sit ipsum bonum commune.

23 Ad secundam, distinguo antecessens: Iniuriam facit ipsis, quibus minus tribuit, ipsis inquam absolute sumptis, & vt personis particularibus ratione ipsorum, nego antecessens: Ipsis correlative ad ceteros, & vt omnes sunt partes communis, concedo antecessens, & nego consequentiam. Et ad confirmationem, omisso antecessenti, distinguo consequens eodem modo. Itaque, Rex, vel Princeps creatus potest considerari, vel erga totam communitatem, quam regit; vel erga partes illius. Erga totam communitatem non exercet iustitiam distributivam, sed commutativam, quia quidquid Rex, vel Princeps vt talis possidet, vel regit est proprium totius communis, & totum illi debet, & est quaedam aequalitas ipsius ad totam communitatem, & totius communis ad ipsum, vt sicut ipse habet ius in tota communitate vt ipsum in dignitate conservet, ita tota communis habet ius in ipsum vt ipsam in eam gratiam, & incolumen servet; & hoc pactum, vel explicitum, vel implicitum in Regis, vel Principis creatione est ex iustitia commutativa, non distributiva: Iustitia ergo distributivam solum exercet in subditos, qui sunt partes communis: Si ergo inique distribuat, & non servata proportione, non violat ius illius, cui minus debito distribuit, illius inquam absolute sumptis, & in particulari, seu vt talis persona est, quia ipse sic consideratus nullius ius adversus Principem, aut Regem habet, nec cum illo intelligitur pactum in creatione Regis initum; violat tamen ius illius vt pars est totius communis, quatenus ius totius communis vt bona communia proportionaliter distribuuntur, est etiam ius partium collectivè sumptarum, vt proportionem debitam conservent in toto, ne totum destruat, & ideo malè distribuendo iniuriam facit, non personis particularibus ex iure tantum, sed illis proportionaliter comparatis cum ceteris ex iure totius, seu in tota communitate residente per se primo.

24 Ex quo vtiliter inferitur, quanta distantia sit inter iustitiam distributivam Dei, & Regis, vel Principis creati. Quia nempe iustitia Regis, vel Principis creati per prius est quodammodo commutativa erga totam communitatem, quam regit, eo quod ab ipsa tota quodammodo habet Regis dignitatem ex vi primae creationis; & ipse toti communitati obligatur, sicut tota

ipsi, cum quadam æqualitate; & subiunguntur comuni legi iustitiæ ab alio superiore constitutæ, nempe à Deo constituyente Reges, & Regna; at tamen Deus nihil omnino accipit à tota cõmunitate creaturarum, sed per suam essentiam est Rex, & Dominus dominantium, imò ipse per suã essentiam est bonum vniuersale, & commune omnium, per cuius participationem tota cõmunitas creaturarum dicitur bona, & partes eius. Vnde nec tota cõmunitas creaturarum ratione sui, nec partes ratione illius habent aliquam actionem, aut ius in ipsum Deum, nec in ipsum bonum commune, & vniuersale, vbi cuius Deum obligare possint; sed Deus vnice ex iure suæ bonitatis, cui concedens est communicari proportionally cum quadam pietatitudine proportionum, & ex lege iustitiæ, hoc est, ex diuina sapientia dictante tales proportionem serandas, obligatur ad conferenda præmia sub conditione quod conferat merita, proportionando præmia meritis secundum legem iustitiæ, quæ est dictamen suæ sapientiæ.

25 Sed rursus replicabis: Iustitiæ distributivæ ad distinctionem commutativæ non attendit proportionem arithmeticam dati ad exigentiam, aut meritum recipientis, sed proportionem geometricam subditorum recipientium: Sed Deus in largiendis perfectionibus, aut præmijs attendit proportionem arithmeticam dati ad exigentiam, aut meritum recipientis, non autem proportionem geometricam vnius creaturæ recipientis ad aliam, vnde cum dat igni calorem, & aquæ frigus, homini discursum, animali sensum, &c. attendit exigentiæ naturali cuiusque, & similiter cum distribuit præmia, attendit proportionem præmiorum cum meritis, non vero proportionem geometricam vnius creaturæ ad aliam, nec vnius meritis cum alio: Ergo non ex iustitiæ distributivæ, sed potius ex commutativæ confert perfectiones cuiusque debitas, & præmia meritis.

26 Respondeo, concessa maiori, negando minorem, quia licet verum sit, quod Deus communicando rebus perfectiones ipsis debitas, & præmia meritis, attendat proportionem dati cum recipiente, seu cum exigentiæ, aut merito recipientis, non tamen absolute considerando creaturas recipientes, hoc est, vnam sine proportionem ad aliam, quasi ipsa sola esset, & non pars communis creaturarum, aut totius vniuersi, quo pacto fatemur, quod esset iustitiæ commutativæ; sed considerando creaturas proportionaliter vt partes totius, vt qualiter se habent in toto, ita participant de bono communi totius, quod ipse est. Vnde semper respicit duas proportionem, primò proportionem, quam habent in toto vniuerso, aut in cõmunitate creaturarum rationalium; secundò servata, & attendita hac proportionem, proportionem earum ad bonum commune partici-

pandum, seu ad perfectiones, aut præmia illis distribuenda, & ex hac duplici proportionem resultat proportionalitas, seu proportio geometrica, quam attendit iustitiæ distributivæ. Iuxta illud Matthæi 25. *Vni dedit quinque talenta, alij duo, alij vnum, unicuique secundum propriam virtutem.* Et huius ratio est, quia Deus communicando rebus suas perfectiones, & distribuendo præmia, aut pœnas, intendit potissimè pulcritudinem vniuersi, & armonicam ipsius consonantiam, per quam summa Dei bonitas, & pulchritudo maximè manifestatur; hæc autem non consistit in absoluta proportionem cuiusvis creaturæ ad perfectionem sibi debitam, sine proportionali cõparatione ad ceteras vt cõpartemur eidem vniuersi, imò perficundo ab ea proportionem, quam habent in vniuerso, nihil vbi creaturæ debetur, quia nihil debetur parti, nisi propter totum, vnde videmus, quod aquæ, dum imminet vacuum, quod foret malum vniuersi, non debetur descendere deorsum, sed potius connaturaliter ascendit sursum; sed potissimè consistit in diversis proportionibus, quibus creaturæ vt partes vniuersi comparatur ad ipsum vniuersum, vnde Platonici dixerunt, quod Deus mundum condidit Arithmetica, Geometria, & Musica, seruando scilicet proportionem arithmeticam, proportionalitatem geometricam, & consonantiam armonicam propriam Musicæ, quod compendiosius dixit Sac. Textus, illis verbis: *Omnia in numero, pondere, & mensura.*

27 Denique obijcies contra secundam conclusionem, quia dum Deus punit peccatores, non eos punit ex stricto debito: Sed vt vidimus ex D. Thom. virtus deficit à ratione strictæ iustitiæ in quantum deficit à ratione debiti: Ergo non eos punit ex stricta iustitiæ punitivæ, & consequenter nec in Deo datur hæc iustitiæ. Maior pater, quia Deus non ita punit peccatores, quod non possit eis remittere pœnam: Quod nullo debito obligatur ad pœnam eis infligendam: Ergo sine stricto debito eos punit. Respondet, quod de facto Deus nunquam remittit peccata sine plena satisfactione ipsi pro peccatis exhibitæ à Christo, quæ non exhibitæ, ex debito ea puniret. Sed quia posset ea absque satisfactione sibi exhibitæ remittere, propterea aliter respondeo, negando maiorem. Ad cuius probationem, concessio antecedenti, nego consequentiam, quia debitum iustitiæ punitivæ non importat, quod offensus ex illo ita obligetur ad vindictam, quod non possit iniuriæ sibi illatam condonare, sed satis est, quod ei, qui iniuriavit, stricto debito debeatur pœna æqualis iniuriæ; contra quod debitum non facit offensum, si ei liberaliter totam offensam condonet; licet faciat supra debitum, sicut illi cui debentur centum, (inquit D. Thom. art. 3. ad 2.) aliquis ducentos det de suo, non contra iustitiam facit, sed aliquid supra iustitiam liberaliter, vel misericorditer.



diter operatur, & similiter si aliquis offensam in se commissam remittat. Qui enim aliquid remittit, quodammodo donat illud, unde Apostolus remissionem donationem vocat, Ephes. 5. dicens: Donate invicem, sicut & Christus donavit vobis. Ex quo patet, quod misericordia non tollit iustitiam, sed est quædam iustitiæ plenitudo, unde dicitur Iacobi 2. Super exaltat misericordia iudicium, quatenus nempe loco pœne offensori debita donat illi aliquid maius, nempe iniuriam ipsam, five ius acquiritum ex iniuria contra ipsum. Quod quidem Deus maxime facere potest, quia ut inquit D. Thom. 2. 2. quest. 67. art. 2. Deum habet supremam potestatem iudicandi, & ad ipsum pertinet, quidquid contra aliquem peccatur. Et ideo liberum est ei penam remittere, præcipue cum peccato ex hoc maxime pœna debeat, quod est contra ipsum, non tamen remittit penam, nisi secundum quod decet suam bonitatem, que omnium legum est radix. Unde Anselmus in Prologo, cap. 10. sic ait: Cum punis malos, iustum est, quia eorum meritis convenit, & cum parcis malis, iustum est, quia bonitati concedens est, unde in Deo est non solum lex iustitiæ, sed etiam lex misericordiz, utraque in divina bonitate fundata; quia divinæ bonitati concedens est, & peccatores pro culpæ, & offensæ demerito punire, & etiam illis interdum iniuriam condonare, & ideo utramque legem fundat, & utriusque legis radix est, que omnium legum est radix, ut inquit Div. Thom. unde cum punit, iuste punit, secundum iustitiam strictam punitivam, quia punit ut decet bonitatem suam secundum ordinem, & legem iustitiæ; & cum parcit, iuste parcit, iustitia nempe legali, quia parcit ut decet bonitatem suam secundum legem, & dispositionem misericordiz.

#### VLTIMA CONCLUSIO.

28 Deo vitimò: In Deo datur misericordia maxime quoad effectum subveniens: aliena miseria. & quoad voluntatem huius effectus, non tamen quoad compansionis affectum. Ita Div. Thom. in præsent. Quod non detur, quantum ad compansionis affectum, probat Div. Thom. notando prius, quod misericors dicitur aliquis quasi habens miserum cor, quia scilicet afficitur per tristitiam ex miseria alterius, quasi esset propria. Et ex hoc sequitur quod oportet ad depellendam miseriā alterius, tanquam si esset propria: Igitur compati, & contristari de miseria alterius est compansionis affectus; operari autem ad illam depellendam vocat D. Thom. misericordiz effectum: Sed tristitia, aut compati de miseria alterius non competit Deo; repellere vero miseriā alterius maxime ei competit: Ergo misericordia non competit Deo quantum ad compansionis affectum, be-

nè vero quantum ad effectum sublevandi, vel repellendi miseriā alterius. Minor, quoad primā partem per se patet, quia Deus est incapax tristitiæ. Quoad secundam autem probatur, quia per miseriā intelligimus, quemcumque defectum: Sed Deo maxime competit depellere quemcumque defectum: Ergo & repellere miseriā alterius. Minor probatur, quia defectus non tolluntur, nisi per alicuius bonitatis perfectionem: Sed prima origo totius bonitatis Deus est: Ergo Deo maxime competit tollere, aut depellere quemcumque defectum.

29 Sed dices: Tollere defectus idem est, quod elargiri perfectiones, quibus illi defectus privantur: Sed elargiri perfectiones rebus pertinet ad liberalitatem, & bonitatem divinam: Ergo & tollere defectus aliorum: Ergo hoc non pertinet ad misericordiam. Respondet D. Thom. doctrina valde notanda, nempe, quod elargiri perfectiones rebus pertinet quidem, & ad divinam bonitatem, & ad iustitiam, & ad liberalitatem, & ad misericordiam: tamen secundum aliam, & aliam rationem. Communicatio enim perfectionum absolute considerata pertinet ad bonitatem; sed in quantum perfectiones à Deo dantur secundum earum proportionem, pertinet ad iustitiam ut dictum est supra; in quantum vero non attribuit rebus perfectiones propter utilitatem suam, sed solum propter suam bonitatem communicandam, pertinet ad liberalitatem; in quantum denique perfectiones date rebus à Deo omnem defectum expellunt, pertinet ad misericordiam.

30 Sed quærit, an in Deo detur propriè, & formaliter virtus misericordiz: Respondeo, hoc dependere ex assignando actu, in quo formaliter consistit virtus misericordiz, an videlicet in affectu contritionis, & compansionis de miseria alterius, an in voluntate sola eam miseriā sublevandi, & depellendi: Dico ergo, non in primò, sed in secundo consistere propriè, & formaliter misericordiz virtutem; ac proinde illam dari in Deo propriè, & formaliter. Ita communiter Theologi, & probatur, quia tristitia, aut compasio de miseria alterius solum præsupponit, & de materiali importatur in virtute misericordiz apud nos, non tamen formaliter, quia formaliter, & per se solum importat voluntatem, & affectum subveniendi, & sublevandi miseriā alterius: Sed licet in Deo non detur illa tristitia, aut compasio de miseria alterius, quæ sanè est motus partis sensitivæ, quæ longè est à Deo, datur tamen in ipso vera voluntas, & affectus sublevandi miseriā nostrā: Ergo datur in eo id, in quo formaliter consistit virtus misericordiz, & consequenter virtus misericordiz propriè talis. Maior patet, tum quia nulla virtus est per se, & formaliter circa malum, aut per modum fugæ, sed ad summum præsuppositivè, & de materiali, ut satis constat

ex dictis *quest.* 3. tum quia virtus misericordiz est proprie in voluntate, & affectus tristitiz, & compansionis est partis sensitivz proprius. Minor vero etiam parer, quia, ut ostensum manet, datur in Deo affectus sublevandi miseriam alienam Deo proprie, & potissimè conveniens: Sed implicat effectus Deo potissimè conveniens, quin ei proprie, & potissimè conveniat voluntas, & affectus de tali effectu, quia Deus nihil efficit, nisi per liberam voluntatem: Ergo in Deo datur proprie, & formaliter voluntas, & affectus sublevandi miseriam alienam, non quidem motus ex ipsa miseria aliena, quia ex illa moveri non posset, nisi per aliquam tristitiam, aut compansionem, sed motus ex honestate obiectiva talis sublevationis ut contenta in sua bonitate, seu ex sua bonitate, prout illi concedens est aliorum defectus tollere.

31 Ex dictis vtiliter colliges primò, quo pacto dantur in Deo virtutes morales, quia specificentur ex aliquo creato, sed solum ex bonitate divina, tanquam ex obiecto motivo, & primario terminativo. Constat enim ex dictis, quod divina bonitas continet omnes bonitates, & honestates obiectivas virtutum moralium, ut vidimus ex D. Thom. *num.* 3. & consequenter quod per se ipsam potest specificare omnem virtutem moralem Dei. Constat etiam, quod divina bonitas est radix omnium legum, quatenus illam decet communicari secundum ordinem, & legem propriam cuiusvis virtutis; v.g. quatenus illam decet communicari absolute, & esse sui diffusivam, est radix legis bonitatis, & specificat bonitatem, quæ est specialis virtus voluntatis; quatenus illam decet communicari sine spe propriæ vtilitatis, aut commodi ex sola abundantia bonitatis, est radix legis liberalitatis, & specificat, ac movet ad liberalitatem; & quatenus illam decet communicari cum pulchritudine proportionis, & proportionalitatis in datis, est radix iustitiz, & specificat virtutem iustitiz distributivæ in Deo; & quatenus illam decet ordinare inordinata per culpas, & peccata, & servare debitum ordinem in universo, iniuriasque sibi illatas recompensare debitis poenis, est radix legis iustitiz punitivæ, & specificat iustitiam punitivam; & quatenus illam decet etiam tollere defectus suarum creaturarum, & sublevare miseria illarum, & condonare iniurias sibi illatas, est radix legis misericordiz, & specificat virtutem misericordiz; & hoc quia per prius ab ipso Deo amatur in se ipsa, & propter se ipsam per divinum amorem necessariam, qui charitas est; ex hoc enim, quod Deus se ipsum, suamque bonitatem primario propter ipsam diligit, vult liberè, & secundario eodem ipso amore suam bonitatem, prout illam decet communicari ad extra eis modis, quibus divina sapientia dicit eam decenter communicari debere, quod dictamen divinæ sapientiz conformiter ad condecenciam divinæ bonitatis

dictans illam his, vel illis modis communicari, est in Deo pro lege omnium virtutum moralium. Indeque tandem concluditur, nullam dari in Deo virtutem moralem mensuratum, specificatam, aut obiectivè motam ex aliquo creato, aut extra Deum, quia nulla mensuratur, specificatur, aut movetur ex iure, debito, aut régula extra Deum, sed vnicè ex condecencia suæ bonitatis, ut ex mensura, secundum dictamen divinæ sapientiz ut secundum legem, & regulam soli divinæ bonitati commensuratum, non iuri, aut mensuræ extraneæ, aut extraneo motivo. Ex hæc dixerint in confirmationem eorum, quæ dicta manent *quest.* 3. de virtutibus moralibus.

32 Colligo secundò, rectissimè ab Ecclesia pronuntiari, quod Deo proprium est miseri fieri semper, & parcere, & quod omnipotentiam suam parcendo maximè, & miserando manifestat. Ratio primi est, quia ut inquit Bernardus *serm.* 5. de Natali Domini: *Miserendi causam, & originem sumit ex proprio, iudicandi vero, vel oleiscendi magis ex nostro,* quia licet ad vtrumque moveatur ex sua bonitate, effectus misericordiz non supponit debitum ex parte nostra, sed potius defectum oppositum bonitati divinæ, & quasi illi resistens; effectus tamen iustitiz punitivæ supponit debitum ex parte nostra, nempe culpam cui debetur poena; quæ culpa non à Deo, sed à nobis vnicè originem ducit. Ratio secundi est, quam assignat D. Thom. in *présent. quest.* 25. *artic.* 3. ad 3. dicens: *Quia per hoc ostenditur Deum habere summam potestatem, quod liberè peccata dimittit; eius enim, qui superioris lege astringitur, non est liberè peccata condonare. Vel quia parcendo hominibus, & miserando, perducit eos ad participationem infiniti boni, qui est ultimus effectus divine virtutis. Vel quia effectus divine misericordie est fundamentum omnium divinorum operum: Nihil enim debetur alicui, nisi propter id quod datum est ei à Deo non debitum; in hoc autem maximè divinis omnipotentia manifestatur, quod ad ipsum pertinet prima institutio bonorum.*

## QUESTIO VI.

### IN QVO CONSISTAT ACTVS liber divine voluntatis?

1 **C**ontroversia ista difficilissima est inter omnes theologicas, cuius difficultas sita est potissimè in conciliandis duabus veritatibus seorsim, nedom certissimis per fidem divinam, & per divinam revelationem, sed etiam lumine naturali evidencibus. Quarum prima est, quod Deus est omnino immutabilis, incapaxque additionis, aut detractionis, atque purissimus, ad nihil in potentia, sed per essentiam in actu completissimo inactuabili per vltiorem actualitatem quam

REFERUNTUR SENTENTIAE.

quam quidem veritatem, & lumine naturali demonstrant Metaphysici, & per Sacram Doctrinam revelatam credit Catholica Fides; ex illo Malachia 3. *Ego Dominus, & non mutor.* Et ex illo Epistolae Canonicae, Iacobi. 1. *Apud quem non est transmutatio, nec vicissitudinis obumbratio.* Secunda est, quod Deus liberum habet arbitrium, & dominium; quod quidem testatur etiam lumen ipsum naturale, cum nulla sit adeo barbara gens, aut ratio, quae numen superius non agnoscat, quod offendere timeat, & quod studeat placare offensum, à quo felicitatem deprecetur, & secundos eventus expectet; omnes item lumine ipso naturali agnoscimus Deum universi gubernatorem, providorem, & Dominum; quod quidem quid aliud est, quam libertatem eius, arbitrium, & dominium aperte protestari? Quae etiam nobis revelatur in Sacro Textu, dum dicitur, quod *operatur omnia secundum consilium voluntatis suae, quod omnia quaecumque voluit, fecit, quod sicut Domino placuit, ita factum est, quod elegit nos in ipso ante inundi constitutionem, quod cuius vult miseretur, & quem vult indurat, quod dividit singulis prout vult, &c.*

2 Licet autem utraque haec veritas seorsim, & fide divina certissima, & lumine naturali evidentissima sit, nihilominus utriusque concordia mysterium est adeo humanis ingenij inexplicabile, ut nullus unquam quantumvis ingenio pollens, plene intellectum proprium quietaverit, minusque alijs satisfecerit. Tota autem difficultas consistit in eo textu explicando: *Ego Dominus, & non mutor.* Si enim Dominus; ergo quod vult, potuit non velle, nam si quaecumque vult non potuit non velle, non liberè, sed necessario vult, quaecumque vult, & dominum non habet, sed necessitatem; si ergo Dominus est, potuit non velle, quae vult, aut potuit velle, quae non vult. Si autem hoc ita est, quo pacto addit, *& non mutor*, hoc est mutari non possum? nam sanè, qui potest non velle, quae vult, aut velle, quae non vult, potest aliter intrinsecè se habere, & consequenter mutari; siquidem velle est actus immanens volentis, illicque intrinsecus, non minus, quam intelligere, & videtur impossibile, quemquam posse non velle, quae vult, aut velle, quae non vult, quin possit habere velle, quod non habet, aut non habere velle, quod habet; & cum velle sit actus immanens, & intrinsecus, poterit habere actum immanentem, & intrinsecum, quem non habet, & non habere actum immanentem, & intrinsecum quem habet; poterit ergo aliter intrinsecè se habere: Ergo & mutari: Quo ergo pacto, & Dominus est, & mutabilis non est? Vt ergo pro posse nostro huius difficultati respondeamus, prius rejiciendae sunt sententiae, quae minus aptè difficultatem istam solvere nituntur, seu quae in extrema declinare videntur.

3 **I**gitur, ut hanc difficultatem solverent, in duas extremas vias aliqui Auctores declinaverunt. Quidam enim, ut Deus sine sui mutatione intrinsecè posset velle, quod non vult, aut non velle, quae vult, dixerunt, quod velle liberum Dei non est actio purè, & adaequatè Deo immanens, & intrinsecè, sed vel adaequatè, & formaliter consistere in actione transeunte, & extrinsecè ipsi Deo, quia effectus ad extra producit, ut dixerunt aliqui, apud Basilium Legionensem, *quaest. 6. Scholastica variarum disp. cap. 3.* vel solum in adaequatè per talem actionem Deo extrinsecam constitui, ut dixisse communiter referuntur Granados, ipse Basilus, Vazquez, Hericè, Alarcon, Arrubal, Izquierdo, & alij communiter apud RR. quorum aliqui videntur innuere, actionem illam transeuntem, & Deo extrinsecam, non in rectò, sed solum de connotato consistere velle liberum Dei. Hi omnes Auctores rectè sibi videntur salvare Dei immutabilitatem, quia vt deficere possit in Deo velle hoc, aut velle illud, & potuerit in eo existerè velle contrarium, satis videtur, quod potuerit desistere actio illa transiens Deo extrinsecè, quae adaequatè, vel inadaequatè velle liberum Dei constitui, quin aliquid intrinsecum potuerit Deo deficere, nec Deo aliter intrinsecè se habere. Verumtamen aegre conciliant, quod velle liberum Dei sit actio immanens, quod sit causa, & ratio à priori car omnia fiant, & alia, quae in fra eis obijciuntur.

4 Alij vero per oppositum salvare conantes, quod velle liberum Dei sit actus adaequatè immanens, & intrinsecus Deo, per nihil extrinsecum constitutum, dixerunt illud constitui per aliquid intrinsecum Deo intrinsecè in ipso contingens, & defectibile; variant tamen in assignando hoc prædicatum Deo intrinsecè, & defectibili; aliquenim dixerunt illud intrinsecum defectibile esse perfectionem intrinsecam extensivam ipsius voluntatis divinae, ratione distinctam à perfectione necessaria ipsius, defectibilem, & contingentem sub ratione perfectionis extensivae; quae sententia tribuitur Caietano; sed ab alijs censuris notatur, Molina enim eam parum in fide securam, & suas aures offendentem, Fonseca, parum tutam, Valentia, & Vazquez absurdum appellant; sed ab his censuris eam vindicare conatur in praesenti, & eius probabilitatem alij Recentiores suadet. Alij vero asserunt, illud intrinsecum defectibile, & contingens esse realitatem, aut entitatem modalem defectibilem sub ratione entitatis, aut realitatis modalis, sed non sub conceptu perfectionis; pro qua sententia refertur Salas, & Fonseca. Alij item dixerunt, velle liberum Dei intrinsecè, & formaliter in Deo potuisse deficere, sed absque

omni detrimento actualitatis ipsius, quia casu, quo deficeret *velle* existentiam Petri, v.gr. existeret in ipso Deo *nolle* ipsam, quod in actualitate, & perfectione tantum valet, quantum *velle*, & *velle* tantum, quantum *nolle*, vnde inquirunt, quodlibet possit deficere formaliter, sed necessario existere in Deo æquivalenter. Alij per oppositum, affirmant, quod *velle* liberum Dei potest deficere virtualiter, non tamen formaliter. Alij denique dixerunt illud defectibile, quo actus liber Dei constituitur, esse terminationem intrinsecam ipsius volitionis necessariz Dei ad creaturas, defectibilem tantummodo sub conceptu terminationis intrinsecæ, sed indefectibilem sub conceptu entitatis, actualitatis, aut perfectionis; & hæc sententia attribuitur Suario, & Araujo, estque plausibilior inter RR. tum Iesuitas, tum Thomistas, eam autem ingenio subelli, vt illi mos est, propugnat Illust. Godoy, in præfenti.

5 Inter has duas extremas vias videtur media, sententia antiquata, quæ tribuitur aliquibus Thomistis antiquioribus, & quam defendit Mareus de la Serra, nempe quod *velle* Dei liberum constituitur per actualitatem volitionis necessariz addito respectu rationis ad creaturas existentes. Quæ sententia, etiam tribuitur Patri Vazquez; non quidem malè animato pectore, vt conquiratur Alarcon, sed æquo iure, ac ipse Alarcon eam attribuit Capreolo, & Ferrariensi Principibus Thomistarum, vt ostendit Illust. Godoy in præfenti. Iustè, & modestia solita Alarconem redarguens, quod hanc sententiam, vt rationi dissona, & araneorum telis contextam, & Catholicorum naribus foetidam, suo Magistro Vazquio ad scribere, illi iniuriosum reputer, & malè animato pectori tribuat; & nihilominus eam ipse ad scribere non renuat Thomæ citatis, ingenio, antiquitate, doctrina, & eruditione præclaris, cum tamen eandem, quam P. Vazquez, expositionem admittant. Igitur, ea sententia duplicem sensum admittit, primum, quod actus liber Dei secundum esse, & re ipsa consistat in actualitate volitionis necessariz vt fundante respectum rationis illius ad creaturas vt existentes, aut futuras; secundum dici tamen, seu prout à nobis concipitur, importet formalem respectum rationis ad ipsas creaturas; eo quod à nobis aliter conceipi non potest, nec significari. Quo sensu vera est ea sententia, & minime araneorum telis contexta, nec rationi dissona, minusque Catholicorum naribus foetida; licet explicandum restet, quid sit illud, quo talem respectum fundat, aut per quod in esse volitionis liberæ à parte rei, seu in essendo constituitur. Secundus sensus est, quod respectus formalis rationis re ipsa, & in essendo constituitur intrinsecè volitionem liberam Dei in esse talis; & hoc sensu falsa quidem est; sed satis dubium an in hoc sensu, an in primo illam docuerint, tum Antiquiores Thomistæ, tum P. Vazquez. Igitur,

# REFELLUNTUR ALIQUÆ ex prædictis sententijs.

6 Deo primò: *Velle liberum Dei non constituitur re ipsa, seu in essendo per respectum rationis ad creaturas, nec respectus iste rationis conducit ad difficultatem ipsam explicandam.* Probatur, quia *velle liberum Dei* existit verè, & propriè ab æterno: Sed respectus rationis non existit verè ab æterno, quia ab æterno non existit intellectus creatus, à quo solum fieri potest respectus rationis: Ergo per illum non constituitur intrinsecè, seu in essendo actus Dei liber. Consequentia patet, quia non potest existere constitutum, quando non existunt omnia illius constitutiva. Explicatur: Deus ab æterno, verè, & realiter est actus volens liberè existentiam mundi, v.gr. Ergo ab æterno datur verè, & realiter quid, quid requiritur, vt Deus sit actus liberè volens existentiam mundi: Sed ab æterno non datur respectus formalis rationis: Ergo necessarius non est, vt Deus sit actus volens liberè existentiam mundi: Ergo *velle liberum Dei* eo non constat, nec constituitur. Dices forsàn, ab æterno dari respectum rationis volitionis divinæ ad creaturas, non quidem fictum ab intellectu creato, sed formarum ab intellectu divino, de quo non est improbabile in via D. Thom. quod faciat respectus rationis. Sed contra est, quia licet non improbabile, falsum tamen est, quod intellectus divinus efficiat respectus rationis, qui non verè fieri, sed tantum fingi possunt; cum intellectu divino essentialiter repugnet fingere suum obiectum. Secundò, quia vel intellectus divinus efficere illum respectum rationis necessarius, vel liberè, aut contingenter? Si necessarius, ille respectus esset necessarius ab æterno, & consequenter per illum non posset constitui *velle liberum* vt liberum. Si liberè, ergo quia liberè velleret: Ergo prius esset in Deo *velle liberum*, quam ille respectus rationis: Non ergo per illum intrinsecè constitueretur. Tertiò, quia vel Deus efficere illum respectum rationis cum fundamento, vel sine fundamento? Si hoc secundum: Ergo ille respectus rationis esset chimericus; quis autem dicat, per respectum rationis chimericum, & sine fundamento constitui Deum liberè volentem? Si cum fundamento: Vel fundamentum est quid necessarium, vel quid liberum? Si quid necessarium: Ergo non liberè, sed necessariò Deus illum respectum rationis formare, essetque necessarius. Si fundamentum esset liberum, non sanè aliud, quam *velle liberum Dei*: Ergo pro priò ad talem respectum rationis supponeretur pro fundamento *velle liberum Dei*: Non ergo per illum respectum constitueretur.

7 Ex quo patet secunda pars asserti; quia dato, quod actus liber Dei importet respectum

rationis ad volitum, ille respectus rationis debet supponere fundamentum reale, cur modo concipiatur velle Dei cum respectu rationis potius ad hunc modum volitum, quam ad alterum, nam si tali fundamentum opus non esset, posset quis modo facere, quod Deus vellet alterum mundi, concipiendo velle illius cum respectu rationis ad alterum mundum volitum, quod quis dicat? Requiritur ergo speciale fundamentum ut concipiatur velle Dei potius cum habitudine, aut respectu rationis ad hunc mundum volitum, quam ad alium mundum volitum: In quo ergo consistit fundamentum illud speciale? Sanè aliud responderi non potest, nisi quod consistit, in eo, quod Deus liberè voluit hunc mundum, & non alium: Ergo restat explicandum in quo consistat Deum voluisse liberè hunc mundum, & non alium: idque non explicatur per respectum rationis, sed potius supponitur, & non explicatur: Ergo ille respectus rationis ad id explicandum non conducit.

8 Dico secundò: *Actus Dei liber, seu velle liberum Dei non constituitur adequatè per actionem formaliter transeuntem, qua creatura producat.* Ira etiam communiter Theologi. Et patet, quia actio formaliter transiens non nisi improprie, & metaphysicè dici potest velle liberum; cum velle liberum, proprie loquendo, sit actio immanens voluntatis, vitalisque, & intrinseca illi: Sed Deus non purè metaphysicè, sed propriè, vitaliter, & immanenter vult creaturas existere, vt testantur innumeri Textus Sacrae Paginae, quos nullas inquam exposuisse in sensu improprio, & metaphorico: Ergo sic volens non constituitur per actionem formaliter transeuntem, & Deo extrinsecam. Secundò, quia Deus non agit, nec facit aliquid ad extra per actionem formaliter transeuntem, aut illi extrinsecam, sed solum per actionem formaliter immanentem, & intrinsecam, solumque virtualiter transeuntem, vt pluribus ostendimus *Tractat. de Provident. quaest. 9.* Ergo falsò supponit predicta sententia. Tertiò, quia data tali actione transeunte realiter à Deo distincta, illa existeret, quia Deus vellet eam existere, nihil enim extra Deum existit, nisi quia Deus liberè vult illud existere: Ergo pro priori naturè ad ipsam esset Deus volens liberè ipsam existere: Ergo non per illam, sed pro priori naturæ ad ipsam constitueretur liberè volens illam. Demum, quia Deus non incipit in tempore velle liberè hoc vel illud, sed ab æterno vult, quod vult: Sed ab æterno non datur actio Dei formaliter transiens, aut illi extrinseca: Ergo per illam non constituitur velle liberum Dei: Ergo.

9 Dico tertiò: *Nec inadèquatè constituitur Deus liberè volens per actionem formaliter transeuntem.* Probatur eiusdem rationibus, quibus præcedens assertum; quia liberum velle in Deo non est actio mixta ex immanenti formaliter, &

formaliter transeunte, sed solum formaliter immanens: Ergo nec inadèquatè constituitur per actionem formaliter transeuntem. Antecedens patet, quia est actio adequatè vitalis. Secundò, quia Deus ab æterno est liberè volens, ab æterno autem non datur actio formaliter transiens. Tertiò, quia in Deo nõ datur actio formaliter transiens. Quartò, quia actio formaliter transiens, si semel datur, ideo existit, quia Deus liberè voluit eam existere, seu eam exercere: Ergo pro priori ad illam intelligitur Deum liberè voluisse: Ergo Deum liberè voluisse non constituitur, adhuc inadèquatè, per actionem illam transeuntem. Explicatur, quia velle liberum Dei est causa realis imperans, & efficienter inferens illam actionem transeuntem: Ergo pro priori ad illam intelligitur velle liberum Dei adequatè constitutum.

10 Respondent Hericè, & alij, quod velle Dei potest intelligi, vel vt subsistens, & liberum sufficienter, & in actu primo: vel vt liberum efficaciter, & in actu secundo: Vt liberum sufficienter, & in actu primo, fatentur cõstrui adequatè per ipsam Dei voluntatem necessariam, & pro priori ad actionem transeuntem: Vt liberum autem in actu secundo, & efficaciter, dicunt cõstrui inadèquatè per illam actionem. Sed contra est, quia reddunt eadem argumenta, quia velle liberum Dei vt liberum in actu secundo, & efficaciter, est causa illius actionis transeuntis, ideo enim ea existit, quia Deus liberè vult efficaciter eam existere, nõ quia vult purè sufficienter, & quasi in actu primo: Ergo adhuc vt velle liberum efficax, & in actu secundo non constituitur inadèquatè per illam actionem. Vergetur: Velle liberum Dei est ab intrinseco liberum in actu secundo, & ab intrinseco efficax respectu obiecti, & non ab extrinseco: Ergo non potest aliquid extrinsecò, sed ab intrinseco adequatè constituitur liberum, & efficax in actu secundo. Antecedens probatur, quia velle liberum Dei nõ potest ab aliquo extrinseco, seu extra Deum emendicare actualitè, aut efficaciam, sed potius quicquid est extra Deum ortum ducit à velle libero Dei in actu secundo, & ab illius efficacia, nihil enim extra Deum existit, nisi quia Deus efficaciter, & in actu secundo vult illud existere: Ergo velle liberum Dei non est in actu secundo tale, nec efficax ab extrinseco, nec per aliquid extrinsecum, sed ab intrinseco, & per aliquid intrinsecum Deo.

11 Confirmatur primò ex illo Apost. ad Ephes. cap. 1. *Elegit nos in ipso ante mundi constitutionem.* Etenim huiusmodi electio est formaliter libera in actu secundo, & efficax ante mundi constitutionem: Sed ante mundi constitutionem non datur actio vlla formaliter transiens, nec aliquid Deo extrinsecum: Ergo ea electio libera in actu secundo, & efficax, non constituitur adhuc inadèquatè per aliquid Deo extrinsecò, nec per actionem formaliter transeuntem. Maior patet, quia in

primis electio illa ante mundi constitutionem est libera per modum actus secundi, implicat enim in terminis electio non libera in actu secundo; deinde est efficax, & non pure sufficiens, quia est prædeterminatio: Ergo. Explicatur: Velle Dei in actu primo, ut sufficiens volitio omnium volubilium, non est electio, cum non sit volitio horum determinatè potius, quam illorum, sed sufficiens volitio omnium communiter, & indifferenter: Ergo solum est electio horum potius, quam illorum in quantum est velle liberum in actu secundo, seu efficaciter horum potius, quam illorum: Sed ab æterno est electio, quia elegit nos Deus ante mundi constitutionem: Ergo ab æterno est velle liberum, & efficax in actu secundo, & non solum liberum, & sufficiens in actu primo.

12 Confirmatur secundò: Libertas divine voluntatis, tam in actu secundo, quam in actu primo est adæquatè increata, & non ex parte increata, & ex parte creata: Ergo est adæquatè intrinseca Deo & non partim intrinseca, & partim extrinseca: Ergo non constituitur adhuc inadæquatè per aliquid extrinsecum. Antecedens, in quo est difficultas probatur, primò, quia libertas divine voluntatis, adhuc in actu secundo debet esse proportionata divine voluntati: Sed volūtas divina est adæquatè divina, & increata, non partim divina, & partim creata: Ergo pariter libertas illius etiam in actu secundo. Secundò, quia divina voluntas est actus purus in linea volendi, tam liberè, quam necessariò: Sed de ratione actus puri in aliqua linea est identificare adæquatè omnem actualitatè de tali linea: Ergo divina voluntas identificat adæquatè omnem actualitatè volendi siue necessariò, siue liberè: Ergo & actum secundum volendi liberè: Ergo volitio libera in actu secundo est adæquatè identificata cum divina voluntate, & consequenter adæquatè increata. Hæc sunt præcipua fundamenta contra præfatà sententiā, quæ quisque contra evasiones excogitatas à contrariis facile virgare possit, eoque ab eis amplius vigiliis superfedeo.

#### ALLÆ SENTENTIÆ REFELLUNTUR.

13 **D**ico quartò: *Velle Dei liberum non constituitur per perfectionem intrinsecam, adhuc extensivam, superadditam volitioni necessariae, & intrinsecæ Deo deservibilem.* Ita cōmunit Theologi, licet aliqui RR. Iesuitæ hanc sententiā suscitare videantur, ut argumentis Thomistarum respondeant; ut videte est apud P. Herrera de *Volunt. Dei*. q. 7. n. 45. & 50. & 63. Et P. Emmanuel à Cœcep. *Disp.* 3. q. 7. d. n. 106. Eam tamen sic impugno, & conclusionem probo, quia Deo repugnat perfectio superaddita perfectioni illius essentiali, & necessariæ: Sed Deo non repugnat velle liberum: Ergo velle liberum Dei tali perfectione superaddita non constituitur. Proba-

tur maior, quia data tali perfectione, Deus per illi perficeretur cōtingenter, essetque magis perfectus cōtingenter, quam est perfectus necessariò, & essentialiter: Sed hoc Deo repugnat: Ergo & talis perfectio cōtingenter superaddita. Minor patet, quia Deus necessariò, & essentialiter est summè, & infinitè perfectus: Sed implicat contradictionem esse magis perfectum, quam summè, & infinitè: Ergo repugnat ipsum perfici cōtingenter, seu cōtingenter esse magis perfectum, quam est perfectus essentialiter, & necessariò. Explicatur: Perfectio necessaria Dei non potest cōtingenter, & liberè fieri maior, alias Deus posset liberè facere suā perfectionem maiorem, & se ipsum magis perfectum, quod absurdissimum est: Sed data illa perfectione intrinseca, quantumvis extensiva, cōtingenti tamen, & superaddita perfectioni essentiali, & necessariæ, Deus per illam liberè faceret suam perfectionem maiorem, & consequenter se ipsum magis perfectum, quia perfectio addita perfectioni facit maiorem perfectionem: Ergo.

14 Respondent RR. Iesuitæ (qui postquam aliqui e suis Caietani sententiam, licet ab alijs in bonum sensum expositā, parū in fide tutam, horribilem, & alijs censuræ notatam duxerant, eam in rigore suscitare conantur), quod data tali perfectione libera solum sequitur, Dei perfectione fore maiorem extensivè, Deumque magis perfectum extensivè, non intensivè, in quo nullum esse incoveniens, sicut nec in eo quod aggregatum ex Deo, & creaturis sit quid magis perfectum extensivè, quam solus Deus. Sed contra hanc solutionem militat, primò, quod diximus *supra* q. 3. d. n. 44. & 50. Secundò, quia pro maiori perfectione extensiva, vel intelligunt eandem perfectionem magis extensivam, vel ipsa maiorem perfectionem? hoc est, vel intelligunt augmentum in sola extensione eiusdem perfectionis, vel augmentum etiam in ipsa perfectione extensiva? Hoc secundum prorsus Deo repugnat, & absurdum est, quia absurdum est, Dei perfectionem posse liberè in perfectione augeri, & crescere intrinsece. Si primò, vel est sensus quod divina perfectio possit extendi extrinsece in effectibus ab extra, quibus cōmunicatur; vel quod possit esse magis extensa intrinsece? Primum non est ad rem, licet à nemine negetur. Secundum etiam est absurdum, quia perfectio divina intrinsece dilatari, aut restringi, extendi, aut cōprimi non potest, vel quia simpliciter infinita, vel quia infinitè simplex, & incapax extensionis maioris, aut minoris: Ergo quocunque modo explicetur maior perfectio intrinseca Deo, absurda manet. Ex quo patet, rationem à contrariis adductam de aggregato ex Deo, & creaturis, esse nullam, quia ut dicebamus *Disputat.* 3. *quæst.* 12. illud aggregatum non est quid magis perfectum, nec intensivè, nec extensivè augmento perfectionis, sed solum per maiorem divisionem, & multiplicationem eiusdem per-

perfectiōis in creaturis, quam quidem maiorem divisionem, & multiplicationem in Deo intrinsecè habere non potest.

15 Respondent secundò, eam perfectiōnem liberè additam perfectiōni necessariæ Dei esse in se perfectiōnem, sed non perficere Deum, nec cū reddere magis perfectum. Quod explicare conantur. Primò, in divinis relationibus, quæ iuxta aliquos sunt perfectiōnes relativæ, & Deum non perficiunt, nec magis perfectum reddunt. Secundò in vniūse hypostatica, quæ absq̃ dubio perfectiō est, & intrinsecè vnica verbo, quin tamen verbum ipsum perficiat. Sed contra est apertè, quia implicat perfectiō, quæ nullius sit perfectiō, nihilque formaliter perficiat, aut perfectum reddat. Talis esset perfectiō illa liberè superaddita perfectiōni necessariæ Dei, si Deum ipsum non perficeret, nec esset illius perfectiō: Ergo repugnat. Minor patet, quia si Deum non perficeret, nec esset illius formalis perfectiō, cuius, rogo, esset formalis perfectiō? Non sanè creaturarum, tum quia nulla creatura esset ab æterno, quam formaliter perficeret, & illa perfectiō libera esset ab æterno; tum quia nullam creaturam informaret, aut actuaret: Ergo si nec Dei esset formalis perfectiō, nullius esset formalis perfectiō, nec Dei, nec creaturæ: Non esset ergo formaliter perfectiō. Nisi velis, quod foret perfectiō solum sui ipsius per se subsistens; quod maius est absurdum, quia alias esset alter Deus, quia perfectiō per se subsistens essentialiter, & substantivè Deus est, vnde sicut esset perfectiō liberè addita perfectiōni necessariæ, esset Deus liberè additus Deo necessariò, quod quis dicat? Nec exempla in oppositum aliquis sunt morienti. Non primum, nam qui relationes dicunt esse perfectiōnes superadditas essentia, faterentur, Deum illis perfecti in linea relativa, esseque Dei perfectiōnes, quibus Deus magis perfectus est, quam sine illis. Præterquam, quod maior difficultas est, in eo, quod perfectiō absoluta habentem illam non perficiat, quam in eo quod perfectiō relativa non perficiat habentem. Nec secundum exemplum est ad rem, quia vniò hypostatica, licet non sit perfectiō verbi divini terminantis illam, est tamen formalis perfectiō humanitatis, in qua subiectatur; at tamen si perfectiō libera, & contingens addita per velle liberum Dei perfectiōni necessariæ non esset ipsius Dei perfectiō, nullius esset perfectiō, cum non sit perfectiō creaturæ, vt ostensum manet.

16 Respondent tertiò, quod licet ea perfectiō Deum perficiat, & sit Deo contingens, & ab ipso descendiibilis, non sequitur, quod possit Deo aliqua perfectiō propiè deficere, aut quod Deus sit magis perfectus cum illa, minus sine illa. Quod vt explicent, supponunt, volitionem alicuius obiecti deficere in Deo non posse, nisi per volitionem oppositam eiusdem obiecti. Supponunt

secundò in ratione perfectiōis non præponderare volitionem nolitioni, nec nolitionem volitioni, quia quælibet æquæ ac alia actuatur voluntatem divinam. Ex quo demum inferunt, tantumdem perfectiōis habere divinam voluntatem, siue velit, siue nolit, eamque perfectiōnem posse illi deficere in esse talis, sed non in esse tantæ perfectiōis, quia deficere non potest, quin compensetur æquali, & tanta perfectiōne nolitionis opposita. Hæc cogitatio speciosa quidem, sed falsissima est, & falsa supponit. Supponit enim primo, dari posse in Deo nolitionem positivam obiecti, seu tendentiam positivè volitivam, per modum fuge positivæ, quod falsum esse satis constat ex dictis quæst. 4. à num. 50. & amplius constat ex dictendis. Supponit secundò, voluntatem divinam necessitatem ad positivam nolitionem obiecti ex suppositione non volitionis; quod etiam falsum est, nam interdum, v. g. quando inflat hominè præceptum audiendi sacrum, Deus non habet volitionem efficacem de auditione sacri, sed permittit, quod homo sic obligatus sacrum non audiat, & tamen nemo dicit, quod tunc Deus habet nolitionem, quia positivè nolit hominem audire sacrum; itemque quando permittit alicui, quod non diligit Deum super omnia, certè non habet volitionem liberam, saltè efficacem, de tali dilectione, & tamen nec habet positivam nolitionem illius, alias non purè permitteret omissionem dilectionis; itemque potest libere vole exstentiam odij Dei, & tamen non potest velle illam. Et tandem, si divina voluntas esset vagè necessitata ad positivam nolitionem, vel positivam volitionem cuiusvis obiecti, nunquam posset liberè permittere illud obiectum, & consequenter libera Dei permissio à SS. PP. & Theologis inculcata, in Deo nunquam esset; quod quis dicat? Sequela patet, quia quod Deus positivè vult, vt existat, non permittit illud; itemque, quod Deus positiva nolitione non vult quod existat, nec liberè permittit illud; solum enim permittit dicitur voluntas divina, illud; erga quod, nec positivam volitionem, nec positivam nolitionem habet: Ergo si divina voluntas ita se habere non posset, erga vllum obiectum, nullum liberè posset permittere. Et demum supponit, quod nolitio omninò æqualis foret ac volitio, seu quod volitioni non præponderaret volitio; quod similiter falsum est, quia nolitio, & volitio essent actus, & perfectiōnes speciei, & non solo numero differentes, cum importent modos tendendi essentialiter diversos; vna profectivum, alia per modum fuge; sed actus, aut perfectiōnes speciei differentes necessitatio sunt inæquales, quia species sunt sicut numeri, vt ostendimus in Metaphysica: Ergo.

17 Sed demum, quod in suppositis falsitas non esset, adhuc tamen restat maior difficultas, quia illi duo actus, seu perfectiōnes ab invicem

realiter distinguerentur, cum realiter opponerentur, vti actus contrarij: Ergo realiter etiam distinguerentur, vel uterque, vel alter illorum ab essentia divina, & ab ipso Deo. Consequentia patet, quia seculum Trinitatis Mysteriorum, quæ realiter inter se distinguuntur non possunt esse idem realiter vni tertio: Ergo si volitio, & nolitio positiva realiter inter se distinguerentur, pariter distinguerentur à Deo ipso, à divina essentia, & à divina voluntate: Eset ergo Deus, divina essentia, & voluntas realiter formaliter in potentia ad illos actus, realiter actuabiles, & perfectibiles indifferenter per illos actus, & perfectiones; imò esset capax contrariorum actuum, quod quis dicat, nisi negando divinam voluntatem esse actum purum?

18 Ac denique rogo, vel volitio positiva obiecti esset perfectio simpliciter simplex; vel non? Si esset simpliciter simplex: Ergo necessaria Deo, & ab ipso indefectibilis; quia nulla perfectio simpliciter simplex potest Deo deficere, & omnis perfectio simpliciter simplex est illi essentialis, & necessaria, nulla libera. Quod facile probatur, quia perfectio simpliciter simplex est, quæ in vnoquoque melior est ipsa, quam non ipsa; hoc est, melius est habere ipsam, quam non ipsam: Si ergo posset hæc Deo deficere, posset Deus cum illa esse melior, sine illa minus bonus, aut deterior, siquidem si cum illa melior, sine illa deterior esset: Sed implicat quod Deus possit indifferenter, & libere esse melior, & deterior: Ergo implicat quod Deo deficere possit aliqua perfectio simpliciter simplex. Si vero dicas, quod non esset perfectio simpliciter simplex: Eset ergo mixta imperfectione, ac per consequens Deo repugnans; quia Deo repugnat perfectio mixta imperfectione.

19 Respondet P. Emmanuel à Conceptione in præsent. eam perfectionem liberam non fore simpliciter simplicem, sed nec mixtam imperfectione, quia licet Anchores hucusque non assignaverint medium, eo fuit, quia non habuerunt præ oculis actum liberum Dei constitui posse per perfectionem liberam, & defectibilem; & item, quia tunc solum perfectio non simpliciter simplex includit imperfectionem, quando propter limitationem deficit à ratione perfectionis simpliciter simplicis, non vero quando propter oppositionem cum alia perfectione æquali, ut contingit in præsent. Sed contra est, quia Theologi per locum ab intrinseco, & ex terminis loquentes, semper senserunt, quod perfectio, quæ non est simpliciter simplex, est perfectio mixta imperfectione, seu perfectio secundum quid, & ex parte tantum, cum aliquo defectu, & imperfectione; & hoc docuerunt tanquam generale principium: generalia autem principia non debent regulari per particulares, & singulares doctrinas in particulari materia in sui veritate, sed contra in sua,

gulari materia doctrina debet regulari per generalia principia: Ergo etsi Theologi in ea generali doctrina, & principio non attenderint ad hæc singularem sententiam de constitutione actus liberi, potius hæc sententia falsa est, quia non attendit ad illam, nec cum illa conformatur, quam illa, quia non attenderit ad illam.

20 Secundò, quia implicat aliquam perfectionem esse alteri contrariè oppositam, nisi quia limitatè participat genus idem, contraria enim sunt, quæ sub eodem genere maxime distant, & ab eodem subiecto mutuo se expellunt; hoc autem esse non posset, si quodlibet ex contrarijs adæquaret totam capacitatem sui generis; unde semper provenit ex eo quod cum diversâ limitatione contrahit genus vnum contrarium, ac aliud: Ergo quod vnum sit oppositum alteri provenit necessariò ex limitatione: Ergo si non est perfectio simpliciter simplex quia opposita alteri perfectioni, etiam, & per prius quia limitata perfectio in suo genere. Urgetur, & tacita evasio præcluditur: Adhuc in proprio genere, & linea liberæ perfectionis esset limitata: Ergo esset perfectio mixta imperfectione. Probatur antecedens, quia adhuc sub eo genere, & in ea linea haberet perfectionem sibi contrariam, & oppositam, nempe nolitiois, quæ esset etiam in linea, & genere actus liberi, & liberæ perfectionis; dividerentque genus actus liberi, & liberæ perfectionis penes differentias contrarias volitionis, & nolitiois: Sed eo ipso utraque illa perfectio in suo genere, & linea limitata esset essentialiter: Ergo. Mitto alia, quibus posset impugnari prædicta RR. cogitatio, quia satis est adumbrasse capita, unde contra illam quisque virgientiora facile obijcere possit.

21 Dico quinto: *Actus Dei liber non constituitur per realitatem, entitatem, aut modum superadditum volitioni necessaria, defectibilem sub conceptu entitatis, aut realitatis modalis.* Est contra Fonsecam, qui postquam adversus Caietanum exarist, in hanc, quam negamus, sententiam incidit, non minus rationi dissonam. Etenim implicat entitas modalis, aut realitas superaddita, quæ non sit aliqualis perfectio superaddita actui necessariò: Sed iuxta ipsum repugnat, estque rationi dissona perfectio superaddita actui necessariò: Ergo pariter entitas, seu realitas modalis superaddita necessariò debet esse aliqualis actualitas superaddita actui necessariò, ad hoc enim superadditur, ut constituat voluntatem divinam in actu secundo liberè volentem creaturas, quod sanè præstate non posset, nisi esset aliqualis realitas superaddita: Sed implicat, quod sit actualitas superaddita, nisi sit pariter aliqualis perfectio, quia vnumquodque in tantum est perfectum, in quantum est in actu: Ergo si est realitas, vel entitas modalis



lis superaddita, est perfectio saltē modalis superaddita.

22 Responder Salas secutus Fontsecam, illam realitatem modalem esse quidem perfectionem, sed non perfectionem superadditam perfectioni actus necessarij, sed eandem ipsius actus necessarij, quia videlicet realitas illa modalis supponit naturam divinam, & actum necessarium infinitē perfectum, & ideo illi superaddere nequit perfectionem. Sed contra est, quia non minus supponit naturam divinam infinitam simpliciter in ratione entis, & actus, seu in entitate, & actualitate, quam in ratione perfectionis: Sed per te cum primo componitur quod addat aliqualem entitatem, & actualitatem: Ergo cum secundo componi poterit, quod addat perfectionem, vel si hoc non componitur, nec primum. Explicatur: Non minus implicat Deum contingenter, aut liberē reddi mains ens, aut magis in actu, quam simili modo reddi magis perfectum; non minusque repugnat Deo contingenter augeri in entitate intrinseca, & actualitate, quam augeri contingenter in perfectione intrinseca: Sed si actus liber importat entitatem, & actualitatem superadditam entitati necessariæ, necessario Deus per illam redditur contingenter magis ens, & magis in actu, augereturque in entitate, & actualitate, ea ipsissima ratione, qua, si esset perfectio superaddita, augeretur in perfectione, fieretque liberē magis perfectus: Ergo æquē repugnat Deo entitas modalis superaddita, ac perfectio aliqualis superaddita.

23 Nec admitti debet instantia de divinis relationibus, quas addere entitatem modalem ad essentiam fatentur communiter Theologi, & tamen plures negant addere perfectionem. Non inquam est admittenda, quia in primis ea est difficultas ingentissima, quæ valde exercet Theologorum ingenia, & vna difficultas non est solvenda alia maiori. Deinde, quia ideo Theologi id ibi conciliant; quia speciale dicunt esse entitatis relativæ prædicamentaliter, non addere actualitatem, & consequenter nec perfectionem, quia totum suum esse est ad terminum, & non ad subiectum; entitas autem illa modalis, quam superaddere dicitur actum liberum actui necessario, non relativa, sed absoluta est. Ac denique, quia entitas illa modalis ponitur ut voluntatem divinam formaliter constituat in actu secundum liberē volentem, quod præstare non potest, nisi superaddendo actualitatem aliquam, & consequenter aliqualem perfectionem; at tamen personalitates divinx, seu relationes non ponuntur ut vllō modo constituent in actu naturam divinam, sed vnicē ut per se subsistentes, & terminantes illam: Est ergo nota disparitas.

24 Secundō probatur assertum, & impugnatur prædicta sententia, quia si libera voli-

tio huiusmodi addit entitatem modalem contingenti, etiam volitio libera alterius mundi importabit entitatem modalem contingenter superadditam entitati necessariæ: Sed entitas, quam de facto superaddit volitio libera huiusmodi realiter separatur ab entitate, quam superadderet volitio libera alterius mundi, quandoquidem illa de facto existit, illa de facto deficit: Ergo volitiones liberæ distinctorum obiectorum important entitates realiter separatas, aut separabiles: Ergo & entitates realiter distinctas inter se: Ergo & entitates realiter ab essentia divina distinctas. Ex quo rursus sequitur, Deum de facto tot habere in se entitates realiter distinctas, quot habet volitiones liberæ separabiles, seu obiectorum separabilium: Sed istæ sunt innumeræ: Constat ergo Deus entitatibus innumeris realiter inter se, & à sua essentia distinctis, quod quis nisi absurdissimè dicat?

25 Explicatur: Quæ realiter entitativè possunt separari tum inter se, tum ab essentia divina, realiter entitativè distinguuntur tum inter se, tum ab essentia divina: Sed volitiones liberæ inconnexæ, quales innumeræ existunt in Deo, possunt separari realiter entitativè tum ab essentia divina, tum inter se, si quælibet addit entitatem contingentem suprâ entitatem Dei necessariam: Ergo realiter entitativè inter se, & ab essentia distinguuntur. Maior probatur, quia quæ possunt realiter entitativè separari inter se, & ab essentia divina, possunt realiter entitativè dividi tum inter se, tum ab essentia divina: Sed nihil potest realiter entitativè dividi, nisi ab eo, à quo realiter entitativè distinguitur: Ergo. Probo minorem, quia nihil potest realiter entitativè dividi ab eo, quod realiter entitativè est idem secum, alias posset aliquid realiter entitativè dividi à se ipso, quo nihil magis implicans contradictionem excogitari potest: Ergo nihil potest realiter entitativè dividi nisi ab eo, à quo realiter entitativè distinguitur.

26 Ex quo patet, recursum ad distinctionem virtutem hic non valere. Quia vel volitio necessaria Dei realiter actualiter est eadem in entitate cum volitione libera huius mundi, vel non? si non: Ergo realiter actualiter distinguitur ab illa in entitate, & non solum virtualiter, quia eo modo distinguitur ab illa, quo non est illa. Si realiter actualiter est idem in entitate cum illa: Ergo non potest entitativè, seu in entitate non esse realiter actualiter illa. Patet consequentia, quia volitio necessaria Dei non potest non esse realiter actualiter entitativè, quod realiter actualiter est entitativè, alias posset ipsamet volitio Dei necessaria esse realiter actualiter alia à se ipsa, seu non esse realiter actualiter entitativè id ipsum, quod realiter actualiter est entitativè, possetque ipsamet entitativè, esse realiter actualiter alia entitativè, seu non ipsa entitativè, quod evidenter impli-

plicat contradictionem: Ergo implicat contradictionem vi solius distinctionis virtualis cum reali actuali identitate, essentiam divinam, seu volitionem necessariam posse separari, seu dividi in entitate à volitione libera, alias posset esse hæc ipsa entitativè, vel non hæc ipsa, sed alia actualiter entitativè. Explicatur: Si volitio necessaria non esset actu volitio libera huius mundi, esset ne eadem realiter actualiter in entitate, quæ modo est, vel alia realiter actualiter in entitate ab ea, quæ modo est? Si primum: Ergo, quamvis defuisset volitio libera huius mundi, nulla entitas defuisset volitioni necessaria Dei, quandoquidem mansisset eadem realiter actualiter in entitate, seu nihil entitatis illi defuisset actualiter: Ergo volitio libera huius mundi nihil entitatis defectibilis, aut contingentis addit suprâ volitionem necessariam. Si secundum: Ergo volitio necessaria Dei potuit non esse realiter actualiter in entitate eadem, quæ modo est, sed alia realiter actualiter in entitate ab ea, quæ modo est: Ergo potuit esse alia realiter entitativè ab ea, quæ realiter entitativè modo est: Sed hoc in primis implicat in terminis, quia implicat in terminis aliquid non esse realiter entitativè, quod realiter entitativè est; deinde infert, quod volitio necessaria Dei sit realiter entitativè mutabilis in entitate; imò, & quod accidentaliter, & contingententer sit, quod realiter actualiter entitativè est, eum potuerit esse alia, vel aliud realiter actualiter entitativè ab eo, quod actu realiter entitativè est, quod nisi absurdissimè, dici non potest, præsertim de ente necessariò: Ergo separabilitas entitativa, seu in entitate probat non solum distinctionem virtualem, sed actualem entitativam.

27 Propterea alij, vt difficultatem melius enotare possint, dixerunt, volitionem liberam Dei non addere ad volitionem necessariam entitatem, sed solum formalitatem ratione distinctam, aut virtualiter à formalitate volitionis necessariæ. Sed contra hanc cogitationem.

28 Dico sexto: *Volitio libera in Deo non addit ad necessariam, formalitatem intrinsecam contingentem, & defectibilem.* Probat primum, quia formalitas ista esset separabilis realiter à formalitate volitionis necessariæ; quandoquidem posset re ipsa deficere, non deficiente illa: Ergo saltè realiter formaliter distingueretur ab illa: Sed repugnat distinctio realis formalis inter prædicata divita, vt latè ostendimus *Disputat. 2. quæst. 9.* tum quia esset entitativa, tum quia esset opposita divinæ simplicitati, & unitati: Ergo repugnat formalitas illa libera contingens, & defectibilis superaddita formalitati volitionis necessariæ. Confirmatur, quia non minus repugnat voluntati divinæ, cuiusque summæ simplicitati consistere innumeris formalitatibus realiter cunctativè inter se, & ab ipsa distinctis, quam consistere in nu-

meris entitatibus realiter formaliter inter se, & ab ipsa distinctis, quia non minus est simplicissima realiter formaliter, quam realiter entitativè; nî velis illam esse realiter formaliter compositam ex innumeris formalitatibus à se ipsa, & inter se realiter formaliter distinctis: quod quis dicere ausit. Mitto alia, quæ contra præfatam cogitationem congeri possent, quia cuique faciliè occurrent.

29 Propterea alij dixerunt, volitionem liberam solum esse virtualiter contingentem, & defectibilem, non formaliter, ad idque sufficere, quod virtualiter intrinsecè distinguatur à volitione necessaria, seu quod addat virtualitatem quandam contingentem suprâ illam. Sed contra hanc etiam cogitationem.

### ALIA SENTENTIA RE- felleitur.

30 Dico septimo: *Velle liberum Dei non constituitur, nec rectè explicatur per contingentiam, & defectibilitatem virtualem intrinsecam, nec per virtualitatem intrinsecam defectibilem superadditam volitioni necessariæ.* Est contra M. Herrera Complutens. qui in præfati per hanc contingentiam virtualem explicare contendit quiddam ad volitionem liberam requiritur in Deo. Sed contra est, quia in primis togo, in quo consistit illa virtualitas superaddita? Respondet, consistere in existentia virtuali. Sed iterum rogo: Cuius? Si dicas, quod in existentia virtuali ipsius virtualitatis, est dicere, quod virtualitas nihil aliud est, quam quædam existentia virtualis sui ipsius, quæ certè est nugatoria explicatio virtualitatis. Si dicas, quod in existentia virtuali volitionis, aut entitatis necessariæ. Iterum rogo, in quo consistit volitionem, aut entitatem necessariam existere virtualiter? Respondet, consistere in eo, quod non solum re ipsa existat, sed se habeat vt existens? Sed contra est manifestè, quia implicat, quod re ipsa existat, quin se habeat vt existens, nihil enim magis se habet vt existens, quam quod re ipsa existit: Sed entitas, aut volitio necessaria necessariò existit re ipsa: Ergo necessariò se habet vt existens: Sed hoc est existere virtualiter: Ergo necessariò existit virtualiter: Non ergo est virtualiter defectibilis, aut contingens.

31 Dices, eam existentiam virtualem consistere in eo, quod entitas, & volitio illa se habeat vt existens, non vt contingens, sed in eo, quod se habeat vt existens contingentem. Sed contra est evidenter, quia implicat quod entitas, quæ necessariò se habet vt existens, se habeat vt existens contingentem, alias se haberet vt existens necessariò, & contingentem: Sed illa entitas necessariò se habet vt existens: Ergo non potest se habere vt exi-

existens contingenter. Dices quædo, eam contingenter se habere ut existentem, non absolute, sed in ordine ad denominandum Deum liberè volentem hunc mundum, hoc est ita se habere, ac si contingenter existeret, ad constituendum Deum contingenter, & liberè volentem. Sed contra est, quia in hoc stat tota difficultas explicanda, quomodo scilicet, entitas, seu volitio necessariò existens, possit denominare Deum liberè, & contingenter volentem? cui quidem responderes, quod potest, quia licet necessariò existat, tamen ita se habet, ac si contingenter existeret, ad talem denominationem præstandam; non est solvere difficultatem, sed eam repetere, ut intuitu patebit. Etenim, si quis quaerret, quò pacto album possit constituere nigrum? ridicule responderetur, quia ad constituendum nigrum perinde se habet ac si esset nigrum: Ergo pariter, inquirenti, quomodo entitas, & volitio necessaria potest constituere Deum liberè, & contingenter volentem, negatoriè respondetur, posse quidem, quia perinde se habet ac si foret contingens. Nam in hoc est tota difficultas, quomodo nempe, actus non contingenter, sed necessariò existens in subiecto denominat contingenter subiectum? est ergo prædicta sententia manifestus circulus, & pura petitiò principij, aut repetitio difficultatis.

32. Secundò, nam rogo: Cur entitas seu volitio necessaria Dei de facto est liberè volitio huius mundi, & non est de facto liberè volitio alterius mundi? Dices, quia modo æquivaleret volitioni contingentij huius mundi, sed modo non æquivaleret volitioni contingentij alterius mundi; seu quia modo est virtualiter, aut æquivalenter contingens volitio huius mundi, sed modo non est virtualiter, aut æquivalenter volitio contingens alterius mundi; seu, quia modo perinde se habet, ac si foret volitio contingens huius mundi, sed modo non perinde se habet, ac si foret volitio contingens alterius mundi; his modis, & non amplius se explicant Auctores dictæ sententiæ. Sed sic arguo: Omnis æquivalentia, aut virtualitas rei fundatur in eo quod res est actus, & formaliter, unde omne esse virtuale fundatur in esse formali, & ideo res æquivaleret huic vel illi, quia formaliter est talis, vel talis; aliter enim licet et alio asingere virtualiter, & æquivalenter nigrum, & cuilibet qualibet æquivalentias, aut virtualitates: Sed per te, volitio divina modo est virtualiter, aut æquivalenter volitio contingens huius mundi, & modo non est virtualiter, nec æquivalenter volitio contingens alterius mundi: Ergo debes assignare in quo predicato formali, aut in qua formali diversitate fundatur hæc diversitas virtualis, aut diversæ æquivalentia: Sed in non assignas: Ergo difficultatem, à priori, & fundamentaliter in explicanda tam relinquis.

33. Tertiò: Deus de facto non vult realiter formaliter alterum mundum existere: Ergo de facto non datur realiter formaliter, sed realiter formaliter deficit, *Deum velle alterum mundum existere*: Sed nequit deficere realiter formaliter, quod non est realiter formaliter contingens: Ergo *Deum velle alterum mundum existere* est contingens, non solum virtualiter, sed etiam realiter formaliter: Ergo volitio libera Dei de existentia alterius mundi est contingens, & defectibilis non solum virtualiter, sed realiter formaliter: Ergo pariter volitio libera huius mundi: Ergo ineptè constituitur per contingentiam purè virtualem. Dices, *Deum velle alterum mundum* duo importare, nempe, & entitatem volitionis, & virtualitatem illius; entitatem quidem non deficere, deficere tamen virtualitatem, & per defectum solius virtualitatis, deficere realiter formaliter, *Deum velle alterum mundum*. Sed contra est, quia vel illa virtualitas deficit realiter formaliter, vel realiter formaliter non deficit, sed existit? Si realiter formaliter existit, & non deficit: Ergo de facto realiter formaliter existit totum quod importat *Deum velle alterum mundum* tam quoad entitatem, quam quoad virtualitatem, nihilque realiter formaliter deficit: Ergo Deus de facto est realiter formaliter volens existentiam alterius mundi, cuius contrarium supponimus. Si realiter formaliter deficit: Ergo est realiter formaliter contingens: Ergo constituit actum liberum realiter formaliter contingentem.

34. Dices, eam virtualitatem formaliter deficere, prout ly *formaliter* cadit supra *virtualitatem*, non vero prout cadit supra *entitatem*. Sed contra est, quia huiusmodi distinctio planè est nugatoria; nam dum dicimus, *eam virtualitatem realiter formaliter deficere*, evidenter ly *deficere* realiter formaliter cadit supra *virtualitatem*, & non supra entitatem non memoratam: Ergo prædicta distinctio nugatoria est, solumque deficiens ad obviandam, non ad enodandam difficultatem. Vergetur difficultas: Virtualitas illa, quæ modo realiter formaliter deficit, seu non est, potuit esse, & existere realiter formaliter, siquidem ea ratione, qua deficit, potuit existere: Ergo illa non est solum virtualitas, sed ens, & entitas. Probo consequentiam: Possè indifferenter existere realiter formaliter, & deficere realiter formaliter est propriissima definitio entis formaliter contingentis: Sed per te illa virtualitas ex se potest indifferenter deficere realiter formaliter, & existere realiter formaliter: Ergo est formalissimè ens, seu entitas formaliter contingens. Nec valet dicere, ut dicunt, quod potest formaliter deficere sub conceptu, & expressione, aut in esse virtualitatis, sed non sub conceptu, expressione, aut in esse entitatis. Contra enim est, quia implicat in terminis

nis posse existere, aut deficere realiter formaliter, nisi sub conceptu entis, aut entitatis formaliter contingentis: Ergo & solutio. Probo antecedens: Quia posse indifferenter existere, & deficere realiter formaliter, est expressissima definitio entis, aut entitatis formaliter contingentis: Sed definitio non potest convenire, nisi sub ratione, & expressione definiti, v.g. animal rationale, nulli convenit, nisi sub ratione hominis; vivens sensibile nulli convenit, nisi sub ratione animalis: Ergo posse indifferenter existere, seu deficere realiter formaliter implicat in terminis quod conveniat alicui, nisi sub ratione entis, vel entitatis formaliter contingentis. Sed de hoc infra.

35 Denique, quia vel volitionem divinam esse liberam, constituitur per esse contingentem, & defectibilem, vel non? Hoc est, vel volitio libera ex conceptu formali volitionis liberè importat sui contingentiam intrinsicam, vel non? Si non: Ergo frustra recurritur ad defectibilitatem, aut contingentiam intrinsicam nec virtualem, nec formalem, nec aliam, quandoquidem contingentia non est de eius formali ratione, & essentia. Si est: Ergo ut sit formaliter libera, debet esse formaliter contingens. Probo consequentiam, quia nullum formaliter tale potest constitui, per putè virtuale, ut sæpe sæpius arguimus contra Illust. Godoy, constituentem vitam formaliter talem per egressionem solam virtualem, potentiam formalem per principium virtuale, & alia huiusmodi: Ergo nec volitio formaliter libera constitui potest per contingentiam virtualem. Expli- catur: Volitio divina præcisivè, seu pro priori ad virtualem contingentiam, seu ad virtualitatem contingentem, non est formaliter libera iuxta contrarios, nam alias frustra esset illa virtualitas: Sed de nõ formaliter libera non potest reddi formaliter libera per puram virtualitatem, aut per esse solùm virtuale, quia puta virtualitas non potest dare esse formaliter, sed ad summum esse virtuale: Ergo non potest constitui formaliter libera per solam contingentiam virtualem, aut per solam virtualitatem.

36 Mitto, quod iuxta hanc sententiam admitti debent in divina voluntate innumere virtualitates actu a parte rei distinctæ, & separabiles mutuo, quod non minus repugnat, quam si darentur plures formalitates actu formaliter distinctæ a parte rei, sæpe diximus. Mitto etiam, quod isti termini *virtualiter*, & *virtualitas*, & alij similes, v.g. *determinatio*, *terminatio*, &c. per quos volunt explicare Authores varij, quid intrinsicè addat actus liber supra entitatē actus necessarii, velint, nolint, si aliquid additū significant, significant aliquid esse additū, aliquam quidditatem, aliquam entitatem additam, nam inter ens, & nihil non datur medium, præsertim a parte rei; sicut nec inter aliquid, & nihil, unde quocienscum-

que excogitantur istæ, vel virtualitates intrinsicæ, vel alia huiusmodi, quæ nec sint nihil, nec ens, nec aliquid, excogitantur vnicè ut effugium difficultatis, non vel illius scientificæ, & solida explicatio, quod ipsimet Authores, qui similibus utantur cogitationibus, satis aliquando testantur. Et quidem intellectus, dum cogitur loqui de illis additis, tali lege ut nec entia illa dicat, nec non entia, nec aliquid, nec nihil, tam longè ab est, ut quiescat sicuti in aliquo veto, quod potius violentissimè duci experitur extra cardines proprios, ut nempe intelligat nescio quid, quod nec sit ens, nec non ens, nec aliquid, nec nihil, nec verum, nec falsum, nec intelligibile, nec in intelligibile, quod nemo unquam intelligere poterit, quidquid voces multiplice nihil significantes.

37 Et hinc pariter rejiciuntur aliz plures cogitationes, quibus aliqui constituunt vellet Dei libetum per aliquid medium inter ens reale, & rationis, inter positivum, & negativum alij per quodam *secundum quid*, quod nunquam explicare per simpliciter, alij per excogitatas negationes, nunquam explicabiles: Alij denique per entitates diminutas, aut entitaturas. Reijciuntur inquam breviter, quia inventa ista nihil solidum, nihil scientificum, aut fundamentale continent, sed pura effugia, & voces, de quibus quid re ipsa significent, nescias.

38 Quibus addi potest singularis sententia P. Ribadeneyte Complutensis; qui actum liberum constitui affirmat per habitudinem volitionis divinæ ad obiectum, quæ neque sit simpliciter distincta ab entitate necessaria Dei, neque simpliciter cum illa identificata, sed ante operationem intellectus diminutè ab illa distincta, & diminutè cum illa identificata. Contra quem acerrimè invehitur P. Herrera, eam Complutensis, eo potissimè, quia admittit aliquid, nempe illam habitudinem, quod nec sit simpliciter Deus, nec simpliciter distinctum a Deo; ex quo immediate infert, quod daretur aliquid positivum, quod necesse sit simpliciter Deus, nec simpliciter creatura, quod absurdum esse probat ex D<sup>ni</sup> contra Atrium propugnantes, non esse medium inter creatorem, & creaturam, inter factorem, & factum, inter Deum, & creaturas.

39 Sed licet hoc, & alijs, quibus utitur, fundamentis rectè illa sententia impugnetur, debuit tamen advertere eisdem argumentis subiectam esse suam, quam, Ribadeneyra impugnato, postea subiungit, opinionem, imò & eandem esse utramque, sub diversis vocibus. Nam virtualitas illa, qua Herrera constituit actum liberum, iuxta ipsum num. 79. licet chimera non sit, nihilominus perfectio, aut entitas simpliciter non est: Ergo simpliciter non identificatur cum entitate, & perfectione Dei, alias enim simpliciter entitas, & perfectio esset Dei: Ergo nec simpliciter identifi-

atur cum Deo, nec simpliciter est Deus, siquidem quod simpliciter non est nec entitas, nec perfectio Dei, nec simpliciter idem cum illa, planè nec simpliciter est Deus, nec simpliciter idem cum Deo: Deinde nec simpliciter est à Deo distincta, tum quia iuxta ipsum num. 80. licet hae virtualitas separatur à Deo, minime à Deo distinguitur, intellige simpliciter saltem in tum quia distinctio est propriae entis: Ergo si illa virtualitas entis simpliciter non est, nec erit simpliciter distincta à Deo: Cōcūctur ergo, quod illa virtualitas, neque simpliciter est Deus, neque simpliciter distincta à Deo, quia videlicet nec simpliciter est aliquid, immo neque simpliciter est, sed purè virtualiter, aut æquivalenter est, & quod nec simpliciter est aliquid, nec simpliciter est, sed solum virtualiter, absque dubio nec simpliciter idem, nec simpliciter distinctum est, sed solum ea ratione qua est, nempe diminutè aut virtualiter: Ergo tandem admittit aliquod positivum, nempe ipsam virtualitatem, quod nec simpliciter à Deo distinctum, nec simpliciter cū eo identificatum, nec simpliciter sit Deus, nec simpliciter creatura sit. Nec mirū, quia quod simpliciter nec entitas nec perfectio est, nec simpliciter Deus, nec simpliciter creatura est: Ergo incidit in ipsammet sententiam, quam in Ribadeneira ex PP. impugnata relinquit. Et quidem, in quo distinguitur virtualitas, seu esse virtuale, quod toties repetit, & esse diminutè, quo videtur Ribadeneira? Sanè sola voce, nam re ipsa esse purè virtualiter, non est esse, nisi diminutè, & secundum quid: Ergo solum mutavit vocem diminutè, in virtualiter; de reliquo autem eandem, quam impugnabat, sententiam retinet.

# ALIA SENTENTIA PLAVISIBILIOR refertur.

140 Dico octavo: Velle liberum Dei non constituitur per terminationem activam, & intrinsecam ad creaturas, superadditā volitioni necessariae, & intrinsecè defectibilem sub conceptu terminationis intrinsecæ, & activæ ad creaturas. Est contra plures RR. tam ex leuitis, quam ex Thomistis, qui per prædictam terminationem intrinsecam, & activam defectibilem difficultatè istam conciliare se putant. Inter quos sanè eminet Illust. Godoy, mirā subilitate, ut afolet, distinguens, & præciscens inter conceptum entitatis, & terminationis; & rursus in ipso conceptu terminationis implicitum, & explicitum, immo & in ipso explicito terminationis implicitum expliciti, & ipsum explicitum, quibus distinctionibus, id vnum assequitur, ut argumentum illis, sine fine repetitis obstat, & in nulla propositione liquido probanda sistere valeat; non tamen aliquid solidum, quo scientiè intellectum edoceat, aut difficultatem istam fundamentaliter explicatam reddat, ostendit.

41 Ut igitur ipsius sensum pro posse intelligas, notandum est, quod cum dicimus, actum liberum Dei terminari ad creaturas, duplex communiter terminatio distinguitur, vna nempe ex parte creaturarum, ipsique intrinsecæ, qua nempe ipsa creatura volita intrinsecè terminat amorem, & volitionem Dei; & hæc dicitur terminatio passiva, quia per illam creatura volita, passivè se habet erga voluntatem divinam activè volentem ipsam; quæ terminatio passiva creaturæ intrinsecæ, est divinæ voluntati, & volitioni extrinsecæ, & absque dubio verè contingens, & defectibilis ex parte ipsius creaturæ, & de hac modo non est questio; quia nec per eam constituunt illi Authores velle liberum Dei. Alia est terminatio ex parte ipsius divinæ volitionis, qua nempe ipsa divina volitio intrinsecè tendit, seu terminatur activè, vitaliter, & volitivè ad obiectum creatum, seu ad creaturam, & hæc dicitur terminatio activa, & intrinsecæ ipsi Deo, & per hanc ut defectibilem sub conceptu terminationis activæ, & intrinsecæ Deo, & ut sic superadditam actui necessario, dicunt constitui ultimatè volitionem liberam Dei, ita tamen, quod licet illa sit terminatio positiva superaddita, & defectibilis, non tamen sit perfectio, entitas, immo nec formalitas superaddita, aut defectibilis sub conceptu perfectionis, entitatis, aut formalitatis. Quo prænotato.

42 Probat ut iam nostrum assertum, & impugnatur prædicta sententia, primò, quia coīcidit cum præcedenti iam impugnata, eo quod addit ad entitatem necessariam quid positivum, nempe illam terminationem, quod ultra illam entitatem cui additur, nec sit aliquid, nec nihil, nec ens, nec non ens, & consequenter nec verum, nec falsū, nec intelligibile, nec inintelligibile, sed medium quoddam, cum tamē sit inter illa extrema inintelligibile medium. Vnde contra illam militante ferè omnia, quæ contra præcedentem sententiam. Secundò, ex illa repetita doctrina D. Thom. quæ quest. 1. de Veritat. artic. 1. ait: Enti nihil potest addi extraneum, per modum, quo differentia additur generi, quia quælibet natura, vel essentia est essentialiter ens. Vnde 1.2. quest. 49. artic. 2. ait: Illud, quod primo cadit in apprehensione, est ens, cuius conceptus includitur in omnibus, quæ intellectus apprehendit: Sed hoc falsum esset, si posset addi terminatio positiva, entitati, et addendo ens, nec entitatem, quia iam posset addi enti aliquid extraneum, quia posset addi quid positivum, quin adderetur ens, & hoc planè esset addit aliquid extraneum, quia esset addi non ens: Ergo. Explicatur: Cum additur entitati divinæ illa terminatio, positivè additur illi: Sed positivè non additur ens per vos, quia non additur entitas: Ergo additur positivè non ens: Sed hoc est addi illi extraneum: Ergo enti potest addi extraneum. Explicatur: Ideo cum additur generi distinctiæ, v.g.

animali rationalitas, & substantiæ corporeitas, additur aliquid extraneum, quia substantiæ additur positivè, & non additur substantia, animalis additur positivum, & non additur animalitas: Sed entitati per vos additur positivè terminatio, & non additur entitas: Ergo additur aliquid extraneum per modum quo differentia additur generi. Urgetur ex secundo textu: Apprehendi non potest terminatio superaddita entitati, quin apprehendatur ens superadditum entitati: Ergo cum apprehenditis terminationem superadditam entitati, apprehenditis ens superadditum entitati: Ergo contra ipsam apprehensionem dicitis esse terminationem superadditam, sed non ens superadditum, seu dicitis, quod nec apprehenditis, nec apprehendere potestis. Probo antecedens, quia iuxta D. Thom. *illud quod primo cadit in apprehensione est ens*: Ergo apprehendi non potest terminatio superaddita, quin apprehendatur ens superadditum. Explicatur: Cum dicitis *terminationem superadditam volitioni necessariam*, absdubio dicitis superadditam volitioni necessariam id ipsum, quod nomine, & conceptu isto *terminatio*, apprehenditis, alioquin dicitis, addi quod nondum cadit in vestra apprehensione: Sed quod illo nomine primò cadit in apprehensione est ens, iuxta D. Thom. Ergo dicitis superadditi ens: Ergo est implicatio in terminis dicere, quod superadditur terminario, sed non ens.

43 Dices, ex hoc solum probari, quod non superadditur terminatio adæquate, tamen pro implicito, quam pro explicito, quia pro implicito est ens, & non superadditur ens, cum quo tamen coheret, quod superaddatur terminatio pro explicito terminationis, quia explicitè non est ens. Contra enim reddit argumentum factum, primò, quia quod additur, in quantum additur, est extra illud, cui additur, & præter, vel ultra illud: si enim non est extra, ultra, nec præter illud, non additur, ut per se patet: Sed quod est extra, ultra, aut præter illud, non includit illud, nec includitur in illo, & consequenter nec pro implicito est illud: Ergo si additur, non includit, nec est implicitè ens, cui additur, sed si implicitè est ens, est ens ultra illud ens, cui additur. Secundò, quia pro explicito per vos additur: Ergo pro explicito est extra, seu præter illud, cui additur: Sed quod est extra illud, cui additur, in quantum ex extra illud, est ens, vel effens extra illud, cui additur: Ergo pro explicito est ens ultra illud, cui additur: Ergo additur ens enti. Explicatur: Idem formalissimè dicit, cum sola differentia in vocibus, qui dicit: *Est extra*, quam qui dicit *est ens seu effens extra*: sicut idem significat, qui dicit, *absens*, quam qui dicit, *est absens*, qui dicit, *latet*, quam qui dicit *est latens*, quia idem significat, oratio de participio de præfenti, ac oratio de verbo de præfenti: Ergo qui dicit: *Est extra illud, cui additur*, pariter dicit, &

significat, quod *est ens seu effens extra illud cui additur*: Ergo si pro explicito terminationis est extra illud, cui additur, pro explicito terminationis est ens extra illud, cui additur.

44 Confirmatur: Vel qui addit illam terminationem super entitatem necessariam Dei, addit verum, vel veritatem aliquam supra veritatem necessariam Dei, vel nihil verum, & nullam veritatem addit? Si nihil verum, & nullam veritatem addit: Ergo dum nos illud additum, aut illam terminationem superadditam negamus, nihil verum, nullamque veritatem negamus, siquidem solum negamus, quod *est* addit, & ille nihil verum, nullamque veritatem addit. Si autem nihil verum, nullamque veritatem negamus, nullus iustus nostræ sententiæ contradicere poterit, quia, si quid negamus, nec verum, nec veritatem negamus. Rursus, si contrarij addentes illam terminationem nihil verum, nullamque veritatem addunt: Ergo falsum, aut falsitatem addunt, nisi dicant, quod nec verum, nec falsum addunt, quod erit neque verum, neque falsum dicere, & consequenter nihil enuntiare. Si vero dicatur, quod illa terminatio, addit verum, vel veritatem aliquam supra veritatem necessariam: Ergo addit ens, & entitatem; quia cum verum, & veritas sit passio entis, implicat addit verum, aut veritatem, nisi per prius addatur ens, vel entitas: Ergo illa terminatio, vel nihil verum, nullamque veritatem addit, vel addit entitatem. Idem argumentum fieri potest de intelligibili, & intelligibilitate, quia si non addit ens, nec entitatem: Ergo non addit intelligibile, nec intelligibilitatem: Ergo contrarij superaddentes illam terminationem sub conceptu explicito terminationis, nihil intelligibile superaddunt, vel si quid intelligibile superaddunt: Ergo & ens superaddunt; nam implicat addi intelligibile, nisi addatur ens.

45 Secundò impugnatur prædicta sententia, quia implicat eam terminationem esse defectibilem intrinsecè, nisi sub conceptu entis, aut entitatis: Sed hoc non admittitur: Ergo nec debet admitti terminatio illo modo defectibilis. Probatum maior, quia talem terminationem esse defectibilem intrinsecè est formalissimè ipsam posse non esse sub eo conceptu, & sub ea ratione, qua de facto est, aut potest esse; quia si non potest non esse sub eo conceptu, nec ea ratione, qua de facto est, aut potest esse, nulla vera ratione deficere poterit: Sed implicat posse non esse sub eo conceptu, aut ea ratione, qua de facto est, aut potest esse, nisi sub conceptu, & ratione entis, aut entitatis: Ergo implicat esse defectibilem, nisi sub conceptu, & ratione entis, aut entitatis. Probatum minor, quia de facto non est, nec potest esse, nisi sub ratione entis: Ergo implicat posse non esse sub ea ratione, sub qua de facto est, aut potest esse, nisi sub ratione entis. Probo antecedens, quia de facto non est, nisi

sub

sub ratione essentis, nec potest esse, nisi sub ratione potentis esse: Sed ratio *entis* definitur, ratio *essentis*, aut *potentis* esse: Ergo de facto non est, nisi sub ratione entis. Explicatur: Ens nominaliter sumptum formalissimè definitur, *potens esse*, participialiter sumptum definitur, *essens*: Sed illa terminatio deficere nequit, nisi sub conceptu, & ratione essentis, aut potentis esse, quia deficere nequit, nisi sub ea ratione, & conceptu sub quo est, aut potest esse: Ergo deficere nequit, nisi sub conceptu entis nominaliter, aut participialiter talis. Explicatur secundò: Ea terminatio activa, & intrinseca, per vos, sub conceptu explicito terminationis est coadungens: Sed contingens formalissimè definitur, *potens esse*, & *non esse*: Ergo ea terminatio sub explicito terminationis est potens esse, & non esse: Sed non est potens esse, & non esse, nisi sub conceptu explicito entis, quia non est potens esse, & non esse, nisi sub conceptu *potentis esse*, & conceptus *potentis esse*, est conceptus explicitus entis: Ergo ea terminatio sub explicito terminationis est potens esse, & non esse sub conceptu explicito entis: Ergo implicat, quod sit contingens, nisi sub conceptu explicito entis.

46 Ex quo inferes, frustra contrarios distinguere in illa terminatione defectibili explicitum terminationis, & implicitum entis, ut sub explicito terminationis sit contingens, & non sub implicito entis, quia potius non potest esse contingens, nisi sub explicito entis, siquidem non potest esse contingens, nisi sub explicito *potentis esse*, qui est conceptus explicitus, & ipsa definitio entis. Vnde, sicut animal rationale non potest convenire homini, nisi sub explicito hominis, & vivens sensibile, nisi sub explicito animalis, frustra quis distingueret in homine alios, & alios explicitos, sub quibus esset animal rationale, aut vivens sensibile, & non sub ratione hominis, aut animalis: quia definitio non potest convenire definitio, nisi sub explicita ratione definiti: ita in illa terminatione frustra repetitur *explicitum terminationis* ut defendatur coadungens absque contingetia entitatis, aut sub ratione entis, quia definitio contingens, nepe *potens esse*, & *non esse*, non potest convenire, nisi sub ratione propria definiti, nepe sub ratione entis, seu *potentis esse*. Utgetur, nam vel illa terminatio sub explicito terminationis est explicitè ens, vel non? Si non: Ergo sub explicito terminationis non est explicitè *potens esse*, nam sub explicito, sub quo non est explicitè ens, nec est explicitè *potens esse*, cum illud sit definitum, hoc definitio: Ergo nec sub explicito terminationis est explicitè *potens esse*, & *non esse*: Ergo nec sub explicito terminationis est explicitè contingens. Ex hoc quidem mirum non erit, quia nihil est explicitè, nisi id, quod definitur explicitè: Terminatio autem sub explicito terminationis non definitur *potens esse*, & *non esse*, vnde nihil mi-

rum, quod sub explicito terminationis non sit explicitè *potens esse*, aut *non esse*; quod autem mirum videri debet est, quod sit explicitè *potens esse*, & *non esse* non sub explicito entis; qui si definitur explicitè *potens esse*, sed sub alio, qui si definitur non definitur: Sequitur ergo, quod si illa terminatio ponitur pro explicito explicitè *potens esse*, & *non esse*, seu contingens, poni debet, quod pro explicito terminationis sit explicitè ens, nam aliter non erit explicitè *potens esse*, & *non esse*. Si autem sub explicito terminationis est explicitè ens: Ergo ex quo solum sit defectibilis, aut contingens sub explicito terminationis non excluditur, imò includitur, quod sit contingens sub explicito entis, imò ut ipse conceptus explicitus terminationis sit explicitè contingens, id est potest esse, & non esse, debet considerari explicitè ut ens, & non aliter.

47 Nec mihi objicias, negationes, & entitates, aut malitiam peccati, quae sunt contingentes, & possunt esse, & non esse, quin tamen explicitè sint entia. Respondeo enim eo modo, quo apprehenduntur ut *potentes esse*, esse entia, & eo modo quo non sunt entia, non posse esse; apprehenduntur enim ut potentes esse, non verè, sed fidei, & ex modo nostro concipiendi, & sic sunt entia, nempe non verè, sed fidei, & rationis: quia vero revera non sunt potentes esse, nec revera sunt entia. De malitia autem peccati, nunquam admittam illam esse formaliter quid positivum reale additum entitati, & universaliter negandum est semper positivum additum enti, quin addatur ens, quia eisdem argumentis hoc positivum impugnat, ac terminatio, de qua in praesenti. Vnde malitia formalis, si entitas non sit, debet consistui in privatione, quae fidei ex nostro modo concipiendi est ens, & sic potens esse, te ipsa tamen non est, sed consistit in non esse actum prout debebat, seu quod debebat esse, ut suo loco explicabo. Nec mihi etiam opponas differentias entis, quae absdubio explicitè non sunt ens, & sunt quid positivum additum explicitè enti. Respondeo enim; hoc falsum esse ut ex D. Thom. iam ostendimus: Differentia ergo entis non contrahunt immediate rationem universalissimam entis illi addendo positivè, sed illam limitando negativè; limitant autem eam per defectum essendi, aut per minus entis in particulari, quam in universalis, quod non fit positivè addendo rationi communis, sed potius detrahendo. Videantur à nobis dicta in Metaphysica quaest. 4. 2. 2. & 234 ubi hanc doctrinam latè expositam habes, ex illa enim planè constat solutio ad omnes instantias.

48 Tertiò impugnat prae dicta sententia, quia illa terminatio defectibilis sub explicito terminationis esset realiter distincta, tum à vocatione necessaria, tum ab alijs innumeris termi-

nationibus ad alia obiecta contingentia, & separabilia: Sed implicat actu in Deo reperiri plures, & innumeras terminationes activas intrinsecas realiter distinctas, tum inter se, tum à volitione necessaria Dei: Ergo repugnat illa terminatio defedibilis sub explicito terminarionis. Maior probatur, quia illa terminatio sub explicito terminationis esset realiter separabilis, tum à volitione necessaria, tum ab alijs liberis terminationibus, quia posset re ipsa, & à parte rei deficere, illis existentibus: Sed separabilitas realis est signum distinctionis realis: Ergo distingueretur realiter sub explicito terminationis à volitione necessaria, & ab alijs terminationibus liberis.

49 Respondet Godoy, quod separabilitas realis entitativa, aut realis formalis, hoc est, in entitate, aut in formalitate, est signum distinctionis realis: sicut autem separabilitas realis solum terminativa, vel sub conceptu solius terminationis; & hoc secundo modo, non primo, esse separabilem terminationem sub explicito terminationis. Sed contra primum: Per te separabilitas realis entitativa, aut formalis, hoc est, in entitate, aut formalitate, est signum distinctionis realis entitativæ, aut formalis, hoc est, distinctionis realis actualis, vel in entitate, vel in formalitate: Ergo separabilitas realis terminativa, seu sub explicito terminationis, est signum distinctionis realis terminativæ, hoc est, distinctionis realis in terminatione sub explicito terminationis: Ergo sicut implicat entitas separabilis realiter ab entitate, quin sint realiter plures, & distinctæ entitates, ita repugnat terminatio realiter separabilis à terminatione, quin sint realiter plures, & distinctæ terminationes sub eo conceptu, sub quo sunt realiter separabiles: Constabit ergo Deus pluribus realiter distinctis terminationibus intrinsecè, una necessaria, & innumeras contingentibus, sicut constaret pluribus realiter entitatibus, si darentur in eo plures entitates realiter separabiles. Contra est secundò: Terminatio illa, quando existit sub explicito terminarionis, vel realiter est Deus, vel realiter non est Deus? Si realiter non est Deus: Ergo realiter est, & realiter Deus non est: Sed quod realiter est, & realiter Deus non est, realiter entitativè distinguitur à Deo: Ergo ea terminatio realiter entitativè distinguitur à Deo. Si realiter est Deus: Ergo essentialiter est Deus: Ergo necessariò est Deus, quia quod realiter est Deus essentialiter, & necessariò Deus est: Sed quod essentialiter, & necessariò Deus est, essentialiter, & necessariò est, seu existit: Ergo illa terminatio sub explicito terminationis necessariò existit.

50 Respondet Illust. Godoy, cæteris concessis, distinguendo consequens: Ergo necessariò existit entitativè prædicta terminatio, concedit: Ergo necessariò existit terminatio terminativè, negat consequentiam. Sed contra est, quia in pri-

mis implicat contradictionem existere verè, & non fidei, nisi entitativè: Ergo inceptè distinguatur existere re ipsa, seu verè, & non fidei, penes existere entitativè, & existere terminativè, quasi existere terminativè non sit existere entitativè. Probatur antecedens, quia implicat existere, nisi sub ratione existentis, aut essentis, & consequenter nisi sub ratione entis: Sed implicat existere sub ratione entis, nisi entitativè: Ergo implicat existere, nisi entitativè. Secundò: Implicat terminationem ut talem existere entitativè, quin existat terminativè: Ergo idem quod prius. Probo antecedens, quia implicat terminationem ut talem existere entitativè, nisi existat essendo exercitè terminationem: Sed esse exercitè terminationem est existere terminativè: Ergo implicat terminationem ut talem existere entitativè, quin existat terminativè. Probatur maior: Implicat existere entitativè, nisi essendo exercitè, quod ex suo conceptu concipitur esse signatè; sed terminatio ut talis concipitur signatè ut terminatio: Ergo implicat illam existere entitativè, nisi essendo exercitè terminationem.

51 Tertiò: Illa terminatio ut talis, per te est necessariò Deus: Ergo ut talis necessariò existit. Distinguit antecedens: Necessariò est Deus explicitè, negat. Implicitè concedit: Et distinguit consequens: Ergo necessariò existit entitativè, concedit: Terminativè, negat. Sed contra: Vel illa terminatio, quando existit terminativè, est Deus explicitè, vel solum implicitè? Si est Deus explicitè, necessariò est Deus explicitè, quia quod est expliciter Deus, est Deus ex suo conceptu explicito, & quod est Deus ex suo conceptu explicito, essentialiter, & necessariò est explicitè Deus. Si solum implicitè est Deus, quando existit, rogo ulterius, an quando non existit, sit etiam implicitè, & entitativè Deus? Si affirmas: Ergo tam est Deus, quando non existit, ac quando existit; quia in utroque casu est implicitè, & entitativè Deus. & in neutro explicitè terminativè. Si negas: Ergo quando non existit, non est implicitè, & entitativè Deus: Ergo sicut potuit non existere, potuit non esse implicitè, & entitativè Deus: Ergo quod modo est implicitè, & entitativè Deus, potuit non esse implicitè, nec entitativè Deus: Ergo tandem illa terminatio, vel tam Deus est, quando non existit, ac quando existit; vel quæ modo est implicitè, & entitativè Deus, potuit non esse Deus, nec implicitè, nec entitativè, quorum utrumque absurdum est. Explicatur: Tam est Deus de facto terminatio libera intrinseca divinæ voluntatis ad alterum mundum, quam terminatio libera intrinseca ad hunc mundum: Ergo tam existens est illa, ac ista: Ergo falso supponitur illam deficere, istam existere intrinsecè in Deo. Probatur antecedens: Terminatio libera ad hunc mundum solum implicitè, & entitativè est Deus, non autem



explicitè, & terminativè: Sed etiam terminatio libera ad alterum mundum, implicite, & entitativè Deus est de facto, licet non explicitè, & terminativè: Ergo de facto tam est Deus ista ac illa, nec illa magis est Deus, quam ista. Si neges minorem, quia terminatio ad alterum mundum, cum non deat, nec supponat de facto, de facto non est, adhuc implicite, nec entitativè Deus: Ergo quod de facto non est implicite, nec entitativè Deus, potuit esse implicite, & entitativè Deus: Sed hoc est longè absurdus: Ergo.

52. Quartò impugnatur prædicta sententia, quia illa terminatio implicite includit rationem entis per transcendentiā, tanquam ratio inferior, & particularis rationem communem, & transcendentalem: Sed implicat deficere rationem inferiorem, seu particularem in individuo, quin deficiat pariter ratio communis, & transcendentalis in ea inclusa: Ergo implicat deficere posse terminationem illam in individuo sub conceptu terminationis, quin possit deficere sub conceptu entitatis. Respondet Illust. Godoy, distinguendo minorem: Quando ratio communis, & transcendentalis finita est, concedit: quando infinita est, negat minorem, & consequentiam; quia quando ratio communis, & transcendens finita est, multiplicatur, & non solum implicatur in rationibus inferioribus, & ideo deficiet ipsa ratione inferiori, necessario deficiet superior in ea inclusa: Attamen entitas divina inclusa in terminatione libera est infinita, & eadem re, & ratione cum entitate inclusa in terminatione necessaria, quin in illis multiplicetur, & ideo licet deficiat libera terminatio illam implicans, manet omnino indeficiens sub conceptu entitatis in terminatione necessaria. Rectè quidem, sed en replicam: Non solum entitas divina est infinita ex conceptu entitatis divinæ, sed etiam terminatio activa divinæ est essentialiter infinita in ratione terminationis divinæ: Sed per te entitas divina, quia infinita, non multiplicatur, nec re, nec ratione in terminatione libera, & necessaria: Ergo pariter terminatio divina non multiplicatur, nec re, nec ratione in terminatione libera, & necessaria: Ergo terminatio libera, & necessaria, tam sunt unica terminatio activa, & intrinseca in ratione terminationis divinæ, & intrinseca, quam sunt unica entitas in ratione entitatis: Ergo falsum est, quod actus liber addit terminationem liberam ratione distinctam à terminatione necessaria.

53. Confirmatur, & tacita solutio præceditur: Ideo terminatio libera, iuxta Illust. Godoy, non addit entitatem ratione distinctam, quia necessaria non est ad esse, nec ad bene esse divinæ entitatis infinitæ: Sed nec etiam necessaria est ad esse, nec ad bene esse terminationis infinitæ Dei, quia terminatio intrinseca infinita Dei æquè esset, æquè infinita, bonaque esset, quamvis non

terminaretur ad existentiam mundi, v. g. Ergo nec addit terminationem supra terminationem necessariam infinitam, & intrinsecam Dei: Ergo nec multiplicatur terminationes intrinsecæ ex parte Dei. Ex quo.

54. Denum impugnatur prædicta sententia, quia terminatio intrinseca libera ad obiectum contingens superaddita terminationi necessaria ad divinam bonitatem, & ratione ab illa distincta, esset volitio superaddita volitioni necessaria, & ratione ab illa distincta: Sed in Deo non datur volitio superaddita volitioni necessaria, & ratione ab illa distincta: Ergo nec terminatio superaddita terminationi necessaria, & ratione ab illa distincta. Probo minorem, postea maiorem probaturus, quia volitio superaddita volitioni necessaria necessario esset actio, seu actus immanens superadditus actui immanenti necessario, & consequenter actus immanens contingenter Deo adveniens, ad quem Deus ex suis prædicatis necessariis esset indifferens, & in potentia: Sed hoc prorsus repugnat in Deo titulo actus purissimi in omni linea: Ergo. Secundò, quia ea volitio superaddita, & ratione distincta, non esset solo numero distincta, frustra enim esset duæ volitiones solo numero distinctæ; aliunde nec specie distinctæ: Ergo. Probo minorem, primò, quia si esset volitio specie distincta: Ergo ratio communis volitionis divinæ multiplicaretur in illa, & volitione necessaria, ut genus, in duas species, & eoque ipso finita esset in qualibet specie, quod quis dicat? Ergo non est volitio specie distincta. Secundò, quia si esset volitio specie distincta à necessaria, pariter volitio vnius obiecti contingenter esset specie distincta à volitione alterius inconnexi, cum pariter essent superabiles, & ad obiecta specie distincta: Ergo tot essent volitiones specie distinctæ in divina voluntate, quot sunt obiecta inconnexa, & diversa, quæ Deus vult; & cum ista sint innumera, essent innumere volitiones specie diversæ in divina voluntate, quod quis dicat?

55. Si dicas, hoc non esse inconveniens, quia solum forent specie distinctæ per rationem, sed realiter vna volitio specie, & numero. Contra est, quia non solum ratione, sed realiter essent distinctæ: Ergo. Probo sequelam, quia ea ratione, qua specie essent distinctæ, essent separabiles realiter quoad speciem, tum inter se, tum à volitione necessaria: Sed ea ratione, qua essent separabiles realiter quoad speciem, essent realiter distinctæ in specie: Ergo ea ratione, qua essent volitiones specie distinctæ, essent realiter distinctæ in specie. Probo maiorem, quia ea ratione, qua essent specie distinctæ per rationem, posset existere vna volitio in specie sua, deficiente realiter alia specie distincta, etiam quoad suam speciem: Ergo essent realiter separabiles quoad speciem. Probo antecedens, quia propterea ponuntur distinctæ virtutes

liter, aut per rationem secundum speciem, ut possit una deficere non deficiente alia: Ergo ea ratione, qua distinguuntur specie per rationem, potest existere una volitio in specie sua, deficiente alia in sua specie. Confirmatur, quia propter ea distinguuntur specie per rationem, seu sunt plures volitiones specificè distinctæ per rationem, quia habent obiecta specificata distincta, nempe una bonitatem divinam, aliz diversas bonitates creatas; aliter enim adhuc per rationem nemo in divina voluntate distinguit phras volitiones specie diversas: Sed eo ipso potest realiter existere quoad suam speciem volitio necessaria bonitatis divinæ deficientibus realiter alijs volitionibus erga bonitates creatas, etiam quoad suas species, & inter istas potest quilibet existere, etiam deficiente alia realiter quoad speciem: Ergo sunt realiter separabiles quoad speciem, in qua supponuntur ratione distinctæ. Minor patet, quia existente obiecto specificativo volitionis existit illa quoad speciem, & deficiente obiecto specificativo illius deficit ipsa quoad speciem: Sed potest existere realiter bonitas divina, quæ est specificativum volitionis necessariæ, & deficere realiter bonitas creatæ, quæ est specificativum volitionis liberæ, & inter bonitates creatas potest una existere realiter, deficiente realiter alia: Ergo pariter volitiones, quoad suas species. Vide *suprà* quæst. 3. à num. 15.

56 Dices forsàn, nec esse inconveniens, quod sint separabiles quoad speciem, quia dummodo non sint separabiles quoad entitatem, nec quoad perfectionem, non sequitur quod realiter entitativè distinguantur, sed satis erit distinctio virtualis, aut rationis. Sed contra est, quia implicat quod sint separabiles quoad speciem volitionis, ut volitionis specie distinctæ, quin sint separabiles quoad essentiam, & entitatem, nec enim est aliud formalissimè loquendo species actus, aut volitionis, quam essentia specifica ipsius, nec ista aliud quam entitas, & perfectio specifica ipsius: Ergo si sint separabiles realiter quoad speciem, erunt separabiles realiter quoad essentiam, entitatem, & perfectionem specificam: Sed eo ipso realiter entitativè distinguantur: Ergo. Vide ubi *suprà*. Mitto alias probationes in contra, quia Thomistæ, & Illust. Godoy planè extant, volitionem necessariam, & liberam in Deo non esse duas specificè volitiones adhuc virtualiter, & per rationem, sed unam cum duplici terminatione virtualiter, & solam per rationem distincta.

57 Sed contra iam probo maiorem ex num. 53. Etenim terminatio libera intrinseca ad obiectum contingens superaddita terminationi necessariæ ad divinam bonitatem est terminatio ad obiectum contingens sub ratione boni superaddita terminationi necessariæ ad divinam bonitatem, & ratione ab illa distincta: Sed termi-

natio ad obiectum contingens sub ratione boni superaddita terminationi necessariæ ad divinam bonitatem, & ratione ab illa distincta est formalissimè volitio obiecti contingentis superaddita volitioni necessariæ: Ergo semel admissa illa duplici terminatione una superaddita alteri, & ratione ab illa distincta, debet admitti etiam duplex volitio, una superaddita alteri, & ratione ab illa distincta. Maior patet, quia illa terminatio in primis est terminatio formaliter de linea voluntatis, cum est specialis terminatio voluntatis, & in linea volitiva, potius quam intellectus, aut in linea intellectiva: Ergo est terminatio ad obiectum sub ratione boni potius quam sub ratione veri. Minor vero probatur, quia terminatio intrinseca, & activa ad bonum contingens sub ratione boni superaddita terminationi necessariæ ad bonitatem divinam, & ratione ab illa distincta est formalissimè tendentia ad bonum cōtingens sub ratione boni superaddita tendentiæ necessariæ ad divinam bonitatem; nam terminatio activa, & intrinseca voluntatis ad obiectum sub ratione boni formalissimè est tendentia illius ad bonum sub ratione boni, terminari enim activè ad obiectum, & tendere in obiectum Synonyma sunt: Sed tendentia ad bonum contingens sub ratione boni superaddita tendentiæ necessariæ ad divinam bonitatem, & ratione ab illa distincta est formalissimè volitio superaddita volitioni necessariæ, quia volitio definitur tendentia in bonum sub ratione boni, & consequenter volitio superaddita volitioni necessariæ debet definitur tendentia in bonum sub ratione boni superaddita tendentiæ necessariæ: Ergo terminatio intrinseca, & activa ad bonum contingens sub ratione boni superaddita terminationi necessariæ, & ratione ab illa distincta est volitio boni contingentis superaddita volitioni necessariæ bonitatis divinæ.

58 Confirmatur, seu explicatur primò, quia duplex illa terminatio intrinseca ea ratione, quæ est duplex terminatio; est duplex volitio: Ergo in consequenter Illust. Godoy admittit duas terminationes negando duas volitiones. Probo antecedens, quia ea ipsissima ratione, quæ est duplex terminatio activa, & intrinseca voluntatis, est duplex terminatio affectiva, & volitiva: Sed ea ipsissima ratione, quæ est duplex terminatio affectiva, & volitiva, est duplex tendentia affectiva, & volitiva, & ea ipsissima ratione, quæ est duplex tendentia affectiva, & volitiva, est duplex volitio: Ergo ea ipsissima ratione, quæ est duplex terminatio intrinseca, & activa, est duplex volitio. Secundo, quia repugnat duplex terminatio volitiva eiusdem volitionis: Ergo ea ipsissima ratione, quæ admittitur duplex terminatio volitiva, sub explicita terminationis volitivæ, debet admitti duplex volitio sub explicita volitivis. Probo antecedens, quia implicat duplex

plex tendentia volitiva eiusdem volitionis, esset enim duplex tendentia volitiva eiusdem tendentiae volitiva, quod ex terminis repugnat: Sed duplex terminatio volitiva esset duplex tendentia volitiva: Ergo repugnat duplex terminatio volitiva eiusdem volitionis.

59 Confirmatur tertio; quia, ut Deus velit liberè creaturas, per se non requiritur volitio superaddita volitioni necessariz sub ratione volitionis, sed sufficit vna simplicissima volitio, re, & ratione vna: Ergo non requiritur duplex tendentia volitiva, sed sufficit vna simplicissima tendentia volitiva, re, & ratione vna: Ergo nec requiritur duplex terminatio volitiva, sed sufficit vnica simplicissima terminatio volitiva, re, & ratione vna: Ergo frustra ponitur duplex. Explicatur primò: Ideo sufficit vnica simplicissima volitio, re, & ratione vna, vel quia ordinate vult bonitatem divinam primariò, & creaturas secundariò, vel quia est volitio infinita, ac per consequens non egens alia ad quocumque volibile: Sed pariter eadem terminatio volitiva potest terminari ordinatè primariò ad divinam bonitatem, & secundariò ad creaturas, & esse infinita in linea terminationis volitivæ, ita ut alia non egeat ad quocumque volitum, vel terminum: Ergo satis etiam erit vnica simplex terminatio volitiva, re, & ratione vna, sicut satis est vnica simplex volitio, re, & ratione vna. Explicatur secundò: Quia volitio necessaria divinæ bonitatis est simpliciter infinita in ratione volitionis non eget alia volitione, adhuc ratione distincta, ut velit creaturas: Sed etiam terminatio necessaria ad bonitatem divinam est simpliciter infinita in ratione terminationis: Ergo nec indiget terminatione distincta, adhuc per rationem, ut terminetur ad creaturas.

60 Confirmatur quartò: Terminatio ad creaturas superaddita terminationi necessariz ad bonitatem divinam, ea ratione, qua esset superaddita, & distincta, esset terminatio volitiva, non solo numero, sed specie distincta: Sed repugnat in divina voluntate duplex terminatio volitiva specie distincta, non minus quam duplex volitio specie distincta: Ergo & terminatio superaddita terminationi necessariz ad divinam bonitatem. Probo maiorem, primò, quia frustra esset duplex terminatio solo numero distincta: Ergo non solo numero, sed specie esset distincta, ea ratione, qua distincta esset. Secundò, quia volitio superaddita volitioni necessariz esset volitio specie distincta, ut faceret illud. Godoy: Ergo terminatio superaddita terminationi necessariz esset terminatio specie distincta. Tertio, quia terminatio libera ad creaturas ea ratione, qua esset superaddita, & distincta à terminatione necessaria ad divinam bonitatem, specificaretur à creaturis: Ergo esset specie distincta à terminatione necessaria, qua specificaretur à bonitate divina. Probo antecedens: Ea ra-

tione, qua esset superaddita, & distincta à terminatione ad bonitatem divinam, non esset terminatio ad bonitatem divinam, sed vnice, & consequenter primò, ad creaturas: Sed ea ratione, qua vnice, & primariò esset terminatio ad creaturas, specificaretur ab illis: Ergo. Explicatur: Ea terminatio ea ratione, qua distincta, & superaddita terminationi ad divinam bonitatem, non esset terminatio, nec terminaretur primariò ad divinam bonitatem, quia terminatio terminata primariò ad divinam bonitatem, qua talis, nec ratione differt à terminatione primaria ad divinam bonitatem: Ergo qua ratione esset addita, & distincta à terminatione primaria ad divinam bonitatem, terminaretur vnice primariò ad creaturas. Nec obest, quod dicatur terminatio secundaria, quia sicut, qui admitteret in divina voluntate volitionem secundariam additam volitioni primariæ, teneretur dicere, ipsam volitionem secundariam, qua distinctam à primaria, primariò velle creaturas, ita qui semel admisserit terminationem secundariam superadditam terminationi primariæ ad divinam bonitatem, teneretur dicere, eam terminationem secundariam, qua distinctam à primaria, primariò etiam terminari ad creaturas, quia ipsa, qua sic distincta, non haberet alium terminum primarium.

61 Confirmatur: Illa terminatio, qua ratione esset terminatio volitiva superaddita, terminaretur ad creaturas sub ratione formali obiectiva boni contingentis: Sed terminatio ad obiectum sub aliqua ratione formali specificatur ab ea ratione formali: Ergo specificaretur à bono contingentis, & consequenter à creaturis. Probo maiorem: qua ratione esset distincta, & superaddita terminationi necessariz, terminaretur ad creaturas, & non sub ratione formali boni necessarij, alias esset terminatio necessaria: Ergo ad illas sub ratione formali boni contingentis. Consequitur ergo ex dictis, frustra, & implicatoriè superaddita terminationi necessariz terminationem liberam. Frustra quidem, quia si eadem volitio absque volitione superaddita esset libera, & necessaria respectu diversorum volitorum, eadem terminatio volitiva, absque terminatione volitiva superaddita, non poterit esse terminatio necessaria, & libera respectu diversorum terminorum? Implicatoriè etiam, vel quia implicat in vna volitione, ea ratione qua est vna, duæ terminationes volitivæ, vel quia essent speciez distinctæ; in id & erga innumeras creaturas volitas essent innumere terminationes speciez distinctæ, omnes defectibiles quoad speciem terminationis, & consequenter quoad essentiam, ac proinde quodam entitatem, ex quo rursus sequeretur esse realiter entitativè distinctas, quia separabiles, quia ea ratione, qua essent superadditæ, & distinctæ, tum inter se, tum à terminatione necessaria, nempe, si explicite, explicite.

tē, si terminativē, terminativē essent specie distinctæ, haberent distinctas species, essentias, & entitates, si explicite, explicite, si terminativē, terminativas, quia qua ratione illas terminationes distincteris, & multiplicaveris intrinsecē in Deo, eadem ratione multiplicare debes illarum species, essentias, & entitates, si explicite, explicite, si terminativē, terminativas, & cum sint separabiles realiter, qua ratione sunt distinctæ, distinguendæ erunt realiter vt plures entitates explicite, & terminativæ. Nec enim est, cur, si admittis distinctionem, & separationem realem terminativam, & penes esse terminativum, non tenearis admittere entitates reales terminativas; nam qua ratione possunt esse, & non esse realiter, eadem sunt entia, seu entitates reales, vt suprà arguebamus.

**PRO VERA SENTENTIA**  
*aliqua asserta præmittuntur.*

62 **V**idimus in præcedentibus, in quibus non debeat constitui velle liberum Dei. Restat videndum, quid sit, aut in quo consistat. Primum faciliè iudicari; secundum difficile, quia velle liberum Dei est sicuti Deus ipse, de quo facilius cognoscimus, quid non sit, quam quid sit. Verumtamen conabimur solidè, si non dilucidè, illud explicare; decet enim in explicandis divinis potius cedere, quam à vero declinare. Igitur vt à fundamentis divinæ voluntatis libertatem exponam.

63 Dico primò: *In divina voluntate non datur re ipsa, & à parte rei libertas per modum actus primi re ipsa indifferens ad plures actus secundos diversos, vel contrarios, nec ad actum secundum, & carentiam ipsius.* Dixi *re ipsa, & à parte rei*, quia contendere nolum de modo, quo à nobis aliter ac est in re potest, & solet concipi per analogiam ad voluntatem, & libertatem nostram potentialem; cum dubitari non possit, quandoque à nobis concipi divinam voluntatem ad modum nostræ, iam volentem, iam nolentem, prius intendentem finem, postea eligentem media, quasi in illa sit varietas, & successio actuum sicut in nostris; sed si hoc ita non se habet in re, non erit ad rem pro explicanda veritate ipsa divinæ libertatis, aut voluntatis. Quo præmisso.

64 Probatur assumptum primò ex D. Th. *quest. 23. de Veritat. artic. 1.* vbi nonum argumentum sic proponit: *Nihil quod se habet ad opposita videtur Deo competere: Sed voluntas se habet ad opposita, cum inter rationales potentias continentur, quæ ad opposita se habent secundum Philosophum: Ergo voluntas Deo non competit.* Et respondet; *quod Deus non competit ad opposita se habere, quantum ad ea, quæ sunt in eius essentia, sed ad opposita se habet, quantum ad*

*effectus in creaturis, quos potest facere, vel non facere.* Tunc sic, sed libertas ad actus diversos, vel oppositos, effectus ad opposita, quantum ad ea quæ essent in eius essentia, quia illi actus, cum essent actus immanentes voluntatis, essent intrinsecē in Deo, & consequenter in eius essentia: Ergo in Deo non est libertas per modum actus primi ad diversos, vel oppositos actus secundos, & consequenter nec ad actum, & carentiam ipsius. Secundo probatur, quia in Deo non datur voluntas re ipsa, & à parte rei per modum potentie, aut actus primi ad actum secundum: Ergo nec libertas per modum actus primi ad diversos, vel oppositos actus secundos. Consequentia patet. Antecedens probarem, nisi in simili loquendo de intellectu probassem *Disputat. 4. quasi. 4. præsertim ex D. Thom. à num. 9. & 3. 2.* Videantur ibi dicta, quæ maxime probant intentum. Tertiò, quia libertas per modum actus primi ad actus oppositos, aut diversos, vel ad actum, & carentiam eius, essentialiter est potentialis: Sed in Deo non datur libertas re ipsa, & à parte rei potentialis: Ergo nec libertas re ipsa per modum actus primi ad diversos, nec ad oppositos actus, nec ad actum, & carentiam eius. Maior probatur, quia libertas per modum actus primi ad actus oppositos, & diversos, vel ad actum, & carentiam eius essentialiter est in potentia ad illos actus, & illorum carentias: Sed eo ipso est essentialiter potentialis: Ergo. Probatur maior, quia libertas per modum actus primi ad actus oppositos, aut diversos essentialiter est indifferens ad ipsos: Sed libertas indifferens ad actus oppositos, aut diversos essentialiter est in potentia ad illos ea ratione, quæ est ad illos indifferens: Ergo. Probatur minor, quia libertas indifferens ad actus oppositos, aut diversos, nullum illorum actu includit, quia alias non tset indifferens ad oppositum, imò nec ad ipsum, quia nihil est indifferens ad id, quod includit, minusque ad oppositum, aut contrarium ei, quod includit: Sed libertas indifferens ad actus in se non inclusos est in potentia ad illos: Ergo.

65 Dices primò, libertatem divinam per modum actus primi esse, non formaliter, sed solum virtualiter indifferenter ad diversos virtualiter actus. Sed contra est primò, quia indifferencia virtualis non est propriè indifferencia, sed valdè improprie, sicut calor virtualis non est propriè calor, nec alia, quæ potè virtualiter dicuntur, sunt propriè talia: Sed libertas eo modo est libertas, quod est indifferencia: Ergo pariter libertas divina solum virtualiter indifferens ad actus oppositos, solum virtualiter, & consequenter improprie erit libertas: Ergo non datur in Deo propriè libertas ad oppositos actus. Secundo, quia libertas virtualiter indifferens ad oppositos actus, vel utrumque contineret virtualiter, vel neutrum, vel vnum tantum. Si utrumque contineret virtualiter:

Er-

Ergo virtualiter non opponerentur illi actus, cum simul virtualiter essent, & continerentur in illa. Si neutrum: Ergo esset indifferens ad illos purè passivè, quia indifferencia ad actus in se non contentos nec virtualiter, esset indifferencia non activa illorum, sed purè passiva, ut per se patet. Si vnum tantum contineret virtualiter, ad aliū esset potentialis, & in potentia purè passiva, quod æquè repugnat: Ergo.

66 Dices secundò, fore indifferenciam ad actus oppositos virtualiter, quatenus esset indifferencia ad diversas virtualitates eiusdem actus. Sed contra etiam, quia vel præcontinere virtualiter illas virtualitates, vel nō? Si non: Ergo esset in potentia purè passiva ad ipsas. Si illas contineret simul virtualiter: Ergo ille virtualitates virtualiter non opponerentur: Ergo non essent virtualitates oppositæ virtualiter: Essent ergo oppositæ formaliter: Ergo vna formaliter excluderet oppositam à parte rei: Ergo vna à parte rei formaliter distingueretur ab opposita: Distinguerentur ergo realiter formaliter, & realiter formaliter opponerentur: Sed implicat in divina voluntate indifferencia ad realiter formaliter opposita, & distincta, quæ non sit indifferencia formalis: Ergo iam esset indifferencia formalis ad virtualitates realiter formaliter oppositas, & non indifferencia purè virtualis. Mitto, quod indifferencia ad plures virtualitates eiusdem actus nullo vero sensu esset indifferencia ad plures actus. Et item, quæ suprà diximus contra eas virtualitates.

67 Dices tertio, dari in divina voluntate indifferenciam purè activam ad diversos actus, quæ non esset potentialis, quia indifferencia potentialis est semper passiva, & ad aliquod recipiendum. Sed contra etiam est, quia implicat esse indifferenciam ad diversos, & oppositos actus intrinsecos, & immanentes, quin sit passiva, & ad illos intrinsecè recipiendos: Ergo & quin sit potentialis. Probatur antecedens, quia indifferencia ad diversos, & oppositos actus intrinsecos, & immanentes essentialiter importat neutrum illorum præcontinere, nec formaliter, nec eminenter: Sed implicat indifferencia ad diversos, & oppositos actus intrinsecos, & immanentes, neutrum illorum præcontinendo, nec formaliter, nec eminenter, nisi sit indifferencia passiva, & ad illos recipiendos: Ergo. Minor videtur per se nota, quia si neutrum illorum præcontineat, nec formaliter, nec eminenter, indifferencia ad illos vel intrinsecos, & immanentes, erit ad illos habendos per receptionem, & participationem ab alio illis, vel formaliter, vel eminenter præcontinente, & consequenter indifferencia passiva: Maior vero probatur, quia si illos actus præcontineat formaliter, implicat quod sit indifferencia ad illos, divisim, quia nihil est re ipsa indifferens ad sua prædicata formalia, nec ad id quod in se for-

maliter præcontinet, alias esset indifferens ad se ipsum formaliter, quod evidenter implicat contradictionem. Si vero illos præcontineat eminenter, implicat etiam quod sit indifferens ad illos habendos formaliter, quia continere illos eminenenter, est continere illos quoad totam suam actualitatem, & perfectionem seclusis imperfectionibus; habere autem illos intrinsecè formaliter est habere illos cum imperfectione, & limitatione propria cuiusque: Sed implicat evidenter continere illos actus simul quoad totam suam perfectionem, & actualitatem sine limite, & imperfectione, cum indifferencia, & capacitate ad illos habendos intrinsecè cum imperfectione, & limitatione: Ergo indifferencia ad oppositos actus intrinsecos, & immanentes essentialiter importat non præcontinere illos, nec formaliter, nec eminenter.

68 Confirmatur primò, quia vel illi actus essent inter se eminenter oppositi, vel (solum formaliter) Si eminenter, non posset voluntas divina illos simul eminenter præcontinere; itemque adhuc eminenter sumpti essent limitati, quia unus excluderet aliū à subiecto, & aliās contineretur sub eodem genere, neutrumque adæquaret, adhuc eminenter sumptum, sui generis amplitudinem. Si autem essent formaliter oppositi, sit idem argumentum, quia sub eodem genere se expellerent formaliter ab eodem subiecto, unde essent formaliter finiti in illo genere actus immanentis, quia neutrum illorum adæquaret amplitudinem sui generis: Ergo nec eminenter, nec formaliter possunt esse oppositi, nisi sint, vel formaliter, vel eminenter finiti, & limitati actus immanentes: Sed voluntas divina non potest esse indifferens activè ad actus finitos immanentes, nisi indifferencia passiva: Ergo nec ad actus oppositos. Confirmatur secundò, quia indifferencia activa essentialiter respicit indifferenciam passivam: Sed indifferencia activa ad diversos, & oppositos actus intrinsecos, & immanentes non potest respicere aliam indifferenciam passivam, nisi subiecti, vel potentie clientis illos actus, quia indifferencia activa ad actus immanentes non est ad illos elicendos, nec producendos in extraneo subiecto, vel passio, sed in se immanenter: Ergo implicat in voluntate indifferencia activa ad actus immanentes, quæ simul non sit indifferencia passiva ad illos.

69 Dices denique, non esse indifferenciam activam ad plures actus immanentes, nec ad plures volitiones, sed ad plures terminationes activas intrinsecas eiusdem actus. Sed contra est, quia redeunt eadem argumenta; vel enim terminationes illæ essent oppositæ, vel non, vel formaliter, vel eminenter. Si nullo modo essent oppositæ: Ergo iam non datur indifferencia ad terminationes oppositas. Si oppositæ: Er-

go limitata intrinsecè: Sed repugnat in Deo indifferencia, & capacitas ad illas, quia repugnat in ipso indifferencia, & capacitas ad terminationes sibi intrinsecas, intrinsecè finitas, & limitatas in ipso: Ergo. Item, si essent oppositæ eminenter, neutram contineret eminenter: Si eas contineret eminenter, non esset indifferens ad illas habendas formaliter: Rursus si essent oppositæ, ea ratione qua illas dicas oppositas, teneris illas dicere limitatas. Ac demum, si esset indifferencia activa ad illas ut intrinsecas, & immanentes formaliter, esset indifferencia ad illas eliciendas, aut producendas non in extraneo subiecto, sed in se intrinsecè: Ergo corresponderet in voluntate potentia passiva ad illas.

70 Ex quo inferes, quam merito dixit Div. Thom. universaliter, quod *voluntas divina non se habet ad opposita, quantum ad ea, quæ sunt in eius essentia, sed solum quantum ad effectus in creaturis*, quia si dicat virtualitates, sive terminationes, sive quæcumque alia opposita consideres intrinseca Deo, quæ sint in Deo, aut in eius essentia, ad ea ut ad opposita non se habet voluntas divina, sed solum ad effectus extra Deum ponendos. Nec admittenda est subtilis distinctio Illustris. Godoy, dicentis, terminationes illas esse oppositas sub conceptu *ad*, non sub conceptu *in*. Contra enim est, quia vel sub conceptu *ad* sunt intrinsecè, vel extrinsecè? Si solum extrinsecè: Ergo solum ad terminationes extrinsecas datur indifferencia, quod libenter fateamur, & ipse negat. Si intrinsecè: Ergo sub conceptu *ad* sunt in Deo, & in eius essentia, quia ea ratione qua sunt intrinsecè Deo, sunt in Deo, & in eius essentia, unde ipse conceptus *ad* erit in Deo, utpotè illi intrinsecus: Ergo indifferencia ad illas ut oppositas sub conceptu *ad* intrinseco Deo, erit ad opposita in divina essentia. Rursus, nam si illæ terminationes sub conceptu *in* non sunt oppositæ: Ergo nec defectibiles una per aliam sub conceptu *in*: Ergo nec quatenus intrinsecè Deo, quia solum sunt Deo intrinsecè sub conceptu *in*: Ergo negare debes terminationes intrinsecas Deo ut intrinsecas defectibiles, aut oppositas. Mitto, quod esset separabilis eadem terminatio sub conceptu *ad* à se ipso sub conceptu *in*, imò & ipse conceptus *ad* à se ipso, quia ipsum *ad*, si est intrinsecum, debet esse *in* Deo, unde ad posset esse *in* Deo, quin esset *ad* creaturas, quod quis non videat, potius esse chimerizare, quam solidè discurrere, aut aliquid perceptibile dicere?

Inferes demum, totam libertatem divinæ voluntatis esse per modum actus secundi, seu actus puri, stareque in ipso actu secundo volendi, seu in ipso velle libero Dei. Pro quo amplius explicando.

71 Dico secundò: *Velle liberum Dei*

*non est liberum passivè, seu libertate subiectionis, aut contingentie, tanquam extremum divine libertatis, sed libertate purè activæ per modum actualissimi dominij supra extrema libertatis, quæ præcise sunt esse, vel non esse creaturarum, aut esse hoc, vel esse contrarium eiusdem creature.* Explicatur primò, ut postea probetur, hoc assertum. Itaque liberum dicitur aliquid dupliciter; nempe vel quia est sub libertatis dominio, & libera potestate; vel quia est ipsum dominium, & libera potestas supra aliud. Illud quod est sub libertatis dominio, & potestate, dicitur passivè liberum, seu libertate subiectionis, & tanquam libertatis extremum, & sic dicitur liberum sedere, vel ambulare ei, qui potest utrumque. Ipsum vero dominium, arbitrium, aut potestas dicitur activè liberum libertate dominij supra extrema. Quod tamen dominium, adhuc est duplex, nempe vel dominium, & arbitrium potentiale, hoc est, in actu primo, & in potentia ad actum secundum arbitrandi, aut dominandi, seu eligendi, & determinandi unum ex extremis; vel per modum actus secundi arbitrandi, dominandi, eligendi, aut determinandi. Hic vero actus secundus arbitrandi, dominandi, aut determinandi, adhuc etiam est duplex, nempe vel re ipsa distinctus à potentia, & facultate electiva, ad quem ipsa facultas electiva, aut dominativa sit in potentia. Vel per modum actus puri indistincti re ipsa à supposito, natura, & voluntate electiva, seu dominativa, quia actus purus in eligendo, & dominando, aut arbitrando hæc omnia identificat, & est cum summa simplicitate. Quo supposito.

72 Dicimus primò, quod *velle liberum Dei non est passivè liberum, nec liberum libertate subiectionis, aut tanquam libertatis extremum.* Dicimus secundò, *esse liberum libertate activæ, & dominij, seu arbitrij supra extrema.* Sed quia hoc dominium, & arbitrium potest esse, vel potentiale, & in actu primo; vel actuale, & in actu secundo, dicimus tertio, *non esse liberum activè per modum dominij potentialis, & purè in actu primo, sed per modum dominij actualis, & in actu secundo.* Sed quia dominium hoc actuale, & in actu secundo, adhuc potest esse, vel per actum purè secundum re ipsa distinctum à dominio, & arbitrio in actu primo; vel per modum actus puri, qui eminenter, & cum simplicitate sit actus secundus, & primus, & identificans omnem actualitatem in linea arbitrandi, & dominandi: Dicimus quartò: *Esse liberum per modum actualissimi dominij supra extrema.* Et tandem, ne dubites, quænam sit ista extrema. Dicimus ultimò: *Quod ea sunt, esse, & non esse creaturarum; vel esse hoc, aut esse contrarium eiusdem creature.* His ergo quinque assertis probatis, probata manebit, & explicata nostra conclusio.

73 Primum ergo probatur, primò ex dictis Asserto precedenti, quia iam constat in Deo non esse libertatem ad actus secundos diversos, aut oppositos: Ergo nec ad hoc, aut illud velle liberum, tanquam ad libertatis extrema: Ergo in Deo non datur velle liberum tanquam libertatis extremum passivè determinabile, aut eligibile, prae alio velle, aut prae alio actu libero: Ergo velle Dei non est sic liberum. Secundò, quia potestas suprema, supremumque Dei arbitrium, & dominium non est suprà se ipsum: Sed velle liberum ipsius Dei est ipse Deus: Ergo non est suprà suum velle liberum: Ergo nec eius velle liberum est sub dominio, aut arbitrio supremo Dei, & consequenter nec passivè liberum per modum extremi libertatis. Tertiò, quia id solum est passivè liberum per modum extremi libertatis, quod est unum ex extremis oppositis, ad quae se habet voluntas, aut libertas: Sed velle liberum Dei non est tale extremum, alteri oppositum, quia est in divina essentia, & voluntas Dei non se habet ad opposita, quantum ad ea, quae sunt in eius essentia, ut ait D. Thom. Ergo: Quartò, quia solum est liberum passivè per modum extremi, quod ex se potest esse, & non esse, seu quod est indifferens ut sit, vel non sit in rerum natura, eoque indiget determinari ad esse: Sed velle liberum Dei essentialiter est suum esse, minimeque indifferens ad esse, & non esse, aliàs esset creatura in potentia, & non actus purus, nec ipse Deus, prout revera est: Ergo non est liberum passivè, aut per modum extremi.

Ex quo iam secundum constat, nempe esse liberum libertate activa dominij, seu arbitrij supra extrema, quia non est medium inter passivè liberum per modum extremi, seu libertate subiectionis, & activè liberum libertate activa dominij supra extrema: Ergo si velle Dei non est liberum primo modo, est liberum hoc secundo modo.

74 Tertium vero non minùs constat, tum quia dominium potentiale, seu libertatem potentialem per modum actus primi, iam relegavimus à Deo: tum quia ea libertate possit quidem esse libera voluntas ab ipso velle distincta; sed ipsi velle liberum cum sit actus secundus volendi non potest esse liberum per modum dominij potentialis in actu primo: Sequitur ergo, quod solum sit liberum per modum dominij actualis in actu secundo.

75 Quartum etiam consequitur manifestè, quia velle liberum Dei non est purè actus secundus re ipsa distinctus à voluntate, aut à facultate electiva, aut arbitrio in actu primo, sed est actus purus in linea arbitrandi, dominandi, & eligendi, ut dictum est: Ergo sic est liberum, nempe per modum actualissimij arbitrij, dominij, & electionis suprà extrema arbitrabilia, determinabilia, aut eligibilia.

76 Ultimum denique, quod nempe hinc extrema sine esse, vel non esse creaturarum, aut esse hoc, vel esse contrarium eiusdem creaturae, non minus patet, tum ex D. Thom. dicente, quod voluntas Dei ad opposita se habet solum quantum ad effectus in creaturis, quos potest facere, vel non facere: Tum quia non restant alia extrema, suprà quae, nec ad quae sit dominium, & libertas actualissima Dei.

77 Secundò probatur conclusio, quia velle liberum Dei debet constitui liberum libertate perfectissima, nullam implicante imperfectionem: Sed sola libertas purè activa, & actualissima dominij suprà esse, vel non esse creaturarum, est perfectissima; libertas autem subiectionis, & passiva includit imperfectionem: Ergo non hac, sed illa libertate est liberum Dei velle. Minor quoad primam partem patet, quoad secundam probatur, quia libertas passiva, subiectionis, & extremi importat essentialiter indifferentiam passivam ad esse, & non esse, & consequenter potentialitatem in essendo: Sed hac est manifesta imperfectio: Ergo.

78 Dices primò, libertatem perfectissimam dominij esse quidem perfectissimam, sed solum propriam voluntatis, aut potentiae liberæ, quia voluntas libera non dicitur ea, quae habet dominium, sed quae est sub dominio, & in potestate volentis. Et confirmabis, quia actus liber necessariò debet esse contingens, potensque esse, & non esse, nam aliter erit necessarius, & non in libera potestate volentis, & consequenter non erit propriè actus liber.

79 Sed contra est, quia hic detegitur æquívoco contrariorum; putant enim, idem esse, actum esse liberum, ac actum esse contingentem, seu possibilem esse, & non esse; & hanc contingentiam esse de essentia, & ratione formali libertatis, in quo tamen decipiuntur. Vnde.

80 Dico tertiò: Velle liberum Dei est formalissimè actus liber, sed non intrinsecè contingentem, nec contingentiam intrinsecam est de conceptu essentiali actus liberi ut talis, sed imperfectio eius. Probatur primò ex D. Thom. qui id ipsissimum sæpè asserit. In primis, quaest. 23. de Veritat. artic. 3. in corpor. sic ait: Dicendum, quod deus non velle necessitatem habet ex parte ipsius volentis, & actus, indubitabiliter verum est; unde hoc in quaestione non ponitur, sed utrum velle ipsum necessitatem habeat per ordinem ad volentem, quae quidem comparatio intelligitur, cum dicimus velle hoc, aut illud. Item quaest. 3. de Potent. art. 15. ad 11. sic ait: Dicendum, quod quantum ad id, quod in ipso Deo est, non potest attendi aliqua possibilitas, sed sola necessitas naturalis, & ab ipsa soluta. Respectu vero creaturae potest ibi considerari possibilitas, non secundum potentiam passivam.

nam, sed secundum potentiam activam, qua non limitatur ad unum. Et ad 15. ait: Dicendum, quod sicut in Deo nihil est, nisi bonum, ita in eo nihil est, nisi necessarium; non tamen oportet, quod quicquid est ab eo, procedat per necessitatem. En ubi D. Thom. expresse ait, quod divinum velle necessitatem habet ex parte ipsius volentis, & actus, & quod hoc indubitabiliter verum est. Item, quod quantum ad id quod in Deo est, non potest attendi aliqua possibilitas, & consequenter nec contingentia, sed sola necessitas naturalis, & absoluta; ac demum, quod in Deo nihil est, nisi necessarium: Ergo velle liberum Dei, licet perfectissimè, & intrinsecè liberum, non est intrinsecè contingens, nec intrinsecè possibile ad esse, & non esse, sed intrinsecè necessarium in essendo, necessitate opposita contingentia.

81 Deinde probatur ratione deducta ex D. Thom. quia illud solum est intrinsecè contingens, quod intrinsecè est potens esse, & non esse, seu intrinsecè possibile ad esse, vel non esse intrinsecè: Sed velle liberum Dei non potest esse intrinsecè possibile esse, vel non esse, nec indifferens intrinsecè ad esse, vel non esse intrinsecè: Ergo nec intrinsecè contingens. Probatur minor, quia velle liberum Dei essentialiter est ens, & actus à se, & per essentiam, cum essentialiter sit actus purus: Sed si esset intrinsecè possibilis, aut intrinsecè indifferens ad esse, vel non esse, necessariò esset ens ab alio, & per communicationem alterius, aut participationem, non per essentiam, & à se: Ergo non est intrinsecè possibilis, nec intrinsecè indifferens ad esse, vel non esse. Minor patet, nam quod ex se est possibile, & indifferens intrinsecè ad esse, & non esse, non potest per se ipsum determinare ad esse, nec à se ipso acquirere esse, quia non est per essentiam suum esse: Ergo.

82 Dices, ex hoc probari solum, quod velle liberum Dei non sit actus intrinsecè contingens formaliter, entitative, aut in essendo, non vero, quod non sit intrinsecè contingens, vel virtualiter, vel terminativè, & sub conceptu explicito terminationis. Sed contra est ex iam dictis, nam vel pro contingentia virtuali intrinseca intelligis, quod necessariò, & per suam essentiam æquivaleret, quantum ad perfectionem, libertatem, & dominium actui libero nostro contingentis; & hoc vltro fateamur, quia sine contingentia illa intrinseca necessariò æquivaleret nostris actibus liberis, non in contingentia, nec in posse esse, & non esse, sed in libertate, actualitate, & dominio; quæ æquivalentia intrinseca in ipso velle Dei non est in illo contingens intrinsecè, sed necessaria intrinsecè, cum sit prædicatum intrinsecum Dei, licet extrinsecè dici possit contingens ex parte illius, cui æquivaleret. Vel intelligis aliquam virtualitatem intrinsecam, aut intrinsecam æquivalentiam intrinsecè contingentem in ipso actu libero Dei; &

hoc eadem ratione impugnatur, quia implicat virtualitas intrinseca Deo intrinsecè potens esse, & non esse in ipso, quin sit contingens in essendo, & consequenter entitative: Ergo tandem semper verum est, quod velle Dei liberum non est intrinsecè contingens, adhuc virtualiter intrinsecè, hoc est, quantum ad aliquam virtualitatem intrinsecam, quæ intrinsecè sit contingens. Vide supra num. 30.

83 Secundò, quia propterèa tantum ponitur contingentia intrinseca virtualis in velle libero Dei, quia exeliminatur, esse de conceptu essentiali actus liberi, quod sit contingens, seu potens esse, & non esse: Sed hoc est falsum; & casu quo verum esset, non sufficeret contingentia purè virtualis: Ergo. Hæc secunda pars minoris probatur, quia per contingentiam purè virtualem non potest constitui actus formaliter, & non purè virtualiter liberi, vt dicebamus supra. Deinde probatur, quoad primam partem, probando iam secundam nostri asserti. Quia non est de conceptu essentiali actus liberi, quod sit contingens, quia actus est, nec quia liber est: Ergo nec quia actus liber est. Non quia actus est, quia nullus dixit, quod sit de essentia actus voluntaris, quod contingens sit. Neque quia liber est, quia non est de essentia libertatis quod contingens sit, aut potens esse, & non esse, quod sic probò, primò, quia si libertas creata est contingens, ideo est, quia est libertas creata, & ens ab alio seu per participationem, non vero ex conceptu analogo libertatis, nec quia libertas est: Ergo nec ex capite liberi, aut libertatis est de essentia actus liberi, quod contingens sit. Secundò, quia de essentia libertatis solum est, quod dominium, & arbitrium liberum sit. Sed de conceptu essentiali dominij, & liberi arbitrij non est, quod contingens sit, seu potens esse, & non esse: Ergo nec de essentia libertatis. Probatur minor, quia esse contingens, & potens esse, & non esse, est formalissimè esse pendens, & subiectum arbitrio, & dominio alicuius in essendo, vel non essendo: Sed non est de essentia dominij, & liberi arbitrij pendere, & subijci alicui dominio in essendo, vel non essendo, imò hoc est contra rationem dominij saltem ex parte, & dominium minuens: Ergo nec est de ratione dominij, & liberi arbitrij, quod sit intrinsecè contingens, aut potens esse, & non esse.

84 Dices, hoc verum esse de dominio, & libero arbitrio in actu primò, quod solum propriè vocatur liberum arbitrium, & dominium, quia solum illud est verè, & propriè potestas, non vero loquendo de actu secundò liberi arbitrij, & dominij, quia hic necessariò debet esse in potestate, & libertate ipsius dominij, & arbitrij, & id repugnat, nisi sit contingens, & potens esse, & non esse. Sed contra est, quia in primis reddit argumentum factum, siquidem nec ex capite actus secundarij,



di, nec ex capite liberi, aut libertatis est de essentia actus secundi liberi, quod sit contingens. Secundò, quia falsum est, quod solum liberum arbitrium, dominium, & potestas, primò, quia in Deo non datur liberum arbitrium per modum actus primi propriè, & à parte rei actus primi; & tamen datur in ipso propriè à parte rei liberum arbitrium, dominium, & potestas. Secundò, quia si actus secundus arbitrandi, determinandi, & disponendi sit per se subsistens, hoc est ipsum arbitriari, determinare, & disponere de rebus per se subsistens, absque dubio erit propriè dominium, arbitrium, & potestas, actualissima quidem, sed propriè talis, ut potè omnem excludens subiectionem, & dependentiam ab alio: Ergo non est contra rationem actus secundi, vel saltem actus puri, quod sit dominium, arbitrium, & potestas propriè talis. Tertiò, quia quod apud nos actus secundus determinandi, arbitrandi, aut eligendi non sit propriè dominium, arbitrium, aut potestas, non est, quia sit actus dominandi, determinandi, aut eligendi, sed quia re ipsa non est sui ipsius actus, aut exercitium, sed actus, aut exercitium potentie dominativæ, aut determinativæ realiter distinctæ; sicut quod in nobis velle ipsum non sit propriè voluntas, non est, quia est actus volendi, sed quia est actus potentie volitivæ realiter distinctus ab ipsa, & non ut per se subsistens: Sed hoc non competit illi actui, ex quo est actus liber dominandi, determinandi, aut eligendi, sed ex quo finitus est, in Deo autem, quia purè actus est, & infinitus, est ipsum determinare omnia determinabilia, & ipsum dominare omnia dominabilia, & ipsum arbitrarì de omnibus arbitrabilibus, ut actus per se subsistens, seu ut actus purus in linea arbitrandi, determinandi, & eligendi: Ergo propriè est dominium, arbitrium, & potestas actualissima.

85 Explicatur: Actuale determinare omne determinabile, & actuale arbitrarì de omni arbitrabili, est actus, non solum primus, sed secundus: Sed hoc actuale determinare omne determinabile, & actuale arbitrarì de omni arbitrabili, nō est contingens in Deo, sed omninò necessariū, adeò ut Deus per essentiam suam sit essentialiter ipsum determinare omne determinabile, & ipsum arbitrarì de omni arbitrabili: Ergo in Deo actus secundus dominij, & arbitrij non est contingens, nec exigit villo modo contingentiam intrinsecam. Minor patet, quia si Deus per essentiam, & necessarissimè non esset ipsum determinare, & arbitrarì de omni arbitrabili, & determinabili, esset in potentia ad actum arbitrandum, & determinandum, quandoquidem per essentiam non esset ipsum arbitrarì, aut determinare: Sed hoc Deo repugnat: Ergo.

Ex quo iam excluditur recursus ad contin-

gentiam sub conceptu terminationis intrinsecæ, quia vel illa constituit intrinsecè ipsum actuale arbitrarì, & determinare de omni determinabili, & arbitrabili, vel non? Si non, ut quod illa terminatio intrinseca intrinsecè contingens. Si constituit intrinsecè ipsum actuale arbitrarì, & determinare: Ergo illud erit intrinsecè contingens sub conceptu adæquato actualis arbitrarì, & determinare de omni determinabili, Deulque non erit necessariū, & per essentiam ipsum actuale arbitrarì, & determinare de omni arbitrabili, & determinabili, nec per essentiam erit in actu arbitrandi, & determinandi de omni arbitrabili, & determinabili, sed per suam essentiam erit in potentia ad actum arbitrandum, & determinandum, quod quis dicat? Ergo.

86 Ex dictis iam faciliè erit nostram sententiam exprimere, quæ, ni fallor, sola est solida, & mens ipsa D. Thom. qui sanè altissimè, & aptissimè explicavit inter omnes Theologos divinam libertatem, conformiter ad quem loqui debent, & sentire, quicumque de Deo, de eius altitudine, actualitate, independentia, immutabilitate, & perfectione benè sentiant, inquit in præsentì M. Iude, phofus Michael. Igitur.

#### NOSTRA SENTENTIA.

87 **D**ico ultimo: Velle Dei liberum ut tale, seu actus Dei liber ut talis nihil intrinsecè vere contingens, aut defectibile intrinsecè addit suprà velle Dei necessarium, sed ipsum velle Dei necessarium per essentiam suam, & necessariū est velle liberum, & actus liber, constitutus in esse talis per omnimodam independentiam, & eminentiam suprà omnes creaturas possibiles esse, vel non esse, & per actualissimum dominium, & arbitrium de omni creato, quantum ad esse, vel non esse. Probatur primò ex D. Thoma 1. contr. Gent. cap. 82. ubi sic sibi obijcit: Videtur sequi inconvenientia, si Deus ea, quæ vult, non ex necessitate velit. Si enim voluntas respectu aliquorum volitorum non determinatur quantum ad illa, videtur se ad utrumlibet habere: Sed omnis virtus, quæ est ad utrumlibet, est quodammodo in potentia: nam ad utrumlibet species est possibilis contingenti: Erit ergo Dei voluntas in potentia, &c. Respondet autem: Horum autem nullum necesse est sequi. Ad utrumlibet enim esse, alicuius virtuti dupliciter convenire potest. Uno modo ex parte sui. Alio modo ex parte eius, ad quod dicitur. Ex parte quidem sui, quando nondum consequuta est suam perfectionem, per quam ad unum determinatur, unde hoc in imperfectionem virtutis redundat, & ostenditur esse potentialitatis in ipsa, sicut patet in intellectu dubitantis, qui nondum affectus est principia, ex quibus ad alterum determinatur.

Ex

88. *Ex parte autem eius, ad quod dicitur, Invenitur aliqua virtus ad utrumlibet esse, quando perfecta operatio virtutis a neutro dependet, sed tamen utrumque esse potest, sicut aliqui, qui diversis instrumentis uti possunt equaliter ad idem opus perficiendum. Hoc autem ad imperfectionem virtutis non pertinet, sed magis ad eius eminentiam, in quantum utrumlibet oppositorum excedit, & ob hoc determinatur ad neutrum, sed ad utrumque se habet. Sic autem est in divina voluntate respectu aliorum à se; nam finis eius à nullo aliorum dependet, cum tamen ipsa fini suo perfectissime sit unita; non igitur oportet potentialitatem aliquam in divina voluntate ponere. Hactenus D. Thom. profunde sanè exponens Dei supremam libertatem. Ex quibus patet, quod voluntas, seu velle Dei est liberum, quatenus ad opposita se habet; non quidem ad opposita ex parte sui, hoc est, ad oppositos actus, volitiones, aut terminationes sibi intrinsecas; quæ sint aliquid sui; quia hoc tantum convenire potest voluntati ex quo noquid affluata est suam integritatem, & perfectionem, & arguit in illa potentialitatem; sed solum ad opposita ex parte eius, ad quod dicitur, nempe ex parte creaturarum, quantum ad esse, vel non esse illarum, quia videlicet perfecta eius operatio, nempe perfectissimū velle ipsius, à neutro dependet, nec ab esse, nec à non esse. creaturæ, sed utriusque esse potest divisim, quia utrumlibet oppositorum excedit, & ob hoc ad neutrum determinatur, quod minimè arguit potentialitatem, sed potius summam eminentiam, & independentiam à quolibet ex oppositis extremis: Sed totum hoc necessariò, & minimè contingenter convenit ipsi volitioni necessariæ Dei erga creaturas consideratæ: Ergo ipsum velle necessarium Dei per nihil contingenter sibi superadditum constituitur liberum, sed per suam essentiam, & per eminentiam, & excessum, independentiamque ab esse, vel non esse creaturarum necessariò est velle liberum, seu actualissimum arbitrium circa esse, vel non esse cuiuslibet creaturæ.*

89. *Dices forsitan, D. Thom. per hanc eminentiam, & excessum explicare quidem libertatem divinæ voluntatis, aut quasi in actu primò, quam Deo necessariò convenire nullus dissimulat, non autem velle liberum, aut volitionem liberam in actu secundo, quia hæc aliquo modo debet esse contingens. Sed contra est primò, quia D. Thom. libertatem divinam explicat, per hoc quod perfecta operatio virtutis à neutro dependet ex oppositis, sed utrumlibet oppositorum excedit: Sed perfecta operatio non est voluntas quasi in actu primò, sed ipsum velle, seu volitio in actu secundo: Ergo explicat libertatem divinæ volitionis in actu secundo per eminentiam, excessum, & independentiam à quolibet ex oppositis. Secundo, quia si D. Thom. non explicasset libertatem ipsius vo-*

*litionis in actu secundo per dictum excessum, & eminentiam, non solvisset argumentum: Ergo idem, quod prius. Probatur antecedens, quia argumentum conabatur inferre, quod in divina voluntate esset species quadam possibilis contingentis ad utrumlibet se habentis: Sed hoc non solvitur, si volitio divina in actu secundo constituitur libera per contingentiam, & nō per excessum, & independentiam à creaturis, in quo argumentum vires sumeret: Ergo. Tertiò nam excessus, eminentia, & independentia ab esse, vel non esse creaturarum non solum convenit divinæ voluntati, quasi in actu primò, sed etiam volitioni in actu secundo: Sed D. Thom. explicat libertatem per talem excessum: Ergo & libertatem volitionis in actu secundo. Patet consequentia, quia cui convenit id, per quod D. Thom. explicat libertatem, convenit libertas à D. Thom. explicata: Ergo si hoc convenit volitioni actuali in actu secundo, huic convenit libertas à D. Thom. explicata: Ergo explicat Div. Thom. libertatem volitionis in actu secundo.*

90. *Deinde probatur ratione, quia in primis, velle liberum Dei nihil addit intrinsecū Deo, supra velle necessarium, intrinsecè contingens in ipso Deo, quia nec addit perfectionem, nec entitatem, nec formalitatem, nec virtualitatem, nec terminationem intrinsecam contingentem, ut satis in superioribus ostendimus; deinde non constituitur in esse actus liberi, aut volitionis liberæ per aliquid extrinsecum ipsi Deo, ut etiam ostendimus à num. 6. Sed eo ipso non restat, nisi quod ipsum velle Dei necessarium per essentiam suam, & consequenter necessariò sit velle liberum, sive volitio libera in actu respectivè ad creaturas: Ergo ipsum velle necessarium per essentiam suam, & necessariò est velle liberum, seu libera volitio in actu erga creaturas, sive respectivè ad creaturas. Quod vero in esse talis sufficienter constituitur per independentiam, & eminentiam supra ipsas creaturas posibles esse, & non esse, sic probatur, quia velle necessarium, seu amor necessarius finis non egentis, nec dependentis vilo modo in sui possideri, nec ad sui esse, nec ad sui bene esse ab eis, quæ sunt ad finem, essentialiter est independents, & non egens eis, quæ sunt ad finem. Sed ex hoc præcisè est liberum velle circa ea, quæ sunt ad finem, nempe circa creaturas: Ergo per summam independentiam, seu non indigentiam earum constituitur velle liberum circa ipsas, aut circa esse, vel non esse illarum.*

91. *Explico maiorem, postea minorem probaturus, etenim, amor, seu velle finis, non alia ex causa potest egere, seu dependere ab eis, quæ sunt ad finem, nisi quia finis amatus, aut volitus, in sui possideri, aut in sui esse, aut in sui bene esse dependet ab eis, quæ sunt ad finem; si enim finis amatus, & volitus, nec in sui possideri, nec in sui esse,*

esse, nec in sui bene esse, eger, aut dependet ab eis, quæ sunt ad finem, abs dubio amatur independentem omnino ab eis, quæ sunt ad finem, & consequenter illius amor, & volitio est omnino independentem ab eis, quæ sunt ad finem, & sine illorum indigentia: Ergo velle necessarium, seu amor necessarius finis omnino independentis, seu non egentis, nec in sui possideri, nec in sui esse, nec in sui bene esse ab his, quæ sunt ad finem, est amor, aut velle omnino ab eis independentem, & eis nullo modo egens. Minor autem comprobatur, quia ex hoc præcisè, quod amor finis amet finem cum omnimoda independentia ab eis, quæ sunt ad finem, nulla omnino necessitate constringitur ad ea, quæ sunt ad finem, siquidem eis nullo modo eger, nec ab eis dependet: Sed ex hoc præcisè, quod nulla necessitate ad ea constringitur, est liber erga illa: Ergo ex hoc præcisè, quod velle necessarium finis, aut amor necessarius illius, est amor illius cum omnimoda independentia ab eis, est amor liber erga ea, quæ sunt ad finem.

92 Explicatur hic discursus: Amor necessarius finis ex eo solum necessariò, & non liberè esset eorum, quæ sunt ad finem, quia finis possideri non posset, vel absolutè, vel perfectissimè, nisi dependenter ab eis; propterea enim nos ex amore finis ultimi constringimur ad ea, quæ sunt ad finem, quia finem obtinere, aut possidere non possumus perfectè, & adequatè independentem ab eis, quæ sunt ad finem, seu à medijs: Ergo per hoc præcisè, quod amans finem perfectissimè possideat finem independentem ab eis, quæ sunt ad finem, non necessariò, sed liberè amat ea, quæ sunt ad finem: Sed voluntas divina per amorem necessarium perfectissimè coniungitur suo fini, ipsumque amat, ut perfectissimè possidemus independentem ab eis, quæ sunt ad finem, & absque omni illorum indigentia: Ergo ex hoc præcisè, eius amor liber est ad ea, quæ sunt ad finem. Explicatur: Amor eorum, quæ sunt ad finem, propter finem perfectè possessum, & amatum independentem ab eis, ex hoc ipso est amor liber eorum, quæ sunt ad finem: Sed amor creaturarum in Deo essentialiter est amor illarum propter finem suum, nempe propter suam bonitatem perfectè possessam, & amatam independentem ab eis: Ergo ex hoc ipso est amor liber earum. Hac ratione videtur D. Thom. 1. contra Gent. cap. 8. sic in primis proponendo difficultatem. Si divina voluntas est divina bonitatis, & divini esse ex necessitate, posset alicui videri, quod etiam aliorum ex necessitate esset; cum omnia alia velis volendo suam bonitatem. Sed tamen, (subiungit) rectè considerantibus apparet, quod non est aliorum ex necessitate. Et probat, quia est aliorum, ut ordinatorum in finem suæ bonitatis: voluntas autem non ex necessitate fertur in ea, quæ sunt ad finem,

si finis sine his esse possit: cum igitur divina bonitas sine alijs esse possit, quinimo nec per alia ei aliquid accrescat, nulla inest ei necessitas, ut alia velit, ex hoc quod vult suam bonitatem.

93 Dices forsàn, ex prædicto discursu D. Thom. rectè quidem probari à priori, quod divina voluntas, quantumvis necessariò amans suam bonitatem, ex hoc non est necessitata, sed manet libera ad amandas creaturas, quia eis non eget ad perfectam possessionem suæ bonitatis. Cæterum difficultatem manere in assignando, quo constituitur actu volens creaturas, v.g. hunc mundum; quod non explicatur ex eo præcisè, quod maneat libera ad illum amandum, nisi addatur aliquid per quod actu illum amans, aut volens denominetur. Sed contra est, quia vel queris, quo constituitur amans, aut volens in actu secundo mundum; vel quo constituitur amans, aut volens liberè mundum? Si primum, dico quod per ipsum amorem, & velle necessarium, quo suam bonitatem necessariò amat, & vult, absque vilo addito, amat, & vult mundum: Quod sic probò, quia amans finem primariò, & secundariò aliud propter finem; eodem ipsissimo actu, volitione, & amore potest amare utrumque, quia idem ipsissimus amor, & idem ipsissimum velle, nihilo sibi addito, potest esse duorum obiectorum cum ordine primarij, & secundarij, hoc est vnus primariò, & alterius secundariò: Ergo cum divina voluntas simplicissima sit, & infinita, eodem ipsissimo amore, quo constituitur amans primariò suam bonitatem, ut finem, eodem ipsissimo, nihilo sibi addito, amat, seu constituitur amans, & volens secundariò creaturas, seu mundum. Iam verò, si queris secundum, nempe quomodo liberè amat, seu constituitur amans liberè mundum, quando quidem constituitur ipsum amans solo amore necessariò nihilo sibi addito? dicimus, quod constituitur amans liberè, potius quam necessariò mundum, ex hoc præcisè, quod amat illum sine indigentia illius ad perfectam finis sui possessionem, & amorem, quia ex hoc præcisè est amor liber illius, potius quam necessarius; & hoc est quod hoc discursu probavimus, & explicavimus: Ergo tota difficultas soluta manet.

94 Secundò probatur assumptum, & explicatur. Per hoc præcisè, quod velle divinum sit activè indifferens in actu secundo, & per modum actus secundi ad obiecta contraria, vel contradictoria, quæ sunt esse, vel non esse creaturarum, est in actu secundo liber erga illa: Sed velle divinum necessarium erga divinam bonitatem, per se, & essentialiter, nihilo sibi superaddito, est activè indifferens in actu secundo ad esse, vel non esse creaturarum, tanquam ad obiecta contradictoria, eo potissimè, quia eis non eget, nec ab eis dependet: Ergo per suam essentiam, nihilo sibi superaddito, est velle liberum erga creaturas ex eo præ-

præcisè, quia eis non eget, nec ab eis dependet. Probo minorem, quia velle divinum necessarium erga divinam bonitatem, per suam essentiam est indifferens in actu secundo, ut eius volitum secundarium sit esse huius creaturæ, vel illius, esse, aut non esse eiusdem creaturæ, quia à neutro dependet: Sed hæc est indifferentia activa in actu secundo ad esse, vel non esse creaturarum ut ad objecta contraria, aut contradictoria: Ergo. Probo maiorem, quia velle divinum necessarium per suam essentiam, idem ipsissimum salvatur in actu secundo, in specie, & individuo, cum hoc obiecto secundario, ac sine illo, cum hoc, ac cum contrario, vel contradictorio, quia videlicet ab obiectis secundariis non specificatur, nec individuatur, & consequenter eis non eget, nec ab eis pendet villo modo: Sed hoc formalissimè est esse indifferens in actu secundo ad diversa obiecta secundaria, sive ad esse harum, vel illarum creaturarum, sive ad esse, vel non esse illarum tanquam ad objecta contraria, aut contradictoria: Ergo. Explicatur: Ex hoc præcisè, quod velle divinum in actu secundo idem ipsissimum est, & æquè benè se habet, sive volitum illius sit esse huius creaturæ, sive non esse illius, sive esse cuiuslibet alterius, ex hoc inquam indifferens est activè, & consequenter activè liberum erga creaturas: Sed velle divinū ex hoc præcisè, quod non specificatur, nec individuatur, & consequenter ex eo, quod nullo modo pendet à creaturis, idem ipsissimum salvatur, & est in actu secundo, tam numero, quàm specie, & æquè benè, eodemque modo se habet intrinsecè, sive obiectū illius sit hæc creatura, sive illa, sive esse huius, sive huius non esse: Ergo ex prædicta independentia, & eminentia constituitur activè indifferens, & activè liber in actu secundo ad esse, vel non esse creaturarum ut ad objecta diversa, aut contraria.

95 Dices, indifferentiam non constituere actum secundum liberum in actu secundo, sed solum libertatem per modum actus primi, quia actus secundus liber non consistit in indifferentia, sed in actuali determinatione indifferentiæ. Sed contra est; quia propter eadem diximus, actum liberum constitui, non per quamlibet indifferentiam, sed per indifferentiam purè activam in actu secundo: Sed indifferentia purè activa in actu secundo non est determinabilis re ipsa, sed potius determinatio ipsa in actu secundo indifferentiæ passivæ: Ergo ex quo actus liber, seu libertas in actu secundo debeat consistere in actuali determinatione, non excluditur quod consistat in actuali indifferentia activa, nec ex quo consistat in ista, excluditur quod consistat in illa. Probo minorem, quia indifferentia purè activa in actu secundo nihil aliud est, quam actio determinativa indifferentiæ passivæ obiectorum: Sed hæc non est determinabilis, sed est ipsa actualis, & activa de-

terminatio: Ergo. Maior patet, quia indifferentia purè activa non est activitas actuabilis, aut determinabilis per ulteriorem actualitatem, aut determinationem, quia alias ex hac parte esset indifferentia passiva, & non purè activa: Ergo debet esse per essentiam ultima actualitas in linea activa, & determinativa: Sed ultima actualitas in linea activa, & determinativa est ipsa actio, & determinatio actualis: Ergo.

96 Sed dices, quomodo est activa indifferentia, si est actualis determinatio? Respondet, hoc ita esse, quia est actualis determinatio non coartata ad unum, nec vni extremo alligata, sed determinatio actualis cum eminentia, independentia, & amplitudine supra quodlibet extremum indifferentiæ passivæ determinabilis, seu, quod idem est, quia est libera determinatio activa passivæ indifferentiæ obiectorum ad esse, vel non esse. Quod ut magis intelligas.

97 Tertiò probatur, seu explicatur conclusio. Prima actualis determinatio activa indifferentiæ passivæ obiectorum ad esse, vel non esse, non potest esse intrinsecè contingens, nec aliquo contingenti intrinsecè constituta: Sed velle liberum Dei est prima actualis determinatio activa omnis indifferentiæ passivæ obiectorum ad esse, vel non esse, quia quidquid indifferens est ad esse, vel non esse, primo determinatur per velle liberum Dei tanquam per primam actualem determinationem activam: Ergo velle liberum Dei non potest esse intrinsecè contingens, nec aliquo intrinsecè contingenti constitutum. Discursus est legitimus, maior probatur: Si prima actualis determinatio activa omnis indifferentiæ passivæ ad esse, & non esse, esset intrinsecè contingens, ipsa esset intrinsecè indifferens ad esse, & non esse, quia omne intrinsecè contingens, ea ratione, qua est intrinsecè contingens, est intrinsecè potens esse, & non esse: Sed implicat primam actualem determinationem activam omnis indifferentiæ passivæ ad esse, & non esse, esse intrinsecè indifferens ad esse, & non esse: Ergo & esse intrinsecè contingens. Minor patet, quia si ipsamet esset intrinsecè indifferens ad esse, & non esse, esset intrinsecè determinabilis ad esse præ non esse, vel ad non esse, præ esse, alia priori determinatione, & consequenter ipsa iam non esset prima actualis activa determinatio omnis indifferentiæ ad esse, vel non esse.

98 Explicatur: Velle Dei necessarium per hoc præcisè quod sit prima actualis determinatio activa omnium contingentium, seu omnium indifferentium ad esse, & non esse, constituitur in ratione liberæ volitionis, & actus liberi: Sed per suam essentiam est prima actualis determinatio activa omnium contingentium, sive possibilem esse, vel non esse, non autem per aliquid contingens sibi superadditum: Ergo. Probo minorem, pri-

primò, quia per suam essentiam, & non per aliquid cōtingens est actus purus in linea activa determinativa: Sed actus purus in linea determinativa per suam essentiam est actualis determinatio: Ergo. Secundò, quia si non per suam essentiam, sed per additum cōtingens esset prima determinatio actualis, illud additum cōtingens, cum potuisset, titulo cōtingentis, esse, vel nō esse, supponeret anteriorem sui determinationē ad esse: Ergo non constitueret primam determinationem. Explicatur: Omne cōtingens, ea ratione, qua cōtingens est, supponit primam determinationem actualem cōtingentia: Ergo nihil cōtingens, ea ratione, qua cōtingens est, potest cōstituire primam actualem determinationem omnis cōtingentis. Probo antecedens, quia omne cōtingens, ea ratione, qua cōtingens est, est potens esse, & nō esse: Sed eo ipso, ut determinatē sit, debet supponere primam actualem determinationem sui ad esse, nam possibile esse, & non esse non potest à se ipso activè determinari ad esse: Ergo.

99 Explicatur secundò: Prima ratio à priori omnium cōtingentium non potest constitui intrinsicè per aliquid cōtingens: Sed velle liberum Dei est prima ratio à priori omnium cōtingentium, siquidem nihil cōtingenter existit, nisi quia Deus vult: Ergo non potest constitui intrinsicè in esse talis per aliquid cōtingens: Ergo vnicè est talis per aliquid necessarium, nempe per suam essentiam necessariam. Probo maiorem, quia quod constituitur intrinsicè per aliquid cōtingens est intrinsicè cōtingens: Sed cōtingens, ea ratione, qua est intrinsicè cōtingens, non potest esse prima ratio à priori omnis cōtingentis, quia non potest esse prima ratio à priori sui ipsius, quia sibi ipsi non potest esse ratio à priori cur sit, cum ex se poterit esse, vel non esse: Ergo.

#### COROLARIA NOTATV DIGNA.

100 **E**X quo inferes, quod sicut omne mutabile reducitur in aliquod primū immutans, in se immutabile, & omne mobile in aliquod primum movens immobile, & omne passivum in aliquod agens inagibile, & omne alterabile in aliquod primum alterans inalterabile, ita omne cōtingens debet primo reduci in aliquod necessarium, quia omne indifferens, & possibile esse, & non esse, debet reduci in aliquam determinationem necessariā essentem, & non indifferenter, nec possibilem esse, & non esse. Et hæc est profunditas huius questionis, ex cuius non penetratione orta sunt tam variz sententiz, omnes fundatz in falsa apprehensione, nempe quod actus, seu velle liberum Dei, quia est libera determinatio, & ratio à priori obiecti cōtingentis, debeat esse cōtingens, & defectibilis: quod tam longè ab est à vero, quod potius implicat contradictionem ex eo ipso, quod est prima ratio à

priori, & prima determinatio omnī cōtingentiæ. Inferitur secundò, divinam libertatem constituari non posse cū Dei immutabilitate, nec defendi di ut à nobis defenditur, si in divina voluntate admittantur actus, seu volitiones libere specificatz à creaturis, quarumve obiectum motivum, aut formaliter terminativum, sit aliquid creatum cōtingens, quia eo ipso illa volitio, illudque velle, vel amor intrinsicè esset pendens ab illo obiecto, eoque egēs ad sui speciem intrinsicam, alligatusque, & coartatus ad illud obiectum, minimeque activè indifferens ad illud, vel contrarius, aut contradictorius: unde esset passivè liberum, & cōtingens quantum ad esse, vel non esse secundum suam intrinsicam essentiam, & speciem; voluntasque divina ad illud velle, vel ad illum specificè actum, & amorem esset etiam passivè indifferens, & consequenter mutabilis de non actu, ad actum, & ipse actus etiam mutabilis de nō esse ad esse, quia nec ille actus esset per essentiam suam esse, nec voluntas divina esset per essentiam ille specificè actus, sed cōtingenter, & dependenter ab obiecto cōtingenti esset in actu per illum, & ipse actus haberet esse dependentes ab obiecto cōtingenti: semelque existens, non esset liber ad illud, vel oppositum obiectum, sed necessariò illius obiecti, & nō libere, quod è regione advegerat solidè doctrinæ, qua ex D. Thomæ explicata manet divina libertas in ipso actu secundo, & probat divinam voluntatem, & actum illius liberum mutabilem esse.

#### SOLVUNTVR OBIECTA.

101 **L**icet doctrina data fundatissima sit & vera, contra illā difficultas sunt argumenta, quæ tamen minime probant contrarietatem, sed solum ostendunt doctrinam D. Thomæ ipsius divinæ libertatis sublimitatem difficilè esse intelligibilem. Igitur.

102 Atguitur primò: Volitio divina libera constitui debet per aliquid defectibile: Sed volitio necessaria per suam essentiam, dependentia illius à creaturis, excessusque, & eminentia supra ipsas, nihil est defectibile: Ergo per id præcisè non constituitur in esse libera volitionis. Probatnr maior, primò, quia volitio divina ut libera, distinguitur per rationē saltem à volitione necessaria: Sed nisi constituitur per aliquid defectibile non potest ab illa distingui, adhuc per rationem, quia erit adæquate indefectibilis, & consequenter adæquate necessaria: Ergo. Maior probatur, quia volitio Dei libera non existit intrinsicè per priori, pro quo existit necessaria, cum necessaria intelligatur per priori ad liberam: Ergo volitio libera distinguitur virtualiter, aut per rationē à necessaria. Confirmatur, quia Verbum divinis procedit per intellectū, & non per voluntatem, asserunt Theologi intellectum distingui virtualiter, & per rationem à voluntate: Sed Spiritus Sanctus procedit ex amore nec

cessario, & non ex amore libero creaturarum: Ergo eadem ratione amor necessarius, & amor liber creaturarum distinguuntur virtualiter, & per rationem. Secundò: Volitio libera habet distinctum obiectum à volitione necessaria: Ergo distinguuntur virtualiter. Probo antecedens: Volitio necessaria non habet pro obiecto creaturas, sed solam bonitatem divinam, nec volitio libera bonitatem divinam, sed solas creaturas: Ergo habent distinctum obiectum. Probo antecedens: Volitio divina non est volitio necessaria creaturarum, nec libera divinæ bonitatis, sed est solum volitio libera creaturarum, & solum volitio necessaria divinæ bonitatis: Ergo.

103. Secundò probatur maior primi syllogismi: Si volitio divina libera non constitueretur per aliquid defectibile, esset indefectibilis: Sed volitio divina libera indefectibilis non est: Ergo constituitur aliquo defectibili. Probatur minor, primò, quia quod connectitur cum aliquo defectibili, non est indefectibile, indefectibile enim cum defectibili connexum esse non potest: Sed volitio divina libera connectitur cum existentia creaturarum, quæ defectibilis est: Ergo non est indefectibilis. Secundò: Quoties denominatio prælitā ab aliqua forma est defectibilis, & ipsa forma defectibilis est: Sed denominatio Dei volentis existentiam huius mundi, v. g. defectibilis est, & forma, à qua est hæc denominatio, est volitio libera: Ergo volitio libera defectibilis est. Minor patet, quia Deus potuit non velle existentiam huius mundi: Ergo potuit non denominari volens illam: Ergo hæc denominatio defectibilis est. Tertiò: Volitio libera est medium, in quo cognoscitur infallibiliter obiectum defectibile, nempe creaturarum existentia: Sed medium indefectibile non potest esse medium cognoscendi infallibiliter obiectum contingens, & defectibile: Ergo volitio libera divina non est indefectibilis. Quartò: Hæc causalis est vera: *Quia Deus liberè voluit, hic mundus existit*: Sed in vera causali non potest consequens deficere, nisi deficiat antecedens, quia cum sit bona consequentia, non potest consequens esse falsum, antecedenti permanente vero, & alias consequens potest deficere nempe existentia mundi: Ergo, & antecedens, nempe Deus liberè voluisse.

104. Hæc sunt potissima fundamenta, quibus indefectibilitatem intrinsecam volitionis liberè in Deo probare conantur Ill. God. & alij. Ad quæ quidem suo ordine constat ex dictis. Respondeo legiter, negando maiorem. Ad eius probationem, nego antecedens. Ad cuius probationem, nego etiam antecedens, vel suppositum, quod scilicet in Deo volitio ipsa necessaria divinæ bonitatis, & volitio libera erga creaturas, sint duæ volitiones: sunt enim unica simplicissima volitio cū obiecto primariò, & secundariò, vnde ex parte quidè obiecti primarij est prior suo obiecto secundariò, quia bonitas divina est prior bonitate creaturarum, sed

ipsa volitio ex parte actus, & intrinsecè non est prior, nec posterior, sed unica, & simplicissima. Si dicas: Pro priori ad obiectum secundariò intelligitur in esse volitionis necessaria: Sed pro priori ad ipsum obiectum secundariò non intelligitur in esse volitionis liberæ, quia pro priori ad creaturas non intelligitur volitio libera, vt libera: Ergo pro priori, pro quo intelligitur volitio necessaria, non intelligitur libera vt libera. Respondeo, concessa maiori, negando minorem, quia volitio Dei liberæ, vt libera est causa sui obiecti secundarij liberè volitis: vnde debet necessariò existere pro priori ad illud; & si debet intelligatur, debet intelligi cū prioritate ad illud, licet non intelligatur sine illo vt determinabili, vel determinato pro posteriori per ipsam. Ad primam confirmationem, omittā maiori, nego minorem; quia licet Spiritus Sanctus liberè non procedat, sed necessariò, nec ex amore primariò, seu per se primo libero, sed ex amore per se primo necessariò, procedit tamen necessariò ex amore secundariò libero erga creaturas, quia ipsa amor per se primo necessarius erga divinam bonitatem, ex hoc ipso est secundariò liber erga creaturas.

105. Sic dices: Si Spiritus Sanctus procederet ex amore libero, pro priori ad Spiritum Sanctum intelligeretur amor liber: Sed pro eo priori non intelligitur amor liber: Ergo non procedit ex amore libero. Probo minorem: Si pro eo priori intelligeretur amor liber, esset amor liber alicuius: Sed pro eo priori non est amor liber alicuius: Ergo. Probo minorem, quia pro eo priori non est amor liber bonitatis divinæ, nec item bonitatis creaturæ: Ergo nullus. Urgebis: Pro eo priori non est, nec intelligitur obiectum amoris liberi: Ergo nec amor liber, quia intelligi nequit amor liber sine obiecto. Probatur antecedens: Quia pro illo priori solum intelligitur bonitas divina: Sed hæc non est obiectum amoris liberi: Ergo non intelligitur obiectum amoris liberi. Respondeo, omittā maiori, negando minorem. Ad probationem, distinguo maiorem: Pro eo priori esset amor liber alicuius determinati pro illo priori, nego maiorem: Alicuius determinabilis pro illo priori, & determinari, aut determinandi passivè pro posteriori, concedo minorem, & distincta minori eodem modo, ad eius probationem, dico, quod pro eo priori non est amor liber bonitatis divinæ, est tamen amor liber boni creati, non determinati passivè pro illo priori, sed pro illo priori determinabilis ad esse, vel non esse, & pro posteriori determinandi, aut determinati passivè per ipsum amorè liberum activè determinantem sibi obiectum secundarium. Hæc enim est mira eminentia amoris divini qua liberi, quod non determinatur à suo obiecto liberè volito, sed potius determinat sibi obiectum liberum, & liberè constituit sibi obiectum, licet obiectum non intelligatur determinatum, & constitutum, nisi pro posteriori, vt infra magis explicabitur.

106 Ad vrgentiam, distinguo antecedens: Pro eo priori non intelligitur obiectum formale, & primum amoris liberi, nego: Obiectum secundarium, subdistinguo: Determinabile, nego: Determinatum, concedo antecedens. Ad cuius probationem, distinguo antecedens: Pro illo priori solum intelligitur bonitas divina existens, & determinata, concedo: Possibilis, & determinabilis, nego antecedens; quia pro eo priori iam intelligitur possibilis, & determinabilis bonitas creata, seu bonum creatum, licet non intelligatur determinatum intrinsicè, & passivè, nisi pro posteriori per ipsam volitionem, vt per activam determinationem causalem, & priorem prioritate à quo, & naturæ.

107 Ad secundam confirmationem principalis argumenti, distinguo antecedens: Volitio libera habet distinctum obiectum primum, ac volitio necessaria, nego: Obiectum penes primum, & secundarium, concedo antecedens. Ad cuius probationem eadem distinctione respondeo, quod volitio divina est libera erga obiectum secundarium, & necessariam erga primum, quia liberè est huius secundarii potius quam oppositi, sed necessariò, & sine indifferencia est obiecti primarii. Nec obstat, quod bonitas divina non amatur liberè, nec creata necessariò, quia hoc consistit in eo, quod creata est obiectum secundarium, & ideo non necessarium, sed liberum, divina autem primum, & ideo necessarium obiectum illius, & non liberum illi. Vnde cum veritate dici potest, quod bonitas divina est obiectum necessario amatum ipso amore libero, & quod bonitas creata est obiectum liberè amatum amore necessariò, quia bonitas divina est obiectum necessarium ipsi amorì libero, eo quia est obiectum formale, & specificativum illius; & ipsa bonitas creata est obiectum liberum amoris necessarij, quia est obiectum materiale, & secundarium illi minimè necessarium, quia ab illo non dependet.

108 Ad secundam probationem principalis assumpti ex num. 103. c. 6. cessa maiori, nego minorem. Ad eius primam probationem, distinguo maiorem: Quod connectitur cum aliquo defectibili non est indefectibile, si connectitur necessariò, aut cum dependentia ab illo, concedo: Si connectitur liberè, nego maiorem, & distinguo minorem eodem modo, negoque consequentiam, quia volitio divina libera, ex hoc ipso est libera, quod liberè, & non ex necessitate inferit existentiam obiecti, & cum illa connectitur, non ex indigentia, aut necessitate illius, sed ex fecunditate, & eminentia, vt cum obiecto sibi libero, & non sibi necessario. Ad secundam, distinguo maiorem: Quando denominatio est primum, aut necessariò præstita à forma, concedo: Quando præstat secundariò, & liberè, nego maiorem; & distincta minori eodem modo, nego consequentiam, quia

volitio libera, quæ est forma denominans Deum liberè volentem existentiam huius mundi, non præstat hanc denominationem primariò, sed secundariò, nec necessariò, sed liberè, quia primariò, & necessariò est volitio, seu amor divinae bonitatis, & primariò, necessariòque denominat Deum volentem, seu amantem suam bonitatem sed secundariò, & liberè est volitio de existentia mundi, & ideo secundariò, & liberè denominat Deum volentem hunc mundum; ad hoc autem non requiritur, quod ipsa volitio sit defectibilis, quia volitio indefectibilis potest liberè, & secundariò præstare denominationem contingentem. Ita respondent alii.

109 Sed claris respondeo, omnia maiori, distinguendo minorem: Denominatio volentis hunc mundum defectibilis est ex parte actus seu in quantum est denominatio liberè volentis, nego: Ex parte obiecti, concedo minorem; & distinguo consequens: Ergo volitio libera defectibilis est ex parte obiecti, concedo: Ex parte actus, nego consequentiam. Ad probationem minoris, distinguo antecedens: Deus potuit non velle existentiam huius mundi, ly non sumpto ex parte obiecti, quatenus potuit velle non existentiam huius mundi, concedo: Ly non negante actum volentem liberè, nego; ex quo nunquam sequitur, quod volitio libera intrinsicè poterit deficere, nec quod denominatio intrinsicè volentis liberè, poterit deficere, sed solum quod est denominatio volentis liberè, seu volitio libera obiecti poterit deficere, quæ nimirum sicut de facto denominat Deum liberè volentem existentiam huius mundi, potuit denominare Deum liberè volentem non existentiam huius mundi, quod non importat duas volitiones liberas, aut duas denominationes intrinsecas oppositas, & defectibiles, sed vnam intrinsicè indefectibilem ex parte actus cum duplici obiecto opposito defectibili. Quod amplius infra explicabitur.

110 Ad tertiam, distinguo maiorem: Volitio libera est medium, in quo infallibiliter, sed liberè cognoscitur obiectum defectibile, concedo: In quo necessariò cognoscitur, nego maiorem, & distincta minori eodem modo, nego consequentiam; quia primum medium cognoscendæ contingentia, debet esse prima determinatio activa, & prima ratio à priori omnium contingentium; prima autem activa determinatio, & prima ratio à priori omnium contingentium non potest esse contingens, & defectibilis, vt dicebamus supra; vnde nec primum medium cognoscendæ infallibiliter contingentia, seu obiectum contingens, & defectibile, debet, immo nec potest esse contingens intrinsicè; sed potius debet intrinsicè esse indefectibile, & necessarium in essendo, siue necessariò, & indefectibiliter existens. Si autem vrgeat: Medium sic necessariò existens non po-

reſt eſſe intrinſecè, & inſalubriter connexum cum obiecto contingenti, & potenti deficere: Sed eo ipſo non poteſt eſſe medium inſalubriter cognoscendi obiectum contingens: Ergo. Reſpondeo, diſtinguendo maiorem: Non poteſt eſſe neceſſariò inſalubriter connexum cum obiecto contingenti, concedo: Liberè inſalubriter connexum, nego maiorem, & diſtinguo minorem: Eo ipſo non poteſt eſſe medium liberè, id eſt liberè determinans, & ducens cognitionem inſalubilem ad tale obiectum, nego: Medium neceſſarium, ſeu neceſſariò determinans cognitionem ad tale obiectum, concedo minorem, & nego conſequentiam: quia eo ipſiſſimo modo velle liberum Dei debet eſſe medium cognoscendi inſalubriter obiectum contingens, quo eſt volitio ex ſe efficaci, & inſuſtrabilis huius obiecti contingenti; cum autem tale velle, licet neceſſariò exiſtens intrinſecè, & adequatè, & licet neceſſariò ex ſe efficaci, & inſuſtrabile, liberè tamen fit huius obiecti determinati per ipſum ad eſſe præ non eſſe, inde eſt, quod liberè determinat divinam cognitionem inſalubilem ad hoc obiectum præ alio, eſtque medium, neceſſariò quidem exiſtens, ſed liberè determinans cognitionem divinam inſalubriter ad tale obiectum: ad quod quidem non requiritur, quod neceſſariò fit connexum, ſed ſatis eſt, quod liberè fit connexum cum eo obiecto inſuſtrabiliter, & irrefuſibiliter.

111 Ad quartam, conceſſa maiori, diſtinguo minorem: In vera cauſali de cauſa ſecunda, aut creata, concedo minorem: In vera cauſali de cauſa prima, & increata, nego minorem: quia hoc eſt ſpecialiſſimum in cauſa prima, & increata, quod ſine ſui deſectibilitate, & contingentia poſſit cauſare, & à priori inferre effectus contingentes, & deſectibiles. Vnde cum velle liberum Dei ſit prima cauſa, imò & prima cauſalis determinatio contingentium, ex hoc ipſo inferitur, quod poſſint effectus deficere, quin poſſint deficere intrinſecè ipſum velle liberum Dei. Cum autem arguis, quod vera cauſalis debet eſſe bona conſequentia: Sed in bona conſequentia non poteſt conſequens deficere, quin deficiat antecedens, quia non poteſt conſequens eſſe falſum, & antecedens verum: Ergo. Reſpondeo, quod vera cauſalis, quæ eſt prima cauſalis contingentium, debet eſſe bona conſequentia libera, non bona conſequentia neceſſaria, quia prima cauſalis omnium contingentium, in qua velle liberum Dei eſt antecedens primum, & prima cauſa conſequentis contingentis, eſt quidem bona conſequentia, ſed liberè, quia liberè, & non ex neceſſitate ſequitur conſequens, ſeu quia ipſum velle liberum, quod eſt antecedens, & cauſa conſequentis, liberè, & non ex neceſſitate inferit conſequens contingentis: cum autem illatio, & conſequentia eſt libera ex parte inferentis, poteſt quam optime eſſe in-

deſectibile, & neceſſariò exiſtens antecedens, & conſequens deſectibile, aut deficiens, quia cum liberè conſequatur, poteſt non conſequi, & cum antecedens liberè inferat hoc conſequens, poteſt illud non inferre, abſque omni ſui deſectu.

112 Sed inſiſtes: Hæc denominatio, *Deus vult exiſtentiam mundi*, & hæc veritas, *Deus vult exiſtentiam mundi* potuit ab æterno deficere, ea ratione, qua datur ab æterno: Sed implicat eam denominationem, & veritatem poſſe ab æterno deficere, ea ratione, qua datur ab æterno, niſi aliquod conſtitutum talis veritatis, & denominationis exiſtens ab æterno, potuerit ab æterno deficere: Ergo debemus assignare aliquod conſtitutum talis veritatis, & denominationis ab æterno exiſtens, & potens ab æterno deficere: Sed hoc nequit eſſe aliquid extrinſecum Deo, quia nihil extrinſecum Deo datur ab æterno: Ergo aliquid intrinſecum Deo potuit ab æterno deficere. Maior probatur, quia Deus poſuit ab æterno non velle exiſtentiam mundi, ſeu velle non exiſtentiam illius: Ergo potuit ab æterno deficere hæc denominatio, aut veritas, *Deus vult exiſtentiam mundi*. Reſpondeo inſiſtendo ſolutioni datæ num. 109. diſtinguendo nempe maiorem: Ea denominatio, & veritas potuit ab æterno deficere intrinſecè in Deo, ſeu ex parte actus, ea ratione, qua ſic exiſtit ab æterno, nego maiorem: Potuit deficere extrinſecè, & ex parte obiecti, ea ratione, qua ſic exiſtit ab æterno, concedo maiorem, & diſtinguo minorem eodem modo, & ſimiliter conſequens. Ad probationem maioris, diſtinguo antecedens: Deus ab æterno potuit non velle exiſtentiam mundi, negatione cadente ſuprà actum volendi, nego: Negatione cadente ſuprà obiectum, quatenus eodem velle potuit ab æterno velle non exiſtentiam mundi, concedo antecedens, & nego conſequentiam, quæ ſolutio conſtat ex dictis.

113 Et viterius, quia Deus, nec divina voluntas non eſt capax intrinſecè contrariorum, aut contradictoriorum diſiunctim, alias eſſet potentialis; nec eſt capax deſectus intrinſeci, cum ſit ipſa plenitudo eſſendi in omni linea; nec negatio vlla vera in Deo locum habet: quia omnis negatio vera eſt verum non eſſe, veruſque deſectus eſſendi; Deus autem eſt ipſum eſſe per ſe ſubſiſtens; ipſum autem eſſe per ſe ſubſiſtens non poſt vilo pacto non eſſe, nec carere propriè vilo eſſe, nec illi deficere aliquid eſſe, cuius alias ſit capax; ſequitur ergo, quod cum de Deo aliquid negamus, vel ea negatio ex parte rei ſignificat eſt aliquid poſitivum conceptum à nobis ad modum negationis, vel importatur ſolùm extrinſecè ex parte termini, vel obiecti.

114 Vnde quando dicimus, Deum non velle, non voluiſſe, aut potuiſſe non velle mundum, hæc negatio intellecta ex parte Dei, ſolùm eſt talis



ex modo concipiendi nostro, revera tamen est actus ipse positivus volendi carentiam, seu negationem mundi, aequivalens apud nos negationi volendi, vel ad non velle existentiam mundi, licet re ipsa non sit negatio actus volendi, nec alicuius intrinseci Deo, sed velle in se positivum carentiae mundi, unde vera negatio solum potest importari ex parte obiecti, seu ex parte mundi, quatenus Deus vult, aut velle potest veram negationem, & verum defectum mundi, qui defectus nihil sit positivum, sed vera carentia, & verus defectus ex parte obiecti. Similiter haec duo contradictoria, *Deum velle mundum*, *Deum non velle mundum*, non possunt re ipsa verificari de Deo intrinsecè in sensu contradictorio, adhuc disiunctim, hoc est ut vera contradictoria intrinseca ipsi Deo, sed solum ex modo nostro loquendi, & concipiendi non contradictoria ut contradictoria; aut in sensu contradictorio aequivalenter, non formaliter; aut ex parte obiecti, non ex parte actus; quia re ipsa solum volumus significare unum, & idem velle, vel de uno contradictorio, vel de alio; & cum est de contradictorio negativo, v. g. de non existentia mundi, aequivaler apud nos contradictorio formali volitionis mundi, & significatur a nobis, ut negatio formalis, & contradictorium formale volitionis mundi; sed re ipsa tale non est, sed potius est ipsamet volitio de contradictorio mundi, sed non contradictoria formaliter volitioni mundi; quia cum dicimus, *Deus non vult mundum*, sensus est; *vult quidem, sed non mundum*, negatione cadente supra obiectum, sed non supra actum. Videantur a nobis dicta supra *Disput. 2. q. 10. ad n. 14. 2. 3. 29.* Ex quo iam patet ad sequentia.

115 Insistit enim secundo: Haec duo: *Deus vult existentiam mundi*; *Deus non vult existentiam mundi*, sunt contradictoria: Sed secundum potuit dari, & verificari ab aeterno, quia Deus potuit ab aeterno non velle carentiam mundi: Ergo primum, scilicet, *Deum velle existentiam mundi*, potuit deficere ab aeterno. Respondeo enim; distinguendo maiorem: Sunt contradictoria in sensu, in quo verificari non potest de Deo secundum, transeat: In sensu, in quo potest verificari de Deo secundum, subdividinguo: Sunt contradictoria obiectivè, seu ex parte obiecti, concedo: Subiectivè, & formaliter, seu ex parte actus, nego maiorem, & distinguo minorem: Secundum potuit verificari ab aeterno in sensu formaliter contradicente primo, nego minorem: In sensu solum obiectivè contradicente primo, concedo minorem, & distinguo consequens: Ergo secundum potuit deficere intrinsecè, & formaliter, seu per verum defectum ab aeterno, nego: Obiectivè, & extrinsecè per velle ab aeterno defectum mundi, concedo consequentiam; quia solum admittimus, quod Deus potuit non velle ab aeterno existentiam mundi, quatenus hoc significat, potuisse

velle ab aeterno, non existentiam mundi. Cum autem velle ab aeterno existentiam mundi, & velle ab aeterno non existentiam mundi, non sint contradictoria formalia, sed solum obiectiva, seu ex parte obiecti, inde est, quod solum verificari potest unum in sensu contradicente alteri ex parte obiecti, ad quod sufficit, quod possit deficere affirmativum obiectivè, seu ex parte obiecti, ut deficeret, si eadem intrinsecè volitio, quae modo est de existentia mundi, foret de non existentia mundi absque intrinseca sui ipsius variatione.

116 Insistit tertio: Haec duo sunt contraria: *Velle existentiam mundi*, *nolle existentiam mundi*. Sed potuit secundum verificari, & dari ab aeterno, quia potuit Deus ab aeterno nolle existentiam mundi: Ergo potuit deficere, & falsificari secundum ab aeterno, nempe *Deum velle existentiam mundi*, quia contraria non possunt esse simul vera, adhuc ab aeterno. Respondeo, distinguendo maiorem: Sunt contraria re ipsa in sensu, in quo non potest verificari secundum de Deo, transeat: In sensu, in quo secundum potest verificari de Deo, subdividinguo: Sunt contraria formaliter, nego: Obiectivè transeat; & distinguo minorem: Potuit secundum verificari de Deo ab aeterno in sensu formaliter contrario, nego: In sensu obiectivè contradictorio, & formaliter identico, concedo minorem, & distinguo consequens: Ergo potuit falsificari, aut deficere secundum ex parte obiecti, concedo: Formaliter, & ex parte actus, nego consequentiam; quia in primis negamus in Deo veram, & propriam volitionem per modum suae positivae, unde solum admittimus Deum potuisse nolle existentiam mundi aequivalenter, quatenus pro *nolle existentiam mundi*, idem intelligitur, ac *velle non existentiam illius*, in hoc autem sensu non est contrarietas, nec contradictio formalis, sed solum obiectiva, quia *velle existentiam mundi*, & *velle non existentiam mundi*, solum obiectivè opponuntur, formaliter vero in Deo identificantur, quia eadem ipsissima volitio, quae modo est de existentia mundi, eadem est, quae invariata intrinsecè potuit esse de non existentia mundi.

117 Insistit quarto: Pro priori ad existentiam mundi intelligitur, Deum velle existentiam mundi: Sed hoc est contingens: Ergo pro priori ad existentiam mundi intelligitur aliquid contingens: Sed pro priori ad existentiam mundi non intelligitur obiectum contingens: Ergo volitio libera illius est pro priori contingens ex parte sua. Respondeo, distinguendo maiorem: Pro priori ad existentiam mundi subiectivè, & in recto exercitum, transeat maior: Pro priori ad existentiam mundi obiectivè, & terminativè acceptam, subdividinguo: Pro priori in quo ad existentiam mundi, nego: Pro priori a quo, concedo maiorem, & distinguo minorem: Hoc est con-

tingens ex parte obiecti posterioris, concedo: Ex parte actus prioris, nego minorem, & consequentiam; itaque Deum velle existentiam mundi importat velle liberum Dei pro priori *a quo*, & existentiam mundi pro posteriori, illud vt causam, istam vt effectum, quia velle liberum Dei est causa sui obiecti, & sui voliti, imò constituit, & determinat sibi obiectum, & volitum; vnde intelligi non potest *Deum velle existentiam mundi*, pro priori *in quo* non intelligatur existentia mundi obiectivè terminans ipsam vt obiectum, & volitum ipsius, quia nequit intelligi sine illa; sed potest intelligi pro priori *a quo*, quia potest intelligi, & debet intelligi utrumque, nempe ipsum *velle* vt prius, & *mundi existentia* vt quid posterius, quia debet intelligi ipsum *velle* vt determinans activè sibi obiectum, & existentia mundi, vt obiectum passivè determinatum ab ipsa; inter determinationem autem activam, & passivam est talis ordo, vt licet illa non possit intelligi sine ista, illa tamen intelligatur vt prior, & ista vt posterior; ex quibus illa vt prior non est intrinsecè contingens, nec desigibilis, sed solum illa vt posterior, quia licet illa sit activa determinatio mundi ad esse sui obiectum, est activa determinatio liberè huius, & ad hoc, & cum independentia, seu absque indigentia huius obiecti determinati, & ideo stat illam pro priori non esse contingentem, & nihilominus ex illa sequi determinationem passivam contingentem, seu obiectum determinatum contingens; & item, quia illa est prima activa determinatio contingentium, quæ contingens esset non potest, vt iam ostendimus.

118 Infit: quintò: Omois denominatio contingens requirit, vel formam, vel connotatum contingens: Sed Deum velle existentiam mundi est denominatio contingens: Ergo importat, vel formam, vel connotatum contingens: Sed ab æterno nullum datur connotatum contingens, & ab æterno datur ea denominatio: Ergo ea denominatio importat ab æterno formam intrinsecam contingentem. Respondeo, concessa maiori, distinguendo minore vt suprà: Est denominatio contingens ex parte obiecti, concedo: Subiectivè, aut ex parte actus, nego minorem: Ex distinguendo consequens: Ergo importat, vel formam, vel connotatum contingens ex parte actus, nego consequentiam: Ex parte obiecti, subdividingo: Connotatum contingens pro eo tempore, & duratione pro qua accipitur vt obiectum, concedo: Pro alia pro qua non accipitur vt obiectum, nego consequentiam; ex quo non sequitur, quod vt ab æterno detur ea denominatio, debeat dari ab æterno in propria duratione extra Deum connotatum contingens; quia ea denominatio solum est contingens obiectivè, & ideo solum importat connotatum contingens ex parte obiecti; & cum possit ab æterno habere pro obiecto connotatum pro

tempore contingens, satis erit quod connotatum sit contingens in eo tempore, pro quo accipitur vt obiectum, vt ea denominatio ab æterno existens, sit contingens obiectivè, seu ex parte obiecti. Quomodo autem sit etiam ab æterno ex parte obiecti, dicam *num. 121.*

119 Sed inquit sextò: Hic mundus ab æterno est volitus à Deo contingenter: Ergo vel datur ab æterno hic mundus contingenter; vel datur ab æterno volitio Dei contingenter: Sed non datur ab æterno hic mundus contingenter: Ergo ab æterno datur volitio contingenter. Confirmabis: Antichristus est ab æterno iuxta contingenter: Ergo ab æterno datur contingenter futuritio Antichristi: Sed hæc per nos est formaliter decretum, seu volitio Dei: Ergo decretum, seu volitio Dei de Antichristo futuro datur ab æterno contingenter. Respondeo, distinguendo antecedens: Ab æterno est volitus à Deo contingenter obiectivè, id est volitione obiectivè contingenti, concedo: Contingenter subiectivè, seu volitione subiectivè, & ex parte actus contingenti, nego antecedens, & distinguo reliqua eodem modo, concedendo ab æterno contingentiam obiectivam, & negando illam subiectivam, & intrinsecam in volitione divina; quia hic mundus dicitur à Deo volitus contingenter, quatenus est volitio volitione obiectivè contingenti, licet intrinsecè, & subiectivè necessaria, & necessariò existenti, quæ tamen est ab æterno obiectivè contingens. Ad confirmationem, pariter distinguo antecedens: Ab æterno est futurus contingenter obiectivè, seu futuritione obiectivè, & terminativè contingenti, concedo: Futurus contingenter subiectivè, aut futuritione subiectivè contingenti, nego antecedens; & distinguo consequens eodem modo. Et ad minorem subsumptam dico, quod futuritio æterna per nos est liberum Dei decretum de existentia contingenti in tempore, quod quidem formaliter, subiectivè, aut ex parte actus non est contingens, sed solum est contingens ex parte obiecti, quatenus est decretum de obiecto contingenti, activè determinans ab æterno contingentiam illius ad esse præ non esse in tempore.

120 Sed non quiesces: Vt mundus sit contingenter obiectivè volitus ab æterno, requiritur saltem quod detur obiectum contingens divinæ volitionis ab æterno illam terminans: Sed hoc dici nequit, nisi detur aliquid contingenter existentis ab æterno: Ergo. Respondeo, in primis negando maiorem, quia satis erit, si sit obiectum contingens temporale, seu pro tempore, volitus extrinsecè ab æterno, volitione intrinsecè, & subiectivè æterna, & necessaria in essendo, sed obiectivè contingenti, & temporali. Sed dices: Vel ipsa volitio æterna est obiectivè contingens ab æterno: Vel solum in tempore est obiectivè contingens: Si solum in tempore: Ergo solum in tempore est mundus

das contingenter obiectivè volitus, & non ab aeterno? Si ab aeterno: Ergo ab aeterno est obiectum contingenter. Respondeo, quod est contingenter obiectivè volitus ab aeterno. Et cum inters: Ergo ab aeterno est obiectum contingenter? distinguo: Ly *ab aeterno* cadente supra obiectum in esse obiecti, & voliti contingenter, concedo: Ly *ab aeterno* cadente supra obiectum in esse entis, nego consequentiam, quia solum infertur, quod mundus sit ab aeterno obiectum divinae volitionis contingenter volitus per ipsam; non vero quod existat in se contingenter ab aeterno. Ut hoc explicetur.

121 Verbis primò: Vel mundus constituitur obiectivè volitus vnicè per ipsam Dei volitionem sibi extrinsecam; vel per aliquid intrinsecum sibi? Si solum per volitionem divinam sibi extrinsecam: Ergo necessariò existit volitus ab aeterno, quia volitio divina necessariò est ab aeterno. Si per aliquid sibi intrinsecum: Ergo non erit obiectum volitum ab aeterno, quia nihil mundo intrinsecum convenit ipsi ab aeterno. Secundò: Vel mundum esse liberè volitum à Deo importat aliquid ultra mundum quidditative acceptum, seu possibilem, & ipsam liberam Dei volitionem; vel nihil præter hæc duo? Si nihil præter hæc duo: Ergo nihil importat contingens, quia nec mundus quidditative acceptus, & ut possibilis est contingenter talis, nec volitio libera Dei per nos est contingenter talis, sed necessariò talis. Si aliquid importat ultra illa duo, quid est illud? Non enim potest esse existentia mundi, quia hæc non est ab aeterno; nec aliqua intrinseca immutatio illius, quia mundus non extrahitur intrinsecè ab aeterno à sua mera possibilitate: Ergo. Tertiò, quia manifestè petere videmur principium; nam volitionem divinam dicimus esse ab aeterno contingenter obiectivè, quia obiectum est contingens; & rursus obiectum dicimus esse conringens ab aeterno in esse obiecti, quia est contingenter volitus, id est, quia est volitus volitione obiectivè contingenti: Ergo per contingentiam obiecti in esse obiecti explicamus contingentiam obiectivam divinae volitionis, & rursus contingentiam obiectivam volitionis explicamus per contingentiam obiecti in esse obiecti.

122 Respondeo, ad primam, quod mundus constituitur obiectivè volitus intrinsecè, & terminativè per suam existentiam intrinsecam, ut passivè terminantem intrinsecè divinam volitionem, non autem per solam volitionem liberam Dei sibi extrinsecam; quia mundum esse obiectivè volitum à Deo non est denominatio extrinseca, sed intrinseca, eo quod Deus non vult obiecta potè specularivè, & inefficaciter, sed practicè, & efficaciter, dando eis esse intrinsecum, quo constituantur terminativè, & passivè volita, & intrinsecè terminantia ipsum velle Dei. Cum autem

infern, quod non erit sic volitus ab aeterno, quia nihil intrinsecum mundo est ab aeterno, distinguo: Non est ab aeterno in duratione volentis, nego: In se, seu in propria duratione, concedo. Ratio huius distinctionis est, quia ut obiectum contingens dicatur volitum intrinsecè ab aeterno, & obiectum divinae volitionis ab aeterno, terminare, quæ intrinsecè divinam volitionem ab aeterno, factis est, quod sit ab aeterno in duratione volentis, quia in esse obiecti, & termini, & connotari divinae volitionis, consideratur, non tam ut sui ipsius, quam ut volitionis terminus, obiectum, & connotatum, per se ad illam spectans, & ideo debet considerari in duratione illius; non tamen ut in duratione propria, velle enim Dei constituendo aliquid in esse sui termini, obiecti, & connotati, trahit illud ad suam durationem. Vnde cum consideratur ut obiectum, terminus, aut connotatum divinae volitionis, consideratur ut tale in duratione ipsius volitionis, non in propria creata duratione, quæ existit in se entitativè: Cum ergo intrinsecè terminet divinam volitionem ab aeterno in duratione ipsius volitionis, quæ est æternitas, quia nullum est inconveniens in eo, quod obiectum creatum secundum intrinsecam denominationem sit ab aeterno in æternitate, inde est, quod absque inconvenienti est intrinsecè volitum ab aeterno, intrinsecè connotatum ab aeterno, & intrinsecè terminans divinam volitionem ab aeterno, quia intelligitur ly *ab aeterno* in duratione volentis.

123 Ad secundam similiter dico, quod importat aliquid præter illa duo. Et cum rogas, quid illud sit? Dico, quod illud est intrinsecum esse contingens mundi, vel obiecti, ut constituens intrinsecè illud in esse obiecti terminantis divinam volitionem, quo sensu est ab aeterno in duratione ipsius volitionis. Nec est inconveniens quod intrinsecè fiat, & constitutur obiectum contingenter ab aeterno in duratione volentis, licet in illa non mutetur propriè, ut infra explicabo, quia in illa non est quando non fuerit sic obiectum terminativè volitum. Ad tertiam, nego, quod petamus principium, quia contingentiam obiectivam divinae volitionis explicamus per contingentiam obiecti; contingentiam autem obiecti, in esse obiecti, non explicamus per contingentiam ipsius volitionis, sed per hoc quod illud, quod est obiectum, contingenter intrinsecè redatur obiectum actu terminans divinam volitionem, cum per suam essentiam potuerit eam intrinsecè non terminare; explicamus autem, quod est intrinsecè obiectum ab aeterno, quia in duratione volentis est ab aeterno terminans ipsam velle, in quibus nulla est petitio principij.

124 Sed dices: Licet mundus, ut factus, sit terminus actionis divinae, quæ est æterna, & consequenter sit ab aeterno in duratione producentis, & agentis, tamen non est factus ab aeterno, nec

terminationem factivam ab æterno: Ergo ex quo obiectum volitionis sit ab æterno in duratione volentis, non potest dici, quod sit obiectum volitionis ab æterno, nec quod eam terminat ab æterno. Respondco, concessio antecedenti, negando consequentiam propter manifestam disparitatem, quia videlicet actio Dei productiva, & factiva significatur vt transiens, & vt ponens effectum extra ipsum Deum; hoc enim est Deum producere nem, quod illam extra se existentem facere; & cum res non ponatur existens extra Deum in duratione Dei, sed in duratione creata ipsius rei, ideo terminus actionis productivæ vt talis non consideratur, vt in duratione producentis, sed vt in duratione exteriori creata, nec proinde terminat actionem vt in duratione producentis, sed vt in duratione propria; imò ipsa actio productiva ad extra, quia consideratur vt transiens ad extra, sequitur in sui denominatione durationem extraneam, nempe durationem creatam, & propriam termini. Vnde Deus dicitur creasse in principio Cælum, & Terram; quia actio ad extra, licet subiectivè, & activè sumpta sit æterna, sequitur in denominando durationem externam sui termini extra producti. Attamen velle, & cognoscere, cum significantur vt actiones immanentes, magis habent attrahere obiectum intra, quam illud extra constituere, & ideo obiectum in denominatione obiecti, & terminantis sequitur durationem cognoscendis, videntis, & volentis, non vero propriam extra ipsum; vnde Deus dicitur intuitivè videns mundum ab æterno, & mundus intuitivè visus à Deo ab æterno, & quod ab æterno est obiectum intuitivæ visionis Dei, & quod ab æterno illam terminat intrinsecè, licet eam terminet, & sit obiectum illius ratione existentie intrinsecè, quæ temporalis est, & cum principio; quia videlicet denominatio obiecti, & termini actionis immanentis, vt est visio, sequitur durationem ipsius actionis immanentis: Sic ergo dicimus de rebus volitis, vt sunt obiectum divinæ volitionis, quæ etiam significatur vt actio immanens, quod scilicet in esse obiecti, & termini sequuntur durationem ipsius volentis, seu volitionis, & ideo denominatur volitæ, & terminantur intrinsecè volitionem ab æterno. Est dicere, quod actio transiens ponens terminum extra, licet entitativè æterna, in denominando ipsum agens producens, & terminum productum, sequitur durationem propriam termini; e contra vero in actione immanenti, terminus, licet temporalis entitativè, quoad denominati terminum, & obiectum, & terminans ipsam, sequitur durationem æternam ipsius.

125 Denum obijcies: Voluntas divina est indifferens ad velle, vel non velle mundum: ergo vt determinatè constituitur volens mundum, eget aliquo sibi superaddito. Vel nego antecedens, vel distinguo: Est indifferens ad velle,

vel non velle indifferencia actus primi ad actum volendi, vel ad carentiam illius, nego: Indifferencia ipsius velle in actu secundo ad mundum, vel ad carentiam illius, concedo antecedens, & nego consequentiam, quæ solutio constat ex dictis asserto 1. num. 63.

126 Sed replicabis: Saltè ipsum velle Dei est indifferens vt actu sit velle huius mundi, vel non: Ergo vt constituitur determinatè velle huius mundi, eget aliquo sibi superaddito, saltè aliqua terminatione activa. Distinguo antecedens: Est indifferens, vt sit actu volitio huius mundi, vel non, indifferencia passiva ad esse, vel non esse tale velle, nego: Indifferencia activa eiusdem velle intrinsecè invariati ad mundum, vel carentiam mundi, sive vt sit huius mundi, vel carentie illius, concedo antecedens, & nego consequentiam.

127 Sed adhuc replicabis: Hæc indifferencia, quantumvis activa, vt sit huius mundi, vel carentie ipsius, debet determinari vt determinatè sit huius mundi potius, quam eius carentie, vel alterius rei: Ergo vt sic determinetur, eget aliquo sibi superaddito. Nego antecedens, quia indifferencia putè activa, non est determinabilis, sed determinativa. Vel distinguo antecedens, debet determinari ex parte sua, & intrinsecè, nego: Ex parte obiecti, & extrinsecè, subdistinguo: Ab alio, nego: A se ipsa, concedo antecedens, & nego consequentiam, quia vt sit determinatè huius obiecti, potius quam alterius, satis est quod determinetur sibi obiectum, non quidem ab alio, sed à se ipsa, quia ipsa indifferencia activa divini velle, vel divinæ voluntatis in actu, talis est, quod determinat sibi obiectum, quin intrinsecè, & passivè determinetur, & determinato sibi à se obiecto est iam volitio determinati obiecti potius, quam alterius.

128 Sed non quiesces: Saltè est indifferens vt actu determinet sibi obiectum: Ergo vt illud actu sibi determinet, indiget aliquo sibi superaddito. Nego antecedens: Quia per suam essentiam est actualis determinatio omnis contingentis determinabilis, ad esse, vel non esse suum obiectum, & ad esse, vel non esse in rerum natura, vnde non est indifferens, vt determinet in actu, vel non, sed est actualissima determinatio cuiusvis contingentis ad esse, vel non esse.

129 Sed adhuc nõ quiesces: Ergo vt hæc actualis determinatio, sit determinatio huius contingentis ad esse, potius quam ad non esse, eget aliquo sibi superaddito. Nego consequentiam, quia ad hoc nihilo eget, sed absque omni superaddito est determinatio ad esse præ non esse, sicut actualissima volitio Dei absque omni sibi superaddito vult rem esse præ non esse, addendo nempe obiecto esse, quo excluditur ab obiecto nõ esse, quia videlicet actualissima Dei volitio, & determinatio

hō, sicut non est determinata passivē, sed determinatio activē, ita non est capax additionis, sed ipsa est activa additio, addens activē esse rebus, quin aliquid sibi addatur.

130 Sed adhuc non quiesces: Sanē per nos ipsa actualissima volitio, & determinatio potuit esse determinatio obiecti ad non esse, & ad esse: Cur ergo, vel per quid constituitur determinatio ad esse, potius quam ad non esse? Per nos volitio actualissima potuit esse huius obiecti, vel alterius, vel oppositi: Cur ergo est determinatē huius obiecti prae oppositi? Aut quo constituitur in esse huius, vel oppositi? Hoc sanē est, quod explicare debemus, & quod non facile explicabimus, nisi addita aliqua terminatione intinseca saltem, vel constituendo volitionem determinati obiecti per aliquid extrinsecum.

131 Respondeo, quod in hac interrogatione stat tota causa deceptionis, siquidem in ea quaeritur causa, aut ratio a priori primae causae, & primae rationis a priori; quaeritur determinatio primae determinationis omnium determinabilium; quaeritur, cur, in eo, per quod ultimum respondetur ad omne cur; interrogatur de eo, per quod omni interrogationi ultimo respondetur, quale est *Deum velle liberē hoc vel illud*. Igitur ad primam interrogationem respondetur, quod ipsum velle Dei est, ipsa Dei prima libera, & actualis determinatio cuiuslibet obiecti contingentis, v.g. mundi, quia est actu velle, & determinare liberē esse, potius quam non esse mundi, seu quia vult, & determinat mundum esse, potius, quam mundum nō esse. Cum autem inquis, quod hoc eodem velle, & hac eadem determinatione potuit velle, & determinare mundum non esse: Cur ergo modo determinat, & vult mundum esse? Amplius non habeo, quid respondeam, nisi *quia vult*; quia ipsum velle se ipso, nihil sibi addito, vult liberē mundum esse, potius, quam non esse; & ipsam decretum, ipsaque libera determinatio per essentiam talis, liberē decernit, ac determinat mundum esse potius, quam non esse; ita ut tota indifferentia passiva, & tota passiva determinatio sit in obiecto, & ex parte obiecti, activē tamen determinata per ipsum velle, per ipsum determinare, & per ipsum decernere, nihilo sibi addito, sed addito precise per ipsam esse ipsi obiecto, seu quia ipsa addit esse obiecto, nempe mundo. Et cum togas: Cur si potuit esse alterius obiecti, est huius potius quam alterius? dico, *quia liberē est huius potius, quam alterius*, seu *quia liberē vult hoc esse, potius, quam aliud esse*; non quia constituitur talis, vel talis volitio, sed quia ipsamet volitio constituit activē potius mundum in esse sui obiecti quā aliud diversum; quod quidem nullam habet rationem priorē, sed est prima ratio casualis, & activae omnium contingentium. Vnde dico demum quod per nihil sibi additum constituitur determinans esse, prae non esse, volitio huius, quā alterius;

sed se ipsa, & nihilo sibi addito, addendo potius, quam recipiendo additionem, quia vult, & quia determinat. Quod si dicas, quod à principio quaestiois possemus respondisse, ipsum velle liberum constituit se ipso, & esse velle mundi, quia est velle mundi, respondendo idem per idem. Dicam; sic verē responderi posse aptissime, quia de prima ratione a priori, non est alia ratio, nisi ipsamet; sed quia fundum huius responsionis torum non penetraretur, nisi dicta praecessissent, propterea nos otiosum iudicavimus, dicta dixisse.

# COROLARIUM NOTATV dignum.

132 EX dictis colligitur, quo pacto velle liberum Dei dici possit contingens, & defectibile absque defectibilitate, aut contingencia intrinseca, & vera. Dici enim potest contingens, & defectibile obiectivē, seu ex parte obiecti liberē voliti; item terminativē extrinsecē ex parte termini in esse terminantis; item connotativa ex parte connotati. Rursus, sic est defectibile ab aeterno in duratione volentis, nempe in aeternitate, quatenus potuit existentia temporalis obiecti non esse obiectum, nec terminus; nec connotatum divinae volitionis ab aeterno in aeternitate, ut modo est. At demum potest dici contingens, & defectibile, non in esse talis, sed in esse huius obiecti potius quam alterius, quia velle Dei liberum non potuit non esse intrinsecē, tale quale modo est intrinsecē; potuit tamen non esse huius obiecti, cuius modo est velle, & decretum. Potest etiam dici defectibile permissivē ad extra, quatenus ex se potest permittere defectum obiecti, ut infra explicabo. Et his distinctionibus respondeate quisque poterit replicis contrariis.

## QUESTIO VII.

AN DIVINA VOLUNTAS POTUIT MANERE SUSPensa ab omni velle libero, & quali libertate libera sit?

1 PRaeimitenda est libertatis divisio intrinseca: Libertas enim contradictionis, & contrarietatis. Libertas enim contradictionis est ad extrema contradictoria; libertas contrarietatis ad extrema contraria. Praeimitenda etiam est divisio libertatis in libertatem quoad exercitium, & quoad specificationem. Libertas quoad exercitium est respectu eiusdem ad actum, vel non actum, ad esse, vel non esse. Libertas quoad specificationem est respectu plurium obiectorum, vel actuali specie distinctorum. Vbi valde notandum est, non esse idem libertatem quoad specificationem, ac libertatem contrarietatis, quia haec est solum ad duo extrema contraria, illa vero ad omnia volubilia specie diversa, quae innumera possunt esse, licet non inter se contraria. His praemis, ut quasi respondeam, & ma-

gis penetrarentur dicta in questione precedenti.

2 Dico primo: *Voluntas divina est libera quoad specificationem, non ad plures actus specie distinctos, sed ad plura, & infinita obiecta specie diversa.* Quod non ad plures actus constat ex dictis. Quod vero ad plura, & infinita, obiecta specie diversa, probatur facile, quia est libera, & quidem proximè ad omnia factibilia, & agibilia, quæ ut factibilia, & agibilia cognoscit per intellectum: Sed per intellectum actu cognoscit infinita factibilia, & agibilia specie diversa, nempe omnia possibili- lia: Ergo actu est libera quoad specificationem ad infinita obiecta specie diversa. Si vero roges, per quid, aut quomodo determinatur quoad speci- ficationem ad hæc obiecta potius, quam ad alia?

3 Dico secundo, *determinari quoad speci- cationem ad hæc potius, quam ad alia, formaliter per intellectum divinum, seu per divinam sapien- tiam secum identificatam; obiectiva autem per divinam idæam, seu per essentiam divinam ut di- versimodè participabilem ad extra.* Ita D. Thom. 1. contra Gent. cap. 82. ubi cum sibi obieciſſet ſiſi Si quod eſt ad utrumlibet indifferenter ſe habens, non magis in unum, quam in aliud tendit, niſi ab alio determinetur oportet, quod Deus, vel nihil eorum velit, ad que indifferenter ſe habet, vel quod ab alio determinetur ad unum, & ſic erit aliquid eo prius, quod ipſum determinet ad unum. En argumentum, cui facile responderet Iesuſita, quod nempe eſt aliquid prius obiectivè determi- nans divinam voluntatem ad unum volendum, nempe obiectum creatum notivum, & determi- nativum, & ſpecificativum divinæ voluntatis. Sed D. Thom. nihil horum dicit, ſed ſic reſpondet: *Quamvis autem divina voluntas ad ſua cauſata non determinetur ab alio, non tamen oportet di- cere, quod nihil eorum velit, aut quod ab aliquo exteriori determinetur; cum enim bonum apprehenſum voluntatem ſic ſuam obiectum determi- net, intellectus autem divinus non ſit extraneus ab eius voluntate, cum utrumque ſit ſua eſ- ſentia, ſi voluntas Dei ad aliquid volendum per ſui intellectus cognitionem determinetur, non erit determinatio voluntatis divinæ per aliquid ex- traneum facta, ſed per ſuum intellectum, qui apprehendit, non ſolum divinum eſſe, quod eſt boni- tas eius, ſed etiam alia bona, quæ quidem apprehendit, ut ſimilitudines quaſdam divinae bonita- te, & eſſentia: Determinatur ergo voluntas divi- na quoad ſpecificationem per intellectum divinum formaliter, & obiectivè per idæam præconceptâ: Sed Deus eſt ſupremus artiſex: Ergo ſimili modo determinatur eius voluntas, aut velle ad diverſas creaturas, aut effectus. Explicatur ſecundo: Quia*

omnis voluntas determinatur quoad ſpeciem per formam apprehenſam: Sed in divino intellectu forma apprehenſa eſt idæa, quæ eſt forma relati- cenda: Ergo divina voluntas determinatur quoad ſpeciem effectus per idæam.

4 Ex quo colliges, quod divinum velle ut regularum per vnam idæam, eſt velle vnius effectus, ſeu decretum de illo producendo; ut regularum per aliam, eſt decretum, ſeu volitio alterius ſpecie diſtincti, & ſic de omnibus alijs, & hoc ſenſu D. Dioniſius appellavit divinas idæas, bonas voluntates exiſtentem prædeterminativas, & effectivas. Ut latè explicavimus Tract. de Provident. queſt. 80. à num. 50. & queſt. 1. à num. 58. Notandum tamen valdè eſt, divinum velle ſemper, & neceſſariò eſſe determinatum quoad ſpecificationem ad omnes, & ſingulos effectus poſſibiles, per omnes, & ſingulas idæas poſſibilium; unde ut ſit ſub vna idæa eſt determinatum velle de vno effectu, & ut ſit ſub alia, determinatum velle de alio, & ſic de om- nibus poſſibilibus, determinatur inquam quoad ſpecificationem, quæ determinatio quoad ſpecifi- cationem effectus comparitur cum carentia exerci- citij eſſendi in effectu. Si vero iam roges, quomo- do voluntas, aut velle divinum determinatur quoad exercitium? Negabo ſuppoſitum, loquendo re ipſa, & ex parte rei ſignificatè, quia velle divinum eſt prima determinatio omnium indifferendum ad eſſe, vel non eſſe, quantum ad exercitium eſſendi, & omnium indifferendum ad operari, vel nõ operari, quantum ad exercitium operandi, ipſa vero Dei voluntas, ſeu divinum velle non determina- tur quoad exercitium volendi, ſed vnicè determi- net omnia ad exercitium eſſendi, aut operandi, vel ad quodlibet aliud, ad quod ſint in potentia, quia ipſa divina voluntas non eſt in potentia, ſed eſt actus purus reducens ad actum omnia, quæ ſunt in potentia.

5 Dico tertio: *Voluntas divina eſt etiam libera libertate contrarietatis, non ad actus, aut volitiones contrarias, ſed libertate eiſdem actus ad obiecta contraria.* Quod non ſit libera libertate contrarietatis ad oppoſitos actus, patet, quia in- differentia ad oppoſitos actus arguit maniſeſtam potentialitatem, ut arguebamus queſt. præcedent. à num. 63. Ergo in divina voluntate nõ datur talis libertas. Nec opponas, quod volutas divina eſt libera, aut iudicet de velle, & nolle idè obiectum, ſed velle, & nolle reſpectu eiſdem obiecti ſunt actus oppoſiti: Ergo. Reſpondeo enim negando maiorem in ſeſu propriæ nolitionis, quia in divina voluntate nõ datur propria nolitio, aut nolle propriè ſumptum, ut eſt affectus poſitivus fugæ contrariis actui volendi, ve oſtendimus queſt. 4. à num. 50. unde ſolum dicitur Deus nolle vnum ex oppoſitis, quatenus vult poſitivè aliud tenden- tia volitiva, quod præſtat eodem ipſiſſimo actu, quo poſſet velle oppoſitum, non actu contrario,

nec modo contrario tendenti. Sed dices: Cum dicitur, Deum nolle existentiam alterius mundi, non potest hoc verificari per velle aliud oppositum alteri mundo, quia Deus nihil de facto vult oppositum alteri mundo: Ergo debet verificari per tendentiam nolitivam alterius mundi. Respondendo, hoc non verificari per velle aliquid positivum alteri mundo oppositum, verificari tamen per velle permissivè carentiam alterius mundi ipsi oppositam contraditioni, quia erga carentias puras, ut mox dicam, solum datur in Deo velle permissivum, secus autem nolitio positiva boni, cuius sunt carentias, nec positiva volitio ipsarum carentiarum. Vnde Deum nolle alterius mundi existentiam, idem est formalissimè, ac velle permissivè alium mundum non esse, eodem ipsissimo actu, quo potuit velle ipsum esse: Solum ergo restat libertas, & indifferentia eiusdem actus ad mundum esse, & ad mundum non esse ut ad obiecta contraditionaria, quæ est libertas contraditionis, non contrarietatis: Cum igitur in Deo ponimus libertatem ad velle, & nolle idem, est modus imperfectus, & improprie significandi libertatem contraditionis ad velle, vel hoc esse, vel hoc idem non esse, per idem velle, quo tantum sensu re ipsa in Deo datur, & cum proprietate, non vero libertas contrarietatis, ad velle, & nolle idem.

6 Quod vero detur etiam libertas contrarietatis eiusdem actus ad obiecta contraria, patet, quia Deus potest eodem velle velle lignum esse calidum, vel lignum esse frigidum; corpus esse album, vel corpus esse nigrum, & sic alia obiecta contraria: Sed hæc est libertas contrarietatis: Ergo datur in Deo libertas contrarietatis eiusdem actus ad obiecta contraria. Sed dices forsam: Hæc libertas solum est libertas obiectiva, non formalis, tum quia libertas formalis debet esse ad actus, sicut obiectiva ad obiecta. Tum quia solum est indifferentia obiectiva, non formalis. Tum quia non est libertas contrarietatis formalis, sed solum contrarietatis obiectivæ: Sed in Deo debemus concedere libertatem formalem, & non solum obiectivam: Ergo. Respondendo, libertatem ad obiecta contraria esse formalissimè, & propriissimè libertatem, quia conceptus formalissimæ libertatis non importat indifferentiam passivam, quæ solum esse potest ad contrarios actus, nam hæc potius est imperfectio libertatis formalis, quam essentia illius, sed solum importat essentialiter indifferentiam activam, quæ si sit pura activa, & nullo modo passiva, solum potest esse ad opposita obiecta, & oppositos effectus, non ad oppositos actus. Cum autem inquis, quod libertas formalis debet esse ad actus, sicut obiectiva ad obiecta, negatur suppositum libertatis obiectivæ, quia libertas non dividitur penes libertatem obiectivam, & formalem, nec in obiectis, aut ex

parte obiectorum datur libertas, licet deus indifferentia passiva, quæ ut talis non est libertas, unde indifferentia activa ad obiecta non est libertas obiectiva, sed subiectiva, & formalis, sicut potentia ad obiecta, non est potentia obiectiva, sed subiectiva, & formalis, & tendentia ad obiecta, non est tendentia obiectiva, sed subiectiva, & formalis. Cum item, inquis, quod ea libertas ad obiecta solum est indifferentia obiectiva, negatur etiam, quia potius est indifferentia activa, & formalis in actu secundo ad obiecta, quæ formalissimè est libertas; indifferentia autem obiectiva tenet ex parte obiectorum, & est passivè determinabilis per activam, seu per libertatem, minimeque est libertas. Cum demum inquis, quod non est libertas contrarietatis formalis, sed solum contrarietatis obiectivæ, id fateor, sed aliud est libertas contrarietatis, aliud contrarietatis libertatis: contrarietatis quidem solum est obiectiva, sed libertas determinativa huius contrarietatis est libertas formalis, unde est libertas formalis determinativa contrarietatis obiectivæ, minime autem libertas obiectiva. Et hæc dixerim pro tollendis equivocationibus.

7 Dico quædò: *Voluntas divina etiam est libera libertate contraditionis, non ad actum, & eius omissionem, sed per eundem actum ad esse, vel non esse eiusdem obiecti.* Patet, quia libertas ad actum, & eius omissionem, importat essentialiter indifferentiam passivam, & potentialitatem ad illum actum, quem potest omittere: quia actus non omittitur, nisi per eius carentiam intrinsicam; indifferentia autem ad actum intrinsicum, & ad carentiam intrinsicam ipsius, essentialiter est indifferentia passiva, & potentialis, quæ potius divinæ voluntati repugnat: Repugnat ergo illi libertas ad actum, & omissionem ipsius actus. Solum ergo restat in illa, libertas contraditionis per eundem ipsissimum actum ad esse, vel non esse eiusdem obiecti, quatenus eodem ipsissimo velle invariato potest velle, vel obiectum esse, vel idem obiectum non esse. Quæ quidem non determinatur quoad exercitium, quia ipsa est per essentiam, & in actu. prima determinatio rerum omnium quoad exercitium essendi, & operandi.

*SPECIALE ASSERTUM, ET notandum.*

8 Dico quinto: *Huiusmodi libertas contraditionis in Deo solum est activa erga extremum positum, nempe erga obiectum esse, permissiva vero erga contradictorium negativum, nempe erga obiectum non esse.* Moveor ad hoc speciale assertum, quia cum Tractat. de Provident. quaest. 18. num. 84. dixissem, libertatem, quæ semper est ad opposita,

non exigere esse ad utrumque ex oppositis causaliter, & activè, sed satis esse quod sit ad vnum activè, & causaliter, & ad aliud permixtivè, nonnullis visum fuit hoc placitum à veritate alienum, & impossibile; sed immerito, quia nihil veritati conformius, nec ad theologicas difficultates solvendas utilius. Hoc secundum satis constat ex ibi dictis, & constabit ex dicendis in nostris operibus. Primum vero, quod nempe id sit veritati conformissimum. Probatur primò, quia divina voluntas solum potest velle permixtivè extremum negativum contradictionis, licet positivè, activè, & causaliter extremum positivum: Ergo libertas divina contradictionis solum est ad opposita contradictoriè, ad vnum activè, ad aliud purè permixtivè: Ergo dabilis est talis libertas. Probo antecedens, quia divina voluntas non potest velle positivè, & activè, nisi bonum sub ratione boni: Sed non potest velle extremum negativum contradictionis ut bonum sub ratione boni: Ergo nec illud velle positivè. Maior patet, quia obiectum adæquatum voluntatis ut positivè volitivè est bonum sub ratione boni, nec est excogitabile, quo pacto obiectum possit esse positivè volitum, nisi sub ratione boni. Minor autem probatur, quia extremum negativum contradictionis est pura carentia, v.g. *mundum non esse*, aut *non existere*: Sed divina voluntas non potest velle activè, aut positivè carentiam, aut non esse mundi, ut bonum sub ratione boni, v.g. Ergo nec extremum negativum contradictionis. Probo minorem, quia intellectus divinus non potest cognoscere, nec proponere voluntati divinæ carentias puras ut bonum sub ratione boni. Sed voluntas, adhuc divina, non potest velle aliquid ut bonum sub ratione boni, nisi sibi proponatur per intellectum ut bonum sub ratione boni: Ergo nec voluntas divina potest velle puras carentias, v.g. non esse mundi, ut bonum sub ratione boni. Maior patet, quia intellectus divinus non potest apprehendere, nec cognoscere, nec proponere carentias puras sub ratione entis, nec per assensum, quia hoc importat manifestè eas cognoscere aliter ac sunt in se, & fingendo ens rationis, ut nobis contingit: Ergo nec eas cognoscere, aut proponere positivè sub ratione boni. Non virgo amplius hoc argumentum, quia mihi est demonstrativum, & quisque penetratis terminis illud facile virgere potest.

9. Secundò probatur idem assumptum: Quia voluntas divina, ut potè ex cunctis, & efficacissima, nihil positivè, & activè vult, nisi communicando illi bonitatem, vel saltem inchoationem, aut ordinem ad bonitatem participandam: Sed puris negationibus, aut carentiis bonitatem ullam communicare non potest, nec ordinem, aut inchoationem bonitatis, quia sunt penitus incapaces bonitatis, aut ordinis ad bonitatem: Ergo

non potest illas velle activè, aut positivè, sed ad summum permixtivè.

Dices forsan, negationes, privationes, aut carentias esse incapaces bonitatis intrinsecæ, non vero bonitatis extrinsecæ; quia sæpè privatio, aut carentia solet extrinsecè denominari bona ex bonitate finis, ad quem conducit. Sed contra est primò, quia carentia pura per se ad nihil bonum conducere potest, saltem intrinsecè, quia per se nihil est, & nihil ad nihil intrinsecè conducit: Ergo carentia pura non ipso modo denominari adhuc extrinsecè bona. Explicatur: Deus potuit velle carentiam huius mundi, immo & carentiam universalem omnium rerum: Sed hanc non potuit velle ut extrinsecè bonam ex bonitate finis, ad quem conducirer, quia carentia universalis omnium rerum ad nihil penitus conducirer: Ergo nullo modo potuit illam ut bonam velle: Ergo nec positivè velle, sed solum permixtivè ut non bonam: Ergo libertas divina contradictionis ad res aliquas, vel ad nullas, seu ad existentiam aliarum, vel carentiam omnium, respectu huius extremi est purè permixtivè, & non activè causalis, aut volitiva.

10. Dices, carentiam universalem omnium rerum fore bonam extrinsecè, quia conducirer ad ostendendum Dei dominium, & libertatem. Sed contra est, quia nulli ostendere posset Dei dominium; non enim illud ostenderet Deo, cum Deus nihil ex rerum carentiis discere possit, aut ei ostendi, cum omnia sua perdidisset inè noscat comprehensive independentè ab omni extrinsecò; nec etiam ulli creaturæ, quia data omnium rerum carentia, nulla esset creatura: Ergo carentia universalis omnium rerum nulli posset ostendere, aut manifestare Dei dominium, aut libertatem: Ad nihil ergo conducirer: Ergo nec bona extrinsecè esset.

11. Contra secundò impugno principalem evasionem, quia adhuc carentiæ particulares per se, & intrinsecè ad nihil conducunt; sed ad summum per accidens, & extrinsecè, quatenus ex illis præsuppositis potest aliquod bonum occasionari: Sed eo ipso saltem sequitur, quod Deus non velit illas positivè, & causaliter intrinsecè, & per se sumptas: Ergo Deus non vult rerum carentias intrinsecè, & per se sumptas. Sed intrinsecè, & per se sunt extremum contradictionis, non vero ut extrinsecè bonæ: Ergo iam sequitur quod Deus non potest velle extremum negativum contradictionis, ut extremum contradictionis est, positivè, sed solum permixtivè. Minor patet, quia carentia, aut privatio salutis, v.g. ut extrinsecè bona, non est contradictorium ipsi salutis; bonum enim ut bonum non est contradictorium bono; sed solum est contradictorium salutis ut non bona, seu ut carentia, aut non esse salutis: Ergo. Tercio, quia non minus peccatum potest dici



extrinsecè bonum, quam quilibet vera carentia particularis: Et tamen hoc non sufficit, vt Deus plusquam permissivè vellent peccatum: Ergo nec sufficit vt plusquam permissivè velit carentiam quamlibet particularem. Maior probatur, quia non alio titulo carentia aliqua particularis dicitur extrinsecè bona, nisi quia ex illa originari potest per accidens aliquod bonum, & conducere potest indirectè, & extrinsecè ad aliquod bonum, vt carentia salutis, vel divitiarum ad humilandum subiectum, vel ad ordinandas punctiones: Sed hoc pacto etiam conducere potest malum, seu peccatum, iuxta illud Augustini: *Diligentibus Deum omnia cooperantur in bonum, etiam peccata*, & illud: *Maluit Deus de malis beneficere, quam mala nulla esse permittere*: Vnde ex peccatis sæpè humiliatur peccator, & agit penitentiam: Ergo,

12 Denique probatur assumptum, quia Deus nihil vult positivè, aut activè frustra, seu volitione frustranea: Sed frustra esset velle positivè, aut activè, carentiam, seu non esse rei: Ergo eam non vult positivè, sed solum permittivè. Probat minor, quia frustra est velle positivè, quod Deo purè sinente, & permittente erit necessariò: Sed carentia cuiuslibet rei, seu non esse illius, erit necessariò Deo purè sinente, & permittente rem nõ esse: Ergo frustra esset velle positivè carentiam rei, seu rem non esse. Minor patet, quia res quilibet vt non sit, sive vt careat esse, non indiget positiva Dei voluntate, aut causalitate, sed sola permissione; quilibet enim res vt positivè existat, aut sit in rerum natura, indiget Deo causante, & volente positivè, ac dante esse, quia nulla creatura est à se, sed solum per participationem à Deo, qui est primum esse; at tamen vt non sit, sive vt careat esse, non indiget Deo positivè causante, aut dante non esse, quia à se non est, & à se habet deficere, & carere esse, cum sit primum deficiens ab esse, & solum eget Deo sinente, & permittente ipsam in suo non esse, seu in suo nihilo; per hoc enim præcisè quod Deus finit, & relinquit creaturam secundum id quod de se, & à se habet, nihil ei positivè dando, aut volendo, creatura non erit, & carebit esse, vt per se patet: Ergo carentia cuiuslibet rei, seu non esse illius erit necessariò, Deo purè sinente, & permittente rem non esse, aut deficere.

13 Ex quibus iam clarè infertur, quod quando cumque supra diximus Deum velle rem aliquam non esse, intelligendum est, quod vult permissivè rem non esse, hoc est sinendo quod non sit, seu quod deficiat à se ipsa; non vero positivè faciundo quod non sit, aut dando ei non esse, quia Deus omnibus quidem est causa essendi, & sines essendi, nemini autem est causa non essendi, aut deficiendi, sed solum permittens non esse. Infertur etiam, divinum velle liberum ad extrema

contradictionis, nempe ad esse, vel non esse rei, ad esse rei esse positivum, sive positivè determinans rem esse; sed ad non esse se habere purè permissivè, sinendo vt res non sit; ac proinde eius actuale indifferentiam, & libertatem contradictionis non esse respectu utriusque contradictionis positivam, & causalem, seu positivè, & causaliter determinativam utriusque, sed positivam respectu extremi positivi, nempe *esse*, & purè permissivam respectu extremi negativi, nempe *non esse*, quia positivè determinat *rem esse*, sed purè permissivè *rem non esse*.

14 Sed dices: Per nos, & ex dictis quaest. precedenti, eadem ipsissima est volitio Dei libera, qua vult *rem esse*, & qua vult *rem non esse*: Sed volitio, qua vult *rem esse*, est positiva, activa, & causalis, quia per illam vult positivè, activè, & causaliter *rem esse*: Ergo pariter volitio, qua vult *rem non esse*: Ergo per illam vult etiam positivè *rem non esse*. Secundo, quia etiam per nos, ipsa Dei volitio est determinatio actualis rei ad *non esse*, sicut rei ad *esse*: Sed implicat quod sit actualis determinatio rei ad *non esse*, nisi positivè, & causaliter se habeat ad *non esse*: Ergo. Respondeo ad primum, distinguendo maiorem: Eadem ipsissima est volitio, & idem connotatum, seu obiectum, nego: Et diversum connotatum, seu obiectum, concedo maiorem, & minorem, & obiecti consequentiam; quia stat optimè eandem ipsissimam volitionem intrinsecè omnino eandem, respectu diversorum sortiri distinctam denominationem; vnde respectu existentiae rei, seu de esse rei est positiva, & causalis, & qua Deus positivè, & causaliter vult *rem esse*; sed respectu carentiae rei, seu de non esse rei est purè permissiva; & non quia ipsa in se non sit positiva volitio, & positivus actus liber, sed quia erga connotatum negativum, seu erga non esse rei, non activè, sed permissivè se habet, sinendo rem non esse ex se ipsa, seu à se ipsa, vt explicatum est. Ad secundum, distinguo maiorem: Est determinatio actualis rei ad *non esse*, determinatio in quam permissiva, concedo: Determinatio activa, positiva, & causalis ad non esse, nego maiorem, & distincta minori eodem modo, nego consequentiam; quia ipsa Dei volitio libera respectu cuiuslibet rei indifferentis ad esse, & non esse, est essentialiter actualis determinatio illius, vel causalis ad esse, vel permissiva ad non esse; non quia distinguamus ex parte Dei duas determinaciones, aut voliciones, vnam activam, & positivam ad esse, aliam permissivam ad non esse; sed quia vna, & eadem volitio, & determinatio actualis, si est ad esse, est activa, & causalis si ad non esse, dicitur, & est purè permissiva, ex sola distinctione connotatorum, non ex distinctione vlla intrinseca volitionis, aut determinationis, immo nec determinationis intrinseca ipsius pro reo; eo nempe, quia *rem non esse* est purè permissivè.

sibi.

sibile, non causabile, nec agibile, nec factibile; *rem vero esse* est causabile, & factibile, & non aliter esse potens, vnde eadem ipsissima Dei volitio, determinatio, & terminatio intrinseca erga *non esse* purè permissibile, est purè permissiva; erga *rem esse* causabile, & factibile, est activa, positiva, causalis, & factiva.

15 Ex dictis vtilissimè inferitur, quod quoties aliqua res, aut ens constet ex aliquo positivo, & ex aliquo privativo, aut negativo, seu quando est effectus cum defectu, perfectio cum imperfectione, debet quidem dici à Deo volita positivè, & causaliter, quantum ad positivum, quod importat, sed purè permissivè quantum ad negativum, aut privativum; volita positivè, & causaliter quantum ad rationem effectus, & perfectionis, sed purè permissivè quantum ad rationem defectus, aut imperfectionis, quia hoc secundum importat defectum essendi, aut carentiam alicuius esse, illud primum importat esse, aut participationem essendi.

16 Inferes secundò; in nobis vix esse possibilem permissionem alicuius absque omissione; in Deo autem esse permissionem sine omissione. Ratio est, quia cum nos permittimus aliquid contingere, id fit non eliciendo actum, & volitionem formalem, qua possemus illud impedire, aut velle oppositum, quæ non elicientia, seu carentia actus omisio formalis est; at vero Deus non permittit res non esse, aut deficere, per non elicientiam actus, aut per carentiam actus, aut volitionis formalis, qua posset illum defectum impedire, aut velle oppositum, sed potius per eundem actum, aut volitionem, qua posset velle oppositum, & defectum impedire, per eundem inquam actum, & volitionem indefectibiliter in se exercitam, sinit rem non esse, aut rem deficere; vnde in Deo permissio non est carentia actus, aut volitionis, sed actualis volitio, vel actus sinens, & permittens rem deficere ab essendo, vel ab operando; eo videlicet, quia tota Dei volitio libera, & actus liber, adhuc in actu secundo, independentis est ab esse, vel non esse rei, erga quam est liber, ex se, & intrinsecè non alligatus vni potius quam alteri extremo contradictionis, licet per suam essentiam sit actualis determinatio vnius, vel alterius, vel permissiva vnius, vel activa, & causalis alterius; in nobis vero permissio semper importat carentiam actus, aut volitionis, qua possemus velle oppositum, quia nostræ singulæ volitiones sunt alligatæ singulis obiectis, & ab ipsis specificatæ, vnde eadem, qua possemus velle rem esse, non possumus sinere rem non esse, nec velle permissivè rem non esse, sed opus est, quod illa deficiat, & omittatur, ut permittamus, aut velimus rem non esse, vel per omissionem illius, vel per volitionem oppositam primam excludentem. Ex quo,

# ULTIMUM ASSERTIVM.

17 **D**ico vltimò: *Voluntas divina erga contingentia non potuit manere suspensa ab omni actu, aut volitione libera; potuit tamen purè permissivè se habere erga omnia contingentia, nullum positivè, aut activè volens, aut determinans.* Hoc secundum patet, quia velle Dei ex hoc ipso, quod est liberum erga omnia contingentia, alligatum non est ut de aliquo velit positivè esse potius quam permissivè non esse, sed de quolibet, & de omnibus potest velle permissivè non esse; si enim alligatum esset ut de aliquo vellet positivè esse, potius, quam permissivè non esse, erga illud non esset liberum, sed necessarium, utpote cuius necessariò esset volitio positiva: Ergo potuit erga omnia, & singula contingentia velle purè permissivè ea non esse, & consequenter nullum positivè, aut activè dèterminare ad esse.

18 Primum vero probatur, quia Deus non est contingenter, sed necessario in actu secundo libere volendi circa quodlibet contringens, cum sit actus purus etiam in linea libere volentis, & consequenter per suam essentiam in actu secundo, seu vltimo de tali linea: Igitur erga nullum contingens potuit manere suspensa ab actu libero erga ipsum. Secundò, quia, ut ex dictis constat libertas divina non est indifferentia ad actum liberum, & omissionem, aut suspensionem illius, quæ necessariò esset indifferentia passiva, sed est indifferentia purè activa, vel permissiva vnicui actus liberi ad esse, vel non esse obiecti contingentis: Ergo non potuit manere suspensa ab actu libero erga contingentia, nec ipsum omittere, sed necessariò est in actu libero erga ipsa, per quem libere vult, vel positivè, & causaliter ea esse, vel permissivè non ea esse. Denique, quia nulla res potuit manere suspensa ab esse, & à non esse, nihil enim potest simul nec esse, nec non esse, quia quodlibet est, vel non est: Sed non potest esse, nisi Deo volente positivè, & causaliter ipsam esse; nec potest non esse, nisi Deo volente permissivè eam non esse: Ergo nec Deus potuit manere suspensus ab omni actu libero, ita ut nec velle positivè rem esse, nec velle permissivè rem non esse. Explicatur: Contingentia, vel indifferentia contradictionis rei ad esse, vel non esse non potest manere indeterminata, quia alias nec res esset, nec non esset, quod prorsus impossibile est: Ergo necessariò est determinata, vel ad esse, vel ad non esse: Sed non potest esse determinata, nisi Deo, aut Dei voluntate illam determinante, vel positivè ad esse, vel permissivè ad non esse: Ergo non potuit voluntas divina manere suspensa ab omni determinatione libera, tam permissiva de non esse, quam positiva de esse.

19 Dices, hoc verum esse, ceterum per puram suspensionem ab omni actu libero salvari, quod Deus permittat rem non esse, seu permissivè determinet rem non esse. Sed contra, quia, ut iam notavimus, in Deo permissio non potest esse carentia, omisio, aut suspensio actus, sed est actus actualissimus, & velle in se actualissimum, non alligatum obiecto, & ideo finens liberè ipsum non esse: Ergo quod Deus permittat rem non esse, vel salvari non potest in Deo per suspensionem actus, vel ab omni actu libero, sed solum per actum ipsum liberum, quo posset velle rem esse, quo tamen velit permissivè rem non esse.

20 Sed dices, hoc non esse propriè velle liberum, nec actum, aut volitionem liberam, sed potius non volitionem: Ergo salvatur, quod voluntas divina possit manere suspensa ab omni volitione libera. Probatur ante cedens, quia quod Deus purè permittit, propriè loquendo non vult: Ergo permittit in Deo non est propriè velle. Respondeo, quod velle Dei, quo permittit rem non esse, est quidem in se ipso proprièssimè velle, & volitio, & actus liber, quia in esse talis non dependet à volito liberè, seu à volito secundariò, sed potius constituitur per esse summum velle, & summam, ac infinitam volitionem independentem, & inalligatam obiecto secundariò, & contingenti, quæ tamen possit esse de obiecto contingenti ex fecunditate, sed non ex indigentia, aut ex necessitate, unde semper, & necessariò est velle liberum, & actus liber, licet non de necessitate constituat obiectum secundarium, & contingens propriè, & positivè volitum, sed cum libertate, vel sinendo, & permittendo ipsum, ut non sit volitum positivè, nec existens, ad quod obiectum sibi sufficit, vel faciendo ipsum intrinsecè volitum, & existens, quod solum potest habere ex Deo volente, & determinante. Unde nego quod permissio Dei sit propriè non volitio; siquidem propriè est in se volitio, & actus positivus, licet non sit talis erga non esse, quia erga non esse permissivè se habet, & non se explicat positivè. Ad probationem antecedentis, distinguo claritatis gratia: Quod Deus purè permittit, propriè non vult, per negationem, aut doleum volitionis, aut actus, seu negatione cadente suprà actum, nego: Per actum, & volitionem permissivè se habentem ergo obiectum purè permissibile, seu negatione cadente suprà obiectum, seu per negationem obiecti, concedo antecedens, & distinguo consequens: Ergo permittit in Deo non est propriè velle in se consideratum, aut erga obiectum primum, nego: Erga obiectum permissum, concedo: Vel aliter: Non est propriè velle obiectum permissum, concedo: Non est propriè velle obiectum primum, nego consequentiam, quia ipsa Dei permissio ex parte Dei est velle actualissimum cum suo obiecto primariò propriè, & positivè volitio, licet

erga secundarium purè permissivè se habens, ipsumque non assumens pro volito, sed permittens ipsum non esse volitum, nec existens, non per defectum sui in ratione actualis volitionis, sed cum plenitudine sui in ratione actualis volitionis, finens, rem non esse sui obiectum, nec existere, quia ad tale non esse ipsa sibi sufficit, nec eget influxu aliquo ex parte Dei, imò nec defectu aliquo in volendo ex parte ipsius, quia in deficiendo Deus non est primum deficiens, ut creatura deficiat, sed ipsa creatura tunc primum deficiens, & Deus actus purissimus omninò indeficiens, sed primum permittens.

# COROLARIA VALDE UTILIA.

21 EX dictis Inferitur. RR. nimium laborantes, & discutientes, an in Deo dabilis sit pura omisio, aut suspensio ab omni actu libero, frustra magna ex parte laborare, quia cum libertas divina contradictionis, ut ex dictis constat, propriè loquendo, non sit per modum potentie ad actum, & omisionem actus, sed solum per modum actus secundi, & purissimi ad obiectum, & non esse obiecti, seu ad esse, vel non esse obiecti, qui quidem actus per essentiam est determinatio actualis, vel positiva ad esse, vel permissiva ad non esse obiecti, manifestè repugnat in Deo verà omisio actus liberi, & consequenter pura omisio, quia solum se exercet divina libertas per actum liberum, vel permissibilem carentie, vel causativum existentie obiecti, non vero per omisionem actus.

22 Inferitur secundò, frustra etiam laborare omnes illi, qui nimium disputant de actibus liberis Dei imperatis, & imperantibus, iam admittentes, iam negantes processum infinitum in actibus imperatis, & imperantibus, & in omisionibus talium actuum. Frustra inquam, quia in divina voluntate non datur propriè, & ex parte rei significatur libertas ad imperandos proprios actus, nec est in Deo actus liber imperabilis ab ipsa per alium; sed tota vis imperandi in divina voluntate, & libertate est ad extra, non ad intra, quia nihil Deo intrinsecum subest divine libertati, aut eius libero imperio, sed solæ creaturæ illi substant quoad esse, vel non esse, quoad fieri, vel non fieri, ut ostendimus *quaest. preced. à num. 71*. Tota ergo series illa actum liberorum in Deo imperantium, & imperatorum, & similium omisionum, ficta est, & re ipsa non datur in Deo, sed solum purus actus liber imperans fieri, vel permittens non fieri creaturarum ad extra.

23 Inferitur denique, quo pacto divina voluntas, & libertas se exercet circa carentias, aut defectus rerum; aliqui enim putant se exercere per positivam volitionem, quia illas positivè vult, vel quia illas carentie, & defectus ponuntur

habere verum esse, & veram bonitatem negativam, potentem terminare positivam volitionem; vel quia à Deo apprehenduntur, vt viles ad aliquem finem. Sed hæc sententia prorsus falsa est, quia negationes, & carentiæ rerum nullam entitatem veram important, nec vere sunt ens, aut bonum adhuc negativum, sed purè important non esse rei, vt ostendi in metaphysic. *quest. 30. à num. 13.* vide etiam *hic à n. 3.* vnde nec à Deo apprehendi possunt, vt entia, aut bona, quia apprehendi non possunt aliter, ac sunt in re: Non ergo potest Deus eas positivè velle. Propterea alij dicunt, divinam voluntatem, & libertatem se exercere circa rerum carentias, & defectus indifferenter, per volitionem positivam existentie rerum, seu nolendo positivè res existere. Sed hæc etiam sententia falsa est, quia in Deo propriè non datur nolitio, quæ est affectus positivæ fugæ, vt constat ex dictis supra in hac *quest. 4. à num. 30.* & illa nolitio positivæ frustra foret, vt res deficeret, quia satis est sola permissio, aut non efficax volitio rei: Non ergo Deus exercet libertatem erga defectus, & carentias per volitionem positivam rerum, seu nolendo positivè res existeret. Sequitur ergo, quod illam exercet per actum, & volitionem in se positivam, sed respectu rerum purè permissivam, & finentem illas non esse, quia ad non esse sibi sufficit.

24 Infertur denique, quo pacto divina voluntas adeò bona sit ex se, vt ex se, & ab intrinseco nulli creaturæ sit causa non essendi, nulli negat propriè esse, nulli propriè nolit bonum, nec vlli propriè velit malum, nulli deficiat propriè, nullam propriè deferat; sed ex se, & ab intrinseco solum habet velle, non vero, nolle; velle illis bonum, non vero malum; dare, non negare; promovere res ad esse, & operari, non removere; assilere rebus, non illas desilire; adesse, non de esse. Cuius ratio est, quia cum Deus sit ipsa plenitudo essendi, nemini potest per se esse causa deficiendi; cum in se sit purum esse, & pura affirmatio in eapax negationis, ipsi solum convenit per se dare, non vero negare propriè loquendo; velle, non vero nolle; cum Deus, divinaque voluntas nullo modo sit intrinsece deficiens, nec potens deficere, nulli ex parte sua deficit, nulli de est, nullam deferit, sed si creaturæ defunt, aut deficiunt, à se deficiunt, aut defunt, quia ad hoc sibi sufficit; si defesserunt, aut privantur bono, à se ipsis habent deflectionem boni, non ex Deo, nec ex divina voluntate; vnde in creaturis non esse, & non agere non descendit ex Deo per prius ex parte, seu non essente, aut non agente; deficere, tum in essendo, tum in operando, & negatio, carentia, aut privatio essendi, aut operandi non oritur ex negatione vlla, aut privatione, aut carentia ex parte Dei, quasi Deus

sit primum negans, privans, aut removens effectibus, cum Deo ex parte sua repugnet omnis negatio, privatio, aut remotio, sed potius ipse res sunt à se carentes esse, privatæ esse, remotæ ab esse, nam ad hoc sibi sufficit, & sunt primum in non essendo, aut carendo esse.

25 Quæ quidem doctrina salvari non potest cum æquali proprietate in illorum sententia, qui libertatem divinæ voluntatis explicant per indifferentiam ad actum, & omissionem ipsius, seu ad formalitates, aut determinationes intrinsecas, & ad intrinsecam carentiam, aut defectum illarum; siquidem in horum sententia, Deus erit primum deficiens in volendo, vt creaturæ deficiant in essendo, aut operando; & defectus intrinsecus, aut carentia aliqua vel negatio intrinseca ex parte Dei erit causa defectus, carentiæ, aut negationis ex parte creaturarum, Deusque suo nolle, aut suo non velle, aut suo omittere, causa erit creaturis non essendi, aut non operandi.

26 Sed dices: Inter velle, nolle, aut non velle, non datur medium; item nec inter dare, & negare; nec inter adesse, & desse, nec inter efficere, aut deficere ab efficiendo: Sed Deus pluribus creaturis non vult positivè eas esse, pluribus non dat esse, pluribus non adest, in pluribus non efficit: Ergo pluribus deest, pluribus negat esse, plures non vult esse, vel per volitionem, vel per omissionem volendi. Respondeo, negando maiorem, quia datur mediū, nempe purè permittere eis non esse, aut deficere in essendo, vel in operando; quod Deus præstat actu indeficienti, & puro; quia licet ille actus ex se, & ab intrinseco purè sit velle, quia tamen est velle cum libertate vt sit huius, vel illius creaturæ velle, & sine indigentia illarum, est velle potens permittere non esse illarum, hoc est, potens esse perfectum, & integrum velle sine illis, & quin illas esse sit obiectum actus terminans illud velle. Vnde cum Deus dicitur non velle alterum mundum esse, non velle efficaciter Iudam converti, aut salvari, non velle illi gratiam efficacem, locutio est impropria, quia in Deo non est propria nolitio, nec negatio volendi; sed purum, indifferens, & plenum velle, permittens alterum mundum non esse, Iudam non converti, aut non salvari, aut carere gratia efficaci, tota negatione se habente ex parte creaturæ, non vero ex parte Dei; vnde si cum proprietate loqui velimus, non est dicendum, quod Deus non vult esse mundum, non vult Iudam salvari, converti, aut habere gratiam efficacem, nec quod vult positivè ipsum non converti, non salvari, aut non habere gratiam efficacem; sed quod suo velle libere permittit mundum non esse, Iudam non salvari, non converti, aut carere gratia efficaci. Nec item dicendum est, quod Deus negat esse, seu quod non dat esse, negatione se tenente ex parte Dei, sed solum quod permittit non esse, aut

negationem essendi; & similiter, dicendum non est, quod Deus negat gratiam, aut quod ex parte sua non dat gratiam, negatione se sentiente ex parte ipsius, sed solum, quod permittit carentiam gratiae, & negationem gratiae, aut gratiae defectum. Quae doctrina infra amplius explicanda est, & applicanda.

### QUAESTIO VIII.

AN DEVS POTVERIT INCIPERE VELLE IN TEMPORE, QUOD NON VOLUERIT AB AETerno?

**R**atio dubitandi unica pro parte negativa, est; quod si Deus inciperet velle aliquid in tempore, mutaretur in volendo. Pro parte vero affirmativa, quod non inde mutaretur, quia velle libetum Dei solum addit supra necessarium, vel terminum extrinsecum, vel ad summum terminationem activam intrinsecam deficiibilem; aut virtualitatem aliquam intrinsecam: Sed ex quo terminus extrinsecus incipiat in tempore, non mutaretur voluntas Dei, ut ex se patet; nec similiter ex quo terminatio illa, aut virtualitas intrinseca inciperet in tempore, mutaretur voluntas Dei; quod sic probatur, quia cum illa terminatione, aut virtualitate intrinseca non aliter se habet voluntas divina, ac se haberet sine illa, aliàs cum ab aeterno potuerit voluntas divina carere pluribus virtualitatibus, & terminationibus intrinsecis, quas de facto habet, potuisset ab aeterno aliter intrinsece se habere, esseque intrinsece alia, vel aliter, quam modo est; quod quis dicat? Ergo ex quo illam inciperet habere in tempore, non mutaretur.

1. Propterea aliqui ex Jesuitis dixerunt, quod si Deus inciperet, aut desisteret in tempore, velle aliquid, non mutaretur physice, mutaretur tamen mentaliter. Ita Suarez *Disput.* 30. *Metaphysic. sect.* 4. & cum ipso alij. Sed superior sententia est, quam modo subiungo.

### NOSTRA SENTENTIA.

**D**ico igitur: Si Deus inciperet velle, aut desisteret velle aliquid in tempore, mutaretur physice, ac proinde hoc penitus repugnat. Probatur primo, quia si Deus inciperet in tempore aliquid velle, prius esset non volens illud, & postea esset volens illud: Sed eo ipso mutaretur intrinsece, & physice: Ergo. Probatur minor, quia eo ipso aliter intrinsece se haberet postea, ac antea: Sed aliter intrinsece se habere postea, ac antea, est physice, & intrinsece mutari: Ergo. Probatur ma-

jor; quia antea; nempe ab aeterno, non esset intrinsece volens illud obiectum; & postea, nempe in tempore, esset intrinsece volens illud obiectum: Sed eo ipso aliter intrinsece se haberet postea, ac antea, quia postea esset intrinsece, quod antea intrinsece non erat: Ergo. Explicatur: Transire de non esse intrinsece volentem ad esse intrinsece volentem, est mutari intrinsece: Sed transire de non esse intrinsece volentem, ad esse intrinsece volentem: Ergo mutaretur intrinsece, & consequenter physice. Maior patet, quia transire de non esse intrinsece aliquid, ad esse intrinsece illud, est mutari intrinsece. Minor etiam patet, quia ante non esset intrinsece volens obiectum, & postea esset intrinsece volens obiectum. Confirmatur: Quociescunque nostra voluntas incipit velle, quod ante non volebar, mutatur intrinsece, non alia ratione, nisi quia transit de non esse intrinsece volentem, ad esse intrinsece volentem: Ergo idem sequeretur in divina voluntate, si inciperet aliquid velle.

4. Dices primo, quod mutari physice importat transire de non esse intrinsece entitativo ad esse intrinsecum entitativum, non vero transire de non esse intrinseco terminativo, ad esse intrinsecum terminativum; ad hoc autem ut inciperet Deus velle aliquid in tempore, satis esset, quod inciperet divina volitio terminari intrinsece ad obiectum, seu terminative se habere ad obiectum, ad quod autem non terminaretur intrinsece; per quod non mutaretur physice, quia absque sui mutatione potest terminari aliter, vel non terminari ad obiectum. Sed contra est, quia ut iam supra *quaest.* 4. *ad num.* 40. ostendimus late, implicat esse intrinsecum terminativum, quod non sit esse intrinsecum entitativum, & implicat terminationem intrinsecam de faciens sub conceptu intrinseco terminationis, quia deficit sub conceptu entis: Ergo si illud esse intrinsecum terminativum inciperet in tempore, prius deficeret in Deo sub conceptu entis, & post modum esset in Deo sub conceptu entis: Ergo transiret Deus de non esse entitativo, ad esse entitativum intrinsecum: Sed hoc est mutari physice iuxta solutionem: Ergo mutaretur physice. Explicatur: Ea terminatio intrinseca prius deficeret Deo sub eodem conceptu, sub quo postea esset in Deo; aliter enim incipere non posset sub villo conceptu: Sed implicat illam postea esse, nisi sub conceptu entis, quia implicat esse, nisi sub conceptu essentis: Ergo prius deficeret intrinsece Deo sub conceptu entis, & postea esset in Deo intrinsece sub conceptu entis: Ergo aliquid de novo haberet Deus sub conceptu entis, quod prius non habuisset sub conceptu entis: Ergo transiret Deus de non esse intrinseco entitativo ad esse intrinsecum

Oo en-

entitativum: Ergo mutaretur physicè iuxta solutionem.

5 Nec obstat, si dicas, illam terminationem solum addere de novo esse terminativum, solum esse de novo terminativè, solum incipere sub conceptu terminationis. Nā ex hoc non vitatur, quod adderet esse entitativum, nec quod esset de novo entitativè, nec quod inciperet sub conceptu entis, licet dicendum sit, quod adderet esse entitativum terminativum, & quod esset de novo entitativè terminativè, & quod inciperet sub conceptu entis terminativè; siquidem esse, aut incipere esse essentialiter convenit rei essenti sub conceptu entis, aut essentis, unde si essens, aut incipiens esse, sit terminatio, erit aut incipiet esse sub conceptu entis, aut essentis terminativè, seu per modum entis terminativè, semper tamen sub conceptu entis; quia implicat esse, aut incipere esse, nisi sub conceptu entis, aut essentis. Vide *ubi supra*.

6 Dices secundò, quod velle liberum Dei solum addit virtualitatem contingentem; & quod potest incipere quoad virtualitatem contingentem, quā in divina voluntas intrinsecè mutetur, quia ad mutationem physicam requiritur quod transeat de non esse formali, ad esse formale. Sed contra etiam est, quia idem dicendum est de hac virtualitate intrinseca, ac de illa terminatione, quod scilicet non posset incipere esse, nisi sub conceptu entis: Nec posset incipere esse sub conceptu entis, nisi Deus mutaretur physicè: Ergo. Maior constat ex dictis *quæst. 4. a num. 30.* ubi hanc virtualitatem intrinsecam contingentem impugnāvimus, quia necessariò esset contingens formaliter, & sub conceptu entis; eisdem enim fundamentis probandum est, quod si inciperet, non posset non incipere formaliter, & sub conceptu entis.

7 Dices tertio, quod velle Deum aliquod obiectum nihil addit intrinsecum in Deo, sed solum connotatum extrinsecum, aut terminum extrinsecè terminantem, & nulli dubium est, quod possit connotatum, & terminus extrinsecus incipere in tempore, quā Deus intrinsecè mutetur. Sed contra etiam est, quia licet Deum velle aliquod obiectum, v. g. *Petrum existere*, solum addat suprà velle Dei necessarium illud connotatum extrinsecum, non tamen addit illud vt constitutivum divinæ voluntatis in esse liberè volentis: Sed Deus pro priori à quo ad illud connotatum est, & intelligitur liberè volens illud: Ergo licet illud connotatum incipiat in tempore, per hoc non salvatur, quod Deus incipit illud velle in tempore: Ergo vt inciperet illud velle in tempore, opus est, quod ipsum velle liberum Dei adæquate intrinsecum Deo, & pro priori ad illud connotatum inciperet in tempore: Sed hoc est impossibile sine intrinseca Dei mutatione:

Ergo. Explicatur: Velle Dei, quo de facto vult *Petrum existere*, importat connotatum extrinsecum, nempe ipsum Petrum existere, quod incipit in tempore: Et tamen ex hoc præcisè non sequitur quod Deus in tempore inciperet hoc velle: Ergo vt Deus incipiat velle aliquid in tempore, non satis est, quod connotatum talis denominationis incipiat in tempore: Requiritur ergo quod ipsum velle pro recto incipiat in tempore: Sed hoc est impossibile, nisi Deus physicè mutetur: Ergo. Explicatur: Quidquid Deus vult ab æterno, vult illud vt pro tempore solum existens, incipiens, & fiendum: Ergo Deum velle ab æterno, quæ vult fieri in tempore, importat connotatum temporale incipiens in tempore: Ergo vt Deus non ab æterno, sed in tempore incipiat velle, opus est, quod ipsum Dei velle intrinsecum incipiat in tempore, & tempore mensuretur, & minimè sufficiat, quod incipiat temporaliter: Sed implicat, quod velle ipsum Dei incipiat in tempore, & tempore mensuretur, nisi voluntas divina mutetur: Ergo.

8 Dices quartò, satis esse quod connotatum incipiat in tempore, vt velle Dei erga illud, vel de illo incipiat Deum denominare volentem in tempore, licet ipse actus volendi sit æternus; quia actio creativa non minus est æterna, quam actus volendi; & tamen quia connotatum importatum in denominatione creantis est in tempore, Deus non ab æterno, sed in tempore incipit creare: Ergo pariter si velle Dei liberum importat connotatum temporale. Sed contra est, quia semper videt argumentum factum, siquidem modo Deus non incipit velle mundi existentiam, sed ab æterno illam voluit; & tamen connotatum Dei volentis existentiam mundi est temporale, & incipit in tempore, nempe ipse mundus: Ergo ad hoc vt Deus incipiat velle, non satis est quod incipiat connotatum importatum in denominatione illud volentis. Secundò, quia Deum videre intuitivè obiectum existens, non minus importat de connotato existentiam obiecti, quam Deum velle aliquid existere importat connotatum temporale: Sed licet connotatum Dei videntis intuitivè obiectum existens sit temporale, & incipiat esse in tempore, Deus non incipit in tempore videre illud: Ergo ex quo connotatum extrinsecum importatum in denominatione Dei volentis liberè incipiat in tempore, non sequitur, nec sufficit vt Deus incipiat velle liberè.

9 Tertio, & principaliter, quia paritas adducta de creatione, seu actione creativa oppositum non probat: Ergo. Probo antecedens, primò, quia etiam in rei veritate, seu ex parte rei significatæ, Deus non incipit creare ex parte actionis creativæ; sed potius actio crea-

creativa est ab aeterno, & sine principio, licet per illum mundus creatus sit cum principio, & in principio; unde cum 1. Genes. dicitur: *In principio creavit Deus Caelum, & Terram*, ly *in principio* non cadit supra actionem creandi, sed supra Caelum, & Terram creatam, vt explicabamus *Tractat. de Provident. quaest. 9. a num. 137. usque ad 144.* Potius ergo inde probari potest, quod nec Deus potuit incipere velle obiectum ex quo obiectum volitum, sit in tempore, aut in tempore incipiat; quia sicut Deus ab aeterno est in actu creandi mundum pro tempore determinato, & sicut actio creativa est aeterna, & ab aeterno, licet effectus creatus incipiat in tempore, cur non etiam Deus erit ab aeterno in actu volendi, & actu volens mundum pro tempore determinato, & velle Dei erit ab aeterno, licet volitum, aut connotatum sit, aut incipiat in tempore? Ex quo ergo connotatum incipiat in tempore, minime sequitur, nec sufficit vt Deus re ipsa, seu ex parte rei significat incipiat velle illud, quia hoc significat actum ipsum, seu actionem volendi incipere, & non solum connotatum incipere. Si enim Deus, ex quo incipiat connotatum creationis, non incipit esse in actu creandi, cur incipiat esse in actu volendi, ex quo incipiat connotatum volitionis?

10 Secundo, quia licet quantum ad denominationem ex nostro modo concipiendi loquendi, Deus incipiat denominari creans, & produciens per solam inceptionem connotati, hoc tamen ideo est, quia actio creandi, & producendi significatur a nobis per modum actionis transeuntis ad extra, & ideo significamus illam vt in duratione effectus ad extra producti, & denominatio creantis, seu producentis effectum ad extra sequitur durationem ipsius effectus ad extra producti, & facti. Econtra vero est in denominatione volentis, quia cum denominatio volentis significet actum volendi per modum actionis immanentis, potius trahit connotatum, & obiectum vt significetur, & accipitur in duratione ipsius volentis, seu ipsius actionis immanentis, vt supra explicabam, *quaest. 4. a num. 124.* Ergo ex quo Deus ex nostro modo concipiendi incipiat denominari creans, seu produciens ad extra ex inceptione connotati, aut termini, non sequitur, quod etiam ex inceptione connotati incipiat denominari volens, sed potius quod si actio immanens volendi est aeterna, obiectum, seu connotatum, vt obiectum, & connotatum illius, erit etiam ab aeterno in duratione illius. Explicatur: Obiectum actionis immanentis non terminat actionem immanentem, nec est connotatum illius vt in duratione propria ipsi obiecto, & extranea ipsi volenti, vel intelligenti, sed vt in duratione ipsius intelligentis, & volentis, quia non terminat illam actionem vt transeuntem ad extra, sed vt manentem intra, vt explicabamus *ubi supra*: Sed obiectum con-

deratum vt in duratione Dei volentis, vel ipsius velle Dei, non potest incipere in illa, sed est ab aeterno in illa, quia duratio ipsius velle Dei est aeternitas, in qua non est antea, & postea, & contra sequenter in illa nihil incipit esse: Ergo obiectum vt connotatum diuine volitionis in ea duratione, in qua est, & accipitur vt connotatum, non potest incipere esse connotatum, sed si est connotatum, & si terminat ea volitionem, ab aeterno terminatur, & ab aeterno est connotatum: Ergo ex inceptione connotati non potest Deus incipere velle in tempore, cum connotatum in esse connotati, non incipiat, nec sit connotatum vt in tempore, sed vt intra aeternitatem, in qua incipere non potest.

11 Explicatur aliter: Etenim licet in Deo eius velle facere, & volitio efficax re ipsa sit sui obiecti productio, & factio, tamen ex modo nostro concipiendi distinguimus in illa denominationem volentis, & denominationem facientis: Sic igitur in obiecto illius idem est re ipsa esse efficaciter volitum a Deo, ac esse factum a Deo, & productum a Deo, terminare volitionem efficacem, & terminare actionem factivam, & productivam; ceterum sicut prius intelligitur in Deo ex nostro modo concipiendi velle ipsius efficax sub ratione volitionis, & actionis immanentis, quam sub ratione productionis, & actionis ad extra, ita in eius obiecto prius intelligitur ratione nostra, quod sit volitum immanenter, seu obiectum volitionis, quam quod sit terminus, & effectus illius vt actionis productus ad extra: Igitur aliter, & aliter est connotatum volitionis vt volitionis, quam illius vt actionis, aut productionis ad extra; est enim connotatum volitionis, vt volitionis, sub munere obiecti voliti; est autem connotatum illius vt actionis sub munere effectus facti, & producti, cum hac differentia, quod munus obiecti voliti exercet in duratione ipsius volitionis, nempe in aeternitate, & ideo dicitur ab aeterno obiecti vt volitus; sed munus effectus facti exercet extra durationem facientis, in propria nempe duratione, quia dum sit, & produciatur, produciatur, & sit extra Deum, & extra Dei durationem, sed in quantum est obiectum volitionis, consideratur immanenter in duratione ipsius volentis, seu volitionis. Vnde per prius dicitur Deus volens efficaciter obiectum, quam faciens, aut produciens illud, & per prius obiectum dicitur obiectum, & volitum, quam factum, non distinctione reali, quae sit inter vnum, & aliud, nec prioritate reali, sed soli ex nostro modo concipiendi, quod sufficit vt ex nostro modo concipiendi dicatur volitum ab aeterno, & factum in tempore, & vt similiter Deus dicitur volens ab aeterno, & faciens in tempore, licet re ipsa velle sit facere, & esse volitum a Deo efficaciter sit esse factum ab ipso, pro eo tempore, pro quo est volitum.

12 Ex quo iam patet ad rationem dubitandi, dico enim, quod velle Dei liberum non addit supra necessarium, nec virtualitatem, nec terminationem intrinsecam ipsi, qua constituitur in actu volens; & quod si illam adderet, ex quo illa adveniret Deo in tempore, Deus mutaretur, quia aliter intrinsecè se haberet per illam, ac antea sine illa. Cum autem arguis, quod inde sequeretur, voluntatem divinam potuisse ab æterno aliter intrinsecè se habere, seu aliam esse intrinsecè, ac modo est ab æterno, quia ab æterno potuit carere intrinsecè virtualitatibus, & terminationibus, quas de facto habet ab æterno. Concedo sequelam; quia hoc inconveniens planè sequitur ex illis virtualitatibus, aut terminationibus intrinsecè Deo contingentibus; licet enim positis illis ab æterno, non sequatur divinam voluntatem mutari, sequitur tamen potuisse aliter intrinsecè se habere ab æterno, ac modo se habet ab æterno; à quo inconvenienti eam sententiam defendere, nostri non est, sed Authorum eius.

13 Sed dices: Ipsi probabiliter conciliant, potuisse divinam voluntatem habere terminationes, & virtualitates intrinsecas, quas de facto non habet, quin poterit aliter intrinsecè se habere: Ergo probabiliter componi potest, quod potuerit incipere in tempore habere tales virtualitates, vel terminationes, quas antea non habuerit, quin aliter intrinsecè se habeat in tempore, ac antea. Respondeo, distinguendo antecedens: Probabiliter conciliatur, sed falsò, concedo, aut omitto: Probabiliter, & verè, seu re ipsa, nego antecedens, & consequentiam, nam licet re ipsa, & in rei veritate, meaque sententia, tam inconciliabile sit vnum, ac aliud, tamen primum potest habere probabilitatem extrinsecam, quin secundum illam habeat, quia illi Authores, ex quibus primum habet probabilitatem, negant probabilitatem consequentiam secundi, licet falsò, vt ego propugno; illis autem incumbit, non mihi, disparitatem assignare, nam ego potius nullam esse disparitatem defendo, & simul salvari non posse perfectam immutabilitatem divinæ voluntatis, seu quod non potuerit aliter intrinsecè se habere, si actus liber constituitur intrinsecè illis virtualitatibus, aut terminationibus intrinsecis contingentibus.

14 Dicendum ergo est, actum liberum nihil intrinsecum Deo contingens importare, sed ad summum connotatum extrinsecum. Cum autem urget ratio dubitandi, quod terminus, aut connotatum extrinsecum incipere potest, absque mutatione physica, & intrinseca divinæ voluntatis, distinguo: Er sufficit incipere tale connotatū, vt Deus incipiat velle obiectum, nego: Et ultra requiritur, quod ipsa volitio pro recto incipiat, concedo; cæterum ipsa volitio pro recto incipere non potest, siue mutatione intrinseca Dei, vt per

se patet, vnde nec Deus incipere velle, nisi mutetur intrinsecè. Vel distinguo aliter: Terminus, aut connotatum extrinsecum incipere potest in duratione, in qua consideratur vt obiectum, & connotatum volitionis vt talis, quin Deus mutetur intrinsecè, nego: In duratione propria, in qua nõ consideratur vt connotatum, nec vt obiectum volitionis, concedo. Ex quo nihil sequitur contra nos, quia vt Deus inciperet velle, opus erat, quod inciperet esse obiectum volitionis vt obiectum, & connotatum illius formaliter, seu in ea duratione, in qua consideratur vt obiectum, & connotatum; ita autem incipere non posset, nisi inciperet in duratione ipsius volitionis, & consequenter, nisi in duratione ipsius volitionis, esset antea, & postea; eo autem ipso volitio mutaretur penes antea, & postea, & etiam ipsa inciperet esse in sua duratione, quia inciperet habere obiectum, & connotatum proprium in illa, sicut nostra voluntas mutatur, quando incipit habere in sua duratione obiectum de novo volitum, & connotatum. Quæ doctrina constat ex dictis.

#### ALIÆ RATIONES PRO conclusioni.

15 **S**ecundo probatur conclusio ratione D. Thom. Quia quod Deus inciperet velle, quod ante non volebat, aut desisteret velle, quod ante volebat, vnicè contingere posset, vel ex hoc quod inciperet sibi esse bonum, & conveniens, quod ante sibi non erat bonum, nec conveniens, vel ex hoc quod inciperet cognoscere vt bonum, quod ante non cognoscebat vt bonum: Sed hoc esse non posset sine mutatione intrinseca, vel in substantia Dei, vel in scientia Dei: Ergo nec Deus posset incipere aliquid velle sine mutatione intrinseca suæ substantiæ, vel scientiæ. Maior patet, quia invariato obiecto in esse boni, & convenientis, & invariata cognitione illius, non esset cur Deus nunc nõ veller illud, nunc veller illud, & consequenter irrationabiliter ante non veller, & postea veller. Ergo non potest ante non velle, & postea velle rationaliter, seu cum ratione aliqua, nisi quia vel obiectum antea non esset sibi bonum, vel conveniens eo modo, quo postea, vel quia aliter cognosceretur antea, ac postea vt bonum. Minor vero probatur à Div. Thom. quia quod id ipsum, quod mihi antea non erat bonum, nunc sit mihi bonum, & conveniens, aliunde provenire nequit, nisi quia aliter nunc sum dispositus, quam antea; exempli gratia, quod mihi nunc sit conveniens, & bonum sedere ad ignem, quod mihi antea non erat bonum, & conveniens, vnicè provenire potest, quia nunc aliter sum dispositus ac antea, v. g. quia sum frigidus, qui antea calidus eram, & ratio à priori est, quia idem manens idem eidem manenti idem, semper est



est idem, seu quia invariatis externis, implicat variari comparationem unius ad aliud: Ergo quod aliquid nunc esset bonum, & conveniens Deo, & nō ante, aliunde provenire nō posset, nisi ex eo quod Deus aliter intrinsecē dispositus esset modo, ac antea, nam supponimus obiectum esse idem, quod ante non volebat, & vellet postea; vel saltem, quia quamvis antea, & postea, & semper aequē esset bonum, & conveniens, antea non cognosceretur ut bonum, & conveniens, sed tantum postea: Sed illud inferret essentialiter mutationem intrinsecam in substantia Dei, secundum vero in eius scientia: Ergo.

16 Hæc ratio non placuit Suario, & alijs Iesuitis. Vnde respondent, negando maiorem argumenti, quia stante eodem obiecto, eodem modo sibi convenienti antea, & postea, eodem modo cognito, ut bono antea, & postea, posset voluntas titulo suæ libertatis, & ad libertatem exercendam antea non velle illud, & postea illud velle, absque nova ratione obiectiva. Sed contra est, quia in primis rationaliter, & prudenter hoc ponitur repugnat, adhuc in voluntate creata, quia implicat voluntatem creatam mutare propositum, aut de novo velle, quod ante non volebat rationaliter, & prudenter, nisi adit nova ratio, quæ antea non erat: Ergo multo minus Deus, qui aliter, quam prudenter, & rationaliter, velle non potest. Deinde nec irrationaliter, nec imprudenter id contingere posse, stante eodem bono, & eodem modo proposito, alibi ostendimus, probando ex æqualibus, & similibus omnino bonis, eodem modo propositis non posse voluntatem unum respondere, alium eligere, adhuc imprudenter, & irrationaliter. Sed quia hæc doctrina longiorem exigit disputationem, modo ab illa super sedeo; satis enim erit, si rationaliter, & prudenter non possit voluntas mutare propositum, sine novitate obiecti in esse convenientis, vel cognitionis.

17 Tertiò probatur conclusio, aliter exponendo rationem D. Thom. implicat enim divinam voluntatem transire de non volente aliquid ad volentem id ipsum, seu de vno contradictorio ad aliud, absque omni novitate, aut mutatione, tam ex parte obiecti, quam ex parte voluntatis, aut subiecti volentis: Sed in casu questionis supponimus nullam esse novitatem ex parte obiecti, sed obiectum esse id ipsum, quod ante non volebat, & sub eisdem circumstantiis ex parte obiecti; nam aliter non dubitamus, quod possit velle diversum obiectum, vel sub diversis circumstantiis, non volendo aliud, vel idem sub alijs circumstantiis: Ergo non posset Deus transire de non volente hoc, ad velle id ipsum, nisi per novitatem intrinsecam ex parte volentis: Sed repugnat novitas intrinseca ex parte volentis sine mutatione intrinseca: Ergo. Maior, in quo sola stat difficul-

tas, probatur, quia rebus omnino invariatis, & eodem modo intrinsecē se habentibus, implicat transitus de vno contradictorio in aliud, & quidem si subiectum eodem modo se habet modo, ac antea, & obiectum similiter eodem modo se habet intrinsecē modo, ac antea, & nihil aliud aliter intrinsecē se habeat modo, ac antea, sed res omnes intrinsecē se habent, ut antea, & non aliter intrinsecē, implicat evidentem novam resultare denominationem, quæ non erat antea, aut verificari contradictorium eius, quod verificabatur antea: Hoc argumentum urgebam *Tractat. de Charit. quest. 7. à num. 49. & amplius infra urgebitur.*

18 Quartò probatur conclusio, quia iuxta contrarios, si Deus vellet aliquid in tempore, quod ab æterno non voluisset, mutaretur moraliter per inconstantiam in volendo: Sed implicat divinam voluntatem mutari moraliter per inconstantiam, quin re ipsa, & physicē mutetur, quia mutatio moralis, aut novitas moralis esse nequit nisi fundata in aliqua novitate reali, & physica, siquidem rebus realiter, & physicē eodem modo se habentibus nunc, ac antea, implicat resultare novam denominationem moralem, aut moralem novitatem: Ergo. Explicatur: Implicat novitas moralis, aut nova denominatio moralis absque novo aliquo fundamento reali, & physico, nam rebus omnibus, & fundamentis eodem modo realiter, & physicē se habentibus, non est cur apud prudentes resultet nova denominatio, quæ non erat antea, v. g. non variata intrinsecē moneta, nec variata re ipsa impositione libera regis, nec villo alio ex quo valor monetæ summatur, sed omnibus eodem modo realiter, & physicē se habentibus, implicat contradictionem esse novitatem moralem in moneta, aut novum valorem moralem illius: Ergo implicat novitas moralis in Deo absque novitate reali vera, & physica, vel in ipso, vel in obiecto: Sed in obiecto supponimus non esse: Ergo necessitè requiritur in Deo: Ergo in Deo esset novitas physica, & realis, & consequenter realis, & physica mutatio.

19 Ex quo etiam impugnatur Molina, quæ Deum non posse incipere velle aliquid in tempore, inde probat, non quia sequeretur in Deo mutatio, sed quia sequeretur vicissitudinis obumbratio, quæ quæ ac mutatio releganda est à Deo, iuxta illud: *Apud quem non est mutatio, nec vicissitudinis obumbratio.* Contra enim est, quia vicissitudinis obumbratio etiam importat veram, & intrinsecam mutationem: Ergo si sequeretur vicissitudinis obumbratio, etiam sequeretur mutatio. Probatur antecedens, primò ex Gregorio lib. 12. *Moral. cap. 17.* ubi sic ait: *Ipsa enim mutabilitas umbra est, quæ quasi Dei obscurat lucem, si hanc per aliquas vicissitudines permutat; sed quia in Deo mutabilitas non venit, nullâ eius*

*eius lumen umbra vicissitudinis intercedit!* Ecce ubi pro eodem accipit *umbra vicissitudinis*, ac mutabilitatem, vel mutationem. Secundo, quia vicissitudo essentialiter importat antea, & postea, seu successione in durando penes hac vice, & illa vice, & pluribus vicibus: Sed hæc importat essentialiter mutationem, aut saltè mutabilitatem: Ergo.

20 Ex quibus infertur, vel de fide, vel fidei proximum esse, quod Deus nihil inciperit velle in tempore, nec posse sic incipere velle. Ratio est, quia licet in assignanda ratione huius probativa disjiciant Theologi, in asserto tamen omnes conveniunt, & ex Sacro Textu, & PP. confirmant, quorum loca ea sunt, quæ à Deo mutabilitatem animi, & pœnitentiam propriè dictam omnino relegant.

### OBIECTA PROPONUNTUR.

21 **O**bjicies primò eis locis Scripturæ, quæ Deo pœnitentiæ attribunt, ut est illud Genes. *Pœnitet me fuisse hominem*, & illud Hierem. 28. *Si pœnitentiam egerit gens illa, agam & ego pœnitentiam super malum, quod cogitavi facere eis*. Sed respondetur, textus illos per metaphoram, & tropum intelligendos esse, ac proinde non significare quod Deus ipsa agat pœnitentiam, nec pœnitere possit, aut mutare propositum, sed solum quod in operibus exterioribus se gerit, ac si propositum mutaret respectu nostri, immutando quidem, & variando opera sua, sed non voluntatem suam, quia eadem æterna, & immutabili voluntate ab æterno vult totam hanc mutationem rerum temporalem. Et ita exponuntur à PP. & Theologis.

22 Objicies secundò: Sæpè rogamus, & precamur Deum, ut velit aliquid nobis dare: Sed preces non funduntur pro eo, quod iam supponitur, sed pro eo quod nondum est, & potest esse: Ergo supponimus Deum nondum velle illud quod petimus, & posse in posterum illud velle. Respondet aliqui, quod per tales preces petimus à Deo, quod ab æterno habeat, vel habuerit voluntatem dandi nobis, quod independentè à nostris precibus non voluerit nobis dare. Sed contra est, quia preces præsentis, & incipientes in tempore non possunt influere ab æterno, nec extorquere ab æterno velle Dei, non enim minus impossibile est, quod præsens sit potens, aut causans præteritum, quam quod temporale causet, aut influat ab æterno: Ergo. Respondeo ergo, quod per similes preces nostro affectu, & modo concipiendi imperfecto oramus Deum ac si nostro modo mutabilis esset, qui modus orationem non viciat, sicut cum Deum concipimus, ut oculis, & auribus prædictum, & oramus, ut inclinet aures, oculosque convertat, & alia huiusmodi, quia

modus iste concipiendi connexus est huic statui imperfecto, nec pertinet ad sensum principalem, & intentum orationis, qui semper spiritualis est, & intelligitur, non quod Deus aures corporeas inclinet corporaliter, sed quod in opere erga nos se manifestet ac si aures inclinaret; & similiter, dū precamur, ut velit dare nobis aliquid, sensus spiritualis non est, quod velit, quod non volebat, sed quod nos recipiamus ab ipso, quod non habebamus, seu quod in opere externo nobiscum segerat, ac si de novo vellet.

23 Objicies tertio: Si Deus non posset incipere velle aliquid, quod semel vult, semper vellet, & consequenter, quem semel amat, semper amaret, & quem semel odit, semper odio haberet: Sed hoc est falsum: Ergo & illud. Probatur minor, quia alias, hodie Deus amaret demones, & damnatos amore amicitie, & vellet illis vitam æternam, siquidem aliquando sic illos amavit, itemque D. Petrum, & Magdalenam, & alios beatos, qui aliquando fuerunt Dei inimici, hodie illos odio haberet, siquidem aliquando illos odio habuit: Sed hoc est falsum, & absurdum: Ergo & quod Deus semper amet, quem semel amat, & semper odio persequatur, quem semel odit. Respondet, distinguendo sequelam quod secundam partem, in qua est difficultas: Quem semel amat, semper amaret consideratum ut in eo statui, in quo illum semel amat, concedo: Consideratum in alio, & diverso statui, & prout est diversum obiectum, nego sequelam, & minorem. Ad cuius probationem, distinguo sequelam: Deus hodie amaret demones, & damnatos ut existentes in gratia pro ea duratione pro qua existerent in gratia, concedo: Ut existentes in peccato, ut de facto existunt, nego sequelam, & similiter distinguo secundam partem, & nego minorem, quia Deus suo amore æterno æternaliter amat eos, qui pro aliquo tempore fuerunt iusti, & in gratia, ut iustos, & in gratia pro eo tempore; & æternaliter etiam eos odio habet ut iniustos pro toto tempore, pro quo iniusti sunt, ita ut denominatione amantis, & volentis pro recto sit æterna, & ab æterno, licet connotando tempus, pro quo correspondet obiectum amoris, & idem de odio, & de quolibet affectu divinæ voluntatis. Vnde ab æterno, & semper Deus vult positivè quod hic homo sit in gratia pro tali hora, v.g. & ab æterno, & semper permittit, aut permissivè vult quod cadat in peccato pro alia hora distincta; & ab æterno, & semper amat illum ut existentem in gratia pro illa hora; & ab æterno, semperque odio habet illum existentem in peccato alia hora. Nec mirum, quia Petrum, v.g. esse in gratia una hora est obiectum valdè diversum, ab eo quod est, ipsum esse in peccato alia hora, unde nihil mirum, quod ab æterno, & semper velit positivè unum, & ab æterno, & semper purè permittat, aut velit permissivè aliud.

Obj.

24 Obijcies quintò: Ex quo Deus inciperet velle aliquid, aut desisteret velle, quod volebat, nihil perfectionis, aut actualitatis illi de novo adveniret, vel deficeret: Sed eo ipso intrinsecè non mutaretur: Ergo sine sui mutatione potest incipere velle quod non volebat, aut desinere velle, quod volebat. Maior probatur, quia ab æterno potuit Deus nõ velle, quod de facto vult, aut velle, quod de facto non vult, quin potuerit ab æterno deficere Deo aliqua perfectio, vel actualitas, quam modo habet: Ergo pariter in tempore potuit incipere velle, quod non volebat, aut non velle quod volebat, quin ipsi deficiat vlla perfectio, vel actualitas. Explicatur, quia ad primam facis est, quod potuerit Deo ab æterno deficere, vel adesse virtualitas, aut terminatio intrinseca, quæ modo adest illi, vel deest, & hoc potuit contingere sine addito perfectionis, aut actualitatis, & sine illius defectu: Ergo pariter in tempore potuit Deus incipere velle, quod ante non volebat, sine addito novæ actualitatis, aut perfectionis, & similiter non velle, quod volebat, sine defectu perfectionis, vel actualitatis. Hoc argumentum difficilimè solvetur ab eis, qui velle liberum Dei ponunt intrinsecè defectibile pro recto sine defectu entitatis, actualitatis, aut perfectionis, nempe sub conceptu terminationis, aut virtualitatis, aut alio. Nec enim satisfaciunt, qui dicunt, actum Deum posse ab æterno deficere, vel ab æterno esse contingenter, quia hoc non obest, quo minus æternitate mensuretur; non posse tamen incipere, aut deficere in tempore, quia alias æternitate non mensuraretur, sed tempore; ex quo mutabilitas necessariò sequeretur. Contra enim est, quia per vos, potest velle liberum Dei penes totam suam entitatem, actualitatem, & perfectionem esse necessarium, & tamen intrinsecè deficere, quoad virtualitatem, aut terminationem sub conceptu terminationis intrinsecæ, aut intrinsecæ virtualitatis: Ergo pariter poterit esse æternum quoad totam suam entitatem, actualitatem, & perfectionem, quin sit æternum, sed potius temporale quoad terminationem, aut virtualitatem; nec enim minus opponitur contingens necessario, defectibile indefectibili, quam temporale æterno: Si ergo actus entitativus, aut formaliter necessarius, & indefectibilis potest esse virtualiter intrinsecè, aut quantum ad intrinsecam terminationem contingens, & defectibilis, cur actus entitativus, & formaliter æternus non poterit esse virtualiter intrinsecè, aut sub conceptu terminationis intrinsecæ temporalis? Sed eo ipso non mutaretur, quia implicat mutari sine adventu, aut defectu entitatis, aut actualitatis: Ergo.

25 Neque etiam satisfaciunt, qui dicunt, quod arguitivè, licet non formaliter, sequeretur mutatio in Deo, siquidem, argueretur, quod ob-

jectum de novo inciperet esse bonum, & conveniens Deo, vel de novo cognosci ut tale, quod importaret manifestam mutationem. Contra enim est, quia si semel obiectum de novo esse voluit, aut Deum de novo illud velle, non importaret formaliter mutationem, nec illam importaret de novo cognosci à Deo ut bonum, quia sicut Deus posset illud de novo velle absque novitate entitatis, cum sola novitate terminationis, aut virtualitatis, ita posset de novo illud cognoscere ut bonum absque novitate entitatis cum sola novitate terminationis, aut virtualitatis; nec enim est assignabilis disparitas, cur volitio Dei possit esse contingens sine contingentia entitatis, & pariter cognitio Dei non possit esse contingens sine contingentia entitatis; nec cur in volitione novitas sola terminationis non probe formaliter novitatem entitatis, & in cognitione novitas terminationis debeat probare formaliter novitatem entitatis.

26 Vnde standum est nostræ doctrinæ iuxta quam ad argumentum, nego maiorem. Ad eius probationem, distinguo antecedens: Potuit Deus ab æterno non velle, quod de facto vult, negatione cadente supra ipsum velle pro recto, nego: Negatione cadente supra obiectum, aut connotatum, concedo antecedens, & nego consequentiam, quia nos totum Dei velle pro recto, dicimus esse indefectibile, & necessarium in essendo, & non potuisse Deo deficere pro recto sine defectu entitatis, aut perfectionis, vnde nec potuit incipere Deus velle sine inceptione entitatis, aut perfectionis. Nec obstat, quod sæpè dicamus potuisse Deum non velle hoc vel illud, quod de facto vult, quia ly *non*, seu negatio debet poni ex parte voliti, quatenus potuit velle permissivè non esse, quod de facto vult esse, eodem tamen velle intrinsecè invariato, & adæquatè æterno pro recto. Ex quo ad explicationem, nego antecedens quoad secundam partem, quia falsum esse iam ostendimus. Vide supra *anum.* 13. & 14.

## QUÆSTIO IX.

### AN DEVS POSSIT VELLE aliquid libere purè ineffica- citer?

1 COnducit quam maximè ennodatio-  
nem huius quæstionis, tum ad libertatem divinæ voluntatis explicandam, tum ad eius efficaciam intelligendam; tum ad exponendum illud Apost. *Deus vult omnes homines salvos fieri*. De qua agit Illust. Godoy in *present. Dissp.* 52. sub eo titulo, *an detur in Deo aliqui actus liber, qui nunquam impleatur*, & ab alijs pluribus sub eo titulo, *an detur in Deo propriè voluntas de salute omnium hominum*. Igitur duplex est

est sententia. Prima tenet, Deum non posse liberè velle aliquid purè inefficaciter, seu ita, vt quod vult liberè, nullo modo impleatur. Ita antiquiores Thomistæ, vt Zamel, Bannez, Navarrete, & alij tenent etiam eam Mag. Basilii. *Disputationum Part. 1. quæst. 6. Scholastica*, pro ea recitans Alexandrum, Bonaventuram, Scotum, Maiorem, Marfilium, & alios antiquos. Secunda sententia tenet, non repugnare, quod Deus aliquid inefficaciter velit, ita vt nunquam impleatur, quod vult. Ita communiter RR. Thomistæ, & plerique ex Iesuitis.

2 Verumtamen inter utramque sententiam, & eorum Auctores, nonnullam confusionem, & indistinctionem adverti. Aliud enim est, Deum velle aliquid purè inefficaciter; aliud velle aliquid, quod nunquam impleatur, & nunquam eveniat. Velle enim aliquid purè inefficaciter, est ita illud velle, quod ex vi talis velle, seu volitionis, nec efficiat immediatè illud, nec aliquid in ordine ad existentiam illius; seu ita, quod illud velle per se nihil efficiat omnino in ordine ad existentiam voliti: Velle autem aliquid quod nunquam impleatur, nec eveniat, compati potest cum eo, quod tale velle per se sit efficax, & efficiat aliquid in ordine ad existentiam voliti, licet non totum quod requiritur, vt illud existat. Igitur nos in præsentj solum inquirimus in primo sensu, an Deus possit liberè velle aliquid purè inefficaciter, ita nempe, vt illud velle, nec sit efficax immediatè ad volitum, nec ad aliquid in ordine ad volitum, sed penitus inefficax. In quo sensu sit.

### NOSTRA SENTENTIA.

3 **D**ico igitur: *Repugnat Deum velle liberè aliquid purè inefficaciter.* Hæc conclusio mihi certissima est; nec illi, ni fallor, contradicunt, illi, præsertim Thomistæ, qui admittunt in Deo velle liberum, quod nunquam impleatur, aut voluntatem antecedentem propriè talem de salute omnium, & singulorum hominum; quia nempe illorum negat, quod ex vi talis voluntatis Deus per se efficiat media generalia, & auxilia sufficientia ad salutem. Probatur autem primo omnibus illis PP. testimoniis, quibus dicitur, quod in Deo idem est velle, ac facere, & quod in Deo non est aliud agere ad extra, quam velle, quæ testimonia plurima sunt, & non pauca aduximus *Tract. de Provid. quæst. 9. a num. 91.* Ergo implicat Deum aliquid velle purè inefficaciter, seu nihil prorsus efficiendo, agendo, aut faciendo in ordine ad illud. Secundò, probari potest, illis locis Sacræ Scripturæ, in quibus divinæ voluntatis efficacia declaratur, quæ etiam plura sunt, & à nobis adducta vbi supra, *quæst. 8. a num. 3.* Recolatur illud Isaïæ 46. *Consilium meum stabit, & omnis voluntas mea fiat.* Et illud

Psal. *Omnia, quæcumque voluit, fecit Dominus in celo, & in terra; ex quibus apertissimè constat, Deum nihil ad extra liberè velle penitus inefficaciter, ita vt nihil penitus efficiat in ordine ad volitum, quia huiusmodi voluntas Dei nullo modo fieret ad extra, sed penitus frustraretur, aliquidque Deus voluisset, quod nullo modo fecisset.*

4 Nec satisfacies, si dicas, ea Sacri Textus, & PP. testimonia explicari à plerisque Theologis de voluntate consequente; non de voluntate antecedente; vnde, illis non obstantibus, potest admitti voluntas antecedens penitus inefficax. Contra enim est, quia dum Theologi explicant illos textus de voluntate consequente, accipiunt illos etiam quantum ad efficaciam plenam, & consequentem divinæ voluntatis, vt scilicet significant plenè, & consummatè fieri, quidquid Deus vult; quod quidem solum verum tenet de voluntate Dei consequente, qua vult obiectum consummatè sumptum cum omnibus, quæ requiruntur ad illius existentiam, vt infra explicabimus. Ex quo tamen in ferre non licet, quod si accipiantur de efficacia, vel antecedenti, vel consequenti, seu de fieri obiecti, vel inchoato, vel consummato, non debeant accipi omnino universaliter: Ergo & si illi textus non probent, quod quid Deus vult, siue antecederet, siue consequenter, facit plenè, & consummatè, probant tamen, quod quidquid Deus vult, facit, & fit eo modo, quo illud vult, hoc est, vel consummatè, si vult illud consummatè, seu consequenter; vel inchoativè, faciendo nempe aliquid in ordine ad illud, si vult illud solum antecederet, & secundum quid. Explicatur: Velle aliquid antecederet est velle illud secundum quid, vt mox videbimus ex D. Thom. Sed iuxta ipsum D. Thom. implicat velle aliquid antecederet, nisi faciendo illud secundum quid: Ergo adhuc de voluntate antecedente verificatur, quod Deus nihil liberè vult, nisi illud efficiendo eo modo, quo illud vult. Minor probatur, quia iuxta D. Thom. voluntas antecedens habet eundem suum effectum. Vnde in 1. *diff. 46. quæst. 1. art. 1.* sic ait: *Huius voluntatis effectus est ipse ordo in finem salutis, & promovenia in finem omnibus communiter proposita, tam naturalia, quam supernaturalia.* Ergo voluntas antecedens per se est efficax, & factiva huius effectus: Sed implicat Deum facere hunc effectum, seu ordinem in finem salutis, & media generaliter proposita, nisi efficiendo salutem ipsam secundum quid, & inchoativè, licet non consummatè: Ergo implicat velle aliquid antecederet, nisi efficiendo illud secundum quid, seu inchoativè. Vide *infra q. 11. n. 11.*

5 Secundò probatur conclusio rationibus. Primò, quia implicat, Deum liberè velle aliquid omnino frustra: Sed velle aliquid omnino inefficaciter, est velle illud omnino frustra: Ergo implicat

tat Deum velle aliquid omnino inefficaciter. Maior patet, quia velle aliquid omnino frustra, est velle illud vanè, & imprudenter; id autem aperte Deo repugnat. Minor vero non minus patet, quia velle aliquid omnino inefficaciter, est velle illud absque omni prorsus effectu, & utilitate: Sed hoc est velle illud omnino frustra: Ergo.

6 Dices forsam, repugnare quidem Deo voluntatem purè inefficacem, quæ ex libera Dei determinatione careat omni effectu ad extra; non tamen repugnare, si careat omni effectu ad extra ex alterius determinatione, sic enim Deus, positus auxilijs sufficientibus, vult, quod sequatur effectus, seu consensus, quæ voluntas sæpe frustratur suo effectu, non ex determinatione Dei, sed ex determinatione voluntatis creatæ impediens effectum illius, quem produceret, nisi impediretur. Sed contra est in primis illud August. *Epist. 107. ad vitalem*, ubi sic ait: *Operatur quippe ille, dicitis, quantum in ipso est, ut velimus, nos vero, ut operatio eius nihil in nobis proficit, efficitur; hoc si dicitis, profecto nostris orationibus contra dicitis.* Et illud in Enchirid. ad Laurent. cap. 95. *Tunc, scilicet in Patria, clarissima luce videbimus, quod nunc etiam plerumque habet fides, antequam manifesta visione videatur, quam certa, & immutabilis, & efficacissima sit voluntas Dei, quam multa possit, & non velit, nihil autem velit, quod non possit; quamque verum sit quod in Psal. canitur: Deus autem noster in Cælo, & in Terra, omnia quæcumque voluit, fecit; quod utique non est verum, si aliqua voluit & non fecit; & quod est indignius Deo, ne fieret, quod volebat omnipotens, voluntas hominis impedivit: Neque enim ob aliud veraciter vocatur omnipotens, nisi quia quidquid vult potest, nec voluntate cuiuspiam voluntatis omnipotentis impeditur effectus.* Ex quibus sic iam argumentor. Per te repugnat in Deo voluntas purè inefficax, quæ ex libera Dei determinatione careat omni effectu ad extra: Sed etiam repugnat voluntas in Deo ita inefficax, quod purè ex determinatione alterius, nempe voluntatis creatæ, careat omni effectu ad extra: Ergo absolūtè, & universaliter repugnat voluntas in Deo libera, quæ careat omni effectu ad extra. Minor probatur, quia si daretur in Deo voluntas libera de aliquo, quæ viucè ex libera determinatione voluntatis creatæ careret suo effectu, iam voluntas libera Dei frustraretur suo effectu, quia voluntas hominis impeditur, Deusque aliquid voluisset, quod non fecisset, & ne fieret, quod volebat, voluntas hominis impediret: Sed hoc repugnat August. pro in genti absurdo, indigno Deo: Ergo.

7 Contra secundò, quia si Deus liberè vellet aliquid purè inefficaciter, illud velle ex determinatione Dei esset purè inefficax, alias non liberè vellet purè inefficaciter, potius quam efficaciter: Sed eo ipso ex libera Dei determinatione careret

omni effectu: Ergo si Deus liberè vellet aliquid purè inefficaciter, illud velle ex libera Dei determinatione careret omni effectu ad extra: Ergo ex libera Dei determinatione esset frustratum: Sed hoc penitus repugnat per te: Ergo & Deum liberè velle aliquid purè inefficaciter. Tertio, quia negari nequit, quod effectus ipsius velle Dei esset in potestate libera Dei: Sed eo ipso non posset carere tali effectu, nisi ex libera Dei determinatione, quia effectus, qui est in libera Dei potestate, non posset deficere, nisi ex libera eius determinatione: Ergo velle illud careret omni effectu ex libera Dei determinatione. Maior patet, quia si effectus illius velle Dei non esset in libera Dei potestate, ideo illud Dei velle esset inefficax, & effectus careret, quia Deus facere non posset, quod volebat; hoc autem, quis dicat? *Nec enim, inquit Aug. ob aliud veraciter vocatur omnipotens, nisi quia quidquid vult potest, nec voluntate cuiuspiam creature, voluntatis omnipotentis impeditur effectus.*

8 Respondebis secundò, eam voluntatem Dei non fore frustratam, licet nullum ad extra fortiretur effectum, quia conducirer, ut per Deum non statet deficientia effectus; eo enim ipso, quod Deus, quantum est ex se, velit, quod voluntas, positus auxilijs sufficientibus, consentiat, aug. seu concurrere cum ipsa ad consensum, iam non stat penes Deum ipsam non consentire, sed viucè penes voluntatē creatā, & ad hoc utile est illud decretum, seu velle purè inefficax. Sed cōtra est, primò, quia in primis velle liberè purè inefficaciter aliquid adiuvare, non vitat, quod stet penes ipsum defectus adiutorij, vel effectus; qui enim liberè vellet purè inefficaciter adiuvare proximum ad aliquod opus charitatis, nihil nempe efficiendo re ipsa, cum posset efficere, non posset dicere, *per me non fiat, quod adiutus non fuerit, aut quod effectus secutus non fuerit.* Ergo illud velle purè inefficax, nec ad id cōducere potest. Cōtra secundò, quia vel ponitur velle illud purè inefficax, ut non stet, adhuc permissivè, penes Deum defectus consentiendi in voluntate; vel ut non stet positivè, & causaliter: Si primum, falsò supponitur, quod non stet per Deum permissivè, quia quod homo cum auxilijs sufficientibus non cōsentiat, aug. dissentiat, aut non potest, nisi Deo liberè permittente, & cōsequenter, quin stet penes Deum permissivè, quia ut inquit Aug. *nihil fit, quod Deus fieri non velit, vel faciendo ut fiat, vel finitudo ut fiat*, hoc est, nisi Deo positivè, aut permissivè volente. Si dicatur secundò, contra est, quia ut non stet penes Deum positivè, & causaliter, solum opus est, & solum conducit, quod Deus non velit positivè, aut causaliter, hominē, positus auxilijs sufficientibus, dissentire, aut non cōsentire: Ergo frustra est, velle purè efficaciter ipsum cōsentire. Vide alia plura contra hanc voluntatem purè inefficacem *Tract. de Prov. q. 6. per tot. præsertim à n. 36. & 93.*

9 Secunda ratio pro conclusione sit, quia implicat Deum liberè simul velle utrumque extremum libertatis contradictionis, vnum positivè, & aliud purè permixtivè: Sed si Deus vellet aliquid purè inefficaciter, vellet illud liberè positivè, & simul cōtradietoriū purè permixtivè: Ergo implicat velle aliquid purè inefficaciter. Min. patet, quia quod vellet inefficaciter, vellet positivè, alioquin propriè illud non vellet; nā si Deus positivè non vult hominē consentire auxilio sufficienti, id non vult propriè loquendo: Aliunde volendo hoc purè inefficaciter, ex hoc ipso vellet permixtivè ipsum nō consentire, quia ex hoc ipso liberè permetteret ipsum non consentire, seu non sequi consensum: Ergo simul vellet utrumque, consensum positivè, & carentiam consensu liberè permixtivè. Maior autem probatur, quia nulla libertas simul exerceri potest per utrumque contradictionis extremum, alias nō essent extrema cōtradietionis: Sed extrema divinz libertatis contradictionis sunt, vel cōsensus ut positivè volutus, vel carentia consensu permixta, aut permixtivè voluta. Deulque non aliter est liber libertate contradictionis, nisi quatenus eodē ipsissimo velle potest velle, vel positivè extremum positivum, v.g. consensum, vel permixtivè extremum negativum, v.g. carētiā consensu: Ergo simul velle non potest utrumque, primū positivè, & secundum purè permixtivè. Explicatur: Nulla libertas potest simul determinare utrūque contradictionis extremum, eo modo quo divisim ab illa utrumque est determinabile: Sed extrema contradictionis divinz libertatis sunt obiectū esse, vel non esse, seu existentia, & carentia obiecti, quorum primum solum est determinabile positivè, secundum solum permixtivè, ut ex dictis constat: Ergo nequit divina libertas utrumque simul determinare, vnum positivè, & aliud permixtivè: Sed si vellet vnum positivè, sed purè inefficaciter, ex hoc ipso determinaret utrumque, primum positivè, secundum permixtivè: Ergo non potest aliquid velle positivè purè inefficaciter.

10 Tertia ratio est, quia si Deus aliquid liberè vellet purè inefficaciter, sequitur utrumque cōtradietorium, nempe, quod Deus illud liberè vellet, item quod Deus illud liberè nō vellet: Sed hoc est impossibile: Ergo. Probo sequelam, quia in primis illud liberè vellet, ut supponitur, deinde illud non vellet liberè, quod sic probo, quia implicat Deum velle aliquid liberè, quando nihil datur cōtingenter, nec ex parte Dei volentis, nec ex parte voliti, nec ex parte recti, nec ex parte connotati: Sed nihil daretur cōtingenter, nec ex parte Dei volentis, nec ex parte voliti, nec ex parte recti, nec ex parte cōnotati: Ergo Deus illud liberè nō vellet. Minor patet, quia absque omni contingētia, tam subiectiva, quam obiectiva, tam recti, quam connotati, dari nequit determinatio liberè volentis aliquid, ut omnes fatentur. Minor vero proba-

tur, quia in primis nihil daretur cōtingenter intrinsecè ex parte Dei volentis, aut ex parte ipsius volitiōis liberè pro recto; quia hoc est impossibile, ut offensum manet, impugnando onē virtualitatem, terminationem, aut formalitatem intrinsecam cōtingentem in divina voluntate. Deinde nec daretur aliquid cōtingenter ex parte obiecti, aut ex parte connotati, quia illud velle purè inefficax, nullum effectū haberet, nec immutaret villo modo obiectū ex parte obiecti, sed relinqueret illud invariātum omnino: Ergo nihil daretur cōtingenter nec ex parte Dei volentis, aut ipsius velle pro recto, nec ex parte obiecti, aut connotati.

11 Explicatur: Implicat Deum liberè velle aliquid obiectum, quandiu tam obiectum, quam Deus ipse eodē ipsissimo modo se habent re ipsa, & à parte rei, ac antequam Deus nihil intelligatur liberè volens, sive eodem modo ac si Deus nihil ad extra liberè voluisset; nam eo ipso purè voluntariè, sine fundamēto, & sicè diceretur Deus illud liberè velle, cum nec ex parte rerum, nec ex parte Dei esset motivū affirmandi potius quam negandi, Deum illud liberè velle: Sed si Deus liberè vellet illud purè inefficaciter, tam obiectum, quam Deus ipse, eodem ipsissimo modo se haberent, ac si Deus nihil liberè voluisset, sen ac antequā Deus nihil liberè voluisset: Ergo implicat Deum aliquid liberè velle purè inefficaciter. Probo minorē, quia in primis Deus ex parte sua eodem ipsissimo modo se haberet, quia Deus ex parte sua est immutabilis, invariabilis, nihilque ei addi potest intrinsecè, nec modus, nec formalitas, nec virtualitas, nec terminatio intrinseca, ut supra offensum relinquitur: Deinde nec per illud velle purè inefficax, resultaret ex parte obiecti, aut ex parte rerū alietas vlla, aut variatio, quia cū esset purè inefficax, absque omni effectū, nullam rem aleraret: Ergo tam Deus, quam res extra Deum eodem ipsissimo modo se haberent, ac si Deus nihil liberè voluisset.

12 Explicatur: Implicat Deum aliquid liberè velle, nisi exercendo dominium, & libertatem, ut per se patet: Sed volendo aliquid purè inefficaciter, nō exerceret dominium, nec libertatē: Ergo implicat sic aliquid velle. Probat minor, quia implicat Deum exercere dominium, aut libertatem, nisi determinando aliquid cōtingens ad esse, vel non esse: Sed purè inefficaciter volendo, nihil determinaret ad esse, nec ad non esse: Ergo non exerceret dominium, nec libertatē. Probat minor, quia in primis nihil divinum cōtingens determinaret ad esse, vel non esse, tum quia nihil divinum est cōtingens ad esse, vel non esse, nec sic determinabile; tum quia Deus non habet dominium, nec libertatem supra sua intrinseca, sed vnicè supra effectus extrinsecos, ut supra ostendimus ex D. Th. *quest. 6. ad num. 71.* Deinde nec determinaret aliquid creatum ad esse prout nō esse, quia cū esset velle purè efficax, nihil educeret de statu mere pot-

possibilitatis, & indifferentiæ, nihilque faceret de non essente essens, aut exiitens: Ergo nihil omnino determinaret ad esse prout non esse. Mirro alias probationes, quia hæc superflunt.

**EXPLICATUR, QVO PACTO**  
admitti possit in Deo velle inefficax,  
& solvantur obiectiones.

13 **N**ihilominus dico, posse admitti in Deo, quod aliquem finem velit inefficaciter, quatenus vult, immediatè, & efficaciter aliquid conducens, & movens ad illum finem, sed non movens, nec conducens efficaciter, permittendo nempe frustrationem illius, aut quod illi resistatur: eo enim ipso volendo medium per se conducens, & movens, ordinatumque ad finem, dicitur velle mediata finem; sed permittendo inefficiam, aut frustrationem mediæ, dicitur velle finem mediatè, sed inefficaciter; non quidem inefficacia se tenente formaliter ex parte ipsius velle Dei, quia ipsum velle Dei per effectum suum est quæ efficaciter erga omne volitum immediatum; sed inefficacia permixta in modo volito, & se tenente ex parte medij voliti, aut ex parte ordinationis volitæ ad finem. Et ratio est, quia efficacia, vel inefficacia non potest poni ut differentia formalis, & intrinseca ex parte ipsius velle Dei, quasi sit in Deo duplex. modus intrinsecus tendendi, & volendi, iam remissus, & signiter; iam intensus, & diligenter, iam cum maiori, iam cum minori conatu, alias hic modus intrinsecus in Deo esset intrinsecè defectibilis, & variabilis; sed tota hæc diversitas efficaciac, vel inefficaciæ, maioris, vel minoris conatus, aut motionis se tenet ex parte voliti, seu mediæ movetis, aut motionis, & ordinationis passivæ, receptæ in creatura, & volitæ immediatè ad Deo. Ut infra videbimus ex D. Thom. quæst. 11. num. 92.

14 Obijcies tamen primò: Nos possumus velle liberè aliquid purè inefficaciter: Cur ergo non Deus. Respondeo, omitto antecedenti, negando consequentiam, quia verissimum apud omnes debet esse, quod ut quis liberè velit, quod necessarium non vult, requiritur vel quod volens aliter intrinsecè se habeat contingentem, ac se necessarium habet, vel quod obiectum aliter se habeat contingentem, ac necessarium est, hoc est, requiritur alietas aliqua ab statu necessarii rerum, vel ex parte volentis, vel ex parte obiecti, vel quod mutetur volens, vel quod immutetur obiectum: Nos igitur possumus aliquid liberè inefficaciter velle, quia potest apud nos dari alietas, contingentia, & mutatio libera ex parte volentis, absque mutatione ex parte obiecti; atamen in Deo omnino repugnat contingentia, alietas, aut mutatio intrinseca ex parte volentis, unde solùm potest velle liberè aliquid, mutando, vel alterando obiectum, quod implicat, si illud velit purè inefficaciter. Et

item, quia nostra voluntas non est factiva sui obiecti per se ipsam, voluntas autem divina est factiva sui obiecti, & propter alias plures disparitates infra assignandas. Dixi omitto antecedens, quia forsitan nec nos possumus velle liberè aliquid, nisi exhibendo aliquem conatum, diligentiam, vel motionem potentiarum ad illud, iuxta posse, licet talis diligentia sit inefficax; quo casu velle illud non est purè inefficax, quia saltem est efficax ad illam diligentiam; nec mihi opponas affectus aliquos simpliciter complacentiæ, qui sunt absque omni conatu; quia dubium mihi est, an isti sint liberi, nisi sint imperati, aut reflexè voliti, de quo tamen alibi dicam.

15 Obijcies secundò: Deus potest velle liberè, & de facto liberè vult aliquas creaturas non esse: Sed hoc vult purè inefficaciter, quia huiusmodi velle nullam efficaciam habet in ordine ad non esse: Ergo potest Deus aliquid velle purè inefficaciter. Respondeo, distinguendo maiorem: Vult liberè permissivè, aliquas creaturas non esse, concedo: Vult liberè positivè, illas non esse, nego. ut a iorem, & concessa minori, vel eodem modo distincta, nego consequentiam de velle positivè, quia cum Deus vult, aliquid non esse, id vult purè permissivè, ut supra ostensum manet; non negamus autem, quod Deus possit velle aliquid purè permissivè inefficaciter, seu absque efficacia, inò velle permissivè aliquid semper est sine efficacia vera, & sine vero effectu, quia solùm importat liberam permissionem defectus. Licet loquendo de efficacia improprie, seu logica, etiam velle permissivum efficaciac dici possit logicè ad non esse, sicut velle positivè est physicè efficax ad esse obiecti; quia supposito, quod creaturæ ad non esse, seu ad deficientium sint à se sufficientes, inò & à se non essentes, seu deficientes, Deum velle permissivè, seu liberè permittere eas non esse, infallibiliter infert, & determinat logicè, eas non esse, seu deficere contingentem, & hoc pacto est efficax ad non esse, seu ad defectum illarum, licet hæc efficacia sit impropria, ut potest purè permissiva, & logica. Et ratio ultima est, quia supposito, creaturas esse à se deficientes, seu non essentes, & solùm potentes esse per liberam participationem ex Deo, tunc infallibiliter infertur, quod Deo purè permittente eas non esse, non erunt, quam quod Deo volente positivè eas esse, erunt, licet prima illatio sit logica, & permissiva ex parte Dei, secunda vero causalis, & physica ex parte Dei.

16 Denique obijctes duplici alio argumento. Primò sic: Est possibilis in Deo voluntas, seu decretum subiectivè absolutum; & obiectivè conditionatum: Sed per tale decretum nihil Deus vult efficaciter, quia nihil efficeret ad causam: Ergo. Secundò sic: Deus vult liberè voluntate antecedente salutem omnium hominum, in generali: Sed illam non vult efficaciter: Ergo inefficaciter.

citer: Ergo potest Deus velle liberè aliquid inefficaciter. Ut huic duplici argumento respondeam, duas sequentes excito quæstiones.

### QUÆSTIO X.

#### AN DEVS POSSIT VELLE aliquid purè conditionatè?

**H**OC est, an detur in Deo, aut possint dari decreta purè obiectivè conditionata ex parte obiecti. Pro cuius intelligentia notandum est primò, RR. communiter distinguere decretum conditionatum, in conditionatum subiectivè, & in conditionatum obiectivè, sed subiectivè absolutum. Decretum subiectivè conditionatum, inquitur esse illud, quod esset, si poneretur aliqua conditio, sed de facto, & absolute non est, seu quo Deus veller, sed de facto non vult. Decretum vero subiectivè absolutum, sed obiectivè conditionatum, est illud quod de facto est, seu quo de facto, & absolute Deus vult, sed vult obiectum esse sub aliqua conditione. Notandum est secundò, quod decretum hoc, seu velle Dei subiectivè absolutum, sed obiectivè conditionatum, dupliciter intelligi potest, nempe vel ita ut nihil velit absolute ex parte obiecti, vel ita ut aliquid velit absolute ex parte obiecti quo obiectum fiat conditionatè futurum, aut conditionatè existens.

**I**gitur licet hanc ultimam distinctionem inter RR. parum declarat à invenerim, ex illorum tamen scriptis constat, plerosque illorum admittere in Deo decreta subiectivè absoluta, & ita purè obiectivè conditionata, ut per ea Deus nihil velit absolute ad extra, quo obiectum extra Deum reddatur conditionatè futurum, aut existens conditionatè. Er hi quidem argumento primò ex duobus ultimis quæstionibus præcedentis, respondent, concessa maiori, distinguendo minorem: Per tale decretum nihil Deus veller efficaciter absolute, concedunt: Efficaciter conditionatè, negant, quia inquitur, illud decretum esse efficax eo modo, quo vult obiectum, nempe sub conditione, quod ponatur conditio, sub qua vult obiectum; non autem esse efficax absolute, quia nihil vult absolute ex parte obiecti. Sed contrariam sententiam vnicè veram reputo.

#### NOSTRA SENTENTIA.

**D**ico igitur: *Repugnat in voluntate divina, velle liberum, seu decretum subiectivè absolutum, & purè obiectivè conditionatum.* Ita P. Vazquez, & Alarcon ex Iesuitis, & ex Thomistis, ni fallor, omnes qui rejiciunt decreta obiectivè conditionata erga omnes combinationes possibiles, aut sub omnibus con-

ditionibus possibilibus, ut inutilia, quia eo ipso debent censi impossibilia. Probatur autem primò, quia decretum liberum purè obiectivè conditionatum esset ex se absolute inutile, & frustraneum: Sed repugnat in Deo decretum liberum absolute inutile, seu frustraneum, non minus quàm decretum liberum absolute imprudens: Ergo repugnat in Deo decretum liberum purè obiectivè conditionatum. Maior probatur, quia tale decretum ex se nullum effectum absolute inferret ad extra; sed ex se maneret absque omni effectu ad extra; sed eo ipso prorsus inutile foret absolute: Ergo. Explicatur: Tale decretum, nec inferret absolute existentiam sui obiecti, nec inferret absolute aliquid per se condugens ad existentiam sui obiecti; quia nihil veller, aut decerneret absolute: Sed eo ipso prorsus esset inutile, & frustraneum: Ergo.

**D**ices, hoc argumentum rectè probare, quod sit impossibile decretum purè obiectivè conditionatum ex se decernens simul non purificare conditionem, quia hoc decretum ex se, & ab intrinseco, seu essentialiter esset nullius efficacitatis, seu conducentis ad suum obiectum; siquidem solum posset conducere ad existentiam sui obiecti pro casu, quo purificaretur hypothesis, & cum per se excluderet purificationem hypothesis decernendo illam non purificare; per se, & essentialiter esset nullius efficacis, & conducentis. Inde ramen non probari, quod repugnet decretum purè obiectivè conditionatum, si ex se præscindat à purificatione, vel non purificanda conditione, quia hoc pacto manet potens conducere ad existentiam sui obiecti, si nempe purificetur conditio. Ita Mag. Herrera Complutensis *Tractat. de Voluntat. Dei quæst. 13. sect. 2. à num. 27.*

**S**ed contra est, quia non solum repugnat Deo decretum essentialiter frustraneum, & inutile absolute, sed etiam decretum accidentaliter frustraneum, & inutile: Sed decretum subiectivè absolutum, & purè obiectivè conditionatum, licet de se præsciadens à purificatione conditionis, esset, vel esse posset accidentaliter frustraneum: Ergo hoc etiam Deo repugnat. Minor patet, quia tale decretum ex se manere posset absque purificatione conditionis, cum ex se præscinderet ab illa purificatione, vel non purificanda: Sed per te, non purificata conditione, nullius efficacitatis, aut conducentis esset ad sui obiecti existentiam, & consequenter esset frustraneum saltem accidentaliter: Ergo tale decretum esset, vel esse posset accidentaliter frustraneum. Maior vero, in qua stat difficultas, probatur, primò, quia non solum Deo repugnat decretum essentialiter imprudens, & vanum, sed etiam decretum accidentaliter imprudens, & vanum: Ergo non solum illi repugnat decretum essentialiter frustraneum, sed etiam decretum accidentaliter fru-



frustraneum. Consequentia pater, quia decretum, eo modo est imprudens, & vanum, quo est frustraneum.

6 Secundo, quia illud decretum, vel accidentaliter maneret frustraneum, ex libera Dei determinatione, vel solum ex determinatione creaturae, quia creatura frustraret illud suo effectu? Utroque modo repugnat: Ergo repugnat Deo decretum accidentaliter frustraneum. Probo minorem, quoad primam partem, quia si esset frustraneum ex libera determinatione Dei, iam Deus ex parte sua, & ex sua libera determinatione aliquid decerneret frustra, & absque omni effectu, siquidem decerneret aliquid sub conditione, decernendo, seu determinando simul, sive per idem, sive per aliud decretum, quod illud primum maneret frustraneum: Sed imprudentia esset sic decernere frustra ex parte sua, nec enim video cur sit imprudens decernere aliquid decernendo simul per idem decretum, quod illud sit frustra, quam decernendo per aliud decretum, quod primum frustraneum, seu frustratum maneat: Ergo. Explicatur: Per te repugnat decretum, quod per se ipsum velit, aut decernat sui frustrationem, quia foret imprudens: Sed non minus foret imprudens duplex decretum simul, vñ aliquid conditionate decernens, & aliud simul decernens frustrationem illius, siquidem non minus frustra, & imprudenter vellet, qui duplici volitione diceret: Volo legere, si aperueris librum, sed nolo aperire librum; quam qui vnico actu diceret: Volo legere si aperueris librum, & non aperire librum: Ergo. Urgetur, quia illud duplex decretum simul sumptum esset frustraneum essentialiter, quia simul sumptum, vñum per aliud frustraretur: Sed repugnat per se in Deo decretum essentialiter frustraneum: Ergo repugnat illud duplex decretum simul in Deo: Ergo repugnat decretum accidentaliter per aliud frustraneum.

7 Iam vero, si dicas, quod illud decretum potest esse accidentaliter frustraneum, non ex libera Dei determinatione, sed solum ex determinatione creaturae impediens purificationem conditionis, contra etiam est, quia inde maius sequitur absurdum, nempe Dei voluntatem, per voluntatem creaturam frustrari posse omni suo effectu, & causam, irritamque reddi; quod quam alienum sit à mente Augustini, satis constat ex dictis *quaest. praecedenti à num. 6.* Et vrgeri posset, quia vel Deus posset purificare conditionem, vel suum velle absolute fortiretur effectum, vel non posset? Si posset: Ergo ex libera sua determinatione illam non purificaret, & priuaret suum velle omni effectu, & consequenter iam esset frustra illud velle ex libera Dei determinatione, quia quod Deus potest, & non facit, ex libera sua determinatione non facit. Si non posset: Ergo Deus

vellet, quantum posset, & quia non amplius posset, frustraretur Dei voluntas omni suo effectu praevalet voluntate creata contra divinam; quod absurdissimum est.

8 Propterea respondebis aliter, nempe quod illud decretum esset quidem absolute frustraneum, seu ad nihil absolute conduens, sed esset conditionate conduens ad obiecti existentiam, nempe si poneretur conditio, & hoc satis esse, ut non foret imprudens. Sed contra est, quia nemo prudenter operatur, nisi propter finem absolute volitum, seu quod de facto iam vult, imprudentia enim esset, imò & implicar operari, aut velle de facto propter finemquem de facto non vult, praecise quia illum vellet, si poneretur aliqua conditio: Sed propter finem absolute volitum nemo nisi imprudenter, aut impossibiliter vult, quod de facto, & absolute non conducit ad illud, scilicet quia conduceret sub aliqua conditione: Ergo non satis est conducentia conditionata, ut quis possit prudenter aliquid velle, sed requiritur aliqua conducentia absoluta, vel absolute volita. Secundo, quia eo modo decretum esset prudens, quo foret ad aliquid conduens, & eo modo imprudens, quo foret frustraneum: Sed per te illud decretum esset absolute frustra, & solum sub conditione ad aliquid conduens: Ergo absolute foret imprudens, & solum conditionate prudens: Sed repugnat Deo decretum absolute imprudens, & solum conditionate prudens: Ergo.

9 Denique respondebis, posse decretum prae obiective conditionatum esse ad aliquid absolute conduens, quando nempe Deus decernit aliquid sub conditione pendente à libera hominis voluntate, v. g. ipsum adiuvare, vel cum illo concurrere, si ipse se determinaverit, vel ipsum salvare, si ipse voluerit; quia huiusmodi decretum conducit absolute, ut per Deum non stet, quod homo non adiuvetur, aut non salvetur, & ut homo inexcusabiliter careat adiutorio Dei, vel salvetur. Sed contra etiam est, quia vel ponitur illud decretum prae obiective conditionatum, ut non stet per Deum adhuc permissive, quod homo non adiuvetur, aut non salvetur? Et hoc est impossibile, quia implicar hominem non adiuvari, aut non salvari, nisi per Deum stet permissive, aut nisi Deo liberè permittente. Vel ponitur, ut per Deum non stet positive, & causaliter? Et ad hoc minimè conducit absolute, quia eque sine illo decreto, ac cum illo, imputabitur homini causaliter, & non Deo, quod non adiuvetur, nec salvetur; quod sic probo primo, quia per hoc praecise, quod Deus non decernat positive, & causaliter negare homini concursum, aut salutem, non imputabitur Deo causaliter defectus concursus Dei, vel salutis, & per hoc praecise, quod absolute velit, & det homini libertatem ad participandum Dei concursum, & acquirendam salutem, & ipse nolle, imputabi-

tur homini, quod illa careat: Sed totum hoc salvatur absque decreto obiectivè purè conditionato: Ergo æquè sine illo, ac cum illo, imputabitur homini casualiter, & non Deo, quod homo non salvetur, nec adjuvetur à Deo. Minor patet, quia imprimis potest Deus non decernere positivè, nec casualiter negare homini concursum, nec salutem, quin decernat positivè, concurrere, aut salvare ipsum sub conditione, quia potest purè permittivè se habere. Deinde potest velle absolute, & absolute dare homini libertatem, vt adjuvetur, & salvetur, quin decernat purè conditionatè ipsum salvare, vel adjuvare, si se determinet. Quod sic probo, quia vel id negas, vel affirmas? Si negas Ergo eadem volitione, & decreto, quo Deus vult absolute conferre homini libertatem, vult conditionatè concurrere, & salvare illum, si se determinet: Ergo iam illud decretum non est obiectivè purè conditionatum, sed obiectivè absolutum, cum absolute velit, & conferat homini libertatem: Non ergo datur, nec conducit decretum obiectivè purè conditionatum. Si affirmas: Ergo salvatur decretum absolutum conferendi libertatem homini, vt adjuvetur, & salvetur, absque decreto purè obiectivè conditionato, æquè ac cum illo: Ergo illud non conducit.

70. Secundo, quia decretum obiectivè conditionatum concurrenti cum voluntate, si voluntas se determinaverit, fuisse impugnavimus *Tract. de Provid. quest. 6. à n. 65*. Tertiò, quia decretum ex se purè obiectivè conditionatum, nihil innovat absolute, nec in Deo, nec in voluntate creata: Sed decretum nihil innovans absolute, nec in Deo, nec in voluntate creata, conducere nequit, vt imputetur absolute voluntati creata, quod non adjuvetur, vel non salvetur: Ergo. Maiorem statim probabo, ratione sequenti. Quartò, quia quod Deus velit aliquid sub conditione, quam purificare non vult, perinde est, ac si illud absolute nolit, vel non velit: Sed decretum obiectivè purè conditionatum, importat præcisè Deum velle aliquid sub conditione, quam purificare non vult, quia si conditionem purificare vult, iam decretum non manet purè conditionatum obiectivè: Ergo perinde est, ac si illud absolute nolit, aut non velit: Sed quod Deus absolute nolit, aut non velit concurrere, aut salvare, conducere nequit, vt imputetur homini, quod non adjuvetur, aut non salvatur: Ergo. Explicatur, quia vel illo decreto concurrenti, & salvandi si voluntas se determinaverit, vult simul quod voluntas se determinet, vel non vult? Si vult simul, quod voluntas se determinet, iam non est purè obiectivè conditionatum, sed absolutum, nam qui vult aliquid sub conditione, volendo simul conditionem, illud absolute vult obiectivè, & non purè conditionatè. Si non vult quod voluntas se determinet, prorsus inutile est, vt impute-

tur homini, quod non se determinat, & consequenter, quod non adjuvetur: nam ad hoc quid prodest, quod Deus velit concurrere si voluntas se determinet, nollendo, aut non volendo, quod se determinet? Sicut vt ego legam, quid prodest velle legere si aperuerò librum, non volendo aperire librum? Vel magis ad rem: Vt mihi impeteretur quod non lego librum, quid mihi proderit, quod velis me legere, si habuero librum, nollendo, vel non volendo me habere librum, quod in tua manu est? Nam salvè non minus est in manu, seu in dominio Dei, quod ego me determinem, quam foret in manu alterius, quod ego haberem librum eius.

11. Secundo probatur nostra sententia alio fundamento efficaci, quia implicat decretum liberum subiectivè absolutum, & obiectivè conditionatum, vi cuius, nec Deus, nec obiectum aliter se haberent, quam pro signo necessario, seu pro priori ad tale decretum: Sed tale esset decretum subiectivè absolutum, & obiectivè purè conditionatum: Ergo repugnat tale decretum. Probo maiorem, postea minorem probaturus, quia pro signo necessario verum Deus liberè non decernit aliquid, adhuc obiectivè conditionatè: Sed implicat Deum de non decernente reddi decernens si liberè, ipso, & obiecto non aliter, sed eodem ipsissimo modo se habentibus, ac antequam decerneret liberè, quia prorsus fidei, & sine fundamento diceretur Deus decernens potius, quam non decernens: Ergo. Secundo, quia implicat transitum de contradictorio in contradictorium rebus ipsidem, & eodem modo permanentibus absque omni alietate: Ergo implicat Deum transire de non decernente, qualis supponitur pro signo necessario, ad liberè decernentem decreto obiectivè conditionato, Deo ipso, & obiecto non aliter, sed eodem modo se habentibus. Minor vero primi syllogismi, in qua stat difficultas, probatur etiam, quia nec est alietas vlla ex parte Dei, cum Deus intrinsecè variari non possit, nec aliter intrinsecè esse, ac necessarii est: deinde nec est alietas vlla ex parte obiecti, seu extra Deum, ex vi talis decreti: quia tale decretum absolute non immutat obiectum extra Deum, alias esset obiectivè absolutum: Ergo ex vi illius decreti, iam ex parte Dei, quam ex parte obiecti res eodem ipsissimo modo, & non aliter se haberent, ac pro signo necessario.

12. Explicatur Posito tali decreto, sequitur utrumque contradictorium, nempe Deum de facto liberè decernere, & Deum de facto liberè non decernere: Ergo illud Implicatorium est. Probo sequelam, quia in primis Deus de facto per illud liberè decerneret, quia supponetur subiectivè absolutum. Deinde non decerneret liberè, quod sic probo, primo, quia nec Deus, nec obiectum aliter se haberent, ac si non decerneret, seu ac in signo

ne-

necessario, vt ostensum manet: Ergo sicut in signo necessario non decernit liberè, ita nec per illud decretum. Secundò, quia implicat Deum liberè decernere de facto, nisi exercendo absolutè dominium, & libertatem: Sed non exerceret absolutè, & de facto dominium, & libertatem: Ergo non decerneret absolutè, & de facto. Minor probatur, quia neutrum contradictionis extremum determinaret absolutè, & de facto: Sed implicat absolutè, & de facto exercere dominium, & libertatem, neutrum contradictionis extremum determinando: Ergo non exerceret absolutè, & de facto libertatem, & dominium. Probatur maior, quia neutrum contradictionis extremum determinaret absolutè, & de facto in Deo, tum quia Deus est incapax extremorum contradictionis, seu contradictoriorum adhuc disiunctim, tum quia libertas divina non se habet ad opposita, seu ad contradictoria, aut contraria intrinseca Deo, sed solum ad opposita in creaturis, tum quia libertas divina non est ad velle, vel non velle, nec suprà aliquid intrinsecum Deo, sed solum ad obiectum, vel non obiectum, & suprà creata Deo extrinseca, vt ostendimus q. 62. a. n. 63. deinde nec absolutè, & de facto determinaret aliquod contradictionis extremum in creaturis, quia nihil creatum determinaret absolutè ad esse, præ non esse, alias iam esset decretum obiectivè absolutum: Ergo nulum contradictionis extremum absolutè, aut de facto determinaret.

13 Explicatur: Implicat voluntatem creatam exercere suam libertatem absolutè, & de facto nihil absolutè determinando, nec immutando de facto, & absolutè, nec in se, nec in obiecto: Ergo pariter in Deo. Probo consequentiam, quia licet sit disparitas in eo, quod voluntas creata exercet suam libertatem immutando se, Deus autem, non immutando se, sed obiectum, tamen æquè requiritur, vt Deus exerceat libertatem, quod determinet, & immutet contingenter obiectum, ac in voluntate creata, quod immutet, & determinet se contingenter: Sed implicat voluntatem creatam exercere absolutè suam libertatem, non determinando se, nec immutando se absolutè, & de facto: Ergo & quod Deus absolutè, & de facto exerceat libertatem non determinando, nec immutando absolutè obiectum. Vrgetur, quia implicat decretum liberum absolutè existens absque omni contingentia, tam subiectiva, quam obiectiva, tam ex parte recti, quam ex parte connotati, vt omnes latentur: Sed per decretum obiectivè purè conditionatum nihil esset absolutè, nec de facto contingens, nec subiectivè, nec obiectivè, nec ex parte recti, nec ex parte connotati: Ergo nec esset decretum de facto, & absolutè liberum.

Respondebis primò, requiri quidem ad decretum liberum contingentiam, alicuius, &

mutationem obiecti, sed non semper physicam, sed satis esse moralem; per decretum autem obiectivè conditionatum mutari obiectum, & aliter se habere, non physicè, sed moraliter. Sed contra est, quia repugnat mutatio moralis, non mutatio fundamentum moralitatis: Sed implicat mutari fundamentum moralitatis, nisi physicè, quia fundamentum moralitatis semper est quid physicum, & fundamentum alicuius, seu mutationis moralis semper est mutatio aliqua realis, & physica: Ergo. Vide suprà quest. 8. à num. 18.

14 Respondebis secundò, satis esse alicuius, aut contingentiam intrinsecam terminativam, aut virtualem ex parte Dei, quæ nullam importet mutationem. Sed contra est, quia implicat alicuius, aut contingentiam terminativam intrinsecam ex parte Dei, quæ non sit alicuius entitativa, vt constat ex dictis quest. 8. à num. 4. & locis ibi citatis: Ergo.

15 Propterea respondebis ex Illust. Godoy, quod vt detur de facto in Deo decretum liberum satis est mutatio obiecti ad esse conditionatè futurum; sic autem mutatur per decretum obiectivè purè conditionatum. Sed contra est, quia in primis per illud decretum obiectum non mutatur intrinsecè in se ipso ad esse conditionatè futurum, tum quia futuritio conditionata non est intrinseca obiecto, vt fatetur Illust. Godoy, tum quia si obiectum absolutè, aut de facto mutatur intrinsecè, iam decretum non erit obiectivè purè conditionatum, quia habebit de facto effectum ex parte obiecti, nempe illam mutationem intrinsecam obiecto: Non ergo obiectum mutatur intrinsecè ad esse conditionatè futurum. Deinde nec mutatur extrinsecè, aut in causa, si quidem nec mutatur in causa prima, quia per illud decretum non mutatur causa prima, immo nec aliter intrinsecè se habet, vt ostensum manet; nec mutatur in causa secunda, quia vi illius decreti purè conditionati nulla causa secunda de facto mutatur: Ergo tandem obiectum talis decreti nullo modo mutatur ad esse conditionatè futurum.

#### ALIAE RATIONES PRO NOSTRA SENTENTIA.

16 Tertiò probatur nostra sententia, quia implicat velle liberum, seu liberum Dei decretum de facto dari, nisi illi correspondeat obiectum de facto terminans illud: Sed decreto obiectivè purè conditionato non corresponderet obiectum de facto terminans illud. Ergo illud implicat contradictionem. Probatur minor, quia implicat obiectum de facto terminare decretum, seu velle divinum, quin absolutè, & de facto obiectum sit bonum, bonitate sufficienti ad terminandū actum liberum divine

voluntatis: Sed obiectum illius decreti de facto non esset bonum bonitate sufficienti ad terminandum actum liberum divinæ voluntatis: Ergo illi decreto non corresponderet obiectum de facto terminans illud. Probo minorem, quia sola bonitas contingens est sufficiens ad terminandum actum liberum divinæ voluntatis: Sed obiectum illius decreti de facto non esset bonum bonitate contingenti, quia nullam intrinsecè ex illo teciperet bonitatem: Ergo non esset bonum bonitate, sufficienti ad terminandum actum liberum divinæ voluntatis. Explicatur: Obiectum, quod actu non est verum, non potest terminare scientiam Dei, adhuc quam appellamus conditionatam, unde vt Deus actu cognoscat conditionata contingentia, omnes Thomistæ, & plerique ex Iesuitis, requirimus, quod habeant de præsentī veritatem contingentem: Ergo pariter, quod actu non est bonum, nec habet bonitatem contingentem non potest terminare liberum Dei decretum, adhuc conditionatum; sed vt illud terminet, requiritur, quod actu sit bonum bonitate contingenti.

17 Respondebis primò, quod licet res futura conditionatè de facto non detur in se ipsa, idatur tamen de facto vt futura conditionatè, & sic vt futura conditionatè est de facto contingenter bona, bonitati sufficienti ad terminandum decretum liberum. Sed contra instat Illust. Godoy, & bene, quia obiectum decreti conditionati formaliter constituitur futurum per ipsum decretum, cum non detur alia forma, qua formaliter in esse futuri constituitur: Sed obiectum decreti, vt terminans ipsum decretum ex parte obiecti, non potest constitui formaliter per ipsum decretum, quia nullus actus potest suum obiectum constituere ex parte obiecti: Ergo res futura non est obiectum illius decreti formaliter vt futura conditionatè: Ergo nec terminat illud decretum ex parte obiecti res vt conditionatè futura. Sed aliter, seu practivè à conditionata futuritione, non habet bonitatem contingentem sufficientem ad illud terminandum: Ergo nullo modo terminare potest illud decretum liberum.

18 Propterè respondet Illust. Godoy, præcedenti solutione impugnata, quod obiectum illius decreti, non est quidem bonum bonitate præsentī, aut absolutè futuræ; est tamen bonum bonitate futura conditionatè, & hoc sufficere, vt de facto terminet illud decretum obiectivè conditionatum, quia hæc bonitas, inquit, sub conditione futura, est præsens in esse obiecti pro tunc futuritionis. Sed contra est, quia hæc solutio nihilo differt à præcedenti, quam impugnaverat, unde sic arguo: Bonitas illa non potest terminare ex parte obiecti decretum liberum vt merè possibile, quia sic est necessaria, & quia Thomistæ communiter negant bonitatem purè possibilem posse terminare amorem, aut volitionem divi-

nā. Deinde nec illud terminare potest ex parte obiecti vt conditionatè futura: Ergo nullo modo ea bonitas est sufficiens ad terminandum decretum liberum. Probatur minor, quia bonitas illa non potest terminare ex parte obiecti illud decretum liberum, nisi prout distincta à tali decreto, non vero vt formaliter constituta per illud, quia obiectum decreti non potest constitui formaliter per ipsum, vt fatetur Illust. Godoy: Sed vt distincta à tali decreto, non est futura conditionatè, quia constituitur formaliter futura conditionatè per illud: Ergo vt futura conditionatè non terminat illud decretum ex parte obiecti. Urgetur fundamento, quod mihi obieciabam in Meraph. quæst. 10. a num. 39. Etenim implicat, quod futurum conditionatum constituitur futurum conditionatè per scientiam conditionatam illius, quia est illius obiectum vt conditionatè futurum, & obiectum non potest constitui per actum tendentem ad illud: Ergo pariter bonitas, quæ est obiectum decreti conditionati, non potest constitui conditionatè futura per ipsum decretum, si est obiectum illius vt conditionatè futura: Ergo vel non constituitur futura conditionatè per decretum, vel non terminat ex parte obiecti decretum vt conditionatè futura.

19 Redebam ibi disparitatem, eo, quod scientia conditionata, seu media, cum à suis Authoribus ponatur merè speculativa, debet aliunde supponere futurum suum obiectum, & consequenter nequit illud sic futurum constituere: at tamen decretum est practicum, & factivum sui obiecti; & ideo potest illud futurum constituere. Sed contra instabam, quia licet decretum sit practicum, & factivum sui obiecti, tamen non minus debet respicere obiectum à se distinctum, quam scientia media, seu conditionata: Sed quia scientia debet respicere obiectum à se distinctum, nequit illud formaliter futurum constituere: Ergo nec decretum. Respondebam, adhuc sequendo disparitatem, quia scientia media, cum sit purè speculativa, debet supponere suum obiectum, non præcisè vt possibile, quia alias esset scientia necessaria, sed vt aliquoties futurum, & ideo non potest illud sic futurum constituere, sed debet respicere illud vt futurum ex parte obiecti, & futuritione distincta ab ipsa scientia; decretum autem solam supponit obiectum vt possibile, nõ vt futurum, & ideo nõ illud debet respicere ex parte obiecti signatè vt futurum futuritione distincta, sed solum ex parte obiecti vt possibile, constituendo illud exercitè, & formaliter futurum. Sed adhuc urgebam, quia obiectum decreti prout distinctum à decreto, & ex parte obiecti, non potest esse aliquid merè possibile, tum quia vt merè possibile ex parte obiecti terminare nequit actum divinæ voluntatis; tum quia obiectum decreti ex parte obiecti est, quod Deus vult per tale decretum;

tum: Deus autem illo decreto, non vult obiectum esse possibile, nec obiectum vt merè possibile: Ergo. Respondendum adhuc, quod decretum, non potest respicere obiectum vt merè possibile, & inquit illud vt merè possibile, bene tamen obiectum, quod præcisè à decreto, & foris à decreto sit merè possibile, fiatque futurum per ipsum decretum, eo quod decretum illud est practicum, & factivum sui obiecti.

20 Sic pro viribus sequens sum vbi suprà prædictam disparitatem, & doctrinam de decreto subiectivè absoluto, & obiectivè purè conditionato; sed non satis in illa finis, propterea enim notavi ad calcem, forsan me hic mutatum sententiam, negando decreta obiectivè purè conditionata. Vnde sic cetera meas solutiones arguo: Decretum divinum, eo ipso, quod practicum est, & factivum sui obiecti, nō potest respicere obiectum vt merè possibile ex parte obiecti, relinquendo illud vt merè possibile ex parte obiecti: Sed decretum purè conditionatū relinquere obiectū purè possibile ex parte obiecti: Ergo implicat tale decretum. Probo minorē, primò, quia solum illud constitueret formaliter futurum per se ipsum ex parte actus, quin inde aliquid resularet distinctum in obiecto, nec ex parte obiecti: Ergo solum ex parte actus constitueret obiectū extrinsecè futurum, relinqueret tamen illud intrinsecè, & ex parte obiecti purè possibile. Secundò, quia non inmutaret intrinsecè obiectum: Sed eo ipso relinqueret illud intrinsecè, & ex parte obiecti purè possibile: Ergo. Vrgetur, decretum non potest dici factivū sui obiecti, eo præcisè, quia obiectum extrinsecè denominat per se ipsum, nihil prorsus efficiendo in obiecto, nec in ordine ab obiectum; alias omnis actus tendens in obiectum, quantumvis speculativè, esset factivus sui obiecti, quia omnis actus denominat extrinsecè obiectum, & constituit illud sub aliqua denominatione extrinseca, v.g. cognitio, cognitum visio, visum, & volitio purè inefficax, volitum: Ergo solum dici potest factivū sui obiecti, vel quia efficit ipsum in se ipso, vel quia efficit aliquid in ordine ad ipsum: Sed decretum obiectivè conditionatum nihil efficit, nec obiectum, nec aliquid in ordine ad ipsum: Ergo nō est factivum sui obiecti: Ergo relinquendo illud merè possibile ex parte obiecti. Amplius: Actus nō dicitur practicus, & factivus obiecti in genere causæ formalis, sed in genere causæ efficientis, nec per hoc quod exerceat munus causæ formalis erga obiectum, sed per hoc quod exerceat munus causæ efficientis: Sed decretum purè conditionatum nō exerceat munus causæ efficientis erga obiectum, sed ad summum munus causæ formalis: Ergo nō est practicum, nec factivum sui obiecti: Ergo relinquendo illud ex parte obiecti merè possibile. Ultra: Illud decretum non est factivū existentiz obiecti,

aliunde nec est factivum futuritionis conditionatæ in ipso decreto consentientis, quia alias esset factivum sui ipsius: Ergo non est factivū sui obiecti.

21 Dices forsan, esse factivum conditionatè sui obiecti, id est, si poneretur conditio, nō autem absolute. Respondè, sed sic infero: Ergo de facto nō facit sibi obiectum sufficiens illud terminare; aliunde nec de facto supponit obiectū sufficiens illud terminare: Ergo tandem non habet de facto obiectū sufficiens illud terminare: Ergo nec datur de facto illud decretum, quia implicat dari de facto decretum, nisi de facto datur obiectum sufficiens illud terminare, immò nisi de facto obiectum terminet illud decretum. Confirmatur, quia illud decretum adhuc conditionatè, seu sub conditione, non est factivum sui obiecti: Ergo ruit solutio. Probo antecedens, quia conditionatè est factivum existentiz absolutæ, non existentiz, aut futuritionis conditionatæ: Sed obiectum talis decreti non est existentia absoluta, quia hæc est obiectum proprium decreti absoluti, sed est existentia ad summum conditionata: Ergo non est factivum sui obiecti. Maior pater, quia eius tantum est factivum conditionatè, quod efficeret, si poneretur conditio: Sed si poneretur conditio, non efficeret existentiam conditionatam, sed absolutam: Ergo solum est factivum conditionatè existentiz absolutæ, non existentiz, nec futuritionis conditionatæ: Ex quo.

22 Demum probatur conclusio alio fundamento efficaci, quia in Deo distingui nequit decretum purè obiectivè conditionatum à decreto obiectivè absoluto: Ergo nec in ipso dari potest, nam si daretur, distingueretur, cum existeret vñ sine alio. Probo antecedens, quia nec distingui potest ex parte actus, nec ex parte obiecti: Ergo nullo modo. Probo antecedens, quia in primis non potest distingui ex parte actus, tum quia actus divinx voluntatis est vnicus, & simplicissimus, omnino indivisibilis intrinsecè; tum quia eo modo, quo distingueretur, separaretur, quia decretū obiectivè conditionatum existeret re ipsa, non existente decreto obiectivè absoluto: Sed implicat separari re ipsa ex parte actus, quia alias ex parte actus realiter dingerentur, quod in divina voluntate omnino repugnat: Ergo. Demum, quia implicat distinctio ex parte actus in eadem voluntate, præsertim divina, nisi sit distinctio specifica, cum in illa nō possint dari actus solo numero distincti: Nec potest dari distinctio specifica ex parte actus, nisi ex obiecto specificativo distincto: Sed in divina voluntate repugnant obiecta specificativa diversa, ita vt vnum decretum habeat vnum obiectum formale specificativum, & aliud diversum obiectum formale specificativum: Ergo implicat distingui ex parte actus. Quo supposito, iam probò, quod nec distinguerentur ex parte obiecti, quia

quia id ipsissimum decerneret vnum, ac aliud, ex parte obiecti: Ergo ex parte obiecti non distinguuntur. Probo antecedens, quia primum decerneret existentiam obiecti; aliud similiter existentiam obiecti decerneret: Ergo idem decerneret vnum, ac aliud.

23 Dices, quod decretum obiectivè conditionatum decerneret ex parte obiecti existentiam conditionatam, decretum veto obiectivè absolutum decerneret existentiam absolutam. Sed contra, quia non datur existentia conditionata distincta ex parte obiecti ab existentia absoluta: Ergo falsum est, quod decretum aliquid respiciat, aut decernat illam. Probo antecedens, quia vel illa existentia conditionata datur intrinsicè in ipso obiecto, aut est existentia intrinseca obiecti, & hæc sanè non datur, quia quando decretum est obiectivè conditionatum, obiectum intrinsecè non existit, adhuc conditionatè, quia ex vi decreti conditionati, obiectum non mutatur *in intrinsecè*; vel etiam, quia nemo distinguit duas existentias intrinsecas rei, vnam absolutam, aliam conditionatam intrinsecam, alias liceret etiam distinguere duas substantias intrinsecas, duas durationes intrinsecas, imò & duas operationes intrinsecas, vnam absolutam, aliam conditionatam; quod nemo distinguit. Vel illa existentia conditionata est existentia extrinseca obiecti, non in se, sed in sua causa? Et tunc iterum, rogo: Vel est existentia extrinseca in causa purè indifferenti? Et hoc non, quia in causa purè indifferenti res non est futura, adhuc conditionatè, & consequenter nec conditionatè existens. Vel in causa determinata? Et tunc iterum rogo: Vel in causa secunda determinata? Et hoc nò, quia ex vi decreti obiectivè purè conditionati, nulla causa secunda determinata fit, aut existit ad illud obiectum, cum illud decretum nihil de facto innovet, vel immutet in causis secundis. Vel est existentia in causa prima determinata ad illud obiectum? Et nec hoc dici potest, quia cum causa prima formaliter determinetur per ipsum decretum, existentia in causa prima vt determinata per decretum, non datur ex parte obiecti, nec ex parte obiecti se tenet: Ergo tandè concluditur, quod non datur existentia conditionata ex parte obiecti distincta ab existentia absoluta, quando decretum est obiectivè purè conditionatum.

24 Explicatur: Vel illud decretum ponitur decernens modo conditionato, obiectum absolutè existens; vel decernens modo absoluto, obiectum ex parte obiecti conditionatè existens: Neutro modo potest poni: Ergo. Probat minor quoad primam partem, quia si decerneret modo conditionato ex parte actus, obiectum absolutè existens, iam illud decretum idem decerneret ex parte obiecti, quod decretum absolutum, licèt modo distincto ex parte actus, quia absolutum

decerneret absolutè, seu modo absoluto, conditionatum conditionatè, seu modo conditionato, licèt utrumque idem obiectum, nempe existentiam absolutam: Sed ea decreta non possunt poni indistincta ex parte obiecti, & distincta solum ex parte actus, vt ostensum manet: Ergo decretum illud non potest decernere modo conditionato obiectum absolutè existens. Secundo, quia modus tendendi conditionatus importat manifestam imperfectionem, cum quia importat expectationem conditionis de futuro, & tendere de futuro, & ignorantiam conditionis, an putificanda sit; imò & illam expectare vt pendentes ab alio, quia nemo sanè, & prudenter decernit de præfenti sub conditione de præfenti, v.g. volo amare Deum, si nunc sum in gratia, aut volo legere librum, si nunc apertus est, sed semper, qui decernit sub conditione decernit sub conditione de futuro respectu sui, aut suæ præfentis durationis; item nemo prudenter decernit sub conditione sibi de facto libera, v.g. volo legere librum, si velim illum aperire, aut si illum aperiam, quando est in sua libertate illum aperire; unde decretum prudens sub conditione semper est sub conditione pendente ex altèius, & non ex propria determinatione, & dominio; item nemo prudenter decernit sub conditione, quam certo scit purificandam, nec sub ea, quam certo scit non purificandam, sed solum sub ea, quam ignorat an purificanda sit, nec non: Sed totum hoc importat imperfectiones repugnantes Deo, quia Deus nihil ignorare potest, nullaque conditio potest pendere ex altèius determinatione, & non ex sua libera voluntate, & dominio, nihilque illi potest esse futurum, in duratione sibi præfenti: Ergo repugnat Deo decretum tendens modo conditionato ex parte actus. Vide suprà *D/putat. 5. quæst. 6. num. 182.*

25 Deinde probatur primò minor, quoad secundam partem, quia non potest poni illud decretum decernens modo absoluto ex parte actus, obiectum existens conditionatè, nisi ponatur decernens aliquid absolutum ex parte obiecti: Sed decretum purè obiectivè conditionatum, non ponitur decernens aliquid absolutum ex parte obiecti, quia iam esset obiectivè absolutum: Ergo nec potest poni vt decernens ex parte obiecti, obiectum existens conditionatè. Explicatur: Obiectum existens conditionatè, non est quid, quod daretur, posita conditione, sed quod iam datur absolutè, ante positionem conditionis: Ergo est quid iam absolutum, seu absolutè existens ante positionem conditionis: Sed per te illud decretum decernit ex parte obiecti consensum, v.g. *existens conditionatè*: Ergo decernit aliquid absolutum ex parte obiecti. Itaque aliud est, consensus, qui existit conditionatè, aliud, ipsum existens conditionatè. Consensus, qui

existit conditionatè, tantum datur conditionatè, & tantum est conditionatè ex parte obiecti; attamen ipsum *existere* conditionatè consensum, non datur conditionatè, sed datur absolutè, quia non expectat conditionem, sed datur ante conditionem absolutè. Sicut consensus, qui est futurus, nō est de presenti, sed de futuro; sed consensum esse futurum, datur, & est ita de presenti, non de futuro, vt explicavi latè *Disputat. 5. quest. 6. per totam*. Videantur dicta *ibid. à num. 171. usque ad 189.* ubi hanc rationem prosequuti sumus contra scientiam purè obiectivè conditionatam; omnia enim ibi dicta pariter militant contra decretum, aut voluntatem divinam purè obiectivè conditionatam, & quisque facillè ea applicare poterit, mutatis terminis.

**EXPLICATUR QVO PACTO**  
*datur in Deo decretum obiectivè*  
*conditionatum.*

26 **S**ED rogaris, quo pacto dicendum est, dari in Deo decreta subiectivè absoluta, & obiectivè conditionata? Nam sanè ex dictis videtur, quod ea negamus in Deo. Ea autem absolutè negare, videtur alienum à mente D. Thom. & Thomistarum, & eorum doctrinam evertere, vel invertere penitus.

27 Respondeo, quod in primis nostra præcedens sententia non debet reputari adversa omnibus Thomistis, imò est de mente expressa plurium, vt sunt Zúmel, Báñez, & Navarrete, qui in 1. part. D. Thom. *quest. 19. artic. 6.* expressè tenent cum D. Thom. non posse dari in Deo voluntatem, quæ nunquam impleatur, saltem in aliquo volito, seu purè inefficacem, quæ nempe nullum effectum de facto inferat ad extra, & hanc esse mentem D. Thom. satis constat ex præsentis articulo D. Thom. & ex dictis *quest. præcedent. num. 4.* Ex hoc autem satis evidenter constat, tam D. Thom. quàm illos Thomistas, negare in Deo decreta ita purè obiectivè conditionata, quod nihil absolutè decernat ex parte obiecti.

28 Deinde dicto, admittenda esse in Deo decreta obiectivè conditionata, quæ aliquid absolutum decernant, & inferant ex parte obiecti, quo obiectum constituatur de facto, & absolutè futurum conditionatum, aut existens conditionatè. Et ratio est, quia in Deo poni non potest decretum tendens in obiectum absolutum modo conditionato ex parte actus, vt iam ostensum manet: Debet ergo poni tendens modo absolutum in obiectum vt futurum, aut existens conditionatè ex parte obiecti, quia Deus non potest velle modo conditionato, quod obiectum existat in se, seu absolutè, & solum potest velle modo absoluto, seu absolutè, quod obiectum ex parte obiecti existat conditionatè, aut sit futurus

conditionatè in causa: Sed obiectum esse conditionatè futurum, aut conditionatè existentem in causa, est aliquid absolutum, & quod de facto datur, alias non fiet obiectum de facto conditionatè futurum, nec conditionatè existens: Ergo debet poni tale decretum vt decernens, & volens absolutè ex parte Dei aliquid absolutum ex parte obiecti, quo obiectum constituatur de facto conditionatè futurum, aut existens. Hoc autem absolutum volitum ex parte obiecti, quo obiectum constituatur futurum, aut existens conditionatè, non potest esse ipsummet decretum subiectivè absolutum, quia ipsummet non potest esse sui obiectum, nec constituere sui obiectum, vt ostensum manet: Debet ergo esse aliqua ordinatio creata, quæ absolutè inferatur, & existat ex vi talis decreti, quæ obiectum constituatur conditionatè futurum extra Deum in causa secunda, aut in illa ordinatione creata, vt amplius infra explicabo. Iam ergo.

**SOLVUNTUR OBIECTA.**

29 **O**bjicies primò: In voluntate nostra dantur de facto plures actus subiectivè absoluti, & obiectivè purè conditionati, vt potè non tendentes in obiectum, nisi sub aliqua conditione: Sed in hoc modo tendendi nulla involvitur imperfectio: Ergo similes actus possunt in Deo reperiri. Respondeo, omiſſa maiori, negando minorem, quia iam ostendimus, illum modum tendendi multiplicem imperfectionem importare repugnantem Deo. Et item, quia cum tali decreto, aut actu nihil innovetur extra voluntatem, aut extra voluntatem, esse non potest liber, nisi per illum immutetur, aut innovetur voluntas; id autem potest quidem contingere in voluntate nostra, secus autem in voluntate divina, cuius velle liberum immutare nequit divinam voluntatem, & ideo opus est quod immutet obiectum extra voluntatem, alioquin falsum erit, quod illud liberè decernit de facto, cum nihil aliter se habeat, nec intra, nec extra voluntatem divinam, nec ex parte volentis, nec ex parte obiecti, ac si Deus illud liberè non decerneret, seu purè permissivè se haberet. Dixi omiſſa maiori, quia dicet certum sit, quod dantur in nostra voluntate affectus obiectivè conditionati, non tamen certum est dari in illa affectus obiectivè ita purè conditionati, quod nihil absolutè velint ex parte obiecti, præsertim loquendo de affectu libero, & prudenti.

30 Et vt videas, quam inepta hæc paritas sit, audiamus ex Illust. Godoy, rationes, quibus in nobis probat affectus purè conditionatos. Probat enim primò ex vortis sub conditione elicitis, v.g. cum quis vovet ingredi religionem, si liberetur ab ægitudine. Secundò ex contracta

conditionato, v.g. cum quis sponsalia celebrat, dicendo: *Ero tuus, si tantum pro dote tibi conseruauerint*. Tertiò, ex intentione ministrandi Sacramentum, sub conditione, v.g. cum quis vult aliquem baptizare, sub hac conditione, si non est baptizatus. Hæc sunt, quibus in nostra voluntate probantur affectus purè conditionati. Sed ad primum dici potest, illum affectum importatum in voto, non esse purè obiectivè conditionatum, quia sic vovens, non solum vult ingredi religionem, sed forsan magis vult purificationem conditionis, nempe liberari ab ægritudine, qui autem absolute vult purificare conditionem, non potest dici, quod vult purè conditionatè, sed absolute, quantum est ex effectu suo, licet ob inefficaciam, aut impotentiam purificandi conditionem maneat affectus conditionatus, & dependens ab alio purificante conditionem; quod in Deo omnino repugnat, ut pet se patet. Vnde Deus non potest habere similem affectum conditionatum, sicut nec ille infirmus illum haberet conditionatum, si in sua libertate plenè esset se ipsum liberare ab infirmitate, seu purificare conditionem. Ad secundum eodem modo responderetur, quod in illo contractu, voluntas est conditionata effectivè, ob defectum dominij ad purificandam conditionem, sed affectivè est absoluta, quia si serio vult, non solum vult, qui sic contrahit, conditionatum, sed etiam purificationem conditionis, quod nempe *dos consignatum illi detur*; hæc autem conditionalitas prorsus in divina voluntate repugnat. Ad tertium, dico, quod sic administrans Sacramentum, absolute vult, quod ille non maneat sine Sacramento, seu quod non maneat imbaptizatus, seu quod sit baptizatus; quod si modo conditionato vult baptizare, sub conditione, quod non sit baptizatus, eo est, quia ignorat an sit, vel non sit baptizatus, quod si non ignoraret, minime conditionatè administraret Sacramentum, nec posset prudenter, aut serio, sed vel administraret absolute, vel nullo modo; in Deo autem repugnat ignorantia conditionis, vnde pariter repugnat huiusmodi conditionalitas. Et vniuersum, nunquam reperies affectus obiectivè conditionatos in nostra voluntate, nisi ex impotentia ad conditionem purificandam, vel ex ignorantia conditionis purificatæ, utroque autem modo Deo repugnat.

31 Obijcies secundò: Datur in divino intellectu actus scientiæ subiectivè absolutus, & obiectivè purè conditionatus, quem Iesuitæ, scientiam mediam, nos scientiam liberam conditionatorum dicimus: Ergo pariter dari potest in divina voluntate actus libet obiectivè purè conditionatus. Hoc argumentum infra vrigemus contra fautores scientiæ mediz negantes decreta obiectivè conditionata. Sed contra Thomistas rectè sentientes de scientia conditionatorum, ni-

hil vrget, vnde distinguo maiorem: Datur in divino intellectu actus scientiæ necessariæ: purè obiectivè conditionatus, transeat: Actus scientiæ liberæ purè obiectivè conditionatus, nego maiorem, & consequentiam; quia ut inferri posset, debet argui ex actu libero scientiæ, seu scientiæ liberæ, ad actum liberum voluntatis, siquidem ex scientia necessaria obiectivè conditionata, seu de obiecto purè conditionato, ad summum inferri posset affectus necessarius obiectivè conditionatus, seu de obiecto purè conditionato, sicut ex scientia necessaria purè possibilem ad summum inferri posset affectus necessarius erga purè possibilem, ut infra ostendemus, non autem affectus liber. Scientiam autem liberam purè obiectivè conditionatam, quæ nempe nihil absolute existens videat ex parte obiecti, negamus, ut negavimus, tum *Disputat. 4. quest. 9. à num. 11.* probantes omnem scientiam liberam esse scientiam visionis, & consequenter obiecti absolute existentis. Tum *Disputat. 5. quest. 6. à num. 384. & 408.* & merito, quia scientia libera conditionatorum affirmat obiectum vt ex parte obiecti contingenter conditionatè futurum: Sed obiectum esse contingenter conditionatè futurum consistit in aliquo de presenti, & absolute existente, non vero in eo, quod esset, si poveretur conditio, quia si poneretur conditio, non esset tunc conditionatè futurum: Ergo scientia libera conditionatorum necessarii affirmat aliquid ex parte obiecti absolute, & de facto existens, nempe ipsam futuritionem conditionatam: Implicat ergo quod sit purè obiectivè conditionata, seu non absoluta ex parte obiecti. Videatur etiam dicta ubi supra à num. 172.

32 Tertiò obijcies: Dantur in Deo promissiones plures obiectivè conditionatæ, vt est illa: *Qui perseveraverit usque in finem, hic salvus erit*: Ergo admitti debent in Deo decreta obiectivè conditionata. Probatur consequentia, primò, quia talis promissio includit animum adimplendi promissum, non solum vt licet fiat, vt arguit Illustr. Godoy, sed etiam vt valide fiat, prout ostendit *Tract. de Fide, disp. 1. q. 5. à n. 7.* Ergo promissio aliquid faciendi sub conditione includit propositum, & affectum voluntatis illud faciendi sub conditione: Ergo si datur in Deo promissio conditionata obiectivè, datur etiam in ipso propositum obiectivè conditionatum. Hoc est fundamentum potissimum sententiæ contrariæ. Verumtamen.

33 Respondeo, concessio antecedenti, distinguendo consequens: Ergo admitti debent in Deo decreta obiectivè purè conditionata, seu conditionata formaliter ex modo tendendi, nego consequentiam: Obiectivè conditionata in obiecto absolute volito, seu virtualiter conditionata, & formaliter ac immediate obiectivè absoluta, concedo



do consequentiam. Cuius probatio non obest, concedo enim antecedens, & distinguo consequens: Ergo promissio aliquid faciendi sub conditione includit propositum, seu affectum voluntatis illud faciendi sub conditione purè obiectivè conditionatum, seu conditionatum formaliter ex modo tendendi, & ex obiecto immediatè, & formaliter volito, nego: Vel hoc, vel propositum virtualiter conditionatum in obiecto absoluto formaliter volito, concedo consequentiam, & distinguo similiter consequens, quia ad validam, & licitam promissionem satis est propositum, seu voluntas efficax dandi signum, seu pignus assecurans reipsum illum, cui promissio fit, de re promissa, promissio enim ad hoc ordinatur: Unde in Deo promissio conditionata præcisè debet includere voluntatem absolutam dandi tale signum, seu pignus, quo homo, cui promittit, assecuretur, & certificetur de re promissa, si ponatur conditio; huiusmodi autem voluntas est quidem immediatè, & formaliter absoluta circa signum, quod absolute datur, & in ipso signo absolute volito vult virtualiter conditionatè rem promissam, quia ipsum signum est futurum conditionata, seu connectio conditionata cum eventu promisso, unde volendo absolute, & formaliter ipsum signum, vult in ipso virtualiter rem promissam ut ex vi illius signi conditionatè futuram; & hoc satis est ad verum Dei promissionem conditionatam; non autem requiritur, imò nec est possibile, quod independentèr à tali signo, vel alio absolute volito, & seorsim ab omni absolute volito, velit purè conditionatè, seu formaliter, & ex modo tendendi conditionatè immediatè aliquid sub conditione.

34 Sed replicat Illust. Godoy, primò, quia repugnat in Deo promissio absoluta absque volùta te formaliter, & immediatè absoluta de re promissa: Ergo pariter repugnat in ipso promissio conditionata, absque voluntate formaliter, & immediatè conditionata de re promissa. Secundò, quia licet ad licitam, & validam promissionem satis sit propositum, seu voluntas virtualis adimplendi promissum, tamen ut promissio fiat omninò perfectè, requiritur voluntas formalis adimplendi promissum: Sed promissio in Deo debet esse omninò perfectè: Ergo debet fieri cum voluntate, & proposito, non solum virtuali, sed formali adimplendi promissum. Tertiò, quia promissio est actus liber Dei, sive voluntatis, aut intellectus, iuxta varias sententias, & subiectivè existit circa obiectum purè conditionatè promissum: Ergo datur actus liber Dei, sive voluntatis, sive intellectus de facto existens erga obiectum purè conditionatum: Ergo actus liber Dei subiectivè absolutus, & obiectivè purè conditionatus.

35 Respondet, ad primum, concessio antecedenti, negando consequentiam, quia disparitas est clara, primo, quia Deo non repugnat volun-

tas, seu propositum formaliter, & immediatè absolutum, modo absolute tendens in obiectum immediatum, imò divinæ voluntati repugnat aliter tendere in obiectum immediatum; attamen repugnat illi voluntas, seu propositum formaliter, & immediatè conditionatum, quia repugnat illi modus tendendi formaliter conditionatus, ut ostensum manet. Secundò, quia promissio absoluta infert existentiam absolutam rei promissæ in se ipsa, quæ dari non potest, nisi Deo ipsam absolute, & efficaciter volente immediatè, & formaliter; at promissio conditionata non infert absolute existentiam rei promissæ, nec aliquid ultra, sed solum constituit rem promissam formaliter extrinsecè futuram conditionatè, unde satis est ad talem promissionem, quod Deus velit absolute rem promissam ut formaliter futuram conditionatè per ipsam promissionem, seu per signum externum, quo formaliter constituitur sic futura, quod est velle illam formaliter absolute, & virtualiter conditionatè, nempe conditionatè in illo signo absolute volito, in quo tantum est conditionalitas, non vero formaliter conditionatè in actu divinæ voluntatis. Mixto alias disparitates.

36 Ad secundum distinguo maiorem: Ut promissio fiat omninò perfectè, requiritur propositum formale adimplendi promissum formaliter, & immediatè conditionatum, nego: Formaliter, & immediatè absolutum, concedo maiorem, & minorem, & distinguo consequens distinctione maioris. Aliud enim est propositum, seu velle formaliter tale, aliud propositum, seu velle formaliter conditionatum; nos ergo admittimus in Deo promittente absolute, propositum, & velle formaliter tale, & formaliter absolutum adimplendi promissum, in Deo autem promittente conditionatè, admittimus etiam propositum, seu velle formaliter tale, sed non formaliter, & immediatè conditionatum, sed formaliter, & immediatè absolutum erga signum assecurans conditionatè eum, cui fit promissio; sed quia tale signum solum assecurat conditionatè, propositum, seu velle formaliter absolutum erga illud signum, dicitur propositum virtuale, seu virtualiter conditionatum erga rem promissam, & de re promissa; & hoc velle, & propositum, formale quidem, & formaliter absolutum erga signum, sed virtualiter conditionatum erga impletionem rei promissæ, satis est in Deo ut promissio perfectissimè sit; imò cum proposito formaliter, & immediatè conditionato imperfecta foret, cum illud propositum plures imperfectiones importet, ut ostensum manet.

37 Ad tertiam, concessio antecedenti quoad primam partem, distinguo secundam: Est subiectivè existit circa obiectum purè conditionatè promissum, immediatè circa ipsum ut promissum, & assecuratum in signo externo, concedo: Im-

Immediatè circa obiectum promissum in se ipso, & seorsim à promissione, & signo, nego antecedens, & consequentiam, quia obiectum promissum conditionatè, in quantum promissum, & assecuratum in signo externo, vi cuius passivè, & terminativè ad extra promittitur, non est quid purè conditionatum, sed quid absolutum, vtpotè quid de facto existens, licet obiectum in illo existat tantum conditionatè; quia ipsum existere conditionatè debet esse quid absolutè existens, quod absolutè, & de facto datur, non quod daretur, si poneretur conditio. Itaque promissio communiter recensetur inter voluntates signis, voluntas autem signi, vt infra explicabimus, est propriè, & formaliter voluntas, & velle erga signum, sed solum virtualiter, & improprie erga signatum vt in ipso signo: Sic ergo promissio est actus liber Dei, propriè, & formaliter, ac immediatè volens ipsum signum, quo assecuratur conditionatè res promissa, sed solum virtualiter conditionatè volens rem promissam in ipso signo absolutè volitò; non enim in Deo promittente conditionatè est duplex formaliter volitio, aut duplex voluntas; vna, qua velit immediatè, & formaliter absolutè promissionem, aut signum externum, quo res ad extra promittitur; alia, qua velit etiam immediatè, & formaliter conditionatè rem promissam; sed vnica, & per modum vnus volens immediatè, & formaliter, absolutèque signum, quo res conditionatè promittitur, & assecuratur, & in illo sic volitò vult virtualiter, & mediatè conditionatè rem promissam, tota conditionalitate se habente ex parte signi, non ex parte divinæ voluntatis.

33 Sed adhuc replicabis: In Deo promittente absolutè, non solum datur voluntas formaliter talis, qua vult promissionem, seu signum, quo res promittitur, sed etiam datur voluntas formaliter talis immediatè de re promissa seorsim à promissione, & tali signo: Ergo pariter, quando promittit conditionatè, non solum debet dari voluntas formaliter talis, qua velit signum, quo res promittitur, sed etiam voluntas formaliter talis immediatè erga rem promissam seorsim à promissione, & à signo absolutè volitò. Respondeo, concessio antecedenti, negando consequentiam, quia voluntas absoluta immediatè, & formaliter talis erga rem promissam, nõ est otiosa, non est purè inefficax, non importat modum tendendi imperfectum, nec Deo repugnantem, & alias absque mutatione Dei volentis immutat re ipsa, & de facto ipsam rem promissam in se ipsa, & ideo potest, & debet dari; attramen voluntas immediatè, & formaliter talis erga rem purè conditionatè promissam in se ipsa, & seorsim à promissione esset absolutè otiosa, esset absolutè purè inefficax, importaret necessariò modum intrinsecum tendendi conditionatè Deo

repugnàtem, & nec mutaret Deum volentem, nec obiectum de facto, & ex his capitibus repugnat, & consequenter non requiritur.

39 Replicabis secundo: Futurum conditionatum supponitur futurum conditionatè priori ad promissionem: Sed pro priori ad promissionem non constituitur futurum conditionatè, nisi per decretum conditionatum: Ergo pro priori ad promissionem conditionatam, & consequenter independentem, & seorsim ab illa, supponitur decretum conditionatum de re, quæ pro posteriori promittitur: Sed illud pro priori ad promissionem nihil decernit absolutè: Ergo decernit præcisè aliquid purè conditionatè: Ergo est obiectivè purè conditionatum. Cartera rectè inferuntur, sola prima maior eget probari, probatur autem sic, quia non ideo aliquid erit, quia promittitur, sed ideo potius promittitur, quia erit: Ergo quod promittitur conditionatè, non ideo est conditionatè futurum, quia promissum, sed potius ideo est promissum, seu promittitur, quia erit: Ergo pro priori ad promissionem supponitur conditionatè futurum. Confirmatur, quia saltem cum Deus aliquid revelat, aut comminatur conditionatè, supponitur conditionatè futurum, non enim ideo est futurum conditionatè, quia Deus illud revelat, sed potius Deus illud revelat, quia est conditionatè futurum: Ergo illud pro priori ad relationem est conditionatè futurum: Sed non per aliud, nisi formaliter per decretum obiectivè conditionatum: Ergo pro priori ad revelationem supponitur decretum obiectivè conditionatum.

40 Respondeo, negandò maiorem. Ad cuius probationem, nego antecedens, quia promissio divina, cum ex se sit practica, & factiva rei promissæ, ex se facit rem promissam conditionatè futuram, quando promittit conditionatè, vnde Deus non illam conditionatè promittit, quia illa supponatur conditionatè futura, sed potius illa est conditionatè futura, quia Deus illam promissit, aut promittit, & ideo erit, si ponatur conditio, quia Deus illam promissit, aut promittit sub conditione, vel saltem, quia Deus vult absolutè illam promittere sub conditione, siquidem pro priori ad voluntatem promittendi conditionatè illam, non est conditionatè futura, quia non supponitur voluntas alia conditionata independentem à promissione, quæ sanè otiosa foret, & nullum prorsus effectum haberet, nec in Deo, nec in creaturis.

41 Ad confirmationem, dico, quod si revelatio est purè assertiva, & purè speculativè se habens erga rem conditionatè revelatam, supponere debet eam conditionatè futuram, & similiter comminatio, sed non formaliter conditionatè futuram ex vi decreti formaliter, & immediatè conditionati erga ipsam, sed ex vi determinationis,

& dispositionis in causis secundis formaliter, & radicaliter, seu efficienter ex vi decreti formaliter absoluti erga illam determinationem, & dispositionem in causis secundis; & hæc est doctrina expressa D. Th. *quest. 12. de veritate*, art. 10. & 12. ubi D. Th. ad verificandam prophetiam comminationis, & revelationes comminatorias, recurrit ad futuritionem in causis secundis, seu quia sic erat dispositum, & ordinatum in causis secundis, & nunquam recurrit ad futuritionem conditionatam in causa prima, nec ad decretum conditionatum. Imò notatum habeo, quod D. Th. solo vno loco recurrit sigillatim ad determinationem primæ causæ, ad verificandam futuritionem eorum, nempe in hac 1. *part. quest. 16. art. 3. ad 3.* ubi ait: *Quod ea, quæ sunt, non sequitur, quod semper fuerit verum ea esse futura, nisi quatenus in causa sempiterna fuit ut essent futura, quæ quidem causa solus est Deus.* Vbi valde advertendum est, quod non inquit, quod in causa sempiterna fuerunt futura, sed quod in *causa sempiterna fuit, ut essent futura*, hoc est (potest interpretari) fuit determinatum, ut essent futura in causis secundis. In alijs autem locis semper recurrit generaliter pro futuritione verificanda ad determinationem, & dispositionem in causis secundis. Non tamen inde nego, futuritionem omnino absolutam, & infallibilem, & æternam sitam esse in decreto causæ primæ, quia etiam præfatus textus potest sic interpretari: Quatenus in causa sempiterna fuit determinatum quod essent exitura, seu quod existerent in tempore nobis futuro, vnde cuius decreti ab æterno fuit verum ea esse futura.

42 Obijcies quartò: Sed Deus cognoscit futura conditionata in decreto actu existente in ipso: Sed nò in decreto obiectivè absoluto in quo solù cognoscuntur futura absoluta: Ergo in decreto obiectivè conditionato: Ergo datur in Deo tale decretum. Confirmatur, quia si non datur decretum formaliter, & immediatè conditionatum circa obiectum immediatum, sed tantum virtualiter conditionatum in obiecto absolute volito, quod infract conditionatè aliud, ut explicatum relinquimus, sequitur, quod futurum conditionatum non constituitur formaliter tale per decretum illud, sed per obiectum immediatum illius, ut concessum relinquimus: Sed Deus cognoscit futurum conditionatum in eo, per quod formaliter constituitur futurum conditionatum: Ergo non in decreto conditionato, sed in obiecto, vel in effectu decreti absoluti.

43 Respondeo, distinguendo maiorem: Deus cognoscit futura conditionata in decreto motivè, seu tanquam in obiecto motivo, concedo: Terminativè, seu tanquam in obiecto terminativo, nego maiorem, & minorem, quia dum Deus cognoscit eventum ut futurum conditionatè, aliud est obiectum quod cognoscitur, aliud motivum illud cognoscendi; obiectum cognitum ut quod est even-

tum esse conditionatè futurum, & hoc est, quod terminat eam cognitionem; vnde ubi fuerit formaliter conditionatè futurum, aut in eo, per quod constituitur conditionatè futurum, ibi seu in eo terminativè cognoscitur futurum conditionatè tale; quod autem futurum conditionatè tale constituitur per ordinationem, aut determinationem formaliter conditionatam ad eventum, quæ determinatio solum potest esse obiectum decreti absoluti, & inveniri in causis secundis, aut extra Deum, non verò in Deo, quia determinatio, vel decretum Dei non potest esse formaliter conditionatum; inde est, quod Deus cognoscit futurum conditionatè terminativè non in ipso decreto, sed in determinatione creata formaliter conditionata, quæ est effectus, & obiectum decreti absoluti; sed quia illam determinationem creatam cognoscit motivè in decreto absoluto de illa, inde est, quod futuritionem conditionatam, seu futurum conditionatum vt tale, cognoscit motivè in decreto, tanquam in obiecto motivo, sicut omne creatum, absolute decretatum, & volitum, cognoscit motivè in decreto, & voluntate Dei. De quo vide supra *Disp. 5. q. 6. a. 2. 385.* Ex quo ad confirmationem, cancella maiori, distinguo minorem: Deus cognoscit futurum conditionatum in eo, per quod constituitur conditionatè futurum, terminativè, concedo: Motivè, nego minorem, & distinguo consequens eodem modo. Est dicte, quod Deus cognoscit eventum esse conditionatè futurum in determinatione creata formaliter conditionata de illo, sed id cognoscit motivè in decreto formaliter absoluto, quo decrevit eventum esse determinatum conditionatè, seu conditionatè futurum per illam determinationem creatam.

44 Obijcies quintò: Si ob aliquam rationem repugnaret in Deo decretum formaliter, & immediatè conditionatum, maxime quia nullam inferret mutationem contingentem, nec ex parte Dei volentis, nec ex parte obiecti: Sed hæc ratio plures patitur instantias: Ergo. Minor probatur, quia instatur primò in promissione conditionata. Secundò in scientia libera conditionatorum. Tertiò in decreto absoluto, quod de præsentì est ab æterno, & nullam inferat mutationem in obiecto, nec extra Deum præsentem ab æterno, sed tantum futuram. Ex quo sic arguitur: Scit decretum liberum absolutum præsens ab æterno, quin inferat mutationem absolute præsentem ab æterno, per hoc præcisè, quod inferat mutationem absolute futuram: Ergo stat decretum de facto existens, quin inferat mutationem de facto existentem, sed tantum mutationem conditionatè futuram, seu quæ esset, non quæ de facto sit.

45 Respondeo, negando minorem, & ad instantias, quibus probatur, ad primam dico, promissionem conditionatam ponere mutationem actualem, & absolutam extra Deum, quia impos-

bilis nec ex parte rerum, cum sit purè obiectivè conditionata, & alias implicat Deum aliquid contingenter de facto cognoscere rebus omnibus non aliter se habentibus de facto, ac si de facto illud non cognosceret: Ergo eadem ratione implicat contradictionem scientia media contingens in Deo.

43 Explicatur: Rebus omnibus omnino invariantis de facto, seu eodem modo intrinsicè se habentibus, ac in signo necessariò Dei, & possibilitatis rerum, implicat Deum denominari contingenter determinatè affirmantem, consensum forè præ dissentium, quia cum verumque potuerit esse, nõ est cur ponatur vnum determinatè cõtingenter, potius quam aliud, si nihil de novo variatum sit, aut mutatum: Sed pro priori ad omne liberum Dei decretum nihil contingenter variatur, aut mutatur in rebus absolutè, nec in Deo, sed omnia absolutè invariantia supponuntur: Ergo non est cur Deus contingenter affirmet consensum præ dissentiu, cum vtrumque potuerit esse. Urgetur: Implicat Deum de facto, & absolutè aliquid velle, quod potuit non velle, quin detur de facto, & absolutè aliquid connotatum contingens, quod potuit non dari: Ergo implicat Deum de facto aliquid cognoscere, seu affirmare, quod potuit non affirmare, quia detur de facto, & absolutè, aliquid connotatum contingens, quod potuit non dari. Assigna disparitatem.

49 Respondent, quod, cum Deus affirmat per scientiam mediam futurum conditionatum, verb. grat. *si vocavero Petrum, consentiet*, reperitur ex parte obiecti veritas præsens, consensuens in connexionè præsentis vocationis cum consensu, quæ veritas præsens est connotatum proprium intellectus contingenter affirmantis, quia connotatum intellectus est verum, seu veritas; attamen non invenitur in obiecto conditionato bonitas præsens, quæ solum potest esse connotatum actus liberi voluntatis, quia bonitas consistit inconvenientia obiecti ad appetentem, non vero in connexionè vniuscum alio; & quia talis connexio non est conveniens voluntati, sed solum intellectui, ideo datur connotatum præsens contingens correspondens scientiæ mediæ, sed non potest dari connotatum proprium correspondens actui libero voluntatis.

50 Sed contra est evidenter, quia connexio illa vocationis cum consensu non est necessaria, & essentialis extre mis, sed contingens & accidentalis, alias enim cognosceretur per scientiam necessariam, & non per mediam, & contingenter: Sed implicat aliquid contingens absolutè existere de præsentì ante omne decretum liberum absolutum, quia quidquid contingenter existit absolutè, existit quia Deus voluit

illud existere absolutè: Ergo implicat illam connexionem esse præsentem ante omne decretum liberum Dei: Ergo & connotatum contingens scientiæ contingens ante omne decretum liberum Dei. Explicatur: Cum dicis, quod veritas præsens, consensuens in connexionè præsentis vocationis cum consensu, est connotatum scientiæ contingens, vel sensus est, quod illa veritas, & connexio existit, & datur contingenter absolutè in rerum natura; vel solum quod existit conditionatè, seu esset, & existeret, si poneretur conditio? Si hoc secundum: Ergo de facto, & absolutè nullum datur connotatum contingens in rebus, aut ex parte rerum, nec mutatio illa contingens: Ergo non est cur de facto Deus denominetur absolutè affirmans contingenter, quod potuit non affirmare, cum res omnes absolutè in variata, & immutata permancant, ac si id non affirmaret. Si vero sensus est, quod illa veritas, & connexio existit contingenter absolutè in rerum natura, hoc evidenter est falsum, loquendo ante omne decretum absolutè existens in Deo, quia nihil contingenter absolutè existere potest in rerum natura, antequam Deus velit, seu ante omnem Dei liberam determinationem.

51 Etenim, si vocatio de præsentì connotatur contingenter cum consensu; si verum est de præsentì, quod si Petrus vocaretur connotaretur; si hæc veritas datur de præsentì absolutè, quis reddidit vocationem absolutè, & de facto connexam, potius quam non connexam? quia fecit illud conditionatum de præsentì, seu de facto, absolutè verum præ falso quis reddidit illam veritatem, & connexionem præsentem de facto, quæ potuit manere merè possibilis? Item, quomodo vocatio de præsentì est contingenter connexa, cum potuerit non esse connexa, rebus omnibus absolutè invariantis, & immutatis, & nõ aliter absolutè se habentibus, ac si connexa non esset? Aut quomodo est verum de præsentì, quod potuit esse falsum, rebus omnibus absolutè invariantis, & non aliter se habentibus ac si esset falsum, seu non verum? Certè sicut, rebus omnibus invariantis, purè chimericè, & absque vilo profusus fundamento poneretur, Deum de præsentì velle, quod potuit non velle, potiori ratione, rebus omnibus invariantis absolutè, & de facto non aliter se habentibus, chimericè ponitur, vocationem esse connexam de præsentì, quæ potuit non esse connexa; esse de præsentì verum, quod potuit non esse verum: Deum affirmare de præsentì, quod potuit non affirmare de præsentì, & in universum, omnis denominatio contingens de præsentì, quia implicat aliquid contingenter denominari de præsentì, quod potuit ita non denominari, rebus omnibus re ipsa absolutè invariantis, & non aliter absolutè se habentibus, ac pro priori ad talem denominationem contingenter, ut per se notum.

tum videtur; & vrgent Vazquez, & Alarcon pro negando decreto subiectivè absoluto, & obiectivè conditionato. Vide *Disputat. 5. quæst. 6. d. num. 77. 129. & 186.* quæ ibi opponebamus contra scienciam mediam, nam eadem sunt, quæ opponuntur contra decretum obiectivè conditionatum.

### ADVERTENTIA SPECIALIS pro dictis.

33 **Q**uia voces sæpè variè usurpari solent, advertere dignum putavi ad Alicem huius questionis, quod decretum potest dici subiectivè absolutè dupliciter, nempe, vel ita absolutè in essendo, quia videlicet absolutè, & de facto existens in Deo; vel absolutum in modo tendendi ad obiectum, quia scilicet tendit modo absoluto volendo obiectum; itemque posse dici subiectivè, & ex parte actus conditionatum dupliciter, nempe conditionatum in essendo, quia non est de facto, sed esset; vel conditionatum in modo tendendi, quia videlicet licet de facto existens, tendit modo conditionato ex parte actus, volendo nempe obiectum conditionatè. Igitur Authores, qui affirmant decreta subiectivè absoluta, & purè obiectivè conditionata, absque villo obiecto absolutè volito, non appellant illa subiectivè, & ex parte actus absoluta, quia modo absoluto tendant, & absolutè velint, quia hoc est impossibile ex terminis absque obiecto absolutè volito; sed solum subiectivè, & ex parte actus absoluta in essendo, quia absolutè existunt in Deo, & de facto sunt in voluntate divina, licet tantùm modo conditionato velint obiectum. Nos autem contendimus decretum quodlibet divinum absolutum in essendo, seu absolutè in Deo exercitam, necessariò esse absolutum in volendo, seu in modo tendendi, & volendi, quia implicat velle Dei tendens modo conditionato ex parte actus, propter imperfectiones, quas importat, & quia otiosus esset, & absque omni mutatione in rebus; & in hoc est contradictio nos inter, & illos.

33 Item dupliciter potest decretum dici obiectivè conditionatum, primò, quia modo absolute, seu absolute decernit ex parte obiecti, & signatè, futuritionem conditionatam, determinationem conditionatam, aut existentiam conditionatam, consensus v.g. absolute existere, vel ut absolute exituram. Secundò, quia modo conditionato decernit, aut vult existentiam absolutam signatè, sed exercitè, & ex modo tendendi conditionatam, seu sub aliqua conditione. Contrarij Authores, qui defendunt decreta formaliter conditionata, seu purè obiectivè conditionata absque omni obiecto absolute volito, illa dicunt conditionata hoc secundò modo, non primò, quia li primo modo essent

obiectivè conditionata, volèdo scilicet absolute ex parte obiecti, futuritionem conditionatam existere, aut aliquid esse futurum conditionatè, cum hoc sit aliquid absolute existens de præsentì, iam decretum veller aliquid absolute, & aliquid absolute in essendo, nempe ipsam futuritionem conditionatam, aut rem de facto esse futuram conditionatè, quod est aliquid absolutum in essendo, quia nempe ita est, antequam ponatur conditio. Nos vero hoc primò modo illa admittimus obiectivè seu ex parte obiecti conditionata, quatenus respiciunt pro obiecto ordinem, determinationem, aut futuritionem, absolute quidè in essendo, sed obiectivè conditionatam, v.g. si Deus decernat ordinare naturam humanam ad salutem ordinatione subiectivè absoluta, & terminativè conditionata; aut si decernat, me elicere propositum subiectivè absolutum, & obiectivè conditionatum; aut si decernat, promittere aliquid conditionatè. Hæc enim decreta sunt obiectivè absoluta, & obiectivè etià conditionata; obiectivè absoluta, quia volunt, & decernunt absolute aliquid existere absolute, nempe ordinationem, promissionem, aut propositum, sed quia hoc, quod volunt, & decernunt existere absolute, est quid conditionatum terminativè, vel obiectivè in ordine ad aliud, seu respectu alterius, ideo possunt dici illa decreta ex parte obiecti absolute voliti conditionata obiectivè, aut terminativè, quia obiectum illorum, licet sit aliquid absolute à Deo volitum, & absolute in se exiturum, est aliquid etiam conditionatum in ordine ad aliud, seu tendens formaliter conditionatè ad aliud. Deum autem immediatè velle aliquid purè sub conditione, aut modo conditionato, nihil volendo absolute, seu velle quod aliquid sit si ponatur conditio, non volendo quod aliquid existat independentè ab ea conditione, prorsus implicatorium reputamus, quia implicat quod aliquid sit futurum sub conditione, nisi constitutur tale per aliquid absolute existens ante, & independentè à conditione, & hoc oportet esse absolute volitum, licet illud, medio hoc, conditionatè. Et hæc dixerim, ad vitandas æquivocationes.

Reflabat potissimum argumentum ultimum questionis præcedentis ex voluntate Dei antecedenti salvandi omnes homines, quam esse purè obiectivè conditionatam, contendunt contrarij. Sed talem non esse, iam sequenti questione declarabo.



QUESTIO XI

QVO SENSU VELIT DEVS

omnes homines salvos fieri, & ad agnitionem veritatis venire.

**D**ifficultas est ista gravissima, propter quam duas precedentes præmissimus, & quæ à temporibus Augustini, & controversijs illius cum Pelagianis agitata est; quidam, utebatur illo textu Apostoli. 1. ad Timoth. 2. *Deus vult omnes homines salvos fieri, & ad agnitionem veritatis venire*, ut probarent voluntatē Dei salvandi homines, efficacem, aut absolutam non esse, nec prædestinativam, sed inefficacem, seu resistibilem per liberum arbitrium, & frustrabilem, itaque conditionatam, ut penderet in sui adimplentione à consensu, & determinatione liberi arbitrij, quem, seu quam à libero arbitrio expectaret, ut salvaret de facto hominem; itaque generalem, & communem eam esse dicebant, ut æquæ omnes, & singulos salvare velit, quod autem isti præ alijs salventur, aut non salventur, non ad divinam voluntatem prædestinantem specialiter aliquos, & non alios referendum esse, sed vnicè ad hominis voluntatem, vel illi voluntati conibentem, vel resistentem.

**E** contra autem Div. Augustinus, qui summè propensus fuit semper in efficaciam summam divinæ voluntatis, & absurdum reputabat, dicere, quod Deus, qui omnia, quæcumque voluit, fecit in Cælo, & in terra, aliqua voluerit, quæ non fiant, quia voluntas hominis impedit, textum illum exponere, vel de voluntate efficaci, & absoluta, sed non ita universali, ut comprehenderet singulariter omnes homines, sed vel omnes tantum, qui salvantur de facto, vel omnium Nationum, & statum hominum aliquos; vel de voluntate Dei, non formaliter, sed causaliter, quatenus Deus facit, Sanctos velle salutem omnium; vel quocumque alio modo posse intelligi dicebat, dummodo concedere non cogamur, aliquid omnipotentem voluisse fieri, factumque non esse. Ex quibus Augustini expositionibus, male eius mente percepta, Iansenius singularem doctrinam sæculo proximè præterito evulgavit, quæ Catholicorum pacem, & concordiam perturbavit, & in factiones, turbasque divisit, quæ, adhuc Apostolica Sede agente, vix extingui possunt in partibus Flandriæ, & Galie, licet in nostra Hispania locum discordia illa, & factiones non invenerint. De quo feliciter gloriari potest, licet enim controversia illa Thomistas inter, & Jesuitas de gratia ex se efficaci, & de scientia media, vehementer quidem, sed semper modeste inter Hispaniæ Theologos exerce-

tur constanter, utrique tamen Iansenij doctrinam, Iansenistarumque Theologiam, licet diversis vijs, semper exhorruerunt, & impugnantes. Ut igitur veram, & Thomisticam doctrinam in hac controversia explicemus, aliqua in primis asserta præmittenda sunt, quæ claram resolutionem nostram facere possint.

**EXPLICATUR TRIBVS ASSERTIS distinctio voluntatis divine, in antecedentem, & consequentem.**

**D**ico primò: *Voluntas divina rectè dividitur in antecedentem, & consequentem.* Hoc assertum non aliter melius demonstratur, quam ab autoritate irrefragabili. Etenim hæc divinæ voluntatis distinctionem primus tradidit S. Damascenus lib. 2. *Orthodoxæ Fidei*, cap. 29. Ex quo illam postmodum sumpsērunt M. Sentent. & D. Thom. & omnes Theologi, quin vllus ei distinctioni contradixit. Quia tamen in ea explicanda diversi sunt.

**D**ico secundò: *Voluntas divina non dicitur antecedens ex hoc, quod meritum, aut demeritum nostrorum prævisionem præcedat, nec consequens ex hoc, quod merita, aut demerita nostra prævisa supponat.* Est contra Molinam, & plures Jesuitas sic eam distinctionem intelligentes. Sed contra illos probatur, primò, quia D. Thomas non ita, sed aliter eam explicat, ut statim videbitur. Secundò, quia datur in Deo voluntas antecedens nostra merita prævisa, quæ tamén voluntas consequens dicitur, & non voluntas antecedens. Ergo. Probatur antecedens, quia datur in Deo voluntas prædestinativa, seu electiva prædestinatorum ad gloriam, quæ merita prævisa non supponit, sed ea infert, ut disputat. sequentè constat: Sed prædestinatio (iuxta D. Thom. 1. 2. ad Anibald. dist. 46. quæst. unica, artic. 2. ad 1.) *includit voluntatem salutis non solum antecedentem, sed consequentem*: Ergo datur in Deo voluntas consequens anteverrens merita nostra prævisa. Explicatur: Datur in Deo voluntas efficax, & infustrabilis, quæ vult aliquos perseverare finaliter, & finaliter mereri gloriam, quæ sanè non est ex meritis prævisis, quia perseverantia finalis non cadit sub merito, sed ipsa est meritum vitæ æternæ: Sed hæc voluntas est consequens, & non antecedens, in sensu prædictæ distinctionis: Ergo in sensu prædictæ distinctionis non debet dici voluntas antecedens illa, quæ anteverrit merita prævisa, nec consequens, quæ merita prævisa supponit. Maior negari vix potest, quia adhuc in doctrina scientiæ mediæ negari nequit, quod Deus voluntate speciali feligit aliquibus, & non omnibus, auxilia prævisa efficacia ad perseverantiam finalem; hæc autem voluntas specialis Dei erga illos infustrabilis est, & efficax, saltem

extincta. Minor vero probatur, quia voluntas antecedens in sensu prædictæ distinctionis non dicitur illa, quæ specialis est solum prædestinatis, sed solum illa, quæ communis est prædestinatis, & non prædestinatis, ob hoc enim illa distinctio introducta est, ut verum esse possit, quod Deus voluntate antecedenti vult omnes salvos fieri, non vero voluntate consequenti, nisi solos eos, quos prædestinat: Sed voluntas efficax, & infaustabilis, vel si mavis sic dicere, specialis, quæ specialiter vult aliquos perseverare finaliter, non est voluntas antecedens, sed consequens in sensu prædictæ distinctionis: Ergo.

5 Ex quo dico tertio: *Voluntas divina dicitur antecedens ex hoc quod vult obiectum secundum se, & in universali, præcisè ex parte obiecti à circumstantijs in singulari; dicitur vero consequens ex hoc quod vult obiectum ut hic, & nunc cum omnibus circumstantijs in singulari.* Ita D. Thom. in præsent. artic. 6. ad 1. ubi sic tertio exponit textum Apostoli: *Tertio secundum Damascenum intelligitur de voluntate antecedente, non de voluntate consequente. Que quidem distinctio non accipitur ex parte ipsius voluntatis divine, quia quæ nihil est prius, nec posterius, sed ex parte volutorum.* Ad cuius intellectum considerandum est, quod unumquodque secundum quod bonum est, sic est volutum in Deo. Aliquid autem potest esse in prima sui consideratione, secundum quod absolute consideratur, bonum, vel malum; quod tamen prout cum aliquo adiuncto consideratur, (quæ est consequens consideratio eius), è contrario se habet. Sicut hominem vivere est bonum, & hominem occidi est malum secundum absolutam considerationem; sed si addatur circa aliquem hominem, quod sit homicida, vel vivens in periculum malitudinis, sic bonum est eum occidi, & malum est eum vivere; unde potest dici, quod iudex iustus antecederet vult hominem vivere, sed consequenter vult homicidam suspendi. Similiter Deus antecederet vult omnem hominem salvum, sed consequenter vult quosdam damnari secundum exigentiam suæ iustitiæ.

6 Id ipsum eodem modo exponit in Epist. 1. ad Timoth. cap. 2. Ies. 1. ad prædictum textum Apost. sic inquit: *Alio vero modo secundum Damascenum, ut intelligatur de voluntate antecedente, non consequente.* In voluntate enim Dei, licet non sit prius, & posterius, dicitur tamen voluntas antecedens, & consequens. Item secundum ordinem voluntatum, secundum quod voluntas potest dici, aliter considerari; scilicet in universali, vel absolute; & secundum aliquas circumstantias in particulari; & prius est absoluta consideratio, & in universali, quam in particulari, & comparatæ, & ideo voluntas absoluta est quasi antecedens, & voluntas alicuius rei in particulari est

quasi consequens. Exemplum de mercatore, qui vult omnes merces suas salvare absolute, & hoc voluntate antecedente; sed si consideret salutem mercium per comparationem ad alia, non vult omnes merces suas salvare, scilicet quando cum salute mercium sequitur sumersio navis, & hæc voluntas est consequens. Sic in Deo salus omnium hominum secundum se considerata habet rationem volubilis, & sic eius voluntas est antecedens; sed si consideretur bonum iustitiæ, & quod peccata puniantur, sic non vult, & hæc est voluntas consequens. En ubi D. Thom. explicat distinctionem voluntatis antecedentis, & consequentis, non penes supponere, vel non supponere præscientiam meritum, aut demeritorum, sed solum penes considerationem voliti, vel secundum se, absolute, & in universali, vel cum circumstantijs, comparative ad alia, & in singulari: Sed (ut fateatur P. Vazquez) D. Thom. aptissime intellexit mentem D. Damasceni, qui huius distinctionis Author fuit: Ergo sic est intelligenda, & non ex eo, quod antecedit, vel subsequatur præscientiam meritum.

7 Sed contra obijcies primò ex ipso Damasceno, qui ubi supra, sic ait: *Voluntas antecedens est acceptio Dei ex ipso existens; & consequens est concessio ex nostra causa.* Secundò ex D. Thom. qui in 1. distinct. 46. artic. 1. sic ait: *Voluntas consequens præsupponit præscientiam operum.* Ergo ex Damasceno, & D. Thom. voluntas antecedens est illa, quæ non supponit ex parte nostra causam ullam, seu meritum, seu quæ antecedit merita, & demerita, consequens vero illa, quæ supponit causam in nobis, nempe merita, vel demerita prævisa.

8 Respondet M. Gonet in præsent. Damasceno, & D. Thom. loqui solum de voluntate consequenti dammandi, contrapositive ad voluntatem antecedentem salvandi; non vero universali ter de voluntate antecedenti, & consequenti. Loquendo autè specialiter de voluntate consequenti damnandi, seu punitivæ, verum tenere, quod hæc est ex nostro vitio, & ex nostra culpa, & supponit præscientiam demeritorum. Ex quo tamen non sequitur, quod hoc sit universali ter requisitum ad voluntatem consequentem titulo voluntatis consequentis, nec quod voluntas consequens per hoc debeat explicari, quia prædestinatio iuxta D. Thom. importat voluntatem consequentem salutis, & tamen non præsupponit præscientiam meritum.

9 Sed hæc solutio non est ad mentem D. Thom. Nam D. Thom. ibid. sic ait: *Consideratis autem omnibus circumstantijs persone, sic non invenitur de omnibus bonum esse, quod salventur; bonum enim est, eum, qui se preparat, & consentit, salvari per largitatem gratiæ divine; nolentem autem, aut resistentem non est bonum sal-*

salvari, quia iniustum est; & quia hoc modo se habet aliquid ad hoc quod sit volitum à Deo, sicut se habet ad hoc quod sit bonum, ideo istum hominem sub his conditionibus consideratum, (nempè ut nolentem, & resistentem,) non vult Deus salvari, sed tantum istum, qui est volens, & consentiens, & hoc dicitur voluntas consequens, eo quod presupponit præscientiam operum: Ergo D. Thom. non loquitur specialiter de voluntate consequenti damnandi, aut punitiva, sed etiam, & communiter de voluntate consequenti salvandi, cum inquit, esse consequentem, quia supponit præscientiam meritorum.

10 Vnde aliter respondeo, nempe Div. Thom. non dixisse tantum: *Eo quod presupponit præscientiam operum, sed addidisse, non tanquam causam voluntatis, sed quasi rationem voliti.* Cuius sensus est, quod supponat opera prævisa, non ut præcedencia ipsam voluntatem consequentem salvandi, aut damnandi, sed vnicè ex parte voliti, & ex parte obiecti, ut circumstantiam, & rationem ex parte obiecti, cur salvetur, vel damnetur, seu cur terminet voluntatem consequentem salvandi, vel voluntatem consequentem damnandi. Et ratio est, quia homo v.g. ex parte obiecti potest accipere tripliciter, primò ut homo est præcisè, seu præcisivè à bonis, vel malis operibus, & sic accipitur ex parte obiecti voluntatis antecedentis, qua Deus vult hominem salvari, accipiendo hominem secundum se, & præcisivè à circumstantijs bonorum, vel malorum operum, sicut iudex iustus vult hominem vivere, voluntate antecedenti considerando hominem secundum se. Secundò potest considerari homo ex parte obiecti, ut nolens salvari, & resistentem, & sic iam est obiectum voluntatis consequentis damnandi illum. Tertio potest considerari homo ex parte obiecti ut consentiens, & volens, & se præparans ad salutem, & sic est obiectum voluntatis consequentis salvandi illum. Vnde Deus non vult voluntate consequenti aliquem damnare, nisi accipiendo illum ex parte obiecti ut nolentem, & resistentem salutem, nec vult voluntate consequenti aliquem salvari, nisi accipiendo illum ex parte obiecti, ut volentem, & consentientem salvari. Et quia sic accipere illum non potest ex parte obiecti, nisi ipsum considerando ex parte obiecti, & præcisendo cum circumstantia bonorum, vel malorum operum, ideo D. Thom. dixit, quod *voluntas consequens, supponit præscientiam operum, non ut causam ipsius voluntatis consequentis, ut voluit Molina, & alij sequentes ipsum, sed ut rationem ex parte voliti*, hoc est, ut circumstantiam, cum qua consideratur, & accipitur volitum, & non præcisivè ab ea. Quia autem sit illa præscientia operum, quæ præcedit voluntatem consequentem damnandi, aut salvandi, disputatione sequenti dicemus, & explicabimus, quod non præcedit ut scientia visionis ip-

forum operum, imò nec ut scientia media illorum sub conditione, sed ut præscientia simplicis intelligentiæ, & necessaria, practica in actu primo; quæ per ipsam voluntatem consequentem, & efficacem salvandi, vel damnandi redditur scientia visionis libera ipsorum, & practica in actu secundo. Vnde ipsa opera nunquam præcedunt voluntatem consequentem, ut causa illius, nec prævisa ut existentia, vel absolutè futura, sed tantum considerata per scientiam simplicis intelligentiæ, cuius est proponere voluntati obiectum volendum, ut affectum circumstantiam, cum qua obiectum accipiendum est, ut terminet voluntatē consequentem, & sit obiectum illius perfectè circumstantiatum, & acceptum. Quod suo loco amplius explicabimus, & simul mentem D. Thom.

# COROLARIA NOTATA, digna.

11 **E**X dictis infero cum Mag. Gonet in præsentī, primò, quod distinctio voluntatis Dei in antecedentem, & consequentem non debet intelligi ex parte ipsius voluntatis divinx, quasi sit in Deo duplex voluntas, aut duplex actus voluntatis, unus prior, & alius posterior, quia ut inquit D. Thom. in ea nihil est prius aut posterior; sed solum ex parte rei volitæ, quæ potest considerari, secundum se, & absolutè, & præcisè à circumstantijs, quæ dicitur consideratio antecedens; vel ut hic, „nunc, attentis omnibus circumstantijs, quæ est consideratio consequens.

12 Infero secundò, hanc distinctionem esse adæquatam, quia non est medium ex parte rei volitæ, inter esse volitam ut hic, & nunc attentis omnibus circumstantijs, & inter esse volitam secundum se, & præcisivè ab aliqua, vel aliquibus circumstantijs, quibus attentis, volita non dicatur. Nec enim audiri debet P. Vazquez, qui oppositum tenet, dicens, decretum efficax concurrenti eum voluntate, non esse voluntatem antecedentem, nec consequentem, sed mediam, seu committantem, tunc quia contra communem Theologorum intelligentiam assignat medium inter voluntatem antecedentem, & consequentem, quod nec Damascenus, nec D. Thom. assignavit, tum quia decretum efficax concurrenti hic, & nunc cum voluntate, cum concernat omnes circumstantias concurrentes, ad voluntatem consequentem reducitur, & in illa comprehenditur.

13 Infero tertio, voluntatem antecedentem, respectu obiecti voliti antecedenter, esse voluntatem secundum quid, voluntatem vero consequentem respectu voliti consequenter, esse voluntatem simpliciter. Constat ex Div. Thom. in præsent. artic. 6. ad 1. ubi sic ait: *Neque tamen id, quod antecedenter volumus, simpliciter volumus.*



vult, sed secundum quid; quia voluntas comparatur ad res secundum quod in se ipsi sunt, in se ipsi autem sunt in particulari. Vnde simpliciter volumus aliquid secundum quod volumus illud consideratis omnibus circumstantiis particularibus, quod est consequenter velle; unde potest dici, quod iudex iustus simpliciter vult homicidium suspendi, sed secundum quid vellet eum vivere, scilicet in quantum est homo. Vnde magis potest dici velleitas, quam absoluta voluntas. Et sic patet, quod quid Deus simpliciter vult, sit, sicut illud, quod antecedenter vult, non fiat. Quid clarius? Id ipsum confirmat in 1. dist. 47. q. 1. art. 1. in corp. ubi sic ait: Dicendum, quod quid Deus vult voluntate consequente, totum sit, non autem quidquid vult voluntate antecedente, quia hoc non simpliciter vult, nec perfecte, sed secundum quid tantum. Nec ista imperfectio est ex parte voluntatis, sed ex conditione voliti. Est enim contrarium de voluntate, ac de cognitione speculativa. Cognitionis enim speculativa perficitur in abstractione a singularibus; sed voluntas, & quidquid aliud est ordinatum ad opus, perficitur in particulari; circa quod est operatio: Illud ergo est simpliciter, & perfecte volitum, quod subiacet voluntati secundum omnes particulares conditiones circumstantes ipsum particulare, & hoc pertinet ad voluntatem consequentem: Illud autem quod est rectum, & bonum secundum aliquam conditionem, sive universalem consideratam, non habet rationem voliti simpliciter, sed secundum quid tantum; sicut istum hominem secundum quod homo est, salvari, eo quod natura sua ad hoc est ordinata, non est nisi bonum, & hoc Deus vult voluntate antecedente, secundum quam non dicitur aliquid velle simpliciter, & ideo talis voluntas potest non impleri. Certissimum ergo est, iuxta D. Thomam, quod Deus solum vult secundum quid, & imperfecte ex parte voliti, quod vult voluntate antecedenti; solumque vult simpliciter, & perfecte ex parte voliti, quod vult voluntate consequenti.

14 Infero quartò, voluntatem antecedentem non esse penitus inefficacem, sed esse efficacem eo modo quo est voluntas, nempe secundum quid. Primum patet, quia voluntas antecedens est voluntas libera Dei, liberè enim vult Deus veritates homines salvos fieri, & ad agnitionem veritatis venire, voluntate antecedente: Sed ut ostensum manet *quest. 9.* implicat in Deo voluntas libera purè inefficax, & absque omni effectu ad extra: Ergo. Secundum etiam patet, ex D. Th. qui in 1. dist. 46. q. 1. art. 1. in corp. sic ait: Si ergo in homine tantum natura ipsius consideretur, equaliter bonum est, omnem hominem salvari, quia omnes conveniunt in natura humana; & cum omne bonum sit volitum à Deo, hoc etiam Deus vult, & hoc vocatur voluntas antecedens, quæ omnes homines salvos fieri vult secundum Di-

mascentum. Et huius voluntatis effectus est ipse ordo nature in finem salutis, & promoventia in finem, omnibus communiter propostis, tam naturalia, quam gratuita, sicut potentie naturales, & precepta legis, & huiusmodi. Ergo illa voluntas antecedens non est purè inefficax, sed efficax, quandoquidem tot effectus ex se infert in ordine ad salutem volitam, sed quia non infert ex se quidquid requiritur vsque ad salutis consecutionem, non simpliciter, sed secundum quid dicitur efficax, quia sola illa voluntas ex se est ab intrinseco simpliciter efficax, quæ ex se infert quidquid requiritur ad consummatam obiecti executionem.

15 Infero quintò, illam voluntatem antecedentem non esse formaliter ex parte actus, nec ex modo tendendi conditionatam, sed absolutam: nec item purè obiective conditionatam, quæ nempe nihil absolute velic: posse tamen dici conditionatam ex parte obiecti, quatenus absolute vult ordinare naturam humanam ad salutem, sed ordine non consummato, & absoluto, sed conditionato, quia non accipitur cum omnibus, quæ requiruntur ad perfectam salutis consecutionem: Ita etiam D. Th. in 1. dist. 46. q. 1. art. 1. ad 2. Vbi cum sibi objicisset, quod Deus non vult omnes salvos fieri, voluntate conditionata, quia voluntas conditionata est voluntas imperfecta; sed nihil imperfectum Deo est attribuendum: Ergo. Respondet, dicendum, quod voluntas antecedens potest dici conditionata, nec tamen est imperfectio ex parte voluntatis divine, sed ex parte voliti, quod non accipitur cum omnibus, quæ requiruntur ad rectum ordinem in salutem: Ergo iuxta D. Th. voluntas antecedens non est formaliter conditionata ex parte actus, seu ex parte voluntatis tendentis in obiectum modo conditionato; sed ex parte obiecti absolute voliti, quod nempe accipitur cum aliquibus conducentibus, & ordinantibus ad salutem, sed non cum omnibus quæ requiruntur ad rectum ordinem in salutem, sed potius præcendendo ab aliquibus, vel permittendo, quod deficiant aliqua omnino requisita ad salutis consecutionem, vel mox explicabimus.

16 Infert etiam Mag. Gonet in præfenti, divisionem voluntatis in antecedentem, & consequentem communem esse amoris, & odio, quia sicut possumus distinguere in bono terminante amorem, rationem boni secundum se, & rationem boni cum circumstantiis in singulari, ita in malo terminante odium, possumus distinguere malum secundum se, & malum circumstantiarum in singulari, sicque odium dividere in antecedens, & consequens. Ex quo rursus infert, quod odium universale generis humani propter peccatà originale, potest dici odium antecedens; odium vero reproborum propter eorum peccata personalia, potest dici odium consequens. Item infert, quod

Deus

Deus prædestinato exiſtenti in peccato mortali, vult damnationem voluntate antecedenti, ſed vult illi gloriam voluntate conſequente. Verumtamen hanc doctrinam non admitto, quia eſt multiplex diſparitas, prima quia in Deo non eſt propriè odium, ſicut eſt propriè voluntas, unde numquam ſine addito valdè alienante admitrendum eſt, Deum odio antecedenti proſequi generaliter homines propter peccatum Adami, ſicut voluntate antecedenti vult illos ſalvos fieri, nec velle omnes perire voluntate antecedenti, ſicut vult omnes ſalvos fieri, voluntate antecedenti; hoc enim impietatem redolet, & malè audiet. Secunda eſt, quia Deus nec antecedenter, nec conſequenter vult poſitive, & propriè homines perire, aut damnari, ut ſuo loco dicam, ſed ad ſummum permiſſivè, permittendo eos perire, aut damnari; unde ad ſummum poſſet diſtingui voluntas permiſſiva, ſeu permiſſio in antecedentem, & conſequentem; vocarique permiſſio antecedens, ea qua omnibus generaliter permiſſis damnari, relinquendo in eorum libertate, quod dampnarentur, & perirent, ſi velent, ſeu permittendo in eis potentiam peccandi; permiſſio vero conſequens, ea, qua non ſolum generaliter permittit omnibus potentiam peccandi, & pereundi, ſed ſpecialiter aliquibus hic, & nunc, quod actu peccent, & pereant, & hæc eſt permiſſio conſequens. Sed de hoc infra, dum de impiorum reprobatione.

**EXPLICATUR DISTINCTIO VOLUNTATIS Divina, in voluntatem ſigni, & voluntatem beneplaciti.**

17 **D**ico quarto: *Voluntas divina rectè dividitur in voluntatem beneplaciti, & voluntatem ſigni.* Ita Mag. Sentent. in 1. diſt. 45. & cum eo D. Th. & omnes Scholaſtici, quorum authoritati reſtagari non licet abſque temeritate. Ratio autem huius diſtinctionis eſt, quam aſſignat D. Thom. ſuper Mag. art. 4. *his corp. ſic: Dico, quod Deus poteſt dici, velle aliquid dupliciter. Vel propriè, & ſic dicitur velle illud, cuius voluntas verè in eo eſt, & quod ſibi complacet, & hæc eſt voluntas beneplaciti. Dicitur etiam aliquid velle metaphorice, eo quod ad modum volentis ſe habet, id eſt, in quantum ad extra ſe gerit in effectibus ad modum & ſimilitudinem volentis aliquid, unde ea, in quibus attenditur ſimilitudo ad voluntatem Dei, voluntates eius metaphorice dicuntur, & quia talia ſunt effectus, dicuntur ſigni, ſeu voluntates ſigni: Ergo rectè voluntas Dei diſtinguitur in voluntatem beneplaciti, & voluntatem ſigni, tanquam in voluntatem propriè dictam, & voluntatem impropriè dictam.*

18 **D**ico quinto: *Voluntas ſigni in quinque dividitur, quæ univerſimodo completuntur: Præ-*

*cipit, prohibet, permittit, conſultat, implet. Id eſt, præceptum, prohibitio, permiſſio, conſilium, operatio.* Ita ſimiliter omnes Theologi cum Mag. & D. Th. ubi ſupr. Rationem autem huius diſtinctionis tradit D. Th. Quia ſigna hæc voluntatis divinz aſſignantur illi, ſecundum quod de hominibus, aut rerum humanarum providentiam habet: Sed in hoc ſenſu ſigna voluntatis divinz ſunt quinque numerata: Ergo. Probatur minor, quia ſignum voluntatis divinz ſic acceptæ, vel accipitur ſecundum ordinationem hominum in finem æternæ ſalutis, aut ſecundum executionem ordinis. Si ſumatur ſecundum ordinem in finem, tria ſunt, quibus Deus hominem in finem ordinat, nempe conſilia, & præcepta, quibus directè promovetur, & dirigitur in finem, & prohibitiones, quibus ab impedimentibus retrahitur, & liberatur. Si autem ſumatur ſignum divinz voluntatis ſecundum executionem ordinis, hoc poteſt eſſe dupliciter, primò ſecundum quod poſitive tendit, bonum faciendū, in id, ad quod ordinatum eſt, & hæc eſt operatio, quia Deus in nobis omnia bona operatur, quibus impletur ordo ad ſalutem. Secundò in quantum declinatur ab ordine præſcripto, quæ declinati, & exitus ab ordine, etiam providentiæ ſubiaceat, non ut proviſus, ſed ut permiſſus. Et reſpectu huius eſt permiſſio: Ergo tandem quinque ſunt ſigna voluntatis Dei, nempe, præceptum, conſilium, prohibitio, operatio, & permiſſio.

19 Vel aliter probat D. Thom. reſtitutionem prædictæ diſiſionis brevius, quia vel ſignum voluntatis Dei eſt reſpectu præſentiam, & ſic reſpectu bonorum eſt operatio, reſpectu malorum permiſſio; vel reſpectu futurorum, & ſic reſpectu bonorum eſt præceptum, & ad perfectiora bona conſilium; reſpectu malorum prohibitio: Ergo ſigna illa ſunt tantum quinque enumerata.

20 Sed contra opponit D. Th. primò, quia ſicut voluntas Dei ſe habet ad plura, ita ſcientia Dei: Sed in ſcientia nemo diſtinxit plura ſigna, nec ſcientiam ſigni in plures: Ergo nec debent diſtingui plura ſigna voluntatis, nec plures voluntates ſigni. Secundo, quia omne ſignum, cui non correſpondet ſignatum, eſt ſignum fallum: Sed ſignis enumeratis, quandoque non correſpondet ſignatum, nempe voluntas in Deo, quia Deus permittit mala, ſed mala non vult, præcipit etiam interdum bona, quæ fieri non vult, ut cum præcipit Abraham, quod immolaret filium, quod tamen fieri non volebat: Ergo ea ſigna falſa ſunt: Ergo inepte in eis dividitur voluntas ſigni, alias divideretur in ſigna falſa. Tertiò, quia ſicut invenitur bonum, & melius, ita invenitur malum, & peius: Ergo vel malè erga bonum, & melius aſſignantur duo ſigna, nempe præceptum, & conſilium, vel etiam circa malum, & peius debent aſſignari duo ſigna; quod non fit. Quarto, quia obiectum voluntatis eſt bonum: Sed malum fieri, non eſt bonum

num: Ergo respectu huius non est voluntas signi, nec signum voluntatis. Quinto, quia sicut signa voluntatis respiciunt diversa, & penes ea distinguitur; ita voluntas beneplaciti se habet ad diversa: Ergo vel distinguenda sunt voluntates beneplaciti, vel non debent distingui voluntates signi, aut signa voluntatis:

21 Respondet tamen Div. Thom. ad primum, quod scientia Dei verè, & perfectè est omnium scibilium; voluntas vero Dei non est semper verè, & perfectè omnium volubilium, sed aliquorum est tantum metaphoricè, & improprie, & per similitudinem; & ideo rectè distinguitur penes plures voluntates signi, aut penes plura signa. Ad secundum respondet, quod signum alicuius non semper est signum illius secundum proprietatem, sed in vno potest esse signum rei secundum proprietatem, in alio signum rei secundum similitudinem, & æquivalentiam; vnde punitio, aut vindicta in homine est signum iræ propriè talis; sed in Deo non est signum iræ propriè talis, sed alicuius æquivalentis, nempe voluntatis puniendi, quod non arguit esse signum falsum: Sic ergo signa voluntatis, vt sint vera signa, non semper requirunt, quod significant veram, & propriam voluntatem erga illud, circa quod sunt signa, v. g. quod præceptum significet verà, & propriam voluntatem eius, quod præcipitur, sed satis est, quod significant aliquid æquivalentis, quod per similitudinem sit voluntas illius, nempe voluntatem ipsam præcipiendi, & ordinandi, ac dirigendi creaturam rationalem ad illud; & hæc verè correspondet in Deo, etiam quando propriè non vult illud fieri, quod præcipitur; quia quando Deus præcepit Abraham, quod occideret filium, licet hoc fieri propriè nō volebat, volebat tamen propriè, id præcipere, & ad hoc ordinare voluntatē eius; & hæc voluntas correspondebat pro significato; & sic similiter, permissioni malorum, licet non correspondeat vera voluntas malorum pro significato, correspondet tamen aliquid æquivalentis, nempe voluntas permittendi, seu permissiva malorum, & ideo ea signa falsa non sunt.

22 Ad tertium respondet, quod in ordinando hominem ad finem debent attendi diversi gradus, & status, vnus generalis omnium, qui ad bonum ordinandi sunt, alius specialis, & pauciorum, qui ad perfectum, & melius ordinandi sunt, & ideo distingui oportet præceptum, tanquam signum generale omnibus, voluntatis diuine erga omnes, & consilium vt signum speciale perfectis; sed in exeundo ab ordine, non est ratio distinguendi status, & gradus, quia omnibus generaliter interdicitur exire, & declinare ab ordine, vnde nō est ratio distinguendi duo signa, sed vnum tantum, nempe prohibitio. Ad quartum responderet, quod licet Deus non velit propriè mala fieri, quod rectè probatur; tamen propriè vult fieri id

quod malum dicitur, permittendo ex consequenti, quod malum fiat; & hæc permissio metaphoricè dicitur voluntas, & hanc significat permissio ipsa externa, vnde non est signum falsum, vt ad secundum dictum est. Ad quantum, quod voluntas beneplaciti, licet sit plurium volitorum, non tamen est nisi vna, quia omnia ista vult in vno per se vult, scilicet sua bonitate; atque signa voluntatis diuine sunt in se plura; & ideo rectè distinguitur in plures voluntates signi, sed non voluntas beneplaciti.

23 Et ideo, illi textus Sacre Scripturæ, in quibus pluraliter dicuntur voluntates Dei, exponunt Mag. & D. Thom. de voluntate per modum signi, non de voluntate per modum beneplaciti, vt cū dicitur: *Mirificauit omnes voluntates meas in eis.* Et item: *Magna opera Domini, exquisita in omnes voluntates eius;* his enim multa signa, & effectus voluntatis Dei significantur, licet voluntas Dei, quæ ipse Deus est, sit vna; sicut dum dicitur: *Misericordias Domini in æternum cantabo.* Eccegen: *Iustitia Domini rectè letificantes corda;* non significatur esse in Deo propriæ plures misericordias, aut plures iustitias, sed significantur plures effectus, & plura signa vnius Dei misericordiz, & iustitiz. Item cum hac distinctione exponunt, quo pacto verum sit, quod Deus omnia, quæcumque voluit, fecit in Cælo, & in Terra, & quod voluntati Dei nemo resistere posset, & simul quod alibi in Sacro Texto, dicitur, homines voluntati Dei resistere, & nolē acquiescere voluntati eius; quod quidem fit concilians, nempe, quod omnia, quæcumque Deus voluit voluntate, quæ ipse Deus est, quæ est voluntas beneplaciti fecit; sed nō omnia quæcumque voluit voluntate signi, quæ Deus non est, sed præceptum, vel consilium, &c. & quod hæc homines resistere potest, & resistit sæpè, sed non illi.

#### PRIMA SENTENTIA REFERTVR, & refellitur.

24 HIS iam præmissis, sequitur, vt ad præcipuā difficultatem redeamus, nempe ad exponendum textum Apostoli, quo dicitur: Deus vult omnes homines salvos fieri. In qua quidem plures sunt sententiæ, quarum in primis, quæ falsæ sunt, referendæ, & refellendæ veniunt.

25 Igitur, Iansenius, lib. 9. & 10 de *Gratia Christi*, vt refert Mag. Gonet in *present.* docuit, Deum ante peccatum Adæ, voluisse generaliter omnes homines salvos fieri, verā, sinceraque voluntate generali antecedente, omnes, & singulos homines comprehendente, vi cuius primis parentibus auxilia sufficientia copiosa liberalitate contulit, quibus, si velent, possent saluari, quibus, si velent, damnarentur. Eam enim voluntatē

generalem, & univrsalem, & auxilia ex ea collata, licet sufficientia, ut cum illis solis saluarentur, ponebat tamen quoad efficaciam subdita, aut pendencia ex libero arbitrio. Sed tamen, supposito iam peccato originali, negabat Deum velle univrsaliter omnes salvos fieri, voluntate generali omnes, & singulos comprehendente, quæ vera voluntas esset illos salvandi, ad summum concedens voluntatem quandam infecundam, & nudam, qualem Deus erga damnatos etiam habere concedebat. Tantumquæ admittēbat, Deum serio, & vere velle saluare eos, qui de facto salvantur, sed quos prædestinat ad vitam æternam, ceteros autem, verè, & re ipsa nolle saluare, aut salvos fieri, eisquæ auxilia ad salutem sufficientia verè negasse.

26 Ex quo ulterius asserbat, Christum Dominum non fuisse mortuum pro salute æterna omnium hominum, sed tantum electorum, pro æterna autem aliorum salute, non magis sanguinem fudisse, aut orasse, quam pro salute æterna diaboli. Verba autem illius apud M. Gonet sunt: *Christus pro infidelium in infidelitate morientium, aut infidelium non perseverantium salute, mortuus non est, nec sanguinem fudit, nec se ipsum redemptionem dedit, nec Patrem oravit, immo non magis pro æternæ liberatione ipsorum, quam pro diaboli depræcatus est.* Hanc sententiam omnes Theologi statim horruerunt, & contra illam ex Særo Textu, & SS. Patribus aperto Marte pugnarunt. Vnde.

27 Dico sexto: *Deus vult voluntate antecedente omnes, & singulos homines, etiam post Adam lapsum, salvos fieri.* Probat primò ex textu Apostoli ad Timoth. ubi hoc ipsum expressè asserit, inò & demonstrat. Sic enim ait: *Obsecro primigenium omnium fieri obsecrationes pro omnibus, ut in omni pietate, & honestate vitam agamus, hoc enim bonum, & acceptum est coram Salvatore nostro Deo, qui omnes homines vult salvos fieri, & ad agnitionem veritatis venire.* Vnus enim Deus, unus & mediator Dei, & hominū Christus Iesus, datus semetipsum in redemptionē pro omnibus. Cuius testimonium temporibus suis confirmatum est, in quo posuit sum, & ego prædicator, & Apostolus, & doctor gentium, in fide, & veritate. En ubi expressè asserit, Deū velle omnes homines salvos fieri, & ad agnitionem veritatis venire. Deinde cū dicit, *unus enim Deus, &c.* probat, quod dixerat, (exponit D. Tho.) per rationem. Et sunt tres probationes, una ex parte Dei, alia ex parte hominis Christi, tertia ex parte testium Christi. Primò ergo probat ex parte Dei, quia unus est Deus. Quia nempe, (exponit Caietanus,) ex hoc quod non est, nisi unus Deus, omnium hominum curam illi incumbere manifestatur; & cum sit natura bonus, consequens est, ut omnibus proponat salutem, & agnitionem veritatis. Si namque essent plures dii, cogitari posset, quod unus haberet curam salvandi

aliquos, alius salvandi alios; sed ubi vnus tantū est Deus, illi vni incumbit cura omnium: Vult ergo ipse non tantum aliquos, sed omnes salvos fieri. Item secundo probat ex parte mediatoris. Si enim, inquit Caietanus, essent plures mediatores inter Deum, & homines, existimaretur, quod vnus esset mediator pro quibusdam, & alius pro alijs. Sed ex quo vnus est mediator Dei, & hominum ad reconciliandum homines Deo, illi vni incumbit mediare inter Deū, & omnes homines. Denique ab effectu manifestat Apostolus, quod etiam mediator vult omnes salvos fieri, ex hoc ipso, quod ædificet semetipsum pretium ad redimendū, nō aliquos, sed omnes. Ita Caietanus. Tercio probat à testimonijs, id est, ex testimonio eorū, qui hoc prædicaverunt, & cōfirmaverunt. In quo, inquit, posuit sum, & ego doctor gentium, in fide, & veritate.

28 Nec dicas primò, cum Iansenio, eam volūntatem salvandi omnes intellegendam esse ante lapsum Adam. Contra enim est, quia eo sensu debet intelligi, quo monet Paulus orare pro omnibus: Sed non monet orare pro omnibus in statu innocentie ante lapsum Adam, sed in statu naturæ lapsæ. Ergo eum subiungit ad obligandum: *Hoc enim acceptum est coram Salvatore nostro Deo, qui vult omnes homines salvos fieri, d. b. c.* intelligi, omnes etiam in statu naturæ lapsæ post Adam peccatum. Secundò, quia aliàs non dixisset Apostolus, qui vult omnes salvos fieri, sed qui voluit, quia iam non esset tempus implendi eam voluntatem, sed fuisset, sicut de Angelis damnatis, nemo dicit, quod Deus vult eos salvos fieri, sed quod voluit. Tercio, quia probat ex quo Christus dedit se in redemptionem pro omnibus: Sed non dedit se in redemptionem pro omnibus in statu innocentie, quia in eo statu non erat opus redemptione, sed in statu naturæ lapsæ. Ergo intelligit omnes homines in statu naturæ lapsæ. Mixto alia, quibus evidenter hæc expositio convincitur falsa.

29 Nec dicas secundò, Apostolum loqui de nuda, & infecunda velleitate, seu complacencia, quæ posset velle merè possibilis, ac merè possibilis relinquendo. Contra enim est, quia ea velleitas sic inefficax, & infecunda minime induceret obligationem orandi pro omnibus; Apostolus autem ex eo quod Deus vult omnes salvos fieri, inducit obligationem orandi pro salute omnium; aliàs eadem velleitas induceret obligationem orandi pro deeminibus. Et item, quia quod Christus dedit semetipsum redemptionem pro omnibus non probat solam velleitatem prorsus inefficacem, & infecundam, sed efficacem saltem erga media validissimam, & copiosissimam: Ergo hanc voluntatem testificatur, & probat Apostolus, & non illam infecundam velleitatem.

30 Nec tertio dicas, ly omnes intelligi debere per distributionem accomodam, pro generibus singulorum, non pro singulis generum, ut com dicitur, *omne animal fuit in Arca Noe.* Contra

enim est, quia licet explicando illum textum de voluntate consequente, ita debeat exponi ly omnes, tamen non ita solum debet intelligi, sed etiā, & principaliter de voluntate generali, & antecedente, quæ omnes comprehendat homines in singulari. Tum quia Apostolus præcipit orare, non solum pro generibus singulorum, sed pro omnibus, & singulis generum, ita ut nullus sit, pro quo orare non debeamus, & ad hoc suadendum inducit, quod vult omnes homines salvos fieri: Ergo debet intelligi, quod omnes, & singulos cuiusvis conditionis, & generis. Tum quia Christus dedit semetipsum, non solum pro aliquibus cuiusvis generis, & conditionis, sed pro omnibus etiā, & singulis cuiusvis generis, & conditionis, ut statim videmus: Ergo cum hoc dicat Apostolus ad suadendum, quod Deus vult omnes salvos fieri, debet intelligi, quod vult omnes cuiusvis generis homines salvos fieri. Tum & præcipue, quia de voluntate illa antecedenti omnes cuiusvis generis comprehendente exponunt illum textum Damascenus, & D. Thom. cum Mag. Sentent. & cum eis omnes Scholastici; & temeritate non vacat, tantæ Authoritati contradicere.

31 Confirmarique potest prædicta expositio ex illo Ezechielis 33. ubi iure iurando conestatur Deus sic: *Vivo ego dicit Dominus: Nolo mortem impij, sed ut convertatur impius à via sua, & vivat.* Sanè hic nõ loquitur de homine innocente, sed expresse de impio, nec solum de prædestinato, sed de quolibet, nec exprimit voluntatē purè infæcundā, & per modum simplicis complacētis, sed fecundā, & procurantem quod ille convertatur, & vivat: Ergo huiusmodi Dei voluntas omnes homines, etiā impios, comprehendit.

32 Confirmatur deinde ex SS. PP. Ignatius Martyr Epist. 6. ad Philadelphos, ait: *Amatorē hominū esse Deū nostrū, & velle omnes homines salvos fieri: & ad agnitionem veritatis venire, propter quod, & solem oriri facit super bonos, & malos, super iustos, & iniustos.* Augustinus, quem vnicē Iansenius affectat pro suo sensu, lib. de Spiritu, & Littera, quem scripsit contra Pelagianos, cap. 13. interrogat: *Cur voluntas credendi, si donum Dei est, non omnibus detur.* Et respondet: *Vult quidem Deus omnes homines salvos fieri, & ad agnitionem veritatis venire, non sic tamen, quod eis addimat liberum arbitrium, quo bene, vel male utentes iuste iudicentur; quod cum sit, infideles contra voluntatem Dei faciunt, cum etus Evangelio non credunt.* En ubi evidenter adstruit talem voluntatem salvandī, quæ permittat eos, quos salvare vult, bene, vel male vti libero arbitrio, & iuste iudicari; hæc autem voluntas non est specialis solis prædestinatis, sed generalis omnibus, etiā his, qui malè videntes iustè reprobantur, & contra quam infideles faciunt, dum eius Evangelio non credunt. S. Prosper, Augustini discipulus eximius, in responsione ad secundam ob-

iectionem Vincentij, sic ait: *Sincerissimè credendū est, atque profitendū, Deum velle ut omnes homines salvi fiant, siquidem Apostolus, cuius ista sententia est, absolutissimè præcipit, quod in omnibus Ecclesijs pissimè creditur, ut Deus pro omnibus hominibus supplicetur.* Et in Resp. ad vnicē Gallorum, sent. 8. sic inquit: *Qui dicit, quod non omnes homines velit Deus salvos fieri, sed certum numerum prædestinatorum, durius loquitur, quā loquendum est de altitudine inscrutabilis gratiæ Dei, qui omnes vult salvos fieri, & ad agnitionem veritatis venire.* Et de vocatione gentium, lib. 2. cap. 25. sic similiter ait: *Sive igitur novissimā & templum sæcula, seu prima, seu media, rationabiliter, & pie credendū est omnes homines salvos fieri Deum & velle, semperque voluisse.* Et cap. 28. sic similiter ait: *Fis manifestum, quod manifestis, atque immuneris modis, omnes homines vult Deus salvos fieri. Sed qui veniunt, Dei auxilio diriguntur, qui non veniunt, suā perinatiam relictantur.* Mitto alios PP. idem passim asserentes. Quibus Ecclesia concinit, cum ita publice orat: *Omnipotens sempiternus Deus, qui salvos omnes, & neminem vis perire, respice ad animas diabolica fraude deceptas, &c.* Ex quibus omnibus cōvincitur, absque vlla tergiverlatione, sincerissimè, & absolutissimè profitendum esse, Deum velle omnes homines salvos fieri, & consequenter detestandum esse dogma Iansenij, qui hunc sincerum, & universalem sensum corrumpit.

#### EX REDEMPTIONE CHRISTI verentius probatur assumptum.

33 **E**tenim voluntas redimendi homines non est eos redimendi pro statu innocentæ, ubi redemptioni locus non esset, sed vnicē pro statu naturæ lapsæ. Item voluntas redimendi nullis parcens expensis, nec filio, nec vitæ pro captivo redimendo, nõ est nuda veleitas, & infæcunda, prorsusque inefficax voluntas, sed seria, veraque, & efficax voluntas, saltem ad mediā copiosā: Sed Deus ita hominum salutem vult, quod, ut ait Apost. ad Rom. 8. *Proprio filio suo nõ pepercit, sed pro nobis omnibus tradidit illum:* Ergo omnium salutem vult vera, fecundaque voluntate. Explicatur: Deus serio, & fecunda voluntate vult eos salvos fieri, pro quibus Christus mori voluit, & mortuus est: Sed Christus Dominus non pro solis prædestinatis, non pro solis fidelibus, sed pro omnibus mortuus est: Ergo Deus vult omnes homines cuiusvis conditionis salvos fieri voluntate fecunda, & efficaci, saltè quantū ad mediā promotionē ad salutē. Minor, quā negat Iansenius, probatur ex Sacro Textu, primo ex iā allegato, ubi dicitur, *quod pro nobis omnibus tradidit illi.* Secundo ex illo 2. ad Corin. 5. *Si unus pro omnibus mortuus est: Ergo omnes mortui sunt, & pro omnibus mortuus est Christus, ut qui vivunt, non sibi vivunt, sed ei, qui pro omnibus mortuus est.* Tertiò

ex illo 1. Ioan. cap. 2. *Ipsē est propitiatio pro peccatis nostris non pro nostris autem tantum sed etiam pro totius mundi.*

34 Nec dicas cum Ianfenio, primò, sensum Sacri Textus solum esse, quod mors Christi in pretio, & valore fuit sufficiens ad redimendos omnes, non vero, quod ordinatione Dei, & Christi oblata fuerit pro omnibus. Contra enim est, quia id ipsum non negabat Calvinus, & tamen contra ipsum definit Concil. Trident. *Seff. 6. cap. 3.* quod Christus pro omnibus mortuus fuit. Secundo, quia verba allata ordinationem, & voluntatem redimendi significant expressè, & non solum valorem, & pretium; dicitur enim, quod pro nobis omnibus tradidit illi, quod pro nobis omnibus mortuus est, &c. particula autem illa pro finem indicat, ad quem, & propter quem ordinatur mors Christi, nempe nostram salutem, & redemptionem. Item, quia si solum significaret pretium sufficiens pro omnibus, & non ordinationem, & voluntatem ad redimendum omnes, pariter intelligi posset illi textus de dæmionibus, vt potè cum sanguis Christi sufficiens pretium sit ad redimendos dæmiones, si ad id ordinaretur. Ac denique, quia vt infra videbimus, SS. PP. eos textus exponunt vt significent ordinationem, & oblationem Passionis Christi pro redimendis omnibus.

35 Nec dicas secundo cum eodem Ianfenio, ly *pro omnibus* intelligi debere per distributionē accomodam, id est, pro generibus singulorum, non pro singulis generum. Non inquam, quia Apostolus probat, quod omnes mortui sunt, quia vnus pro omnibus mortuus est: Sed quod omnes mortui sunt, intelligitur euidenter de omnibus, & singulis generum distributione completa: Ergo & quod Christus pro omnibus mortuus est. Tum etiam, quia tam repetita vniuersalis *pro omnibus*, maiorem vniuersalitatem significat, quam incompletam, nempe completam, & pro singulis generum.

36 Denique, quia SS. Patres, huiusmodi expositiones non admittunt. Vnde Nazianzenus *Orat. 2. 5.* sic ait: Omnes, citrà vllam exceptionem, instantati sumus per celestem Adamum, qui pccati Adæ participes fuimus. Chriftof. *homil. 4. in cap. 2. Epist. ad Hebræos*, sic ait: Non pro Fidelibus tantum, sed pro vniuerso mundo, *ipse enim pro omnibus mortuus est.* Epiphanius *Hæres. 5. 5.* sic ait: Pro toto quidem mundo se obtulit ipse vltima, ipse Sacrificium, ipse Sacerdos, ipse Altare, ipse Deus, ipse Homo, ipse Rex, ipse Pontifex, ipse Deus, omnia in nobis pro nobis factus est, vt nobis omnibus, omnibus modis vita fieret. Ambrosius *serm. in Psalm. 118. vers. 64.* sic ait: Mystricus Sol ille iustitie omnibus ortus est, omnibus venit, omnibus passus est, & omnibus resurrexit. S. Leo Papa *serm. 11. de Passione*. sic fatetur: Pro

omnibus impijs mortuo Domino, etiam Iudas in eo potuisset consequi remedium, si non festinasset ad laqueum. Euseb. 1. de Natiuitate Domini: Dominus noster peccati, mortisque destructor, sicut nullum a rectis liberum reperit, ita liberandis omnibus venit. S. August. in Psalm. 95. *Iudicabit orbem terrarum in equitate: Non ergo partem iudicabit Christus, quia non partem emitt; totum iudicare habet, quia pro toto sanguinem dedit.* Ec lib. 2. de Symbolo ad Cathecum. sic reprobus aliquitur: *Videte vulnera, quæ inflixisti, agnoscite latus, quod propugisti, quod & per vos, & propter vos apertum est, nec tamen intrare voluisti.*

37 Id ipsum Laurent. Iustinianus ligni vitæ *cap. 4.* sic exprimit: *Vt appareat, quod iustissime reprobi sunt damnati, ad quos Dominus letus in spiritu, sic loquatur: Ego propter vos factus sum homo, propter vos alligatus, consputus, delusus, flagellatus, & crucifixus. Vbi est tantarum mearum fructus iniuriarum?* August. iterum *Psalm. 68. de iuda proditore*, sic loquitur: *Proiecit enim pretium argenti, quo ab illo Dominus venditus erat, nec agnouit pretium, quo ipse à Domino redemptus erat, ibid.* etiam aperte testatur, quod sitis Christi Domin. in Cruce fuit desiderium de salute inimicorum, quorum plures erant reprobi: *De Cruce*, inquit, *eum diceret sitio, fidem illorum querebat, pro quibus dixerat, Pater ignosce illis, quia nesciunt, quid faciunt.* Vnde Bernard. de Passione cap. 13. *Desiderium*, inquit, *ardentissimum salutis nostre ipsum credimus situisse.* Ec D. Thom. in cap. 19. Ioan. *lect. 3.* *Per hoc quod dicitur sitio ostenditur eius ardens desiderium de salute generis humani, in cuius confirmationem adducit illud ad Timoth. 2. Vult omnes homines saluos fieri, & subiungit: Vepemens autem desiderium consueuimus exprimere per sitim.* Sic etiam exponitur ab alijs PP. Decem August. *serm. 4. de Sanctis*, sic ait: *Quando Christus in Cruce pendens orabat, videbat, & praevidebat omnes inimicos, sed multos ex illis futuros amicos praevidet, & ideo omnibus veniam poscebat.* Hæc & plura alia SS. PP. qui omne tergiversationem prorsus excludunt; quorum verba, licet apud alios passim habeantur, prætermittere non licuit, ne in hoc opere deficerent, potissimè cum Patrū traditio locus theologicus sit, vnde theologicæ conclusionis deducendæ sunt.

38 Nec admittenda est euasio Ianfenij dicentis, Christum pro reprobis mortuum dici, quia pro pluribus mortuus est, vt baptismum, vel gratiam pro tempore acciperent, non vero vt ad salutem pervenirent æternam. Contra enim est, primò, quia sic non explicat, quod pro omnibus mortuus sit; quod est cardo difficultatis. Secundo, quia in contra est D. Thom. in cap. 8. *Epist. 1. ad Corinth. super hæc Apost. verba: Peribit*

*infirmus in tua scientia, pro quo Christus mortuus est*, quod sic interpretatur: *Propter quem salvandum Christus mortuus est*. Tertiò, quia baptizatus, & gratia pro tempore recepta per se ordinantur in vitam æternam, & est ius, ac semen vitæ æternæ ad ipsam ordinatum. Ergo implicat Christum mortuum esse propter eam gratiam illis conferendam, nisi etiam propter vitam æternam illorum, ad quam per se ordinat gratia, & propter quam à Deo confertur. Demum: Quia vel hoc sufficit, ut verè, & sincerè dicatur, Deum pro salute illorum mortuum esse, vel non? Si non: Ergo non salvat S. Scripturæ, & PP. testimonia, qui hoc expresse, ac sæpissimè inculcant. Si sufficit: Fareatur ergo sincerè, & absque tergiversatione, quod Christus pro omnium salute mortuus est, quod ut omnes salvaret dedit semetipsum pro omnibus, attenta videlicet voluntate generali, & antecedenti.

39 Plura sunt fundamenta, quibus contra Iansenium militant Theologi, aliqua insinuat. Primum sit, quia omnes credere tenemur Fide divina in Symbolo Nizeno, illum articulum: *Qui propter nos homines, & propter nostram salutem descendit de Cælis, &c.* Sed nemo tenetur credere Fide divina se esse prædestinatum: Ergo independentè ab eo, quod quis sit, vel non sit prædestinatus, credere tenetur, quod Christus propter ipsum, & propter suam salutem descendit de Cælo, incarnatus, & mortuus est: Ergo de Fide divina est, Christum pro omnibus mortuum esse, independentè ab eo, quod sint, vel non sint prædestinati, & consequenter etiam pro non prædestinatis.

40 Secundum est; quia charitas Christi non debet poni magis limitata, quam charitas Sanctorum, & Ecclesiæ. Sed Sancti, & Ecclesiæ volunt generaliter omnes salvos fieri, & orant pro omnibus, & offerunt Passionem, & mortem Christi pro omnibus: Ergo multo magis Christus Dominus, ne eius charitas limitatior sit, & ad pauciores extensa, quam nostra. Minor patet ex ipsa praxi Ecclesiæ, & SS. orantium pro inimicis, & peccatoribus, immo & pro infidelibus, & paganis indifferenter.

Tertium, quia si Christus non credatur mortuus generaliter pro omnibus, nec Deum velle omnes salvos fieri, jurant fundamenta Spei Theologiæ: ut enim August. *lib. Meditat. cap. 14* ait: *Omnis spei, & totius fiducia certitudo mihi est in præstigio sanguinis Christi, qui effusus est propter nos, & propter nostram salutem*: Si ergo Christus non pro omnibus, sed tantum pro aliquibus, de quibus incerti sumus, mortuus est, non erit certum fundamentum spei, & fiduciæ.

Mitto alia.

## SOLVUNTUR OBIECTA.

41 **O**bjicit primò Iansenius. ex illo *Marth. 26. Hic est sanguis Novi Testamenti, qui pro multis effundetur in remissionem peccatorum*. Si pro multis: Ergo non pro omnibus. Respondetur tamen, quod ly *pro multis*, non excludit, quod pro omnibus; in d. aliquando in Sacro-Textu, idem significat *multi*, ac omnes, ut cum Apost. ad Roman. 5. ait: *Sicut per inobedientiam unius hominis peccatores constituti sunt multi, ita & per unius obedientiam iusti constituuntur multi*: Non enim multi tantum, sed omnes constituti sunt peccatoris per inobedientiam Adami. Secundò, si ly *pro multis*, intelligatur cum restrictione, illud exponit D. Thom. ibid. dicens: *Sanguinem Christi fufum esse & pro omnibus, & pro multis. Quia si consideretur sufficientia, ipse est propitiatio pro peccatis nostris, ad pro nostris autem tantum, sed etiam pro totius mundi; sed si consideretur efficacia, effectum non habet, nisi in his, qui salvantur, & hoc ex culpa hominum*. Vel dicatur, voluntate speciali, & consequenti, quæ propriè, & simpliciter est efficax, fufum esse tantum pro multis: Sed attenta voluntate antecedenti, & generali, quæ tantum inchoative, & secundum quid est efficax ad salutem, mortuum esse pro omnibus, & hæc est vera expositio, & concordia Evangelij.

42 Obijcit secundò, quia Christus non oravit pro omnibus, sed solum pro prædestinatis, ut constare videtur ex illo Ioannis 17. *Non pro mundo rogo, sed pro his, quos dedisti mihi*. Quod exponit August. eo sensu, ut solum pro prædestinatis orasse intelligatur, non pro reprobis, & D. Tho. sic etiam exponit: *Non pro mundo*, id est, non pro mundi dilectoribus. Et 3. part. quæst. 21. artic. 4. ad 2. asserit, Christum non orasse pro omnibus crucifixoribus, neque etiam pro omnibus, qui erant credituri in eum, sed pro his solum, qui erant prædestinati, ut per ipsum vitam consequerentur æternam: Sed Christus solum mortuus est, pro his, pro quibus oravit: Ergo non est mortuus pro omnibus. Respondet, Christum Dominum interdum potuisse considerare genus humanum, seu homines generaliter, & universaliter, & quod esset bonum eos salvari, & ad agnitionem veritatis venire, secundum se; & ex hac consideratione, quæ est consideratio antecedens, velle antecedenter, & generaliter omnes salvos fieri; & interdum etiam distinguendo inter homines, & homines, secundum ordinem divinæ providentiæ, & iustitiæ, specialiter affici erga aliquos in singulari, & voluntate speciali; & consequenti velle illos salvari, & pro illis salvandis efficaciter orare. Illa prima oratio, ut potè generalis, & ex sola voluntate antecedente, erat pro omnibus; hæc secunda, ut potè spe-

specialis, & consequens, erat pro multis, quos specialiter eligebat, & diligebat. Illa prima solù erat efficax ad media communia, & generalia, & indifferentia, permittentque aliquos non salvari, aut non acquiescere; secunda, erat etiam efficax, ut acquiescerent, & infallibiliter salvarentur. Qua distinctione rectissimè conciliantur loca Evangelica, in quibus Christus Dominus interdum rogat pro mundo, ut mundus in eum credat; interdum, non pro mundo; interdum pro omnibus, interdum solùm pro aliquibus, seu pro prædestinatis. At negata illa voluntate generali salvandi omnes, explicari non possunt.

43 Obijcit tertiò alijs testimonijs, in quibus dicitur, quod Christus non perdidit quemquam ex his, quos dedit illi Pater, ex quo videretur sequi, nullum ex reprobis datum fuisse Christo, ac per consequens nec illorum curam ad Christum pertinere. Et confirmat ex Concilio Valentino, 3. cap. 4. ubi dicitur: Christus non est mortuus pro his, qui in impietate mortui erant ante passionem eius: Ergo saltem pro illis non oravit. Secundò ex Augusti. *Epist. 2. ad Evodium*, ubi ait: *Non perit vnus ex his, pro quibus Christus mortuus est.* Et *serm. 8. Natalis S. Vincentij*, sic ait: *Christus non perdit, quos emit sanguine.* Respondetur tamen ad hæc, & similia loca, quod debent conciliari cum alijs, in quibus dicitur Christus Redemptor universalis omnium hominum, & quod venit omnes redimere, & quod omnia tradita sunt illi à Patre, & quod dedit illi hereditatem omnes terminos terræ, &c. & quod non partem emit, sed totum, ut aiebat suprà August. Ut autem omnia conciliari rectè possint, distinguere oportet redemptionem Christi, ut primo generalem, & inchoatam, ex voluntate generali, & antecedenti omnes redimendi, & quantum ad sufficientiam mediatorum; & hoc pacto verum est, quod omnes emit, & redemit suo sanguine, quantum ad sufficientiam mediatorum, & inchoatè in causa sufficienti, ut eis imputaretur ad culpam, si non acquiescerent, & non salvarentur. Secundò redemptionem Christi ut specialem, & consummatam ex voluntate consequenti, & speciali erga aliquos, & plures determinatos, quibus voluit efficaciter applicare redemptionem illam generalem, & quod medijs ex illa oblatis acquiescerent, & re ipsa consummatè salvarentur. Et hoc secundo modo intelligitur propriè, consummatè, & simpliciter illos redimere, & pro illis mori, & orare. Igitur loquendo de Redemptione consummata, & simpliciter tali, verum tenet, quod ex his, quos dedit sibi Pater pro sanguine effuso, seu ex his, quos emit sanguine, nomen perdidit, & quod non perit vnus ex his, pro quibus Christus voluntate consequenti, & speciali mortuus est. Sed loquendo de redemptione generaliter sumpta, & ut ex voluntate antecedenti inchoata in medijs

generalibus, seu generaliter omnibus propofitis, verum tenet, quod omnes emit, & redemit sanguine suo, adeò, ut vel ipsum Iudam emisse, aut redemisse dicatur, ut supra vidimus ex Augustino; & ex redemptis hoc sensu, plures prebent, nam ut supra vidimus ex Apoll. *Peribit infernus in tua scientia, pro quo Christus passus est*; licet non pereant culpa Redemptoris, aut ex defectu redimentis, aut volentis redimere, nec ex violentia illi illata ab aliquo præpotente; iuxta illud Iann. 10. *Nemo rapit oves meas de manu mea*; sed ex culpa propria eius; qui non redimitur, quia medijs generali oblati, & propofitis acquiescere noluerit, ipso tamen Redemptore, & Salvatore liberè permittente, ut infra explicabimus. Et sic omnia conciliantur, secus autem negata illa voluntate antecedenti, & generali redimendi omnes.

44 Denique opponit Iansenius August. qui etiam si sæpè incidit in locum illum Pauli ad Ti. 2. *Vult omnes homines salvos fieri*, nunquam tamen illum exposuit in sensu illi univèrsali, sicut nos. Vnde lib. 4. *contra Iulian.* cap. 8. de *Corrupt. & grat.* cap. 14. & de *Prædict. SS.* cap. 8. exponit illum locum per distributionem accommodatam, ita ut sensus sit, *nullum hominum fieri saluum, nisi quem saluum fieri velit, non quod nullus sit hominum, nisi quem velit salvari.* Sicut cum dicitur de aliquo puerorum Magistro, quod docet omnes pueros velle, vel civitates, sensus non est, nullum esse puerum in civitate, quem non doceat; sed quod nullus est, discens, nisi quem ille doceat, id est, quod docet omnes qui discunt, non tamè omnes absolute, quia non omnes discunt. Quo sensu exponi potest illa Ecclesiæ oratio: *Omnipotens æternæ Deus, qui salvos omnes, omnes tempè, qui salvatur, nam alios re ipsa non salvat.* Secundò in Enchirid. cap. 105. sic exponit: *Aut certè sic dictum est, qui omnes homines vult salvos fieri, non quod nullus hominum esset, quem saluum fieri noluit, qui virtutes miraculorum facere noluit apud eos, quos dicit auctores fuisse penitentiam, si fecisset. Sed et omnes homines omne genus humanum intelligamus per quascumque differentias distributum: Reges, privatos; nobiles, ignobiles; sublimes, humiles; doctos, indoctos; integri corporis, debiles; ingeniosos, tardicordes; saturos, divites, pauperes, mediocres; mares, feminas; infantes, pueros, adulescentes, iuvenes, seniores, senes; in linguis omnibus, in professionibus omnibus; in voluntatibus, & conscientiarum varietate innumerabili constitutos, etsi quid aliud differentiarum est in hominibus.* Et sic per distributionem incompletam accipiendo omnes pro generibus singulorum, & non pro singulis gentium, exponit quod Deus vult omnes salvos fieri. Eodemque modo Mag. Gregorius in 1. Reg. lib. 5. exponit, dicens: *Omnes quippe homines vult salvos fieri, quia de omni ge-*



*vere hominum eligit, quos ad gaudium eterne felicitatis trahit.* Tercio exponit August. lib. de *Corrupt. & grat. cap. 15.* illum rectum vniuersaliter quidem, sed in sensu casuali, quatenus Deus facit Sanctos velle, & procurare omnium salutem, & monuit predicare Evangelium omni creaturæ, & baptizare omnes, qui crediderint: Aliter autem Augustinus ea Apostoli verba non exposuit. Ergo nec aliter exponenda sunt.

45 Ad hoc argumentum P. Vazquez, & Petavius apud Mag. Gonet in præsent. respondent, Augustinum non recte exposuisse locum illum Pauli, & eius expositiones ad eludendum magis excogitatas, quam certas, & solidas esse. Sed hanc responsionem ipse Mag. Gonet remercitaris arguit, contra ingentem Augustini auctoritatem in materia de gratia, & prædestinatione, & contra alios PP. quos eodem pacto ac Augustinus, locum ipsum Pauli exposuisse refert. Imò & contra D. Thom. qui expositionem Augustini approbat, intellectionem de voluntate consequenti salvandi.

46 Unde cum Div. Th. respondendum est, quod Augustinus loquitur de voluntate consequenti, seu de velle consequente, id est, omnibus circumstantiis consideratis, quod tantum est velle simpliciter; & hoc pacto locus Pauli, intelligendo ipsum de voluntate consequenti, & de velle simpliciter, exponi debet, prout exponitur ab Augustino; nec aliter debet exponi. Attamen hoc non tollit, quod etiam debeat exponi, vt à Damasceno exponitur, de voluntate antecedenti, vi cuius Deus, attenta præcisè natura, & genere humano, secundum se, quo sensu æqualiter bonum est omnem hominem salvari, velit generaliter, & æqualiter omnem hominem saluum fieri, providendo generalia media prouidentia generaliter omnes ad salutem; vi cuius voluntaris, & prouidentie generalis solius, certè nullus salvabitur consummate, nisi Deus voluntate consequente, & speciali, & speciali prouidentia, voluerit saluare, nec nullus damnabitur, nisi qui, Deo liberè permittente permissione consequenti, sua culpa non acquiescit auxilijs generalibus, & voluntati generali antecedenti. Quod amplius infra explicandum est.

47 Si vero inquiras, cur Augustinus eum locum Pauli numquam exposuit de voluntate antecedenti, & generali. Negandum est suppositum, quia lib. de *spiritu, & littera, cap. 3.* vt supra vidimus, ad omnes extendit, etiam ad infideles, eam voluntatem, atque, infideles, dum Evangelio non credunt, contra illam Dei voluntatem facere; quod intelligi nequit nisi de voluntate antecedente. Præterquam, quod cum exponit illam casualiter, intelligendo quod Deus facit Sanctos velle, & procurare salutem omnium, illam intelligit cum perfecta vniuersalitate; & cum alias non possit intelligi, quod Deus facit Sanctos pro-

curare omnium salutem, nisi quatenus vult formaliter omnibus predicari Evangelium, omnibus proponi media generalia, & omnes promovere generaliter, & ordinare ad salutem æternam, quæ voluntas absdubio est voluntas generalis omnes salvandi, licet non vltimo consummata, perfecta, & simpliciter talis, quia restat alia, consequens, specialis, discreta, seu prædestinativa electorum, & permissiva cæterorum, vt infra explicabimus.

## SECUNDA SENTENTIA REFELLITUR.

*Et ostenditur voluntatem antecedentem extendi ad infantes omnes.*

48 S Econdo alij, licet admittant voluntatem illam antecedentem, & generalem, dicunt tamen eam non comprehendere parvulos, qui decedunt sine baptismo. Vnde aiunt, locum illum Pauli exponendum esse quasi dicat, quod Deus vult omnes baptizatos, & ex nō baptizatis omnes adultos saluos fieri, & ad agnitionem veritatis venire, non tamen infantes non baptizatos, vel saltem illos, qui sine baptismo decedunt in vtero materno, eo quod nullum percepissent auxilium, quo ad vitam pervenire potuerint; vnde consequenter dicunt, quod pro his Christus mortuus non fuerit, adhuc voluntate antecedente. Et Gregorius Ariunensis, & P. Vazquez, & novissimè Eminentiissimus Cardinalis Cælestinus Ströndatus in suo *Prædestinationis Noto dissoluto*, qui part. 1. §. 1. num. 2. ait, quod si voluntatem Dei antecedentem consideres: Quantum ex parte Dei est, omnes ad vitam æternam, aut aliquid quod vita æterna melius sit, vt de infantibus baptismo non tinctis postea dicemus, destituti sunt. Et num. 13. Fatendum tamen quia nunquam parvulis ante baptismi sublati. Deus æternam vitam voluit istos ad alium finem, classemque prouidentia pertinere. Et n. 23. ad finem, ait: In hac parvulorum causa considerandum est, licet Deus ad cælestem gloriam non eos admiserit, alio tamen multoque maiori beneficio affecti se, quod illi ipsi longè cælo pratulissent, & nos quoque si electio daretur, multo maioris pretij, quam cælum duceremus. Quid ergo (prosequitur) conqueri de Deo possunt, aut quid ipsi mali fecit, si non quidem Cælo, sed alio beneficio donavit, quod multo præstantius Cælo est. Quod si Deus id egit, quod & ipsi, & nemo alius non optaret. Ergo nulla dolendi, nulla conquerendi, sed magna laudandi, gratesque agendi causa est. Contra hanc igitur sententiam, quatenus parvulos non baptizatos ab illa generali voluntate, & prouidentia excludit.

49 Dico septimò: Deus vult voluntate antecedente omnes homines saluos fieri, compre-

hendendo etiam infantes, ex quo in originali peccato animati sunt, seu ex quo homines, seu natura humana particeps sunt. Hac conclusio meo sensu non minus certa debet esse, quam precedens, quia eisdem testimonijs Sacri textus, & SS. PP. comprobatur, quibus locum Apostoli exponunt, cum distributione completa intelligunt ly omnes homines. Et quidem Apostolus iubet orare pro omnibus, quia Deus vult omnes salvos fieri. Sed Ecclesia non solum orat pro baptizatis, sed etiam pro infantibus non baptizatis, seu ante baptismum, dum eos catechizat. Ergo quia Deus vult etiam illos salvos fieri. Secundo, quia ex quo concepti sunt, primi Adæ particeps iunt: Sed ut vidimus ex Nazianceo, omnes citra ullam exceptionem instaurati sumus per celestem Adamum, qui primi Adæ particeps fuimus: Ergo & parvuli ex quo concepti sunt, in Christo, ut in causa, instaurati sunt. Ergo Christus etiam pro ipsis venit, etiam pro ipsis mortuus est. Tertio ex illo S. Leonis Papæ: Sicut nullum à reatu liberum reperit, ita liberandis omnibus venit. Et ex illo Prosperi: A quorum numero si aliquis liber inventus est, non est pro omnibus mortuus Christus: Sed prorsus pro omnibus mortuus est: Sed Christus parvulos liberos à peccato non invenit: Ergo illis liberandis venit: Ergo pro illis mortuus est. Quarto ex Concilio Cæsariensi celebrato ann. D. 846. cap. 4. ubi dicitur: Christus Dominus noster, sicut nullus homo est, fuit, vel erit, quia in illo natura assumpta non fuerit, ita nullus est, fuit, vel erit homo, pro quo passus non fuerit, licet non omnes passionis eius in se inferio redimantur: Sed nullus est parvulus, aut infans, cuius natura à Christo assumpta non fuerit: Ergo nullus est, pro quo Christus passus non fuerit. Ac denique ex illo Apost. Sicut in Adam omnes moriuntur, ita in Christo omnes vivificabuntur. Et illud: Vbi abundavit delictum, superabundavit, & gratia: Mirum enim esset, quod peccatum Adami ad omnes, etiam parvulos, maculandos, & regno privandos, de se sufficiens fuerit, & gratia Christi ad omnes liberandos sufficiens, aut destinata non fuerit.

50. Secundò à ratione probari potest. Nam ex lege Evangelica, & iure divino tenentur Parentes curare, ne filij decedant sine baptismo: Sed hæc lex supponit essentialiter in Deo voluntatem antecedentem, & generalem eos liberandi: Ergo Minor patet, nam si Deus non vellet antecedenter eos baptizari, aut sine baptismo non mori, non obligaret parentes, nec eis inponeret curam, ut sine baptismo non decederent.

51. Secundò, & urgentius: Deus voluntate antecedenti vult salvari eos omnes, pro quibus instituit Sacramentum salutis, quale est Sacramentum baptismi in lege gratiæ, & circumcisio in lege veteri: Sed hæc Sacramenta instituit pro omnibus infantibus, & non solum pro adultis: Ergo

vult voluntate antecedente infantes omnes salvari.

52. Dices cum P. Vazquez, quod hæc Sacramenta instituit pro omnibus infantibus, quibus humano diligentia applicari potuit, & hos baptizari, & salvari vult, & iubet ex voluntate antecedenti; sed non eos, quibus humana diligentia applicari non potuit, ut sunt illi, qui decedunt in utero materno, in quo sunt incapaces baptismi. Sed contra, quia in primis etiam lex Evangelica obligat parentes ut curent pro posse eos infantes in lucem edi, & prohibet abortum, non solum titulo vitandi homicidij, sed titulo etiam eos salvandi, & liberandi à peccato originali; unde ait in Evangelio finite parvulorum venire ad me: Ergo etiam dum sunt in utero materno habet Deus providentiam, & voluntatem antecedentem ut salventur. Secundo, quia si quando nulla diligentia humana potuit infans baptizari, hoc non probat Deum non habuisse, aut non habere voluntatem antecedentem ipsum salvandi, quia cum voluntas antecedens præscindat à circumstantijs, & solum respiciat obiectum secundum se, & in universali, satis est, quod præscindendo ab accidentibus raris, naturæ secundum se, & per se loquendo sit possibile omnes infantes baptizari, & salvari, ut id Deus velit voluntate antecedenti: Sed per se, & secundum se loquendo possibile est, & bonum, infantes baptizari, & salvari: Ergo id Deus vult voluntate antecedenti, licet per accidentem, & consequenter propter aliquod impedimentum naturæ, id aliquando impossibile fiat.

53. Dices secundo, cum Eminētissimo Sfrondato, Deum quidem erga infantes non baptizatos providentiam habere, sed aliam ab ea, qua baptizatos, & adultos vult salvos fieri. Siquidem licet eos ad celestem gloriam non admitteret, alio tamen multoque maiori beneficio eos afficit. Sed contra est, nam hæc doctrina, & nova, & absurdissima sanè est, & à veritate, & communi PP. & Theologorum sensu remotissima, dignaque plane ut superiiori iudicio libretur. Quod autem ad me spectat, in primis noto in eius libri doctrina, quod §. c. num. 2. inquit, voluntatem antecedentem eam esse, qua quantum ex parte Dei est, omnes ad vitam eternam, aut aliquid quod vita æterna melius sit, destinati sunt, eo videlicet, quia infantes baptismi non tincti, attenta voluntate antecedente, si non ad vitam æternam, tamen ad aliquid melius vita æterna destinati sunt: Ergo parvuli spectant ad illam voluntatem antecedentem, non ut consequantur vitam æternam, tamen ut consequantur aliquid ea melius: Ergo cum postea num. 13. ait, eos ad alium finem, classis, que providentia pertinet, sibi contradicere; nam vel eos comprehendit sub illa voluntate salvandi omnes, vel eos ab ea excludit? Si illos excludit: Ergo ex illa non sunt destinati ad aliquid melius

Vita æterna, ut suprà dixerat: Si illos includit. Ergo spectant ad illam voluntatem antecedentem, & consequenter ad eam providentiam. Dicit forsan, spectate quidem ad eam providentiam, sed ad distinctam classem eiusdem providentiam. Sed contra est, quia providentia generalis ex vi voluntatis antecedentis ex se non distinguit classes, nec fines, sed est una pro omnibus, & in ordine ad eundem finem: Ergo inepèd in illa distinguuntur classes, & fines. Sed quidquid sit de hoc.

54 Falsum etiam est, eos destinari ad aliquid melius vita æterna. Primum, quia absurdum est, & inauditum, quod sit aliquid melius vita æterna. Secundò, quia licet esset, non minus absurdum, & inauditum esset, infantes non baptizatos ad illud destinari, & illud assequi. Primum, quia alias feliciores essent adulti prædestinati, meliorique forte, multoque maiori beneficio potirentur, quod quis audire non horreat. Secundò, quia optandum esset illis ut sine baptismo decederent, potius quam quod baptizati adolecerent; quod quis etiam non expavecat. Tertiò, quia frustra esset curare ne sine baptismo decederent; cum potius id esset eos orbare meliori forte, multoque maiori beneficio, quam si baptizarentur, quia baptizati solum assequerentur vitam æternam, at non baptizati, aliquid melius vita ipsa æterna. Quartò, quia alias Sacramentum baptismi, potius illis obesset, quam prodesset, ut potè, cum eos meliori classe, meliori forte, multoque maiori beneficio eos orbaret. Ex quo colligo, quod ea sententia haud leviter inducit ut parentes, nec Ecclesia curet, aut sollicita sit, ne infantes sine baptismo decedant; probatque, quod dolor ille pius, & verè catholicus, quo parentes dolent, infantem sine baptismo decessisse, impendentem esse, quia si Deus id egit (nec ut Eminētissimus Sfrondatus) quod & ipsi, & nemo alius non optaret, nulla dolendi, nulla conquerendi, sed magna laudandi, Deoque gratias agendi causa est.

55 Nec motivum, quo à veritate abducitur, alicuius est momenti, sed mera fallacia. Inquit enim, Deum eos infantes multo maiori beneficio affectisse, quod illi ipsi longè Cælo prætulissent, & nos quoque si electi daretur, multo maioris præstij, quam Cælum duceremus. Sed, quod est, rogo, hoc tantum beneficium? inquit: Id vero beneficium fuit, quod fato præmaturo abreptos Innocentia sue personalis securos reddidit, & quam plurimis peccatis cum venialibus, & mortalibus, ac presentissimis, infinitisque peccandi periculis subduxit, quibus procedentibus annis certissimi implicandi erant, addicendique perpetuis gehennæ inendij, iuxta illud Sapient. 4. Raptus est, ne malitia mutaret intellectum illius. Quod præsertim de filiis infidelium verissimum est. Hoc vero Innocentia personalis donum & immunitatis à peccato tantum est, ut ipsi parum-

li Cælo carere, malint, quam vel uno peccato involvi, nulliusque Christianorum est, cuius non idem votum esse debeat. Quid ergo Deus eis mali fecit, si non quidem Cælo, sed suo beneficio donavit, quod multo præstaret: Cælo est?

56 Respondeo tamen, has tantum voces esse, quibus falsitas haud leviter noxia colore aliquo veritatis palliatur, ut incantè delugatur, & hac de causa stillum rethoricis srasibus ornatum, quo plures, extra Hispaniam præsertim, theologica dogmata tractare consueverunt, quoque Eminētissimus Sfrondatus abundat, semper ineptum Sacre Doctrinæ exponende iudicavi, ut in Proemialibus notavi *Disputat. 1. quest. 1. num. 16.* & 17. Igitur innocentia personalis, duplex intelligi potest, nempe, & positiva, quæ in positiva animæ sanctitate, & iustitia, & positiva voluntatis rectitudine, & integritate sita sit, vel purè negativa ob incapacitatem nocendi, & malè agendi ex defectu libertatis, aut usus rationis. Prima quidem beneficium ingens est divinx gratiæ; at secunda propriè donum, aut beneficium Dei dici nequit, nisi cum addit *negativè*, quanto minus beneficium multo maius vita æterna. Ni velis fatuitatè, ebrietatè, lætargum, aut fransum, magnum dici beneficium, quandiu durat, & quo magis duraverit maius, quia tandiu conservat innocentiam negativam personalem. Igitur Deus non aliter infantes securos reddidit suæ innocentie personalis, nisi quatenus eos usu rationis, & libere merendi, aut demerendi orbavit; Deum autem negare alicui usum rationis, & libertatem merendi, demerendique, est planè eos beneficio positivo in genti orbare, non eos beneficio afficere positivo, & propriè loquendo.

57 Rursus innocentia personalis adhuc negativa in infantibus non baptizatis adiuncta est cum peccato originali in propria persona contracto, quo verè constituntur natura filij iræ, filij vindictæ, filij gehennæ, si Augustino credimus. At quænam innocentia personalis est, esse in propria persona natura filium iræ, filium vindictæ, vel si Augustino non credis, in peccatis conceptum, iuxta Regium Prophetam, immundò conceptum semine, iuxta Iobum, irritum teisse pactum Dei, ut dicitur Genes. 17. Constitutum peccatorem in Adamo, ut testatur Apostolus, Dei inimicum, diaboli membrum, & captivum, ut testatur Ecclesia, cum infantes baptizandos exorcizat? Rogo igitur: Innocentia illa negativa personalis, his adiuncta miseri conditionibus, est ne verum Dei beneficium, aut, quod horreas, Cælo maius, & vita æterna melius?

58 Iam vero recensere pro beneficio Cælo maiori, quod eos subduxerit, aut liberaverit ab infinitis periculis peccandi; in primis infinita ea pericula dicere hyperbole est, nec omnes, qui baptizati adolescunt, in tunc pericula incident. De-

Deinde, quo pacto, rogo, eos ab his liberavit? Sanè adducendo etiam eis infinitas, ut hyperbolice etiam loquar, occasiones merendi; atque ita extollat pro dno, & beneficio Cælo maiori, quod sibi omnis occasio Dno liberè serviendi, simul & peccandi adempta fuerit? Sanè hoc ingens beneficium esse non poterit, nisi tale reputetur fuisse pecus, potius quam hominem rationis compotem, pecus, enim ex quo pecus est, omni periculo, in dno & potentia peccandi, simul ac merendi orbatum est. Dicere item, quod innocentis peccatis, tum venialibus, tum mortalibus, certissime implicandi erant infantes, qui sine baptismo decedunt; omni prorsus caret fundamento, cum eodem dici possit, quod innocentis virtutibus, & meritis forent illustres. Quis enim utrum horum futurum foret, si viverent, scire potest? Nec illud *Sapient. 4.* exponi potest de infantibus, qui sine baptismo decedunt; sed de iustis, qui sano intellectu, & voluntate viventes, præmature rapiuntur, ne malitia transmutet intellectum eorum de bono, sano, rectoque, in pravam; solum enim intellectus reificatus; & sanus per gratiam erga finem ultimum, mutatur per malitiam, non vero intellectus & illud volvere peccati originalis rectitudine, & integritate orbatus.

59 Ex quibus patet, quam falsum sit, quod infantes ipsi, & omnes sapientes, si optio daretur, eligerent potius sortem ipsorum in Limbo, quam beatorum in Cælo. Quis enim sapientior ipsis beatis Deo fruentibus, ac celestis gloria donatis? Quis autem, nisi desipiat, dicat, ipsos, si optio daretur, electuros potius eorum infantium sortem, quam celestem gloriam, qua fruuntur? At inquit: Eligerent milles Cælo carere, quam vel uno peccato involvi. Respondeo, hoc ad rem non esse, optio enim eligendi, quæ sola potest esse ad propositum probandum, debet esse inter Cælum ipsum, seu celestem gloriam, & innocentiam illam negativam personalem peccato originali nunquam expiando maculatam; hæc enim dicit esse longè maius beneficium, quam gloria celestis, & quod ipsi, omnesque sapientes, si optio daretur, longè Cælo præferrent. Hoc autem falsissimum est, si velis Magdalenam, Petrum, Augustinum, si optio daretur, electuros illam innocentiam negativam peccato originali æterno maculatam, potius habita celestis gloria, & Dei visione, qua fruuntur. Optio autem eligendi, inter carere vita æterna, aut peccato mortali fædari, valde alia est; unde quod illa data, quisque debeat eligere, potius vita æterna carere, quam peccato mortali fædari, vnicè probat, quod peccatum maius malum sit, quam carere vita æterna sine peccato personali; ex hoc autem non nisi sophi-

sicè probatur, quod carentia peccati maius bonum, aut beneficium sit, quam vita æterna; imò nec probatur verè bonum esse, aut beneficium, quando est pura carentia, seu titulo puræ carentiæ. Sicuti maius malum est peccatum mortale, quam non esse in rerum natura; quis autem dicat, Deum maiori beneficio affecisse creaturas, quas in suo non esse reliquit, quem eas, quas creavit, & vita æterna donavit, post peccatum personale committunt? Item maius malum est peccatum mortale, quam carere vnione hypostatica; quis autem dicat, quod maius Dei beneficium est, carere peccato mortali, quam vnio hypostatica? & (quod horret audire,) Deum maiori beneficio affecisse infantes, qui sine baptismo decedunt, quam humanitatem sanctissimam Christi?

60 Si autem dicas, vnionem hypostaticam asserere etiam secum carentiam peccati, & immunitatem à peccato, ac proinde inter illam, & carentiam peccati optionem eligendi excogitari non posse, cum non contraponantur. Contra est, quia etiam vita æterna asserit secum immunitatem ab omni peccato, cum personali, tum originali: Ergo etiam optio eligendi excogitari nequit inter vitam æternam, & immunitatem à peccato personali, cum non contraponantur, quia illa includit istam. Si dicas comparationem fieri, aut saltem excogitari posse, ex hypothesi impossibili, quod gloria celestis, aut vita æterna dari possit cum peccato personali coniuncta, & optio daretur eligendi vnique è duobus, nempe, vel vitam æternam cum peccato mortali personali, vel carentiam peccati personalis, cum carentia etiam vitæ æternæ. Respondet deo, hoc dato, inde colligi fallaciam argumenti, nam inde ad summum probari potest, quod maius bonum, seu potius minus malum foret innocentia illa personalis, quam vita æterna cum peccato personali coniuncta, quæ impossibilis supponitur; quod idem dici posset, ex hypothesi impossibili, quod vnio hypostatica posset esse cum peccato coniuncta, nam eo in casu melius etiam esset omni peccato carere, quam vnionem hypostaticam possidere cum peccato mortali. Sed sicut inde falsissimè quis inferret, quod de facto Deus maiori beneficio affecit eos, quos immunes reddidit ab omni peccato personali, quam sit vnio hypostatica, ita non nisi absurdissimè inferri potest, quod Deus de facto maiori beneficio affecit infantes, quos immunes negatè servat à peccato personali, quam sit vita æterna: Solum enim inferretur, si quid inferretur, maius bonum esse immunitatem illam personalem, quam foret vita æterna impossibilis, & chimerica, seu quam Deus nulli vult, & ad quam Deus nullum destinavit.

61 Si demum dicas, aliter posse comparationem, & optionem excogitari, nempe inter securum reddi ab omni peccato personali, ut infantes, cum carentia vite æternæ, ex vna parte; & inter peccare personaliter, & post peccatum personale assequi vitam æternam, illo prius expiato; quæ extrema utrimque possibilia sunt; & tamen si optio daretur, nemo sapiens eligeret hoc secundum extremum, quia nemo sapiens potest eligere peccatum personale: Eligeret ergo primum, scilicet carere vita æterna cum securitate ab omni peccato personali, potius quam vitam æternam, si ante illam, committendum foret peccatum mortale: Ergo maius illud beneficium est, & optabilius, quod omnes sapientes isto prætulissent, & quod nullus christianorum est, cuius non idem votum esse debeat. Respondeo tamen, Deum sapientissimum esse, in cuius comparatione nullus sapiens dici potest; & nihilominus, ex in genti dilectione erga Petrum, erga Magdalenam, erga Augustinum, elegisse potius illis vitam æternam, ut post peccata personalia expiata consequendam, quam immunitatem ab omni peccato personali cum carentia vite æternæ. In qua quidem electione nemo dicere audebit, minus, aut non multo magis eos dilexisse, & maiori beneficio affectisse, quam si ipsos in peccato originali ante usum rationis à vita rapuisset. At quis dicat, neminem sapientem electurum sibi, quod Deus Petro, Magdalene, & Augustino elegit; sed omnes sapientes oppositum electuros, & nullum esse christianorum, qui oppositum sibi eligere non debeat?

62 At inquit: Nemo potest sibi eligere peccatum. Rectè quidem, sed nec Deus cuique peccatum eligere potest; & tamen eligit vitam æternam, non nisi potest peccatum, non nisi per peccati poenitentiam obtinendam, ut suo loco monstrabo. Pone ergo casum, in quo alicui christiano, sapienti, & sapientissimo proponeretur vnum è duobus, vel innocentia illa personalis sine vita æterna in Lybmo, vel vita æterna non aliter assequenda, quam potest peccatum personale temporale expiandum per poenitentiam. Hic sanè casus est ad rem; in quo quidem responsione ab alio audire malem, quam dare, eo quod sub his terminis eam nullibi viderim, vel audierim; & circa quam possem dicere, posui in medio, quo me veritam nescio. Respondeo tamen, animi charitate Dei flagrantem, peccatum quidem nunquam electurum, nec eligere posse ad vitam æternam consequendam; at nihilominus eo in casu electurum vitam æternam, etiam non assequendam sine proprio peccato infra commitendo, & expiando; eligeret enim sibi, quod Deus ex nimia charitate elegit erga

Petrum, erga Magdalenam, erga Augustinum; nec posset ex charitate in Deum absolute eligere, carere Dei amicitia, Dei visione, & fruitione per totam æternitatem, & per totam æternitatem abstinere à Deo laudando, & glorificando, ne per breve tempus peccatum committeret poenitentia mox expiandum, & in maiorem Dei gloriam cessurum.

63 At inquit; si sic eligeret, eligeret peccare potius quam Cælo carere. Nego sequelam; quia solum infertur, quod permetteret ex vi talis electionis peccatum à se committendum, & eligendum postea, cum ingenti dolore, quod aliter æternam cum Deo amicitiam obtinere, per æternitatem Deum videre, & glorificare non posset; conformando se permittens cum divina permissione, sed detestando pro tunc peccatum, & non illud approbando, aut eligendo. Et quidem, si alicui charitate ferventi, proprio eligendi daretur circa proximum, an vellet ipsum potius sine baptismo securum à peccato personali decedere, quam ipsum baptizari, ad usum rationis pervenire, & vitam æternam, non nisi post peccata personalia expianda per poenitentiam, obtinere? Sanè malet potius ex charitate ipsa, ipsum, quamvis post peccatum expiandum poenitentia, æterna gloria donari, quam in Lybmo sine peccato personali decedere: At, quod quis ex charitate eligeret proximo, cur non sibi? Explicatur: Si Parenti Christiano daretur optio eligendi circa filium in utero materno clausum, vel quod baptizatus adolefceret, & post plura peccata mortalia, per poenitentiam Cælum optineret, vel quod statim ab utero sine baptismo in Lybmo descenderet; sanè non hoc secundum, sed primum eligeret: Ergo quod filio eligeret, posset eligere quisque sibi.

64 Dices forsan; posse sic eligere proximo, quia ad hoc opus non esset, quod ipse peccatum committeret, sed solum permetteret ipsum; at si sibi sic eligeret, eligeret peccatum à se ipso committendum, & non à se purè permittendum. Sed contra est, quia licet ipse committurus foret peccatum, non alius; non tamen ex vi presentis dispositionis, qua sic eligeret, sed ex vi alterius futuræ: Ergo ex vi presentis dispositionis, & electionis peccatum illud non eligeret, nec committeret, sed permetteret sibi tamen alteri, seu in alia dispositione futuro. Sed de hoc *Disputat. sequent.* dum agam de prædefinitione poenitentia, aut prævisum absolute peccatum.

65 Hinc tamen colliges, motivum præfatæ doctrinæ falax esse, quoquomque modo accipiatur. Falsumque, quod infra §. 2. num. 16. asserit, nempe, illud tam ingens parvulorum beneficium, quod certa ratione gloriæ præfertur, & gratiæ, ad Christi merita, & redemptionem

nem pertinere. Falsum inquam, & absurdum, quia inde sequeretur infantes sine baptismo decedentes copiosius redimi, aut salvari per Christum, quam peccatores, qui celesti gloria donantur, Christumque ut caput abundantius in eos influere vi suorum meritorum, ac proinde ipsos esse vera Christi membra, in eo & melioris conditionis præ cæteris, qui celesti gloria fruuntur. Hoc autem dicere absurdissimum foret, indeque mille sequerentur errores, quos vitandæ prolixitatis gratia numerare prætermitto. Unum tantum velim advertat dicta non in libri Authorem, cuius nomen vinctandum Ecclesiæ semper erit, sed in eam specialem doctrinam de felicitate parvulorum in originali peccato morientium, quæ celo, aut vita æterna maiorem, & meliorem esse decernit, & per redemptionem, & meritâ Christi illis provenire affirmat. Contra quam rursus nâlit, quod Concilium Tridentin. Sess. 6. cap. 3. ait, nempe, quod licet ille, id est, Christus, pro omnibus mortuus est, non tamen omnes beneficium mortis eius recipiunt, sed ij duntaxat, quibus meritum passionis eius communicatur. Qui enim sunt, qui beneficium mortis eius non recipiunt, & quibus meritum passionis eius non communicatur, si tales parvuli non sunt, qui omni absque Sacramento decedunt? Eodem modo Concilium Cæsariense (suprà expressum) ait: *Licet non omnes passionis eius Myſterio redimantur*, nam qui sunt illi, qui passionis eius Myſterio non redimuntur, si tales non sunt infantes baptismo non tincti, & extincti?

66 Ex quo iam solvitur argumentum, quod pro Vazquij sententia fieri potest, nempe sic illos Deus salvos fieri non vult, & pro illis mortuus non est, qui ex tali voluntate, & morte Christi nullam penitus influentiam recipiunt, nam eo ipso ad eos illa voluntas non terminatur: Sed tales sunt infantes sine baptismo extincti. Ergo illos Deus salvos fieri non vult, nec pro illis Christus mortuus est. Ex confirmari potest ex Augustino, dicente, ut infra referemus, parvulis baptismum non dari, non quia ipsi nolunt, sed quia Deus non vult: Ergo saltem parvulos illos Deus non vult salvos fieri, quandoquidem non vult eos baptizari, nam si vellet, baptizarentur.

67 Respondéo enim, distinguendo maiorem: Si ex illa voluntate, & morte nullam penitus influentiam recipiunt ex defectu voluntatis, aut quia in illa voluntate non comprehenduntur, concedo: Si solum præter intentionem, seu per accidens ex defectu applicationis mediæ nullam influentiam recipiant, nego maiorem, & distincta minorem eodem modo, nego consequentiam; nam sicut Medicus, qui farmaceuti mitabile confisteret pro sanandis omnibus ægrotis alicuius civitatis, mitteretque ministros, quibus committeret ut omni diligentiæ tale farmaceutum omnibus ap-

plicarent, evidenter vellet omnes sanare, licet per accidens aliqui non sanarentur, eo quod ex defectu ministrorum, vel ex alio impedimento naturali per accidens occurrente ipsis non applicaretur farmaceutum illud; ita dum Christus Dominus suæ passionis sacramenta, præsertim baptismum instituit, mittens servos suos, quibus curam de mandavit, ut omnes gentes baptizarent, & omnibus etiam infantibus applicarent sacramentum illud salutis, evidenter voluit omnes salvare, etiam infantes, licet per accidens aliqui non salventur, vel quia ipsi nolunt, vel quia servi sui, quibus curam demandata est, noluerunt applicare, vel quia per accidens ex aliquo naturali impedimento applicari non potuit. Ex quo ad confirmationem ex Augustino, dico infantes, quibus baptismum non datur, non baptizari quia Deus non vult voluntate consequenti, seu quia permittit permissione consequenti; nam si voluntate consequenti vellet, omnia impedimenta vinceret, & nisi eo permittente impedimentum non prævaleret; non vero quia non vult voluntate antecedenti in communi, & in generali illos salvos fieri; nam ut infra ostendam, voluntas illa generalis, & antecedens, comparatur cum eo quod Deus permittat permissione consequenti, aliquos non salvari.

68 Sed dices: Respectu parvulorum, qui non baptizantur, ea voluntas omnino inefficax est: Sed per nos non datur in Deo voluntas libera omnino inefficax: Ergo nec voluntas antecedens eos salvandi. Respondeo, negando maiorem, quia licet ipsi infantes in se ipsis intrinsecè nullum effectum participant ex voluntate illa consequenti, tamen in causa universalis, nempe in institutione baptismi, explicatur effectus generalis illius voluntatis erga ipsos; quandoquidem baptismum instituit ut generale remedium illorum. Vel secundo nego maiorem, quia iuxta D. Thom. effectus illius voluntatis antecedentis sunt omnia promoventia in salutem tam naturalia, quam gratuita, sicut potentia naturales, & præcepta legis, & huiusmodi; infantes autem absque dubio recipiunt intrinsecè potentias naturales, quibus capaces sunt, ut si viverent diutius, salvarentur; & illæ potentie sunt effectus voluntatis illius antecedentis, licet non intrinsecè, sed extrinsecè solum ordinati ad salutem æternam, per institutionem Sacramentorum, & per Passionem Christi, & per eius causas universales salutis.



## TERTIA SENTENTIA REPELLITUR,

Et explicatur efficacia voluntatis antecedentis.

69 **C**onsistat iam, voluntatem illam antecedentem ita universalem esse de omnium salute, ut omnes, citra ullam exceptionem, homines comprehendat; restat autem scire illius efficaciam, & modum tendendi. RR. enim Iesuitæ, eam quidem efficacem esse, inquit, ex parte Dei, attamen conditionatam, & expectantē consensum, ac determinationem voluntatis creatæ, quam ab intinseco ipsa non infert, sed vnicē à voluntate creata desiderat, eo quod posita illa voluntate antecedenti, non manet iam penes Dei dominium, determinare quod voluntas consentiat, nec liberē permittere, quod dissentiat, sed totum dominium consequens consentiendi, vel dissentiendi stat penes voluntatem creatam. Eminentissimus Sfrondatus addit, hanc Dei voluntatem, nedum efficacem, sed efficacissimam esse, imò & absolutam, de salute omnium, licet alias adsit alia, quam appellat conditionatam, & consequentem, qua Deus decrevit hominem, non salvari, nisi ipse velit. Si tu vero, subiungit, solam illam, unicamque voluntatem efficacem in Deo dici velis, quæ effectum consequitur, littem quidem movebis de nomine, sed pessimè confusione rerum terminis, confundi quoque rem ipsam oportet; ut si equo nomen Aquilæ, aut Romæ. nomen Memphis imponas, nemo non infert: Ergo equum alahabere, & Romam Nilo rigari. Voluntas ergo de se efficax illa dicitur, qua quis rem aliquam, tam serio, impensèque intendit, ut illi consequendæ validissima media, omnesque officij sui partes impendat, seu deinde effectus sequatur, vel non sequatur. Ita in Deo res se habet, &c. Similiterque gratiam dici debere efficacem, contendit, non eam præcisè, quæ effectum consequitur, sed eam, quæ virtutem expugnandi voluntatem, & extorquendi consensum habet, licet illi voluntas resistat, ut omni gratiæ, quantumvis efficacissimæ, resistere posse dicit. Sed ut hæc expantur.

70 Dico octavo: Voluntas antecedens, & generalis salvandi omnes non est absolutè, & simpliciter efficax ad salutem, imò nec ita sufficiens, ut nisi dependenter ab alia speciali, & consequenti, simpliciter efficaci, quisquam salvari possit. Primum probatur: Implicat in Deo voluntas absolutè simpliciter efficax, quæ effectum intentum non assequatur: Sed ea voluntas effectum intentum, nempe omnes salvos fieri, non assequitur, quandoquidem non omnes homines salvantur: Ergo ea voluntas non est simpliciter efficax ad salutem. Maior, quam negat Eminentissimus

Sfrondatus, probatur, quia implicat voluntas absolutè, & simpliciter efficax in eo, qui facilitè potest finem intentum obtinere, quim effectum obtineat: Sed nihil Deus vult, quod facilitè obtinere non possit: Ergo implicat in Deo voluntas absolutè, & simpliciter efficax, quæ effectum intentum non assequatur. Maior videtur evidens, nam, qui facilitè rem aliquam exequi potest, & eam non exequitur, convincitur evidenter, non velle illam absolutè, & efficaciter: aliter enim nec homo convinci posset quod efficaciter non vult implere mandata, quamvis possit, & non impleat, & sic omnia vltæ christiane fundamenta corrumpent, ut vtar absurdo, quod ex opposito infert Eminentissimus Sfrondatus. Minor vero non minus est evidens, quam Deum omnipotentem esse, non enim ob aliud veraciter vocatur omnipotens, nisi quia quidquid vult, potest, nec voluntate cuiuspiam voluntatis omnipotentis impeditur effectus, inquit August.

71 Dices, hoc verum esse, si Deus potentia vti vellet, ad convertendum, & salvandum hominem; attamen ex suppositione, quod non vult potentia vti, sed gratia, quia non vult salvare hominem invitum, sed volentem, componi quam optimè, quod efficaciter velit, & quod homo nolit, & ideo voluntas Dei, quantumvis efficax, effectum non optineat. Sed contra est, quia immerito contraponitur in Deo gratia potentiz, quasi Deus, dum gratia vritur, potentia non vtar ad hominem convertendum, & salvandum, cum potius omnipotentia per gratiam maxime ostendatur, præsertim per eam, qua Deus de nolentibus facit volentes, de lapideis filios Hæbræ, de cordibus lapideis corda carnea: Etenim cum Augustinus inquit, Deo volenti salum facere hominem, nullum hominum resistit arbitrium, intelligit ne de Deo volente per violentiam, & non per gratiam? Nemo hæc tenus ita intellexit: Ergo intelligit per gratiam, & omnipotentiam. Item, cum inquit, lib. 11. in Genes. cap. 10. Possit ipsorum voluntatem hominum in bonum convertere, possit plane, quoniam omnipotens est. Loquitur ne per violentiam, an per gratiam? Sanè per gratiam; & ramen inquit, quia omnipotens est. Item cum D. Prosper de ingratis ait: At vero omnipotens hominum cum gratia salvat, ipsa suum consummat opus, &c. opponit omnipotentiam gratiæ? Quis tale dicat? Itaque aliud est vti violentia, aliud vti potentia. Apud homines pro eodem solet usurpari, vti potentia, ac violentia vti, eo quod vnus hominis potentia non est faciendum alterum de nolente liberè volentem, sed solum ad illum invitum trahendum; at in Deo longè aliter est, cuius potentia clucet quam maxime in eo, quod magis habet in sua potestate voluntates hominum, quæ ipsi suas, ut quando voluerit, & quas voluerit de malo velle in bonum converterat. Vnde trahit poten-

entia, sed non violentia, sed benevolentia, quam pro sua suprema potestate, & arbitrio operantur in hominis voluntate quancumque vult.

72 Vnde et arguo: Deus semper, & quemlibet hominem potest gratia salvare, quia omnipotens est: Ergo si de facto non salvat, convincitur non velle efficaciter, & absolute ipsum salvare, vel si vult voluntate simpliciter efficaci, & id non implet, convincitur non posse utendo gratia ipsum salvare. Ex quo omnia exempla, quibus ex causis secundis arguit Eminētissimus Sfrondatus, convincuntur non esse ad rem. Stat enim Medicum creatum impensissimè, & efficacissimè velle ægrem sanare, & farmacum, efficacissimum de se, illi preparare, & tamen ægrotum nolle ipsum accipere, quia Medicus non habet in sua potestate quod velit, quod si id in sua esset potestate, quam primum faceret, quod illud vellet accipere, si impensissimè, & efficacissimè vellet ipsum sanare, ut supponitur. At in Deo dici non potest, quod in sua potestate non sit, quod homo velit, nisi eius omnipotentiam negando: Ergo hoc exemplum non venit ad rem.

73 Nec similiter aliud de causis naturalibus, v.g. de efficacia Solis ad illuminandum, licet enim Sol dicatur causa ex se efficax ad illuminandum, quamvis interdum non sequatur illuminatio ob impediendum oppositum, ideo est, quia efficacia Solis non est ad removendum impediendum illuminationis, inò nec hoc cadit sub eius activitate; unde si interdum propter impediendum non illuminat, ideo est, quia non potest impediendum remove, si velle quia agendo, quantum potest ad illuminandum, amplius non potest. Attamen, quis dicat, quod efficacia voluntatis divinæ non est ad removendum impediendum malæ voluntatis? aut quod hoc non cadit sub eius activitate? aut quod illud non removet, quia, licet agat quantum potest, non potest amplius? Est ergo immensa disparitas.

74 Secundo probatur assumptum, quia ea voluntas, cum qua vult libere permittit effectum non sequi, non est voluntas simpliciter efficax de tali effectu: Sed cum voluntate antecedente, & generali salvandi omnes Deus libere permittit aliquos non salvari: Ergo ea voluntas non est simpliciter, & absolute efficax. Maior videtur evidens, nam qui libere permittit effectum non sequi, absdubio convincitur non velle simpliciter efficaciter ipsum effectum, exempli gratia, qui libere finit, & permittit aliquid à manu sua cadere, convincitur evidenter, quod non vult efficaciter illud tenere. Minor vero probatur, quia nemo non salvatur ex his, quos Deus vult voluntate antecedenti salvare, nisi Deo libere sinente, & permittente; hoc enim quis negare audeat? Etenim nemo non salvatur, nisi sua culpa, ut in eo cernitur Eminētissimus Sfrondatus: Sed culpa

non committitur, nisi Deo libere permittente, quia iuxta August. nihil fit, quod Deus fieri non velit, vel faciendo ut fiat, vel sinendo ut fiat: Ergo nullus non salvatur, nisi Deo libere permittente ipsum non salvari. Explicatur: Cum Ecclesia oras, Deum alloquitur, ut nos nec adversis obrui, neque prosperis laedi permittas. Et item: Nullis nos permittas perturbationibus concuti, quos in apostolica confessionis petra solidasti, absdubio intelligit de permissione Deo libera, nulli enim supplicari potest, quod non permittat, quando permittit, vel non permittit ipsi liberum non est: Ergo supposita illa voluntate antecedenti, manet penes Dei libertatem permittere, quod aliqui non salventur: Ergo qui non salvantur, Deo libere permittente non salvantur.

75 Et hinc colligitur totum ferè opus illud de nodo predestinationis dissolutum, æquivocantem niti. Siquidem conatus illius est, Deum velle voluntate antecedenti, & efficaci omnes salvos fieri, quod nullum odio habeat, neminem salvari nolit, neminem velit perire, neminem excludat, aut velit excludere à Regno Cælorum, quod nemini negat gratiam abundantissimam, & necessariam ut salvetur, neminem ex se deserit, priusquam deserat; in hoc probando totus est Eminētissimus Sfrondatus, innumera Sacra Scripturæ, & PP. testimonia congerens. Nec tamen, vel vnum adducit, in quo Sacra Textus, nec Sancti PP. dicant, ita Deum velle omnes salvos fieri, quod neminem libere permittat non salvari, quod neminem libere sinat perire, quod neminem libere permittat damnari, & à Regno Cælorum excludi; cum tamen hoc probandum esset, ut illa voluntas antecedens probaretur efficacissima, seu simpliciter, & absolute efficax; nam si cum ea componitur, quod Deus libere sinat, & permittat non salvari, seu damnari eos ipsos, quos vult salvare, convincitur evidenter, id non velle impensissimè, efficacissimè, nec voluntate simpliciter, & absolute efficaci. Tota ergo æquivocatio stat in eo, quod cum Theologi, præsertim Thomistæ ex Augustino, dicunt, Deum ante prævisionem meritorum, vel demeritorum aliquos salvare nolle, seu non velle, dum velle aliquos excludere à Regno Cælorum, aliquibus negare gloriam, rasquam beneficium indebitum, aliquos odio habere, planè intelligi debent de velle, aut nolle, aut odio sumpto pro libera permissione ut non salventur, si velle ut salvari nolit, aut excludat à Regno Cælorum; quæ sanè libera permissio de merita præcedit, cum per eam permittat Deus ipsa demerita, seu hominem demereri, & nolle salvari. Quo sensu, si intelligantur, nihil proflus contra ipsos valent omnia ea Scripturæ, & PP. testimonia, quibus dicitur, quod Deus neminem vult perire, &c. quia per nullum illorum dicitur, quod Deus neminem perire permittit. Minime



autem sensus illorum debet esse, quod Deus propriè, & positivè aliquos odio habeat, aut quod positivè, & casualiter velit eos non salvari, aut perire, aut nolite positivè, & casualiter eos salvari, quia nec in Deo datur odium propriè tale, nec positivè, & formalis nolitio, nec positivè, & casualis volitio de carentijs, defectibus, aut malis creaturarum, ut supra ostendimus, quæst. 4. Sed circa carentias, & defectus totam suam libertatem Deus solum exercet permisivè, ut ibi ostendimus latè.

76 Undè merito S. Scriptura, & SS. PP. prædicant, quod Deus neminem vult perire, quia id Deus positivè, & propriè non vult, sed tantum liberè permittit; item quod Deus non vult mortem peccatoris, sed ut convertatur, & vivat, quia velle Dei positivè, & propriè tale solum est de bono, de conversione, & vita, non de malo, nec de aversione, & morte, sed de his solum est libera permissio; item quod Deus ex se neminem excludit à Regno Cælorum, nemini negat gratiam requisitam ad salutem, neminem deserit ex parte sua; quia scilicet velle Dei non est propriè, & positivè de exclusione à Regno Cælorum, nec de neganda gratia, nec de desertione, sed de his tantum est libera permissio, quæ Deo vix ætholicè negari potest; & de qua in toto suo opère vix minime Sfrondatus. Sed quasi non sit rædium inter amare propriè, & propriè odio habere, inrer velle, & propriè nolle, inter dare, & propriè negare; ex quo Deus neminem vult perire, neminem odio habere, nemini negat gratiam necessariam ad salutem, probat, omnes amare efficacissimè, omnibus velle efficaciter salutem, omnibus eam ex se dare; cum tamen sit medium manifestum, nempe aliquibus permittit, quod nolint salvari, seu quod non salventur, seu quod careant gratia necessaria ad salutem, seu quod excludantur à gloria. Quæ permissio libera Dei medium est inter volitionem simpliciter efficacem salutis, & nolitionem propriam ipsius, cum qua permissione libera stare non potest, nec volitio simpliciter efficacex de salute, nec vera nolitio ipsiusnam qui vult efficaciter aliquem salvari, implicat, quod simul liberè permittat ipsum perire, & qui propriè nolit ipsum salvari, aut propriè vellet aliquem perire. Permissio ergo libera medium est inter utrumque; quod qui non consideret, ærem frustra verberabit, sed Theomitas, & Augustinianos non tanget.

77 Ex quo comprobatur secunda pars asserti, nempe, quod illa voluntas antecedens, & generalis, nec ita sufficiens est, quod cum sola illa, & independentè ab alia speciali, consequenti, & simpliciter efficaci, quisquam salvari possit. Etenim nemo salvari potest, nisi Deus simpliciter, & absolutè velit ipsum salvari: Sed illa voluntas generalis, & antecedens, ut sæpè ait D. Thom. non

est voluntas simpliciter, nec quæ Deus vult simpliciter hominem salvari: Ergo nemo cum sola illa salvari potest. Secundò, quia nemo salvari potest, nisi ex amore speciali Dei, & speciali voluntate ipsum salvandi præ reliquis, qui non salvantur, alias Deus specialiter non amaret, nec plus amaret, aut vellet, eos quos salvat, quam eos, quos damnari permittit, sed æqualiter tantum omnes, quod quis gredat? Ergo ut aliquis salvetur, reliquis percontibus, non satis est sola illa voluntas generalis, & antecedens omnes salvandi, sed requiritur alia consequens, & specialis, & simpliciter efficacex illum salvandi, sine qua salvari nemo possit. Explicatur Nemo salvari reipsa potest, quin Deus illum discernat ab eis, quos damnari permittit: Nam qui salvantur discernuntur ab eis, qui non salvantur ingenti discretionè; discerni autem non possunt, nisi Deo illos sua voluntate discernente, *quis enim te discernit?* ait Apost. Sed sola voluntate illa antecedenti, & generali discerni non possunt, cum illa sit communis omnibus, & oon discernat inter istos, & illos: Ergo nemo cum sola illa salvari potest, sed ut salvetur, eget alia speciali, & discretiva. Videatur hoc fundamentum tractatu de Provid. quæst. 13. à n. 45.

Sed in contra objicit, & valdè ponderat Em. Sfrondatus, quod nulla voluntas potest esse magis efficacex, magisque sufficiens ad finem aliquem, quam ea, vi cuius nullis expensis parit pro fine illo assequendo, adeò ut nec proprio filio parcas, filiusque pro tali fine omnia expenderit usque ad vitam, & sanguinem: Sed talis est illa voluntas generalis, & antecedens salutis omnium, quod pro omnibus salvandis, Deus proprio filio non pepercit, sed pro nobis omnibus tradidit illum; filiusque semetipsum dedit, vitam & sanguinem prodidit, & nihil ex his, quod debuit, omisit: Ergo ea voluntas efficacissima est, & sufficientissima.

Respondetur autem, quod quantumvis hoc ita sit, meritoque ponderandum, quod Deus infinitum suum amorem, & voluntatem omnes salvandi sic explicaverit, nihilominus negari non potest, quòd simul, & in sensu composito liberè permittit, aliquos tanto beneficio privari, & damnari, cum tamen posset facillimè ipsos facere de nolentibus volentes, de dissentientibus consentientes, & de lapidibus filios Abraham, illorum libertate servata. Sequitur ergo, quod tota illa voluntas antecedens, quantumvis sit de se efficacex, & efficacissima ad non parcendum filio pro rædemptio ne servi, & in filio ad profundandum sanguinem, & vitam pro ipso, & ad conficienda, & instituenta pro ipsius salute septem saluberrima sacramenta, & ad mittendum per universum servos suos, qui omnes invitarent ad cenam, & ad alia plura, quæ sunt media, & remedia universalis salutis, instituta pro omnibus; tamen ex se non est illa voluntas efficacex quantum ad illorum omnium applicationem,

nem, & debitum vsum, sed ex se permittit aliquos se excusare ab illa cœna, & omnes illas divini amoris divitias contemnere, vel eis ab utriusque vel illis non applicari, & ideo ut homo reipsa salvetur per illa media, & remedia, eget vltcrius alia voluntate consequenti, qua Deus velit consequenter homini remedia illa, & beneficia generalia in singulari applicari, & quod de nolente fiat volens ea accipere, & de dissensiente consensiente, nam sine hac Dei speciali, & consequente voluntate, omnia illa remedia vniuersalia casabuntur, & frustrabuntur in singulari, licet culpa non volens, aut dissensientis, de quo modo non disputo.

Nec mirum, quod omnes illarum expensarum, & beneficiorum redemptionis, artenta illa voluntate antecedente, possint casari, & frustrari, nisi Deus voluntate consequenti, & speciali ea velit applicare, & quod homo illis acquiescat, quia ea omnia Deus non vult propter cuiusque hominis salutem, ut propter finem cuius gratia, sed ut propter finem effectus finis autem cuius gratia est ostendere divitias amoris sui, & suarum misericordiarum, ac bonitatis, qui finis nunquam casatur, & frustratur, sed semper impletur. Nec vult ea beneficia, & expensas formaliter, seu ex parte actus propter salutem hominum, sed vult ipsa beneficia, & expensas esse, & ordinari ad hominum salutem, ut infra notabo n. 102. & 117.

73. Dico nono: *illa voluntas generalis, & antecedens est absoluta respectu ordinis, seu ordinationis generalis creaturarum rationalium ad finem salutis, quam immediatè vult; sed obiectivè conditionata in ordine ad ipsam salutem, quam mediatè vult, non quidem sub conditione, quam vult, sed expectet ex determinatione voluntatis creatæ, seu quæ maneat vnicè determinabilis pro arbitrio voluntatis creatæ, sed sub conditione pendente, & determinabili per voluntatem consequentem Dei ex arbitrio voluntatis divinæ.* Primum patet, quia per illam voluntatem antecedentem absolute vult Deus ordinare, & promovere creaturam rationalem ad finem salutis, ad id enim nullam expectat conditionem voluntatis creatæ, sed independentem ab eius libero consensu, & determinatione, & pro priori ad ipsam, ex vi illius voluntatis antecedentis ordinat generaliter homines ad vitam æternam, instituendo leges, auxilia, & alia generaliter promoventia omnes homines ad finem salutis, quæ media sunt lex naturalis, scriptæ, & lex gratiæ, vita, passio, & mors Christi, prædicatio vniuersalis Evangelij, seu vocatio vniuersalis omnium hominum ad nuptias gloriæ, sacramenta ab ipso Christo instituta, & alia huiusmodi, quibus vel formaliter, vel in causa ordinantur, & promoventur, & invitantur omnes homines ad finem salutis: Sed respectu horum voluntas illa non est conditionata, sed absoluta: Ergo.

79. Secundum etiam patet, quia ex vi horum

omnium non ordinatur homo ad salutem nisi despendenter à conditione, quod nempe illa media vniuersalia debet applicentur, & eis homines uti velint, quam conditionem Deus absolute non decternit; nec simpliciter vult ex vi illius voluntatis antecedentis, sed relinquit illam indecisam, & ut sic dicam, pendulam, & indeterminatam: Sed eo ipso illa voluntas antecedens ex parte obiecti absolute volit, nempe ex parte ordinationis in finem salutis per omnia promoventia ad salutem, est conditionata, quia illa ordinatio, & omnia illa promoventia ordinant, & movent conditioner, sub conditione absolute non determinata per illam voluntatem antecedentem: Ergo ea voluntas ex parte obiecti absolute volit est conditionata. Explicatur ex D. Th. 1. sent. dist. 46. q. 1. art. 1. ad 1. ubi sic ait: *Dicendum quod voluntas antecedens potest dici conditionata, nec tamen est imperfectio ex parte voluntatis, sed ex parte voliti, quod non accipitur cum omnibus circumstantiis, quæ exiguntur ad rectum ordinem in salutem.* Ex quo sic infero: Ergo obiectum, seu volitum per illam voluntatem antecedentem non est salus cum omnibus, quæ exiguntur ad rectum ordinem in salutem, sed solum cum aliquibus: Ergo per illam Deus non vult omnia, quæ requiruntur ad salutem, sed solum aliqua. Quo supposito rogo, quæ sunt illa, quæ vult requirere ad salutem, & quæ sunt illa, quæ per illam non vult, sed sine illis accipitur volitum, requisita tamen ad salutem? Sane, quæ vult requisita, sunt omnia illa generaliter promoventia ad salutem: Quæ non vult, quamvis requisita, sunt ex conditiones, quæ, illis positis, desiderantur ad salutem, nempe debita applicatio illorum, debitus usus, & consensus voluntatis creatæ: Ergo ex vi illius voluntatis antecedentis est volita salus cum omnibus generaliter promoventibus in salutem, non vero sunt volitæ cæteræ conditiones ad salutem exactæ in se ipsis, sed istæ conditiones manent non volitæ, indecisæ, & indeterminatæ, seu non inclusæ in obiecto volito voluntate antecedenti. Sed eo ipso ea voluntas ex parte obiecti manet conditionata: Ergo.

80. Ex quo iam etiam probatur tertium, nempe quod conditio illa, seu conditiones desideratæ in obiecto, seu volito voluntatis antecedentis, non expectentur vnicè ex arbitrio voluntatis creatæ, sed maneant determinabiles, & pendentes ex arbitrio voluntatis divinæ consequentis; probatur inquam, primò, quia conditiones, & circumstantiæ non volitæ, seu non inclusæ in volito illius voluntatis antecedentis, manent volibiles, & consequenter determinabiles ex vi voluntatis consequentis: Sed illæ conditiones non sunt volitæ, nec inclusæ in volito voluntatis antecedentis, quia ut inquit D. Th. volitum illius non accipitur cum omnibus, quæ exiguntur ad rectum ordinem in salutem: Ergo manent volibiles, & consequenter determina-

bilis per voluntatem Dei consequentem. Secundò, quia conditiones illæ, vel circumstantiæ desideratæ ad salutem pendentes, & subiiciuntur dominio Dei per prius, quam dominio voluntatis creantur: Sed eo ipso, si per voluntatem antecedentem non intelliguntur determinari, sed manent indifferentes, & contingentes ad esse, vel non esse, manent determinabiles penes Dei dominium, & libertatem per prius quam à dominio, & libertate voluntatis creantur: Ergo. Maior probatur, quia conditiones illæ sunt recta applicatio, & rectus usus omnium promouentium generaliter omnes ad salutem, & consensus, ac velle voluntatis creantur: Sed hæc omnia per prius subiiciuntur dominio Dei, quam dominio, & arbitrio voluntatis creantur, quia non solum est penes Dei dominium, & arbitrium instituire sacramenta, prædicatio Evangelij, invitatio omnium ad nuptias gloriæ, sed applicatio horum ad singulos in particulari, rectus usus istorum, & quod homines consentiant, vel non consentiant vocationibus generalibus: Ergo.

81. Secundò probatur idem assumptum ex Augustino, & alijs PP. asserentibus contra Pelagium, Deum vt saluum faciat hominem, seu vt hominem convertat, non expectare hominis voluntatem, sed potius illam prævenire. In primis enim August. lib. 4. contra Iulian. cap. 8. & in Enchirid. cap. 25. & 27. ait: *Multi salvi non sunt, non quia ipsi nolint, sed quia Deus non vult, quod absque ulla controversia manifestatur in parvulis.* Ex quo sic arguitur: Si supposita illa antecedenti, & generali voluntate, vnicè maneret penes libertatem hominis purificare, vel non purificare conditionem desideratam, nullus non saluaretur, nisi quia nolet, nullusque saluaretur, nisi quia vellet vi medijs à Deo preparatis, v. g. baptizatos: Sed hoc est falsum, quia parvuli, qui baptizati decedunt, salvantur, & non quia volunt, sed quia Deus vult, & qui non baptizati decedunt, non salvantur, & non quia nolint, sed quia Deus non vult: Ergo falsum est, quod supposita illa voluntate antecedenti, vnicè maneat penes voluntatem hominis purificare, vel non purificare conditionem desideratam in illa voluntate antecedenti.

82. Dices, illos parvulos, qui non baptizati decedunt, ideo illis non applicari baptismum, quia homines, id est parentes, vel Ministri nolunt, unde semper manet penes hominis voluntatem purificatio conditionis. Sed contra, quia sæpe, quantumvis parentes, & Ministri velint, non applicatur baptismus, vt cum decedunt in vtero matris: Ergo tunc vnicè pendet ex arbitrio Dei: Vnde Augustinus contra hanc evasionem, quæ etiam erat Pelagianorum, sic lib. de dono perseverant. cap. 12. arguit: *Quid dicam, quod parvulus aliquando, antequam illi succurri possit, ex pirat, plerumque enim festinantibus parentibus,*

*& Ministris paratis, vt baptismus parvulo datur, Deo tamen nolente, non datur.* Et lib. 6. contra Iulian. cap. 14. sic ait: *Aliquando Deus adoptat in filium, quem format in utero immundissimæ fœminæ: & aliquando non vult esse filium suum, quem format in utero filie sue. Ille quippe ad baptismum nescio qua provisione pervenit: iste repentina morte non pervenit. Atque ita Deus, in cuius potestate sunt omnia, facit esse in Christi consortio, quem formavit in diaboli domicilio, & non vult esse in Regno suo, quem formavit in templo suo.* Ex totum hoc post voluntatem illam generalem, & antecedentem, quæ vult omnes homines salvos fieri, & quæ neminem vult perire: Ergo adhuc supposita illa, manet penes Dei dominium, & libertatem, homines salvari, vel non salvari, seu illis applicari, vel non applicari media, & remedia salutis. Cæue tamen, ne ly quia Deus non vult, ly Deo nolente, quo vitur Augustinus, accipias de nolitione positiva, & propriè tali, nam hæc nec necessaria est salvandam mentem Augustini, nec Deum, cuiusque summam bonitatem decet, nec cum illa generali Dei omnes salvandi voluntate facile coheret; sed accipiendum est, de nolle improprie, pro permittere liberè, quod infans non baptizetur; hoc enim quod est in Deo permittere liberè quod infans non baptizetur, cum posset facere quod baptizaretur, vocat August. non velle, seu nolle ipsum baptizari, quia ad Dei libertatem, & dominium explicandum vnum alteri æquivalet. Sicut omnes explicant, illud Apost. cuius vult miseretur, & quem vult indurat, quasi dicat, quem liberè permittit indurari, indurat. Quod sensu omnia rectè coherent.

83. Tertiò probatur assumptum ex Concilio Arausicano Canon. 4. ubi sic definit: *Si quis, vt à peccato purgemur, Deum voluntatem nostram expectare contendit, non autem vt etiam purgari velimus per Sancti Spiritus infusionem, & operationem in nobis fieri conficitur, resistit ipsi Spiritui Sancto per Salomonem dicenti, preparatur voluntas à Domino, & Apostolo salubriter prædicanti, Deus est, qui operatur in nobis velle, & perficere pro bona voluntate.* Ergo dici non potest, quod Deus ita vult homines salvari si velint, quod ab ipsorum voluntate expectet quod velint, & non potius ipse Deus sit, qui à se ipso in ipsis operatur, & velle, & facit etiam vt velint per arbitrio suo, & bona voluntate. Confirmatur ex Fulgentio lib. de Incarnat. & Grat. Christi. cap. 26. ubi sic ait: *Quomodo omnia, quæ vult, facit, si volens hominem saluum fieri, cuius salus non nisi à bona incipit voluntate, ipsum velle non in homine Deus inchoat, sed vt ab homine nascatur expectat: O quam pessimum nefas asseritur, dum gratia Dei contumaciter negatur: Et qui nullus eget adiutorio vt hominem faciat, operari tamen quod vult in hominis voluntate.*

luntate non possit prius quàm in homine ipsum vel-  
le repererit: Ergo Deus nō ita vult omnes homi-  
nes salvos fieri, sub conditione quod velint, quod  
hanc conditionē, scilicet ipsos velle, expectet vni-  
cē ex determinatione voluntatis creatæ. Et con-  
siderandum maximē est, quod hæc, & similia dicūt  
PP. & Concilia contra Pelagianos, vel Semi-Pe-  
lagianos, qui sic explicabant illum textum Apost.  
Vnde August. *Epist. ad vitalem*, sic ait: *Opera-  
tur quippe ille dicit, quantum in ipso est, ut vel-  
limus, sed si nos acquiescere nolumus ut opera-  
tio eius nihil in nobis possit efficere. Hoc si di-  
cis, profecto nostris orationibus contradicis. Be  
lib. 4. contra Iulian. cap. 8.* sic ait: Sed opponis  
apostolicum testimonium, & ad eo dicit pulsantibus  
aperiri, qui omnes homines vult salvos fieri,  
& ad agnitionem veritatis venire, ut videlicet  
intelligamus, docentibus vobis, ideo non omnes  
homines salvos fieri, & ad agnitionē veritatis  
venire, quia ipsi nolunt petere, cum Deus velit  
dare, nolunt quærere, cum Deus velit ostendere,  
nolunt pulsare, cum Deus velit aperire. Beatus  
Remigius in *lib. de tribus Epist. versans textum*  
Apostoli, & expositiones quatuor, sic ait: *In  
quarto illud sine dubio cavendum est, quia & oc-  
casione Pelagiana pravitatis præbet, quæ  
Deum ut salvet homines humanas expectare as-  
serit voluntates.*

84 Respondent contrarij, Pelagianos,  
aut Semi-Pelagianos, ideo errasse, damnatosque  
fuisse à PP. & Concilijs, quia ita exponebant,  
quod Deus vult omnes homines salvos fieri, si  
vellet, ut expectaret ipsos velle independen-  
denter à concursu gratiæ, seu à gratia, volunta-  
te purē naturali, seu ex viribus naturæ, aliter au-  
tem sentire eos, qui solum dicunt Deum expe-  
ctare quod velint voluntate præparata per gra-  
tiam, quamvis per gratiam indifferentem subdi-  
tam quoad vsum, & applicationem determinati-  
ni voluntatis humanæ.

85 Sed contra est, quia etiam Pelagiani,  
aut Semi-Pelagiani hoc effugio utebantur, vnde  
D. Prosper. in *Epist. illa*, quam ad August. scripsit  
de reliquijs Pelagianorum, sic scribit: *Nec consi-  
derant, se gratiam Dei, quam commitem, non  
præviā volunt esse humanorum meritorum,  
etiam illis voluntatibus subdere, quas ab ea se-  
cundum suam phantasiā non negant esse præ-  
ventas.* Ecce non negabant Semi-Pelagiani, vo-  
luntatem præparare, seu præveniri gratia Dei; &  
tamen quia eam gratiam ponebant subditam li-  
bero arbitrio quoad vsum, arguuntur à D.  
Prospero: Ergo. Vide *Tractat. de Provid. quæst.  
13. à num. 17.* vbi Pelagium etiam admisisse gra-  
tiam excitantem, & prævenientem bonam volun-  
tatem sobrietatem tamen libero arbitrio quoad  
vsum, satis ostendi ex Augustino, & hanc ratio-  
nem impugnari.

86 Ex quibus denique sequitur, conditionem  
illam desideratam in obiecto voluntatis antece-  
denti, nempe applicationem, & vsum mediocri,  
ac consensum voluntatis humanæ, manere etiam  
penes dominium voluntatis divinæ, ut scilicet, vel  
illam velit voluntate absoluta, simpliciter effica-  
ci, & consequenti, vel illius defectum liberē per-  
mittat permissione consequenti, vt explicabam  
*Tract. de Provid. quæst. 9. à num. 177.* vbi quæ in  
oppositum obijciuntur ex PP. soluta dedi. Et q.  
18. à n. 74. ex ibi enim dictis, dicta hic, explican-  
tur, & quæ possunt obijci solvantur aperte.

# EXPLICATUR, AN VOLUNTAS antecedens sit propriæ, & forma- liter in Deo?

87 **D**E hoc litigant inter se Authores,  
tàm Thomistæ, quàm extranei, vnde  
de cōtrovertia ista nō ita dogmatica est, vt quod-  
libet sentiri non liceat: inter Theologos, Catholi-  
cos, vtpotē ex quo Fidei dogmatibus nullum im-  
minet detrimentum. Igitur Guillelmus Aëstius;  
Basilii Legionensis, Alexander, Bonaventura, &  
Scotus, & ex Thomistis Bañez, Navarrete, & Zu-  
mel, tenent eam voluntatem antecedentem, qua  
Deus vult omnes homines salvos fieri, non esse  
voluntatem beneplaciti, nec propriæ, & formaliter  
in Deo, sed solam voluntatem signi, & metapho-  
ricē Deo convenientē, eo quod in operibus, qui-  
bus promovet homines ad salutem, legere vt vo-  
lens omnium salutem. E contra autem tàm ex Ie-  
suitaris, quàm ex Thomistis, serē omnes RR. sen-  
tiunt, eam esse voluntatem beneplaciti, & propriæ,  
& formaliter Deo convenire. Vt autem magis  
in quo difficultas consistat, & quod pene nulla est,  
nisi in vocibus discordia, consistet, ponam vtrius-  
que sententiæ fundamenta.

88 Igitur pro hac secunda stare in primis  
videtur D. Tho. nam q. 23. de *Verit. art. 3.* sic ait:  
*Voluntas de Deo propriè dicitur, & hæc est volū-  
tas beneplaciti, quæ per antecedentem, & conse-  
quentem distinguitur.* Et in 1. *dist. 47. q. 1. art. 2.*  
sic ait: *Possumus loqui de voluntate beneplaciti,  
vel signi, & de voluntate beneplaciti, vel conse-  
quente, vel antecedente.* Ergo iuxta D. Tho. volun-  
tas antecedens est voluntas beneplaciti, & conse-  
quenter propriæ talis. Et cōfirmant exemplis, quib-  
us D. Tho. vitatur; nam iudex iustus verè, & pro-  
priè vult hominem vivere, si non obstarent gra-  
viores cōsiderationes; & navigans verè, & propriè  
vult suas merces conservare, nisi immineret peri-  
culum summersionis: Sed hoc vult voluntate  
antecedenti tantum: Ergo voluntas antecedens  
est propriæ, & formaliter voluntas.

89 Secundo probant, quia textus ille Apost.  
*vult omnes homines salvos fieri* debet intelligi in  
sensu proprio, & non putē metaphorico, iuxta cō-  
munē regulā, quod verba Scripturæ sic intelligantur

da sunt, quando nullum sequitur inconveniens: Sed intelligitur de voluntate antecedenti: Ergo hæc est propriè, & formaliter voluntas.

Tertiò à ratione: Quia obiectum illius voluntatis est salus hominum secundum se: Sed salus hominum secundum se est propriè, & formaliter volibilis: Ergo & voluntas illius est propriè, & formaliter voluntas. Minor patet, quia salus secundum se est propriè, & formaliter bona: Ergo est propriè, & formaliter volibilis.

90 Quartò, & principaliter, quia Deus propriè, & formaliter vult media generaliter conducentia ad salutem omnium hominum: Sed hoc est impossibile, nisi per prius velit propriè, & formaliter finem, nempe salutem ipsam; quia nemo vult propriè media ad finem, nisi quia per prius vult propriè, & formaliter finem: Ergo Deus vult propriè, & formaliter finem salutis. Explicatur: Volitio mediorum efficacium ad finem obtinendum necessariò præsupponit intentionem efficacem finis: Ergo pariter volitio mediorum inefficaciù, seu non efficacium ad finem supponit volitionem inefficacem finis.

91 Nec valet respondere, quod volitio mediorum sufficientium satis est quod procedat ex volitione virtuali finis, & non requiritur quod procedat ex volitione formali. Contra enim vrgent, quia volitio virtualis finis est volitio finis vt contenti in virtute mediorum: Sed hæc est volitio ipsorum mediorum: Ergo volitio mediorum nequit procedere ex volitione solum virtuali finis, hoc enim esset procedere ex se ipsa. Confirmant, quia volitio efficacium mediorum efficacium necessariò procedit ex volitione formali finis, & non solum ex volitione virtuali illius: Ergo pariter volitio mediorum sufficientium, seu inefficacium essentialiter procedit ex volitione inefficaci finis non pure virtuali, sed formali. Confirmant secundo, quia sic se habent in appetibilibus volitio finis, & volitio mediorum, sicut in speculabilibus assensus principiorum, & assensus conclusionis: Sed in speculabilibus assensus conclusionis semper procedit ex assensu formali, & non solum virtuali principiorum: Ergo pariter volitio mediorum semper procedit ex volitione formali finis, & non solum virtuali. Ex quibus inferes, hanc sententiam eo tendere, vt præter voluntatem, seu velle, quo Deus vult propriè omnia media promoventia ad salutem, detur in Deo velle, quo per prius velit propriè, & formaliter, ac immediatè salutem ipsam in se ipsa, ad ipsam in se ipsa terminatum.

92 E contra autem prima sententia oppositum contendit, & probat, quia tepugnat in Deo voluntas libera propriè, & formaliter talis, pure inefficax erga obiectum immediatè volitum: Sed talis esset voluntas formaliter, & mediatè de salute omnium hominum: Ergo illa in Deo non

datur propriè, & formaliter. Maior probatur primò ex *quest. 9.* in qua id expresse probavimus. Secundo, quia Div. August. exponens sæpissimè textum Apost. nāquam illud exposuit de voluntate pure inefficaci, immo, datis varijs expositionibus, concludit August. in *Enchirid. cap. 103.* posse quocumque alio modo intelligi, *dummodo credere non cogamur, aliquid omnipotentem voluisse fieri, factumque non esse*, in qua sententia fuit perpetuus Augustinus: Ergo ex mente Augustini tepugnat Deo velle propriè tale erga obiectum propriè, & formaliter volitum pure inefficax. Tertiò, quia in Deo omne velle liberum est efficac erga obiectu immediatè volitum: Ergo tepugnat in eo velle liberum inefficax erga obiectum immediatè, & formaliter volitum. Probatur antecedens, quia in Deo nõ potest distingui velle liberum erga obiectu immediatè volitum efficac, & velle liberum erga idem obiectum immediatè volitum inefficax: Ergo vel omne velle liberum est efficac erga immediatum volitū, vel nullum: Sed non nullum: Ergo omne est efficac erga obiectum immediatè volitum. Antecedens probatur, quia si distingui deberet velle liberum erga idem immediatè volitum, iam efficac, iam inefficax, efficaciac, vel inefficacia in divino velle consisteret in connatu intrinseco maiori, vel minori, seu in modo volendi, & tendendi cum maiori, vel minori connatu, intensè, vel remissè, ferventer, vel negligenter erga idem; supposito enim quod obiectum immediatè volitum sit idem, implicat erga illud distingui velle efficac, vel inefficax, nisi ex modo intrinseco volendi cum maiori, vel minori connatu, aut intensione: Sed in Deo sic distingui non potest velle efficac, & inefficax respectu eiusdem: Ergo nec velle efficac, & inefficax respectu voliti immediati. Minor probatur primò ex D. Tho. *quest. 1. de Potent. art. 2. ad fin. corp. vbi sic ait: Intentio autem in operatione divina non est attendenda secundum quod operatio est in operante, quia sic semper est infinita, cum operatio sit divina essentia: sed attendenda est secundum quod attingit effectum, sic enim à Deo quedam moventur efficaciter, quedam minus efficaciter*: Ergo efficaciac, vel inefficacia voluntatis divinæ non potest pensari ex modo intrinseco volendi cum maiori, vel minori connatu, aut intentione ex parte Dei volentis, quia hæc semper est infinita: Sed solum ex parte obiecti, quatenus vult creaturam moveri efficaciter, aut moveri inefficaciter, quæ sunt volita distincta.

93 Denique probatur ratione vrgentissima, quia voluntas, qua prædicat Apostolus Deum velle omnes homines salvos fieri, non est voluntas vt immediatè terminata ad salutem omnium in se ipsa: Ergo solum est voluntas terminata ad salutem in medijs, & auxilijs promoventibus ad salutem: Sed hæc non est formaliter, &

pro-

proprie voluntas de salute, sed solum virtualiter, quatenus vult immediatè, & proprie media, ip quibus salus virtualiter continetur: Ergo voluntas, quam prædicat Paulus, non est propria, & immediata voluntas de salute ipsa, sed solum de illa virtualiter. Primum antecedens, in quo est difficultas, probatur, quia voluntas illa vt immediatè terminata ad salutem omnium in se ipsa, terminaretur ad illam vt merè possibilem, non extrahendo illam per se à mera possibilitate in se ipsa; siquidem cum esset inefficax erga illam in se ipsa, illam intrinsicè non immutaret, sed vt erat ex se reliqueret: Sed voluntas, quam prædicat Apostolus non est voluntas de salute vt merè possibile, tum quia hæc repugnat, vt infra ostendamus: Tum quia ea voluntas per se nihil proderet hominibus, nec esset erga homines benefica, cum per se nihil prorsus efficeret: Ergo.

94 Respondent primò alterius sententia Authores; eam voluntatem non terminari ad salutem vt merè possibilem, sed ad illam vt futuram, aut existentem existentia cognita, aut apprehensa, quatenus homines salvari consideratum, seu apprehensum ac si existeret, aut futurum foret, esset obiectum, quod non potest Deo non placere. Ita P. Vazquez. Sed hanc solutionem impugnat, & merito Illust. Godoy, primò, quia intellectus divinus non potest apprehendere salutem, re ipsa non existentem, nec futuram, ac si existeret, aut futura foret, aliàs eam cognosceret aliter ac est in re. Secundò, quia ex doctrina solutionis solum probatur simplex complacentia Dei in salute cognita, vel apprehensa vt existentis, aut futura: Sed voluntas, de qua est questio, non est simplex complacentia, quia est qua Deus vult homines salvos fieri, non qua complacet in salute apprehensa vt existentis: Ergo.

95 Respondet secundò Hericè, volitionem illam vt volitio est, terminari ad salutem in se ipsa; in ratione autem libera, sive vt exercitè liberam in actu secundo comparari immediatè ad auxilia sufficientia ad salutem, ad illam vero solum mediatè. Sed hanc etiam evasionem impugnat Illust. Godoy, & merito, quia dum inquit eam volitionem, vt volitio est, terminari immediatè ad salutem in se ipsa, aliter intelligi non potest, nisi quod terminetur ad ipsam vt merè possibilem, quia salus est vt illius voluntatis antecedentis non est, nec supponitur in se ipsa, nisi vt merè possibilis: Ergo si vt volitio est terminatur ad salutem in se ipsa, terminatur ad illam vt merè possibilem: Ergo respectu salutis in se ipsa solum est simplex complacentia necessaria, quia respectu obiecti vt merè possibilis ad summum admitti potest in Deo simplex complacentia necessaria, vt infra ostendemus: Sed hoc est evidenter falsum, nam Apostolus, cum dixit, Deum velle omnes homines salvos fieri, evidenter aliam voluntatem

tatem ostendit, quam simplicem complacentiam necessariam de salute vt possibili: Ergo.

96 Secundò, quia Apostolus, cum inquit Deum velle omnes homines salvos fieri, evidenter loquitur de voluntate libera, quia loquitur de voluntate gratuita: Sed per te volitio, seu voluntas, vt libera, non terminatur immediatè, nisi ad auxilia sufficientia, & mediatè ad salutem: Ergo tandem concedis, voluntatem, seu velle, de quo loquitur Apostolus, prout de illo loquitur, non esse formaliter, & immediatè de salute omnium hominum, sed solum de illa virtualiter, seu de auxiliis sufficientibus, in quibus virtute continetur. Cur ergo hoc ipsum impugnaverit in Basilio, vt absurdum, & audaciam. Explicatur, solum vult Deus liberè, & gratuito, quod vult volitione libera vt libera: sed per te Deus volitione libera, vt libera, non vult immediatè salutem omnium, sed immediatè solum auxilia sufficientia: Ergo Deus solum vult liberè, & gratuito immediatè quidem & formaliter auxilia sufficientia, salutem vero ipsam solum virtualiter, & mediatè. Sed Apostolus loquitur de velle salutem liberè, & gratuito; quia in illo velle commendat nobis Dei gratiam: Ergo loquitur de velle salutem ipsam, non immediatè, & formaliter, sed virtualiter, & mediatè in auxiliis, & medijs sufficientibus.

97 Propterea alij respondent, Apostolum loqui de velle absolute quidem liberò, & gratuito, sed necessariò ex suppositione hominis existentis, & creati; volitionem autem huiusmodi bene posse terminari ad salutem vt possibilem homini existenti. Sed contra est primò, quia volitio gratuita debet esse libera, adhuc ex suppositione subiecti existentis, cum debeat esse ei indebita: Sed Apostolus loquitur de voluntate gratuita: Ergo de voluntate libera vt libera adhuc ex suppositione hominis existentis. Vnde, qui hanc voluntatem salvandi omnes, vi cuius Deus auxilia sufficientia confert, necessariam voluntatem esse ex suppositione creationis, vt videtur sentire Eminentissimus Sfondatus, in suo nodo part. 1. ad fin. num. 6. cavere debet ab eo errore Pelagij, qui aliam gratiam non admittebat, nisi gratiam creationis, nam si voluntas prædicta solum sit libera, ea libertate, quæ est ad hominem creandum, vel non creandum, non vero ex suppositione hominis creati, planè sequitur, totam voluntatem gratuitam, & totam gratiam stitisse in homine creando, supposita autem creatione, quod Deus vellet illum salvum fieri, & auxilia sufficientia, gratiam non esse, sed debitum, aut necessariam sequelam; quod si quis dicat, haud multum distabit ab illa hæresi. Dicendum est ergo, voluntatem illam omnes salvandi gratuitam esse, & liberam, adhuc ex suppositione hominis existentis, & creati. Secundò, quia dum inquis, eam volitionem terminari ad salutem vt homini existenti possibilem, vel in-

telligis de possibilitate necessaria illius ex prædicationis intrinsecis, aut ex omnipotentia; vel de possibilitate illius extrinsecæ, & contingentis in vi auxiliorum sufficientium ad illam? Si primum, nullo pacto potest terminare amorem, aut velle liberum, quia ut necessario possibile non potest esse obiectum actus liberi. Si secundum, ergo ea volitio, seu velle Dei non terminatur ad salutem formaliter in se ipsa immediate, sed ad illam ut contentam virtualiter in auxilijs sufficientibus, quæ est sententia Basilij; siquidem ipsa salus non est possibilis extrinsecæ, & contingenter in se ipsa, sed solum ut contenta virtualiter in auxilijs sufficientibus contingentem existentibus.

98 Tertio alij respondent, eam voluntatem antecedentem terminari ad salutem ut conditionatam futuram. Sed contra etiam est, quia vel ad salutem ut conditionatam futuram intrinsecæ in se ipsa, vel ad illam ut conditionatam futuram extrinsecæ, & in causa? Primum dici nequit, quia salus, neque aliquid aliud, potest esse contingentem conditionatam futuram intrinsecæ in se ipso, sed solum extrinsecæ, & in causa. Si dicatur hoc seu secundum; sic arguo: Salus non est conditionatam futura extrinsecæ, & in causa, nisi ut contenta virtualiter in causa determinata ad illam sub conditione: Si d. per te solum terminatur ad illam ut futuram extrinsecæ, & in causa: Ergo solum terminatur ad illam ut contentam virtualiter in causa: Ergo non est voluntas formaliter, & immediate de salute in se ipsa, sed de illa virtualiter in causa sufficienti, aut determinata.

99 Propter denique Illust. Godoy, impugnaris cæteris solutionibus, tandem respondet, volitionem illam antecedentem terminari ad salutem omnium in se, non ut putè possibilem, sed ut futuram futuritione inchoatam, & incompletam, quo pacto redditur futura salus ex vi auxiliorum sufficientium, quibus voluntas inchoativè determinatur ad salutem obtinendam. Sed hæc etiam solutio in idem recidit, ac cæteræ præcedentes, quia salus ipsa intrinsecæ in se nõ est futura, adhuc inchoativè; quia, ut etiam Ill. God. vbi-que facitur, & late probat *Tractat. 4. disput. 33. per totam*, futurum formaliter constituitur futurum per præparationem, & determinationem in causa ad illius existentiam: Ergo idem est voluntatem antecedentem terminari ad salutem ut futuram inchoativè, ac terminari ad illam ut in causa determinatam, & præparatam ad illam obtinendam: Sed hoc non est terminari ad illam in se ipsa, sed immediate ad illam ut contentam virtualiter in causa: Ergo tandem facitur voluntatem illam antecedentem de salute omnium non terminari ad salutem in se ipsa, & formaliter, sed solum ad ipsam virtualiter in causa contentam, nõ per in auxilijs sufficientibus ad ipsam. Vnde tandem omnes illi, qui contra Basilium conantur

defendere, voluntatem illam antecedentem esse de salute in se ipsa, incidunt in sententiam Basilij, velint nolint, & fatentur coacti, id ipsum, quod impugnare se dicunt. Recole à nobis dicta *suprà quæst. 10. per tot. præsertim à numer. 22. & etiam quæst. 9. per tot.*

### NOSTRA SENTENTIA.

100 **D**ico igitur: *Voluntatem antecedentem esse in Deo proprie, & formaliter, sed nõ esse immediatam, & formaliter de salute omnium in se ipsa, sed immediate, & formaliter de salute ut virtualiter contenta in medijs, & causis promoventibus ad illam, mediatè vero de illa in se ipsa.* Hoc est, Deum per illam voluntatem velle absolute, simpliciter, immediate, & formaliter promovere omnes homines ad salutem per media, & causas universales erga omnes; tantum verò virtualiter, & mediatè improprie, & secundum quid, velle salutem omnium in se ipsa; unde respectu salutis in se ipsa est voluntas signi; respectu vero salutis in causis, & medijs moventibus ad illam est voluntas beneficii placiti. Conclusio ista sic explicata debet censeri communis omnium Authorum; nam qui illi videntur contradicere, id ipsum tandem fatentur. Hæc enim planè fatetur, quod ea voluntas ut libera, & consequenter ut gratuita, solum terminatur immediate ad auxilia sufficientia, seu ad causas promoventes ad salutem; patet autem, quod voluntas antecedens, de qua loquitur Apostolus, est voluntas libera, & gratuita, ut talis. Item alij, qui volunt terminari ad illam ut possibilem homini existenti, ut Alarcon, & alij, loquuntur de illa ut possibili extrinsecæ ex vi auxiliorum sufficientium, & causarum promoventium ad illam; idem autem est terminari immediate ad illam ut possibilem extrinsecæ per auxilia, & causas promoventes, ac terminari immediate ad illam ut contentam virtualiter in eis causis. Thomistæ autem RR. ut sunt Ioann. à S. Thom. PP. Salmant. Illust. Godoy, & Goner, sentiunt terminari ad illam ut inchoativè futuram; patet autem, quod illa non est inchoativè futura in se ipsa formaliter, sed solum in causis promoventibus ad ipsam: Ergo omnes sentiunt eam voluntatem antecedentem immediate, & formaliter solum terminari ad salutem ut contentam virtualiter in causis, & medijs promoventibus ad illam.

101 Deinde probatur ex D. Prospeo *lib. de vocatione gent. cap. 2 §. vbi* postquam dixit Deum velle, semperque voluisse, omnes homines salvos fieri, subiungit: *Et hoc non aliunde monstratur, quam ex his beneficijs, atque providentia Dei; quam universis generationibus communiter, atque indifferenter impendit*: Tunc sic, sed ex his beneficijs solum monstratur voluntas Dei, qua immediate, & formaliter velle ea beneficia, & salu-

tem ut in illis virtualiter contentam, non autem monstratur voluntas, qua immediate, & formaliter velit aliquid ultra, seu ipsam salutem in se ipsa: Ergo velle illud, quo dicitur Deus velle omnes salvos fieri, non est immediate, & formaliter de salute in se ipsa, sed immediate, & formaliter de beneficiis, & causis promouentibus ad illam, & de illa ut contenta virtualiter in illis. Minor probatur, quia ex beneficiis à Deo collatis solum probatur, aut monstratur voluntas per se requisita ad illa beneficia: Sed ut dentur ea beneficia solum exigitur, & sufficit voluntas, qua Deus immediate, & formaliter velit ea beneficia, quæ de facto confert, non vero alia, qua velit immediate, & formaliter cetera, quæ de facto non confert; nã ut Deus de facto conferat aliquod beneficium nõ exigitur quod immediate, & formaliter velit plus, quam quod de facto confert, nec aliud quod de facto nõ confert: Ergo ex beneficiis à Deo collatis in præsententi providentia, solum probatur, & monstratur voluntas, qua velit formaliter, & immediate ipsa, non autem qua velit immediate, & formaliter plus, aut aliud, nempe salutem omnium, quam de facto non confert.

102 Dices, exigi necessario ut Deus conferat auxilia, seu media ad salutem sufficientia, quod per prius velit immediate, & formaliter salutem, quia non potest velle media ad finem, nisi ex intentione formali finis, cum velit media propter finem. Hæc est principalis ratio contrariorum, sed fundata in sinistra intelligentia; quia tunc solum volens medium aliquod propter finem aliquem, debet per prius velle formaliter, & immediate finem, quando vult salutem, & ex parte actus media propter finem; hoc est, quando propter finem volit vult media: Sed Deus ita non vult auxilia promouentia ad salutem propter salutem: Ergo opus nõ est quod per prius velit immediate, & formaliter salutem in se ipsa. Maior patet, quia ea solum ratione potest probari, quod volens medium ad finem, debet per prius velle formaliter finem, quia volitio ipsa mediis est propter finem volitum, & ex volitione finis procedens; hoc autem solum probatur, quando volens vult formaliter, & ex parte actus propter finem volitum. Minor vero probatur ex illo D. Thom. asserto: *Deus non propter hoc vult hoc, sed vult hoc esse propter hoc*, quod quia non consideratur, ideo difficulta multa videntur, quæ facilia ex se sunt: Deus ergo non propter salutem volitam vult promouentia ad salutem, sed vult ea media, & causas promouentes esse propter salutem, seu ordinatas ad salutem: Ergo Deus non vult media ad salutem, seu ad finem, formaliter, & ex parte actus propter finem, aut salutem volitam, sed solum vult ea media esse propter salutem. Ex quo sic vergetur: Vt Deus velit ea media esse propter salutem, seu esse ordinata in salutem, non requiritur quod prius

velit salutem formaliter, & immediate in se ipsa, sed satis est, quod immediate, & formaliter velit ea media ut per se ordinata ad salutem: Sed Deus ita vult ea media, & non aliter: Ergo opus non est, quod per prius velit immediate, & formaliter salutem.

103 Confirmatur, quia si ex parte actus Deus vellet ea media propter salutem in se formaliter, & immediate volitam, implicaret manifestè eam volitionem esse magis efficacem erga media, quam erga salutem in se ipsa: Sed ea voluntas antecedens est magis efficax erga media, quam erga salutem in se ipsa, quia erga salutem in se ipsa efficax non est, sed solum erga media: Ergo ea voluntas non vult media propter salutem in se formaliter, & immediate volitã. Probo maiorem, quia implicat propter salutem immediate, & formaliter volitam velle media ad salutem, quin velit magis salutem immediate in se ipsa, quam ipsa media; quia propter quod vnumquodque tale, & illud magis: Sed implicat velle magis salutem immediate, & in se ipsa, quam media, quin voluntas sit magis efficax erga salutem, quam erga media: Ergo. Probo minorem, quia quod Deus magis vult, magis efficaciter vult, eo quod in Deo idem est velle, quod facere, implicatque in illo maior affectus, abique maiori effectu; cum enim possit facillimè facere, quæcumque vult, implicat velle magis, quæ non facit, & facere, quæ minus vult. Vid. quæ diximus *Tract. de Prov. quæst. 8. a num. 20.*

104 Dices forsitan, tunc solum probari, quod voluntas non potest esse efficax erga media, quin sit efficax erga finem, quando est efficax, seu vult media efficaciter ad finem, non vero quando solum vult, seu est efficax ad media sufficientia, & inefficacia. Sed contra est, quia reddit argumentum factum, nam si media illa, quantumvis ex se inefficacia, vult propter finem formaliter volitum, implicat quod non velit magis finem, quam ea media inefficacia; quia propter quod vnumquodque tale, & illud magis: Sed implicat, quod velit magis finem, quam ea media inefficacia, & quod finem velit purè inefficaciter, ea vero media efficaciter: Ergo. Ex quo inferes, quod ex volitione purè inefficaci erga finem, implicat quod procedat electio mediæ, adhuc inefficaciæ, quia volitio purè inefficax finis ad summum potest esse quædam velleitas, quæ quis vellet, sed absolute non vult: Sed ex hac gemo elegit media ad illum finem, quantumvis inefficacia, quia nemo propter id, quod vult quidem, sed absolute non vult, vult absolute, aut absolute facit aliquid, sed ad summum faceret, & vellet: Ergo.

105 Explicatur, quia propterea apud nos esse solet voluntas efficax ad media, & non efficax ad finem, quia finis non subiacerit nostræ potestati, sicut media, v. g. quando quis ad obtinendam



dignitatem ponit omnia media de se moventia voluntatem Regis, vel Principis, & tamen illam non assequitur, & voluntas erga finem manet frustrata, & inefficacia, cum tamen erga media efficaciam haberet; quia videlicet media fuerunt in eius potestate, ut collatio dignitatis non fuit in eius potestate, sed alterius, qui noluit, quem de nolente non potuit facere volentem; attamen si irreius potestate fuisset facere quod Rex vellet dare dignitatem, maiorem efficaciam ad hoc haberet, quam erga media propter hoc volita: At qui Deus, non solum habet in sua potestate media promoventia ad finem, sed vsum, & applicationem illorum, & facere homines de nolentibus volentes: Quod implicat, quod propter salutem immediatè volitam, velit efficaciter, & absolute media promoventia ad salutem, quin magis efficaciter velit salutem ipsam, & conversionem hominum.

106 Secundò probatur conclusio ex Div. Thom. quia iuxta ipsum, voluntas antecedens de salute omnium hominum, & est voluntas beneplaciti, & est voluntas signi: Sed utrumque componi non potest, nisi dicatur, quod est voluntas beneplaciti in ordine ad media promoventia ad salutem, quia ea immediatè, formaliter, & propriè vult; voluntas vero signi in ordine ad salutem in se ipsa, quia illam non propriè, & immediatè vult, sed virtualiter in medijs promovetibus ad ipsam, quæ media dici possunt voluntas signi de salute in se ipsa: Ergo ita dicendum est, ut D. Thom. sibi cohercat. Maior, in qua est difficultas, probatur, quia in primis, quod voluntas antecedens sit voluntas beneplaciti iuxta D. Tho. constat ex locis illius allegatis *suprà*. Quod autem etiam sit voluntas signi, constat ex ipso *super* 1. *Epist. ad Timoth. cap. 2. lect. 1.* ubi sic ait. Velle ponitur quandoque pro voluntate beneplaciti, quandoque pro voluntate signi: *Pro voluntate signi vult salvare omnes, quia omnibus proposuit salutis præcepta, consilia, & remedia. Ex opuscul. de præscientia, & prædestinatione, cap. 6.* sic ait: Alio modo dicitur velle aliquid metaphoricè, id est per similitudinem, eo quod ad modum volentis se habet, in quantum præcipit, prohibet, vel permittit aliquid; & hæc dicitur voluntas signi, quæ non semper impletur. De qua dicit Apostolus. 1. ad Timoth. 2. Qui vult omnes homines salvos fieri, cum tamen omnes salvos non fiant, sed multi damnentur. Et licet opusculum hoc ab aliquibus negetur esse D. Tho. verumtamen cum hæc doctrina habeatur in Commentario super Epistolam Pauli ad Timoth. ut propria ipsius habenda est: Ergo voluntas antecedens de salute omnium hominum est iuxta D. Tho. etiam voluntas signi.

107 Tertiò probatur conclusio, quia ut vidimus *suprà quest. 9.* repugnat in Deo voluntas libera, quæ respectu obiecti immediatè, & formaliter

ter voliti sit purè inefficax, quia frustra nec foret, & otiosa, ut potèst absque omni effectu, quia si erga volitum immediatum inefficax foret, potiori titulo erga volitum mediatum, quia causa inefficax erga passum immediatum à fortiori erit inefficax erga mediatum: Sed voluntas antecedens, si esset immediata volitio salutis, in se ipsa esset in efficax erga volitum immediatè, quia est inefficax erga salutem in se ipsa: Ergo repugnat quod sit immediata volitio salutis in se ipsa.

108 Respondet M. Gonet, dupliciter voluntatem aliquam posse dici inefficacem; primò ex aliquo impedimento extrinseco, vincente, aut retardante efficaciam ipsius; secundò ex propria ordinatione, & providentia ipsius volentis. Voluntas igitur inquit, inefficax primo modo esset imperfecta, & repugnat Deo; non tamen si sit inefficax secundo modo, quo pacto est inefficax voluntas antecedens de salute omnium hominum, quia ex propria Dei ordinatione, & providentia sua Deus vult, quod careat effectu, & sit inefficax. Hoc enim expectat ad universale provisorum, ita nempe ordinare omnia ad suos fines, ut tamen aliqua frustrentur suo effectu. Sed contra est, quia implicat, Deum immediatè, & formaliter velle aliquid, & consequenter velle quod ea voluntas careat effectu immediatè volito; hoc enim esset apertè, vel mutare voluntatè, vel velle simul duo contradictoria immediatè: Ergo. Explicatur, quia licet Deus sua providentia ita ordinet omnia ad suos fines, quod aliqua suo fine, & effectu fruatur, hoc solum probat, quod res create ut ordinetur ad suos fines, & ipsa inclinatio, & ordinatio illarum illis impressa, vel indita à Deo frustrari possit suo effectu ex providentia Dei, attamen, quod ipsa voluntas, quæ Deus est, & quæ Deus formaliter, & immediatè vult aliquid, immediato volitò frustratur, & immediato effectu caret; Deus velle nò potest, nisi suæ propriæ, & voluntati contradicendo; quod prorsus Deo repugnat: Ergo nunquam probatur voluntas libera Dei ita inefficax, quod careat effectu immediatè volito, quia Deus vult eam immediatè frustrari, & carere effectu immediatè volito. Vergetur, quia si Deus posset velle formaliter, & immediatè aliquid, & consequenter velle quod ea voluntas careret effectu immediatè volito, pariter posset consequenter velle, quod ea prima voluntas crearet omni effectu ad extra: Sed hoc repugnat, quia alias vellet eam primam, & antecedentem voluntatem esse otiosam, & frustratam in Deo ipso; & item, quia alias verificari posset, quod Deus vellet voluntate antecedenti salutem omnium, quamvis ea voluntas nullum effectu ad extra haberet, Deo nolente consequenter, quod haberet effectu; quod nefas est dicere: Ergo. Explicatur: Si Deus nihil egisset ad extra, quo homines promoveret ad salutem, saltem esset quod Deus vellet antecedenter ho-

ho-

homines saluos fieri: Ergo ideò est, quia Deus non potest velle homines saluos fieri, & consequenter velle illam voluntatem carere suo effectu.

109 Et vt videas ipsum Mag. Goner, in nostram sententiam incidere, audire liceat, quod subiungit: *Vt patet in ordine naturali*, in quo Deus, licet ordinet quolibet individua ad sui, suæque speciei conseruationem, nihilominus consequenter ordinat corruptionem individuorum vnus speciei ad conseruationem alterius, v. g. quod leo deuoret agnum ad sui conseruationem. Ita si niliter in ordine supernaturali, Deus tanquam prouisor vniuersalis providere debet per voluntatem antecedentem, quod homines sint capaces beatitudinis, quod tendant, quantum est de se in illam, & debet illis præparare per talem voluntatem media, & auxilia sufficientia ad illam consequendam. Vt tamen locus detur mutabilitati, & cōtingentiæ, & infirmitati liberi arbitrii, & manifestetur pulchritudo iustitiæ erga aliquos, & splendor misericordiæ erga alios, debet per voluntatem consequentem non velle efficaciter salutem aliquorum, eisque denegare auxilia efficacia ad salutem. Hactenus M. Goner. Ex quibus constat, quod si aliquid frustratur in hac Dei providentia, non est ipsa formalis Dei providentia, & voluntas Dei suo immediato effectu, & volui, sed solum ipsa ordinatio, & inclinatio impressa creaturæ, vel ad suam conseruationem, vel ad suam salutem; quando enim, Deo, vel volente, vel permitte, leo deuorat agnum, frustratur quidem ordinatio passiva, & inclinatio particularis, quam agnus habet ex Deo ad sui conseruationem; sed non frustratur voluntas illa, qua Deus illi talem impressit inclinationem, quia per illam Deus immediatè, & formaliter non voluit agnum conseruari amplius, quam vsque dum leo illum exigeret ad sui conseruationem, licet immediatè voluerit illi conferre inclinationem se conseruandi sine limite, quæ sola immediatè frustratur, & violentiam patitur, dū à leone deuoratur, non vero frustratur voluntas Dei; & similiter, dum Deus voluntate antecedenti ordinat, & inclinat hominem ad salutem per media, & auxilia promouentia illum ad salutem, si hæc media frustrantur, non frustratur voluntas Dei immediatè à suo volui immediato, quia solum voluit immediatè conferre, & providere homini illa media promouentia ad salutem, quæ frustrabilia sunt, non autem voluit immediatè, quod per illa assequeretur salutem ipsam de tacto, sed solum voluit illam promovere ad salutem quantum non obesset bono vniuersali, & manifestationi suorum attributorum; quo effectu nunquam caret ea voluntas antecedens; caret autem suo effectu immediato, & immediatè frustraretur, si immediatè voluisset salutem æternam omnium in se ipsa.

110 Denique probatur conclusio, quia iuxta

D. Th. voluntas Dei antecedens solum est voluntas secundum quid, quia secundum quid vult salutem omnium, non simpliciter, vt vidimus: Sed si per illam veller immediatè salutem in se ipsa esset voluntas simpliciter: Ergo per illam non vult immediatè salutem in se ipsa minor probatur, quia si per illam veller immediatè salutem in se ipsa, veller illam vt hic & nunc, & in particulari, quia salus non est in se ipsa, nisi hic & nunc, & in particulari: Sed si illam sic veller, veller ipsam simpliciter, vt constat ex doctrina expressa D. Th. *supra num. 13*. Ergo.

111 Dices, quod dupliciter potest voluntas Dei comparari ad salutem in se ipsa, nempe vel ad illam in se ipsa secundum se, & in vniuersali, vel ad illam in se ipsa vt hic & nunc, & cum omnibus circumstantiis in particulari: Quando hoc secundo modo terminat divinam volitionem, illam Deus vult simpliciter, sed quando primo modo, illam solum vult antecedenter, & secundum quid, & hanc esse doctrinam D. Th. Sed contra, quia salus secundum se, & in vniuersali sumpta non est in se ipsa, nec existens, nec futura, sed ad summum est in se ipsa purè possibilis, sicut in causis eius vniuersalibus sit virtualiter existens, aut inchoatiue futura: Sed voluntas Dei non terminatur ad illam secundum se, & in vniuersali vt merè possibilem relinquendam, quia hoc otiosum esset, sed ad illam reddendam existentem, aut futuram, eo modo quo sic sumpta esse potest existens, aut futura: Ergo terminatur ad illam reddendam existentem virtualiter in causis, aut medijs promouentibus ad illam, seu inchoatiue futuram ex vi illarum: Ergo non ad illam immediatè in se ipsa. Explicatur: Per vos Deus voluntate antecedenti vult salutem secundum se, & in vniuersali: Sed quidquid Deus vult, eo modo, quo illud vult, vult illud esse: Ergo vult salutem secundum se, & in vniuersali esse: Tunc sic, sed non vult illam secundum se, & in vniuersali esse intrinsecè possibilem, quia hoc otiosum esset, nec illam secundum se, & in vniuersali esse existentem in se ipsa, quia hoc repugnat, nempe, quod secundum se, & in vniuersali existat in se ipsa, cum res secundum se, & in vniuersali non dentur à parte rei: Ergo ad summum vult, illam secundum se, & in vniuersali esse virtualiter contentam in medijs, & causis vniuersalibus illius, seu esse in illis extrinsecè possibilem, aut inchoatiue futuram; & hoc est velle illam secundum quid, quia est velle illam esse extrinsecè contentam in causis, quod est esse secundum quid, & hoc effectum non frustratur ea voluntas.

#### SOLVUNTUR OBIECTA.

112 EX quo iam patet ad obiecta n. 88. in favorem contrariæ sententiæ. Ad primum enim, concedo cum D. Th. voluntatem

antecedentem esse voluntatem beneplaciti, & propriè ac formaliter in Deo, quatenus nempe est voluntas de omnibus promouentibus ad salutem, & de salute ipsa vt virtualiter in illis contenta, & vt ex vi illorum extrinsecè possibilis, aut futura inchoativè, quia totum hoc vult Deus immediate, & formaliter per illam voluntatem antecedentem, & in hoc minime frustratur. Nego tamen quod sit voluntas beneplaciti respectu salutis immediate in se ipsa, aut respectu illius vt consummatæ in individuo, quia sic solum potest dici quod illam Deus vult voluntate signi, quatenus precipit, consulit, movet, & providet media ordinata ad illam in se ipsa obtinendam, & taliter se gerit in opere externo, ac si tota efficacia vellet ipsam immediate in se ipsa, & vt consummatam in quolibet individuo, quod est velle illam voluntate signi; & sic conciliantur loca D. Th. in quibus eam voluntatem appellat iam voluntatem signi, iam voluntatem beneplaciti.

113 Ex quo ad confirmationem admittitur, quod in iudice creato, & in homine navigante potest admitti voluntas antecedens, quæ immediate, & formaliter terminetur ad obiectum secundum se vt merè possibile, seu illud vt merè possibile relinquendo, quia in nobis est dabilis voluntas purè inefficax, frustranea, & otiosa, quæ sit merè velleitas, seu voluntas purè, & formaliter conditionata tendens modo conditionata erga obiectum immediate volitum; at in Deo huiusmodi velleitas, seu voluntas frustranea, otiosa, & formaliter conditionata non debet admitti, vt satis ostendimus *quest. 9. c. 10.* & dedimus disparitatem *num. 14. quest. 9. c. 29. quest. 10.* Et quidem, valde notandum est, quod controversia ista verè theologica, & magni momenti apud omnes de voluntate antecedenti, & generali omnes salvandi, dici non potest, quod sit de velleitate quadam frustranea, & otiosa, quæ non tam possit dici, quod Deus verè, & serio vult, quàm quod vellet, si graviores considerationes non obessent; nam per hanc nec verificaretur verè, & propriè textus Apostoli. quo non dicit, quod Deus vellet, sed quod *vult omnes homines salvos fieri*; nec prodesset ad manifestandam Dei charitatem erga homines; nec ex illa possent procedere tot media, & remedia ad salutem; nam mera velleitas conditionata nihil horum præstare potest. Nec in contra est, quod D. Th. dicit, voluntatem antecedentem magis posse dici velleitatem, quam absolutam voluntas; hoc enim verum est in nobis, quando frustra aliquid volumus sub conditione prævisa non futura, vt cum Mercator vellet merces servare, si naufragium non immineret; sed in Deo voluntas antecedens talis dici non potest, vnde nunquam D. Th. asseruit, in Deo voluntatem antecedentem homines salvandi esse meram velleitatem, quia licet asserat pro exemplo voluntatis an-

tecedentis in Deo nostram voluntatem antecedentem, quæ in nobis solet esse velleitas pura, exemplum non debet tenere in omnibus, præsertim in eo quod dicit imperfectionem, sed solum in eo quod utraque terminantur ad obiectum secundum se, licet nostra relinquendo illud merè possibile; divina tamen ad illud redendum inchoativè futurum per media, & causas absolutæ volitæ, quo pacto velleitas non est, sed absoluta voluntas erga salutem vt inchoativè futuram in causis, & medijs absolutè volitis.

114 Et quidem, si exemplum D. Th. applicandum sit magis ad rem, ponendum est in Iudice iusto, qui ex charitate præbet reo suspendendo omnia sumenta, & alimenta, imò & sæpe medicamenta salutaria vitæ corporali prolongandæ vitæ, & de se ad vitam conservandam ordinata, quamvis videat ipsum post horam in patibulo suspendendum; voluntas enim ista iudicis, quæ ex charitate illi talia media, & alimenta proponit, & suadet quod illa accipiat, est quidem voluntas antecedens salutis, & vitæ illius, sed non mera velleitas otiosa, & frustranea, sed cum effectu immediate volito, & per quam fit, vt ille non moriatur ex defectu charitatis erga ipsum, nec ex defectu alimentorum, licet moriatur ex infirmitate, & ob suam culpam: Sic ergo Deus ex charitate erga homines, etiam ceptos, vult illis omnia media, & remedia salutis adhibere, & illos hortare vt ea accipiant, & hæc est voluntas antecedens salutis illorum, non mera velleitas frustranea, nec inefficax erga immediatum volitum, sed cum effectu immediate volito, & per illam fit, vt homo non pereat ex defectu charitatis erga ipsum, nec ex defectu mediorum, & remedium, sed si pereat, sit ex sua culpa, & ex infirmitate, seu iusto iudicio Dei: Sic ergo applicandum est exemplum D. Thomæ.

115 Ex quo ad confirmationem, distinguo maiorem: Iudex iustus verè, & propriè vult hominem vivere, si nihil absolutè vult ad illius vitam ordinatum, nego: Si ex charitate vult media, & remedia ad illius vitam ordinata, subdistinguo: Vult hominem vivere quantum est ex parte mediorum, concedo: Volendò vitam in se ipsa immediate, nego maiorem; & idem de mercatore, & concessa minori, nego consequentiam, quia si volunt formaliter, & absolutè media de se ordinata ad vitam, aut merces conservandas, tunc ex hoc dici poterunt, quod verè, & propriè volunt vitam, aut merces in medijs ad illas ordinatis; si tamen nihil absolutè volunt, erit mera velleitas, & otiosa, quæ in Deo locum non habet.

116 Ad secundam *ex num. 89.* dico, quod textus Apostoli debet intelligi in sensu proprio, & de voluntate propriè accepta erga salutem vt contentam in medijs, vel vt futuram inchoativè in ipsis; sed in sensu metaphorico, & de voluntate signi respectu salutis in se ipsa; nec potest sine in-

inconveniēti intelligi de voluntate mediata salutis in se ipsa, quia hæc esset mera volētitas, & formaliter conditionata erga immediatum volitum, de qua non loquitur Apost. nec in Deo dabilis est. Ad certam, distinguo maiorem: Obiectum illius voluntatis mediatum, transcat: Obiectum immediatum, subdistinguo: Est salus hominis secundum se in se ipsa, & intrinsecē sumpta, nego: Vt contenta in medijs, seu vt futura extrinsecē ex vi illorum, concedo maiorem, & distincta minori eodem modo respectu voluntatis divinæ, distinguo consequens, a dmittendo etiam esse propriē, & formaliter voluntatem respectu mediorum, & respectu salutis vt contentæ in illis, vel vt extrinsecē future ex vi illorum; sed negando, quod sit formaliter, & immediatē voluntas de salute in se ipsa intrinsecē sumpta.

117 Ad quartam ex num. 90. concessa maiori, nego minorem. Ad cuius causalem, distinguo: Nemo vult propriē, & formaliter media ad finē, nisi quia per prius vult finem, si velit formaliter, & ex parte actus propter finem, motus ex illo fine, concedo: Si solum velit ex parte obiecti media esse propter finem, motus formaliter ex alio fine, nego causalem, & consequentiam. Et eadem distinctione respondeo ad explicationem; fatemur enim, quod qui formaliter propter finē aliquem, motus ex illo fine, vult media ad illum finem, debet per prius velle formaliter finem; sed Deus non sic vult media ad salutem propter salutem, quia non movetur formaliter ex parte actus ad volendam media illa ex salute hominum prævolita; sed vult solum ea media esse ex parte obiecti propter salutem, & hoc vult motus ex propria bonitate, & propter propriam bonitatem formaliter, unde ad summum sequitur, quod debeat per prius velle formaliter suam bonitatem, sed non salutem ipsam. Sicut qui ex charitate profert reo post horam suspendendo dapes, & potum, vult quidem illi media per se ordinata ad vitam conservandam, sed non formaliter propter vitam illius conservandam, sed propter Deum, Deique bonitatem, & ex charitate, vt non pereat ex defectu charitatis, quamvis pereat ex iustitia; & ideo opus non est, quod per prius velit formaliter ipsum vivere, aut vitam conservare; & similiter, si quis per revelationem crederet infallibiliter filium, verb. grat. hac infirmitate post horam moriturum, deberet nihilominus illi adhibere remedia salutis, non quia speraret ipsum salutem restituendum, sed quia Deus iubet, & ex charitate purē, aut obedientia. Vnde vt Deus ex charitate erga homines velit illis media ad salutem, factis est quod velit salutem non deficere ex defectu mediorum, seu quod velit salutem vt contentam virtualiter in medijs, seu media vt ordinata ex se ad salutem.

118 Ex quo ad impugnationem ex num.

91. dico, nos non dicere, quod in Deo volitio mediorum procedit ex volitione virtuali finis, quod recte tibi impugnatur, sed quod volitio mediorum est volitio virtualis finis, quod non impugnatur, nec impugnari potest. Ad confirmationem, in primis, dico, quod in Deo volitio mediorum non procedit ex formali volitione finis, sed ipsa volitio formalis efficax finis est volitio formalis efficax mediorum; sed quia ex nostro modo concipiendi solet distinguere vna ab alia, nēpē volitio finis, & volitio mediorum, dico, quod ex nostro modo concipiendi volitio formalis efficax finis præcedit volitionem mediorum, secus autem volitio formalis inefficax finis; quia Deus potest velle formaliter, & immediatē finem efficaciter, & media similiter, & tunc vult media esse propter finem formaliter, & efficaciter volitum; sed non potest velle immediatē, & formaliter finem inefficaciter, quia hæc volitio formalis frustranea foret, & alijs titulis repugnaret, vt iam supra vidimus, & ideo non oportet, quod vellet media sufficientia ex fine immediatē, & formaliter volito inefficaciter, solum enim Deus vult immediatē, & formaliter quod re ipsa facturus est, quod autem re ipsa facturus, nec daturus non est, frustra vellet, unde nec ea, quæ facit, aut de facto dat, dat ex voluntate immediatē, & formaliter dandi quod re ipsa daturus non est, nec facturus.

119 Ad secundam confirmationem dico; quod potius oppositum probat, quia in speculabilibus nunquam assensus firmus, aut evidens conclusionis procedit ex assensu opinativo, aut obscuro principiorum; unde si paritas aliquid probat, probat quod nec volitio efficax mediorum possit procedere ex volitione purē inefficax finis, ideoque paritas retorquenda est. Deinde dico, quod solum assensus conclusionis procedere debet ex assensu formali principiorum, quando cognoscens assentitur ei formaliter, & ex parte actus propter aliud, non autem quando cognoscit solum ex parte obiecti; vnum esse quia est aliud, seu in alio; tunc enim si conclusio non evidenter, aut infallibiliter, sed solum probabiliter, aut coniecturaliter connectatur cum principio, potest quis cognoscere conclusionem esse probabilem, aut connaturaliter certam propter principium, & in principio, sola cognitione principij, & ita Deus cognoscit eventus aliquos esse connaturaliter futuros in causis, sola cognitione causarum, non per cognitionem ipsorum in se ipsis, eo quod in se ipsis non sunt intrinsecē coniecturaliter futuri, sed solum in causis: Sic ergo vult salutem vt inchoativē futuram in causis, & medijs, non volendo ipsam salutem immediatē in se, sed vt contentam in medijs, & causis. Vnde de supra à num. 102.

120 Sed contra dicta replicabis, quia vna

Xx

de

de sequitur, Deum propriè, & formaliter solum velle, quod hominibus proponantur media, & remedia salutis, non curando quod re ipsa talia media applicentur, vel non applicentur, nec quod homines re ipsa, & cum effectu salventur, aut salutem re ipsa assequantur: Sed hoc videtur absurdum, quia Apostolus non solum hoc ait, sed quod Deus vult, omnes homines salvos fieri: Ergo. Respondeo, quod actenta voluntate antecedenti, & generali, Deus immediatè, & formaliter vult ea media, & remedia omnibus proponi, sed quia ea media de se ordinata sunt, inclinant, & movent ad sui usum, & applicationem, & ut per illa homines cum effectu salvi fiant, & per ea Deus illos ad hoc ipsum movet, & inclinat, per ea Deus vult voluntate signi, quod re ipsa salventur, & salvi fiant cum effectu, & de hoc curat, & providet per illa media; non verò immediatè, & per se ipsum, nisi per voluntatem consequentem, quando per illam vult immediatè, & formaliter quod fiant de nolentibus volentes, de dissentientibus consentientes, applicando efficaciter ea media de se sufficientia, sed indifferentia, & resistibilia.

121 Replicabis secundò, quia propterea negamus voluntatem immediatam, & formalem antecedentem de salute in se ipsa, quia ea voluntas esset inefficax erga volitum immediatum, & formale: Sed hoc non repugnat in Deo: Ergo. Minorem probavit contrarij, quia homines possunt resistere, & frustrare voluntatem Dei, non faciendo quod Deus vult: Ergo voluntas Dei esse potest inefficax, & frustrari. Probant antecedens, primò ex illo Math. 23. *Quoties volui congregare filios tuos, & noluiisti*: Ergo voluntas illa inefficax fuit, seu frustrata fuit. Secundò ex illo Actuum Apostol. *Vos semper Spiritui Sancto resistitis*. Tertiò ex Augustini. *suprà expenso numer. 32. ubi expresse affirmat, infideles, qui non credunt Evangelio, contra voluntatem Dei facere*: Ergo. Mitto alia plura.

122 Respondeo tamen, negando minorem, ad cuius primam probationem, distinguo antecedens: Homines possunt resistere, & frustrare voluntatem Dei sumptam pro voluntate signi, concedo: Sumptam pro voluntate beneplaciti, subdistinguo: Possunt resistere, & frustrare immediatè voluntatem Dei quantum ad volitum formale, & immediatum, nego antecedens: Mediatè, seu quantum ad volitum mediatum, aut virtuale, concedo: Nec aliud convincitur probationibus; unde ad primam dico, quod in primis locum illum exponit Augustinus, in Enchiridion. apud Magistr. Sententiar. in 1. distinct. 46. hoc modo: *Non enim eo sensu illud dictum est, quasi Dominus voluerit congregare filios Ierusalem, & non sit factum, quod voluit,*

*quia ipsa noluit; sed potius ipsa quidem filios suos ab ipsa colligi noluit, quia ea non volente, filios eius colligit ipse omnes, quos voluit; quia in Caelo, & in Terra, non quidam voluit, & fecit, quidam vero voluit, & non fecit, sed omnia quaecumque voluit fecit, ut sit sensus: Quoties volui congregare filios tuos, & noluiisti, id est, quotquot congregavi mea voluntate semper efficaci, te nolentem feci: Non ergo Ierusalem frustravit Dei voluntatem de filiis eius colligendis, sed potius Deus sua voluntate frustravit nolitionem, qua Ierusalem noluit eos colligi; Deus enim elegit, & congregavit de facto, quos congregare voluit, ipsa nolente; unde ipsa quidem affectivè resistebat voluntati Dei, sed effectivè ipsi non potuit resistere, quo minus congregaret, quos congregare voluit. Voluntas ergo illa Dei semper fuit efficax, & cum effectu volito. Vel si aliter velis exponere de voluntate antecedenti congregandi omnes filios Ierusalem, dicam, eam voluntatem antecedentem posse accipi, vel pro voluntate signi expressa per leges, monita, consilia, inspirationes, prædicationem, per Prophetas, per miracula, & per alia de se ordinata ad filios Ierusalem congregandos, in quibus se gerit Deus ut volens immediatè illos omnes congregare; & huic voluntati signi Ierusalem ipsa resistit, & illam frustravit, quia resistit, & frustravit monita Prophetarum, suasionis, præcepta, inspirationes, & alia huiusmodi, in quibus ea voluntas signi consistebat. Vel posse summi pro voluntate beneplaciti, & hoc sensu solum fuit immediatè, & formaliter volitio omnium illorum mediolorum promoventium ad congregandos omnes filios Ierusalem, & de ipsorum congregatione ut contenta virtualiter in illis medijs, sive ut extrinsecè, & inchoativè futura ex vi illorum, & hoc volito immediato frustrata non fuit, nec quantum ad hoc resistit cum effectu voluntas Ierusalem, quia nihil horum impeditur, nec impedire potuit: Solum ergo resistit quantum ad volitum, & effectum mediatum, nempe impediendo ne sequeretur congregatio omnium consummata in se ipsa; quia Deus voluntate beneplaciti, solum voluit mediatè, & virtualiter.*

123 Ex quo ad secundam pariter dico, homines quidem interdum Spiritui Sancto resistere, vel purè affectivè nolendo, quod Spiritus Sanctus vult, & facit, licet ipsis nolentibus; vel resistere etiam effectivè Spiritui Sancto, quantum ad voluntatem signi, resistendo nempe non immediatè ipsi, sed eius inspirationibus, & suasionibus ab ipso distinctis; vel resistere Spiritui Sancto, resistendo voluntati eius beneplaciti, quantum ad volitum mediatum, & virtuale, sed nunquam effectivè, & immediatè ipsi, nec eius voluntati beneplaciti, quantum ad volitum immediatum, quia

hunc

hunc nemo impedire potest, Deo volente immediate ipsum. Et eodem modo explicandus est Augustinus, quia verum quidem est, infideles, qui non credunt Evangelio, contra voluntatem Dei facere, quia in primis faciunt contra voluntatem signi, quia Deus se gerit ut volens quod credant; & etiam contra voluntatem beneplaciti, quantum ad volitum immediatum, & virtuale, quod impediunt ne sequatur re ipsa; sed facere non possunt immediate, & formaliter contra voluntatem Dei, quia ipse Deus est, seu quia est beneplaciti, frustrando eam volito immediato. Et sic conciliantur loca Scripturæ, nam plura sunt in quibus voluntas Dei prædicatur infrustrabilis, & irresistibilis, quam ea in quibus prædicatur resistibilis, aut frustrata; dicitur enim Isaia: *Quis hominibus mibi resistet?* Et cap. 14. *Dominus exercituum decrevit, & quis poterit infirmare?* Et Ester 17. *Non est qui possit resistere voluntati tue, si decreveris salvare Israel.* Et iterum: *Dominus omnium tu es, nec est qui resistat Molestati tue.* Et ad Rom. 9. *Voluntati eius quis resistit?* Et Isaia 46. *Omne consilium meum stabit, & omnis voluntas mea fiet.* Et Psalm. *Omnia quacumque Deus voluit, fecit, in Cælo, & in Terra,* & sic alia innumera: Ut ergo ista cum eis, quæ nobis obijciuntur conciliantur, dicendum est, quod voluntas Dei, quæ Deus ipse est, seu quæ est voluntas beneplaciti, irresistibilis est, quantum ad volitum immediatum, & infrustrabilis vero volito immediato; voluntas vero signi, quæ Deus non est, sed effectus Dei est, ut consista, præcepta, monita, & inspirationes, resistibilis est, & frustrabilis effectu illo, ad quem inclinat, & promover, & similiter voluntas beneplaciti, quæ Deus ipse est, potest dici mediatè resistibilis, & frustrabilis, nempe à volito mediato, seu ab eo, ad quod per se ordinat, & movet per volitum immediatum. Quo sensu omnia coherent. Videatur M. Sentent. ubi supra, & quæ diximus Tract. de Provident. quest. 17. à num. 120. & præsertim à num. 130.

124 Restabat decidere, an ex voluntate antecedenti salvandi omnes, dentur omnibus, & semper auxilia sufficientia ad salutem, ita univèrsaliter, ut nulli, & nunquam negentur. Sed quia hæc controversia gravis est, & magis spectat ad Disputat. sequent. de Prædest. ideo eam prætermittimus.

Restabat etiam agere de efficacia voluntatis divinæ erga nostros actus liberos, an scilicet Deus erga illos habeat voluntatem ab intrinseco efficacem, seu decretum ab intrinseco efficax; sed quia de hoc egimus Tractat. de Provident. serm. per totum, præsertim quest. 8. ad ibi dicta lectorem mittimus.

## QUESTIO XII.

### AN DEVS AMET CREATURAS possibiles?

1 Supponendum est primò, creaturas possibiles dupliciter summi posse, nempe vel ut eminenter continentur in essentia, & omnipotentia Dei, vel formaliter in se ipsis ut intrinsece possibiles ex habitudine suorum prædicatorum. Primo modo dixit Augustinus, *quod creatura prout in Deo est ipsa creatrix essentia;* & hoc pacto nemo negat illas amari à Deo, siquidem Deus amat suam essentiam, & omnipotentiam. Secundò vero modo est difficultas, an terminent Dei amorem immediate in se ipsis consideratæ. Supponendum est secundò, dupliciter intelligi posse, quod Deus illas sic amet, nempe, vel amore simplicis complacentiæ, complacendo in earum quidditate, & essentia possibili, & nihil aliud de illis volendo, vel amore, seu actu volitivo, quo veliteas existere, volitione inefficaci relinquente eas merè possibiles. Rursus distinguendum est, an eas amet necessariò, an liberè. Igitur.

2 Dicendum cenſeo, Deum nullo modo amare creaturas possibiles intrinsece sumptas, & prout ab ipso Deo distinctas. Ita cõmuniter Thomistæ, & probatur primò ex D. Thom. in præsent. artic. 6. ad 2. quo sic sibi obijcit: *Sicut se habet scientia ad verum, ita voluntas ad bonum; Sed Deus scit omne verum: Ergo vult omne bonum: Sed non omne bonum fit: Non ergo voluntas Dei semper impletur.* Respondet autem, dicendum, quod actus cognoscitivus virtutis est secundum quod cognitum est in cognoscente; actus autem virtutis appetitivus est ordinatus ad res secundum quod in se ipsis sunt; quiddam autem potest habere rationem entis, & veri, totum est virtualiter in Deo, sed non totum existit in rebus creatis; & ideo Deus cognoscit omne verum, non tamen vult omne bonum, nisi in quantum vult se, in quo virtualiter omne bonum existit. Et in 1. contr. Gent. cap. 81. num. 5. eandem disparitatem assignat, quia scientia habetur de rebus secundum quod sunt in sciente, voluntas autem comparatur ad res secundum quod sunt in se ipsis. Ex qua D. Th. doctrina sic probatur conclusio, primò, quia Deus non vult omne bonum, licet cognoscat omne verum: Sed si amaret creaturas possibiles, veller omne bonum, siquidem veller bonum existens, & bonum possibile: Ergo non amat creaturas possibiles. Secundò, quia in hoc distinguuntur voluntas ab intellectu, quod intellectus, cum abstractivus sit, intelligatque tractando res ad se, ad intelligendum obiectum non eget, quod illud sit, aut existat extra ipsum intel-

lectum, sed sufficit, quod sit intra ipsum obiectivè; attramen voluntas è contra, dum amat, & vult, fertur ad rem, & quasi extra se ipsam trahitur, unde tendit ad rem vt extra ipsam in se subiectivè existenter. Sed creatura vt purè possibilis potest esse intra intellectum obiectivè, sed non extra voluntatem in se ipsa subiectivè; quia alias iam non maneret purè possibilis: Ergo licet intellectus divinus cognoscat creaturas posibles, voluntas divina non amat, nec amare potest creaturas vt purè posibles. Et hæc est ratio fundamentalis D. Thom. in qua valde notandum est, quod disparitas assignata à D. Thom. cur intellectus divinus cognoscat omne verum etiam purè possibile, voluntas vero non amet omne bonum etiam possibile, non est ex parte obiecti, nec ex parte veri, aut boni, quia scilicet possibile sit verum, sed non sit bonum; sed tota disparitas est ex modo tendendi intellectus, qui habet tendere ad res intra se, è contra autem modus tendendi voluntatis est tendere ad res vt extra ipsam existentes: Ergo licet demus quod creaturæ posibles equè sint bonæ, ac veræ, nempe obiectivè, aut nominaliter, nihilominus non æquè possunt terminare actum voluntatis, ac actum intellectus, quia veritas purè nominalis, & obiectiva sufficit vt terminet actum intellectus, qui terminatur ad verum vt obiectivè intra se; bonitas vero purè nominalis, & obiectiva non sufficit, vt termineget actum voluntatis, quia voluntas solum terminatur ad res extra vt sunt subiectivè in se.

3. Secundo probatur conclusio, quia creaturæ posibles amari non possunt à voluntate divina amore per modum simplicis complacentiæ in illis vt possibilitàbus; aliunde nec per modum volitionis, quia velit eas esse: Ergo nullo modo, quia nõ est alius modus excogitatus à contrariis, nec excogitabilis. Maior vero probatur, quia amor simplicis complacentiæ ex se supponit bonitatem in obiecto complacentiæ, sed non tam illi comunicat: Sed repugnat in Deo amor erga creaturas, qui supponat in illis bonitatem, quam ipsis non communicet: Ergo & illas amare amore per modum simplicis complacentiæ. Minor probatur ex D. Thom. in *present. quæst. 2.º artic. 2.º in corpor.* vbi assignat disparitatem inter amorem nostrum, & Dei erga creaturas, quia *voluntas nostra non est causa bonitatis in rebus, sed ab ea movetur, unde amor noster, quo bonum alicui volumus, non est causa bonitatis ipsius, sed è converso bonitas eius, vel vera, vel existimata provocat amorem, &c. sed amor Dei est infundens, & creaturæ bonitatem in rebus:* Ergo repugnat voluntate Dei amor erga creaturas supponens, & non causans bonitatem in illis. Deinde probatur etiam minor, quia amor Dei per modum volitionis, quo velit creaturas esse, implicat quod terminetur ad illas vt purè posibles: Ergo tali modo non eas

amat vt purè posibles. Probo antecedens, quia amor, quo vult eas esse, terminatur ad eas vt essentes, seu existentes: Ergo non ad illas vt merè posibles. Explicatur: Cum Deus vult aliquam creaturam esse, non sanè vult illam esse possibilem intrinsecè; satua enim esset volitio ista, quia cum creatura supponatur independentè à voluntate intrinsecè, & necessario possibili, fatuum esset, & otiosum velle illam esse intrinsecè possibilem: sed in Deo repugnat velle otiosum, & fatuum: Ergo & amor, quo modo volitionis velit illas esse merè posibles. Urgetur: Implicat amor obiecti quin vel obiectum sit causa amoris, vel amor causa obiecti: Sed Deus non potest amare creaturas posibles, nec ita quod creatura amata sit causa amoris, quia amor Dei moveri non potest à bonitate creata; nec ita vt amor sit causa obiecti, quia alias non maneret purè possibile: Ergo nullo modo potest amare creaturas purè posibles. Maior probatur, quia inter amorem, & amatum est quadam conformitas, & adæquatio, sicut inter scientiam, & scitum: Sed quia inter scientiam, & scitum est quadam conformitas, & adæquatio, implicat scientia rerum, nisi vel scientia sit causa sciti, vel scitum causa scientiæ, vt supra vidimus ex D. Th. *Disput. 5.º q. 3.º a. 6.º.* Ergo potiori titulo implicat amor obiecti, seu creaturæ, nisi vel amatum sit causa amoris, vel amor sit causa amati.

4. Sed dices: Scientia simplicis intelligentiæ admittitur in Deo, quæ non est in actu secundo causa sciti, nec causata à scito: Ergo potest etiam admitti amor simplicis complacentiæ, qui nec causetur à re amata, nec sit in actu secundo causa rei amate. Respondeo, distinguendo antecedens; quæ nõ est in actu secundo causa efficiens sciti quantum ad esse physicum ipsius, concedens: Quæ non est causa ideans scitum, quantum ad suam speciem, quidditatem, & esse obiectivum, in mente divina, nego antecedens, & consequentiam; quia vel ipsa scientia simplicis intelligentiæ in Deo est in actu secundo causa sui sciti eo modo quo est scitum, & quo scitum eius causabile est; nam ipsius scitum sunt quidditates rerum in statu quidditativo, obiectivo, & idæali, & hoc modo non ideo Deus eas scit, quia sunt tales obiectivè, quidditativè, aut idæaliter, sed potius ideo sunt tales obiectivè, quidditativè, & idæaliter, quia tales eas Deus per scientiam simplicis intelligentiæ idæavit, & excogitavit, unde ab illa habent illud esse quidditativum idæatum; seu idæale, & illud esse obiectivum in mente divina excogitatum, & architectatum, vavimus *Disputat. 4.º quæst. 6.º a. num. 36.* Attamen voluntas non potest esse causa rei amate, aut volitz quoad esse obiectivum, quidditativum, & idæale, sed si est causa rei amate, debet esse causa efficiens illius quod esse physicum illius in se ipsa, & extra voluntatem; tum

tum quia voluntas non est talis respectu rerum intra se ipsam, sed est inclinatio ad res in se ipsis extra ipsam voluntatem; tum quia voluntas supponit obiectum excoGITATUM, & idcirco in intellectu, & ab intellectu, vnde aliter illud causare non potest, nisi quoad esse physicum extra; idque videmus clare in Artifice, qui per intellectum videm excoGITAT, & idcirco intra se artefactam, sed per voluntatem non aliter in ipsum tendit, nec illud causat, nisi ad extra illud efficiendo.

5 Sed dices: Licet Artifex non tendat modo volitivo, & quasi procurativo ad artefactum idcirco, nisi ad illud efficiendum extra, tamen per modum complacentie bene potest complacere in illo vt pure idcirco, & pure obiectivè existente: Ergo pariter voluntas Dei. Respondco, omisso antecedenti, negando consequentiam, primò, quia si Artifex potest complacere in artefacto à se idcirco, pure vt idcirco, complacentia non factiva illius, sed pure speculativa, aliter esse non potest, nisi ita vt in illa complacentia moveatur ex pulchritudine, & forma idcirco vt tali, & illa complacentia causetur ex illa, cum illam non causet; hoc autem in Deo repugnat, quia repugnat in Deo complacentia de bonitate creata, quæ ipsam bonitatem creatam non causet, sed causetur, & moveatur ex illa. Secundò, quia Artifex creatus non potest complacere in artefacto à se idcirco, nisi quatenus cognoscit illud, aut illud sibi representat vt existens extra mentem, seu ac si existeret à parte rei, & hac suppositione ficta complacet in illo, quasi conditionatè; Deus vero has suppositiones fingere non potest, nec potest cogitare creaturas posibles vt existentes à parte rei, quando re ipsa non existunt; vnde nec in illis complacere potest. Mitto, quod Artifex creatus dum complacet in opere à se idcirco, complacet in idcirco, seu in opere vt extrinsecè idcirco; quo pacto non distinguitur ab idcirco ipsa, non autem in illo vt ab idcirco distincto, & hoc pacto concedi potest, quod Deus complacet etiam in creaturis, aut quidditatibus idcirco, vt idcirco, sive vt contentis in idcirco ipsa, quæ est divina essentia, quia prout sic sunt ipsa creatrix essentia, non autem in illis prout ab idcirco distinctis, quia sic non possunt terminare divinam complacentiam.

6 Tertiò probatur conclusio; quia Deus non potest amare creaturas posibles, nec liberè, nec necessariò: Ergo nullo modo. Primum, scilicet, quod non liberè, probatur multipliciter, primò, quia repugnat velle liberum in Deo pure inefficax, vt latè ostendimus *quæst. 9. per totam*. Sed amor liber creaturarum possibilem esset potè inefficax; quia amor illas nullum effectum haberet: Ergo repugnat. Secundò, quia repugnat amor liber omninò indefectibilis, tam ex parte actus, quàm ex parte obiecti, quia si troque modo

sit indefectibilis, crit amor necessarius, non autem liber: Sed amor creaturæ pure possibile esset indefectibilis omninò, tam ex parte actus, quàm ex parte obiecti: Ergo repugnat quod sit liber. Minor patet, quia in primis esset indefectibilis ex parte actus, quia in Deo repugnat omnis defectibilitas intrinseca ex parte actus vt ostendimus *quæst. 6. per totam*. Deinde etiam ex parte obiecti, quia creatura vt possibile, omninò indefectibilis est, quia necessariò, & non contingenter est intrinsecè possibile: Ergo amor creaturæ possibile sistentis in eius possibilitate esset indefectibilis, tam ex parte actus, quàm ex parte obiecti. Tertiò, quia habitu Deo ad creaturas posibles non potest esse contingens, nec libera: Ergo nec amor. Probatnr antecedens, quia nec Deus aliter intrinsecè se habere potuit erga creaturas posibles, nec creaturæ posibles aliter se habere poterunt erga Deum: Sed quando extrema ita se habent ad invicem, quod aliter se habere non possunt, nec poterunt vnquam, ea habitu est necessaria, non vero libera, nec contingens: Ergo habitu Deo ad creaturas posibles vt posibles est, omninò necessaria, & non libera, nec contingens. Quartò, quia ratio potissima, cur probant contrarij, quod Deus amat creaturas posibles, est quia amat omnipotentiam connexam cum illis: Sed connectitur cum illis necessariò, & non liberè, nec contingenter: Ergo si illas amat, amat illas necessariò, & non contingenter: Repugnat ergo quod illas amet liberè, vt contingenter.

7 Secundum vero, quod scilicet, nec necessariò illas amare possit, probatur etiam, primò ex D. Thom. qui quociescumque tractat de voluntate Dei, ait, se ipsum, seu suam bonitatem amare necessariò, sed alia à se liberè, quin vnquā agnovit amorem necessarium erga alia distincta à sua bonitate; mirum autem esset, quod si agnovisset in divina voluntate amorem necessarium erga alia à se, illum aliquando non expressisset. Etenim, quia in divino intellectu datur scientia necessaria, & scientia libera erga creaturas, sæpè D. Tho. utramque distinguit, & expressit: Ergo si in divina voluntate daretur amor necessarius erga creaturas posibles, & amor liber erga futuras, D. Thom. utrumque amorem distingueret, & expressisset: Ergo si nunquam illum distinguit, nec expressit, talis amor necessarius erga creaturas posibles non datur in Deo. Secundò, quia creaturæ posibles non sunt bonum infinitum, sed ad summum potest in illis admitti bonitas finita, & limitata: Sed Deus non potest necessariò, seu ex necessitate amare bonitatem finitam, & limitatam, quia solum necessitati potest à bono infinito, non autem à bono finito: Ergo nequit eas amare ex necessitate, seu necessariò. Explicatur: Deus non potest amare creaturas, aut bonum fi-



nitum, nisi caratione quā bonum finitum amabile est: Sed bonum finitum non est necessarium amabile, sed solum indifferenter, cum indifferentia obiectiva, ut ametur, vel non ametur, quia bonum finitum, cum nō adrequet voluntatem, illam obiectivē non rapit, nec necessitat ad sui amorem, sed cum indifferentia proponitur: Ergo implicat Deum creaturas amare ex necessitate, & sine libertate.

8 Dices, hoc ad summum probare, quod creaturas ratione ipsarum Deus non amat necessarium, quia ipse ratione sui non necessitat ad sui amorem, non tamen, quod illas necessarium non amet ratione connexionis cum sua omnipotentia; ita ut omnipotentia sit, quæ necessitet obiectivē ad illarum amorem, quia cum omnipotentia necessarium ametur à Deo, & illa talem connexionem habeat cum creaturis possibiliibus, quod sine illis esse non potest, nec existere, ipsa omnipotentia necessarium amata necessitat ad illas amandas. Sed contra est, quia licet omnipotentia in Thomistarum doctrina concedatur cum creaturis possibiliibus, non conceditur cum illis ut eis indigens ad perfectam sui consistentiam, nec ut ex illis aliquam perfectionem acquirens; sed ut purē inferens à priori ex summa sua fecunditate, & perfectione illas ut posibles: Sed bonum necessarium amatum solum potest necessitare ad amandum aliud, cum quo connectitur, quando eo indiget ad sui consistentiam, & perfectionem; nam si eo non eget ad sui consistentiam, & perfectionem, hoc est, nec ad sui esse, nec ad sui bene, & perfectissimē esse, non est cur necessitetur ad illud amandum: Ergo ex omnipotentia necessarium amata, non necessitat divina voluntas ad amandas creaturas posibles. Explicatur: Iuxta D. Thom. 1. Sentent. dist. 45. quæst. 1. art. 2. ad 4. *Deus non ordinat creaturas in finem bonitatis suæ, quasi per eas bonitatem suam assequatur; sed ut creature operatione divina similitudinem aliquam divine bonitatis acquirant, quod esse non potest, nisi eo volente, & faciente.* Sed si ex omnipotentia necessarium amata necessitaretur ad illas amandas, eo esset, quia illis egeret, ut per illas suam bonitatem assequeretur, quia aliter non est cur necessitetur ad illas amandas: Ergo ex omnipotentia amata non necessitatur ad illas amandas.

9 Confirmatur prædicta ratio, quia si vi connexionis omnipotentia amata necessitaret ad amandas creaturas posibles, vi connexionis necessitaret etiam ad amanda peccata possible: Sed falsum est, quod omnipotentia amata necessitet divinam voluntatem ad amanda peccata possible: Ergo nec vi connexionis necessitat ad amandas creaturas posibles. Maior probatur, quia omnipotentia ut permissiva aequē conceditur cum peccatis possibiliibus, ac ut effectiva connectitur

cum creaturis possibiliibus; Deusque non minus amat suam omnipotentiam ut permissivam, quam ut effectivam: Ergo si vi connexionis necessitat ad amandas creaturas posibles, vi connexionis necessitabit etiam ad amanda peccata possible. Imò si vis connexionis sufficit, sic arguo: Deus amat suam scientiam visionis de peccatis existentibus, aut cæturis, & hæc connectitur cum illis: Ergo amabit peccata existentia, aut futura.

Tangit hæc difficult. P. Emmanuel à Conceptione *Tractat de Voluntate, disputat. 2. quæst. 3.* & respondet primo, quod omnipotentia habet connexionem cum peccatis possibiliibus, quantum ad illorum possibilitatem intrinsecam, hoc est, cum eo quod sint intrinsecè possible; sed non cum ipsorum existentia, seu cum eo, quod peccata ipsa sint. Vnde concedit, quod Deus amat peccata reduplicativē ut possible intrinsecè, seu eorum intrinsecam possibilitatem, non vero peccata ipsa specificativē sumpta, aut quod peccata sint. Secundo respondet ad paritatem de scientia visionis, quod Deus diligit suam scientiam visionis de peccato ex suppositione, quod peccatum sit, ex quo non sequitur, quod diligit peccatum existens, sed solum, quod supposito peccato existenti, diligit scientiam visionis de illo.

10 Sed contra hoc secundum est, quod si Deus diligit creaturas posibles antequam existant, potiori titulo diligit suam scientiam visionis de peccato possible, antequam existat, cum non sit minus bona, quam creaturæ posibles: Sed ut posibles non supponit peccatum, sed cum eo connectitur, ut existat: Ergo dicendum erit, quod ex tali amore amabit peccatum possible. Secundo, quia ex amore alicuius rei magis sequitur amor alterius, cum qua connectitur à posteriori, seu quam præsupponit, & prærequirit ad sui existentiam, quam amor illius, cum qua solum connectitur à priori, seu qua subsequitur ex illius existentia, ut per se patet, quia magis sequitur amor illius, quo eget ad existendum, quam amor illius, quō non eget, licet consequatur ex illius existentia: Ergo si potest Deus diligere scientiam visionis de peccato connexam à posteriori cum peccato, & egerent peccato ut existat, quin peccatum diligit, potiori titulo poterit amare omnipotentiam solum à priori connexam cum creaturis possibiliibus, & illis non egerentem, quin illas amet, attenta vi connexionis.

11 Contra primum etiam est, quia nec omnipotentia habet connexionem cum creaturis possibiliibus specificativē sumptis, nec cum eo quod sint, aut existant, sed solum cum eo quod intrinsecè posibles sint: Vel ergo hæc connectio probat, quod illas amet solum reduplicativē ut posibles, vel etiam quod illas amet specificati-

v? Si hoc fecundum: Ergo similis connexio cum peccatis possibiliibus probabit, quod amet peccata possiblea specificativè, & non solum reduplicativè vt possiblea. Si primum: Ergo eodem modo amat peccata possiblea, ac creaturas posibles, liquidem creaturas posibles solum amat reduplicativè vt posibles, & sic etiam amat peccata possiblea, nempè reduplicativè vt possiblea. Hoc autem, quis non reputet absurdum ingens.

12 Respondet, hoc absurdum non esse, quia peccati possiblea intrinseca mala moraliter non est, cum sit necessaria, & præterea ad fines honestos conducere potest, nempè ad obsequium divinæ iustitiæ, & misericordiz, vnde quod Deus illam amet absurdum non est; sicut nec quod Deus cõplaceat in eius possibleitate intrinseca. Sed contra est, quia implicat, quod Deus amet, & cõplaceat in possibleitate intrinseca peccati, qui cõplaceat in eius quidditate intrinseca, & illam amet, tum quia omninò indistincta est vna ab alia, tum quia æquè necessaria est quidditas essentialis peccati, ac eius possibleitas, vnde si possibleitas, quia necessaria, mala non aliter nō est, nec quidditas, quidditativè sumpta mala moraliter erit. Et quid mirū videri debet, quod iste Author, qui prorsus repugnare censet, quod divina voluntas in actu peccati præscindat, amando entitatem, & non malitiam, nihilominus præscindere velit inter quidditatem peccati, & possibleitatem intrinsecam peccati, amando possibleitatem, & non quidditatem; cum nec ratione differre possunt, si vtraque explicetur: Est ergo impossibile Deum amare possibleitatem intrinsecam peccati, & in illa cõplacere, quin pariter amet quidditatem essentialem peccati, & cum hæc consistat necessario, in eo quod est esse transgressionem divinæ legis, malam moraliter, & in alijs similibus prædicatis, hæc Deus amabit quidditativè considerata; hoc autem si non est absurdum, quod erit absurdum in tota Theologia? Reijcienda ergo est singularis hæc doctrina, vt absurda. Nec motiva, quibus ducitur, sunt alicuius momenti. Licet enim possibleitas intrinseca peccati mala moraliter non sit exercitè, quia exercitè non existens, tamen signatè, & possibleiter mala moraliter est, si vè ipsa malitia moralis vt contradictionem non implicans; non enim est aliud possibleitas intrinseca peccati, quam eius malitia, seu essentia vt non implicans contradictionem, quæ sanè signatè mala moraliter est, seu ipsa malitia moralis possibleiter, & quidditativè sumpta, vnde amari à Deo non potest. Nec, oppositum probatur, dum dicitur, quod utilis est ad manifestandam misericordiam Dei, & iustitiam, quia ad hoc magis utilis dici posset peccati existentia, ipsumque peccatum existens, quin tamen vilius vnquam dixerit, illud sic amari à Deo propter eas utilitates, quæ quales sunt, disputatione sequenti exponam.

13 Quartò probatur conclusio, quia si Deus amaret creaturas posibles, æquo iure odio liabere: peccata possiblea, itemque si cõplaceret in bonitate possibili creaturarum, æquo iure displiceret in malitia possibili peccatorum: Sed hoc dici nequit: Ergo. Probat ur minor, quia si Deus odio haberet peccatum possibile, etiam odio haberet hominem, cuius esset illud peccatum possibile: Sed hoc est absurdum, quia alias Deus de facto odio haberet D. Iohannem Baptistam, v.g. & alios Sanctos, quibus fuerunt possiblea innumera peccata, propter illa peccata possiblea: Ergo nec dici potest, quod Deus odio habet peccatum possibile.

14 Dices, quod licet Deus displiceat, & odio habeat peccatum possibile, nō tamen subiectum cui est possibile, quia eo ipso quod peccatum sit purè possibile, de facto non afficit, nec inficit subiectum, nec illud reddit dignum odio, & displicentia. Sed contra est, quia si Deus odio habet de facto peccatum possibile, ipsa malitia possibili peccati, quantumvis merè possibleis, reddit ipsum peccatum dignum odio, & displicentia: Ergo pariter peccatum possibile, licet purè possibile, poterit reddere subiectum dignum odio, vel displicentia. Probat ur consequentia, quia malitia possibleis peccati, nō afficit de facto ipsum peccatum possibile, v. g. furtum possibile, sed solum de possibili, siquidem furtum possibile non est de facto actum, vel infectum malitia propria, sed solum possibile: Et tamen hoc sufficit iuxta contrarios vt illud reddat de facto dignum odio, vel displicentia actuali: Ergo licet peccatum possibile de facto non efficiat, nec inficiat subiectum, satis tamen erit, quod illud efficiat, vel inficiat de possibili, vt illud reddat actu dignum odio, vel displicentia actuali. Explicatur: Implicat quod Deus odio habeat peccatum possibile Petri, nisi odio habeat Petrum vt possibileiter peccantem illo peccato, sicut implicat, quod odio habeat peccatum Petri de facto consummum, nisi odio habeat Petrum vt de facto peccantem: Ergo si Deus odio habet peccatum possibile, etiam odio habet subiectum vt possibileiter peccantem illo peccato. Urgetur: Ideo Deus de facto per vos odio habet furtum possibile, quia licet de facto non detur, nec de facto sit exercitè malum, est tamen possibile, & possibleiter malum: Sed hoc concretum Iohannes Baptista peccans mortaliter, licet non detur de facto, nec de facto sit exercitè malum, est tamen possibile, & possibleiter malum: Ergo hoc concretum, Iohannes Baptista peccans mortaliter, odio habetur à Deo, & est obiectum divinæ displicentiz actualis. Hoc argumentum, & instantia intelligendum est ad hominem iuxta contrarios admittentes in Deo odium cum proprietate, vel ea ratione, qua odium tribuatur Deo ab ipsis,

15 Propterea alij respondent, quod licet omnipotentia coniectetur cum peccato possibile, non sequitur, quod amara omnipotentia, illud amet Deus, quia peccatum possibile non continetur intra obiectum, nec sphaeram divini amoris, siquidem obiectum, seu sphaera obiectiva divini amoris, solum est bonum, peccatum vero possibile bonum non est. Sed contra, quia nos etiam dicimus, quod creaturæ possibiles, ut purè possibiles, non sunt intra obiectum, aut sphaeram obiectivam divini amoris; quia sphaera obiectiva divini amoris solum est bonum ut subiectivè in se existens, non autem ut manens intra cancellos meræ possibilitatis: Ergo pari ratione respondere possumus, quod ex quo Deus amet omnipotentiam, & illa concedatur necessario cum creaturis possibilibus ut possibilibus, non sequitur quod illas amet, quia illæ ut sic possibiles non continentur intra sphaerā obiectivam omnipotentia.

#### SOLVUNTUR OBIECTA.

16 **O**bjiciunt primò contrarij ex Div. Th. 1. part. quæst. 37. art. 2. ad 3. ubi sic ait: *Sicut Pater dicit se, & omnem creaturam Verbo, quod genuit, in quantum Verbum genitum sufficienter repræsentat ab Patre, & omnem creaturam; ita diligit se, & omnem creaturam Spiritu Sancto, in quantum Spiritus Sanctus procedit ut amor bonitatis primæ, secundum quam Pater amat se, & omnem creaturam.* Sed Verbo, quod genuit, cognoscit omnem creaturam, non solum existentem, sed etiam possibilem: Ergo Spiritu Sancto amat omnem creaturam, nedum existentem, sed etiam possibilem. Respondeo, concessa maiori, & minori, negando consequentiam, quia textus D. Th. debet ita intelligi, quod sicut Pater verbo, quod genuit, dicit se, & omnem creaturam, quam dicit, seu intelligit, ita Spiritu Sancto diligit se, & omnem creaturam, quam diligit; quia sicut Verbum procedit ex cogitatione divinx essentia repræsentantis sufficienter omnem creaturam cognoscibilem, eo modo quo fuerit cognoscibilis, ita Spiritus Sanctus procedit ex amore divinx bonitatis ex se sufficienter moventis, & impellentis ad omnem creaturam, quam amat; an verò Deus tot creaturas amet, quot cognoscit, nec erat opus ibi decernere, nec ad scopum, aut assumptum, de quo ibi agebat D. Th. spectabat nec est credibile id asseruisse, cum præfatis, art. 6. ad 2. expressè asserat, quod *Deus cognoscit omne verum, non tamen vult omne bonum, nisi in quantum vult se, in quo virtualiter omne bonum existit.*

17 Obijcies secundò: Creaturæ possibiles in statu possibilitatis sunt bonæ, saltè nominaliter, bonitate essentiali, & transcendentali, seu secundum quid: Sed eo modo, quo sunt bonæ, sunt amabiles: Ergo creaturæ possibiles in statu possibilita-

tis sunt amabiles. Minor probatur, quia ut vidimus in *Metaph. q. 7. m. 27.* creaturæ in statu quidditativo, sunt entia nominaliter, licet non participialiter: Sed ut ibi diximus *quæst. 19. num. 8.* bonitas transcendentalis, quæ est passio entis, consistit in ipsomet ente, seu integritate essentiali suorum prædicatorum: Ergo creaturæ possibiles in statu quidditativo sunt bonæ bonitate essentiali, seu transcendentali nominaliter, sicut dicuntur entia.

18 Pro hoc argumento solvendo nimis prolixè, & satis confusè disputatur à plerisque Thomistis, an creaturæ possibiles habeant bonitatem, cum tamen pro negativa, & pro affirmativa sententia adsint plura testimonia D. Thom. difficile explicabilia. Igitur ex dictis in metaphysica ubi supra, dicendum censeo, creaturas possibiles in statu quidditativo, aut possibilitatis, nullam bonitatem habere exercitè, quia nec exercitè habent entitatem, nec aliquid aliud, quia nihil sunt exercitè, aut existentialiter. Secundò, illas habere quidditativè, seu nominaliter, & signatè suam bonitatem essentialem consistentem in integritate essentiali suorum prædicatorum, seu in sua positiva essentia, & quidditate, vi cuius una creatura dicitur quidditativè, & essentialiter perfectior, & melior alia, quia negari non potest, quod essentialiter, & quidditativè homo est creatorum perfectior, nobilior, & melior bruto, & brutum, quam planta, & planta, quam lapis, & quod virtus est bona, sicut vitium malum; totum enim hoc est verum, veritate æterna, & necessaria in statu quidditativo, atqueam res existant, aut producantur, aut educantur ab statu meræ possibilitatis: Ergo in eo statu sunt nominaliter, & quidditativè bonæ creaturæ. Tertiò, dicò, quod non sunt bonæ accidentaliter, bonitate accidentaliter ipsis, quia hæc est illis contingens, & de illis verificari non potest in statu illo quidditativo, & possibilitatis, in quo nihil verificatur contingenter. Quibus suppositis, vel ab eis præscindendo.

19 Respondeo, distinguendo maiorem: Creaturæ possibiles in statu possibilitatis sunt bonæ exercitè, aut existentialiter, vel participialiter, nego: Sunt bonæ signatè, quidditativè, aut nominaliter transeat: Et distinguo minorem: Eo modo quo sunt bonæ, sunt amabiles amore sistentè in illa bonitate, nego: Amore extrahente illas, & illarum bonitatem ad statum existentia, concedo minorem, & distinguo consequens eodem modo. Itaque in præfatis observavi haud levem æquivocationem inter disputantes, dum aliqui negant, & impugnant creaturas possibiles esse bonas, & amabiles, alij e contra affirmant, & probant eas esse bonas, & amabiles: & utriusque verum dicunt, & re ipsa non se contradicunt, sed tantum apparenter, & aciem verberant; veritasque non detegitur.

20 Igitur, primi probant omnem creaturam esse quiddamtivè esse essentia sua signatè bonam, & amabilem, seu volibilem à Deo, quia ex essentia sua omnis creatura est signatè factibilis, & producibilis à Deo, alias chimera esset: Sed impletur esse factibilis, & producibilis à Deo, nisi per prius sit amabilis, & volibilis ab ipso, quia sicut prius est Deum amare, aut velle, quam facere quod vult, ita prius est rem amari, aut esse volitam à Deo, quam ab eo fieri, aut produci; ex quo etiam sequitur, quod prius etiam est, quod sit amabilis, aut volibilis, quam factibilis, aut producibilis: Ergo omnis creatura, quæ necessariò est à Deo factibilis, & producibilis, etiam necessariò est ab eo volibilis, & amabilis. Explicatur: Omnis creatura, pro signo pro quo est possibilis, est factibilis, & producibilis: Sed pro signo, pro quo est factibilis, aut producibilis, aut per prius, est volibilis, & amabilis, quia non est factibilis, nec producibilis à Deo, nisi per amorem, aut volitionem: Ergo omnis creatura pro signo, pro quo est possibilis, est amabilis, & volibilis à Deo. Explicatur secundò: Eodem ordine se habent in creatura esse factibilem, & volibilem à Deo, ac in Deo esse volitivum, & factivum creaturæ; quia mutuo sibi correspondent: Sed Deus per prius est volitivus creaturæ, aut potens eam velle, quam factibus illius, aut potens eam facere: Ergo creatura per prius est volibilis ab ipso, quam ab eo factibilis, aut producibilis. Si ergo creaturæ possibiles sunt factibiles à Deo: Ergo & amabiles ab ipso.

21 Rursus etiam alij bene probant eas non esse amabiles, nec volibiles; primò, quia creaturam esse intrinsecè possibilem non est quid amabile, quia nec est quid factibile, aut producibile. Secundò, quia ut possibiles non possunt terminare amorem, aut volitionem, nec liberam, nec necessariam, ut supra ostensum manet. Tertiò, quia amor Dei est factivus sui obiecti, & non est factibus creaturæ ut possibilis, sed solius existentis. Quartò, quia amor non terminatur ad obiectum ut obiectivè in mente, sed ad illud ut in se, & à parte rei. Et sic alijs fundamentis probant creaturas purè possibiles non esse amabiles, quia non possunt terminare amorem, unde bene, & verum probant in sensu intento.

22 Vtrumque autem verum facile conciliatur. Primum quidem, si dicamus, ut dicimus, creaturas possibiles, adhuc ut possibiles, imò & quia possibiles, esse amabiles, & volibiles à Deo. Secundum etiam, si dicamus, non esse amabiles, nec volibiles amore, aut volitione sistente in ipsis purè ut possibilibus, aut terminato ad illas ut purè possibiles, sed solum amore extractivo, aut extrahente illas à mera possibilitate, ad existentiam, & terminato practicè, & factivè ad illas

ut existentes; & hoc est, quod defendimus Thomistæ in hac questione, quia censemus, quod licet amor Dei erga creaturas non supponat illas ut existentes aliunde, sed solum ut possibiles, tamen repugnat in Deo amor purè speculativus erga illas, quia solum potest illas amare amore practico, & factivo extractivo illarum à pura possibilitate ad existentiam, amore quidem quasi inspiciente, aut respiciente possibilitatem ut terminum à quo, sed sistente, & terminato in existentiam, ut terminum ad quem, quo nempe velit, creaturas, quas supponit purè possibiles, esse seu existere in rerum natura, non vero, quo velit eas esse, aut manere possibiles. Exempli gratia: Deus potest producere creaturas possibiles, & creaturæ possibiles producibiles sunt à Deo; quis hoc negat? Sed quo pacto? Non sanè productione terminata ad illas ut purè possibiles, nec relinquente illas ut possibiles; sed extractivo, & faciente illas existentes: Idem igitur dicimus de modo, quo Deus potest eas amare, & velle, quia in Deo amare, & velle est facere, & producere. Ex quo iam patet ad idem argumentum aliter propositum.

23 Obijcies tertiò: Creaturæ possibiles habent bonitatem sufficientem ut terminent divinam complacentiam: Ergo ut amentur à Deo. Probatur antecedens, quia creaturæ possibiles habent eandem bonitatem, quam haberent, si existerent: Sed si existerent, haberent bonitatem sufficientem ad terminandam divinam complacentiam: Ergo & cum sunt merè possibiles. Probatur maior, quia creaturæ possibiles habent eandem essentiam, quam haberent, si existerent: Ergo easdem proprietates; sed una ex passionibus, seu proprietatibus, est bonitas: Ergo habent eandem bonitatem, quam haberent, si existerent. Confirmatur: Creaturæ purè possibiles habent bonitatem sufficientem ut possint terminare amorem Dei efficacem: Ergo etiam ut possint terminare simplicem Dei complacentiam. Antecedens probatur, quia creaturæ, quæ modo existunt, aut sunt futuræ propositæ fuerunt voluntati divinæ cum sufficienti bonitate, ut eas efficaciter amaret: Sed non fuerunt propositæ ut existentes, nec ut futuræ, sed tantum ut possibiles, quia pro priori ad amorem efficacem illarum non erant existentes, nec futuræ, cum hoc habeant ex vi ipsius amoris efficacis, & non pro priori, pro priori autem solum præintelliguntur possibiles: Ergo ut possibiles habent sufficientem bonitatem ut terminent amorem efficacem. Confirmatur: Equè proponuntur ut amabiles divinæ voluntati creaturæ, quæ manent purè possibiles, ac creaturæ, quæ factæ sunt existentes: Sed quæ factæ sunt existentes propositæ fuerunt

cum sufficienti bonitate vt amarentur, alias amare non fuissent: Ergo & illæ quæ manent merè possibiles. Probatum maior, quia quod illæ amarentur, & non illæ, non fuit, quia illæ aliter propositz fuerunt vt amabiles, ac illæ, sed quia Deus noluit has, & illas voluit; omnes enim proponuntur divinæ voluntati cum indifferentia, & amat quas vult, quia vult, & non alias, quia non vult illas: Ergo æquè omnino proponuntur vt amabiles: Ergo æquè proponuntur omnes cum sufficienti bonitate vt possint terminare Dei amorem.

24 Respondeo, negando primum antecedens. Ad probationem, distinguo maiorem: Habent eandem bonitatem contingentem, aut accidentalem, quam haberent si existerent; nego: Eandem bonitatem essentialem, subdistinguo: habent illam quidditivè, signatè, & obiectivè in mente, seu etiam intra causas, concedo: Habent illam exercitè, subiectivè, aut extra causas, nego maiorem. Ad cuius probationem, eadem distinctione pater, quia creaturæ possibiles, licet habeant eandem essentiam, quam haberent si existerent, aliter tamen, quia illam habent quidditivè, signatè, obiectivè, aut intra causas; non autem exercitè, subiectivè, & extra causas, quo pacto illam haberent, si existerent; unde ad summum sequitur, quod vt possibiles habeant bonitatem essentialem quidditivè, signatè, obiectivè, aut intra causas; quo pacto non sufficit ad terminandam complacentiam divinæ voluntatis, quia hæc solum potest terminari ad bonum vt exercitè, & extra causas bonum, sed non ad bonum purè signatè, obiectivè, aut intra causas bonum. Et inflatur argumentum in peccato possibili, vt supra.

25 Ex quo ad confirmationem, distinguo antecedens: Habent sufficientem bonitatem, vt possint terminare amorem Dei efficacem intransitivè vt possibiles, nego: Transcundo ad statum existentiz, concedo; vel aliter: Habent sufficientem bonitatem vt possint terminare amorem Dei efficacem extractivum illarum à mera possibilitate; ad existentiam, concedo: Sistentem in possibilitate, nego suppositum talis amoris efficacis, quia implicat in terminis. Vnde ad probationem, eadem distinctione respondeo, quod creaturæ existentes, aut futuræ propositz fuerunt voluntati divinæ per intellectum divinum cum sufficienti bonitate vt eas efficaciter amaret, amorè extrahente illas ad statum existentiz, quia ad hoc satis est, quod propositz fuerint cum bonitate possibili, factibili, & capaci existendi, sed inde non probatur quod propositz fuerint cum sufficienti bonitate vt intransitivè terminare possent amorem efficacem, nec vt amarentur amore sistente in illis vt possibilibus,

quia implicat amor efficax sistent in obiecto vt possibili. Et quidem inflatur manifestè argumentum, quia etiam propositz fuerunt cum sufficienti entitate vt producerentur, quia propositz fuerunt vt producibiles: Ergo vt possibiles, & producibiles habent entitatem sufficientem, & modo sufficienti ad terminandam productionem? prava consequentia: Ergo & alia prior prava est.

26 Ad secundam confirmationem similiter dico, quod omnes creaturæ possibiles æquè propositz fuerunt divinæ voluntati per scientiam simplicis intelligentiz practicam in actu primo vt amabiles, imò, vt producibiles, & factibiles; & consequenter cum sufficienti bonitate, & entitate vt possent amari, & produci, cum indifferentia obiectiva vt amarentur, vel non, producerentur, vel non; sed ex hoc non probatur quod intransitivè in eo statu possibilitatis possint terminare amorem Dei, sicut nec quod intransitivè in eo statu possint terminare productionem, sed solum, quod creaturæ possibiles vt possibiles, & quia possibiles possint transire ad existentes, & quod transiendo ad existentes possint terminare amorem, & productionem, seu potius, quod per ipsum amorem, & productionem possint transire ad existentes, & quod vt per amorem transire possint ad existentes proponuntur cum sufficienti bonitate, dum proponuntur vt possibiles, quia proponuntur vt possibiles transire, & fieri existentes; & vt velit Deus eas existere. Sed hoc non est Deum amare creaturas possibiles in sensu questionis; nam questio non est, an Deus possit amare creaturas, quæ pro priori ad amorem sunt possibiles, transiendo illas ad existentes; hoc enim nemo sanus dubitavit; sed an illas amet, aut amare possit intransitivè vt possibiles, amore vel sistente, vel relincente illas merè possibiles.

27 Sed replicabis: Licet inde probetur, quod eas intransitivè non possit amare vt merè possibiles, amore efficaci, cum hoc tamen componitur, quod possit illas amare simpliciter complacentiz, aut inefficaci: Ergo. Probatum assumptum, quia ideo non potest illas amare intransitivè amore efficaci, quia amor efficax est extractivus, & translatus obiecti de possibili ad existens: Sed amor simplicis complacentiz, aut inefficax non est extractivus, quia nec factivus: Ergo illas potest amare intransitivè amore simplicis complacentiz, aut inefficaci.

Respondeo negando assumptum, vel potius suppositum, quod scilicet in divina voluntate sit possibilis amor erga creaturas purè speculativas, & non factivas, seu simplicis complacentiz, & inefficax; si enim implicat scientia

visionis, quæ non sit approbationis, & causa rerum, multo magis implicabit amor complacentiæ, qui non sit per prius causa sui obiecti, & efficax erga illud. Et item ob rationes iam expressas in probatione conclusionis. Sed omisso supposito, ad probationem, concessa maiori, distinguo minorem, quantum ad amorem simplicis complacentiæ: Amor simplicis complacentiæ, non est extractivus, nec præsuppositivus existentie, nego: Et est præsuppositivus existentie, concedo minorem, & nego consequentiam, quia amor complacentiæ, licet non sit extractivus obiecti de possibili ad existens, nec ad hoc tendat, est tamen præsuppositivus existentie obiecti, vel hypotheticæ, excitando, aut imaginando illud ut existens extra causas, & in se ipso, vel hinc sic supponatur hypotheticè per intellectum, non potest illi voluntas in illo complacere, quia voluntas, prout distincta ab intellectu, non aliter tendere potest in obiectum, nisi ut bonum in se, & extra intellectum, seu extra causas, quia non aliter afficitur ad obiectum, nisi quatenus fertur extra se ad res, non quatenus illas trahit, aut tenet intra se. Ex quo patet ad sequentem replicam.

18 Replicabis secundò: Creaturæ posibles habent sufficientem veritatem, & modo sufficienti ut cognoscantur à divino intellectu, & terminent divinam cognitionem: Ergo pariter habent sufficientem bonitatem, & modo sufficienti, ut amentur à Deo, & terminent divinam dilectionem. Consequentia patet, quia non minus est passio entis bonitas, quam veritas: Sed quia veritas est passio entis, habent sufficientem veritatem: Ergo quia bonitas est passio entis, habent sufficientem bonitatem. Confirmatur: Creaturæ posibles non habent exercitè, subiectivè, nec essentialiter veritatem obiectivam intrinsecam, sed solum illam habent signatè, obiectivè, & possibiliter: Et tamen hoc sufficit, ut terminent intransitivè in illo statu cognitionem: Ergo licet solum habeant bonitatem essentialiter signatè, obiectivè, & possibiliter, hoc satis erit ut intransitivè in eo statu terminent divinam dilectionem.

19 Respondeo, concessio antecedenti, negando consequentiam. Ad probationem, omnia maiori, distinguo minorem: Præcisè quia veritas est passio entis habent sufficientem veritatem, ut cognoscantur, nego: Quia veritas est passio entis, & quia respectu intellectus sufficit veritas obiectivè, & signatè sumpta, concedo minorem, & nego consequentiam, quia dato, quod in modo habendi veritatem, & bonitatem non sit disparitas ex parte ipsarum creaturarum possibilem, est tamen disparitas in modo tendendi ex parte intellectus, & voluntatis, ratione cuius veritas signa-

tè, & obiectivè sumpta satis est ad terminandam tendentiam intellectus intransitivè, bonitas vero purè signatè, & obiectivè sumpta non satis est ad terminandam intransitivè tendentiam voluntatis: quæ disparitas consistit in eo, quod quod intellectus tendit ad veram, seu obiectum ut intra se, illud trahendo obiectivè ad sui præsentiam intentionalem, vel sic intra se tenendo illud; & ad hoc sufficit veritas signatè sumpta, & obiectivè intra mentem existens; attamen voluntas tendit per inclinationem in bonum, per quam fertur extra se in illud ut in se subiectivè existens, vel ita illud supponendo, vel ad illud ita ponendum, unde terminari nequit ad bonum purè obiectivè, & signatè sumptum intransitivè, sed si ad illud terminetur, aut tendat, oportet, quod terminetur ad illud transitive, id est ut illud transferat ad statum existentis exercitè extra mentem, vel in se, & subiectivè. Et ratio est, quia inclinatio, seu appetitus non est intransitivè ad illam formam, ex qua consequitur, & quam essentialiter præsupponit, in eo statu in quo illam præsupponit, & ad illam consequitur, alias prorsus esset frustranea, sed per se est inclinatio ad illam in meliori statu ponendam: Sed inclinatio voluntatis est eius amor, & hic consequitur ad bonum signatè, & obiectivè præfens tanquam ad formam apprehensam, illudque sic præfens essentialiter præsupponit: Ergo non potest esse inclinatio ad illud intransitivè in eo statu, id est, ad bonum purè signatè, & obiectivè sumptum, in eo silendo, sed necessario est ad illud ponendum in meliori statu, nempe in statu existentie à parte rei. Et hæc est fundamentalis ratio, & disparitas, in qua tota nostra doctrina fundatur; quæ tamen constans est pluribus in locis D. Thom.

30 Obijcies quartò: Quia Deus comprehendit cognoscit suam omnipotentiam, cognoscit creaturas posibles, etiam ut ab omnipotentia distinctas: Sed etiam amat comprehendit suam omnipotentiam: Ergo amat creaturas posibles, etiam ut ab ipsa distinctas. Confirmatur primò, quia idèo Deus cognoscere nequit omnipotentiam comprehendit, quin cognoscat creaturas posibles, quia omnipotentia est connexa cum illis, & cognitio comprehensiva obiecti debet esse cognitio omnium illorum, cum quibus obiectum habet connexionem: Sed pariter amor comprehendit obiecti debet esse amor omnium illorum, cum quibus obiectum habet connexionem: Ergo etiam amor comprehendit omnipotentie debet esse amor creaturarum possibilem. Secundò, quia amor omnipotentie debet esse amor omnium illorum, sine quibus omnipotentia non esset: Sed sine creaturis possibilem omnipotentia non esset: Ergo debet esse amor creaturarum possibilem. Tertio, quia Deus amare nequit comprehendit omnipotentiam, nisi amando quid-

quid illi conveniens est: Sed creature possibiles sunt convenientes omnipotentie: Ergo necessario illas amare debet. Probatur minor, quia defectus creaturarum possibilium foret disconveniens omnipotentie, cum inferret defectum omnipotentie: Ergo ipsæ creaturæ possibiles sunt illi convenientes. Quartò, quia Deus diligens suam omnipotentiam necessario odio habet carentiam, seu negationem creaturarum ut possibilem: Ergo necessario amat ipsas ut possibiles. Antecedens probatur, quia Deus diligens omnipotentiam odio habet non esse illius: Ergo etiam quicquid inferret non esse illius: sed negatio creaturarum possibilem inferret non esse omnipotentie: Ergo odio habet negationem creaturarum possibilem.

31 Ad hoc argumentum, in primis dico, quod si quid probat, probat divinam voluntatem necessario amare creaturas possibiles; quod falsum esse iam ostendimus; amorè autem liberum illarum minime probat. Ratio est, quia Deus suam omnipotentiam necessario amat amore comprehensivò, unde si sic amare ipsam non potest, nisi amando creaturas possibiles, necessario, & non liberè illas amabit; sicut quia comprehendere non potest, nisi cognoscendo creaturas possibiles, necessario, & non liberè illas cognoscet.

Deinde, concessio antecedenti, nego consequentiam, quia omnipotentia comprehendere non potest, nisi cognoscatur omne id, ad quod eius virtus, & potentia extendi potest; at potest amari comprehensivè, quin amentur omnia ad quæ eius virtus, aut potentia extendi potest, & ratio est, quia maior cognitio virtutis, & potentie arguit cognitionem plurium terminorum, aut effectum ad quos extendi potest, & maior amor alicuius virtutis, aut potentie non arguit amorem plurium eorum ad quæ extendi potest, ut patet experientia, quia quantumvis quis amet misericordiam, quæ est virtus remissiva iniuriarum, non sequitur, quod amet iniurias, & quantumvis quis intensè amet medicinam sanativam infirmitatum, non sequitur quod amet infirmitates, & quantumvis quis amet fecunditatem generativam in homine ut illius perfectionem, & integritatem, non sequitur, quod amet filios, quos generare potest. Ex quo ad confirmationem, concessa maiori, nego minorem, quia obiectum connexum cum alio, ex hoc ipso facit aliud cognoscibile; at obiectum connexum cum alio ex hoc præcisè non facit aliud amabile, ut patet, nam virtus poenitentiae, ex quo connexa est cum peccatis possibilem, non facit peccata amabilia, licet faciat ea cognoscibilia, & fecunditas generativa facit problem cognoscibilem, sed non de necessitate amabilem. Ad secundam, distinguo maiorem: Amor omnipotentie debet esse amor omnium illorum, sine quibus ex indigentia omnipotentia non esset

transcat: Omnium illorum, sine quibus à posteriori inferretur, quod omnipotentia non esset, nego maiorem, & distincta minori eodem modo, nego consequentiam; quia ex quo quis amet omnipotentiam perfectissimè non debet amare ea omnia, quæ possibilia esse inferret à priori, & quæ si non inferret, omnipotentia non esset; tam quia ex quo possibilia purè sunt, non sunt exercitè, & intransitivè amabilia, tum quia eis non eget, sed ea ex fecunditate inferret; sicut ex quo quis amet insignem Artificem propter ipsum, & sine indigentia artificiorum non sequitur quod amet artificia possibilia, quæ in sua mente idzata habet, sicut hec ex quo quis amet insignem scribam, sequitur quod amet scripturas possibiles, quas scribere potest, nisi forsitan illum amet propter ipsas scripturas habendas ex ipso, & cum indigentia earum; quod in Deo locum non habet, qui non amet omnipotentiam suam propter creaturas, sed propter ipsam, & sine indigentia illarum.

32 Ad tertiam, distinguo maiorem: Nisi amando quicquid illi conveniens est exercitè, transcat: Quicquid illi conveniens est signatè, & possibiliter, nego maiorem, & distinguo minorem eodem modo. Ad cuius probationem, distinguo antecedens: Foret disconveniens ratione sui, aut à priori, nego: À posteriori, eo quod supponeret defectum virtutis omnipotentie disconvenientem, concedo. Ex quo solum sequitur, quod possibilitas creaturarum sit à posteriori, & præsuppositivè coveniens omnipotentie, nempe quia à posteriori inferret, & præsupponit in omnipotentiam virtutem illi convenientem; ipsæ autem creaturæ possibiles ratione sui, nec exercitè sunt convenientes, nec exercitè disconvenientes, sed solum signatè, & possibiliter sunt illi convenientes ad illam manifestandam, si producantur. Ex quo solum sequitur, quod possit illas liberè amare, si velit per eas ostendere suam potentiam, non vero quod de facto, aut intransitivè illas amet. Ex quo inferes, ipsas intransitivè ut possibiles ad nihil esse exercitè viles, ad nihilque exercitè conducere absolute, sed solum posse conducere si producantur, & sic possunt amari transitivè amore faciente ipsas existentes, & exercitè viles, non autem amoreistente in ipsis ut possibilem. Si vero dicas, quod ad minus ut possibiles sunt necessariz ad ostensionem omnipotentie, & ad alios fines, quia si non forent possibiles, produci non possent. Dico, quod sunt necessariz, sed necessario præsupponit ante omnem illarum amorem, & independentem ab illo, aliunde quam ab amore, nempe à divina sapientia necessario illas idzate, ex quo non sequitur, quod qui amat finem, aut bonum ad quod sint necessariz ut sic possibilem, illas amet; nam ut quid amabit, quod independentem ab amore iam præsupponitur, sive amet, sive non amet, velit, nolit; exempli gratia pec-

peccatum præsupponitur, & prærequiritur necessarium ad penitentiam, sed quia præsupponitur aliunde, quam ab amore penitentiae & independenter ab eo, seu quia iam, velis nolis, peccasti, opus non est ad amandam penitentiam amare peccatum præsuppositum.

33 Ad quartam, nego antecedens. Ad cuius probationem, nego antecedens, vel suppositum, quia Deus non apprehendit, nunquam practice earentiam, aut negationem suæ omnipotentiae, utpote chimericam, nec in his chimeris excogitandis occupatur divina mens, minusque eius divina voluntas in eis odio prosequendis, unde nec etiam excogitat negationem creaturarum possibilem ut possibilem; nec eam odio habet, præsertim loquendo de odio propriè tali, pro affectu fugæ, qui minimè datur in Deo ut supra ostendimus, & hac ratione clarè solvitur obiectio, quæ in chimericis negationibus fundatur.

34 Obijcies quintò: Deus amat ea, quæ non existunt: Sed quæ non existunt in se solum sunt possible: Ergo amat possible. Maior est, D. Thom. 1. contra Gent. cap. 79. cuius titulus est, quod Deus vult etiam ea, quæ nondum sunt. Dices, amare quidem Deum ea, quæ non existunt, si tamen existita, aut futura sunt; hæc tamen non sunt purè possible, sed futura. Sic respondet communiter Thomistæ. Sed contra replicari potest, quia futurum non est intrinsecè in se ipso futurum, sed solum extrinsecè in causa determinata ad eveniendum postea: Vel ergo Deus præcisè amat causam determinatam ad eventum postea; vel ultra illam etiam amat ipsum futurum in se ipso? Si primum, solum amat aliquid existens, quia causa determinata supponitur existens de præsentì, alioquin non constitueret effectum de præsentì futurum. Si vltèr causam amat ipsam rem futuram in se ipsa, illa in se ipsa merè est possible intrinsecè, quia intrinsecè in se futura non est: Ergo amat illam ut merè possibilem. Urgetur: Decretum de Antichristo futuro non terminatur ad Antichristum ut futurum ex parte obiecti, quia cum constituatur futurum formalitèr per ipsum decretum, non potest respicere ex parte obiecti futuritatem, sicut nec se ipsum, & consequenter nec ipsum Antichristum ut ex parte obiecti futurum: Ergo solum respicit ex parte obiecti Antichristum ut possibilem: Ergo ad illam ut purè possibilem terminatur.

35 Propterea aliter respondeo, distinguendo maiorem: Deus amat ea, quæ non existunt de præsentì in nostro tempore, concedo: Quæ nunquam existunt, nego maiorem, & distinguo minorem eodem modo, negoque consequentiam, quia Deus vult quidem rem, sen Antichristum, qui modo non existit, volendo ipsum existere in aliquo tempore, & quidem in aliquo tempore nobis futuro, sed ipsi Deo in sua æternitate semper

præsentì, unde ibid. ait D. Thom. quod habitudo voluntatis divinæ est ad rem nunc non existentem secundum quod est in propria natura secundum aliquod tempus, & non solum secundum quod est in Deo cognoscente, vult enim Deus rem, quæ nunc non est, esse secundum aliquod tempus, & non solum secundum quod eam intelligit. Ex quo apertè colligitur, quod habendo voluntatis non est ad creaturas ut purè posibles, quia sic solum sunt secundum quod ipse Deus eas intelligit: Solum ergo est ad res reddendas existentes in aliquo tempore, & cum omne tempus sit ipsi Deo in sua duratione præsens, sequitur, quod non sit ad illas ut futuras, sed ad illas ut existentes in se ipsis secundum aliquod tempus ipsi præsens. Propterea in tota questione nolui recurrere ad functionem, nec reduplicare creaturas, ut futuras, in quibus reduplicationibus nimis insistent RR. quia re ipsa galis denominatio parum, vel nihil conducit ad explicandum obiectum divini amoris, aut volitionis, siquidem potius ipsa futuritio est denominatio quoad nos resultans ex eo, quod Deus vult, & decernit rem existere in aliquo tempore respectu nostri futuro, sed ipsi Deo præsentì, unde ipsa denominatio futuri, aut futuritio supponit ipsum velle Dei, & obiectum illud, ad quod terminatur, quod non est futuritio præsens nobis, sed existentia postea in certo tempore.

36 Sed dices: Deus aliqua vult, aut decernit conditionatè: Sed hæc nullo tempore existunt: Ergo vult aliqua, quæ nullo tempore existunt. Respondeo, distinguendo maiorem: Aliqua vult, aut decernit conditionatè formalitèr, & ex modo volendi, nego: Ex parte obiecti volendo absolute aliquid, per quod, & in quo existant, aut sint futura conditionatè, concedo maiorem, & distinguo minorem: hæc nullo tempore existunt intrinsecè in se, concedo: Extrinsecè in aliquo, quo constituantur conditionatè existentia, aut futura, nego minorem. Unde eo sensu Deus illa vult, quod actu, & absolute existunt, nempe volendo aliquid absolute existens, in quo, & per quod constituuntur conditionatè existentia, aut futura, seu si mavis volendo signatè ipsam existentiam, aut futuritatem conditionatam ipsis extrinsecam, quæ aliquid est absolute in rerum natura existens; ea autem, quæ conditionatè futura dicuntur, velle non potest immediatè in se ipsis, quia opporueret, quod modo conditionatè formalitèr, & immediatè in ea tenderet, quod iam supra ostendimus repugnare, quæst. 10. per totam. Ex quo patet ad vltimum, quod hic proponitur.

37 Obijcies vltimò: Deus vult salutem æternam reprobos: Sed hæc est merè possibile: Ergo vult, aut ama aliquid merè possibile. Maior probatur, quia Deus vult omnes homines salvos fieri, includendo etiam reprobos: Ergo vult salutem æternam. Respondeo enim distin-



quando maiorem: Vult voluntate signi salutem æternam reprobis, concedo: Voluntate beneplaciti, subdistinguo: Vult illam immediatè in se ipsa, nego: Mediatè, & virtualiter in ordinantibus, & promouentibus ad ipsam, quatenus vult reprobos ipsos ordinare, & promovere ad vitam æternam, concedo maiorem; & distinguo minorem: Hæc est merè possibilis intrinsecè in se ipsa, concedo: In medijs promouentibus ad ipsam, nego minorem, & consequentiam. Quæ doctrina constat ex dictis *quest. præced.* Valde autem notandum est, quod hoc argumentum minimè probat amorem simplicis complacentiæ, aut necessarij erga salutem possibilem, in ea vt possibilibi sitentem intransitivè; quia Apostolus non dixit, quod Deus vult salutem esse possibilem, sed quod vult homines salvos fieri, amore nempe libero procurativo existentie salutis per mediâ, quæ de facto efficaciter vult, & infert.

### QUÆSTIO XIII.

*AN DEVS AMET SE IPSVM AMORE specialiter; & strictè tali?*

**I** Communis sententia Theologorum est affirmativa, contra quam singulariter opinatur Hericè, quod Deus amat quidem creaturas possibilem amore strictè tali, sed non se ipsum. Sed Alacon *tract. 3. disp. 7. cap. 1.* eius sententiam appellat singularem, & nullo firmo fundamento nixam. Igitur.

**2** Dicendum existimo, quod in Deo datur amor specialiter, & strictè dictus erga suam bonitatem. Probatur autem ratione D. Th. in *præsent. quest. 20. art. 1.* quia in quocumque datur voluntas, seu appetitus, datur amor strictè dictus: Sed in Deo datur voluntas erga se ipsum: Ergo & amor strictè dictus. Probatur maior, quia in quocumque datur voluntas, debet dari primus, per se motus, & actus eius: Sed primus per se motus, & actus voluntatis est amor specialiter, & strictè dictus: Ergo in Deo datur talis actus, & affectus. Maior pater, quia primò per se temore in quolibet ordine, aut serie, remouetur sequentia, vnde si in aliquo habente voluntatem non daretur primus per se motus ipsius, nec daretur vllus alius motus, nec actus voluntatis; ad quid ergo in illo voluntas? Explicatur: In quocumque datur intellectus, datur intellectio principiorum, quia principiorum intelligentia est primus per se motus virtutis intellectivæ, quo sublatò, nullus actus esse posset, nullaque cognitio: Ergo pariter, in quocumque datur voluntas, datur amor, qui est primus per se motus virtutis volitivæ, & quo sublatò, reliqua permanere non possunt. Minor vero secundi syllogismi, nempe, quod primus per se motus, aut actus voluntatis sit amor specialiter dictus, pro-

batur, quia omnis affectus voluntatis supponit amorem specialiter dictum: Ergo amor specialiter dictus est primus per se motus illius. Antecedens probatur, quia omnis affectus voluntatis, vel est per modum fugæ à malo, vel per modum prosecutionis ad bonum, si est per modum fugæ à malo, supponit amorem boni, quia non alia de causa aliquis odio habet malum, nisi quia contrarium bono à malo, nec alia de causa quis timet malum, aut tristatur de malo, nisi quia contrarium, & nocivum bono præmatum. Si autem est per modum prosecutionis, vel est per modum desiderij, & nemo desiderat, nisi quod amat; vel per modum spici, & nemo sperat, nisi quod amat; vel per modum gaudij, aut delectationis, & nemo gaudet, nec delectatur, nisi de eo, quod amat. Ergo omnis affectus voluntatis præsupponit amorem boni. Explicatur: In divina voluntate datur verè, & propriè gaudium de sua bonitate posset: Sed nemo gaudet, nisi de bono absolute amato, nam quantumvis possideas aliquid, si illud non amas absolute, de illo possessio minimè gaudebis: Ergo in divina voluntate, datur absolute amor suæ bonitatis, seu amor specialiter dictus.

**3** Secundo, probatur conclusio; quia amor specialiter dictus nullam in suo conceptu importat imperfectionem: Ergo est perfectio puta, & simplex, & non mixta imperfectione: Ergo propriè datur in Deo, in quo propriè est omnis perfectio simpliciter simplex, seu puta, & non mixta imperfectione. Primum antecedens probatur, quia si aliquam diceret imperfectionem, maxime absentiam obiecti: Sed hanc non importat, quinimo ex præsentia experimentaliter obiecti solet crescere amor: Ergo nullam imperfectionem importat in suo conceptu.

**4** Respondet Hericè, quod amor specialiter dictus, licet non importet absentiam realem obiecti, importat tamen quod obiectum accipiat cum abstractione à possessio, vel non possessio; cum autem divina voluntas non possit accipere bonitatem divinam cum abstractione à possessio, vel non possessio, quia nec divinus intellectus illam cum tali abstractione proponere potest, inde est, quod importat imperfectionem abstractionis à possessione divino intellectui, ac voluntati repugnantem. Sed contra est, quia in primis amor specialiter dictus non importat essentialiter abstractionem positivam ab absentia, vel præsentia obiecti, sed ad summum negativam; tum quia opus non est ad amorem strictum boni considerare illud vt præcium, & abstractionem à præsentia signatè, & positivè, sed factis est considerare, & proponere illud vt bonum absolute in se, nihil cogitando de præsentia, vel absentia, sed solum intendendo in eius bonitatem: Tum quia si exigeret abstractionem positivam, ex præsentia experimentaliter non cresceret inquam amor, imò im-

pediretur, quia impediretur abstractio illa positiva. Deinde, tunc solum importat abstractionem negativam, quando amor specialiter dictus est distinctus à gaudio eiusdem obiecti, quia tunc per amorem attingit obiectum precise vt bonum, sed non vt possessum, in quo consistit abstractio negativa; sed quando idem, & simplicissimus actus est simul amor, & gaudium, non exigit abstractionem adhuc negativam à possessione, sed potius sicut actus est essentialiter cum omnimoda simplicitate amor, & gaudium, obiectum etiam debet esse, & proponi cum omnimoda simplicitate vt bonum, & vt possessum, quia sicut ex parte actus amoris, & gaudij non est distinctio, ita nec ex parte obiecti exigitur precisio, aut distinctio: Sed ita se habet in Deo: Ergo nec in Deo exigit amor abstractionem adhuc negativam à possessione, sed solum respicere suam bonitatem absolutè vt bonam, sive se ipsum vt bonum absolutè, licet per essentiam etiam possessum. Explicatur: Si amor exigit abstractionem negativam ex parte obiecti à possessione, non exigit illam quia amor, sed quia amor distinctus à gaudio: Sed de essentia seu conceptu essentiali amoris specialiter dicti non est esse distinctum à gaudio, cum possit idem, & simplicissimus actus esse amor, & gaudium: Ergo nec de conceptu essentiali amoris specialiter sumpti est abstractio adhuc negativa ex parte obiecti à possessione. Maior patet, quia scilicet distinctio amoris à gaudio non est cur exigitur ex parte obiecti amoris distinctio, precisio, seu abstractio ab obiecto gaudij, scilicet à possessione.

5 Dices forsitan, esse de conceptu essentiali amoris stricti aliquam distinctionem saltem virtualem, vel rationis à gaudio, nam aliter maneret confusa essentia gaudij cum essentia amoris, & iam non esset amor specialiter dictus, sed solum gaudium, & sic etiam requiri aliquam precisionem saltem virtualem, aut rationis ex parte obiecti. Sed contra, quia in primis distinctionem virtualem intrinsecam in toto opere, vnde nec exigi potest ad verum, & proprium amorem, & gaudium in Deo, cum in illo sit impossibilis. Deinde, si de distinctione virtuali extrinseca sermo sit, illa solum est, aut consistit in æquivalentia vnus simplicissimi actus ad actus diversos in nobis; quam quidem non negabimus in amore divino, & gaudio de sua bonitate: Sed hac admissa, ad summum sequitur, quod ex parte obiecti requiratur similis distinctio, precisio, aut abstractio, nempe virtualis extrinseca, sumpta pro æquivalentia vnus simplicissimi obiecti ad diversa obiecta in nobis; quæ negari nequit in Deo ex parte obiecti amoris & gaudij de se ipsis quia Deus, licet cum omnimoda simplicitate sit per essentiam bonum possessum à se ipso, tamen æquivalere bono, & possessioni ipsius realiter distinctis, precisus, & formaliter ab-

stractis in creaturis: Ergo iam datur in Deo abstractio, & distinctio saltem ex parte obiecti inter bonum, & possessionem, ad amorem strictum, nempe abstractio, distinctio, & precisio virtualis extrinseca, qualis tantummodò est distinctio amoris, & gaudij, in Deo. Demum, si ad distinctionem rationis recurris, amor & gaudium in Deo solum petunt distinguere distinctione rationis à nobis confecta, non ab ipso Deo facta: Ergo satis erit, quod nos etiam distinguamus per rationem in obiecto, nempe in divina bonitate, & rationem boni, & rationem possessi: Sed hoc æquè distinguere possumus, ac distinguimus per rationem amorem, & gaudium: Ergo tandem ex defectu abstractionis, seu precisionis, & distinctionis inter bonitatem divinam, & eius possessionem negari nequit in Deo amor strictè dictus.

6 Cum autem inferas, quod si non distinguatur amor & gaudium, solum erit in Deo gaudium de sua bonitate; negatur consequentia, quia potius erit affectus, qui cum omnimoda simplicitate sit amor, & sit gaudium, nec precisè amor, nec precisè gaudium, sed per essentiam amor, & gaudium de divina bonitate, quæ etiam cum omnimoda simplicitate est per essentiam, & absolutè bona, & possessa. Nec inde sequitur confusio vlla, nec respectu Dei, nec respectu nostri. Non respectu Dei, quia respectu Dei solum est vnitas, & simplicitas eiusdem simplicis actus, & obiecti infiniti, & in simplicitate confusio esse non potest, quæ solum esse potest inter plura distincta. Nec respectu nostri, quia sicut nos distinguimus ex nostro modo concipiendi exercitè amorem, & gaudium, ita distinguimus bonum, & possessum, quia videlicet vno limitato conceptu concipere non possumus quantum in ipso est ille actus, & illud obiectum, & ideo distinctis conceptibus concipimus, & nominamus, vno *amorem*, & alio *gaudium*, & ex parte obiecti, vno *bonum*, & alio *possessum*, quamvis talis alicuius abstractio, & distinctio, nec sit re ipsa à parte rei in actu, nec in obiecto amoris, & gaudij, ac per consequens, nec de essentia signata illius. Ex quo.

#### SOLVUNTUR OBIECTA.

7 **O**bjicies primò: In Deo non datur desiderium propriè tale erga bonum intrinseca ipsi, quia bonis Deo intrinsecis repugnat conditio exacta ex parte obiecti à desiderio, nempe absentia boni: Sed pariter repugnat bonitati divinæ conditio exacta ex parte obiecti ab amore stricto: Ergo repugnat etiam in Deo amor strictus erga suam bonitatem. Probatur minor, quia obiectum amoris stricti est bonum abstractum à præsentia, vel absentia, & possessione, vel non possessione: Sed ista abstractio repugnat bonitati divinæ: Ergo illi repugnat conditio exacta

ex parte obiecti ab amore stricto. Minor probatur, quia obiectum abstrahens à possessione, vel non possessione, est indifferens ut possideatur, vel non possideatur, non autem essentialiter, seu per essentiam suam possidetur: Sed bonitati divinæ repugnat ea indifferentia, cum per essentiam suam sit possessa, utpotè essentialiter cum ipso Deo identificata: Ergo & illi repugnat prædicta abstractio.

8 Respondeo, concessa maiori, negando minorem. Ad probationem, communiter respondetur, distinguendo maiorem: Obiectum amoris stricti est bonum abstrahens positivè à possessione, vel non possessione, nego: Abstrahens negativè, subdividinguo: Ex parte rationis *quæ*, nego: Ex parte rationis *sub quâ*, concedo maiorem, & negatur minor in sensu concessio; quia licet repugnet bonitati divinæ abstrahere positivè à possessione, vel non possessione respectu Dei, quod bene probat argumentum; & item abstrahere negativè ex parte rationis *quæ* amat, quia repugnat bonitatem divinam amari, quin ametur eius possessio, seu identitas cum Deo, quæ illi essentialis est; non tamen repugnat, quod bonitas ipsa moveatur ad sui amorem quia bona, quin ad eum amorem moveatur quia possesit; in quo abstractio negativa ex parte rationis formalis *sub quâ* consistit. Sicut enim essentia divina non solum est essentialiter bona bonitate essentis, sed etiam per identitatem essentialem est bona bonitate iustitiz, misericordiz, & aliorum attributorum, quia propter nequit amari ut *quod*, & ut ratio *quæ* bonitas essentis, qui eodem amore ametur bonitates attributales, verumtamen est obiectum motivum sola bonitas essentis, quin sint obiectum motivum bonitates attributales ita pariter, nequit amore stricto Deus amare suam bonitatem, quin eodem amore amet etiam possessionem illius cum ipsa essentialiter identificata, potest tamen moveri ex bonitate absolute sumpta, quin moveatur ex possessione. Ita Illust. Godoy.

9 Sed contra hanc solutionem redeunt difficiles replicæ, quia bonitas divina non solum terminat ut est in se divinum amorem, & absque omni præcisione ex parte obiecti, adhuc negativa, sed etiam movet divinum amorem ut est in se absque omni præcisione adhuc negativa: Ergo si in terminando divinum amorem, seu ex parte rationis *quæ* amat non præcindit adhuc negativè à possessione, nec etiam præcindere poterit in movendo, nec ex parte rationis *sub quâ* à possessione. Antecedens probatur, quia ideo in terminando non potest præcindere, quia terminat ut à Deo cognoscitur, & à Deo cognoscitur ut est in se, & sine præcisione: Sed etiam movet ut à Deo cognita, & à Deo cognoscitur ut est in se, & sine præcisione: Ergo movet ut est in se, & sine præcisione adhuc negativa.

10 Respondet Illust. Godoy, causalem maiorem non esse adæquatam, sed ideo terminare ut est in se, & sine præcisione, quia in terminando amorem prædicata divina non opponuntur, sed potius conveniunt; attamen in movendo dicere oppositionem, seu non convenire. Sed semper manet difficultas, quia voluntariè supponitur omnia Dei prædicata convenire in terminando eundem amorem, & non convenire in movendo; tum quia sicut non terminant ut plura obiecta, sed per modum unius simplicissimi, ita non movent ut plura motiva, sed ut unum simplicissimum. Tum quia sicut non terminant, nisi ut à Deo cognoscuntur, ita non movent, nisi ut à Deo cognoscuntur, Ergo purè voluntariè, supposita convenientia in terminando, negatur convenientia in movendo. Deinde, quia implicat quod bonitas divina moveatur aliter ac cognoscitur ab intellectu divino, seu quod moveatur ut non cognita ab intellectu divino: Sed ab intellectu divino non cognoscitur cum præcisione bonitatis essentis à bonitatibus attributalibus, nec cum præcisione à possessione, vel non possessione: Ergo nec movet cum tali præcisione, alias moveretur ut non cognita.

11 Aliter ergo ad principalem objectionem, concessa maiori, nego minorem. Ad eius probationem, distinguo maiorem: Obiectum amoris stricti est bonum abstrahens positivè ab absentia, vel presentia, à possessione, vel non possessione, abstrahens inquam positivè, nego: Abstrahens negativè, subdividinguo: Obiectum amoris stricti, qui præcisè sit amor, seu distinctus à gaudio, concedo: Amoris stricti, qui simul sit gaudium, seu indistinctus à gaudio, nego maiorem, & omnia minori, nego consequentiam: Quia in primis inter desiderium, & amorem strictum est maxima differentia, quia desiderium, quia tale, exigit terminari ad obiectum positivè ut absens, & futurum, respectu desiderantis, unde desiderium opponitur gaudio, & ideo repugnat Deo; attamen amor strictus, cum ex se nec opponatur gaudio, nec desiderio, sed cum utroque ex se coniungi valeat, ex se nec exigit positivè præsentiam, nec absentiam obiecti, nec positivè exigit possessionem, nec positivè exigit carentiam possessionis, & hoc est præcindere negativè à possessione, vel carentia possessionis; cæterum hæc præcisio negativa convenit amori stricti tali ea ratione, quia distinctus fuerit à gaudio; vel saltem ex ratione analoga, & communi amoris stricti abstrahentis ab eo, qui per essentiam est simul gaudium, & ab eo, qui præcisè est amor; cum autem præcisio negativa conveniens alicui rationi communi analogæ, non debeat convenire analogatis in particulari, quia rationes communes sæpe abstrahunt, & præcindunt in communi à pluribus, à quibus non abstrahunt in particulari, in-

Inde est, quod potest amor aliquis in particulari non abstrahere à possessione, à qua abstrahit in communi secundum rationem analogam; & sic est amor divinus erga suam bonitatem, qui quidē sicut per se non præscindit, nec est indifferens ut sit, vel non sit gaudium, sed per suam essentiam est simul amor, & gaudium, ita talis amor divinus non præscindit, adhuc negativē, à possessione, vel non possessione sui obiecti primarij, sed per essentiam suam est etiam de bono, non solum ut bono, sed etiam ut possessio, quia est per essentiam suam non solum amor, sed gaudium, unde ut talis amor divinus non exigit abstrahere à possessione, & ideo nullam imperfectionem exigit ex parte obiecti.

12 Sed dices: Quod convenit amari stricto secundum se ex conceptu communi, seu analogo amoris stricti, convenire debet cuilibet amori stricto in particulari: Sed per nos amori stricto secundum se, & in communi cōvenit abstrahere saltem negativē à possessione: Ergo & hoc debet convenire amori stricto in particulari, nempe divino. Secundò: Si in Deo detur amor strictus, debet distinguī saltem virtualiter, saltem per rationem à gaudio: Sed per nos eo modo debet abstrahere à possessione, quo fuerit distinctus à gaudio: Ergo adhuc in Deo debet abstrahere à possessione. Respondeo ex dictis, distinguēdo maiore: Quod convenit signatē, & positivē amori stricto secundum se ex conceptu communi talis, cōvenire debet illi in particulari, concedo: Quod ipsi convenit negativē, & exercitē ex modo concipiendi illum in communi, convenire debet illi in particulari, nego maiorem, & distinctā minori eodem modo, nego consequentiam, quia si amor strictus secundum se, & in communi abstrahit à possessione, vel non possessione, ideo est, quia in communi abstrahit ab esse per essentiam simul gaudium, sicut est in Deo; & ab esse purē, & præcisē amorem, sicut est in nobis; hæc autem abstractio convenit amori stricto in communi non positivē, & signatē tanquam prædicatum positivum essentialē amori stricto, & in eo signatē inclusum, sed parē negativē, tanquam præcisio negativa exercita in ipsa ratione communi amoris secundum se; abstractio autem conveniens negativē rationi communi, ut exercita in ipsa ratione communi minimē debet illi convenire in particulari, imò non potest, nam animal secundum se abstrahit ab inibilibus, & rationalibus, & tamen tale animal in particulari nō debet, imò nec potest sic abstrahere; sic igitur licet amor strictus secundum se, & ut communis divino, & humano, abstrahat ab esse, vel nō esse gaudium, & consequenter à possessione, vel non possessione obiecti, amor tamen strictus talis nempe divinus, qui per essentiam est simul gaudium de obiecto amato, non exigit, immo nec potest sic abstrahere in particulari, nec ab esse, vel non esse gaudium, nec à possessione, vel non possessione obiecti.

13 Ad secundam, nego, quod in Deo debeat distinguī amor strictus à gaudio distinctione virtuali intrinseca, & solū admitto, quod debeat distinguī distinctione virtuali extrinseca, aut rationis ratiocinatę; & concessa minori, distinguo consequens: Ergo etiam in Deo debet abstrahere virtualiter extrinsece, aut ex nostro modo concipiendi ipsum cū abstractione, concedo: Debet abstrahere ex parte ipsius Dei abstrahentis, nego consequentiam; solum enim infertur quod abstrahat virtualiter extrinsece, hoc est, quod equivaleat in perfectione amori nostro abstrahenti, & quod abstrahat per rationem nostram, & ex nostro modo concipiendi; quod solum requiritur, quod nos concipiamus ipsum cū abstractione à gaudio, & consequenter cum abstractione etiam à possessione, vel nō possessione obiecti, quod libet fatemur, quia hoc probat imperfectionem in nostro modo concipiendi amorem strictum Dei, & eius obiectum, non autē probat realem vlam imperfectionem in ipso, nec in eius obiecto. Minimē autem requiritur, quod amor ipse, nec Deus se ipsum amans re ipsa abstrahat ex parte obiecti à possessione, quia cum amor ipse sit per essentiam simul amor, & gaudiū de sua bonitate, potius debet re ipsa se ipsum, aut suam bonitatē indivisibiliter, & indistinctē respicere ut absolutē bonā, & possessā, utrumque per modū vnius simplicissimi obiecti, quia actus est re ipsa vnicus, & simplicissimus.

14 Obijcies secundò: In Deo non datur scientia simplicis intelligentię erga se ipsum: Ergo nec amor strictus erga se ipsum. Probatur consequentia, primò, quia amor specialiter dictus exigit præ regulam notitiam abstractivā obiecti, seu simplicem eius intelligentiam, sicut gaudium notitiā intuitivā obiecti: Ergo si Deo repugnat notitia abstractiva, seu simplicis intelligentię erga se ipsum, etiā amor strictus, qui sine propria regula esse nō potest. Secundò, quia non minus exigit amor strictus abstrahere à possessione obiecti, quā scientia simplicis intelligentię abstrahere ab obiecti existentia: Itemque non minus repugnat Deum se amare cum præcisione à possessione sui, quam se cognoscere cum abstractione ab existentia sui: Ergo si propter hoc secundum non datur scientia simplicis intelligentię de se ipso, nec datur amor strictus de se ipso. Respondeo, concessio antecedit, negando consequentiam. Ad eius primā probationem, nego antecedens, tū quia adhuc in nobis sæpē notitia intuitiva obiecti ut boni in se, regulat amorē strictum, abstrahentem quidem negativē à possessione, sed non ab existentia; tū quia intuitio boni ut boni absolutē in se provocat, & regulat amorem strictum, imò vnicā visio obiecti ut boni absolutē, & simul possessi satis est regulare simul amorem, & gaudium de obiecto. Ad secundam, nego maiorem, quia scientia simplicis intelligentię per se est abstractiva positivē ab existentia obiecti, debetque cognoscere obiectū positivē ut

ex se distinctum, & abstrahens ab existentia, in statu quidditativo, & possibiliter; hoc autem non exigit per se amor strictus, imò vel repugnat an: terminatus intransiēte ad rem vel pure possibile; vel saltem salvatur quam optimè de re visa, & existenti in se, quo solum pacto est absolute bona in se, & provocat ad sui amorem strictum, ideoque scientia simplicis intelligentiæ solum esse potest de quidditatibus, & essentis positivè distinctis ex parte obiecti ab existentia, seu de illis in statu positivè abstrahenti; at in Deo amor strictus non petit esse de obiecto positivè abstrahenti ab existentia, nec à possessione, imò re ipsa, nec negativè abstrahenti, quia re ipsa potest in Deo amor strictus esse per essentiam gaudium, & indistinctus à gaudio, tam ex parte obiecti, quàm ex parte actus; quo casu nullo modo præscindit re ipsa, nec ex parte actus, nec ex parte obiecti à possessione, quidquid sit an à nobis præscindatur, & abstrahatur ex nostro modo imperfecto concipiendi amorem ut à gaudio distinctum.

15 Ex dictis inferitur, quod licet in Deo distinguatur scientia simplicis intelligentiæ, & scientia visionis, non quidem ex parte actus, quia ex parte actus re ipsa non distinguitur, sed solum ex parte obiecti, quia re ipsa ex parte obiecti distinguitur obiectum simplicis intelligentiæ ab obiecto scientiæ visionis, cum re ipsa ex parte obiecti distinguitur quidditas possibilis, ab ipsa re existente, ut probat realis separatio vnius ab alio obiecto, quòd quidem res sæpè est talis quidditativè, & possibilis, quin sit existens; tamen in Deo amor strictus à gaudio re ipsa non distinguitur, nec ex parte actus, nec ex parte obiecti, non quidem ex parte actus, quia vnicus, & simplicissimus actus est simplicissimè amor, & gaudium; nec item ex parte obiecti, quia obiectum simplicissimè, inseparabiliter, & indistinctè à parte rei est simul absolute bonum, & possessum, nec potest esse absolute bonum, quin sit possessum à Deo; quod præsertim in obiecto primariò patet, quia bonum dignum per suam essentiam est possessum ab ipso Deo, cum sit per suam essentiam Deus ipse. Vnde amor, & gaudium in Deo solò distingui possunt virtualiter extrinsecè, aut per nostram rationem, tam ex parte actus, quàm ex parte obiecti; ex parte actus, quia ille actus amoris, & gaudij æquivalat duobus actibus in nobis realiter distinctis, penes quorū vnum amamus, & penes alium gaudemus. Similiter ex parte obiecti, quia obiectum, licet per essentiam simul absolute bonum, & possessum cum omnimoda simplicitate, æquivalat tamen obiectis re ipsa distinctis in nobis, nempe bono absolute tali, & ut possesso, seu eius possessioni, quæ in nobis sæpè realiter distinguuntur. Et propter hanc æquivalentiam possumus, & solemus distinguere per rationem in Deo amorem, & gaudium ut duos actus, & in obiecto etiam duas rationes, vnam boni, & aliam pos-

selsi, quæ est distinctio rationis, & facta, licet cum fundamento in illa æquivalentia.

#### QUÆSTIO XIV.

AN DEVS NECESSARIO VELIT OPTIMUM, SALTEM NECESSITATE MORALI?

1 **M**OVIT hanc quæstionem præsertim P. Gradenos, in 2. tom. 1. part. D. Th. tract. 2. disp. 3. sect. 2. ubi multis, tum ab authoritate, tum à ratione probare conatur, Deū necessitate morali semper velle optimum, & optimum facere; & in discursu disputationis satis innuit hanc necessitatem esse talem, quod si Deus optimum non facere, Deus non esset; quæ quidem iam non necessitas moralis, sed metaphysica esset. Communis autem Theologorū cætus huic sententiæ contradicit. Sed occasione eius dubitant, an saltem suppositis rerum exigentiis, teneatur Deus necessitate morali illis annuere, aut facere optimū. Igitur.

2 Dico primò: Deus nulla necessitate, adhuc morali tenetur velle optimum absolute loquendo, hoc est ante omnem suppositionem ipsi liberam, & contingentem. Probatur primò ex D. Th. qui in 1. dist. 44. quæst. 1. art. 1. inquit: *Vtrum Deus potuerit facere aliquam creaturam meliorem, quàm fecerit?* Et respondet distinguendo duplicem rei bonitatem, vnam essentialē, aliam accidentālē; primam consistentem in integritate prædicatorū essentialium; secundam consistentem in accidentibus perfectioribus ipsam. Et concludit, quod loquendo de bonitate accidentali, unicuique rei Deus maiorem bonitatem conferre potuisset, quod probat in art. sed contra, quia cuiuslibet finito, possibilis est additio. Sed cuiuslibet creature bonitas est finita: Deus facere potest, quia omnipotens est. Ergo videtur, quod quamlibet rem meliorem facere potest. Loquendo autem (prosequitur) de bonitate essentiali, qualibet re creatā meliorem aliam rem facere potuisset; non tamen potuit hanc rem facere esse maioris bonitatis. Quia si adderetur ad bonitatem essentialē aliqua, non esset eadem res, sed alia, quia sicut numero addita, vel subtrahita unitate non manet eadem numeri species, ita ita essentiali rerum, quidquid addatur, vel subtrahatur, non manet eadem essentia, vel species.

3 Postea art. 2. inquit, *vtrum Deus potuerit facere universum melius.* Et concludit, quod potest facere universum melius, vel faciendo universum ex alijs melioribus partibus constans, vel meliorando partes præsentis universi in bonitate accidentaliter; non potuerit facere universum melius ex parte finis; quia finis est Deus, qui melius esse non potest; nec ex parte ordinis, invariatis partibus, quia invariatis partibus alius ordo esse non potest melior, cū nihil sit inordinatū. Eandem doctrinā tenet in præf. q. 3. art. 6. & concludit cor-

pus aut simpliciter aut loquendo, qualibet re à se facta, ac potest Deus facere aliam meliorem. Ad secundum autem subtiliter explicat hanc propositionem: *Deus potest facere melius*. Quia ly *melius*, potest accipi ut nomen, quo pacto idem significat, ac *meliores rem*, & hoc pacto affirmat Deum posse facere melius, quia potest facere, vel alias res meliores, vel easdem, quas fecit, meliores accidentaliter, licet non meliores essentialiter, seu in bonitate essentiali. Secundò, potest ly *melius* accipi ut adverbium, non significans rem, sed modum; & hoc adhuc dupliciter, quia potest significare modum ex parte facientis, vel modum ex parte rei factæ. Si importet modum ex parte facientis, concedit, quod Deus non potest facere melius, quam facit, quia non potest facere, nec maiori sapientia, nec ex maiori bonitate. Si autem importet modum ex parte facti, sic (inquit) potest facere melius, quia potest rebus à se factis dare meliorem modum essendi, quantum ad accidentalitatem, licet non quoad essentialia. Atque hæc est doctrina D. Thom. pluribus alijs in locis ab ipso repetita, & inculcata.

4 Ex qua sic argumentor: Si Deus esset necessitatus moraliter ad velle, & facere optimum absolute, illud de facto voluisset, & fecisset, quia necessitati morali non contravenisset; idque fatentur Authores contrarii: Sed Deus de facto non voluit, nec fecit optimum absolute, quia potuit absolute facere melius univèrsam, meliores res, quam quas facit, & easdem meliores in bonitate accidentali, & certè non facit optimum, qui non facit melius, quod facere potest: Ergo.

Secundò probatur, quia repugnat inter creaturas possibiles, & inter mundos possibiles optimus, repugnat enim mundus possibilis, quo alius maior, & melior possibilis non sit, & creatura possibilis, qua alia perfectior possibilis non sit, quia cum inter quamlibet creaturam possibilem, & Deum sit distantia infinita, ex illa usque ad Deum manent possibiles semper perfectiores, & perfectiores, & perfectiores sine fine, quæ minus dissent, & magis accedant ad Dei perfectionem: Sed Deus non est necessitatus moraliter ad impossibile: Ergo nec ad optimum ex possibilibus.

5 Tertiò, quia Deus non est necessitatus moraliter ad aliquid extra producendum; quia nullo extra se indiget ad sui summam felicitatem, aut perfectionem, cum per essentiam suam sit summè perfectus, & beatus: Ergo multo minus est necessitatus ad optimum vokendum, aut producendum.

6 Dices primò, quod Deus ad nihil producendum fuit necessitatus moraliter, quia potuit nihil omnino producere, aut velle; ex suppositione tamen, quod aliquid voluisset producere, debuisset moraliter producere optimum. Sed

contra, nam qui nihil tenetur producere, minus tenetur ad optimum, adhuc ex suppositione quod velir aliquid; sicut qui nihil tenetur dare, non tenetur dare optimum, sed potest dare minus, vel magis prout ipsi libuerit; quia si nulla lege tenetur dare, aut producere, nulla ergo lege tenetur dare plus, aut minus, sed quæ bene se habebit dando, vel non dando, dando plus, aut minus. Nec enim mihi opponas Reges, aut Principes creatos, qui licet aliquando possint non dare, ex suppositione tamen quod dent, tenentur dare ut tales, nempe cum maiori largitate, ac alij. Contra enim est, quia illi tenentur dare, & obligantur dare absolute, & maiori obligatione, quam alij inferiores, & ideo tenentur magis, seu cum maiori largitate dare; minus enim decet Regi, aut Principi nihil dare, quam parum dare, licet plus manifestetur indecentia, seu contradecentia parum dando, quam nihil dando in hac vel illa occasione, quod est per accidens: Deus autem ad nihil omnino tenetur, nec obligatur lege vlla: Ergo nec ex suppositione quod det, debet dare, aut facere optimum. Secundò, quia nec Principes, aut Reges tenentur dare vltimum quod possunt, sed solum proportionaliter iuxta exigentiam recipientis: Sic ergo nec Deus tenetur ad optimum, sed ad summum iuxta exigentiam creaturæ recipientis, cuius capacitas nunquam est tanta, quam maior alia esse non possit.

7 Dices secundò, prædictam rationem probare solum in Deo libertatem physicam, aut metaphysicam ad non faciendum optimum, seu non esse necessitatum, nec physicè, nec metaphysicè ad optimum; non autem libertatem moralem, aut non esse necessitatum moraliter, quia Deus moraliter est etiam necessitatus absolute ad creaturas extra producendas necessitate morali, & ad nihil producendum non habet libertatem moralem.

8 Sed contra est, quia necessitas moralis in alio fundari non potest, nisi vel in aliqua vehementi inclinatione, cui difficile resisti valeat, vel in aliqua indigentia, aut in aliqua lege obligante: Sed Deus nec habet vehementem aliquam inclinationem, in qua vincenda possit experiri difficultatem, nam quidquid potest, facit potest; nec habet vllam indigentiam creaturarum, nec legem aliquam ipsum obligantem ad producendas creaturas: Ergo nec necessitatem moralem. Confirmatur: Per vos Deus habet potestatem physicam nihil producendi: Sed quidquid physicè potest, facit, & licitè potest: Ergo potest facit, & licitè nihil producere ad extra: Sed quod potest facit, & licitè, potest moraliter, & cum libertate morali: Ergo habet potestatem, & libertatem moralem nihil producendi ad extra: Non ergo est necessitas moraliter. Præmissa minor, in qua est difficultas, probatur, quia Deo physicè, &

metaphysicè repugnat aliquid agere, vel omittere, aut permittere, vel illicitè, vel cum difficultate: Ergo quidquid physicè potest agere, vel permittere, aut omittere, potest licitè, & faciliè, seu sine difficultate. Probatur antecedens, quia in primis repugnat Deo metaphysicè aliquid agere, vel permittere illicitè, cum omne peccatum, & omne illicitum illi metaphysicè repugnet: Deinde illi etiam repugnat metaphysicè aliquid agere, aut permittere cum difficultate, quia omnis difficultas in aliquo importat molestiam aliquam, & contrarietatem; Deo autem metaphysicè repugnat omnis molestia, vel contrarietas: Ergo Deo repugnat metaphysicè aliquid agere, vel permittere, aut illicitè, aut cum difficultate. Ex quo.

9 Dico secundò: *Adhuc suppositis exigentij rerum, Deus non est necessitatus moraliter ad operandum iuxta illas, nec ad illis annuendum.* Hæc conclusio difficilius est, & contra plurim. RR. qui licet teneant, Deum omnimoda libertate potuisse nihil producere ad extra, seu ad nihil producendum absolute esse necessitatum moraliter, nihilominus tenent, quod semel supposito, quod voluerit, & produxerit cum omnimoda libertate res cum certis exigentij, vel naturalibus, vel moralibus, est necessitatus moraliter ad illis exigentij annuendum, seu ad operandum, quod res vel naturaliter, vel moraliter exigunt, licet ad hoc non sit physicè necessitatus. Sed nihilominus contra ipsos.

10 Probatur conclusio, primò ex Augst. & Petro Damiano, & alijs PP. asserentibus Deo connaturale esse operari suprà, aut contra exigentias rerum: Sed quod Deo connaturale est, non est ei difficile, nec moraliter impossibile: Ergo Deo non est moraliter impossibile agere contra exigentias rerum, aut illis non annuere: Ergo nec est necessitatus moraliter ad agendum iuxta ipsas, alias oppositum, seu illis non annuere esset illi moraliter impossibile.

11 Secundò probatur ratione præmissa: Quia in primis Deus non est necessitatus moraliter ad annuendum exigentij rerum ex aliqua indigentia; quia Deus nullo creato indiget, adhuc suppositis exigentij rerum: Deinde nec ex aliqua lege necessaria, contra quam si operetur, illicitè operabitur; tum quia alias, nec physicè, nec metaphysicè posset non annuere exigentij rerum, quia nec physicè, nec metaphysicè potest illicitè, & contra legem necessariam ipsum obligantem agere; tum quia repugnat lex ipsum Deum obligans sub peccato. Ac denique nec potest esse necessitatus moraliter ex vehementi inclinatione ad annuendum exigentij rerum: Ergo nullo ex capite est moraliter ad id necessitatus. Hæc vltima pars, quam solam negant contrarij, probatur, quia vel illa inclinatio esset innata, & naturalis, vel elicitæ. Nec potest esse innata, nec elicitæ: Ergo ex nulla incli-

natione est moraliter necessitatus. Quod non fit innata, probatur primo, quia inclinatio innata est appetitus innatus: Sed in Deo non datur appetitus innatus, vt ostendimus *quæst.* 2. ergo nec inclinatio innata. Secundò, quia inclinatio innata esse non potest nisi directæ ab institutore naturæ, cum enim debeat esse directæ in scopum, & finem aliquem, alias ad nihil inclinaret; & alias non posset esse directæ nisi per aliquam sapientiam, aut intellectum; & alias si est innata non fit directæ in finem per intellectum ipsius subiecti inclinari, alias esset manifestè voluntaria, & elicitæ; consequitur evidenter, quod debeat esse directæ per intellectum alterius instituentis naturam: Sed hoc evidenter repugnat in Deo: Ergo & inclinatio innata. Vide *quæst.* 2. Tertiò, quia vel illa inclinatio esset infinita; vel finita? Si finita, in Deo esse non potest, in quo nihil potest esse finitum. Si infinita, nulla potentia ei resisti posset, quia infinita inclinatio irresistibilis est omnino, nec vincibilis, nisi alia inclinatione, aut potentia maiori; repugnat autem potentia, aut inclinatio maior, quam infinita: Ergo iam nec potentia physica posset Deus oppositum tali inclinationi: Ergo ea inclinatio nedum moraliter, sed physicè Deum necessitaret ad annuendum exigentij rerum: Sed hoc non admittunt contrarij: Ergo repugnat in Deo inclinatio, quæ ipsum necessitet purè moraliter, & non physicè.

12 Deinde si ea inclinatio vel elicitæ: Ergo esset aliqua volitio, & tunc rogo: Est esset libera, vel necessaria moraliter? Si libera moraliter: Ergo moraliter posset Deus illam non habere: Ergo & moraliter posset non annuere exigentij rerum: Ergo ex se non esset necessitatus moraliter ad annuendum exigentij rerum, sed ad summum necessitaretur, quia liberè vellent illis annuere, quod quisque fatebitur, non solum de necessitate morali, sed de necessitate physica, quia Deus ex suppositione, quod liberè velit annuere exigentij rerum, metaphysicè, & physicè necessitatur ad id quod liberè vult, & necessitate scilicet consequenti. Si vero dicas, quod illa inclinatio elicitæ, seu volitio esset moraliter necessaria: Ergo quia Deus esset moraliter necessitatus ad illam, necessitate morali antecedente? Sed hoc repugnat: Ergo & inclinatio elicitæ, seu volitio moraliter necessaria. Probatur minor, quia vel esset necessitatus moraliter ad illam vi alicuius inclinationis ad ipsam; vel ex aliqua indigentia, vel alio ex capite: Sed iam ostensum est, quod non ex indigentia, nec ex alio capite: Ergo vnicè ex aliqua antecedenti inclinatione ad ipsam volitionem. Si vero hoc dicas, vt dicunt contrarij, reddit argumentum factum: Vel ex aliqua inclinatione innata; & hanc iam ostendimus repugnare; vel ex aliqua inclinatione elicitæ libera moraliter, & hæc non probat necessitatem moralem; vel ex aliqua

inclinatione elicita moraliter necessaria, & tunc rursus rogabo; unde sit moraliter necessaria, & ibidem in infinitum, querendo primam inclinationem, unde proveniat necessitas moralis: Ergo tandem Deus, adhuc suppositis exigentis rerum, non est moraliter necessitatus ex se, & antecedenter ad annuendum illis.

13. Secundo probatur conclusio: Repugnat in Deo libertas, & potestas physica negandi concursum exigentis rerum, quae non sit etiam potestas moralis, & moralis libertas illum negandi: Ergo pariter repugnat necessitas moralis, quae non sit necessitas physica. Consequentia patet, quia necessitas moralis, & non physica ad aliquid est impotentia moralis, seu carentia libertatis, & potestatis moralis ad oppositum, cum potentia, & libertate physica ad ipsum oppositum; ille enim dicitur necessitatus pure moraliter ad aliquid, qui habet potestatem, & libertatem physicam ad oppositum, sed non libertatem, nec potestatem moralem ad oppositum: Ergo si in Deo repugnat potestas, & libertas physica, quae non sit etiam potestas, & libertas moralis, ad negandum concursum exigentis rerum, pariter repugnabit necessitas moralis sine necessitate physica ad annuendum exigentis rerum. Antecedens vero, in quo est difficultas, probatur, quia implicat in Deo potestas physica ad aliquid negandum, quae non sit potestas facilis, & habilis ad illud licite, & faciliter negandum: Sed implicat potestas facilis ad aliquid licite, & faciliter negandum, quae non sit potestas moralis ad illud negandum, nam quod quis potest faciliter, & licite, moraliter potest, nec potest dici non posse moraliter, quod facile, & licite potest: Ergo, implicat in Deo potestas physica ad aliquid, quae non sit ad illud etiam potestas moralis. Maior probatur, quia implicat in Deo potestas physica ad aliquid negandum, quae sit potestas inhabilis, aut difficilis ad illud negandum, aut ad illud cum difficultate negandum, quia Deo repugnat metaphysice omnis intrinseca difficultas in eo quod potest, unde quidquid potest, facillime potest: Ergo repugnat in eo potentia physica ad aliquid, quae non sit potestas facilis ad illud. Explicatur: Quod quis potest, sed cum difficultate, non potest illud exercere, nisi cum labore, & molestia; quod enim potest sine ullo labore, vel molestia facile potest: Sed implicat Deum posse aliquid cum labore, & molestia: Ergo quidquid potest physice, potest sine labore, & molestia illud exequi: Ergo quidquid potest, potest facile illud exequi: Ergo & moraliter, nam moraliter potest, qui potest facile, absque omni labore, & molestia.

14. Tercio probatur conclusio: Quia repugnat metaphysice Deum operari contra necessitatem moralem sui, seu contra id, ad quod sit moraliter necessitatus: Ergo si semel admittatur in Deo necessitas moralis, illa erit necessitas physi-

ca, & metaphysica, quandoquidem physice, & metaphysice repugnabit Deo agere oppositum: Ergo repugnat in Deo necessitas pure moralis, id est, coniuncta cum libertate, & potestate physica ad oppositum. Antecedens probatur, quia iuxta contrarios, ea necessitas moralis ad optimum, v.g. vel ad se communicandum ad extra, talis est, quod si Deus non faceret optimum, aut non se communicaret ad extra, Deus non esset, talem enim asserit esse necessitatem moralem P. Granados: Sed repugnat metaphysice Deum non esse Deum: Ergo repugnat metaphysice Deum agere contra suam necessitatem moralem. Secundo: Quia iuxta contrarios ea necessitas moralis est, vel fundatur inclinatione aliqua vehementi ad aliquid extra, cui Deus, moraliter loquendo, resistere non possit: Sed repugnat metaphysice Deum agere contra propriam inclinationem: Ergo & agere contra necessitatem moralem: Probo minorem, quia repugnat metaphysice Deum agere contra suam inclinationem, nisi ex alia sua inclinatione, omne enim agens agit ex inclinatione aliqua, vel naturali, vel voluntaria, repugnatque metaphysice, & implicat in terminis aliquem agere contra omnem suam inclinationem, aut sine omni sui inclinatione, alias agere absque omni nisu, aut connatu, quod evidentem contradictionem praefert: Sequitur ergo, quod si Deus ageret contra suam inclinationem, ageret ex alia inclinatione: Sed hoc repugnat Deo metaphysice: Ergo & agere contra suam inclinationem. Probatur minor, quia implicat agere contra suam inclinationem ex alia sua inclinatione, nisi admittantur in Deo diversae, & contrariae inclinationes simul, quarum una praevaleret, resistat, & vincat alteram: Sed hoc metaphysice repugnat Deo: Ergo. Probatur minor, quia Deus, ut potest simplicissimus, & naturae simplicissimae, incapax omnino est contrariarum inclinationum sibi invicem resistentium, & adversantium; nec hoc bellum intestinum sine iniuria, aut blasphemia Deo atque sui potest: Ergo.

# SOLVUNTUR OBIECTA.

15. **O**bjiciunt primo contrarii adversus primam conclusionem aliquibus PP. testimonijs. Nam in primis PP. Concilij Fracfordiensis scribunt ad Hispaniz Episcopos sic: *Credamus (Deum) omnia velle, quae meliora sunt.* Basilii deinde in *Exameron*, sic agit: *Fecit ut bonus, quod utile est; ut sapiens, quod pulchrum est; ut potens praeditus, quod maximum est.* August. etiam lib. 3. de *Liber. Arbitr.* cap. 5. sic ait: *Quidquid tibi vera ratione melius occurrerit, hoc scias Deum fecisse: tanquam bonorum omnium conditorem.* Et lib. 4. de *Genesi*, ad litter. cap. 16. sic ait: *Bona facere si nunc posses, nulla esset potentia;*



ta; si autem posset, nec faceret, magna esset invidentia. Quia ergo est omnipotens, & bonus, omnia valde bona fecit. Alia plura asseruntur PP. testimonia, in quibus dicitur Deum constituisse mundum optimo modo, & optimum fecisse, & quod nisi ita fecisset, suæ derogaret perfectioni.

16 Sed ad hæc omnia in primis respondetur, quod plura illudrum, si quid probant, probant necessitatem metaphysicam, quia Deus nec metaphysicè potest suæ derogare perfectioni, nec ingidentia alterius laborare, nec sua summa bonitate privari; unde si inde inferretur, Deum necessario fecisse optimum, id metaphysicè necessarium esset. Deinde, respondetur ex doctrina D. Th. supra tradita, Deum fecisse de facto optimum, vel quia res, quas fecit, non potuit easdem meliores facere in bonitate essentiali; vel quia eas fecit ex optimo motivo, & optimo modo ex parte facientis, quia meliori modo, nec meliori motivo ex parte facientis fieri non poterunt; vel quia univèrsum, & cæteras res fecit optimas secundum ordinem, & perfectionem taxatam, ordinatamque ex præsentia Dei providentia; eo quod supposita ea providentia ordinante, & metas rebus imponente, univèrsum melius esse non potest; licet absolute posset aliud univèrsum, & alias res perfectiores facere; vel tandem, quia suppositis istis rebus, quibus univèrsum constat, non potuerunt melius ordinari. Aliter etiam possunt plura testimonia exponi, ita ut optimum investigatur absolute, vel comparative ad res de facto factas: Ita ut sensus sit, quod mundus fuit factus valde bonus, & omnia valde bona absolute; componitur autem aliquid esse absolute optimum, aut valde bonum, quamvis possit dari aliud melius, & similiter, quod ex factis, & existentibus sit optimum, quia nihil est factum melius, licet fieri possit. His modis intelligi possunt PP. testimonia, nec opus est illos in tali rigore intelligere, quod potentiam Dei ad præsentia coarctaverint, & finitam, ac limitatam ad univèrsum còditum existimaverint; hoc enim longè est ab eorum sensibus. Quod autem ait Augustinus, nempe, quod si posset, & non faceret, magna esset invidentia, intelligendum est, si posset, & non faceret eo motivo, quo solent homines polle alios extollere, aut meliores facere, ne scilicet sibi æquantur; non vero si non faciat ex pura non ingidentia, & libertate.

17 Obijciunt secundo: Optimi artificis est facere opus, seu artefactum omni perfectione possibile, seu omni perfectione, qua factibile est; si enim artefactum non fiat omni perfectione, qua factibile est, erit imperfectio ex parte artificis. Sed Deus est optimus artifex omnium rerum, & præfertim univèrsi: Ergo univèrsum facit omni perfectione, qua factibile est: Ergo optimum, ita ut melius fieri non poterit. Respondeo, distinguendo maiorem: Optimi artificis est facere opus, sed

artefactum omni perfectione, qua factibile est, secundum idæam voluntariè assumptam, concedo: Assumendo semper de necessitate optimam idæam, nego maiorem, & concessa minori, distinguo consequens eodem modo; itaque optimus artifex potest habere plures rerum idæas, & idæare artefacta maiora, & minora, magis, vel minus exquisita, aliqua in quibus magis, aliqua in quibus minus suæ artis eminentiam ostendat: Solum ergo debet in omni opere adæquari idæam assumptam, & secundum illam indefectibiliter illud facere, quod est illud facere optimo modo ex parte facientis, & hoc pacto concedimus Deum quodlibet artefactum facere cum omni perfectione possibili ex parte facientis, quia cum omni conformitate ad idæam assumptam, ita ut ab ea in operando deficere non possit; sed negamus ipsum de necessitate assumpsisse idæam optimam artefacti sibi possibilem, quo nullum aliud haberet magis exquisitum in suis idæis, quo magis ostenderet suæ artis eminentiam, quia absque dubio in suis idæis habet plura alia magis mirabilia, & exquisita, & quibus posset magis ostendere suæ artis eminentiam; ad quæ faciendâ, nulla necessitate contrahitur.

18 Sed rogas, an saltem Deus possit dici moraliter necessitatus, ad aliquem mundum vagè? Respondent aliqui affirmativè, ex his etiam, qui negant necessitatem moralem ad optimum producendum. Sed respondeo, quod nec Deus dici potest necessitatus moraliter ad aliquem mundum vagè producendum. Patet, quia sicut Deus nullo univèrsiq. determinato eget, nec necessitatur, aut rapitur ex bonitate illius; ita nec eget vagè aliquo mundo; nec mundus vagè, & indeterminatè acceptus potest illum necessitare, aut rapere ad sui productionem: Ergo nec ad mundum vagè est necessitatus. Secundò ex dictis, quia implicat necessitas moralis in Deo, quæ non sit necessitas physica, sicut impotentia moralis, quæ non sit impotentia physica, ut ostensum manet: Sed in Deo non datur necessitas physica producendi aliquem mundum vagè: Ergo nec moralis. Tertiò, quia si Deus potuit moraliter abstinere ab infinitis mundis possibilibus producendis, seu ab omnibus possibilibus præter unum, cur non potuit æquè moraliter, & æquè faciliter abstinere etiam ab isto, adhuc ex suppositione, quod abstinuerit ab infinitis possibilibus? Si autem moraliter loquendo potuit abstinere ab hoc etiam producendo in sensu composito non productionis aliorum: Ergo moraliter loquendo potuit nullum omninò produceret: Ergo non fuit moraliter necessitatus ad aliquem vagè producendum. Etenim, qui summa facilitate potuit renuntiare omnes dignitates suprà dignitatem Parrochi possibilem sibi oblatas, quis dicat tantam habere inclinationem ad dignitatem vagè, quod

quod non possit moraliter renuntiare dignitatem etiam Parrochi, aut qui facile renuntiavit mille autos, quis credat tantam habere aviditatem pecuniae, ut non possit renuntiare alicui?

19 Dices forsan, in necessitate morali, aut morali impotentia non valere argumentum ab inductione; quia potest quis potestate morali plura venialia vitare, & tamen non potest omnia collectivè vitare; & homo necessitatus est moraliter vagè ad aliquod veniale committendum, & tamen non est necessitatus ad plura, nec ad aliquod determinatum. Sed contra est, quia si semel supponeretur alicuique faciliter vitasse omnia venialia præter unum, dici non posset, quod vagè esset necessitatus moraliter ad aliquod committendum, seu quod non posset moraliter vitare illud restans: Ergo pariter, supposito quod Deus facile abstinuerit ab omnibus alijs mundis producendis, dici non potest esse necessitatum vagè ad aliquem, seu non posse moraliter in sensu composito ab hoc uno etiam abstinere. Secundò, quia licet impossibilitas, aut necessitas moralis vaga non adducat argumentum calculatorum ab inductione, quia non consistit in indivisibili, ut notavi *trac. de Prov. q. 12 a. n. 163.* tamè ob hoc ipsum, implicat totam necessitatem moralem reduci ad unum tantum vagè, cum summa facilitate abstinendi à reliquis præter unum; alias consisteret in indivisibili: Est ergo impossibilitas moralis difficultas abstinendi à pluribus, orta ex aliqua vehementi inclinatione ad illa plura, quæ quidem inclinatio est vincibilis per partes, ita ut vincere illam in uno sit difficile vel unum, vincere vero illam in duobus sit difficile vel duo, & sic vincere illam in omnibus, vel ferè omnibus est difficile in summo, vel ferè in summo, & hæc difficultas in summo, vel ferè in summo est, seu dicitur impossibilitas moralis, quæ coalescit ex omnibus partibus illius difficultatis. Et similiter necessitas moralis est vehemens aliqua inclinatio ad plura in communi, cum aliqua difficultate vincibilis in quolibet seorsum, cum maiori in pluribus, cum summa, vel ferè summa in omnibus, vel ferè omnibus; & ideo dicitur moralis necessitas ad aliquod, vel aliqua pauca.

20 Unde si extrema v.g. sint centum, ut inclinatio ad illa sit necessitas moralis ad aliqua, vel aliquod ex illis, opus est, quod sit difficile vincibilis in viginti, difficilius in quinquaginta, difficilior in octoginta, & difficilissimè in omnibus, vel ferè omnibus centum; si enim facile esset vincibilis vsque ad nonaginta novem, esset vincibilis vsque ad omnia centum absque ingenti difficultate; non enim propter vnius solum excessum transiret de facilitate, in summam, & ingentem difficultatem; nec esset ratio cur illa inclinatio ad centum facile vinci posset in omnibus vsque ad nonaginta novem, & non nisi difficilissimè vsque ad

omnia centum; quod cuique evidentissimum erit, nec exemplum vllum adducitur in contra. Immo, cum crescit difficultas, crescente numero, difficile est assignare mathematicè, in quo numero perveniat difficultas ad gradum necessitatis moralis, ita ut propter vnius tantum gradus excessum sit necessitas moralis, quæ infra illum solum necessitas moralis non esset, v.g. quod difficultas vincendi nonaginta novem tentationes leves non sit necessitas moralis succumbendi alicui ex illis, nec impossibilitas moralis vincendi omnes; & tamen difficultas vincendi centum sit iam impossibilitas moralis, seu necessitas moralis succumbendi alicui. Ideoque communiter non assignatur gradus, nec numerus determinatus mathematicè, sed dicitur quod difficultas vincendi omnes, vel ferè omnes, paulò plus minusve, est impossibilitas moralis, in quo iudicium prudentium limitem solet ponere prudentialiter.

21 Ex qua doctrina, quæ certissima est apud omnes, in primis colligitur, in Deo non posse poni necessitatem moralem vagè ad unum tantum mundum; quin ponatur ad unum, vel ferè, hoc est ad unum, vel duos, vel tres, aut paucos aliquos mundos producendos, quia respectu omnium possibilem, unus, duo, aut tres parum distant, & ferè sunt idem: Sed falsum est, & sine fundamento dicetur, quod Deus est moraliter necessitatus ad paucos aliquos mandos producendos, cum de facto unum tantum produxerit: Ergo. Secundò: Non potest intelligi necessitas moralis ad aliquem vagè producendum, nisi ex inclinatione producendi mundos difficile vincibili in abstinendo à quolibet, difficilius vincibili in abstinendo à dimidio, & difficilissimè in abstinendo ab omnibus, vel ferè omnibus producendis: Sed hoc dici nequit, quia Deus facilissimè abstinit à producendis omnibus, quæ non produxit, nec vllò fundamento potest dici, quod suæ inclinationi vim aliquam fecerit in eis non producendis: Ergo. Demum, quia si aliquis moraliter necessitatus ad succumbendum alicui tentationi levi per tres, aut quatuor dies, per omnes illos dies vicisset omnes tentationes leves peccati venialis, & ad finem vinceretur ab una æquali, vel ferè æquali cæteris, nemo diceret, illum pro tunc fuisse necessitatum moraliter ad illi succumbendum, quia videlicet maximam partem necessitatis moralis iam vicisset tempore antecedenti, & iam non maneret necessitas moralis ad illam solum: Ergo vel dicendum est, quod Deus in abstinendo à cæteris mundis producendis vicit maximam partem necessitatis moralis, vel quod non est necessitatus moraliter ad unum vagè, nec ad aliquos. Et hæc quidem dixerim ad explicandam necessitatem moralem vagam, in qua plures solent intervenire æquivocationes.

## SOLVUNTUR OBIECTA:

22 SED contra objicies primò; quia Deus est per naturam bonum maxime sui diffusivum, & communicativum: Ergo maxime inclinarur ad sui communicationem, & diffusionem: Sed hæc inclinatio non potest non fundare necessitatem moralem producendi aliquem mundum, in quo creaturis se communicet: Ergo. Confirmatur: Deus maxime inclinatur in ostensionem suarum perfectionum, & attributorum: Sed hæc inclinatio non potest non fundare aliquam necessitatem moralem producendi mundum, ut in illo ostendat sua attributa, & perfectiones: Ergo. Respondeo, quod Deus per naturam est in primis maxime sui diffusivus, & communicativus ad intra, quod implet per generationem naturalem verbi, & per spirationem Spiritus Sancti, se communicando infinite, & adæquatè verbo, & Spiritui Sancto; est etiam bonum maxime sui diffusivum ad extra per particulas finitissimas suæ bonitatis, quæ comparativè ad illam sunt minus quam guttulæ respectu totius Oceani, nec ita est sui diffusivum, aut communicativum per aliquam inclinationem subiectivam naturalem, & innatam, aut elicitam necessariam; sed solum obiectivè, quatenus sua bonitas obiectivè de se movet, & alicui cum plena libertate ad sui prædictam communicationem, ut sibi decenem, sed absque omni prorsus indigentia illius, nec ad esse, nec ad bene, & optimè esse, nec ad feliciter, & beatè esse, ita ut cum omnimoda sui quierè, satisfactione, & facilitate possit abstinere à tali communicatione; hoc autem nullam prorsus fundat necessitatem, nec moralem, sed ita communicandi per gutulas, quæ comparatione illius immensæ bonitatis quasi nihil reputatur in conspectu illius, & quasi non essent; unde nec voluntatem divinam afficere possunt cum tanta necessitate ad illas gutulas bonitatis exhibendas extra se, potissimè cum Deus intra se societatem trium personarum æqualium habeat, cum totius bonitatis suæ, & omnium suarum perfectionum, & divitiarum integra, & adæquata communicatione; & potissimè etiam cum ante omnem sui ad extra communicationem nullus sit qui petat, nullusque exigit, nullum ius, nulla exigentia. Ex quo ad confirmationem pariter dico, Deum sibi, Filio, & Spiritui Sancto ostendere ad intra suas omnes perfectiones, qui adæquatè illas percipiunt, & comprehendunt; sed minimè egere ostendete illas noctuis cæcutientibus, quales sunt omnes creaturæ, etiam ipsi Cherubim ad penetranda divina, ac proinde ad hanc ostensionem nulla necessitate constringitur, potissimè antequam sit qui videat, aut cui ostendatur; sed ex mera liberalitate, & misericordia creaturarum indigentiam respicit; quæ liberalitas tan-

to maior est, quanto maior libertas, & absque omni prorsus necessitate ex parte ipsius Dei, licet cum maxima ex parte, creaturarum.

23 Obijciunt terriò contra secundam conclusionem argumèto difficili, quia suppositis exigentijs rerum, potest tanta esse exigentia illarum ad aliquem effectum, ut quamvis Deus possit physicè, & metaphysicè loquendo illum suspendere, sit tamen moraliter necessitatus ad illum efficiendum: Ergo est possibile Deum necessitari purè moraliter. Probarur antecedens, quia tanta potest esse exigentia rerum, seu causarum secundarum, ut moraliter loquendo Deus non possit effectum suspendere: Sed hoc est ipsum esse moraliter necessitatum ad illum efficiendum: Ergo. Probarur major, quia tanta potest esse exigentia causarum secundarum ad effectum, ut pròpender dubitari non possit, quod Deus ralem effectum efficiat, sed potius quique certo moraliter iudicare possit illam effectum eventurum: Sed hoc esse non potest, nisi adsit necessitas moralis de tali effectum futuro, & impotentia moralis de non evento illius: Ergo tanta potest esse rerum exigentia, ut Deus sit moraliter necessitatus ad eventum, & moraliter non potens illum suspendere. Maiorem probant, ponendo casum, in quo homo infusus, qui sanctissimam, & perfectissimam vitam semper duxerit, & nunquam aliquod præceptum divinum violaverit, quique in ultimo vitæ termino constitutus impensissimè cum lacrimis, & omni humilitate à Deo perseverantiam potulet, & pro eo omnes Sancti, omnesque Angeli, & ipsa denique Dei Mater apud Filium intercedat. Quis erit, qui his propositis circumstantijs, & causis exigentibus quod illi Deus conferat perseverantiam finalem, non prudenter iudicet ut certum moraliter, quod ille perseverantiam obtrinebit? aut quis dubitare poterit prudenter de illius perseverantia? nemo sanè: Ergo tanta potest esse causatum secundarum exigentia ad effectum aliquem, ut quisque certum illum moraliter iudicare possit, nemoque prudenter de illo dubitare.

24 Confirmant primò, quia in tali casu Deus liber manet physicè ad perseverantiam non cedendam; & tamen non manet liber moraliter, alias non esset moraliter certum Deum illi perseverantiam concessurum: Ergo Deus manet moraliter necessitatus ad illi concedendam perseverantiam, suppositis illis exigentijs. Secundò, quia in eo casu attributum pietatis, & benignitatis divinæ maximopere inclinatur in concessionem perseverantiae; cætera vero attributa parum inclinant in denegationem perseverantiae: At qui dum voluntas maximopere inclinatur in effectum, & parum, aut nihil in oppositum, est necessitatus moraliter ad effectum: Ergo in eo casu Deus erit moraliter necessitatus ad illum effectum finalis perseverantiae.

Con-

25 Confirmant tertio: Ex hoc antecedenti: *Ignis est applicatus passo disposito*, quisque certo inferit: *Ergo existet concursus divinus cum illo ad combustionem*, & hoc nõ alia ratione, nisi quia ignis applicatus passo disposito exigit concursum divinum: Sed hæc consequentia esset nulla, si supposita tota illa exigentia, Deus adhuc maneret omnino liber, tam physicè, quàm moraliter ad illum concursum exhibendũ, quàm ad negandũ; quia æquè contingens maneret vnum ac aliud: Ergo. Quarto: Negari nequit, Deum magis inclinatum esse, magisque determinatum ad præstandum concursum, supposita illa exigentia, quàm ea non supposita; nam si æquè liber, & indifferens maneret ac ea non supposita, nullum prudens fundamentum esset ad iudicandum potius concurrere futurum, quàm suspensum concursus: Sed si semel admittatur, quod Deus est magis inclinatus, magisque determinatus, ad concursum, & consequenter minus indifferens, minusque liber ad carentiam concursus, nulla est ratio cur ea maior inclinatio, & determinatio non possit augeri usque ad necessitatẽ moralem; illaque minor libertas usque ad impotentiam moralem: Ergo.

26 Omnis varijs solutionibus, quibus Alde-recte, & Quiros, & alij RR. potius augent, quàm solvunt difficultatem, respondeo negando antecedens. Ad probationem, nego maiorem. Ad eius probationem, concessa maiori, in qua non est difficultas, & quæ rectè probatur illo, & alijs casibus, nego minorem, vel distinguo: Hoc esse nõ potest, nisi ad sit ex parte Dei necessitas moralis ad illum effectũ, nego: Nisi ad sit necessitas moralis ex parte causarum secundarum ad illum effectũ, concedo minorem, & nego consequentiam. Quia illa certitudo moralis, & moralis indubitabilis, seu infallibilis rota fundatur in maxima connexionẽ, & inclinationẽ illarum causarum secundarum ad eventum, seu ad finalem perseverantiam expectatam; non vero in aliqua impossibilitate morali ex parte Dei, aut morali necessitate, quia Deus tam facili, & tam libere ex parte sua potest vincere magnam, ac parvam exigentiam, rumpere connexionem maiorem, ac minorem, operari contra, ac iusta exigentiam causarum secundarum; ad nihilque horum est impotens moraliter, si physicè est potens, ad nihilque moraliter necessitatus, si physicè liber. Et insto argumentum, nam si adhuc in illo casu, ut supponitur, potest physicè Deus negare perseverantiam, absque potest facili, & absque vlla difficultate illam negare, quia in Deo prorsus repugnat difficultas, unde si potest negare illam, tam facili potest illam negare, quàm illam concedere: Si autem tam facili potest vnum ac aliud; unde certitudo illa moralis, quod illam potius concedet, quàm negabit? Si dicas, quod ex necessitate morali illam concedendi,

Contra est primò, quia quomodo necessitatus est Deus moraliter ad vnum, si tam facili potest oppositum? Secundò, quia saltem Deus tam facili potest vincere necessitatem moralem, quàm vel levissimam inclinationem; nemo enim an- debet asserere, quod difficultatem vllam expectari possit Deus, aut quod aliquid non possit, nisi difficiliter: Vnde ergo inferri poterit, quod in eo casu Deus non vincat eam necessitatem moralem, seu quod illi cederet; si æquè facili potest illam vincere? En ipsam tuam difficultatem, cui tu ipse respondere teneris. Sic ergo instanda sunt argumenta contraria, nam huic instantiæ semper est locus.

27 Ad primam confirmationem, concessa maiori, nego minorem, & quod si Deus maneat liber moraliter ad negandam perseverantiam, excludatur certitudo moralis de eo quod illam concedet; quia hæc certitudo moralis non fundatur, nec in necessitate vlla Dei ad illam concedendam; nec in impotentia morali illam negandi; sed in exigentia ipsa, & connexionẽ morali summa omnium illarum circumstantiarum ad illam optinendam, quæ semper manet. Ad secundam confirmationem, nego maiorem de inclinatione subiectiva innata, aut elicitæ necessaria; quia inclinationem innatam in Deo iam exclusimus supra; inclinatio autem elicitæ, seu quod idem est, voluntaria, non potest esse necessaria erga aliquid creatum, sed semper est libera; si autem de inclinatione libera sit semper, concedo maiorem, nempe, quod magis libere inclinatur in eo casu attributum pietatis, & benignitatis ad concessionem, imò non magis, sed vnicè, quia pro tunc nulla præsumi potest in Deo inclinatio libera ad oppositum; cæterum data in Deo illa inclinatione libera, ex illa cum libera sit, non potest probari necessitas moralis. Vide supra *num. 11. & 12.*

28 Ad tertiam, concessa maiori, nego minorem, quæ evidenter falsa est, quia nemo vnquam iudicavit, Deum esse moraliter necessitatum ad non patrandam mitacula, aut moraliter impotentem illa parare: Non ergo illa certitudo suspensari potest in necessitate morali Dei, aut morali impotentia ipsius. Rursus, quia certitudo illa de divino concursu cum igne applicato passo summè disposito, non est solum certitudo moralis, sed certitudo physica, ut potest physicè, & ex natura rei infallibilis: Ergo si aliquam necessitatem probaret in Deo, probaret necessitatem physicam, non moralem tantum. Vel si componitur certitudo physica, physicè, & ex natura rei infallibilis, cum libertate physica in Deo ad oppositum, & sine physica necessitate, cur conciliari non poterit certitudo moralis alicuius eventus cum morali libertate in Deo ad oppo-

situm, & absque morali necessitate ad ipsum? Imò si componitur certitudo physica de eventu aliquo, absque necessitate adhuc morali in Deo de illo efficiendo, seu non vitando; quanto magis componi poterit certitudo moralis evenus absque necessitate morali in Deo ad illum? Sanè certum est physicè, & naturaliter loquendo, seu ex natura rei; quemlibet hominem semel moriturum, seu ad vitam mortalem non resurrecturum, & talem certitudinem habebant omnes Lazaro mortuo; quis autem dicat, Deum fuisse nec physicè, nec moraliter necessitatum ad illum non resuscitandum, aut impotentem ad illum resuscitandum? Licet enim Christus Dominus signa externa protulerit, quibus difficultatem resurrectionis ostendere videbatur, omnes tamen Expositores ea signa non ad difficultatem, aut impotentiam adhuc moralem ex parte Christi, sed ad alia mysteria, & nostram doctrinam referunt, nec enim illi magis difficilis, aut impossibilis, minus ve facilis; aut possibilis fuit resurrectio Lazari, quam resurrectio vnicui filij viduz, aut filiz Archisynagogi, quam vti dormientem, excitavit, quamvis attentis causis secundis certum nedum moraliter, sed physicè, & ex natura rei esset, nullum illorum resurrecturum.

29 Ex quo ad quartam, nego maiorem, loquendo de inclinatione, aut determinatione necessaria, aut naturali. Et cum probas, quia alias nullum prudens fundamentum esset iudicandi concursum futurum, nego sequelam, quia est semper fundamentum in ipso ordine, & exigentia naturæ, quæ talem concursum naturaliter exigit, & infert cum physica certitudine, licet elevando mentem supra naturam, supra eiusque ordinem, & exigentiam, ad Deum totius naturæ superiorem, nulla sit difficultas, nullaque impossibilitas, adhuc moralis in eo concursu negando, ac proinde nulla necessitas illum exhibendi.

30 Sed replicabis primò, quæsi adhuc supposita exigentia causarum secundarum, Deus manet æquè liber; & indifferens ad negandum, & ad concedendum concursum, nulla potest esse ratio cur Deus regulariter talem concursum exhibeat, & rarissime illum suspendat: Ergo nec cur iudicemus potius concursum futurum, quam non futurum. Probatur antecedens, quia si aliqua ratio maneret, maximè ipsa exigentia causarum secundarum: Sed hæc nulla ratio est, si Deus adhuc ea supposita manet æquè indifferens, & liber, ad negandum concursum, ac ad illum exhibendum: Ergo. Probatur minor, quia vel illa exigentia aliquatenus constituit Deum magis inclinatum, aut obligatum ad exhibendum concursum, vel non? Si constituit Deum magis inclinatum, & obligatum: Ergo non manet æquè liber. Si non

constituit Deum magis obligatum: Ergo non est ratio unde inferatur potius concursus, quam negatio illius. Secundò, quia existentia divini concursus, non aliter infert divinum concursum, nisi quatenus cognita à Deo mover Deum ad exhibendum concursum: Vel ergo movet cum omnimoda indifferencia, vel cum maiori inclinatione ad exhibendum concursum, quam ad negandum? Si cum æquali indifferencia: Ergo non cum exigentia vnus potius, quam alterius: Si cum maiori inclinatione: Ergo non relinquit Deum æqualiter indifferenter ad negandum concursum. Tertiò, quia si adhuc supposita exigentia connaturali causarum secundarum, Deus maneret æqualiter indifferens, possemus prudenter timere, ne cælum rueret, ne descenderent montes, & ascenderent maria. Sed hoc dici non potest: Ergo. Probatur sequela, quia si Deus æquè liber, & indifferens maneret ad negandum, & exhibendum concursum, seu ad operandum miraculosè contra exigentias rerum, ac ad operandum connaturaliter iuxta illas, æquè contingens maneret vnum ac aliud, nullaque maior esset certitudo, aut necessitas de eo quod Cælum staret, quam de eo quod rueret, nullaque maior impossibilitas huius, quam illius: Sed stante æquali contingentia possemus prudenter timere: Ergo.

31 Quartò, quia omnis connexio, vel necessitas simpliciter antecedens de aliquo eo modo, quo est necessitas simpliciter antecedens, tollit libertatem ad oppositum: Sed supposita exigentia rerum datur connexio, vel necessitas moralis de eo, quod Deus conservabit Cælum in suo ordine, & situ, esseque antecederet necessarium, quod ignis applicatus passo disposito convurret, & non applicatus non convurret: Ergo hæc exigentia tollit à Deo potestatem moralem ad oppositum. Quintò, quia aliter, plures ratiocinationes Christi Domini nullam vim, & efficaciam haberent ad persuadendum interitum. Quod sic probatur, quia Christus dominus Lucæ 11. sic discurre: *Quis autem ex vobis Patrem petit panem, nunquid lapidem dabit illi? aut pisces, nunquid pro pisce serpentem dabit illi? aut si petierit ovem, nunquid porriget illi scorpionem? Si ergo vos cæcis fidei mali, nostris bona dare filij vestris, quæto magis Pater vester cæcis dabit spiritum bonum petentibus se.* Quo supposito sic arguitur: Vt hæc ratiocinatio à paritate Patris creati vim habeat ad persuadendum interitum, debet esse in Patre cælesti ad minus tanta inclinatio ad nobis largienda bona, supposita nostra exigentia, & petitione filij: Sed in Patre creato est tanta inclinatio, quod accedit ad necessitatē morali: Ergo etiā in Patre cælesti. Maior probatur, quia si in Patre cælesti nō supponeretur tanta inclinatio, sed potius

plena indifferentia, & libertas moralis, paritas esset nulla quia argueret à Patre moraliter necessitato, ad Patrem moraliter indifferentem, à Patre vehementer inclinato, ad Patrem nulla inclinatione propensum magis ad dandum, quam ad negandum; quæ patitas prorsus esset nulla: Ergo ut argumentum Christi à paritate probet intentum, debet tanta inclinatio supponi in Patre coelesti, quanta in Patre creato, alias enim erit nullum argumentum à paritate. Huic argumento Salvatoris adiungunt contrarij plura alia ex Sacro Textu, in quibus Deus manifestat suam benevolentiam erga homines, eosque asscurat de beneficijs suis conferendis, quæ securitas, & fiducia nulla esset, si Deus nulla vehementi inclinatione necessitaretur moraliter ad ea beneficia conferenda.

32. Respondeo tamen ad primam replicam negando antecedens. Ad probationem, concessa maiori, nego minorem. Ad probationem dico, quod adhuc illa exigentia supposita, Deus non est ex parte sua magis inclinatus, nec magis determinatus, nec magis obligatus, nisi forsan eodè decreto, quo voluit dare talem exigentiam volnerit etiã dare concursum exactum; quo casu necessitatus erit ad cõcursum necessitate physica, & metaphysica, sed consequenti ad summi velle, sen quia iam supponitur volens plena libertate concurrere. Unde ex hoc non probatur, quod sic inclinatus, nec obligatus antecedenter, minusque antecedenter necessitatus moraliter ad cõcursum. Si autem non supponatur, quod dando exigentiam eodem decreto voluit concurrere, sed tantum supponatur exigentia collata à Deo præcisivè à quolibet alio, nego quod Deus ex præcisâ illa exigentia sit necessitatus moraliter, nec inclinatus, aut obligatus antecedenter ad cõcursum. Cum autem arguis: Ergo non est ratio cur potius inferatur concursus, quàm negatio concursus, distinguo: Intra ordinem creatum causarum secundarum, nego: Attenta potentia summa, & libertate summa Dei, concedo consequentiam; quia nos, dum de futuris eventibus discutimus, discutere debemus ex dispositione, & exigentia causarum secundarum intra ordinem naturæ, quia attenda, maximum fundamentum est ve iudicemus futurum cõcursum exactum ex ordine rerum, ex hoc ipso, quod dispositio præfens causarum secundarum illum exigit omnino connaturaliter; sicut Mathematici certo iudicant eclipsem futuram, ex naturali ordine colorum; attenda autem summa Dei potentia, & libertate, qua nulla lege naturæ tenetur, aut obligatur, cuique non minus facile est supra illam, quam iuxta illam agere, dicimus, & rectè dicimus *Deus super omnia*, manentes in quadam in certitudine æternò Dei supremo dominio, nulla necessitate confictio.

33. Ad secundam, nego maiorem, quia Deus

à nulla exigentia creata in se ipsa movetur, minusque obligatur, multoque minus necessitatur de quo vide *suprà quæst. 3. à num. 61. & 78.* ubi satis ostendimus, quo pacto divina voluntas à nulla exigentia, aut iure creato moveatur, sed ex sola sua bonitate, cui concedens est æquare præmia meritis, & consequenter implere exigentias suarum creaturarum, secundum ordinem ab ipso liberè statum per suam sapientiam; ex quo quidem consequenter, & liberè, seu ex suppositione sibi libera necessitatur, quia ita liberè disposuit, & ordinavit, sed antecedenter nullatenus est obligatus, aut necessitatus vlla antecedenti obligatione, aut necessitate, sed cum equali indifferentia. Cum autem inferis: Ergo non erit maior exigentia concursus; negatur consequentia, quia semper intra ordinem naturæ à Deo statutum manent exigentiæ causarum secundarum, quæ licet non habeant vllam vim contra Dei dominium, & libertatem, nec illam villo pacto minuant, cum illi potius subordinentur; habent tã plenum ius intra ordinem naturæ ad sibi debitos concursus, & actiones, & fundant certitudinem intra ordinem naturæ ad suos effectus, licet hæc certitudo etiam subordinata sit divinæ libertati.

34. Ad tertiam, nego sequelam. Ad eius probationem, nego sequelam, quia contingentia, seu necessitas rerum, sicut & illarum figuritio necessaria, vel contingens non summitur immediate per ordinem ad causam primam ut *suprà* totum naturæ ordinem existentem, sed in ordine ad causas proximas, vel secundas, penes quarum ordinem, aut dispositionem aliqui effectus eveniunt contingenter, alij necessariò, ut plurius locis asserit D. Thom. vnde ut ipse *quæst. 12. de Verit. artic. 10. in corpore*. ait: *Quæcumque igitur virtus creata aliquam cognitionem habet de futuris, sua cognitio non fertur, nisi ad ordinem causarum; sicut Medicus secundum hoc dicitur futuram mortem præscire, in quantum scit naturalia principia esse ordinata ad defectum mortis; & eodem modo Astrologus dicitur cognoscere futuras pluvias, aut ventos, unde si sint tales cause, quæ effectus impediri possit, non semper evenit, quod sic præscitur esse futurum.* Igitur, quando causæ secundæ ita sunt ordinatæ, & dispositæ ad aliquem effectum, quod in tota natura, vel in tota serie, & ordine causarum secundarum, non sit causa aliqua, à qua talis effectus impediri possit, tunc dicitur ille effectus absolutè, & physice necessarius, & non contingens, sicut solem cras oriturum, cœlum in suo situ, & ordinem per-manfurum, eclipsem tali die futuram; quando vero causæ secundæ magis inclinant in aliquam effectum, sed non cum tanta superioritate, ut non possint in aliquo casu raro impediri, effectus dicitur moraliter necessarius, aut necessarius secundum quid, licet absolutè, & simpliciter, seu physice

sic contingens. Quando denique causæ secundæ, attenta omnium illorum dispositione, & ordine, non magis inclinant in vnum effectum, quam in contrarium, propter contrarietatem illarum, tunc effectus dicitur omnino contingens.

35 Quæ quidem diversitas necessitatis, & contingentis tota est ex ordine, & dispositione causarum secundarum, infra Deum considerata, & ex illa infra Deum considerata concipiunt homines, vel certitudinem physicam, aut moralem, vel solam dubietatem de eventibus, & consequenter de concursu Dei ad ipsos eventus; v.g. de Sole cras oritur, aut de constantia cœli in suo situ, & ordine, & de concursu Dei ad hoc ipsum certitudinem physicam, & naturalem; de tonitruis in vete futuris, & de concursu ad illa certitudinem moralem, aut coniecturalem, de anni fecunditate, aut sterilitate dubietatem; & totum hoc prudenter, & prudentissime; quia ad homines solum spectat discurre ex ordine naturæ, aut causarum secundarum. Inspecio vero Dei absolute posse, & dominio, quo gaudet supra omnem naturam, & naturæ ordinem, & supra omnes causas secundas, nihil illi necessarium est, nec physicè, nec moraliter, nullaque necessitate antecedenti tenetur, nec physicæ, nec morali ad prædictos eventus, nec ad ordinem naturæ servandum, quia sicut non tenetur necessitate physicæ ad eventus physicè certos, & necessarios, ita nec necessitate morali ad eventus moraliter certos, & necessarios; totaque hæc necessitas, & certitudo, quæ nobis magna est, Dei potestati, & dominio solum fragile est, facillimè rumpibile. Quia tamen inde inferre liceat, posse nos timere, quod cœlum ruat, aut quod mare ascendat, aut alio similia, quæ Deus supra naturam ordinem facillimè, & naturalissimè ex parte sua facere posset; quia nos, utpote intra ordinem naturæ contenti, solum ex naturæ ordine de his effectibus iudicare debemus; aliter autem de ipsis iudicare temeritas, seu potius fatuitas esset; attento verò naturæ ordine iam vidimus, prædictos effectus physicè necessarios esse, & similitur certos, ac proinde nemo, nisi fatue, timere potest, quod aliter eveniat, quam sicut necessarium est evenire. Ex quò.

36 Ad quartam, distinguo maiorem: Omnis necessitas antecedens, &c. tollit libertatem ab eo, respectu cuius est necessitas, aut connexio antecedens, seu ab eo, quem necessitat, aut connectit antecedenter cum effectu, concedo: Ab eo quem minimè necessitat, aut vincular effectui, nego maiorem, & distinguo minorem: Suppositis exigentis retum, datur connexio, & necessitas moralis antecedens respectu causarum secundarum, seu quæ causas secundas necessario moraliter connectit cum effectu, aut eas necessitat ad effectum, concedo: Quæ Deum ipsum antecedenter vinculet, aut connectat effectui, aut ipsum necessitet, nego minorem, & consequentiam, quia

talis necessitas, sive physica, sive moralis, tota est attento ordine inferiori causarum secundarum, & consequenter tota est sub Dei dominio, & libertate; connexio autem, aut necessitas, quæ tota est sub alterius dominio, non potest ipsum, sub cuius dominio est, antecedenter necessitare, aut connectere effectui, sed illum relinquere cum suo pleno dominio antecedenti, & libertate; potissimè cum tota illa exigentia, connexio, & necessitas per potentiam obedientialem subordinatissima sit Dei libertati, & dominio, adversusque ipsum Deum nullum ius, nullam exigentiam, nullamque vim habeat, nec Deum faciat debitorem; sicut enim *Dpus reddidit debita nulli debens*, ita implet necessaria à nullo necessitatus, sed cum plenissima libertate.

37 Ad quintam, nego sequelam. Ad probationem, supposito textu, distinguo maiorem: Debet esse in Patre cœlesti tanta inclinatio innata, nego suppositum, quod nempe in Deo sit inclinatio innata: Tanta inclinatio elicitæ, id est, tanta voluntas, subdistinguo: Tanta voluntas signi, concedo: Tanta voluntas beneplaciti, iterum subdistinguo: Tanta voluntas beneplaciti antecedens, concedo: Tanta voluntas beneplaciti consequens, nego maiorem, & concessa minori, distinguo consequens: Ergo in Patre cœlesti debet esse tanta inclinatio innata, nego: Tanta inclinatio elicitæ, seu voluntas signi, aut beneplaciti antecedens, quod accedat ad necessitatem moralem, subdistinguo: Ad necessitatem moralem ex parte effectus, aut signi externi, seu ad necessitatem moralem obiectivam, concedo: Ad necessitatem moralem formalem, & subiectivam ex parte divinæ voluntatis, aut Dei, nego consequentiam; & eadem distinctione respondeo ad probationem maioris. Quia videlicet in primis, ut paritas illa vim ingentem habeat, opus non est, quod in Patre cœlesti sit tanta inclinatio naturalis, & innata sicut in Patre creato, tum quia Pater creatus, de quo loquitur Christus Dominus, est Pater sui Filii per naturam, & ideo per naturam ipsam inclinatur in illum fovendum, Deus autem non per naturam, sed per voluntatem est Pater hominum; unde ut paritas fervet proportionem, debet intelligi, quod tanta voluntas sit in Patre cœlesti favendi Filii, quos per voluntatem creavit, quam sit inclinatio naturalis, & innata in Patre creato erga Filios, quos per naturam generavit. Potissimè cum in Deo non admitamus inclinationem innatam propriè talem, seu ab elicitæ distinctam.

38 Rursus, loquendo de voluntate, satis est, quod in Deo esset tanta, & multo maior voluntas signi erga Filios creatos, quam in Patre creato erga Filios genitos; quia cum iudicium prædictum nostrum ad speranda beneficia ex Patre cœlesti, potissimè innatur voluntati signi, quæ

quæ sola per se potest esse nobis manifesta; satis forer, quod tantam voluntatem signi haberet Pater celestis erga Filios creatos, quam Pater creatus erga Filios genitos; in hoc autem sensu, nedum tantam, sed longè maiorem voluntatem signi habet Pater celestis, quia creando homines ex nihilo, ipsosque tot donis naturalibus ditando, tot legibus, totque minis, & prænisiis communiendo, longè maiora signa amoris, & dilectionis dedit, quam vllus Pater creatus exhibuerit vquam. Unde legitime arguit Christus Dominus. Si vos, cum sitis mali, nollijs bona data dare Filijs vestris, quanto magis debetis iudicare, & sperare, quod Pater vester celestis, qui longè magis sollicitus, & benevolens erga Filios se monstravit in opere, & maiora dedit signa benevolentiz, dabit spiritum bonum petentibus se. Ad quod quidem, non requiritur, quod ex illis signis necessitetur Deus nec physicè, nec moraliter, sed satis est, quod ea signa simul cum indigentia, & petitione Filiorum, ex parte obiecti inferant necessariò moraliter effectus alios petitos, & ad salutem necessarios, ita vt tota connexio, & necessitas moralis sit inter illa signa, & externa beneficia, de vno ad alium ex vi petitionis; nulla vero necessitas moralis sit formaliter, & subiectivè ex parte Dei observandi connexionem, & ordinem illum moraliter necessarium; voluit enim Deus omnino liberè ex parte sua talia dare signa benevolentiz erga homines vt Filios, quod illa cum morali necessitate inferrent maiora erga illos indigentes, & petentes; sed non ita, quod ipse ad hoc necessitaretur moraliter. Sicut voluit causis secundis dare inclinationes, & exigentias, quæ cum physica necessitate inferrent alios effectus, quin tamen ipse ob hoc necessitatus physicè maneret ad eos effectus.

39 Iam vtro loquendo de voluntate beneplaciti, in primis argumentum sumi non potest ex voluntate beneplaciti consequenti, quæ sola est simpliciter voluntas beneplaciti; quia hæc est omnino occulta, & erga solos electos; solum ergo desummi potest ex voluntate antecedenti, & ex hac quidem vt manifestata ex ipso munere Patris, per creationem, conservationem, & Paternam providentiam generalem, quæ non quidem moraliter, sed metaphysicè annexa est creationi, & conservationi, aut generali ordinationi ad finem vite æternæ. Repugnat enim metaphysicè, Deum homines creare, & conservare, quin illis generaliter providear ad finem, ad quem eos creavit, ac generaliter destinavit. Hæc igitur voluntas antecedens vt manifestata in operibus, quibus se Deus externè vt Patrem gerit, est antecedens ex quo Christus D. nos docet arguere, & inferre, quod si Patres creati, quamvis mali, qui proinde possunt, & solent in consequenter, & inordinatè in suis operibus procedere, ita vt de vno vix possit fieri con-

sequentia ad aliud, nihilominus de illis iudicari non potest, quod filio petenti ovum porrigant scorpionem, quanto magis de Patre celesti, qui voluntatem antecedentem erga homines, vt filios tot operibus manifestavit, & paternum affectum exhibuit, voluitque sua opera talem consequentiam, & ordinem habere, vt vnum inferat salutem moraliter aliud; debetis iudicare, quod dabit spiritum bonum petentibus se? non ita vt hoc iudicium fiat ex aliqua necessitate morali subiectiva, & formali in voluntate divina, sed ex necessaria connexionem, & consequentia morali, quam Deus voluit esse inter signa, & opera suæ providentiz, & benevolentiz erga homines egentes, & penitentes.

40 Sed adhuc replicabis primò, quia Deus, supposita creatione, non est necessitatus physicè, aut metaphysicè ad eam voluntatem antecedentem, aut signi: Sed illa necessario consequitur ex bonitate divina, vnde plures Patres ex bonitate divina, seu quia Deus bonus est, eam suadent: Ergo supposita creatione, Deus ex sua bonitate necessitatur moraliter ad eam voluntatem antecedentem. Secundò; quia ex effectu illius voluntatis antecedentis non potest inferri necessario moraliter, quod Deus dabit bonum spiritum petentibus se, nisi inferat in Deo voluntatem consequentem, & efficaciam dandi bonum spiritum petentibus se: Sed hanc inferre non potest, nisi Deus supponatur moraliter necessitatus ad eam voluntatem efficaciam erga potentes bonum spiritum: Ergo. Probatur minor, quia si Deus non sit moraliter necessitatus, manebit æquè liber, & æquè potens negare bonum spiritum petentibus se, ac illum dare: Sed eo ipso inferri non potest, quod illum dabit: Ergo. Tertiò, quia præcédendo ab illa voluntate antecedenti manifestata nobis per beneficia exhibita, & propriori ad talia beneficia, ex sola cognitione bonitatis divinæ inferunt PP. & quisque inferre poterit, quod dabit spiritum bonum petentibus se, & quod sine culpa nostra, non negavit postulata ad salutem necessariæ: Ergo quia antecedenter ad eam voluntatem antecedentem, Deus est ad hoc moraliter necessitatus, alias id ex sola Dei bonitate inferre non possemus.

41 Respondeo ad primam, distinguendo maiorem: Non est necessitatus physicè, nec metaphysicè supposita creatione ad voluntatem antecedentem in ordine ad finem naturalem hominis, nego: In ordine ad finem supernaturalem, concedo; & distingo minorem, concedendo de voluntate antecedenti in ordine ad finem naturalem, & negando de voluntate antecedenti in ordine ad finem supernaturalem, negoque consequentiam; quia in primis si sermo sit de voluntate antecedenti perducendi hominem ad suum finem, aut beatitudinè naturalem, hæc cum me-



metaphysica necessitate includitur in ipsa voluntate creandi, & conservandi hominem, & non solum necessitate morali, quia repugnat metaphysicè Deo, eiusque voluntari, & bonitari, condere creaturam rationalem per naturam suam, & per suas potentias naturales ordinatam ad certum finem, quia velit antecedenter providere illi generaliter de medijs ad illum finem; unde PP. omnes ex ipsa hominum rationali natura apta, & ordinata ad finem beatitudinis, non solum cum certitudine morali, sed eum metaphysica certitudine probant à posteriori Dei erga homines generalem curam, & providentiam, & consequenter voluntatem antecedentem perducenti eos ad finem suum naturalem. Loquendo autem de voluntate antecedenti ad finem supernaturalem vite æternæ hæc ex bonitate Dei, supposita sola creatione, aut hominis conservatione, non inferitur, nec physicè, nec moraliter, nec Deus antecedenter est necessitatus, adhuc moraliter, ad illam ex sua bonitate, adhuc supposito, quod hominem creare velit, sed est voluntas vere gratuita, inclusa in voluntate elevandi, & ordinandi hominem ad finem supernaturalem vite æternæ, quæ nisi per fidem, & revelationem nobis constare non potest; unde de ista negandum est, quod ex bonitate divina consequatur necessario, nec necessitate physica, nec necessitate morali, cum sit liberalissima, & consequenter liberrima adhuc supposita bonitate Dei ipsi naturali; & potissimè, postquam à principio homo per culpam originalem reus factus fuit æternæ mortis.

42 Ad secundam, distinguo maiorem; Nisi inferat à posteriori eam voluntatem consequentem, inferendo nimirum effectum proprium voluntatis consequentis, ex quo à posteriori illa inferatur, concedo: Nisi inferat à priori, nego maiorem, & minorem in sensu concessio. Ad cuius probationem, omnia maiori, nego minorem, quia ut nos inferre possimus unum ex alio, satis est ordo connexionis, vel physicæ, vel moralis vnius ut causæ physicæ, vel moralis ad aliud, tanquam ad effectum, quamvis Deus non supponatur physicè, nec moraliter necessitatus ad servandum illum ordinem; satis enim est, quod voluerit talem ordinem, & connexionem in effectibus ipsis, ut supra dicebamus *num. 35*. ex illo enim ordine causæ moralis moraliter exigentis effectum, qualis est petitio respectu doni petiti, inferre possumus moraliter donum petiti non defuturum, quin Deus supponatur necessitatus moraliter, sicut ex ordine ignis applicati ad passum dispositum inferimus concursum Dei exactum ad combustionem illatione physica, & physicè certa, quin Deus supponatur physicè necessitatus.

43 Ad tertiam, nego maiorem, quia nisi PP. supponerent voluntatem antecedentem de sine supernaturali manifestatam in Sacris Scrip-

toris, & per beneficia ibi expressa, aut per revelationem, minimè scire possent, Deum erga nos se gerere, ut Patrem in ordine super naturali, ac proinde nec daturum spiritum bonum, id est supernaturalem, petentibus se; unde cum PP. nobis ingerunt fiduciam, & spern certam impetrandi dona supernaturalia ad salutem necessaria, semper supponunt illam voluntatem antecedentem manifestatam in Sacris Scripturis per beneficia supernaturalia, aut per promissiones nobis revelatas, & ipsam ordinationem creaturæ rationalis in finem vite æternæ, quæ non supposita, non nisi temerè possemus à Deo petere dona supernaturalia.

44 Prætermissi hucusque, in argumento, quod oratio, aut petitio debere facta de donis requisitis ad salutem solum habere connexionem moralem cum ipsis optinendis; nam valde mihi probabile est, habere connexionem physicam, & ex natura rei, immo & metaphysicam, ita ut Deus velle non possit, quod aliquis debere, & perseveranter petat necessaria ad salutem, quin ea ipsissima volitione, & decreto velit consequenter, & efficaciter conferre illi, quod petit; quæ doctrina si teneatur, ruent præcipua argumenta contraria, quæ suadere conantur necessitatem potè moralem, & non physicam, nec metaphysicam. Et argumentum Christi Domin. aliaque similia, maiorem vim, & energiam habent, ut cuique patebit, quia nec de potentia absoluta poterit Deus negare spiritum bonum petentibus se debite, & perseveranter; non quia necessitetur ex petitione ipsa, sed quia ex sua bonitate necessitatus est metaphysicè ad non dandam homini petitionem debitam, & perseveranter boni spiritus, nisi volendo simul dare illi bonum spiritum petiti; quia videlicet metaphysicè repugnat bonitari, & æquitati divinæ velle efficaciter, quod homo debite, & constanter petat necessaria ad salutem, non volendo illa concedere eadem ipsissima voluntate: Nec enim obijci potest, quod Deus, vult causas naturales physicè, & ex natura rei exigere suum concursum, & tamen potest simul velle ipsum negare. Ergo pariter in creatura rationali petente necessaria ad salutem. Respondeo enim, quod in inferiori ordine rerum possunt contingere miracula, hoc est, quod Deus neget concursum exactum, quia hoc ipsum potest ordinari ad bonum superioris ordinis; ac in supremo rerum ordine, qualis est ordo creature rationalis ad beatitudinem, huiusmodi miracula dari non possunt, quod scilicet, ipsis conantibus, & debite exigentibus currere ad finem suum, Deus id illis præter omnem eorum culpam neget, hoc enim contingere non posset, nisi ad bonum alicuius ordinis superioris, qui de facto non est, nec esse posse videtur ita superior, quod propter illam possit Deus ordinare negare creaturæ rationali con-

nan.

nanti, & petenti debet, & constanter necessaria ad suum ultimum finem consequendum. Ex quo ad casum propositum *num. 2* 3. responderi posset, quod si in illo supponatur ille iustus constans in petenda perseverantia finali, nec metaphysicè Deus poterit illam negare, quia repugnat omnino bonitati dñive. Unde eadem volitione, eadēque libertate, qua Deus voluisset omnes illas circumstantias usque ad terminum vite, voluisset perseverantiam finalem, sicut eadem voluntate, & libertatē, qua vult hominem perseverare finaliter vult illi dare gloriā, unde sicut non supponitur necessitatus absolutē, & antecederet adhuc moraliter ad primum, nec similiter ad secundum.

45 Si Demum inquiras, unde provenit, quod Deus raro operatur miracula, & ferè semper sequitur cursum naturæ? nam sanè id intelligi nequit, nisi Deus aliquantulum supponatur magis inclinatus, & necessitatus aliquantulum ad sequendum cursum naturæ, quam ad operanda miracula, quæ cursum naturæ interrumpunt. Respondeo, minime ex hoc provenire, sed solum ex illo ordine divinæ sapientiæ, quo voluit univēsum disporre, ut scilicet inferiora eederent superioribus, & quod ordo causarum inferiorum interdum frustraretur propter servandum ordinem superiorum causarum, & univēsi, ut cum aqua contra proprium ordinem ascendit sursum, ut conservetur ordo naturalis univēsi, & sic similiter quando ordo supernaturalis gratiæ secundum dispositionem divinæ sapientiæ exigit ut totus ordo naturæ interrumperetur, aut alteretur propter servandum ordinem gratiæ, seu providentiæ supernaturalis ad alterum finem, interrumpitur, aut alteratur, ut contigit in morte Christi, ubi omnia elementa, cursumque ipse celorum alterata sunt, & suum ordinem inverterunt propter demonstrandam hominibus Christi morientis divinitatem secundum quod divina providentia disposuerat ad ordinem supernaturalem gratiæ convenire. Et inde etiam disposuit, & conveniens iudicavit ad ipsum ordinem, & finem gratiæ, aut supernaturalis providentiæ, quod huiusmodi interruptiones ordinis naturæ, quæ miracula vocamus, non frequententur, sed raro contingerent; nam ut inquit Augustinus tract. 24. in Ioannem. *Secundum ipsam suam misericordiam servavit sibi quædam, quæ faceret oportuno tempore præter usitatum cursum, ordinemque naturæ, ut non maiora, sed insolita videndo stuperet homines, quibus quotidianæ viderentur.* Quod quidem manifestè probat, ista non Deo difficiliora, aut minus ipsi possibilia esse, quam cætera, quæ ordinariè operatur, sed voluisse raro contingere, quia sic divina sapientia convenire iudicavit ad supremum ordinem gratiæ ab ipso statutum, cui ordo totius naturæ subordinatur, & deservit.

46 Et quidem, si quis roget, cur Deus voluit

inter lapideam genera, & species, ex vna specie, v.g. Sapientia, aut adamantis esse paucissimos, & parvæ quantitatis, ex alijs vero esse plurimos, & faxa magnæ quantitatis, & alia huius generis, nemo respondet, quod id Deus ita voluit necessitate aliqua, adhuc morali, compellens, seu quia moraliter non potuit velle tot esse gemmas, & tantæ quantitatis, quam faxa, sed quia ex ordine divinæ sapientiæ ita expediens iudicavit ad fines ab ipsa præfixos; sic ergo nemo debet putare, quod si Deus raro miracula faciat, hoc sit ob impossibilitatem moralem, quam in ipsis patrandis experiat, nec ob moralem necessitatem ad servandum cursum, ordinemque naturæ, sed quia divina sapientia sic expediens iudicavit ad fines ab ipso Deo rebus superioribus præfixos, & quia talem ordinem sapientissimè statuit, & disposuit, cui ita raritas, & paucitas miraculorum conveniret.

### QUESTIO ULTIMA.

AN SI DEVS OPERARETVR EX NECESSITATE NATURÆ, NOBIS VOLUNTAS LIBERÈ AGERE?

**I** tripliciter potest fieri hypothesis impossibilis, sub qua dubitatur, an voluntas nostra liberè ageret, nempe, supponendo solum, quod Deus operaretur ex necessitate naturæ, & dubitando, an tunc manere posset liberum arbitrium? Vel supponendo, quod Deus operaretur ex necessitate naturæ, & simul quod maneret liberum arbitrium creatum, & dubitando an Deus tribueret in eo casu eundem concursum, quem modo præstat. Tertiò, supponendo, quod Deus operaretur ex necessitate naturæ, quod simul maneret liberum arbitrium, & quod Deus eundem omnino concursum, quem modo præstaret, & dubitando an tunc nostra voluntas liberè ageret. Igitur Illustr. God. respondet in prima hypothesis quod maneret liberum arbitrium; item in secunda, quod præberet illi Deus eundem concursum; item in tertia, quod voluntas ageret liberè. Sed contrarium omnino tenendum censet. Unde.

2 Dico primò: *Si per impossibile Deus operaretur ex necessitate naturæ, non maneret liberum arbitrium creatum.* Probat: In tali casu non esset in Deo libertas: Sed eo ipso nec maneret possibilis in creatura: Ergo non maneret in creatura libertas, & consequenter, nec liberum arbitrium creatum. Probat minor, quia non maneret possibilis libertas per essentiam, quia hæc supponitur creaturæ repugnans; & alias adhuc data possibili, illa non constitueret liberum arbitrium creatum, sed increatum, quod etiam supponitur non dari: Deinde nec per participationem, quia creatura non posset participare ex Deo libertatem, si Deus liber non esset: Ergo.

Ref.

3. Respondet Godoy, quod eo in casu in Deo non esset libertas formaliter, esset tamen eminenter. Sed contra, quia nec eminenter esset in Deo libertas: Ergo. Probo antecedens, quia nec eminenter contineret Deus extrema opposita libertatis: Sed eo ipso non posset esse in eo eminenter libertas: Ergo. Probo maiorem, quia Deus tantum contineret emittentem, quod posset ad extra producere; id enim ad quod causa aliqua non habet potentiam, nec virtutem productivam, non continet, nec virtualiter, multoque minus eminenter: Sed non posset, nec haberet potentiam, aut virtutem ad producenda extrema opposita libertatis, quia eius potentia, & virtus esset ad unum determinata ex necessitate naturæ, & non indifferens ad opposita: Ergo non contineret, nec virtualiter quidem extrema opposita libertatis: Ergo nec virtualiter, aut eminenter esset liber. Item, ergo nec posset communicare creaturæ vim, aut potentiam virtualiter contentivam oppositorum; quia implicat contradictionem Deum communicare creaturæ virtutem productivam alicuius, cuius ipsa vim productivam non habeat, aut continentiam virtualem alicuius, quod ipse, nec virtualiter continet.

4. Secundò, quia libertas ex conceptu suo est perfectio simpliciter simplex: Sed perfectio simpliciter simplex implicat participari ex Deo, nisi præexistat formaliter in Deo: Ergo non posset creatura illam ex Deo participare, si non esset in Deo formaliter. Respondet Illust. Godoy: Quod licet de facto sit perfectio simpliciter simplex, in casu supposito talis non esset, quia supponitur Deum esse Deum, & non gaudere libertate; in quo includitur libertatem non esse perfectionem simpliciter simplicem, quia ex quo supponitur Deus, supponitur summè perfectus, cum ex prima terminorum apprehensione idem sit Deus, ac summè perfectus; aliunde ex quo supponitur operans ex necessitate naturæ, supponitur sine libertate: Ergo supponitur, libertatem non esse perfectionem simpliciter simplicem. Sed contra, quia non minus ex prima terminorum apprehensione idem significat Deus, ac supremus dominus, & omnipotens, ac Deus, & summè perfectus: Sed conciliat Illust. Godoy, quod supponatur Deus, & non cum dominio, nec omnipotentia, quia non cum libertate: Ergo conciliare posset, quod in ea hypothese impossibili supponeretur Deus, & non cum omni perfectione simpliciter simplici, quia nō minus repugnat Deus absque dominio, quam Deus absque aliqua perfectione simpliciter simplici. Præterquam, quod præcindendo à conceptu perfectionis simpliciter simplicis, implicat in terminis dare dominium supra extrema, qui dominum non habet, sicut nec dare iurisdictionem, qui iurisdictionem non habet: Sed libertas est dominium: Ergo implicat dare libertatem, qui libertatem non ha-

bet. Et ex his solum manet fundamentum Illust. Godoy.

5. Dico secundò: *Adhuc ex hypothese impossibili, quod Deus operaretur ex necessitate naturæ, & simul maneret liberum arbitrium, Deus non eundem omnino concursum præstaret, quem modo præstat.* Probat, quia modo præstat concursum prævium, & simultaneum subordinantem creaturæ sibi vt secundum liberum primo libero, vt secundum dominium primo dominio, & propterea non auferret libertatem: Sed in casu hypothese, quod Deus operaretur ex necessitate naturæ, non posset exhibere concursum voluntati creatæ, seu arbitrio creato, illud sibi subordinans vt secundum liberum primo libero: Ergo nec eundem omnino concursum. Minor patet, quia in ea hypothese supponitur, quod Deus non esset liber, & consequenter supponitur impossibilis subordinatio ad illum, vt ad primum liberum. Secundò: Quia concursus prævius, quem Deus de facto exhibet, est concursus liber vt quo, seu determinans non solum substantiam actus, sed etiam modum libertatis: Sed casu quo Deus operaretur ex necessitate naturæ, Deus non posset determinare modum libertatis, cum illum non præconstitueret: Ergo nec posset præstare eundem concursum, quem modo præstat. Dicere autem, quod contineret modum libertatis eminenter, sed non formaliter, iam supra impugnatum manet.

6. Mitto aliam rationem, qua nostram conclusionem probare nititur P. Suarez, nempe, quia in eo casu Deus operando ex necessitate naturæ, operaretur quanta efficacia posset movendo liberum arbitrium, agens enim ex necessitate naturæ agere quantum potest, & quanta efficacia potest: Sed eo ipso non exhiberet eundem concursum, quem modo præstat, quia modo præstat concursum atemperatum, & indifferenter: Ergo. Et confirmat, quia in eo casu posset exhibere concursum necessitantem voluntatem: Sed ageret, quantum posset: Ergo exhiberet concursum necessitantem: Ergo non eundem, quem modo præstat. Mitto inquam rationem istam, cui bene satisfaciunt in præfati Ill. Godoy. Et potest facilius, & brevius satis fieri, concessa maiori, negando minorem, & quod modo præstet concursum indifferenter, sed ex ateperatum, vt sit vertibilis ad quod voluerit voluntas creata; imò de facto præstat concursum efficaciter determinantem non solum substantiam actus, sed modum libertatis, & ideo potest dici atemperatus, quia causam liberam tota efficacia movet ad agendum liberè, sicut causam necessariam tota efficacia movet ad agendum necessarium, quia vnamquamque causam tota efficacia movet ad agendum conformiter ad sui naturam; vnde abundantia efficacie minimè per se tollit, sed potius inserit libertatem, & modum libertatis in causis liberis, sicut modum neces-

cessitatis in causis necessariis. Nos autē ab opposito iudicamus, quod si Deus operaretur ex necessitate naturae, potius ex defectu efficaciae non exhiberet eundem concursum, quem modo praestat; quia tunc non haberet efficaciam ad modum libertatis, quem non pracontinet, sicut modo. Ad confirmationem, dicatur, quod tunc casus posset exhibere concursum necessitatem erga voluntatem necessitatem in actu primo; quia talem ipsa exigeret in actu primo; sed non posset exhibere concursum necessitatem erga voluntatem in actu primo liberam, quia in eo casu solum posset exhibere unicuique causae concursum naturae illius conformem, unde nec posset cum igne frigerare, nec cum gelu calefacere, nec cum homine, aut per hominem generare equum, nec per equum generare hominem, unde sicut per causam necessariam non posset producere actiones liberas, ita nec per causam liberam actiones necessarias.

7 Sed inde obijciat: Ergo posset movere causam liberam ad actiones liberas, sicut modo. Distinguo consequens: Ad actiones liberas quoad substantiam, transiunt ad actiones liberas, quoad modum libertatis, nego; quia hunc non pracontinet, nec posset illum causare, nec ad illum movere per se. Sed contra replicabis, quia in ea hypotesi maneret possibilis modus libertatis: Ergo posset Deus ad illum movere. Distinguo antecedens: Maneret possibilis ex Deo, aut ex prima causa, nego: Aliunde, transiunt; quia casu quo Deus non operaretur ut liberē, sed ex necessitate naturae, non maneret possibilis ex Deo modus agendi liberē; unde nec Deus prestare posset concursum, aut motionē ad talē modū agendi, quidquid sit an aliunde maneret possibilis. Sed non quiesces: Iam supponimus manere liberum arbitrium cum Deo operante ex necessitate naturae: Liberum arbitrium non posset manere, nisi a Deo procedens: Ergo iam supponimus manere liberū arbitrium ex Deo: Sed hoc supposito, posset etiam ex Deo esse modus agendi liberē proprius libero arbitrio: Ergo. Respondeo, quod in hypotesi conclusionis, solum supponitur per impossibile, quod Deo operante ex necessitate naturae maneret liberum arbitrium, non vero, quod maneret ex Deo, seu a Deo procedens; cum enim id supponatur per impossibile, potest supponi, quod maneret, licet non ex Deo, nec enim hoc est magis impossibile, quam, quod, maneret ex Deo. Unde cum inquis, quod libetum arbitrium non posset manere, nisi ex Deo, distinguo: Ex hypotesi impossibili, quod maneret Deo operante ex necessitate naturae, nego: De facto concedo; unde non sequitur quod in ea hypotesi impossibili supponamus manere ex Deo. Vel secundo dicatur, quod magis impossibile est, quod Deo operante ex necessitate naturae, procederet a Deo modus operandi liberē in actu secundo, quam quod ex illo procederet solum liberum arbitrium in actu primo; unde adhuc supposito hoc impossibili, non intelligitur

supponi illud, sed illud potest negari, licet eadem ratione, qua negabatur primum, magis urgente quā, tum ad modum libertatis in actu secundo.

8 Sed obijciat secundū: Supposito, quod maneret liberum arbitrium, illud peteret applicari aliquando ad operandum liberē: Sed Deus adhuc operando ex necessitate naturae posset applicare causas secundas ad suum modum operandi: Ergo posset applicare liberū arbitrium ad operandum liberē. Respōd. omīssa maiori, distinguendo minorem: Posset applicare causas secundas ad suum modū operandi, quem Deus in se pracontinet, concedo: Quem non pracontinet, nego minorem, & consequentiā; quia in ea hypotesi Deus non pracontinet modū operandi liberē, sicut casu quo Deus nunquam esset intelligens, non posset applicare intellectum creatum ad operandum modo intellectivo, & casu, quo non esset volens, non posset applicare voluntatem ad operandum modo volitivo, quia talem modum non pracontinet. Nec enim dici valet, quod illum modum continet in inēte, quia intelligere, velle, & liberē agere non possunt contineri in inēte in aliquo actu, aut modo perfectiori agendi, qui non sit formaliter intelligere, velle, aut liberē agere, cum non sit excogitabilis actus, aut modus perfectior; sicut nec *esse* potest contineri eminenter in alio actu, qui non sit formaliter *esse*, quia non est excogitabilis actus perfectior, quam *esse*, in quo esse eminenter continetur; alias adhuc supposito, quod Deus non esset, posset dici, quod posset communicare esse, quod quis non rideat? Per quod responderetur ad paritates aliquas, ex eo quod Deus potest applicare, & movere ad plures modos agendi, quos in se formaliter non continet, sicut ad calefaciendum, ad discurrendum, ad credendum, &c. Respondeo enim quod tales actus possunt contineri in alijs eminentioribus, & perfectioribus, quibus Deus gaudet, ut sunt intelligere practicum, & velle efficacius, quod eminentiori modo continet omnium operationem causarum secundarum; at intelligere, velle, & liberē agere, contineri non possunt in alio vilo actu perfectiori, aut eminentiori, quo Deus gaudeat, vel assigna illum, quod nunquam prestabis.

9 Dico ultimum: Adhuc supposito, quod Deus operaretur ex necessitate naturae, quod maneret liberū arbitrium, & Deus exhiberet eundem, quā modo, concursum, restat caput, unde voluntas non posset liberē agere. Probatur, quia in tota illa hypotesi ita eliceret voluntas actum A, v, g. quod maneret impossibilis voluntati omīssio talis actus, & actus contrarius: Sed eo ipso non ageret liberē, quia ageret siue potestate ad omīssionem, vel ad oppositū, sen cum impossibilitate oppositi: Ergo. Probatur maior; quia in tota illa hypotesi maneret Deo impossibilis carentia concursus ad illum actum, & concursus ad actum oppositum: Sed implicat esse voluntati possibilem actum, ad quem concursus Dei est impossibilis, seu omīssionem

actus, cuius concursus Deus omittere nō possit: Ergo actus impossibilis voluntari omīssio actus, vel actus oppositus. Respondet Ill. God. quod in illa hypotesi, esset voluntati impossibilis omīssio, seu actus oppositus in sensu cōposito, seu potestate consequenti, sed maneret possibilis in sensu diviso, & possibilitate antecedenti. Sed contra est, quia maneret impossibilis absolute, & impossibilitate antecedenti concursus ad actum oppositū, & idem de carentia concursus ad actū *A*: Sed implicat contradictionem esse possibilem voluntati possibilitate absoluta, & antecedenti actum aliquem, ad quem concursus Dei est absolute, & antecedenter impossibilis: Ergo non maneret possibilis voluntari actus oppositus possibilitate adhuc absoluta, & antecedenti. Minor videtur per se evidens, quia actus, ad quē concursus Dei est impossibilis absolute, & antecedenter, est à Deo improducibilis, & incausabilis absolute, & antecedenter; cum non possit à Deo esse causabilis, nec producibilis, nisi per ejus concursum: Sed implicat manifestē contradictionem actus possibilis absolute, & antecedenter voluntari creatæ, absolute, & antecedenter incausabilis à Deo, talisque actus esset chimericus, & implicans ex terminis contradictionem, ac proinde absolute impossibilis omni impossibilitate voluntari creatæ: Ergo. Maior vero præcedentis syllogismi non minus certa videtur, quia Deo operanti ex necessitate naturæ nihil esset possibile antecedenter, nisi quod actu faceret, quia nec antecedenter posset facere, quod non faceret de facto; si enim absolute, & potestate antecedenti posset facere oppositum, aut omittere id, quod actu faceret, non ex necessitate naturæ, sed liberè id faceret: Sed actu non omitteret concursum ad actum *A*, nec exhiberet concursum ad oppositum actum, sed vnicè ad actum *A*: Ergo quia nec antecedenter, nec absolute id fuisset illi possibile.

10 Confirmatur: Implicat manere possibilem antecedenter, & absolute, seu in sensu diviso omīssionem actus *A*, quando sit antecedenter impossibilis absolute etiam in sensu diviso carentia cōcursus Dei ad actum *A*: Sed carentia concursus Dei ad actum *A*, in eo casu maneret impossibilis antecedenter, & absolute, & in sensu diviso, quia Deus nec potestate absoluta, aut antecedenti, nec in sensu diviso posset omittere concursum ad actum *A*: Ergo non maneret possibilis antecedenter, nec absolute, nec in sensu diviso voluntati creatæ omīssio actus *A*. Maior probatur, quia ad omīssionem actus *A*, in voluntate essentialiter requiritur omīssio, seu carentia concursus ad actum *A*, ex parte Dei: Sed implicat manere possibilem absolute, & antecedenter, aut in sensu diviso omīssionem actus *A*, quando est impossibile absolute, & antecedenter, & in sensu diviso aliquid essentialiter requisitum ad actum *A*: Ergo implicat manere

possibilem antecedenter absolute, & in sensu diviso omīssionem actus *A*, quando sit antecedenter, absolute, & in sensu diviso impossibilis carentia concursus ad actum *A*. Vrgetur: Ex omīssione actus *A*, omnino essentialiter, & necessario, seu per consequentiam omnino necessariam sequitur carentia concursus Dei ad actum *A*. Sed ex possibili absolute, & antecedenter possibili sequi non potest per consequentiam necessariam consequens antecedenter, & absolute impossibile; quia impossibile absolute nō sequitur, nisi ex impossibili absolute: Ergo implicat carentiam concursus Dei ad actum *A*, esse impossibilem antecedenter, & absolute, & manere possibilem antecedenter omīssionem actus *A*, & e contra, hanc esse possibilem absolute, si illa est absolute impossibilis. Demum: Concursus Dei ad actum *A*, esset tunc antecedenter, & absolute necessarius, seu necessario existens, quia Deus illum exhiberet ex necessitate naturæ, quæ est necessitas absoluta, & antecedens: Deinde ex tali concursus Dei ad actum *A*, per necessariam consequentiam sequeretur ipse actus *A*: Sed ex necessario absolute, & antecedenter necessario, non sequitur, nisi necessarium absolute, & antecedenter necessarium, quia ex necessario sequi non potest contingens per consequentiam necessariam: Ergo tunc etiam actus *A*, foret antecedenter, & absolute necessarius.

11 Nec valet dicere cum Ill. God. primò, quod licet Deus concurreret, aut præmoveret ex necessitate naturæ ad actum *A*, non tamen esset necessitatus per modum naturæ ad præmovendū semper ad actum *A*, sed iuxta exigentiam voluntatis, iam ad actum *A*, iam ad alios actus, & iam ad nulum, iuxta exigentiā voluntatis, quæ cum varietate exigeret sic moveri. Vel secundo, quod tunc solum antecedens absolute necessarium inferre consequens absolute necessarium, quando non inferre libertatem in consequenti, attamen in casu argumenti concursus, qui supponitur ex parte Dei absolute necessarius, inferret libertatē in consequenti, nempe in actu *A*, ad quem moveret, unde non inferret in consequenti necessitatē absolutam oppositam libertati, sed necessitatem infallibilitatis tantum libertati non oppositam.

12 Contra primam enim sic arguo: quia saltem in eo casu, & instanti, in quo præmoveret ad actum *A*, esset impossibilis antecedenter, & absolute Deo omīssio concursus ad *A*, vel concursus ad actum oppositum pro illo instanti, Deusque esset necessitatus antecedenter ad ipsum concursum pro illo instanti: Ergo maneret absolute, & antecedenter impossibilis voluntari omīssio actus pro illo instanti, & actus oppositus; necessariusque absolute illi, ille actus in illo instanti: Ergo ita illam actū eliceret in illo instanti, quod nec potestate antecedenti, aut absoluta potuisset nō elicere illū in illo instanti: Ergo nec imputari posset ad laudē, nec ad vitu-

perium, quod illum actum eliciuisset in illo instanti, quandoquidem ad hoc fuit antecedenter necessitata, & absolute impossibile oppositam. Hoc autem argumentum faciam in quolibet alio instanti, & sic in nullo instanti erit vera libertas agendi, vel non agendi pro eo instanti. Deinde adhuc dato, quod voluntas exigeret non semper moveri ad eundem actum, sed cum varietate iam ad vnum, iam ad alium, vagè, & disiunctim, causa prima operando ex necessitate naturæ ex se determinare non posset quando ad vnum, & quando ad alium, sed cæco impetu semper determinaret ad vnum. Ergo falso supponitur, quod iam ad vnum, iam ad alium determinaret.

14 Explicatur: Voluntas creata, vel naturaliter exigeret ex parte actus primi in momento A moveri ad actum A determinatam exigentia: Vel exigentia vaga, & incerta moveri ad actum A, vel ad actum B, in hoc, aut in illo instanti vagè? Si primum, non maneret libera, sed per modum naturæ determinata ad certum actum pro quolibet certo instanti: sicut licet planta exigat iam folia, iam flores, iam fructus pro diversis temporibus, tamen quia ea exigat exigentia naturali determinata, & pro certis temporibus, ea producit ex necessitate naturæ. Si vero exigentia voluntatis esset vaga, & indeterminata ad actus diversos, & respectivè ad instantia diversa vagè, nihil hæc exigentia obesset, quo minus causa prima operans ex necessitate naturæ eam semper moveret ad vnum, quia illa exigentia vaga esset plena indifferentia passiva, per quam minimè determinari posset influentia causæ primæ, vnde semper illa influeret in vnum, ad quod ex necessitate naturæ, seu per modum naturæ esset determinata ex se; quia cum ipsa nec liberè posset eligere còcursum, nec fortuito ageret, sed per se & per modum naturæ determinata ad vnum; supposita voluntate cum æquali exigentia vaga, seu indifferentia passiva, idem semper in illa ageret, & ad idem semper moveret. Ergo falso supponitur, quod non semper moveret ad idem. Explicatur: Causa agens ex necessitate naturæ semper idem agit, si passum in quo agit semper sit idem: Sol voluntas, licet cum illa exigentia vaga, semper esset eadem, & cum eadem exigentia vaga: Ergo si Deus in illam ageret ex necessitate naturæ, semper in illam ageret idem, & ad idem illam moveret.

15 Nec dicas, quod licet semper voluntas esset eadem entitative, esset tamen diverso modo informata, & disposita iudicio indifferenti vno casu ex alio. Contra enim est, quia saltem sequitur, quod cum eodem iudicio indifferenti semper idem faceret, & eundem actum eliceret; quia statè eodem iudicio indifferenti, esset eadem, & eodem modo informata, & disposita in actu primo; & tunc valet argumentum, quod agens ex necessitate naturæ circa idem, eodem modo dispositum, &

formatum semper facit idem: Sed cum eodem iudicio indifferenti voluntas semper esset eadem, & eodem modo formata, & disposita: Ergo si Deus ageret circa illam ex necessitate naturæ, circa illam sub eodem iudicio indifferenti, semper ageret idem: Ergo & ipsa sub eodem iudicio indifferenti semper eundem actum eliceret; & uniformiter se haberet necessitate omnino antecedentis. Ergo sub eodem iudicio indifferenti non posset vnquam facere oppositum, nec omittere actum illum determinatum. Vbi ergo libertas? Quod autem variato iudicio indifferenti posset aliter operari, non probat libertatem, quia etiam agētia necessaria variata intrinseca forma, aut dispositione solent aliter operari. Præter quam, quod voluntas semel constituta sub vno iudicio indifferenti, non posset illud variare, quia cum illo, vt ostensum est, nec posset omittere, nec aliter agere: Ergo nec illud pro arbitrio mutare.

16 Contra secundam autem evasionem sic arguo: Implicat, antecedens simpliciter, seu absolute necessarium inferre per necessariam consequentiam aliquod consequens, & inferre in illo libertatem, aut contingentiam, quia, vt regula Aristotelica docet, ex antecedenti absolute necessario non sequitur, nisi necessarium; quo pacto ergo se qui poterit consequens liberum, aut contingens; minusque inferri inconsequentem libertas, aut contingentiam. Sequeretur enim, vt arguunt Dialectici, quod posset in bona, & necessaria consequentia esse antecedens verum, & consequens falsum; quia antecedens, quod esset absolute necessarium, semper & in omni casu possibili esset verum; consequens vero, si esset liberum, & contingens, posset in aliquo casu esse falsum: Posset ergo in bona consequentia, antecedenti existenti vero, consequens esse falsum: Hoc autem penitus repugnat Dialectica: Ergo implicat, quod, antecedens simpliciter, & absolute necessarium inferat in consequentem necessarium illato libertatem, & contingentiam.

17 Sed opponit Illust. Godoy, quia in hypothesis præsentis assertis supponimus, quod concursus Dei esset idem, ac quomodo præstat: Sed concursus, aut præmotio, quia Deus de facto movet, infert in actu, ad quem movet, modum libertatis: Ergo etiam in casu hypothesis concursus idè, seu præmotio, licet à Deo ex necessitate naturæ procedens, inferret in actu libertatem: Ergo voluntas liberè ageret. Opponit secundò, quia iuxta D. Thom. pluribus in locis effectus proveniens ex duplici causa, vna necessario operante ex necessitate naturæ, & alia contingenti, evenit contingenter, vnde D. Thom. semper reducit contingentiam effectuum ad causas proximas contingentes, sicut inquit germinatio plantæ solet esse contingens propter causas proximas, licet causa universalis, nempe Sol, sit necessaria: Sed in casu hypothesis,

licet causa prima operaretur ex necessitate naturæ, causa secunda, seu proxima esset libera, & contingens. Ergo evadere eius actus liber, & contingens. Respondeo ad primum, distinguendo maiorem: Supponimus concursus Dei esse idem, quæ modo præstat Deus, & manere impossibilem carentiam talis concursus, seu concursus ad oppositum, concedo: Et manere possibilem carentiam talis concursus, vel concursus ad oppositum, nego maiorem, & distingo minorem: Concursus, aut præmotio, quæ Deus de facto movet, infert modum libertatis, quia relinquit possibilem carentiam concursus, vel motionem ad oppositum, concedo: Præcisivè ab hac possibilitate, nego minorem, & consequentiam; quia adhuc supposito esse intrinsecè eundem concursus, tamen si Deus illum exhiberet ex necessitate naturæ, vt supponitur in hypotesi, esset impossibilis absolute Deo carentia, vel omisio concursus, & concursus ad actum oppositum; & ex hoc destructus penitus modus libertatis.

17 Ad secundum, dico, quod doctrina D. Thom. circa hoc est vade difficilis, eamque exposuimus *Disp. 5. quest. 4. a num. 53.* vbi vidimus ex ipso, quod si consequentia sit bona, & antecedens sit necessarium absolute propter causam remotam, non potest effectus, seu consequens esse contingens, vnde si consequentia, aut conditionalis sit vera, & necessaria, constanter ibi tenet Div. Thom. quod vbi antecedens sit necessarium absolute penes causam remotam, consequens non potest esse absolute contingens, quia in conditionalis vera, aut necessaria non potest antecedens esse absolute necessarium, & consequens contingens. Et ideo inquit, quod si ista conditionalis esset necessariò vera: *Si Sol movetur, herba germinabit*; non posset consequens esse contingens, nisi esset cõtingens etiam antecedens. Tunc ergo solum ex causa remota necessaria sequi potest effectus contingens propter causam proximam, quando influentia causæ remotæ necessariæ potest impediri per causam proximam, ita quod non sit necessaria consequentia de causa remota ad effectum, quia per proximam potest effectus impediri, adhuc movente causa remota ex necessitate naturæ: Cæterum licet hoc ita contingat in Sole, & alijs causis superioribus creatis; aliter ta-

men contingit in Deo, seu in causa prima simpliciter tali, quia eius effectus per causam proximam nunquam impediri potest, estque conditionalis ista omninò necessaria, quod *si Deus movet voluntatem ad aliquid, illud erit*; & ideo implicat quod antecedens sit necessarium absolute necessitate naturæ opposita libertati, quin consequens etiam sit necessarium absolute, necessitate opposita contingentia, & libertati. Vnde in forma ad objectionem distingo maiorem: Effectus proveniens à causa duplici, vna operante ex necessitate naturæ, & alia contingentia, evadit effectus contingens, quando effectus causæ operantis ex necessitate naturæ potest impediri per causam contingentem, seu quando ex motione causæ necessariæ ad effectum non est consequentia necessaria, concedo: Si sit consequentia necessaria, ita vt posita motione causæ operantis ex necessitate naturæ non possit per aliam impediri eius effectus, nego maiorem; & distingo minori eodem modo, nego consequentiam; quæ solutio constar ex doctrina tradita vbi supra, estque ni fallor expressa D. Th. in hac 1. part. quest. 19. artic. 8. in corpore.

18 Fateor, quod ex hypotesibus impossibilibus factis possunt fieri argumenta, quibus probetur etiam voluntatem liberè acturam; quod provenit ex ipsa implicatione, quæ in hypotesibus factis involvitur, vi cuius utrumque inferri potest, & quod liberè ageret, & quod necessariò ageret; sed nobis semper sufficit, quod ex illis legitime sequatur evertio libertatis creatæ, seu quod voluntas non liberè, sed necessariò ageret; licet etiam contrarij probent, sequi etiam, quod liberè, & non necessariò ageret; quia ex hoc ad summam conviuent; quod sequatur utramque contradictionem, quod quidem nostræ sententiæ non adversatur, qui solum contendimus, sequi primum, quidquid sit, an etiam sequatur secundum, ex impossibili enim bene potest sequi utrumque; vnde qui nobis contradicere velit, debet probare, quod non sequitur primum, nempe evertio libertatis; id autem minimè probabit, probando, quod etiam sequitur libertas, quia libenter fatebimur

sequi utrumque, nempe libertas, & simul evertio libertatis.



# DISPUTATIO SEPTIMA, DE PRÆDESTINATIONE

SANCTORVM, ET REPROBATIONE

IMPIORVM.



DISPUTATIO ista difficilima est inter omnes, quæ Sacra Theologia pertractat. De qua quidem olim Augustinus speciali libro concertavit contra Pelagianos, & Semi-Pelagianos, & post ipsum alij PP. & Theologi cum D. Thom. in hac 1. part. quæst. 23. & alibi sæpè; cuius doctrinæ inhærentes, eas & nos quæstiones excitabimus, quæ supposito opere de Providentiâ divina conciliata cum humana libertate, à nobis nuper edito, hic desiderari possunt. Sit ergo.

## QUESTIO I.

QVID SIT, AVT QVO PACTO  
definiatur prædestinatio?

**N**otandum primò est, quod hoc nomen *prædestinatio* componitur ex præpositione *præ*, & verbo *destino*, ita ut nihil aliud significetur per *prædestinare*, quam aliquem prius destinare. Quod si roges, quam prioritatem significat illa particula *præ* in prædestinatione? Ambrosius Chaterinus voluit, solum significare prioritatem dignitatis, non vero prioritatem temporis, quasi idem sit aliquem prædestinare, ac illum excelenter destinare, seu illum destinare ad aliquem eminentem gradum sanctitatis, & gloriæ. Vnde existimavit, non omnes, qui defuncti salvantur, prædestinatos dici in S. Textu, sed solum illos, qui præceteris ad altiotem gradum gratiæ, & gloriæ destinati sunt. Sed communis sententia tenet, quod in verbo *prædestino*, prout in Sacro Textu exprimitur, ly *præ* significat prioritatem temporis, aut durationis, & non solum dignitatis. Constatque, quia 1. ad Corinth. 2. sic ait Apost. *Loquimur Dei sapientiam, quam prædestinavit Deus ante sæcula*. Et item ex illo Matth. 25. *Possidete paratum vobis regnum à constitutione mundi*. Licet autem significaret prioritatem dignitatis, malè inferretur, non omnes, qui salvantur, esse prædestinatos; quia omnes, qui salvantur, satis excellunt in dignitate omnes alios vocatos, qui non salvantur, unde rectè omnes, qui salvantur, dici possunt præ alijs destinati ad gloriam.

2. Secundo alij dixerunt; quod verbum *prædestino* non significat aliquam prioritatem causalitatis, sed solum prioritatem præscientiæ, quasi idem sit prædestinare, quam præcire, quoniam salvandi sunt, aut quoniam se ipsos ad salutem destinabunt. Sed hoc etiam communiter reprobat, quia casu, quo significet præscientiam, non significat præscientiam purè speculativam, de eo, quod alius facturus est postea, sed præscientiam prædicam præordinantem quid ipse, qui prædestinat, facturus est, unde importat etiam propositum efficax, & firmum voluntatis, ut patet ex illo 2. Machabeor. cap. 2. *Destinavit non admittere illicita propter vitæ amorem*, id est, determinavit, & firmiter proposuit. Et ex illo 2. ad Corinth. 9. *Vnusquisque prout destinavit in corde suo*, id est, prout proposuit, & determinavit per voluntatem: Importat igitur *destinare* propositum voluntatis de re à se faciendâ in posterum: Non ergo puram præscientiam speculativam.

3. Notandum est secundo, quod *prædestinatio* accipi potest generaliter, vel specialiter. Generaliter sumpta extenditur ad omnia, quæ Deus præviè ab æterno destinavit in tempore facere, quo sensu dixit August. *Prædestinatione Deus ea præcivit, quæ fuerat ipse facturus*; & in hac acceptione idem est prædestinatio, ac preparatio, & prædefinitio. Specialiter vero sumitur strictè erga creaturas rationales, quatenus idem est illas prædestinare, ac illas præviè destinare ad finem; quo sensu propriè, & strictè sumpta prædestinatio, est præviè destinatio creaturæ rationalis ad finem vitæ æternæ, seu ut loquitur D. Thom. est *grans*.



transmissio creaturæ rationalis ad æternam beatitudinem per certa, & determinata media. Improprie vero accipi etiam solet, pro destinatione malorum ad penam æternam, quo sensu Augustinus in *Enchirid.* ad Laurent. cap. 100. sic ait: *Bene utens malis, tanquam sionis bonus, ad eorum damnationem, quos iuste prædestinavit ad penam, & alibi sæpe eandem vocem prædestinationis malorum ad penam usurpat.* Et similiter Fulgentius, lib. 1. ad Monim. cap. 7. 13. 28. & 29. Item D. Prosper. ad 10. & 11. objectionem Vincencij, & Concilium Valentinum 4. sic definit: *Fidenter fatemur prædestinationem electorum ad vitam, & prædestinationem implorum ad mortem.* Nihilominus hæc acceptio prædestinationis ad mortem, seu ad æternam penam ut impropria semper habenda est, quia licet finis debitus malis ut malis sit pena æterna, tamen hic non potest dici finis proprius creaturæ rationalis, ad quem creatura vlla rationalis à Deo destinata sit per media, ut infra videbimus, sed solum Deo permittente, ipsa per se ad penam currit per peccata sua, & ad æternam mortem. Proprie igitur, & specialiter sumpta prædestinatio, est prævia destinatio, seu transmissio creaturæ rationalis ad finem vitæ æternæ. Cuius acceptioem propriam significationem exponit D. Thom. exemplo sagittæ iactæ ad certum scopum; sicut enim, qui sagittam iacit, dicitur illam destinare, seu transmittere, & ordinare ad certum scopum per certum, & directum medium, ita Deus dicitur prædestinare proprie, & specialiter creaturam rationalem ad vitam æternam, dum eam ordinat, transmittit, & destinat per certa media ad finem vitæ æternæ.

4. Notandum est tertio, hanc Dei prædestinationem pluribus nominibus in Sacro Textu exprimi. Vocatur enim primò dilectio, unde Apost. ad Roman. cap. 9. ait: *Antequam quidquam boni, vel mali egissent, dictum est, Iacob dilexi, Esau autem odio habui,* ubi communiter per ly dilexi prædestinationem intelligunt Theologi. Vocatur etiam electio, ut patet ex illo ad Ephes. 1. *Elegit nos in ipso ante mundi constitutionem.* Nudè August. de *Prædestinat. Sanct.* cap. 18. sic ait: *Quomodo eligeret eos, qui nondum nati erant, nisi prædestinando.* Vocatur etiam propositum, ut patet ex illo ad Roman. 8. *Qui secundum propositum vocati sunt Sancti.* Unde D. Prosper. in *Epist. ad August.* sic ait: *Hoc autem propositum, (inquiunt) quo ante mundi constitutionem eligendorum, & reijciendorum dicitur facta discretio, &c.* Dicitur etiam discretio, ex illo Apost. *Quis animæ discernit.* Dicitur etiam preparatio, ex illo eiusdem ad Roman. 9. *Vasa misericordie, quæ preparavit in gloriam.* Dicitur etiam præordinatio. Ex illo Actor. 13. *Crediderunt quotquot præordinati erant in vitam æternam.* Dicitur

etiam præscientia, & prædestinatio. Ex illo ad Roman. 8. *Quos præsevit, & prædestinavit.*

5. Notandum est quarto, ipsos etiam prædestinatos multis nominibus in Sacro Textu insigniri. Vocatur enim primò ad Roman. 8. & ad Ephes. 1. *Prædestinati,* quam vocem periti Græcæ Lingvæ verti posse dicunt per has, *prædeterminati, præfiniti.* Vocatur etiam dilecti, & electi. Ex illo 2. ad Timoth. 2. *Omnia sublines propter electos.* Dicuntur etiam Epist. 2. D. Petri, cap. 1. *Præcogniti ante mundi constitutionem.* Dicuntur etiam Probati ex illo 1. ad Corinth. 11. *Opportet, & hæreseis esse, ut & qui probati sunt, manifesti fiant.* Dicuntur etiam præordinati in vitam æternam, ut iam vidimus. Dicuntur preparati in gloriam, ex illo *Vasa misericordie, quæ preparavit in gloriam.* Dicuntur Vasa bonorum, & glorie, & misericordie. Dicuntur vocati secundum propositum, ex illo ad Roman. 8. *Omnia cooperantur in bonum, his qui secundum propositum vocati sunt Sancti.* Dicuntur Benedicti Patris Cælestis. Ex illo March. 25. *Venite benedicti Patris mei.* Dicuntur Filij Dei per antonomasiam, ex illo Ioann. 11. *Ut Filios Dei, qui erant dispersi, congregaret in unum.* His præmissis.

#### EXPLICANTUR DEFINITIONES prædestinationis.

6. Dico primò: *Ratiõ definitur ab Augustino prædestinatio, per hoc quod sit, præscientia, & preparatio beneficiorum, quibus certissimè liberantur, quicumque liberantur.* Ad hoc assertum satis est authoritas D. Augustini, qui sic prædestinationem definit: *lib. de Dono Perseverant. cap. 14. & authoritas D. Thom. qui in præsent. artic. 2. ad 3. prædestinationem definit: Preparatio gratiæ in presenti, & gloriæ in futuro.* Et quidem Augustinus eam vocat præscientiam, simul, & preparationem, tum quia in hoc sequitur textum Pauli ad Roman. 8. dicentis: *Quos præsevit, & prædestinavit,* ubi præscientiam prædestinationi adiungit; tum quia ut ipse ait lib. de *Prædestinat. Sanct.* cap. 10. *Prædestinatio sine præscientia esse non potest, potest autem esse sine prædestinatione præscientia.* Subiungit autem August. quod hæc præscientia; & preparatio est beneficiorum, quibus certissimè liberantur, quicumque liberantur, quia prædestinatio importat certissimam ordinationem creaturæ rationalis usque in finem vitæ æternæ, & cum hæc ordinatio fiat per beneficia Dei, quibus homo liberatur tandem in vitam æternam à malo culpæ, & pœnæ, propterea inquit esse præparationem omnium illorum mediocrum ac beneficiorum, per quæ homo certissimè libera-

7 Sed ut hanc diffinitionem plenè principia-  
mus. Rogabis primò, de qua præscientia loqui-  
tur August. cum ait, prædestinationem esse præ-  
scientiam? Dicunt enim aliqui, quod nomine præ-  
scientiæ intellexit Aug. scientiam simplicis intelli-  
gentiæ, qua dirigetur ad præparanda ea beneficia,  
seu illa decernenda, & probant ex August. lib. de  
dono perseverant. cap. 17. ubi scpe ait, quod dona  
sua in præscientia præparavit, quod prædesti-  
nare nihil aliud est, quam in sua, qua falli, muta-  
rique non potest, præscientia opera sua futura  
disponere. Respondent alij, nempe communiter  
Iesuitæ, nomine præscientiæ intellexisse August.  
scientiam mediani dirigentem Deum in collatio-  
ne auxiliorum.

8 Respondeo tamen, Augustinum mini-  
mè intellexisse scientiam mediani, sed potius  
scientiam absolutam liberam, & visionis præ-  
dictamque de beneficijs à se conferendis. Id  
quidem ex ipso Augustino probandum est;  
quia nemo alius poterit melius ipsius mentem  
exponere. Ipse igitur in eodem lib. de Dono Per-  
severant, ubi hanc tradit definitionem, cap. 17. &  
18. sic ait: *Hæc utique dona, quæ dantur electis  
secundum Dei propositum vocatis, si nulla est  
prædestinatio, quam defendimus, non præsciuntur  
à Deo: præsciuntur autem: hæc est igitur prædesti-  
natio, quam defendimus.* Tunc sic, sed scientia  
simplicis intelligentiæ, aut scientia media condi-  
tionata, salvatur omnino independentè à præ-  
destinatione, quam defendit Augustinus, estque  
omnino inconnexa, quia postquam Deus cognos-  
cit per scientiam simplicis intelligentiæ auxilia,  
aut beneficia possibilia, & per scientiâ mediâ ea,  
quod unus homo consensurus sit, aut dissensurus, po-  
test prædestinare, vel non prædestinare, ea præpa-  
rare, vel non præparare: Undè quamvis nulla esset  
prædestinatio, quâ defendit Aug. salvaretur illa præ-  
scientia: Ergo D. Aug. nomine præscientiæ non in-  
tellexit scientiâ simplicis intelligentiæ, nec mediâ.  
Secundò; quia Augustinus inquit, ipsam præscien-  
tiam esse ipsam prædestinationem, sic enim ait  
*Præsciuntur autem: hæc igitur est prædestinatio,  
quam defendimus:* Sed nec scientia simplicis in-  
telligentiæ de beneficijs possibilibus, nec scientia  
media conditionata de consensu, vel dissensu sub  
ipsis futuro dici potest, quod sit ipsa prædestina-  
tio, quia illa propterea inconnexa est cum prædesti-  
natione: Ergo. Tertiò, quia *ibid. cap. 18.* sic ait:  
*Deum prædestinasse est hoc præscisse, quod fuerat  
ipse facturus:* Sed Deum præscisse, quæ facturus  
fuerat, non est scientia mediâ, quæ sanè non po-  
nitur à suis Autoribus, ut illa Deus præsciat, quæ  
ipse sit facturus, sed quid agat voluntas si sic, vel  
aliter vocetur auxilio: nec Deum præscisse volun-  
tatem consensuram si vocaretur his auxilijs, po-  
test esse idem, ac illam prædestinasse, ut per se pa-  
ret: Ergo. Quartò, quia sic subiungit Augustin.

*Vnde cum apud aliquos verbi Dei tractatores le-  
gimus Dei præscientiam, & agitur de vocatione  
electorum, nihil prohibet eam prædestinationem  
intelligere:* Sed nullus hucusque somniavit, scien-  
tiam mediani prædestinationem vocare, aut intel-  
ligere: Ergo.

9 Quintò, quia sic subiungit: *Vnde aliquan-  
do eadem prædestinatio significatur etiam nomine  
præscientiæ, sicut ait Apost. non repulsi Deus ple-  
be suam, quam præscivit:* Hoc quod ait, præscivit,  
non rectè intelligitur, nisi prædestinavit, quod  
circumstantia ipsius locutionis ostendit: Nullus  
igitur, qui hæc intelligit, negare, vel dubitare  
permittitur, ubi ait Apostolus, non repulsi Deus  
plebem suam, quam præscivit, prædestinationem  
significare voluisse: præscivit enim reliquias, quâs  
secundum electionem gratiæ fuerat ipse facturus;  
hoc est ergo prædestinavit: sine dubio enim præ-  
scivit, si prædestinavit: sed prædestinasse est hoc  
præscisse, quæ fuerat ipse facturus. Hæc Augus-  
tinus. Ex quibus manifestè colligitur, ipsum no-  
mine præscientiæ nihil minus intellexisse, quam  
scientiam conditionatam, seu mediani; sed intel-  
lexisse scientiam absolutam liberam approbatio-  
nis, seu visionis, & prædictam de his, quæ ipse ex  
proposito suæ voluntatis erat absolūtè facurus.  
Et ratio est, quia Deus non alia scientia præscit  
Deus, quæ ipse facturus est, nisi scientia absolu-  
ta, libera, approbationis, & visionis, prædictæ qui-  
dem dictans de medijs ad finem præ intentionem  
conducentibus: Sed præscientia, quam intelligit  
Augustinus, est ea, quæ ipse præscit beneficia, quæ  
ipse daturus, aut iacturus est, ut mediâ quibus  
certissimè pervenitur ad finem vitæ æternæ, seu  
æternæ liberationis à culpa, & poenâ: Ergo est  
scientia absoluta libera visionis, seu approbatio-  
nis, & prædicta in actu secundo. Videantur à no-  
bis dicta tract. de Provid. q. 5. à n. 24.

10 Ex quo ad primam sententiam asseren-  
tè eam scientiam esse simplicis intelligentiæ, quia  
debet esse scientia dirigens collationem benefi-  
ciorum, dicendum est, quod licet Deus dirigatur  
quasi in actu primò per scientiam simplicis in-  
telligentiæ in collatione auxiliorum, & beneficio-  
rum, tamen in actu secundo dirigatur per scien-  
tiam absolutam, & prædictam visionis, seu appro-  
bationis ut explicavimus ubi supra; & de hac lo-  
quitur Augustinus. Ad probationem in contra ex  
ipso desumptam, concessio textu, dico, quod licet  
Deus in sua scientia, quæ falli, mutare non po-  
test, præparat, & disponat beneficia, quæ est datu-  
rus, & opera sua futura; non tamen in scientia spe-  
culativa, aut solius simplicis intelligentiæ hæc dis-  
ponit, aut præparat, sed adiuncto de creto, & pro-  
posito volutatis in scientia absoluta, libera, & præ-  
dicta approbationis, & visionis; & de hac loquitur  
August. in scientia enim solius simplicis intelli-  
gentiæ solum cognoscit, quæ potest disponere, &  
præ-

præparare, & opera possibilia, non autem disponit, nec præparat opera sua futura. Vide etiam *suprà disp. 5. q. 3. & 4.*

11 Rogabis secundò, de qua liberatione loquatur August. per illam particulam: *Quibus certissimè liberantur, quicumque liberantur*? Respondet Ioannim, in *sui inst. Theol. part. 1. differt. 4. cap. 5.* quod D. August. intelligit liberationem à culpa, idcoque Angelos Sanctos excludi ab hac prædestinatione, quia cum nunquam fuerint in miseria peccati, non possunt dici certissimè liberari; eoque ab illis relegat prædestinationem gratuitam. Sed hoc penitus est reiiciendum, quia alias, nec B. V. dici posset gratuito prædestinari, eo, quod nunquam fuit in miseria peccati. Imò nullus diceretur liberari à pena æternæ damni, & sesus, quia nullus, qui fuerit in illa, liberatur ab ea. Dicendū ergo est, quod per eam liberationem intelligit Augustinus liberationem æternam à culpa, & pena; à culpa quidem, vel quam habuerunt, vel quam habere potuerunt, & habuissent, nisi Deus eos liberasset; & à pena æterna, quam incurere potuissent, & incurrisset, nisi Deus liberasset; quo pacto Prædestinatio definita ab Augustino comprehendit SS. Angelos, & B. Virginem; quia etiam Deus Sanctis Angelis præparavit beneficia, quibus certissimè liberati sunt à culpa, & pena æterna, à qua mali liberari non sunt, & à qua nec ipsi liberati fuissent, nisi Deus gratuito ipsos liberasset, quia utriusque peccabiles, & æquè utrique imminere malū culpæ, & pena si Deus permitteret eos labi, & cadere ab ea iustitia, in qua creati sunt; sed hos Deus liberavit, ne caderet, alios vero cadere permisit. Est enim duplex liberatio, aut duplex modus liberandi, nempe præservativè, aut sanativè; primo modo liberantur omnes prædestinati à pena sempiterna, quia præservantur ne illam incurant; & aliqui illorum etiam à culpa temporali, ut Sancti Angeli, & B. Virgo, quia Angeli Sancti præservati fuerunt ne caderet in culpam personalem, quibus originalis non erat possibilis; & B. Virgo ab originali, & personali. Secundo modo liberantur iam prædestinati, quàm non prædestinati à culpa temporali, quando præexisterent in peccato, ab illo iustificantur, & sanantur, licet specialiter prædestinati liberari dicantur, quia tandem liberantur, nunquam iterum peccaturi, ad differendum non prædestinatorum, qui solum ad tempus sanantur, & liberantur.

12 Nec morivum prædicti Auctoris est aliquis momenti, fundatur nempe in eo, quod Augustinus sepe supponit, omnes homines in communi mala perditionis, & inquit prædestinationem discernere eos, quos prædestinat, de illa communi mala, ab alijs, qui non liberantur, nec prædestinantur; quia licet hoc ita sit in hominibus, excepta B. V. Hoc non pertinet ad essentiam,

nec definitionem prædestinationis, ad hanc enim satis est supponere creaturas rationales peccabiles, & ex se defectibiles, ut quas voluerit Deus certissimè per prædestinationem liberet à culpa, & pena in æternum; quo sensu Angelis Sanctis, & B. V. competit absdubio prædestinatio. Sed de hoc infra.

13 Dico secundò: Rectè etiam definitur prædestinatio, per hoc quod sit *transmissio, seu ratio transmissionis creature rationalis in finem vitam æternam in mente divina existens*. Ita D. Th. in præsent. & ratio huius definitionis est, quia sicut Nuncius mittitur, quia ordinatur ad certum finem, & sagitta mittitur ad scopum, qui dirigunt ad illum per impulsum, & directionem sagittarum, ita dum Deus hominem dirigit, & ordinat per directionem, & ordinationem sui intellectus, & per efficaciam, aut impulsu suæ æternæ voluntatis ad finem vite æternæ, dicitur transmitti ad talem finem; eoque prædestinatio dicitur à D. Th. transmissio creature rationalis in vitam æternam. Sed quia posset quis intelligere hanc transmissioem ut operationem ad extra, propterea D. Th. non dixit simpliciter, quod prædestinatio est transmissio, nempe externa, sed quod est ratio huius transmissionis in mente divina existens.

14 Pro cuius intelligentia notandum est, quod prædestinatio est pars providentiæ, seu quædam providentia specialis supernaturalis erga alias quas creaturas rationales, Providentia autem definitur à Boerio lib. 4. de *Consolatione, parte 6.* in hunc modum: *Est ipsa divina ratio in supremo Principe constituta, quæ cuncta disponit*. Ratio igitur divina, non speculativa, sed practica, quæ nempe Deus disposuit totum cursum cuiusvis nature ad finem suum per certa media, Providentia dicitur: Sic ergo Prædestinatio, quæ Providentia est supernaturalis, & specialis erga aliquas creaturas rationales, debet esse ratio in mente divina existens, non speculativa, sed practica, quæ nempe disponit, & ordinat per certa media totum cursum illius, seu totam seriem mediorum, per quæ tendat, & currat usque ad vitam æternam inclusivè, attingens à fine, usque ad finem fortiter, & disponens omnia suaviter; & hæc ratio practica sic omnia, ordinans, dicitur ratio transmissionis creature rationalis ad vitam æternam in mente divina existens, hoc est certa ratio practica disponens, & ordinans seriem mediorum, & integrum cursum, quo creatura rationalis cursura est usque ad vitam æternam: Recta est igitur huiusmodi definitio prædestinationis, & quæ illius essentiam aptissimè explicat.

15 Explicatur amplius, quia mittens aliquem ad finem, si perfectè provideat, debet primò eligere subiectum, quam mittat, secundò de terminare finem certum, ad quem ipsum mittit; tertio

Iuxta proportionē subiecti; & finis, ad quem mittitur, certa ratione disponere omnia media, quibus ad finem tendere, & pervenire oportet, & totum cursum, ac seriem itineris, & mediorum; sic igitur, ut Deus aliquem transmittat ad vitam eternam, opus est, primum quod ex speciali dilectione eligat, quem sic transmittere velit. Secundò, quod determinet certum gradum vite eternæ, ad quem illum ordinat, & transmittit. Tertiò, quod certa ratione disponat, & ordinet omnia media, & totam seriem mediorum, cursumque quo certo, & infallibiliter ad finem determinatum perventurus sit. Hæc igitur certa ratio practica disponens, & ordinans omnia media, & totam seriem illorum, cursumque, quo in certum, & determinatum gradum beatitudinis perventurus sit, dicitur ratio transmissionis creaturæ rationalis in finem vite eternæ, & est verè, & propriè predestinatio, quasi prævia, & efficax destinatio illius ad vitam eternam per certam seriem mediorum. Recta igitur est definitio D. Thom.

16 Sed inquires, de quibus principaliter sit predestinatio, seu quænam propriè predestinata dici debeant? Si quidem predestinantur homines ad gloriam; predestinatur etiam ipsis certa gloria; predestinantur etiam media, auxilia nempe, & beneficia, quibus ea gloria consequenda est: Ergo videtur non solum ipsam creaturam rationalem, sed res alias etiam predestinari.

17 Respondeo primò, certissimum esse, hæc omnia predestinari, sed diversimodè, quia homo predestinatur ut subiectum, gloria, seu beatitudo ut finis, & ut terminus ad quem; beneficia vero, & auxilia, ut media ad talem finem. Vnde Div. Thom. in 1. dist. 4. quest. 2. artic. 1. sic ait: *Dicendum, quod predestinatio dicitur esse aliquorum dupliciter, vel sicut finis, vel sicut conferentium ad finem, & sic dicitur esse gratia, quæ confert, & conducit ad finem, & gloria, quæ est ipse finis; vel eorum, qui finem consequuntur, & sic est eorum, qui gloriam adipiscuntur*: Omnia ergo ista respiciunt predestinatio, licet diversimodè. Quo supposito.

18 Dico secundò, quod attenda proprietate locutionis magis propriè dicitur hominem predestinari ad beatitudinem, quam beatitudinem homini. Ratio est, quia magis propriè destinatur homo ad finem ultimum *cuius gratia*, quam ipse finis *cuius gratia* ad hominem: Sed beatitudo, nempe obiectiva, quæ solus Deus est, est finis ultimus *cuius gratia* predestinationis, homo vero subiectum: Ergo magis propriè predestinatur homo ad beatitudinem, quam beatitudo homini. Nec dicas, hominem esse etiam finem *cui* ipsius beatitudinis. Contra enim est, quia finis *cui* non est ad quem propriè ordinatur finis *cuius gratia*, sed potius e contra finis *cui* est

propter finem *cuius gratia*, & ad illum ordinatus, quia in ratione finis prævalet scilicet finis *cuius gratia*, potius quam finis *cui*, qui solum in propriè finis est, & inagis propriè subiectum *cui* finis bonus est, non propter quem, aut cuius gratia finis est: Ergo magis propriè dici debet homo predestinatus ad beatitudinem, quam beatitudo predestinata homini. Tum etiam, quia loquendo propriè, homo transmittitur ad beatitudinem, sed non beatitudo ad hominem, hominem etiam est, qui tendit, & currit ad beatitudinem, non beatitudo ad hominem: Ergo magis propriè dici potest homo predestinatus ad beatitudinem, quam beatitudo homini.

19 Dico tertiò: Media, seu beneficia dicuntur predestinari magis ut *quo*, quam ut *quod*, quia nec sunt subiectum, nec finis, aut terminus, sed media quibus homo, aut per quæ homo predestinatur, & ordinatur in finem, quorum seriem predestinatio ordinat, & per talem seriem ordinat hominem ad vitam eternam. Ex quibus iam sequitur, quo pacto predestinatio verè definienda est, colligendo simul definitionem ex Augustino, & D. Thom. Vnde.

20 Dico tandem, sic rectè, & adæquatè defini predestinationem: *Est preparatio, & ordinatio in mente divina existens, omnium animarum, & mediorum, quibus creatura rationalis certissime, & infallibiliter perventura sit in finem vite eternæ. Seu est ordinatio efficax, & infrustrabilis creaturæ rationalis per certam seriem beneficiorum, & mediorum in finem vite eternæ*. Quæ definitio in primis habet particulas generales, quibus per modum generis convenit cum alijs ad predestinationem; nam per ly *preparatio*, & *ordinatio* mediorum convenit cum omni alia providentia erga quamlibet creaturam; & per ly *ordinatio* creaturæ rationalis in finem vite eternæ, convenit etiam cum providentia supernaturali generali, quæ etiam ordinat generaliter omnes creaturas rationales in vitam eternam; sed per ly *infrastrabilis*, & *efficax*, seu per ly *beneficiorum*, quibus certissime, & infallibiliter perventura sit ad finem, differt à providentia generali, quæ solum providet de medijs generalibus, & sufficienter promoventibus, sed non quibus certo, & infallibiliter consequitur vita eterna, ideoque in pluribus frustratur tali fine, quia frustrantur media promoventia provisiæ coque non est ordinatio efficax, & infrustrabilis ex parte mediorum generalium, quæ præcipè ordinat, sed frustrabilis, si Deo permittente voluntas resistat, quam permissionem secum componibilem permittit providentia generalis; secus tamen predestinatio, quia cum predestinatione impossibile omnino est, quod Deus permittat predestinatum frustrari sine vite eternæ;

adhuc sua culpa, aut sua resistentia; quia cum complectatur totam seriem mediorum, totumque cursum consummatum usque ad finem vite æternæ, vel ordinat, quod non resistat, vel si permittit, quod aliquando resistat, ordinat quod tandem finaliter resistat, & consentiat, & acquiescat; unde nunquam frustrari potest sine vite æternæ. Ut statim latius explicabo.

## QUÆSTIO II.

### AN PRÆDESTINATIO SIT CERTA, & quæ certitudine?

**D**ico primò: *Prædestinatio est omnino certa.* Ita D. Thom. in *present. art. 6. & quæst. 6. de Veritat. artic. 3.* Et probatur primò ex ipsa definitione Augustini, quia prædestinatio definitur: *Præscientia, & præparatio beneficiorum, quibus certissimè liberantur, quicumque liberantur.* Unde D. Thom. in *present. sic ait: Dicendum, quod prædestinatio certissimè, & infallibiliter consequitur suum effectum:* Sed in hoc consilium ipsam certissimam esse: Ergo prædestinatio certissima est.

**2** Difficultas autem est, in assignando specialem modum certitudinis. Distinguit enim D. Thom. *quæst. 6. de Veritat. artic. 3. in corpor. duplicem certitudinem in divina providentia, nempe, & certitudinem illius per ordinem ad finem universalem; vel certitudinem illius per ordinem ad finem particularem.* Tunc, inquit, ordo providentiæ est certus in particulari, seu quantum ad finem particularem, *quando scilicet res, quæ à divina providentia in finem aliquem ordinantur, absque defectu ad finem illum particularem deveniunt.* Ut patet in motibus Cælorum, & in omnibus, quæ necessariò aguntur in natura, quia scilicet tam Cæli suis motibus, quam aliz causæ omnino necessariæ, ita implent ministerium ad quod ordinantur singulariter à divina providentia, ut in hoc nunquam deficiat. *Alio modo, inquit, est certus ordo providentiæ in universali, sed non in particulari; sicut videmus in generabilibus, & corruptibilibus, quarum virtutes quandoque deficiunt à propriis effectibus, ad quos sunt ordinatæ sicut ad proprios fines, sicut virtus formativa deficit quandoque à perfecta formatione membrorum; sed quia talis defectus divinitus ordinatur ad alium finem universalem, ideo nihil potest deficere à generali fine providentiæ, licet deficiat à fine particulari.* Ex qua doctrina aperte colligitur primò, ordinem divinæ providentiæ, qui Deus omnia ordinat ad finem universalem, qui est finis totius universi, esse certissimum. Secundò, ordinem etiam divinæ providentiæ, qui causas superiores, & necessariæ ut Cælos, & Astræ, ordi-

nat tanquam ad proprium finem ad sua ministeria particularia, vel ad effectum conservandi in his inferioribus genera, & species rerum corruptibilium, vel ad designandum diem, & noctem, dies, menses, & annos, vel ad illuminandum mundum, esse etiam certum ex natura rei in ordine ad tales fines proprios ipsarum causarum universalium; licet non ita certus, quod divinitus talis ordo institutus à providentia naturali, non possit ex aliquo fine, & motivo supernaturali, aut providentiæ supernaturalis interrumpi, Deo divinitusistente Solem, & Lunam, aut velocius ciente Lunam ut Solem & clypsset, vel aliter. Tertiò, ordinem denique, quo causas inferiores ordinat ad suos fines particulares in his inferioribus generabilibus, & corruptibilibus, esse defectibilem in unoquoque particulari à suo fine particulari, ut patet in virtute formativa geniti, & in alijs particularibus causis, quæ sæpè deficiunt à suis effectibus, & finibus particularibus, ad quos destinatæ dicuntur à natura, sive ab Authore naturæ per providentiam naturalem. Quo supposito.

**3** Dico secundò: *Prædestinatio, seu ordo prædestinationis non solum est certus respectu finis universalis, sed etiam respectu finis particularis, & determinati.* Ita expressè D. Thom. *quæst. 6. de Veritat. artic. 3. in corpor. & probat, quia ille, qui est ordinatus per prædestinationem ad salutem, nunquam deficit à consequentione salutis.* Rursusque probari potest, ex definitione Augustini, quia dicitur, quod prædestinatio est præparatio beneficiorum, quibus certissimè liberantur, quicumque liberantur: Ergo importat ordinem, & seriem mediorum ad finem infrutrabilem, & infallibilem, & consequenter certissimum. Et quidem multo magis certum, quam sit certus ordo causarum superiorum, seu Cælorum ad sua particularia ministeria, quia ordo ille aliquando ex fine superiori interrumpi potuit à superiori providentia; sed ordo prædestinationis nunquam omnino deficere potest à suo fine, qui est beatitudo, quia non est motivum superius, nec superior providentia, à qua ille ordo inverti, aut frustrari possit.

**4** Sed inde contra præcedens assertum opponit sibi D. Thom. Quia propterea ordo divinæ providentiæ in causis superioribus agentibus ex necessitate patere est certus ad finem particularem illarum, quia ex quo agunt ex necessitate naturæ, & non habent in universo causas superiores, à quibus impediri possint, certo perveniunt, & assequuntur suos fines proprios: At qui in ordine prædestinationis causa proxima, per quam impletur ille ordo, est liberum arbitrium, non quidem agens ex necessitate naturæ, sed liberè, & defectibiliter. Ergo ordo prædestinationis non potest esse certus.

Vnde (concludit D. Thom.) *difficile videtur concordare infallibilitatem prædestinationis cum libertate arbitrij.*

5 Quam difficultatem ut salvet, primò reicit quandam sententiam, qua aliqui huic difficultati occurrere tentarunt, sic subiungens: *Nec enim dici potest, quod prædestinatio supra certitudinem providentiæ generalis nihil aliud addit, nisi certitudinem præscientiæ, ut si dicatur, quod Deus ordinat prædestinatum ad salutem, sicut & quemlibet alium; sed cum hoc, de prædestinato scit, quod non deficiet à salute, quia videlicet, dicebat hæc sententia, Deus quantum est ex se omnes æqualiter movet, & ordinat ad salutem, & æqualiter vult omnes salvos fieri, cū sola ea differentia, quod aliquos præscit consensuros, & perseveraturos finaliter, seu non defuturos à salute, & isti sunt prædestinati; alios vero defuturos, aut non consensuros, aut non perseveraturos, & isti sunt reprobi: ita ut ex parte Dei volentis, & ordinantis sit æqualitas respectu omnium, & sola generalis providentia, qua æqualiter omnibus providet media ad salutem, totaque differentia prædestinatorum à reprobis sit ex parte ipsorum, & ex parte præscientiæ Dei, qua hos potius quam alios prævidet consensuros, & perseveraturos finaliter, & hos tandem executiva voluntate cōtinuat.* Hæc sententia, q̃ fallor, ipsa est, quam thomisticè tradidit Eminentiſſ. Cardinalis Strondatus in suo Nodo prædestinationis dissoluto, part. 1. num. 13. ubi sic prædestinationem definit: *Nihil ergo aliud, inquit, prædestinatio est, quam antecedens, & efficax Dei voluntas hominem ad vitam æternam promovendi, dandique efficacissima ad hunc finem media, quibus cum videat aliquos bene vsuros, istos, consequente etiā ac executivè voluntate salvare proponit, & hi solum, ac propriè prædestinati appellantur; ceteros vero, quos videt dissensuros, eos damnate iustissimè statuit.* Vbi, ut vides, prædestinationem collocat in ea voluntate antecedente, & quidem efficaci, promovendi hominem ad æternam vitam, & dandi auxilia, quæ ipse appellat efficacissima, sed tamen ex contextu, & ex toto opere constat, talia ab ipso appellari, auxilia resistibilia, quibusque sapè, & sapissimè hominis voluntas resistit, quæ proinde ab alijs Theologis sufficientia, aut indifferentia appellantur; ea autem voluntas antecedens, licet efficax ad promovendos homines ad vitam æternam, & danda eis talia auxilia, abſolutio solam importat providentiam generalem, & communem omnibus hominibus, saltem adultis, quorum nulli hæc auxilia deficient, ipso teste. Vltra hoc autem solum addit, quibus eum videat aliquos bene vsuros, istos consequente etiā, & executivè voluntate salvare proponit, & hi solum, ac propriè dicuntur prædestinati. Quare facit isti, prædictis sanè, quia istos prædictis vi-

dit bene vsuros eis auxilijs, quibus alios malè vsuros vidit. In quo pacto supra certitudinem illius providentiæ generalis, solum addit ad prædestinationem certitudinem scientiæ, aut præscientiæ, qua hos potius, quam illos vidit bene vsuros auxilijs. Sed contra hanc sententiam.

6 Dico quod; *Certitudo prædestinationis ad finem particularem prædestinati, non solum est certitudo præscientiæ, sed etiam certitudo causalitatis, & ordinis usque ad ipsum finem.* Ita D. Thom. ubi supra, dicens: *Nec enim dici potest, &c.* Et probat, quia sic dicendo, (nempe, ut dicebat sententia contraria præmissa) non diceretur prædestinatus differre à non prædestinato ex parte ordinis, sed tantum ex parte præscientiæ eventus, & sic præscientia esset causa prædestinationis, nec prædestinatio esset per electionem prædestinantis; QVOD EST CONTRA AUTHORITYEM SCRIPTURÆ, ET DICTA SANCTORUM, unde ipse ordo prædestinationis habet infallibilem certitudinem. Deinde probatur ratione theologica insinuat in hoc textu: Quia si prædestinatio supra generalem providentiam, qua generaliter omnes homines ordinat per auxilia resistibilia ad salutem, solum importaret certitudinem præscientiæ eventus, nemo esset certo prædestinatus, nec intelligeret Deum aliquem propriè, & certo prædestinasse, vsque dum Deus videret eventum illius generalis ordinis, seu bonum vsum auxiliorum vsque ad finem, & ex hoc dicerentur prædestinati isti prædicti, Deusque eos prædestinaret, quia eos bene vsuros gratia finaliter videret: Sed hoc dici non potest: Ergo. Probatur minor, quia si hoc dicatur, præscientia eventus, seu finalis vsum gratiæ esset causa prædestinationis, & prædestinatio non esset per electionem prædestinantis: Sed hoc est contra auctoritatem Scripturæ, & cōtradicta SS. Ergo.

7 Explicatur hæc ratio D. Thom. quæ verè dogmatica est, & ponderatione digna adversus RR. inclinantem in doctrinam oppositam. Etenim si prædestinatio, ultra certitudinem providentiæ generalis omnes ordinantis ad beatitudinem per media resistibilia, solum importaret certitudinem præscientiæ eventus, casuale, & fortuitum esset respectu Dei, ac divinæ ordinationis, quod illi prædicti essent de iure prædestinati: sed hoc est absurdissimum, errorque omni errore deterior: Ergo. Probatur sequela, quia Deus, quantum est ex se æqualiter hos, & illos ordinaret per media, quæ licet vocentur efficacissima, æqualiter essent sufficientia, vel si de nomine contendas, æquæ efficaciam ex parte Dei respectu omnium, æqualiterque ab omnibus resistibilia: Ergo quod in his porius obtinerent effectum, quam in alijs, esset per accidens, & casuale respectu Dei sic ordinantis, Deusque omnino casualiter videret hos potius, quam

alios bene videntes gratia finaliter: Sed ex hoc vnicè pendet hos esse prædestinatos præ alijs: Ergo casuale esset Deo hos præ alijs prædestinare, aut hos præ alijs in re esse prædestinatos. Confirmatur: quia etiam sequeretur, quod prædestinatio non esset per electionem prædestinantis; quia per voluntatem illam antecedentem, & generalem providentiam neminem præ alijs eligit Deus ad vitam æternam, sed omnes æquè ordinat, & destinat per auxilia frustrabilia, & resistibilia; & tota differentia provenit ex eo quod isti illis auxilijs consentiunt, & ideo sunt prædestinati, alij dissentiunt, & resistunt, & ideo sunt reprobi: In quo nulla est electio Dei prædestinantis, ut per se patet.

8 Et hoc exemplo declaratur: Nam si rex mille milites destinet ad prælium, vnicuique secundum suum gradum providendo de armis, & subsidij ad bellum necessarijs, promittendo omnibus, qui constantes fuerint, præmium proportionatum; omnesque exortando, & excitando ad constantiam; postea autem ex illis aliqui arma detrahant, & animi inconstantia cedant inimico, alij vero virili animo constantes evaserint, & hos remuneret præmio condigno, æquè remoueratur alios, si constantes invenisset; dicitur ne Regem hos præ illis elegerit ad tale præmium, aut isti dicerentur proprie electi à Rege, aut per electionem ad tale præmium destinati? Minime gentium, sed solum ex iustitia remunerandi: Ergo si hoc pacto, & non aliter, Deus se gerit erga homines, omnes æquè per auxilia resistibilia destinando ad vitam æternam, eamque omnibus, qui perseveraverint, promittendo, de cætero autem solum præsciendo, quinam perseverabunt, quinam non, & quos perseverantes videtis præmio afficiendo; minime dici poterit, quod prædestinat per electionem horum inter omnes, sed solum per generalem, & communem omnium ordinationem, & per iustitiam, qua prævisos constantes remouerat. Urgetur, quia illa antecedens voluntas, & generalis ordioatio omnium ad salutem per auxilia resistibilia, non est electio aliquorum: Deinde nec præscientia, qua videt aliquos præ alijs perseverantes, est electio illorum, ut per se patet; ac demum, nec iustitia, qua hos remunerat, remuneratur etiam alios, si vidisset perseverantes, est electio, ut per se patet: Ergo si aliud non sit in prædestinatione, prædestinatio non est per electionem prædestinantis; quod iuxta D. Thom. est *contra auctoritatem Scripturæ, & dicta SS.* Sed de his infra.

9 Sequitur ergo, quod prædestinatio non solum importat certitudinem præscientiæ, sed etiam certitudinem ordinis, aut causalitatis, quia scilicet ipse ordo per se institutus per prædestinationem ad vitam æternam, habet infallibilem certitudinem vel causalitatis infrustrabilis, & non solum in præscientia eventus merè speculativa.

10 Sed restat adhuc difficultas proposita, nempe, quo pacto concilietur certitudo ordinis, seu causalitatis cum libertate ipsius prædestinati, seu cum contingentia, & mutabilitate liberi arbitrij? Communis, & vulgaris responsio est inter Iesuitas; hoc conciliari, quia Deus erga prædestinatum eligit media prævisa efficacia, seu quibus per scientiam mediam prævidit ipsum finaliter consenturum, & per hæc ipsum ordinat intallibiler, & infrustrabiliter ad finem vitæ æternæ. Sed contra est, quia hæc certitudo est tandem certitudo solius præscientiæ, non ordinis, nec causalitatis; quod sic probatur, nam tota hæc certitudo consistit in eo quod Deus præscit per scientiam mediam voluntatem consenturam illis auxilijs, non vero in efficacia intrinseca ipsorum auxiliorum, nec in eo quod Deus ex vi prædestinationis efficaciter, & infrustrabiliter faciat voluntatem illis consentire: Sed quoties ex parte prædestinantis nulla est efficacia infrustrabilis, & irresistibilis, sed solum præscientia de eo, quod voluntas illis auxilijs non resistit, sed consentiet, solum est certitudo præscientiæ de eventu, non certitudo causalitatis: Ergo tandem certitudo illa non excedit certitudinem præscientiæ, nec est certitudo causalitatis.

11 Dices, esse certitudinem causalitatis, & ordinis, quia ex vi specialis affectus erga prædestinatum eligit Deus illi in fine vitæ æternæ auxilia, quibus consenturum ipsum prævidit, non daturus ea, nisi ipsis consenturum prævidisset, qui affectus specialem efficaciam habet, & infrustrabilem ab ipso prædestinato. Sed contra est; quia in primis, qui sic respondent, iam admittunt electionem specialem prædestinatorum ante prævisionem absolutam meritorem, ex qua omnes præspecialiter, & ex industria elegit illis auxilia prævisa efficacia ad hoc ut mereantur; unde hac solutione uti non possunt, qui eam electionem negant. Deinde, adhuc hoc admisso, tota certitudo erit certitudo industriæ, & præscientiæ, non vero causalitatis. Nā rogo, vel ille specialis affectus, ex quo eligit media prævisa efficacia, est effectivè, & executivè efficax, non solum ad ea auxilia conferenda, sed etiam ad faciendū quod voluntas illis consentiat; vel solum est executivè efficax ad ea auxilia conferenda, de cætero tamen solum datur prævisio, aut præscientia de eorum efficacia ex consensu voluntatis, seu de eo, quod voluntas illis consentiet? Si primum: Ergo superfluit scientia media efficacia, quandoquidem Deus sua specialia voluata efficit executivè, quod sint efficacia, seu quod voluntas illis consentiat. Si secundum: Ergo quantum est ex efficacia, & causalitate ipsius affectus, seu voluntatis Dei ordo prædestinationis non est infrustrabilis, sed solum ex præscientia, qua nempe prævidit per scientiam mediam voluntatem non resistit, sed consenturam

ram illis auxilijs, quibus resistere posset. Reducitur ergo tota certitudo predestinationis ad certitudinem præcipientis, non casualitatis. Vide tract. de Provid. quæst. 8. a. n. 31.

**MAGIS DECLARATUR CERTITUDO predestinationis.**

12 **T**homistæ vero RR. communiter respondent, certitudinem predestinationis esse certitudinem casualitatis, & ordinis, quia est certitudo per media ab intrinseco efficacia ad finem vitæ æternæ, seu quia Deus ex intentione vitæ æternæ eligit media ab intrinseco efficacia ad talem finem. Sed in hac communi doctrina, semper notavi insignem æquivocationem, quia auxilium divinum, quod Deus operatur libero arbitrio immediate ad omne opus bonum, quodque D. Th. semper in singulari nominat, quia videlicet est ipsius Dei immediate agentis, & moventis actio, & operatio, seu motio, raroque vel nunquam plurali numero auxilijs, multoque minus media ad finem, RR. pluraliter dicunt, auxilijs intrinsecè efficacia, media intrinsecè efficacia electa ad finem, Deumque eligere media intrinsecè efficacia ad finem efficitur intentum salutis, & cum illo intrinsecè connexa. Quæ locutiones haud parum nocent doctrinæ D. Th. & verè Thomistæ. Unde.

13 Dico quartò : Deus propriè loquendo, ex intentione efficaci dandi gloriam predestinatis non eligit media intrinsecè efficacia ad talem finem, nec cum tali fine intrinsecè connexa, sed unicè eligit media intrinsecè indifferenta ad finem, excepta ipsa finali perseverantia; unde certitudo ordinis, & casualitatis in predestinatione non immititur in efficacia intrinseca, aut intrinseca connexione mediorum ad finem, aut cum fine vitæ æternæ, sed unicè in efficacia intrinseca ipsius predestinationis connectentis extrinsecè omnia media electa suo fini, seu cum fine vitæ æternæ per certam, & ordinatam seriem illorum usque ad ultimum, quod est finalis perseverantia. Probatur in primis ex D. Th. qui ubi supra, ad solvendam difficultatem prælatam n. 4. sic prosequitur: Unde præter certitudinem præsentia, ipsæ ordo predestinationis habet infallibilem certitudinem; nec tamen causa proxima salutis ordinatur ad eam necessariò, sed contingenter. Sed si Deus eligeret media ab intrinseco efficacia, & connexa intrinsecè cum fine salutis, illa media essent causa proxima salutis, vel eam in ratione causæ proximæ constituerent; & talis causa proxima non contingenter, idest, defectibiliter, sed indefectibiliter, & necessariò ordinaretur ad salutem, utpotè medium intrinsecè connexum cum illa ut fine: Ergo juxta D. Th. Deus talia media non eligit.

14 Secundò, quia D. Th. sic prosequitur: Quod hoc modo potest considerari. Invenimus enim ordinem impossibilem esse respectu alicuius dupliciter. Vno modo in quantum una causa singularis producit effectum suum ex ordine divinæ providentiæ. Alio modo, cum ex concursu causarum multarum contingentium, & deficere possibilibus, pervenitur ad unum effectum; quarum unaquaqueque Deus ordinat ad consequentiam effectus loco eius, quæ deficit, vel ne altera deficiat. Et ponit exemplum. Sicut videmus in generabilibus, & corruptibilibus, quod omnia singularia unius speciei sunt corruptibilia. Et tamen per successionem unius ad alterum potest in eis secundum numerum salvari perpetuitas speciei, divina providentiæ taliter gubernante, quod non omnia deficiant, uno deficiente. Et hoc modo est in predestinatione; liberum enim arbitrium deficere potest à salute; tamen in eo, quem Deus predestinat, tot adminicula preparat, quod vel non cadat, vel si cadat, quod resurgat, sicut exhortationes, & suffragia orationum, donum gratiæ, & alia huiusmodi, quibus adminiculatur homini ad salutem.

15 Ex qua doctrina inferitur, quod sicut inest individua unius speciei se succedentia nullum intrinsecè connectit cum perpetuitate suæ speciei, quia nullum intrinsecè connectitur cum altero succedente, minusque cum alijs pereniter succedentibus loco præcedentium, sed connectio ista est per divinum providentiam ita ordinantem, & gubernantem, quod si vnum deficiat, relinquat prolem, & quod si vna linea directæ penitus extingatur, & infuscanda sit, per aliam lineam reparatur; & sic ex ordine divinæ providentiæ est certissima conservatio, & perpetuitas speciei, & ordo, ac series successiva individuum, in quibus conservetur, licet nullum in singulari talem certitudinem per se funder, quia nullum est ab intrinseco efficax ad conservationem speciei; sic similiter in predestinato, licet nullum mediū electum à Deo, seu nulla causa proxima salutis intrinsecè connectatur cum salute æternæ ipsius predestinati, quia nec intrinsecè connectitur cum medio succedente loco ipsius, nec est ab intrinseco efficax ad æternam salutem, sed potest manere infuscandum; nihilominus ordo predestinationis ad vitam æternam est certus, certitudine ordinis, & casualitatis, quia divina providentiæ ita ordinat omnia media, & omnes causas proximas salutis ad eam conservandam, quod vel succedat vnum medium loco alterius, vel si aliquod ex illis deficiat, quasi infuscandum, per alteram lineam mediorum reparatur, ut per orationem aliorum, aut per novas exhortationes, & per nova auxilia; quæ quidem media, licet omnia scorsim sint ex se indifferenta ad finem, imò adhuc singulæ sumptæ scorsim à finali perseverantia, possunt deficere à fine, quantum est ex parte



te illorum, tamen attenda efficacia, & causalitate divinæ prædestinationis, impossibile est, quod Deus permittat in sensu composito illius, quod omnia media electa, & omnes causæ proximæ ad salutem destinatæ inscundæ maneat, ac deficient ad salutem; quia tota series illorum mediorum collectivè sumpta ex divina prædestinatione, & gubernatione efficaciam habet ad salutem; unde concludit D. Th. *Si ergo consideremus salutem respectu causa proxima, scilicet liberi arbitrij, non habet certitudinem, sed contingentiam, respectu autem causa prime, quæ est prædestinatio, habet certitudinem.* Ex qua doctrina.

16 Sic argumentor: Certitudo divinæ providentiæ ad perpetuitatem speciei humanæ, aut leoninæ, v.g. est certitudo non solum præscientiæ, sed ordinis, & causalitatis: sed ad talem finem non eligit Deus media vlla, quæ seorsim ex se, & ab intrinseco sint efficacia ad perpetuitatem speciei, nec cum illa intrinsecè connexa, sed singula defectibilia, & per se non connexa cum perpetuitate speciei: Ergo pariter licet certitudo prædestinationis ad finem vitæ æternæ sit certitudo ordinis, & causalitatis, non tamen Deus eligit ad talem finem, media, quorum singula sunt intrinsecè indefectibilia à salute, intrinsecè connexa, aut intrinsecè efficacia ad salutem, sed singula seorsim defectibilia à salute, & indifferentia. Explicatur: Licet certitudo perpetuitatis speciei ex divina providentiâ sit certitudo ordinis, & causalitatis, non tamen hæc certitudo innititur in efficacia intrinseca singulorum mediorum ad finem perpetuitatis speciei, sed potius singula media electa, v.g. singula individua, per se possunt inscunda manere, & inefficacia, & deficere à perpetuanda specie; unde ea certitudo voicè innititur in efficacia divinæ providentiæ, non permittentis, quod omnia inscunda maneat, sed facientis, quod aliquibus deficientibus, alia loco eorum secunda succedant: Ergo pariter, licet certitudo prædestinationis ad finem vitæ æternæ sit certitudo ordinis, & causalitatis, non tamen innititur in efficacia intrinseca, & essentiali singulorum mediorum, sed potius singulis medijs deficere potentibus, consistit in efficacia divinæ prædestinationis non permittentis quod omnia deficient à fine salutis, sed efficiat infertentis, & facientis, vel quod nullum deficiat, vel quod aliquibus deficientibus absque prole salutaris consensus, succedat alia cum secunditate, & efficacia ad salutem consensus. Consequentia, & paritas est D. Thom.

17 Secundò, quia media propria electa ad finem debent esse causa finis aliquomodo: Sed Deus ad finem, seu ad effectum contingentem, nunquam eligit causas necessariò connexas cum effectû, aut fine, sed semper causas contingentes, seu deficere potentes ab effectû, & fine: Ergo nunquam ad finem, seu effectum contingentem, quæ

lis est salus respectu cuiuslibet hominis, eligit media necessariò cum salute connexa, sed semper media contingentia, seu deficere possibilia à fine, & effectû. Maior probatur, ex illa communi doctrina D. Thom. dicentis, quod quia Deus voluit aliquos effectus evenire necessariò, eis aptavit causas proximæ necessarias, seu ex quibus de necessitate sequeretur effectus; & quia alios voluit evenire contingenter, eis elegit, seu aptavit causas proximæ contingentes, seu deficere potentes; ex quibus contingenter sequeretur effectus: Ergo Deus nunquam ad finem, seu effectum contingentem eligit causas necessariò connexas cum effectû, seu ex quibus de necessitate sequatur effectus, sed semper causas contingentes, ex quibus contingenter sequeretur effectus.

18 Tertiò, quia auxilium ab intrinseco efficax non datur aliud, nisi causalitas, actio, & operatio Dei, seu primæ causæ, quæ immediatè operatur in nobis & velle, & perficere, ut satis ostendimus *Traët. de Provident. quest. 1. 3. per totam*: Sed ipsa actio, causalitas, vel operatio Dei, seu primæ causæ minimè dici potest, nec computari inter causas, aut media electa ab ipso in ordine ad finem, cum sit ipsa actio, quæ Deus efficit omnia media electa ad finem: Ergo auxilium ab intrinseco efficax non est medium, nec computatur inter media electa ad finem salutis: Sed illo secluso nullum est medium ab intrinseco efficax, aut necessariò cum fine connexum: Ergo Deus ad finem salutis, aut vitæ æternæ in prædestinationis non eligit media vlla ab intrinseco connexa cum fine salutis æternæ, sed omnia seorsim, seu singula indifferentia, seu defectibilia à fine intento. Explicatur: Actio executiva mediorum electorum ad finem, à nullo vocatur, nec computatur inter media ipsa electa ad talem finem, sed vel est ipse usus activus executivus mediorum, vel actio potentis executivæ ipsorum mediorum; media enim semper sunt obiectum, tum electionis, tum usus activi de ipsis, actio vero executiva, vel applicativa mediorum nunquam dicitur obiectum electionis, nec usus activi, sed est, vel ipse usus activus, vel ad summum usus passivus mediorum: Sed auxilium efficax ab intrinseco aliud non est, quam actio Dei, vel applicantis causas proximæ ad effectum, quæ est usus activus, vel ad summum ipsa applicatio passiva mediorum, seu causarum proximarum ad finem, quæ potest dici usus passivus mediorum: Ergo illa nec est medium electum, nec inter media electa computari debet. Restat igitur, ut omnia media electa solum sint causæ proximæ, vel remotæ contingentèr intrinsecè se habentes ad effectum, quas tamen Deus ex vi prædestinationis efficaciter applicat ad effectum, & finem salutis æternæ, per usum activum ex parte Dei, & passivum ex parte ipsarum.

19 Quare, quia media electa ad salutem, vel sunt exteriora respectu prædestinati, v. g. Sacramenta, prædicatio Evangelicæ Doctrinæ, exhortationes, exempla, orationes aliorum, & alia huiusmodi; & hæc omnia evidenter sunt resistibilia, & nullum illorum ab intrinseco efficacæ respectu prædestinati, nec necessario cum illius consensu connexa. Vel sunt media interiora moventia moraliter, seu ex parte actus primi voluntatem prædestinati ad consensum, ut sunt interiores illuminationes, inspirationes, cogitationes, ac simplices affectiones illapsæ à Deo voluntati, quibus illam inchoativè, & ex parte actus primi movet, & quæ vocantur auxilia sufficientia; & nec ista media sunt ab intrinseco efficacia, nec irresistibilia, quia illis sæpè resistimus. Inter ista autem, & ipsum consensum voluntatis nulla causa media intercedit nullumque medium electum à Deo ad extorquendum consensum, sed sola Dei actio immediate applicantis, moventis, & reducentis ad actum secundum causam proximam, & immediatam consensum, nempe voluntatem vt instructam illis auxiliis sufficientibus, seu inspirationibus, & motionibus moralibus. Quæ Dei actio minime est medium electum ad consensum voluntatis, sed est usus activus, vel passivus mediolorum prælectorum, utpote applicatio activa, vel passiva ipsorum ad consensum ipsum, quæ nempe Deus immediate facit voluntatem velle, seu consentire, utendo ipsa voluntate, & auxiliis sufficientibus ad ipsum consensum efficiendum. Deinde si dicas, ipsum velle, seu consensum voluntatis esse medium electum ad salutem, quia est meritum voluntatis; merita autem sunt media potissimè electa à Deo ut per ea prædestinatus consequatur gloriam. Id quidem verissimum est. Sed dico, quod nullum singulare meritum, nullus singularis consensus voluntatis est intrinsece connexus cum fine vite æternæ, quia nullus est intrinsece connexus cum perseverantia finali; unde perseverantia finalis non cadit sub vilo merito.

20 Quod vt clarum fiat, placeat referre discursum D. Thom. ex 3. contr. Gent. cap. 155. ration. 4. vbi sic discutitur: *Sisunt plura agentia successivè, quorum scilicet unum agat post actionem alterius, continuas actionis istorum non potest causari ex aliquo vno istorum, quia nullus istorum semper agit, nec ex omnibus, quia non simul agunt, unde oportet, quod causetur ab aliquo superiori, quod semper agat; sicut Philosoph. probat octavo Physicor. quod continuas generationis in animalibus causatur ab aliquo superiori sempiterno.* Ponamus autem aliquem perseverantem in bono: In eo igitur sunt multi motus liberi arbitrij in bonum tendentes sibi invicem succedentes, & quæ ad finem; huius igitur continuationis boni, quod est perseverantia, non potest esse causa aliquis istorum motuum, quia nullus

eorum semper durat, nec omnes simul, quia cura non finalis sunt, non possunt simul aliquid causare. Relinquitur ergo quod ista continuatio causetur ab aliquo superiori: Indiget igitur homo auxilio superioris gratiæ ad perseverandum in bono. En rationem verè philoſophicam, & demonstrativam, quæ probatur evidenter, quod continuatio voluntatis in bono, seu bonis contentibus, & motibus, non est ex intrinseca efficacia vnius ad reliquos, vel ex intrinseca connexione vnius cum reliquis, sed quilibet intrinsece est inconnexus cum reliquis, & solum possunt continuari, & connectivi, vel auxilio superioris gratiæ.

21 Sed prosequitur D. Thom. rat. 5. sic; *Item, si sunt multa ordinata ad unum finem, totus ordo eorum, quo vsque perveniat ad finem, est à primo agente dirigente in finem: In eo autem, qui perseverat in bono, sunt multi motus, & multe actiones pertinentes ad unum finem. Oportet igitur, quod totus ordo istorum motuum, vel actionum causetur à primo dirigente in finem: Offensus est autem, quod per auxilium divine gratiæ diriguntur in ultimum finem: Igitur per auxilium divine gratiæ est totus ordo, & continuatio bonorum operum in eo, qui perseverat in bono: Ergo pariter, seu eadem ratione continuatio, & ordo, & connexio omnium mediolorum ad finem prædestinativum, nec est ex vi alicuius ex ipsis ab intrinseco inscritis alia, nec ex vi singulorum, sed quodlibet, & singula sunt inconnexa, intrinsece cum reliquis, sed vnicè est ex vi auxilij superioris gratiæ continuantis, & connectentis vnum alteri, & alterum sequenti vsque ad finem ipsum vite æternæ: Sed hoc auxilium non est medium electum, nec computatur inter media electa ad finem vite æternæ, sed potius est actio Dei ab extra gubernantis, ordinantis, & connectentis omnia media, eo ordine, & ea ratione, quæ supponuntur electa: Ergo quamvis tale auxilium sit ab intrinseco efficacæ ad finem vite æternæ, nullum tamen ex medijs electis ad talem finem est ab intrinseco efficacæ, nec ab intrinseco connexum cum reliquis sequentibus, nec cum fine vite æternæ, sed solum ab extrinseca vi, & efficacia auxilij superioris gratiæ continuantis, & connectentis ea omnia media vsque ad finem.*

22 Quod si roges primò, in quo hoc auxilium consistat? Secundò, cur à D. Thom. non appelletur in numero plurali auxilia, sed semper numero singulari auxilium? Ad primum respondet D. Thom. vbi supra ad finem cap. quod, cum dicitur hominem indigere ad perseverandum finaliter auxilio gratiæ, non intelligimus, quod super gratiam habitualement prius infusam ad bene operandum, alia desuper infundatur ad perseverandum; sed intelligimus, quod habitis omnibus habitibus gratuitis, adhuc indiget homo divine providentiæ auxilio exterioris gubernantis; &

paulò ante dixerat, quod *liberum arbitrium non sufficit ad istum effectum, qui est perseverare in bono, sine exteriori Dei auxilio*. Quod exponens Ferrata, ibi. sic ait: *Stat simul quod homo indigeat auxilio divino extrinseco ad executionem perseverantia, sive continuationis bonorum operum, & quod per gratiam habeat potentiam perseverandi*. Ecce iuxta D. Thom. auxilium hoc est *auxilium exterius divina providentia exterius gubernantis, & iuxta ipsius fidelissimum Interpretem, est auxilium divinum extrinsecum ad executionem perseverantia, supponens potentia perseverandi*: Sed hoc formalissimè consistit in ipsa Dei actione, & operatione ad extra, qua disponit, continuat, & ordinat totam seriem mediorum, seu meritum, & operum usque ad finem, quæ minime *medium electum* ad finem dici potest, cum sit supra omnia media, omnia illa ordinans executivè iuxta ordinem præconceptum practicè à divina providentia, vel prædestinatione: Consistit ergo illud auxilium in ipsa Dei actione, & operatione ad extra executiva illius ordinis.

23 Ex quo ad secundum interrogatum respondendo, D. Thom. non illud appellare numero plurali *auxilia*, sed numero singulari *auxilium*, primò, quia re ipsa activè sumptum est unum, & non plura, sive unica Dei actio, & operatio ad extra, qua Deus totum ordinem præconceptum à divina providentia, & prædestinatione exequitur. Secundò, quia si essent plura auxilia còtinuata, opus esset ipsa inter se, & ad finem ordinari, & egerent alio auxilio exterius ea ordinante, & connectente usque ad finem, & esset procedo re in infinitum; & ratio est, quia plura, ut plura, non possunt ordinari ad aliquod vnum certa ratione, & ordine, ab aliquo vno illorum, nec à singulis, nec ab omnibus, sed solum possunt ordinari ad vnum ab aliquo vno superiori ut vno, & per aliquod vnum superius, ut vnum: Cum ergo media omnia ad finem vitæ æternæ, & omnes motus, merita, & opera bona ad finalem perseverantiam sint plura ordinata, & continuata ad vnum finem per *auxilium superioris gratia, seu divine gratia*, ut inquit D. Thom. oportet illud auxilium esse vnum ad omnes motus liberi arbitrij, & ad omnia bona opera, imò & ad omnia media continuata usque ad finem, quia videlicet, licet effectus sint multi successivè continuati, vna tamen debet esse actio omnes illos adunans, & ordinans, & continuans ad finem, illaque non successiva, sed sempiterna, semperq; æternaliter durans, nam si essent plures se succedentes, egerent alia vna, & æterna, qua per se còtinuarentur: Ecce quomodo omnes motus, & actiones liberi arbitrij ad perseverantiam finalem, & finè vitæ æternæ successivè continuatæ, reducitur in actionem vnam, & sempiternam, & in vnum *auxilium superioris gra-*

tia, seu providentia exterius gubernantis, vi cuius per se, & non à cùsu ordinatur, & connectitur usque ad finem, non autem ex efficacia intrinseca alicuius, aut singulorum.

24 Sed valdè considerandum est, quod D. Th. vocat illud auxilium *superioris gratia*. Quoniam enim rogo est ista *superior gratia*? Explicent hoc, qui semper nomine gratia intelligunt donum intrinsecum animæ, vel voluntati inhærens, non distinguentes inter gratiam datam, & dantem, activè, & passivè sumptam; qui sanè id nunquam explicare poterunt, quia nullum assignabunt donum intrinsecum animæ, nec ullam gratiam intrinsecam animæ, aut voluntati, quæ sit *gratia superior*, cuius auxilio ordinentur, & còtinuentur omnes motus liberi arbitrij usque ad vnum finem. Nos verò, qui eam gratia distinctionem tradidimus *tract. de Provid. q. 14. d. n. 15*. Quam etiam satis exprimit D. Th. 1. 2. q. 1. 10. art. 1. in corp. ubi: *Triplex est gratia accipi, aut secundum communem modum loquendi, primò pro dilectione alicuius, sicut cum dicitur, iste miles habet gratiam Regis, quia videlicet est ipsi gratus, seu ab eo dilectus; secundò pro aliquo dono gratis dato; tertio pro recompensatione beneficii, quo sensu, dicimur gratias agere pro beneficijs acceptis*. Secundò, & tertio modo gratia significat, & ponit aliquod in eo, qui gratiam accipit. Primò autem modo, gratia hominis ad hominem, potest esse omnino extrinseca, quia amor hominis erga alterum potest supponere, & non causare bonitatem in illo; ac gratia Dei erga hominem, non potest non esse causaliter, & efficienter intrinseca homini, quia dilectio, & amor Dei erga hominem semper causat bonum in homine ipso; verumtamen non solum bonum ipsum causatum dicitur gratia; nam *quandoque* (ait D. Th.) *gratia Dei dicitur, ipsa æterna Dei dilectio, secundum quod dicitur etiam gratia prædestinationis, in quantum Deus gratuito, & non ex meritis, aliquos prædestinavit, sive elegit*. Dicitur enim ad Ephef. 1. *Prædestinavit nos in adoptionem filiorum in laudem gloriæ gratiæ suæ*. Hæc igitur est *gratia superior*, cuius auxilio, seu cuius opera & actione omnes motus liberi arbitrij ordiuntur, & continuantur ad finem vitæ æternæ; non vero qualitas vlla creata anime, aut voluntati creata impressa, quæ nec vna posset esse ad omnes motus liberi arbitrij, nec simul vna durans pro omnibus illis continuandis, & ordinandis, nec *superior gratia* appellari posset. Videantur à nobis dicta *tract. de Provid. tota illa quæst.*

14. & quæst. 15. præsertim, à n. 57.

\*\*\*  
\*\*\*  
\*\*\*  
\*\*\*

COROLARIA EX DICTIS, ET CONCORDIA CERTITUDINIS PRÆDESTINATIONIS CUM LIBERTATE ARBITRIJ.

25. **E**X dictis colligitur, minimè dicendum esse, quod Deus ad finem vitæ æternæ eligat media ab intrinseco efficacia, seu essentialiter, & ab intrinseco connexa cum fine intento; licet hac locutione pleni sint libri plurum RR. Thomistarum; quia nec hoc est de mente D. Th. sed contra ipsum; nec ratione vlla firma fulcitur, sed contra rationem militat, ut ostensum relinquo, & quod mireris, nec iubat ad doctrinam Thomisticam tuendam contra Iesuitas adversos, sed potius nocet. Arripiunt enim illas voces; & dicunt, quod licet Deus possit hominem quando voluerit, & ubi voluerit, convertere, & trahere ad liberum consensum, & ad finem vitæ æternæ, non tamen per media prædeterminantia, nec per media ab intrinseco efficacia, & irresistibilia, ut volunt Thomistæ, dicunt ipsi sed vnicè per media indifferentia, & resistibilia. Et voluit nobis imponere obligationem probandi, quod Deus possit hominem trahere ad liberam conversionem, & consensum liberum per media ab intrinseco efficacia, & prædeterminantia, & irresistibilia, & necessariò connexa antecedenter cum consensu; quod nec ex PP. nec ex D. Th. nec vlla firma ratione probare possumus; & inde nisi fallor vires adversus nos sumptæ, ex incauta permissione, vel admissione vocum, & terminorum; quibus ineptè sanè, si non falso, explicatur doctrina Thomistica.

26. Dicendum igitur est, nostrum conatum non esse quod Deus per media physicè prædeterminantia, intrinsecè irresistibilia, aut ab intrinseco efficacia gubernet, convertat, aut salvet liberum arbitrium, imò potius dicimus, solum illud trahere, gubernare, & convertere per media resistibilia, sufficiens, & indifferentia intrinsecè ad consensum, nulloque alio medio vti; cæterum vltra hæc media, ipsum Deum immediatè per se ipsum utendo ipsis medijs, efficaciter movere, convertere, & trahere liberum arbitrium, efficiendo immediatè quod velit, & operando in nobis, & velle, ut loquitur Apostolus, quæ operatio est auxilium superioris gratiæ ad gratias prævias sufficientes, illas facit efficientes, quatenus eis dat actualem influxum, & actionem nova gratia, & liberalitatem, vi cuius ipsas, & arbitrium, ut ipsi informatum, reducit ad actum secundum; quæ superior gratia effectrix bonæ voluntatis non est medium propriè tale, sed immediata Dei actio, & operatio gratuita, quam ex Sacro Textu, Concilij, & PP. facillimum est probare; & in ea nititur tota certitudo prædestinationis, quæ sanè est certitudo causalitatis, & ordinis,

27. Colligitur secundò, quo pacto concilianda sit certitudo prædestinationis cum nostræ arbitrij libertate. Conciliatur enim, quia licet Deus efficaciter, & irresistibiliter intendat finem vitæ æternæ, & efficaciter etiam gubernet, & dirigat hominem ad talem finem, non tamen id præstat per causas proximas, nec per media intrinsecè efficacia, & irresistibilia; sed per causas proximas, & per media indifferentia, defectibilia, & resistibilia intrinsecè; quibus tamen efficaciter utitur continuando efficaciam suam vsque ad finem efficaciter intentum. Ita ut quælibet causa proxima, & quodlibet medium electum sit indifferens, potensque deficere à fine, cuilibetque voluntas resistere possit; licet resistere non possit efficaciz divinæ voluntatis, & omnipotentiz, seu actioni eius, qua efficaciter utitur his causis proximis, seu his medijs ad finem efficaciter intentum. Ex quo salvatur libertas arbitrij, & certitudo causalitatis in divina prædeterminatione; libertas arbitrij per ordinem ad causas proximas, & ad media, quibus Deus ipsum movet ad salutarem consensum, quia cuilibet potest voluntas resistere; & item certitudo ordinis, seu causalitatis respectu causæ primæ, quæ est prædestinatio, quia voluntas resistere non potest efficaciz, seu causalitati ipsius, seu auxilio superioris gratiæ, quo efficaciter, & ordinatè utitur medijs ab ipsa prædestinatione præscriptis. Vnde concludit Div. Thom. quod si consideremus salutem respectu causæ proximæ, scilicet liberi arbitrij, (intelligit ut informati, seu instructi omnibus medijs, quibus in esse causæ proximæ constituitur) non habet certitudinem, sed contingentiam; respectu vero causæ primæ, quæ est prædestinatio, habet certitudinem.

28. Est dicere, quod considerando liberum arbitrium in suo ordine causæ secundæ respectivè ad omnia media creata, quibus ad salutem movetur intra ordinem creatum, resistere potest, & deficere à salute, & sic tendit in suo ordine causæ secundæ cum libertate, & contingentia ad salutem, ita ut in toto suo cursu, & in quolibet passu, aut gradu illius cursus, sit in certitudo, periculum, contingentia, & libertas amittendi salutem; at tamen si consideretur ordinatio prædestinationis, & efficacia illius infusaibilis, & irresistibilis, nulla est contingentia, nulla incertitudo, nullumque periculum, sed necessitas ex suppositione, seu necessitas immutabilitatis, certitudo, & securitas ex parte Dei de salutis consequenda, & de toto cursu ad salutem secundum seriem, & ordinem à divina prædestinatione ordinatam. Illa prima contingentia, & incertitudo intra ordinem causæ secundæ sufficit ad libertatem arbitrij; ista vero certitudo, & necessitas immutabilitatis in ordine causæ

primæ est certitudo propriæ prædestinationis innixa causalitati, & efficaciz ipsius.

### SOLVUNTUR OBIECTA ALIQUA CONTRA DICTA.

19 **C**ontra primum, & secundum assertum, licet commune inter Theologos, obijciuntur aliqui textus Sacre Scripturæ. Primum est, illud Apocal. 3. *Tene quod habes, ut nemo accipiat coronam tuam.* ubi Aug. lib. de Correp. & Grat. cap. 13. sic ait: *Si alius non est accepturus nisi iste perdidit, certus est prædestinatorum numerus.* Ergo vnus potest amittere, & alius accipere coronam, quæ est finis prædestinationis: Sed eo ipso prædestinatio non est certa: Ergo. Secundum est illud Iob. 33. *Conteret multos, & stare faciet alios pro eis.* Quod Gregorius Magnus exponens, ait: *Locum vitæ, alij cadentibus, alij fortuantur.* Sed locus vitæ est ad quem prædestinatio ordinatur: Ergo prædestinatus potest cadere à loco ipsi destinato per prædestinationem: Ergo prædestinatio non est certa.

Respondet D. Tho. ad primum, *quod vnus coronam alterius accipere dicitur, non quod aliquis coronam, quæ est ei prædestinata, amittat, sed quia quandoque aliquis amittit coronam sibi debitam secundum præsentem iustitiam, & alius in locum eius substituitur ad supplendum numerum electorum, sicut in locum Angelorum cadentium sunt homines substituti:* Ex quo non sequitur incertitudo prædestinationis, sed incertitudo solum præsentis iustitiæ, & gratiæ in nostro ordine, vi cuius nemo certo sibi promittere possit vitam æternam, quia nec perseverantiam sibi assecutur potest propter arbitrij mutabilitatem, & contingentiam. Similiter ad secundum, respondet, *quod verba illa Iob, & Gregorij referenda sunt ad statum præsentis iustitiæ, à quo aliqui aliquando deiciunt, alij subrogatis; unde per hoc non potest aliquid concludi contra prædestinationis certitudinem, quia illi, qui finaliter à gratia desciunt, nunquam fuerunt prædestinati.*

30 Obijciuntur secundò: Quia sæpe prædestinatus est in peccato mortali, vt patet in Paulo eo tempore, quo persequabatur Ecclesiam: Sed potuit in eo perseverare vsque ad mortem, vel saltem occidi in peccato mortali: Ergo potuit frustrari ipsius prædestinationis. Respondet Div. Tho. *quod de aliquo potest dupliciter dici posse; vno modo secundum potentiam, quæ in ipso est, sicut dicimus, quod lapis potest moveri deorsum. Alio modo considerando id, quod ex parte alterius est, sicut si dicerem, quod lapis potest moveri sursum, non per potentiam, quæ in ipso sit, sed per potentiam proiectantis. Cum igitur dicitur: Prædestinatus iste potest in peccato mori, si consideretur potentia ipsius, verum est. Si au-*

*tem loquamur de prædestinato, secundum ordinem, quem habet ad alium, scilicet ad Deum prædestinantem, sic ordo ille non compatitur se cum istum eventum, quamvis compatitur secundum istum potentiam.* Vnde ait, quod potest distinguere ista propositio *prædestinatus potest occidi, vel mori in peccato mortali, concedendo illam in sensu diviso, & negando in sensu composito; quia si accipitur subiectum prout stat sub forma prædestinationis, sic est composita, & falsa; si accipitur subiectum prout consideratur sine tali forma, sic est divisa, & vera.*

31 Sed contra sibi opponit, quia *informis illis, quæ non possunt removeri à subiecto, non differt utrum aliquid attribuitur subiecto sub forma considerato, vel sine forma, utroque enim modo hæc est falsa: Corvus niger potest esse albus: Sed prædestinatio est talis forma, quæ non potest à prædestinato removeri: Ergo prædicta distinctio locum non habet in illa. Quia si sic diceret: Prædestinatus immobilitate, inevitabiliter est prædestinatus, ita vt non possit ipse vitare ne sit prædestinatus, nec removere prædestinationem: Sed eo ipso si potest mori in peccato mortali, non aliter potest, nisi in sensu composito prædestinationis, quia subiectum stans sub aliqua forma immobiliter, & inevitabiliter, si potest aliquid, illud potest in sensu composito illius, & non solum in sensu diviso: Ergo.*

32 En ubi Div. Thom. si vel in mentem eius venisset modus conciliandi libertatem cum prædestinatione per potestatem in prædestinato ad impediendam prædestinationem, seu ad vitandum ne fuerit prædestinatus, per hanc potestatem responderet, vel saltem de illa mentionem fecisset. Sed nihil minus. Respondet enim, *quod nigrædo, & albedo sunt quedam forme existentes in subiecto, quod dicitur albus, aut nigrum, & ideo non potest aliquid attribui subiecto, nec secundum potentiam, nec secundum actum, quod repugnet forme prædictæ, quando in subiecto manet; sed prædestinatio non est forma existens in prædestinato, sed in prædestinante, & ideo quantumcumque immobiliter sit sub ordine prædestinationis; potest tamen aliquid attribui ei considerando suam naturam, etsi repugnet ordini prædestinationis; hoc enim modo prædestinato est aliquid præter, seu extra ipsum hominem, qui dicitur prædestinatus. Cuius solutionis sensus est, quod licet prædestinatus immobiliter, & inevitabiliter, & immutabiliter sit prædestinatus extrinsecè in Deo, & ex parte Dei, seu in ordine causæ primæ, tamen intrinsecè in se ipso, seu in suo ordine causæ secundæ non est immobiliter, nec immutabiliter destinatus ad beatitudinem, sed attentis*

omnibus medijs creatis, & interinfectis cum promouentibus ad salutem, seu causis proximis sic cum mouentibus, & ordinantibus intrinsecè intra ordinem causæ secundæ, solum contingenter, mutabiliter, & vitabiliter ordinatur ad salutem, seu ad finem vitæ æternæ, & ideo in suo ordine causæ secundæ, possibile est ipsum mori in peccato mortali, seu perseverare in peccato vsque ad mortem; sed hoc est impossibile ex sup positione prædestinationis, & attentæ divinæ ordinatione, seu in sensu composito illius. Vide *Tractat. de Provid. quæst. 15. a num. 5. & quæst. 17. a num. 9. & præfati. a num. 26.*

33 Obijciens tertio ex ipso D. Thom. contra certitudinem ordinis in prædestinatione. Etenim certitudo ordinis exigit, quod ex vi prædestinationis sit certa, & determinata tota series mediorum vsque ad finem vitæ æternæ, ita vt nec vnum medium variabile maneat: Sed ex vi prædestinationis non manet ita certa, & determinata tota series mediorum: Ergo nec est certa certitudine ordinis. Minor probatur ex illis verbis D. Thom. *In eo quæm Deus prædestinat, tot alia adminicula præparat, quod non cadat, vel si cadat, quod resurgat:* Sed eo ipso ex vi prædestinationis non manet certa tota series mediorum, sed potius cum contingentia, quod aliqua frustrentur, & sub ipso cadat à salute prædestinatus, licet ad hunc casum reparandum præueniat alia, quibus si cadat, resurgat: Ergo ex vi prædestinationis non manet absolute certa tota series mediorum. Explicatur: Qui ad aliquem finem præuenit, & providet plura media, & aliqua ex illis, vt si alia frustrentur, reparent casum, & frustrationem, nõ est certus de medijs, quibus finis obtinendus est, exempli gratia, qui ad aliquod iter agendũ duos equos præparat vt si vnus deficiat, alter subrogetur, non est certus de equo, quo peruenturus est ad finem itineris: Sed iuxta D. Thom. Deus prædestinans tot adminicula præparat, quod prædestinatus non cadat, vel si cadat, quod resurgat per penitentiam: Ergo dum prædestinat, per ipsam prædestinationem non est certus, an per perseverantiam, an per penitentiam, an cadendo, & resurgendo, an semper stando, peruenturus sit; sed providet de medijs cum incertitudine efficacis illorum, cum contingentia, & incertitudine, vt si ista deficiant, alia subrogetur.

34 Respondeo, concessa maiori, negando minorem, quia in hoc ipso consistit prædestinatio, nempe in præordinatione, & præparatione certorum mediõrum cum certa serie ordinatorum, quibus sic ordinatis, & se succedentibus certissime liberatur prædestinatus ab æterna morte, & perueniet ad æternam vitam. Ad minoris probationem, explico D. Thom. seu illa verba, *quod non cadat, vel si cadat, quod resurgat*, ly vel sumpto disiunctivè, concedo: Sumpto disiunctivè, nego quod in hoc sensu loquatur D. Tho. & minorem

subsumptam in sensu concessio. Itaque dupliciter potest intelligi, quod Deus plura media, vel adminicula præparet, vel vt non cadat prædestinatus, vel si cadat, quod resurgat: nempe vel vagè, & disiunctim relinquendo incertum, & indetentum, an cadendo, & resurgendo, an non cadendo, sed perseverando in gratia perueniet ad finem; & hoc modo Deus neminem prædestinat. Vel disiunctivè, & determinatè determinando in prædestinato vnũ e duobus, nempe vel quod non cadat in tota via ad vitam æternam, vel determinando, quod cadendo resurgat. Primo modo prædestinat aliquos, vt Ioannem Baptistam, Evangelistam, & alios Sanctos, quos per puritatem innocentie, & per iustitie constantiam ordinavit ad vitam. Secundo modo prædestinat alios, vt videlicet per peccati, & casus permissionem, & per te a resurrectione penitentitæ ad vitam perueniant æternam. Et ex his diversissimis etiam modis, nam aliquos per vnũ tantũ casum, & per vnã penitentiam, alios per plures reincidentias, & resurrectiones, cadendo, & resurgendo, & sic diversissimis vijs, & itineribus, diversos destinat, & ducit ad finem vitæ æternæ, vt admirabilis ordo, & pulchritudo diuine sapientie monstratur.

35 Ex quo patet, quod ly *vel si cadat, quod resurgat*, in textu D. Thom. non significat incertitudinem, aut vaguitatem erga media, nec erga viam, & seriem prædestinati ad finem vitæ æternæ; sed significat diversos modos prædestinandi, & diversas series, & vias mirabiles prædestinationis; quia vel prædestinat præparando media, & adminicula, quibus prædestinatus nunquam cadat, efficiendo quod ea media sint efficaciora semper ad perseverantiam; vel prædestinat præparando quidẽ media vt non cadat, sed permittendo quod ea media interdum frustrentur, & cadat, & ordinando, quod post casum resurgat, & sic quod cadendo, & resurgendo perueniat; semper certo determinando non solum finem, sed media, & seriem mediorum, & viam, qua ad finem certo peruenitur sit, non quidem semper, & erga quemlibet vnũ, sed vnũ, vel aliam disiunctivè, & determinatè, non vagè, & disiunctim.

36 Ex quo patet ad confirmationem, concessa maiori, distinguo ly *vel* in minori vt supra; & nego consequentiam, quia est manifesta disparitas, nam ille, quia ad iter providet duos equos, vt vel vno perueniat, vel si vnus deficiat, alter subrogetur, determinat vagè, & disiunctim vno, vel alio peruenire, cum incertitudine; sed Deus non sic, quia vel determinat, quod prædestinatus perueniat non cadendo; vel si determinat permissivè, quod cadat, determinat quod per penitentiam resurgat, & ad hoc tot adminicula præparat, vel vt nunquam cadat, vt in Ioanne Baptistâ; vel vt cum ceciderit, resurgat, vt in Davide, D. Petro, & alijs. Sed semper determi-

nando, tum viam, tum media, tum seriem, & successionem mediorum cum efficacia infuſtrabili ex parte Dei, & ideo cum certitudine causalitatis ex parte prædeſtinationis, & certitudine ordinis mediorum ad finem; quæ talis eſt, vt ex vi prædeſtinationis, & illa attenda, ſi vel vnicum ad miniculum, aut medium deficeret, vt in illa ordinatum eſt, tota ſeries deficeret, & finis non conſequeretur; non quia quodlibet medium ab intrinſeco ſit connexum cum alijs, nec cum fine, ſed quia extrinſecè conneſcitur cum alijs, & cum fine in ipſa prædeſtinatione, & ex vi illius.

37 Alia plura obijci ſolent contra certitudinem causalitatis ex vi prædeſtinationis, præſertim innixam in efficacia executiva ordinis præconcep- ti ab ipſa prædeſtinatione. Sed quia hæc omnia abunde ſolvimus *Tract. de Provident. quaſt. 17. per totam*, & ex præcedenti explicatione conſtat etiam ſolutio, ideo ab eis ſuperſedemus. Semel enim ſuppoſito, vt eſt expreſſa doctrina D. Tho. quod tota libertas, & contingentia in motibus voluntatis ad ſalutem, ſive in meritis, & bonis actibus penſatur in ordine ad cauſam proximam, ſeu ad media creata promoventia, & ſuadentia intra ordinem cauſæ ſecundæ; hæc ſanè libertas, & contingentia integra manet, & ſalva per hoc quod liberum arbitrium, & omnia media creata ipſum promoventia, & omnis gratia creata excitans, & adiuvans ipſum ad actum, ſeu conſenſum ſalutarem ſint reſiſtibili, & contingenter ſe habentia ad conſenſum ipſum, ſeu actum ſalutarem, quidquid ſit, an deſuper ex efficacia executiva prædeſtinationis conneſcantur infuſtrabiliter ex ordine infuſtrabili cauſæ primæ, cui ordini ſubiacet, & ſubordinatur tota noſtra libertas, & poteſtas, & cui nullum hominum reſiſtit arbitrium.

### QUÆSTIO III.

#### QVINAM ACTVS REQUIRANTVR ad prædeſtinationem?

I Dico primò: *Ad prædeſtinationem requiritur ex parte voluntatis divina dilectio prædeſtinati, & electio illius ad gloriam*. Ita D. Thom. & communiter Theologi. Probat autem ex D. Thom. *quaſt. 6. de Veritat. artic. 1. in corpor.* ubi ſic ait: *Ad directionem in finem præexigitur voluntas finis; nullus enim aliquid in finem ordinat, quod non vult in finem, in quem prædeſtinatio ordinat, nempe gloria, non eſt univerſaliter conſideratus, ſed ſecundum comparationem eius ad illum, qui finem illum conſequitur, quem oportet eſſe diſtinctum apud dirigentem ab his, qui finem illum non conſequuntur; ideo prædeſtinatio præſupponit dilectionem, per quam Deus vult ſalutem ali-*

*eius. Unde ſicut prudens non ordinat in finem, niſi in quantum eſt temperatus, vel iuſtus; ita Deus non prædeſtinat, niſi in quantum eſt diligens. Præexigitur etiam electio, per quam ille, qui in finem infallibiliter dirigitur, ab alijs ſeparatur, qui non hoc modo in finem dirigitur: Et ideo prædeſtinatio præſupponit electionem, & dilectionem, electio vero dilectionem. Quæ Div. Thom. ratio ſic.*

2 Explicatur: Prædeſtinatio eſt ordinatio alicuius in finem vitæ æternæ: Sed hæc exigit ex parte voluntatis divinæ dilectionem ipſius, quem ordinat, & electionem ipſius ad finem vitæ æternæ: Ergo. Probat minor, quia non poteſt Deus alicquem ordinare in finem vitæ æternæ, niſi volendo ipſi bonum vitæ æternæ: Sed hoc eſt formaliffimè ipſum amare, ſeu diligere, quia amare alicquem eſt velle illi bonum: Ergo non poteſt Deus alicquem ordinare in finem vitæ æternæ, niſi quem diligit, & amat: Ergo præexigitur ex parte voluntatis amor, ſeu dilectio ipſius. Maior patet, quia amor ordinat efficaciter alicquem in finem, niſi ex intentione finis, ſeu volendo finem, non quidem purè abſtractè, & in univerſali, ſed volendo finem eſt, quem ad finem ordinat, & qui finem conſequitur eſt: Ergo. Sed quia dilectio nominat amorem nō communem, & univerſalem pluri-um, ſed ſpeciale, & diſtinguentem inter plures, quia idem eſt dilectio, quod diſtinguens le-ctio, ſeu affectio, ideo D. Thom. non probat requiri ad prædeſtinationem amorem utrumque, ſed dilectionem illius, quem prædeſtinat; quia finis, in quem ordinat prædeſtinatio, nempe vita æterna, non eſt finis univerſaliter conſideratus, aut ſecundum ſe, & præſiſtè, vt eſt reſpectu voluntatis antecedentis, qua vult omnes homines ſalvos fieri, & providentiæ generalis ordinantis generaliter, & fruſtrabiliter omnes ad ſalutem, & vitam æternam; ſed eſt finis in ſingulari ſecundum comparationem ad illum, qui re ipſa, & infallibiliter finem conſequitur: Sed amor, ſeu velle, quo finem in ſingulari vult ſpecialiter illi, quem ordinat infuſtrabiliter ad finem illum, debet eſſe amor, ſeu velle diſtinguens ipſum à cæteris, qui finem illum non conſequuntur, ſeu qui non ordinantur infuſtrabiliter ad finem illum: Ergo debet eſſe dilectio illius, cum tota proprietate dilectionis. Probat minor, quia vt Deus ſpecialiter, ſeu infuſtrabiliter ordinet alicquem ad vitam æternam, oportet illum apud Deum ordinantem eſſe diſtinctum ab alijs, qui ſpecialiter, & infuſtrabiliter in finem illum non ordinantur, ſeu qui finem illum non conſequuntur; quia alias non eſſet ratio, cur ille præ alijs ordinaretur infuſtrabiliter in finem illum: Sed non poteſt eſſe diſtinctus apud Deum ordinantem, niſi per amorem diſtinguentem inter ipſum, & reliquos: Ergo præexigitur amor diſtinguens, qui propriiffimè eſt di-

dilectio. Vide cum quanta proprietate, loquitur Angel. Præceptor.

3 Deinde requiritur etiam electio illius ad talem finem, per quam qui sic eligatur ab alijs separatur; quia ex amore speciali, seu ex dilectione alicuius est, quod ad finem vite æternæ, seu ad coronam æternam ille eligatur præ alijs, quæ electio, licet parum, aut vis distingui videatur à dilectione, nihilominus aliquod dilectionem supponit, & ad illam consequitur; quia dilectio solum significat habitudinem voluntatis ad ipsum dilectum; electio vero ultra addit habitudinem ipsius dilecti ad finem illi volitum, separando ipsum à reliquis: Requiritur ergo dilectio, & electio illius ad finem, ita ut electio præsupponat dilectionem.

4 Dico secundò: *Etiam requiritur ex parte voluntatis electio mediorum, quibus electus, seu dilectus consequatur coronam, ad quam supponitur electus.* Probatur faciliè, quia supposita dilectione, & electione alicuius ad certum finem, ut finis ipse consequatur, requiruntur certa, & proportionata media: Sed hæc esse non possunt nisi per electionem, potissimè cum ad finem certum, vite eterne plurima possint conducere media vagè, iam ista, iam illa: Ergo requiritur certa electio mediorum, per quæ electus certo consequatur finem illi intentum, & volitum. Hoc etiam certum est apud Theologos communiter.

5 Dico tertio: *Ex parte intellectus divini requiritur scientia simplicis intelligentiæ, tum de subiecto, tum de fine, tum de medijs, qua dirigatur quasi in actu primo, ad volendum ipsi subiecto finem vite æternæ, & ad eligenda illi media proportionata.* Patet etiam, quia nihil volitum, quin præcognitum: Ergo Deus non potest subiectum diligere, nisi illud præcognoscendo, nec ipsum ad finem eligere, aut velle illi finem, nisi finem præcognoscendo, nec eligere media ad finem, nisi ipsa præcognoscendo: Sed prima scientia horum omnium est scientia simplicis intelligentiæ, qua rerum omnium quidditates, & essentias cognoscit: Ergo hæc ad minus prærequiritur. Nec enim dici potest, sufficere scientiam visionis, aut liberam, vel mediam conditionatam, quia ad omnes istas prærequiritur scientia simplicis intelligentiæ, vnde dato quod aliqua ex illis requiratur, per prius debet requiri scientia simplicis intelligentiæ practica quasi in actu primo. Vnde in hoc asserto etiam Theologi conveniunt.

6 Difficultas autem hic solet esse, an ultra scientiam simplicis intelligentiæ requiratur scientia media de efficacia, vel inefficacia auxiliorum, & mediorum, qua Deus ex parte actus primi dirigatur, vel ad eligendos, & prædestinandos actus salutares, quibus vita æterna promerenda est, vel ad eligenda auxilia sufficientia ad tales actus salutares. Nam affirmativam sententiam, tenent omnes Je-

suitæ, qui ad hoc potissimè eam scientiam mediam Scholæ tradiderunt, exiliantes non aliter Deum, servata libertate nostræ voluntatis, posse gubernare ordinem prædeterminationis, nec eligere efficaciter prædestinatum ad gloriam per merita consequendam, nec media ad hoc, ut illam mereatur. Cæterum.

7 Dico quarto: *Minimè prærequiritur in Deo scientia media, nec ad prædestinandos actus salutares, nec ad eligenda, & conferenda auxilia ad ipsos, & consequenter nec ad ordinem prædeterminationis exequendum, aut disponendum.* Ita omnes Thomistæ, & plures Scoticæ. Sed quia hoc assertum ostendimus ex professo *Tractat. de Provident. quæst. 3. & 5. per totam.* Ideo ab eo probando superfedemus.

8 Dico quinto: *Requiritur tamen ex parte intellectus divini ad eligenda media ad finem prædeterminationis, primò iudicium de fine futuro in vi intentionis præsuppositi; secundò consilium, seu iudicium practicum de medijs proportionatis ad talem finem, prædictè proponens media eligenda.* Primum asserbam, & explicabam vbi supra *quæst. 5. à num. 24.* Secundum probari potest ex illo Apost. ad Ephes. 1. *Qui operatur omnia secundum consilium voluntatis sue.* Vbi aperte supponit divinam voluntatem in omnibus, quæ ex electione operatur, regi consilio, quod sanè actus intellectus est, seu iudicium consulens, & proponens media eligenda ad finem: Ergo hoc iudicium manifestè requiritur. Notandum tamen est quod licet in nobis consilium significet quandam inquisitionem, quæ fit conferendo media, & media, in Deo non est per modum inquisitionis, sed per modum iudicii, & firmæ sententiæ.

9 Maior autem difficultas restat, an in voluntate, ultra electionem mediorum, requiratur alius actus, qui sit visus ad executionem mediorum; & item an ex parte intellectus, ultra consilium, seu iudicium regulans electionem mediorum, requiratur alius actus, qui sit imperium regulans executionem mediorum, seu visum activum. In qua quidem difficultate diligenter quam maxime RR. præsertim Ill. Godoy, plures sententias referens, & impugnans. Nos autem qua claritate possumus D. Thom. sententiam exponemus.

#### EXPLICATVR, QVO PACTO

*actur in divina voluntate visus  
activus.*

10 **S**upponendum est primò, quod *visus* alicuius rei, iuxta D. Thom. 1. 2. quæst. 16. artic. 1. in corpor. importat applicationem illius rei ad aliquam operationem: vnde & operatio, ad quam applicamus rem aliquam, dicitur visus illius rei, sicut equitare est visus equi,



*equi, & percutere baculo est usus baculi. Supponendum est secundo ex eodem ibidem, quod ad operationem applicatus, & principia interiora agentis scilicet potentias anime, vel membra corporis, ut intellectum ad intelligendum, pedes ad ambulandum, & oculum ad videndum; & item applicamus res exteriores, sicut equum ad equitandum, & baculum ad percutiendum. Supponendum est tertio, quod res exteriores non applicamus ad aliquam operationem, nisi per principia intrinseca, que sunt potentie anime, aut habitus potentiarum, aut organa corporis, ut cum per potentiam locutivam applicamus voces ad significandum, per manum baculum ad percutiendum, aut per artem equum ad equitandum, aut calamus ad scribendum. Ex quibus præsuppositis, infert D. Thom. quod uti primo, & principaliter est voluntatis tanquam primi moventis, quia si manus applicat baculum ad percutiendum, aut calamus ad scribendum, ideo est, quia voluntas movet, & applicat per primum manum ut applicet, & moveat calamus, vel baculum, ipsa autem voluntas ab alia interiori potentia non applicatur, nec movetur quantum ad exercitium; unde sequitur quod voluntas sit primum movens, & applicans principia ad agendum, ac per consequens uti primo, & principaliter est voluntatis tanquam primi moventis. Rationis autem, prosequitur D. Thom. tanquam dirigentis, sed aliarum potentiarum ut executantium, quia comparantur ad voluntatem, à qua applicantur ad agendum, sicut instrumenta ad principale agens. Ex quo rursus probat D. Thom. assumptum, quia actio proprie non attribuitur instrumento, sed principali agenti, sicut edificatio edificatori, non autem instrumentis: Ergo manifestum est, quod uti proprie est actus voluntatis. Hactenus Div. Thom. cuius doctrina clara sanè, & perspicua est.*

11 Supponendum est quarto, quod *usus* dupliciter accipitur, nempe activè, & passivè; activè sumptus est in potentia applicante, & movente principium ad opus; passivè est in te, vel principio applicato; eoque communiter Authores distinguunt usum activum, & usum passivum, usus activus est illius, qui alio utitur; usus vero passivus est eius, quo quis utitur, ut instrumentum.

Supponendum est quinto in Deo esse usum propriè talem externarum rerum, seu causarum secundarum, quia propriè eas applicat, & movet ad agendum in ordine ad finem. Difficultas autem debet esse, & non parva, an in ipso sit etiam propriè usus suarum potentiarum, vel suarum omnipotentiarum. Primus potest dici usus monarchicus, & ad extra, quatenus ex supremo dominio suæ voluntatis suprâ omnes causas secundas eis utitur ad fines ab ipso præscriptos. Secundus pos-

set dici usus monarchicus, & quasi ad intra, quatenus suis propriis potentis, & facultatibus utitur. Circa quam difficultatem, quam Illustriss. Godoy, & alij RR. prætermittunt, licet importantissimam.

12 Supponendum est sexto, negari non posse, quod in divina voluntate datur saltém virtualiter, æquivalenter, aut ex nostro modo imperfecto concipiendi talis usus suarum potentiarum, & facultatum: Patet, quia ad minus negari nequit, quod Deus aliter operatur, quia vult, & quod ille modus operandi æquivalcat in perfectione actus voluntatis, quo nos volumus operari, & nos ipsos, potentiasque nostras applicamus ad operandum, & quod modus, quo nostra voluntas applicat potentias executivas ad operandum continetur virtualiter, & æquivalenter in actu voluntatis divinæ, quo omnia operatur volens: Rursus nec negari potest, quod ex nostro modo concipiendi concipimus cum fundamento voluntatem divinam vt applicantem suam potentiam executivam ad operandum; tum quia fundamentum habemus in illa æquivalentia, qua voluntas divina æquivalat nostræ, & continet virtualiter omnem modum, & actum nostræ voluntatis; tum quia nos nescimus Deum, nec Divinam voluntatem concipere nisi admodum nostræ; & ideo ex nostro modo concipiendi usurpamus scemper illum etiam modum loquendi, quod voluntas divina applicat suam potentiam executivam ad cōcurrendum, ad operandum per hoc, aut per illud decretum; vt nos cum communi Theologorum locuti sumus tract. de Provid. q. 8. per totam. Hoc sanè supponendum est. Sed difficultas sanè est, an ita sit re ipsa propriè, & formaliter ex parte Dei, quod nempe voluntas divina propriè, & formaliter applicet suam potentiam executivam ad operandum, seu ea propriè, & formaliter utatur à parte rei?

13 Dico igitur sexto: *In voluntate divina non datur propriè, & formaliter à parte rei usus activus quasi monarchicus respectu sue omnipotentie, nec in omnipotentia usus passivus propriè, & formaliter.* Probatum primò ex D. Th. 1. 2. quæst. 16. art. 3. in corp. ubi sic ait: *Vti, sicut dictum est, importat applicationem alicuius ad aliquid: Quod autem applicatur ad aliud se habet in ratione eius, quod est ad finem, & ideo uti semper est eius, quod est ad finem; propter quod & ea que sunt ad finem accomoda, utilia vocantur, & ipsa utilitas interdum usus nominatur.* Ex quibus verbis, sic arguo: Iuxta D. Th. Utus propriè talis solum est eius, quod est ad finem, hoc est solum est medij utilis ad finem: Sed divina voluntas non potest à parte rei verè, & propriè respicere suam omnipotentiam vt medium vile ad finem: Ergo à parte rei propriè, & formaliter non utitur activè sua omnipotentia. Probatum

minor, quia omnipotentia, & quicquid est in Deo est re ipsa ultimus finis, minime autem computari potest inter ea, quae sunt ad finem; implicatque divinam voluntatem respicere aliquid Deo intrinsicum, & consequenter, nec suam omnipotentiam relata ad finem, seu tamquam id, quod est ad finem, quia quicquid in Deo est, respicit ut ipsum ultimum finem: Ergo. Explicatur: Divina voluntas non potest re ipsa, & proprie uti nisi re aut bono vtili, idem enim est *utile*, ac *utibile*, quamvis per sincopem semper dicamus *utile*, & non *utibile*; cum ergo implicet *uti*, nisi *utibili*, sicut implicat *frui*, nisi *fruibili*, aperte implicat Divinam voluntatem verè, & proprie uti nisi re, aut bono vtili, seu vtilibili: Sed omnipotentia proprie loquendo non est res vtilis, nec bonum vtile, sed vnicè honestum, & fruibile: Ergo Deus, seu divina voluntas, proprie loquendo, non videtur omnipotentia. Videatur doctrina D. Augusti, *supra*. *disp. praed. quaest. 3. ap. 3.* quam etiam adducit D. Th. *vbi supra* ad probandum quod vsus non est ultimi finis.

14. Secundò probatur ex eodem D. Thom. *vbi supra*. *art. 2. in corp.* *vbi* sic ait: *Dicendum, quod uti est applicare aliquod principium actionis ad actionem: Applicare autem aliquid ad alterum non est nisi eius, quod habet super illud arbitrium*: Tunc sic sed Divina voluntas non habet arbitrium supra omnipotentiam, nec supra actionem eius, cum eius actio sit ipsammet omnipotentia, seu cum illa identificata; quia supra nihil identificatum cum Deo habet dominium, sed totum dominium divinae voluntatis est ad extra supra effectus in creaturis, quos potest facere, vel non facere, vel supra causas creatas, quas potest applicare, vel non applicare, movere, vel non movere ad suos actus, de quo *vide supra*. *disp. 6. q. 6. ad n. 7. 1.* Ergo proprie non videtur sua omnipotentia. Explicatur aliter, quia *uti*, iuxta D. Th. *primo*, & *principaliter est voluntatis tanquam primi moventis*, quia ipsa est primum movens suae potentiae ad agendum, & hoc est eas applicare: Sed voluntas divina, proprie loquendo, non movet suam omnipotentiam ad agendum; cum omnipotentia non sit in potentia ad agere, vel non agere, imò nec proprie sit potentia respectu suae actionis, sed solum respectu effectus, ut vidimus ex D. Thom. *disp. 4. quaest. 3. ad num. 40.* Ergo proprie loquendo non videtur sua omnipotentia.

15. Confirmatur, probando secundam partem conclusionis, quia si voluntas divina proprie videretur active omnipotentia, in omnipotentia esset vsus passivus, respectivè ad divinam voluntatem: Sed in omnipotentia non est proprie vsus passivus respectivè ad voluntatem divinam: Ergo. Probatur minor, primò, quia proprie, & à parte rei omnipotentia non potest passivè se habere respectu vtilius, alias esset à parte rei po-

tentia passiva, & non solum activa, quod nullus dicit. Secundò, quia vsus passivus est passiva applicatio, & morio, quia aliquid applicatur, & movetur ad actionem; hæc autem prolixius repugnat omnipotentiae titulo actus purissimi: Ergo in ea non est vsus passivus relata ad divinam voluntatem. Explicatur: Implicat vsus passivus primum principij, non minus, quam ultimi finis: Sed omnipotentia est per essentiam suam primum principium: Ergo repugnat in ea vsus passivus.

16. Nec video, quid opponi possit contra hanc conclusionem, & doctrinam, nisi tantum ex modo loquendi, quo sæpe dicimus, & ait D. Th. quod in Deo, *ratio se habet ut dirigens, voluntas ut imperans, & potentia ut exequens*; & quod communiter etiam dicimus, quod omnipotentia operatur ad extra ex imperio divinae voluntatis, quia Deus vult, & ut ab illa applicata. Sed hæc omnia solum probant, quod supra supposuimus nempe ibi intervenire æquivalenter, aut virtualiter vsus, & applicationem omnipotentiae, seu à nobis concipi divinam voluntatem ut videntem, & omnipotentiam ut vtilem, seu ut principium quo videtur voluntas divina; sed minime probant verum, & proprium vsus à parte rei; quia à parte rei ipsamet voluntas divina est omnipotentia, & suum velle est facere ad extra, & sola voluntas ille operatur, ut eius facere est à se fieri velle, & alia quæ locuntur PP. unde operatur ut primum principium, & ut ultimus finis, non utens aliquo, quod re ipsa sit Deus ipse, primum principium, aut ultimus finis, sed solum re ipsa utens rebus à se factis ad fines per suam sapientiam præscriptos.

17. Quod si dicas, omnipotentiam in Deo non esse formaliter voluntatem, sed vel esse intellectum practicum, vel potentiam distinctam ab intellectu, & voluntate. In primis satis probabilis est sententia, quæ omnipotentiam formaliter collocat in voluntate divina; quia supposita, dici non poterit, quod proprie videtur omnipotentia, sicut nec proprie videtur divina voluntas se ipsa. Secundò, si omnipotentia collocatur formaliter in intellectu practico, est in ipso ut imperante opus faciendum; cum autem imperium precedat vsus, ut communiter docent Thomistæ, implicabit manifestè, quod voluntas videtur omnipotentia, quia per vsus subiectionem ad imperium non potest uti facultate impetrativa ad imperium precedens ipsum vsus, ut infra explicabimus. Qui autem omnipotentiam dicunt esse potentiam distinctam, ad sumum dicere possunt esse distinctam per rationem, seu ex modo nostro imperfecto concipiendi; quod ad sumum probabit, voluntatem divinam concipi à nobis ut applicantem ipsam, & ut ea videntem; non verò ipsam revera à parte rei applicare, aut ea verè, & proprie uti.

18. Dico septimò: *In divina voluntate datur*.

*tur verus, & proprius usus causarum secundarum ad suas actiones, effectus, & fines.* Patet, nam divina voluntas eis resbus propriè vitur, quas propriè movet, & applicat ad agendum: Sed causas secundas propriè movet, & applicat ad agendum: Ergo eis propriè vitur. Vbi consideranda est disparitas manifesta inter Deum, & nos, quia cum nos per potentias operativas ad extra applicamus res exteriores ad aliquid agendum, & baculum ad percipiendum, & equum ad equitandum, ille vñs exterior non est primo, & per se vñs, sed est quasi vñs secundus, & consecutus ad vñm interiorem, quo voluntas per prius applicat potentiam operativam ad extra, vt illa applicet res exteriores, sive quo vitur interiorius, & immediatè suis potentijs, & medijs illis rebus exterioribus; atamen in Deo non ita, quia cum voluntas divina per se sit efficax ad extra tantum, non ad intra, movensque primum, non ad intra respectu vñs potentie in Deo existentis, sed ipsa immediatè sit primum, movens ad extra immediatè causas secundas, & non mediantè aliquo divino prius moto, inde est, quod totus vñs verus, & proprius divine voluntatis est rerum externarum, seu aliarum causarum, sicut totum illius dominium est immediatè rerum externarum, & suprà res ad extra, non suprà aliquod divinum intrinsecum Deo.

19 Sed adhuc manet difficultas, nam sive divina voluntas exequatur media prævolita, & præelecta ad finem, vtendo propriè, vel impropiè omnipotentia, sive vtendo propriè causis secundis, difficultas est, an ea exequatur per velle, aut decretum executivum distinctum ab electione, seu voluntate intentiva, sive an vñs activus divine voluntatis, qualiscumque ille sit, quo mandat executioni media præelecta, sit actus voluntatis distinctus ab electione. Pro quo supponendum est, Philosophos communiter distinguere in quolibet agente intellectuali ordinem intentionis, & ordinem executionis, ita vt quod est primum in intentione soleat esse ultimum in executione; finis enim semper est primus intentus, quam media, sed media prius exeuntur, vt habeatur postea finis in executione, vnde in ordine intentionis finis est causa mediorum, sed in ordine executionis media sunt causa finis. Hæc quidem est communis doctrina communiter à Philosophis recepta.

Supponendum est etiam, quod ordo intentionis incipit ab intentione finis, & pervenit vñsque ad electionem ultimi, vel ultimarum mediorum, quia prius agens rationale intendit finem, post eligit media immediatè exacta ad illum finem; & si ad hæc media electa requiruntur alia, eligit alia, & similiter si ad ista requirantur alia, eligit alia, & cum omnia electa fuerint, tunc consummatur ordo intentionis, & im-

mediatè incipit ordo executionis ordine inverso. Igitur difficultas est, an voluntas in ordine executionis distincto actu velit executivè media, aut finem, ab eo, quo intentivè voluit finem, aut media. Verb. grat. quis voluit prædicare sermonem; ad hoc elegit, & voluit scribere ipsum; ad illum scribendum elegit, & voluit studium, & lectionem rasilum librorum. Difficultas est, an vt in executione legat in talibus libris, & studeat, requiratur actus voluntatis executivus distinctus ab eo, quo id elegit, & voluit intentivè, & an vt scribat sermonem, requiratur actus voluntatis executivus distinctus, ab eo, quo id voluit intentivè; & an vt prædicet sermonem, requiratur voluntas executiva distincta ab ea, qua prius intenderat prædicare sermonem. Et hoc in voluntate creata.

20 Similiter in voluntate divina, nam Deus, dum aliquem eligit ad gloriam intendit dare illi gloriam, & facere illum beatum; ad hoc eligit quod illi prius mereatur; ad hoc eligit iustificare ipsum; ad hoc eligit conferre illi gratiam sufficientem, & excitantem vt se disponat; ad hoc eligit vocare ipsum per prædicationem, per exemplum, aut per librum, &c. hæc enim eligit, & ordinat intentivè, seu ordinatè intendit Deus per voluntatem sua sapientia regulatam: Est ergo difficultas, an ad hæc exequenda, incipiendo à vocatione, opus sit iterum alio actu voluntatis eadem executivè velle ordine inverso, prius volendo executivè vocare ipsum, consequenter ipsum iustificare, consequenter ipsum merentem efficere, ac denique ipsum glorificare, ita vt in executione hæc velit voluntate executiva, & actu distincto, ab ea voluntate, & actu, quo ea intenderat, & prædefinierat intentivè, an eodem.

In qua difficultate Illust. Godoy cum alijs RR. vehementer conatu defendit, tam in voluntate creata, quam in voluntate divina, ad exequenda media, sive finem intentum, requiri decretum, seu actum voluntatis executivum distinctum specificè à decreto, vel actu intentivo, quo id ipsissimum intenderat, aut volebat intentivè; quem actum, seu decretum executivum inquit esse vñs activum omnipotentie ad executionem mediorum. Verumtamen hanc sententiam non ita firmam existimo, nec in D. Thom. ita fundatam; vt opposita non sit mihi longè probabilior. Ideoque.

\*\*\*  
\*\*\*  
\*\*\*  
\*\*\*  
\*\*\*

RELEGATUR A DIVINA VOLUNTATE  
decretum executionum distinctum ab in-  
tentivo respectu eiusdem.

21 **D**ico octavo: Non datur in divina voluntate decretum executionum distinctum ab intentivo respectu eiusdem, sed ipsummet decretum intentivum efficax per se, & essentialiter est executivum sui obiecti. Probatur primo, quia nec in voluntate creata exigitur actus distinctus, aut volitio specie distincta ad exequendum opus intentum, sed satis est ipsa intentio efficax perferens: Ergo multo minus in voluntate divina. Antecedens probatur, quia si intentio sit efficax praedicandi sermonem, v.g. tali die, & hora, per illam vult efficaciter praedicare sermonem tali die, & hora: Sed per hoc praecise, quod hęc voluntas efficax perferret illo die, & hora, hęc eadem voluntas sufficit: Ergo sufficit ipsa intentio efficax. Probatur minor, quia vt quis expeditus praedicet aliquo die, & hora, nihil amplius requiritur, quam voluntas efficax praedicandi: Ergo si illa voluntas, seu intentio est voluntas efficax praedicandi, & perseverat illo die, & hora, illa sufficit, & alia distincta non requiritur. Explicatur: Illa intentio efficax praedicandi tali die, & hora potest eadem specificē perseverare tali die, & hora, quia hoc negat: sed illa perseverante, alia specificē distincta non requiritur ad actum praedicandum: Ergo. Probatur minor, quia, illa perseverante, si alia requisita foret, ipsa per se non esset voluntas efficax praedicandi illo die, & hora: Sed supponimus illam esse efficacem: Ergo alia nō requiritur. Secundo, quia, illa perseverante efficaci, opus non esset ad praedicandum duplici voluntate specie distincta; vt quid enim ad actum praedicandum duplex voluntas efficax praedicandi specie distincta? Ergo per hoc praecise, quod prima perseveret, alia non requiritur.

22 Dices forsan ex Ill. Gosl. intentionem efficacem esse voluntatem affectivē tantum efficacem; ideoque ultra illam requiri volitionem efficacē effectivē, quę est volitio executiva applicans potentiam executivam ad opus praesentem. Sed contra est, quia illa solum dici potest voluntas purē affectivē efficax, quę est de opere ab alio faciendo, independentē a volente, & explicatur per purum desiderium, aut per verbum operativi modi, vt cum ego modo desidero, vel opto, quod Pontifex, aut Rex vivat in columis, quę voluntas intentio dici non potest, quia intentio semper est alicuius operis faciendi, propriē loquendo: Sed huiusmodi intentio, si sit efficax, necessariō est efficax effectivē, & applicativē: Ergo implicat illa distinctio voluntatis efficacis affectivē, vel effectivē in intentione efficaci. Probatur minor, quia huiusmodi intentio est per se efficax effectivē, & applicativē ad electionem mediorum, quia per

se, & immediatē applicat, & movet effectivē voluntatem ad mediorum electionem: Ergo potiori titulo erit per se efficax effectivē, & applicativē ad finis executionem. Patet cōsequentiā, quia implicat quod sit magis efficax erga id, quod per se, & formaliter non vult, quam erga id quod per se, & formaliter facere intendit, & vult: Sed ea intentio finis, per se, & formaliter vult finem, nempe praedicare sermonem, non autem vult per se, & formaliter media: Ergo si est efficax effectivē ad electionem mediorum, quę per se, & formaliter non vult, potiori titulo erit per se efficax ad executionem finis, quę per se, & formaliter vult. Mirum enim esset, quod esset efficax effectivē respectu illius, cuius non est formalis volitio, & non esset efficax effectivē respectu illius, quod per se, & formaliter vult. Vide *Tractat. de Provid. quest. 8. a num. 36.*

23 Explicatur: Volitio intentiva finis, v.g. praedicandi, per se, & immediatē movet, & applicat voluntatem ad eligenda media, ac per consequens est vius activus voluntatis ad electionem mediorum; quin inter illam, & electionem quisquam assignaverit alium actum voluntatis medium, quī sit vius activus voluntatis, seu applicatio, & motus voluntatis ad eligendum: Ergo positis omnibus praerequisitis ad executionem finis, v.g. ad praedicandum, si ea voluntas potesteveret, per se ipsam, & immediatē movebit potentiam, nam ad executionem finis voliti, & propter illum exequendum moveret ad electionem: Sed propter quod unumquodque tale; illud magis: Ergo, positis medijs magis, movebit, & applicabit ad executionem ipsius finis.

24 Si dicas, quod cum intentio, & electio sine actus eiusdem potentie, vt voluntas ex intentione finis applicet, & moveat se ad electionem, & vtrut se ipsa ad eligenda media, non eget actu distincto, seu intermedio, sed immediatē per intentionem se movet, & applicat, & vtritur se ipsa ad electionem; secus tamen est, cum opus est applicare potentiam, vel potentias executivas distinctas, quia tunc eget vius activo distincto a volitione intentiva. Contra est, quia non minus solet esse subordinata voluntati potentia executiva, v.g. potentia locutiva, quā ipsa voluntas sibi: Sed quia voluntas est sibi ipsi subordinata, ex hoc ipso, quod vult efficaciter finem, applicat se & vtritur se ad eligenda media absque actu distincto: Ergo quia etiam potentia executiva est illi subordinata, ex hoc ipso, quod efficaciter intendit, & vult finem, v.g. praedicare, si ea voluntas perseveret pro tunc, pro quo praedicare intendit, & vult, per illam immediatē, & absque actu distincto applicabit potentiam executivam, & ea vtritur ad praedicandum. Contra secundō, quia ipsa intentio efficax finis per se ipsam

applicat, & movet immediate intellectum ad inquirenda, & consulenda media ad ipsum, nemo enim assignavit in voluntate præter intentionem efficacem finis actum alium voluntatis medium, quo moveat intellectum ad consulendum de medijs requisitis ad finem: Et tamen intellectus est potentia distincta: Ergo licet potentia executiva sit potentia distincta a voluntate, nõ eget voluntas actu distincto ab intentione finis, vt positis medijs moveat potentiam executivam ad illius executionem finis. Nec est ratio vlla, cur volitio intentiva finis, v.g. prædicandi sermonem, per se, & immediate moveat intellectum, licet potentiam distinctam, ad inquirenda, & consulenda media, quamvis eam inquisitionem, & consultationem directe non velit, & positis iam medijs, & adveniente tempore, & casu pro quo voluit prædicare, non moveat per se, & immediate potentiam executivam ad prædicandum: si enim intentio efficax habet vim movendi per se, & immediate potentiam distinctam ad id quod directe non vult, cur non habeat eandem vim movendi immediate potentiam distinctam ad id ipsum, quod directe, & immediate vult? Hæc ratio semper vrget.

25 Confirmatur, applicando doctrinam ad electionem mediorum, quia sicut intentio finis se habet ad executionem finis: ita electio mediorum se habet ad executionem ipsorum mediorum, vt fatentur ipsi contrarii: Sed ostensum manet, quod volitio intentiva efficax finis, v.g. prædicandi, habet vim movendi per se, & immediate ad executionem finis, nempe ad prædicandum: Ergo electio efficax medijs, v.g. legendi talem librum, habet vim per se, & immediate movendi ad executionem talis medijs, nempe ad legendum talem librum, & sic de alijs. Urgetur: Nam saltem negari nequit, quod electio efficax mediorum immediate per se, absque alio voluntatis medio, movet intellectum ad impetandam executionem mediorum: Ergo multo melius movebit per se, & immediate absque actu voluntatis medio potentiam executivam ad executionem mediorum. Probatur consequentia, quia electio mediorum non est directe volitio imperij practici de executione: est tamen directe volitio mediorum, seu executionis illorum: Ergo si per se, & immediate, absque actu voluntatis medio, movet ad imperium, quod directe nõ vult, potiori titulo per se, & immediate, absque actu voluntatis medio, movebit ad executionem mediorum, quam directe vult. Urgetur denique ex D. Th. 1. 2. quæst. 16. artic. 4. in corpor. vbi sic ait: *Manifestum est, quod usus sequitur electionem, si tamen accipiaturs usus, secundum quod voluntas utitur executiva potentia movendo ipsam. Sed quia voluntas etiam quodammodo rationem movet, & utitur ea, potest intelligi usus eius, quod est ad finem, secundum quod est in consideratione rationis referentis ipsam in finem, & hoc mo-*

*do usus præcedit electionem:* Sed hic usus non est actus ab intentione, aut electione distinctus, sed est ipsa intentio efficax finis per se movens rationem ad consulenda, & ordinanda media: Ergo nec usus potentie executivæ est actus distinctus ab intentione, aut electione, sed est ipsa electio, aut intentio movens immediate potentiam executivam.

26 Huic argumento varias solutiones adhibet Ill. God. & eas refellit. Prima est, negando minorem, quia dicunt aliqui, quod vt voluntas utatur intellectu ad imperium, requiritur actus volutatis distinctus ab intentione, & electione, qui sit usus activus, quo voluntas utitur intellectu ad imperium. Sed hanc solutionem refellit, p. m. d., quia usus, & electio semper sunt circa idem, nempe circa velle: Sed de impetio, seu circa imperium non datur electio in ordine directo procedendi, quia agens intellectuale directe procedens, non eligit imperium rationis, sed solum media, inter quæ nemo computat actum internum imperij, quidquid sit an possit per reflexionem velle, & eligere ipsum imperium: Ergo saltem in ordine directo non datur usus distinctus ab electione mediorum, qui sit usus intellectus ad imperium, sed ipsa electio mediorum, ex hoc quod efficax est, per se movet intellectum, & ipsum applicat, eoque utitur in actu exercito ad imperium, absque actu distincto. Secundo: Quia voluntas ex intentione finis se ipsam applicat ad eligendum, & utitur ipsa ad eligendum, quin ad hoc opus sit actu medio: Ergo pariter potest movere, applicare, & uti intellectu ad inquirendum, consulendum, & impetandum absque actu medio: Tercio, quia sequeretur processus in infinitum; si quidem si ad imperium esset necessarius usus activus voluntatis ab intentione, & electione distinctus, ad hunc usum activum esset necessarium imperium, & ad hoc imperium alius usus activus, & ad illum aliud imperium, & sic esset procedere in infinitum: Ergo.

27 Secunda solutio est, concessa maiori, & minori argumenti, negando consequentiam. Rationem autem disparitatis, cur voluntas ad utendum potentij executionibus eget actu distincto ab electione, & ad utendum intellectu ad consulendum, & imperandum non eget actu distincto ab intentione, & electione, ab aliquibus, inquit Ill. God. nõ assignatur. Nec mirum, quia inassignabilis est cum fundameto. Ab alijs autem assignatur, eo quod, supposita electione, maior difficultas sit in exequendo, quàm supposita intentione in consulendo de medijs, aut supposita electione, in imperio executionis. Sed hæc maior difficultas absque fundamento ponitur, quia sæpe potentia executiva ad extra est magis subordinata voluntati, quàm intellectus inquisitivus, & consultivus mediorum, aut practice imperativus executionis. Deinde, quia quidquid sit de difficultate executionis

maior difficultas esse non poterit, in eo quod voluntas, supposita electione efficaci, applicet, & moveat quantum est ex se potentiam executivam, quam in eo quod, supposita intentione, applicet, & moveat intellectum ad inquisitionem mediorum; quod enim potentia executiva interdum resistit, vel potius materia circa quam, hoc non probat difficultatem ex parte voluntatis in movendo, & applicando ipsam quantum est de se. Sæpe enim magis movente, & applicante voluntate potentias executivas, minor passiva motio, & effectus sequitur; & sæpe minori conatu applicante, celerius sequitur effectus, & maior; unde fiat ex parte voluntatis maior versus activus, cum minori passivo in potentia, aut causa exequentis: Non ergo merienda est difficultas versus activi, per difficultatem externam executionis. Ac denique, quia hæc difficultas non est vincenda per actum distinctum ab intentione, & electione, sed per hoc quod voluntas maior conatu, efficacia, & intentione intendat, eligat, ac velit media. Si enim in electione, & intentione non angeatur efficacia, frustra erit addere alium actum versus pro vincenda difficultate executionis; qui certe magis efficax esse non poterit, quam intentio, & electio; si autem angatur efficacia intentionis, & electionis, ex ipsa vincetur difficultas executionis ex parte potentie executivæ, si vincibilis sit.

28 Propterea illust. Godoy rationem discriminis assignat ex ratione à priori, qua probat suam sententiam, nempe, quia in medijs, vt eligibilibus in ordine intentionis, diversa est ratio appetibilitatis, quam in ipsis medijs vt exequibilibus, seu spectantibus ad ordinem executionis. Quæ ratio, cum de imperio non militet, non est cur actus ab electione distinctus necessarius sit, vt voluntas applicet intellectum ad imperandam. Nec dissimulat difficultatem contra istam evasionem, licet illam non aptè dispositam, sibi objiciat; quæ propter eandem quam ipse sibi, licet aliter, ad intemum objicio, & sic arguo: Nulla est ratio, cur in medijs vt eligibilibus sit distincta appetibilitatis ratio, quam in ipsis vt exequibilibus, & non sit etiam distincta appetibilitatis ratio in ipsis vt inquiribilibus, & consultabilibus, quam in ipsis vt eligibilibus; quod sic explico. Quia media per prius sunt inquiribilia, & consultabilia, quam eligibilia, & per prius eligibilia, quam exequibilia: Vel ergo in ipsis vt inquiribilibus, & consultabilibus est diversa ratio appetibilitatis, quam in ipsis vt eligibilibus, vel non? Si est: Ergo vt inquiribilia, & consultabilia terminant speciem actum voluntatis applicantem intellectum ad ea inquirenda, & consulenda; quod negas. Si nō: Ergo nec in medijs vt eligibilibus est distincta ratio appetibilitatis, ac in ipsis vt exequibilibus, nec econtra: Ergo nulla est ratio discriminis. Urgetur: Vel in medijs vt inquiribilibus, & consulta-

bilibus est distincta ratio appetibilitatis ab appetibilitate finis vt intensitive volubilis, vel non? Si non: Ergo multo minus est distincta ratio appetibilitatis in fine vt exequibili, quam in ipso vt intensitive volubili; siquidem minus differunt finis exequibilis, & finis intensitive volubilis, quam finis intensitive volubilis, & media inquiribilia, & consultabilia; magisque ista differunt, quam illa: Et consequenter, si in istis non est distincta appetibilitatis ratio in ordine directo, multo minus inter illa. Si affirmas: Ergo vt voluntas applicet intellectum ad inquirendum, & consulendum de medijs, supposito siue intento, opus erit speciali actu voluntatis distincto ab intentione; quod negas. Vel si non obstante distincta appetibilitate, non sequitur distinctus actus: Ergo quamvis in medijs vt exequibilibus detur distincta ratio appetibilitatis, quam in ipsis vt eligibilibus, non sequitur distinctus actus voluntatis. Et idem argumentum potest fieri de medijs vt eligibilibus, & vt imperabilibus, aut mandabilibus executioni; nam si vt imperabilia habent distinctam rationem appetibilitatis à se ipsis vt eligibilibus, cur non requiratur ad ipsa executioni mandanda, seu imperanda distinctus actus voluntatis ab electione, qui sit versus activus ad imperium? Si autem non habent distinctam rationem appetibilitatis: Ergo nec vt exequibilia habent distinctam rationem appetibilitatis à se ipsis vt eligibilibus. Et advertendum est, quod tota hæc instantia præcedit in ordine directo, quatenus voluntas ab intentione directè, & exercitè procedit vsque ad executionem.

29 Hucusque impugnavimus actum voluntatis executivum, seu usum activum distinctum ab electione, & intentione respectu eiusdem, ad hæc in voluntate creatæ; ceterum à voluntate divina potiori titulo relegandus est, quia cum voluntas divina per se sit efficacissima, adeo vt communiè PP. dicant, quod eius velle est facere; repugnat in illa velle liberum, quod solum sit efficax affectivè, & non efficax effectivè, & executivè; imò propriè loquendo repugnat velle Dei efficax purè affectivè, vt latè ostendimus *Tractat. de Provident. quest. 8. à num. 15.* nec est intelligibilis efficacia purè affectiva. Videantur ibidem dicta. Et alia plura, quæ in nostræ sententiæ favorem, & contra suam objicit Illust. Godoy, & difficilè solvit, quorumque solutio facilè instari possit ab intelligente, quæ dicta manent.

30 Sed objicit probando suam sententiam primò, quia ex August. datur electio ad gloriam ante prævisa merita; & voluntas collativa gloriæ præsupponens merita: Sed hoc salvari non potest, nisi distinguendo duplicem voluntatem in Deo, vnam intentivam ante merita prævisa, & aliam executivam post prævisa merita: Ergo. Respondendo, negando maiorem, quia ex August. probari non potest in Deo voluntas, aut volitio col-

lativa gloriæ, quæ volitio supponat prævisâ merita ut iutura, nec vt existentia, sed vnicè voluntas, aut volitio dandi gloriâ post merita, & propter merita, quæ volitio minime supponit, sed solum infer merita exitura ante gloriâ, & simul est gratuita, & iusta, actusque liberalitatis, & iustitiz, vt infra ex professo probavimus contra Illu. Godoy.

31 Obijcit secundò, quia in nostra voluntate datur actus voluntatis, qui dicitur *volus*, ab electione distinctus, vt tenet D. Thom. 1. 2. *quæst.* 16. *artic.* 1. & 4. Sed eo ipso talis actus debet concedi in voluntate divina, quia nullam præferret repugnantiam, nec imperfectionem: Ergo. Respondeo, negando maiorem; quia ex tota doctrina D. Thom. solum constat, dari in voluntate vsum activum consistentem in applicatione, vel sui ipsius, vel aliarum potentiarum ad proprias operationes; quod vero ille vsum, seu applicationem sit actus distinctus voluntatis ab eo actu, quo directè vult, & intendit finem, aut mediâ, minime in D. Thom. invenitur, nec ex illo probari potest, sed solum quod sit idem actus sub distincto monere, aut distincta habitudine, sicut actus, quo finem intendit, & vsum activum intellectus ad consulenda media est idem actus, vt facit Illu. Godoy, licet cum distincta habitudine, & munere.

32 Sed contra instat ex ipso D. Thom. dicentè, quod *vti propriè est actus voluntatis*. Respondeo tamen, esse propriè actum voluntatis, si curat esse propriè actus voluntatis movere quoad exercitium & se ipsam, & ceteras potentias sibi subordinatas, quia in hoc movere consistit vsum activum voluntatis. Cæterum sicut nemo possuit pro actu speciali voluntatis movere quoad exercitium vt actum distinctum à volitione cuiuslibet obiecti, quia potius est proprietatis consequuta ad quamlibet volitionem, & ad quemlibet actum voluntatis tendentem in obiectum; ita similiter vsum activum non est actus specialis voluntatis distinctus à cæteris, sed est munus proprium cuiuslibet actus voluntatis tendentis efficaciter in obiectum, sive sit intentio, sive electio efficax.

33 Obijcit tertio ex eodem D. Thom. 1. 2. *quæst.* 16. *artic.* 4. in corpor. ubi ait, quod *voluntas duplicem habitudinem habet ad volitum. Vnam quidem secundum quod est quodammodo in voluntate per quamdam proportionem, vel ordinem ad volitum, & hanc affert copleri in electione, ibi enim, ait, completur proportio voluntatis, vt completè velit id, quod est ad finem. Secundam habitudinem dicit esse, inquantum appetitus, tam naturalis, quam voluntarius tendit vt habeat ipsum finem realiter, quod est perfectè habere ipsum. Et subiungit, quod vsum iam pertinet ad secundam habitudinem voluntatis, quia tendit ad consequendam rem volitam. Vnde manifestum*

*est, quod vsum sequitur electionem.* Ex qua doctrina sic arguit Illu. Godoy: Actus coniungens voluntatem cum volito solum affectivè, distinctus est essentialiter ab actu coniungente cum volito vt realiter habito: Sed electio, & intentio solum coniungit cum volito affectivè, nam ex vi illius volitum non habetur in re; vsum autem realiter illam coniungit cum volito, cum ex vi illius potentia executiva applicetur, & effectus statim sequatur: Ergo electio, & vsum sunt actus essentialiter distincti.

34 Respondeo, concessa doctrina D. Thom. advertendo, non rectè illam intelligi, si per illam duplicem habitudinem voluntatis ad volitum, intelligatur duplex actus voluntatis, aut duplex tendentia volitiva voluntatis ad volitum: Quia in eodem actu voluntatis potest reperiri, & sæpè reperitur illa duplex habitudo, nempe, quia quotiescumque voluntas vult efficaciter aliquid, sive per intentionem efficacem, sive per electionem efficacem, per ipsumdem velle efficacem tendit ad obiectum habendum in re, & ad coniungendam voluntatem cum obiecto vt in re. Hæc enim est propria differentia voluntatis in omni suo actu ab intellectu speculativo, quod scilicet intellectus speculativus, cum intelligit obiectum, intelligit præcisè vt intelligat, hoc est, vt obiectum habeat obiectivè apud se; sed voluntas non vult vt velit, nec contenta est cum eo quod volitum est apud se obiectivè volitum, nam in hoc eius volitio sistit, sed quotiescumque vult, vult habere obiectum in re, & ad hoc tendit per omnem suum actum, seu per omne velle suum; hoc enim est differentia propria in omni actu voluntatis erga obiectum, aut bonum non habitum; & ex hoc provenit quod etiam est proprium voluntatis in omni suo actu erga obiectum non habitum movere quoad exercitium, & se ipsam, & ceteras potentias, prout opus est vt per illas perveniat ad consequentiam obiecti voliti in se. Vnde hoc movere non est specialis actus voluntatis, sed est munus transcendentaliter conveniens omni volitioni efficaci; & similiter illa secunda habitudo ad habendum in re, & cum effectu obiectum volitum, non est specialis volitio, nec specialis actus voluntatis contradistinctus à cæteris, sed est habitudo secundæ, seu secundaria consequens primam, seu primariam in omni actu voluntatis efficaci, quia omnis actus voluntatis, ex quo est volitio efficax obiecti non habitum, in quo consistit prima habitudo, tendit movendo potentias subordinatas ad illud in re habendum, seu assequendum, quæ est secunda habitudo assignata ad D. Thom. Sicut etiam omnis actus voluntatis erga obiectum non habitum, ex quo afficit voluntatem erga obiectum, seu ex quo illam affectivè vult cum obiecto, in quo consistit prima habitudo, movet effectivè se ipsam, & potentias sibi subordinatas ad consequendam rem volitam.

Vnde manifestum  
quen-

quendam unionem, seu possessionem realem obiecti, in quo consistit secunda habitudo assignata à D. Thom. Legatur D. Thom. ubi supra, & quisque intelligit, quam conformis sit hæc doctrina menti ipsius, nihilque in eo contra eam reperitur.

35 Ex quo iam ad obiectionem ex illius doctrina desumptam, nego suppositum maiorem, nempe dari actum voluntatis, præsertim efficacem, qui solum coniungat voluntatem cum volito affectivè, non movendo ad conjunctionem realem, & executivam. Sed quia potest intelligi de actu simplicis complacentiæ, aut alio inefficaci, omisa maiori, nego minorem; quia intentio, & electio sunt actus efficaces, quibus voluntas efficaciter vult finem, & media ad finem; hi autem actus evidenter movent effectivè ad conjunctionem realem cum medijs volitis, & sine volito, seu ad executionem illorum, alias non essent efficaces. Vel claritatis gratia, distinguo maiorem: Actus coniungens voluntatem cum volito affectivè, absque motione effectiva ad conjunctionem realem, est essentialiter distinctus, &c. concedo maiorem: Actus coniungens voluntatem cum volito solum affectivè formaliter, sed efficienter movens ad conjunctionem realem, subdividuo: Distinguitur essentialiter ab actu coniungente efficienter executivè cum volito ut realiter habito, concedo: Ab actu coniungente efficienter motivè cum volito ut realiter habito, nego maiorem, & distinguo minorem quoad primam partem: Intentio, & electio solum coniungit formaliter voluntatè cum volito affectivè, movendo effectivè ad conjunctionem realem, concedo: Absque hac motione effectiva, nego minorem quoad primam partem, & distinguo secundam: Vfus actus realiter illam coniungit cum volito executivè, nego: Motivè, concedo minorem, & nego consequentiam; quæ minime inferitur, quia nec vsus activus per se coniungit executivè voluntatem cum volito in re, sed solum movendo potentiam executivam, per cuius actionem executivè habetur volitum in re; cæterum hoc etiam modo intentio, & electio coniungunt voluntatem cum volito in re, nempe non per se, & formaliter exequendo illud in re, sed movendo efficienter, & quoad exercitium ad ipsam executionem, quia sunt actus efficaces; & licet in genere causæ formalis, seu per se & formaliter solum coniungant affectivè voluntatem cum volito nondum realiter habito; ex hoc autem ipso habent munus secundarium movendi efficienter ad assequendum volitum in re, in qua motione consistit vsus activus, unde vsus activus minime est actus distinctus ab intentione, & electione, sed est munus secundarium, seu secundaria habitudo ipsius intentionis, & electionis efficacia.

36 Et ut videas hanc ipsam doctrinam

concedere, licet coactum, Illustr. Godoy, sic contra illum obijcio: Vfus activus non aliter est conjunctio cum volito in re, nisi quatenus movet ad executivam conjunctionem; non vero quia per se sit executiva conjunctio; quia executiva conjunctio, vel affectio voliti est actio propria potestatis executivæ, à qua iuxta Ill. God. distinguitur essentialiter vsus activus: Sed intentio, & electio efficaces, ex hoc ipso quod est efficax, movet etiam effectivè ad executivam conjunctionem: Ergo etiam per se est vsus activus, & non eget actu distincto ad utendum activè potentia executiva.

37 Respondet num. 27. quod efficacia intentionis, & electionis solum est sufficientiæ, & per modum actus primi, & conditionata sub conditione quod perseveret; efficacia autem vsus est efficacia absoluta, & in actu secundo. Sed in primis fallitur, dicens, quod est efficacia præ per modum sufficientiæ, quia implicat efficacia præ per modum sufficientiæ, cum sufficientia contradistincta sit ab efficacia, unde eia distinctio non minus implicat, quam si quis diceret, esse determinationem per modum indifferentiæ, aut esse motionem per modum quietis. Deinde, etiam fallitur, dicens, esse efficaciam per modum actus primi, quia volitio efficax voluntatis erga volitum est actus secundus, & per modum actus secundi movet, solum quæ movet per modum actus primi cogniti o proponens obiectum eligendum. Denique, dum ait: *Esse efficaciam conditionatam sub conditione, quod perseveret*; in hoc verum dicit, sed hæc est ipsissima nostra sententia, quam per hanc propositionem appetit tandem concedere, & in eam incidit, velit, nolit. Nos enim solum dicimus, quod intentio efficax aliquid faciendi tali die, & hora, seu electio efficax alicuius mediij exequendi tali tempore, si perseveret pro tempore designato, pro quo tantum vult obiectum, per se ipsam tunc movebit efficaciter ad executionem, & erit vsus activus, scilicet si non perseveret: Ergo si per se est efficax conditionatè sub conditione quod perseveret; ut iam perseverans erit efficax absolute, & absolute movebit cum efficacia ad executionem: Erit ergo tunc vsus activus, quia tunc movebit efficaciter potentiam executivam ad executionem. Et quidem, nemo negare poterit, quod ante tempus executionis, v.g. ante horam sextam, possit voluntas habere volitionem executivam, seu volitionem exequendi aliquod opus, quæ voluntas absdubio ex se erit executiva, & non solum intentiva, & si perseveret, erit vsus activus, quia movebit potentiam executivam ad opus: Er tamen non erit efficax, nisi sub conditione quod perseveret: Ergo quod sit efficax sub conditione quod perseveret, non obstat, & semel perseverans, sit vsus activus.

38 Sed dices: Si intentio per se est efficax

esse



effectivè, & applicativè ad movendam potentiam executivam, cur statim non eam movet, & applicat? Et idem de electione efficaci. Respondeo primò alia interrogatione: Si electio efficax est efficax per se, & immediatè ad movendum intellectum prædictum ut imperet executionem mediorum, cur non statim movet intellectum ut imperet executionem mediorum? Responde, & hæc erit mea solutio. Secundò respondeo, quod nec intentio, nec electio movent effectivè ad executionem, nisi quatenus efficaciter volunt finem, & media, & pro tempore, quo volunt; quia ex quo volunt, movent, & ideo movent, quia volunt; intentio autem finis non est volitio finis ut statim exequendi ante media, quia hoc pacto esset fatua, vel temeraria, sicut volitio prædicandi ante studium, seu volitio scribendi sine calamo; sed est volitio finis exequendi per media, aut post media executi; & similiter electio mediorum est volitio efficacis mediorum ut tali hora, vel tempore ponendotum; & ideo aliquodum advenit tempus, & casus, & circumstantiæ, sub quibus voluit, non movet effectivè, quia movet effectivè iuxta ordinem, & tempus præscriptum ab intellectu, & electum per voluntatem, sed non per alium actum, aut per aliud velle, sed per ipsum velle efficacis obiecti sub tali ordine, & pro tali tempore, dummodo perseveret.

39 Denique obijciat Illust. Godoy: In nostra voluntate datur vsus, qui est actus ab electione distinctus: Ergo etiam in divina voluntate. Probat antecedens, primò ex Lorca, quia obiectum electionis sunt media; obiectum autem vsus activi est operatio nostra: Ergo electio, & vsus habet distincta obiecta: Ergo sunt distincti actus. Sed hanc probationem rejicit Illust. Godoy, & merito, quia sæpe media electa sunt operationes aliarum potentiarum, ut cum quis eligit legere, componere, & scribere sermonem ad illum prædicandum: Ergo tunc idem erit obiectum electionis, & vsus activi. Nec admittit responsum Lorca, dicentis, quod quando media electa sunt operationes nostræ, tunc electio non distinguitur realiter ab vsu, sed solum quando media sunt res ab operatione nostra distinctæ. Contra enim arguit, quia hoc pacto non descenditur generaliter, sed in paucis casibus, distinctio realis electionis ab vsu, cum plerumque media electa sint operationes propriæ, & non res distinctæ ab operatione nostra. Secundò, ego inso, quia licet aliquando media electa sint res, sunt tamen res ut à nobis querendæ, legendæ, videndæ, audiendæ, aut faciendæ, aut aliter subiiciendæ nostris operationibus; non enim eligitur mediū aliquid ad finem, quando circa illud nullam habemus operationem, nec nisi, ut attingendum nostris operationibus: Sed media ut attingenda nostris operationibus, etiam sunt obiectum vsus activi: Ergo nun-

quam distinguitur obiectum vsus activi ab obiecto electionis.

40 Propterea Illust. Godoy aliter probat hanc distinctionem, quia media in ordine ad finem possunt comparari dupliciter, primò ut effectus finis in genere causæ finalis in ordine intentionis; secundò ut sunt causa illius in genere causæ efficientis, aut in ordine executionis: Sed electio terminatur ad media ut sunt effectus finis in genere causæ finalis, & in ordine intentionis; vsus vero activus ad illa ut sunt causæ finis in ordine executionis: Ergo electio, & vsus activus habent distinctum obiectum formale, licet idem materiale. Confirmat primò, quia electio, quamvis versetur circa media, specificatur à fine, qui est ratio formalis appetibilitatis mediorum in ordine intentionis: Sed vsus activus specificatur à medijs ut sunt causæ finis in executione: Ergo gaudet specificationis distinctis, & consequenter essentialiter distinguuntur. Confirmat secundò, quia electio hominum ad gloriam spectans ad ordinem intentionis non specificatur à meritis, sed potius illa ut effectus respicit, quo circa liberalis est, & gratuita; decretum tamen executivum gloriæ à meritis specificatur, quia pertinet ad ordinem executionis, in quo gloria causatur à meritis: Ergo pariter electio hominis ad gratiam, & merita, quia est in ordine intentionis, specificatur à gloria, quæ est in illo ordine causa finalis gratiæ, & meritorum, decretum tamen executivum meritorum, & gratiæ, non à gloria, quæ in ordine executionis causatur à meritis, sed à meritis, & gratia specificatur: Ergo sunt actus virtualiter, seu ratione distincti.

41 Respondeo tamen, concessa maiori, distinguo minorem: Electio terminatur ad media ut sunt effectus finis in genere causæ finalis præcisè, nego: Et etiam ad illa ut sunt causæ finis in genere causæ efficientis, vel in alio, concedo minorem quoad primam partem; & distinguo è converso secundam, negoque consequentiam; quia electio mediorum per se est electio illorum ut causent finem in genere causæ efficientis, vel materialis, vel formalis, & non ut præcisè sunt effectus finis; qui enim eligit calamum ad scribendum, eligit evidenter illum ut causam instrumentalem; & qui eligit papyrus, eligit illum ut causam materiale, & universalem, quicumque eligit media eligit illa ut conducentia in aliquo genere causæ ad finem intentum; unde nō satis capio, quo pacto dici possit, quod electio non terminatur ad media ut ad causas finis, sed tantum ad illa ut effectus finis; imò terminatur ad illa in actu exercitio propter finem, & consequenter in actu exercitio ut effectus finis, sed ad illa signatè ut causas finis in alio genere causæ; nulla autem est difficultas, quod idem actus respiciat media exercitio propter finem, & signatè ut causas finis, quia

co-

eodem actu potest quis velle causas efficientes, vel materiales finis exercitè propter finem. Et quidem in hoc nulla est differentia inter electionem, & actum, quo voluntas vitur medijs, quia etiam actus, aut volitio, vt cuius vitur medijs, vel exequitur media, respiciunt illa exercitè propter finem vt causam finalem, & eis vitur, seu ea exequitur vt causent finem, vel efficienter, vel in alio genere causæ. Nulla ergo in hoc apparet distinctio obiectiva. Ex quo.

43 Ad primam confirmationem, nego maiorem de specificativo intrinseco, quia electio, licet extrinsecè specificetur à fine, intrinsecè verò specificatur ab utilitate mediorum ad finem, aliter non distingueretur specificè virtus theologica erga finem à virtutibus moralibus erga media; hoc autem modo etiam actus, quo voluntas vitur medijs specificatur extrinsecè à fine, & intrinsecè à medijs vt vtilibus ad finem, siquidem vitur eis vt vtilibus ad finem, & propter finem; unde nec in hoc apparet vlla differentia obiectiva. Ad secundam, concessa maiori, quoad primam partem, 'nego quoad secundam, quia vt infra ostendam, tam gratuita est in Deo voluntas excuriva gloriæ, quam intentiva, & tam ista intentiva, quam excuriva, nec mirum, quia non est duplex, sed vnica voluntas intentiva simul, & excuriva, & ex eodem motivo formali, bonitas divinæ. De quo vide etiam *suprà diff. 6. quest. 3. à num. 57. & 65. & præf. num. 83*. Nec plus momenti habet, quod sapè repetit Illust. Godoy, nempe electionem, & intentionem pertinere ad ordinem intentionis, vsum vero activum ad ordinem executionis, quia hic tantum est modus loquendi, te ipsa tamen electio ipsa, & intentio etiam pertinent ad ordinem executionis motivè, & applicativè, quia etiam movent, & applicant efficienter potentias subordinatas voluntati ad exequendum id quod intendunt, & eligunt, vt ostensum est. Nec aliter pertinet ad ordinem executionis actus, quo voluntas vitur potentijs sibi subordinatis, nec mirum, quia est idem actus, eademque volitio cum duplici habitudine, & munere sibi essentiali, vna primaria volitiva, & affectiva erga finem, & media; alia secundaria effectivè motivæ erga potentias, aut causas sibi subditas, & subordinatas ad media, & finem; & ex hoc duplici munere in eisdem actibus distinguimus ordinem intentionis, & executionis, non vero ex distinctis actibus voluntatis, quia videlicet in munere volendi prior est intentio finis, quam electio mediorum, sed in munere movendi potentiam executivam ad extra prior est electio mediorum, quam intentio finis; licet intentio prius etiam moveat efficienter ad intra ad inquisitionem, & consultationem, & electionem mediorum, quam ipsa electio ad executionem mediorum. Quo sensu, concedit D. Thom. vsum actus

tivum in voluntate ante electionem; quod autè potentiam executivam ad extra prius movet electio efficax, quam efficax intentio, provenit ex ipsa natura mediorum, & finis, eo quod media exequuntur autem finem, & finis exequi petit per media, & post media, & vt hoc ordine exequenda respiciuntur ab intentione, & electione finis, & media.

#### EXPLICATUR IMPERIVM practicum in intellectu divino.

43 **C**onstat ex dictis, dari in divina voluntate, & consequenter exactum esse ad prædestinationem ex parte voluntatis, actum, seu decretum executivum mediorum, & finis, licet indistinctum ab intentivo, qui sit vsum activum, non quidem propriè loquendo ad intra, seu respectu potentie divinæ executivæ, sed solum ad extra, & respectu causarum secundarum sibi subditarum, quæ concurrunt ad media, & finem prædestinationis obtinendū. Restat tamen adhuc difficultas, an ultra requiratur etiā ex parte intellectus divini actus consequens electionem, qui propriè sit imperium mandans executioni media electa, & regulans vsum activum voluntatis divinæ.

44 Circa quam difficultatem variz sunt sententiz. Nam aliqui absolute, & univèrsaliter negant in intellectu, sive creato, sive divino actum, qui propriè sit imperium; & dicunt, quod imperare solius voluntatis est proprium, ita plures lesuitæ. Inter Thomistas verò, licet omnes concedant hunc actum imperij regulantem vsum activum, & executionem mediorum, non omnes tamen explicant, an in Deo hoc debeat esse imperium ad intra, & quasi monasticum supra suam voluntatem, aut omnipotentiam, an vero quasi monarchicum ad extra, & supra creaturas sibi subordinatas. Igitur vt propriam mentem explicem.

45 Dico nono: *Datur in divino intellectu imperium efficax regulans vsum activum divine voluntatis, seu executionem mediorum.* Probatur ex D. Thom. in *present. quest. 22. artic. 1. ad 1.* vbi sic ait: *Præcipere de ordinandis in finem competit Deo, & secundum hoc etiam convenit ratio prudentiæ, & providentiæ.* Et in *hac 1. part. quest. 23. artic. 4.* sic ait: *Providentiæ est ratio in intellectu existens præceptiva ordinationis aliorum in finem.* Et similiter id ipsum sapè repetit pluribus alijs in locis infra referendis: Ergo iuxta D. Thom. datur in Deo imperium regulans executionem mediorum, seu ordinationem illorum in finem. Secundò probatur id ipsum ex Sacro Textu, in quo explicatur Dei operatio ad extra per imperium intellectus, vt *Genes. 1.*

*Dixit Deus, fiat lux, & facta est lux, &c.* Et Psalm. 148. *Ipsè dixit, & facta sunt, ipse mandavit, & creata sunt.* Vide August. lib. de Genes. ad litteram, cap. 5. sic ait: *Quid enim convenientius de Deo dicitur, quantum inter homines dici potest, quam cum ita ponitur, dixit, & factum est, ita ut in eo quod dixit, imperium eius intelligatur, in eo quod factum est, potentia.* Vide alia suprà Disputat. 5. quæst. 3. à num. 12. Ergo idem quod prius.

46 Denique probatur ratione, quia in intellectu divino datur scientia supponens electionem mediorum, & dirigens ad executionem illorum: Sed hæc habet rationem imperij: Ergo in divino intellectu datur imperium dirigens vsum activum, seu executionem mediorum. Maior est expressa D. Thom. 1. 2. quæst. 17. art. 1. ad finem corpor. vbi sic ait: *Relinquitur ergo, quod imperare sit actus rationis præsupposito actu voluntatis, in cuius virtute ratio movet per imperium ad exercitum actus:* Sed scientia practica de medijs supponens electionem mediorum est actus rationis practice movens ad executionem in virtute actus voluntatis præsuppositi, nempe electionis: Ergo est imperium. Maior vero primi syllogismi probatur ab illust. Godoy, quia præter electionem mediorum datur in divina voluntate decretum executivum, seu actus, quo vtitur activè potentia executiva, distinctus ab electione: Sed hic actus, aut decretum executivum debet regulari scientia practica, quæ alia esse non potest, nisi quæ supponat electionem, & immediatè regulet vsum activum: Ergo hæc datur in Deo. Sed hæc probatio nec firmo fundamento nititur, quia non est duplex decretum in voluntate divina, nec duplex actus, unus, quis sit electio, & non vsum, alius qui sit vsum, & non electio, sed idem cum duplici munere, ut ostensum est. Nec etiam est necessaria, quia independet ab ea distinctione actuum, probatur sic ea minor: Quia enim Deus sapienter, & ordinatè eligit media ad finem, in electione mediorum debet regulari iudicio practico de medijs eligendis, quod in virtute intentionis præsuppositæ dicitur efficaciter, & moveat ad media eligenda: Sed Deus non minus sapienter, & ordinatè exequitur media, & vtitur causis sibi subordinatis ad illa exequenda: Ergo in illorum executione, & vsum activum debet etiam regulari iudicio practico, quod dicitur efficaciter, & moveat in virtute electionis ad illa media exequenda. Sed hoc iudicium est propriè imperium: Ergo debet admitti in intellectu divino imperium regulans executionem mediorum consequenter ad illorum electionem. Minor subsumpta probatur ex D. Thom. 1. 2. quæst. 17. art. 5. in corpor. vbi expressè definit, quod imperium nihil aliud est, quam actus rationis ordinantis cum quadam motione aliquid ad agendum: Sed iudicium regu-

lans executionem mediorum, seu dictans, & movens ad illorum executionem in virtute electionis efficacis est actus rationis ordinans cum motione aliquid ad agendum: Ergo est propriè imperium.

47 Dico decimo: Licet in nobis detur imperium quasi monasticum propriè imperans nostris potentijs operatjvis; tamen in Deo non datur propriè, & à parte rei tale imperium monasticum, sed solum datur propriè, & à parte rei imperium monarchicum, quo imperat causis secundis sibi subordinatis, vel rebus à se distinctis, vel ut agant, vel ut faciant, vel obstant; licet ex nostro modo concipiendi possit concipi ut imperans sua omnipotentia, ut faciat hoc vel illud, imperio quasi monastico. Hæc assertio est contra illust. Godoy, sed probatur primo, quia intellectus propriè solum imperare potest illi potentiz, vel causæ, cuius actus propriè subditur dominio voluntatis propriæ: Sed in Deo non est potentia vlla, cuius actus secundus propriè subijciatur dominio voluntatis divinæ: Ergo Deus, seu intellectus divinus propriè imperare non potest ad intra seu quasi monasticè proprijs suis potentijs; Ergo in Deo non datur tale imperium quasi monasticum. Maior constat ex D. Thom. 1. 2. quæst. 17. art. 7. in corpor. vbi ait: *Quod secundum hoc aliquis actus imperio nostro subiacet, prout est in potestate nostra.* Minor vero probatur, quia in Deo nulla est potentia, cuius actus secundus sit contingens, seu potens esse, & non esse, quia nulla est potentia, quæ essentialiter non sit actus secundus, seu actus purus per essentialitatem: Sed solum potest subijci imperio, & dominio, voluntatis divinæ actus contingens, seu potens esse, & non esse: Ergo in Deo nulla est potentia, cuius actus secundus subijciatur dominio propriæ voluntatis. Confirmatur: In Deo nulla est potentia passivè indifferens ad suum actum secundum, quia nulla est potentia, quæ sit in potentia ad suum actum: Sed eo ipso nulla est potentia, quæ subijciatur eius imperio, nec cui propriè imperare possit: Ergo. Minor probatur, quia potentia subiacens in agendo imperio debet necessariò esse passivè indifferens ad agendum, vel non agendum; quia debet esse passivè imperabilis, passivè dominabilis, passivèque determinabilis ad agendum, vel non agendum, quod evidenter repugnat, nisi sit passivè indifferens, & in potentia: Ergo nulla est potentia in Deo, quæ propriè, & à parte rei subiacet eius imperio. Vide suprà Disputat. 6. quæst. 6. à num. 10.

48 Confirmatur secundo: Quia in Deo non potest dari propriè, & à parte rei imperium, quo imperet suæ voluntati, ut velit: Aliunde, nec quo propriè imperet suæ omnipotentiz ut actu operetur: Ergo non datur in eo imperium, quo propriè imperet sibi, aut suis potentijs, seu im-

perium quasi monasticum. Maior patet ex dictis ubi supra, quia in divina voluntate non est potestas aut dominium, nec indifferentia ad velle, vel non velle, sed solum est indifferentia pure activa ad effectum in creaturis, quos potest facere, vel non facere, legantur ibi dicta: Ergo eius voluntas quantum ad velle, vel non velle non subiaceret imperio proprio, aut proprio dominio. Deinde probatur minor, quia omnipotentia non minus est perfectio sui actus secundus, suæque actionis, quam divina voluntas, cum non minus sit actus purus in sua linea; nec minus ei repugnat indifferentia passiva ad agere, vel non agere, quam divinæ voluntati ad velle, vel non velle: Ergo non minus illi repugnat proprie subijci imperio divino, quam voluntati divinæ. Unde semper tenendum est, quod sicut dominium Dei non est supra se ipsum, nec supra aliquid intrinsecum sui fecum identificatum; sed videtur ad extra supra creaturas, quia solum est supra contingentia, & nihil divinum est contingens intrinsecum, sed sola creatura, earumque actiones sunt contingentes ita similiter, idemque dicendum est de divino imperio, quod ad eius dominium subsequitur.

49 Confirmatur tertio in sententia sacris communis Thomistarum, afferentium omnipotentiam in esse indistinctam ab intellectu practico: Etenim inrer facultatem imperantem, & imperatam debet esse aliquis distinctio: Sed inter intellectum practicum præcipientem, & omnipotentiam nulla repetitur distinctio: Ergo non potest imperare, nec præcipere omnipotentie. Minor patet, quia omnipotentia consistit in ipso intellectu practico præcipiente, seu imperante ut fiant res, iuxta prædictam sententiam: Ergo inter intellectum practicum præcipientem, & omnipotentiam nulla repetitur distinctio. Explicatur: Licet inter facultatem imperantem, & imperatam non requiratur distinctio ex parte facultatis, vel potentie, quia eadem potentia potest sibi ipsi imperare, ut in nobis intellectus imperat sibi ipsi, & voluntas etiam per intellectum imperat sibi, tamen requiritur de necessitate distinctio ex parte actus secundi, hoc est, quod per unum actum imperet sibi ipsi alium actum, ita ut per unum actum sit activè imperans, & penes alium sit imperatus. Sed nec ista distinctio est inter intellectum divinum practicum præcipientem, & omnipotentiam: Ergo non potest sibi ipsi imperari. Probatur minor, quia omnipotentia ut talis facit, seu efficit res ad extra per actum imperij, quo præcipit ut res fiant; & etiam intellectus practicus præcipit, seu imperat eodem actu imperij: Ergo nec ex parte actus secundi datur distinctio inter intellectum practicum præcipientem, & omnipotentiam. Explicatur secundò: Imperiū in intellectu divino practico probatur à Thomistis ex illo Genes. 1. *Dixit Deus, fiat lux, & facta est lux, &c.* Et ex illo Psalm. *Ipse dixit, & facta sunt, ipse man-*

*avit, & creata sunt:* Sed hoc imperium non est monasticum, quo Deus sibi ipsi imperat, nec suæ omnipotentie, sed rebus ad extra: Ergo in intellectu divino non debet admitti imperium monasticum, sed solum monarchicum, & ad extra. Probatur minor, quia eo imperio non dicit Deus sibi, aut suæ omnipotentie, *fac*, nec illi imperat ut faciat; sed rebus dicit *fiat*: Ergo.

50 Ex quo colliges, malè Ill. Godoy ex illis Sacra Scripturæ testimonijs probare in Deo imperium monasticum, & quò imperet Deus suæ voluntati, aut suæ omnipotentie, eo quod illi rectus in rigore, & cum proprietate debent accipi; quia potius, si cum proprietate accipiantur, significant imperium monarchicum, & ad extra, non monasticum, & ad intra; quo imperat rebus, ut fiant, aut moveantur, aut mutantur, non suæ voluntati, nec omnipotentie ut velit, aut faciat activè, quia potius ipsum facere activè quod res fiant, mutantur, aut moveantur, facit per imperium, quo dicit conceptu, & verbo efficaci, *fiant, mutantur, aut moveantur*. Colliges secundò, ut tacite evasioni occurramus, nec inadæquate distingui omnipotentiam ab intellectu divino practico ut imperante, quia non aliter melius explicatur omnipotentia ut faciens, vel efficiens ad extra, quam per divinis intellectum practicum efficaciter dicentem rebus, quod fiant, moveantur, aut mutantur, & in hoc consistit actus secundus omnipotentie, & ipsum facere Dei, ut ex August. & alijs PP. ostendimus supra, & constat ex ipso Sacro Textu. Demum colligitur, insignem dari differentiam inter imperium divini intellectus, & nostrum; quia videlicet, cum in nobis potentie nostræ sint in potentia ad suos actus, qui actus subduntur rationi, quia sunt contingentes, potentes contingenter esse, & non esse, & nostræ potentie possunt agere, vel non agere suo actu, agere hoc actu, vel alio cum contingentia subiectiva, & potentialitate ad actum ipsum secundum, sicut hac ratione possunt passivè applicari, & moveri ad agendum, & sunt capaces usus passivi, & ideo voluntas nostra potest suis potentijs activè uti: ita possunt passivè imperari, & intellectus nostræ potestatis nostris potentijs activè impetari: tamen totum hoc repugnat in Deo, quia in Deo nullius potentie actus est contingens, nullaque est potentia, quæ sit in potentia ad actum secundum; & ideo sicut proprie loquendo voluntas divina suis potentijs non utitur activè, sed solum causis secundis, aut rebus, ita nec intellectus divinus suis potentijs imperat activè, sed solum rebus, aut causis secundis.

51 Nec contra prædictam doctrinam est obiectio alicuius momenti; quia si aliquid potest obijci, militat contra imperium monasticum nostri intellectus, non contra monarchicum intellectus divini. Ne tamen, quis æquivoco laborer, nota, hoc imperium monarchicum, non esse idem, ac

imperium politicum, morale, aut civile, prout explicatur ad extra per præcepta, leges, & consilia; sed est superioris efficaciz, quod potest appellari imperium physicum, & efficax physice, quod nempe per se efficit id ipsum, quod impetat, nec opus est, quod intelligatur, & peregrinetur ab eo, cui tale imperium sit, quia huic imperio omnia obediunt, sive ea, quæ non sunt, ut sint, sive quæ non moventur, ut moveantur, sive quæ sunt aliquid, ut in aliud commutentur. Quantum autem ad imperium nostrum monasticum ne prætereamus, quæ communiter hic ab Authoribus dicuntur, placet solvere, quæ contra illud opponunt Anti-Thomistæ.

**DEFENDITUR IMPERIUM EFFICAX  
monasticum in intellectu nostro.**

52 **O**bjiciant enim primò ex D. Th. 2. 2. q. 83. art. 10. dicente: Oratio est actus rationis, per quam aliquis superiorem deprecatur, sicut imperium est actus rationis, quo inferior ad aliquid ordinatur: Sed quia oratio est inferioris ad superiorem, nemo potest se ipsum orare: Ergo quia imperium est superioris ad inferiorem nemo potest sibi ipsi imperare. Respondeo, concedendo totum de imperio politico, & morali, de quo ibi loquitur D. Th. & ex quo paritate facit ad orationem, quæ semper est ad alterum superiorem, sicut imperium politicum, & morale est ad alterum inferiorem. Ex quo non excluditur imperium monasticum eiusdem ad se ipsum, quo quis secundum potentiam, vel actum superiorem imperat sui potentie inferiori, aut actum inferiorem, sicut realiter se ipsum movet, per unum actum ad aliud distinctum, & se ipso vitur.

53 **O**bjiciunt secundo: Omnis actus intellectus est vel simplex apprehensio, vel iudicium, vel discursus: Sed imperium nec est simplex apprehensio, nec iudicium, nec discursus: Ergo non est actus intellectus: Non ergo datur in intellectu. Hoc argumentum militat etiam contra imperium politicum, seu monarchicum. Ad illud autem respondet D. Th. 2. 2. q. 83. art. 1. ad 3. hoc pacto: *Dicendum, quod illi tres actus pertinent ad rationem speculativam; sed ulterius ad rationem practicam pertinet causare aliquid per modum imperij, vel per modum petitionis.* Ex qua solutione non inferas, D. Th. negasse, quod imperium sit aliquis actus ex illis tribus, aut possuisse quartam operationem intellectus distinctam ab illis tribus; quia ut insignes Thomistæ exponunt, sensus illius solus est, quod illi tres actus per se sumpti pertinent ad rationem speculativam; ulterius tamen potest illis addi ex participatione voluntatis præsuppositæ aliqua causalitas per modum imperij, aut petitionis, quo pacto pertinent ad rationem practicam; unde licet imperium non sit aliquis ex illis tribus actibus absolute, & neque

de sumptis, quo pacto pertinent ad rationem speculativam; est tamen aliquis ex illis cum addito causalitatis, & ordinationis prout pertinent ad rationem practicam ordinantem, & causantem, aut moventem.

54 **S**ed dices, vel rogabis, ad quem ex illis reducit? Respondeo, quod reducit ad iudicium. Est enim iudicium practicum efficax ex præsupposito actu voluntatis movens, seu ordinans cum efficacia, & motione causam, vel potentiam, aut facultatem inferiorem ad aliquid faciendum, vel ut aliquid fiat, quod explicari potest, vel hoc modo tendendi, *fac hoc.* Vel hoc modo: *Hoc mihi faciendum est;* vel hoc pacto: *Fiat hoc,* explicando nempe conceptionem efficacem intellectus cum motione, & efficacia ex participatione voluntatis.

55 **S**ed dices: Omne iudicium intellectus habet veritatem, vel falsitatem: Sed talis actus nullam veritatem, vel falsitatem habet: Ergo non est iudicium intellectus. Respondeo, negando minorem, quia tale iudicium habet veritatem practicam, quando quod dicitur, & impetat, se ipsa debet fieri secundum exigentiam debiti finis, seu quando conformatur fini debito; contra est falsum practice, quando fini debito non concordat quod faciendum dicitur. De quo vide *Tractat. de Conscient. quest. 5.*

56 **O**bjiciunt tertio: Quia prædictum imperium intellectus ad nihil est necessarium: Ergo non datur. Probatur antecedens, quia in primis non est necessarium ut moveat voluntatem quoad specificationem, quia ad hoc sufficit apprehensio, vel iudicium proponens cum indifferentia obiectum eligendum, aut exequendum: Deinde nec ut moveat ipsam quoad exercitium, quia voluntas est primum movens quoad exercitium. Ergo ad nihil. Confirmatur: Ut voluntas transeat de intentione finis ad electionem mediorum non indiget imperio intellectuali movente ipsam quoad exercitium, sed satis est iudicio proponente media vt eligibilia, vel vtilia ad finem: Ergo multo minus vt post electionem mediorum transeat ad executionem illorum. Confirmatur secundo: Ut voluntas moveat intellectum ad imperium non indiget alio imperio, ne detur processus infinitus: Ergo vt voluntas moveat potentias executivas non indiget actu imperij. Tertio, quia per nos electio, & usus activus voluntatis non distinguuntur realiter, sed tanquam munus primum, & secundarium eiusdem actus: Ergo inter electionem, & usum activum non mediat imperium supponens electionem, & imperans usum activum voluntatis.

57 **P**ro hoc argumento solvendo variant Thomistæ, circa mentem D. Th. verumtamen ea nil fallor est certa. Pro qua manifestata, supponendum est, quod imperium potest sumi, vel generaliter pro actu rationis distante cum efficacia, & motione alium

aliū actum eliciendum, quicumque ille actus sit, vel specialiter pro actu rationis distāte cum motione, & efficacia executionem alicuius effectus hic, & nunc in singulari. Cum enim agens rationalis in processu directo procedat de intentione finis ad inquisitionem mediorum, & consilium de illis eligendis, de consilio ad electionem; de electione ad executionem externam, actus rationis dictans hanc executionem externam est qui specialiter dicitur imperium à D. Thom. eo quod est de effectu externo hic, & nunc cum omnibus circumstantiis iam pensatis, & electis exequendo, & trahit iam totam efficaciam voluntatis ex intentione, & electione præcedentibus. Et hoc sensu accipit D. Thom. imperium, 1.2. quæst. 17. artic. 3. ad 1. ubi sic ait: *Dicendum, quod non omnis actus voluntatis præcedit hunc actum rationis, qui dicitur imperium; sed aliquis præcedit, scilicet electio, & aliquis sequitur, scilicet usus; quia post determinationem consilij, qua est iudicium rationis, voluntas eligit, & post electionem ratio imperat ei, per quod agendum est quod eligitur, & tunc demum voluntas alicuius incipit esse exequendum imperium rationis.*

58. Supponendum est secundò, quod licet D. Th. videatur distinguere, tanquam duplicem actum, electionem, & usum, cum inquit, quod ad imperium rationis aliquis actus præcedit scilicet electio, & aliquis sequitur, scilicet usus, intelligendum est, vel de usu passivo, seu passivè sumpto, quatenus pertinet ad potētiā exequentē; vel si intelligatur de usu activo voluntatis, debet intelligi, nō quod sit re ipsa actus realiter distinctus ab electione, sed habitudo distincta, vel modus distinctus à munere eligendi, quasi sensus sit, quod ad imperiū præcedit aliquis actus, qui est electio, & subsequitur aliquis actus cū munere distincto, nempe usus; unde nō dixit D. Th. quod subsequitur *alius actus*, sed *aliquis actus*, scilicet usus; igitur salvari potest, quod qui præcedit, & qui subsequitur sit idem actus specificè sub munere distincto. Nec opus positum probatur ex D. Tho. nam sicut sæpè dicit, quod ad ultimam dispositionem ad iustificationem præcedit gratia, & subsequitur gratia; & tamen Thomistæ exponunt, quod est eadem specificè gratia, licet sub distincto munere auxiliantis, vel sanctificantis, ita in præsentī.

59. Supponendum est tertio, vel advertendum, quod D. Th. in præfato textu, nō dicit, quod ratio imperat voluntati, vt vtatur activè, sed quod post electionē ratio imperat ei, per quod agendum est, quod eligitur; unde cum hoc sit potentia executiva, intelligendum est quod ratio imperat potētiæ executivæ, vt exequatur opus electū, non voluntati, vt vtatur activè; quia in processu directo post electionem, per ipsam electionem voluntas vtitur ratione ad imperandū potētiæ executivæ, & medio imperio vtitur potentia executiva; quia non

vtitur ea, nec eam applicat modo cæco, sed cū ratione, & cum directione ratio nisi medio imperio, ita vt non denominetur voluntas vtens potentia executiva, nisi post imperiū. Et rationem reddit D. Th. 1.2. quæst. 17. artic. 3. in corp. his verbis: *Vfus eius, quod est ad finem, secundum quod subditur potentia executiva, sequitur imperium, eo quod usus vtentis cōiunctus est cum actu eius, quo quis vtitur; non enim vtitur aliquis baculo, antequā aliquomodo per baculum operetur; imperium autem non est simul cum actu eius, cui imperatur, sed naturaliter prius est imperium, quā imperio obediat, & aliquando etiam est prius tempore, unde manifestum est, quod imperium est prius quam usus.* Ex qua doctrina D. Th. subtiliter pensata colligitur, quod licet denominatio eligentis in voluntate, & imperantis in ratione sit prior, quā denominatio vtentis potentia executiva, aut causa subordinata, & consequenter priusquam operatio potētiæ executivæ, aut causæ subordinatæ, cui ratio imperat, & quia voluntas vtitur; tamen denominatio vtentis non potest esse prior, quia imposita completivè actum ipsius potētiæ executivæ; vel causæ, quia voluntas vtitur; licet enim usus activè sit in voluntate, tamen passivè, & completivè est in potentia, vel causa exequente, unde videtur illa intelligatur passivè mota, & applicata, & agens vt mota non intelligitur usus cōiunctatè, & cōplere talis, licet activè, & inchoativè sit actus voluntatis indistinctus ab electione vt efficaci, & sua efficacia applicante, & movēte per imperium rationis potentiam, vel causam executivam.

60. Supponendum est quartò, quod sicut usus communiter dictus incipit ex quo volūtas per intentionem finis applicat, & movet intellectum ad inquirenda, & consulenda media, & se ipsam ad ea eligenda, & sic sumptus usus præcedit electionē; ita imperium communiter dictum incipit, ex quo intellectus efficacia participata ab intentione finis dirigit, & imperat voluntati electionē mediorum; iudicium enim consulens media eligenda, licet sit indifferens ad hoc vel illud mediū eligendum, quando scilicet occurrunt plura media proportionata fini; tamen semper est efficax in vi intentionis ad eligendum sive hoc, sive illud, quia perseverante intentione efficaci finis, ratio movet cum efficacia ad eligendum, & ratio movens cum efficacia ad eligendum est imperium dictans cū efficacia eligenda esse media fini proportionata; & hoc imperium præcedit electionem; sed non est imperium strictè, & specialiter tale, sed solum cōmuniter, quia non est de executione, nec erga potētiā executivā hic, & nunc in singulari, sed solum ad eligendum in exercitio media proportionata fini pro tempore convenienti exequenda. Ex qua doctrina, quæ est expressa D. Thom. ubi supra.

61. Ad argumentum factum, dico, quod imperium non est necessariū, nec ad movendū præcedē,

quod specificationem, nec ad movendum præcise quoad exercitium; est tamen necessarium ad movendum simul quoad specificationem, & exercitium, & ratio est, quia nec voluntas potest movere quoad exercitium cæco modo, & sine directione, nec intellectus quoad specificationem, nisi cum aliqua efficacia. Vnde inter intellectum, & voluntatem est talis mutua communicatio, quod voluntas participat ab intellectu directionem, & ordinationem ad certum finem, & certa media, & intellectus participat à voluntate efficaciam ad exercitium; ac proinde supposita intentione efficacis finis, ut intellectus moveatur cum efficacia ad electionem mediorum, indiget participare efficaciam ex intentione præsupposita voluntatis, & ut voluntas moveatur directe, & ordinare ad electionem mediorum, indiget consilio, & iudicio intellectus, ita ut intellectus ex proprio moveatur quoad specificationem, sed ex participatione voluntatis moveatur ad exercitium specificationis, & voluntas per se, & ex proprio moveatur quoad exercitium, sed ex participatione intellectus moveatur, non ad exercitium vagum, & incertum, & inordinatum, aut indeterminatum, sed ordinatum, & determinatum, ad exercitium certe speciei, & in ordine ad certum finem. Similiterque, supposita electione mediorum ad finem, intellectus ex participatione voluntatis, seu ex participata efficacia ab electione movetur efficaciter per imperium potentiam executivam; & voluntas etiam ex vi electionis, & ex participata directione, & ordinatione intellectus, movetur ordinatum, & directe potentiam executivam ad certa media, & ad certum finem. Ita ut directio, & ordinatio intellectus ad certa media, & ad certum finem cum efficacia, & motione participata ab electione, & intentione, sit imperium practicum; motio autem efficax voluntatis, qua movetur potentiam executivam ad opus cum ordinatione, & directione intellectus, est usus activus. Ita videlicet, ut usus activus directus, & ordinatus ad talia media, & ad talem finem importet in recto motionem, & efficaciam propriam voluntatis, & de connotato ordinationem, & directionem participatam ab intellectu; imperium vero efficax ad executionem illorum mediorum importat in recto ordinationem, & directionem propriam intellectus, & in obliquo, aut de connotato efficaciam, seu motionem participatam ex intentione, & electione voluntatis præsupposita. Vnde ad actualem executionem utrumque requiritur, nempe, & usus activus in voluntate, & imperium in intellectu, quia requiritur, & quod voluntas moveatur efficaciter cum directione, & ordinatione potentiam executivam, & quod intellectus dirigat, & ordinet cum efficacia, & motione potentie executivæ, quid agendum sit.

62 Ex quo ad confirmationem, distinguo antecedens: Non requiritur imperium strictè, &

specialiter tale, concedo: Imperium communiter dictum pro directione cum efficacia, & motione, negò antecedens; quia licet satis sit ex parte intellectus, & ex parte actus primi ad electionem iudicium proponens media ut eligibilia, requiritur tamen ex parte actus secundi, quod ex intentione finis participata efficacia, & motione directè intellectus eligenda esse media ad finem, & hoc dictamen, vel iudicium efficax ex intentione præsupposita est imperium communiter, & latè acceptum. Ad secundam confirmationem, concessio antecedenti, nego consequentiam, quia supposita electione efficaci certorum mediorum, ipsa electio efficax per se urget, & trahit intellectum, ut ordinet, & imperet executionem illorum mediorum; ad quod intellectus de se sufficiens est, cum ex se sit directivus, & ordinativus; at ut voluntas moveatur potentiam executivam, eget imperio ordinante, & dirigente cum efficacia, quia nec voluntas, nec potentia executiva de se directiva, nec ordinativa est, sed cæca. Ad tertiam, concessio antecedenti, distinguo consequens: Ergo inter electionem, & usum activum non mediat imperium supponens electionem, & imperans usum activum, nec cum usu activo, executionem mediorum, nego: Imperans directè ipsum usum activum voluntatis, concedo; quia, ut iam ostendimus, imperiatur executionis mediorum non imperat directè voluntati usum activum, sed medio usu activo, seu cum usu activo voluntatis, hoc est cum motione, & efficacia participata à voluntate ex electione efficaci, imperat potentie executivæ usum passivum, seu executionem ipsam mediorum. Videantur notabilia præmissa.

63 Denique obijciunt, quia præfatum imperium tollit de medio voluntatis libertatem: Ergo non debet admitti. Probat antecedens; quia voluntas non potest impedire imperium; nec eo supposito potest omittere actum imperatum: Ergo non manet libera ad actum imperatum: Ergo destruitur eius libertas. Respondeo, negando antecedens, ad cuius probationem, nego antecedens quoad primam partem, quia voluntas ea ipsa potestate, qua potest non intendere finem, quem intendit efficaciter, potest impedire ne intellectus imperet electionem mediorum ad illum finem, & ea ipsa libertate, qua potest non eligere tale medium, sed aliud, potest impedire ne intellectus imperet executionem illius mediij, sed alterius, & sic de alijs.

64 Sed dices: Vel intentio finis est imperata, vel non? Si est imperata: Ergo non potest voluntas illam omittere, & sic nec poterit impedire imperium electionis ex illa secutum. Si non est imperata: Ergo potest voluntas finem intendere absque imperio præsupposito: Ergo & velle media absque imperio præsupposito. Explicatur: Quia vel omnis actus voluntatis pendet ab im-

perio præsupposito; vel non? Si omnis actus voluntatis penderet ab imperio præsupposito, cum alias etiam imperium supponat actum voluntatis, erit procedere in infinitum. Si non omnis actus voluntatis penderet ab imperio præsupposito: Ergo nullus, quia non est maior ratio vnius, quam alterius. Respondeo, quod si intentio finis est finis intermedii, voluit nempe ex alio fine prævolito, eger imperio rationis mediante inter primam intentionem ultimi finis, & secundum finis intermedii, quia tunc intentio finis intermedii est electio mediæ comparativè ad primam intentionem ultimi finis. Sed si intentio est prima erga finem ultimum, eger quidem imperio, sed non imperio propriæ rationis deliberantis, sed vel ex instinctu naturæ, vel intellectus superioris, nempe divini imperantis illam primam intentionem, per quod divinum imperium non tollitur libertas ipsius intentionis, quia non tollitur indifferentia, tam subiectiva, quam obiectiva proprii intellectus, & propriæ voluntatis intra ordinem causæ secundæ, in qua adequatè consistat libertas creata subordinata imperio divino; nec enim alia libertas salvari debet præter istam, nec aliam Deus creaturæ suæ contulit, nec conferre potest.

65 Ex quo ad confirmationem, dico D. Th. id ipsum sibi obicisse 1.2. quæst. 17. artic. 5. ubi tertium argumentum sic proponit: *Si aliquis actus voluntatis imperatur, pari ratione omnis imperabitur: Sed si omnes imperantur, necesse est in infinitum procedere, quia actus voluntatis præcedit semper actum imperantis rationis.* &c. Non ergo actus voluntatis imperatur. Respondet autem, dicendum, quod cum imperium sit actus rationis, ille actus imperatur, qui rationi subditur. Primus autem actus voluntatis ex rationis ordinatione non est, sed ex instinctu naturæ, aut superioris causæ, ut supra dictum est, & ideo non oportet in infinitum procedere. Nec est maior, alia, vè difficultas in conciliando imperio isto primò, & divino cum libertate creata, quam in ea concilianda cum dominio, & decreto divino per se efficaci.

66 Vt autem plura, quæ contra præfatum imperium obijci solent ex capite libertatis, faciliè solvas, advertere licet, quod libertas non solum exercetur per voluntatem, sed etiam per intellectum; quia libertas exercetur dum agens intellectualem, se determinat exercitè ad unum præ aliis; in hoc autem semper involvitur duplex determinatio, una quantum ad speciem actus, alia quantum ad exercitum talis speciei; & cum determinatio quantum ad speciem sit propria intellectus, quantum vero ad exercitum speciei sit propria voluntatis, intellectus nequit, quod agens rationale se determinet, nisi interveniente actu intellectus, & voluntatis. Advertendum est secundò, quod in-

ter intellectum, & voluntatem est talis mutua communicatio, & participatio, quod intellectus intelligit sibi, & voluntati, & voluntas vult sibi, & intellectui; quia unaquaque ex his potentij participat alteri, quod de proprio habet, vnde potest dici quod intellectus ex participatione voluntatis, aut per voluntatem determinat liberè ad exercitum actus, & quod voluntas ex participatione intellectus, aut per intellectum determinat etiam ad speciem actus; & sic similiter dici etiam potest, quod intellectus efficaciter movet, quia licet per se, & ex proprio nò habeat intellectus efficaciam, illam habet ex voluntate, & per voluntatem; & item dici potest, quod voluntas ordinatè imperat sibi, & alijs potentij, quia licet per se, & ex proprio voluntas non habeat imperare, nec ordinare, id tamen habet per intellectum, & ex participatione illius. Et ideo sæpè invenitur in D. Thom. & alijs Theologis, quod voluntas per unum actum imperat alium, & inter actus voluntatis aliquos esse imperantes, & alios imperatos, & quod charitas imperat alijs virtutibus moralibus; quod cum legeris, non indices oppositum esse precedenti doctrinæ, in qua dicimus imperium esse actum proprium intellectus; quia cum hoc componitur, quod ex participatione intellectus, & per intellectum dicatur etiam de voluntate. Vnde cum dicitur quod voluntas imperat sibi, aut alijs potentij, sensus esse debet, quod per intellectum sibi subordinatum quoad exercitum imperat sibi, & alijs, non per se, & ex proprio.

67 Ex quo patet solutio ad sequentem obiectionem, communem, & vulgarem, quia illi soli convenit imperari, cui convenit intelligere imperium: Sed nec voluntas, nec potentia executiva, nec causa subordinata intelligit imperium intellectus. Ergo nec intellectus imperat voluntati, nec potentia executivæ, nec causis subordinatis. Respondet D. Thom. 1.2. quæst. 17. artic. 5. ad 2. *Dicendum, quod sicut in membris corporibus quodlibet membrum operatur, non sibi soli, sed toti corpori, ut oculus videt toti corpori, ita etiam est in potentij anime; nam intellectus intelligit, non solum sibi, sed omnibus potentij, & voluntas vult non solum sibi, sed omnibus potentij, & ideo homo imperat sibi ipsi actum voluntatis, in quantum est intelligens, & volens, & similiter alijs potentij.*

68 Ex dictis demum colliges, sic esse in mundo maiori, sive in universo voluntatem divinam, & intellectum divinum, sicut in microcosmo, hoc est in mudo minori, qui homo dicitur, voluntas, & intellectus creatus; quia sicut in homine intellectus habet potetiam propriam intellectus, & voluntati subordinatas, quas movet, & quibus imperat pro suo dominio monastico; ita voluntas divina, & divinus intellectus in universo habet, non qui-



quidem potencias proprias sibi subiectas aut subordinatas, sed causas secundas, sive instrumentales, sive principales, omnes tamen sibi subiectas, & subordinatas, multo magis quam nobis subordinantur nostræ potentiz; & ideo, licet divina voluntas non moveat potencias aliquas proprias, nec intellectus divinus propriè imperet proprijs potentijs, tamen divina voluntas propriè movet causas secundas, & intellectus divinus propriè imperat eis suos actus, cui motioni, & imperio monarchico immediatè nemo resistit, nec resistere potest. Habet autem imperium divinum, & divina voluntas in suo monarchico dominio hanc excellentiam ad nostrum dominium monasticum; quod nos imperare non possumus nostris potentijs ut sint, aut fiant, sed debent supponi existentes, ut illis possit intellectus noster imperare quod operaretur, aut nostra voluntas eas movere ad operandum; sed divinus intellectus imperat etiam rebus, & creaturis, ut fiant, & ut sint, & voluntas divina facit eas esse, & fieri imperio, & dominio monarchico, & supremo.

#### QUESTIO IV.

##### *IN QVO EX PRÆDICTIS actibus consistat essentialiter prædestinatio?*

**D**ifficultas ista, esse Caietano, superpositis præmissis in præcedenti, magis de nomine, quam de re est, verumtamen, ut conformius ad mentem Div. Thom. loquamur.

2 Dico primò: *Prædestinatio secundum propriam essentiam, qua nomine prædestinationis significatur, non consistit in actu voluntatis pro recto, sed in actu intellectus practici connotato, vel supposito actu voluntatis.* Ita D. Thom. *quest. 6. de Veritat. artic. 1. in corpor.* ubi sic ait: *Vnde sicut de providentia dictum est, quod consistit in actu rationis, sic & prudentia cuius est pars, eo quod solius rationis est dirigere, vel ordinare, ita etiam prædestinatio in actu rationis consistit dirigentis, vel ordinantis in finem, sed ad directionem in finem præ exigitur voluntas finis.* Ex in hac 1. part. *quest. 23. artic. 1. in corpor.* sic ait: *Vnde ratio prædictæ transmissionis creature rationalis in finem vite æternæ prædestinatio nominatur. Id ipsum lapsimè repetit ubique de providentia, & prædestinatione differit, semper illam collocans in actu intellectus practici, seu rationis practice, præsupposito, seu connotato actu voluntatis.*

3 Deinde probatur ex August. *lib. de Domino Perseverantia, cap. 14.* ubi prædestinationem definit, quod est *præscientia, & præparatio be-*

*neficienti, &c.* Sed hæc præscientia est actus intellectus: Ergo in actu intellectus consistit. Si vero dicas, quod licet præscientia sit actus intellectus, præparatio tamen est actus voluntatis: Ergo si prædestinatio est præscientia, & præparatio, consistit simul in actu intellectus, & voluntatis. Respondet D. Thom. in hac 1. part. *quest. 23. artic. 2. ad 3.* his verbis: *Dicendum, quod est duplex præparatio: quædam patientis ut patiar, & hæc est in preparato; quædam agentis ut agat, & hæc est in agente, & talis præparatio est prædestinatio prout agens per intellectum dicitur se preparare ad agendum, in quantum præconcepit rationem operis faciendi.* Ecce ubi D. Thom. ipsam præparationem, in qua iuxta August. consistit prædestinatio, ad intellectum pertinere affirmat, in quantum præconcepit rationem operis faciendi. Quin & ipse August. ubi *supr. cap. 17.* sic ait: *Nam in sua, qua falli non potest, præscientia, opera sua futura disponere, id omnino, nec aliud quidquam est prædestinare.* Ergo iuxta Augustinum, & D. Thom. præparatio, in qua prædestinatio consistit, est actus intellectus, seu rationis practice disponentis ordinem, & modum rei faciendæ.

4 Deinde probatur ratione, quia prædestinatio est providentia specialis: Sed providentia consistit in actu intellectus, seu rationis practice: Ergo & prædestinatio. Minor probatur primò ex Boetio *lib. 4. de Consolat.* ubi ait: *Providentia est ipsa divina ratio in summo omnium principe constituta, qua cuncta disponit.* Ergo consistit in actu rationis practice. Secundo, quia providentia est pars prudentiæ: Sed prudentia consistit in actu intellectus practici: Ergo & providentia. Confirmatur, quia prædestinatio essentialiter est ordinatio, & directio creature rationalis in finem vite æternæ, ut ex *supr. dictis* constat: Sed ordinare essentialiter pertinet ad intellectum practicum, estque actus rationis practice, non voluntatis: Ergo & prædestinatio. Probatur minor, primò ex D. Thom. in hac 1. part. *quest. 22. artic. 1. in corpor. & quest. 5. de Veritat. artic. 1. ad 4. & quest. 6. de Veritat. artic. 1. in corpor. & 22. quest. 83. artic. 1. & quest. 88. artic. 1.* & pluribus alijs in locis, ubi semper munus ordinandi media ad finem attribuit intellectui, vel rationi practice. Secundo à ratione, quia sapientis est ordinare, ut inquit Philosoph. 2. *Metaphysica, cap. 2.* Sed sapiens est sapiens per intellectum: Ergo ad intellectum pertinet ordinare. Tertiò, quia ordinare est vnum conferre cum alio: Sed collatio vnius cum alio spectat ad intellectum practicum, sicut illatio vnius ex alio ad voluntatem: Ergo & ordinare vnum ad aliud. Quartò, quia ordinatio partium inter se, v.g. ordinatio lapidum in domo, ordinatio militum in exercitu, ordinatio vocum in musica, rotarum in ho-

horologio, & alia huiusmodi spectat ad artem, & consequenter est actus intellectus: Ergo ordinatio rerum, aut mediorum ad finem etiam spectat ad intellectum, & est actus intellectus. Quinto, quia ordinare res in finem est illas dirigere: Sed directio est actus intellectus: Ergo & ordinatio. Denique, quia licet voluntas ordinatæ velit, ipsa tamen non ordinat obiecta volita, sed ordinata ab intellectu prosequitur, unde ideo ipsa ordinatæ vult, quia vult iuxta ordinem præscriptum ab intellectu, ita ut si intellectus sine debito ordine obiecta proponat, seu indebitè ordinata, voluntas inordinatè ea vult: Ergo ordinare obiecta ad finem non est actus voluntatis, sed intellectus.

5 Dices, quod ordinare res in finem purè obiectivè proponendo obiecta cum ordine pertinet ad intellectum; sed in hac præcisa ordinatione non potest consilire prædestinatio, quia adhuc si voluntas divina non velit, aut non approbet ordinem propositum ab intellectu, prædestinatio non erit: Requiritur ergo ultra illam ordinationem rationis, quod voluntas velit in exercitio, & efficaciter illa obiecta ordinare executivè; hoc autem in actu voluntatis consistit. Sed contra est, primò, quia licet ordinatio quasi speculativa obiectuum in aliquem finem, quæ potius est ordinabilitas concepta, quam ordinatio, ex se inefficax sit, & consequenter non sit prædestinatio, tamen supposita intentione efficaci finis, & ex vi illius, si intellectus ordinet media quibus finis assequendus est, ea ordinatio iam est efficax ex actu præsupposito voluntatis; & consequenter infrustrabilis: Sed nihil amplius requiritur ad prædestinationem, nisi quod sit ordinatio efficax, & infrustrabilis electi ad finem per certa media: Ergo supposito actu voluntatis erga finem, in ordinatione subsequuta consistit essentialiter prædestinatio. Itaque nostrum intentum non est, quod prædestinatio consistat in sola ordinatione quasi speculativa, & inefficaci, quæ intellectus divinus per scientiam simplicis intelligentiæ cognoscit hominem esse sic, vel sic, per hæc, vel per alia media ordinabilem in finem vite æternæ, quia hæc ordinatio est purè signata, & possibilis, & compatitur, quin Deus hominem illum prædestinet, ut rectè probat argumentum; sed solum intendimus, ordinationem efficacem, & exercitam, quæ intellectus divinus ex intentione efficaci salvandi talem hominem, disponit, & ordinat efficaciter omnia media, per quæ salvandus sit, & perventurus in vitam æternam; huiusmodi autem ordinatio exercita, & efficax, ac libera, in recto est actus intellectus practici in actu secundo, licet præsuppositivè, & participativè, seu de connotato sit actus voluntatis, quod non negamus.

6 Sed adhuc dices: Supposita intentione efficaci finis, ex vi illius, licet determinetur effi-

caciter finis, non tamen determinatur exercitè, & efficaciter media, per quæ consequendus sit talis finis: Aliunde per solum intellectum non possunt determinari efficaciter media ad talem finem, quia intellectus, adhuc supposita intentione efficaci finis, non habet aliam efficaciam, nec maiorem, quam sit efficacia intentionis præsuppositæ: Ergo adhuc supposita intentione efficaci finis, intellectus per suum actum non ordinat efficaciter media, per quæ finis consequendus sit. Explicatur, quia supposita intentione efficaci finis vagè consequibilis, vel per hæc, vel per alia media, immediate sequitur iudicium rationis consulens de medijs, per quæ finis consequendus sit: Sed hoc iudicium non potest determinare efficaciter media, per quæ finis consequendus sit, ex efficacia solius intentionis præsuppositæ: Ergo nec in hoc iudicio, seu actu intellectus practici, præsupposita intentione efficaci finis, potest consistere prædestinatio certorum mediorum. Probat minor, primò, quia illud iudicium non potest habere aliam efficaciam, nisi quam participat ex intentione præsupposita: Sed intentio præsupposita non habet efficaciam ad hæc media præ alijs, sed solum vagè ad eligenda media ad talem finem: Ergo nec iudicium subsequentum ad eam intentionem proponens certa, & determinata media potest habere efficaciam ad ipsa, sed solum potest ea proponere cum indifferentia. Secundo, & urgentius, quia licet supposita intentione efficaci finis, & iudicio proponente, & consulente media, per quæ talis finis potest consequi, necessitetur consequenter voluntas ex vi intentionis ad actu eligenda media hæc, vel illa, non tamen ad hæc eligenda determinatè præ illis, quia intentio efficax finis vagè consequibilis per hæc, vel per illa media, de se non determinat efficaciter ad hæc eligenda præ illis, sed ad eligenda hæc vel illa; alias voluntas ea intentione, & iudicio rationis præsupposito, non eligeret liberè hæc media præ illis, imò nec eligeret, quia non est electio, quando non supponitur indifferentia, sed determinatio efficax mediorum ad finem: Ergo adhuc supposita intentione efficaci finis, iudicium rationis practicum de medijs non determinat efficaciter media, per quæ finis consequendus sit: Ergo nec est propriè prædestinatio; sed requiritur quod voluntas eligendo media certa, & determinata compleat determinationem, & ordinationem efficacem certorum mediorum: Ergo in hoc actu voluntatis constituenda est prædestinatio.

7 Hæc replica exigit, ut assignamus, quem actum voluntatis debeat connotare, vel supponere actus intellectus practici, ut dicatur prædestinatio. Itaque D. Thom. videtur solum exigere, quod actus intellectus supponat voluntatem finis, seu finis intentionem; unde *quest. 6. de Veritat. artic. 1. in corpor. 22.* quod prædestinatio in actu

*actu rationis consistit dirigentis, vel ordinantis in finem, sed ad directionem in finem. præcigitur voluntas finis.* Idemque reperit ad 1.2.4.5. & 8. Et in præsent. quæst. 22. artic. 1. in corpor. & ad 3. inquit, quod providentia est in intellectu, sed præsupponit voluntatem finis. Et 1. ad Anibal. distinct. 39. quæst. 2. artic. 1. in corpor. ait: Sic ergo providentia ad cognitionem quidem essentialiter pertinet; sed voluntatem finis, quasi principium præsupponit. Nunquam autem invenietur, quod D. Thom. dicat, prædestinationem, aut providentiam supponere voluntatē, aut electionem mediorum. Et hinc oritur difficultas, an solum præsupponere debeat intentionem finis, an etiam electionem mediorum? Circa quam Illust. Godoy in præsent. disputat. 60. num. 9. sctit, supponere etiam electionem mediorum, quod probare conatur ex D. Thom. quæst. 6. de Veritat. artic. 1. dicente, quod *sicut prudens non ordinat in finem, nisi in quantum est iustus, vel temperatus, ita Deus non prædestinat, nisi in quantum est diligens.* Verumtamen ex hoc textu nihil probatur, quia D. Thom. ibidem, ait, quod dilectio prædestinandi supponitur ad electionem illius, & cum electio illius ad gloriam, præsupponatur etiam ad ipsam prædestinationē, & ad electionem mediorum, ex quo prædestinatio supponat dilectionem prædestinandi, minimè sequitur, quod supponat electionem mediorum, per quæ gloriam adepturus sit.

8 Vnde dicendum cenfeo, quod licet D. Thom. solum dixerit, quod providentia, & prædestinatio supponit, voluntatem finis, intelligendum est, quod supponit voluntatem finis vt consequendi, non præcisè vagè, & indifferenter per hæc, aut illa media, sed voluntatem finis vt consequendi per certa, & determinata media, in quo importatur etiam electio mediorum, & sic supponere etiam electionem mediorum; & ratio est, quia licet iudicium regulaus electionem mediorum, sit per quod præcipue ordinat media, tamen illud iudicium non habet rationem providentiæ, nec prædestinationis, nisi vt acceptum, & approbatum per voluntatem eligentem ea media, seu eam seriem, & ordinem mediorum, quo pacto iam est scientia mediorum, non solum simplicis intelligentiæ, sed scientia approbationis illorum, non solum practica quasi in actu primo, sed practica iam in actu secundo per approbationē voluntatis, non solum de medijs vt possibilijs, & eligibilijs, & vtilibz, sed de medijs vt futuris, electis, & vtendis ad finem; & hoc pacto, iudicium, quod ante electionem mediorum solum erat consilium intellectus, vt approbatum per voluntatem iam est consilium voluntatis, & efficax ordinatio mediorum certorum, absque omni indifferencia. Sicut enim *Disputat. 5. quæst. 3. num. 8. & 17.* explicavimus, quod *scientia Dei est causa rerum*

*mediante proposito divina voluntatis*, quia scientia Dei, quæ ante propositum divine voluntatis est solum simplicis intelligentiæ de rebus vt possibilibz, practica quasi in actu primo, per propositum voluntatis fit iam scientia approbationis, & de rebus vt futuris, practica in actu secundo, & causa rerum in actu secundo; ita nunc dicimus, quod iudicium ordinans seriem mediorum ad finem prædestinationis, pro priori ad electionem illorum mediorum est scientia mediorum eligibilium, & putè consilium intellectus indifferenter proponens ea media; sed semel acceptum, & approbatum per voluntatem eligentem ea media præ alijs, iam est consilium etiam voluntatis, scientia approbationis, & ordinatio efficax mediorum certorum, & consequenter prædestinatio. Ex quo.

9 Ad replicam, concessa maiori, & minori, distinguo consequens: Ergo adhuc supposita intentione efficaci finis, intellectus per sumum actum vt approbatum, & acceptatum a voluntate, non ordinat efficaciter media, per quæ finis consequendus sit, nego consequentiam: Per sumum actum independentem ab approbatione voluntatis, transeat consequens; quia solum intendimus, quod prædestinatio consistat in ordinatione mediorum approbata per electionem voluntatis, & efficaci in vi voluntatis approbantis, & eligentis. Ad explicationem concessa maiori, distinguo minorem: Hoc iudicium non potest determinare efficaciter media vt approbatum a voluntate per illotum electionem, nego maiorem; pro priori ad approbationem, seu electionem voluntatis, concedo minorem. Ad cuius probationem, distinguo maiorem: Illud iudicium non potest habere aliam efficaciam antecedentem, nisi quæ participat ex intentione præsupposita, concedo; Aliam efficaciam consequentem, nego maiorem; vel distinguo vt supra: Illud iudicium secundum se, transeat: Illud iudicium vt approbatum per voluntatem eligentem media, quæ proponit, nego maiorem, & omissa minori, consequentiam in sensu negato; itaque illud iudicium, seu consilium mediorum ad finem præintantum, est libere approbabile, & acceptabile a voluntate, ita vt voluntas possit, adhuc supposita intentione efficaci finis, ea media non acceptare, nec eligere, nec illud consilium sequi, sed aliud de alia serie mediorum ad eundem finem; sed nihilominus hoc non tollit, quod semel approbatum per electionem voluntatis habeat consequenter efficaciam determinatam ad illam seriem mediorum, quia licet efficacia intentionis pro priori ad consilium, & iudicium de medijs approbatum sit, efficacia solum vaga ad hæc vel illa media, tamen per iudicium, & consilium de his medijs determinatis approbatum per voluntatem, iam est efficacia determinata ad hanc seriem mediorum præ alia, & consequenter

illud iudicium, & consilium iam est imperium efficax, & ordinatio efficax certorum mediorum, & consequenter prædestinatio.

10 Ad secundam explicationem, concessio antecedenti, quod bene ibi probatur, distinguo consequens: Ergo adhuc supposita intentione efficax finis, iudicium rationis prædictum de medijs ante approbationem voluntatis nõ determinat efficaciter media, concedo: Vt approbatum per voluntatem, nego consequentiam. Et cum iussit: Ergo non est propriè prædestinatio ante approbationem voluntatis, concedo: Vt approbatum per electionem voluntatis, nego consequentiam; quia semper requiritur ad prædestinationem, quod iudicium practicum de serie determinata mediorum approbatur per electionem voluntatis, & solum intendimus, quod illud iudicium, ut approbatum per voluntatem, sit efficax, & determinata ordinatio mediorum, & consequenter prædestinatio hominis ad gloriam. Sed quia illa acceptatio voluntatis propriè non est ordinatio, sed acceptatio, & quasi consensus ordinationis consiliata, & iudicatur ab intellectu, & tota ratio ordinationis pro recto ad intellectum spectat, ideo prædestinationem pro recto constituimus in actu intellectus, licet connotato actu voluntatis approbantis. Et hinc colligitur profunditas illius sententiæ Apostoli dicentis ad Ephes. 1. quod *Deus operatur omnia secundum consilium voluntatis suæ*, vocat enim *consilium voluntatis suæ*, quia licet consilium per se sit actus intellectus consentiens media ad finem, opus est, ut Deus secundum illud operetur, quod sit approbatum à voluntate, & approbative sit voluntatis, & ideo illud vocat consilium voluntatis, quo pacto iam de consilio transit ad imperium, & redditur ordinatio efficax mediorum, practicaque non solum in actu primo, sed etiam in actu secundo, vocaturque iam scientia approbationis de medijs certo, & infallibiliter futuris, & quibus certo, & infallibiliter obtinendus est finis. Ex quo.

## SECUNDA CONCLUSIO.

11 **D**ico secundò: *Prædestinatio formaliter consistit in iudicio practico intellectus divini ordinante efficaciter totam seriem mediorum ad finem vite æternæ, in vi electionis ipsorum, & consequenter ad illam; quo pacto imperium est propriè tale.* Probatum primo ex D. Tho. in hac 1. part. quæst. 22. art. 1. ad 2. ubi sic ait: *Præcipere de ordinandis in finem competit Deo, & secundum hoc ei convenit ratio prudentiæ, & providentiæ.* Et quæst. 23. artic. 4. in corpore, ait: *Providentiæ est ratio in intellectu existens præceptiva ordinationis aliorum in finem.* Ex quo sic arguitur: Solum iudicium intellectus divini efficaciter in vi electionis mediorum ordinans totam seriem mediorum ad finem vite

æternæ est iudicium propriè præcipiens, & imperans ordinationem mediorum: Sed iuxta D. Tho. providentiæ, & consequenter prædestinatio, quæ specialis providentiæ est, consistit in actu præcipiente ordinationem mediorum ad finem: Ergo consistit in prædicto iudicio practico intellectus divini ordinante efficaciter totam seriem mediorum. Minor probatur, quia in primis iudicium intellectus divini proponens finem vite æternæ, aut gloriæ, & regulas electionem hominis ad gloriam, quam vocamus intentionem conferendi illi gloriam, nõ est per se præcipiens ordinationem mediorum, nec prædestinatio; tum quia illud iudicium pro priori ad electionem hominis ad gloriam est indifferens ut Deus eligat ipsum, vel non ad gloriam, & consequenter ut illum prædestinat, vel non: Tum quia illud iudicium ut proponens finem per se non ordinat, nec dicitur media, sed solum finem. Deinde nec supposita intentione dandi gloriam, iudicium proponens indifferenter hæc, vel illa media ut eligibilia, potest dici præcipiens, aut imperans ordinationem mediorum, quia pro priori ad electionem horum præ illis, non determinat, nec ordinat efficaciter certa media, nec certam seriem mediorum, & consequenter nec præcipit ordinationem mediorum in finem: Solum ergo in vi electionis mediorum, & consequenter ad illam est præceptum, & imperium efficax certæ ordinationis, & seriei mediorum, quibus infallibiliter consequenda est beatitudo: Ergo solum iudicium intellectus divini practicum in actu secundo, & efficax in vi electionis mediorum ordinans totam seriem mediorum est imperium, & præceptum propriè tale de ordinatione mediorum in finem.

12 Deinde probatur ratione desumpta ex dictis; quia ad prædestinationem solum concurrunt ex parte intellectus divini, in primis scientia simplicis intelligentiæ proponens finem gloriæ, aut vite æternæ, ut consequibilem; & in hac certam est apud omnes nõ consistere prædestinationem: Deinde concurrat iudicium, quo supposita intentione finis, intellectus divinus dicitur eligenda esse media, aut proponit media eligibilia cum indifferentiâ ad præfatum finem; & nec in hoc iudicio ut præcedente electionem mediorum potest consistere prædestinatio; quia pro priori ad electionem non ordinat certa media, seu hæc potius quam illa efficaciter, sed solum cum indifferentiâ; prædestinatio autem importat essentialiter ordinationem certam, & determinatam certorum mediorum absque indifferentiâ: Sed vitæ hæc solum restat iudicium in vi electionis efficaciter ordinans media certa, & determinata, seu certam, & determinatam seriem mediorum, quibus consequenda sit infallibiliter vita æterna: Ergo in hoc iudicio, & non in alio consistit essentialiter prædestinatio: Hoc autem iudicium iam est imperium efficax efficaciter dicens, & imperans ordi-

nationem, & seriem ætatorum mediorum: Ergo in hoc imperio consistit essentia prædestinationis.

**SOLVUNTUR OBIECTA CONTRA DNAS CONCLUSIONES PRÆCEDENTES.**

13 **O**bjicies primò contra primam conclusionem, ex Damasceno, lib. 2. *Orthodox. Fidei, cap. 29.* ubi ait: *Providentia est voluntas Dei, per quam omnia, que sunt, convenientem deductionem suscipiunt.* Item ex Aug. lib. de Prædest. SS. ubi vocat prædestinationem propositum miserendi, qui sanè est actus voluntatis: Ergo prædestinatio in actu voluntatis divine consistit. Confirmatur ex D. Th. *opusc. de prædest. cap. 1.* ubi ait, quod licet prædestinatio importet voluntatem divinam ut efficientem, scientiam ut dirigentem, & potentiam ut exequentem, tamen principalis est in genere voluntatis. Et ibi referens, varias Augusti. de prædestinatione definitiones, concludit. *Tertio eam definit, per id, quod respicit voluntatem, & propriissimè in lib. de Prædest. SS. prædestinatio est propositum miserendi.* Ac demum in 1. sent. dist. 4. q. 1. art. 2. ad 1. sic ait: *Prædestinatio autem dicitur actum voluntatis absolute, quod consequitur ordinem istum, scilicet, quem dicit electio, electio enim divina est, qua aliqui ex ordine sue sapientie ordinantur in finem beatitudinis; sed prædestinatio est secundum quod preparantur eis ea, qua perducunt in finem, & ideo sic voluntas ordinans in finem præcedit actum voluntatis preparantis ea, qua ducunt in finem, ita electio prædestinationem præcedit.* Ergo iuxta Div. Thom. prædestinatio consistit in actu voluntatis, & non præcisè in actu intellectus.

14 Respondet, quod mentem Damasceni, & Augustini explicat D. Th. *quest. 5. de Veritat. art. 1. ad 1. & quest. 6. art. 1. ad 1.* ubi ait, quod quia in actibus animæ præcedens virtualiter in subsequenti continetur, & intellectus, voluntasque mutuo sibi invicem communicant, & participant proprios modos, ut suprà explicavimus *quest. præcedent. num. 65.* ideo Damascenus providentiam explicavit per voluntatem, & Augustinus prædestinationem per propositum miserendi, quod intelligi debet de voluntate per intellectum ordinante media, seu deductionem convenientem ad finem, & de proposito miserendi ordinante media per actum prædicum intellectus; ita, ut voluntas Dei, in quantum per intellectum divinum ordinat efficaciter media, denominatur providentia; & propositum miserendi in quantum medio actu, vel imperio intellectus ordinat media ad salutem infallibiliter obtinendam, dicatur prædestinatio; sed non formaliter ex quo est actus voluntatis efficax, sed formaliter, & es-

sentialiter ex actu intellectus, ratione cuius actus voluntatis habet ordinare media ad finem; sicut sæpè imperare attribuitur voluntati, quia illi convenit medio actu intellectus, ad quem propriè, & per se pertinet imperium; ita similiter ordinare, providere, & prædestinare potest, & solet attribui voluntati, non ratione sui, sed ratione intellectus, & medio actu illius, ad quem ex proprijs pertinet ordinare, providere, & prædestinare, supposito actu voluntatis moventis efficaciter.

15 Ex quo ad confirmationem, in primis, negari potest quod illud opusculum sit D. Th. nam à plerisque reputatur alienum ab eius mente, propter plura, quæ parum alijs eius scriptis conformia continere videtur, unde in editione Romana tale opusculum non habetur. Sed quidquid de hoc sit, explicandum est D. Th. cum ibi, tum in loco adducto ex 1. sententia, sicut ipse D. Th. explicat Damascenum, & Augustinum, quia videlicet ibi D. Th. considerabat prædestinationem ea ratione, qua gratuita est, & efficax; quo pacto certè ad voluntatem magis spectat, quam ad intellectum, quia gratia, & liberalitas propria est voluntatis, & similiter efficacia; & ideo non facit comparationem inter actum intellectus prædici ordinantis, & actum voluntatis eligentis; sed solum comparat actum voluntatis eligentis aliquem ad gloriam, seu ordinantis absolute ipsum ad finem, cum actu voluntatis preparantis ea, quæ perdunt in finem; qua comparatione facta, certum est, quod prædestinatio non in primo actu voluntatis, sed in secundo collocanda est, quia prædestinatio supponere debet electionem hominis ad gloriam, & consistere in preparatione mediorum ad illam obtinendam; cæterum loquendo cum rigore de prædestinatione secundum propriam essentiam, & facta comparatione inter actum intellectus prædici ordinantis media ad finem, & actum voluntatis ea media eligentis, semper D. Th. asseruit, eam consistere in actu intellectus ordinante ea media, seu imperante seriem, & ordinem mediorum, licet præsupposito, vel connotato actu voluntatis eligentis. Unde cum ait, quod *prædestinatio nominat actum voluntatis eligentis ea, que sola gratuita voluntate conferuntur*, intelligendum est, de prædestinatione, qua formaliter est gratuita ratione voluntatis liberalis; vel quod nominat in obliquo actum voluntatis eligentis ea, non autem in recto. Er cum ait, quod *principalis est in genere voluntatis*, intelligendum est, sub ratione gratuitæ, & liberalis, & efficacia, non sub ratione essentiali prædicationis, & ordinationis. Et cum ait, quod *propriissimè est propositum miserendi*, intelligendum est, correlative ad providentiæ, quia à providentia distinguitur in eo, quod licet utraque sit ordinatio mediorum ad finem, prædestinatio est ordinatio cum proposito efficaci miserendi, secus providentiæ, quæ permittit ex se

carentiam æternæ miserationis, & sæpè non est secundum propositum miserationis æternæ. Non autem si fiat comparatio inter propositum, & ordinationem efficacem mediorum ex illo consequentiam, quia hac facta comparatione, proprius consistit in actu intellectus ordinante efficaciter totam seriem mediorum ad finem vite æternæ, quam in proposito. Et similiter cum in vicino testimonio inquit, quod *prædestinatio est secundum quod preparantur ea, quæ perducunt in finem*, facit comparationem duplicis voluntatis, primæ eligentis ad gloriam, secundæ eligendis, seu præparantis certam seriem mediorum, & hac facta comparatione, in hac secunda, potius quam in prima consistit prædestinationem; sed non negat quod facta comparatione actus intellectus ordinantis efficaciter media, & actus voluntatis ea eligentis, potius in actu intellectus, quam in actu voluntatis consistat, cum hoc expressè asseruerit, & ex professo, ubi suprà.

16 Obijciunt secundò, quia propterea constituimus prædestinationem in actu intellectus, quia intellectus ordinativus est; sed etiam voluntas ordinativa est, nam sæpè D. Thom. admittit voluntatem ordinare aliqua ad finem: Ergo etiam in actu voluntatis consistere debet. Confirmatur primò, quia habitus charitatis est in voluntate; & tamen ordinativus est, nam charitas dicitur forma virtutum in quantum cæteras virtutes ordinat ad finem charitatis; quod pluribus locis D. Thom. probari possit. Ergo & voluntas ordinativa est. Confirmatur secundò, quia charitas est virtus imperans alijs virtutibus inferioribus, ita ut actus virtutum moralium non dicantur meritorij, nisi procedant ex imperio charitatis: Sed charitas est virtus voluntatis: Ergo & voluntas imperativa est, seu potest imperare actus inferiores. Sed eo ipso potest prædestinare, quamvis prædestinatio in imperio consistat. Ergo. Respondet, distinguendo maiorem, seu causalem: Quia intellectus ordinativus est per se, & ex proprijs, concedo maiorem: Quia ordinativus ex participatione alterius, aut per aliam potentiam, nego maiorem; & distinguo minorem: Voluntas ordinativa est per se, & ex proprio munere voluntatis, nego: Ex participatione intellectus, seu per intellectum à se motum, concedo minorem; cuius probatio non obstat, quia quoticumque D. Thom. attribuit voluntati munus ordinandi, intelligendum est, eo sensu, ut voluntas ordinare aliqua dicatur, vel participative, participando ordinationem intellectus, & ordinatè volendo aliqua ordine ab intellectu participato, vel motivè per intellectum quatenus movet intellectum ut ordinet; sed non ita ut voluntas per se, & ex proprio munere habeat ordinare unum ad aliud.

17 Ex quo ad confirmationem, concessa maiori, distinguo minorem: Habitus charitatis

ordinativus est ex participatione intellectus, aut per intellectum à se motum, concedo: Ex proprio munere, & elicitive, nego minorem, quia cum charitas dicitur ordinare alias virtutes ad finem suum, debet intelligi, quod eas ordinet per intellectum à se motum, quatenus movet intellectum quoad exercitium, ut eas ordinet. Quia propter prudentiam, cuius proprium est ordinare obiecta moralium virtutum ad finem charitatis, subordinata est ipsi charitati, & à charitate ipsa movetur, ut sic ordinet, & ideo charitas ordinare dicitur, quia movet prudentiam per se, & formaliter ea ordinantem. Dicitur autem charitas, potius quam prudentia, forma virtutum moralium præsertim ad meritum; quia meritum virtutum moralium formaliter ex motivo, & fine desumitur, licet applicativè, ex ordinatione ad ipsum finem; charitas autem est, quæ per se apponit finem, & motivum, licet ordinatio ad ipsum ad prudentiam propriè, & per se pertineat. Ad secundam similiter dico, charitatem dici imperativam, seu imperare alias virtutes, non elicitive, & per se, aut ex proprio munere, sed motive, quatenus movet prudentiam infusam, & per illam ut à se motam, seu media illa ut formaliter per se, & elicitive imperante, charitas imperat, ita ut imperare sit proprius, & elicitus actus prudentiæ, sed ex motione charitatis.

18 Obijcies tertio contra secundam conclusionem, ex D. Thom. 2. 2. quæst. 49. artic. 6. ubi ait: *Dicendum, quod in recta ordinatione ad finem, qui includitur in ratione providentia, importatur relictio consilij, & iudicij, & præcepti, sine quibus recta ordinatio ad finem esse non potest*. Ergo iuxta D. Thom. providentia, & consequenter prædestinatio, non in solo imperio, sed etiam in iudicio, & consilio consistit. Confirmatur, quia providentia, ut sæpè asserit D. Thom. est pars prudentiæ: Sed si consisteret in imperio non pars prudentiæ, sed ipsa prudentia esset; quia prudentia in ipso imperio de agendis ad finem consistit. Ergo. Respondetur, sensum D. Thom. esse, quod in recta ordinatione ad finem importatur connexivè; aut præsuppositivè relictio consilij, & iudicij, non quod importetur formaliter constitutivè; nec aliud innuit ratio assignata à D. Thom. nempe *sine quibus recta ordinatio ad finem esse non potest*, ex quo solum probatur ea importare connexivè, aut præsuppositivè, eo sensu, quo quæst. 5. de Veritate, artic. 1. in corpor. ait, quod *in prudentia quodammodo includitur, & voluntas, quæ est de fine, & cognitio finis*, nempe præsuppositivè, & connexivè, nam aliter falsum esset. Ad confirmationem dico, quod providentia est pars prudentiæ, quatenus est quædam specialis prudentia; sicut prædestinatio est pars providentiæ, quatenus est quædam specialis providentia; unde sicut prædestinatio consistit in

imperio speciali ordinante efficaciter creaturam rationalem in finem vite æternæ, & providentia in imperio generali ordinante generatim, sed frustrabiliter, omnia ad suos fines, licet infrustrabiliter ad finem ultimum universalem; & in hoc distinguuntur, licet utraque consistat in imperio; ita providentia, & prudentia distinguuntur, licet utraque cōsistat in imperio, & illa est pars huius, quia prudentia nominat generaliter virtutem præceptivam agendorum ad finem; providentia autem est imperium, non quornlibet agendorum, sed mediorum exteriorum ad finem de futuro obtinendum, ad differentiam simplicis prudentiæ, quæ etiam circa proprias actiones versatur, easque regit, & ordinat impet; unde qui media externa præparat, & ordinat uti necessaria, ad aliquid de futuro faciendum, aut obtinendum, dicitur providus, & non solum prudens; at qui actiones suas regit, & ordinat, ut convenit de præsentis fini suo, dicitur prudens, sed non providus, quamvis utraque sit prudentia, & utraque in imperio formaliter consistat; unde prudentia, & providentia differunt tanquam universale, & particulare, generale, & speciale; quia prudentia ex se solum dicit esse præceptiva agendorum ad finem, sed providentia specialiter dicit esse præceptiva mediorum exteriorum ad finem de futuro obtinendum; & ideo dicitur pars specialis prudentiæ, licet sit etiam specialis prudentia.

19 Obijcies quartò: Iudicium subsequens electionem mediorum non potest esse causa ipsorum: Sed prædestinatio est causa mediorum: Ergo non potest consistere in iudicio de medijs ut subsequito ad illorum electionem, & consequenter, nec in imperio supponente talem electionem. Probatior maior, primò, quia ex vi electionis efficacis mediorum media constituuntur futura: Ergo iudicium subsequens electionem illa supponit iam futura: Ergo non potest esse causa illorum. Secundò: Quia illud iudicium est scientia visionis de medijs, cum illa supponat absolute futura in vi electionis: Sed scientia visionis de medijs non potest esse causa illorum, sed illa supponit: Ergo. Tertiò, quia si per impossibile ad electionem mediorum non sequeretur illud iudicium, aut imperium, nihilominus media existerent, cum electio illa sit ab intrinseco efficax ad ponenda media: Ergo iudicium illud non est præfissa causa mediorum. Respondeo, negando maiorem. Ad primam probationem, distinguo antecedens: Ex vi solius electionis efficacis mediorum media constituuntur adæquate, & complete futura, nego: Incomplete, & inadæquate, concedo. Vel aliter: Constituuntur futura dependenter ab imperio, & iudicio efficaci, concedo: Independentem ab illo, nego antecedens, & distinctio primo consequenti eodem modo, nego

ultimam consequentiam, quia licet electio sit efficax, & consequenter causa infallibilis mediorum, & ideo constituat media futura infallibiliter, tamen non constituit ea complete, & adæquate futura, nec futura independentem ab imperio, sed futura per imperium, & dependenter ab illo, inferendo nempe efficaciter imperium efficax illorum, seu iudicium prædictum in actu secundo, per quod consummatur, & complete fiunt futura, imò & existentia. Ad secundam, distinguo maiorem: Est scientia visionis prædicta, & factiva sui obiecti, concedo: Est scientia visionis purè speculativa, nego maiorem, & distincta minori eodem modo, nego consequentiam; quia in Deo scientia ipsa visionis de rebus, aut medijs ut pro posterioti existentibus est causa illorum, ut vidimus *Disputat. 5. quest. 3. O. 4.*

20 Ad tertiam, dico, quod in illo casu impossibili non sequeretur executio, nec existentia mediorum, quia licet electio esset efficax, eius tamen efficacia maneret indeterminata, cæca, vaga, que in actu secundo, seu in executione, quia esset efficacia sine iudicio, & sine intellectu illum dirigente in actu secundo, aut in executione, & ideo non posset inferre certa media. Sicut enim licet motus instrumenti ex se sit efficax ad artefactum ideatum, si tamen moveretur instrumentum sine iudicio, & imperio rationis, non posset sequi artefactum ideatum, aut intentum; ita licet electio mediorum sit ex se efficax ad media electa, si tamen in executione deficeret imperium, & iudicium rationis dirigens, non posset per se sequi media electa, sed ut ipsa certo, & determinate, ordinateque, & per se sequantur, requiritur iudicium dirigens, ordinansque in actu secundo, quod est imperium. Ex quo, ut tacite replicæ satis fiat, colliges, quod in eo casu impossibili homo sic electus sine iudicio, aut imperio, propriè non esset prædestinatus, quia nec prædestinatus, nec certo destinatus per certa media, cum absque iudicio dirigente, & ordinante hæc certitudo, aut certa ordinatio repugnet.

21 Obijcies quintò: quia si prædestinatio consistat in imperio consequenti electionem mediorum, cum merita sint præcipua media ad finem prædestinationis, prædestinatio supponeret electionem divinam de meritis, seu merita vt electa: Ergo supponeret merita vt futura: Ergo posset esse ex meritis: Sed hoc est contra nostram, & communem sententiam: Ergo non consistit in imperio sequuto ad electionem. Respondeo, omisso antecedenti, distinguendo consequens: Ergo supponeret merita ut inchoative futura cum dependentia ab imperio vt consummate forent, concedo: Consummate futura, & independentem ab imperio consequenti, nego consequentiam, & aliam, quæ sub inferitur, quia vt prædestinatio esset ex meritis, seu in præmium meritum, debe-

bat supponere merita vt completè futura inde-  
pendenter à se ipsa vt causa illorum; cuius con-  
trarium contingit, quia ex vi solius electionis nō  
sunt sic futura, sed purè inchoativè cum depen-  
dentia ab imperio consequenti, per quod con-  
summatè, & completè sunt futura. Et ratio est,  
quia in hoc differt causalitas per modum finis à  
causalitate meritoria, aut per modum meriti,  
quod finis causat vt sit, & ideo potest causare vt  
intentus præcisè, licet non vt executus, & conse-  
quenter vt inchoativè futurus, licet non comple-  
tè futurus; attamen merita cum causent in gene-  
re causæ efficientis, causant quia sunt, non vero  
vt fiant; & ideo debent supponi completè futura,  
imò & existentia, vt causent præmium, quo pacto  
supponi non possunt ante prædestinationem,  
licet consistentem in imperio consequuto ad  
electionem illorum, quia semper dependent in  
existendo ab eo imperio.

22 Vel etiam responderi potest, quod licet  
ad imperium, seu iudicium consequens ele-  
ctionem supponantur futura, non tamen suppo-  
nuntur prævisa vt futura, quia per tale iudicium  
primo cognoscuntur vt futura in vi electionis  
præsuppositæ; vt autem illud iudicium, aut im-  
perium, in quo formaliter prædestinationem col-  
locamus, esset ex meritis, debebant merita suppo-  
niti prævisa vt futura, qualiter non supponuntur,  
si primò futura videntur per illud iudicium. Nec  
opponas, quod saltem decretum executivum me-  
diorum consequens ad illud iudicium, & imperiū  
merita prævisa supponeret. Negamus enim de-  
cretum executivum mediorum distinctum ab  
electivo illorum, vnde sicut electivum merita  
prævisa non supponit, nec executivum ea suppo-  
nere potest, immo non est executivum, nisi per  
ipsum imperium, in quo actio omnipotentis exe-  
quentis consistit, vt supra vidimus *quest. 3. num.*  
49. & 50. Sed inde.

23 Obijces vltimo, quia prædestinatio  
non potest consistere in actione ipsa omnipoten-  
tiae ad extra exequentis media ordinata, & electa:  
Sed imperium est actio ipsa omnipotentis ad ex-  
tra exequentis media electa, præsertim in senten-  
tia Thomistarum consistente omnipotentiam in  
intellectu practico imperante passivum fieri crea-  
turarum: Ergo in eo non potest consistere præ-  
destinatio. Maior patet primò, quia iuxta Div.  
Thom. in hac 1. part. *quest. 23. artic. 2. ad 1.*  
*Prædestinatio non ponit aliquid in prædestinato;*  
*sed executio eius, qua transit in exteriores res,*  
ponit in eis aliquid effectum: Sed actio omni-  
potentis exequentis ad extra ponit aliquid in  
prædestinato: Ergo. Secundo, quia D. Thom. in  
prædicto artic. distinguit inter prædestinationem,  
& illius executionem, sicut inter providentiam,  
& gubernationem, concedens hanc ponere aliquid  
in prædestinato, scilicet autem illam: Sed executio,

& gubernatio est per imperium: Ergo prædestina-  
tio non consistit in imperio.

24 Respondeo, concessa maiori, quæ re-  
ctè probatur, distinguendo minorem: Imperium  
est actio omnipotentis in quantum significatur  
vt actio immanens, nego: In quantum significa-  
tur vt actio transiens, concedo minorem, & di-  
stinguo consequens eodem modo; quia licet præ-  
destinatio consistat in imperio, & etiam actio om-  
nipotentis exequentis sit imperium, aliter tamen,  
& aliter, quia illud imperium est prædestinatio, in  
quantum per illud Deus dicitur immanenter apud  
se seriem, & ordinem, quo prædestinatus perdu-  
cendus est in vitam æternam; v. g. hoc pastor:  
*Hæc serie, & ordine mediorum perducendus est*  
*iste in vitam æternam;* quo sensu significatur præ-  
cisè vt actus immanens, & non ponit actu, nec de  
præfenti aliquid in prædestinato; illud autem im-  
perium etiam est actio virtualiter transiens, in  
quantum efficacia sua ex voluntate participata  
facit ordinatè id ipsum, quod dicitur, & sub hoc  
munere est actio omnipotentis, gubernatioque,  
& executio ordinis dictati, & ponit in ipso præ-  
destinato ipsum ordinem vt effectum; ad quod qui-  
dem non requiritur duplex imperium, vt tacite  
replere occurram, sed satis est vnum, & idem, vel  
consideratum per modum actus formaliter im-  
manens, vel etiam per modum virtualiter tran-  
sientis, quæ duplex consideratio, sicut non facit,  
quod actio formaliter immanens, & virtualiter  
transiens, sit in Deo duplex actio, sed unica, &  
eadem dupliger considerata, ita nec facit, quod  
sit duplex imperium, sed vnum dupliciter à nobis  
significatum. Ex quo ad secundam, dico D. Tho.  
distinguere ex modo significandi, & quantum ad  
diversa munera, prædestinationem, seu providen-  
tiam, à gubernatione exteriori, & executione,  
non tamen tanquam diversos actus, aut actiones  
intellectus divini, aut voluntatis, sed tanquam  
vnicum cum diverso munere, & diversimodè sig-  
nificatum, & conceptum, vt explicatum manet.

*PLURA DVBIOLA RESOLVVN-  
tur ad maiorem prædestinationis  
notitiam.*

25 **V**T magis prædestinationis essentia  
percipiatur, oportet breviter  
plura, quæ de illa disquiri vult, decidere.  
Vnde.

26 Quæritur primò, an in Deo distingui  
debeat scientia practica, & providentia? Respon-  
deo affirmativè, quia licet providentia sit scien-  
tia practica, non tamen omnis scientia practica  
est providentia, quia scientia practica est non so-  
lùm de medijs, sed etiam de fine ipso; providen-  
tia autem est solùm de medijs ordinatis ad finem.  
Ita D. Thom. *quest. 5. de Veritat. artic. 1. ad 1.*

Quæ-



Queritur secundò, an distinguatur in Deo prudentia ab arte? Respondeo affirmativè, triplici ex capite. Primò, quia ars per se respicit opus ut factibile in externam materiam, prudentia autem solum respicit agibilia in ordine ad finem. Secundò, quia ars respicit ordinem partium artefacti inter se, & ad invicem; prudentia autem ordinem agibilibus ad finem præintantum. Tertiò, quia ars consistit in iudicando tantum, quo pacto debet fieri artefactum; prudentia autem in præcipiendo opus fiendum ad finem intentum, unde potest esse bonus artifex, qui voluntariè deficit in opere à rectitudine artis, si nempe rectè iudicet; sed non potest esse prudens, qui voluntariè in opere clinat à recto iudicio, quia malè præcipit, licet rectè iudicet.

27 Queritur tertiò, an distingui debeat in Deo providentia, & lex æterna? Respondetur affirmativè, ex D. Thom. *quæst. 5. de Veritate, artic. 1. ad 3.* Et ratio est, quia licet lex æterna sit præceptiva mediorum in ordine ad finem, & per connumerationem ad finem, & etiam providentia, est tamen hæc differentia, quod lex æterna est præceptiva de medijs in generali, seu in univèrsali, providentia vero, & prudentia de medijs in singulari, ut hic, & nunc exequendis cum efficacia. Unde lex æterna se habet ut regula providentiæ, non tamen e contra; sicut in nobis synderesis, & prudentia differunt, quia synderesis importat dictamen de agibilibus in univèrsali practicum in actu primo, sed prudentia importat dictamen de agibilibus, in singulari practicum in actu secundo, & cum efficacia.

28 Queritur quartò, an distinguatur providentia à divinis idæis? Respondeo affirmativè, tum quia distinguatur ab arte, cuius est propria regula idæa; tum & præcipue, quia providentia nominat actum divini intellectus præcipientis media ad finem; idæa autem non nominat actum divini intellectus, sed rationem, aut formam obiectivam, seu cognitam ut imitabilem in opere externo; unde iuxta D. Tho. *quæst. 5. de Veritate, art. 1. ad 1.* idæa distinguitur ab arte, & est regula artis, quia ars nominat actum intellectus, quo Deus intelligit; idæa autem nominat obiectum: Ergo potiori titulo idæa debet distingui à providentia, quæ etiam nominat actum divini intellectus cum efficacia ordinantis media.

29 Sed opponens, quod D. Thom. *vbi supra artic. 1. ad 1.* ait: *Quod in re creata, duo possunt considerari, scilicet ipsa species absoluta ætas, & ordo eius ad finem: Forma ergo exemplaris rei secundum suam speciem absolute est idæa; sed forma rei, secundum quod est ordinata ad finem, est providentia:* Ergo providentia est forma exemplaris, & consequenter idæa, si non rei quoad speciem absolute consideratz, tamen ordinis eius in finem. Secundò, quia D. Thom.

sic subiungit: *Ipsæ autem ordo à divina providentia rebus inditus: fatum vocatur, secundum Boetium, unde sicut se habet idæa ad speciem, sic se habet providentia ad fatum:* Sed idæa ad speciem comparatur ut forma exemplaris: Ergo & providentia ad fatum, seu ordinem rebus inditum. Respondeo, concessio textu D. Thom. distinguendo consequens: Ergo providentia obiectivè sumpta est forma ordinis rei in finem, concedo: Providentia subiectivè sumpta, & ex parte actus, nego consequentiam. Ex quo ad secundam, explicò D. Thom. sicut se habet idæa ad speciem, sic se habet providentia obiectivè sumpta ad fatum, concedo: Providentia subiectivè sumpta, & ex parte actus, nego maiorem, & concessa minori, distinguo consequens ut supra. Itaque fateor, quod in rebus creatis debent illa duo considerari, nempe, & species absoluta cuiusque; & ordo, seriesque illarum ad certum finem; & de utroque præconcepit intellectus divinus rationem, seu formam obiectivam, ita quod per artem præconcepit formam exemplarem, seu rationem obiectivam exemplarem rei fiendæ, quantum ad speciem absolutam ipsius; & per providentiam præconcepit rationem, & formam obiectivam ordinis ad finem; item fateor, quod ratio obiectiva, seu forma exemplaris ordinis mediorum in finem se habet ad fatum, seu ad ordinem executum, & rebus inditum ad finem, sicut idæa, seu forma obiectiva speciei ad ipsam speciem rei exequendam in individuo; & hæc est mens profunda D. Tho.

30 Cæterum, sicut cum ars dicitur *recta ratio factibilium*, non potest intelligi de recta ratione obiectiva factibilium, quia hæc est ipsa idæa, quæ propriè non est ars, sed norma artis; sed intelligitur de recta ratione formali, subiectiva, & ex parte actus, hoc est de recto iudicio factibilium, quod etiam appellatur ratio; vel si intelligatur de recta ratione obiectiva, quæ est idæa, debet intelligi, quod ars est obiectivè, seu ex parte obiecti illa ratio, non vero quod in illa propriè, & formaliter consistat; ita similiter, dum providentia definitur *recta ratio* mediorum ordinandorum in finem, non est intelligendum, quod propriè, & formaliter sit ratio obiectiva ordinis præconcepta, quæ sit quasi forma exemplaris obiectiva talis ordinis, quia providentia propriè, & formaliter non est obiectum, sed actus intellectus practici; sed intelligendum est, quod sit ratio subiectiva, formalis, & ex parte actus talis ordinis mediorum in finem; vel si intelligatur de ratione obiectiva, & exemplari talis ordinis, debet intelligi, quod providentia est talis ratio, seu forma exemplaris obiectivè, seu ex parte obiecti; non quod in illa formaliter, & propriè consistat. Ex quo iam patet, quod cum D. Thom. comparat providentiam cum idæa, non comparat providentiam formaliter, & propriè sumptam prout

consistentem in ipso actu intellectus, sed providentiam obiectivè sumptam, seu ex parte obiecti, quo pacto importat rationem obiectivam, & exemplarem ordinis, sicut idæa est ratio obiectiva, & exemplaris speciei; unde non sequitur, quod providentia ipsa propriè, & formaliter sumpta sit idæa, imò nec forma exemplaris ordinis mediorum in finem. Accipiendo autem providentiam obiectivè, quatenus importat ex parte obiecti formam, & rationem exemplarem præconcepam ordinis mediorum in finem, adhuc non potest dici idæa, sed ita se habens ad ordinem exequendum in rebus, seu ad finem, sicut idæa ad speciem exequendam in materia, seu in individuo; ex quo non sequitur quod sit idæa, sed solum proportionaliter se habens sicut idæa, quia idæa ex proprio conceptu est forma exemplaris rei quoad speciem, non quoad ordinem in finem; sicut licet providentia se habeat ad agibilia in ordine ad finem, sicut ars ad factibilia, tamen non licet inferre, quod providentia sit ars ordinis mediorum in finem, sed solum proportionaliter se habens ad artem.

31 Cum qua proportionem stat distinctio assignata à D. Thom. *vbi supra*, & sæpè alibi: Quod ars, & idæa potest esse speculariva, seu independentis ab actu voluntatis, quia ante actum voluntatis potest intellectus præconcepere formam exemplarem rei, quantum ad speciem certam illius, & immutabilem; cæterum providentia, & ratio obiectiva exemplaris ordinis mediorum in finem est semper practica, & præsupponens voluntatem finis; quia non designatio sine certo per voluntatem, & intentionem illius, non potest intellectus præconcepere certam rationem ordinis mediorum in finem, nam sub incerto fine, non potest concipi certus ordo mediorum ad finem; & ideo providentia semper est practica in actu secundo; sed ars, & idæa potest manere in speculatione, seu solum practica in virtute, & in actu primo.

32 Queritur quintò, an prædestinatio sit pars subiectiva providentiæ, an obiectiva? Id est, an sit providentia distincta subiectivè, & ex parte actus à providentia generali, aut speciali aliarum creaturarum, an solum distincta ex parte obiecti, licet eadem, & una cum reliquis ex parte actus? Respondeo, quod in Deo non datur, nisi unica, & simplicissima providentia ex parte actus, & ex parte finis ultimi, licet distincta, & multiplex pènes plura obiecta, adque adeò, quod prædestinatio non est pars subiectiva, sed solum obiectiva providentiæ in Deo. Probatum primò ex D. Tho. in præsent. vbi concludit corpus artic. Et sic patet, quod prædestinatio, quantum ad obiecta est pars providentiæ; non enim aderet, ly quantum ad obiecta, si sentiret esse etiam ex parte actus partem providentiæ. Secundò, quia in ordine ad

vnum finem simplicissimum non est, nisi unica specificè providentia: Sed omnia, quæ Deus providet, providet in ordine ad vnum finem simplicissimum, nempe in ordine ad se ipsum, & suorum attributorum ostensionem: Ergo in eo non est, nisi unica providentia ex parte actus, & finis. Nec dicas, quod licet finis ultimus divini providentiæ sit vnus, fines tamen intermedij, & non ultimi sunt plures, respectu diversarum creaturarum. Contra enim est, quia licet fines intermedij sint plures, nullum illorum respicit divina providentia vt finem silendo in ipso, sed vnico actu ordinando ipsos ad finem ultimum, & universalem, qui solus est formale morivum, & terminativum divini voluntatis, & intellectus practici, ex quo vnice specificatur eius actus: Ergo semper manet vnus, & simplicissimus actus divini providentiæ, licet cum pluribus obiectis materialibus ordinatis in vnum finem, & in vnum obiectum formale.

33 Sed dices primò, quod si hoc aliquid probat, probat non dari in divina voluntate plures virtutes morales, nec in divino intellectu plures virtutes intellectuales: Sed hoc est falsum: Ergo. Respondeo, probari quidem, quod non dantur plures virtutes, nec morales, nec intellectuales in Deo, quæ re ipsa à parte rei sint plures in Deo intrinsecè, nec formaliter, nec virtualiter intrinsecè, quia nec hoc pacto sunt in divina voluntate, aut intellectu plures actus, quia nec plura obiecta formalia, vt latè probavimus *Disput. 4. quest. 4. & 5. & disputat. 6. quest. 3.* cum quo tamen componitur, quod sint plures virtutes morales, & intellectuales, plures quidem virtualiter extrinsecè, aut formaliter per rationem ex nostro modo concipiendi. Sed dices: Ergo pariter distinguì poterunt in Deo plures providentiæ. Nego consequentiam, non quia in Deo intrinsecè, & à parte rei sit minus vnica, & simplex virtus divina, sive intellectus, sive voluntatis, quam providentia, sed propter disparitatem extrinsecam, quia videlicet, inter nos in vno subiecto, & sub vno fine, dantur plures realiter virtutes, & his æquivaleret divina virtus, & ad modum harum concipitur, & ideo concipimus in Deo plures virtutes; attamen inter nos in vno subiecto ad vnum finem, non dantur plures providentiæ realiter distinctæ, quibus æquivaleret divina, sed vna tantum, & ideo nec in Deo debemus concipere plures providentiæ sub vno fine, sed vnam tantum. Iam vero si roges, cur in nobis sub vno fine sunt plures virtutes morales, v.g. & non plures providentiæ? Respondeo, disparitatem esse, quia virtutes morales non à fine, nec ex ipso ordine ad finem specificantur intrinsecè, sed ex suis limitatis, & peculiaribus obiectis, providentiæ autem specificatur, vel ex fine, vel ex ordine mediorum ad finem, & ideo vna est, quia finis est vnus,

vnius, & ordo vnus ad eundem finem; ideo pro pluribus virtutibus moralibus ordinandis ad finem vnũ tantũ assignamus providentiam, & non plures.

34. Dices secundò: In Deo dantur plures idæ: Cur ergo non plures providentiæ? Respondeo, plures esse disparitates. Prima, quia providentia nominat actum sive intellectus, sive voluntatis, quia sub vno obiecto specificativo, sive sub vno fine vnus est tantũ actus; idæ vero nominat formam exemplarem ex parte obiecti, seu essentiam divinam penes diversas proportionales imitabilem à diversis creaturis, & quia ad hoc vt istæ proportionales sũt plures facis est, quod creaturæ connotatæ sint plures, licet essentia divina simplicissima, ideo dici possunt plures idæ, salva simplicitate intrinseca Dei. Secunda, quia licet providentia sumatur obiectivè pro ratione obiectiva ordinis mediorum in finem, semper est vna, quia ordo obiectivus omnium eorum, quæ Deus providet in finem, est vnus, quia omnia creata sunt vnũ vnitate ordinis in vltimum finem; sed idæ est forma exemplaris, seu ratio obiectiva creaturæ quantum ad suam speciem, & quidditatem absolutè sumptam, & cum species rerum factarum à Deo absolutè sumptæ sint plures, minimeque dici possint omnia vnũ vnitate speciei, sed plures species, ideo idæ sunt plures, licet providentia vna.

35. Dices tertio: Prædestinatio, & providentia generalis supernaturalis differunt penes efficaciam ad finem, vel inefficaciam: Sed hæc prædicata satis videntur ad distinctionem virtutalem vnus providentiæ ab alia: Ergo. Respondeo, distinguendo maiorem: Differunt penes efficaciam, vel inefficaciam intrinsecam, nego suppositum: Penes efficaciam, vel inefficaciam extrinsecam ex parte obiectorum materialium, concedo maiorem, & nego minorem; quia vt suprà ostendimus *Disputat. 6. quæst. 9. num. 14. & quæst. 11. num. 92.* in divina voluntate non est differentia intrinseca efficaciz, vel inefficaciz, quia semper est efficax erga inmediate volitum, & idem de divina providentia; vnde differentia efficaciz, vel inefficaciz solùm esse potest extrinsecè ex parte mediorum promoventium, quæ vel frustrantur, vel consequuntur finem, & hæc differentia, vt potè extrinseca, nõ sufficit ad distinctionem virtutalem intrinsecam. Si vero contendas de distinctione virtuali extrinseca, aut per rationem, nec ad hanc dico sufficere; quia tam media efficaciz ad finem viræ æternæ, quam inefficacia, seu frustranda à tali fine, omnia ordinantur ad superiorem finem efficaciter, nempe ad ipsũ Deum manifestandum, & glorificandum, qui est finis vltimus, vniversalis, & simplicissimus divinæ providentiæ, respectu cuius divina providentia semper est efficax, quia illum per quodlibet

bet mediũ semper assequitur, ideo erga finem vltimũ, & vniversalẽ, à quo sumitur vnitas providentiæ, non est differentia efficaciz, vel inefficaciz. Ex quo inferes, nec satis esse ad diversificandam in Deo providentiam ex parte actus, quod prædestinatio, v.g. respiciat pro fine ostensionem divinæ gratiæ, & iustitiæ præmiativæ; reprobatio vero respiciat pro fine ostensionem iustitiæ punitivæ: Non inquam, quia hæc distinctio est purè materialis respectu divinæ providentiæ, quæ per se, & formaliter non respicit ordinem ad hoc attributum vt distinctum ab alio, nec ad aliud vt distinctum ab isto, qui iam essent fines particulares, sed respicit per se, & formaliter finem vniversalissimũ, nempe ipsũ Deum vt manifestandum ad extra, qui semper vnissimus est, & ideo vnissima providentia sub hoc vnissimo fine.

36. Queritur sextò: Quid addat, aut in quo distinguatur obiectivè prædestinatio à providentia ex terminis providentiæ? Respondeo, distinguendo primò, quia prædestinatio solùm est providentia de creatura rationali; providentia autem, ex terminis providentiæ, est de qualibet creatura, sive rationali, sive sensibili, sive viventi, sive non viventi. Distinguitur secundò, quia prædestinatio respicit finem supernaturalem, seu excedentem vires naturæ rationalis, nempe vitam æternam; providentia autem ex terminis, licet sit de creatura rationali, potest esse in ordine ad finem naturalem. Distinguitur tertio, quia providentia adhuc supernaturalis generalis erga creaturam rationalem, non exigit ex terminis certitudinem de consequutione finis particularis, nec efficaciam usque ad talem finem consequendum, sed satis est ad illam certitudo mediorum ordinatorum in finem particularem, & efficaciz ad illa media, licet media frustrentur à consequutione finis ipsius, ad quem de se ordinant creaturam rationalem; prædestinatio vero importat essentialiter certitudinem, & efficaciam, non solùm de medijs, sed erga media ordinantia in finem particularem, sed de consequutione, seu erga consequutionem finis particularis. Ita D. Thom. *quæst. 6. de Veritat. artic. 1. in corpor. vbi sic ait: Differet etiam alio modo, providentia nempe, prædestinatione; in qualibet enim ordinatione ad finem est duo considerare, scilicet ipsum ordinem; & exitum, vel eventum ordinis; non enim omnia, quæ ad finem ordinantur, finem consequuntur. Providentia ergo ordinem in finem respicit tantum, vnde per Dei providentiam omnes homines ad beatitudinem ordinantur; sed prædestinatio respicit etiam exitum, vel eventum ordinis, vnde non est, nisi eorum, qui gloriam consequuntur. Eandem doctrinam tradit D. Tho. in 1. distinct. 40. quæst. 1. artic. 2. in corpor. Et ad Anibaldum, distinct. 40. quæst. vniuersa, artic. 1. Nec*

inquam D. Thom. hanc doctrinam retractavit, ut voluntariè dixit Caietanus. Vnde ex illa efficaciter probatur assumptum: Quia Deus sua providentia omnes homines ordinat ad salutem æternam, vult enim omnes homines salvos fieri; non tamen omnes prædestinat ad salutem, seu ad vitam æternam: Sed disparitas alia esse non potest, nisi quia de conceptu providentiæ ordinantis in finem uò est affectio finis, sed tantum ordo in finem frustrabilis ab ipso fine, de conceptu autem prædestinationis est non solum ordo in finem, sed ipsa etiam consequutio finis, seu ordo infustrabilis à fine: Ergo.

37. Sed oppones ex D. Thom. in præsent. quæst. 22. art. 7. ad 1. ubi ait: *Impossibile esse aliquem effectum ordinem causæ universalis effugere.* Ergo ordo divinæ providentiæ non potest cedere suo effectui, aut fine. Et art. 4. ad 2. sic ait: *In hoc est immobilis ordo divina providentia, quod ea, quæ ab ipso providentur, eumtā eveniunt eo modo, quo ipse providit, siue necessariò, siue contingenter.* Et ad 3. ait, quod divina providentia non deficit à suo effectui, nec à modo eveniendi, quem providit. Et 3. contr. Gent. cap. 93. quod ordo divinæ providentiæ non potest immutari, nec providentia à suo effectui casari. Sed hæc nullo modo opponuntur doctrinæ à nobis allegatæ, ut cogamur dicere, D. Tho. mutasse sententiā, sed optimè conciliantur. Ad primum enim, fateamur cum D. Th. nullum effectum posse ordinem causæ universalis effugere, quia hoc significat existere extra ordinem divinæ providentiæ, & quin ab illa ordinatū fuerit; quod proorsus est impossibile; sed cum hoc optimè cõciliatur, quod Deus sæpè provideat media ordinantia in finem, seu ordinem in aliquem finem, permittendo, quod media ipsa, & ordo provisorius frustretur à fine talis ordinis, quia per hoc nullus effectus ponitur extra ordinem providentiæ, ut per se patet; sed solum ponitur, quod aliquis effectus divinæ providentiæ, nempe ordo in finem aliquem, seu media ordinata in illum, nõ fortiantur vltiorem effectum, ad quem ex divina providentia ordinata sunt. Ad secundum similiter dico, quod omnia, quæ à Deo providentur, ita eveniunt, sicut ab eo providentur; sed sæpè providetur per illam ordo in finem, seu media ordinata ad finem, & non ipsa finis consequutio; & tunc est providentia, sed nõ prædestinatio, & evenit quod provisorius est, eo modo, quo provisorius est, nempe ordo in finem, licet non eveniat, quod provisorius non est immediatè, & formaliter in se ipso, nempe consequutio finis. Similiter ad tertium dico, quod providentia nunquam casatur, aut deficit à suo effectui immediatè provisorio; sæpè tamen ipse effectus immediatè provisorius, nempe ordo ad finem aliquem particularem casatur, & frustatur illo sine particulati, divina providentia id permittente.

38. Oppones secundò: Providentia Dei est summè perfectà in ratione providentiæ: Sed de ratione providentiæ summæ perfectæ in ratione providentiæ est providere, non solum ordinem in finem, sed etiam ipsam finis consequutionem: Ergo. Respondeo, concessa maiori, distinguendo minorem: Est providere etiam finis vltimi, & universalis consequutionem, concedo: Omnis finis particularis consequutionem, nego minorem, & consequentiam; quia in divina providentia duplex potest excogitari finis; nempe, & finis operis, seu rei provisorius, & particularis; & finis providentiæ ipsius, seu finis proprius ipsius providentiæ, & operantis. Finis operis, seu rei provisorius, & particularis, nõ est motivum formale divinæ providentiæ, nec propter quem divina providentia providet ex parte sui, sed propter quem vult esse quod operatur, aut providet ex parte operis; de quo nempe verificatur, quod Deus non propter hoc vult hoc, sed vult hoc esse propter hoc. Finis vero proprius ipsius divinæ providentiæ ex parte Dei operantis est ipse Deus, seu essentia divina ut diversimodè participabilis, & manifestabilis ad extra; & hic finis est universalis, ac transcendentalis in omni opere à Deo provisorio. Igitur de ratione summæ, ac perfectissimæ providentiæ est semper assequi finem proprium ipsius providentiæ ex parte operantis, quod nempe est, formale motivum providendi, & propter què providet quid, quid providet; non tamen assequi semper finem operis provisorium proprium, & particularem, sed potius est, quod opera ipsius sæpè frustretur sine particulari ipsorum, ad quem particulariter sunt destinata à divina providentia, quia cum Deus provideat toti universo, ad cuius pulchritudinem cõducit pluralitas, & contrarietas rerum, & naturarum sibi invicem adversantium, & fines particulares contrarios habetium, ad ipsam pertinet permittere quilibet naturæ, vel rei, quod interdum prævalente altera contraria, suo sine particulari frustretur; ut cū permittit, aut ordinat, quod ovis occidatur à lupo, lupus ab homine, &c. licet ovis providerit media ad sui conservationem, & similiter lupo ad sui defensionem. Et similiter, quia ad pulchritudinem universi cõducit, quod aliqua ordinentur ad suos fines particulares contingenter, & defectibiliter, ita necessariò, ad divinam, ac perfectissimam providentiam spectat, aliquas naturas ordinare ad suos fines particulares ordine frustrabili, & defectibili à consequutione proprii finis, providendo illis media frustrabilia, & permittendo interdum, quod illo sine frustrentur, & ordinando aliquando, quod illum assequantur, utrobique tamen assequendo semper finem universalem, & proprium providentiæ, nempe manifestationem suæ perfectionis, & pulchritudinis in pulchritudine totius universi relucetentis.

39 Opponis tertio: Iuxta D. Thom. in præsent. quæst. 22. artic. 1. ad 3. *Providentia præsupponit volitionem finis, nullus enim præcipit de agendis, nisi velit finem*: Sed implicat divinam providentiam frustrari sine intento, & volito ab ipso Deo: Ergo. Respondent aliqui, providentiam supponere volitionem finis, vel antecedentem, vel consequentem, efficacem, vel inefficacem. Cum supponit voluntatem antecedentem, & inefficacem, est frustrabilis sine volito, quia & ipsa voluntas antecedens, & efficax finis est frustrabilis, & sic est providentia generalis erga reprobos. Cum supponit voluntatem consequentem, & efficacem finis, tunc est infustrabilis, & est prædestinatio. Sed in contra est, quia ex voluntate purè inefficaci finis nulla est providentia mediorum: Ergo ruit solutio. Probatur antecedens, quia providentia mediorum est efficax saltem erga aliqua media promoventia ad finem, & importat electionem efficacem ipsorum: Sed electio efficax mediorum procedere nequit ex intentione, aut volitione purè inefficaci finis: Ergo. Respondent ad hoc, quod ex volitione inefficaci finis non potest procedere volitio efficax mediorum efficacium ad finem; potest tamen procedere volitio efficax mediorum inefficacium. Sed contra est, quia implicat, quod volens media propter finem habeat maiorem vim, & efficaciam erga media, quam erga finem, quia propter quod unumquodque tale, & illud magis, unde si vult media, licet inefficacia, propter finem, sequitur evidenter, quod magis velit finem, quam media, licet inefficacia; & si vult efficaciter media, alias inefficacia, propter finem, sequitur, quod magis efficaciter velit finem: Ergo implicat quod volitio finis purè inefficax satis sit ad providentiam, aut volitionem efficacem de medijs, adhuc inefficacibus. Et hoc argumentum semper mihi efficax erit.

40 Vnde aliter respondeo, distinguendo maiorem, vel explicando textum D. Thom. Providentia generalis præsupponit volitionem finis universalis, & providentia specialis volitionem finis particularis, concedo: Aliter, nego maiorem, & concessa minori, nego consequentiam, quia providentia generalis, qua Deus generaliter providet omnibus naturis media necessaria, aut sufficientia ad suos proprios fines, ex se non petit supponere volitionem finis particularis cuiusvis naturæ, sed solum petit supponere volitionem finis universalis, nempe pulchritudinis universi, aut manifestationis divinæ perfectionis in illa; quem finem semper præsupponit volitum efficaciter omnis providentia, & eo nunquam frustratur; non autem debet supponere semper volitionem finis particularis immediate in se ipso, ut distinctam à volitione mediorum, sed ad summum volitionem finis particularis virtualiter, seu mediate, hoc est in medijs, in quibus virtualiter

continetur, ut explicavimus supra Disp. 6. quæst. 11. à num. 100.

41 Sed contra replicabis, quia ad finem universalem non conducunt media ordinata ad finem particularem, nisi mediante fine particulari: Sed eo ipso ea media non possunt procedere ex intentione finis universalis, nisi media intentione finis particularis: Ergo debent etiam supponere intentionem finis particularis. Probatur maior, quia finis universalis est quasi finis remotus, & finis particularis est finis proximus: Sed media non possunt conducere ad finem remotum, nisi medio fine proximo: Ergo nec ad finem universalem, nisi medio fine particulari. Respondet forsitan negando maiorem, ad cuius probationem, negabis maiorem, quia sicut causa universalis non solum influit media particulari, sed etiam immediate in effectus, & actiones causæ particularis, ita etiam causa finalis, seu finis universalis non præcisè finalizat mediante fine particulari, sed etiam immediate ipsa media particularia, & consequenter ipsa media particularia etiam immediate, & per se conducunt ad finem universalem, & immediate sunt propter ipsum, & non solum mediante conducentia ad finem particularem. Sed hæc solutio, nisi amplius explicetur, non sufficit; unde contra illam sic arguo: causa universalis nunquam influit sola, & immediate per modum causæ vnicæ, & specialis in effectum particularem, quia cum sit influit, non influit per modum causæ universalis, sed per modum causæ specialis, & particularis: Ergo cum influit per modum causæ universalis, influit vel mediante particulari, vel cum particulari, ita ut eius influentia universalis determinetur ad certam speciem, & individuum per causam particularem, ut alibi latius explicavimus: Ergo nec finis universalis finalizat effectum, aut media particularia, nisi medio fine particulari, aut cum illo ut determinata per finem particularem: Ergo nec media particularia possunt conducere, aut esse immediate, & vnicè propter finem universalem, nisi medio fine, aut cum fine particulari: Sed eo ipso non possunt procedere ex intentione finis universalis, nisi media intentione finis particularis: Ergo.

42 Propterea melius ad principalem replicationem respondeo, distinguendo maiorem: Ad finem universalem non possunt conducere media ordinata ad finem particularem, nisi medio omni fine particulari, nego: Nisi medio aliquo fine particulari, concedo maiorem, & distinguo similiter minorem: Eo ipso illa media non possunt procedere ex intentione finis universalis, nisi media intentione finis omnis particularis, nego minorem: Nisi media intentione aliquius finis particularis, concedo minorem, & distinguo consequens eodem modo. Itaque fatemur, quod sicut causa prima efficiens universalis non influit in effectus particulares, nisi ut determinata

limitativè per causam secundam particularem determinantem limitativè, & particularem influentiam causæ universalis, ut latè explicavimus *Tractat. de Provident. quæst. 11. & num. 37.* & alibi sæpè; ita finis universalis ut talis non influat, nec finalizat media particularia, quæ sunt effectus particulares finis universalis, nisi ut contracta sit influentia finali, seu eius intentione per aliquem finem particularem; unde nec ea media particularia possunt efficaciter conducere, aut esse propter finem universalem in universali præcisè, sed debent conducere ad finem universalem per viam aliquam, & finè intermedium particularem, & media intentione efficaci illius finis particularis. Sed cum ea media possint conducere in actu secundo, aut efficaciter ad plures fines particulares, opus non est, quod semper procedant ex intentione efficaci cuiusvis, & omnium finium particularium, sed satis est quod procedant ex intentione efficaci alicuius finis particularis, ad quem efficaciter conducant; hic autem finis particularis efficaciter intentus non semper debet esse salus æterna, ad quam illa media per se, & ex natura sua in actu primo ordinata sunt, sed potest esse, ut contingit in reprobis, ut salus illis non deficiat ex defectu charitatis, & voluntatis Dei erga ipsos, sed solum culpa illorum, & ut Deus iustificetur in illorum condemnatione, & reprobatione, seu ad iustitiam reprobationis, ad quem finem particularem efficaciter conducunt in reprobis, & ex illo efficaciter intero procedunt.

43 Adhibet enim Deus ea auxilia, vel media promoveant in salutem, ex fine particulari ostendendi erga ipsos suam charitatem, aut benevolentiam inchoativè, & ut non penes Deum, sed penes ipsos, & ex culpa illorum, deficiat illis salus, cum Deo permittente defecerit; & hoc efficaciter intendit, & assequitur; id autem efficaciter vult, ut iusta sit illorum reprobatio; quia ut inquit D. Thom. in 1. distinct. 47. quæst. 1. artic. 3. in corpor. *Cum aliqua creatura discedit ab ordine particulari in Deum, non discedit ab ordine universalis in ipsum Deum, quia in alium ordinem, nempe particularem, qui etiam in Deum tendit, relabitur.* Et Boetius lib. 4. de Consolat. Prosa 6. ad finem, sic ait: *Ordo enim quidam cuncta complectitur, ut quod ab assignata ordinis ratione discesseris, hoc idem, licet in alium, tamen in ordinem relatur, ne quid in Regno Dei providentia liceat temeritati.* Unde Deus providens auxilia sufficere ad salutem, illa quidem providet ut per se primo ordinata ad salutem quasi in actu primo ex voluntate, & providentia generali, & ex fine universalis ostendendi suam perfectionem; sed quia providentia generalis debet determinari per aliquam providentiam particularem, & finis ille universalis per aliquem finem particu-

larem; in eo, in quo non determinatur per providentiam specialem prædestinativam, nec per finem specialem æternæ gloriæ ut efficaciter intentum, quia, Deo permittente, voluntas discedit ab ordine, & sine illo speciali in vitam æternam, relabitur in alium ordinem, & providentiam specialem, & in alium finem etiam particularem iustitiae reprobationis, per quam etiam ostenditur divina perfectio, licet per modum iustitiae punitivæ. Unde semper illa auxilia procedunt ex fine particulari efficaciter intento, nempe, vel ex fine particulari prædestinationis, qui est vita æterna efficaciter intentus; vel si, Deo permittente, finitur homo ab illo fine discedere, tunc providentur ex fine particulari iustificandi damnationem æternam etiam efficaciter intento, unde finis universalis semper determinatur per aliquem finem particularem efficaciter intentum. Quam doctrinam amplius explicabimus infra loquentes de reprobatione.

## QUÆSTIO V.

AN PRÆDESTINATIO, SEU  
electio prædestinatorum ad gloriam sit  
gratuita, & ante merita  
prævisæ

1 Controversia ista potissimum est in hac disputatione, & serè dogmatica, utpote concernens illam Augustini concerationem cum Pelagianis, & Semi Pelagianis de Prædestinatione SS. & de dono perseverantiae. Ut igitur certa ab incertis separamus.

## ALIQUA CERTA SUPPO- nuntur.

2 Supponendū est primò; homines prædestinari gratuito, & non ex operibus, ad primam gratiam excitantem, aut auxiliantem. Ita communiter Theologi; & patet, quia illa prima gratia excitans, aut auxilians est vera gratia: Ergo non ex operibus, quia si ex operibus, ut ait Apostolus, non iam est gratia, sed merces. Secundo; quia illa prima gratia non est ex operibus per naturam factis, aliunde nec ex operibus factis per gratiam: Ergo nullo modo est ex prævisis operibus. Quod non sit ex operibus per naturam factis, est dogma Catholicum, quod contra Pelagianos probat August. *Epist. 59. 105. & 106. & in Enebirid. à cap. 100. usque ad 107. & lib. de Correp. & Grat.* & alibi sæpè, & communiter Theologi *Tractat. de Grat.* & constat ex prædicto Apostoli textu, quod si gratia ex operibus, iam non est gratia, sed merces. Quod vero non sit ex operibus factis per gratiam, probatur, quia non ex operibus factis per aliam gra-

tiam; quia cum illa sit prima gratia, non supponitur aliam priorem: Deinde nec ex operibus factis per ipsamur gratiam. Quod sic probatur, quia implicat Deum conferre gratiam ex prævisis operibus tendis per ipsam: Ergo & prædestinare hominem ad illam primam gratiam ex operibus. Probatum antecedens, quia vel ex operibus illis prævisis ut futuris, vel existentibus absolute; vel ex illis prævisis ut conditionate futuris: Non quidem ex illis prævisis ut absolute futuris, aut existentibus, quia cum supponantur illa opera esse fienda per gratiam, implicat Deum ante decretum conferendi illam gratiam, prævidere illa opera absolute futura: Ergo implicat decretum conferendi illam primam gratiam esse ex operibus prævisis absolute futuris. Deinde nec ex illis prævisis ut conditionate futuris, quia hoc est expressum dogma Pelagij, impugnatum sæpissime ab Augustino, ut statim videbimus: Non ergo potest villo modo prima gratia excitans, aut auxilians prædestinari ex prævisis operibus.

3. Supponendum est secundo, nec illam primam gratiam auxiliantem prædestinari ex prævisis fidei, aut ex prævisio initio fidei, aut bonæ voluntatis. Patet, primo, quia hoc etiam est dogma Catholicum assertum ab Augustino contra Semi-Pelagianos, qui ad fidem, vel initium fidei, aut bonæ voluntatis recurrerant, ut assignarent rationem, & causam, cur vnus prædestinaretur, & non alius, aut cur vnus adiubaretur gratia, & non alius. *Contra* erroris fecerunt mentionem Prosperus, & Hilarius in Epist. ad August. & confutatur ab August. locis supra relatis, & ab ipso Prospero, & Hilario. Secundo, quia D. Fulgentius lib. de Grat. Christi. cap. 18. sic ait: *Si autem nostrum est velle credere, priusquam gratia Dei incipiat adiuuare, iniuste gratia dicitur, quia non gratis datur homini, sed bona retribuit voluntati.* Tertiò, ex illo Apost. 1. ad Corinth. cap. 13. *Non sumus sufficientes cogitare aliquid ex nobis, quasi ex nobis, sed sufficientia nostra ex Deo est.* Ergo multo minus erimus sufficientes velle aliquid à nobis, quasi ex nobis, ex quo Deus moveatur ad conferendam nobis gratiam, & salutem. Tertiò ex illo eiusdem Apost. ad Roman. 9. *Non est volentis, neque currentis, sed miserentis est Dei.* Ergo ratio, aut causa primæ gratiæ auxiliantis, non est velle nostrum, nec initium nostræ voluntatis, sed sola Dei misericordia. Quarto ex Tridentino Sess. 6. cap. 5. vbi definit, *exordium nostræ iustificationis desumi à vocatione Dei, qua nullis eorum existentibus meritis vocatur, &c.* Si nullis præcedentibus meritis: Ergo nec ex præcedenti fide, aut initio bonæ voluntatis prævisio. Quintò ex Augustino lib. de Prædestinatione. Sanctior. cap. 6. vbi ait: *Dari aliquid gratis, est dari pro nihilo:* Sed quod datur intuitu fidei, aut bonæ voluntatis, non datur pro nihilo: Ergo nec gratis: Ergo gra-

tia non erit: Non ergo prima gratia auxilians datur intuitu fidei, aut bonæ voluntatis. Demum ex D. Thom. super Epist. ad Ephef. 1. lect. 1. ad illud: *In quo omnes sorte vocati sumus, ex quo rectè inferret: Vocationem dici respectu nostri sortem; quia gratia, quæ est prima prædestinationis effectus non potest ratio vlla assignari ex parte hominis.*

4. Nec valet dicere, ex his omnibus solum probari, quod ex parte nostra non præcedat ad primam gratiam opus, fides, aut voluntas, quæ sit meritum talis gratiæ, non vero excludi præparationem, aut dispositionem aliquam, cuius intuitu Deus decernat conferre primam gratiam auxiliantem. Non inquam valet, primo, quia S. Prosper. contra Collatorem cap. 6. illum redarguit, eo quod assereret, dari in natura initium voluntatis, cuius intuitu daretur gratia, negando, illud esse meritum, aut gratiam secundum merita nostra dari. Sic inquit: *Velis, nolis, conquiris gratiam Dei secundum merita nostra dari, cum aliquid in ipsis hominibus præcedere affirmas, propter quod gratiam consequantur.* Nec enim nullius meriti haberi potest petentis fides, querentis pietas, pulsantis instantia: Ergo immerito negatur meritum, si conceditur dispositio, aut præparatio. Secundo, quia in prædictis textibus non solum negatur omne meritum, sed omnis fides, aut bona voluntas, cui correspondeat gratia prima auxilians: Ergo. Confirmatur ex D. Thom. quodlibet. 1. artic. 7. vbi sic ait: *Ad Pelagianorum errorem pertinet dicere, quod homo possit se ad gratiam preparare absque auxilio diuine gratiæ, & est contra Apostolum, qui dicit ad Philip. 1. Quia caput in nobis opus bonum, ipse perficit:* Ergo nulla dispositio, aut præparatio præcedit primam gratiam, cuius intuitu Deus confert primam gratiam.

5. Secundo ex eodem D. Thom. 3. contra Gent. cap. 149. vbi sic ait: *Homo igitur non mouet se ipsum ad hoc quod adipiscatur diuinum auxilium, quod supra ipsum est, sed potius ad hoc adipiscendum à Deo movetur. Motio autem mouentis præcedit motum mobilis ratione, & causa.* Non igitur propter hoc datur nobis auxilium, quia nos ad illud per bona opera promouemur, sed potius nos ideo per bona opera proficimus, quia diuino auxilio præuenimur. Quod philosophice probat hoc silicet: *Agens instrumentale non disponit ad perfectionem inducendam à principali agente, nisi secundum quod agit ex virtute principalis agentis, sicut calor ignis non magis præparat materiam ad formam carnis, quam ad aliam, nisi in quantum agit in virtute animæ: Sed anima nostra operatur sub Deo sicut agens instrumentale sub principali agente: Non igitur potest se anima preparare ad suscipiendum effectum diuini auxilij, nisi secundum quod agit ex*

vir-

virtute divina: Prævenitur ergo divino auxilio ad bene operandum, magis quam divinum auxilium præveniat quasi merendo illud, vel se ad illud præparando. Secundò, sic: Nullum agens particulare potest universaliter prævenire actionem primi, & universalis agentis, eo quod omnis actio universalis agentis originem habet ab universali agente, sicut in istis inferioribus omnis motus prævenitur a motu celesti: Sed anima humana ordinatur sub Deo, sicut particulare agens sub universali: Impossibile est ergo esse aliquem rectum motum in ipsa, quem non præveniat actio divina. Vnde & Ioan. 1. 5. Dominus dicit: *Sine me nihil potestis facere*. Et postquam allegat plura Sac. Scripturæ testimonia ad id probandum, concludit: *Per hoc autem excludit error Pelagianorum, qui dicebant, huiusmodi auxilium propter merita nostra dari, & quod iustificatio nostra a initium ex nobis sit, consummatio autem ex Deo*. Tum sic: Sed D. Thom. in his non solum excludit meritum de condigno, sed omne meritum, non solum meritum, sed preparationem, vi cuius homo se præparat, aut disponit ad divini auxilij susceptionem ante ipsum, sen pro priori ad ipsum ex proprijs viribus, & independentes ab ipso: Ergo.

6 Tertiò ex eodem D. Tho. super Epist. ad Hebræos, cap. 12. Ies. 5. ubi sic ait: *Hoc ipsum, quod est non ponere obstaculum gratiæ, ex gratia procedit*. Vnde si aliquis ponat, & tamen moveatur cor eius ad removendum illud, hoc est ex dono gratiæ Dei vocantis per misericordiam. En ubi omnem dispositionem excludit gratiam, adhuc per modum removentis prohibens, quæ non sit ex gratia Dei vocantis. Sigillantur dicta, tum ex Concilio Africano c. 2. Canon. 5. sic definiens: *Si quis in initium fidei, ipsiisque credulitatis affectum, quo in eum credimus, qui iustificat impium, non per gratia donum, sed naturaliter inesse dicit, Apostolicis traditionibus contradicit*. Tum ex Tridentino Sess. 6. de iustificat. cap. 5. ubi sic dicitur: *Declarat præterea, ipsius iustificationis exordium in adultis à Dei per Christum Jesum præveniente gratia summendum esse*. Non ergo ad eam gratiam prædestinandam movetur Deus intuitu boni operis, aut fidei, aut initij bonæ voluntatis: alioquin ab hoc, & non à gratia sueretur exordium nostræ iustificationis; sed potius ipsum initium fidei, aut bonæ voluntatis, aut credulitatis affectus, ex Dei gratia provenire censendum est, si catholicè sentire velimus.

7 Licet præcedens doctrina adeò certa sit, contra illam tamen opposui solent aliqua PP. testimonia, tum ex Chrysost. tum ex Tertulliano, tum ex Iuliano, Origene, & alijs. Sed ista iam regulimus, & exposuimus in sano sensu Tractat. de Provident. quest. 9. à num. 170. quibus adde, quod Chrysostom. tom. 1. Homilia de Adam,

& Eva, sic ait: *Omnium bonorum affectuum, atque operum, & omnium studiorum, omniumque virtutum, quibus ab initio fidei ad Deum tenditur, Deum profiteamur Autorem, & non dubitemus, ab ipsius gratia omnia hominis merita provenire, per quam etiam sit, ut aliquid boni, & velle incipiamus, & facere*. Et idem docet, hom. 12. in 1. ad Corinth. ad illud: *Quid habet, quod non accepisti*. Et homil. 38. ad Populum Antiochenum, & homil. 1. in Epist. ad Ephes. Vnde si alibi initium bonæ voluntatis attribuire videtur libero arbitrio, ut post Deum suam gratiam introducat; seu Deum suæ gratiæ non prævenire nostras voluntates; exponendus est in sano sensu, nempe vel de gratia habituali, quæ certe non prævenit voluntatem in primis motibus illius ad iustificationem, sed ad eos motus subsequitur, veluti ad dispositiones; vel de motione aliqua experimentalis, quam expectare debeamus ut conerunt ad bonum; vel de motione aliqua necessitante, aut lædente liberum arbitrium, quia certum est, Dei gratiam non prævenire motionem experimentali liberum arbitrium, nec motionem necessitante, & hoc ad summum voluit asserere Chrysostomus. Minime autem excludit indigentia motuosis gratiæ, seu gratiæ prævenientis omnem motum, & initium bonæ voluntatis ad salutem conducentis, quæ liberum arbitrium non lædat, nec illud præveniat necessitando. Et similiter exponendi sunt alij PP.

8 Secundò opponunt aliqua D. Thom. testimonia difficilia. Quia in 1. sentent. dist. 4. c. 1. artic. 3. in corpore. sic ait: *Opus bonum præcedens gratiam non est causa meritoria gratiæ, sed solum dispositio*: Ergo admittit saltem dispositionem ad gratiam, præcedentem gratiam. Secundò, quia ibi ad 2. sic ait: *Prædestinatio respectu gloriæ habet rationem iustitiæ distributiæ, sed respectu primi effectus, scilicet gratiæ, habet rationem magis liberalitatis quam iustitiæ, quia gratia datur gratis, & non redditur meritis*. Vnde ex parte recipientis non est assignare causam quare dignus sit gratia, sed solum dispositionem quandam: Ergo ad gratiam, quæ est primus prædestinationis effectus, præcedit ex parte nostra, si non meritum, saltem aliqua dispositio. Tertiò, quia in 2. dist. 5. artic. 1. ubi inquit: *An Angeli indignerint gratia, ut converterentur in Deum*, postquam retulit sententiam assentientem, duplicem gratiam requiri ad conversionem meritoriam; vnam gratum facientem ad informandum actum, aliam gratis datam ad eliciendam substantiam actus, subiungit de hac secunda: *Sed istam gratiam ponere necessarium non videtur, nisi ipsa libertas arbitrii gratia dicatur, quæ proculdubio à Deo est*. Et concludit: *Et ideo aliter est dicendum, quod ad eliciendum actum conversionis sufficit liberum arbitrium, quod se ad habendam*



dam gratiam per hunc actum preparat, & disponit; sed efficacia conversionis ad meritum non potest esse, nisi per gratiam. Vnde vnus, & idem motus est conversionis liberi arbitrij, in quo gratia infunditur, qui est dispositio ad gratiam, secundum quod exiit a libero arbitrio, & meritorius secundum quod gratia informatur: Ergo D. Thom. adinicit motum liberi arbitrij disponentem ad gratiam, & priori gratia a libero arbitrio distincta non indigentem. Quartum, quia ibid. dist. 28. quæst. 1. artic. 4. in corpor. refert sententiam exigentem lumen gratiæ gratis datæ, vt quis se ad gratiam præparet, & subiungit: *Istud autem ponere videtur inconueniens, quia preparatio, quæ est ad gratiam, nõ est per actus, qui sunt adequandi ipsi gratiæ equalitate proportionis, sicut meritum equatur premio; & ideo non oportet, vt actus, quibus homo se ad gratiam preparat, sint naturam humanam excedentes*: Ergo ex mente D. Thom. per actus merè naturales, & consequenter non egentem gratia, homo se præparat ad gratiam.

Hæc testimoniâ adeo difficiia aliquibus visa sunt, vt dixerint, D. Th. sententiam, quam iunior in lib. Sent. docuerat, inhibitus forsan doctrina Collatoris, siquid collationes PP. assidue pervolutabar, postea in Summa, & in lib. contr. Gent. & alibi retractasse. Sed hanc evasionem merito rejiciunt Illu. Godoy, & M. Gonet, vt Angelico Præceptori indecoram, quia cum ea doctrina sapiat errorem Pelagianorum, vt ex ipso vidimus, quem damnatum, & præscriptum à CC. & PP. D. Thom. ignorare non potuit, illi, adhuc iuniori, adscribendum debet; vnde dicendum censeo, ipsum non quidem retractasse, sed exposuisse suam sententiam, quam iunior in Sententiis docuerat, in reliquis eius operibus, tradidisseque regulas, quo pacto intelligenda foret. Regulæ autem istæ sunt. Primò, quam tradidit 1. 2. quæst. 109. artic. 6. ad 2. vbi sic ait: *Cum dicitur homo facere quod est in se, dicitur hoc de potestate hominis secundum quod est motus à Deo. Et ad Roman. 10. lect. 3. sic ait: Hoc ipsum, quod aliqui faciunt, quod in se est, convertendo se ad Deum, ex Deo est mouente corda ipsorum in bonum*. Secunda ad Anibaldum in 2. distinct. 28. artic. 4. ad 3. vbi sic ait: *Vnde cum dicitur aliquid esse in nobis, non excluditur Dei auxilium*. Et quodlibet. 1. artic. 7. ad 1. sic ait: *Per hoc quod hominis est se preparare per liberum arbitrium, non excluditur necessitas auxilij diuini, sicut per hoc quod ignis est calefacere, non excluditur necessitas calefactus motus*. Tertia, quam retulimus n. 5. vbi expressè ait, non posse hominem se ad gratiâ preparare, nisi diuino auxilio præuictum. Et num. 6. quod hoc ipsum, quod est, non ponere obflaculum gratiæ, ex gratia procedit. Ex his igitur regulis exponenda sunt, quæ D. Thom. iunior in Sententiis docuerat, quia semper oportet prio-

ra per posteriora exponere, & non e contra. Igitur.

10 Ad primum, dico, quod opus bonum præcedens gratiam habitualement, nõ est causa meritatoria gratiæ, sed solum dispositio ad ipsam, quia videlicet procedit ex gratia actuali auxiliante, & hic est sensus D. Thom. vnde distingo consequens: Ergo admittit dispositionem ad gratiam habitualement præcedentem gratiam habitualement, concedo: Præcedentem omnem gratiam, etiam aequali auxiliantem, nego consequentiam. Ad secundam, dico, quod ex parte recipiētis primam gratiam habitualement, non est assignare causam quare dignus sit ea gratia, bene tamen aliquam dispositionem, & hic est sensus D. Thom. Nec in contra est, quod D. Thom. loquitur de gratia, quæ est primus prædestinationis effectus, & hæc est prima gratia actualis, non habitualis: Non inquam, quia D. Thom. intelligendus est, de gratia, quæ inter principales effectus prædestinationis, est primus, & hæc est prima gratia habitualis, non prima actualis, quia hæc non numeratur inter principales effectus, sed ad primam gratiam habitualement reductur, & non ponit in numero cum illa. Vnde distingo consequens: Ergo ad gratiam habitualement, quæ est primus effectus prædestinationis inter principales, præcedit dispositio, concedo: Ad primam actualement, quæ principalis effectus non est, nego consequentiam.

11 Ad tertium dico, quod sententia illa exigens duplicem gratiam ad conversionem meritatoriam, quamlibet impugnat D. Thom. exigebat duplicem gratiam habitualement, nam gratum facientem, seu sanctificantem; aliam gratis datam etiam habitualement, & permanentem, vt num. sequenti constabit; vnde cum D. Thom. subiungit: *Sed istam gratiam ponere necessarium non videtur, nisi libertas arbitrij gratia vocetur*, solum excludit, vt necessariam, gratiam gratis datam habitualement à libertate arbitrij distinctam, & à gratia gratum faciente; non autem gratiam actualis auxilij, quam semper subintelligendam vt necessariam docet regulis supra citatis, nunquamque excludi affirmat. Cum ergo subiungit, quod ad eliciendum motum conversionis sufficit liberum arbitrium, intelligendum est, per exclusionem habitualis doni, non per exclusionem actualis auxilij, quia cum dicitur aliquem se preparare per liberum arbitrium, non excluditur necessitas auxilij diuini, vt constat ex secunda regula ab ipso assignata. Et cum ait, quod actus conversionis secundum quod exiit a libero arbitrio est dispositio ad gratiam, intelligendum est, secundum quod erit à libero arbitrio vt moto, & auxiliato gratia actuali, quia non aliter liberum arbitrium facere potest, quod in se est ad gratiam iustificatam suscipiendam, nisi vt motus, & auxiliatus actuali gratia, vt ipse D. Thom. explicat,

12 Ad quartam similiter dico, quod sententia illa, quam D. Thom. impugnatur, exigebar, ut quis se ad gratiam prepararet, lumen gratiæ gratis dari habituale, & permanens, quod constat clarè, quia postquam D. Thom. supponit, requiri gratiam sumptam pro aliquo excitativo voluntatis, quæ sanè est gratia actualis, subiungit: *Si autem accipiatur gratia pro aliquo munere habituali gratiæ infuso, sic duplex est opinio. Quædam enim dicunt, quod nullus posset se ad gratiam gratum facientem preparare, nisi per aliquod lumen menti infusum, quod est donum gratiæ gratis data, nempe habituale, de quo iam loquebatur: Ergo ea sententia, quæ eadem est, cum relata numero præcedenti, aiebat requiri ad hoc ut homo se disponat ad gratiam gratum facientem, aliam gratiam habituales: Hanc ergo ut minimè necessariam rejicit D. Thom. non vero gratiam actualem divini auxilii, quam semper exigit, & nunquam excludit, ut iam vidimus. Unde cum subiungit, quod actus, quibus homo disponitur ad gratiam, non sunt æquandi ipsi gratiæ æqualitate proportionis, sicut meritum peccato, id certissimum est, quia sunt tantum dispositiones non accedentes ad æqualitatem proportionis cum gratia sanctificatrice. Cum demum ait, quod non oportet, quod sint naturam humanam excedentes, debet intelligi quod non debent excedere naturam humanam ut auxiliatam gratia actuali, quam semper exactam supponit, licet excedant semper naturam humanam nude sumptam. Et sic intelligitur Angelicus Præceptor sine ulla contradictione.*

13 Aliter possunt explicari etiam testimonia O. Thom. nempe de dispositione negativa nullam connexionem dicente cum gratia, nec exigentiam illius, sed solum per modum remotionis aliqua impedimenta resistentia gratiæ receptioni, eo sensu, quo quis viribus naturæ potest elicere aliquos actus honestos naturalium virtutum, & reprimere passionem, & affectiones superbiæ, ambitionis, & alias huiusmodi, quibus gratiæ resistitur, licet non ex motivo supernaturali, sed ex motivo naturalis honestatis, continentis, & modestiæ: per quod quidem anima negativè disponitur ad gratiam, quatenus minus illi resistit, licet hæc dispositio per accidens, & purè negativè se habeat ad gratiam, & sine exigentia illius per se, quam dispositionem negativam esse possibilem ex viribus naturæ nullus diffiteri potest: & de hac explicari possunt plura PP. testimonia, & D. Thom. ubicumque sentire videntur, hominem per solum liberum arbitrium, aut ex viribus naturæ se disponere ad gratiam, quatenus nempe præter intentionem, per accidens, & negativè se disponit, reprimendo ex motivo purè naturali plures affectus resistentes gratiæ, non quia resistentes gratiæ, quia hoc esset mo-

tivum supernaturale, sed quia contrarios naturali honestati, modestiæ, & continentis. De quo alibi.

14 Ex quo solvitur illud commune argumentum desumptum ex illo communi axiomate facienti quod est in se, Deus non denegat gratiam: Sed homo sine gratia potest facere quantum est ex se: Ergo Deus ei non denegabit gratiam: Ergo homo sine gratia, seu ex viribus solum, naturæ potest ita se disponere ad gratiam, quod Deus ei gratiam non denegat. Et confirmatur, quia homo viribus naturæ potest tollere impedimentum, & obicem gratiæ reprimendo nempe affectus resistentes gratiæ: Sed aliunde Deus est paratus conferre gratiam cuilibet non resistenti, nec apponenti obicem: Ergo potest ita se disponere, quod Deus illi infallibiliter conferat gratiam. Respondeo enim ex doctrina Div. Thom. *suprà num. 9.* tradita, quod illud axioma intelligitur deficiente quantum est in se ex viribus gratiæ, seu ex divino auxilio gratuito: quia debet intelligi de faciente quantum est in se ad gratiam consequendam, non verò de faciente quantum est ex se ad alium finem purè naturalem: quia falsum est, quod facienti quantum est ex se ad finem purè naturalem, Deus non denegat gratiam, alias facienti quantum est ex se ad Philosophiam, vel Mathematicam acquirendam, Deus non denegaret gratiam, quod ridiculum est: Debet ergo intelligi de faciente quantum est ex se ad finem recipiendi gratiam, qui est finis supernaturalis: nullus autem potest tacere, aut conari quantum est ex se ad finem supernaturalem acquirendæ gratiæ, nisi motus ab Authore gratiæ, aut vi auxilii gratuitit, vide cum dicitur: Facienti quod est in se Deus non denegat gratiam, necessariò debet intelligi de faciente quantum est in se ex viribus gratiæ, sive ut motus ab Authore gratiæ: quo pacto fatemur se disponere ad gratiam, ita ut infallibiliter illam consequatur.

15 Ad confirmationem, distingo maiorem: Homo viribus naturæ potest tollere omne impedimentum gratiæ, nego: Aliquod, vel plura, sed non omnia, concedo maiorem, & minorem, & nego consequentiam, quia Deus est paratus conferre gratiam cuilibet nullum apponenti obicem, aut impedimentum gratiæ receptioni: ceterum licet quis possit viribus naturæ tollere aliquod, vel aliqua impedimenta, seu aliqua non apponere, & minus resistere, non tamen potest viribus naturæ omnia impedimenta vitare, & nullum impedimentum apponere, quia non potest viribus naturæ, & sine viribus gratiæ vitare omnia peccata, præsertim conversionem illam ortam ex peccato originali ad bonum commutabile, seu ad se ipsum ut ultimum finem, quia hæc vitari non potest, nisi viribus gratiæ elevantis hominem ut ponatur ad superiorem finem supernaturalem amissum

sum pte peccatum originale; unde, nisi viribus gratiz, non potest nullum impedimentum apponere gratiæ receptioni; ideoque recte dicit Div. Thom. *hoc ipsum quod aliquis non ponit obſtaculum gratiæ, ex gratiâ eſt*; intellige, si nullum ponat obſtaculum; quia munus obſtaculum ponere, minusque resistere, potest esse ex viribus nature, modo explicato.

16 Supponendum est tertio, prædestinationem ad primam gratiam habituentem, seu sanctificantem, esse gratuitam, & non ex meritis prævisis. Ita etiam communiter Theologi. Et constat primo ex illo Apost. ad Timoth. 3. *Non ex operibus iustitiæ, quæ fecimus nos, sed secundum suam misericordiam salvos nos fecit per labacrum regenerationis, &c.* Secundo ex August. *de Prædestinat. Sanctior. cap. 15.* ubi sic ait: *Eſt præclarissimum lumen, id eſt, exemplum prædeſtinationis, & gratiæ ipſe ſalvator, ipſe mediator Dei, & hominum homo Chriſtus Jeſus.* Et ad finem capitis sic exemplum applicat: *Sicut ergo prædeſtinatus eſt ille vnus, ut caput noſtrum eſſet, ita & multi prædeſtinati ſumus ut mēbra eius eſſemus. Humana hic merita conticeſcant, quæ perierunt per Adam, & regnet, quæ regnat, Dei gratia per Jeſum Chriſtum Domin. Noſtr. Quiſquis in capite noſtro præcedenti merita ſingularis illius generationis invenerit, ipſe in nobis membris eius præcedenti merita multiplicatę regenerationis inquirit: Neque enim retributa eſt Chriſto illa generatio, ſed tributa. Sic & nobis, ut ex aqua, & ſpiritu renaſceremur, non retributum eſt pro aliquo merito, ſed gratis tributum. Non putare debemus priores nos dediffe aliquid ut retribueretur nobis regeneratio ſalutis.* Hæc Augustinus: Sed regeneratio ſalutis eſt per primam gratiam sanctificantem: Ergo prædestinatio ad primam gratiam sanctificantem eſt gratuita, & non ex prævisis meritis, ad modum quo prædestinatio Chriſti Domin. Demum, quia ut communiter Theologi probant 1.2. agentes de merito, prima gratia sanctificans non potest cadere sub merito, cum ipſa ſit principium omnis meriti: Ergo prædestinatio ad ipſam non potest esse ex meritis, ſed neceſſario eſt gratuita, & liberalis.

17 Nec dicas, ex his ſolum probari, quod prædestinatio ad eam gratiam non ſit ex merito de condigno, poſſe tamen esse ex merito de congruo, seu intuitu diſpoſitionis præcedentis, quæ meritum ſaltem de congruo eſſe poſeſt. Contra enim eſt, primo, quia hoc dato, ſemper prædeſtinatio manet ſimpliciter gratuita, quia cum meritum de congruo non fundet debitum ex iuſtitia, relinquit ſimpliciter gratuitam prædeſtinationem. Secundo, quia nec meritum de congruo admittunt plerique Theologi. Tercio, quia illa præcedens diſpoſitio eſt effectus prædeſtinationis

ad gratiam sanctificantem, quos enim Deus prædeſtinavit conformes fieri imaginì filij ſui, hos & vocavit, inquit Apoſt. ut nempe eos diſponeret ad gratiam recipiendam, quæ conformes fierent. Unde nedum diſpoſitio, ſed prima vocatio eſt effectus prædeſtinationis ad gratiam illam, quæ conformes ſiunt: Sed effectus prædeſtinationis ad gratiam non eſt meritum adhuc de congruo, cuius intuitu Deus prædeſtinat ad gratiam, quia illud non ſupponit præviſum, ſed potius ipſum inſert, & cauſat in prædeſtinato: Ergo nec intuitu illius præviſe diſpoſitionis, aut ex illa præviſa Deus prædeſtinat ad primam gratiam.

18 Supponendum eſt quarto: Prædeſtinationem infantum, qui poſt baptiſmum, & ante uſum rationis decedunt, tum ad gratiam, tum ad gloriam per modum hereditatis, non eſſe ex præviſis meritis, ſed vnice gratuitam. Eſt contra Semi-Pelagianos, qui aſſerebant, quod licet non eſſet ex præviſis meritis abſolute futuris, quæ illi nulla merita abſolute habituri erant; eſſe tamen ex præviſis meritis conditionatę futuris, quæ ſcilicet facturi forent, ſi ad uſum rationis perveniſſent; & hinc aſſignabant rationem, quare Deus aliquos infantes ſine baptiſmo decedere, alios baptiſmo donari diſponeret; quia videlicet eos, quos malos futuros prævidebat, propter demerita, quæ eos habituros prævidebat, ſi viverent, ſine baptiſmo decedere permittebat; eos vero, quos bonos futuros prævidebat, ſi viverent, baptiſmo tunc decedere propter merita conditionatę præviſa.

19 Sed hunc errorem pluribus in locis impugnatur Auguſtinus. Primo, quia nemo iudicatur, & conſequenter nec privatur gratiâ, aut Regno Celorum, propter peccata, quæ facturus eſſet ſub conditione, ſi viveret, ſed ſolum propter peccata abſolute commiſſa, quod probat ex illis 1. ad Corinth. 5. *Omnes nos maniſeſtari oportet ante tribunal Chriſti, ut referat unusquiſque prout geſit in corpore ſuo.* Non enim (inquit Auguſt. lib. de Prædeſtinat. Sanctior. cap. 12.) dixit Apoſt. *prout geſurus eſſet*, ſed prout geſit: Ergo nemo iudicandus eſt ex his, quæ geſiſſet, ſi viveret, ſed ſolum ex his, quæ abſolute geſit. Secundo, quia ſi per labacrum regenerationis remiſſit Deus peccatum originale, cuius infantes rei ſunt, potiori titulo remitteret peccata, quæ ſacriſci forent, ſi illorum rei ſunt: Ergo dici nequit quod propter peccata, quæ commiſſuri forent ſub conditione vitę longioris, negat remiſſionem peccati originalis, aut labacrum regenerationis, nempe baptiſmum. Tercio, quia ſi Deus prædeſtinaret, aut reprobatet infantes propter opera futura, aut præviſa ſub conditione vitę longioris, nemo reprobareretur propter peccatum originale, ſed tantum propter actualia committenda ſub conditione. Unde Auguſt. *ubi ſupr. cap. 3.* ſic ait:

*Attendant, si ita est, non iam parvulis sine baptismate morientibus peccata originalia vindicari, sed sua cuiusque futura si viveret:* Sed hoc est absurdum: Ergo. Quartò, quia alias probari non posset peccati originalis existentia, quia hæc eo potissimum à Catholicis probatur, quia infantes sine baptismo extincti à Regno Dei excluduntur, seu æterna pœna damni puniuntur, quod esse non potest, nisi propter aliquod peccatum: Sed hoc fundamentum nullum esset, si posset reprobari propter peccata, quæ commissuri forent, si diutius viverent, quia iam opus non esset recurrere ad peccatum originale: Ergo.

20 Quinò, ex Cypriano lib. de Immortalitate Animæ, ubi probat, mortem corporalem à Christiano timeri non debere vt verum malum, quia potius eum constituit in securitate non peccandi: Sed hæc ratio nulla foret, quia mors non posset auferre peccata conditionatè prævisa sub conditione longioris vitæ, propter quæ Deus eum puniret, ac si ipsa commississet, vnde ait August. vbi suprâ cap. 14. *Sed quid prodest, mori, si etiam futura, quæ commissæ non sunt, peccata puniantur:* Ergo. Et vrget, ex illo Sapient. 4. *Raptus est ne malitia mutaret intellectum eius.* Ad quem locum sic ait, lib. de Dono Perseverant. cap. 14. *Si enim iudicarentur homines pro meritis sua vita, quæ non habuerunt morte præventi, sed habituri essent si viverent, nihil prodesset ei, qui raptus est ne malitia mutaret intellectum eius; nihil prodesset eis, qui lapsi moriuntur, si ante mererentur; quod nullus Christianorum dicere audebit:* Ergo. Sextò, quia si Deus reprobaret, aut prædestinaret propter opera conditionatè prævisa, opus non esset, imò & frustraneum prædicare illis Evangelium, quia satis foret prævidere quid facturi essent, si eis Evangelium prædicatum fuisset, ad illos prædestinandos, vel reprobandos, seu ad illos iudicandos: Hoc autem fatuum esse probat August. vbi suprâ cap. 9. exemplo Tyrriorum, & Sydoniorum, quos reprobatos esse vt infideles nemo dubitat, quamvis Christus dixerit, eos a duobus magnæ humilitatis pœnitentibus, si eis Evangelium prædicaretur: Ergo idem quod prius.

21 Denique supponendum est, neminem prædestinari ad gratiam ex bono vfu illius conditionatè prævisi sub conditione collationis gratiæ, nec ex hoc motivo prædestinari quemquam ad gloriam. Ita Div. August. contra Pelagianos locis suprâ citatis. Et patet ex dictis, quia propter opera, aut merita conditionatè prævisa, nec datur, nec negatur gratia, aut gloria, nec præmiatur, nec puniatur quisquam, quia nec ex illis Deus hominem iudicare potest, vt iam vidimus ex Augustino: Ergo. Confirmatur, quia Christus Dominus prævidebat Tyrios, & Sydonios bonè viuros prædicatione Evangelij, & miracu-

lis, si apud illos facta fuissent: Et tamen noluit apud illos talia miracula facere, nec illis prædicare Evangelium, cum posset: Ergo bonus vfus gratiæ prædictus sub conditione futurus non est meritum, nec motivum, cur Deus concedat gratiam suam, aut gloriam. Et vrgetur ex illo, raptus est ne malitia mutaret intellectum eius. Sane de iusto prævidebat Deus, illum abuturum gratia attentis periculis huius vitæ, si diutius viveret; & tamen non propterea ipsum reprobavit; nec privavit sua gratia, imò ipsum dilexit, & prædestinavit, & rapuit in suam societatem: Ergo malus vfus conditionatè prævisus non est apud Deum meritum ad reprobandum, aut ad negandam gratiam requisitam ad salutem. Vide plura de hoc assumpto *Tractat. de Provident. quæst. 54 à num. 58. & quæst. 13. à num. 105. & in D. August. locis vbi suprâ relatis.*

22 His præmissis, restat iam præcipua difficultas, nempe de prædestinatione, aut electione adultorum ad gloriam vt coronam. Circa quam plures sunt sententiæ. Prima fuit Ambrosij Catherinis qui aliquos eximie Sanctos concedebat gratuito, & anee illorum merita prævisa prædestinatos, & electos ad gloriam; ceteros autem non sic prædestinatos, sed solum generalitèr voluncate, & providentia vocatos, & post prævisa merita electos ad gloriam. Secunda sententia id ipsum affirmat de omnibus electis, nempe Deum nominem prædestinare, aut eligere specialiter, & efficaciter ad gloriam, nisi ex meritis prævisis, licet prædestinet ad gratiam anee prævisa merita, & gratis. Pro qua sententia referuntur plures Auctores, vt sunt Molina, Vazquez, Lessius, Becanus, Hericé, Alarcon, & alij. Tertia sententia absolute affirmat, Deum gratuito, & ante merita prævisa eligere prædestinatos ad gloriam. Quam sententiam tenent communiter Thomistæ, & plerique ex extraneis, quorum aliqui illam ita certam existimant, vt inter fidei dogmata computandam censent. Subdividentur autem, quia illorum aliqui duplex in Deo decretum admittendum esse dicunt, vnum intentivum quo gratuito eligit prædestinatos ad gloriam, & ante prævisa merita; aliud executivum, quo ex iusticia, & ex meritis prævisis illos eligit ad gloriam, seu illis decernit dare gloriam; ita Illustri. Godoy, & plures RR. càm Thomistæ, quàm Iesuicæ. E contra vero alij nullum decretum admittant in Deo dandi gloriam prædestinatis, quod gratuito non sit, & ante merita prævisa.

Vt autem veram sententiam explicare possimus.

\*\*\* | \*\*\*  
\*\*\* \*\*  
\*\*\*

**NOSTRA SENTENTIA EX**  
*Sacro Textu ostenditur.*

23 **D**ico ergo primò: *Prædestinatio electorum, seu electio prædestinatorum ad gloriam est gratuita, & non ex prævisis meritis.* Probatur primò ex illo Lucæ 12. *No- lite timere pusillus grex, quia complacuit Patri vestro dare vobis Regnum.* Vbi illa causalis, *quia complacuit*, planè significat voluntatem gratuitam, & non ex meritis; non quidem generalem, sed specialem solis prædestinatis, quia loquitur cum solis illis, quod denotat *ly pusillus grex*, nam, vt ait Venerabilis Beda, talis nominatur ob comparationem maioris numeri reprobatorum; demum ea voluntas gratuita, & specialis non est dandi præcisè gratiam, sed potius gloriam, quia inquit: *Complacuit Patri vestro dare vobis Regnum*, nempe Cælorum. Vnde sic ex eo Textu suadetur nostra sententia: *Pusillus grex*, non ex prævisis meritis, sed gratuito, & ex mero Patris beneplacito eligitur ad Regnum Cælorum: Sed pusillus grex sunt omnes prædestinati: Ergo electio prædestinatorum ad gloriam, seu ad Regnum Cælorum est gratuita, & non ex prævisis meritis.

Secundò ex illo Ioannis 15. *Non vos me elegistis, sed ego elegi vos, ut eati, & fructum afferatis, & fructus vestri maneant.* Ex quo sic arguitur: Hic loquitur Christus, non de sola electione ad gratiam compatibilem cum amissione gratiæ, & gloriæ, siquidem loquitur de electione *ut fructus eorum maneant* in æterna nempe gloria, nam aliter manere non potest: Sed loquitur de electione gratuita, & non ex meritis prævisis, quia si ex eorum meritis prævisis eos elegeret, potius dicendum esset, quod priores ipsi elegerint Christum, quam Christus eos: Ergo electio ad gloriam est gratuita ex parte Christi, & non ex meritis prævisis.

24 Tertiò ex illo Ioann. 6. *Hæc est voluntas Patris, ut omne, quod dedit mihi, non perdam, sed resuscitem in novissimo die.* Et cap. 10. *Nemo rapet eas, nempe oves, de manu mea, & reddit rationem: Nemo potest rapere de manu Patris mei, ego & Pater unum sumus:* Etenim hic loquitur Christus de voluntate efficaci, tam sua, quam Patris, dandi gloriam, speciali electis, & consequenter de voluntate prædestinativæ; nam loquendo de alia voluntate generali, plures oves rapiuntur de manu Christi, & de manu Patris: Sed non assignat pro ratione huius voluntatis merita vlla, sed solum quod sibi tradidit fuerint à Patre, vt resuscitet illas in novissimo die: Ergo voluntas prædestinativa est gratuita, & non ex meritis.

25 Quartò ex Apostolo, qui in suis Epi-

stolis accerrimus est gratuite prædestinationis assertor. In primis enim ad Ephes. cap. 1. sic ait: *Elegit nos in ipso ante mundi constitutionem, vt essemus Sancti, & immaculati in conspectu eius in caritate. Qui prædestinavit nos per Iesum Christum in ipsum secundum propositum voluntatis sue in laudem gloriæ gratiæ sue.* Ex quo sic arguitur: Hic loquitur Apostolus de electione gratuita, & non ex meritis. Tum quia loquitur de electione, qua elegit nos vt essemus Sancti, & non quia eramus Sancti, vt rectè notavit D. Hieronymus ad illum locum, sic inquitur: *Non eliguntur Paulus, & ei similes, quia erant Sancti, & immaculati, sed eliguntur, & prædestinantur, vt consequenti via per opera atque virtutes Sancti, & immaculati fiant.* Tum quia loquitur de electione, non secundum merita nostra, sed secundum propositum voluntatis sue. Quod exponens Augustinus lib. de *Prædestinat. Sancto*. cap. 18. sic ait: *Fecit hoc secundum placitum voluntatis sue, vt nemo de sua, sed de illius erga se voluntate gloriatur. Fecit hoc secundum divitiæ gratiæ sue, secundum bonam voluntatem suam, quam proposuit in dilecto filio suo, in quo sortem consequi sumus, prædestinati secundum propositum, non nostrum, sed eius, qui universa operatur:* Deinde loquitur de prædestinatione non ad gratiam amissibilem, seu frustrabilem à consecutione gloriæ, sed de prædestinatione etiam ad gloriam; tum quia loquitur de his, quos *benè dixit Deus omni benedictione spirituali in cælestibus*, vt immediatè præmiserat, qui soli sunt prædestinati ad gloriam. Tum quia Glossa Angelica sic exponit: *Elegit nos vt essemus Sancti, in æterna beatitudine*, sanctitatem nempe consummata, qualis solum est in gloria: Ergo ex Apostolo electio prædestinatorum ad gloriam est gratuita, & non ex meritis.

26 Quintò ex illo celebri Apostoli testimonio, quo in *Epist. ad Roman.* cap. 9. exponens secretissimum Mysterium prædestinationis, & reprobationis per symbolum illorum geminorum Iacob, & Esau; de quibus Deus dixerat Rebecca, dum in utero eos gestaret: *Maiores serviet minori*, & Malachia 1. *Iacob dilexi, Esau autem odio habui*, sic ait: *Cum enim nondum nati fuissent, nec aliquid boni, aut mali egissent, vt secundum electionem propositam Dei maneret, non ex operibus, sed ex vocante dictum est ei, Rebecca nempe, quia maior serviet minori, sicut scriptum est, Iacob dilexi, Esau autem odio habui.* Ex quo sic argumentor: Sic Deus se gerit in prædestinatione electorum, sicut se gessit diligendo Iacob, & eum præferendo suo fratri Esau: Sed Deus dilexit Iacob, eum præferendo Esau, purè gratuito, & nõ ex operibus, nec quia aliquid boni egisset, ex sola Dei vocantis electione, & proposito: Ergo sic eligit prædestinatos ad gloriam.

Con-

27 Confirmatur, quia ipse Apost. hanc sibi difficultatem opponit: *Quid ergo dicemus? Nunquid iniquitas est apud Deum?* hoc est, nunquid in Deo est vicium acceptionis personarum? Cui obiectioni, si existimaret electionem esse ex prævisis operibus, facillime respondere posset, negando hoc sequi, quia secundum cuiusque opera prævisa atqueque secupdam merita respiciebat, nempe amando Iacob, quia, bene operaturum prævidebat, & odio habendo Esau, quia ipsum malum futurum prævidebat: Sed hoc minimè respondet, imò oppositum, sic enim ait. *Abstine: Moyse enim dictum est, miserebor, cuius miserebor, & misericordiam præstabo, cuius miserebor, (id est, ut habetur Exod. 33. Miserebor, cui volueris, & clemens ero, in quem mihi placuerit): Igitur non volentis, neque currentis, sed miserentis est Dei:* Ergo Apostolus expressè sentit prædestinationem, & electionem ad gloriam non esse ex prævisis meritis, sed gratuitam, ideoque in ea non esse locum acceptionis personarum, quia hoc virium, & iniquitas solum habet locum in debitis ex iustitia distributiva; non autem in purè gratuitis, & ex sola misericordia voluntaria procedentibus, ut infra videbimus ex D. Thom.

28 Confirmatur secundò, ex alia difficultate, quam Apost. sic sibi obiecit: *Dictis itaque mihi; quid adhuc queritur? Voluntati eius quis resistit? Quali sci obijceret:* Ergo Deus iniuste conqueritur de hominibus; nam si cuius vult miseretur, & quam vult indurat, cum alias nemo eius voluntati resistere possit, quid conqueritur de hominibus? Cui etiam difficultati, si sentiret prædestinationem esse ex prævisis operibus, facillime esset responso, dicendo, quæri Deum de hominibus, quod illos prævidisset malè acturos pro priori ad eius voluntatem prædestinativam, aut reprobativam, cum tamen alios ante talem voluntatem prævidisset bonos futuros, & permanentes: At qui nihil minus respondet, seu potius huiusmodi hominis replicas reprimens, intonat: *O homo, quis es tu, qui respondeas Deo! Nunquid dicit signum ei, qui se finxit, cur me fecisti sic? An non habet potestatem sigulus luti, ex eadem massa facere aliud quidem vas in bonorem, aliud vero in contumeliam? &c.* legatur Apost. roto illo capite, & duobus sequentibus, ubi nunquam ad merita, vel opera prævisa recurrit pro ratione prædestinandi vnos, & non alios, eligendi Gentiles, & relinquendi Iudæos, sed tandem concludit: *O altitudo divinarum sapientia, & scientia Dei, quam incomprehensibilia sunt iudicia eius, & investigabilis via eius! Quis enim cognovit sensum Domini, aut quis consiliarius eius fuit? Aut quis prior dedit illi, & retribuetur ei? &c.* Ergo iuxta Apostolum, quod hi præ alijs fuerint electi, aut præde-

stinati ad gloriam, non ad merita prævisa, sed ad gratiam Dei voluntatem incomprehensibilem, & investigabilem referendum est, cuius proinde rationem nullus mortalium cognoverit, quia nullus prior dedit illi, ut ideo retribuetur ei prædestinativa voluntas.

29 Huic solidissimo fundamento respondent primò contrarij, Scripturam Sacram non loqui in eo. Textu de electione prædestinatorum ad gloriam, sed de electione Iacob ad regnum temporale, & ad bona temporalia, in quibus Iacob fuit prælarus Esau, & Populus Israeliticus ex Iacob procedens, Populo Idumæo ex Esau descendenti. Sed contra est manifestè, quia licet testimonium illud, *Mayor servare mihi;* ut habetur in Genes. & illud: *Iacob dilexi Esau autem odio habui,* prout habetur Malachiæ 1. intelligantur ad litteram de Iacob, & Esau, de Populisque ab utroque procedentibus, in ordine ad hæreditatem, & regnum temporale; tamen in sensu allegorico, & symbolico accipiuntur ab Apostolo de prædestinatis, & reprobis, intelligendo symbolice in Iacob prædestinatos, & in Esau reprobos: unde eo symbolo explicat Mysterium illud prædestinationis, & quomodo nò sit ex prævisis operibus, sed ex divinæ voluntatis beneplacito, qui sensus, & intelligentia Apostoli communis est apud PP. tam Latinos, quàm Græcos, ut notant ad illum locum Div. Thom. & Caietanus: Sed quando Textus aliquis Vereris Testamenti explicatur in Novo Testamento, seu intelligitur in sensu symbolico, & spiritali, iam sensus ille spiritalis, & symbolicus sit literalis, & de fide, quia iam declaratur canonicè, in illo sensu dictum fuisse à Spiritu Sancto: Ergo textus ille prout à Paulo vsurpatur, iam debet literaliter, & canonicè intelligi de prædestinatis, & reprobis, & de electione gratuita illorum ad gloriam, & non ex operibus, symbolizata in electione Iacob ad hæreditatem temporalem, gratuita, & non ex operibus.

30 Secundò respondent, Paulum loqui de prædestinatione ad primam gratiam, seu ad vocationem illam mirabilem, qua Gentiles ad christianam fidem præ Iudæis vocati sunt, & electi, ita ut sensus sit, quod sicut Iacob nullo suo merito ad regnum temporale electus fuit, ita Gentiles nullo suo merito ad Fidè Christi vocati sunt; utrumque enim sine merito, utrumque non currentis, nec volentis, sed misereantis Dei fuit, idque esse dogma Catholicum, quodque citrà hæresim negari non potest, primam videlicet gratiam, seu vocationem nullis meritis dari, non autem loqui Apostolum de electione efficaci ad gloriam, nec de illa negare, quod sit ex operibus. Sed contra est, quia licet Apostolus ibi agat de vocatione Gentium, sensus tamen illius minimè est, quod Gentiles solum fuerint gratiati, &

non ex operibus electi ad primam gratiam, seu vocati ad Fidem vocatione, & gratia frustrabili, ita quod ex operibus fuerint electi ad gloriam; hoc enim alienissimum est ab expressa mente Apostoli. Primum, quia Apostolus evidenter loquitur de electione discretiva, quia Deus gratuito, & non ex operibus prætulit Gentiles Iudeis, eligendo scilicet illos, illis relictis: Sed electio pura ad primam gratiam vocationis frustrabilem non fuit discretiva, nec præferens. Gentiles Iudeis, quia Iudei non minus, sed forsitan magis, & certe primò vocati sunt, quam Gentiles, ad Fidem: Ergo non loquitur de illa electione ad primam gratiam vocationem. Explicatur, quia Autores, qui hac evasione utuntur, planè affirmant, Deum omnes vocare ad Fidem Christi, omnibusque primam gratiam vocationis æqualiter, quantum est ex se, imperfite, eamque nulli denegare: Ergo ad primam illam gratiam nulla est electio horum, præ illis, sed communis, & generalis concessio Iudeis, & Gentilibus, Græcis, & Barbaris, &c. Sed per vos Apostolus loquitur de electione Gentilium præ Iudeis: Ergo non ad primam illam gratiam vocationis retributibilem, & frustrabilem.

31. Explicatur secundò, quia licet Apostolus loquatur de vocatione Gentium, non tamen de vocatione illa, qua dicuntur *multi vocati, pauci vero electi*, quia in hac non præferuntur Gentiles Iudeis, nec hæc potest dici vocatio admirabilis, sed de vocatione secundum propositum, qua nullus vocatur, nisi qui fuerit electus; unde ipse Apostolus ait de hac secunda vocatione: *Quos autem prædestinavit, hos & vocavit, quos autem vocavit, hos & iustificavit; quos autem iustificavit, illos & glorificavit.* Et Augustinus lib. de Corrupt. & Grat. cap. 17. sic ait: *Illi ergo electi, ut sæpe dictum est, qui secundum propositum vocati, qui etiam prædestinati, atque præfati: Horum si quisquam perit, fallitur Deus; sed nemo eorum perit, quia non fallitur Deus:* Sed huiusmodi vocatio ex prædestinatione ad gloriam semper procedit, quia quos prædestinavit, hos & vocavit, vocatione nempe secundum propositum, & nullus illorum perit: Ergo si huiusmodi vocatio, de qua Paulus loquitur, est purè gratuita, & ante prævisionem operum, multo magis prædestinatio, & electio ad gloriam, ex qua procedit, & quam supponit.

32. Explicatur tertio, quia de ea vocatione loquitur Apostolus, de qua capit. anteriori dixerat: *Scimus quoniam diligentibus Deum omnia cooperantur in bonum, his qui secundum propositum vocati sunt, sunt Sancti:* Sed vocati, quibus omnia cooperantur in bonum, etiam peccata, ut exponit Augustinus, soli sunt prædestinati ad gloriam, quia prædestinati præcisè ad gratiam non omnia cooperantur in bonum, sed plura in malum: Ergo Apostolus loquitur de voca-

tione solis prædestinati propria, quæ nempe est secundum propositum, seu ex proposito dandi gloriam: Ergo si illam asserit non esse ex operibus, sed gratuitam, id ipsum potius sensit de prædestinatione. Et vergetur hoc ipsum ex verbis subsequenibus, quibus sic ait: *Quid ergo dicemus ad hæc? Si Deus pro nobis, quis contra nos? Quis accersit adversus electos Dei? Quis ergo nos separabit à charitate Christi? Sed hic loquitur de electis ad gloriam, & non præcisè ad gratiam, quia electi præcisè ad gratiam, non dicuntur simpliciter electi Dei, aliquando inimicus contra eos prævalet, & separatur æternaliter à charitate: Ergo idem quod prius. Et tandem, quia Apostolus simpliciter ait, quoddam electos, & prædestinatos esse, non ex operibus, sed Deo misericordie, & gratuito vocante: Sed electi, & prædestinati non dicuntur simpliciter, qui solum ad gratiam sunt electi; alias ludas dici posset simpliciter electus, & prædestinatus, quia prædestinatus fuit ad gratiam, quod quis dicat? Ergo Apostolus non loquitur de prædestinatione ad solam gratiam, sed ad gloriam, dum illam ponit gratuitam, & non ex operibus.*

33. Sed dices: Sæpe Apostolus integras Ecclesias alloquens, vocat eos, qui in eis erant, electos, & prædestinatos, & vocatos secundum propositum: Sed hoc intelligi nequit de prædestinatione ad gloriam, quia non omnes Christiani cuiusvis Ecclesie erant prædestinati ad gloriam, sed solum de prædestinatione ad fidem, vel ad primam gratiam, quia omnes erant vocati, & fideles: Ergo de hac prædestinatione debet intelligi Apostolus, & non de prædestinatione ad gloriam. Hæc obiectioni respondet Augustinus, lib. de Corrupt. & Grat. cap. 9. quod ille voces, etiam dum integris Ecclesijs tribuuntur, solos eos verè significant, qui ex ordinatione divina salutem eternam consequuntur: *Appellamus ergo, inquit, eos & electos Christi Discipulos, & Dei filios, quia sic appellandi sunt, quos regeneratos pie vivere cernimus. Sed tunc verè sunt, quod appellantur, si manserint in eo, propter quod sic appellantur.* Unde dum Apostolus Christianos alicuius Ecclesie indefinitè electos, & prædestinatos, & vocatos secundum propositum vocat, ita eos appellat, propterea, quod maiori ex parte tales essent, & ferè omnes tales in externa vita apparerent, licet re ipsa tales omnes non essent, nullo excepto; sicut sæpe omnes appellat indefinitè Sanctos, immaculatos, licet re ipsa aliqui tales non essent, quia illæ nuncupationes debent intelligi pro maiori parte, accipiendo pattem pro toto, seu totum pro parte. Nam ut inquit Augustinus, Epistol. 99. *Scriptura mos est, ita loqui de parte, tanquam de toto: Sic Corinthios in primis Epistola sua partibus ita laudat, tanquam omnes tales sint, eo quod essent laudabiles quidam eorum;*

• postea in nonnullis Epistole sue locis ita reprehendit, tanquam omnes culpabiles essent, propter quosdam, qui tales erant. Sic ergo omnes lolet appellare predestinatos, electos, & vocatos secundum propositum, licet non omnes tales sint, sed solum hi, qui electi sunt ante constitutionem mundi ad vitam æternam, qui absdubio permansuri sunt; alij autem qui permansuri non sunt, tales re ipsa non sunt, iuxta illud Ioanni. Epist. 1. cap. 2. *Ex nobis prodierint, sed non erant ex nobis, nam si fuissent ex nobis, permansissent utique nobiscum; sed ut manifesti sint, quoniam non sunt omnes ex nobis.* Vnde in forma, concessa maiori, nego minorem, quia licet non omnes essent predestinati ad gloriam per distributionem completam, & propriam, bene tamen omnes accipiendo totum pro parte, per distributionem incompletam, aut indefinitè loquendo, & accipiendo totum pro parte.

34 Tercio respondent contrarij, Apostolum dicentem, electum, aut dilectum fuisse Iacob non ex operibus, solum excludere opera iam facta, eo quod antequam nati, nihil egissent boni, aut mali illi duo geminis; non autem excludisse opera futura, & prævisa, quia antequam nati essent, potuit Deus prævidere, quid acturi essent, & inde vnum diligere, & aliud odio habere. Quod confirmant ex Augustino. in expositione quarundam propositionum Epistolæ ad Romæ sic aiente: *Quod autem Iacob dilexi, Esau autem odio habui non nullo movet, ut putent Apostolum Paulum absulisse arbitrium, quo pro mereretur Deum bono pietatis, vel malo pietatis offenderetur. Sed respondemus præscientia Dei factum esse, quod novit etiam de nondum natis, qualis quisque futurus sit.*

35 Sed hanc evasionem, ut propriam Pelagianorum, reicit Augustinus pluribus in locis, nam in Enchirid. ad Laurent. cap. 98. sic ait: *Quia in re, si futura opera, vel bona huius, vel mala illius, quæ Deus utrique præsciebat, vellet intelligi; nequaquam diceret Apostolus, non ex operibus, sed diceret, ex facturis operibus, eoque modo istam solveret questionem, imò nullam, quam solvere opus esset, faceret questionem, quia nulla difficultas apparet in eo, quod ex futuris operibus, licet non factis, vnum diligeret, aliud odio haberet. Item lib. 1. contra duas Epistolas Pelagianorum, cap. 7. sic ait: Propter quod profecto desipitis, qui dicente veritate, non ex operibus, sed ex vocante dictum est; vos dicitis, ex futuris operibus, quæ Deus illius facturum esse præsciebat, Iacob fuisse dilectum, atque ita contradicatis Apostolo dicenti, non ex operibus; quasi non possit dicere, non ex presentibus, sed ex facturis operibus. Et Epist. 105. ad Sixtum, sic ait: Quis istum acutissimum sensum defuisse Apostolo non miretur? Hoc quippe ille non vidit, quando sibi,*

*velut obversantis oblata questione, non id potius tam brevis, tam apertum, tam sicut isti (Pelagianj) putant, verum, absolutumque respondit? Hic erat locus dicendi, quod isti sentiant, nempe, non ex factis, sed ex futuris operibus; non autem hoc dicit Apostolus: Ergo Apostolus non solum excludit, quod electio ad gloriam sit ex factis, sed etiam quod sit ex futuris, aut prævisis operibus. Ad locum Augustini in contra. dico, August. expressè retractasse textum illum lib. 1. Retract. cap. 23. planè affirmans, ac de se confitens, quod quando ibi dictum scripsit, nondum diligentius quaesierat, nec adhuc invenerat, qualis sit electio gratis. Vnde mirum est, quod contrarij audeant eo textu suum confirmare sententiam.*

36 Deum respondent, quod Apostolus solum excludit, quod electio ad gloriam sit ex operibus factis per solam naturam, aut ex viribus naturæ, cum sola legem videlicet, quia intendit reprimere Iudæorum vanam gloriam, quia gloriabantur ex lege, & operibus per legem factis; minime autem excludere, quod sit ex operibus factis viribus gratiæ per Christum. Quod etiam confirmant ex August. lib. de Gratia, & liber. arbitr. cap. 6. ubi sic ait: *Quomodo ergo non ex operibus, ne quis extollatur? Sed audi, & intellige. Non ex operibus dictum, tanquam tuis ex te ipso existentibus, sed tanquam suis, in quibus te Deus finxit, id est formavit, & creavit, iuxta illud Pauli: Ipsius enim signum sumus, creati in Christo Iesu in operibus bonis. Sed contra est, quia hic latet ingens, & magno momenti æquivocatio. Primo, quia August. eo loco agit de executione prædeterminationis, seu de actuali glorificatione, non de æterna prædeterminatione, aut electione, unde præmisit etiam ibid. Bona sua coronat Deus, non merita tua, nam si merita tua sunt, hoc est ex te ipso vnicè à te ipso, mala sunt; quæ vero mala sunt, non coronat Deus. Quod si bona sunt; Dei dona sunt, & idco dona tua coronat, dum ea præmiat. Hæc autem coronam, seu præmium in executione non negamus esse ex operibus donatis à Deo per gratiam Christi. Secundum autem si loquamur de æterna electione ad gloriam, de qua intelligitur illud: Iacob dilexi; Esau autem odio habui; quæ sanè iuxta Apostolum est ex operibus vllis prævisis, sed potius causa est operum subsequenti, seu cur opera sua tura sint, quæ prævideantur, & coronentur.*

37 Secundò, cum aiunt contrarij, non excludi opera per gratiam facta, debent explicare per quam gratiam? An facta per gratiam purè indifferentem, determinatamque vnicè per vires naturæ, aut per voluntatem ex se determinantem gratiam illam indifferentem? an facta per gratiam efficacem efficaciter moventem, & determinantem voluntatem ut velit bene agere? Contrarij intelligunt de prima gratia, Augustinus de



secunda. Quæ quidem ingens est differentia; quia si bona opera ponantur solum ex gratia indifferenti communi bonis, & malis, determinativè vero solum ex libero arbitrio determinatè gratiam, iam tandem electio Dei revocatur tanquam ad primam causam determinantem, & eligentem ad liberum arbitrium ex se ipso. Quia, dum Deus eligit istum præ illo, eligit ipsum, quia ille præ alio cum gratia indifferenti, & communi utrique benè operaturus videtur præ alio; & ideo vnicè iste præ alio benè videtur operaturus cum illa gratia communi, & æquali, quia ipse præ alio, non à Deo, sed vnicè à se ipso determinandus, & determinaturus est gratiam illam ad consensum præ dissentiu per suam electionem, quæ electivè vnicè est à se ipso, non à Deo; vnde tandem prima causa electiva, & determinativa, cur iste sit electus, & prædestinatus præ alio, est ipse, ipsiusque liberum arbitrium, per opera à solo libero arbitrio electa, & determinata. Quod evidenter est contra Apostolum dicentem, non ex operibus, sed ex vocante dictum est, Iacob dilexi, Esau autem odio habui.

Si vero opera ponantur procedentia ex gratia efficaci, seu ex gratuita efficaci Dei voluntate donata, ut ea ponit Augustinus, ne homo ex operibus glorietur in se; tunc prædestinatio, & electio ad gloriam non potest esse ex illis operibus, licet gloria in executione sit ex ipsis; quia illa opera sunt effectus, sed beneficia preparata per ipsam prædestinationem, electaque, & prædestinata, ac prædeterminata ab ipso Deo prædestinante; ac proinde prædestinatio non potest esse ex illis operibus prævisis, sed potius ipsa opera sunt ab ipsa prædestinatione, quæ est preparatio omnium beneficiorum, & donorum, quibus certissime liberantur, quicumque liberantur, & quibus assequuntur vitam æternam, quicumque illam assequuntur.

38 Vnde sic arguo: Iuxta Augustinum: Opera per gratiam facta sunt opera à Deo donata, sunt dona Dei, adeo ut Deus, dum ea coronat, magis coronet dona sua, quam merita nostra, ut nostris Rursus, si sunt dona Dei, profecto ab ipso sunt prædestinata, & effectus prædestinationis, nam ut inquit Augustinus, lib. de Dono Perseverant. cap. 17. *An forte nec ipsa dicuntur prædestinata? Ergo nec dantur à Deo, aut ea se daturum esse nesciunt; quod si & dantur, & ea se daturum esse præsciunt, profecto prædestinavit: Sed prædestinatio non potest esse ex operibus per ipsam prædestinationem, ut ex terminis est evidens: Ergo nec ex operibus factis per gratiam, gesto D. August. Confirmatur, quia dum inquis, quod electio æterna est ex operibus factis per gratiam, vel intelligis ex operibus factis per gratiam indifferenti ex sola determinatione liberi arbitrii futuris, vel ex operibus factis per gratiam, seu*

gratitiam Dei voluntatem determinantem ea, & ex illa futuris? Si primum: Ergo prædestinatio, & electio æterna est ex operibus aliunde, quam ex Deo prædestinante futuris, ex ipso nempe libero arbitrio vnicè ea determinante, quod aperte oppugnat Apostolus: Si secundum, implicat in terminis, quia implicat, quod prædestinatio, quæ est preparatio omnis gratiæ, & omnium donorum Dei ad vitam æternam inallibitè assequendam, sit ex ipsis donis Dei prævisis, cum potius illa sint effectus orti ex ipsa prædestinatione. Sed hoc amplius infra vergebitur.

## SECUNDA CONCLUSIO

*probat ex autoritate*

*PP.*

39 **L**icet nostra, & communior sententia tam firmo ex Apostolo nitatur fundamento, etiam ex PP. fulcitur. Nam in primis, quod attinet ad PP. Antiquiores Augustinus, licet ipse à Massiliensibus de illorum sententia postularus, Cyprianum, Ambrosium, & Gregorium Nacianzenum in sui favorem allegaverit, asserit tamen potuisse, ab illorum sententia abstinere pro hac controversia, eo quod illi de hac difficultate, vel nihil, vel pauca, & solum obiter attigerunt; eo quod hæretici Pelagiana exorta non fuisset. Sic enim ait lib. de Prædestinat. Sanctior. cap. 14. *Quid opus est, ut eorum scrutemur opuscula, qui priusquam ista hæresis oriatur, non habuerunt necessitatem in hac difficili ad solvendum questione versari; quod præcudubio facerent, si respondere talibus cogerentur.* Sumendum ergo est exordium ab Augustino, qui primus ex professo de prædestinatione Sanctorum contra Pelagianos disputavit, cuius autoritas tanta est, ut Hormisdas Papa ad Possessorem Episcopum scribens, planè asserat de libero arbitrio, & gratia, & consequenter de prædestinatione, in libris B. Augustini ad Prosperum, & Hylarium abunde posse cognosci, quid Romana, hoc est, Catholica sequatur, & servet Ecclesia.

40 Probat ergo nostra sententia ex Augustino: primò, quia Augustinus expressè impugnat Pelagianos, eo quod illud Apostoli: *Non ex operibus, sed ex vocante, &c.* exponerent, quod non ex operibus factis, benè tamen ex operibus futuris, & prævisis, ut supra vidimus n. 35. Ergo aperte sensit, prædestinationem, & electionem æternam ad gloriam non esse adhuc ex operibus prævisis, sed gratuitam. Secundò, quia Augustinus tenuit eam sententiam de prædestinatione, quam Massilienses in ipso arguebant: Sed Massilienses planè arguebant in Augustino sententiam de æterna, & gratuita prædestinatione ad gloriam, ut patet ex Epistolis Prosperi, & Hilarij ad ipsum Augustinum de quæstionibus illorum contra Augustini libros: Ergo tam

tenent Augustinus. Maior patet, quia lectis ab Augustino quærelis, & argumentis Masiliensium, nunquam negavit sententiam de praedestinatione gratuita ad gloriam, nec conquiritur est, quod sibi falso imposita fuisset, sed potius illis respondens lib. de Praedestinatione. *Sanctor. & de Domino Perseverantia*, confirmavit eam ex varijs locis Sacre Scripturæ; & argumentis respondet: Ergo eam ipsam sententiam semper tenuit. Minor vero probatur, quia Masilienses non arguebant in Augustino praedestinationem ex prævisis meritis, aut operibus: Ergo solum arguebant praedestinationem gratuitam ante-prævisam meritam. Antecedens probatur, quia Masilienses arguebant, & quærebantur, quod Augustinus sua praedestinatione *fatalem quandam necessitatem induceret*; item quod lapsis curam resurgendi adimeret, & sanctis occasionem torporis adferret; item removeri omnem industriam, tollique virtutes, si Dei constitutio humanas praeveniat voluntates, ut patet ex Epist. Prosperi: Sed hæc, nisi fatue, argui non possent contra praedestinationem ex prævisis operibus, & laboribus, solumque difficultatem habent contra praedestinationem gratuitam, quæ humanas praeveniat voluntates: Ergo hanc solum arguebant Masilienses in Augustino. Secundò, quia ipsi planè fatebantur, & admittebant praedestinationem, & electionem ex prævisis meritis, & operibus, nam vt Prosper. in sua Epist. refert, dicebant, *Deum præfuisse ante mundi constitutionem, & eos prædestinasse in Regnum suum, quos gratis vocatos, dignos futuros electione, & de hac vita bono sine excessibus esse prævidisset*: Ergo hanc non arguebant in Augustino, sed praedestinationem gratuitam, & non ex operibus prævisis.

41 Tertiò, quia Augustinus explicans lib. de Corrupt. & Grat. cap. 6. illud Ioann. 6. *Nonne ego vos duodecim elegi, & unus ex vobis diabolus est?* sic ait: *Illos debemus intelligere electos per misericordiam; illum per iudicium: Illos ergo elegit ad obtinendum Regnum suum, isti ad efundendum sanguinem suum.* Sed electio per misericordiam ad obtinendum Regnum suum, est electio gratuita, & non ex operibus, ad gloriam: Ergo iuxta Augustinum electio ad gloriam est gratuita, & non ex operibus prævisis. Quatò, quia lib. Soliloquiorum Anime ad Deum, cap. 28. sic ait: *Mundas autem de nobis filijs hominum eos, in quibus tibi placuit habitare, quos ab inaccessibilibus profundis secretis iudiciorum incomprehensibilium sapientia tua, semper iustum, licet occultorum, sine eorum meritis prædestinasti ante mundum, vocasti de mundo, iustificasti in mundo, & magnificas eos post mundum.* Non omnibus autem hoc facis, quod admirantur tabescentes omnes sapientes terra. Quid clarius? Denique, quia vt supra vidimus, iuxta Augusti-

nium praedestinatio Christi esse exemplar nostra praedestinationis, in eo, quod sicut illa nullum supponit meritum, ita nec nostra: Ergo iuxta Augustinum nostra praedestinatio non est ex meritis, aut operibus prævisis, sed gratuita.

42 Nec dicam primò, Augustinum loqui de praedestinatione ad gratiam, vel ad gloriam in semine, quod semen est gratia. Contra enim est, quia Augustinus expressè loquitur de praedestinatione, seu electione discernente inter Iudam, & reliquos Apostolos, de electione, qua illos elegit ad Regnum suum, non quomodo electus est Iudas; itè de praedestinatione, vi cuius, quos praedestinavit, vocat, iustificat, & post mundum magnificat: Sed hæc non est ad solam gloriam in semine, seu ad gratiam, quia ad gratiam, seu gloriam in semine, etiam elegit Iudam, & alios innumeros, qui pereunt: Ergo.

43 Nec secundò dicas, loqui Augustinum de electione ad gratiam vt perseverantem finaliter, quo pacto discernit inter glorificandos, & damnandos. Contra enim est, quia implicat electio, & praedestinatio ad gratiam, vj finaliter perseverantem, quæ non supponat, vel non sit formalissimè electio, & praedestinatio ad gloriam, vt infra ostendam: Ergo si illa admittatur, iam admittitur hæc secunda. Nec maior difficultas est in electione ad gloriam anteverteente prævisione meritum, quam in electione ad perseverantiam finalem, vt mox videbimus; unde putè pro libito negatur illa, ista admissa.

44 Nec tertio dicas, electionem ad gloriam vocari ab Augustino gratuitam, quia nõ ex operibus factis viribus solius naturæ, vt volebant Pelagiani, sed ex operibus factis per gratiam. Contra enim reddit argumentum factum supra num. 36. & 37. Deinde, quia Semi Pelagiani, non contendeant electionem esse ex meritis factis sine gratia, aut gratuita vocatione, imò dicebant, Deum eos prædestinasse in Regnum suum, quos gratis vocatos, dignos futuros electione, & de hac vita bono sine excessibus esse prævidisset: Ergo dum Augustinus eis opponitur, negando, quod electio sit ex meritis, merita præcedentia excludit, quantumvis ponantur ex gratia vocationis procedentia.

45 Denique, quia Augustinus expressè tenet, electionem Dei facere electos dignos vita æterna, imò dignos ipsa electione, non illos sic dignos supponere: Ergo negat esse ex prævisis meritis, adhuc per gratiam futuris. Probatur antecedens, primò ex illo Epistol. 105. ad Sixtum, ubi illud ad Roman. 8. *Vt secundum electionem propositum Dei maneret*, sic exponit: *Secundum electionem, quia facit eligendos, non qua inveniat illos.* Ex Epistol. 106. ad Paulinum, ait dictum esse: *Non ex operibus, sed ex vocante, vt secundum propositum Dei maneret, non meritum hominis ante*

anteiret. Et lib. 5. contra Iulianum, cap. 3. ait: Nullum elegit dignum, sed eligendo facit dignum: Ergo electio ad gloriam non est ex præviis meritis adhuc per gratiam, alias inveniet dignos, & eligendos, non autem eos faceret. Sed quid in mente Augustini exponenda hæremus? Cum plerique ex his, qui prædestinationem gratuitam ante prævia merita negant, fateantur, Augustinum ipsi esse contrarium.

46 Augustinum secuti sunt Prosper. lib. 2. de Vocation. Gentium, cap. 35. ubi ait: Deus his, quos elegit sine meritis, dat unde oriantur ex meritis. Et in lib. ultim. contra Collatorem, & in responsione ad obiecta Gallorum. Item Fulgentio lib. de Incarnat. & Gratia Christi. Item Gregorius lib. 1. Dialog. cap. 8. Item Anselmus, Beda, Lyra, & alij in cap. 9. Epistol. ad Roman. ac domum Bernardus lib. de Gratia, & Liber. Arbit. & ferm. 23. & 28. in Cantic. Item Scotus in lib. 1. sentent. distinct. 41. ubi impugnat Henricum, eo quod diceret, hominem prædestinari propter præviam gratiæ acceptionem, unde concludit, quod ratio prædestinationis non in alio sit querenda, quam in divina voluntate, quod est illam esse merè gratuitam, & non ex meritis. Et tandem.

47 Div. Thom. expressè hanc eandem sententiam docet pluribus in locis, nam in hac 1. part. quest. 23. artic. 5. ad 3. sic ait: *Quare hoc elegit in gloriam, & illos reproboit, non habet rationem, nisi divinam voluntatem.* Et in cap. 9. Epistol. ad Roman. lectio. 3. sic ait: *Non potest esse, quod merita consequentia gratiam sint ratio miserandi, aut prædestinandi, sed sola Dei voluntas, secundum quam aliquos misericorditer liberat.* Et super Epistol. ad Ephes. cap. 1. sic ait: *Ponit Apostolus voluntariam Dei prædestinationem, cuius quidem prædestinationis ratio non sunt merita nostra, sed mera Dei voluntas, propter quod subdit: Secundum propositum eius, idem sæpius repetit in alijs locis, adeo, ut de mente ipsius dubitari non liceat.*

48 Quibus consideratis, Belarminus lib. 2. de Gratia, & Liber. Arbitr. cap. 11. sic ait: *Quamvis ante exortam hæresim Pelagianam, veteres PP. questionem istam non adeo accuratè tractaverint, sed tantum, occasione oblat, breviter sententiam suam aperuerint. ut S. August. docet, lib. de Bono Perseverantia, cap. 20. qui tamen cap. 10. Cyprianum, Ambrosium, & Nazianzenum, pro hac sententia citat. Caterum post illam hæresim exortam, omnes omnino, qui sanctitatis nomine in Ecclesia claruerunt, hanc sententiam docuerunt, ut perspicuum est ex S. Augustino, Prospero, Fulgentio, Gregorio, Anselmo, Beda, Primatio, Sedulio, & alijs, S. Bernardo, S. Thoma, S. Bonaventura. (Ipso- rum loca citat.) Et subdit: Neque solum*

*Sancti isti PP. hoc affirmant, sed Antiquiores, & Doctores ex ipsis, quos ceteri postea secuti sunt, ad fidem catholicam hanc sententiam pertinere tradunt, & contrarium ad Pelagianos rejiciunt. Notabo aliqua loca, ut si qui forte contra sentiant, intelligant ex iudicio Sanctorum Patrum, in quo manifesto errore versentur.* Et relatis testimonijs Augustini, Properi, Petri Diaconi, Fulgentij, Celestini, Leonis, & Gelasij, concludit: *Itaque Sedes Apostolica, non tantum semel, sed etiam secundo, & tertio adversus Pelagianorum reliquias, pro defensoribus gratiæ, prædestinationis sententiam tulit, ut iam hæc sententia, non quorumvis Doctorem opinio, sed Fides Ecclesiæ Catholica dici debeat, ut mireris RR. aliquos ausos fuisse, hanc sententiam de Lutheranismis, & Iansenismo notare, forsan ad repulsandam Pelagianismi notam, quam contrariæ sententiæ Eminentiissimus Bellarminus satis apertè convenire iudicat.*

49 Fateor, plures Doctores allegari pro contraria sententia ponente prædestinationem ex meritis, præsertim ab Eminentiissimo Sfrondato, ad finem sui Nodi prædestinationis dissoluti, Corolario Doctor. Sed plures contrarias, quia vel pro nostra sententia sunt, vel ambigüe loquuntur. Ceteri tamen, licet eam fœrentiam teneant, nec sanctitatis, nec sapientiæ, nec antiquitatis laude comparari possunt cum eis, quos Bellarminus pro nostra allegat; & traditio Ecclesiæ Catholiæ, si in aliquibus deposita iudicanda sit, potius in illis, qui ante Bellarminum sanctitatis, & sapientiæ laude ut Ecclesiæ PP. habebantur, quam in alijs posterioribus existimanda est.

#### R A T I O N E P R O B A T U R nostra sententia.

50 **P**rima ratio pro nostra sententia est, quia Deus gratuito, & non ex meritis eligit homines ad perseverantiam finalem in gratia, & charitate: Sed huiusmodi electio ad perseverantiam finalem in gratia, & charitate, vel est per se, vel supponit electionem illorum ad gloriam: Ergo elegit homines ad gloriam gratuitum, & non ex præviis meritis. Maior est communis Theologorum consensio, quia omnes fateantur perseverantiam finalem in gratia, & charitate non esse ex meritis, sed donum merè gratuitum Dei. Minor veto probatur, nam perseverantia finalis in gratia, & charitate est medium efficax, & connexum cum gloria: Sed electio medijs efficacis, & connexi cum fine, vel est per se volitio ipsius finis, vel supponit volitionem finis: Ergo electio ad perseverantiam finalem in gratia, & charitate, vel est per se, vel per se supponit electionem ad gloriam. Efficaciam huius

argumenti ostendit varietas solutionum, quibus contrarii inter se dividuntur, ut illud eludant.

51 Respondent primò, opus non esse, quod Deus prius homines eligat ad gloriam, aut velit finem gloriæ, quam perseverantiam finalem, seu quam medium efficax ad illam; quia hoc tantum tenet verum in eo, qui diversis actibus vult finem, & media, secus in Deo, qui vno actu omnia vult. (Ita Molina.) Aut in eo, qui sibi vult finem, secus in eo, qui alteri vult finem, & media. (Ita Vazquez.) Aut in eo, qui à fine creato movetur, & propter illud vult media, secus in Deo, qui non movetur à fine creato, nec propter hoc vult hoc, sed solum vult hoc esse propter hoc, ut ait D. Thom. Ita Hericé,

52 Haec solutionem, ut impugnent RR. Thomistæ, totum sunt in probando, quod Deus prius vult finem, quam media ad finem, quia ordinatè volens prius vult finem, quam media. Sed ni fallor, hoc opus non est ad eam evasionem præcludendam, nec ad nostram sententiam fitmandam; quæ sanè ab ista prioritate volitionis finis ad volitionem mediorum non dependet, nec alligari illi debet, cum ea prioritas talis ad summum sit per rationem, & ex nostro modo concipiendi, & quid magis metaphysicè, quam theologicè disputabile; nostra autem sententia ferè dogmatica, de reque sit maximi momenti. Vnde propter eam in probatione, non determinatè, quod electio medij efficacis ad finem supponit electionem, aut volitionem finis, sed disjunctivè, *vel est per se volitio finis, vel illam supponit*. Vnde.

53 Solutionem datam sic impugno: Quia dato, quod rationibus præmissis non debeat in Deo volitio finis supponi ante electionem medij efficacis, potiori ratione probabitur, non posse subsequi ad ipsam electionem medij efficacis, nec electionem ipsam medij efficacis præcedere volitionem finis: Sed si electio ad gloriam esset ex prævisis meritis, seu ex prævisa perseverantia finali, iam electio medij efficacis, nempe ipsius perseverantia finalis, præcederet volitionem finis, nempe gloriæ, & ista volitio supponeret illam electionem: Ergo electio ad gloriam non potest esse ex prævisis meritis, aut ex prævisa perseverantia finali. Maior parer, quia si negas volitionem finis in Deo præcedere electionem medij efficacis ad finem, quia Deus non vult diversis actibus media, & finem, eodem titulo debes negare, quod electio medij in Deo non præcedit volitionem finis, quia nempe sunt vnicius actus. Si item primum negas, quia Deus non vult sibi finem, nec media, eadem ratione probari potest, quod nec vult prius medium efficax, quam finem. Si demum illud negas, quia Deus ad eligenda media non movetur ex fine creato, nec

propter illum vult media, sed solum vult media esse propter finem motus vnice ex sua bonitate, potiori titulo negandum est, quod propter media creata, nempe propter merita, velit finem, nempe gloriam, aut quod velit gloriam motus ex prævisis meritis, sed dicendum erit, velle gloriam motus ex sola sua bonitate, licet velit illam esse propter merita, quod est volitionem gloriæ esse gratuitam, licet gloria in executione sit ex meritis, aut propter merita: Ergo eisdem rationibus, quibus probatur, in Deo non debere volitionem finis præcedere electionem mediorum, probatur, nec volitionem medij efficacis posse præcedere volitionem finis.

54 Iam vero, quod illam præcederet, seu minor primi syllogismi, probatur, quia si volitio efficacis gloriæ esset ex meritis prævisis, seu ex finali perseverantia prævisa, perseverantia finalis supponeretur prævisa absolute, & consequenter absolute volita à Deo, & electa, ante volitionem efficacem gloriæ, quia cum sit donum Dei, non prævidetur absolute futura, nisi ex voluntate gratuita Dei illam donandi: Sed perseverantia finalis est medium efficax ad gloriam ut finem: Ergo iam, ordine inverso, medium efficax esset prius à Deo volitum, quam finis, & volitio, aut electio medij efficacis ad finem, anteciret volitionem finis; quod quis dicat? Mirum enim videri debet, quod nolint contrarij, quod in Deo præcedat volitio finis electionem medij efficacis ad ipsum, quia non duplici, sed vnico velle vult Deus vtriusque, seu quia non movetur ex fine creato ad volendum medium, sed ex sua bonitate, seu quia non propter hoc vult hoc, sed vult hoc esse propter hoc; & nihilominus velint, hac doctrina non obstantè, quod propter medium, nempe propter merita creata, velit finem gloriæ, quod ad volendam gloriam moveatur ex meritis creatis, & quod volitio medij præcedat volitionem finis.

55 Contra secundò: Licet in Deo electio medij efficacis ad finem non debeat re ipsa supponere volitionem finis, nec ex illa procedere, tamen per se, & necessariò debet esse ipsa finis volitio, & intentio; quia nemo prudens vult medium efficax ad finem, nisi volendo finem, vel pro priori, vel formaliter per ipsam electionem medij efficacis ad finem: Sed Deus ante prævisa merita vult aliquibus purè gratuito medium efficax ad gloriam, nempe perseverantiam finalem in gratia, & charitate: Ergo etiam gratuito, & ante prævisa merita vult illis gloriam eodem velle, quo vult illis perseverantiam finalem. Explicatur: Deus gratuito, & non ex prævisis meritis vult aliquibus perseverantiam finalem ut medium efficax infallibiliter connexum cum gloria: Sed eodem ipsissimo velle vult illis gloriam, quia non prius vult perseverantiam finalem conne-

xam cum gloria, & post alio velle, ipsam gloriam, ut per se patet. Ergo sicut velle ipsum, quo vult illis perseverantiam finalem, est gratuitum, & non ex meritis prævisis, ita velle ipsum, quo vult gloriam illis, est gratuitum, & non ex meritis prævisis.

56 Propterea à respondens secundò, satis esse, quod electio medij efficacis supponat, vel per se sit volitio inefficax finis, non vero requiri, quod sit per se, vel supponat intentionem, aut volitionem efficacem finis. Er parificat Vazquez in Patre, qui ex voluntate, certè inefficaci, qua filio Episcopatum, vel Cathedram desiderat, ipsum efficaciter applicat ad studium. Sed contra est, quia volitio purè inefficax finis, nec infert per se, nec per se est volitio efficax medij efficacis, imò nec inefficacis, quia volitio purè inefficax finis, eo dicitur inefficax, quia est simplex velleitas, ad nihil movens, implicatque quod sit efficax erga media ad finem, si est inefficax erga finem; quia cum velit media propter finem immediatè volitum, & propter quod unumquodque tale, & illud magis, implicat esse magis efficacem erga media ad finem, quam erga finem, ut supra ostendimus, & infra iterum dicemus: Ergo implicat, quod volitio efficax medij efficacis per se, & ab intrinseco solum sit aut supponat volitionem inefficacem finis, sed necessariò debet esse, aut supponere volitionem efficacem finis. Explicatur: Deus, dum eligit medium efficax ad finem, non à casu, nec fortuito illud eligit præ inefficaci, sed per se, & cum providentia: Sed ex volitione purè inefficaci finis, aut per illam, purè per accidens, & fortuito eligeret medium efficax præ inefficaci: Ergo dum ipsum eligit præ inefficaci, ipsum eligit, vel ex, vel per volitionem efficacem finis, & non per, aut ex volitione purè inefficaci finis. Minor patet, quia ex volitione purè inefficaci finis purè fortuito, & per accidens, non veto per se, & cum providentia, sequi potest electio medij efficacis, cum ad hoc illa per se non inducat, nec determinet, nec hoc per se habeat: Ergo si ex sola volitione inefficaci, aut per solam volitionem inefficacem finis vellet Deus medium efficax, ipsum non per se, & cum providentia, sed casu, & fortuito vellet præ inefficaci.

57 Nec exemplum allatum à Pat. Vazquez, est vilius momenti, quia videlicet, Pater, dum ex fine ut filius assequatur Cathedram, aut aliam dignitatem, filium applicat ad studium, falsum est, quod Pater purè inefficaciter velit finem, vult enim quantum possit facere ad dignitatem filio conciliandam, & qui vult quantum potest, non purè inefficaciter, sed efficaciter ex parte sua vult finem. Quod si illius voluntas frustrabilis, & inefficax potest esse per

accidens, ideo est, quia Pater non habet in sua potestate omnia media necessaria ad finem, sed quantumvis conetur, & velit, possunt deficere plura media usque ad finem consequendum: attamen Deus habet in sua potestate omnia media ad gloriam, etiam ipsa merita, & finalem perseverantiam, quia magis habet in sua potestate voluntates hominum, quam ipsi suas, vnde dum vult omnia media usque ad finem efficaciter, esse non potest, nisi quia vult efficaciter finem.

58 Propterea tertio respondent, utrum esse, quod electio medij physicè efficacis, debet esse, vel procedere ex efficaci intentione finis, secus vero quando medium solum est efficax moraliter ad finem, qualia sunt merita ad gloriam; quia cum efficacia moralis consistat in movendo volentem ut velit finem, seu ad volendum finem, hoc est gloriam, hæc efficacia non potest supponere volitionem efficacem finis in volente medium, nec per se se ipsa volitio efficax finis, alias non relinqueret locum ut moveretur ad velle finem. Sed contra est, quia ut infra ostendemus, efficacia meritum non consistit in movendo Deum, aut voluntatem divinam, ut velit conferre gloriam: Ergo motivum solutionis nullum est.

59 Contra secundò, quia si Deus vult medium efficax, ut efficax ad finem, imperitiosè est, quod sit efficax moraliter, aut physicè, ut non debeat volitio illa medij efficacis, ut efficacis, vel supponere, vel esse per se volitio efficax finis: Ergo ruit solutio. Probatur antecedens, quia ratio potissima, cur volitio medij efficacis ad finem debeat præsupponere volitionem finis, vel esse per se ipsa finis volitio, est quia vult medium propter finem, seu in ordine ad finem: Sed hoc æquè verum est de medio moraliter efficaci, ac de medio physicè efficaci: Ergo impertinenter se habet, quod medium sit efficax physicè, aut moraliter, ut volitio illius non sit per se, aut non supponat per se volitionem efficacem finis.

60 Denum respondent, tunc solum volitionem efficacem medij efficacis ad finem supponere, vel esse per prius intentionem efficacem finis, quando volitio medij efficacis est efficax, non solum erga medium secum se, & quantum ad suam entitatem, sed etiam erga efficaciam medij, seu erga medium ut efficax ad finem; secus vero, quando volitio, vel electio medij solum est efficax erga entitatem medij, non erga efficaciam illius ad finem; hoc autem modo, non primo, Deum eligere media efficacia ad gloriam, quia dum eligit auxilia gratiæ, electio illa est quidem efficax ad entitatem auxiliorum, sed non est efficax ad ipsam efficaciam auxiliorum, quia cum

cum ea auxilia solum sint efficacia ex usu, & consensu liberi arbitrij, & erga hunc usum, & consensum non datur in Deo voluntas immediatè efficax, solum Deus elegit efficaciter auxilia, sed non elegit efficaciter efficacia illorum, unde nec opus est, quod huiusmodi auxiliorum electio supponat per se efficacem intentionem finis.

61 Hæc solutio iam detegit propriam mentem contrariorum, quæ sanè in eo consistit, quod ipsi non aliam electionem mediorum ad gloriam agnoscunt, quam electionem auxiliorum sufficientium, & intrinsecè indifferentium ut homo mereatur, vel non mereatur gloriam, ut perseveret, vel non perseveret finaliter; quod autem sub illis auxilijs voluntas humana consentiat, vel dissentiat, mereatur, vel demereatur gloriam, perseveret, vel non perseveret finaliter, in quo efficacia illorum ad gloriam consistit, hoc non est ex electione Dei efficaci, sed vnicè ex determinatione, & electione voluntatis creatæ; non est electivè, & determinativè ex Deo, sed electivè, & determinativè vnicè ex voluntate creatæ, unde consequenter asserunt, opus non esse, quod hoc procedat ex electione efficaci Dei ad gloriam, sed potius opus esse, quod Deus prævidet speculativè voluntatem suam electione, & determinatione reddituram ea auxilia efficacia, seu consensuram, merentem, & perseveraturam finaliter, ut intuitu huius meriti, ipsum eligat efficaciter ad gloriam, quam iam mereri præcognoscit.

62 Et in hoc quidem consequentissimè procedunt, quia quotiescumque efficacia mediorum ad finem, non subest electioni, aut determinationi voluntis, sed vnicè alterius determinationi, aut electioni, volens, si prudenter velit, non intendit efficaciter finem, vique dum videat, efficaciam mediorum, à se eligendorum, futuram ex electione, & determinatione illius voluntatis, à qua vnicè dependet electivè, & determinativè; aliter enim se exponeret periculo frustrationis. Et cum hæc efficacia auxiliorum, seu mediorum, quæ Deus distribuit hominibus ad gloriam, pendeat electivè, & determinativè vnicè ex voluntate humana consentiente, & perseverante cum illis, idèò consequenter dicunt, Deum solum ex voluntate, & intentione inefficaci, aut conditionata gloriæ, conferre, ac distribuere ea auxilia, non autem ex intentione, aut decreto efficaci conferendi gloriam, quia cum ad gloriam conferendam desideretur efficacia illorum auxiliorum, quæ pendeat determinativè, & electivè vnicè ex voluntate creatæ, priùs est videre voluntatem creatam suo consensu, merito, & perseverantia redentem ea auxilia efficacia, quam velle efficaciter conferre gloriam.

63 Sed contra est, quia si hoc ita est,

apertè sequitur, prædestinatum non differre à, non prædestinatio ex electione divina, nec hanc differentiam esse electivè à Deo, nec per electionem Dei prædestinantis vnum præ alio; sed solum primò, & principaliter ex parte præscientiæ eventus, ita vt præscientia voluntatis bene vventis, consentientis, & perseveranter merentis cum auxilijs, sit causa prædestinationis, prædestinatio autem ad gloriam non sit per electionem prædestinantis: Sed hoc, inquit Div. Thom. supra relatus, quæst. 1. num. 6. *Est contra auctoritatem Scripture, & dicta Sanctorum*: Ergo Sequela probatur, quia tota differentia prædestinati à non prædestinato non consistit in euitate auxiliorum sufficientium, nam vt fateatur contrarij, sæpè reprobis habet abundantiora auxilia vt salvetur, si sumantur quoad euitatem; sed consistit in efficacia illorum ad salutem: Sed per vos hæc efficacia non procedit electivè à Deo, nec est ex divina electione, quia per vos electio Dei non est efficax ad hanc auxiliorum efficaciam, sed solum ad illorum euitatem: Ergo differentia prædestinatorum à reprobis non est ex electione prædestinantis, nec electivè à Deo, sed à Deo vnicè prævisa, vt electivè futura ex determinatione voluntatis humanæ.

64 Contra secundò, quia efficacia illorum auxiliorum ad gloriam consistit in eo quod voluntas illis auxilijs consentiat, & cum illis perseveret finaliter: Sed consensus iste, & perseverantia finalis debet eligi efficaciter à Deo vt medium efficax ad gloriam: Ergo electio Dei non solum debet esse efficax ad euitatem auxiliorum, sed etiam ad efficaciam illorum ad gloriam. Probat minor, quia non sola euitas auxiliorum, sed perseverantia finalis voluntatis in vi illorum est donum gratuitum Dei: Sed implikat donum gratuitum Dei non esse electivè, & determinativè à Deo, & consequenter non esse efficaciter electum à Deo: Ergo. Probat minor, quia donum gratuitum non alia ratione tale appellatur, nisi quia gratis, liberaliter, & ex propria voluntate libera datur: Sed hoc implicat quin sit electivè, & determinativè à Deo, vt per se patet: Ergo. Urgetur, quia perseverantia finalis cum auxilijs sufficientibus, nedum est donum gratuitum Dei, sed est donum, & beneficium specialissimum prædestinatis præ non prædestinatis: Sed donum specialissimum prædestinatis præ non prædestinatis gratiò collatum, essentialiter debet procedere ex voluntate electiva efficaciter illorum præ illis: Ergo. Probat minor, quia essentialiter debet procedere ex voluntate, seu ex benevolentia speciali Dei erga prædestinatos præ reprobis: Sed sola voluntas efficaciter electiva illorum præ illis est benevolentia specialis; quia si sit inefficax, communis

KKK 2 est

est reprobis, & non specialis erga per prædestinatos: Ergo essentialiter debet procedere ex electione efficaci prædestinatorum præ reprobis.

65 Respondent contrarij, quod ut consensus voluntatis, & perseverantia cum auxilijs sufficientibus, sit beneficium speciale, & ex speciali benevolentia procedat, satis est, quod Deus elegerit efficaciter ea auxilia, quibus videt per scientiam mediam voluntatem consensuram, & perseverantiam; hæc enim electio, licet solum sit efficax erga entitatem auxiliorum, & non erga consensum, & perseverantiam, quia tamen est cum præscientia consensus, & perseverantiz sub illis, eo ipso est benevolentia specialis, & sufficit ut consensus, & perseverantia consequens, dicatur donum, & beneficium speciale.

66 Sed contra hanc solutionem latè egimus *Tractat. de Provident. quest. 2. & quest. 8. à numer. 15.* Modo sic arguo, quia iuxta illam tandem tota discretio, & differentia ex parte prædestinati à non prædestinato, est ex parte præscientiz, sed non per electionem prædestinantis: Sed hoc iuxta Div. Thom. *est contra auctoritatem Scripturæ, & dicta Sanctior.* Ergo. Probatur sequela, quia tota differentia ponitur in eo, quod electio efficax erga entitatem auxiliorum in prædestinato est cum præscientia de consensu, & perseverantia finali sub illis; in eo vero, qui non prædestinatur, est cum præscientia dissensus; de reliquo autem ex parte Dei non est assignabilis alia differentia: Ergo tota differentia est ex parte præscientiz, & non per electionem prædestinantis. Secundò, quia vel Deus ex industria eligeret ea auxilia, quibus videt Petrum, verb. grat. consensurum, & perseverantiam finaliter, potius quam alia, quibus ipsum præsciebat dissensurum; vel non ex industria, sed purè per accidens eligeret ea, præ alijs? Si hoc secundum, sanè in illis conferendis nulla esset benevolentia specialis formaliter, & per se loquendo, ac per consequens, nec electio prædestinantis. Si primum: Ergo iam Deus, conferens ea auxilia præ alijs, efficaciter vellet consensum, & perseverantiam finalem. Probo hanc consequentiam, quia implicat Deum ex industria eligere media ad aliquem finem prævisa efficaciam, potius quàm prævisa inefficacia, quin hoc procedat ex intentione efficaci illius finis, ut per se patet, quia ad intentionem purè inefficacem satis esset conferre auxilia prævisa inefficacia, unde si ex industria elegit efficaciam præ inefficacibus, esse non potest, nisi quia efficaciter vult finem: Ergo si ex industria confert auxilia prævisa efficaciam ad perseverantiam finalem, ideo esse debet, quia efficaciter vult perseverantiam finalem. Tunc sic, sed implicat Deum efficaciter velle perseverantiam fi-

nalem, quin vel eodem, vel distincto velle per prius velit illi efficaciter gloriam, quia perseverantia finalis est medium per se, & intrinsecè efficax ad gloriam consequendam, & implicat apertè Deum velle efficaciter medium intrinsecè efficax ad finem, quin eodem, vel distincto velle per prius velit finem: Ergo dum Deus efficaciter vult Petro perseverantiam finalem, eodem vel distincto velle per prius vult illi efficaciter gloriam: Sed vult illi perseverantiam finalem ante prævisa merita, & purè gratuito: Ergo & gloriam, quam per prius vult efficaciter, vult illi gratuito, & ante prævisa merita.

67 Itaque tota vis huius rationis consistit in eo, quod perseverantia finalis in gratia, & charitate, verè & propriè est donum gratuitum, & speciale Dei perseverantibus, præ non perseverantibus gratuito collatum; hoc enim Concilia, hoc PP. universaliter docent; hoc Augustinus multis probat Scripturæ testimonijs, *lib. de Dono Perseverantiz.* Supposito autem quod sit donum gratuitum Dei, & speciale perseverantibus, præ non perseverantibus, consequitur necessàriò, quod electivè, & determinativè sit à Deo, liberè, & ex propria electione, & determinatione illud causantis, & donantis; quod etiam probat Augustinus, sic inquit: *An fortè, nec ipsa dicunt prædestinatus: Ergo nec dantur à Deo, aut ea se daturum esse nesciunt, quod si dantur, & ea se daturum esse præscivit, profecto prædestinavit.* Quasi sic diceret; vel Deus ea donat liberè, & scienter; vel non donat, aut si donat, donat ea nescienter, & involuntariè? Si donat liberè, & scienter: Ergo ex propria electione, & determinatione: Ergo ea dare prædestinavit, & prædestinavit: Si autem non donat, aut donat nescienter, & involuntariè: Ergo non sunt dona Dei, aut ea se daturum esse nesciunt: Concludit ergo quod si sunt dona Dei, & ea se daturum esse præcivit, profecto prædestinavit, & prædestinavit ea dare, nempe merita, & finalem perseverantiam: Ergo & efficaciter voluit ea dare, quia velle purè inefficax dici non potest prædestinatio, aut prædestinatio, ut per se patet: Si autem efficaciter voluit, & prædestinavit dare perseverantiam finalem, implicat quod, vel eodem, vel distincto velle per prius non velit efficaciter gloriam, quia perseverantia finalis est medium vltimum, imò vltima efficacia omnium mediorum ad finem gloriæ, & implicat apertè velle efficaciter vltimum medium, seu vltimam efficaciam omnium mediorum ad finem gloriæ, quin per prius distincto, vel eodem velle velit per se finem gloriæ: Atqui vult gratuito, & ante prævisa merita dare perseverantiam finalem: Ergo vel eodem, vel distincto velle vult etiam gratuito, & ante prævisa merita, dare gloriam. Patet consequentia, quia

quia si velle efficax perseverantiz finalis præcedit prævisionem meritorum, potiori iure velle efficax gloriæ, quod vel est prius, vel idem velle per prius de gloria, quam de perseverantia finali, erit gratuitum, & ante prævisa merita.

68 Vnde tota distinctio nos inter & contrarios, in eo sita est, quod ipsi non admittunt in divina voluntate prædefinitionem efficacem, aut velle efficax, quo Deus electivè, & liberè donet nobis merita ad gloriam, aut perseverantiam in illis; igitur si hanc prædefinitionem admitterent, cum hæc necessariò sit gratuita, & ante merita prævisa, utpotè prædefinitio ipsorum, & alias ipsa per se, vel per prius sit destinatio, & electio efficax ad gloriam, nam alicui impertire merita cum perseverantia finali in illis formalissimè, vel præsupponitvè est ipsum efficaciter destinare, & eligere ad gloriam; absque dubio concederent prædefinitionem, & electionem efficacem ad gloriam esse gratuitam, & ante prævisa merita, sicut ipsa efficax prædefinitio meritorum, & perseverantiz finalis in illis. Cæterum hanc non admittunt; sed solum concedunt Deum velle efficaciter ante prævisa absolutè merita auxilia sufficientia quoad suam intrinsecam entitatem, secundum quod sunt intrinsecè in differentia, & frustrabilia à meritis, & à perseverantia, & consequenter à gloria; de reliquo autem solum admittunt erga ipsa merita, & erga ipsam perseverantiam complacentiam simplicem, aut voluntatem inefficacem, qua Deus operatur quidem inefficaciter, quod voluntas cum illis auxilijs mereatur, & perseveret, sed id non prædefinit, nec liberè, aut ex propria determinatione donat, aut efficit, sed relinquit vnice determinandum arbitrio voluntatis creatæ, & ad summum præcedit præficientia media, qua Deus scit, quid voluntas creata determinatura sit. Vnde tandem recidunt in eo, quod merita hominis, & perseverantia finalis non sint dona gratuito, liberè, & ex propria electione, aut determinatione à Deo ipsi donata; sed quod Deus liberè, & electivè solum donat auxilia indifferentia, frustrabilia, & communia prædestinatis, & reprobis; merita vero, & perseverantiam sub illis solum sunt electivè, & determinativè ex arbitrio creato, non à Deo prædefinita, nec prædestinata, vnde nec erunt dona Dei, nec gratuito, aut liberaliter ab ipso donata, contra doctrinam Conciliorum, & PP. & præferunt Augustini, qui contra Pelagianos totus fuit in probando merita nostra esse dona Dei,

*Deumque, dum ea coronat, coronare dona sua, quia voluit esse merita nostra, quæ sunt ipsius dona. Vide supra num.*

ALIA RATIONE CONCLUSIONE  
ex Dio. Thom.

69 S Econdò probatur conclusio: Deus non movetur ex meritis prævisis ad eligendum efficaciter hominem ad gloriam: Sed solum ex superabundantia suæ bonitatis: Sed electio ad gloriam, in qua Deus non movetur ex meritis prævisis, sed ex superabundantia suæ bonitatis, prorsus est gratuita, & non ex meritis prævisis: Ergo. Probatur maior, primò, quia iuxta Div. Thom. in præsent. quest. 23. artic. 5. in corpor. sic ait: *Nullus ergo fuit ita in sana mentis, qui diceret, merita esse causam divine prædestinationis ex parte actus prædestinantis*: Sed si Deus ad eligendum, & prædestinandum hominem ad gloriam moveretur ex meritis prævisis, merita essent causa divinæ prædestinationis ex parte actus prædestinandi, quia ad ipsum moveretur ex meritis: Ergo. Secundo, quia si Deus ad efficaciter volendum homini gloriam moveretur ex meritis, iam propter merita veller gloriam, & non solum veller gloriam esse propter merita: Sed hoc negat Div. Thom. quia immediatè ante verba relata, expressè ait, quod *ex parte actus volendi non potest assignari causa divine voluntatis, ita ut propter hoc velit hoc; sed solum ex parte volitorum, in quantum vult hoc esse propter hoc*: quod quidem dixerat quest. 19. artic. 3. Ergo Deus ad volendum homini efficaciter gloriam non movetur ex meritis, nec propter merita vult illam dare, licet velit illam esse propter merita. Tertiò, ex eodem Div. Thom. quest. 6. de Veritate, artic. 2. in corpor. ubi sic ait: *Finis divine voluntatis est ipsa Dei bonitas, qua non dependet ab aliquo alio, unde ad hoc quod habeatur à Deo, nullo indiget, & ideo voluntas eius non inclinatur primo ad aliquid faciendum per modum debiti, sed liberaliter tantum. Vbi cumque autem aliquid occurrit, sine quo aliud à Deo volitum esse possit, hoc non procedit ab eo secundum rationem alicuius debiti, sed secundum meram liberalitatem; perfectio autem gratiæ, & gloriæ sunt huiusmodi bona, quod sine his natura esse potest, excedunt enim naturalis virtutis limites, unde quod Deus vult alicui dare gratiam, & gloriam, hoc ex mera liberalitate procedit. In his autem, quæ ex mera liberalitate procedunt, tantum causa volendi est ipsa superabundans affectio bonitatis, unde causa prædestinationis nihil aliud est, quam bonitas ipsius Dei. Quid clarius?*

70 Tertiò probatur conclusio, quia iuxta Div. Thom. in præsent. quest. 23. artic. 4. in corpor. Hæc est differentia inter voluntatem nostram, & divinam, quantum ad eligendum, & diligendum, quia in novis voluntas diligendo non

can-

\*\*\*  
\*\*\*  
\*\*\*  
\*\*\*



*causat bonum, sed ex bono præexistente incitat ad diligendum. In Deo autem est e converso. Nam voluntas eius, qua vult bonum alicui diligendo, est causa cur illud bonum ab eo præ habeatur: Ex quo planè infertur, quod ut Deus aliquem specialiter diligit, & eligat ad gloriam, opus non est, quod supponatur dignus per merita tali dilectione, & amore, cum potius Deus ipsum diligendo, & eligendo dignum efficiat: Sed dilectio, & electio ad gloriam non supponens hominem dignum per merita, sed ipsum dignum efficiens, est planè gratuita, & ante prævisa merita: Ergo.*

71. Quartò, quia merita ipsa sunt effectus prædestinationis, & electionis ad gloriam: Sed eo ipso nequit prædestinatio, aut electio hominis ad gloriam esse ex meritis prævisis absolute futuris: Ergo. Maior pater, quia prædestinatio est preparatio beneficiorum Dei, quibus certissimè liberantur, quicumque liberantur: Sed merita sunt beneficia Dei, quibus liberantur, quicumque liberantur, quia sunt dona Dei, ut vidimus ex Augustino. Ergo prædestinatio est preparatio meritum: Ergo merita sunt effectus prædestinationis, utpote per illam preparata. Minor vero non minus pater, quia nulla causa supponit, suum effectum absolute prævisum, aut futurum pro priori ad ipsam. Explicatur: Prædestinatio, ut vidimus *quæst. 1. ex Augustino, & Div. Thom.* est preparatio, & ordinatio omnium beneficiorum, & mediorum, quibus liberantur, quicumque liberantur, seu quia Deus preparat, & ordinat totam seriem beneficiorum, & mediorum ad vitam æternam à primo usque ad ultimum: Sed hæc ordinatio totius seriei beneficiorum, & mediorum à primo usque ad ultimum non potest esse ex meritis prævisis: Ergo nec prædestinatio. Probat minor, quia potissima beneficia, & media illius ordinis, scilicet, & cursus ad vitam æternam sunt merita: Sed ordinatio totius ordinis, cursus, & seriei beneficiorum, & mediorum non potest esse ex ipsis beneficiis, & medijs absolute prævisis ante ipsam ordinationem, quia alias merita supponerentur prævisis ante, & extra illam ordinationem, & seriem, ut possent Deum movere ad illam seriem mediorum ordinandam; quod implicat in terminis, si merita sunt præcipua media, & beneficia illius ordinis, & seriei. Ergo. Urgetur: Iuxta Div. Thom. *quæst. 6. de Veritate, articul. 2. ad 1. 1. Quia hoc ipsum, quod velle accipere gratiam est nobis ex prædestinatione divina, inde non potest esse causa prædestinationis: Sed etiam merita potiori iure sunt nobis ex prædestinatione divina, cum sint potissimi effectus prædestinationis: Ergo non possunt esse causa motiva prædestinationis, & consequenter, nec prædestinatio est ex ipsis.*

72. Denique probati solent conclusio,

quia iuxta Apostol. *Augustinum, & alios PP.* incomprehensibilis, & admirabilis, & secretissima est nobis ratio electionis, & prædestinationis, cur nempe unus præ alio ab æterno fuerit prædestinatus: Sed nõ elicit ita secreta, & mirabilis, si prædestinatio esset ex meritis, quia ratio disparitatis esset in promptu, nempe, quia cum equali gratia ex parte Dei, hunc Deus præscivit benè operaturum usque in finem, alium malè operaturum, aut non perseveraturum: Ergo non potest poni prædestinatio ex meritis prævisis. Vide *Tractat. de Provident. quæst. 13. à num. 82.*

#### PROPOSITIO FUNDAMENTUM

*ab auctoritate pro contraria sententia.*

73. **O**bjiciunt primò contrarij ab Auctoritate Sacræ Scripturæ, primò ex illo Matthæi 25. ubi dicitur, quod Christus in iudicio diciturus sit: *Venite benedicti Patris mei possidete paratum vobis Regnum à constitutione mundi. Esurivi enim, & dedistis mihi manducare, &c.* Sed ly enim, inquit Vazquez, designat rationem causalem, non solum cur illis datur gloria in tempore, sed cur illis Regnum fuerit paratum: Ergo Deus eligit ad Regnum, & Regnum preparat propter opera, id est, quia illi essurienti dederunt manducare, &c. Secundò ex illo Apostol. 1. ad Corinth. 2. *Nec in cor hominis ascendit, quia preparastis diligentibus te:* Ergo quia ipsum dilexerunt preparavit illis gloriam. Tertiò ex illo ad Roman. 8. *Quos præscivit, & prædestinavit conformes fieri imaginis filij sui,* quod sic exponitur: *Quos præscivit conformes futuros imaginis filij sui, hos prædestinavit,* unde Ambrosius inquit exponens ea verba: *Quos præscivit devotos, elegit ad promissa præmia capefscenda:* Ergo idem quod prius.

74. Deinde ex PP. nam Ambrosius lib. 2. de Fide, sic ait: *Quorum merita præscivit, bonorum præmia prædestinavit.* Secundò ex Fulgentio, lib. 1. ad Moniment. cap. 24. sic aient: *Prædestinavit ad Regnum, quos ad se præscivit misericordia præventantis auxilio reddituros.* Tertiò, & principaliter ex Augustino, lib. 1. ad Symplicianum, *quæst. 2. sic aient: Electio non præcedit iustificationem, sed electionem iustificatio.* Nemo enim eligitur, nisi iam distans ab illo, qui rejicitur, unde quod dictum est, *quia elegit nos ante mundi constitutionem, non video quomodo sit dictum, nisi præscientia:* Ergo iuxta Augustinum, iustificatio, & consequenter bona opera prævisa præcedunt electionem ad gloriam.

75. Propter hæc, & alia Illustrissim. Godoy, & Mag. Gonet, cum alijs RR. tum ex Thomistis, tum ex extraneis, distinguendam censent in divina voluntate duplicem electionem ad gloriam,

riam, aut duplex decretum de gloria conferenda, primum intentivum, & hunc dicunt esse gratuitum, & non ex meritis prævisis; secundum executivum, & hunc aiunt esse ex iustitia, & ex meritis prævisis, idque.

76 Probat primò, quia in divina voluntate debet distingui duplex actus, tam circa media, quàm circa finem, vnus qui sit intentio, & electio spectans ad ordinem intentionis, alium qui sit vsus activus spectans ad ordinem executionis: Ergo pariter erga gloriam conferendam debet admitti duplex decretum, vnum intentivum gratuitum, aliud executivum ex meritis. Secundò, quia externa, & temporalis collatio gloriæ est in Deo actus iustitiæ, vt constat ex illo Apostol. 2. ad Timoth. 4. *Quam reddet mihi Dominus iustus iudex*: Sed nequit actus externa habere honestatem iustitiæ, aut alterius virtutis, nisi procedat ex actu interiori eiusdem virtutis: Ergo collatio externa, & temporalis gloriæ in Deo procedit ex actu interno voluntatis eius, qui sit actus iustitiæ: Sed electio intentiva ad gloriam, aut decretum intentivum illius non est actus iustitiæ, cum sit electio purè gratuita, & liberalis: Ergo vterà illam debet admitti in divina voluntate alia electio executiva, aut decretum executivum, quod moveatur ex meritis, & sic actus iustitiæ. Confirmant, quia merita, cum sint media moralia, non aliter causant finis executionem, nisi movendo voluntatem præmiantis, vt velit præmium conferre: Sed negari non potest, quod merita iustorum causant, vt media moralia, gloriam in executione: Ergo movent divinam voluntatem ad gloriam conferendam: Sed divina voluntas temporaliter moveri non potest, nec de novo in tempore habere motum ad aliquid, alias posset incipere in tempore velle aliquid: Ergo ab æterno moveatur à meritis: Sed non ad decretum intentivum: Ergo ad aliud executivum. Verumtamen contra istam sententiam.

## SECUNDA CONCLUSIO.

77 **D**eo secundò: Nullum decretum datur in Deo, de gloria conferenda, quod sit ex meritis, aut quod non sit gratuitum, aut quod præsupponat prævisionem meritum. Ac per consequens frustra distinguitur illud duplex decretum, vnum intentivum, aliud executivum. Ita Nazarius, Alvarez, Salmanticenses, & alij nobiles Thomistæ. Et probatur primò ex supra dictis quæst. 3. à num. 21. vbi à divina voluntate hoc duplex decretum erga idem relegavimus. Secundò ex Div. Thom. supra num. 69. aiente, quod ex parte actus volendi non potest assignari causa divini voluntatis; item quod non propter hoc vult hoc, sed vult hoc esse propter hoc. Item apertissima sententia

est Div. Thom. quod nihil creatum potest esse obiectum motum voluntatis divinæ ad aliquid volendum, & consequenter nec merita, quæ sanè quid creatum sunt: Ergo repugnat in divina voluntate actus, quo mota ex meritis, & propterea merita vellet conferre præmium: Sed tale ponitur à contrariis illud decretum executivum: Ergo illud repugnat. Nec dicas cum Illustris. Godoy, voluntatem divinam posse moveri ex meritis, vt eminenter contentis in bonitate divina. Contra enim est, quia etiam decretum intentivum potest dici motum ex meritis hoc pacto, quia moveatur ex bonitate divina, in qua merita eminenter continentur quoad vim movendi, seu quantum ad honestatem obiectivam iustitiæ, vt vidimus *Disput. 6. q. 3. à num. 61.* vbi plura contra Illustris. Godoy: Ergo frustra ad hoc ponitur decretum executivum distinctum. Demum, quia motiva ad tale decretum ponendum, nullius sunt momenti. Vnde.

78 Ad primum ex n. 76. nego antea deds, quia oppositum iam probavi *suprà quæst. 3. à num. 21.* Ad secundum, concessa maiori, & minori, & prima consequentia, nego minorem subsumptam, quia electio intentiva gloriæ, quantumvis liberalis, & gratuita, est intentio conferendi gloriam vt coronam meritum meritis proportio-natam; & consequenter est intentio servandi ad extra æquitatem iustitiæ, ac proinde est actus iustitiæ habens honestatem specialem iustitiæ distributivæ. Nec ad hoc opus est, quod moveatur à meritis, sed satis est quod velit, & inserat merita ex fine illa præmiandi cum æquitate; sicut in Iudice, aut Principe, qui desiderio exercendi, & ostendendi suam æquitatem in distribuendis præmijs vellet milites egregia patrare, planè illud desiderium esset actus interior iustitiæ, habens honestatem iustitiæ, licet ad illud desiderium non moveretur ex meritis prævisis, sed ex ipsa pulchritudine obiectiva iustitiæ: Sic ergo in Deo, dum ex amore suæ bonitatis, in qua omnis pulchritudo iustitiæ eminenter continetur, vult intentivè conferre gloriam vt coronam meritum, & exercere æquitatem inter præmium, & meritum, & ad hoc vult conferre homini talia merita; cum intentione proportionandi merita præmio intentio, & præmium meritis, hic est actus interior iustitiæ, & nihilominus est etiam actus liberalitatis, & gratiæ, quia ad hoc intendendum non obligatur villo debito, aut iure alieno, sed moveatur vnicè ex superabundantia suæ bonitatis, quam gratis vult ostendere in hoc individuo per alio per modam iustitiæ distributivæ præmiando ipsum gloria cœlesti. Videantur supra dicta *Disput. 6. quæst. 3. à num. 78.*

79 Nec est inconveniens, quod in divina voluntate idem actus sit liberalitatis, & iustitiæ distributivæ, qualem solam in Deo dari *suprà* ostend.

ostendimus *Disputat. 6. quest. 5. à num. 10.* Imò videretur expressum in Div. Thom. in hac 1. part. *quest. 21. artic. 3. in corpor.* ubi ait, quod in Deo elargiri perfectiones rebus pertinet quidem, & ad dictam bonitatem, & ad iustitiam, & ad liberalitatem, & ad misericordiam; tamen secundum aliam, & aliam rationem. Communicatio enim perfectionum absolute considerata pertinet ad bonitatem; sed in quantum perfectiones à Deo dantur secundum earum proportionem, pertinet ad iustitiam, ut dictum est supra; in quantum vero non attribuit rebus perfectiones propter utilitatem suam, sed solum propter suam bonitatem communicandam, pertinet ad liberalitatem; in quantum denique perfectiones data rebus à Deo omnem defectum expellunt, pertinet ad misericordiam: At qui omnes istæ conditiones concurrunt in eodem simplicissimo actu divinæ voluntatis, quo vult dare gloriam, quia illo in primis non vult Deum communicare gloriam propter aliquam utilitatem suam, sed solum propter suam bonitatem communicandam, unde est actus liberalitatis; deinde illo vult communicare gloriam vt coronam proportionandam meritis, & inde est actus iustitiæ; item eodem vult communicare gloriam absolute, & sic est actus bonitatis; item eodem vult gloriam vt excludentem defectum, seu æternam miseriam, & sic est actus misericordiae: Ergo idem actus est misericordiae, bonitatis, liberalitatis, & iustitiæ, & totum hoc ex vnicò motivo formalis suæ bonitatis; quia cum bonitas divina contineat formaliter, aut eminenter honestatem obiectivam omnis virtutis, actus ex illa motus potest etiam esse actus omnis virtutis, tam vnus, quam bonitas divina est vna in ratione motivi. Ex quo.

80 Ad confirmationem, nego maiorem, quia est alius modus causandi moraliter, nempe faciendo sibi debitum præmium, & fundando ius, & actionem ad præmium; ad quod non requiritur movere voluntatem præmiantis, vt velie conferre præmium, quando meritum ipsum supponit voluntatem præmiandi iam motam ex sua bonitate ad collationem præmij; quia tunc casus causalitatis meriti in præmium, adhuc in actu secundo, non consistit in eo quod voluntas præmiantis mota ex meritis velit conferre præmium, sed solum in eo quod velit simul proportionare præmium merito, & meritum præmio vnicò actu. Qui actus, licet non sit causalitas proveniens ex meritis, est tamen pro meritis, & hoc sensu est causalitas meritorum, non quasi ab ipsis procedens, sed quasi pro ipsis agens, & causans; nec quia mota ex meritis, sed quia mota ex divina bonitate movente pro meritis, quatenus ante merita prævisa movet, vt Deus velit præmium proportionandum meritis, seu vt non velit præmium, nisi eodem velle volendo merita illi pro-

portionata, nec velit merita, nisi eodem velle volendo præmium illis debitum, prout latè explicavi *Disputat. 6. quest. 3. à num. 61. 65. & 78. usque ad 83.* quæ omnia videnda sunt, nec illa iterum reputamus.

81 Sed contra replicat Illustrif. Godoy, quia adhuc dato, quod illud velle intentivum dandi gloriam sit actus iustitiæ; quia respicit gloriam vt coronam proportionatam meritorum, non tamen est actus iustitiæ rigorosus, ad quem nempe Deus ex iustitia teneatur: Sed constituendus est in divina voluntate aliquis actus iustitiæ rigorosus, ad quem ex iustitia teneatur: Ergo ultra illud decretum, aut velle intentivum gratuitum debet assignari aliud decretum, aut velle executivum non gratuitum de gloria, sed ex iustitia. Probat minorem, quia externa collatio gloriæ est actus iustitiæ rigorosus, ad quem Deus ex iustitia tenetur, sed omni actui exteriori debet assignari alius interior similis honestatis, & virtutis: Ergo debet etiam assignari in divina voluntate actus interior erga gloriam, ad quem ex iustitia teneatur. Respondeo, omnia maiori, negando minorem; quia aliud est actus iustitiæ, aliud actus, ad quem quis ex iustitia teneatur; potest enim actus voluntatis esse actus veræ, & propriæ iustitiæ, quin tamen ad illum ex iustitia teneatur; sicut actus, quo quis vult iusto præcio emare aliquid, aut aliquid vendere, est actus iustitiæ, & tamen ad illud velle non obligatur ex iustitia: Sic ergo in Deo actus, quo Deus vult coronare Petrum gloria meritis proportionata, est actus iustitiæ, sed non ad quem Deus ex iustitia teneatur. Vnde ad probationem minoris, vel nego maiorem de obligatione ex iustitia proprie sumpta; vel distinguo: Collatio exterior gloriæ est actus, ad quem Deus ex iustitia tenetur, id est, ex propria interiori voluntate, & ordinatione conferendi gloriam, non aliter, quam meritis proportionatam, concedo: Ad quem tenetur ex iustitia fundatâ in externo iure, aut lege superiori obligantem, nego maiorem, & omnia minori, nego consequentiam.

82 Quia in primis in Deo non admitimus iustitiam commutativam propriam, & rigorosam, & consequenter nec actum, ad quem ex tali iustitia rigorosa teneatur. Deinde adhuc illa admissa, posset Deus vnicò simplicissimo velle iusto, & æquo, velle conferre gloriam cum proportionem ad merita, & ex vi huius solius voluntatis, suppositis meritis, dare in executione gloriam illis debitam, absque vllò alio velle, ad quod moveretur ex obligatione; sicut qui vult efficaciter iusto præcio credere ab aliquo equum, quem alius venale habet, eadem ipsa voluntate, qua vult, non obligatus ad hoc velle, dare iustum præcium pro equo, eadem in executione dat tale præcium, non aliunde obligatus, quam

quam ex ipsa voluntate anteriori iusta, qua voluit dare iustum præcium pro equo, nec est necessarius duplex actus voluntatis, unus, quo intendit velle dare iustum præcium pro equo; alius, quo velit executivè tale præcium dare. Quod si ille, qui vult dare iustum præcium pro equo, movetur ex valore equi, ideo est, quia respicit equum vt finem, & vt bonum, quo eget. Deus vero non eget meritis alterius, nec ea respicit vt finem, sed potius liberaliter ea ipsa largitur, vt accepturus gloriâ, eam condigne, & pro meritis accipiat, & ideo opus non est, quod moveatur ex valore, aut iure meritum.

83. Deinde solum admittimus in Deo iustitiam distributivam propriè talem, & hoc pacto est iusta voluntas, qua ante prævisa merita Deus vult alicui dare gloriam vt coronâ meritis proportionatam, licet ad eam voluntatem non obligetur ex meritis, nec ex iustitia, quia potius talis voluntas est ipsa iustitia. Cum autem inquis, quod ad collationem externam gloriæ obligatur ex iustitia, dico quod obligatur ex iustitia, quatenus obligatur ex ipsa anteriori voluntate, & ordinatione divina, quæ ipsa iustitia est, non vero quatenus obligatur ex iure extrinseco meritum, aut ex lege aliqua superiori iustitiæ, quia vt inquit Div. Thom. 1. 2. quæst. 124. artic. 1. ad 2. *Ex quo Deus aliquid promissit, non sequitur, quod Deus efficiatur simpliciter debitor nobis, sed sibi ipsi, quatenus debitum est vt sua ordinatio impleatur*; minime autem sequitur, quod si exterior collatio gloriæ est debita ordinationi, & voluntati interiori, etiam ipsa voluntas, & ordinatio interior debeat esse debita ex alia priori ordinatione, quia alias daretur processus in infinitum; vnde non sequitur, quod si collatio temporalis gloriæ sit debita ex iustitia divina consistente in interiori, & æterna voluntate, & ordinatione divina, etiam debeat dari æterna voluntas, & ordinatio divina debita ex iustitia priori, seu ad quam Deus ex iustitia teneatur, potissimè cum divina voluntas, & ordinatio quædam non sit iusta penes conformitatem cum iure exteriori alterius, aut cum lege aliqua superiori, sed per se sit ipsa iustitia, iustificata in semetipsa, & regula omnis iustitiæ, & sibi ipsi ius, & lex iustitiæ, per solam conformitatem ad divinam bonitatem, ex qua sola movetur ad sic ordinandam, & volendam collationem gloriæ vt coronæ, quatenus divina bonitati concedens est proportionare præmia meritis, & merita præmia, vt explicavimus *Disputat. 6. quæst. 3. ad num. 60. & quæst. 5. ad num. 24. & 27.*

84. Prætermissi, quod collatio externa gloriæ sit actus, ad quem propriè, & rigorosè Deus teneatur ex iustitia; posset enim hoc negari, quia etiam ipsa collatio gloriæ, si sumatur pro vera actione Dei virtualiter solum transcurrenti,

sumpta pro recto, est quidem actio iusta, seu iustitiæ, sed non propriè ex iustitia, quia etiam est ipsa iustitia exercita, immo & ipsa exercita liberalitatis, & gratia, quia est unica actio ex parte Dei, qua confert merita cum iure ad gloriam, & gloriam proportionaram iuri meritorum, quæ actio est simul iusta, & gratuita; gratuita quia ad utrumque conferendum nullo obligatur iure extrinseco, & quia ex parte sua utrumque simul confert, meritum nempe, & præmium; & iusta etiam, quia utrumque confert servando æquitatem inter meritum, & præmium, in quo iustitia consistit. Vide *Disputat. 6. quæst. 3. numer. 78.* Verumtamen prætermissemus, quod actus externæ collationis, vel externæ collatio gloriæ sit ex iustitia, ad quam nempe Deus teneatur ex interno actu iustitiæ, quia externa collatio gloriæ læpè accipitur, non tam pro actione propria Dei, quam pro termino ipsius, seu passivè, & remunerativè pro gloria data, & recepta ab homine, quo pacto est externa Deo, & supponit merita, imò & est ex iustitia, & ex meritis, quia Deus actu voluntatis vult, & actione sua facit, quod gloria sit ex meritis, & propter merita, quin tamen ad id volendum, aut faciendum ipse Deus moveatur ex meritis, sed solum ex sua bonitate, vt explicabam vbi suprâ. Ex quo.

# SOLVITVR IAM ARGVMENTUM PRINCIPALE.

85. **I**gitur ad principalem obiectionem ex *num. 73.* respondendum est absque distinctione duplicis decreti. Vnde ad textum ex *Matthæi 25. nego minorum, quia ly enim cadit suprà ly possidete Regnum, non suprà ly paratum vobis, designant opera esse causam meritoriam, cur possidere Regnum illis debitum sit, non vero causam cur illis Deus à constitutione mundi præparaverit Regnum. Qui tenus legitimus est; alius vero vix nec cum ipsa grammatica convenit. Ad secundum ex *Apost. nunc confiteor* quendam, quia licet dona celestia Deo præparaverit diligentes se, non tamen quia ipsos præparavit ad talem præparationem, & indeprocedenter ab illa præviderit diligentes Deum, sed quia per ipsam præparationem ipsos fecit diligentes se, quatenus præparavit ea dona dare illis, quos prius faceret diligentes se, & non nisi postquam illi essent diligentes Deum; non quidem motus ex dilectione ipsorum, sed vice ex sua bonitate, & ideo liberaliter, & gratuito. Sicut si quis dives præpararet cibos dando pauperibus decenter sedentibus ad mensam suâ, & ex hac ipsa præparatione gratis eligeret hos pauperes præ illis, quos faceret decenter sedere ad mensam suam, talis sanè præparatio esset gratuita, & ante prævisionem sessionis illorum ad mensam suam,*

liet præparasset cibos, non dando, nisi post sessionem cum decentia ad mensam suam. Ad tertium similiter dico, quod illa constructio, seu versio P. Vazquez, non est legitima, nam vt ait B. Dñ. Thom. lect. 6. convenientius sic ordinatur littera: *Quos præscivit, hos & prædestinavit conformes fieri imagini filij sui, vt ista conformitas non sit ratio prædestinationis, sed terminus, vel effectus.* Et hinc apparet, quam levi fundamento, vel nullo in Sacro Textu nitatur sententia contraria, cum nostra ferè expressa in illo reperiatur, locis à nobis suprà relatis.

86. Deinde ad loca citata ex PP. facilis etiam est solutio, si seruemus regulam traditionis ab Augustino. *suprà quæst. 1. num. 8.* quod nempe, quando apud aliquos verbi Dei tractatores legitur Dei præscientia, & agitur de vocatione electorum, nihil prohibet, nomine præscientiæ prædestinationem intelligere. Ex qua, ad Ambrosium, dico, quod quando ait, *quos præscivit devotos, elegit ad promissa præmia*, sensum esse, quod eos, quos prædestinavit, seu præordinavit sibi fore devotos, hos elegit ad promissa præmia capessenda, quia videlicet non alio fine eos præscivit, aut præordinavit sibi fore devotos, nisi vt perciperent condignè præparata ipsis præmia, seu quia illos ad talia præmia prælegerat capessenda per merita. Et cum inquit: *Quorum merita præscivit, horum præmia prædestinavit*, sensus est, quorum, aut quibus merita donare præordinavit, horum, vel his præmia prædestinavit, quia videlicet, non alio siue merita ipsis donare præordinavit, nisi propter præmia ipsis etiam prædestinara.

Ad secundum ex Fulgentio eodem modo respondeo, sensum esse, quasi diceret: *Prædestinavit ad Regnum, quos ad se præscivit*, id est, *quos ad se præordinavit reddituros per misericordie prævenientis auxilium*, quia videlicet, non alio fine eos præordinavit ad se reddituros, nisi quia eos ad Regnum prædestinavit, quod, nisi redendo ad Deum, consequi non possent.

87. Ad tertium vero ex Augustino. ex quo moti sunt Illustrif. Godoy, Magill, Gonet, & alij RR. vt assignarent electionem, aut decretum executivum gloriæ motum ex meritis prævisis, quod vnicè esset ex iustitia, & non gratulatus, respondeo primò, quod si ex illo aliquid probatur, probatur etiam apertè, decretum etiam intentivum esse ex meritis prævisis, quia Augustinus plangit de textu illo: *Elegit nos in ipso ante mundi constitutionem*, inquit: *Non video, quomodo dictum sit, nisi præscientia.* At qui si videret Augustinus pro tunc, electionem intentivam esse ante præscientiam meritorum, seu ante præscientiam iustificationis, minime diceret, se non videre, quomodo dictum fuisset, *elegit nos in ipso*, nisi præscientia; sed potius videret dictum

etiam fuisse per electionem ante præscientiam. Ergo si textus Augustini aliquid probat, probat nec electionem intentivam esse ante præscientiam meritorum.

Dicendum ergo est, vt respondebam *Tractat. de Provident. quæst. 12. num. 148.* quod nempe in eo libro Augustinus procedit hæsitado, & dubitando, ac disputando, iam in vnam, tamque in aliam partem inclinando, vique dum pervenit ad illud Apostoli testimonium: *Quis enim te discernit*, quo ipse testatur se convictum fuisse, cum aliter sciret, & erraret circa initium fidei, & medio illo veritatem sibi à Deo fuisse revelatam, vt ipsemet testatur *lib. de Prædestinatione Sanctior. cap. 3. & 4.* ubi etiam conqueritur de Semi-Pelagianis, quod ex illo libro ad Simplicianum argumentum funderent, non lectis alijs ipsius libris, in quibus ipse in veritate cognoscenda profecerat postea, & idè in sua erronea sententia persistenter. Sic enim *cap. 4.* ait: *In qua sententia istos fratres meos esse nunc video, quia non sicut legere libros meos, ita in via curaverunt proficere mecum.* Vnde mirum est, quod contrarij frequenter etiam ex hoc libro ad Simplicianum ea tantum verba nobis opponant, quæ in eo habentur antequam perveniat ad illud Apostoli testimonium, antequam nempe Deus Augustino revelasset veritatem, & quando aliter adhuc sapiebat.

88. Igitur, dico, quod Augustinus verba nobis obiecta protulit longè antequam perveniret ad illud Apostoli testimonium, vt legenti constabit, in quibus loquitur potius hæsitans, & dubitans, & quasi se ipsum vrgens difficultibus argumentis, quam vltimò resolvens quæestionem. Vnde cum inquit: *Electio non præcedit iustificationem, sed electionem iustificatio*, nemo enim *eligitur, nisi iam distans ab eo, qui reijcitur*, hoc inquit, quasi se ipsum vrgendo. Hoc argumentum *Nemo eligitur, nisi iam distans ab eo, qui reijcitur*: Sed nisi supponatur iustificatus, non distat. Ergo nemo *eligitur, nisi ante iustificationem*. Ergo electio non præcedit iustificationem, sed electionem iustificatio: Cum ergo ante constitutionem mundi non processerit iustificatio, nisi in præscientia, concludit de illo testimonio: *Elegit nos in ipso ante mundi constitutionem*, dicens: *Non video, quomodo id dictum sit, nisi præscientia*; quod planè ita erat; quia nondum planè videbat, quomodo electio esse posset, nisi quæ supponeret distantiã, seu differentiã inter electum, & reiectum. Sed postquam incidit in illud Apostoli: *Quis enim te discernit*, tunc addicere concludit: *Quod si electio hoc fuit aliqua, vt sic intelligatur, quod dictum est, Reliquie præelectionem gratis salva facta sunt; non est iustificationum electio fiat ad vitam æternam, sed ut eligamur, qui iustificemur*; cetera ita occulte hac

*hoc electio, ut in eadem conspersione nobis prorsus apparere non possit, aut si apparet quibusdam, ego in hoc sic infirmitatem meam fateor. Non enim habeo quod intuear in eligendis hominibus ad gratiam salutarem, si ad examen butus electionis admitto, nisi vel maius ingentium, vel minora peccata, &c. sed cum hoc statuerem, ita me videbit ille, qui infirma mundi elegit, ut confundat fortia, & stulta mundi, ut confundat sapientes, &c. Et prosequitur, pluribus exemplis suadens, homines non elegi, quia ingenio pollescentes, aut alijs dotibus naturalibus præditi, nec quia minoribus peccatis implicati, nec aliquid aliud esse ex parte ipsorum, cur eligantur; sed inscrutabilia esse iudicia Dei, & investigabiles vias eius. Postquam autem in alijs eius operibus magis profecit, id clarius explicavit, dicens, eam electionem non invenire eligendos, seu dignos eligi, sed eos eligendos, aut eligi dignos facere, ut vidimus supra num. 45.*

**ALIUD ARGUMENTUM SOLUTUR, relecta iterum distinctione duplicis decreti intentivi, & executivi.**

89 **O** Bijeitum secundum: Propterea electio ad gloriam deberet præcedere prævisionem meritum, quia gloria est finis respectu meritum, & ista media respectu gloria; & finis est prius in intentione, quam media, seu intentio finis est prior mediis electione, & prævisione: Sed hoc non tenet in Deo, saltem erga media moralia: Ergo. Probatur minor, quia propterea id teneret in Deo, quia in eo debent ordinari decreta, vel per analogiam ad id, quod in humanis contingit; vel penes causalitatem, & ordinem inter obiecta reperimentum: Sed nullo ex his capitibus debet in Deo finis in intentione, aut intentio finis præcedere electionem mediis: Ergo. Minorem pro prima parte probant, quia in humanis, si Rex proponeret præmium dare militibus strenue certantibus, ob illorum labores, nunquam illud dare alicui absolute decerneret, nisi prævisis illius laboribus: Ergo si ex analogia ad res humanas ratio desumenda sit, priora debent esse media moralia, seu merita in prævisione præmiandis, quam finis, aut præmium in intentione efficaci, aut quam intentio efficax finis.

90 Pro secunda parte etiam probatur, quia licet in medijs physicis verum sit, quod finis intentio efficax præcedit prævisionem meritum, aut quod finis in intentione præcedit media, tamen in medijs moralibus oppositum contingit, nempe quod priora sunt intentio finis: Id est merita, in prævisione, quam intentio finis: Ergo. Probatur antecedens, quia media moralia, ut merita, aut orationes impetratorum, non

causant finem immediate in se ipso, sed movendo voluntatem agentis, ut velit dare præmium: Sed eo ipso debent esse priora in prævisione, quam volitio, seu intentio dandi finem: Ergo.

91 Respondeo, concedendo causalem maiorem in sensu à nobis explicato, nempe si intelligatur, quia merita sunt media, non solum electivè à voluntate creata elicità in ordine ad gloriam, sed etiam electa efficaciter à Deo, & ab eo libere donata vel media efficacia, seu quoad efficaciam in ordine ad gloriam, ut ad finem meritum; quia in hoc stat tota vis nostra rationis. Deinde nego minorem. Ad cuius probationem, posset negari maior, quia præciso ordinis decretorum divinorum in Deo, probavimus electionem efficacem meritum ad gloriam, vel esse per se, vel supponere electionem efficacem hominis ad gloriam; & cum alias illa sit gratuita, & ante prævisionem meritum, illa etiam erit gratuita, & ante prævisionem meritum. Vnde si concedatur ordo inter divina decreta, intentio efficax gloriæ poni debet prior, quam electio efficax meritum, & per consequens si ista est gratuita, & ante prævisis meritis, potiori titulo illa, quæ prior, & anterior est: Si negatur ordo prioris, & posterioris inter divina decreta, ipsa electio efficax meritum, & perseverantiæ finalis in illis per se erit electio hominis ad gloriam, vnde sicut illa, ita ista erit gratuita, & ante prævisionem meritum. Non ergo opus nobis est ad nostram sententiam firmandam dogmaticè, disputare de ordine divinorum decretorum, si enim ordinetur, si non, si hoc modo, si illo, dummodo merita, & perseverantia finalis in illis sint dona Dei efficaciter electa, & electivè donata à Deo ad gloriam, dogmaticè probamus, quod electio efficax ad gloriam est gratuita, & non ex prævisis meritis.

Sed ne difficultatem fugere videamur. Omnia maiori, nego minorem pro utraque parte. Ad primam partem probationem, concessio antecedenti, nego consequentiam, quia analogia ad res creatas in Deo considerari debet sine imperfectione, cum qua consideratur in creaturis: Regem autem creato, si non decernit absolute dare præmium ante labores, aut merita prævisis, vnicè est, quia non est in eius potestate, quod milites decernerent, aut mereantur, & ideo id debet expectare ex ipsorum animo, & applicatione, & usque dum præficiat, non potest absolute decernere collationem præmij; attamen Deus habet magis in sua potestate voluntates hominum, quam ipsi suas, vnde æquè potest dare merita, ac præmia, & ideo ut absolute; & efficaciter velit conferre præmium, non eget prius aliunde videre præmia, cum in promptu habeat facere quod homo præmium mereatur.

92 Jam ad probationem secundæ partis

LII

in

in qua maior est difficultas, responderet Illustriss. Godoy, distinctione illa duplicis decreti, quod killecet media moralia causant finem movendo voluntatem agentis, non tamen movendo omnem eius voluntatem, sed satis est, quod causent præsupponendo voluntatem intentivam finis, ex qua descendunt, & movendo voluntatem executivam ipsius finis.

Sed contra hanc solutionem sibi opponit difficile argumentum, quia supposita intentione efficaci finis, seu conferendi gloriam, non manet locus in voluntate ut moveatur à meritis ad novum velle executivum dandi gloriam: Ergo ruit solutio. Probatur antecedens, quia non manet locus, ut voluntas liberè moveatur à meritis ad novum velle liberum; alias nec ut necessariò moveatur à meritis ad novum velle necessarium: Ergo nullo modo manet locus, ut moveatur à meritis ad novum velle. Antecedens pro secunda parte, patet, quia voluntas divina à nullo obiecto creata potest moveri necessariò ad velle necessarium. Pro prima etiam parte probatur, quia solùm movetur liberè voluntas ab obiecto, in quantum supponitur immediatè indifferens ad velle, vel non velle; non vero in quantum supponatur efficaciter determinata: Sed supposita intentione efficaci finis, seu dandi gloriam, voluntas divina non manet iam indifferens vilo modo ad novum velle executivum gloriæ, quia non manet iam indifferens ut non velit executivè dare gloriam: Ergo nec manet locus, ut moveatur liberè à meritis ad illud novum velle.

93 Responderet, quod supposita intentione efficaci dandi gloriam, voluntas divina non manet indifferens consequenter, seu ex suppositione, bene tamen indifferens indifferentia antecedenti, & absoluta; & istam solam requiri ut moveatur liberè à meritis, non autem primam, quia ad libertatem satis est indifferentia antecedens, & absoluta, & non requiritur indifferentia consequens, & ex suppositione. Sed contra est, quia, ut voluntas moveatur liberè consequenter ad aliquam suppositionem, requiritur, quod maneat indifferens consequenter ad illam suppositionem, sicut ut moveatur liberè absolute, seu antecedenter, requiritur quod sit indifferens absolute, seu antecedenter: Sed licet, supposita intentione efficaci dandi gloriam, voluntas maneat indifferens indifferentia absoluta, & antecedenti ad dandam, vel nò dandam gloriam, seu ad velle executivum gloriæ, non tamen manet indifferens ad id ipsum consequenter ad eam suppositionem, sed per illam iam efficaciter determinata: Ergo non manet locus ut moveatur liberè consequenter, libertate nova, & consequenti. Explicatur Nova determinatio, aut nova motio libera voluntatis exigit in voluntate novam indifferentiam: Sed supposita intentione efficaci finis, non manet in

voluntate nova, nec vterior indifferetia, ut velit, vel non velit executivè finem: Ergo nec manet locus novæ motioni, aut determinationi libera ad velle executivum finis.

94 Respondebis ex ipso, non manere locum novæ motioui, aut determinationi libera novitate excludente connexionem, seu novitate inconnexionis, bene vero ad novam motionem, & determinationem liberam novitate distinctionis. Sed contra, quia in actibus liberis implicat nova libera determinatio novitate distinctionis, nisi sit etiam nova novitate inconnexionis, id est, implicat nova, & distincta libera determinatio post priorem liberam determinationem, nisi prior sit inconnexa cum secunda: Ergo solutio implicat in terminis. Probatur antecedens, primò, argumento factò, quia implicat post unam liberam determinationem sequi aliam distinctam liberam determinationem, nisi supposita prima, maneat distincta indifferentia determinabilis liberè: Sed hoc implicat, nisi prima determinatio sit indifferens, & inconnexa cum secunda: Ergo implicat distincta, & nova determinatio libera post primam, nisi prior sit inconnexa cum secunda, & consequenter, nisi sit nova novitate inconnexionis.

95 Secundò, quia si prima sit connexa cum secunda, frustra omninò ponitur duplex determinatio libera, aut duplex libera volitio: Ergo frustra ponitur distincta, sed connexa. Probatur antecedens, quia voluntas ex duobus extremis connexis vno cum alio, eodem actu, quo vult unum, & se determinat ad vnum, vult aliud, & se determinat ad aliud, si prævideat connexionem, idque potissimè verum tenet in voluntate divina, que non multiplicat volitiones sine necessitate, imò & in creatis; unde quando finis præcognoscitur ut vno tantum determinato medio consequibilis, non distinguitur in voluntate volitio duplex, una finis, & alia medij; intentio finis, & electio medij; sed unica volitione vult finem, & medium, ut probabilior tenet sententia, & hoc quamvis sint obiecta distincta: Ergo posteriori titulo, quando est idem obiectum, seu idem finis ut intentus, & ut executus, ut intentus efficaciter connexus secum ipso ut executuendo, frustra erit duplex libera volitio, cum non possit voluntas finem efficaciter intendere, nisi volendo illum exequi. Vide *suprà* quæst. 3. num. 21.

96 Contra secundò, quia si erga eundem finem admittatur duplex voluntas efficax libera, una intentiva ex motivo liberalitatis, & alia executiva ex motivo iustitiæ, pariter posset admitti duplex voluntas erga idem, una intentiva ex motivo propitij convenientiæ, alia executiva ex motivo obsequendi alteri, seu ex charitate; unde posset voluntas intentiva non esse meritoria apud Deum, & tamen esse meritoria voluntas

executiva eiusdem: Sed hoc implicat: Ergo & prius. Respondet Illustrissim. Godoy, hoc implicare, quasi voluntas intentiva poneretur non meritoria, non esset libera, eo autem ipso, nec esset libera voluntas consequens executiva, & sic nec meritoria; voluntas autem intentiva liberalis libera est, & ideo voluntas consequens executiva potest esse libera, & remuneratoria, seu ex iustitia. Sed contra est aperte, quia voluntas intentiva potest esse libera, quamvis non meritoria, si nempe deficeret à ratione meriti, non ex defectu libertatis, sed ex defectu motivi requisiti ad meritum, quo casu posset voluntati executivae apponere motivum exactum ad meritum: Posset ergo voluntas intentiva non esse meritoria, & meritoria voluntas executiva, sicut ponitur voluntas intentiva non remuneratoria, & executiva remuneratoria; quod nec Illustrissim. Godoy admittit.

97 Denique impugnatur Illustriss. Godoy, quia merita non possunt movere voluntatem executivam, nisi movendo intentivam: Ergo reit doctrina Illustrissim. Godoy. Probatur antecedens, quia merita non possunt movere, nisi ex motivo formali iustitiae, & aequitatis: Sed motivum formale iustitiae, & aequitatis non potest movere voluntatem executivam, nisi per prius movendo intentivam: Ergo nec merita. Probatur minor, quia motivum formale iustitiae est ipsa aequitas, & honestas obiectiva iustitiae servanda in proportionem praemij cum meritis: Sed haec honestas, & aequitas obiectiva non potest movere voluntatem executivam, nisi movendo intentivam: Ergo. Probatur minor, quia ea honestas, & aequitas non potest movere, nisi ut intenta, & volita intentivè: Sed eo ipso non potest movere voluntatem executivam, nisi movendo per prius intentivam, quia movet media sui intentione, & voluntate intentiva: Ergo. Ex quo inferes, repugnare motivum virtutis moralis proprium, quod praecise moveat voluntatem executivam, & non electivam, aut intentivam, quia motivum proprium cuiusvis virtutis moralis est bonitas aliqua obiectiva, seu obiectiva honestas specialis; haec autem movere nequit ad sui executionem, nisi per prius movendo ad sui volitionem intentivam, aut electivam.

98 Sed dices: Merita non movent ut intentiva, aut electiva, quia non moveant ut sunt, sed quia sunt: Ergo nec movent ad sui intentionem, aut electionem: Et tamen sunt proprium motivum iustitiae remunerativae: Ergo non est de ratione proprii motivi iustitiae remunerativae movere ut intentivè volitum, aut media sui volitione intentiva. Item, aliena miseria est proprium motivum misericordiae: Etiam non movet ut volita intentivè: Item, offensâ illata Deo est proprium motivum poenitentiae, & tamen non mo-

vet ut volitum: Ergo falsum est, quod motivum proprium virtutis moralis non movet, nisi ut volitum intentivè.

99 Respondeo, quod ex fallacia huius obiectionis ortum duxit tota æquivocatio sententiae contrariae. Respondeo ergo, omittâ ri, distinguendo minorem: Et tamen sunt proprium motivum iustitiae remunerativae merita ut proportionatè praemianda, ratione ipsius aequitatis obiectivae relucens in proportionata remuneratione, concedo: Merita secundum se, & immediate, nego minorem, & consequentiam. Quia, si subleat res pensetur, merita cum iure ad praemium sunt quidem materia propria iustitiae, sed non motivum formale iustitiae; nam motivum formale iustitiae est ipsa aequitas, & pulchritudo, aut honestas obiectiva relucens in proportionem praemij cum iure meritorum: Quod ut agnoscas, pone voluntatem non motam ab hac honestate, aut aequitate, nec affectum erga illam, siquidem nihil prorsus illam movebunt merita, nec ius meritorum. Non ergo ipsa merita, nec ius illorum, est quod ratione sui, aut immediate movet voluntatem ad remuneranda merita, sed est tantum materia iustitiae, seu remunerationis propria; motivum autem formale est ipsa aequitas, honestas, & pulchritudo resplendens in proportionem servata praemij cum merito, seu in praemio proportionato meritis; haec autem non movet, nisi ut intentivè volita: Ergo motivum proprium iustitiae non potest movere voluntatem executivam, nisi movendo intentivam, & ut intentiva. Quod amplius explicatur exemplis positâ in replica, quia nec motivum formale, & proprium misericordiae est miseria aliena, ut talis, sed ut sublevanda ratione honestatis relucens in eius sublevatione, nec motivum formale poenitentiae est offensâ illata Deo, ut talis, sed ut resarcienda, & compensanda poenitentia voluntarijs, ratione honestatis relucens in ipsa compensatione; haec autem, & illa honestas non movet, nisi ut volita, & intentiva. Vide *suprà disputat. 6. quaest. 3. ad num. 6.*

100 Unde facilius ad probationem secundae partis minoris ex n. po. respondendo, negando antecedens in Deo. Ad probationem, nego maiorem quoad secundam partem; quia licet merita non causent praemium physice in se ipso immediate, non tamen propter causam debent illud movendo per se voluntatem agentis satis est, quod merita ex se iure exigant praemium, & habeant actionem moralem ad ipsum, & quod voluntas agentis ex se, aut ex sua bonitate mota supponatur ad non danda merita, nisi prius illis preparato praemio, aut nisi ex intentione conferendi gloriam illis proportionatam; ut latè explicavi *Disputat. 6. quaest. 3. ad num. 65.* Ob cuius doctrinae defectum R.R. inciderunt in eam distinctionem duplicis decreti, vnius intentivi, & gra-



autivi, moti ex bonitate divina, & alterius executivi ex iustitia moti à meritis, quæ sanè distinctio difficultatem magis augeat, quam minuat, vt iam vidimus.

**Ror** Sed contra replicabis, & est tertium argumentum: Deus in tempore non dat gloriam, nisi propter merita: Ergo ab æterno non vult dare gloriam, nisi propter merita: Ergo non nisi motus ex prævisis meritis. Consequentia patet, quia eo ipsissimo modo quo Deus dat in tempore gloriam, eo ipsissimo modo vult, & decrevit ab æterno illam dare: Ergo si in tempore dat gloriam propter merita, etiam ab æterno vult illam dare propter merita. Confirmatur primò: Gloria eodem modo fuit volita, & decretata ab æterno, quo data in tempore, quia Deus non aliter eam dat in tempore, nisi prout vult, & decrevit ab æterno illam dare: Sed illam dat in tempore dependenter à meritis, intuitu meritorum, & propter merita: Ergo sic illam vult dare ab æterno. Vel aliter sub fumendo: Sed illam in tempore non dat gratis, & liberaliter, sed ex iustitia: Ergo nec ab æterno vult illam dare gratis, aut liberaliter, sed ex iustitia. Vel aliter: Sed in tempore non dat gloriam, nisi post prævisa merita: Ergo nec ab æterno illa dare vult, nisi post prævisa merita. Nec cum Godoy distinguas duplex decretum intentivum, & executivum, quia nec ipso decreto intentivo aliter intendit illam dare, quam prout illam dat, nec dat illam modo vilo, quo non intenderit illam dare: Ergo si non dat illam, nisi post prævisa merita, propter merita, intuitu meritorum, aut ex meritis, nec intentivè vult illam dare, nisi post prævisa merita, propter merita, intuitu meritorum, & ex meritis prævisis.

**102** Confirmatur secundò, quia Deus in executione dat gloriam motus ex meritis: Sed implicat illam dare motus ex meritis, nisi illam dare velit motus ex meritis, quia non potest moveri ex meritis ad illam dandam, nisi moveatur ex meritis vt velit illam dare; quia merita si moveant ad executionem, non moveant, nisi movendo voluntatem vt velit exequi, & media voluntate: Ergo illam dare vult motus ex meritis. Confirmatur tertio: Qui meretur gloriam, meretur decretum de gloria conferenda: Sed implicat mereri decretum de gloria conferenda, nisi tale decretum sit ex meritis, & cadat sub merito: Ergo decretum de gloria conferenda, cadit sub merito, & ex meritis est. Maior probatur, quia qui meretur gloriam, meretur, quod sibi Deus det gloriam: Sed implicat mereri, quod Deus sibi det gloriam, quin mereatur quod Deus sibi velit dare gloriam, & consequenter decretum de danda gloria: Ergo.

**103** Respondeo, prætermissa distinctione duplicis decreti incentivivi, & executivi, ad

quem semper, sed frustra, occurrit Illustrissim. Godoy, distinguendo primum antecedens: Deus in tempore non dat gloriam, nisi propter merita, ly *propter* cadente suprà ipsam gloriam datam, concedo: Cadente suprà actionem dandi identitificatam cum Deo, nego antecedens, & distinguo consequens: Ergo ab æterno non vult dare gloriam, nisi propter merita, ly *propter* sumpto obiectivè, & cadente suprà gloriam volitam, ant dandam, concedo: Cadente suprà velle ipsius Dei, nego consequentiam, & quod inferatur, nempe quod non velit illam dare, nisi motus ex prævisis meritis. Quia nempe, vt sæpe diximus ex Div. Thom. Deus dum vult vnum propter aliud, ly *propter* non cadit suprà ipsum velle Dei, quasi Deus, propter motivum creatum velit aliud: Sed vnice cadit suprà obiectum volitum, quatenus vult vnum esse propter aliud. Et similiter dum dat gloriam propter merita, ly *propter* non cadit suprà actionem divinam dandi, vt activè se tenentem ex parte Dei, sed vnice suprà terminum datum, quatenus Deus facit quod gloria data sit propter merita; & ratio vtriusque est, quia ly *propter* designat causalitatem aliquam motivam veram in id, quod propter aliud esse dicitur; implicat autem, quod aliquid creatum, & temporale vllam causalitatem, aut motionem exerceat in voluntatem, aut actionem divinam, & æternam; vnde tota causalitas est vnus obiecti in aliud, v. g. meritorum in gloriam, & ly *propter* merita, solum designat causalitatem meritorum in gloriam, non vero in voluntatem, & actionem divinam pro recto eternâ, vnde ly *propter* solum cadit in obiectis, nempe ita, vt sensus sit, quod Deus vult, aut facit gloriam esse propter merita; non autem in ipsa actione, aut volitione divina, ita vt sensus sit, quod Deus propter merita, aut motus ex meritis vult dare, aut dat gloriam. Ex quo.

**104** Ad primam confirmationem, distinguo maiorem claritatis gratia: Eodem modo ex parte obiecti, concedo maiorem: Eodem modo ex parte actus, nego maiorem: Et distinguo minorem: Sed illam Deus dat in tempore dependenter à meritis, intuitu meritorum, & propter merita, ex parte obiecti, id est, dependentia à meritis cadente suprà ipsam gloriam datam, concedo: Ex parte actus, seu dependentia à meritis cadente suprà actum, quo Deus dat gloriam, nego minorem; & distinguo consequens eodem modo. Et similiter, distinguo secundam partem minoris: Sed Deus in tempore non dat illam gratis, & liberaliter, sed ex iustitia ex parte actus, quo illam ex parte sua dat, nego: Ex parte ipsius gloriae data, concedo minorem, & distinguo consequens eodem modo. Et similiter distinguo tertiam minorem subsumptam: In tempore non dat gloriam, nisi post merita prævisa ex parte obiecti, id

id est, posterioritate cadente in ipsam gloriam respectivè ad merita, concedo : Ex parte actus, seu posterioritate cadente in ipsum actum dandi gloriam ex parte Dei, nego minorem, & distinguo consequens eodem modo.

105 Itaque, cum dicimus, quod Deus dat gloriam post merita prævisa, non est sensus, quod actio dandi gloriam pro recto ex parte Dei, sit posterior re ipsa ad merita prævisa, quia merita prævisa nullam veram prioritatem habent ad eam actionem; sed solum quod sit posterior ex parte effectus, termini, aut obiecti, nempe gloriæ, respectivè ad merita, quia dat gloriam ut posteriori meritis. Similiter quando dicimus, quod Deus in tempore non dat gloriam gratis, nec liberaliter, non est sensus, quod ipsa actio dandi gloriam pro recto re ipsa non sit gratuita, & liberalis, cum pro recto sit ipsamet actio, quæ dat etiam merita, quæ gratuita, & liberalis est; sed est sensus, quod non dat gloriam ex parte ipsius gloriæ gratuito, & liberaliter, sed ut debitam meritis ex iustitia. Ac denique, cum dicitur, quod in tempore dat gloriam dependenter à meritis; *ut dependenter* non cadit supra actionem Dei pro recto, quæ à nullo creato dependere potest; sed supra gloriam ipsam, quam dat ut à meritis dependenter; & idem de *ly propter*, & *ly intuitu meritarum*, quod nunquam significat veram causalitatem meritorum in ipsam Dei actionem pro recto, sed solum in effectum, terminum, aut obiectum illius; nec mirum, quandoquidem, nec *ly in tempore*, quando dicimus *Deum dare gloriam in tempore*, appellat supra ipsam actionem Dei pro recto, quæ pro recto simpliciter est, sed supra ipsam gloriam, quam ut tempore incipientem dat, licet actione æterna.

106 Ex quibus iam solum poteris inferre, quod Deus voluit ab ætæro dare gloriam *propter merita*, *dependenter à meritis*, ex *meritis*, *post meritum*, ex *iustitia*; & *non gratis*, si omnes his termini cadant; seu appellent supra ipsam gloriam relativè ad merita, aut supra merita relativè ad ipsam gloriam ex parte termini, obiecti, vel effectus; non veto si cadant, seu appellent supra ipsam *voluntatem Dei æternam* pro recto; unde solus sequitur, quod Deus ante merita prævisa voluit dare gloriam post merita prævisa, seu ut meritis posteriori; & quod independenter à meritis voluit dare gloriam dependenter à meritis, id est, ut à meritis dependenter; quod non propter merita, sed propter solum suum bonitatis abundantiam; voluit dari gloriam propter merita, seu gloriam esse propter merita; quod non ex meritis, sed ex superabundanti affectione suæ bonitatis, voluit dare gloriam ut ex meritis debitam; quod non ex obligatione iustitiæ, sed gratis, & ex liberalitate, voluit dare gloriam, non ut meram gratiam, sed ut debitam ex iustitia meritis præce-

dentibus illam. Quæ quidem libenter concedimus, quin o pns sit assignare in divina voluntate duplex velle, vnum motum ex meritis, aliud motum ex divina bonitate; quia prorsus negamüs in divina voluntate actum ex motivo creato, & consequenter ex meritis motum. Vnde vno, eodemque velle, motus Deus vnicè ex bonitate suæ, ante merita prævisa; gratis, & minime ad tale velle obligatus, vult dare gloriam ut posteriorem meritis, ut dependentem à meritis, & propter merita, & ut coronam debitam meritis ex iustitia; & sic etiam illam dat in executione, actione etiam pro recto, & subiectivè independente à meritis, priori ad merita, non mota ex meritis, nec propter merita, sed solum ex divina bonitate, propter ipsam, gratitatemque, & liberali subiectivè, & pro recto, quia sic est eadem actio, quæ ex parte Dei simul dat merita, & præmium gloriæ; proportionando cum æquitate vnum cum alio, id est, gloriam cum meritis, & merita cum gloria. Ut expli-  
*cabam Disputat. 6. quæst. 3. à num. 78.*

107 Ad secundam confirmationem *ex num. 102*, nego maiorem, loquendo in rei veritate, quia Deus non movetur re ipsa, nec in intentione, nec in executione à meritis, nec ab vllò motivo creato, sed vnicè ex bonitate suæ ad faciendum quicquid facit, omnia enim propter semetipsum operatur; factumque, quod si re ipsa moveretur à meritis in executione, moveretur etiam in intentione, & in voluntate, ut rectè probatur arguens; sed negamus, quod re ipsa moveatur à meritis, adhuc in executione, & sic cessat obiectio. Per quod, ut notavimus *ubi supra*, non excludimus illas pias locationes, quibus sæpe dicuntur orationes, & merita movere Deum, obligare Deum, &c. quia illæ debent intelligi æquivalenter, & ex nostro modo concipiendi; quatenus tantum valent, ac si Deus re ipsa moveretur ex illis, & ex illis obligaretur, quia obligant, & movetur à sua bonitate, quæ pro meritis, & orationibus est, & nunquam movet ad dandas petitiones, & merita, nisi movendo simul ad postulata concedenda, & ad merita premianda; & propter hanc æquivalentiam, à nobis concipitur Deus ut mobilis à meritis, & postulationalibus, licet ab illis re ipsa non moveatur.

108 Ad tertiam confirmationem, nego maiorem, quia decretum divinum, sicut non potest esse effectus nostrorum meritorum, ita nec sub meritis nostris cadit; sed solum effectus illius est, qui potest esse effectus nostrorum meritorum; & sub merito nostro cadere. Vnde nunquam concedendum est absolute, quod meremur decretum divinum æternum, neque intentivum, neque executionis gloriæ, neque quod illud cadat sub meritis nostris; in quo quidem R.R. Thomæ præsertim Illustr. Godoy, non placet, id concedens, quia hoc patio robur, & iure tribui sen-

tentia contrariæ; sed solum est concedendum, quod gloria ipsa, quæ est effectus decreti, cadit sub merito nostro. Quæ doctrina est expressa D. Thom. in *present. quest. 23. artic. 8. in corpor.* ubi sic ait: *Dicendum, quod in prædestinatione sunt duo consideranda, scilicet ipsa præordinatio divina, & effectus eius. Quantum igitur ad primum nullo modo prædestinatio iuvatur precibus Sanctorum, & alijs operibus, non enim precibus Sanctorum fit, ut aliquis prædestinetur à Deo. Quantum verò ad secundum, dicitur prædestinatio divina iuvari precibus Sanctorum, nempe quantum ad effectum consequendum. Vnde ad probationem maioris, distinguo maiorem: Qui meretur gloriam, meretur, quod sibi Deus det gloriam, quantum ad actionem dandi pro recto; nego: Quantum ad passionem, vel gloriam recipiendam ab ipso, concedo maiorem, & distincta minori eodem modo, nego consequentiam, quia qui meretur gloriam, solum meretur accipere, seu recipere gloriam, solum enim meretur quod receperis est pro meritis; actionem autem Dei pro recto recepturus non est, sed solum effectum illius, nempe gloriam, ad quam recipiendam ius habet, sed non ad actionem Dei, facit enim gloriam sibi debitam, sed non facit re ipsa debitorem sibi ipsum Deum, quia ut inquit Augustinus, Deus reddit debita nulli debens; meritaque habent actionem moralem in gloriam, seu ad recipiendam gloriam, sed non habent actionem moralem ad ipsam Dei actionem, quæ supra ius, & actionem meritorum est. Nec obest, quod aliquando, oratorie magis quam theologicè, dicant PP. quod per bona opera facimus nobis debitorem ipsum Deum; quia hoc debet intelligi equivalementer, & impropiè, quatenus tantum valere nostra opera ad optinendum præmium, ac si Deum ipsum nobis debitorem facerent; sed non ita, ut propriè Deum nobis debitorem, aut obligatum faciant.*

#### ULTIMA OBIECTIO, IN QUA

*explicatur distinctio, & ordo divinarum decretorum.*

109

**D**Enique obijces, seu contradicte replicabis: Decretum divinum conferendi merita, vel auxilia efficacia ad merendum, debet præcedere decretum conferendi gloriam: Sed eo ipso prævisio meritorum debet præcedere etiam decretum conferendi gloriam, seu electionem ad gloriam: Ergo electio ad gloriam est post prævisionem meritorum. Minor patet, quia pro eodem signo, pro quo Deus decernit conferre merita, vel auxilia efficacia ad merendum, in eo decreto prævisio absolutè merita iam futura: Ergo si illud decretum præcedit decretum conferendi gloriam, etiam prævisio meritorum illud præcedit. Maior vero probatur

primò, quia decreti conferendi merita, vel auxilia ad merendum, est decretum conferendi homini aliquid, quo moveat Deum ut decernat conferre illi gloriam, nempe merita: Sed decretum conferendi homini aliquid, quo moveat Deum ad decretum conferendi gloriam, est prius decreto conferendi gloriam: Ergo. Secundò; quia ordo divinarum decretorum debet sumi penes ordinem obiectorum: Sed obiectum decreti conferendi merita, nempe ipsa merita, præcedit obiectum decreti conferendi gloriam, nempe ipsam gloriam: Ergo & decretum conferendi merita præcedit decretum conferendi gloriam. Tertio, quia decretum conferendi gloriam non præcedit decretum conferendi merita: Ergo contra decretum conferendi merita præcedit decretum conferendi gloriam. Patet consequentia, quia inter illa decreta debet admitti ordo prioris, & posterioris. Probatur verò antecedens, quia decreti conferendi gloriam non præcedit subiectivè, & ex parte actus decretum conferendi merita: Deinde nec ex parte obiecti, quia gloria non præcedit merita: Ergo nullo modo. Maior, in qua est difficultas, probatur, quia si subiectivè, & ex parte actus decretum conferendi gloriam esset prius decreto conferendi merita, hoc secundum decretum esset ex parte actus propter illud primum; Deusque subiectivè, & ex parte actus propter gloriam volens vellet merita, & non solum vellet merita esse propter gloriam: Sed hoc est contra doctrinam sæpè à nobis inculcatam ex Div. Thom. Ergo decretum gloriæ non præcedit decretum de meritis. Sequela patet, quia propterea Deus decerneret, & vellet merita, quia per prius vellet, & decerneret conferre præmia: Ergo ex parte actus, propter rationem prius, volens vellet aliquid, & conferret.

**R**espondeo, negando maiorem. Ad cuius primam probationem, nego maiorem, quia iam diximus, Deum non expectare merita, vel id, quo moveatur ad præmium alteri conferendum, aut dandum, quia ex meritis non movetur, sed illa potius inferit ex vi decreti conferendi præmium. Ad secundam probationem, distinguo maiorem. Ordo divinarum decretorum intrinsecus, & ex parte actus à parte rei, nego suppositum, quia à parte rei, nec intrinsecus distinguuntur, & consequenter nec intrinsecus præmissum habent ex parte actus decretum desine, & de medijs de gloria, & de meritis, sed re ipsa, quoniam re ipsa, unico actu, & unico decreto, Deus utrumque vult: Extrinsecè ex parte obiecti, aut potius ratione ex parte actus, subdividitur. Debet sumi generalis ordinem obiectorum in genere causæ finalis, concedo: In alio genere tamen, nego maiorem, & distinguo minorem. Obiectum decreti conferendi merita, nempe ipsa merita, præcedit obiectum decreti conferendi gloriam, nempe ipsam glo-

gloriam in genere causæ finalis, nego: In genere causæ meritoriz, seu efficientis moralis, concedo, minorem; & nego consequentiam. Quia si loquamur de illis decretis re ipsa, & à parte rei ex parte actus, negatur suppositum, nempe, quod sic distinguantur, aut ordinem habeant: Si vero loquamur de illis extrinsecè ex parte obiecti, aut ex parte actus per rationem nostram, aut iuxta nostrum modum concipiendi, ordinem habent, & cum ordine concipiuntur; sed hic ordo accipiendus est penes ordinem obiectorum in genere causæ finalis, non in alio genere; quia ordo volendi in voluntate semper est velle prius quod est prius in genere causæ finalis, non vero velle prius, quod est prius in genere causæ efficientis, si sit posterius in genere causæ finalis, ut in voluntate creata manifestum est, in qua licet finis sit posterior alijs in executione, seu in genere causæ efficientis, tamen est semper prius volitus, seu intentus à voluntate, in qua semper est prior volitio finis, quam volitio mediorum præcedentium finem in genere causæ efficientis. Ex quo.

III Ad tertiam, distinguo antecedens: Decretum conferendi gloriam non præcedit re ipsa ex parte actus decretum conferendi merita, concedo: Non præcedit extrinsecè, & ex parte obiecti re ipsa, aut intrinsecè ex parte actus per rationem, nego antecedens, & consequentiam. Et cum illam probas, quia inter ea decreta debet admitti ordo, iam dixi, qualis ordo admitendus sit. Ad probationem antecedentis, concessa maiori de præcedentia reali intrinsecè, distinguo minorem: gloria non præcedit merita in genere causæ efficientis, concedo: In genere causæ finalis, nego: quia ex parte obiecti semper gloria respicitur ut suis meritorum, ad quem merita ordinantur ut media, & consequenter ut prior in genere causæ finalis ex parte obiecti; & cum ordo decretorum ex parte obiecti, aut iuxta nostrum modum concipiendi ex parte actus, summi debeat ex ordine obiectorum penes genus causæ finalis: Inde est, quod eo modo, quo habent ordinem, decretum gloriæ debet esse prius decreto conferendi merita, & non e contra.

III Ad probationem maioris, quatenus doctrinæ traditæ opponitur, dico, quod ex parte actus non admittimus ordinem realem intrinsecè, adhuc vi realem, iuxta illa duo decreta, quia à parte rei, tam formaliter, quam virtualiter intrinsecè sunt vnicui velle, & vnicui decretum de fine, & medijs, de gloria, & meritis; & ideo illud re ipsa, & à parte rei dicimus esse gratuitum, quia prout est vnum decretum efficax de meritis, & de gloria, seu de utroque, non supponit merita prævisa, nec potest esse ex meritis, ut per se patet. Si vero sumantur ea decreta ut distincta, vel extrinsecè

penes obiecta, & denominativè ab obiectis, vel intrinsecè ex nostro modo concipiendi illa decreta penes analogiam ad actus voluntatis creare erga finem, & media, dicimus, decretum de gloria esse prius decreto de meritis, quia ordo ille pensatur penes ordinem obiectorum in genere causæ finalis, in quo gloria est prior meritis; aut penes analogià ad volitionem finis, & electionem mediorum in voluntate creata, quādo media sunt in eius potestate; tunc enim in ea prior est volitio finis, quā mediorum; unde in eo sensu, in quo ea decreta habent ordinem, prius est decretum de gloria, quā de meritis.

III Cum vero arguis, quod aliàs Deus propter gloriam vellet merita ex parte actus; dico, quod ex nostro modo imperfecto concipiendi ea decreta ut distincta ex parte actus per analogiam ad actus distinctos voluntatis create, bene potest admitti, quod Deus propter gloriam voluit merita, quia hoc pacto velle merita est consequens ad velle gloriam, & propter illud; sed hoc propter est fictum, & ex nostro modo concipiendi; re ipsa tamen, & à parte rei non est vnum, & aliud velle, nec vnum velle propter aliud, sed vnicui vnicum velle, quo Deus vult præmium, & merita, volendo merita esse propter præmium ut propter finem, & gloriam esse propter merita ut propter causam moralem efficientem, quod magis propria dicitur esse per merita; & totum hoc vult Deus gratuito, & ante prævisa merita; quia, cum ea habeat in sui potestate, ea potest velle efficaciter eo ipso velle, quo vult gloriam, & non eget ea ex arbitrio creato prævidere, ut velit absolute ea præmiare, sed eodem velle vult efficaciter utrumque, & præmium meritis debitum, & merita proportionata præmio. Et ideo illud velle est per identitatem gratuitum, & iustum. Gratuitum, quia quod vult, utpote præmium, & merita, non vult aliunde obligari ad illud velle, nec ex lege fundata in alieno iure, nec propter propriam utilitatem, sed ex superabundanti affectu propriæ bonitatis communicandæ, in quo consistit formaliter liberalitas, & gratia. Est etiam iustum, seu actus iusticiæ distributivæ, quia non utcumque vult suam bonitatem communicare, sed vult illam communicare communicando proportionaliter, & cum æquitate gloriam ut coronam debitam meritis, & merita cum iure ad gloriam.

III Sed replicabis primò, quia adhuc supposito, quod re ipsa sit idem decretum de gloria, & meritis, negari nequit distinctio saltem inter terminationem eiusdem decreti ad gloriam, & terminationem illius ad merita: Sed terminatio illius ad gloriam est distincta à terminatione ad merita, debet supponere terminationem ad merita; quia merita prius terminant illud

decretum, quàm gloria: Ergo saltèm terminatio illius decreti ad gloriam, sive illud decretum, vt terminatum ad gloriam, supponit se ipsum vt terminatum ad merita: Ergo vt terminatum ad gloriam potest supponere merita prævisa in vi prioris terminationis ad illa. Urgetur: Licet terminatio illius decreti sub munere intencivi ad gloriam sit prior terminatione ad merita, tamen terminatio illius decreti sub munere executivi gloriæ debet supponere terminationem sui ad merita, quia in executione priora sunt merita, quàm gloria: Ergo saltèm illud decretum sub munere exequentis præsupponit merita prævisa in vi prioris terminationis ad illa: Ergo sub munere exequentis gloriam, potest esse ex meritis prævisis.

115 Respondeo, distinguendo maiorem: Negati nequit distinctio rationis ex nostro imperfecto modo concipiendi, transeat: Distinctio realis, aut virtualis intrinseca inter ipsas terminationes activas, nego maiorem. Et distinguo minorem: Terminatio illius ad gloriam vt distincta à parte rei à terminatione activa ad merita, nego suppositum: Vt distincta per rationem ex nostro modo concipiendi, subdistinguo sub munere intencionis, aut volitionis, nego: Sub munere executionis, concedo, quod debeat supponere ex nostro modo concipiendi terminationem ad merita, sen se ipsum vt ad merita terminatum. Et concedo etiam, quod sub munere exequentis gloriam, supponat ex nostro modo concipiendi prævisionem meritum; & eodem modo respondeo ad vrgentiam, quæ solum hoc ipsum probat. Ex hoc tamen nihil probatur contra nostram sententiam.

116 Primò, quia non probatur, quod re ipsa, & à parte rei decretum de gloria, seu electio ad gloriam sit post prævisa merita, aut ex meritis prævisis, adhuc loquendo de illo decreto quoad terminationem activam ad gloriam, & gloriæ executivam, quia à parte rei non distinguitur in illo decreto duplex terminatio activa intrinseca, nec realiter, nec virtualiter intrinseca, sed est tantum vnica terminatio activa realiter, formaliter, & virtualiter intrinseca ad gloriam, & ad merita, & ad ordinem vtriusque servandum, ac proinde ea terminatio gratuita est absolutè, & non supponens merita prævisa, sed potius faciens ea prævideri. Et cum vrges, de terminatione sub munere exequentis; dico, quod adhuc sub munere exequentis à parte rei ex parte decreti non est, nisi vnica activa executio, sive executiva communicatio meritum, & gloriæ, & ordinis inter illa, sicuti & vnica actio Dei respectu totius seriei, & ordinis prædestinati ad gloriam, quæ actio, vniuersissima cum sit, totam seriem subiecti, mediorum, & finis exequitur, cum omnimoda simplicitate ex parte actionis, sed cum

distinctiōe, diversitate, successione, & ordine ex parte effectus, quia licet actio sit simplicissima, æterna, & tota simul, effectus tamen illius coalescit ex pluribus, & diversis ordinatis penes successiōem, & causalitatem ab initio vsque ad finem gloriæ; & quia hæc simplicitas, & eminentia divinæ actionis non penditur, difficiè percipiuntur plura in Theologia, illa autem perpensa, clarè intelligitur, quod quidquid Deus dat, ex parte ipsius dantis, & ex modo dandi, gratuito donat, quia eius actum dare minime supponit in nobis ius vllum ad data, cum sit simplicissimè dare omnium, quæ habemus ab ipso donata, etiam ipsius iuris vnus doni ad alia; Deus enim dando ins ad gloriam, & gloriæ, se habet, sicut si dives vnica actione ex parte sua daret pauperi creditum, seu chyrographum ad centum aureos, & ipsos centum aureos, quibus extingueret debitum; illa enim donatio vtriusque abdubio esset gratuita respectu vtriusque, licet vnum donum esset alteri debitum ex æquitate iustitiæ, nempe centum aurei chyrographo.

117 Secundo, quia si loquimur de actione Dei; aut terminatione activa decreti ad merita, & ad gloriam, vt distincta per rationem in duas, aut plures terminationes, & ex nostro modo concipiendi; in primis nihil inde probabitur de rei veritate, nec verè theologicum, minusque dogmaticum, quia quidquid inferas ex tali distinctiōe, & modo concipiendi, totum erit rationis, & fictum ex modo concipiendi, licet cum fundamento in simplicitate Dei, & nostra imbecillitate ad concipiendam actionem simplicem effectivam plurium, nisi per modum plurium actionum, aut terminationum ex parte agentis. Deinde, consequenter ad illam distinctiōem rationis, dicendum erit, quod illud decretum, vt intencivè terminatum ad gloriam vt finem, erit autè prævisa merita, quia ante terminationem electivam, & executivam sui ad merita; at vero vt executivè terminatum ad gloriam, erit per rationem, & fidè ex nostro modo concipiendi post electionem meritum, & post prævisionem meritum, posterioritate fidæ, licet cum fundamento prædicti; sed nihilominus non poterit dici *ex prævisis meritis*, quia licet supponat per rationem prævisionem meritum, non supponit adhuc per rationem prævisionem meritum vt moventium divinam voluntatem ad executivam donationem gloriæ, sed vnice supponit prævisionem practicam, & factivam meritum vt iure exigentium pro premio gloriæ; seu vt faciunt merenti debitam gloriæ; non vero taliter quod faciant Deū debitorem collationis gloriæ. Et quamvis hoc datemur ex nostro modo concipiendi fictio, & per rationem, quid ad rem? cum theologicè, & de re ipsa disputamus.

118 Sed dices, quod loquendo de electio-

ctione, & praedestinatione re ipsa ut est à parte rei, etiam contrarij fatebuntur quod non sit post provisionem meritorum, nec ex praevisis meritis, quia à parte rei est per identitatem ipsa meritorum praevisioni; item fatebuntur, esse gratuitam, quia est per identitatem electio ad gratiam, & ad merita, quam gratuitam esse farentur: Ergo loquendo de re ipsa nulla erit controversia nosinter, & illos. Rursus sequitur, quod in hoc sensu, nec nos defendere possumus electionem ad gloriam esse ante provisionem meritorum; quia à parte rei est ipsa meritorum praevisioni, & consequenter non ante illam: Ergo idem quod prius.

Respondet, quod adhuc loquendo de re, & prout electio se habet à parte rei, manet ingens controversia. Primò, quia adhuc dato, quod à parte rei electio ad gloriam foret in sententia contraria praevisioni meritorum per identitatem, & ideo non esset realiter ex praevisione meritorum, nec post illam; tamen ipsa praevisioni meritorum esset obiectivè ex meritis aliunde quam à Deo ipso electivè, & determinativè provenientibus; quia ipsi contrarij non ponunt praescientiam meritorum practicam, & factivam illorum in vi electionis divinae praedestinentis, & praedeterminantis merita; sed solum ponunt praescientiam meritorum speculativam ipsorum in se ipsis, & obiectivè determinatam ad ea praescientia, non per divinum decretum de meritis, sed per voluntatem creatam, à qua unicè ipsa merita procedunt electivè, & determinativè. Unde tandem iuxta ipsos praescientia meritorum potius, quam demeritorum, re ipsa solum est obiectivè, & determinativè ab arbitrio creato merente, praedemerente, seu ab ipsis meritis, ut à causa obiectiva praescientiae: iam igitur infero, quod si praedestinatio, & electio ad gloriam est re ipsa ipsa praescientia, & ideo non ante praescientiam, erit ex hoc ipso obiectivè ex meritis, ut ex causa obiectiva, seu obiectivè determinativa, & motiva praedestinationis, & electionis ad gloriam. Vide autem an in hoc sit contrarietas de re nosinter, & contrarios.

119 Secundò, quia vel sententia contraria ponit Deum re ipsa eligere efficaciter, seu praedestinare merita, & perseverantiam finalem per dona propria ipsius Dei, vel solum admittit Deum re ipsa eligere efficaciter gratiam sufficientem ad merita, illamque solum praedestinare, de reliquo autem, quod voluntas cum illa mereatur, vel demereatur, perseveret, vel non perseveret, non subesse praedestinationi divinae, nec electivè, aut determinativè esse à Deo, sed unicè à voluntate creaturae? Si primum, fateor quod ferè nulla erit discrepantia de re, quia ipsa electio efficax, & praedestinatio meritorum, & perseverantiae finalis re ipsa erit per se electio efficax, & praedestinatio ad gloriam, & quidem gratuita,

quia causa ipsorum meritorum, & iuris ad gloriam. Si vero contendas, id intelligi debere distinguendo per rationem duplicem electionem efficacem, & duplicem praedestinationem, unam terminatam immediatè ad merita, aliam immediatè ad gloriam cum ordine facto, & rationis inter illas terminaciones; aliis vero dicat debere intelligi per unam simplicissimam electionem, & praedestinationem immediatè terminatam electivè, & determinativè ad totam seriem, & ordinem mediorum ad gloriam, & ad ipsam gloriam absque ordine vilo subiectivo prioris, & posterioris ex parte actus. In hoc iam solum erit differentia penes modum intelligendi. Ego enim dico, quod hic secundus modus intelligendi magis conformatur cum re ipsa; ille minus; licet uterque signatè idem asserat, quia signatè omnes debent fateari esse eandem electionem efficacem ex parte Dei meritorum finalium, & gloriae, & eandemque praedestinationem simplicissimam incapacem ordinis subiectivi, & ex parte actus, & respectu meritorum, & respectu gloriae, unde dissidium erit de illa distinctione, & ordine rationis tantum.

Si vero contrarij dicant secundum; tunc iam re ipsa negant in Deo electionem efficacem, & praedestinationem immediatè terminatam ad merita, negareque tenentur, ea esse liberaliter, & gratuito donata à Deo immediatè, aut à Deo liberè, electivè, aut determinativè causata; ex quo iam sequitur, quod illa debeat expectare aliunde determinanda, nempe ab arbitrio creato, ut absolurè hominem praedestinare possit ad gloriam; & in hoc quidem est controversia ingentissima, & de re maximi momenti. Unde ad hoc reduxit Augustinus hanc controversiam cum Pelagianis, & Semi-Pelagianis, probando nempe contra ipsos, ipsa merita, ipsamque perseverantiam finalem esse dona Dei, gratuito ab ipso donata, & praedestinata; non curando de distinctione, aut ordine rationis inter praedestinationem perseverantiae finalis, aut meritorum, & praedestinationem gloriae; hoc enim parum interest, vel nihil ad fidem, dummodo concedas, Deum unice realiter electione, & praedestinatione eligere efficaciter, & praedestinare immediatè omnia merita ad gloriam, & ipsam gloriam. Cum autem nos defendamus, electionem ad gloriam esse ante praevisionem meritorum, si ly *ante* summatur ex modo significandi, verum tenet, ut explicatum manet, quia est hoc modo ante electionem meritorum. Si autem intelligatur à parte rei, debet intelligi ly *ante*, vel negativè, id est, non potest praevisionem meritorum; vel ex parte obiecti, id est, ante merita praevisa, quia cum sit causa realis ipsorum meritorum, & nullo modo ab ipsis dependens, re ipsa est ante ipsa merita praevisa, & nullo modo ex ipsis, licet non

realiter ante illorum prævisionem. Quæ doctrina magis explicatur solvendo obiectionem sequentem.

120 Obijciunt enim contrarij ex Div. Thom. *super Epist. ad Roman. cap. 8. lection. 6.* ubi ponit sententiam dicentem, quod præscientia meritorum est ratio prædestinationis. Et subiungit: *Sed hoc rationabiliter diceretur, si prædestinatio respiceret tantum vitam æternam, quæ datur meritis: Caterum sub prædestinatione cadit omne beneficium salutare, quod est homini ab æterno divinitus preparatum; unde eadem ratione omnia beneficia, quæ nobis confert in tempore, preparatis nobis ab æterno. Unde ponere quod aliquod meritum ex parte nostra præsupponatur, cuius præscientia sit ratio prædestinationis, est ponere gratiam dari ex meritis nostris, & quod principium bonorum operum est ex nobis, & consummatio est ex Deo.* Ex quo sic arguitur: Iuxta Div. Thom. si prædestinatio respiceret tantum gloriam, quæ datur meritis, rationabiliter diceretur, quod esset ex meritis prævisis: Ergo iuxta Div. Thom. electio ad gloriam, in quantum est præcisè electio ad gloriam, est ex meritis prævisis, & idem de prædestinatione ad gloriam in quantum est præcisè prædestinatio gloriæ, quæ debetur meritis.

121 Respondeo, sensum Div. Thom. in primis verbis esse verissimum, quod nempe si prædestinatio respiceret tantum vitam æternam, ita ut sub prædestinatione non caderent merita, tunc præscientia meritorum esset ratio prædestinationis, quia eo in casu merita non essent à Deo prædestinata, & consequenter nec à Deo donata, nec dona Dei, sed vnicè electivè, & determinativè ex nobis, quo casu Deus neminem posset prædestinare, usque dum præsciret merita ab eo electivè, & determinativè futura, & sic præscientia esset ratio à priori prædestinationis, & non contra, ipsaque præscientia, & prædestinatio esset determinativè, & obiectivè ex meritis, merita vero non essent electivè, nec determinativè ex prædestinatione. Sed quia hoc est contra auctoritatem Sacre Scripturæ, & præsertim contra expressam mentem Augustini in *lib. de Dono Perseverantiæ, & de Prædestinatione Sanctorum*. ubi totus est in probando ex Sacro Textu, merita esse Dei dona, atque ideò à Deo prædestinata, ideò Div. Thom. huic rationi insistenti, inquit, quod sub prædestinatione cadit omne beneficium salutare, nobis ab æterno divinitus preparatum, & consequenter omne beneficium, quod nobis confert in tempore; quia nullum beneficium confert nobis in tempore, quod non præparaverit nobis ab æterno; & consequenter sub prædestinatione cadunt merita ipsa, & gratia, quæ est principium meritorum. Ex quo Div. Thom. *infra cap. 9. lection. 2. ad finem, & alibi sæpe infert,*

*quod præscientia meritorum non potest esse aliqua ratio prædestinationis, quia merita præscit cadunt sub prædestinatione, tanquam scilicet à Deo prædestinata.* Rursus infert, quod ponere aliquod meritum ex parte nostra, cuius præscientia sit ratio prædestinationis, est ponere quod tota series beneficiorum, quæ cadunt sub prædestinatione, esset ex merito nostro, & consequenter ipsa gratia, quæ est potissimum ex beneficijs cadentibus sub prædestinatione, & integrantibus illam seriem; unde initium bonorum operum esset electivè, & determinativè vnicè ex nobis, & non ex Deo prædestinate, aut eligente; consummatio autem esset ex Deo electivè, & determinativè, id est, ex Deo eligente, & prædestinante; in quo hæresis Pelagiana consistebat.

122 Ex quo iam in forma ad obiectionem ex textu factam, concesso antecedenti, nego suppositum consequentis, quia nec electio ad gloriam est præcisè electio ad gloriam, sicut nec prædestinatio ad gloriam est præcisè prædestinatio ad gloriam, sed utraque est ad totam seriem beneficiorum à prima gratia inclusivè, usque ad gloriam inclusivè etiam, quia tota illa series cadit sub electione, & prædestinatione Dei, & est à Deo electivè, & determinativè. Si vero iam præscindere velis in electione divina, & prædestinatione per rationem, considerando illam respectu gloriæ præcisè, & respectu gratiæ præcisè, facies quæstionem de modo concipiendi, & de præcisione rationis tantum, non de re ipsa, quia non est in Deo prædestinatio, nec electio ad gloriam, quæ re ipsa præcisè sit ad gloriam, & non ad gratiam, & merita, licet sic præcindas in illa vnum ab alio ob imbecillitatem tui intellectus. Hac tamen præcisione supposita, debes prius illam intelligere ut electionem, & prædestinationem ad gloriam, quam ut prædestinationem, & electionem ad gratiam, & merita, quia semper in voluntate est prior affectus ad finem, quam ad media, si semel distinguantur, eo sensu, & modo, quo distinguantur, ita ut electio mediorum consequatur ex voluntate finis, & non contra; tuncque solum opus erit, quod media præsupponantur intentioni finis, quando illa non cadunt sub arbitrio, potestate, aut electione voluntatis finem, quia tunc non erunt media ab eo eligenda, sed aliunde præsupponenda, ut prudenter intendat finem; quod non habet locum in præsentia, nisi cum Pelagianis dicatur, merita non cadere sub electione, aut prædestinatione Dei, nec esse dona ipsius ab eo liberè, & electivè donata, sed vnicè esse ex determinatione, & electione voluntatis creatæ, & ideo præsupponenda, seu prævidenda prius ut futura ex determinatione voluntatis creatæ, ut Deus eligat, & prædestinet hominem ad gloriam. Quam quidem sententiam im-

pugnabit August. accetrimè lib. de Dono Perseverantiae, & de Praedestinatione Sanctorum.

123 Sed replicabis primò ex eodem D. Thom. in 1. distict. 46. artic. 1. dicente, quod voluntas consequens praesupponit praescientiam operum: Sed electio ad gloriam est voluntas consequens: Ergo supponit praescientiam operum. Respondeo, vt supra disputas. 6. quaest. 11. à num. 9. vbi hunc textum iam versavi, quod iuxta ipsum Div. Thom. praesupponit praescientiam operum, non vt causam ipsius voluntatis consequentis, sed vt rationem ex parte voliti, quia scilicet, volitum ipsius non est gloria secundum se, aut praecise vt contenta in auxilijs sufficientibus, & generalibus gratiis, sed accepta cum omnibus, quae exiguntur ad rectum ordinem in salutem, vt alibi explicat Div. Thom. & cum opera sint requisita ad rectum ordinem in salutem; gloria non est obiectum voluntatis consequentis, nisi vt per opera consequenda, & cum operibus; & ideo praesupponit praescientiam operum, non vt existentem, aut futurorum, sed vt possibilem, factibilem, & donabilem ab ipso Deo; quia ratio exacta ex parte voliti, & non vt moti-volendi, hoc tantummodo debet supponi praescita ante voluntatem ipsius voliti, non autem vt praesexistens, aut futura, cum sit causanda, & efficienda, imò & eligenda per ipsam voluntatem consequentem. Vide vbi supra.

124 Replicabis secundo: Propter ea negamus, quod praedestinatio sit ex meritis, quia electio ad gloriam, quae actus est divinae voluntatis, non potest moveri ex meritis nostris, quae sunt aliquid creatum: Sed haec ratio est nulla: Ergo. Probatum minor, quia etiam merita Christi sunt aliquid creatum, & nihilominus electio nostri ad gloriam, nostraque praedestinatio est ex meritis Christi: Ergo ea ratio est nulla. Confirmatur: Propter ea etiam probavimus, decretum de conferenda gloria esse gratuitum, quia est idem cum decreto de conferendis meritis finalibus, quod gratuitum est, & non ex meritis: Sed haec etiam ratio est nulla, quia decretum de nobis conferenda gloria etiam est idem cum decreto de meritis Christi, & nihilominus est ex meritis Christi: Ergo.

125 Respondeo, omnia maiori, negando minorem. Ad probationem, distinguo maiorem: Merita Christi sunt aliquid creatum pro materiali actu, concedo: Pro formali valoris, nego maiorem, quia valor meritorius in meritis Christi consistit formaliter in dignitate personae meritis, vt merita formaliter informant, quae dignitas cum increata sit, potest movere obiectivè voluntatem divinam; & in hoc est maxima disparitas à meritis nostris, quorum valor finitus, & creatus est, & ideo non potest obiectivè movere voluntatem divinam ad illum actum.

126 Ad confirmationem, distinguo causalem: Quia decretum de gloria conferenda est idem cum decreto de conferendis meritis per se, seu identitate per se exacta ex meritis obiecti, concedo: Quia est idem vt cumque, nego causalem; quia si aliquando probavimus, esse gratuitum, & non ex meritis, decretum de gloria, quia est idem cum decreto de meritis, id debet intelligi, quia est idem per se ex meritis obiecti, id est, quia merita finalia, titulo medijs efficacis, & vtili ad gloriam, petit per se procedere ex decreto, quod sit per prius decretum de gloria, & tanquam de fine, seu quia decretum de meritis finalibus ad gloriam, ex meritis obiecti, est per se magis decretum de gloria, tanquam de fine meritorum, quam de meritis: attamen merita Christi non sunt per se medijs per se ordinatum ad gloriam praedestinati; nec exigit procedere ex decreto de gloria praedestinati, sed potius sunt propter se a meritis vt finis omnium praedestinatorum, & glorijs illorum; propter suam eminentem excellentiam, independentemque à gloria cuiusvis praedestinati, ac proinde decretum divinum de meritis Christi non exigit per se ex meritis obiecti esse decretum de gloria huius praedestinati, sed contingenter, & liberè, nova libertate, extenditur ad gloriam huius, vel illius praedestinati; & ex hac differentia potest quamoprimè dici, quod praedestinatio nostra est ex meritis Christi, tum quia potest moveri ex divino valore meritorum Christi, qui increatus est; tum quia merita Christi sunt finis cuius gratia nostrae gloriæ, & ideo per prius volita à Deo, quam nostra gloria, & prius etiam praevisae tum quia tota series obiectiva nostrae praedestinationis, id est, totus ordo à prima gratia inclusivè, usque ad gloriam inclusivè est ex meritis Christi, quae sunt extra, & supra istum ordinem, & in illo non includuntur, sed aliunde praevidentur vt causa, non solum meritoria, sed etiam finalis totius seriei, & ordinis nostrae praedestinationis, vnde est magna ratio disparitatis à nostris meritis, quae includuntur in serie, & ordine obiectivo nostrae praedestinationis, & ideo non possunt esse causa, nec finalis, nec meritoria totius illius seriei, & ordinis; item sunt effectus nostrae praedestinationis, & non praevidentur aliunde extra; item sunt medijs propriè talia per se ordinata ad gloriam, tanquam ad finem cuius gratia, & ideo gloria est prius volita, & prior in intentione, quam merita, & non e contra; ac demum sunt aliquid creatum, & non possunt movere divinam voluntatem vt eligat; & ex his capitibus constans plures disparitates.

127 Sed dices: Licet merita Christi, quantum ad valorem, non essent quid increatum formaliter, sed solum superioris ordinis ad nostra merita, posset nostra electio, & praedestinatio ad gloriam esse ex meritis Christi: Ergo pariter po-

est



est esse ex meritis nostris. Respondeo, distinguendo antecedens: Posset esse ex meritis Christi nostra electio, & prædestinatio ex parte actus, nego: Ex parte obiecti, & effectus, concedo antecedens, & nego consequentiam; quia ut electio, & prædestinatio nostra sit ex meritis ex parte actus eligendi, & prædestinandi, requiritur quod moveant obiectivè, re ipsa divinam voluntatem ad talem actum, & nihil nisi increatum, potest illam obiectivè movere; vnde ex eo, quod nihil creatum potest movere divinam voluntatem obiectivè ad volendum, rectè probavimus prædestinationem, aut electionem nostram ex parte actus non esse ex meritis creatis. Si vero loquamur de electione, & prædestinatione ex parte effectus, non vitur ea ratione; sed quia proprium obiectum, & effectus adæquatus nostræ electionis, & prædestinationis est tota series, & ordo à prima gratia usque ad gloriam inclusivè, intra quem ordinem includuntur etiam merita; & cum tota series in qua merita includuntur non possit esse ex meritis, cum non possit esse ex aliquo sui tanquam ex causa meritoria, ideo prædestinatio, aut electio, adhuc ex parte obiecti, aut effectus adæquati, & integri, non potest esse ex meritis nostris; nisi, ut aiebat D. Thom. ponatur aliquod meritum nostrum ad primam gratiam, & primum effectum nostræ prædestinationis, quod sit ante totam illam seriem, seu extra illam, quod est error Pelagianorum. Et in hoc est maxima differentia à meritis Christi, quæ sunt supra, & extra totam seriem beneficiorum, quæ sunt effectus, & obiectum totale nostræ prædestinationis, & ideo possunt esse causa meritoria nostræ prædestinationis quantum ad integrum, & totale obiectum illius, nempe quantum ad totam illam seriem medium, & beneficiorum. Si vero sermo sit de prædestinatione, aut electione, quantum ad aliquem partialem effectum illius, aut obiectum, bene admittimus quod possit esse obiectivè ex meritis, quia glorificatio, quæ est ultima pars obiecti, seu effectus integri prædestinationis, nempe illius ordinis, aut seriei, potest esse ex meritis, quæ sunt alius partialis effectus, & obiectum, etiam partialis prædestinationis; & hoc pacto prædestinationem esse obiectivè ex meritis nihil aliud est, quàm per illam prædestinari gloriam ut à prædestinato possidendam ex meritis, tanquam ex alio effectui ipsius prædestinationis; seu Deum velle per electionem gloriam, ut à nobis possidendam ex meritis consequentibus ad ipsam electionem; quod nullus negat. Nunquam tamen admittendum est absolute, quod prædestinatio, aut electio ad gloriam sit ex meritis, vel quia hoc sonat quod ex parte actus eligendi, & prædestinandi sit obiectivè ex meritis, tanquam ex motivo eligendi, & prædestinandi; quod reputamus absurdum; vel quia saltem sonat quod totum per se obiectum,

& effectus nostræ prædestinationis, & electionis, sit ex meritis nostris, quod etiam est absurdum.

128 Mitto alia argumenta, quibus contrarij ab absurdis impetunt prædestinationem gratuitam, nempe, quia impediret libertatem prædestinati, quia impediret conatum, & solitudinem hominum ad salutem, faceretque homines ignavos, vel quia in desperationem induceret, & alia huiusmodi, quæ obijciebant Pelagiani Augustino; quia his iam satisfeci *Traët. de Provident. quæst. 18. à num. 127.* & infra dum de reprobatione sermo sit, satisfacimus.

#### COROLARIA EX DICTIS.

129 **C**olligitur primò, contra Iansenistas, non solum electionem, & prædestinationem hominum ad gloriam, sed etiam Angelorum, esse gratuitam, & non ex meritis prævisis. Oppositum docuit Iansenius zelo defendendi Augustinum, sed non secundum scientiam. Censuit enim, Deum cum Angelis, & cum primo homine in statu innocentis se gessisse, illos gubernando per auxilia vertibilia, & indifferentia tantum, committendo vnicuique eorum arbitrio, & determinationi usum, vel abusum, consensum, vel dissentium illorum, expectandoque ex ipso eorum electione, & arbitrio perseverantiam in bono, non eam prædestinando, aut prædeterminando, nec donando, nisi in causa indifferenti, sed præciendo tantum; vnde quos vidit perseverantes, prædestinavit; quos autem casuros, reprobavit. Vnde hic Author cum Sæcutoribus, erga Angelos, & hominem innocentem, est Molinista accertimus; erga homines vero lapsos, Thomista rigidum affectat. Cui proinde Mag. Gonet aptè applicat illud lapidum effatum: *Senatorem perdidisti, & Monachum non fecisti*, quia nec verum Molinistam, nec verum eger Thomistam. Duplicem tamen causam habere videtur hæc singularis sententia. Prima videtur esse ex capite libertatis, eo videlicet, quia in Angelis, & in homine innocente ponit libertatem ad perseverandum, vel non perseverandum, non solum, quæ sit libertas à coactione, sed etiam, quæ sit libertas à necessitate, propter eamque ponit gratiam non sibi subijcientem voluntatem, sed potius voluntatis pedissequam, quia existimavit, gratiam non aliter posse conservare libertatem indifferentem, seu à necessitate, nisi esse indifferens, & voluntatis pedissequam; in homine autem lapsio hæc libertatem negavit, solum concedens libertatem à coactione, & ideo necessarium indicavit gratiam ex se efficacem, & prædeterminantem. Secunda causa videtur esse, quia Augustinus ferè semper locuitur contra Pelagianos, & Semi-Pelagianos de homine lapsio, sepeque rationem cur homo egeat gratia Dei ad conversionem, & ad perseverantiam,

tiam, assignat, quia per peccatum originale perdidit ipsam perseverantiam, & bonum velle.

130 Cæterum nostrum corollarium certissimum est, & opposita sententia, si innitatur primæ rationi, incidit in propositionem illam damnatam in lanfenio, quod scilicet *ad merendum, & demerendum in statu natura lapsa non requiritur libertas à necessitate, sed sufficit libertas à coactione*, ideoque mihi suspecta est ea sententia, quia eius defensores, libertatem, quam primus homo, & Angeli habuerent ad perseverandum, vel non perseverandum per potestatem perseverandi, vel non perseverandi, penitus videntur negare in homine lapso, adhuc iustificato per gratiam; vnde si ut salvent in Angelis, & in homine innocente libertatem potestatis ad vtrumlibet, tenent sententiam Molinæ, & negant prædeterminationem Thomisticam, convincuntur manifestè cum lanfenio, imò, & cum Lutero, negare in homine lapso adhuc iustificato veram libertatem potestatis ad vtrumlibet; quod propter eam valdè in illis cavendum est. Rogo enim ab ipsis, vel gratia ex se efficax impedit libertatem potestatis ad vtrumlibet, vel non? Si non, cur eam non conciliatis cum plena libertate primi hominis, & Angelorum? Si impedit? Ergo dum eam ponitis necessariam in statu naturæ lapsæ, negatis in eo necessariam veram libertatem potestatis ad vtrumlibet; & cum de hoc suspicio sit in sequela lanfenij, cavendum sanè erit.

131 Si veto innitatur secundæ rationi, falluntur manifestè, quia licet Augustinus sapientissimè loquatur de homine lapso, fundamenta tamen ipsius militent equaliter in homine innocente, & in Angelis: Ergo sicut tenet in homine lapso, eius prædestinatione esse gratuitam, & ante prævisa merita, ita etiam in Angelis. Probat ut antecessens, quia potissimum fundamentum Augustini est, *quia merita, & perseverantia sunt dona Dei*, & hoc ex illo Apostolo, *quis enim te discernit? Quid habes, quod non acceperis?* Sed hoc fundamentum eque militat in Angelis: Ergo. Probat ut minor, quia nec Angelus habet aliquid, quod ex Deo non acceperit, minusque ipsam perseverantiam in bono. Nunquid enim in Angelis bonis perseverantia non fuit Dei donum? Quis hoc dicat? Si autem meritum, & perseverantia in Angelis sunt dona Dei, audi Augustinum dicentem: *An fortè nec ipsa dicuntur prædestinata? Ergo nec dantur à Deo, aut ea se daturum esse nesciuit; quod si dantur à Deo, & ea se daturum esse præscivit, profecto prædestinavit*: Prædestinavit ergo Deus Angelos bonos ad meritum, & ad perseverantiam finalem: Sed hæc est per se ipsam prædestinatio ad gloriam, quia ad medium infallibiliter connexum cum gloria, & alias est gratuita, & ante merita prævisa, quia est prædestinatio ipsorum meritorum: Ergo præ-

destinavit Deus Angelos ad gloriam prædestinatione gratuita, & ante merita prævisa.

132 Inquit Iacini Instit. Theolog. part. 1. differt. 4. cap. 6. quod *Angeli non fuerunt gratuiti prædestinati ad merita, quibus æternam gloriam compararunt; nam licet ab auxilio gratia habuerint, posse perseverare, & mereri, ab eo tamen non habuerunt ipsum perseverare, & ipsum mereri, sed à propria voluntate, per quam gratia ex se indifferens determinata fuit ad perseverantiam, & ad meritum*. Sed ubi nam rogo hanc doctrinam in Augustino invenit hic Auctor? Sanè, si nec meritum, nec perseverantia in Angelis sunt dona Dei, nec gratia, dicendum erit Angelos bonos se ipsos vnicè primo discrevisse à malis, ex se, & à se habere, quod non acceperint à gratia Dei, nempe meritum, & perseverantiam finalem, qua discreti sunt à malis, posseeque merito in se ipsis, & non in Deo gloriarì adversus malos de sua perseverantia, utpote quam non acceperint Dei gratia, sed ex propria tantum libertate; hæc autem profus aliena sunt à doctrina Augustini, imò & à doctrina Apostoli. Nec enim Apostolus ea doctrina reprimens humanam superbiam, ne homines glorientur in bonis virtutis, quasi ea non acceperint; aut in se, non in Deo, permissit Angelis superbire, & gloriarì, non in Domino, sed in se ipsis, de bono perseverantia, ut à se habito, & non accepto à Deo.

133 Mitto, quod si vera esset prædicta doctrina, voluntas divina ad Angelos prædestinandos moveretur obiectivè ab eorum meritis, & per se severantia, non vero ex bonitate sua; item intellectus divinus ea merita prævideret, non in se ipsis, sed in ipsis meritis motivè; vnde tota Theologia de obiecto motivo divini intellectus, & voluntatis varianda esset erga Angelos, & erga homines lapsos, imò & scientia futurorum; & alia plura, quasi Deus perfectiorem, liberiorēque providentiam, scientiam, & voluntatem, maiusque dominium habeat in homines lapsos, quàm in hominem innocentem, & Angelos; quod quis non rideat? Mitto etiam alia plura, quæ videri possunt in Magist. Gonet *Tractat. de Voluntat. Dei, disputat. 9. art. 7.* ubi fuse, & eruditè lanfensium, & eius Assclas impugnat, imò & apertè ex ipso Augustino convincit. Mitto etiam, quod scientia media, & providentia per illam regulata, decretaque indifferentia, eandem ipsissimam difficultatem habent in Angelis, & in homine innocente, ac in homine lapso. Mitto denique, quod licet ex capite infirmitatis contradicere per peccatum originale, sit maior necessitas gratiæ per se efficacis in homine lapso, quam in homine innocente, & Angelis; tamen ex pluribus alijs capitibus probatur ea indigentia, ex quibus pariter probatur in Angelis, & in homine innocente, nempe ex titulo creaturæ, potentialis, subiectæ Deo in opo.

operando, secundi agentis, secundi liberi, & alijs huiusmodi, quæ Angelis non minus, quam hominibus lapsis, essentialiter conveniunt, si creaturæ, & non Deus sunt.

134 Nec motiva in oppositum sunt allicuius momenti. Opponunt enim in primis, illud Augustini libr. de Corrupt. & Gratia, cap. 12. *Primo itaque homini datum est adiutorium perseverantia, non quo fieret ut perseveraret, sed sine quo per liberum arbitrium perseverare non posset. Nunc vero Sanctus in Regnum Dei per gratiam Dei prædestinatus, non tantum tale adiutorium perseverantia datur, sed tale ut perseverantia ipsa donetur, non solum ut sine isto dono perseverantes esse non possint, verum etiam ut per hoc donum non nisi perseverantes sint.* Ex quo sic arguit Iuvenin: Angeli non fuerunt prædestinati ad meritum, & perseverantiam finalem: Ergo nec ad gloriam ante prævisum meritum, & perseverantiam. Consequentia paret, quia si Deus in illis non prædestinavit meritum, & perseverantiam, non poterat eos prædestinare ad gloriam, nisi prævisio merito, & perseverantia futura ex illorum determinatione. Antecedens probat, quia non fuerunt prædestinati ad meritum, & perseverantiam, si Deus non determinavit illorum voluntatē ad meritum, & perseverantiam per auxilium intrinsecè efficax: Atqui Deus non determinavit Angelorum voluntatem ad meritum, & perseverantiam per auxilium intrinsecè efficax: Ergo nec ea prædestinavit ad meritum, & perseverantiam. Probat minore, quia Deus tantum dedit Angelis auxilium, sine quo non possent perseverare, non autem auxilium, quo fieret ut perseverarent: Sed hoc auxilium est indifferens, & purè sufficiens, non vero intrinsecè efficax, nec determinans voluntatem, sed potius à voluntate determinabile: Ergo Deus non determinavit voluntatem Angelorum ad meritum, & perseverantiam per auxilium intrinsecè efficax. Probat maiorem, quia eodem modo discurrendum est de Angelis, ac de homine in statu innocentiz: Sed homini in statu innocentiz non dedit Deus auxilium, quo fieret ut perseveraret, sed solum auxilium, sine quo perseverare non posset, ut testatur Augustinus: Ergo nec Angelis.

135 Respondeo tamen hoc argumentum, in quo totam vim faciunt Iansenistæ, futile esse, quia arguit ab homine, qui in suo statu non perseveravit, ad Angelos prædestinatos, qui perseveraverunt. Vnde, concessio textu, nego antecedens. Ad probationem, concessa maiori, nego minorem. Ad probationem, distinguo maiorem: Angelis, qui ceciderunt, concedo: Angelis, qui steterunt, & perseverarunt, nego maiorem. Ad cuius probationem, distinguo maiorem: Eodem modo discurrendum est de Angelis, qui ceciderunt, ac de primo homine in statu innocentiz,

concedo: De Angelis, qui steterunt, & perseverarunt, nego maiorem, & concessa minori, consequentiam, quia inde conflatur, primo homini datum non fuisse auxilium intrinsecè efficax, quo fieret ut perseveraret, quia non perseveravit in eo statu, in quo conditus fuit; ex quo solum sequitur, quod Angelis etiam, qui non steterunt, nec perseverarunt in eo statu, in quo conditi sunt, datum non fuisse auxilium intrinsecè efficax, quo fieret, ut perseverarent; quia si datum fuisset illis tale auxilium, absdubio perseveraret; sicut si darū fuisset homini innocenti, absdubio perseverasset. Sed quis inde probet, quod Angelis bonis, qui steterunt, & perseverarunt, datum non fuit auxilium, quo fieret ut perseverarent, aut quo ipsa perseverantia ipsis donaretur? Deberent ergo cōtrarij probare, quod homo perseveravit, & non cecidit ab statu innocentiz, cum solo auxilio sine quo, seu sine auxilio, quo fieret ut perseveraret, ut hoc etiā probare possent de Angelis, qui steterunt, & non ceciderunt; sed si homo non perseveravit in statu innocentiz, quid mirum, quod Augustinus dicat, illi datum non fuisse auxilium, quo fieret ut perseveraret? Dicendum ergo est, quod homo in statu innocentiz indigebat ad perseverandum actu in eo statu auxilio, quo fieret ut perseveraret, & similiter Angeli ad actu perseverandum; sicut Sancti post lapsum iustificari egent simili auxilio ad perseverandum actu. Nec in hoc est differentia vlla, nisi quod homini in statu innocentiz, & Angelis, quia carentibus rebellionē concupiscentiæ, facilius erat perseverantia, & libertas maior; Sanctis vero post lapsum iustificari, quia in agnitione contendunt, difficilius; sed utrobique ad actu perseverandum requiritur gratia efficax, quæ faciat ut perseverent, & utrobique siue ista gratia est vera potestas perseverandi, licet non actu perseverare; quia utrobique est vera libertas, & potestas ad utrumlibet, licet post lapsum minor ratione rebellionis, quam ante lapsum, quando non erat rebellio, sed utrobique vera libertas, & potestas, & nihilominus utrobique ad actu perseverandum egens auxilio intrinsecè efficaci, non quod præstet posset perseverare, sed quod, supposito posset, præstet actu perseverare; quod quidem quia deficit primo homini, & malis Angelis, non perseverarunt, quia vero illud habuerunt boni Angeli, & Sancti post lapsum in Regnum Dei prædestinati, ideo perseverarunt.

136 Sed replicatur, quia D. August. lib. de Corrupt. & Grat. cap. 10. inquit: *Angeli quorum Princeps est diabolus, per liberum arbitrium à Domino refusa facti sunt; ceteri autem per ipsum liberum arbitrium in veritate steterunt:* Sed hoc debet intelligi cum eadem gratia, quia utrique habuerunt gratiam sufficientem, & posse perseverare: Ergo. Respondeo, negando minorem, quia licet utrique habuerint gratiam sufficientem,

cien-

cientem, qui tamen perseverarunt, habuerunt, ultra sufficientem, maiorem gratiam, & auxilium. Vnde Augustinus, ibi subiungit de bonis: Illi autem *amplius adiuti* iterarunt in bono: Illud ergo *amplius adiutorium* fuit auxilium intrinsece efficax, quo factum fuit, ut actu perseverarent, seu quo perseverantia ipsa illis prae ceteris donata fuit: Nec obest, quod Augustinus dicat, quod *per liberum arbitrium steterunt*, debet enim intelligi, adiuvente gratia, ut contrarii ipsi facerentur, cum hac sola differentia, quod ipsi contendunt, quod adiuvente sola gratia indifferenti, quae omnibus communis erat; nos vero contendimus, quod adiuvente gratia efficacia, quae discreti fuerunt à malis, quia Augustinus dicit, quod *amplius adiuti*, quod intelligi non potest de gratia communi, & aequali omnibus, sed solum de gratia discernente.

137 Obijcit secundò, quia Angeli apud Augustinum dicuntur praesciti, sed non praedestinati: Ergo quia Deus illorum merita, & perseverantiam praescivit, sed non praedestinavit: Sed eo ipso non fuerant praedestinati ante praevisa merita: Ergo. Respondet, verum esse, quod Augustinus, dum de Angelorum bonorum perseverantia loquitur, saepe inquit Deum illam praescisse, quod autem inquit eam praedestinasse; sed hoc ideo est, quia cum de Angelis non esset controversia cum Pelagio, ibi opus non erat advertere, eam praescientiam perseverantiae Angelorum praedestinationem esse; id tamen debet semper intelligi; quia cum iuxta Augustinum idem sit in Deo praedestinare, ac praescire quod ipse facturus fuerat, certissimumque sit, ipsum Deum fecisse ut Angeli boni perseverarent in bono, seu ipsos in bono perseverantes fecisse, huius perseverantiae praescientia in Deo praedestinatio fuit. Vnde nihil prohibet, quod cum apud ipsum legitur praescientia divina de perseverantia Angelorum in bono, nomine praescientiae intelligatur praedestinatio, quia est praescientia de perseverantia, quam ipse daturus fuerat. Potissimum, cum nullibi Augustinus negaverit, Deum praedestinasse perseverantiam Angelorum, & quotiescumque ait, *eam praescisse*, rectus salvetur sensus, si pro *praescisse*, ponamus *praedestinasse*, ut legendi textus obijci solitos, constabit manifestè: Levissimis ergo coniecturis sanferitè attribuant Augustino Theologiam ex diametro contrariam erga Angelos, & primum hominem in statu innocentiae, ei, quam locuit erga homines post lapsum iustificatos. Quod quidem amplius ostendimus si de necessitate gratiae agere per tempus licuerit.

138 Colligitur secundò, qualis debeat assignari ordo inter divina decreta. Dico enim primum, talem esse ordinem, qualis ponatur distinctio, quia eo modo, quo decreta ponantur di-

stincta erga finem, & erga media, debent poni ordinata penes prius, & posterius. Dico secundò, in Deo decretum de fine, & de medijs distinguatur realiter extrinsece ex parte connotati, & obiecti, quia finis, qui connotatur est, & obiectum decreti, seu intentionis de ipso, realiter distinguuntur à medijs, quae sunt connotatum, & obiectum electionis, & realiter ordinantur inter se, tanquam finis, & media, tanquam causa finalis, & effectus in eo genere; unde decretum de fine, & medijs importat hunc ordinem ex parte obiecti, quatenus vult finem ut causam finalem mediorum, & media ut effectus, seu quatenus vult media esse effectus finis in genere causae finalis, quia vult ea esse propter finem, & ordinata ad ipsum; & totus hic ordo est ex parte obiecti, non ex parte actus. Dico tertio, quod ex parte actus, & intrinsece nullo pacto distinguuntur in Deo à parte rei intentio finis, & electio mediorum, adhuc distinctione virtuali intrinseca, ac per consequens nec est inter illas ordo virtualis intrinsecus à parte rei. Patet ex saepe dictis in toto hoc tractatu, in quo saepe, talenti distinctionem virtuales intrinsecas à divinis relegimus. Vide *Disputat. 2. quaest. 10. per tot. & disputat. 4. quaest. 2. à num. 12. 23. & 26. ubi in divina scientia impugnavimus discursum virtualem intrinsecum à parte rei ex parte actus*; eodem enim titulo neganda est distinctio, & ordo virtualis intrinsecus inter decreta divina à parte rei. Et item *quaest. 3. ubi impugnavimus principium virtuale intellectio-nis intrinsecum à parte rei, & similem egressivum virtualem*. Et rursus *quaest. 7. à num. 26. & 34. & quaest. 8. à num. 8. ubi iterum eam distinctionem virtualem intrinsecam rejicimus ab actibus divinis intellectus, & voluntatis*. Et tandem *Disputat. 6. quaest. 6. à num. 30. & 40. ubi distinctionem virtualem intrinsecam inter actus liberos Dei, & necessarios relegimus*: Non ergo admittendus est ordo intrinsecus inter divina decreta à parte rei, adhuc virtualis; sed à parte rei non est in divina voluntate, nisi vnicuique simplicissimus intrinsecus actus, quo decernit, aut vult quidquid libetè vult, cum solo ordine ex parte obiectorum volitò. Dico quartò, quod nihilominus, quia hic simplicissimus, & infinitus actus aequivaleret in perfectione pluribus distinctis in voluntate creata, potest à nobis concipi, cum fundamento in illa eminentia, & simplicitate, & in nostra imbecillitate, ad modum plurimum actuum, & decretum, cum distinctione rationis unius decreti ab alio, & cum fundamento in tali distinctione, potest concipi ordo rationis inter ea decreta; qui ordo rationis necessarius est saepe nostrae imbecillitati ad loquendum de divina voluntate, & actu eius sed tamen nihil ponit in re, nec ex parte rei significata, sed solum est obiecti-

vel in nostro intellectu, seu in ipsis decretis ut obiectivè à nobis conceptis, non vero in illis ut sunt à parte rei vnum simplicissimum velle.

139 Colligo demum, quod sicut non distinguimus in Deo duas prædestinationes, vnam ad gratiam, & meritum, & aliam ad gloriam, sed solum ponimus vnam ad totam seriem, & ordinem gratiæ, & gloriæ, nempe à prima vocatione gratiæ inclusivè, usque ad ipsam gloriam inclusivè, & totam hanc seriem, & ordinem dicimus esse obiectum prædestinationis, & à Deo prædestinatam; ita similiter dicendum est, quod in divina voluntate non datur re ipsa multiplex electio, vna ad gratiam, alia ad gloriam; sed re ipsa unica ad gratiam, & gloriam, seu ad totam seriem à prima gratia inclusivè, usque ad gloriam inclusivè, quia tota illa series est vnicum obiectum unitate ordinis sic præconceptum à divina sapientia; unde vnicò velle, & unica electione totum illum eligi divina voluntas, sicut vnicò actu totum illum proponit divina sapientia. Er qui hoc rectè intellexerit, poterit aliquatulum capere prædestinationis divinæ mysterium, eiusque altitudinem. Ex quo.

140 Colligo demum, vnumquemque prædestinatum, electum, & prædestinatum esse, non ad gloriam vagè, talem, vel talem, maiorem, vel minorem; sed vnumquemque ad certum, ac determinatum gradum gloriæ. Itemque non vagè per hæc, aut per illa media, sed certò, & determinatè per certa, & determinata media vnumquemque fuisse prædestinatum, & electum ad illam certam mensuram gloriæ. Er ratio est, quia intentiones præcipientes, tum à mensura obiecti, aut finis, tum à medijs, quibus consequendus est, propriæ sunt voluntatis potentialis, quæ prius respicit obiectum in univèrsali, & imperfectè, & paulatim de actu in actu determinat, & eligit circumstantias, mensuram, & media, quia per actus imperfectos transit ad actum perfectum; in voluntate autem, quæ est actus purus, & quæ regulatur per divinam sapientiam, quæ omnia sine inquisitione proponit in promptu, repugnant prorsus tales volitiones vagæ, & præcipientes, quia unica volitione, seu vnicò velle vult totam seriem determinatam cuiusvis creaturæ ad finem determinatum, & non est ibi locus præcisioni, aut vagitati, licèt à nobis sæpè concipiatur vagè, aut præcisivè ex nostro modo imperfecto concipiendi ipsum velle divinum aliter, ac est in se.

## QUESTIO VI.

*AN VOCATIO EFFICAX, INSTIGATIO, finalis perseverantia, & glorificatio sint effectus prædestinationis, & quomodo?*

1 **P**ostquam egimus in præcedenti questione de causa, & ratione prædestinationis, & ostendimus non habere aliam causam, quam divinam bonitatem; sequitur iam, ut de illius effectibus tractemus. Quia tamen varij sunt, & diverso modo.

### ALIQUA PRÆNOTANTVR.

2 **N**otandum est primò, quod ut aliquid sit effectus prædestinationis tria requiruntur, & sufficiunt. Primò requiritur, quod causetur à Deo sive à Deo sit, quia quod à Deo non procedit, nec à prædestinatione procedere potest, & consequenter nec esse eius effectus. Secundo requiritur, quod procedat à Deo ex intentione efficaci dandi gloriam; quia quod non procedit ex intentione finis non ordinatur ab agente in finem, & consequenter quod non procedit à Deo ex intentione efficaci dandi gloriam non ordinatur ab ipso Deo ad finem gloriæ: Sed solum quod ordinatur à Deo in finem gloriæ est effectus prædestinationis, quia prædestinatio nihil aliud est, quam ordinatio beneficiorum, aut mediorum ad finem gloriæ, unde quod Deus ad talem finem non ordinaverit, sub prædestinatione non cadit: Ergo requiritur, ut aliquid sit prædestinationis effectus, quod à Deo procedat ex intentione efficaci gloriæ. Tertio requiritur, quod ad finem gloriæ aliquomodo conducatur, quia solum potest procedere ex intentione gloriæ, quod ad illam ut ad finem ordinatur, solumque ad illam ut ad finem ordinari potest, quod ad illam aliquomodo conducit. Requiritur ergo, quod ad finem gloriæ aliquomodo conducatur. Quod autem hæc tria sufficiant, patet, quia nihil amplius requiri videtur. Licèt enim aliqui requirant, quod effectus prædestinationis debeat esse ex meritis Christi; hoc non requiritur per locum ab intrinseco, & ex conceptu prædestinationis: cuiuslibet ad gloriam, sed quia prædestinatio nostra est de facto ex meritis Christi; quod tamen per locum ab intrinseco non exigit.

3 Notandum est secundo, effectus prædestinationis esse in duplici differentia. Alij enim vocantur effectus eliciti ab ipsa prædestinatione, alij effectus imperati. Ratio autè huius distinctionis est, quia distinguui debet in Deo, & providentia generalis naturalis, aut supernaturalis, & providentia specialis prædestinativa, quæ prædestinatio dicitur: quia

\*\*\*  
\*\*\*  
\*\*\*

qua distinctione supposita, dicunt RR. quod providentia naturalis, & supernaturalis generalis imperantur à prædestinatione tanquam à providentia superiori, & respiciunt finem superiorem; unde sicut actus virtutis moralis, v. g. largitio elemosinarum, dum imperatur à charitate, dicitur actus charitatis imperatus, seu imperativè ab ea procedens, sed non elicitus, nec elicivè ab ipsa procedens; ita dicunt, quod effectus providentiæ naturalis, aut generalis, dum imperantur ex prædestinatione divina, seu ex fine proprio prædestinationis, & ex electione efficaci ad gloriam, tunc sunt effectus imperati à prædestinatione, sed non elicitus, quia non exigunt pro principio immediato elicivo ipsam prædestinationem, sed solum providentiam generalem; cum vero effectus est talis conditionis, quod exigit pro principio immediato elicivo prædestinationem, & non nisi ex prædestinatione procedere potest, tunc dicunt esse effectum elicivum prædestinationis.

4 Hanc ego distinctionem libenter admitto, attento imperfecto modo nostro concipiendo cum distinctione ex parte actus prædestinationem, & providentiam generalem, tanquam duas providentias subordinatas ex parte actus, ad modum quo in nobis virtus moralis, & theologica charitatis sunt distinctæ, & subordinatæ in suis actibus; secus tamen ex parte rei significatæ, & à parte rei, quia vt supra vidimus *quæst. 4. a. num. 32.* in Deo ex parte rei significatæ non est nisi unica providentia subiectivè, & ex parte actus, cum sola distinctione ex parte obiecti, quo sensu prædestinatio non est pars subiectiva providentiæ, sed obiectiva. Unde nec potest admitti, quod in Deo una providentia ex parte actus imperatur ab altera, nec quod effectus unus sit imperativè ab altera, & elicivè ab ipsa. Tum etiam, quia omnes effectus cuiusvis providentiæ sunt imperati, non autem elicitus ab ipsa; quia cum providentia, vt supra vidimus, in imperio consistat, effectus illius debent esse per ipsam imperati, non vero elicitus, quia elici est proprium actus, non vero effectus; actus enim solus dicitur elicivus, non effectus ex actu procedens. Unde, proprie loquendo, & ex parte rei significatæ, nec admittimus in Deo actum imperatum liberè ex alio, vt etiam dicebamus, *Disputat. 6. quæst. 7. num. 22.* nec effectus elicitus, non imperatus.

112422 Aliter ergo explico dictam distinctionem nempe dicendo, quod effectus prædestinationis, alij sunt per se ordinati ad finem prædestinationis, alij per accidens. Per accidens ordinati dicuntur, omnia dona naturalia, quæ per se non ordinantur hominem ad vitam æternam, per accidens, tamen medijs alijs donis supernaturalibus ordinantur à Deo in finem vite æternæ. Per se ordinati dicuntur, qui per se ordinantur, & promonent hominem in vitam æternam. Hi autem sunt in

duplici differentia: Nam alij sunt per se ordinati infrustrabiliter, seu conplexivè in vitam æternam, vel ipsa vita æterna, vt glorificatio, gratia consummata, & perseverantia finalis. Alij sunt per se ordinati in vitam æternam, sed frustrabiliter, & inconnexi cum illa. Et tales sunt, omnes illi effectus, qui sunt communes per se prædestinatis, & non prædestinatis, & cum vita æterna non connexti per se, vt vocationes, auxilia sufficientia, & gratia vialis per se interruptibilis, aut amissibilis, vel amittenda.

6 Noto demum, quod tripliciter potest aliquid dici per se effectus prædestinationis, nempe, vel per se effectus sumpta prædestinatio, vel per se effectus sumpta ex parte prædestinationis, vel per se effectus sumpta ex parte effectus. Illud dicitur primo modo effectus prædestinationis per se, quod licet per se non petat necessarium pro causa prædestinationem, tamen prædestinatio exigit per se illud causare, & ad illud per se extenditur; & talia sunt omnia beneficia generalia prædestinatis, & reprobis, quæ per se non exigunt necessarium pro causa prædestinationem, tamen prædestinatio per se extenditur ad omnia illa. Illud vero dicitur secundo modo effectus prædestinationis, quod etiam per se, & ex parte sua exigit pro causa prædestinationem, & huiusmodi sunt beneficia solis prædestinatis propria, quæ non sibi ex prædestinatione proveniunt, vt perseverantia finalis, gratia consummata, & glorificatio ipsa.

7 Hoc supposito, de pluribus dubitari solet, an, & quomodo sint effectus prædestinationis. Dubitatur enim primo de ipsa gloria, vel glorificatione, secundo de perseverantia finali; tertio de ipsa iustificatione, & vocatione efficaci ad ipsam; quarto de gratia interruptenda per culpam; quinto de vocationibus inefficacibus, quibus voluntas de facto resistit; sexto de permissione peccati; septimo de donis naturalibus bonæ indolis, ingenij, & alijs huiusmodi, quæ demum de ipsa substantia, seu existentia prædestinati. In hæc ergo questione prius de glorificatione, iustificatione, vocatione efficaci, & perseverantia finali; inquisitionis, an sint effectus prædestinationis. Sic ergo.

#### PRIMA CONCLUSIO.

8 **D**ico primo: *Glorificatio, iustificatio, vocatio efficax ad ipsam, & perseverantia finalis in gratia, sunt effectus prædestinationis.* Probat per primo ex illo Apst. ad Rom. 8.

8. *Quos prædestinavit, hos & vocavit, vocatione scilicet etifica, seu secundum propositum, vel exponit Augustinus, quos autem vocavit, hos & iustificavit; quos autem iustificavit, illos & glorificavit.* Ergo ex prædestinatione sequuntur suo ordine vocatio efficax, iustificatio, & glorificatio. Ergo sunt effectus prædestinationis. Confirmatur, quia iuxta Augustinum prædestinatio est præscientia, & præparatio beneficiorum, quibus certissime

liberatur quicunque liberatur: Sed vocatio efficax, iustificatio, perseverantia, & glorificatio, sunt beneficia, quibus certissime liberantur, qui liberantur: Ergo sunt effectus prædestinationis. Secundo probatur per partes, quia prædestinatio est per se causa glorificationis: Ergo glorificatio est effectus prædestinationis. Probatur antecedens, quia prædestinatio est causa mediorum efficacium ad glorificationem propter ipsam glorificationem: Sed propter quod vnumquodque tale, & illud magis: Ergo magis erit causa glorificationis. Mirum enim esset, quod prædestinatio causaret media efficaciam ad gloriam propter ipsam, & cum perveniret ad ultimum, cessaret eius causalitas, non causando ipsam gloriam. Secundo, quia glorificatio est effectus divinæ providentiæ, nihil enim est in creaturis, quod ex Dei providentia non causetur, aut sub eius providentia non cadat, alias enim esset Deo improvisum, & à casu, seu præter providentiam ipsius: Sed non est effectus providentiæ generalis communis prædestinatis, & reprobis: Ergo est effectus providentiæ specialis solis prædestinatis: Sed hæc formalissime est prædestinatio: Ergo est effectus prædestinationis. Confirmatur ex D. Thom. in præsent. artic. 3. ad 2. ubi ait: *Prædestinatio est causa eius, quod expectatur in futura vita in prædestinatis, nempe gloria, & eius quod percipitur in præsentis, nempe gratia*: Ergo.

Deinde probatur de iustificatione, quia si iustificatio non esset effectus prædestinationis, posset quis aliunde quam à prædestinatione provideri iustificatus: Ergo & dignus prædestinari, seu eligi ad vitam æternam: Ergo prædestinatio, & electio per se non faceret, sed aliunde supponeret hominem dignum eligi, & prædestinari: Sed hoc est contra Augustin. relatum, *quæst. præcedent. à num. 45*. Ergo. Rursum probatur de perseverantia finali, quia si ista non esset effectus prædestinationis, totus prædestinationis effectus esset gloria tantum, quæ sequitur post perseverantiam finalem: Sed perseverantia finalis meretur de condigno gloriam: Ergo totus effectus prædestinationis caderet sub merito de condigno, quod communiter negant Theologi. Demum probatur de vocacione efficaci, quia si vocatio efficax ad iustificationem non esset prædestinationis effectus gratia iustificans, quæ post illam sequitur, esset primus prædestinationis effectus: Cuius autem ad illam ex parte nostra præcedat causa positivè dispositiva; iam ad primam prædestinationis effectum præcederet ex parte nostra causa positivè dispositiva; quod negant etiam communiter Theologi. Et item, quia ex vi eiusdem intentionis, qua Deus proponit alicui iustificare, proponit illum vocare efficaciter, nec enim ad aliud cum vocat efficaciter, nisi ad illum iustificandum: Ergo si iustifi-

catio sit effectus prædestinationis per se intentus ab illa, etiam vocatio efficax.

10 Dico secundò: *Vocatio efficax ad iustificationem non interrompéndâ, & ipsa iustificatio ut non interrompéndâ, seu perseverantia finalis sunt intrinsecæ, & per se ex parte sua effectus prædestinationis, non per accidens, aut contingenter, sive, ut cum alijs loquar, effectus elicitæ prædestinationis, non imperati*. Patet, quia in primis glorificatio ipsa per se, & intrinsecè petit pro causa prædestinationem, & non potest ex alia providentia per se provenire: deinde iustificatio, ut non interrompéndâ, seu perseverantia finalis, cum sit medium inextricabiliter connexum cum glorificatione, pariter intrinsecè petit esse ex eadem providentia, ex qua est glorificatio, nec potest provenire ex providentia generali, quæ non importat connexionem, nec efficaciam ad finem prædestinationis: Ergo omnia ista per se, perfectè intrinsecè sunt effectus prædestinationis, non elicitæ ex alia providentia imperata à prædestinatione, sed elicitæ & proprii ipsius prædestinationis.

11 Sed obijcies primò, contra primam partem primæ conclusionis pro Durando, qui oppositum tenet. Prædestinatio, iuxta Augustinum est *preparatio mediorum, quibus certissime liberantur, qui liberantur*: Sed glorificatio non est medium, sed finis: Ergo non est effectus prædestinationis. Confirmatur primò, quia prædestinatio supponit gloriam ut futuram, cum supponat electionem ad gloriam, ex qua futura constituitur: Ergo gloria non est effectus prædestinationis. Secundo, quia prædestinatio solum est de medijs, non de fine, sicut electio: Sed gloria non est medium, sed finis: Ergo prædestinatio non est de gloria: Ergo nec gloria effectus prædestinationis. Probatur maior, quia prædestinatio est ordinatio mediorum in finem, sive electio est de medijs ad finem: Ergo solum est de medijs, non de fine; quia finis non ordinatur in finem.

12 Respondeo, negando maiorem, quia Augustinus non dixit *preparatio mediorum, sed preparatio beneficiorum*, gloria autem aperte est beneficium, quo formaliter liberatur prædestinatus ab æterna damnatione. Ad gratiam confirmationem, dico, quod prædestinatio supponit gloriam ex nostro modo concipiendi ut incertam, & ut inchoativè futuram, sed scilicet illam completè futuram, & existentem, unde est effectus illius. Ad secundam respondent, aliqui prædestinationem esse solum de medijs: immedie, sed mediatè etiam esse de fine; ac proinde gloriam esse effectum illius mediatè, sed non immediate. Sed contra est, quia non est alia providentia, à qua sit immediate: Ergo immediate est effectus prædestinationis. Secundo, quia solum

de fine ultimo obiectivo non est providentia, nec prædestinatio, bene vero de fine intermedio, gloria autem non est finis ultimus respectu Dei prædestinantis, sed intermedius, ordinatus ad suam bonitatem, quæ sola est finis ultimus: Ergo. Aliter ergo respondeo, distinguendo maiorem: Prædestinatio solum est de medijs ad gloriam, nego: De medijs ad divinam bonitatem manifestandam, concedo maiorem, & distincta minori eodem modo, nego consequentiam, quia gloria, licet sit finis prædestinati, est tamen etiam medium ad divinam bonitatem manifestandam, ad quod potissimum tendit prædestinatio. Vel aliter, distinguo maiorem: Prædestinatio solum est de medijs ordinativè, concedo: Terminativè, nego maiorem, & concessa minori, nego consequentiam. Ad probationem maioris, distinguo antecedens: Prædestinatio est ordinatio medium efficacis, & consummata ut talis, concedo: Ordinatio inchoata tantum, nego antecedens, & consequentiam: in sensu negativo itaque prædestinatio, ad differentiationem providentiæ generalis, non est vicumque ordinativa in finem salutis, sed ordinativa efficaciter, & infirmitabiliter, quod esse non potest, nisi per se, & immediatè sit consummativa illius ordinis, quia non consummato illo ordine, frustraretur, vel frustraretur in reprobis: Consummatur autem ordo ille per ipsam glorificationem, unde debet esse etiam præparatio efficacis ipsius gloriæ immediatè, in se ipsa, considerata.

13. Obijcies secundò contra secundam conclusionem, quia iustificatio, & vocatio possunt provenire ex providentia generali. Ergo non sunt per se effectus predestinationis potius, quam providentia generalis. Probatur antecedens, quia vocatio, & iustificatio sunt communes reprobis, & predestinatis, plures enim iustificati, & vocati, sunt reprobis: Ergo possunt esse ex generali providentia communi reprobis, & predestinatis. Respondes, distinguendo. antecedens: Iustificatio non interrumpenda, & vocatio secundum propositum, seu efficax ad finalem perseverantiam, nego, quia huiusmodi vocatio non est communis. Hi reprobo, fed specialis predestinatis: iustificatio interrumpenda, & vocatio non efficax ad perseverantiam finalem, concedo, quia hæc est communis reprobis, & nego consequentiam de iustificatione non interrumpenda, & de vocatione efficaci; seu secundum propositum divinum ad finalem perseverantiam. De qua solùm loquuti sumus, in secunda con-

QUÆSTIO VII.

AN GRATIA PER PECCATUM

*interrupta, & vocaciones inefficaces  
sunt effectus predestina-  
tionis?*

**R**atio dubitandi est, quia gratia per peccatum interrupta, non condicit cum effectu ad finem obtinendum: Sed quod non conducit cum effectu ad finem, non est effectus electionis efficacis, nec prædestinationis ad finem: Ergo nec gratia interrupta per peccatum. Probat maior, quia gratia per peccatum interrupta, licet per se inclinet in vitam æternam, dum tamen interruptum, ibi interruptum omnino eius influxus, & conducentia ad vitam æternam; & opus est inchoare de novo ordinem ad vitam æternam. Ergo semel interrupta, iam non conducit cum effectu ad vitam æternam. Secundo; quia effectus prædestinationis, seu illius obiecti, scilicet est ordo, & series continuata mediocum, & beneficiorum ad vitam æternam, qui ordo, aut series sit una series, & ordo unitate ordinis, nam cum prædestinatio sit una ex parte Dei, debet respicere unum obiectum, & unum per se effectum unitate ordinis unum: Sed gratia interrupta non constituit unum ordinem cum alia subsequenti, quia dum interruptum gratia, ibi cessat ordo inceptus ad vitam, & postea opus est de novo incipere alium ordinem ad vitam æternam: Ergo gratia interrupta non est obiectum, nec effectus prædestinationis.

2. Sed idem argumentum fit de vocationibus inefficacibus, quibus nempe voluntas humana resistit; quia licet vocationes *de facto*, & cum effectu non conducunt ad vitam æternam, liquet tamen frustrari suo effectu: Sed solum est effectus prædeterminationis, quod cum effectu concordat, & perducit ad vitam æternam: Ergo vocationes inefficaces non sunt effectus prædeterminationis. Secundo, quia vocationes inefficaces, quibus voluntas de facto resistit, tantum inchoative ordinant hominem ad vitam æternam, ordine frustrato per resistantiam, ita ut si cessum aliis vocatione de novo incipere ordinem prædeterminationis: Sed ordo puri inchoatus, & frustratus à fine non est effectus prædeterminationis, qui prædestinatio per se ordinat efficaciter, & infustrabiliter ad vitam æternam, non vero frustrabiliter, nec frustra. Ergo.

3 b Propterca P. Vanquez dicit, quod gratia interrupta per peccatum vt primo collata non est effectus predestinationis, sed solum vt recuperata per gratiam non iterum amittendam, vnde collata gratiam continuandam vsque ad vitam eternam & consequenter solum vocationem





Sequentur principalem effectum consensus à voluntate, tamen semper habent aliquem effectum, vel emolendi voluntatem ut alijs auxilijs facilius consensiat, vel saltem movendi, dum cognite fuerint à vocato, ad gratiarum actionem. Sed hæc etiam ratio non nimis est firma, quia sæpè dantur vocationes inefficaces, quæ nullum omnino sui vestigium relinquunt, & respectu vocati sunt in posterum, quasi non fuissent, omninoque oblitæ. Nec enim mihi opponas, quod saltè in Patria cognoscuntur. Quia hoc dato, ad summum conducunt obiectivè ad gratiarum actionem in Patria, in qua minimè beatitudo consistit, sed est potè accidentaliter consequuta ad beatitudinem; unde dicendum erit, quod ad beatitudinem essentialem nullo pacto conducat ut medium, & consequenter, quod non sit effectus prædestinationis ad beatitudinem essentialem. Melius igitur.

8 Probatur ex textu allato Div. Thom. & doctrina prædicta, quia licet ex vocationes per se, aut per immediatum effectum non conducant, nec perducant ad vitam æternam, tamen per alias vocationes loco illarum substitutas, & efficaces, perducunt cum effectu ad finem vitæ æternæ: Sed hoc sufficit ut sint effectus prædestinationis, & ut procedant ex intentione efficaci salutis, integrando totum, & vnum ordinem mediolorum ad salutem: Ergo. Minor patet ex dictis.

9 Dico tertio: *Gratia interrupta, & vocationes inefficaces, aut indifferentes non sunt per se ab intrinseco, seu ex parte sua effectus prædestinationis, bene tamen per se ab extrinseco ex parte prædestinationis, vel, ut cum alijs loquar, sunt effectus imperati, non elicitæ prædestinationis.* Probatur, quia effectus elicitæ prædestinationis, seu per se ex parte sua tales, sunt tantum illi, qui per se, & ab intrinseco petunt pro principio prædestinationem, suntque principia solius prædestinationis, non vero alterius providentiæ generalis: Sed gratia interrupta, & vocationes inefficaces per se ex parte sua non petunt pro principio prædestinationem, sed solum providentiam generalem: Ergo. Secundum etiam patet, quia prædestinatio ex se, & ex parte sua est providentia perfecta, & ideo per se comprehendens, seu disponens totum ordinem, & seriem mediolorum ad finem vitæ æternæ, à primò usque ad ultimum: Sed eo ipso per se exigit disponere, & præparare primas vocationes ad talem finem, etiam inefficaces, à quibus Deus incipit operari salutem, seu ordinare hominem ad salutem, licet frustranda fore permitcat, quia loco illarum ordinat alias non frustrandas: Ergo. Confirmatur: Vocationes frustrandæ, cum substituendis loco illarum, & non frustrandis, constituunt vnum ordinem mediolorum ad finem: Sed vnus ordo petit per se vnam providentiam, quæ per se respiciat totum illum ordinem, & hæc non est alia, nisi præ-

destinatio: Ergo prædestinatio per se respicit totum illum ordinem, & consequenter vocationes etiam frustrandas.

10 Ex quo iam ad rationem dobitandi, initio positam, distinguo maiorem: Gratia per peccatum interrupta non conducit cum effectu ad finem obtinendum, non conducit immediatè, & per se, concedo: Non conducit per alias causas substitutas loco ipsius, quibus ipsa recuperatur, nego maiorem, & distincta minori eodem modo, nego consequentiâ. Ad probationem maioris, eadè distinctione respondeo, quod interrupta gratia, transeat quod omnis eius influxus immediatus, & per se talis interruptatur, sed nego quoad interruptatur influxus eius, & conducit per alias substitutas loco ipsius, & quod opus sit inchoare novum ordinem ad vitæ æternæ, quia primus ordo cõplectitur etiâ media immediatè in se ipsis frustratâ, quorû loco alia non frustratâ substituitur ordinantur, ut iam explicavimus; ad modum quo, ut alio exemplo utar, quod etiam vitur D. Tho. Natura, & Deus ex intentione efficaci conservandi speciem providet cuiusvis individui generationem, cum tamen non omne individuum per se, & immediatè perducatur ad conservationem speciei, sed aliqua infecunda permanent; quia tamen loco illorum destinavit alia fecunda futura, ideo omnia individua componunt ordinem divine providentiæ ad conservationem speciei, & sub vna providentia ordinantur, & ex vna intentione efficaci conservandi speciem procedunt, quia licet per huius individui fecunditatem non sit conservanda species, tamen substituitur aliud loco ipsius, per quod conservatio speciei continuatur. Et sic cuiuslibet individui generatio procedit ex vnica efficaci intentione conservandi speciem, & omnia ex efficaci providentia, & ordinatione efficaci ad speciem conservandam, & omnia constituunt vnum ordinem per se ad conservationem speciei. Ad modum etiam quo series genealogica alicuius Proceris non cessat ex quo per viam primogeniti cesseret, aut interruptur fecunditas, si loco illius substituitur in serie illa secundogenitus, aut alius ex eodem trunco procedens, continuans vnam seriem, & ordinem cum præcedentibus: Sic ergo series, & ordo prædestinationis non cessat, ex quo per viam vnius gratiæ, aut medij interruptur, si loco illius substituitur alia ex eodem trunco prædestinationis, id est, ex eadem divina electione preparata, quia ista cum præcedentibus semper constituunt vnam seriem, vnumque ordinem mediolorum ad finem tandem obtinendum. Vnde licet interruptur gratia primo collata, & per viam, & lineam directam illius, ut sic dicam, non continuatur ordo prædestinationis, non ideo opus est incipere novum ordinem, sed continuare primum substituendo ex eadem intentione, loco illius, quod petijt, alia

alia media, per quæ continuatur ordo ille ad finem efficaciter intentum.

11 Et eodem modo respondeo ad rationem dubitandi de vocationibus inefficacibus, quod licet illæ per se, & immediatè non cōducant cum effectu ad finem vitæ æternæ, sed protus infæcundæ maneat, tamen per alias vocationes, quæ ex vi eiusdem intentionis, & electionis substituantur loco illarum, semper obinent finem, & continuatur series, & ordo prædestinationis; sicut cum in Veteri Testamento, loco fratris defuncti sine filiis substituebatur alius frater cum eadem vxore ad suscitandum semen fratri suo defuncto, non censebatur alia series, aliæve ordo genealogiæ, sed idem continuabatur per fratrem secundum substitutum loco defuncti sine fecunditate fructu, adeò vt filij inde nascentes, non improprie dicerentur filij fratris sine fructu defuncti: Sic ergo, dum Deus sua providentiâ ordinat, quod prima vocatio frustrata, seu sine fructu transacta, succedat alia, & illa etiam sine fructu transacta, succedat alia, & sic vsque ad aliquam, quæ suscitet fructum præcedentibus, & totum hoc ex vi eiusdem intentionis, omnes illæ vocationes constituunt vnicam seriem, & ordinem ad fructum, & finem vitæ æternæ, continuatum vsque ad finem, qui fructus dici potest, non solum illarum vocationum, quæ secundæ fuerunt, & per se fructum, & consensum voluntatis extorquerunt, sed non incongruè dici potest fructus etiam illarum inefficacium, quæ sine fructu transierunt, quia per alias eorum loco substitutas tandem fructum affectu sunt.

12 Sed replicabis primò: Gratia, quæ interruptitur, vt primo collata, non valet, nec perducit ad finem vitæ æternæ, nisi vt per alias causas, & per poenitentiam restituta: Sed solum est effectus prædestinationis, in quantum conducit, & valet ad finem vitæ æternæ: Ergo vt primo collata non est effectus prædestinationis, sed solum vt recuperata per poenitentiam. Secundò: Quia gratia restituta per poenitentiam est numero distincta à gratia primo collata, & secunda vocatio efficax est etiam numero distincta à prima inefficaci, seu frustrata: Ergo ex quo hæc secunda influat in finem vitæ æternæ, non probatur influere primam, nec primam conducere. Tertiò, quia licet prima non præcessisset, eundem omnino effectum haberet hæc secunda, quem habet: Ergo prima omnino per accidens se habet ad finem prædestinationis, & non constituit vnum ordinem per se ad finem prædestinationis. Quartò, quia effectus prædestinationis debent continuari vsque ad finem prædestinationis: Sed gratia interrupta, aut vocatio inefficax non continuat effectum vsque ad finem, sed casu, irritaque manet, & interrupta: Ergo. Ultimò, quia in Adamo prima gratia fuit gratia originalis status innocentie: Sed il-

la non fuit effectus prædestinationis Adami, licet alia loco illius substituta fuerit: Ergo. Probat minor, quia omnis gratia, quæ est effectus prædestinationis Adami, debet esse ex meritis Christi, cum eius prædestinatio sit ex meritis Christi: Sed gratia status innocentie non fuit ex meritis Christi, quia Christi prædestinatio fuit post illam gratiam prævisam, quia post peccatum originale prævisum; vnde iuxta D. Thom. Christus non venisset, si Adamus non peccasset: Ergo illa gratia non fuit ex meritis Christi.

13 Respondeo ad primam, distinguendo maiorem: Gratia, quæ interruptitur, non valet, nec conducit per se, nisi vt restituta, concedo: Non valet nec conducit per alia media, vt per orationes, & vocationes, substitutas loco illius ad illam restituendam, nego maiorem, & distingo minorem: Solum est effectus prædestinationis, in quantum conducit per se, & immediatè ad finem vitæ æternæ, nego: In quantum conducit per se, vel per alia loco eius substituta, concedo minorem, & nego consequentiam; quia si quid probatur est, quod non sit effectus prædestinationis per se, per se intrinseca ex parte sua, quod libenter concedimus, quia gratia interrupta, & idem de vocationibus frustratis, per se, & ab intrinseco non prout pro principio prædestinationis, sed solum providentiam generalem; non autem excluditur, quod non sint effectus per se causati ex parte prædestinationis, quia prædestinatio ex parte sua per se causat totum ordinem mediorum ad prædestinationem, non solum illorum, quæ per se conducunt cum effectu, sed illorum etiam, quæ, si per se, & immediatè frustrantur, conducunt per alia subrogata ad finem prædestinationis, vt ostensum manet ex D. Thom. Ad secundum, distingo antecedens: Est numero distincta absolute, & entitativè, concedo: Ex parte ordinis ad finem, nego antecedens; quia licet sit entitativè, & numero distincta absolute, constituit tamen vnum numero ordinem mediorum, & beneficiorum ad finem cum prima gratia, licet interrupta, qui ordo continuatur per alias vocationes, & per alia media, quibus Deus in defectum primæ gratiæ ordinavit illam restaurare; & sufficit vnitas ordinis, vt tam prima, quam secunda sub eadem prædestinatione, & providentiâ cadant.

14 Ad tertiam, distinguo antecedens: Secunda eundem omnino effectum haberet, ac si prima non præcessisset, & sub eodem ordine, nego: Et sub distincto ordine, transeat antecedens, & nego consequentiam, quia dato quod secunda vocatio posset habere eundem effectum, si prima non præcessisset, non tamen sub eodem ordine, quia si prima non præcessisset, esset necessariò alius ordo mediorum, qui inciperet ab ipsa; nunc autem cum prima præcessit, licet frustrata, est alius

alius ordo, qui incipit ab illa prima, cuius loco subrogatur secunda, & hic determinatus ordo per se respicitur ab hac praedestinatione, & providentia speciali, ita ut si prima non praecessisset, esset iam alius ordo mediorum ad finem, & alia ordinatio, seu praeordinatio, & providentia, unde ex vi praesentis providentiae secunda non haberet eundem effectum, si prima non praecessisset, quia iam esset alia providentia. Unde aliter etiam potest distingui antecedens: Secunda haberet eundem effectum, si prima non praecessisset, ex vi alterius providentiae, transeat: Ex vi praesentis providentiae, & ordinationis, quae ordinatum est, quod ordo inciperet à prima, nego antecedens, unde semper sequitur, quod prima sit effectus praesentis providentiae, seu praeordinationis per se ab illa causatus.

15 Ad quartam, distinguo maiorem: Effectus praeordinationis debent continuari, unusquisque per se ipsum, usque ad finem, nego: Debent continuari, vel per se, vel per subrogationem unius loco alterius, concedo maiorem. Et distincta minori eodem modo, nego consequentiam: quae distincta cōstat ex dictis. Ad vicimam, variè ab aliquibus respondetur, iuxta varias opiniones de praedestinatione Christi, an fuerit aeternae praevisum absolute peccatum Adami, an post illud absolute praevisum. Quas tamen, quia modo non vacat examinare, respondeo iuxta mihi probabiliorē, concessa maiori, negando minorem. Ad cuius probationem, nego etiam minorem, & quod praeordinatio Christi fuerit post praevisum absolute Adami peccatum, imò ut suo loco ostendam, permissio peccati originalis fuit effectus praeordinationis Christi, & praeordinationis Adami, eo pacto, quo infra dicam, permissio peccati personalis in electis esse effectum praeordinationis illorum; unde cessat obiectio.

## QUAESTIO VIII.

AN ACTVS SALVTARES, PROVT à libero arbitrio procedunt, & ipse usus gratiae, sint effectus praeordinationis?

1 **M**aximi momenti questio ista est, ex ea enim pendet perfecta intelligentia gratiae praeordinationis, quam contra Molinam, & eius Sectatores defendimus. Molina enim dixit, quod licet Deus per suam gratiam operetur in cordibus hominum actus salutes conducentes ad vitam aeternam; eam tamen gratiam solum ponebat indifferentem ex se ad tales actus saltem quoad exercitium, ita ut illa posita iuxta maneret penes voluntaris arbitrium, ea vti, vel non vti. Et licet eam gratiam diceret concurrere cum libero arbitrio simulante, & partialiter, ad modum quo duo trahentes navim partialiter, & simultaneè, tamen dixit eam

sic concurrere determinatam à libero arbitrio; non ut ipsum applicantem, nec determinantem, ad actus salutes. Neque assignavit gratiam aliam, quae Deus efficaciter, & praevidet moveret liberum arbitrium, aut illud faceret uti gratia, & cum illa se determinare. Ex quo tandem inferitur, quod licet actus salutes, quatenus procedunt à gratia illa indifferenti sint mediare effectus praeordinationis, quia & ipsa gratia ad illos concurrere est praeordinationis effectus, tamen quod liberum arbitrium actu utatur illa gratia, seu actus illi prout determinativè, & elective procedunt à libero arbitrio negabar esse effectum praeordinationis. Sed contra hanc sententiam.

2 Dico primò: *Actus salutes, etiam in quantum à libero arbitrio procedunt, sunt praeordinationis effectus.* Ita omnes Thomistae, contra Molinam, & probatur ratione fundamentalis: omne enim illud est praeordinationis effectus, quod est ex gratia Dei. Sed actus salutes, adhuc prout à libero arbitrio per se procedunt, sunt ex gratia Dei. Ergo. Probatur minor, quam solum negat Molina; quia actus salutes per se non procedunt à libero arbitrio, nisi per Dei gratiam: Ergo adhuc ut à libero arbitrio per se procedunt, sunt ex Dei gratia. Probatur antecedens, quia actus salutes per se non procedunt à libero arbitrio ratione sui, aut per proprias vires: Ergo vnicè procedunt per se à libero arbitrio per Dei gratiam, & ratione illius. Probatur antecedens, quia liberum arbitrium ratione sui, aut proprijs viribus nihil potest per se agere salutare, seu ad salutem conducentes: Ergo nihil salutare per se procedit à libero arbitrio ratione sui, aut proprijs viribus. Antecedens latè fuit à nobis ostensum *Tractat. de Charitat. quest. 8. per totum.*

3 Confirmatur; quia ipse usus gratiae, quo liberum arbitrium, iuxta contrarios, utitur gratia, debet esse ex gratia: Sed eo ipso actus salutes, adhuc prout à libero arbitrio utente gratia, est ex gratia: Ergo etiam est effectus praeordinationis. Probatur maior, primò ex Caesestino Papa in Epist. ad Episcopos Gallic., ubi definit, quod nemo, nisi per gratiam, libero bene utatur arbitrio. Secundo ex August. lib. *Retract.* cap. 9. ad finem, sic aient: *Quia omnia bona, & magna, & media, & infima à Deo sunt, sequitur ut ex Deo sit bonus usus libere voluntatis, quae in magni numeratur bonis.* Unde D. Tho. in Epist. 1. ad Corinthios. cap. 15. lect. 2 sic ait: *Deus enim non solum nobis imfudit gratiam, quae nostra opera gratuita sunt, sed etiam movet ad bene utendum gratia infusa, & haec vocatur gratia cooperans.* Ergo ille usus, quo voluntas utitur gratia, non nisi ex gratia est. Tertiò: Quia voluntas, adhuc iuxta contrarios, non aliter utitur gratia, nisi determinando, quia vult, influxum eius: Sed cuiusmodi velle, & determinare ex Deo est per eius gratiam, semper

Proo. siug

eius gratuitam operationem: Ergo & vsus gratiæ. Probatur minor, quia Dens non solum concurrit simulaneè cum voluntate, vt velit, & se determinet, sed facit etiam per gratiam quod voluntas velit, & se determinet, *facit enim vt velimus*, vt expresse ait Augustinus, *operatur in nobis, & ipsum velle*, vt ait Apostolus, *facit ex nolentibus volentes*, & *ex repugnantibus consentientes*, vt etiam ait Augustinus, inò & hoc ipsum, quod est liberum arbitrium cooperari gratiæ, ex Deo est per actionem gratuitam, vnde aiebat August. in Psalm. 77. *Deus cooperatorem sibi facit hominis spiritum in opere bonorum faciorum*. Ergo ipsum velle, determinare, & cooperari gratiæ ex parte liberi arbitrii, ex Deo est gratuito id dante, & operante. Mitto alia plura testimonia SS. quæ videri possunt vbi supra, & *Tractat. de Provident. quæst. p. per totam*.

4 Respondent aliqui ex RR. Iesuitis, verum esse, quod ipse vsus gratiæ, ipsum velle, & ipsa determinatio voluntatis est à Dei gratia, totumque actum salutarem esse ex libero arbitrio, & ex gratia; & hoc concludere dicta SS. Ceterum diverso modo à gratia, & à libero arbitrio nam à gratia procedit totus actus salutaris purè efficienter, à libero autem arbitrio electivè, aut determinativè; & hoc sensu gratiam concurrere vt determinatam à libero arbitrio, quia scilicet concurrat non determinando actum, sed purè influendo in actum, liberum autem arbitrium concurrat eligendo, & determinando. Sed contra hanc doctrinam.

5 Dico secundò: *Actus salutares, adhuc vt à libero arbitrio determinati, sunt effectus prædestinationis ab ipsa provenientes electivè, & determinativè, & non per gratiam, aut concursum*. Indifferentem univèrse determinabilem à voluntate creata. Probatur, quia hoc quod est, voluntatem eligere, aut determinare actum salutarem, est quid verè contingens, potensque esse, & non esse: Sed omne contingens, potensque esse, & nò esse, vt sit determinatè, indiget aliquo priori determinante: Ergo vt voluntas actu determetinet, potius quam non determetinet actum salutarem, opus est alio priori determinante: Hic alius non est nisi Deus: Ergo Deus determinat, quod voluntas determinet, & eligit, quod voluntas eligat actum salutarem: Ergo ipsa determinatio, quia voluntas creata determinat actum salutarem, est à Deo electivè, & determinativè, seu eligente, & determinante illam: Ergo & ipse actus salutaris, adhuc prout est à voluntate electivè, & determinativè, est etiam à Deo eligente, & determinante id ipsum: sed non à Deo ex necessitate eligente, & determinante per naturam, quia hæc iam non esset electio, & determinatio: Ergo à Deo liberè, & gratis determinante, & eligente: Ergo à Deo gratuito prædestinante. Vide suprà dicta *Disputat. 6. quæst. 6. à num. 97.*

vbi probavimus liberam Dei determinationem non posse esse contingentem inèrinsicè, quia indiget alia priori determinatione libera ipsam determinante vt esset.

6 Probatur secundò, quia voluntas, non aliter se determinat, nisi quia vult: Sed voluntas non potest velle præ non velle, nisi hoc sit à Deo vt prius volente, quod voluntas velit: Ergo nec potest se determinate ad actum salutarem, nisi hoc sit à Deo determinante, quod voluntas se determetinet. Confirmatur: Facere immediatè, quod voluntas se determetinet, est determinare, saltem efficienter, voluntatem: Sed voluntas non potest se determetinare, nisi Deo faciente, seu efficiente immediatè hoc ipsum, nempe quod voluntas se determetinet: Ergo Deus efficienter saltem determinat, quod voluntas se determetinet. Urgetur: Deus immediatè efficit quod voluntas se determetinet, quia iuxta contrariòs determinatio voluntaris est efficienter à Deo: Sed nò efficit immediatè, quod voluntas se determetinet vt determinatus ab ipsa voluntate creata, quia implicat Deum determinari per effectum ad ipsum efficiendum: Ergo id efficit ex propria determinatione liberaliter, & gratis: Ergo voluntatem creatam se determinate ad actum salutarem est à Deo liberaliter, & gratis id ipsum determinante: Ergo hoc pacto est effectus prædestinationis.

7 Probatur tertio, quia quod non est à Deo electivè, & determinativè, non est ab eo liberè: Quod autem ab eo non est liberè, non est ab eo liberaliter, & gratis: Quod autem non est à Deo liberaliter, & gratis, non est per Dei gratiam, & liberalitatem, nec potest dici donum gratuitum, aut gratiæ Dei: Sed actus saluacres, vt liberè, determinativè, & electivè sunt à voluntate creata, sunt dona Dei liberaliter, & gratis collata: Ergo à Deo electivè, & determinativè. Minor probatur, quia actus salutares non sunt merita nostra, nisi vt liberè, determinativè, & electivè à voluntate procedentes: Sed vt merita nostra sunt dona Dei *voluit enim Deus, vt quæ sunt dona sua, sint merita nostra*, inquit Augul. ergo, Confirmatur, quia iuxta Augustinum, vt supra vidimus, & inculcavimus *g. 5. si sunt dona Dei, sunt à Deo prædestinata*, si non sunt ab eo prædestinata, non sunt dona Dei: Sed non possunt esse à Deo prædestinata, nisi sint ab ipso liberè, & electivè, hoc est ab ipso electa, & determinata liberè: Ergo sunt ab eo liberè determinativè, & electivè.

8 Dices fortas, actus salutares esse à Deo liberè, & electivè, esseque ab ipso prædestinatos, & prædestinatos mediatè in causa, aut per causam, nempe per gratiam sufficientem, & indifferentem inèrinsicè, non vero immediatè, nisi à voluntate; quia aliàs si immediatè essent electivè, & determinativè à voluntate divina, Deus per actus salutares eligeret, aut determinaret, essentque ac-

tus effici à divina voluntate; quod nefas est dicere. Sed contra, quia cum dicimus, actus salutares esse electivè à divina voluntate, non est sensus, quod sint electivè exercitè, tanquam actus, quo exercitè divina voluntas eligat, aut determinat, sed quod signatè sint effectus electivè, & determinativè ab ea procedentes, non tanquam actus; sed tanquam effectus immediatè electi, & determinati. Sed ex hoc non sequitur, quod per illos voluntas divina formaliter eligat, aut determinet: Ergo absurdum obiectum nullum est, nec ad propositum. Vide *Tractat. de Provident. quest. 13. à num. 3.*

Contra secundo, quia implicat in terminis actus salutares esse prædestinatos, aut prædestinatos in causa intrinsicè indifferenti, non minus quam in illa esse determinatos; quia effectus in causa indifferenti est indifferens ad esse, & non esse, non autem determinatus, nec prædestinatus ad esse præ non esse: Ergo solutio implicat in terminis, dū ait, actus salutares esse prædestinatos, aut prædestinatos mediè in causa, aut per causam indifferentem. Urgetur; quia, dato casu, quod per causam, aut in causa intrinsicè indifferenti dicitur prædestinatus, hoc non nisi abusive dicitur, & impropiè: Sed Augustinus, & alij PP. dicunt, actus salutares esse Dei dona, ab eo prædestinatos, & prædestinata: Ergo hoc explicari non potest, nisi abusive, & impropiè, de prædestinatione in causa intrinsicè indifferenti.

9. Tertiò, quia si non sunt electivè, aut determinativè, nec à gratia, nec à Deo prædestinantur, non erunt dona gratuita Dei, liberaliter ab eo donata per gratiam: Sed hoc est contra Augustinum manifestè. Ergo. Probatür maior, quia implicat quod sint dona Dei ab eo liberaliter donata per gratiam; nisi sint liberè, & electivè ab eo per eius liberalitatem, & gratiam, nemo enim liberaliter donat per gratiam, nisi liberè, & electivè, & ex propria determinatione, seu nisi per gratuitam donationem: imò gratia aliud non est, nisi libera, & gratuita donatio, unde Augustinus de *Prædestinatis. Sanctior. cap. 10.* sic ait: *Inter gratiam, & prædestinationem hoc tantum interstet, quod prædestinatio est gratia preparatio, gratia vero iam ipsa donatio:* Ergo si non sunt electivè, & determinativè nec à gratia, nec à Deo prædestinantur, non erunt dona Dei, nec gratia ipsius. Explicatur: Iuxta Augustinum, gratia est ipsa donatio gratuita, & liberalis: Ergo idem est in sensu Augustini, actus salutares esse dona Dei, aut dona gratiæ, ac esse à Deo liberaliter, & gratuito donante: Sed implicat actus salutares esse à Deo liberaliter, & gratuito eos donante, nisi sint ab eo liberè, & electivè: Ergo.

10. Demum, quia si solum procedunt electivè, & determinativè à voluntate creata, non à Dei gratia, nec prædestinatione, opus erit, ut Deus

aliquem prædestinet, prævidere prius actus salutares ab eo electivè, & determinativè procedentes, cum hoc, sub determinatione, aut electione Dei, nec gratiæ cadat: Ergo prima ratio determinativa, & electiva, cur aliquis sit prædestinatus, erit ex libero arbitrio, non ex gratia, nec ex Deo prædestinante.

11. Nec enim dicas, esse ex Dei liberalitate, & gratia, quia ipsa electio, & determinatio liberi arbitrij est ex gratia sufficiente concurrente partialiter, & simultaneè. Contra enim est, quia non est ex gratia sic concurrente, electivè, & determinativè, sed ex illa concurrente ut determinata à libero arbitrio, ita ut ratio determinativa cur gratia concurrat, sit vnicè liberum arbitrium; ratio autem electiva, & determinativa cur arbitrium eligat, & determinat consentire, prædiscurrere, non sit gratia, hæc enim est doctrina contrariorum: Ergo iuxta illos ratio à priori electiva, & determinativa actus salutaris, imò & concursus, seu efficacis gratiæ, non est ex gratia ipsa, sed vnicè ex libero arbitrio ratione sui. Explicatur: Licet Deus gratis, & liberaliter det gratiam intrinsicè sufficientem, & indifferentem, per hoc præcisè non donat gratis, & liberaliter actum, seu consensum salutarem, nisi voluntas consentiat sub ea gratia, aut cum ea gratia: Sed per vos ea gratia non est ratio determinativa cur voluntas cum ea consentiat, sed potius vnicè ratio electiva, & determinativa cur ea gratia concurrat cum libero arbitrio, est ipsum liberum arbitrium, quod solum determinativè, & electivè concurrat, non vero gratia: Ergo ad summum dici poterit, quod opus salutare est ex gratia indifferenti, per accidens, casu, & fortuito, & præter gratiæ electionem, aut determinationem; per se autem, electivè, & determinativè ex solo libero arbitrio: Ergo tandem quod ille præ alio consentiat gratiæ, aut habeat initium bonæ voluntatis, aut perseverantiam finalem, reducendum est, non in electionem gratiæ, & liberalitatis Dei, sed vnicè in liberum arbitrium ut in primam causam determinativam, discretivam, & electivam, cur gratia in hoc præ illo habeat effectum; unde tandem prima ratio à priori, cur ille præ alio sit prædestinatus, non erit per electionem Dei prædestinantis, nec per electionem gratiæ, sed vnicè per electionem solius liberi arbitrij; quod ut inquit D. Thom. est contra auctoritatem Sacre Scripturæ, & dicta SS.

12. Nec demum dicas, esse electivè etiam à Deo, quia Deus de industria elegit illam gratiam, cui prævidit voluntatem consentiendam, aut sub qua, & cum qua vidit voluntatem se determinaturam. Contra est, quia iuxta contrarios, propterea hoc prævidit, quia voluntas ipsa determinatura erat gratiam, non vero voluntas determinatura erat gratiam, quia Deus hoc prævidit: Ergo

go tandem prima ratio determinativa gratiæ, cur scilicet fuerit collata cum præscientia consensus, aut determinationis, non est ex parte Dei, sed ex libero arbitrio vnicè determinante gratiam, & vnicè determinante obiectivè, quod Deus sub ea prævidet consensus futurum. Urgetur: Quia semel collata gratia sufficienti, si petas à contrariis primam rationem à priori, cur voluntas cum illa gratia se determinat, aut cur ea gratia habet effectum, aut est efficax; nullam omnino rationem à priori assignabunt, nisi quia ipsa sola est quæ electivè, & determinativè concurret; nam si dicant, hoc ipsum esse electivè ex gratia, quia Deus ex industria dedit hanc gratiam, sub qua prævidet voluntatem se determinaturam; rogabo iterum, an ideo voluntas determinet istam gratiam ad consensus, quia Deus illam contulit ex industria præficiens voluntatem sub illa consensusuram; an vero e contra, ideo cum tali industria, & præscientia eam contulit, quia voluntas sub illa, & cum illa consentit? Cui interrogatio- ni, respondent, hoc secundum esse dicendum, non primum, quia quod hæc gratia fuerit collata cum præscientia consensus, potius quam cum præscientia dissensus, determinativè, & electivè est vnicè à voluntate, quia consentit, & determinat eam gratiam, & Dei præscientiam: Ergo tandem semper prima, seu vnicæ ratio determinativa, & electiva, cur iste habeat gratiam efficacem præ inefficaci, non est electio illa Dei, nec divinx gratiæ, aut liberalitatis, sed sola determinatio liberi arbitrij ab ipso solo electivè, & determinativè proveniens: Ergo & prima, vnicæ, & tota ratio disparitas, seu discretiva, & determinativa, cur iste sit prædestinatus per alio, erit solum electivè, & determinativè ex libero arbitrio ratione sui determinante gratiam, & præscientiam. Vnde *Tract. de Provident. quest. 13. per tot. præf. et. à num. 82. & quest. 16. à num. 193. & num. 112.*

13 Ne igitur hoc dicatur, sentiendum est, quod actus salutare etiam prout electivè, & determinativè à libero arbitrio procedunt, esse per prius ex gratia, & liberalitate Dei, imò & per electionem gratiæ, seu liberalitatis Dei, gratuita- que eius voluntatis, quæ gratis, & liberaliter eligit, determinat, donat, efficacique ex propria determinatione, quod voluntas creata virtute gratiæ sufficientis se determinet, velit, eligatque; quia voluntas Dei gratuita, sicut est prima voluntas, & primum volens, est primum eligens, primum determinans, à quo electivè, & determinativè procedit, quod voluntas creata eligat, velit, ac se determinet bene, & ad bonum; inde hoc ipsum se determinare ex gratia est, & consequenter ex prædeterminatione, effectusque prædeterminationis precipuus.

14 Nec in contra obijciatur aliquid momenti. Potissimum enim fundamentum contra-

riorum scum est in eo, quod gratiam Dei aliter intelligunt, ac eam intellexerunt Augustinus, & Div. Thom. Molina enim cum suis intelligunt gratiam ut partialiter concurrentem cum libero arbitrio, modo quodam mortuo, indeterminato, & non libero, sine dominio in liberum arbitrium, sed potius cum subiectione ad ipsum liberum arbitrium, cui vnicè attribunt libertatem, vitalitatem, electionem, & determinationem, ac dominium in actus salutares. E contra vero Augustinus cum alijs Patribus semper intellexerunt gratiam pro liberalitate Dei cum dominio, imò & cum prædominio, & superioritate faciente, quod voluntas creata velit, faciente de nolentibus voluntas, de repugnantibus consentientes; danteque liberaliter voluntati nostræ, non solum, quod si voluerit, operetur, sed etiam quod velit, quod consensiat, quod mereatur; & operante libere pro bona Dei voluntate in nobis, & ipsum velle nostrum, & consequenter, & ipsum nostrum eligere, ac determinare; facienteque, non solum quod, cum volumus, faciamus, sed etiam ut velimus, & quod tantum velimus, quantum sufficit, ut volendo faciamus. Quæ doctrina sæpe usurpata ab Augustino, longe abest ab illo concursu partiali simultaneo, non voluntario, non libero, sine dominio, & sine libertate, purè ex determinatione nostræ voluntatis, seu quia nos volumus. Et hæc est differentia valde notanda inter Molinam cum suis Affectis, & Augustinum; quod nempe ipsi, quoties locuntur de gratia, semper dicunt *concurrat, concurrat cum libero arbitrio, cum voluntate*, veluti duo partialiter operantes, & ex æquo ad idem. At in D. Thom. & Augustino vix hoc verbum *concurrat*, invenitur dictum de gratia, nec de Deo *cum libero arbitrio*, sed semper *ly facit, operatur, dat, ut velimus, & operemur*; à quibus modis loquendi per posse fignunt, qui toti sunt in defendendo concursu solum simultaneo, aut partiali gratiæ cum subordinatione ad nostram determinationem. Cum qui hoc perpendit, agnoscat, quam longè abest à mente Augustini. Idem cernitur in D. Thom. Qui influxum gratiæ ferè nunquàm explicuit per *ly concurrat*, aut *concurrere cum voluntate*, aut *cum anima*, quo frequèntissimè, aut semper utuntur contrarijs; sed semper per *movere liberum arbitrium*, aut *voluntatem*; qui modus operandi movendo longè distat à societate, & partialitate causarum ex æquo simul concurrentium ad idem, quia in his neutra movet alteram, & ideo effectus prout ab una, non est ab alia; e contra autem cum una moveret aliam, quia tunc effectus prout à causa mota, est à movente, quia movens dicitur, eo quod faciat alteram agere; in quo stylus D. Thom. mirè cum stylo Augustini concordat, quia quod Augustinus significat per *facere ut velimus, & faciamus*, D. Thom. explicat brevius per *movere*.

Vel.

Vellem tamen ut contrarij, five in Augustino, si-  
ve in D. Thom. ostenderent loca, in quibus di-  
cant, gratiam, aut Deum concurrere cum, &c.

QUESTIO IX.

AN PECCATUM, SEU PECCATI  
permissio sit in electi effectus pre-  
destinationis?

**D**istinguitur communiter hic Autho-  
res inter permissionem activam,  
vel quasi activam ex parte Dei, & permissionem  
passivam peccati ex parte peccantis se habentem;  
illam primam constituunt omnes, non in vera  
actione, qua Deus verè agit aliquid in homine,  
cui permittit peccare, quia sanè permittere ex  
terminis, nō est agere, nec facere, sed sinere, quod  
alius agit, aut deficiat. Vnde permissio activa,  
aut quasi activa est derelictio illa, qua Deus dicitur  
derelinquere hominem, ut peccet, aut gratia  
efficaci illam non movere ad vitandam pecca-  
tum. Permissio passiva est carentia, aut defectus  
gratiz intrinsecè in ipso peccante, qua peccatum  
vitaretur, si ad esset.

**C**aterum de hoc defectu gratiz effica-  
cis intrinseco peccatori, differui latè *Tractat. de*  
*Provident. quest. 18. à num. 37.* & quæ ibi dixi  
omnino videnda sunt, ne eadem repetamus. Igitur,  
in primis supponendum est, quod dum inquiritur,  
an permissio peccati sit effectus predestinationis,  
non procedit quæstio de permissione ac-  
tiva, seu quasi activa, quæ in volitione permissi-  
va consistit, quia hæc non est effectus, sed veluti  
causa permissionis passivæ; sed solum procedit de  
permissione passiva, quæ in defectu intrinseco  
gratiz efficacis consistit. Ita supponunt commu-  
niter omnes. Quo præmisso, ne in equivoco la-  
boremus.

**D**ico primò: *Nec permissio peccati, nec*  
*peccatum permissum, propriè, & in rigore lo-*  
*quendo, est effectus Dei, & consequenter nec pre-*  
*destinationis.* Probatur faciliè, quia id solum est  
propriè, & in rigore effectus Dei, quod à  
Deo propriè efficitur, aut fit: Sed nec per-  
missio passiva peccati, nec peccatum permissum  
propriè à Deo efficitur, aut fit: Ergo non est pro-  
priè, & in rigore effectus Dei. Maior videtur per  
se nota, & viterius ostenditur, quia nihil est pro-  
priè effectus Dei, nisi in genere causæ efficientis,  
Deus enim nihil ad extra causat, nisi in genere  
causæ efficientis: Sed id solum est propriè effectus  
Dei in genere causæ efficientis, quod fit, aut effi-  
citur propriè ab ipso: Ergo. Deinde probatur  
minor, quia permissio passiva peccati consistit in  
carentia, aut defectu gratiz efficacis: Sed huius-  
modi carentia, aut defectus propriè à Deo non  
fit, nec efficitur, quia est contra rationem caren-

tiz, aut defectus effici, aut fieri propriè: Ergo per-  
missio passiva peccati propriè non fit, nec effici-  
tur. Et idem patet de peccato ipso permissio, tum  
quia si permittitur, propriè non fit, nec efficitur,  
opponuntur enim fieri, & effici, cum eo quod est  
permittit; tum quia peccatum permissum, ex hoc  
ipso quod est permissum, non imputatur Deo ut  
causæ; nec enim imputatur Deo ut causæ efficien-  
ti, quia peccatum, seu mala voluntas, ut talis, iux-  
ta Augustinum, non habet causam efficientem,  
sed deficientem; nec item imputatur Deo ut causæ  
deficienti, quia Deus non est causa deficiens:  
Nullo ergo modo imputatur Deo ut veræ causæ  
illius: Ergo nec propriè est effectus illius.

**N**ec dicas, quod quamvis permissio  
peccati non sit propriè à Deo in genere causæ ef-  
ficientis, est tamen propriè effectus Dei in gene-  
re causæ finalis, quia propriè ordinatur in Deum,  
tanquam in finem. Contra enim est, quia in Deo  
convertuntur ratio primi principij efficientis cū  
ratione ultimi finis, unde cuius Deus non est pro-  
priè primum principium efficiens, illius nec est  
propriè ultimus finis, nec prima causa finalis:  
Sed iam admittis, Deum non esse verè, & pro-  
priè primam causam efficientem permissionis  
peccati: Ergo nec erit prima causa finalis il-  
lius verè, & propriè. Secundò, quia causa finalis,  
seu finis propriè talis non causat, nisi vel mo-  
vendo causam efficientem, vel quatenus effectus  
à causa efficiente fit propter finem: Sed iam  
supponimus permissionem peccati non fieri pro-  
priè à Deo ut causa efficien- ti: Ergo nec propriè  
est ab ipso in genere causæ finalis. Tertiò, quia  
permissio peccati passivè consistit in defectu gra-  
tiz efficacis subordinantis voluntatem Deo ut ul-  
timo fini, seu in defectu motionis divinæ, quæ  
voluptas creata moveatur in ordine ad ultimum  
finem: Sed defectus gratiz ordinantis, & moven-  
tis ad ultimum finem, non potest esse propriè  
propter Deum ut ultimum finem, nec à Deo ut  
ultimo fine procedere: Ergo nec potest esse pro-  
priè effectus Dei ut ultimi finis, aut in genere  
causæ finalis. Ex quo.

**D**ico secundò: *Permissio passiva pec-*  
*cati non est voluta à Deo passiva, sed solum per-*  
*missiva.* Probatur faciliè, quia permissio passiva  
peccati est formalissimè carentia, & defectus gra-  
tiz efficacis, ipsi gratiz efficaci contradietorius:  
Sed carentia, aut defectus contradietorius enti  
positivo, quale est gratia efficax, non potest esse  
positivè voluta à Deo, quia non est quid positi-  
vè bonum, & alijs titulis, quibus suprà *Disputat.*  
*6. quest. 7. à num. 8.* ostendimus, Deum non exer-  
cere suam libertatem erga contradietoria nega-  
tiva, five erga carentias, & defectus, per velle po-  
sitivum, sed per velle permissivum illorum: Er-  
go permissio passiva peccati non est positivè vo-  
luta à Deo, sed solum permissivè. Videtur ibi  
di-



dicitur tota illa questione, quæ superant ad hanc conclusionem ostendendam.

6. Sed dicis: Commune est Theologis dicere, Deum non velle peccatum, velle tamen permissionem peccati, seu permittere peccatum: Sed hæc locutio adversativa verificari nequit, nisi Deus velit positivè ipsam permissionem peccati, quia quantum ad esse volitum permissivè non est differentia inter peccatum, & permissionem, si permissio solùm permissivè est volita, quia etiam peccatum est permissivè volitum: Ergo debet admitti, quod permissio ipsa sit positivè volita. Respondet ex dictis *Tractat. de Provident. quest. 18. à num. 90.* eam Theologorum locutionem debere intelligi, ita ut significet diversum modum volendi, non diversum obiectum volitionis, ita ut idem sit dicere, *Deus vult permittere peccatum, sed non ipsum peccatum*, ac si dicatur *Deus permissivè vult peccatum, sed non positivè vult peccatum*; seu, *Deus voluntariè, & exercitè permittit peccatum, sed non vult signatè ipsum peccatum*, nam licet permissio ponatur tanquam obiectum volitum, non tamen significatur ut ipsa esse obiectum volitum signatè, sed solùm esse modum, sub quo exercitè respicitur peccatum, nempe permissivè: Nec est novum, aut alienum à locutionibus scholasticorū, ponere modos exercitos agendi, aut volendi, quasi signatè actus, & per modum rei, licet tales re ipsa non sint; sicut cum dicimus, quod ly erit repræsentat futuritionem, sed non existentiam, cuius sensus est, quod repræsentat existentiam de futuro, sed non de præsentī ut iam existentem, seu quod repræsentat existentiam exercitè ut futuram, sed non exercitè ut existentem. Et cum dicimus, quod qui peccat vult malum, & non bonum; cuius sensus est, non quod malum sit obiectum volitum ex parte rei, sed quod malè vult, & inordinatè, non vero bonè, & ordinatè, & sic de alijs modis loquendi, quibus sæpè modus exercitus ponitur pro re signatè, quæ quidem loquutiones communiter admittuntur, quia quid eis significetur, communiter intelligitur: Sic ergo, cum dicitur, quod Deus vult permittere peccatum, sed non peccatum ipsum, est dicere, quod Deus voluntariè permittit peccatum, & modo permissivè respicit peccatum, sed non positivè ipsum volendo; & in hoc sensu veta est, & ob inopiam terminorum etiam à nobis sæpè usurpatur, & quia oportet cum pluribus loqui, & non immurare illos communes loquendi inter Scholasticos. Vide ubi *suprà*.

7. Sed dicis secundò: Permissio peccati, non potest dici permissa: Ergo debet dici volita positivè. Probat antecedens, quia peccatum ipsum est, quod dicitur permissum: Ergo ipsa permissio non est permissa. Respondet, quod permissio non est permissa signatè, & ut quod, est ta-

men permissa exercitè, & ut quod, peccatum vero dicitur permissum signatè, & ut quod per ipsam permissionem: sicut creatio passiva non dicitur creata, ut quod, & signatè, bonè vero exercitè, ut quod, & sic in alijs exemplis. Si vero inferas: Ergo permissio passiva ut quod erit positivè volita, quia ut quod non est permissa. Nego suppositum, quia permissio passiva ut talis non significatur ut aliquid signatè à Deo ut quod procedens, sed ut modus, quo aliquid est à Deo, sicut creatio passiva non dicitur propriè creata, quia non significatur ut aliquid signatè ut quod productum, sed ut modus, quo aliquid à Deo producit. Verum tamen.

8. Dico tertio: *Permissio peccati improprie, & ex modo nostro concipiendi negatione, & carentia ad modum entis positivæ, & ex penuria vocum, dici potest effectus Dei, seu à Deo.* Patet, quia cum permissio peccati consistat, ut diximus, in carentia, & defectu gratiæ, & de carentijs vix loqui possimus, nisi per nomina positiva significando illas ad modum entis, inde nascitur, quod de illa permissione loquamur, ac si sit aliquid, & dicimus, quod est: Hoc autem supposito, si queramus, à quo sit, vel unde dicimus, quod est à Deo, quia est Dei permissio, & consequenter illam significamus ut effectum Dei, seu ad modum effectus positivi, cum tamen nihil sit positivum, nec re ipsa effectus, nec re ipsa essens, aut procedens à Deo, sed pura carentia, seu purum non esse gratiæ permissum à Deo, seu à Deo non impeditum, cum posset impediri per gratiam positivam, cuius est carentia, & defectus. Ceterum ille imperfectus modus loquendi de illa per modum essentis à Deo, & per modum effectus Dei, vix vitari potest ex penuria terminorum, ut contingit etiam in alijs carentijs, & ideo admittendus est; dum modo intelligamus quod dicitur, nempe, quod magis propriè est defectus non impeditus à Deo poenente liberè illum impedire, quam effectus re ipsa ab ipso causatus.

9. Sed dicis: Peccatum pro formali etiam est defectus permissus à Deo, seu non impeditus à Deo potente liberè illum impedire: Sed magis propriè est effectus Dei permissio peccati, quam peccatum: Ergo permissio peccati non est præcisè defectus non impeditus à Deo. Respondet, quod peccatum absolute non potest dici effectus Dei, nec à Deo, quia in hac loquutione *peccatum est effectus Dei*, non est particula diminuens, nec alienans, & significaret, peccatum esse absolute effectum Dei, quod nefas est dicere. Atamen cum dicimus, *permissionem peccati esse Dei effectum*, ex ipso terminò *permissionis peccati*, alienatur ly *effectus*, ut significat improprie, seu idem ac si diceretur, *peccatum esse permissum, seu permissum à Deo*, quia re ipsa nihil aliud significat, qui dicit, *permissionem peccati esse Dei effectum*, nisi quod

pre-

peccatum à Deo, & non ab alio permittitur; & ideo cum veritate, licet improprie, dici potest, quod *permissio peccati est à Deo, & effectus Dei*; nullo tamen modo dici potest, quod *peccatum est effectus Dei, seu à Deo*, nisi cum addito, nempe *permissivè*. Vnde in forma, concessa maiori, nego suppositum minoris, quia nec permissio peccati, nec peccatum est proprie effectus Dei, vnde non est locus ad magis, & minus proprie, sed solum ut possit dici improprie; *permissio peccati est à Deo, seu effectus Dei*, quia per ly *permissio*, iam explicatur improprie; non tamen potest dici: *Peccatum est à Deo, seu effectus Dei*, quia per nullum terminum explicatur improprie, quia non explicata, est falsissima ea locutio.

10 Hæc quidem præmissis, quia ex illorum non advertentia, video RR. in hac questione maxime confundi, & equivocari, frustra que aerem verberare. His tamen suppositis, difficultas principalis est, an *peccati permissio sit praedestinationis effectus*? in qua quidem non est iam litigandum de illa voce *effectus*, iam enim supponimus esse valde improprie; sed sensus questionis solum debet esse, an scilicet peccata, quæ Deus permittit electis, ea permittat ex vi praedestinationis, & electionis illorum ad gloriam. Circa quam prima sententia est negativa, quam tenuit Vazquez, Arrubal, & Metacius. Secunda est affirmativa, quam tenent omnes Thomistæ, & ex Iesuitis Suarez, Molina, Granados, & alij. Inter quos tamen est differentia; nam aliqui inquirunt, permissionem peccati esse effectum praedestinationis, & electionis illorum ad gloriam, aut alia virtute, quæ peccatum essentialiter non supponat, & sine peccato consequi possit, semel intenta; non tamen ex præintenta penitentia, quæ sine peccato haberi non potest; nec ut medium ad penitentiam; ita Suarez, cum aliquibus suis familiis; contra Thomistæ vtroque modo asserunt esse effectum penitentiae, nempe ut conducentem ad humilitatem, & etiam ad penitentiam. Pro qua sententia.

PRIMA CONCLUSIO.

11 **D**ico quartò: *Permissio peccati in electis est effectus praedestinationis*, id est, peccata, quæ electis permittuntur, sunt defectus permissi à praedestinatione, seu permittuntur illis ex vi praedestinationis, & ad finem praedestinationis. Probatur primò ex illo Apostoli ad Roman. cap. 8. *Diligentibus Deum omnia cooperantur in bonum*, ubi celebre est illud additum Augustini, *etiam peccata*. Vnde D. Thom. ad ea Apostoli verba, sic subiungit: *Sed nunquid etiam peccata cooperantur in bonum? Quidam dicunt, quod peccatum non continetur sub hoc quod dicit omnia, quia secundum Augustinum*

*peccatum nihil est, & nihil sunt homines cum peccant. Sed contra est, quod in Glossa sequitur: Vtique adde Deum talibus omnia cooperantur in bonum, ut si qui eorum deviant, & exorbitant, etià hoc ipsum eis faciat proficere in bonum. Secundò ex illo Psalm. 29. Avertisti faciem tuam à me, & factus sum conturbatus. Ad quæ verba Augustinus lib. de Natura, & Gratia, cap. 27. ad fin. sic ait: Ideo, qui in voluntate sua præstiterat decori eius virtutem, avertit paululum faciem suam, ut qui hoc dixerat, fieret conturbatus, quoniam ipse est ille tumor sanandus doloribus. Cuius sensus est, quod ei, qui dixerat, præstisti decori meo virtutem, quia forsitan aliquo timore superbiae periclitabatur, avertit Deus faciem suam, id est, subtrahit ab eo gratiam efficacem, permittendo ei culpam, ut sic fieret conturbatus, & dolens, quia dolore peccati sanatur tumor superbiae. Tertiò, ex illo ad Timotheum 1. Quos tradidi Sathana, ut discant non blasphemare, ad quæ verba August. ubi sup. cap. 28. sic ait: Deserit aliquantum Deus unde superbis, ut scias non tuum, sed eius esse, & discas superbus non esse. Et infra: Quid amplius dicam, nisi quod potest credi, quod ignis ignibus extinguuntur, sic credi potest, quod peccatis peccata curantur. Item lib. 14. de Civitate Dei, cap. 13. sic ait: Audeo dicere, superbis esse utile cadere in aliquod apertum, manifestumque peccatum, unde sibi displiceant, qui iam sibi placebunt ceciderant. Salubrius enim Petrus sibi displicuit, quando flevit, quem sibi placevit, quando præsumpsit. Hoc dicit Sacer Psalmus; Imple facies eorum ignominia, & quærent nomen tuum Domine. Item in Enebirid. cap. 100. sic ait de Deo: Bene utens & malis, tanquam summè bonus, ad eorum damnationem, quos in se prædestinavit ad poenam, & ad eorum salutem, quos benigne prædestinavit ad gratiam. Ex de peccato, sic subiungit: Ineffabili modo, non sit prater eius voluntatem, quod etiam contra eas sit voluntatem, quia non fieret, si non fineret; nec utique nolens finit, sed volens, nec fineret bonas fieri malas, nisi omnipotens etiam de malo facere posset bene. Et ideo in Enebirid. cap. 127. ait: Maluit de malis benefacere, quam mala nulla esse permittere.*

12 Quartò ex D. Gregorio lib. 33. Moral. cap. 11. ubi latè ostendit, Deum sæpè permittere prædestinatis peccata manifesta, v. g. luxuriam, ut in eis curet occultam superbiam. Vnde sic subiungit: Ecce, qui de virtute se extollit, per vicium ad humilitatem reddit. Qui vero de acceptis virtutibus extollitur, non gladio, sed (ut ita dixerim) medicamento vulneratur. Quid est enim vitium, nisi medicamentum? Et quid est vitium, nisi vulnus? Quia ergo nos de medicamento vulnus facimus, facit ille (nempe Deus) de vulnere medicamentum; ut qui virtute percutimur, vitio curemur; nos namque virtutum domatores quæ-

mus in usum vitiorum, ille vitiorum illecebras assumit in artem virtutum; ut qui humilitatem currentes fugimus, ei saltem cadentes bareamus.

13 Quinto ex Leone Magno *serm. 9. de Passione* vbi de B. Petro ait: *Ob hoc, sicut apparet, bastare permittitur, ut in Ecclesie Principe remedium penitentiae conderetur.* Item ex Damasceno *lib. 2. Orthodoxæ Fidei, cap. 29.* vbi sic ait: *Permittitur quis quandoque in turpem incidere actum ad emendationem deterioris affectus, v.g. est quis elatus in virtutibus, & operibus suis, & hunc finit Deus in adulterium probati, ut per casum in sue proprie infirmitatis cognitionem veniens, confiteatur Domino.* Mitto aliorum PP. verba referre, quia id ipsum repetunt. Videatur Hieronymus in *cap. 8. Epist. ad Roman.* Ambrosius *serm. 97. de Fide Petri.* Irenæus *lib. 9. Adversus hæreses.* Chrysostomus, *lib. 1. de Provident.* Bernardus in *Psalmi qui habitat, serm. 2.*

14 Ex qua PP. doctrina repetita, sic probatur conclusio: Quod permittitur à Deo electis propter finem salutis, permittitur ex vi prædestinationis, & hoc pacto eius permissio est effectus prædestinationis: Sed quando Deus electis permittit peccatum, permittit illud propter finem salutis eorum: Ergo talis permissio est effectus prædestinationis illorum. Probatur minor, quia quando Deus suis electis permittit peccatum, illud permittit, ut humilietur, ut recognoscant humiliter unde habeant dona Dei, ut curentur à peccato superbiæ, prout restant PP. in locis relatis: Sed hoc totum intendit Deus propter finem salutis illorum: Ergo quando Deus permittit suis electis peccatum, permittit illud propter finem salutis illorum.

15 Respondet P. Vazquez, intentum PP. solum esse explicare eventus, & fructus, quos Deus ex peccato commissio elicit, & dedunt, non vero quod eo fine, & ex intentione talis eventus, aut fructus peccata permittat. Sed contra est manifestè, primò, quia Augustinus expressè ait, quod Deus avertit interdum faciem suam ab electo, ut fiat conturbatus: Ergo ipsum avertere faciem suam, in quo consistit permissio peccati, est eo fine ut electus conturbetur, & doleat, & hoc dolore sanetur tumor superbiæ. Itè expressè ait, quod Deus deserit, unde superbi, id est deserit confertur virtutem, ex qua superbi, ut dicas nò superbi re: Ergo ex fine humilitatis. Et denique expressè ait, quod cum finit aliquem malè agere, non finit invitus, aut nolens, sed volens; nec fineret, nisi quia potest de malo benefacere: Ergo eo fine finit, & permittit ut benefaciat. Secundò: Quia Gregorius expressè ait, quod Deus illecebras viciorum assumit in artem virtutum: Ergo quia ex indolentia permittit vicia, ut augeat virtutes, quod aperte significat, cū ait: *Ut qui humilitatem currentes fugimus, ei cadentes inbareamus.* Tertiò,

quia S. Leo Papa, expressè ait, quod Petrus ob hoc fuit permissus hæsitare, ut penitentiz remedium in eo conderetur, vbi ly ob hoc, & ly ut, causam finalem permissiois passivè significat aperte. Similiter Damascenus, ait, quod permittitur quis incidere in turpem actum ad emendationem deterioris affectus, vbi ly ad emendationem finem permissiois significat. Et item ait, quod Deus finit elatum in adulterium probati, ut peccatum cognoscens confiteatur Domino, vbi ly ut causam finalem significat: Ergo SS. PP. non solum significant eventus, quos Deus ex peccato permissio elicit, sed finem, quem habet in peccati permissione, & ad quem consequendum peccatum permittit.

16 Contra secundò, quia D. Thom. non admittit prædictam explicationem, sic enim ait 1. 2. quæst. 79. artic. 4. *Excecatio est quodam præambulum ad peccatum; peccatum autem ad deum ordinatur; ad unum quidem per se, scilicet ad damnationem; ad aliud autem ex divina misericordia, seu providentia, scilicet ad sanationem, in quantum Deus permittit cadere in peccatum ut peccatum suum agnoscentes humilientur, & convertantur; et subdit hanc misericordiam non omnibus impendi, sed solis prædestinatis:* Ergo iuxta D. Thom. Deus dum electis permittit peccatum, illud ex sua misericordia ordinat ad emendationem, & conversionem, in quantum permittit electum cadere in peccatum, ut illud agnoscentes humilientur, & convertatur: Sed hoc intelligi non potest, nisi Deus permittat peccatum propter finem humilitatis, & conversionis, seu in ordine ad conversionem, & humilitatem ut ad finem permissiois: Ergo.

17 Denique, quia Deus, dum permittit peccatum electis, illud non permittit improvidè, & inordinatè, aut sine fine, liget enim peccatum ex se inordinatum sit, seu quodam inordinatio; Deus tamen, dum illud permittit, non permittit illud improvidè, inordinatè, & sine fine, hoc enim de Deo dici non potest: Ergo permittit ipsum in ordine ad aliquem finem, seu propter aliquem finem, ad quem peccatum conducit: Sed peccatum conducit in electis ad finem prædestinationis, seu ad salutem: Ergo illud Deus permittit in electis propter finem prædestinationis, seu in ordine ad finem prædestinationis. Minor, in qua potest esse difficultas, probanda venit ex Sacro Textu, & SS. Patribus, nam ex Sacro Textu constat, quod electis Dei omnia cooperantur in bonum etiam peccata, iuxta phrasim Augustini, quod Deus avertit faciem suam ab electo, ut fiat conturbatus, & hac conturbatione humilietur; quod aliquos tradit Sathanæ ut discant non blasphemare; & item, ex illo: *Præquam humiliaret ego deliqui, & illud: Bonum mihi, quia humiliati me,* ad quid enim bonum, nisi ad bonum salutis, ut exponit Au-

Augustinus, & Ambrosius. Item ex Glossa, dicente, quod si qui ex electis deviant, & exorbitant, hoc ipsum Deus facit eis proficere in bonum; ite ex Augustino dicente, quod peccata peccatis curantur; siue quod superbis est vile cadere in aliquod apertum, manifestumque peccatum; & quod Deus bene vult malis ad eorum salutem, quos prædestinavit ad gratiam; & quod non fineret fieri mala, nisi posset de malis facere bonum; ac deum ex Gregorio dicente, quod qui de virtute se extollit, per vitium ad humilitatem redit; & quod Deus facit de vulneribus peccati medicamentum, ut qui de virtute percutiuntur, vitio careant, &c. Ergo peccatum in electis conducit ex Dei providentia, & misericordia ad illorum salutem.

18 Confirmatur, quia huiusmodi conductio non est Deo improvisa, aut casualis: Ergo provisa, seu prævisa ante peccati permissionem: Ergo dum Deus peccatum electis permittit, illud permittit, ut conducat ad talem finem, & propter talem finem intentum: Sed eo ipso Deus permittit peccatum propter finem prædestinationis, & in ordine ad talem finem: Ergo ex intentione talis finis, seu ex vi prædestinationis. Confirmatur secundo, quia Deus potest permittere peccatum propter alios fines, v. g. ad ostendendam divitiarum gratiam, aut gloriam in electis, iuxta illud ad Roman. 9. *Substituit in multa patientia vasa iræ apta in interitum, ut ostenderet divitiarum gloriam suam*: Sed eo ipso nulla est ratio, cur illud permittere non possit ex fine salutis in prædestinato, seu ex intentione ipsum perducendi ad vitam æternam: Ergo ex hoc fine, & intentione potest illud permittere: Sed aliunde quod sic de facto illud permittat maxime conducit ad ostensionem misericordie Dei, & dilectionis erga suos electos: Ergo sic illud de facto permittit.

19 Respondent contrarij, permissionem peccati posse esse propter alios fines, ad quos per se, & immediate conducit ratione sui, quia ad hoc satis est, quod ipsa permissio ametur à Deo ut conducat ad illos fines, quin propterea opus sit Deum amare, aut velle peccatum; ad finem autem prædestinationis non conducit permissio peccati immediate, aut ratione sui, sed solum medio peccato, & ratione peccati, ideoque amari non posse à Deo permissionem peccati ut conducentem ad finem prædestinationis, nisi Deus amet peccatum, quod aperte repugnat.

20 Contra hanc solutionem Illust. Godoy, M. Gonet, & cõmuniter RR. citi sunt in probando, Deum posse amare, & velle permissionem peccati propter finem prædestinationis, quin propterea amet, aut velit peccatum. Vnde, iam dicunt, & repetunt, quod permissio peccati potest amari, & de facto amatur à Deo; iam quod potest preparari, & de facto preparatur à Deo ex fine prædestinationis; iam quod Deus vult, & amat, & præparat permissionem peccati ex intentione salutis, quin

amet, aut præparet, aut velit peccatum, & in hoc probando totam vim faciunt. Sed conatus iste, & frustraneus, & non pro veritate est. Non quidem pro veritate, quia hoc PP. nunquam dixerunt, & quia ut iam ostendimus, falsum est, quod permissio peccati sit propriè volita, & amata à Deo. Frustraneus, quia nec hoc requiritur, ut peccatum permitti dicatur propter finem prædestinationis; quod tantum est scopus præsentis quæstionis, & SS. Patrum in textibus relatis. De quo amplius infra dicemus. Vnde melius,

21 Contra solutionem datam sic arguo, primo: Permissio peccati non potest ad vllum finem conducere, nisi ratione peccati: Ergo falsa est disparitas assignata in solutione. Probatur antea: dicens, quia productio passiva effectus ad nihil potest conducere, nisi ratione effectus producti: Ergo permissio passiva defectus ad nihil potest conducere, nisi ratione defectus permissi. Consequentia patet, quia sic se habet permissio passiva defectus erga defectum permissum, sicut productio passiva effectus erga effectum productum: Ergo sicut productio passiva effectus ad nihil conducit, nisi ratione effectus producti, ita permissio passiva defectus ad nihil conducit, nisi ratione defectus permissi: sed defectus permissus est peccatum: Ergo permissio peccati ad nihil omnino conducit, nisi ratione peccati: Sed hoc non obstante potest peccatum permitti ob aliquos fines: Ergo pariter ob finem prædestinationis, quamvis permissio ad ipsum non conducatur, nisi ratione peccati. Confirmatur, quia si ad aliquem finem conduceret ratione sui, & non ratione peccati, maxime ad ostendendam Dei gratiam, & liberalitatem in conferenda gratia efficaci quibus velit; nam ob hunc finem ait Apostolus, quod substituit id est, permittit vasa iræ apta in interitum, ut nempe ostenderet divitiarum gratiam suam in vasa misericordie: Sed ad hunc finem non conducit, nisi medio peccato, & ratione peccati: Ergo. Probatur minor, quia ad hunc finem non conducit, nisi ut cognita, & manifesta: Sed non est cognita, nec manifesta permissio peccati, nisi ratione peccati permissi, sicut nec cognoscitur productio passiva alicuius effectus à Deo, nisi ratione talis effectus: Ergo non conducit ad manifestandam Dei liberalitatem, & gratiam, nisi ratione peccati.

22 Respondet P. Vazquez, quod in hac vita non cognoscitur permissio peccati, nisi ratione peccati. Ceterum in Patria cognosci potest à beatis ratione sui, & non ratione peccati, & sic ratione sui conducere ad ostendendam in Patria beatis liberalitatem divinam. Sed contra est manifestè, quia Deus, dum substituit vasa iræ apta in interitum, non solum ea permittit ut ostendat beatis in Patria suam liberalitatem præteritam erga ipsos, aut erga viatores; sed etiam ad eam manifestandam in via viatoribus; quod aperte patet ex PP. exponendis illud Pauli textum; mirum enim esset, quod Deus differret in Patria ostensionem suæ gratiæ, & libe-

ralitatis erga electos, aut dilectos intetam ex permissione, aut ex patientia, qua sublinet malos in sua pervertitate vivere; & nullum fructu intenderet erga viatores ex illa patientia, & permissione: Ergo ruit solutio, quæ hoc supponit. Secundò, quia Apostolus aperte ait, quod *substinuit Deus vasa iræ apta in interitum, ut ostenderet divitias, &c.* Sed vasa iræ nō sunt vasa iræ ratione solius permissionis, sed ratione peccatorū: Ergo nō loquitur de conducentia permissionis ratione sui, sed ratione peccatorū. Tertiò, quia nec in Patria cognoscitur à beatis permissio passiva peccati, nisi ratione peccati; tum quia ut alibi ostendimus indistincta est ab ipso peccato ut permissio; tum quia in sententia P. Vazquez, promissio passiva peccati consistere debet in defectu gratiæ cōgruæ, seu efficacis, non quantum ad sufficientiam, quia sic nulli peccatorū deficit ad vitandum peccatum, sed quantum ad efficaciam: Sed defectus gratiæ quod efficaciam, hoc est inefficacia gratiæ sufficientis, iuxta Vazquium, & Iesuitas, nec ab ipso Deo cognoscitur, nisi ex ipso peccato, aut dissensu voluntatis, & ratione illius: Ergo nec à beatis cognosci potest inefficacia gratiæ, aut defectus efficacis, in quo permissio formaliter consistit, nisi ex ipso peccato, aut dissensu permissio: Ergo nec manifesta est beatis permissio peccati, nisi ratione peccati permissi: Ergo non conducit ad manifestandam Dei liberalitatem, nisi ratione peccati permissi.

23 Secundò sic impugno solutionem datam, quia ut permissio peccati sit effectus prædestinationis modo à nobis explicato, non requiritur, quod ipsa permissio propriè sit amata, aut volita à Deo: Ergo ex quo nō posset ipsa amari, nisi amato peccato, nihil contra nos probatur. Antecedens patet, quia nos non intendimus, quod permissio peccati propriè sit effectus prædestinationis, sed solum quod sit impropriè effectus, hoc est defectus gratiæ ex prædestinatione permissus; nec quod iste defectus sit propriè procedens, volitus, amatus, aut causatus ex prædestinatione, sed solum quod sit ex illa permissus, aut permissivè volitus ex fine prædestinationis, seu in ordine ad ipsum finem prædestinationis: Sed ad hoc non requiritur, quod sit propriè volitus, nec amatus: Ergo ex quo permissio non sit volita, nec amata, nihil probatur contra nostram sententiam.

#### *SOLVUNTUR OBIECTA CONTRA præcedentem conclusionem.*

24 **O**bjiciunt primo, quia omnis effectus prædestinationis debet esse gratia, imò & gratia per Christum: Sed permissio peccati non est gratia, sed defectus gratiæ, nec potest esse vlla ratione per Christum, quia Christus non est mortuus ut prædestinatis permittatur peccatum, nec ut illis negetur gratia: Ergo nec est effectus prædestinationis. Confirmatur Christus Dominus:

petivit à Patre omnes effectus nostræ prædestinationis, quia omnes illos meruit, & petivit omne quod meruit efficaciter: Sed non petivit, quod nobis permittetur peccatum, nec quod nobis negaretur gratia efficaciter: Ergo permissio peccati, aut defectus gratiæ efficacis non est effectus prædestinationis. Probatum minor, quia si Christus hoc postulasset, nos etiā id ipsum postulare possemus, quia possumus conformare orationem nostram, cum oratione Christi D. Sed nos postulare non possumus, quod nobis Deus permittat peccatum, aut quod neget nobis gratiam efficacem: Ergo nec Christus D.

25 Respondeo, ommissis varijs solutionibus, distinguendo maiorem: Omnis effectus positivus, seu propriè effectus prædestinationis, debet esse gratia, transeat: Omnis effectus negativus, aut impropriè talis sumptus pro defectu permissio, subdistinguo: Debet esse gratia in se, aut ratione sui, nego: Debet esse gratia quod ordinetur ad finem prædestinationis, aut ex parte ordinis, concedo maiorem, & distinguo minorem: Permissio peccati non est gratia, sed defectus gratiæ in se, & intrinsecè, concedo: Ut ordinatus ad vitam, & salutem, & ex parte talis ordinis, nego minorem; & distinguo consequens: Ergo non est effectus prædestinationis positivè, & propriè talis, concedo: Effectus permissivè, & impropriè talis, nego consequentiam; quia ut hoc modo sit effectus, non requiritur, quod in se sit gratia, sed potius requiritur, quod sit defectus gratiæ permissus liberè à Deo ex fine prædestinationis; & gratuito, seu per gratiā Christi ordinatus ad finem prædestinationis. Nec ad hoc opus est, quod Christus dicatur mortuus, ut prædestinatis permittatur peccatum, sed satis est, quod sit mortuus ut peccatum, alijs permittendū, permittatur in ordine ad finem prædestinationis, seu ut ordinetur ad salutem, & vitam æternam prædestinati.

26 Ad confirmationem, distinguo maiorem: Petivit à Patre omnes effectus nostræ prædestinationis propriè, & positivè tales, concedo: Omnes effectus impropriè, seu permissivè tales, quales sunt defectus permissi, subdistinguo: Petivit illos permissivè, transeat: Propriè, & positivè, iterum, subdistinguo: Quantum ad ordinem illorum ad finem, concedo: Ipsos in se ipsos, nego maiorem; & distinguo minorem: Christus non petivit, quod nobis permittetur peccatum, aut negaretur gratia efficax, impropriè, & permissivè, sinendo, & nō postulando gratiam efficacem, nego: Propriè, & positivè, subdistinguo: Quantum ad ipsam permissionem, & negationem gratiæ, concedo: Quantum ad ordinationem illius ad finem salutis, nego minorem; & distinguo consequens: Ergo permissio peccati non est effectus prædestinationis, sumpto propriè effectu, concedo: Impropriè, & permissivè, pro defectu ex prædestinatione permissio, nego consequentiam. Quæ distinctiones satis per se notæ sunt. Ad probationem minoris iā constat, nec Christu

num posse proprie, & positivè petere nobis permissionem peccati, sed ad summum permissivè, solùmque petere positivè ordinationem illius ad vitam æternam, seu salutem; ex quo ad summum sequitur, quod nos possumus etiam à Deo petere, quod peccata, si quæ nobis permiserit, ordinet ad salutem nostram; non vero quod nobis permittat peccata, quia nos possumus, & debemus conformare voluntatem nostram, & orationem cum voluntate positiva Dei, & oratione Christi, volendo quod vult Deus, & postulando quod petit Christus; sed non cum voluntate permissiva Dei, aut cum oratione permissiva Christi, volendo, aut petendo, quod ipse permittit, sed ad summum per modum resignationis substituendo, quod ipse permittit, & permissionem eius passivam, & orando ut effectum permissum faciat cedere in profectum nostrum.

27. Censeo ergo contra Illustr. Godoy, permissionem passivam peccati, nec à Christo, nec à nobis posse proprie postulari, nec absolute, nec conditionatè, nec absolute, quia Christus postulans absolute, & positivè permissionem peccati, postulare peccatum; nec conditionatè à nobis, sub conditione nempe, si à Deo iudicetur idonea ad nostram humilitatem, aut perseverantiam; quia adhuc finem non conducit per se, & intrinsecè, sed extrinsecè, ex misericordia Dei; nec Deus illam positivè vult ad hunc finem, sed solum illam permittit, non impetrando gratiam efficacem, vt mox dicemus. Vnde, quod Deus illam ex sua misericordia conducentem iudicat ad humilitatem, & perseverantiam, non est satis vt illam nos, adhuc sub hac conditione, petamus; alias enim sub eadem conditione petere possemus à Deo peccatum; quod etiam ex divina misericordia ad talem finem Deus iudicat conducentem: Solum ergo possumus sub conditione per resignationem conformari cum divina permissione substituendo patienter defectum, & malum vt nobis permissum, sub conditione, quod illud nobis permiserit, & petendo, quod Deus faciat illud cedere in bonum nostrum, & id nos praestando per dolorem, & penitentiam de tali malo, & per humilitatem, aut humilem confessionem.

28. Secundo obijciunt: Permissio peccati non potest conducere ad finem praedestinationis: Ergo nullo modo potest esse effectus praedestinationis. Probatum antecedit: Quia nullo modo conducere potest ad ostensionem divinæ bonitatis, & gratiæ: Sed finis praedestinationis ordinatur ad ostensionem divinæ bonitatis, & gratiæ: Ergo nec conducere potest ad finem praedestinationis. Probatum maior ex D. Thom. 1. part. quaest. 104. artic. 4. ad fin. corpor. ubi sic ait: *Redigere etiam nihilquid in nihilum non pertinet ad gratiam manifestationem, cum magis per hoc divina potentia,*

*& bonitas manifestetur, quod res conservat in esse; unde simpliciter dicendum est, quod nihil omnino nihilum redigetur.* Ex quibus verbis sic arguitur: Quia annihilatio non est verè actio, sed cessatio ab actione conservativa, ait Div. Thom. quod non conducit ad divinæ gratiæ, & bonitatis manifestationem: Sed permissio peccati non est actio, sed carentia actionis conservativæ, aut collativæ gratiæ efficacis: Ergo non potest conducere ad gratiæ manifestationem. Secundò: Quia bonitas, & potentia magis manifestantur per conservationem rerum, quam per annihilationem, insert Div. Thom. annihilationem non conducere ad gratiæ manifestationem: Sed etiam potentia, & bonitas Dei magis manifestatur per gratiæ efficacis collationem, quam per negationem illius: Ergo negatio gratiæ non conducit ad gratiæ manifestationem. Confirmatur: Permissio peccati per se conducit ad damnationem; Ergo non potest conducere ad finem praedestinationis. Patet consequentia, quia nihil potest conducere ad fines oppositos.

29. Respondeo, distinguendo antecedens: Permissio peccati nō potest conducere ad finem praedestinationis per se, concedo: Per divinam misericordiam, nego antecedit. Ad cuius probationem ex D. Thom. in primis dico, quod ex illa oppositum probatur, nam D. Thom. ex quo annihilatio non pertinet ad gratiæ manifestationem, insert, *quod nihil omnino in nihilum redigetur.* Ergo si permissio peccati non pertineret, nec conducirer ad gratiæ manifestationem, pariter nullum peccatum permitteretur: Sed peccata permittuntur, quamvis res non annihilentur: Ergo quia peccati permissio conducit ad gratiæ manifestationem, licet ad illam non conducatur annihilatio. Deinde respondeo, concesso textu, ad argumentum inde firmatum, distinguendo causalem: Quia annihilatio non est actio, nec pro materiali, nec pro formali, sed cessatio totalis ab actione conservativa, ait D. Tho. quod non conducit ad gratiæ manifestationem, concedo: Quia non est actio præcisè pro formali, nego causalem; & distinguo minorem eodē modo; quia in hoc differant annihilatio, & permissio peccati, quod annihilatio est totalis cessatio ab actione tam pro formali, quam pro materiali, quia cessat etiam a conservatione subiecti, & nec relinquit subiectum, in quo bonitas, aut potentia Dei manifestetur; atram permissio peccati solum est cessatio ab actione pro formali gratiæ conferendæ, aut conservandæ, permanente actione conservativa subiecti, in quo potentia Dei, & bonitas manifestetur; atque idcō rectè iudicavit D. Tho. annihilationem non conducere ad gratiæ manifestationem, quin inde inferatur idem de permissione peccati, quia nō est totalis cessatio ab actione, sed solum substractio gratiæ, aut motionis gratiæ ad

rectitudinem actus, cum motione generali ad entitatem actus peccati, & cum conservatione subiecti, quam permissio pro materiali importat.

30 Ad secundam, concessa maiori, distinguo minorem: Gratia, & bonitas magis manifestatur per gratiæ collationem aliquibus, quam per solam negationem, nulli eam dando concedo; magis manifestatur per collationem gratiæ omnibus, quam per negationem aliquibus, nego minorem; quia gratia manifestatur quidem, dum aliquibus conferitur, & alijs negatur, in hoc enim manifestatur, quod est gratia, & non plene manifestaretur, si solum omnibus conferretur, & nulli negaretur; conservatio autem, cum propriè gratia non sit, nec opus gratiæ, sed potentiz, & bonitatis, non pertinet ad gratiæ manifestationem, sed per illam plene manifestatur potentia Dei, & bonitas, licet res semel creata nunquam anihiletur, quia potentia manifestatur conservando, aut producendo res, non vero cessando à conservatione totaliter, ita ut nec subiectum maneat, in quo manifestetur. Et hæc est mens D. Thom. Aliud enim est potentia, & bonitas, aliud gratia; gratia enim manifestatur quod sit gratia, in eo quod aliquibus sine iniuria negatur, & in eo, quod semel data, subtrahitur; at potentia, & bonitas manifestatur in eo, quod res de nihilo ad esse producit, & in esse conservat, sed non in eo, quod eas semel productas ad nihilum redigat, non relinquendo, nec subiectum, in quo manifestetur. Et ideo Deus interdu gratiam negat ad ipsius gratiæ manifestationem in ipsis, quibus negat, collatis cum alijs quibus eam concedit; sed nunquam res ad nihilum redigit, ad manifestationem suæ potentiz, & bonitatis, quia hoc potius impediret potentiz manifestationem, utpote non relinquendo, nec subiectum, in quo manifestaretur; & aliàs ad gratiæ manifestationem non pertinet.

31 Ad confirmationem, dico, quod negatio gratiæ, seu permissio passiva peccati per se conducit ad damnationem, sed per Dei misericordiam fit ut conducatur etiam ad salutem, & vitam æternam, quæ est finis prædestinationis, ut vidimus supra ex D. Thom. dicente, quod peccatum permissum ordinatur ex divina misericordia ad sanationem.

32 Tertiò obijciatur: Non est prudentis provisoris permittere maius malum ex intentione minoris boni: Sed peccatum, præsertim lethale, est maius malum, quam sit bona beatitudo: Ergo Deus citulo prudentis provisoris non potest permittere peccatum, præsertim lethale, ex intentione beatitudinis conferendæ. Minor patet, quia peccatum lethale est simpliciter infinitum in ratione offensæ, & infinite odibile, quodammodo, quæ infinite malum; beatitudo autem nullo pacto est infinite bona, nec infinite amabilis.

33 Hoc argumentum fusè ab aliquibus

extenditur, & ponderatur. Ab alijs autem diversimodè solvitur, quorū solutionibus omisissis. Respondet, distinguendo maiorem: Non est prudentis provisoris permittere maius malum ex intentione minoris boni, si sit maius malum respectu illius, cui bonū intenditur, concedo: Si si solum sit maius malum respectu intenditis, subdistinguo: Quando intendens providet, aut vult sibi bonum, concedo: Quando inrendens, nec providet, nec vult sibi bonum, sed vnicè alijs, nego maiorem; & distinguo minorem: Peccatum lethale est maius malum respectu Dei, quam beatitudo sit bonum, concedo: Respectu prædestinati, cui peccatum ad tempus permittitur, nego minorem, & consequentiā, quia Deus, utpote suum bonum, nullo bono extrinseco egens, in amore, & providentia sua ad extra, nihil providet, aut amat sibi ut sibi commodum, aut utile, sed vnicè providet suis creaturis, præsertim prædestinatis, ad quorum utilitatem, & commoditatem omnia ordinat, ita ut finis cui talis amoris, & providentiæ sola sit creatura rationalis, non autem ipse Deus. Et hoc, ut tacite replicare occurrat, adeò vetum est, ut adhuc quando intendit offensionem, manifestationemque suorum attributorum, seu gloriam extrinsecam in ea consistentem, non eam sibi, ut fini utilitatis, aut commoditatis, sed solis creaturis rationalibus illam velit; licet ipse semper sit finis cuius gratiæ, ut explicavimus *Tract. de Charitat. quest. 2. a. 3. nam. 38.* Quo supposito, ut prudenter provideat ipsis creaturis rationalibus, satis est, quod non permittat maius malum, quod sit illis maius malum, ex intentione minoris boni respectu ipsarum; peccatum autem lethale, licet sit maius malum in ratione offensæ, & iniuriæ respectu Dei, quam sit bona beatitudo, tamen respectu prædestinati, aut creature rationalis, respectu cuius solum consideratur in ratione malitæ, non est maius malum; quia malitia peccati ad tempus permissa non est infinita, nec tam mala, quam bona est vita æterna; unde Deus prudenter procurans, & providens bonum creaturæ rationali, bene, & prudenter post permittit illi peccatum lethale, ut malum illi, ex intentione beatitudinis, & vitæ æternæ illi conferendæ.

34 Nec obest, quod peccatum illud aliàs sit offensæ, & iniuriæ Dei moraliter infinita in ratione talis; quia in hoc maxime ostenditur Dei amor, & bonitatis magnitudo, quod offensam sui moraliter infinitam permittit, propter bonum creature rationalis augendum, & promovendum, quia cum ipse sit summum bonum, nullo bono egens, de sui bono conservando, nec augendo, non curat, nec providet, sed solum de creaturæ suæ rationalis bono promovendo; nec mirum, quia offensæ illa, & iniuria, quantumvis moraliter infinita, Deo revera nullū verum detrimentū avertit, nec minus bonum ipsum reddit, sed

solum affectivè ex parte peccatoris Deum offendit, ita ut præbeat prudentibus fundamentum, ut peccatum illud existimant, tam malum, & iniuriosum Deo, ac si re ipsa detrimentum Deo intulisset, quia si non inferret detrimentum, est ob in capacitate Dei, non ex voluntate iniuriantis, quæ quantum in se est, Deo detrimentum auferret, si Deus detrimenti capax esset, prout suo loco explicabimus. Et quidem huic argumento nemo non respondere tenetur, quia nemo potest negare Deum providè, & prudenter peccata læthalia permittere. Assignent autem maius bonum, id est, infinitum simpliciter, propter quem assequendum, Deus officium sui moraliter infinitam permittat? Nam sanè tale bonum inassignabile est, cum ipsa gloria extrinseca Dei, quo nihil maius desiderari potest, finita sit, finitque bona. Nemo igitur est, qui huic argumento respondere non teneatur.

35. Obijcit quartò: Eo dicimus permissionem peccati esse effectum prædestinationis, quia conducit ad finem prædestinationis: Sed hoc nihil probat, quia peccatum potius est, quod conducit, ut materia poenitentiz, & occasio humilitatis, & tamen non est effectus prædestinationis: Ergo.

36. Huic argumento respondet Illustrif. Godoy, non ideo præcisè permissionem peccati esse effectum prædestinationis, quia conducit ad finem prædestinationis, sed quia potest esse effectus volutus à Deo: peccatum vero nequit esse effectus omnipotentiz, nec obiectum volitum à Deo, & ideo est ratio disparitatis. Ecce in quo manifestè fallitur, & cum eo ceteri RR. nam ut iam supra ostendimus, permissio peccati minime est effectus Dei propriè loquendo, sed verè, & re ipsa est defectus gratiz, seu motionis gratiz Dei, minusque est propriè volutus à Deo, ut etiam supra ostendimus, & amplius probari potest, quia implicat Deum velle, & causare defectum gratiz efficacis, seu motionis efficacis in voluntate, quin eodem modo velit, & causare defectum rectitudinis debitz in actu voluntatis: Sed Deus velle non potest, nec causare propriè defectum rectitudinis debitz in actu voluntatis, alias veler, & causaret propriè formalem militum peccati, que in illo defectu consistit: Ergo. Probarur maior, quia qui causat, & vult propriè defectum aliquem, ex quo à priori sequitur per se alius defectus, propriè & per se vult, & causat alium defectum consequentem: Sed ex defectu motionis gratiz voluntatis ad rectè agendum, sequitur à priori, & per se defectus rectitudinis in actu, vel in agere voluntatis: Ergo qui propriè vult, & causat defectum gratiz motionis in voluntate ad rectè agendum, propriè, & per se causat defectum rectitudinis in actu, vel in agere voluntatis. Maior videtur evidens, nā qui causat propriè effectum aliquem in subiecto,

ex quo per se sequitur alius effectus in subiecto, per se causat effectum secutum: Ergo pariter, qui per se causat, & vult defectum aliquem in subiecto, ex quo per se, & à priori sequitur alius defectus, per se vult, & causat defectum sequentem. Minor vero non minus patet, quia ubi affirmatio est causa affirmationis, negatio est causa negationis: Sed motio gratiz efficacis ad rectè agendum infert à priori, & per se rectitudinem in actu voluntatis: Ergo defectus illius motionis infert à priori, & per se defectum rectitudinis in voluntate. Explicatur: Quia defectus motionis gratiz in voluntate ad rectè volendum rectitudine debita, infert essentialiter defectum rectitudinis debitz in actu volendi: Sed non illam infert à posteriori, cum defectus rectitudinis non sit causa cur deficiat motio ad rectitudinem, aut gratia efficax in sententia, quam impugnamus, sed potius defectus gratiz, & motionis ponitur per se causatus, & volutus à Deo pro priori ad defectum rectitudinis: Ergo defectus gratiz motionis infert per se, & à priori defectum rectitudinis in actu. Ugitur: Ponamus enim voluntatem obligari ad actum charitatis, talique obligatione vrgere, Deum permittere omissionem actus charitatis, sanè hæc permissio consistit in carentia, & defectu gratiz efficacis ad actum charitatis: Rogo ergo, Deus vult ne, & causat propriè, & positivè talem carentiam, & defectum gratiz, vel solum illam vult, & causat permissivè? Si primum: Ergo propriè, & per se causat omissionem actus charitatis, seu peccatum omissionis. Patet consequentia, quia ex defectu gratiz, seu motionis efficacis ad actum charitatis per se, & à priori sequitur defectus, seu omisio actus charitatis in voluntate: Ergo si Deus propriè, & positivè causat defectum motionis efficacis, propriè, & positivè causabit omissionem ex illo per se secutam. Si secundum: Ergo carentia, & defectus gratiz efficacis, & consequenter permissio passiva peccati in eo defectu consistens, non est positivè, nec propriè volita, nec causata à Deo, sed tantum ab eo permessa, aut permissivè volita: sed hoc iam modo peccatum potest dici à Deo causatum, aut volitum, nempe permissivè, aut permissum, per ipsam permissivam passivam: Ergo in hoc re ipsa non est differentia inter permissionem passivam, & peccatum permissum. Vide supra à num. 3. & tractat. de Provident. quæst. 18. à num. 42.

37. Aliter ergo, & faciliè respondeo, distinguendo causalem maiorem: Ideo dicimus permissionem esse propriè effectum prædestinationis, nego suppositum, quia hæc non dicimus: Ideo dicimus permissionem esse improprie, id est, permissivè effectum prædestinationis, sumpto effectum, pro defectu permissio, quæ conducit ad finem prædestinationis, concedo maiorem, & nego consequentiam; quia etiam peccatum hoc modo, nempe,



nempè vt defectus permiffus est permiffivè effectus prædeterminationis, cum fola differentia, quod permiffio est permiffa vt quæ, peccatum vero permiffum vt quod. Vide fuprà.

**DIFFICILE ARGUMENTVM,**  
*Et folutiones impugnatae.*

38 **D**Enique obijciat: Si permiffio peccati effer ex fine prædeterminationis, maxime ex præintenta pœnitentia: Sed ex præintenta pœnitentia, Deus non potest permittere peccatum: Ergo nec ex fine prædeterminationis. Probatur minor, quia Deus non potest velle permiffionem peccati ex præintenta pœnitentia: Ergo nec illud permittere ex præintenta pœnitentia. Probatur antecedens, quia Deus nequit velle permiffionem peccati ex præintenta pœnitentia, nifi volendo peccatum: Sed Deus nequit velle peccatum ex præintenta pœnitentia: Ergo nec permiffionem peccati. Probatur maior, quia nequit Deus velle permiffionem peccati ex præintenta pœnitentia, nifi velit permiffionem vt conducentem ad pœnitentiam: Sed nequit velle permiffionem peccati, vt conducentem ad pœnitentiam, nifi volendo peccatum: Ergo. Probatur minor, quia nequit velle permiffionem vt conducentem, nifi velit illud, ratione cuius conducit ad pœnitentiam: Sed permiffio non conducit per fe, & quatenus permiffio ad pœnitentiam, fed folum ratione peccati, quia pœnitentia non est de permiffione, fed de peccato: Ergo nequit velle permiffionem peccati vt conducentem ad pœnitentiam, nifi volendo peccatum.

39 Respondet Illuftr. Godoy, quod permiffio peccati non conducit ad pœnitentiam vt materia pœnitentia, tanquam id, de quo fit pœnitentia, fed vt præambula ad materiam pœnitentia, nempe ad peccatum; & quia ex fe, & ratione fui eft præambula ad peccatum, ex fe, & ratione fui conducit ad pœnitentiam, & fic amatur à Deo ratione fui, quin ametur peccatum. Secundò alij respondent, quod permiffionem peccati Deus vult, & amat vt vtile, & conducentem ad pœnitentiam, & vt reduPLICANTE conditionem, vt ametur, non rationem cur, aut propter quam ametur, feu amatum, quia, inquit, conducentia, & utilitas permiffionis, ratione peccati, ad pœnitentiam eft quidem conditio, vt ametur, fed fine qua non amaretur propter pœnitentiam, fed non eft ratio amata, aut propter quam ametur, vnde opus non eft, quod ametur peccatum. Tertio alij diftingunt de utilitate intrinfeca permiffionis immediata ad peccatum, & mediata, ac remota, feu mediata peccato ad pœnitentiam; & de utilitate proxima ad pœnitentiam, quæ in peccato confiftit: Dicunt ergo permiffionem amari vt intrinfecè, & proximè vtilem ad peccatum, & vt intrin-

fecè vtilem remotè ad pœnitentiam, fed non vt extrinfecè vtilem proximè ad pœnitentiam, quia hæc fecunda utilitas in peccato confiftit, non prima, & ideo prima amabilis eft, non fecunda.

40 Sed omnes ifte folutiones difficultatem ingerunt, & argunt argumento, potius, quam illud folvant, vt cuilibet eas ingenue evolventi, & legenti in RR. manifellum erit. Contra primam enim facit, quod licet permiffio ratione fui fit præambula ad peccatum, & vt talis amatur, rogo, cur amatur præambulum ad peccatum ex fine pœnitentia, nifi quia tale præambulum conducit ad pœnitentiam? Vel ergo, quia conducit immediatè, & ratione fui ad pœnitentiam? Et hoc eft falſum, quia non conducit immediatè ad pœnitentiam, fed mediatè peccato, ad quod eft præambulum; nifi enim ad permiffionem vt præambulum fequeretur peccatum, permiffio minime conduceret, vt per fe patet. Vel quia conducit mediante peccato? Quod fi dicatur, fic arguo: Per te amatur, quia conducit mediante peccato: Sed conducere mediante peccato ad pœnitentiam eft conducere immediatè ad peccatum conducentem ad pœnitentiam: Ergo amatur, quia conducit immediatè ad peccatum, quod immediatè conducit ad pœnitentiam: Sed implicat amari permiffionem, quia immediatè conducit ad peccatum conducentem ad pœnitentiam, nifi ex amore peccati vt conducentis ad pœnitentiam: Ergo. Probatur hæc minor, quia implicat amari medium, quia immediatè vtile ad aliquid, nifi amando magis illud aliquid, quia propter quod vnumquodque tale, & illud magis: Ergo implicat amari permiffionem, quia immediatè conducit, aut eft vtilis ad peccatum vtile ad pœnitentiam, nifi amando per prius, & magis peccatum vt vtile ad pœnitentiam, & confequenter nifi ex amore peccati vt vtilis ad pœnitentiam. Et quidem, quid amatur in permiffione ex fine pœnitentia, nifi utilitas ad pœnitentiam? Et rursus, quæ eft alia utilitas ad pœnitentiam in permiffione peccati, nifi utilitas vt fequatur peccatum? Ergo fi amatur permiffio ex fine pœnitentia, non amatur in ea, nifi utilitas ad peccatum: Sed implicat amari in permiffione utilitas ad peccatum, & nihil amplius in ea amari, nifi amatur, quia vtilis ad peccatum, & confequenter amando per prius ipſum peccatum; nam fanè qui amat præambulum ad peccatum, non ob aliud proximè, & immediatè, nifi quia vtile; & conducentem ad ipſum peccatum, minime cenſetur purè permiffivè fe habere erga peccatum, fed velle, & amare per prius ipſum peccatum, quam tale præambulum.

41 Deinde contra fecundam folutionem, non minus vrgetur, quia nullus dixit, nifi vi huius argumenti præfius, quod utilitas in medio electo ad finem, fit purè conditio, & non ratio formalis agnandi illud ex præintento fineterejæ redde ratio.

tionem formalem motivam, cur ex præintenta pœnitentia, & in ordine ad illam amatur permisso: sio vtilis, & conduens ad illam? Sanè non aliam: rationem redest, nisi quia est vtilis ad illam: Ergo vtilitas est ratio formalis. Quod si dicas, amari, non quia vtilem, sed quia conditionem necessariam, rogabo, cur permissio est condicio necessaria ad pœnitentiam, nisi quia est necessaria ad peccatum necessarium ad pœnitentiam? sed non potest amari, quia necessaria ad peccatum necessarium, nisi ametur propter peccatum necessarium, & consequenter nisi ametur magis peccatum vt necessarium ad pœnitentiam: Ergo. Præterquam, quod si ametur permissio, quia necessaria, amatur in ea, quod sit necessaria ad pœnitentiam, & cum non sit necessaria ad pœnitentiam, nisi quia peccatum est necessarium, & est necessaria ad peccatum, amatur in ea quod sit immediate necessaria ad peccatum: implicat autem amari in permissione quod sit necessaria ad peccatum, quin ametur peccatum, ad quod est necessaria. Nec video quid sit in permissione, quod amari mereatur ratione sui, aut non ratione peccati, quod immediate infert, si semel ametur.

42. Contra tertiam, respondet idem argumentum, quia implicat amari permissionem quia intrinsecè, & immediate vtilem ad peccatum, si peccatum non amatur: vt quid enim quis amet medium vtile vt vtile intrinsecè, & immediate ad finem, quem non amat? Hoc sanè apertè repugnat rationi naturali, potissimè, quando in medio non est aliquid aliud intrinsecè, nec aliud ad quod immediate sit vtile, propter quod ametur? Ergo a solutio implicat in terminis, dum admittit permissionem amari vt vtilem intrinsecè, & immediate ad peccatum, & contendit non amari peccatum.

43. Igitur tota difficultas consistit in eo, quod RR. sequentes magis modum cognoscendi carentias ad modum entis positivi, quam realitatem ipsam: volunt permissionem peccati, quæ in carentia gratiæ efficacis consistit, esse effectum amatum, & volitum à Deo ex fine pœnitentiæ, & non advertunt esse defectum permissum: Quod vt magis pateat.

#### SECUNDA CONCLUSIO.

44. **D**ico secundo: *Permissio peccati non est verè effectus amatus, aut volitus à Deo ex præintenta pœnitentia, est tamen defectus vt quo permissus à Deo ex præintenta pœnitentia, & peccatum ipsum, defectus vt quo permissus ex eodem fine.* Primum patet ex dictis, & convincitur argumento precedenti. Secundum vero probatur ex aliquibus PP. testimonijs supra expensis in probatione primæ conclusionis. Nam in primis Augustinus expressè ait, quod Deus avertit ingerdum faciem suam, permittendo non

pè peccatum, vt electus fiat conturbatus, quia ipsius doloribus sanatur tumor superbiæ: Sed pro doloribus intelligit dolorem de peccato, qui est per pœnitentiam: Ergo ex intentione cauendi dolorem pœnitentiæ, quo sanetur tumor superbiæ, permittit Deus peccatum. Rursus ait, vtile esse superbis cadere in peccatum manifestum, vnde sibi displiceant, qui iam sibi placendo ceciderant: Ergo permittit Deus eis peccatum vt vtile ad hoc quod sibi displiceant: Sed hæc displicentia est per pœnitentiam: Ergo ex intentione pœnitentiæ. Denum, lib. 11. de Civitat. Dei ad illa verba Pauli ad Roman. 11. *Conclusit Deus omnia in infidelitate, vt omnium miseretur*, sic ait: *Deus permisit prædestinatos ex Iudæis, & Gentibus incidere in peccatum infidelitatis, vt de amaritudine illius pœnitendo confessii, & de dulcedine diuinæ misericordiæ credendo conversi, dicant, quam magna multitudo dulcedinis tuæ, &c.* Ergo permisit eis peccatum, vt pœnitendo confiterentur, seu ex fine pœnitentiæ. Mitto alia. Secundo ex S. Leone Papa vbi supra, dicente, quod D. Petrus ob hoc fuit hæretice permissus, vt in eo remedium pœnitentiæ conderetur, aut institueretur: Ergo ex intentione pœnitentiæ. Tertio ex S. Damasceno aiente, quod permittitur quis quandoque incidere in turpem actum ad emendationem deterius affectus, & quod permittitur incidere in adulterium manifestum, vt peccatum suum cognoscens confiteatur Domino: Sed in hoc consistit pœnitentia: Ergo ex intentione pœnitentiæ permittitur peccatum. Ac denum Div. Thom. vbi supra, ait, quod *Deus permittit aliquos cadere in peccatum, vt peccatum suum agnoscens, humilietur, & convertantur*: Sed conversio illa est pœnitentia: Ergo ex intentione pœnitentiæ. Et norandum valde quod nec D. Th. nec SS. Patres vnquam dixerunt, permissionem peccati esse effectum causatum, volitum, aut amatum à Deo ex fine, nec pœnitentiæ, nec humilitatis, sed solum dixerunt permitti peccatum, aut peccatum esse vtile, & conduens, vnde non capio, cur RR. totam vim fecerint in probando, quod permissio peccati sit effectus volitus, amatus, & causatus à Deo ex fine prædestinationis: nec quo pacto hoc probare conantur ex PP.

45. Confirmatur ex D. Thom. quest. 5. de Veritat. artic. 4. vbi postquam docuerat, Deum prudētissimè permittere mala propter maius bonum, sic contra obijcit: *Bonum est potentius, quam malum: Ergo magis ex bono, quam ex malo potest elici bonum: Ergo non est necesse, quod mala permittat fieri, vt ex eis eliciat bona.* Respondet, quod aliquod bonum est, quod non potest elici, nisi ex malo, sicut bonum patientia, non nisi ex malo persecutionis elicitur, & bonum pœnitentia, non nisi ex malo culpa: Ergo apertè sentit, malum persecutionis permitti ex fine patientiæ.

vientiz, & malum culpe, propter bonum poenitentiz.

46. Secundò probatur conclusio ratione, quia peccatum permittitur à Deo vt medium remotum ad finem prædestinationis, siquidem per se, & immediatè non conducit ad finem prædestinationis, nempè ad vitam æternam, sed solum mediante poenitentia, quæ est finis, ad quem proximius conducit peccatum, & media poenitentia ad finem prædestinationis: Sed medium remotum non permittitur in ordine ad finem remotum, nisi propter finem proximiorum, quo mediate conducit: Ergo peccatū non permittitur à Deo ad finem prædestinationis, nisi propter poenitentiam, quæ mediate conducit: Ergo non permittitur, nisi ex fine, aut intentione poenitentiz. Nec distinguas inter finem amabilem per se, & finem occasiuatum amabilem per accidens, quæle est poenitentia, quæ solum est amabilis occasione peccati, non vero per se ante prævisum absolutè peccatum; ideoque ex intentione poenitentiz non potest permitti peccatum, sed debet prius permitti peccatum, quam intendatur poenitentia.

Contra enim est, quia potius Deus non potest permittere peccatum electo, nisi præintendat poenitentia talis peccati: Ergo ruit hæc solutio. Probat̃ur antecedens, quia non potest Deus electo permittere peccatum, nisi vt expiandum per poenitentiam, & præueniendo tali peccato remediū poenitentiz, alias eim talipermisione exponeret electionem frustrationi: Sed permittere peccatum vt expiandum per poenitentiam, & præueniendo illi remediū poenitentiz, est illud permittere ex præintenta, & preparata poenitentia: Ergo non potest illud permittere, nisi ex præintenta poenitentia. Explicatur: Poenitentia non alia ratione dicitur bonum occasiuatum, nisi quia non est appetibile, nisi vt remediū mali: Sed stat optimè quod à Deo ametur vt remediū mali, & auiari debeat ante prævisum, imò & ante permisum peccatum, quia supposita electione efficaci alicuius ad gloriam, non potest Deus illi permittere malum culpæ, nisi præueniendo, & præparando per prius remediū sanatiui talis mali, sicut, cum Christus permisit Lazaro mortuum, per prius illi preparauerat resurrectionem, ita vt non permitteret Lazarum mori, nisi cum resuscitare decreuisset: Ergo ex hoc ipso, quod poenitentia est bonum occasiuatum, seu remediū mali, debet esse præintenta à Deo in electis ante prævisionem peccati, seu ante permissionem illius. Urgetur: Licet non electis possit Deus permittere peccatum cum indifferentia ad applicandum, vel non applicandum remediū poenitentiz, tamen electis non potest Deus ex vi talis electionis permittere peccatum cum tali indifferentia, alias exponeret electionem illorum ad gloriam frustrationi: Ergo solum illis potest permitti-

tere peccatum cum determinatione, & intentione efficaci applicandi illis remediū poenitentiz: Ergo non potest illis peccatum permittere, nisi præintenta poenitentia, vel per prius, vel ex vi eiusdem decreti permisiui peccati.

47. Tertiò probatur conclusio, quia Deus potest permittere peccatum ex interna humilitate, vt fateretur Suarez, non alia ratione, nisi quia ad humilitatem conducit: Sed pariter conducit ad poenitentiam: Ergo pariter potest illud permittere ex præintenta poenitentia. Respondent contrarij, esse disparitatem, quia humilitas non pendet necessariò à peccato, nec cum illo connectitur, quia potest aliter haberi, quam ex peccato; & ideo ex quo Deus intendat humilitatem ante prævisum absolutè peccatum, non sequitur quod velit ex consequenti peccatum, quia ad illam non est necessarium. Attamen ad poenitentiam est necessarium omninò peccatum, & ideo velle non potest poenitentiam ante prævisum absolutè peccatum, nisi ex consequenti velit peccatum, quod Deo prorsus repugnat. Sed contra est primò, quia licet humilitas in genere possit haberi sine peccato, tamen aliqua specialis humilitas est, quæ non nisi per peccatum haberi potest, vt est illa, quæ in quadam sui confusione, & erubescencia consistit, seu in cognitione propriæ indignitatis ex peccato contraxit, iuxta illud *imple factes eorum ignominia, & querent nomen tuum*. Et illud: *Prisquam humiliaret, ego deliqui, & bonum mihi, quia humiliasti me*. Sed Deus non solum ex intentione voluntatis in genere, sed ex intentione huius specialis humilitatis, confusions, & erubescencie, permittit peccatum: Ergo illud permittit ex intentione humilitatis, ad quem etiam est prævisum, & necessarium peccatum, & consequenter non est disparitas vlla à poenitentia.

48. Secundò, quia potest Deus efficaciter intendere poenitentiam ante prævisum absolutè peccatum; non quidem volendo, sed purè permittendo peccatum vi talis intentionis: Ergo ruit solutio. Probat̃ur antecedens, supponendo primò, quod vt creatura rationalis incidat in peccatum non requiritur influxus aliquis positivus Dei, nec positiva Dei voluntas ad peccatū, sed quod Deus in volèdo, & agendo purè permittit se habere, & sinat eam peccare. Supponendo secundò, quod supposita eius libertate proxima peccandi, omninò infallibile est, illam peccaturam, nisi Deus positivè impediatur, aut vitetur peccatum illius, aut, si Deus illam sinat peccare, purè permittit se habendo. Supponendo tertiò, quod Deus nulla lege tenetur vitare peccatum creaturæ rationalis, adhuc ex suppositione electionis illius ad gloriam, tenetur tamè ex vi talis electionis vagè ad vitandū, nempè vel ad vitandum peccatum illius, vel ad illud sanandum per poenitentiam, quia

aliter consequi nequit finis electionis ad gloriam. Hoc supposito, sic arguo: Deus ut immediatè indifferens, & liber ad vnum ex his duobus, nempe vel ad vitandum peccatum electi, vel ad decretandum remedium illius per penitentiam, potest eligere immediatè hoc secundum, prætermisso primo, quin exinde censetur velle, sed solum permittere peccatum: Sed casu, quo immediatè eligeret hoc secundum, illud eligeret ante prævisum absolutè peccatum, quia peccatum ante futurum non supponeret, sed immediatam indifferentiam illud vitandi: Ergo potest velle penitentiam ut remedium peccati ante prævisum absolutè peccatum, quin censetur velle, sed solum permittere peccatum. Explicatur, quia si supponimus hominem cognoscentè infallibiliter per proximi peccaturum, nisi ipse positivè impediat peccatū illius, & alias non obligatum vlla lege ad vitandum illius peccatum, obligatum tamen ad vnum è duobus, quorū oprio illi datur, nempe, vel ad illud vitandum, vel ad illud corrigendum, potest immediatè eligere potius illud peccatum corrigere, quam illud vitare, quin exinde censetur velle peccatum proximi: Ergo Deus, in quo hæc suppositio tenet, potest ex illis duobus eligere potius peccatum corrigere, seu emendare per penitentiam, quam illud vitare, quin ex inde censetur velle peccatum: Sed ea electio potius illud corrigendi per penitentiam, quam illud vitandi, non supponeret peccatum permissum absolutè, & consequenter nec illud absolutè prævisum, sed ad summum esset ipso facto permissio illius, seu electio illius permissiva: Ergo.

49 Mibi sic arguitur, aliud non reponebatur, nisi quod cum peccatū penderet ab arbitrio voluntatis create, Deus illud corrigere per penitentiam non posset velle efficaciter, & infirmitabiliter, antequam illud futurum prævideret; aliter enim voluntas illud corrigendi infirmitabilis esse non posset. Sed contra arguebam, quia satis est, quod Deus illud infallibiliter futurum prævidet conditionatè sub conditione, quod ipse Deus illud impedire, aut vitare non eligat, aut nō velit efficaciter; per hoc enim eo ipso, quod potius eligat illud corrigere, quam illud vitare, aut impedire, manet iam absolutè futurum, quia manet iam purificata conditio, nempe quod Deus non eligat, nec vult efficaciter illud vitare: Sed Deus supponit sciens infallibiliter, quod ipso non impediunt, aut non volente efficaciter impedire peccatum, peccatum erit infallibiliter ex libero arbitrio, nam hæc veritas est metaphysicè necessaria, nempe, quod si Deus siverit, aut permisit, sive si Deus non velit efficaciter suo auxilio vitare peccatum, liberum arbitrium ex se peccabit, quia nisi per Deum efficaciter auxiliante vitare peccatum non potest, & nullum est peccatum, quod fa-

ciat vnus homo; (Vt inquit Augustinus) quod non faciat alter homo, si desit Deus, à quo adiuvetur homo; idque est veritas metaphysicè necessaria fundata in intrinseca defectibilitate liberi arbitrii, in eiusque intrinseca indigentia divini auxilij ad non deficiendum; quam vetitatem Deus scientia necessaria necessariò prænotat ante electionem potius emendandi peccatum per penitentiam, quam illud vitandi: Ergo in vi talis scientiæ conditionatæ, & ante prævisionem absolutam peccati, potest infirmitabiliter eligere potius emendare peccatum dando penitentiam, quam illud impedire per gratiam: Aliunde tale decretum, aut electio non esset, nec virtualiter volitio, aut amor peccati, sed ad summum virtualis, aut formalis petitiō illius, quatenus importaret non velle efficaciter vitacionem illius: Ergo in vi scientiæ conditionatæ, & ante scientiam, seu prævisionem absolutam peccati, potest Deus efficaciter eligere penitentiam de peccato, potius quam peccatum vitare, quin talis electio sit amor peccati.

50 Confirmatur: Stat optimè Deum eodem velle, aut decreto velle efficaciter, & positivè penitentiam peccati, & permissivè ipsum peccatum: Sed hoc decretum esset ante prævisum absolutè peccatum, quia non supponeret eius permissionem, & consequenter nec eius prævisionem absolutam, & alias non esset volitio positiva, sed purè permissiva peccati: Ergo stat Deum velle positivè, & efficaciter penitentiam ante prævisum absolutè peccatum. Maior patet primò in casu posito, in quo Deus potens, vel vitare peccatum, vel ipsum emendare dando penitentiam illius, eligat hoc secundum potius quàm primum; nam hoc eligere, seu velle esset positivum, & efficax erga penitentiam, permissivum autem erga peccatum. Secundò, quia in hoc nullum est inconveniens, sed maxima providentia, ut ex dicendis constabit.

51 Dices, quod licet posset esse idem realiter velle positivum penitentiam, & permissivum peccati, tamen debet velle cum aliquo ordine permissivè peccatum, & positivè penitentiam, quo ordine supposito, debet velle per prius peccatum, quam penitentiam, non verò prius penitentiam, quam peccatum, unde iam permissio peccati non erit ex præintenta penitentia, sed è contra, intentio penitentiae ex permissione peccati. Sed contra est, quia in primis in illo velle, aut decreto positivo de penitentia, & permissivo peccati opus non est quod detur, immo nec dabilis est verasordo subiectivè, & ex parte actus, seu à parte rei, quia à parte rei supponitur ex parte actus idem simplicissimum velle positivum penitentiae, & permissivum peccati; nec est dabilis distinctio, autordo virtualis intrinsecus ex parte actus à parte rei, ut

scapè præmonitum relinquitur: Ergo ex hac parte nulla est solutio. Secundò, quia licet ex parte obiecti detur ordo inter peccatū permissivum, & penitentiam, & peccatum permissivum sit prius in genere causæ materialis, quam penitentia, tamen penitentia est prior peccato in genere causæ finalis, quia penitentia non decernitur à Deo ut peccatum permittatur, sed potius peccatum permittitur, ut sequatur penitentia, nec est dabilis alius ordo honestus, & rectus: Ergo attento ordine obiectivo inter peccatum, & penitentiam, illo simplicissimo decreto amatur penitentia ut prior in genere finis, seu causæ finalis, licet permittatur peccatum ut prius in genere causæ materialis: Sed illud dicitur prius volitum, & est prius in intentione volentis, quod est prius in genere causæ finalis, seu finis, non vero quod est prius pure in genere causæ materialis: Ergo attento ordine obiectivo illius decreti, per prius vult positivè penitentiam, quam permissivè peccatum. Tertiò, si velis distinguere per rationem illud simplex decretum in duo, quorum vnum sit positivum de penitentia, aliud permissivum peccati, adhuc non debes, nec potes illa ordinare ita ut prius intelligatur decretum permissivum peccati, quam positivum penitentiae, quia ordo actuum ex parte volentis non potest poni, nisi iuxta ordinem volitionum penes genus causæ finalis, seu finis; ordinat enim volens, prius vult finem, quam media ad finem, adeò, ut si quis prius voluisset medium conducent ad finem, & post, prævisio medio, vellet finem, convinceretur non voluisse medium, ut medium, nec ordinatè ad finem, sed casu accidisse, quod illud esset medium ordinatum ad finem; ut si quis non intendens aliquem sanare, daret ei potionem amaram, licet postea vellet eum sanari, non diceretur voluisse ordinatè illam potionem amarā, nec illam voluisse per se ut medium ad sanitatem, sed fuisse à casu, & præter eius intentionem, quod ea conducirer ad sanitatem: Ergo ut quis ordinatè velit, quod est medium conducent ad finem, ita ut conducentia ad finem non sit præter intentionem illius, nec à casu, & sine providentia, debet per prius velle finem: Ergo semel quod quis velit per rationem distinguere in Deo duo decreta, vnum permissivum peccati conducentis ad penitentiam, aliud positivum penitentiae, debet ea ordinare ita ut prius sit decretum intentivum, aut volitivum penitentiae, quam permissivum peccati; aliter enim dicere tenebitur, conducentiam peccati ad penitentiam fuisse Deo improvisam, & casualem, & præter intentionem Dei permittentis peccatum; per accidentemque, & inordinatè, seu sine ordine ad talem finem permissum fuisse peccatum, quod quis dicat?

53 Nec admitto sententiam, apt po-

eius modum loquendi Illustris. Godoy, & aliorum RR. qui distinguentes in Deo decretum positivum penitentiae, & permissivum peccati, asserunt, inter ea decreta esse mutuum prioritatem in diverso genere causæ, ita quod decretum positivum penitentiae sit prius in genere causæ finalis decreto permissivo peccati, & decretum permissivum peccati est prius in genere causæ materialis decreto positivo penitentiae. Non inquam hoc admitto, quia est praeus modus intelligendi; siquidem inter ipsa decreta, aut volitiones minime est ea prioritas mutua, nec vnum decretum, aut volitio est causa materialis alterius, imò nec causa finalis, sed totus ordo causæ finalis, aut materialis est ex parte obiectorum, non in ipsis decretis. Nemo enim dixit, quod volitio papyri ex intentione scribendi in eo, est causa materialis intentionis scribendi, quia vna volitio non recipitur in altera, nec est materia alterius, nec dependet ab alia in genere causæ materialis, sed plenè existit intentio, & volitio finis, antequam volitio materiae requisita ad finem; plenè enim existit intentio scribendi, ante volitionem querendi p apyrum, & independentè ab ea, licet illam inferat, & causet, solumque scriptura ipsa volita dependet à papyro in genere causæ materialis: Falsum ergo, ac inordinatum est, quod volitio penitentiae dependeat in genere causæ materialis à volitione permissiva peccati, seu quod volitio permissiva peccati sit prior in genere causæ materialis ad volitionem positivam penitentiae. Quæ doctrina valde notanda est, quia contra eam sæpius incurrunt RR. in contrario modo loquendi, ponendo ex parte decretum prioritatem in genere causæ materialis, quæ tamen solum est ex parte obiectorum, & in ipsis obiectis tantum. Ex parte vero decretorum, seu actuum voluntatis non est alius ordo, nisi penes prioritatem obiectorum in genere causæ finalis, ita ut prior sit volitio finis, quam volitio illorum, quæ sunt ad finem, quin vilo modo volitio illorum, quæ sunt ad finem, sit prior ad volitionem finis.

#### SOLVUNTUR OBIECTA.

53 **E**X quo iam patet: ad obiectionem ex num. 38. concessa maiori, negando minorem. Ad cuius probationem, vel concessio antecedenti, nego consequentiam, quia ut Deus permittat peccatum ex præintenta penitentia, opus non est, quod ex illa præintenta velit permissionem peccati, sed satis est, quod illam permittat, aut quod permissivè erga ipsam se habeat; permissio enim passiva est passivè, non volitè, nisi ad summum permissivè; unde nec opus est, quod Deus illam velit, nisi ad summum permissivè, seu quod illam per-

permittat. Vel secundò, distinguo antecedens: Deus nò potest velle positivè permissionem peccati ex praeintenta poenitentia, concedo antecedens: Non potest illam velle eo modo, quo volubilis est, nempe purè permisivè, nego antecedens. Ex quo ad probationem dico, quod Deus nequit velle positivè permissionem peccati, nisi volendo peccatum etiam positivè, ideoque negamus Deum velle positivè permissionem peccati; potest tamen velle permisivè permissionem peccati, quia velit positivè peccatum, quia ex quo velit permisivè ipsam permissionem passivam peccati, solum sequitur, quod velit permisivè peccatum, sinendo nempe, quod peccatum committatur, in quo nulum est inconveniens.

54 Sed replicabis primò, quia licet Deus permittat peccatum, tamen non permittit ipsam permissionem: Ergo vult positivè ipsam permissionem. Secundò, quia Deus, dum permittit peccatum, voluntariè illud permittit: Ergo quia vult permittere: Ergo vult ipsam permissionem. Tertiò ex Augustino supra expenso num. 1. ubi ait, quod peccatum non fieret, si Deus non sineret; nec utique nollens sinis, sed volens: Ergo sinis volens sinere: Ergo volens permittere. Quartò ex illo etiam D. Augustini effato: Nihil fit, quod Deus fieri non velit, vel sinendo ut fiat, vel ipse faciendo: Ergo Deus vult peccati fieri sinendo ut fiat: Ergo vult sinere, seu permittere. Quartò, quia etiam in D. Thom. non semel invenitur dictum, quod Deus vult permittere peccatum: Ergo permissio peccati est volita à Deo. Quintò, quia alio modo vult Deus permissionem passivam peccati, quam ipsam peccatum: Sed peccatum vult permisivè: Ergo permissionem vult non solum permisivè, sed positivè. Sextò, quia saltè negari nequit, quod Deus vult positivè permissionem activam, prout est exercitium libertatis Dei, quia hoc pacto bona est, & sancta: Sed non minus sequitur peccatum ex permissione activa, quam ex passiva: Ergo potest velle permissionem passivam, quamvis inde sequatur peccatum. Septimò, quia etiam permissio passiva peccati bona est, & sancta, quia licet peccatum sit malum, bonè tamen, & sanctè permittitur à Deo: Ergo est amabilis à Deo: Ergo Deus illam vult. Octavò, quia per nos permissio passiva est ex praeintenta poenitentia, ex fine poenitentiae, ex intentione poenitentiae: Sed *ly ex* denotat aliquam causalitatem positivam: Ergo permissio peccati causatur positivè ex intentione poenitentiae: Ergo est positivè volita. Minor patet, quia propterea nò potest dici, quod peccatum est ex Deo, quia non causatur positivè ab ipso, licet ab ipso sit permisivè: Ergo quia *ly ex* significat causalitatem positivam.

55 Sed ad hæc omnia iam constat ex dictis. Ad primum dico, quod Deus non permittit permissionem activam, sed ipsam exercet; permittit

vero permissionem passivam non ut quod, sed quia peccatum permittitur, quid est enim permissio passiva peccati, nisi peccatum passivè permitti, quid autem magis passivè permittitur, quam ipsum passivè permitti, sicut quid amplius passivè fit, quam ipsum passivè fieri? Ad secundum dico, quod Deus permittit peccatum voluntariè voluntarietate permittiva, non voluntarietate causativa, aut factiva, vel positiva ad extra, ex quo non sequitur, quod velit illud permittere, nisi si tantum permisivè, unde permittit, quia vult permisivè permittere, nec enim est alius modus volendi permittere, nisi permisivè ad extra, sicut nec est alius modus volendi efficere, nisi efficaciter ad extra. Ex quo ad tertiam dico, sensum Augustini esse quod Deus non finit coactus, aut invitus, sed volens liberè permisivè, seu quod liberè finit peccatum fieri, quia finit, potens impedire ne peccatum fiat, ad quod satis est, quod velit finire voluntate permittiva ad extra, non positiva ad extra. Et eodem modo exponendus est D. Thom. seu alius quilibet ex SS. Patribus, dum dicant, Deum velle permittere. Ad quintam, dico, quod Deus alio modo vult permissionem passivam peccati, quam peccatum, penes quo, & quod, quia permissionem passivam vult permisivè ut quo, peccatum vero permisivè ut quod, sicut alio modo creat creationem passivam Angeli, quam Angelum, quia illam ut quo, Angelum vero ut quod, sed non alio modo penes positivè, & permisivè, quia permissionem passivam non vult positivè ad extra, alias iam non esset pura permissio passiva, sed passiva productio, aut passivum fieri, quia quod est positivè volitum à Deo, est ab eo positivè causatum, productum, & factum.

56 Ad sextam dico, quod Deus vult positivè permissionem activam, quantum ad totum quod importat ex parte reſti necessarii Deo, & hoc amore necessarii, non libero, quia ex parte Dei importat actum positivum, & purum volendi independentem à peccato, vel ab impedimento peccati, quo pacto talis actus necessariò amatur à Deo, sicut omnia eius predicata necessaria; non vero vult positivè permissionem activam quantum ad id quod addit supra entitatem actus necessarii, quia supra illam nihil addit intrinsicè Deo, sed solum permissionem passivam ad extra, consistentem in defectu gratiae efficacis intrinsicè voluntati, quam Deus positivè non vult, sed permittit tantum. Rursus, permissionem activam, id est ipsam permittit, vult Deus positivè exercitè, & ut quo, quatenus voluntariè exercet permissionem activam, seu permissivum velle, quod permissivum velle est exercitium, seu actus positivus divinae voluntatis, positivè exercitus in ipsa, quo liberè finit peccatum committi, non volendo positivè ad extra, sed positivè in se, & permisivè ad extra; permissio enim in Deo non est omnisio

actus, sed actus positivus in se manens, liberè stans ad extra obiectum aliquod deficere, quia eo non eget, ut explicavimus *Disputat. 6. quest. 7. à num. 14.* Nec admittendum est, quod Deus liberè velit signatè, & ut quod permissiorem actionem, nec decretum permissivum, quia ut notavimus *ubi supra à quest. 6.* libertas Dei non est ad actus divinæ voluntatis, ut ad extrema liberè volibilia, sed vnicè ad obiecta extra Deum, vnde tota Dei libertas, & velle liberum ipsius directè, ut quod, & signatè est ad obiecta extra Deum, non vero reflexè, & signatè, & ut quod ad ipsos Dei actus, aut decreta, quia in ipsis decretis nihil est contingens, aut liberè volibile, signatè, & ut quod, nisi obliquum, & obiectum illorum; obliquum autem, & obiectum illorum non eget reflexione, nec terminat volitionem libertatem reflexam, sed directam ad ipsum; vnde Deus volendo liberè non reflexit super actus, aut decreta sua volendo liberè ipsa, sed vnicè dirigit liberum velle ut liberum ad obiecta extra ipsum, reflexè autem, & ad intra, quidquid vult, vult necessariò.

57 Nec obstat, quod communiter dicimus, quod Deus vult eligere, vult amare creaturas, vult eas activè efficere, aut imperare earum passivum fieri. Quia istæ locutiones non significant semper reflexionem proptiam, quia signatè voluntas vult actum ut obiectum, sed ferè semper significant actum ut exercitium voluntarium, non quia vultum signatè, sed quia formale exercitium volendi. Etenim per primum amorem finis, voluntas amat finem, quia vult amare finem. Item, dum eligit media, eligit, quia vult eligere, idque sepius dicimus, in quo tamen non significamus, quod amat, quia signatè, & reflexè vult amare, aut quod eligit, quia signatè, & reflexè vult eligere; hoc enim esset procedere in infinitum, sed solum significamus, quod amat, quia ipsum amorem voluntariè exercet, seu quia amat volendo obiectum; & quod eligit, quia volendo, seu voluntariè eligit; sunt enim locutiones intransitivæ, designantes potius causam formalem amandi, aut eligendi, quam causam efficientem à priori cui voluntas amet, aut eligat. Sic ergo cum dicimus, quod Deus liberè vult eligere, aut amare creaturas, aut permittere mala, aut donare bona, non est sensus verè causalis, quasi detur in Deo volitio libera reflexa pro priori ad amorem liberum directum, ad electionem, ad decretum, aut permissiorem activam, quæ hos actus liberos ut tales reflexè velit, & impetret liberè, hoc enim falsum est; sed est sensus formalis, & intransitivus, quasi dicatur, amat liberè, quia liberè vult obiectum, in quo consistit amor, seu quia volendo liberè exercet amorem liberum; eligit, quia exercet volendo liberè media ipsam electionem; decernit, quia exercet decretum volendo liberè

obiectum decretatum; permittit, quia exercet velle permissivum ad extra. Imò & idem dicendum est de ly produceret, facere, aut imperare ad extra, non enim est sensus, quod Deus liberè velit signatè ipsam actionem, aut actum producendi, faciendi, aut imperandi, ut est actus identificatus cum Deo; quia hoc pacto non imperatur signatè à voluntate divina, nec terminatur signatè, & ut obiectum, velle liberum Dei ut liberum; sed intelligendum est, quasi dicatur, Deus producit, facit, aut imperat ad extra, quia vult rem faciendam velè factivo, productivo, & imperativo illius ad extra; seu quia vult efficiendo, producendo, & imperando exercitè per ipsum velle, quod obiectum fiat ad extra. Reflexiones enim liberas divinæ voluntatis ad intra super actus identificados cum Deo, ut signatè liberè volitos, & frustraneas, & repugnantes existimo; quia illi actus pro recto solum amantur necessariò à Deo, pro obliquo verò, liberè, sed amore directo obliqui, seu obiecti, non reflexo.

58 Ex quo iam patet, quomodo permissio activa sit bona, & sancta. Est enim bona, & sancta ex parte actus permissivi, & sic necessariò, & non liberè amatur à Deo. Sed non est sancta pro connotato, quia defectus gratiæ intrinsecus voluntati non est bonus, nec sanctus, & ideo non amatur, sed permittitur. Cum autem vrgetur, quod ex permissione activa sequitur peccatum, non minus, quam ex permissione passiva, facile respondetur, quod ex permissione activa pro recto sequitur liberè permissivè peccatum permissum non vero necessariò causaliter, quia permissio activa non est, nec importat pro recto defectum aliquem, ex quo sequatur à priori necessariò, & causaliter defectus rectitudinis in voluntate, aut peccatum; sed est actus purus, ipsaque plenitudo essendi, & volendi, non egens rectitudine voluntatis creatæ, nec gratia efficaci illi intrinseca, & ideo sinens illam deficere; vnde solum permissivè liberè infert eius defectum, aut peccatum, ac proinde ex quo Deus amet permissivam activam peccati pro recto, non sequitur velle, nisi permissivè peccatum. At pro connotato, seu quod idem est, defectus intrinsecus gratiæ in voluntate, in quo permissio passiva consistit, non infert liberè permissivè peccatum, sed vel est ipsum peccatum ut permissum, ut ego censeo, vel infert necessariò, & causaliter defectum rectitudinis in voluntate, seu ipsum peccatum, vnde si Deus velit illum defectum gratiæ, in quo permissio passiva consistit, veller ipsum peccatum. Vide quanta sit differentia. Ex quo.

59 Ad septimam, nego antecedens, quia permissio passiva peccati est defectus gratiæ efficaci, qui minimè bonus est, nec sanctus, sed pro posse fugiendus. Imò & ipsa permissio, utcumque nominatur, cavenda, & pro posse vitanda

nobis est, ideoque in oratione dominica petimus, *ne nos in ducas in tentationem*, id est, ut Hispanum idioma vertit, *ne nos dexas caer, ne nos permittas in tentationem cadere*. Et Ecclesia orat: *Nulli nos permittas perturbationibus conculci*, & alibi: *Neque adversus obrui, neque prosperis tibi permittas*, quo pacto igitur est sancta, & bona permissio, quando quod Deus ab illa nos liberet, orare docemur? Ad octavam dico, quod permissio passiva est ex praeventa poenitentia permissivè, accipiendo ly ex permissivè, quia omnes termini denotantes causalitatem in permissionem passivam accipiendi sunt permissivè, unde permissivè est ex praeventa poenitentia, permissivè est ex fine poenitentiae, ex intentione poenitentiae, ex praedestinatione, &c. nec aliud intendimus, quando dicimus, peccatum permitti ex fine praedestinationis, seu ex praeventa poenitentia; iam autem diximus, quod in hoc nulla est differentia inter permissionem passivam peccati, & peccatum, nisi quod illa dicitur permitti ut quod, peccatum vero ut quod.

60 Sed adhuc replicabis, quia licet permissio passiva peccati intrinsecè, & per se sumpta non sit bona, nec amabilis positivè, tamen extrinsecè, ut conducat ad finem poenitentiae, est bona, & amabilis: Ergo sic amatur positivè ut conducat ad finem poenitentiae. Respondeo, quod hoc pacto etiam peccatum potest dici bonum extrinsecè, nempe ut conducat ad poenitentiam extrinsecè; vel si peccatum hoc modo non est bonum, nec permissio, quz non conducit, nisi medio peccato. Ex quo solum sequitur, quod Deus positivè velit conducentiam extrinsecam, tam peccati, quam permissionis ad finem poenitentiae, quod libenter fateamur, non vero ipsam permissionem per se, aut intrinsecè sumptam, seu specificativè acceptam. Et ratio est, quia nec peccatum, nec permissio peccati est medium per se, & intrinsecè conducat, aut ordinatum ad poenitentiam, nec ad finem praedestinationis, sed solum extrinsecè, per accidens, & ex divina misericordia, ut ait D. Thom. unde Deus purè permissivè vult permissionem passivam, & peccatum permissum, ordinando illud ex misericordia positivè ad poenitentiam, & media illa ad finem praedestinationis.

61 Sed dicēs, absurdum esse dicere, quod Deus ordinat peccatum ad finem salutis, seu ad poenitentiam: Ergo solam permissionem ordinat, non peccatum. Secundò, quia ordinatio divina non exsequitur, nisi ad id, ad quod extenditur volitio divina: Sed volitio divina non extenditur ad peccatum: Ergo nec ordinatio divina. Vel aliter: Sed ordinatio Dei extenditur ad permissionem peccati: Ergo & volitio divina positivè vult permissionem peccati. Respondeo negando antecedens, quia licet D. Cassel putet absurdum

dicere, quod Deus ordinat peccatum in finem praedestinationis, id tamen D. Thom. absurdum non putat, sed ut supra vidimus, ait, quod peccatum ad duo ordinatur, ad unum per se, nempe ad damnationem, ad aliud ex divina misericordia, nempe ad sanationem. Ad secundam dico, quod ordinatio divina potest extendi non solum ad id quod Deus positivè vult, sed ad id etiam quod permittit, seu permissivè vult, & sic extenditur ad permissionem passivam peccati, & ad peccatum permissum.

62 Deinde obijciunt principaliter contra secundam partem secundae conclusionis, illud vulgare argumentum, quod scilicet non est prudentis Medici permittere morbum ex intentione illum sanandi: Ergo nec Dei permittere peccatum ex intentione illum sanandi per poenitentiam. Respondeo tamen, distinguendo antecedens: Non est prudentis Medici permittere morbum minoris damni, ex intentione sanandi alium maioris periculi, aut permittere morbum ex intentione robustoris, & maioris sanitatis, & nego antecedens: Aliter, concedo antecedens, & nego consequentiam. Quia saepe prudens Medicus, ex fine sanandi morbum maioris periculi, & difficilè sanabilè, applicat medica menta, ex quibus videt sequendum morbum minoris periculi, & facilè sanabilem, ut sic tandem vnum, & alium sanet: sic Deus ex intentione sanandi per poenitentiam tumorem superbiz, difficilius curabilem, & multo periculosiorem, permittit interdum peccatum manifestum luxuriz, v.g. facilius curabile, quia de illo est facilius poenitentia, ut tandem vnum, & alium per poenitentiam sanet, sicut etiam Chyrurgus tumorem virulentum ut sanet, percussionem, aut vulnus manifestum facit. Saepe etiam Medicus videns sanitatem esse parum firmam, & stabilem, & cum periculo magis infirmitatis, applicat medicamenta, quibus aliquem morbum sequendum cognoscit, quia habet modum sanandi illum, & media curaturae illius reddendi salutem stabiliorem, & permanentiorem: Sic ergo Deus videns iustum remissum, aut pigrum in virtutibus, cui imminet periculum accedè, aut alterius peccati maioris, sinit illum cadere in peccatum manifestum, ut ferventior, & diligentior resurgat, & in posterum periculum negligentiae debeat. Sic etiam alijs modis, humana sapientia incomprehensibilibus, Deus peccata permittit ad suorum electorum profectum. Solus enim ille est, qui facit de tenebris lumen splendescere, & cui etiam peccata ad bonos fines deserviunt, & vitia ad virtutes augendas. Nec in hoc regulari debet eius providentia per prudentiam humanam, quia plusquam omnis humana prudentia scit Deus, & infinita virtute pollet, ad utendum medijs nostro iudicio ineptis, & improportionatis, ad fines ab ipso intentos. Ex quo patet nullius esse momenti, si quis sic arguat: Si Medicus



dicus posset sanitatem robustam assequi sine morbo, imprudenter morbum permetteret: Sed Deus potest Deus sine peccato sanitatem stabilē, & firmam electorum consequi. Ergo imprudenter ad hoc permittit peccatū. Negatur enim consequentia, quia Deus nulla lege tenetur vitandi morbum peccati, sicut Medicus proximi, nec eius providentia alligata est certis medijs, sicut prudentia humani Medici, sed infinita est in vitando medijs sive proportionatis, sive improporionatis, quia eius virtuti infinitæ nullū est improporionatum, quod facere non possit proportionatum, unde nulla est paritas.

63 Obijciunt tertio: Repugnat in Deo intentio penitentiz ante prævisum absolutē peccatum. Ergo pariter repugnat peccatum permitti ex præintenta penitentia. Probatur antecedens, quia intentio penitentiz ante prævisum absolutē peccatū esset virtualis amor, aut volitio peccati, & inferret amorem, & volitionem formalem illius: Sed repugnat Deo tam virtualis, quam formalis amor, aut volitio peccati: Ergo & intentio penitentiz ante prævisum absolutē peccatum. Probatur maior, quia amor, aut intentio efficax finis est virtualis amor, & volitio omnium illorū, quæ requiruntur ad existentiam finis, si illa nō præsupponuntur aliunde existentia, vel absolutē futura: Sed ad penitentiam omnino requiritur peccatum absolutē præcedens: Ergo intentio penitentiz, quæ non supponat absolutē prævisum peccatum, erit volitio, & amor virtualis peccati, & inferens volitionem formalem illius. Hoc argumentum nimis extollitur à contrarijs, & variè ab illis formatur.

64 Respondeo tamen facile ex probatione nostræ conclusionis, negando antecedens. Ad probationem, nego maiorem absolutē sumptam; vel distingo: Esset virtualis volitio permissiva peccati, & inferret volitionem formalem permissivam peccati, transeat maior: Virtualis positiva volitio peccati, & inferret positivam formalem volitionem illius, nego maiorem. Ad cuius probationem, distingo maiorem: Intentio efficax finis est virtualis amor, aut volitio omnium illorū, quæ requiruntur ad existentiam finis, vel positiva, & causalis respectu illorum, vel permissiva, concedo: Determinatē positiva, subdistingo: si illa non præsupponuntur aliunde existentia, vel absolutē futura, nec conditionatē futura sub præcisa conditione, quod volens finem illa non impediat, aut impedire non velit, nego: Si quamvis illa non supponat absolutē futura aliunde, supponat illa infallibiliter conditionatē futura aliunde sub præcisa conditione, quod volens non impediat, aut impedire non velit, aut permissivè se habeat, nego maiorem; & distingo consequens: Ergo intentio penitentiz, quæ non supponat absolutē prævisum peccatum, nec conditionatē modo explis-

cato, erit virtualis volitio peccati, transeat: Si illud prævideat conditionatē futurum sub præcisa conditione illud non impediendi, nego consequentiam. Ratio distinctionis est, quia Deus per scientiam necessariam videt infallibiliter conditionatē, quod voluntas libera ad bonum, & malum, peccabit, nisi ipse suo auxilio vitet, aut impediat peccatum, aut eam peccabit per hoc præcisè, quod ipse sinat eam peccare; potensque eligere ad finem prædestinationis vnum è duobus, vel vigore suo auxilio peccatum, vel illud sanare per penitentiam, eligat potius illud sanare per penitentiam ad vberiores, & firmiores salutem prædestinationem, quā illud vitare, aut impedire; quæ electio, seu intentio ad summum est virtualiter, aut formaliter permissiva peccati aliunde iam causaliter futuri, nisi impediat; non vero positiva, & causalis volitio illius, aut amor. Est enim electio illa, de qua Augustinus dixit: *Maluit Deus de malis benefacere, quam mala nulla esse permittere*, id est, inter vitare mala, vel de malis benefacere, maluit de malis benefacere, quam ea mala vitare, maluit de peccato elicere bonum penitentiz quam ipsum peccatum vitare; quis autem dicat hanc Dei electionem esse plusquam permissivam peccati non vitandi?

65 Et tota ratio est, quia Deus ante talem intentionem prævidet peccatum ita imminens, & causaliter futurum ex voluntate creata defectiva de se, quod nisi ipse suo auxilio efficaci illi succurrat, infallibiliter omnino peccabit, ex quo prævisio, Deus summè bonus, & iam volens efficaciter electum salvare, ex hac suppositione necessitatur ad vnum è duobus, nempe vel ad præveniendum efficaciter remedium illius peccati imminens, vt verum sit, quod, *cum ceciderit, non collidetur, quia Dominus supponit manum suā*; vel ad vitandū suo auxilio ne peccet. Si igitur eligat primum præ hoc secundo, dicitur sanè permittens peccatum, ex prævento, & preparato remedio illius per penitentiam, seu quia iam habet præparatum remedium illius, sed minimè sequitur, quod velit positivè peccatum. Quæ doctrina, si intelligatur, omnes replicas contrariorū evertit, & paritares, vt eas legenti, vel consideranti constabit. Nam in primis ex illa efficaci electione remedij penitentiz potius, quam vitacionis peccati, peccatum constituitur absolutē futurum logicè, non suppositione causalī, quia tota supponitur ex libero arbitrio defectibili; sed cum ex illo supponatur causaliter conditionatē futurum, si Deus non illud impedire decernat, per hoc præcisè, quod illud Deus impedire non decernit, decernendo potius illud sanare, per penitentiam, illa futuritio causalis, & conditionata ex libero arbitrio, redditur iam futuritio absoluta peccati, ex sola futuritione non vitacionis illius, seu ex solo decreto permissivo illius. Rursus illa intentio ef-

licet potius curandi morbum peccati penitentia, quam illud vitandi, non est amor virtualis permissionis, nec virtualis volitio positiva permissionis, nec infert amorem, aut volitionem formalem positivam permissionis, sed solum est virtualis, aut, ut ego sentio, formalis exercitia, & activa permissio, seu volitio permissiva respectu permissionis passivæ peccati, ac per consequens solum est permissiva ipsius peccati permisi, non positiva illius volitio, nec formalis, nec virtualis: Non ergo sequitur, quod sit amor, aut volitio positiva, nec formalis, nec virtualis peccati, cum talis non sit adhuc respectu permissionis passivæ. Unde nihil amplius sequitur ex intentione efficiendi penitentiam ante prævisum absolute peccatum, nisi quod illa sit activa formalis, aut virtualis permissio ipsius peccati, in quo nullum est inconveniens.

66 Nec est instantia in decreto, quo Deus ante prævisum absolute panem, decernat conversionem illius in substantiam corporis Christi. Fateor enim, quod illud decretum esset volitio positiva, & causalis respectu panis convertendi, vel virtualiter, vel formaliter, sed hoc ideo est, quia panis non supponitur aliunde futurus sub præcisa conditione, quod Deus non impediat illius existentiam, aut Deo pure permittente, sed solum potest esse causaliter, & positivè à Deo illi producente; at peccatum supponitur aliunde futurum causaliter, nempe ex libero arbitrio, Deo pure non impediante, aut pure sinente, quod liberum arbitrium committit peccatum; unde opus non est, quod decretum de illo sanando per penitentiam sit virtualis, nec formalis volitio illius positiva, & causalis. Fatetur enim, quod volitio efficax finis debet esse volitio efficax, vel formalis, vel virtualis omnium illorum, quæ ad finem requiruntur, si aliunde futura causaliter non prævideantur pure sinente, & permittente, qui vult finem efficaciter, secus tamen si aliunde futura causaliter prævideatur, ipso pure sinente, & non impediante; peccatum autem hoc secundo modo se habet; panis vero ad conversionem illo primo modo, unde nulla est paritas. Ex quo patet ad sequentia.

67 Obijciunt enim quarto: Intentio penitentia necessario supponit prævisionem peccati futuri: Sed peccatum non prævidetur futurum, nisi in vi permissionis illius: Ergo intentio penitentia supponit permissionem peccati. Maior probatur, quia penitentia non est de primaria intentione, aut per se primo intendibilis, sed bonum occasionatum, ut docent PP. cum Damasceno: Ergo non intenditur, nisi occasione mali prævisi: Ergo supponit malum, seu peccatum prævisum. Secundo, quia intendens finem efficaciter, si nolit suam intentionem frustrari, debet prius videre futurum requisitum ad finem, quod

non est in eius dominio, & electione: Sed peccatum non est penes Dei dominium, & electionem; & alias est necessarium requisitum ad penitentiam: Ergo nequit Deus efficaciter intendere penitentiam, nisi prius videat peccatum futurum. Tertio, & principaliter, quia penitentia intendi non potest, nisi ex intentione destruendi, & remittendi peccatum, quia in hoc eius essentia potissimum consistit: Sed sic intendi non potest, nisi prævisum absolute peccato: Ergo.

68 Respondeo, distinguendo maiorem: Intentio penitentia supponit prævisionem peccati futuri omnino absolute independentem à permissione intendentis, nego maiorem: Futurum conditionatè, sub conditione, quod intendens illud non impediat, concedo maiorem. Nec aliud convincunt probationes. Ad primam enim dico, quod Damascenus, & alij PP. rectè dicunt penitentiam esse bonum occasionatum, quia scilicet non est per se primo intendibilis, sed solum occasione peccati futuri, aut imminētis ex libero arbitrio, nisi Deus illud impediat suo auxilio; hæc enim prævisio conditionata semper supponitur ad intendendam efficaciter penitentiam, & ideo rectè dicitur bonum occasionatum; non vero quia intentio illius debeat supponere peccatum absolute permissum, & prævisum, ut omnino absolute futurum. Nec in contra est, si dicas, penitentiam debere supponere peccatum absolute commissum, & permissum, & non tantum conditionatè imminētis, aut futurum. Quia hoc verum est de penitentia ipsa, sed non de intentione divina dandi donum penitentia, cui satis est supponere peccatum causaliter conditionatè futurum, & per se illud non impedire, quia hoc pacto redditur absolute futurum. Ad secundam dico, quod intendens finem efficaciter, si nolit suam intentionem frustrari, debet prævidere futurum aliunde absolute illud requisitum ad finem, quod nec positivè, nec permissivè subiacet eius dominio, & electioni; illud autem quod causaliter, & positivè non subiacet eius dominio, & electioni, sed solum libero arbitrio voluntatis creatæ, permissivè vero subiacet eius dominio, debet quidem prævidere illud causaliter conditionatè futurum, quantum est ex parte liberi arbitrij creati, si ipse Deus non impediat; non autem absolute futurum ex parte Dei permittentis, quia hoc pacto subiacet eius dominio permissivè, & sic potest ex vi intentionis penitentia illud permittere, vel inferre permissionem, & reddere illud absolute futurum consequenter ad illam intentionem, & opus non est illud sic absolute futurum supponere.

69 Ad tertiam dico, quod multimodis intelligi potest permitti peccatum ex intentione penitentia ut remissivè, & destrudivè peccati, scilicet ex fine destruedi, & remittendi peccatum.

Primo, si supposito uno peccato, nempe superbie occultæ, intendat Deus illud destruerè, & remittere, & ex hac intentione permittat peccatum manifestum; & hoc pacto explicatur communiter à PP. locis suprà citatis, quia sic facilius percipitur Dei providentia in permissioe peccati manifesti; & nullum apparet inconveniens in eo, quod Deus permittat minus, & manifestum peccatum, ex intentione præceptæ ut destructivæ alterius maioris, & occultioris peccati. Rursus etiam permitti potest peccatum levius ex intentione penitentiae, non solum ut destructivæ peccati peioris, sed ut præservativa à peccato peiori præsumptionis imminenti, licet nondum existentis; & hoc pacto etiam innuunt PP. Deum permittere peccatum levius ad vitandum maius per penitentiam. Sed quia de peccato maiori, nempe superbia, restat eadem difficultas, nempe, quò sine Deus illud permittit? Ideo opus est recurrere ad alium finem. Vnde dico, quod in permissione primi peccati habet Deus pro fine penitentiam, non præcisè, quia remissivam, aut destructivam illius, sed vel ad firmiorem fanaticam, & præcautionem peccatoris, vel ut melius dicam, ut offensivam specialiter divinæ bonitatis, & potentiae; nec enim alio fine, *maluit Deus de malis benefacere, quam mala nulla esse permittere*, ut expressè ait Augustinus, nisi quia in hoc quod est de malis benefacere, magis ostenditur Dei bonitas, & potentia, quam si nulla mala esse permitteret: Ex hoc igitur sine intendit penitentiam remissivam, & destructivam peccati ante primum peccatum absolute permittit; relatè autem ad prædestinatam finis proximus est ad uberiorem gratiam, vel firmiorem perseverantiam illi impetrandam.

70 Sed replicabis: Dum intenditur penitentia, ex quocumque fine intendatur, non potest non intendi, nisi ut destructiva, & destructiva peccati, quia hæc est eius essentia: Sed sic intendi non potest ut destructiva peccati, nisi supponendo absolute peccatum: Ergo. Probatur minor, quia ut destructiva peccati supponit essentialiter ipsum peccatum: Ergo intendi non potest ut destructiva peccati, nisi intendatur ut supponens peccatum: Ergo nec nisi supponendo peccatum. Respondéo, instando prius in intentione gloriæ ut coronæ, quæ est ante præstita merita; & tamen gloria ut coronæ essentialiter supponit merita. Et in intentione efficaci scribendi, scripio enim essentialiter supponit præsentè papyrum, & tamen intenditur ante præsentiam papyri. Deinde concessa maiori, nego minorem. Ad probationem, concessio antecedenti, distinguo consequens: Nisi intendatur ut signatè ex parte obiecti supponens peccatum, concedo: Ut exercitè supponens ex parte intentionis peccatum, nego consequentiam; quia bene potest quis ante præsentiam pa-

pypi velle efficaciter scribere, licet non velit scribere ante præsentiam papyri; sic Deus ante prævisum, & permittit absolute peccatum intendit efficaciter donare homini penitentiam, sed non intendit donare homini penitentiam, aut hominem penitente ante prævisum absolute peccatum; quia illa intentio ex parte actus præcedit peccati cuiusque permissionem passivam, sed ex parte obiecti signatè voliti, vult penitentiam non futuram, nisi post peccatum permittit.

#### COROLLARIA EX DICTIS.

71 Inferatur primo ex dictis, quod entitas materialis peccati, seu actus, actualis talque peccati, est etiam finis prædestinationis in electis, non sub hac ratione improprie, & permittit, sed positive volitus, & causatus sub præcisa ratione eritatis, actualitatis, & perfectionis, quam importat. Probatur facile, quia entitas peccati sic sumpta est verè effectus Dei, divineque omnipotentiae à Deo prædestinatus, & volitus præcise à malitia, ut ostendimus *Tractat. de Provident. quest. 19. per totum*: Aliunde in prædestinatis conducit ad finem prædestinationis intentum: Ergo est effectus. verè, & propriè talis prædestinationis, volitus, & prædestinitus ex ipsa. Minor probatur, primo ex illo Apostoli: *Diligentibus Deum omnia cooperantur in bonum*. Secundò, quia licet actus positivus peccati ex se non tendat positivè in finem prædestinationis ex intentione peccantis, tamen ex intentione Dei potest trahere, & ferre ipsum peccatum, præter illius intentionem, ad ipsum finem prædestinationis; vnde cum August. *lib. 5. Confess. cap. 8. descriptisset sui Matrem, ad litus maris venientem, & conquærentem de ipso, quod in Mediolanum, ipsa nolente, navigasset, sic subiungit: Cum & meis cupiditatibus raperes ad finiendas ipsas cupiditates*; ecce ipsis cupiditatibus illicitè traheretur Augustinus ex intentione Dei, licet præter suam, ad finiendas ipsas cupiditates, & consequenter ad incipiendam viam salutis. Sic ergo mirabili dispositione Deus suos electos, etiam dum positivè, & vehementer præter modum, & regulari appetit delectationes, divitias, & honores, in quo appetitu potissime actus peccati consistit, eo ipso appetitu, quo ipsi ex propria intentione in turpibus bona inclinantur, eos Deus docet ex intentione Dei, & præter intentionem illorum, ad finem viæ æternæ ipsis à Deo destinatum; sicut cum Fratrès Ioseph, dum ex propria intentione voluerunt se pelire memoriam illius, vendendo ipsum Ioseph, ex intentione tamen Dei miserunt illum ad regnandum super ipsos: Sic ergo solet contingere, quod dum diabolus homines per illicitas cupiditates ad infernum ducere se putat, Deus mirabili ordinatione per ipsas cupiditates ad salutem

occurrere ordinat, & perducit, cuius ordinationis semper mirabilis plura sunt exempta manifesta, ubi autem ea ordinatio manifestè non cernitur credenda est, quia Deus nihil non ordinatè facit, & in electis non nisi in ordine ad finem ipsius destinatum.

72. Infertur secundò, quod permissio peccati in reprobis est effectus prædestinationis electorum, seu defectus permissus, & ordinatus ad finem prædestinationis illorum. Constat ex Div. Thom. super Epistol. ad Roman. cap. 8. lect. 6. ubi sic ait: Sicut malum, quod in universo accidit, non semper ordinatur in bonum illius, cui accidit, sed ad bonum universi; ita malum culpæ, seu illius permissio non semper in bonum illius, cui permittitur, ordinatur; bene tamen in bonum nobilissimum partium, scilicet electorum. Unde permissio peccati reproborum non cedit in illorum utilitatem, sed in utilitatem Sanctorum, iuxta illud Proverb. 11. Qui stultus est serviet sapienti, quia scilicet etiam mala peccatorum in bonum iustorum cadunt, eo quod Deus illos propter se diligit, secus autem peccatores, qui sicut per culpam iumenta facti sunt, iuxta illud Psalm. Homo cum in honore esset, non intellexit, comparatus est iumentis, & similis factus est ipsis, ut iumenta tractantur à Deo, illos propter se non diligendo, sed omnia illorum in utilitatem Sanctorum ordinat, sicut nec iumenta, aliquid vult benevolentie amore propter ipsa, sed propter hominem, cui omnia subiecta fuerunt. Quæ doctrina amplius infra explicabitur.

## QUÆSTIO X.

AN SUBSTANTIA, VEL EXISTENTIA prædestinati sit effectus prædestinationis?

Supponenda est divisio effectuum prædestinationis supra expensa quæst. 6. num. 3. & 5. quæ supposita, supponimus etiam substantiam, seu existentiam prædestinati non esse per se perfectitate intrinseca ex parte sua effectus prædestinationis, nec effectum elicitem illius. Patet, quia est conditio purè naturalis, perfectæque ab intrinseco solum exigens causalitatem Dei vel Anchoris naturalis, non vero providentiam Dei supernaturalem, qualis est prædestinatio: Ergo per se, perfectate intrinseca ex parte sua, non est effectus prædestinationis, & consequenter nec effectus proprius, & elicitus prædestinationis. Secundo supponendum est, quod per se, & intrinsece ex parte sua est effectus divinæ sapientie, & artis, potius quam alicuius providentiæ. Id explicat D. Thom. super Epistol. ad Roman. cap. 1. lect. 3. ubi ait, quod prædestinare nihil aliud est, quam ante in corde disponere, quod sit de aliqua

resciendum: Potest tamen aliquis de futura rei seu operatione disponere, uno modo quantum ad ipsam rei constitutionem, sicut artifex disponit qualiter debeat facere domum; secundo modo quantum ad ipsum usum, vel gubernationem rei; & ad hanc secundam præordinationem pertinet prædestinatio, non ad primam; id enim quo aliquis vitatur refertur in finem; sed cum res in se ipsa constituitur, non dirigitur ex hoc ipso ad aliud, unde prædictio constitutionis rei propriè prædestinata dici non potest. Sequitur ergo, quod substantia, vel existentia prædestinati intransitivè, & in se sumpta, quatenus constat ex suis prædicatis intrinsece illam constituentibus, est per se effectus Dei ut summi artificis, seu divinæ sapientie per modum artis, non vero illius per modum prædestinationis. Idem nec per modum providentiæ, quia providentia, ut contra artem distinguitur, importat etiam prædestinationem ordinativam, & gubernativam rei ad finem, non vero prædispositionem constructivam rei, quæ sapiens disponit, ex quibus, aut quomodo res fitiendæ, hoc enim est proprium artis: Sequitur ergo quod substantia prædestinati intrinsece, & intransitivè in se sumpta est per se effectus divinæ sapientie per modum artis, non vero illius per modum providentiæ, nec prædestinationis.

2. Difficultas autem est, an extrinsece talis substantia dici debeat effectus prædestinationis ordinatus per ipsam ad finem prædestinationis. Quod tamen adhuc dupliciter considerari potest. Nempe vel ordinatione antecedenti ipsius productionem, vel ordinatione consequenti ad illius productionem. Exempli gratia, potest quis, supposita papyro constructa, intendere ex illa librum imprimere, seu typis dare, papyrum iam constructam ordinando consequenter ad librum imprimendum; vel ex intentione libri edendi ordinare quod papyrus construat apud librum edendo. In primo casu substantia, vel existentia papyri non est propriè effectus intentionis, nec ordinationis ad librum edendum, sed solum consequenter ordinata ad libri additionem. In secundo vero est per se ex parte ordinantis effectus intentionis, & ordinationis ad librum edendum, quia antecedenter ordinata; & imperare causaliter ex intentione libri edendi. Sic igitur in prædicta substantia prædestinati dupliciter potest ordinari ad illius glorificationem, nempe vel consequenter ad illius creationem, & productionem per divinam artem, & sapientiam; & hoc pacto erit centè effectus prædestinationis extrinsece, quantum ad ordinem consequentem illius ad finem; sed de hoc non disputamus, quia nullus negat, hoc modo esse effectum extrinsecè, & consequenter ordinatum ad finem prædestinationis per ipsam prædestinationem. Secundo potest ordinari antecedenter eius productio ad finem prædesti-

nationis, ita vt ex intentione ipsa hominem glorificandi, Deus per suam artem, & sapientiam disponat creare hominem aptum glorificationi, ita quod ex nostro modo concipiendi intentio glorificandi hominem præcedat dispositionem practicam artis, & illam quasi imperet, non vero illam supponat; & hoc secundo modo interroge- mus, an substantia prædestinati sit effectus prædestinationis. Hoc præmissis.

### NOSTRA CONCLUSIO.

3 **D**icendum existimo, quod substantia cuiuslibet prædestinati est sua prædestinationis effectus. Est contra Vazquez, Alarcon, Meratium, & plures Iesuitas, & contra aliquos etiam ex Thomistis, qui vniuersaliter negant substantiam prædestinati esse prædestinationis effectum; est etiam contra Hericé, Fasolum, & alios, qui admittunt substantiam prædestinati esse prædestinationis effectum, quando fit modo miraculoso, aut supernaturali, secus autem regulariter. Nostra autem conclusio est communior iam inter Thomistas, & plures Iesuitas.

4 Probatur autem primo ex Div. Thom. in præsent. artic. 8. in argument. sed contra, ubi probat, prædestinationem precibus Sanctorum iuari, eo quod Genes. 25. dicitur, quod Isaac rogabit Dominum pro Rebecca uxore sua, & dedit illi conceptum, ex quo natus est Iacob. Ex quo fit arguitur: Preces Sanctorum non inuant prædestinationem, nisi quatenus impetrant aliquid eius effectum, vt ibidem ait Div. Thom. Sed preces Isaac iuuarunt ex mente Div. Thom. prædestinationem Iacob, quia impetrarunt eius conceptionem, qua nempe ipsius substantia fuit primo concepta: Ergo quia eius substantia fuit effectus prædestinationis illius. Nec dicas, ex hac & similibus conceptionibus impetratis miraculose precibus Sanctorum, solum probari, quod illorum substantia, qui hoc modo geniti fuere, sit effectus prædestinationis illorum, v. g. in beata Virgine, Ioanne Baptista, Samuele, & alijs huiusmodi; secus vero regulariter. Contra enim est, quod subiungit ibid. D. Thom. nempe: *Ite prædestinatur à Deo salus alicuius, vt etiam sub ordine prædestinationis cadat, quicquid hominem promouet in salutem, vel orationes propriae, vel aliorum, vel alia bona, vel quicquid huiusmodi, sine quibus aliquis salutem non consequitur*: Sed substantia prædestinati cuiuslibet talis est, quod sine illa nemo salutem consequitur: Ergo cuiuslibet prædestinati substantia cadit sub ordine diuinæ prædestinationis. Secundò ex ipso in 1. distinct. 41. artic. 4. corpor. ubi postquam ait, omnem causam, cuius operatione complectur effectus prædestinationis, prædestinationem iuare,

sic subiungit: Sicut motus cæli, & omnes cause naturales iuant prædestinationem, in quantum earum officio perficitur generatio, & substantia electorum: Sed hoc esset falsum, si substantia electorum non esset effectus prædestinationis, quia generatio, & substantia solum est de substantia illorum: Ergo substantia electorum est effectus prædestinationis.

5 Secundò probatur ratione, quia substantiam electi esse effectum prædestinationis est ipsam à Deo produci ex intentione ipsius glorificandi, & ordinari antecedenter ad ipsius glorificationem: Sed substantia cuiusvis prædestinati à Deo producitur, & fit ex intentione ipsam glorificandi, & ad hoc ordinatur antecedenter à Deo: Ergo est effectus prædestinationis illius. Probatur minor, in qua sola stat difficultas, primò, quia substantia prædestinati, dum fit, aut producitur à Deo, seu dum fieri decernitur, non fit, nec fieri decernitur ignoratè, & inordinatè, hoc est sine scientia, & ordinatione prævia de fine, quem vltimo habitura fit, sed cum prævia scientia, & ordinatione ad talem finem: Sed hoc esse non potest, nisi fiat ex intentione efficaci ipsam glorificandi, & cum præordinatione illius ad ipsam glorificandum: Ergo sic à Deo producitur, & fit. Probatur in primis maior, quia Deus summè sciens, & prouidens nihil efficit cum ignorantia, aut necessitate finis habendi, ad quem res facta peruentura sit, minusque sine prouidentia, & ordinatione ad ipsum finem, quem re ipsa res facta habitura sit, alias fieret improvidè, & inscienter, & inordinatè: Ergo nec substantia prædestinati hoc modo fit, aut producitur à Deo, sed potius cum præscientia, & præordinatione de fine, quem re ipsa habitura sit. Nec dicas satis esse, quod pro posteriori ad decretum producendi rem, ordinet ipsam ad finem, quem certo habitura sit, & consequenter etiam sciat, quem finem certo habitura sit. Contra enim est, quia per hoc liberè non posset eius productio, aut decretum eam producendi ab improvidentia, & inscientia finis certi, & respectu decreti producendi ipsam iam esset casu-alis, & fortuitus finis post decretatus, & volutus: Ergo ne dicatur decretum procedendi rem fuisse improvidum, & inscium de fine rei, dicendum est, quod illud primum decretum rei producendæ fuit ex intentione efficaci certi finis, & cum efficaci ordinatione rei ad certum finem illius rei.

6 Confirmatur, quia vt decretum producendi substantiam electi non dicatur improvidum, insciumque de certo fine illius, ad minus debet dici, ipsam decretum de substantia electi producenda esse re ipsa per se decretum de certo fine ipsius, aliter enim substantia electi produceretur modo vago, incerto, & improvido, quia sine fine efficaciter determinato, ad quem peruentura foret,

vsquedum pro posteriori ad rem productam, per accidens alio decreto, & intentione re ipsa distincta, & posteriori, & præter intentionem habitam in rei productione, determinaretur efficaciter finis ipsius; quod absurdum per se videtur, vel saltem otiosa illa dilatio intendendi, & determinandi finem vsque ad signum posterius, & per intentionem re ipsa posteriorem, cum Deus possit prævenire finem certum rei sciendæ antequam fiat, & hoc sit magis congruum ad perfectissimam ipsius providentiam: Tunc sic, sed eo ipso quod decretum de producenda substantia sit per se decretum de certo fine illius, per prius debet intelligi ex nostro modo concipiendi, ut decretum de certo fine, quam ut decretum de ipsa substantia producenda, quia ordinatè volens, per prius respicit, & vult finem, quam id, quod est ad finem, & casu quo per rationem ordinemus in Deo actum, vel actus volendi, debemus illos ordinare ordine prudentissimo, & providentissimo: Ergo semper debet intelligi, quod Deus per prius vult, & decernit certum finem substantiæ producendæ, quam ipsam substantiam producendam.

7 Confirmatur secundò, quia Deus substantiam hominis producere non potest, nisi ex intentione alicuius finis, quia alias produceret illam modo vago, incerto, & sine fine, quod propterea Deo repugnat: Sed non sufficit intentio inefficax finis certi, nec intentio vaga huius, vel illius finis: Ergo debet illam producere ex intentione efficaci certi finis: Sed substantiam predestinatam non producit ex intentione efficaci alterius certi finis, nisi glorificandi ipsum, quia revera non habitura est alium certum finem: Ergo illam producit ex intentione efficaci, & certa ipsam glorificandi. Minor primi syllogismi, in quo est difficultas, probatur, quia per solam intentionem inefficacem certi finis, aut vagam de hoc vel illo fine, non tollitur improvidentia, nec quod finis re ipsa secutus fuerit imprævisus, & improvius respectu talis primæ intentionis, & per accidens, seu præter illam secutus, quia ex vi intentionis inefficacis, aut vagæ præsciri non potuit ante rei productionem finis certo sequendus, ut per se patet, & quia præter intentionem inefficacem, aut vagam est, quod sequatur hic potius finis, quam alius re ipsa, & cum effectu: Ergo ut productio rei sit perfectè provida, & cum perfecta finis intentione, cui per accidens, & casualiter non adveniat finis certus, non sufficit, quod producat ex intentione inefficaci, aut vaga.

8 Confirmatur tertio, quia in Deo, si distinguamus artem, & providentiam, potius ars subordinatur providentiæ ad finem, quam providentia arti, quia hoc in omni arte contingit, quæ semper in conficiendis artefactis subordinatur, & obedit fini, ad quem ea artefacta servitura sint, & Principi curanti de fine illo, unde ars frænosato-

ria subordinatur æquestri, æquestri militati, militaris autem regimini Principis pro conservanda, & augenda Republica, cuius providentiæ omnes artes obediunt, unde in Republica omnes artes obediunt, & subordinantur fini Republicæ, & providentiæ curanti de illo fine: Ergo & in Deo ars debet subordinari fini, & providentiæ in ordine ad finem, eo modo, quo ars, & providentia distinguantur: Tunc sic, sed substantia predestinata est per se effectus artis, ut supra vidimus ex Div. Thom. Ergo sit ab arte divina cum subordinatione ad finem, & ad providentiam erga finem: Ergo cum prævia ordinatione ad certum finem: Est ergo effectus ordinationis, seu predestinationis ad finem.

9 Denique probatur, quia nulla est repugnancia in eo, quod substantia predestinata fiat ex intentione efficaci ipsum glorificandi, & cum prævia ordinatione ad ipsum glorificandum: Sed aliunde perfectior intelligitur divina providentia, si ita intelligatur: Ergo ita de eo intelligi: Fit ergo substantia predestinata ex intentione efficaci, & cum ordinatione antecedenti ad gloriam, & consequenter est effectus predestinationis. Minor patet, tum quia illa est perfectior providentia de qualibet re, quæ magis prævenit, præscit, & præordinat finem certum illius rei: Sed magis prævenit, præscit, & præordinat finis certus predestinati, si talis finis prædefinitus efficaciter ante productionem substantiæ illius, quam si solum consequenter ad eius productionem ordinetur ad talem finem: Ergo, Tum quia perfectior est providentia, quæ complectitur per se totum ordinem rei à principio, seu à subiecto vsque ad finem ultimum illius, includendo subiectum ipsum, & finem, quam providentia, quæ supposito subiecto, solum curat de ordine illius ad finem: Ergo perfectior providentia erit predestinatio, si ordinet antecedenter etiam ipsius subiecti productionem ad finem, quam si, supposito subiecto, solum ordinet media ad finem. Maior vero probatur, quia si aliqua esset repugnancia, maxime, quia substantia predestinationis est subiectum predestinationis ordinandum ad finem, & causa materialis talis ordinationis passivæ: Sed hoc non tollit, quod ipsa substantia fiat ex intentione, & ordinatione antecedenti ad finem: Ergo nulla est repugnancia. Minor probatur, primò, quia substantia Christi ut hominis est subiectum predestinationis Christi, & tamen est effectus predestinationis illius. Secundò, quia plures ex contrariis adhibent substantiam predestinati, quando sit miraculosè, esse effectum predestinationis; & tamen est subiectum illius. Tertio, quia qui ex fine conficiendi librum ordinaret fabricari papyri ad librum edendum, respiceret pro subiecto, & causa materiali talis libri papyrum; & tamen esset papyrus effectus intentionis, & ordina-

tionis ad conficiendum librum: Ergo talis ratio repugnantia nulla est.

### SOLVUNTUR OBIECTA.

10 **O**bjiciunt contrarij primò: Non minus supponit subiectum productum intentio efficax accidentis, quam accidens ipsum: Sed gloria est accidens quoddam substantiæ prædestinati, & necessariò supponit illam productam: Ergo prædestinatio, seu intentio efficax gloriæ supponit etiam substantiam prædestinati productam: Ergo hæc non est effectus illius intentionis, aut prædestinationis.

11 Respondet Illustris. Godoy, concessa maiori, distinguendo minorem, & concedendo, quod gloria supponit substantiam prædestinati in genere causæ materialis, sed negando quod illam supponat in alio genere. Vnde concedit similiter, quod intentio efficax gloriæ conferat, aut prædestinatio supponit etiam substantiam prædestinati in genere causæ materialis; sed cum hoc conciliat, quod sit effectus illius in genere causæ finalis. Sed hanc solutionem nunquam intellexi, quia licet ex parte obiecti substantia prædestinati sit prior in genere causæ materialis ad gloriam, tanquam subiectum completum ad suum accidens, tamen ex parte actus intentio efficax hominem glorificandi non supponit, vt sui causam materiale, substantiam, quia licet substantia sit causa materialis sui accidentis, non est tamen causa materialis intentionis, nec prædestinationis ad tale accidens; sicut licet papyrus sit causa materialis libri ex illo conficiendi, tamen non est causa materialis intentionis conficiendi librum, nec ad illam præcedit in genere causæ materialis. Rursus nec intelligere potui, quod substantia prædestinati sit effectus intentionis, aut prædestinationis ad gloriam in genere causæ finalis, quia licet sit effectus gloriæ præ intentum in genere causæ finalis, ipsius tamen intentionis, & ordinationis est effectus in genere causæ efficientis, non finalis; sicut in exemplo apposito, papyrus est effectus in genere causæ finalis libri intenti ex eo conficiendi, sed non intentionis conficiendi librum, quia ex illa descendit in genere causæ efficientis. Et quidem, si prædestinatio, aut intentio efficax gloriæ supponeret vt sui causam materiale substantiam prædestinati, sicut illam gloria supponit, sequeretur manifestè, quod sicut gloria non potest causare efficienter substantiam, quam veluti sui subiectum, & causam materiale supponit, sic nec prædestinatio, aut intentio efficax gloriæ posset causare efficienter substantiam prædestinati, quam veluti subiectum supponeret productam.

12 Melius ergo respondeo, negando maiorem, quia licet accidens supponat sui subiectum,

seu substantiam productam, vt potè ab illa dependens in genere causæ materialis, tamen intentio efficax accidentis non debet supponere ipsam substantiam productam, vt patet in eo, qui intendit conficere librum, qui non debet supponere papyrus productam, aut fabricatam, quia si in eius dominio sit producere substantiam, bene potest efficaciter intendere accidens aut substantiam productam, producendo potius ex vi talis intentionis substantiam, sine qua accidens intentum esse non potest, & à quo dependet in genere causæ materialis; causa enim efficiens accidentis, vt est intentio efficax gloriæ, non debet supponere substantiam productam, quando de se habet vim illam producendi, seu illius productionem imperandi, quia tunc est per se causa efficax vtriusque, per prius gloriæ vt finis, & propter gloriam substantiæ, vel subiecti, & omnium illorum quæ ad finem gloriæ conducunt.

13 Sed dices: Intentio finis solum præcedit electionem mediorum, seu media, sola que media ex illa intentione procedunt in genere causæ efficientis: Sed substantia prædestinati nõ est medium ad gloriam, sed gloriæ subiectum: Ergo non procedit efficienter ex intentione gloriæ. Respondet, distinguendo maiorem: Solum præcedit electionem mediorum, aut media, sola que media ex illa intentione procedunt, accipiendo electionem latè, & media etiam latè pro omnibus, quæ sunt ad finem, concedo: Accipiendo media stricte, pro eis, quæ mediant inter subiectum, & finem illius, nego maiorem, & distincta minori eodem modo, nego consequentiam, quia ex intentione finis nõ solum sequitur electio stricte mediorum, sed etiam electio latè sumpta pro volutione eorum, quæ sunt ad finem, siue vt media, siue vt subiectum, & causa materialis ipsius finis; vt patet exemplo apposito papyri fabricati ad librum conficiendum, vnde ex intentione finis etiam procedit ipsa causa materialis finis, quia licet non sit propriè medium, est tamen latè mediū, quia se habet ad finem vt materia, & omnia quæ sunt ad finem possunt descendere efficienter ex intentione finis.

14 Obijciunt secundo: Volitio, seu voluntas efficax gloriæ non potest præcedere voluntatem efficientem de substantia, seu de subiecto gloriæ. Tum quia Deus non prius vult gloriam in abstracto, & postea subiectum illius, sed primo decreto vult gloriam in concreto, cum subiecto; tum quia, supposita intentione gloriæ non manet libertas producendi, vel non producendi subiectum: Ergo nec locus voluntati libertæ pro posteriori de subiecto producendo: Ergo nec voluntas efficax factiva substantiæ potest subsequi ad voluntatem efficientem gloriæ: Sed eo ipso voluntas efficax productiva substantiæ debet supponi ante voluntatem efficientem gloriæ, quia si non subsequitur, debet præcedere, cum inter eas voluntas.

tantates debeat esse aliquis ordo: Ergo voluntas efficax producendi substantiam præsupponitur ad voluntatem gloriæ: Ergo substantia prædestinati non est per se effectus intentionis gloriæ, sed voluntatis anterioris ad intentionem gloriæ: Ergo nec prædestinationis.

15 Huic argumento, Illust. Godoy concedit, quod decretum, seu voluntas executiva substantiæ prædestinati præcedit decretum executivum, seu voluntatem executivam gratiæ, & gloriæ; verumtamen voluntatem intentivam gloriæ esse priorem voluntate, & decreto intentivo substantiæ prædestinati, & sic istam ex intentione gloriæ descendere. Sed contra sibi obijcit, quia imperium est de objecto, ut executioni mandando: Ergo si decretum executivum substantiæ prædestinati est prius ad decretum executivum gloriæ, etiam imperium de substantia prædestinati producenda erit prius ad imperium de gratia, & gloriæ conferenda: Sed in hoc imperio consistit essentialiter prædestinatio: Ergo prædestinatio erit posterior ad imperium de substantia producenda: Ergo substantia producenda non erit prædestinationis effectus, sed alterius imperij, & ordinationis antecedentis. Huic replicæ, quæ sanè videtur, respondet, nõ intervenire in prædestinatione duplex imperium adhuc virtualiter distinctum, sed vnum, & idem cum duplici terminatione, altera ad substantiam, altera ad gloriam, & hic vnicus actus imperij est prior in genere causæ finalis, & eundem terminationem ad gloriam, se ipso secundum terminationem ad substantiam; & e contra prior in genere causæ materialis secundum terminationem ad substantiam, quam secundum terminationem ad gloriam.

16 Sed in hac doctrina detegitur, quam difficilis sit ea distinctio decretorum virtualis, quam toties adstruit. Si enim, iuxta ipsum, sufficit vnicum imperium, adhuc virtualiter vnicum, ad imperandam executionem, tum substantiæ, tum medijs ad gloriam, tum ipsius gloriæ, cur non sufficit vnicum virtualiter decretum ad decernendam, tum intentivè, tum executivè substantiam, media ad gloriam & ipsam gloriam? Rursus detegitur, quam voluntaria sit illa doctrina de diversis terminationibus, nam sanè cum inquit, esse vnicum imperium cum diversis terminationibus, vel sensus est, quod habet distinctas terminationes obiectivas, seu passivas ex parte rerum sciendarum; & si hoc dicat, non abnuimus, quia nemo negat passivas terminationes distinguere ex parte rerum iuxta ipsarum rerum distinctionem; deberet tamen similiter ex parte voluntatis diviniæ liberæ non distinguere plures terminationes activas liberas, sed solum passivas ex parte rerum; quod minimè facit. Si autem sensus sit, quod illud imperium est vnicum virtualiter cum duplici, aut multiplici terminatione activa, & intrinseca

ex parte ipsius imperij, purè voluntatiè dictatur vnicum imperium, quando ex parte diviniæ voluntatis ponitur duplex, aut multiplex decretum virtualiter. Nam quo titulo ponit ex parte voluntatis plura decreta virtualiter distincta, de subiecto, de medijs, & de fine? Sanè non quia actus Dei libet quoad entitatem sit multiplex, sed quia quantum ad liberas terminationes, quas addit entitati necessariè, est multiplex, seu quia sunt plures terminationes activæ, & quot ponuntur terminationes activæ, tot ponuntur decreta libera virtualiter distincta: Ergo pariter in imperio libero, quod sanè supra actum necessarium divini intellectus, non addit, nisi terminationem liberam iuxta ipsum, implicat poni plures terminationes activas, nisi ponantur plura imperia virtualiter distincta. Cur enim non erant plura imperia virtualiter distincta, quando sunt plures terminationes activæ per modum imperij, si debent esse plura virtualiter decreta, quando sunt plures terminationes activæ per modum decreti, aut volitionis? Denique militat contra dictam solutionem, quod sicut vnum decretum non est causa materialis alterius, nec prior altero in genere causæ materialis, ut supra arguebam, ita nec in imperio vna terminatio activa potest esse prior in genere causæ materialis ad aliam, nec causa materialis alterius, sed tota causalitas materialis stat ex parte obiecti, nempe ex parte substantiæ prædestinati respectu gloriæ.

17 Melius igitur respondo ad secundam obiectionem, concessio antecedenti, & prima consequentia, negando minorem subsumptam, quia voluntas efficax de substantia prædestinati, nec debet subsequi, nec antecedere voluntatem efficientem gloriæ, sed ex parte actus est vnica, & simplicissima voluntas de gloria ut fine, & de substantia, ut de subiecto finis; & eiusdem ad se ipsam nõ est prioritas, nec posterioritas à parte rei. Ex hoc ratiõne aperte sequitur, quod substantia prædestinati sit effectus intentionis efficacis gloriæ, quia sequitur, quod intentio efficax gloriæ per se sit etiam intentio, aut voluntas efficax de substantia prædestinati, ut de subiecto gloriæ; & cum sit effectus huius, etiam illius, cum sit eadem ipsissima per se voluntas efficax utriusque factiva. Cum autem opponis, quod inter eas voluntates debet esse aliquis ordo, nego, quod re ipsa, & à parte rei sit ordo inter ipsas ex parte actus, quia eiusdem ad se ipsum non est ordo, sed simplicitas, seu unitas simplicitatis. Vnde totus ordo est volutus ex parte obiecti, in quantum vnica simplici voluntate vult Deus substantiam ut causam materialem gloriæ, & gloriam ut causam finalem substantiæ prædestinati, & utrumque est effectus illius volitionis, seu intentionis, & consequenter prædestinationis.

28 Sed replicabis: Dato quod voluntas,



aut decretum intencivum substantiæ, & gloriæ sit per se vniq̃, tamen negari nequit, quod decretum executivum substantiæ prædestinati sit distinctum à decreto executivo gloriæ, quia decretum executivum substantiæ non supponit merita, decretum vero executivum gloriæ illa supponit: Sed eo ipso imperium de gloriâ debet etiam supponere decretum executivum substantiæ, & consequenter ipsam substantiam: Ergo & prædestinatio debet supponere substantiam, & hæc non potest esse effectus illius. Respondeo, quod nec decretum executivum substantiæ est distinctum à decreto executivo gloriæ à parte rei, & ex parte actus, sed sicut est unica simplex prædestinatio, & vnicum simplex imperium de toto ordine obiectivo prædestinati ad gloriam à subiecto inclusivè, & vique ad finem gloriæ etiam inclusivè; ita ut tota illa series, includendo substantiam, & gloriam, sit effectus illius prædestinationis, ita est vnicum simplex decretum executivum totius illius ordinis, includendo substantiam, & finem gloriæ, & sic opus non est distinguere à parte rei, aut ex parte actus decretum executivum substantiæ, & decretum executivum gloriæ, quia est per se vnicum, & simplicissimum à parte rei, executivum illius integri ordinis, & seriei, & hoc pacto rectè intelligitur, quò pacto substantia prædestinati sit effectus prædestinationis, & electionis ad gloriam. Sed quia semper subrepat modus ille imperfectus concipiendi decreta distincta velut distinctas volitiones ex parte actus, ideo.

19 Secundo respondeo, ad secundum argumentum ex n. 14. distinguendo antecedens: Voluntas efficax gloriæ non potest præcedere à parte rei voluntatem efficacem de substantia prædestinati, concedo: Ex nostro modo concipiendi, nego antecedens. Nec oppositum ibi probatur, quia licet Deus non velit gloriam in abstracto, sed in concreto, quia illo primo decreto vult hominem glorificare, aut beatificare, tamen potest intelligi voluntas efficax gloriæ, seu hominem glorificandi ante voluntatem formalem, & expressam ipsum producendi, sicut voluntas expressa librum concipiendi apud nos est prior ad voluntatem expressam, & formalem fabricandi papyrus. Et hoc propter ordinem, quem habere potest in mente divina substantia prædestinati ad sui glorificationem, tanquam ad finem cuius gratia ipsius, sicut papyrus in mente nostra ad librum cōficiendum, & quia semper voluntas finis, in ordinatè volente, est prior ad voluntatem illorum, quæ sunt ad finem; in nobis quidem re ipsa, in Deo autem ex modo nostro concipiendi divinam voluntatē ad modum nostræ, & per analogiam ad modum volendi in nobis. Nec ad hoc requiritur nova libertas re ipsa, sed sufficit nova libertas ex nostro modo concipiendi, quatenus concipimus, quod Deus prius vult facere homi-

nem gloriosum tali gloria specifica, & tali mensura specifica, & postea nova libertate disponit substantiam producere talem, vel talem, ex qua possit facere hominem gloriosum, & beatum determinatum in individuo, ad modum, quo id revera contingit in nobis in exemplo relato; licet in Deo revera sit unica simplicissima voluntas substantiæ determinatæ, & gloriæ determinatæ in specie, & in individuo, in nobis autē re ipsa distincta.

20 Sed dices: Ideo inter nos voluntas concipiendi librum relinquit novam libertatem eligendi papyrus, quia illa prima voluntas non est de libro individualiter determinato, sed cum indifferentia, quoad individuum, & plures circumstantias talis libri determinandas per actus subse- quentes determinantes materiam, formam, media, & alia ad actum cōficiendum librum: Sed voluntas divina electiva hominis ad gloriam non est ita vaga circa subiectum, & cæteras circumstantias, sed determinatissima, utpotè actualis- sima: Ergo non relinquit novam libertatem ad decernendam substantiam, aut alias circumstantias. Respondeo, concessa maiori, distinguendo minorem: Voluntas divina non est re ipsa vaga circa subiectum gloriæ, & cæteras circumstantias, concedo; & ideo negamus in Deo re ipsa novam libertatem, seu novum, & distinctum decretum, & dicimus, quod re ipsa vnicò decreto omnia decernit. Non est, nec concipitur à nobis modo vago, & indifferenti circa subiectum, & qualitates illius, aut circumstantias individuantes, nego minorem; quia licet in Deo voluntas libera sit determinatissima erga obiectum certum, & determinatum quoad speciem, individuum, & cæteras circumstantias, quia actualis- sima, & ideo re ipsa non possit esse vaga; tamen hoc non tollit quod per analogiam ad nostram voluntatem potentialem concipiatur à nobis ut voluntas facienda hominem gloriosum, cum aliqua indifferentia, & vaguitate, & ut determinabilis per ulteriores actus ad certum individuum, & subiectum cum certis conditionibus ex parte substantiæ, quia licet hic modus concipiendi sit valde alienus à modo proprio divinæ voluntatis, subrepat tamen necessarîo nostro intellectui, dum de divina voluntate discurret per analogiam ad nostram, & hoc modo concipimus prius velle facere hominem gloriosum tali gloria specifica, quam velle facere ipsum hominem talis individui nature, & substantiæ, cum certis conditionibus, & qualitatibus, quibus aptus sit ad gloriam intentam. Quem modum concipiendi, si relegare velis, necessariò incides in eo quod eadem simplicissima voluntate, & libertate, qua Deus eligit facere hominem gloriosum, eligit, & vult talem individuum substantiam, cum talibus, & certis conditionibus individualibus, immò & omnia media, & circumstantias quibus fiendus sit taliter gloriosus, ac proin-

proinde omnia ista esse re ipsa effectus illius voluntatis, qua eligit, & vult facere hunc hominem gloriosum; quia hæc simplicissima voluntas vnico simplicissimo velle vult facere talem hominem in individuo, per hæc individualia media, beatum, & gloriosum hac individuali gloria, vnde illa est factiva huius individui hominis, horum individualium mediomm, & huius individualis gloriæ, & omnia ista sunt effectus illius simplicissimæ voluntatis, & consequenter illius simplicissimæ predestinationis, quæ omnia ista disponit, & ordinat faciendâ.

21 Obijcies tertio: Id est effectus predestinationis, quod per illam præparatur: Sed substantia predestinati non præparatur per predestinationem: Ergo nec est effectus predestinationis. Probat minor, quia prædestinatio est gratiæ preparatio, vt inquit Augustinus: Sed substantia predestinati non est gratia, sed natura ipsa substantialis: Ergo nec per predestinationem præparata. Respondeo, concessa maiori, negando minorem. Ad probationem, distinguo maiorem: Prædestinatio est gratiæ preparatio, gratiæ strictè talis præcisè, nego: Gratia, vel strictè, vel largè talis, concedo maiorem, & distinguo minorem eodem modo, quia D. Augustinus expresse intelligit pro gratia, quodlibet beneficium, vnde ait, quod *predestinatio est preparatio beneficiorum, quibus certissime liberantur, &c.* hoc autem modo ipsa substantia predestinati gratia est, quia est beneficium creationis, seu per gratiam creationis, & conservationis habita, & conservata; & hoc sufficit, vt sit effectus predestinationis quasi imperatus, & extrinsecè ordinatus ex intentione diuina ad finem predestinationis ordinatione causali, & antecedenti, licet non sit intrinsecè, & perfectè intrinsecè ordinata ad predestinationis finem, nec predestinationis effectus quasi elicitus, & proprius; quia ad hoc secundum requiritur quod sit gratia propriè talis, non ad primum.

22 Obijcies quartò: Quod non est ex meritis Christi non est effectus nostræ predestinationis: Sed substantia predestinati non est effectus meritorum Christi, quia vt inquit Augustinus Epist. 105. *Christus non pro iustis, vt homines conderentur, sed pro impijs mortuus est, vt iustificetur.* Ergo nec est effectus predestinationis. Respondeo, omiſſa maiori, distinguendo minorem: Substantia predestinati non est effectus meritorum Christi intrinsecè, & per se perfectè intrinsecè, concedo: Extrinsecè, & vt ordinata causaliter ad finem predestinationis, nego minorem, & consequentiam in eodem sensu. Nec obest dictum Augustinus, quia sensus illius est, quod finis præcipuus, & proprius meritorum Christi non fuit præcisè quod homines cõderentur, sed quod impij iustificarentur; cum quo stat, quod etiam

propter impios iustificandos meruerit Christus, quod homines conderentur, quia aliter non possent iustificari. Et quidem, si Christus mortuus est, vt impij iustificentur: Ergo mortuus est vt nõ moriatur in peccato mortali: Ergo vt conseruentur, & vivant vsquedum conuercantur: Ergo mortuus est pro eorum vita naturali, & substantia cõseruanda. Sed quia hic non est finis, nec hic sistit vis meritoria Christi, sed ordinat vitam naturalem ad vitam supernaturalem, seu ad iustificationem, ideo dicitur, quod non est mortuus vt homines conseruentur, sed vt iustificentur. Et quidem hoc argumentum manifestè instatur in eis conceptionibus aliquorum SS. quas impetrarunt Parentes ex meritis Christi; licet enim Christus mortuus non dicatur vt illi conciperentur, sed vt iustificarentur, hoc non tollit, quod eorum cõceptio, aut natiuitas naturalis fuerit etiam ex meritis Christi. Et ratio est, quia Christus non dicitur mortuus pro his omnibus, quæ nobis meruit sed solum pro his, quæ sunt finis præcipuus mortis Christi.

23 Obijcies quintò ex D. Thom. qui 3. part. quest. 1. artic. 4. ad 4. ait, quod predestinatio supponit præscientiam futurorum: Ergo à fortiori supponere debet substantiam predestinati futuram. Confirmatur, quia super Epistol. ad Roman. cap. 8. l. 6. sic ait: *Primum, in quo incipit ordo predestinationis impleri, est vocatio hominis.* Sed hoc esset falsum, si substantia predestinati esset effectus predestinationis, quia prius inciperet in substantia, quam in vocatione: Ergo. Confirmatur secundo ex textu suprà expenso, num. 1. vbi arti. & non predestinatio attribuitur dispositionem substantiæ predestinati. Respondeo, quod cū D. Th. ait, quod predestinatio supponit præscientiam futurorum, loquitur de illa ex parte effectus, aut gubernationis exterioris in adequatè, quatenus effectus principales illius, qui sunt iustificatio, & glorificatio præsupponunt præscientiam futurorum, non vero de illa in re-cto sumpta pro ordinatione ad adequatam predestinati ad gloriam, quia ista nihil de tali ordine supponit, sed totum ordinem disponit à primo subiecto inclusiue vsque ad vltimum actum. Ad primam confirmationem dico, quod predestinatio quantum ad effectus quasi elicitos, & proprios ipsius incipit impleri in vocatione predestinati, quia hæc est primus effectus proprius, & quasi elicitos predestinationis, per quem primo explicatur predestinatio vt contradistincta ab providentiâ merè naturali; sed hoc non tollit, quod predestinatio habeat alios effectus priores communes cum providentiâ etiam naturali, & quasi imperatos ex ipsa providentiâ supernaturali prædestinativa, & huius generis est substantia predestinati, bona indoles illius, & alia huiusmodi, quæ supponuntur ad vocationem gratui-

tam. Ad secundam confirmationem constat ex dictis n. 1. & 2. ubi explicavimus, quomodo substantia prædestinati sit effectus quasi elicitedivine artis, & quasi imperatoris prædestinationis, ordinatus ex illa, ordinatione antecedenti, ad finem prædestinationis.

23. Obijcies (exto) Si substantia prædestinati esset prædestinationis effectus, esset primus effectus prædestinationis: Sed hoc dici non potest: Ergo nec quod sit prædestinationis effectus. Probat minor, quia si esset primus prædestinationis effectus, Pelagianis non errasset, nec dissensisset à PP. ponendo ex parte nostra causam primi effectus prædestinationis, quia Pelagius non posuit ex parte nostra causam substantiæ prædestinati: Sed hoc est falsum: Ergo. Secundò, quia alias qui poneret dari ex parte nostra causam, aut meritum primæ gratiæ, seu primæ vocationis, non teneretur dicere, dari ex parte nostra causam, aut meritum prædestinationis, quia non teneretur dicere dari ex parte nostra causam, aut meritum primi effectus prædestinationis, nempe substantiæ prædestinati: Sed hoc est falsum, quia quisquis dicat dari ex parte nostra causam primæ gratiæ, ex consequenti debet dicere, dari ex parte nostra causam prædestinationis: Ergo. Confirmatur, quia effectus prædestinationis talem ordinem debent inter se habere, quod primus sit causa secundi, & secundus causa tertii, & sic primus debet esse concatenatus cum cæteris usque ad ultimum: Sed substantia prædestinati non est per se causa aliorum effectuum prædestinationis, nec concatenata cum cæteris usque ad ultimum: Ergo nec effectus prædestinationis.

25. Respondeo, distinguendo maiorem: Esset primus prædestinationis effectus inter omnes effectus illius, tam communes, quam proprios prædestinati, sive tam imperatos, quam elicitos, concedo: Esset primus inter effectus proprios, & elicitos, nego maiorem, & minorem in sensu cōcesso. Ad cuius primam probationem, nego sequelam, quia licet Pelagius non dixerit, substantiam prædestinati habere causam ex parte nostra, hoc ideo fuit, quia minimè sensit, substantiam esse primum effectum prædestinationis, sed ab hoc tam longè assuit, quod potius posuit primū prædestinationis effectum posteriorem, & consequentem ad motus salutes liberi arbitrii, & ex meritis nostris antecedentibus, cum poneret gratiam, & prædestinationem non prævenientem, sed postulatam liberi arbitrii in quo maxime dissensit à PP. qui gratiam, & prædestinationem ita prævenientem existimant, ut quantumvis anterior aliqua dispositio excogitaretur à Pelagio, vel à Semi Pelagianis ex parte liberi arbitrii, aut ex parte nostra ad finem prædestinationis, illam dixerunt esse prædestinationis ipsius effectum, & ex gratia per prædestinationem præparata, ita ut

ante primum prædestinationis effectum nulla prævia dispositio, aut meritum ex parte nostra præcederet; cui Patrum doctrinæ aperte contradicebat Pelagius, & Semi-Pelagiani. Nos autem tanto magis Pelagio contradicimus, & cum Patribus concordamus, quanto magis prævenienter dicimus esse prædestinationem, adeo ut non solum præveniat omnes motus salutes liberi arbitrii illos causando, sed etiam præveniat ipsam prædestinari substantiam, illius productionem, & conservationem imperando.

26. Ad secundam, distinguo sequelam: Non teneretur dicere, dari ex parte nostra causam, aut meritum primi effectus prædestinationis inter omnes effectus illius, sive proprios, sive communes, transeat: Primi effectus intra effectus proprios, & peculiare prædestinationis, nego sequelam, quia licet substantia prædestinati sit primus effectus prædestinationis, absolute loquendo inter omnia quæ utcumque sunt effectus illius, sive eliciti, sive imperati, sive proprii solius prædestinationis, sive communes alijs providentijs, tamen primus effectus proprius, & quasi elicited prædestinationis est gratia, per quam incipit ordinari prædestinatus ad vitam eternam, & de hoc primo effectu est questio inter Theologos, cum inquirunt, aut descendunt primum effectum prædestinationis non posse habere causam ex parte nostra; quod salve tamen non posset, qui diceret primam gratiam habere causam ex parte nostra, licet alias diceret non ipsam, sed substantiam prædestinati esse primum prædestinationis effectum ex illa imperatorum, & communem cum alijs providentijs.

27. Ad confirmationem dico, quod effectus prædestinationis in primis non debent esse intrinsece connexi, aut concatenati, primus cum secundo, nec secundus cum tertio, sed solum extrinsece in ipsa prædestinatione, ut ostendimus *quest. 2. à num. 13.* Deinde nec primus debet esse ratione sui causa per se, & ratione sui aliorum, sed satis est quod sit, vel causa materialis, vel efficiens ratione alterius, vel aliquid præambulum, & conduens ad alios effectus prædestinationis, quo pacto substantia prædestinati conducit absque dubio ad alios effectus prædestinationis, & ut subiectum omnium aliorum effectuum, est primum effectus in ordine obiectivo prædestinationis.

28. Obijcies septimò, seu replicabis: Substantia prædestinati, casu quo sit effectus alicuius providentiæ, est effectus providentiæ naturalis generalis, & communis reprobis; & prædestinatis: Sed effectus providentiæ naturalis, & generalis præsupponitur ad prædestinationem, quæ est providentia specialis: Ergo substantia prædestinati supponitur ad prædestinationem, & non est effectus illius. Probat minor, quia providentia generalis naturalis est prior, & præsupponitur ad præ-

providentiam specialem prædestinativam: Ergo effectus illius supponitur etiam ad istam. Confirmatur, quia in Deo voluntas generalis, quæ vult omnes homines salvos fieri est prior ad voluntatem specialem prædestinativam, quæ efficaciter vult hos præ alijs salvare: Sed voluntas illa generalis, vel supponit, vel causat substantiam prædestinatorum: Ergo substantia prædestinatorum supponitur ad voluntatem specialem prædestinativam. Probatur maior, primò, quia voluntas illa generalis est voluntas antecedens; voluntas vero prædestinativa est voluntas consequens: Sed voluntas antecedens est prior voluntate consequente: Ergo. Secundò, quia voluntas mittendi Christum ut Redemptorem est prior voluntate prædestinativa: Sed voluntas mittendi Christum ut Redemptorem est voluntas generalis salvandi omnes, vel ex illa procedit: Ergo hæc est prior voluntate prædestinativa. Tertiò, quia ordo inter divina decreta debet esse iuxta ordinem obiectorum: Sed obiectum voluntatis generalis, & antecedentis est prius, & non posterius ad obiectum voluntatis specialis prædestinativæ, quia obiectum illius est salus secundum se, & istius est salus ut hic & nunc cum circumstantijs, & prior est consideratio salutis secundum se, quàm salutis hic, & nunc cum circumstantijs, ut inquit D. Thom. Ergo & voluntas illa generalis est prior voluntate specialis prædestinativa.

29 Respondeo, omiſſa maiori, negando minorem. Ad cuius probationem, distinguo antecedens: Providentia naturalis, & generalis est prior ex nostro modo concipiendi cum ordine actus divinos, nego antecedens: Re ipsa, & à parte rei, subdividit: Ex parte actus, nego antecedens, vel suppositum, quod scilicet hoc sensu sine distinctione providentiæ: Est prior ex parte obiecti, subdividit: In genere causæ finalis, nego antecedens: In alio genere causæ, vel materialis, vel efficientis, concedo antecedens, & nego consequentiam, quia in primis iam sæpe diximus, quod in Deo ex parte actus, seu subiectivè, non est à parte rei, nisi unica providentia simplicissima, tam realiter, quàm virtualiter, ut ostendimus q. 4. a. num. 32. unde hoc sensu prædestinatio ipsa est per se ipsam à parte rei, & ex parte actus providentiæ, non solum specialis, sed generalis supernaturalis, & naturalis, & sic per se ipsam est causa omnium illorum, quæ ad finem prædestinationis concurrunt, sive illa sint naturalia, sive supernaturalia, sive specialia prædestinatis, sive communia, & generalia ipsis, & alijs non prædestinatis, & consequenter etiam ipsius substantiæ prædestinati. Si vero loquamur distinguendo prædestinationem per rationem, aut ex parte obiecti à providentia generali, & naturali, hoc sensu, adhuc dicimus, debere prius concipi in Deo pro-

videntiam prædestinativam, quam generalis, & naturalis, ita ut ista concipiatur, quasi imperata ab illa; & ratio est, quia ordinatè volens prius vult finem ultimorem, & excellentiorem, quam alios fines, aut media ordinata ad illum ultimum rem finem, & cum semel concepto ordine in actibus divinis, debeamus illos cum debito ordine concipere, debemus prius concipere quod respicit finem magis ultimum, ad quem cætera ordinantur, quam cætera, quæ ad illum ordinantur. Cum ergo effectus providentiæ naturalis, & generalis supernaturalis ordinentur ad finem prædestinationis, & non e contra, finisque prædestinationis proprius sit ultimus, & excellentior, ideò casu quo distinguamus, & ordinemus per rationem divinas providentias generalem, & prædestinativam, debemus istam concipere, ut priorem, & imperantem, & istam ut posteriorem, & imperatam, servato ordine obiectorum in genere causæ finalis, penes quem tantum ordinantur actus providentiæ, & voluntatis.

30 Ex quo ad confirmationem, nego maiorem, ad cuius primam probationem, distinguo maiorem: Voluntas generalis est voluntas antecedens subiectivè, & ex parte actus, nego: Obiectivè, & ex parte obiecti, subdividit: In genere causæ finalis, nego maiorem: Antecedentia maioris abstractionis, & universalitatis, vel in alio genere causæ, concedo maiorem, & distincta minori eodem modo, nego consequentiam; quia voluntas generalis salvandi omnes, non dicitur antecedens respectu prædestinationis ordine volendi, quatenus Deus prius velit generaliter omnibus salutem secundum se, sive omnes ordinare ad salutem per auxilia sufficientia, & ex hac voluntate consequenter velit aliquos salvare efficaciter, & specialiter; hic enim ordo esset præposterus, esset enim velle efficaciter media ad finem, ante volitionem efficacem finis; unde potius Deus ordine volendi prius intelligi debet volens finem, ad quem omnia illa media generalia, & effectus providentiæ generalis ordinantur, nempe gloriam electorum, (nam Deus omnia alia ordinavit, & providit propter electos, & ad illorum gloriam,) quam intelligatur velle generaliter illa omnia, quæ ad gloriam electorum ordinantur. Solum autem dicitur illa voluntas generalis antecedens, ex antecedentia obiecti per modum maioris abstractionis, aut universalitatis, seu prioritate subsistendi consequentia, quatenus obiectum illius est ordinatio generalis omnium ad salutem secundum se, quod est magis abstractum, & universale, quam salus consummata ut hic, & nunc consequenda ab hoc individuo, quo pacto est obiectum prædestinationis; & bene valet: Hic consequitur salutem consummatam: Ergo fuit ordinatus ad illam

per auxilia sufficientia, & generalia, sed non valet: Hic est ordinatus ad salutem per auxilia sufficientia: Ergo consequitur salutem consummatam; unde voluntas illa generalis est antecedens, seu prior prioritate subalterni consequentia, & maioris abstractionis, seu vniuersalioris, non tamen ex parte intentionis diuine, aut ordine volendi, quia hoc ordine inspecto, prius debemus intelligere Deum voluisse gloriam electorum, vt finem excellentiorem, quam omnia naturalia, aut supernaturalia generaliter promoventia in salutem, imò voluit generaliter omnes ordinare in salutem, vt electi ab ipso ante mundi constitutionem singulariter emerent, & coronarentur, & in ipsis resplenderet gratia, & gloriæ singularitas, & præciositas.

31 Ad secundam probationem, concessa maior, distinguo minorem: Voluntas mittendi Christum est voluntas salvandi omnes, & per prius prædestinativa aliquorum, concedo: Per prius salvandi omnes, quam prædestinativa aliquorum, nego minorem, quia in primis, non admitto, quod ex priori voluntate salvandi omnes voluit Deus mittere Christum, quasi Christus fuerit medium electum à Deo ex intentione salutis hominum, sed potius Christus Dominus fuit finis omnium, quæ Deus ad extra voluit, primo intentus, & prædestinatus, & in ipso prædestinato fuerunt per prius prædestinati quotquot prædestinati sunt, quia prædestinavit nos, in ipso ante mundi constitutionem, & in ipso etiam voluit ordinare generaliter omnes ad salutem, vt electi in ipso singulariter cum ipso coronarentur, ita vt licet decretum mittendi Christum fuerit decretum ordinandi in ipso, & per ipsum omnes generaliter ad salutem, per prius debet intelligi, quod fuit decretum, & voluntas efficax salvandi cum effectu aliquos in Christo, & per Christum, in quibus emerit gratia, & gloriæ præciositas, & singularitas, & ad hos ita salvandos, voluit ex consequenti omnes promovere generaliter ad salutem, & totum hoc in Christo, & per Christum. Ad tertiam, distinguo maiorem: Ordo inter diuina decreta debet esse iuxta ordinem obiectorum penes genus causæ finalis, concedo: Iuxta ordinem obiectorum penes aliud genus causæ, nego maiorem, & distinguo minorem eodem modo. Et cum inquis, quod obiectum voluntatis antecedentis est salus secundum se, dico, quod non est salus secundum se immoderate in se ipsa, sed vt contenta in medijs, & causis promoventibus ad ipsam, prout explicabant *Disputat. 6. quæst. 1. & 2. ad num. 100.* Salus autem prout contenta in medijs promoventibus ad ipsam, licet sit prior ad salutem cum effectu consequendam à prædestinatis in genere causæ efficientis, tamen est posterior in genere causæ fi-

nalis, quia auxilia, & media generaliter promoventia omnes ad salutem, sunt propter gloriam, & salutem consummatam prædestinatorum, & hæc est finis omnium illorum mediolorum generalium, quæ sunt obiectum voluntatis generalis, & antecedentis; atque adeo, attento debito ordine volendi prius finem, quam ea, quæ sunt ad finem, prior debet intelligi in Deo voluntas consequens de salute consummata prædestinatorum, quam voluntas antecedens de medijs generalibus promoventibus generaliter omnes ad salutem.

#### COROLLARIA EX DICTIS.

32 Colligitur primò ex dictis, quod si de diuina providentia loquamur prout à parte rei respicit ea, quæ providet, & ordinat, dicendum est, quod omnia providet, & ordinat vnica simplicissima providentia ex parte actus, quia sub vnico ordine integro omnium comprehensivo. Est enim quidam ordo, & quædam series rerum omnium, quæ omnia comprehendit, quæ Deus ad extra ordinavit, & disposuit; quem ordinem Apostolus paucis verbis explicavit, dicens: *Omnia vestra sunt, vos autem Christi, Christus autem Dei*, id est, omnia propter vos, vos propter Christum, Christus autem propter Deum, quia videlicet, omnia propter electos, electi propter Christum, & Christus propter Deum. Qui quidem ordo mirabilis, licet innumeratas series, vias, & ordines comprehendat ab infimis medijs vsque ad supremum finem, adeo vt nullus intellectus creatus possit comprehendere quot modis infimæ res, & creaturæ omnes, aut per quos motus, & vias, iam diversas, iam apparenter disparatas, iam cōterarias, omnes tendunt, & ordinantur ad vnum finem; certissimum tamen est, omnia sapientissima dispositione, mirabili connectione, & incomprehensibili correspondencia, vni totali, & vniuersali ordini componere, qui vnicus sit vnitate ordinis, & vnitate vnius ultimi finis, quæ vnicum ordinem vnico actu disponit, & ordinat diuina providentia vnica, & simplicissima; in qua subiectivè, & ex parte actus nullus est ordo, quia nec distinctio, sed est vna vnitate simplicitatis à parte rei, licet obiectum totale illius ad extra sit solum vni vnitate vnius totalis ordinis. Ad modum quo duos sapientissimus vnico actu interno disponit, & ordinat integrum, ac ingentem exercitum sub vnico fine, & vnico totali ordine, comprehendente ab infimis militibus, immo & ab alimentis, & munitionibus ipsis necessarijs, vsque ad vltimum finem, pro quo exercitus ordinatur, & licet in toto isto ordine sint plures ordines, & series diversissimæ, omnes tamen comprehenduntur sub vnico fine, & ordine totali, qui finis vnicus, & totalis ordo

ordo exercitus per se inspectus à supremo duce totius exercitus: Sic ergo Deus eminentiori modo vnica, & simplicissima providentia vniuersitatem rerum omnium ab initio mundi vsque in æternum ordinavit, & disposuit sub vnico ordine, & vnico fine vltimo, qui est sua bonitas, sub vnico fine penultimo, qui est Christus homo, & propter omnes electos, qui propter Christi gloriam electi sunt, & sic descendendo omnia alia propter electos, & ad illorum gloriam per varias vias, series, & modos.

33 Colligitur secundò, quod non solum iste ordo vniuersalis omnia comprehendens sub vnico fine vltimo vnicus est, & Dei providentia vnica, & simplicissima, sed etiam exterior gubernatio, & ordinis executio ex parte actionis diuine etiam vnica, & simplicissima est; quia vt rectè explicat N. S. Franciscus Salesius in *Practica Diuini Amoris*, lib. 2. cap. 2. ad modum quo, dum folium prout committitur, vnica actione tot litterę, tot conuincationibus ordinatę, totque verba, propositiones, discursus, & capita inter se distincta, vnica inquam actione exarantur, quę tamen non nisi successivè possis legere, & percipere per plures actus, ita Deus et ipsa vnica actione ex parte sua totum vniuersi ordinem executioni mandat, tanquam vnicum effectum vnitatis ordinis respectu sui, licet nos non nisi successivè, & per partes possumus tam vniuersalem ordinem quasi legere, & intelligere. Ex quo.

34 Colligitur tertio, quod ex imbecillitate nostri intellectus oritur, quod in Deo distinguamus providentiam naturalem, providentiam supernaturalem, tam generalem, quam specialem, & predestinativam, plura item decreta intentiva, & electiva; quia re ipsa ibi non est, nisi vnica providentia, quę omnia naturalia, & supernaturalia, predestinatos, & reprobos, & omnium creaturarum ordines peculiares, & fines, sub vno ordine, & sine comprehendit; sed quia tam in genere ordinem, & tam vastam, licet simplicissimam providentiam, nos vno conceptu intelligere non possumus, resistit intellectus ex illa simplicitate in suam pluralitatem, & per partes, per pluresque particulares actus, & providentias conatur eas intelligere minutatim, distinguendo in diuino intellectu practico, & diuina voluntate providentias, dispositiones, & decreta, ac voluntates, generalem, & specialem, antecedentem, & consequentem, predestinativam, & reprobativam, erga Christum, erga electos, erga reprobos, erga omnes, erga naturalia, & supernaturalia, &c. & ex hac pluralitate, & divisione, si fallor, oritur potissima difficultas in ordinandis decretis diuinis, qua RR. intellectum vexant, & exercent, quin vnquam, nisi maioris difficultates eliciant, & merito, quia si per distinctos actus, decreta, & providentias Deus ipse vniuersitatem rerum admini-

straturus esset, nec Deus ipse posset omnia ordinare, vel administrare ordinatę, nisi forsan vnico alio actu reflexo omnes illos actus ordinaret; quia nisi totum ordinem vniuersi ad vnicam simplicissimam dispositionem reducamus, siue ad vnitatem finis, & agentis, vel casualis erit, vel impossibilis; & ideo dum ab vnitare recedimus, & in pluralitatem recidimus, mille difficultatibus implicamur. Nililominus.

35 Colligitur tertio, quod semel supposita distinctione illa diuinorum decretorum, & ordinationum ex nostro modo imperfecto concipiendi, debemus ea cum eo ordine concipere, quo voluntas creata, ordinatę volens per plures actus, vult, & ordinat, quę vult; cum vero ordo debitus sit, quod prius velit finem vltimum, & cõsequenter immediatę finem proximiorē finis vltimo, & immediatę consequenter finem illi proximiorē, & consequenter media proximiora, & consequenter media minus proxima, & vltimò media remotissima; sic ex nostro modo concipiendi debemus ordinare diuina decreta, & dispositiones, seruatõ nempẽ ordinę, quem obiecta habent in genere causę finalis, in quo finis vltimis est prius volitus, quam finis vltimus proximius, & hic quam finis ad illam ordinatus, & sic vsque ad infima media. Vnde, cum Deus summẽ bonus sit finis cuius gratia Christus factus est homo, seu predestinatus, post Deum, est Christus obiectum primo volitum, & predestinatum à Deo; & quia electi sunt electi propter Christum, & in Christo, tanquam in causa finali, & sine cuius gratia ipsorum, Christus est prius nostro modo concipiendi predestinatus, quam electi; & quia reprobis, vt infra videbimus, sunt propter predestinatos, vt illorum serui, ideo post predestinationis electorum intelligimus reprobationem impiorum, & quia ad finem predestinationis, & reprobationis exiguntur omnia media generalia communia vtriusque tam supernaturalia, quam naturalia quibus generaliter ordinentur in salutem, omnia ista intelliguntur consequenter volita; & quia substantia illorum est subiectum omnium illorum per ea media ordinatum ad finem, consequenter intelligitur etiam volitum subiectum, seu substantia illorum; & quia ordo passivę executionis est inuersus ad ordinem volendi, seu intentionis, quia quod est vltimum in intentione est primum in executione, ideo executio incipit à subiecto, vel substantia predestinati, & progreditur ad media naturalia, deinde ad supernaturalia, & sic ad finem vsque ordine inuerso.

36 Colligitur quartò, quod distinguendo per rationem providentiam naturalem, supernaturalem generalem, supernaturalem specialem, seu predestinativam, & vterius predestinativam electorum, & predestinativam capitis illosum, nempẽ Christi, quod providentia naturalis debet

concipi vt subordinata providentię supernaturali, providentię supernaturalis generalis, vt subordinata providentię speciali, seu prædestinatię electorum, & ista prædestinationi Christi, quia videlicet res ordinis naturalis, quas respicit providentia naturalis, ordinantur, vt ad finem cuius gratia, ad res ordinis supernaturalis, & res ordinis supernaturalis generalis ordinantur ad gloriam electorum, tanquam ad finem prædestinationis, & gloria electorum ad gloriam Christi, quam respicit prædestinatio Christi. Ex quo subinfertur, quod quicquid est effectus providentię naturalis est etiam effectus, quasi imperatus, providentię supernaturalis, cui naturalis subordinatur; & quicquid est effectus providentię generalis supernaturalis, est effectus quasi imperatus providentię specialis electorum, seu prædestinationis illorum, & quicquid est effectus prædestinationis electorum est effectus prædestinationis Christi, quia omnia vestra sunt, vos autem, nempe electi, Christi, Christus autem Dei.

37 Denique colligo, falli cos, qui ordinem divinatorum decretorum existimant sic vel aliter potuisse se habere, stante eadem seriē, & ordine reali rerum ad extra. Putant enim, quod stante præsentī rerum ordīe, & seriē, potuit Deus, vel vnico simplicissimo decreto omnia, vt iacent, decrevisse, vel per plura distincta, per prius decernere creationem mundi, & Adam, & peccati originalis permissionem, & pro posteriori, viſo peccato Adam, & tota natura infecta, decernere Christum vt redemptorem; & prævisio Christo, eiusque morte, & passionē, pro posteriori ex meritis eius decernere generalem omnium vocatiōē ad gratiam, & gloriam, & post, prævisis eorum operibus, decernere, aut prædestinare, imò & reprobare alios; vel potuisse etiam ordine alio, vt nos contendimus, primo prædestinare Christum, secundò prædestinare electos, terciò omnes vocare, quartò condere mundum, & Adamum, ac tandem permittere Adamo peccatum originale. At autem vno decreto, an pluribus? Et, si per plura, quo ordine id Deus decreverit, penes Dei esse arbitrium, nobisque ignotum, nisi per revelationem. Falluntur inquam, qui sic oppinantur, quia in divina voluntate, & providentia re ipsa, & a parte rei non est ordo intrinsecus, nec prioritas, aut posterioritas intrinseca actum, sicut nec pluralitas, adhuc virtualis intrinseca potissimè, quæ aliter intrinsecè in Deo esse potuerit, invariato ordine rerum ad extra, quia hoc esse omnino non posset, nisi Deus intrinsecè variari posset in modo, & ordine intrinseco volendi, & arbitrandi. Quod sic ostenditur, quia implicat, quod servato, & non alterato ordine, & seriē rerum extra Deū, Deus aliter intrinsecè vellet res, seu cum alio ordine volendi, nisi per alicratem aliquam, quæ cum supponatur non esse ex parte rerum, quia res sup

ponuntur, vt modo, invariata, & eodem modo extra Deum se habentes, sequitur, quod esset alitas intrinseca ex parte Dei volentis, & in ordine intrinseco volendi: Sed implicat Deum, rebus ad extra invariatis, posse intrinsecè variare modum, & ordinem eas volendi, quia hoc esset ponere modum, & ordinem intrinsecum volendi ex parte Dei contingentem, & defectibilem pro recto, seu intrinsecè ex parte Dei, absque rerum alicratē extrinsecā; quod quam alienum sit à divina voluntate constat affatim ex dictis. *Disputat. 6. q. 6. per totam.* Ergo implicat, quod invariato ordine rerum extra Deum, posset Deus aliter quā modo vellet res, hoc est, iam vno, iam pluribus decretis, iam hoc ordine, iā alio ordine intrinseco volendi.

38 Sequitur ergo, quod tota distinctio divinatorum decretorum, & totus ordo inter illa sit penes modum nostrum concipiendi fundatim in ordine, & seriē rerum ad extra, penes ordinem, & seriē illarum in genere causę finalis, ita vt quæ se habent vt finis cuius gratia aliorum, prius intelligantur amari à Deo, quam quæ ad eas ordinantur, quatenus ordinate volens prius vult finem, quam ea, quæ sunt ad finem; unde si in universo, vt res iacent, homo se habet vt finis cuius gratia Cælorum, Elementorum, & Planetarum, debet intelligi, Deum prius voluisse, & amasse hominem, quam Cælum, elementa, & plantas efficeret; & si inter homines, electi sunt finis cuius gratia reproborum, quia reprobi ipsi servituri sunt ad eorum gloriam, sequitur quod Deus prius debet intelligi illos elegisse, quam reprobos condere. Et sic ex ordine reali rerum, in quo videmus infimas deservire medijs, & medias supremis, debemus, si distinguimus, & ordinamus in Deo decreta, ea ordinare penes seriē, & ordinem rerum in genere finis, seu causę finalis, ita vt cum fundamento non possimus cogitare, Deum prius voluisse res infimas, quæ deserviunt medijs, quam res medias, quæ sunt finis infimarum, nec prius voluisse medias, quam supremas, quæ sunt finis mediocorum, sed si cum ordine, & distinctione concipiamus diversa decreta, & volitiones ex parte Dei, debemus prius concipere Deum decernentem res supremas, quæ sunt finis cæterarum, quam medias ordinatas ad illas, & res medias priusquā infimas, quæ ad medias ordinantur; nam ad hunc ordinem volendi concipiendum habemus profundamento analogiam ad voluntatem creatam ordinate volentem finem, & media, in qua videmus prius velle finem, quam media, & ex medijs, prius ea, quæ sunt immediata fini, quam alia, quæ ad hæc media ordinantur, nisi aliqua imprudentia, aut improvidentia, vel casualitas in ea sit, quā in Deo concipere non licet. Non ergo stante eodem ordine rerum ad extra, potest esse alius ordo volendi ex parte Dei, nec realis, aut a parte rei; nec fictus, aut ex modo concipiendi nostro cum fundamento. Sed

QUESTIO XL

AN DEVS ALIQUOS REPROBET, & in quo reprobatio consistat?

**P**ostquam de prædestinatione Sancti diximus, consequitur dicere de reprobatione impiorum. Circa quam in gentes etiam difficultates inter Theologos controvertuntur: nec mirum, quia non minus alta, secreta, & plena mysterij est impiorum reprobatio, quam Sancti prædestinatio, aliundeque illa terribilior valde. Vetumtamen cum D. Thom. quæ communiter de illa controvertuntur, quæ possum claritate, fugatis aliquibus confusionibus terminorum, tractabo. Igitur.

PRIMA CONCLUSIO.

**D**ico primò: Deus aliquos reprobet ex hominibus. Ita expressè Div. Thom. in præsent. artic. 3. quæ conclusio inquit Illust. Godoy, non minus est de fide, quam quod aliqui homines damnentur, & pereant. Illam probat D. Thom. ex illo Malachia 1. *Jacob dilexi, Esau autem odio habui*. Sicut enim in dilectione Jacobi Apostolus intelligit prædestinationem, seu electionem Sanctorum, ita in odio Esau intelligit reprobationem impiorum, ut vidimus *supr. quest. 5. à num. 29*. Secundo constat ex Concilio Valentino *Gan. 3.* ubi sic definit: *Fidenter fateamur prædestinationem electorum ad vitam, & prædestinationem impiorum ad mortem*. Constat demum ex illis Evangelij Parabolis, in quibus fit mentio electorum, & reprobatorum, ut cum ex piscibus sagena collectis, elegerunt bonos in vassa, malos autem foras miserunt; & cum ex virginibus decem, quinque admittuntur, dimittitis alijs quinque, quibus dictum est, *ne scio vos*, & sic in alijs pluribus Parabolis.

**g.** Ratio autem, cur Deus ex hominibus aliquos prædestinet, & aliquos reprobet, loquendo in generali, triplicem assignavit Div. Thom. *Prædestinatio est pars providentiæ, ad providentiam autem pertinet permittere aliquem defectum in rebus, qui providentiæ subduntur*. Vnde cum per divinam providentiam homines in vitam eternam ordinentur, pertinet etiam ad divinam providentiam, ut permittat aliquos ab eo sine defectu, & hoc dicitur reprobare.

**4.** Secunda ratio proponitur à D. Thom. pluribus in locis, fundaturque in eo, quod finis, propter quem Deus ad extra omnia disponit, est sua bonitas, eiusque manifestatio, quia omnia propter semetipsum operatur est Dominus impium.

**39** Sed dices: Potuit Deus, id ipsum quod modo est finis cuius gratia alterius, voluisse ut medium, & id quod modo est medium voluisse ut finem, v.g. si voluit Petrum propter Paulum, & ut Paulo deserviret, potuit et converso velle Paulum propter Petrum: Ergo rebus invariantis potuit habere alium ordinem volendi. Respondeo, distinguendo antecedens: Potuit, id ipsum quod modo est finis alterius voluisse ut medium, variato ordine externo, quem modo habent, concedo: Invariato hoc ordine externo, quem modo habent, nego antecedens, & consequentiam, quia in hoc distinguitur voluntas Dei à voluntate nostra, quod nostra potest anagis, & per prius velle, quod est minus bonum, & vnicè propter aliud, & contra minus, & posterius velle, quod est magis bonum, & finis alterius, ut cum per prius vult vitam sensitivam, quam rationalem, aut divitias, quam virtutes, vnde invariantis rebus, solet variare retum internam æstimationem, & affectum, æstimando in primo loco, quod ante æstimabar in posteriori, & contra, quia cum intrinsicè sit mutabilis, invariantis rebus, potest variare affectus, & ordinem volendi; at voluntas divina semper magis vult, æstimatque, quod magis bonum facit ad extra, & implicat, quod magis affectivè velit Petrum, quàm Paulum, quin re ipsa ad extra effectivè faciat Petrum magis bonum, quam Paulum, nec quod in Deo affectu habeat Petrus primum locum, nisi etiam ad extra habeat primum locum ordine causæ finalis; quia voluntas divina est efficax, & factiva obiecti, & non potest magis effici, nisi quia magis efficit, & communicat de bonitate, nec potest variare æstimationem rerum, aut res in suo affectu ordinatè graduare, nisi quatenus ipsas res ad extra potest ordinare, & graduare ordine finis, & bonitatis; vnde implicat, quod invarianta serie, & ordine rerum ad extra, aliter, vel aliter possit Deus ordinare sua decreta.

**40** Colligitur demum, quod merita Christi Domini, & illius orationes, mortem, aut passionem non possunt dici effectus nostræ prædestinationis, sed potius causa illius quoad totum illius effectum. Ratio est, quia licet conducant, & maxime conducant ad nostræ prædestinationis effectum, & finem, non conducunt ut media ordinata ad nostram gloriam, aut salutem, ut ad finem cuius gratia, sed potius excellentia, & virtus meritorum Christi, seu orationum eius, ac mortis, & passionis est finis cuius gratia, ad cuius ostensionem ordinatur nostra gloria, & tota series nostræ prædestinationis. Vnde potius nostræ prædestinationis series est effectus meritorum Christi, quam merita Christi effectus nostræ prædestinationis. De quo quidem plura tractata de merito Christi, aut de Incarnatione. Quibus absdubio maxime iubabunt dicta hic, & nunc.



pium quoque in diu malum, ut dicitur Proo. 16. *Tanta autem est altitudo bonitatis excellentia, quod non potest vna modo, nec in vna creatura manifestari, & ita diuersas creaturas condidit, in quibus diuersimodè manifestatur. Præcipue autem in creaturis rationalibus, in quibus eius iustitia manifestatur, quantum ad eos, quos pro eorum meritis punit, misericordia vero in illis, quos ex sua gratia liberat, & ideo ut utrumque hominibus manifestaretur, quosdam misericorditer liberavit, sed non omnes. Ita D. Thom. expressè super Epistolam ad Romanos. cap. 9. lect. 4. Sed clarius in present. cap. 5. vbi sic ait: Ad tertium dicendum, quod ex ipsa bonitate diuina ratio summi potest prædestinationis aliquorum, & reprobationis aliorum. Sic enim dicitur Deus omnia propter suam bonitatem fecisse, ut in rebus diuina bonitas representetur. Necessè est autem, quod diuina bonitas, (que in se est vna, & simplex) multiformiter representetur in rebus, propter hoc quod rei creatæ ad simplicitatem diuinam attingere non possunt. Et inde est, quod ad completionem vniuersi requiruntur diuersi gradus rerum, quarum quedam altum, quedam infimum locum teneant in vniuerso. Et ut multiformitas graduum conseruetur in rebus, Deus permittit aliqua mala fieri, ne multa bona impediuntur, ut supra dictum est. Sic igitur consideremus totum genus humanum, sicut totam rerum vniuersitatem. Vult igitur Deus in hominibus, quantum ad aliquos, quos prædestinat, suam representare bonitatem per modum misericordiæ parcendo, & quantum ad aliquos, quos reprobat, per modum iustitiæ puniendo; & hæc est ratio quare Deus, quosdam eligit, & quosdam reprobat, & hanc causam assignat Apostolus ad Romanos. 9. dicens: Volens Deus ostendere iram, id est vindictam iustitiæ, substituit, id est permisit in multa patientia vassa iræ apta in interitum, ut ostenderet diuinitas gloriæ super in vassa misericordiæ, que præparauit in gloriam. Et 2. ad Timotheum. cap. 2. dicit: In magna domo, non solum sunt vassa aurea, & argentea, sed etiam lignea, & fæculia, & quedam quidem in honorem, quodam vero in contumeliā. Hæcenus D. Thom. profundissime assignans rationem, & causam, cur Deus, loquendo in genere, aliquos ex hominibus prædestinet, & alios reprobet.*

5 Sed, quia adhuc hoc admissio, posset alius inquirere, dato quod eius bonitati manifestanda conueniat aliquos prædestinare, & aliquos reprobare, cur hos in individuo prædestinavit, & illos in individuo reprobauit, & non potius e contra? subiungit: Sed quare hoc elegit in gloriam, & illos reprobauit potius quam e conuerso, non habet rationem, nisi diuinam voluntatem. Vnde Augustinus dicit super Ieronimum. Quare hunc trahat, & non illum trahat, noli iudicare, sed non vis

errare. Sicut (ponit exemplum) in rebus naturalibus potest assignari ratio, cur cum prima materia tota sit in se uniformis, vna pars eius fuerit sub forma ignis, & alia sub forma terræ à Deo in principio condita, nempe, quia conuincibat, ut sic sit diuersitas specierum in rebus naturalibus. Sed quare hæc pars materie sit sub ista forma, & alia sub alia, potius quam e conuerso, dependet ex simplici diuina voluntate. Sicut etiam, licet ratio artis habeat, ut aliqui lapides sint in hac parte edificij, & alij in illa; tamen quod ex lapidibus equalibus, ille sit in ista parte parietis, & ille in illa, potiusquam e conuerso, pendet ex simplici voluntate artificis: Sic ergo in prædestinatione, & reprobatione. Quam doctrinam latè ad litteram retuli, quia illa debet esse lapis fundamentalis dicendorum; & merito præ oculis habenda est.

6 Terciam rationem assignat D. Thom. in 1. ad Anibal. dist. 40. artic. 3. sic inueniuntur: Ordinavit ergo diuina providentia ab æternæ humanam naturam ad beatitudinis perfectionem liberum arbitrium. Quod quis deficere potest per se ipsum, à solo autem Deo indefectibilem habet; ideo ab æterno propassit, quod quosdam permittit deficere, quibusdam vero auxiliis præberet, ne deficerent: & in vtriusque manifestaretur virtus gratiæ, & defectus naturæ. Defectus vero eorum, qui deficiunt, essent, in bonum ordinavit sua iustitia, scilicet, quæ pro culpa peccatis retribuit. Sic ergo ab æterno suis propassitum Dei, & respectu culpæ permittenda, & respectu pænæ infligenda. Sic hæc dicitur reprobatio. Constat ergo, quod etiam finis manifestandi defectibilitatem liberi arbitrij, & virtutem diuinæ gratiæ est alia ratio, quare aliquos reprobat, dum aliquos prædestinat, ut nempe in his, qui reprobantur, appareat, quod nihil valet liberum arbitrium, nisi adiuvetur à Deo, & in his, qui prædestinantur, quantum valeat virtus gratiæ contra defectibilitatem liberi arbitrij.

#### EXPLICATUR IN QVO REPROBATIO CONSISTAT DUBIIS ALIJS CONCLUSIS.

7 **S**ED contra hanc doctrinam, obijci potest, quod ad perfectissimam providentiam spectat ita ea, quæ sibi subiunguntur ad certum finem perducere, ut eo fine non frustrerentur, sed illum infallibiliter consequantur: Sed Deus ex perfectissima providentia ordinavit homines ad beatitudinis consecutionem. Ergo ad illum spectat, illos perducere infallibiliter, & indefectibiliter ad illum, nullum excludendo ab eo fine. Confirmatur, quia nullus artifex, aut sapiens facit aliquid propter certum finem, cum voluntate illud excludendi ab illo fine, alias simul, & semel

femel vellet contraria, & sibi contradiceret: Sed Deus omnes homines creavit propter finem vitae aeternae: Ergo nullum vult excludere ab eo fine: Ergo nullum reprobatur.

8 Propter hoc argumentum forsitan, exortum est diffidium Scotistas inter & Thomistas, illis asserentibus, non dari ex parte Dei reprobationem, quae sit actus positivus, sed in Deo reprobationem nihil aliud esse, quam negativum volitionis divinae erga aliquos, quia Deus posset velle illos admittere ad gloriam. Eo enim ipso (inquiunt) quod ex creaturis intellectualibus existentibus Deus eligit positivè ad gloriam aliquos tantum, manent, & intelliguntur manere reprobati alii sine actu alio positivo, quo Deus positivè vellet aliarum reprobationem. Et confirmant primò, quia in Sacro Textu explicatur reprobatio nomine negativo, vt cum Matth. 25. dicitur: *Nescio vos.* Et Lucæ 15. *Nescio unde sitis.* Et item: *Discedite a me omnes operarii iniqui tatis.* &c. Secundò ex D. Thom. hic artic. 3. ad 1. ubi ait: *In quantum igitur Deus quibusdam non vult hoc bonum, quod est vita aeterna, dicitur eos habere odio, vel reprobare:* Ergo in carentia, aut negatione volitionis, & non in positiva volitione reprobatio consistit. Et contra vero Thomistae contendunt communiter, quod reprobatio est actus positivus Dei, quo Deus ab aeterno decrevit aliquos excludere à gloria, vel non admittere ad gloriam, ob manifestationem suae iustitiae. Id autem probant; primò, quia in Sacro Textu explicatur reprobatio per modum actus positivi, nempe per modum actus odio habendi, vt cum dicitur: *Jacob dilexi, Esau autem odio habui,* ubi per ly *odio habui*, significatur reprobatio. Item ad Rom. 9. *Cuius vult miseretur, & quem vult indurat:* Ergo. Secundò, quia iuxta D. Th. reprobatio est actus, seu pars providentiae: Sed providentia non in negatione actus, sed in actu positivo consistit. Ergo & reprobatio. Tertiò, quia Deus erga plures creaturas possibiles non habet decretum eas admittendi ad gloriam: Et tamen illae non propterea dicuntur reprobatae: Ergo reprobatio non consistit in pura negatione decreti admittentis, aut eligentis ad gloriam. Quartò, quia electio semper est inter plures, quorum eligens aliquos rejicit, & alios eligit: Ergo non salvatur vera electio positiva aliquorum ad gloriam in Deo, nisi detur etiam positiva reiectio aliorum: Sed hæc est reprobatio positiva: Ergo in Deo datur positiva reprobatio consistens in actu positivo. Quintò, quia ex reprobatione sequitur infallibiliter poena in reprobato: Sed ex sola negatione praedestinationis, seu decreti ad gloriam, non sequitur poena: Ergo reprobatio non potest consistere in sola negatione praedestinationis. Sextò, quia Deo concedendus est perfectissimus modus operandi; Sed perfectior est modus agendi per

actum positivum, quam per negationem actus: Ergo, dum reprobatur, est per actum positivum, & non per solam negationem actus.

9 Sed in hac controversia multum video esse de nomine, veritatemque utrique sententiae posse adaptari, si semel explicetur. Igitur supponendum est, quod in reprobatione duplex Dei voluntas nostro modo concipiendi distincta intercedit, quae duas voluntas Div. Thom. in 1. ad Anibald. dist. 41. artic. 3. in corpore, sic exponit: *Respondeo dicendum, quod voluntas divina de salute hominis duplex voluntas opponi videtur, scilicet voluntas de contradictorio secundum quod vult aliquem non salvare; & voluntas de contrario secundum quod vult aliquem damnare.* Igitur ex ista duplici voluntate communiter Theologi distinguunt duplicem etiam reprobationem, unam negativam, seu exclusivam à gloria, vt à beneficio indebito; aliam positivam, seu deputativam ad poenam iustam pro culpa intigendam. Quia distinctione supposita, iam.

10 Dico secundò: *Reprobatio positiva, sumpta pro deputatione ad positivam poenam, abs dubio importat actum positivum, tum intellectus divini, tum divinae voluntatis positivum, inquam, subiectivè ex parte Dei, & etiam obiectivè, seu terminativè ad extra, & ex parte obiecti.* Hoc quidem certum debet esse apud omnes, etiam Scotistas, quia Deus per solam negationem actus, imò nec per solam permissionem, non potest infligere peccatoribus poenam positivam: Ergo circa poenam positivam, vt eam infligat, debet procedere ex parte divinae voluntatis actus positivus, quo velit positivè eam infligere, alias eam infligeret præter sui voluntatem, quod quis dicat; & etià debet procedere ex parte intellectus actus positivus, quo ordinet illam poenam iuxta mensuram culpae ad bonum iustitiae, alias inordinatè illam infligere: Sed hic actus tam intellectus, quam voluntatis est actus positivus etiam obiectivè, terminativè, & ad extra, quia respicit pro obiecto, & termino poenam positivam: Ergo reprobatio positiva importat actum positivum ex parte intellectus, & voluntatis divini modo explicato.

11 Dico secundò: *Reprobatio, communiter dicta negativa, nec consistit in pura negatione actus, aut volitionis, vel ordinationis divinae, nec in actu, aut volitione, vel ordinatione positiva ad extra, sed in volitione, & ordinatione divinae, permissiva ad extra, quae in se est actus positivus, sed permissivus ad extra.* Hæc conclusio fundatur in doctrina sæpè tradita de modo, quo divina voluntas terminatur ad carentias, aut negationes rerum contingentes, seu de modo, quo est libera libertate contradictionis erga contradictorium negativum, de quo latè egimus *Disput. 6. quest. 7. a num. 7.* ubi ostendimus, divinam voluntatem, & libertatem tantum esse permissivam, &

& non activam erga contradictorium negativum: Sed iuxta D. Th. reprobatio dicta negativa, tantum importat voluntatem de contradictorio negativo, nempe qua vult aliquem non salvare: Ergo tantum importat voluntatem, seu volitionem permissivam erga carentiam, seu negationem salutis ad extra. Explicatur: Voluntas, seu ordinatio, quæ importat reprobatio negativa, non est voluntas de contrario extremo ad salutem, sed voluntas de contradictorio salutis: Sed hæc non est in Deo positiva, nec activa ad extra respectu talis contradictorii, sed solum permissiva: Ergo reprobatio negativa non importat voluntatem, nec ordinationem positivam ad extra, seu erga carentiam salutis, sed solum hæc modo permissivam. Minor probatur omnibus illis fundamentis, quibus illam probabimus *vbi supra*, & quæ repetere non vacat: Et confirmari potest ex D. Thom. in *present. artic. 3. vbi*, vt *suprà* vidimus num. 3. explicat reprobationem, per hoc, quod cum per divinam providentiam homines in vitam æternam ordinentur, pertinet etiam ad divinam providentiam, vt permittat aliquos ab isto fine deficere, vbi non dixit, quod pertinet ad divinam providentiam aliquos ab isto fine excludere, aut velle excludere, sed id explicavit per permissionem, dicens, quod pertinet ad divinam providentiam, vt permittat aliquos ab isto fine deficere: Ergo reprobatio ista exclusiva à gloria consistit in actu permissivo ad extra, non activo, nec positivo ad extra erga obiectum.

12 Ex quo ad utriusque sententiæ motiva facile responderetur. Ad primum enim pro Scotistis, dico, quod per hoc quod Deus ex creaturis intellectualibus aliquas eligat præcisè, non salvetur reprobatio aliarum, nisi simul intelligatur liberè permittens alias à fine gloriæ deficere; huiusmodi autem liberà Dei permissio non est vera negatio actus ex parte Dei, sed actus in se positivus, permittens tamen ad extra, tales creaturas à fine illo deficere, & eo in perpetuū carere. Similiter ad primam confirmationem dico, quod ea verba Sacri Textus: *Nescio vos, &c.* possunt quæ optime explicari de scientiâ Dei prædicta permittente creaturam deficere à merito, & sine gloriæ; nam sicut Deus per scientiam prædictam positivā dicitur præscire electos vt dignos gloriæ, eos dignos faciendo, ita per scientiam prædictæ permissivam dicitur nescire illos, quos permittit deficere à gloria promerenda, reddique illa indignos, non quidem *in scientiâ* sumpta ex parte actus in Deo, quia hæc in Deo repugnat; sed *in re* ex parte obiecti deficientis, quia creatura in quantum deficientis à perfectione, & merito, seu condignitate ad gloriam, deficit à cognoscibilitate, & potius nescitur, quam cognoscitur ex parte sua, idque habet ex se à priori, & causaliter, tanquam primum deficientis; sed ex Deo permissivè tantum, &

eodem modo explicatur ly *discedite à me, &c.* Deus enim permittit discessum, aut distantiam creaturæ ab ipso, & hoc sensu dicit permissivè *discedite*; non vero affectu positivo, aut causaliter, volendo, aut faciendo quod à se discedant. Ac denique ad textum D. Thom. dico, sensum D. Thom. non esse admittere in Deo veram negationem, aut carentiam liberam volitionis, seu verum non velle ex parte actus, quia in Deo repugnat vera omisio libera actus volendi, vt loco citato ostendimus; nec item veram *volitionem* boni, quod est vita æterna, vt Thomistæ aliqui exponunt, quia vera, & propria notitia Deo repugnat, vt diximus *Disputat. 6. quæst. 7. a num. 5.* Sed, dum inquit *Ita quantum quibusdam non vult hoc bonum*, ly *non* debet summi ex parte termini, & obiecti, quasi dicat, in quantum quibusdam vult permissivè non hoc bonum, seu huius boni carentiam permittendo, scilicet eos deficere ab hoc bono, quia hæc est voluntas de contradictorio, quam esse permissivam iam diximus, & explicavimus *vbi supra*.

13 Similiter ad motiva Thomistarum, si procedat de reprobatione vt purè exclusiva à gloria, facile etiam respodetur. Ad primum, quod mos est consuetissimus in Scripturis carentias explicare nominibus positivis, & contradictoria negativa nominibus contrariis. Sacer enim Textus in hoc attemperatur communi modo loquendi, & concipiendi inter homines vltatissimo, imò & necessario, quia vix aliter loqui possumus; vnde sicut cum nominat positive tenebras, paupertatem, cæcitatē, & alia huiusmodi, ineptè argueretur, ea re ipsa esse aliquid positivum; ita ex quo Sacer Textus nominet reprobationem per modum positivi odij, minimè inferretur eam in actu positivo consistere, quæ nec inferretur eam in odio propriè tali consistere, cum tale odiū omnes Thomistæ à Deo relegent. Similiterque illud: *Cutus vult miseretur, & quem vult indurat*, non debet intelligi de voluntate positiva obdurandi, sed de permissiva, vt cōmuniter Theologi fatentur. Ad secundum, concedo, quod reprobatio est actus, & pars providentiæ, & ideo non in carentia, aut negatione actus consistit, sed in actu permissivo culpæ in presenti, & carentiæ beatitudinis in futuro; & hoc, sistendo in terminis reprobationis negativæ; reprobatio autem positiva importat voluntatem positivam de pena æterna vt offensiva diuini iustitiæ. Ad tertiam dico, quod dum Deus aliquos eligit ad gloriam, alios reijcit permissivè, hoc est permittendo eis privari, aut manere extra gloriæ regnum, non vero causaliter illos à se repellendo, aut positivè volendo eorum exclusionem à regno. Vnde, concessio antecedenti in hoc sensu, nego consequentiam, quia non requiritur positiva reiectione; sed satis est permissiva. Nego item, quod in reiectione consistat reprobatio positiva quatenus est voluntas puniendi positivè

tivè culpam poena aeterna, quia hæc reiectionem, seu exclusionem à gloria præsupponit; quisquis enim damnatur, se ipsum, Deo permittente, gloria privatur, sed non se ipsum positivè punit, sed à Deo positivè punitur, ut mox videbimus. Ad quintum dico, quod ex reprobatione negativa ut tali prout est exclusio à gloria ut à beneficio indebito, non sequitur per se poena præsertim positiva, sed ad summum poena negativa carentiæ gloriæ, ad quam satis foret voluntas permixta talis carentiæ, unde adhuc respectu huius poenæ, non constituitur reprobationem in negatione actus, sed in voluntate, vel actu permissivo ad extra. Respectu autem poenæ positivæ, nulli dubium, quod reprobatio actum positivum importat. Ad sextam dico, quod modus perfectissimus agendi Dei erga carentiam, aut defectum est per actum positivum in se, sed erga illas putè permixtum, quia nisi concipiendo illam ad modum entis positivi, & boni non posset in illas positivè tendere, hoc autem maxima foret imperfectio, unde ex ipsa Dei perfectione sequitur, quod purè permissivè velit exclusionem à gloria, & quod in actu permissivo reprobatio consistat.

14 Ex quo ad obiectionem ex num. 7. faciliè respondeo, quod potius ad perfectissimam providentiam pertinet permittere in rebus sibi subiectis, quod interdum, & aliquè deficiant à fine, ad què ab ipso destinatae sunt, ut sic relocateat alia via eius bonitas, potentia, misericordia, & iustitia, vel restaurando, quæ ceciderunt, vel de malis beneficiendo, vel mala iuste puniendo, nam sine his officiis perfectum non videtur Dei providentia, quæ tamen officia præstare non posset, nisi interdum permitteret creaturam sibi subiectam à suo fine deficere. Ad confirmationem pariter dico, quod nullus artifex, aut sapiens, nec Deus facit aliquid propter certum finem cum voluntate positiva removendi, aut excludendi illud à fine, cui destinatur, sed sæpè cum voluntate permissiva sinendi, quod interdum à fine deficiat, potissimè, si tanta sit illius potentia, & providentia, quod illam defectum refarcire possit, & ordinare ad alioquin finem, & ad maius bonum universi, ut contingit in Deo, & contingere possit in artifice, si instrumenta, quæ facit, ordinata ad unum finem, fracta possent illi deservire ad alioquin finem, tunc enim posset prudenter ea facere cum intentione permittendi aliquorum fractionem, aut defectum à proprio fine, sed de hoc infra redibit sermo.

15 Ex dictis colligitur, reprobationem negativam, prout tantum respicit exclusionem à gloria, ut à beneficio indebito, consistere pro formali in ordinatione, & voluntate permissiva, seu permittendi hominem deficere à consequutione gloriæ. Reprobationem vero positivam prout respicit poenam infligendam, consistere in ordinatione, & voluntate divina, permissiva quidem

culpæ in præsentem, sed positivæ poenæ indigenda in futuro sæculo. Primum patet, quia reprobatio illa negativa per se non respicit obiectum aliquod positivum, sed puram carentiam gloriæ, ut est carentia beneficii indebiti. Sed respectu huius carentiæ non potest dari in Deo voluntas, aut ordinatio, nisi tantum permixta, non autem causalis, aut positiva, ut sæpè offensum manet, & satis innuit D. Thom. dum in præsent. artic. 3. in corpor. ait. Cum per divinam providentiam homines in vitam eternam ordinentur, pertinet etiam ad divinam providentiam, ut permittat aliquos ab ipso fine deficere, & hoc dicitur reprobare. Ergo reprobatio illa negativa respectu exclusionis à gloria solum est permissiva, seu solum consistit in ordinatione, & voluntate permissiva, seu permittente hominem deficere à consequutione gloriæ. Secundum etiam patet, ex D. Thoma in præsent. artic. 3. in corpor. ubi concludit: Quod sicut prædestinatio includit voluntatem conferendi gratiam, & gloriam, ita reprobatio includit voluntatem permittendi aliquem cadere in culpam, & inferendi damnationis poenam pro culpa, ubi, ut vides, reprobationem ponit in actu permissivo culpæ, sed positivo, seu iustificativo poenæ pro culpa. Id amplius infra explicabitur.

16 Sed dices: Si reprobatio negativa ponatur in pura permissione carentiæ gloriæ, sequitur, quod ea reprobatio conveniat etiam creaturas possibilibus nunquam producendis, quia erga illas Deus habet etiam puram permissionem, quæ relinquit illas sine gloria, sicut sine existentia: Sed hoc dici non potest, quia reprobatio, adhuc negativa, non dicitur nisi de creaturis existentibus, cū sit pars providentiæ, quæ nisi de existentibus, non est: Ergo reprobatio negativa non potest consistere in voluntate, aut ordinatione purè permissiva. Respondeo, quod non ponimus reprobationem in pura, seu totali permissione, sed pro formalitatem in permissione carentiæ gloriæ præsupponente pro materiali decretum, & voluntatem positivam erga existentiam, vitam, & motus subiecti defectibiles à consequutione gloriæ, seu ut melius dicam, collocamus reprobationem illam in decreto, & ordinatione, positivam quidem erga substantiam, vitam, & motus subiecti, & erga illius consequutionem aeternam, sed permissivam defectus consequutionis gloriæ, ita ut reprobatio negativa pro materiali importet decretum, ordinationem, & voluntatem divinam ut creativam, & conservativam hominis in vita naturali, sed permissivam erga defectum vitæ supernaturalis, aut gloriæ; quo pacto non convenit hominibus putè possibilibus, quia erga illos Deus habet puram, & totalem permissionem, tam pro formali, quam pro materiali, permittendo scilicet, quod deficiant ab essendo, & operando, & consequenter quod negativè deficiat illis vita

æternæ; quæ permissio, licet aliquomodo dici possit reprobatio negativa, quatenus est non approbatio illorum ad gloriam, seu negativa, & permissiva exclusio illorum a numero prædestinatorum, sicut a numero existentium; tamen de huiusmodi reprobatione negativa, nec nos, nec Scotistæ loquimur, quia hæc non spectat ad divinam providentiam, nec habet finem aliquem, nec est propriè providentia, adhuc permissiva, quia providentia connotat essentialiter subiectum existens, & productum circa quod, & cui permittatur defectus aliquis, imò & finem aliquem positivum illius permissionis, ut mox dicam.

17 Colligitur secundò, quod reprobatio negativa, si accipitur, ut pars providentiæ, esse non potest sine positiva. Ratio est, quia licet ut negativa tantum importet permissionem deficienti ad finem gloriæ, tamen, si hæc permissio sit providentialis, debet esse ex aliquo fine, & ad aliquem finem, Deus enim nullum defectum providentialiter permittit, nisi præter aliquem effectum, in quo positivè manifestetur eius bonitas: Sed voluntas permittens aliquibus deficere à consecratione gloriæ, ut à beneficio indebito, non potest habere alium finem, nisi poenam æternam aliquomodo positivam, in qua manifestetur divina bonitas per modum iustitiæ, & hoc pacto iam est reprobatio positiva: Ergo non potest dari reprobatio negativa sine positiva, seu quæ non sit positiva saltem ex parte finis. Explicatur: Licet voluntas de contradictorio, secundum quod Deus vult permissivè aliquem non salvare, in qua reprobatio negativa consistit, iuxta D. Thom. non requirit rationem ex parte voliti, quia non requiritur ratio, quare non dem alieui, cui dare non debeo; tamen Deus de facto nemini non dat gloriam sistendo præcisè in hoc modo illam non dandi, sed semper cum aliqua ratione finali, saltem ad ostensionem suæ iustitiæ; quia voluntas non dandi gloriam illi, cui non debetur, absque omni ratione, & sine in ea non danda, minime esset voluntas providentialis, aut pars providentiæ, sed pura non providentia; cum igitur Deus per voluntatem de contradictorio vult alicui non dare gloriam, eum reprobando negativè, ut hoc spectet ad eius providentiam, debet vterius in hoc ipso respicere aliquem finem positivum, nempe ostendendi in eo, cui gloriam non dat, suam iustitiam per modum poenæ: Sed hoc esse non potest, nisi per voluntatem de contrario, id est puniendi, vel dammandi, secundum meritum illius, cui gloriam non dat: Ergo non stat in Deo voluntas de contradictorio providentialis, quæ non sit voluntas etiam de contrario, & consequenter nec reprobatio negativa, quæ aliquomodo non sit etiam positiva puniendi, vel dammandi.

Urgetur: Quia omnes viæ divinæ providentiæ erga creaturas racionales sunt, vel mi-

sericordia, vel iustitia, iuxta illud D. Thom. *Valuit Deus in hominibus, quantum ad aliquos, quos prædestinat, suam repræsentare bonitatem per modum misericordiæ parcendo, & quantum ad aliquos, quos reprobat, per modum iustitiæ puniendo, & hæc est ratio, quare Deus quosdam eligit, & quosdam reprobat*: Sed inter hæc duo nõ datur re ipsa medium, & alias reprobatio negativa non est voluntas ostendendi divinam bonitatem per modum misericordiæ parcendo: Ergo debet esse voluntas ostendendi divinam bonitatem per modum iustitiæ puniendo: Sed hæc iam est reprobatio positiva, & voluntas de contrario: Ergo non stat reprobatio negativa, quæ non sit simul positiva, nec voluntas de contradictorio, quæ non sit etiam de contrario. Explicatur amplius: Dum Deus de facto aliquos reprobare negativè per voluntatem permissivam de contradictorio excludendo eos à gloria, aliter eos excludit à gloria, ac eos excludit ab visione hypostatice, nisi velis voluntatem, quæ voluit tot naturas relinquere sine visione hypostatice, esse reprobationem negativam, sicut illam quæ voluit tot homines relinquere sine gloria: Sed differentia stare non potest, nisi quia in voluntate, quæ voluit tot homines relinquere sine visione hypostatice, hoc non voluit per modum poenæ ex fine ostendendi in eis iustitiam punitivam, sed præcisè, quia illis non debetur: In voluntate vero, quæ voluit aliquos non salvare, habuit finem ostendi in eis iustitiam punitivam: Ergo neminem de facto Deus vult non salvare, nisi volendo positivè in eo ostendere suam iustitiam punitivam per modum poenæ: Ergo non datur, de facto saltem, reprobatio negativa, seu voluntas de contradictorio, sine positiva reprobatione, aut voluntate de contrario.

18 Sed dices: Reprobatio parvulorum decedentium sine baptismo non potest importare voluntatem de contrario: Ergo saltem illa est reprobatio purè negativa. Probatur antecedens, quia illis Deus non vult poenam positivam, sed puram carentiam gloriæ ut pluribus locis asserit Div. Thom. Sed voluntas de pura carentia gloriæ non est de contrario, sed de contradictorio, nec reprobatio positiva, sed purè negativa: Ergo. Respondeo primò, negando antecedens, ad eius probationem, distinguo maiorem: Illis Deus non vult poenam positivam sensus, sed puram carentiam gloriæ præcisè ut est carentia beneficii indebiti, nego: Ut est poena, in qua manifestatur divina iustitia punitiva, concedo maiorem, & in hoc sensu, nego minorem, & consequentiam. Quia licet parvulus Deus solum velit carentiam gloriæ, non tamen præcisè ut est carentia beneficii indebiti, sed etiam ut est poena damni respectu illorum, quo pacto terminat voluntatem positivam de contrario, & non solum voluntatem permissivam de contra-

tradictorio. An vero poena damni in parvulis im-  
portet aliquam molestiam positivam ipsis, vi cui-  
us sit verè poena respectu voluntatis illorum?  
Affirmativè respondeam suo loco, quia non fa-  
cile apparet, quo pacto carentia gloriæ possit ef-  
fè verè poena respectu illorum, nisi de illa ali-  
quam molestiam, tristitiam, aut afflictionem pa-  
tiantur, vnde hoc est velle parvulis carentiam  
gloriæ vt poenam damni, quod velle illam vt ali-  
quomodo affligentem, contristantem, aut mole-  
stantem ipsos, molestia quadam naturæ, generali  
omnibus decedentibus cum solo peccato naturæ,  
seu originali; & voluntas, qua Deus vult caren-  
tiam gloriæ vt sic eos affligentem, est voluntas de  
contrario; aliter autem non apparet, quomodo  
voluntas damnationis illorum possit esse volun-  
tas de contrario, quia sola carentia gloriæ, præci-  
sa à molestia, aut afflictione positiva, est contra-  
dictorium, sed non contrarium obiectum respec-  
tu salutis. Quo autem sensu D. Thom. neget in  
parvulis poenam positivam, seu molestiam, aut  
tristitiam de amissione, aut carentia gloriæ, expli-  
cabitur, dicendo, quod negat tristitiam, aut affli-  
ctionem ex causa personali, non vero tristitiam  
naturæ, seu ex causa originali. Sed de hoc alias,  
est enim controversia magni momenti, quam obit-  
ter decidere impossibile est.

19 Respondeo secundò, quod si semel ne-  
getur parvulis omnis poena positiva, tam ex cau-  
sa originali, quam personali, & solum admittatur  
in illis carentia gloriæ incognita ab illis, de qua  
nihil doleant, nec tristentur; erit in illis ista caren-  
tia poena tantum negativa, solumque poena per-  
missiva, non positivè inflicta, ac proinde erga illos  
Deus habebit reprobationem purè permissivam  
per voluntatem de contradictorio salutis, quæ so-  
lum permissiva sit; non vero reprobationem pos-  
itivam per voluntatem positivam de contrario,  
quia nihil illis volet contrarium gloriæ, aut salutis.  
Vnde doctrina præcedentis corollarij intelligenda  
erit respectu adultorum, non respectu parvulorum.  
Ex respectu horum dicendum erit, quod permissio  
carentiæ gratiæ, & gloriæ in ipsis, aut respectu illo-  
rum nõ erit positivè providentialis, nec ad positivam  
offensionem iustitiæ in ipsis; quia nec spectabit ad  
providentiam supernaturalem, nec ad providen-  
tiam naturalem; nõ ad supernaturalem, quia nul-  
lum finem supernaturalem habebit illa caren-  
tia gratiæ, & gloriæ in illis permissiva; non ad  
providentiam naturalem, quia ad providentiam  
naturalem spectare non potest carentia gratiæ,  
aut gloriæ supernaturalis. Sed quia hoc difficile  
videtur, standum potius est primæ sententiæ, & so-  
lutioni, quæ vt suo loco videbimus maxi-  
mum in Augustino habet funda-

mentum.

## QUÆSTIO XII.

AN REPROBATIO NEGATIVA SIT,  
ante prævisam demeritam?

CUM providentia, licet in adu intel-  
lectus practici consistat, supponat  
tamen actum voluntatis, idem dicendum est de  
approbatione, & reprobatione, quod scilicet, licet  
consistat formaliter in scientia approbationis, aut  
reprobationis, supponit tamen voluntatem divi-  
nam. Vnde idem est interrogare, an reprobatio  
negativa sit ante prævisam demeritam, ac interroga-  
re, an voluntas aliquos non salvandi, seu quatenus  
est voluntas permissiva de contradictorio salu-  
tis, (nam de contradictorio negativo positiva;  
aut causalis esse non potest) sit ante prævisam de-  
meritam. Circa quod duplex contraria invenitur  
sententia. Prima negativa, quam tenent omnes  
qui negant electionem ad gloriam ante prævisam  
merita, & ex admittentibus illam, non pauci ne-  
gant voluntatem exclusivam à gloria ante præ-  
visam demeritam, vt sunt Bellarminus, Cornejo, &  
alii. Secunda sententia est affirmativa, quam co-  
muniter tenent scilicet omnes Thomistæ. Inter hæc  
duas sententias est alia media, quæ nempe conce-  
dit reprobationem negativam esse ante demeri-  
ta personalia prævisa, sed non ante demeritum  
peccati originalis, sed potius ex ipso prævisio,  
igitur.

### PRIMA CONCLUSIO.

2 Dico primò: *Voluntas non salvandi, seu permissiva exclusionis à gloria est ante prævisam demeritam personalia.* Probatur primò ex illo Apost. ad Roman. 9. dicentis: *Cum nondum nati fuissent, nec aliquid boni, aut mali egissent, et secundum electionem proposuit Dei maneret, non ex operibus, sed ex vocante dicitur, Jacob dilecti, Esau autem odio habuit.* Sed nomine odij intelligit reprobationem, saltem negativam, sicut nomine dilectionis prædestina-  
tionem; vnde D. Thom. ad ea verba, sic ait: *Sicut autem dilectio, de qua loquitur, pertinet ad eter-  
nam Dei prædestinationem, ita odium pertinet ad reprobationem, qua Deus reprobat peccatores.* Ergo sicut, quia antequam aliquid boni egissent, dictum est *Jacob dilecti*, probatur electio ad gloriam ante prævisam merita, ita ex quo antequam quidquam mali egissent, dictum est, *Esau autem odio habuit*, probatur reprobatio, seu voluntas exclusivam à gloria antecedens prævisionem de meritorum personalium.

3 Respondent contrarij primò Aposto-  
lum nomine odij intellexisse voluntatem exclusi-  
vam à gratia, non vero exclusivam à gloria. Vel

secundò, intellexisse reprobationem negativam, consistentem in non electione ad gloriâ; non vero reprobationem positivam, quæ in positiva exclusione à gloria consistat. Sed contra primam est, quia D. Thom. expressè ait, quod illud odium, de quo loquitur Apostolus, spectat ad reprobationem, sicut dilectio ad prædestinationem: Sed dilectio spectans ad prædestinationem per prius est ad gloriam, quam ad gratiam: Ergo & odium prius intelligitur de exclusione à gloria, quam à gratia. Secundò, quia ly *odium* non potest intelligi de exclusione à gratia còmmuni reprobis, & prædestinatis, quia sic nõ posset contraponi dilectioni propriæ prædestinatione, nec designare determinatè reprobos: Ergo debet intelligi de odio, seu de voluntate exclusivâ à gratia, prout talis exclusio est propria solis reprobis: Sed huiusmodi exclusio non potest esse propria reprobis, nisi sit exclusio à gratia, & gloria: Ergo loquitur etiâ Apostolus de odio sumpto pro voluntate exclusivâ à gloria. Explicatur, quia Apostolus non loquitur de odio sumpto pro voluntate negandi gratiam solum ad tempus, quia hoc pacto propriè non est odium spectans ad reprobationem, sed potius solet esse prædestinationis effectus, & ex amore procedere: Ergo si loquitur de odio sumpto pro voluntate exclusivâ gratiæ, seu permissivâ defectus gratiæ, debet sumi pro voluntate exclusivâ finalitè à gratia, seu permissivâ defectus gratiæ finalis: Sed hæc est formalissimè exclusivâ à gloria: Ergo.

4 Contra secundam solutionem etiam est, quia modo non litigamus de reprobatione positivâ respiciente exclusionem à gloria vt pœnam positivam, seu prout est voluntas de contrariò, sed de reprobatione negativa: Ergo si hæc conceditur ante prævisâ demerita personalia, conceditur nobis intentum. Secundò, quia an hæc reprobatio negativa sit pura non electio, seu omisio electionis ad gloriam, an voluntas positivâ iam suprà diximus, non esse omisionem electionis, nec carentiam actus, sed voluntatem permissivam exclusionis à gloria, vt à beneficio indebiti: quo pacto, quod sit ante prævisâ demerita personalia defendimus. Et ex ipsâ solutione sic probamus: Quia Deus ante prævisâ merita, aut demerita personalia, iuxta solutionem, eligit, quos electurus est, & non eligit, quos non electurus est: Ergo ante demerita personalia relinquit aliquos non electos, nec eligendos ad gloriam, sed extra gremium, & numerum electorum, seu glorificandorum: Sed hoc est per voluntatem permissivam exclusionis illorum à numero glorificandorum, seu à gloria: Ergo voluntas sic exclusivâ illorum à gloria est ante prævisâ demerita personalia.

5 Nec valet si dicas, quod ex vi voluntatis eligentis prædestinatos ad gloriam relinquit

alios non electos, sed tamen eligibiles pro posteriori, ac proinde ex vi illius non manere exclusos infallibiliter à gloria. Contra enim est, quia in primis hæc derelictio, si relinquit illos in sensu composito pro posteriori eligibiles, non posset esse odium proprium reproborum, de quo loquitur Apostolus, nec determinatè spectans ad reprobos, sed esset indifferens ad reprobos, & prædestinandos pro posteriori. Secundò, quia independentèr à meritis personalibus cuiusque, verum, & infallibile est, quod qui non fuerit prædestinatus, nec electus ante prævisâ merita, aut demerita, erit reprobos, & exclusus à gloria re ipsâ; tursus, iuxta solutionem, etiam ante demerita personalia relinquantur non electi, qui non eliguntur ante merita personalia prævisâ: Ergo ante merita, aut demerita personalia manent iam infallibiliter exclusi à gloria; quia in præsentì providentia nullus eligendus est, si non fuerit electus ante prævisâ merita personalia. Explicatur: Independentèr à meritis personalibus infallibile est in præsentì providentia, quod nullus salvabitur, qui non fuerit electus ante prævisâ merita personalia: Rursus independentèr etiam à meritis personalibus Deus aliquos relinquit non electos, seu eos non eligit ante prævisâ merita personalia: Ergo de aliquibus infallibile est ante merita personalia prævisâ eos non ferè salvandos; & consequenter manent iam ineligibiles pro posteriori in sensu composito, & infallibiliter exclusi à consequentè gloria.

6 Secundò probatur conclusio ex D. Th. 1. ad Anibald. disp. 41. artic. 3. in corpor. vbi inquit quod voluntas de contradictorio est secundum quod vult aliquem non salvare; & quod hæc voluntas non requirit aliquam rationem ex parte voliti, cum salus gloriæ nõ sit debita humanæ nature, non enim requiratur ratio, quare non idem alicui, cui dare non debeat: Ergo voluntas de contradictorio, id est non salvandi aliquem, non requirit demerita prævisâ pro ratione talis voluntatis, sed satis est gloriam, aut salutem illi non deberi. Confirmatur ex eodem D. Thom. quæst. 6. de Veritat. artic. 2. ad 8. vbi sic ait: *In his, quæ ex liberalitate donantur, in nullo iustitia contradicitur. Possum enim uni dare, & alteri non dare pro mea libito voluntatis.* Et ad 9. sic ait: *Hoc ipsum quod est non habere debitum, sufficiens ratio est non donandi:* Sed voluntas dandi gloriam est gratuita, & liberalis, & minimè debita homini: Ergo pariter, vt Deus velit contradictoriè non dare gloriam, non requiritur ratio, aut meritum cur illam non dare velit, sed satis est pro ratione illam non deberi, quia eo ipso homini iniuria non fit. Confirmatur secundò, quia Deus est supremus Dominus gloriæ, absque obligatione, aut debito illam dandi alicui: Ergo absque cuiusvis iniuria, aut crudelitatis nota potest

cam

eam non dare, aut sine illa, quem voluerit, relinquere: Ergo ante prævisa demerita personalia, potest velle quemlibet sine illa relinquere, aut eam illi non dare, voluntate nempe permissiva, qualem semper supponimus esse voluntatem de contradictorio. Confirmatur: Quia prima gratia efficax debita non est homini, potest Deus ante prævisa merita, aut demerita personalia eam cui voluerit negare voluntate permissiva, seu velle permissivè eam non dare absque iniuria illius, aut crudelitatis nora: Ergo pariter, quia gloria nulli est debita, potest Deus ante prævisa demerita personalia velle voluntate permissiva eam non dare, aut quem voluerit, sine illa relinquere.

7 Dices, id esse verum, casu quo homo non supponeretur ordinatus, & elevatus ad ordinem supernaturalem vi voluntatis, quia Deus vult omnes homines salvos fieri, & artem supposita hac voluntate, & ordinatione, iam esse quodammodo debitam homini gloriam; & consequenter, citra culpam illius, non posse sine iniuria illi negari. Sed contra est, quia adhuc supposita ea voluntate antecedenti, & ordinatione ad finem supernaturalem, Deus vult permissivè negare, aut non dare aliquibus gratiam efficacem ad finem supernaturalem assequendum necessariam, & hoc ante prævisa merita, aut demerita personalia illorum, & absque illorum iniuria: Ergo pariter poterit velle permissivè illis non dare gloriam, seu illos deficere à gloriæ consecutione. Secundò quia ex vi illius ordinationis, & voluntatis antecedentis generalis nemini in individuo est debita gloria, sed ad summum auxilia sufficientia ad illam assequendam: Ergo sicut hoc titulo absque iniuria aliquibus negatur gratia efficax, pariter negari potest illis gloria absque illorum iniuria. Confirmatur ex D. Thom. in præf. artic. 3. in corpor. ubi, ex hoc ipso, quod domine per divinam providentiam ad vitam eternam ordinantur, infert, quod ad eam providentiam pertinet ut permittat aliquos ab illo fine deficere: Ergo tam longè abest, vt ea ordinatio ad gloriam incompositibilis sit cum voluntate permittendi aliquibus illius defectum, quod potius hæc voluntas permissiva ad eam ordinationem generalem spectat. Vide supr. quæst. præced.

8 Confirmatur secundò, quia voluntas generalis, & antecedens salvandi omnes ex se solum vult immediate omnes ordinare ad salutem per media sufficientia, aut generalia, cum dependentia ab ulteriori voluntate Dei consequenti, vi cuius hi præ alijs consequantur cum effectu vitam eternam, vt ostendimus *Disp. præf. q. 11. d. n. 70*. Sed cum ea voluntate generali antecedenti, non opponitur, sed maxime coheret, quod voluntate consequenti velit Deus permissivè aliquos deficere à consecutione vite æternæ, nullaque in hoc est contradictio: Ergo. Videantur dicta *ibid.*

9 Denique probatur conclusio, quia Deus libere vult permittere aliquibus, ante illorum demerita prævisa, peccatum finale, seu peccatum nunquam remittendum: Sed voluntas, quæ vult tale peccatum permittere est per se voluntas permissiva exclusionis illorum à gloria, vel illam supponit: Ergo Deus ante demerita prævisa vult permissivè aliquos excludere à gloria. Maior patet, quia vt Deus velit permittere alicui peccatum finale, seu peccatum nunquam remittendum, non requiritur aliud peccatum prævisum, alias daretur processus in infinitum, quia ad illud requireretur aliud, & ad illud aliud, & sic nullum esset primum peccatum permissum nunquam remittendum. Minor vero non minus patet, quia voluntas permittendi peccatum finale, aut nunquam remittendum, est per se infallibiliter connexa cū exclusione à gloria, illamque exclusionem per se infallibiliter infert scienter, & voluntariè: Ergo vel est per se, vel supponit voluntatem permissivam exclusionis à gloria. Quod si à me queratur an sit per se, an supponat voluntatem permissivam exclusionis à gloria? Dico, quod re ipsa est per se voluntas permissiva exclusionis à gloria; sed ex nostro modo concipiendi per prius intelligitur vt voluntas permissiva exclusionis à gloria, quam voluntas permissiva peccati, sicut electio ad gloriam per prius intelligitur vt voluntas positiva gloriæ, quam vt voluntas positiva meriti finalis; licet per se sit re ipsa eadem voluntas. Et item, quia per prius relinquit voluntas divina hominem non electum ad gloriam, quam intelligitur permittere illi peccatum finale, seu illam relinquere non electum ad gratiam finalem; sicut per prius intelligitur Deum aliquos eligere ad gloriam, quam illos eligere ad perseverantiam finalem.

#### SOLVUNTUR OBIECTA.

10 **P**rimò obijciunt contrarij plura Sacre Scripturæ testimonia, in quibus sæpius inculcatur, *Deum non velle mortem peccatoris, sed ut convertatur, & vivat*, quod voluntatis eius non est mortis impij, quod non vult animam perire, sed retrahat cogitans, ne penitus intereat, qui abiectus est; quod Deus mortem non facit, nec laetatur in perditione vivorum, sed impij ipsi manibus, & verbis accersunt illam. Et alia huiusmodi: Ergo Deus ante culpam prævisam non vult hominibus animæ mortem, seu exclusionem à vita æterna, quæ mors æterna est, sed ad summum ex de meritis illorum obligatos.

11 Respondeo ex his omnibus rectè colligi, Deum non velle positivè, & causaliter hominibus mortem, aut perditionem, nec carentiam gratiæ, aut gloriæ, vel vite æternæ, quia cum Deus



Deus ex se sit summè bonus, ipsaque plenitudo bonitatis, ex se nihil vult positivè, nisi bonum, salutem, vitam, &c. sed quia bonum, salutem, vitamque non vult ex necessitate, sed cum libertate, dominio, & liberaliter, spectat ad eius providentiam, ut hæc libertas, liberalitas, & dominium ostendatur, permittit liberè, & voluntariè aliquibus malum, mortem, perditionem, & amissionem gratiæ, & gloriæ; nullus autem assignabitur locus in Sacro Textu, in quo Deo negetur hæc libertas permissio, seu voluntas permissiva mortis, perditionis, & exclusionis à gloria, & vita æterna. Unde præfati textus valent quidem ad mitigandum modum loquendi, quò RR. plures absolunt, & sine addito dicunt, Deum velle efficaciter aliquibus negare gratiam, & gloriam, velle ipsos deficere à consecutione gloriæ, ipsos excludere positivè à gloria, & à numero salvandorum; (qui modus loquendi ut sæpè diximus, & falsus est, quia mortem, perditionem, exclusionem, aut negationem gratiæ, aut gloriæ, & similes carentias Deus absolutè, & simpliciter, seu efficaciter non vult, sed cum addito *permissivè*; & haud parum dedecens divinam bonitatem, quam semper attendere debemus, iuxta illud *sentite de Domino in bonitate*;) non autem militant contra nos, qui totam illam voluntatem, quæ Deum ante præstila demerita dicimus relinquere exclusos aliquos à numero electorum, & à gratia, & gloria, dicimus esse permissivam exclusionis illorum à gloria, seu à gratia, & à vita æterna, seu permissivam mortis, & perditionis, cum sit voluntas de contradictorio vitæ, salutis, & gloriæ, quam solum permissivam esse, & diximus, & probavimus efficaciter. Vide *supra. Disputat. 6. quæst. 1. à num. 75.*

12 Nec maiorem vim habent alij textus, ut est illud Offic. 13. *Perditio tua ex te Israel, tantummodo in me auxilium tuum.* Et illud Isaïæ 130. *Expectat Dominus ut misereatur vestri, &c.* Et illud Apocal. *Eecce sto ad ostium, & pulso, si quis aperuerit, intrabo, &c.* Respondetur enim facile, in his solum significari voluntatem illam antecedentem, & generaliter salvandi omnes, cum qua nemo negare audebit, rectè conciliari voluntatem permissivam de contradictorio salutis, ex qua intalibilibiter consequatur salutis carentia, & defectus gratiæ efficacis. Vide *Traët. de Provid. quæst. 18. à num. 42.* vbi hæc testimonia abundè explicavi. Nec item vtget illud Trident. Sess. 6. cap. 11. *Deus sua gratia semel iustificatos non deserit, nisi prius ab eis deseratur.* Nam ut explicavi *vbi supra*, vel intelligitur de defectu, aut desertione per subitæ ditionem gratiæ habitualis, quam Deus non subtrahit, nisi, ex culpa liberè per prius ab ipso Deo permissa, & voluntariè ab ipso iustificato commissa. Si vero intelligatur de desertione per defectum intrinsicum gratiæ efficacis, sensus est, quod talis defectus non est à

Deo causaliter, sed permissivè, & ab homine est causaliter, & culpabiliter, & quod prior est in genere causæ materialis culpa hominis. Deum deserentis, quam defectus gratiæ Dei permittentis, licet in genere causæ permittentis prius sit defectus gratiæ à Deo permittente, quam hominis culpa. Unde Deus semel iustificatos non deserit, nec desinit auxiliari efficaciter, nisi ipsi prius in genere causæ materialis impediunt gratiæ receptionem, Deo id liberè permittente ex suo supremo dominio, & libertate, & absque culpa prævisa ad hoc permittendum. Vide *vbi supra*.

13 Secundo obijciunt ex PP. primò ex Augustino Episc. 105. vbi ait: *Cuius vult miseretur, non iustificat, sed misericordie est, & quem vult obdurat, non iniquitatur, sed veritate vindicat.* Sed nomine obdurationis intelligit reprobationem, vel saltem est eadem causa utriusque: Ergo voluntas obdurandi, seu reprobandi ex vindicta procedit; & supponit demerita illius, quem obdurare decernit. Mitto alia Augustini loca, quæ si quid probant, solum probant reprobationem supponere peccatum originale, non personalia. Secundo ex Prospero ad Cap. Gallor. cap. 3. vbi sic de reprobis ait: *Non ex eo necessitatem peccandi habuerunt, quia prædestinati non sunt, sed ideo prædestinati non sunt, quia tales futuri ex voluntaria prævaricatione sunt præfati.* Ergo reprobatio negativa, seu non prædestinatio supponit præscientiam peccatorum, præscientiaque peccatorum est ratio reprobationis negativæ. Tertiò ex D. Thom. in 1. dist. 40. quæst. 4. artic. 2. in corpore vbi loquens de obduratione, in quantum ex sublatione gratiæ procedit, & de carentia gratiæ, sic ait: *Is enim autem carere gratia ex duobus contingit, tum quia ipse non vult recipere, tum quia Deus non sibi infundit, vel non vult sibi infundere.* Horum autem duorum talis est ordo, ut secundum non sit, nisi ex suppositione primi, cum enim Deus non velit, nisi bonum, non vult illum carere gratia, nisi secundum quod bonum est: Sed quod ipse careat gratia non est bonum simpliciter, unde hoc absolutè consideratum non est volitum à Deo: est autem bonum quod careat gratia, si tam habere non vult, vel si ad eam habendam negligenter se preparat, quia iustum est, & hoc modo volitum à Deo: Fit ergo quod huius defectus absolutè causa prima est ex parte hominis, qui gratia caret, sed ex parte Dei non est causa huius defectus, nisi ex suppositione illius quod est causa ex parte hominis: Ergo iuxta D. Thom. Deus non vult carentiam gratiæ in homine, nisi supposita culpa: Ergo multo minus carentiam gloriæ ante culpam prævisam.

14 Respondeo nec huiusmodi testimonia quidquam probare contra nostram sententiam. Ad primum enim ex Augustino, sciamus, quod Deus, dum indurat, quem vult, illum obdurat

veritate vindictæ, nempe in pœnam præcedentium peccatorum; ſed modo non ſimilis obdurationem, ſicut nec reprobationem pro voluntate vindicativa, volente pœnam, aut vindictam, quia hoc pacto eſt voluntas carentia gratiæ, aut gloriæ per modum pœnæ poſitivæ volitæ; ſed de reprobatione, aut induratione prout præviſe importat voluntatem permiſſivam excluſionis à gratia, & gloria, ut à beneficio indebito, quo pacto non importat rationem pœnæ, & ſic ibidem ait Auguſtinus, quod obdurat Deus non quidem impetiendo malitiam, ſed non impetiendo miſericordiam, ut autem Deus permiſſivè velit non impetire miſericordiam, ut indebitam, nulla culpa præſupponi debet pro ratione, ſed ſatis eſt non deberi, quia vt non dem, qui dare non debeo, nulla opus eſt ratione, ſed ſufficiens ratio eſt non deberi. Vnde in forma, conſeſſo textu, diſtinguo minorem: Nomine obdurationis intelligit reprobationem poſitivam, & eſt eadem cauſa utriuſque concedo: Reprobationem negativam pro voluntate permiſſiva negandi gratiam, & gloriam vt beneficiam indebitum, nego minorem, quia hoc ſenſu non loquitur Auguſtinus de obduratione, ſed de illa vt pœna peccati eſt, & vindicta. An autem hoc modo ſit inter Deo volita ante præviſionem culpæ, infra dicemus, & iterum explicabitur Auguſtinus. Ad Proſperum, dico ſenſum illius eſſe, quod non prædeſtinatio, ſeu reprobatio negativa non eſt cauſa inducens neceſſitatetem periculi eis, qui non prædeſtinantur, ſeu negativè reprobantur, & merito, quia ſolum eſt permiſſiva perditionis illorum; cum autem ſubdit: Sed ideo prædeſtinati non ſunt, quia tales futuri ex voluntaria prævaricatione ſunt præſciti, debet intelligi, quia tales futuri Deo permitte, ſeu volente liberè permittere, ex voluntaria prævaricatione ſunt præſciti; reprobatio enim negativa, aut non prædeſtinatio ex parte Dei, nihil aliud eſt, quam præſcictia innixa voluntate permiſſiva de defectu liberi arbitrij à gratia, & gloria obtinenda, vnde veriſſimum eſt, quod ideo ſunt reprobi negativè, ſeu non prædeſtinati, quia ex vi voluntatis permiſſivæ prævaricationis illorum, præſciti ſunt tales futuri voluntaria prævaricatione, quæ præſcictia, vt potèſt innixa decreto permiſſivo prævaricationis, eſt præſcictia permiſſivæ, & cauſa permiſſiva prævaricationis, non eſſeſtus illius, nec illa poſterior in genere vltiori cauſæ, ſed illa prior permiſſivæ, ſeu in genere cauſæ poenitentia. Ad modum quo prædeſtinatio eſt præſcictia præctica meritorum innixa decreto poſitivo de meritis, & ideo prior ipſis meritis in genere cauſæ efficietis poſitivæ.

15. Ad D. Thom. dico, textum illum conſiderare quidem doctrinam, rectè intellectam veriſſimam, nempe, quod carentia gratiæ abſolutè ſumpta non eſt volita à Deo, quia hoc modo non

eſt bona, quod nos liberè ſaremur, & ſæpè probavimus eadem ratione D. Thom. Non autem negat D. Thom. quod ſic ſumpta ſit à Deo liberè permiſſa, niſi enim Deus liberè permitteret hominem ſe impedire ad gratiæ receptionem, homo non ſe impediret, nec careret gratiæ, vnde defectus gratiæ prima cauſa abſolutè, id eſt, prima cauſa deficiens à participatione illius, eſt ex parte hominis, qui gratia caret ex parte vero Dei non eſt cauſa huius defectus propriè, quia nec eſt cauſa deficiens, nec efficiens illius, ſed ſolum permitte; ſi autem loquamur de carentia gratiæ vt pœna eſt culpa, ſic inquit D. Thom. eſt iuſta, & vt iuſta bona ex ſuppoſitione culpæ, quia bonum eſt, & iuſtum care gratia, qui eius receptioni obicem præſtat, & ſic eſt volibilis à Deo poſitivè, vt bona, & iuſta ex ſuppoſitione culpæ. Si ergo hoc aliquid probat, probat, quod Deus non poſſit velle carentiam gratiæ vt pœnam, nec ſimiliter carentiam gloriæ, niſi ſuppoſita culpa, miniſimè vero, quod non poſſit permittere, aut velle voluntate permiſſiva carentiam gratiæ, & gloriæ vt eſt carentia beneficij indebiti, ante præviſam culpam, aliàs nec permittere poſſet peccatum ante peccatum præviſum, quod quid dicat? Imò nec primum probatur, vt mox dicam.

16. Obijciunt tertio, quia Deus ante præviſa demerita reprobatorum vult ſincero affectu, & voluntate eos ſalvos fieri: Sed cum hac voluntate eſt incompatibilis alia, quæ etiam ante præviſa illorum demerita velit efficaciter eos excludere à Regno Cœlorum, ſeu à numero ſalvatorum: Ergo hæc ſecunda voluntas in Deo admittenda non eſt. Minorem probant apud Illuſtriſ. Godoy, quinque probationibus, ſatis quidem per ſe efficacibus contra voluntatem poſitivam, & efficacem excludendi homines à gloria, aut negandi illis gloriam, prout illam ponit Illuſt. Godoy ante præviſa demerita: Nam certè ſemper manet intelligibile, quod Deus, qui ſincero affectu, & voluntate omnes ordinat, & promovet ad ſalutem, & hoc pacto vult omnes ſalvos fieri, nihilominus propriè, & ſimpliciter velit aliquos excludere à numero ſalvatorum, illiſque negare ſalutem, quin hæc voluntas illi contrarietur. Nec enim illa prima voluntas de ſalute omnium eſt mera ſimplex complacentia in ſalute ſecundum ſe ſumpta, vt velle videtur Illuſtriſ. Godoy; hæc enim eſſet voluntas de ſe ſequeunda, & inefficax poenitus, imò & per ſe otioſa, ſed eſt voluntas procurativa ſalutis, & ordinativa, ac promotiva generaliter omnium ad ſalutem, ex qua Deus miſit filium ſuum, cumque tradidit pro omnibus, vt pro omnibus ſalvandis moreretur; cum hac autem voluntate omnino incompatibilis eſt alia quæ poſitivè, abſolutè, & ſimpliciter velit efficaciter contradiſtorium primæ, nempe aliquos excludere à Regno Cœlorum, & à ſalute conſe-

quenda. Circa quod vide, quæ diximus *Disput. 6. quæst. 11. à num. 107.*

17 Vnde in forma, concessa maiori, distinguo minorem: Est incompatibilis alia, quæ velir propriè, & positivè eos excludere; &c. concedo minorem: Quæ velir permissivè eos excludere, vel excludi, nego minorem. Quinque autem probationes minoris illas non retero, nec solvo, quia contra nostrum modum dicendi nihil probant; siquidem nec probant, nec probari potest, quod cum voluntate illa generali salvandi omnes, seu omnes promovendi ad salutem, compatibilis nõ sit voluntas permissiva, quæ Deus velit permittere aliquibus defectum gratiæ, & gloriæ; quia hoc à nemine ex Theologis negatur, cum omnes fatcantur, conciliari cum illa voluntate generali, & antecedenti, quod Deus aliquibus ante prævisa illorum peccata vlla personalia permitat liberè, & voluntariè defectum gratiæ, & gloriæ, & peccatum, & consequenter deficere à consequenti gloriæ. Et ratio est, quia illa voluntas antecedens, & generalis est de se procurativa salutis, & promotiva omnium ad salutem conformiter ad naturam, & liberum arbitrium ipsorum, mutabile, & defectibile, & consequenter est ordinativa, & promotiva ad salutem cum contingencia deficiendi à consecutione salutis, & per media frustrabilia per ipsum liberum arbitrium; hoc autem esse non posset, nisi relinquendo locum voluntati consequenti efficaciter, & sine contingencia aliquos destinante ad salutem, & etiam permittente aliquibus insalubriter defectum à consequenti salutis, quæ contingencia relicta ex vi voluntatis generalis antecedentis, debet determinari per voluntatem consequentem cum quadam proportionem ad mutabilitatem, & contingenciam liberi arbitrij, ita nempe, ut aliquos efficaciter salvari velit, alios permittat à salute deficere, ut sic ostendatur mutabilitas liberi arbitrij, & illius defectibilitas in aliquibus, & in alijs efficacia gratiæ, ut vidimus ex D. Thom. *supr. quæst. præced. à num. 7.* Vnde tam longe ab est, ut voluntas illa generalis, & antecedens salvandi omnes incompatibilis sit cum voluntate permissiva defectus salutis in aliquibus, quod potius ad illam spectat hoc ipsum; quia ut aiebat D. Thom. *suprà, cum per divinam providentiam homines ad vitam eternam ordinantur, pertinet etiam ad divinam providentiam, ut permittat aliquos ab isto fine deficere*, non dixit, (ut inquit Illust. Godoy, & cum eo RR.) *ut velit efficaciter aliquos ab isto fine deficere*, sed dixit: *ut permittat aliquos ab isto fine deficere*, & hoc dicitur reprobare, reprobationem nempe negativam. Quem modum loquendi, si observassent RR. Thomistæ, plurimas difficultates obviassent, & sententiam Thomisticam à duritia, quam præferebat contrarius modus loquendi, liberassent.

18 Ex quo solvitur sequens argumentum,

quia connaturaliter videtur, quod Deus quantum est ex se antecedenter velit, & procurat omnes salvos facere, & quod solum ex culpa in nos prævisa consequenter velit aliquos excludere à Regno Cælorum, quam quod antecedenter etiam ad culpas, aut demerita prævisa velit aliquos à gloria excludere: Ergo primus ordo tenendus est, & non secundus. Respondeo enim, difficultatem non esse in eo, quod antecedenter, potius quam consequenter ad demerita prævisa, Deus velit salvare, & excludere à salutem; sed solum in eo, quod id Deus velit positivè, & causaliter. Quod ut videas, supponendum est, quod Deus non solum antecedenter ad culpas hominum prævisas, sed etiam consequenter ad illas velit homines salvare; quem enim iustum, quando venit Christus, invenit? Sanè pacissimos, & tamen venit omnes homines salvare; & ipse contestatur: *Non veni vocare iustos, sed peccatores*. Vult ergo Deus omnes, etiam peccatores, salvos facere voluntate illa antecedenti, adhuc prævisis illorum peccatis, & consequenter ad peccata prævisa: Quo ergo pacto conciliatur cum hac voluntate serâ, vellet etiam consequenter ad peccata prævisa, aliquos excludere à Regno Cælorum? En ipsam toam difficultatem, quam iam non solves per hoc quod vnum velle sit antecedens peccatorum prævisionem, aliud consequens. Quid ergo dicendum est? Sanè non aliud, nisi quod primum, nempe omnes salvare eos promovendo, & ordinando ad salutem, vult positivè, & causaliter; secundum vero vult tantum permissivè, permittendo nempe eos se ipsos excludere; aut iacere exclusos à Regno Cælorum. Ex quo respondeo, negando antecedens de voluntate permissiva exclusionis à Regno Cælorum, quia etiam connaturale est Deo velle permissivè, seu voluntariè, & liberè, ante culpam prævisam, permittere ipsam culpam; per quam quis excluditur à Regno Cælorum; quæ voluntas permissivæ per prius debet intelligi ut exclusivæ à gloriæ; quam ut exclusivæ à gloria, & merito finali, seu prius permissivæ exclusionis à gloria, quam ut permissivæ impenitentiz finalis; quia prius definit Deus hominem non electum ad gloriam, quam definit ipsum incidere in finalem impenitentiam; sicut prius eligit positivè ad gloriam, quam cõferat perseverantiam finalem. Quis sicut in volendo incipit à fine, & descendit ad media, ita in permittendo incipit permittendo carentiam finis in intentione, & descendit ad permittendum defectum mediorum, nam pro eo signo permittit intentionem carentiam finis, & mediorum, pro quo intentionem vult finem, & media, si ipsam vellet; cum autem si vellet efficaciter finem, & media, connaturaliter vellet prius finem, quam media, ita cum permittit intentionem carentiam finis, & mediorum, connaturaliter per prius intentionem permittit carentiam gloriæ, relinquendo ho-

hominum non electum ad gloriam, quam permittat defectum mediorem, seu perseverantiam finalis, permittendo finalem impenitentiam.

19. Denique obijciunt ab absurdis, sequi enim videtur ex nostra sententia, primo, reprobos sine libertate, seu necessario damnari, aut excludi à Regno Colorum, quia sic excluduntur ante illorum culpam, & sic excludi, iam salvari non possunt. Secundò, quod Deus ex industria procuret exclusionem reprobos à gloria, antequam culpa propria id demerantur. Tercio, pariter antecedere hominum merita, aut demerita prædestinationem impiorum ad mortem, sicut salvandorum ad vitam; quod redolere dogma Calvini, qui hoc ipsum asserbat, lib. 3. *Institutionum*, cap. 21. & Beza super *Epistol. ad Roman.* cap. 9. & Zanchius Calvinista, qui lib. de *Natura Dei*, cap. 2. sic aiebat: *Parem facinus electionem, & reprobationem in ipsarum causâ, nam sicut Deus prædestinavit Iacob, non ex operibus, sed ex prædestinationis gratia, sic etiam reprobavit Esau, non ex operibus, sed ex libera odio prosequenti, & reprobantis voluntate.* Quare sequi videtur, tolli ab hominibus sollicitudinem in bonè operando, quia impedire non poterunt reprobationem anteriorem ad omnia demerita personalia, & sic frustra erit conari ad salutem per bona opera. Quintò, fallaces, & simulatorias esse promissiones Dei, quibus promittit vitam æternam bonè operantibus, & servantibus mandata; quia totum hoc nihil proderit, si Deus ante opera prævisa homines reprobat. Sextò, Deum esse acceptorem personatum, quia non iuxta merita, aut demerita, sed pro sua acceptance dat, vel auferit gloriam, quibus vult; hoc autem est contra illud Iacobi *Epistol.* *Non est personarum acceptio apud Deum.* Ergo nostra sententia, quæ tot parit absurda, reiicienda est.

20. Respondeo, nihil horum sequi ex nostra sententia. Non primum, quia ex quo Deus ante merita prævisa prædestinet aliquos, & reprobat alios, nullum detrimentum sequitur libertati creatæ in suo ordine causæ secundæ, nec tollitur imputabilitas moralis culpæ, ut explicavi latè *Tractat. de Provident. quest. 18. à numer. 100.* Vide ibi dicta, nam ea repetere non libet. Nec secundum, quia Deus solum permittit excludi homines à gloria, & ab electione ad ipsam, non positivè, & ex industria eligendo media positivè ad hoc concurrentia; sed permittendo liberum arbitrium frustrare media promoventia ad salutem. Nec tertium, quia loquendo de reprobatione negativa, illa solum permittendo, seu permittit præcedit demerita, non casualiter, aut efficienter, in quo maxime differt à prædestinatione ad vitam, quæ præcedit merita ea efficiendo, & causando positivè, &

efficienter, quia nempe liberum arbitrium non habet merita a se, nisi permissivè ad summum, sed illa habet ex gratia Dei casualiter, & efficienter, à demereri, & peccare habet casualiter ex se ipso, ex Deo autem ut purè finente, & permittente, unde reprobatio supponit demerita, ut ex libero arbitrio casualiter futura sub præcisa conditione quod Deus permittat, sed non absolute futura, nisi ex suppositione Dei absolute permittentis; at prædestinationem non supponit merita casualiter ex libero arbitrio futura, sed ea facit casualiter futura, & ea præcedit casualiter: Et quia Calvinus, Beza, & sequaces, hanc disparitatem negabant, faciendo pares prædestinationem, & reprobationem in causa meritorum, & demeritorum, sive inclusionis, & exclusionis à gloria, ideo hæreticè errarunt. Vide super *Epistol. ad Roman.* cap. 1. *vers. 24.* dicebat Calvinus: *Certum est, non finiendo tantum, & considerando, Deum permittit homines probandum. Ideo tradendi voce utitur Paulus, illis scilicet verbis, tradidit Deus eos in reprobos sensum, quam vocem nimis violentè torquent, qui sola Dei permissione in peccatum agi nos putant.* Sensit ergo Calvinus prædestinationem ad mortem æquè esse causam peccati, & mortis, sicut prædestinatio ad vitam est causa meriti, & vitæ, & in hoc errabit hæreticè. Vide *Tractat. de Provid. quest. 20. à numer. 73.*

21. Nec sequitur quartum, quia tota nostra sollicitudo, & conatus ad salutem debet militare sub ordine divinæ providentiæ, seu in hoc nostro ordine causæ secundæ, in quo computum fieri non potest cum prædestinatione, aut reprobatione, sed solum cum voluntate illa per cuncta sæcula manifestata, qua Deus vult omnes homines salvos fieri, & ad agnitionem veritatis venire, idque manifestat per auxilia intra ordinem causæ secundæ nos promoventia, quibus debemus sollicite uti ad salutem, & conari ad illam in nostro ordine, computum minime facientes cum secreto nobis occulto prædestinationis, aut reprobationis. Vide *Tractat. de Provident. quest. 18. à numer. 124.* Nec sequitur quintum, quia Deus per ruinæ, & promissiones agit nobiscum intra ordinem particularem causæ secundæ nos movendo, & promovendo moraliter, & obiectivè ad salutem, cum quo componitur, quod aliquibus, ante illorum culpam prævisam, permittat resistere illis motionibus moralibus, promissionibus, & minis; nec hoc tollit, quod illæ permissiones, & minæ serio affectu proponantur à Deo, & ex seria voluntate promovendi omnes ad salutem, licet cum fallibilitate, & contingentia, ut aliqui consentiant, & aliqui dissentiant, quam contingentia Deus voluntate consequenti determinat, vel efficaciter

faciendo aliquos consentire, & salvari, vel insalubriter permitiendo alios rescire, dissentire, & non salvari, quia ita convenit ad ostendendam fragilitatem, & defectibilitatem libetii arbitrii ex vna parte, & efficaciam gratiæ ex alia.

23. Nec sequitur sextum, quia vitium acceptionis personarum solum habet locum in eis, quæ debentur ex iustitia distributiva pluribus, & vni datur plus, alteri minus, vel nihil, stante æqualitate illorum in merito, & dignitate; secus vero in eis, quæ ex gratia, aut pura liberalitate dantur: *Putat* (inquit D. Thom. super Epistol. ad Roman. cap. 9. lect. 3.) *si aliquis duos pauperes in via inveniat, detque vni, quod potest, vel disponit dare in elemosinam, non est iniquus, sed misericors; similiter si aliquis duobus æque ipsam offendentibus, vni dimittat offensam, & non alteri, est misericors vni, & iustus ad alterum, neutri vero iniquus. Et in present. artic. 5. ad 3. similiter ait: Neque propter hoc est iniquitas apud Deum, si inæqualia non inæqualibus præparet, hoc enim esset contra iustitiam rationem, si prædestinationis effectus ex debito redderetur, & non daretur ex gratia. In his enim, quæ ex gratia dantur, potest aliquis pro libito suo dare cui vult plus, vel minus, dummodo nulli subtrahat debitum, absque præiudicio iustitiæ. Et hoc est, quod dicit Pater Familias, Matthæi 20. Tolle quod tuum est, & vade, an non licet mihi, quod volo facere? Unde rectè suprà aiebat, quod in his, hoc ipsum quod est non habere debitum, sufficiens ratio est non donandi. Non igitur Deus est acceptor personarum, si ante prævisâ merita, vel demerita, vni præparet gratiam, & gloriam, & alterum relinquat sine gratia, & gloria, permittit exclusivè à gloria, & gratia; quia in gratuitis potest Deus inæqualiter distribuere dona sua æqualibus, nulli faciendo iniuriam.*

### QUÆSTIO XIII.

**AN REPROBATIO POSITIVA,**  
*ut importat voluntatem positivam infligendi pœnam, sit ante prævisâ demerita?*

**I**N hac quæstione maior apparet difficultas, quam in præcedenti, vnde plures, qui in præcedenti nobiscum sentiunt, in hac negativam tenent sententiam; sed immerito, quia nî fallor, difficultatis minus habet voluntas positiva pœnæ infligendæ ante prævisum absolutè peccatum, quam voluntas exclusivæ à gloria. Pro cuius intelligentia primo recolenda est doctrina data

*suprà disputat. 6. quæst. 4. à numer. 21. ubi explicabimus pœnam iustam peccatorum non esse verum malum, sed verum bonum, imò & verum bonum creaturæ rationalis, vt rationalis, quatenus eius culpas, & peccata, quæ sunt verum malum ipsius vt rationalis, quodammodo corrigi, & in ordinem redigi, ipsamque malam voluntatem minus malam reddit, quia prior est voluntas prava impunita, quam punita. Quæ doctrina maximè præ oculis habenda est. Recolenda est secundò doctrina tradita suprà quæst. 11. de permissione peccati ex præintenta penitentia, quia eadem, nî fallor, causa est de permissione peccati ex præintenta pœna illius. Terriò supponendum est, quæstionem non procedere de voluntate positiva pœnæ ante prævisionem conditionatam culpæ, aut peccati sub conditione divinæ permissionis; nam cum hæc præscientia conditionata sit necessaria, sicut necessarium est conditionatè, quod si Deus homini peccatum permittat, peccabit; absdubio hæc præscientia conditionata de peccato futuro, si Deus illud permittat, præcedere debet voluntatem liberam pœnæ infligendæ: Solum ergo procedit quæstio de præscientia absoluta peccati vt absolutè existentis, aut futuri, an debeat præcedere voluntatem efficacem, & absolutam infligendi pœnam, ita vt ex peccato absolutè commissio ab homine, & vt sic absolutè prævisio à Deo, moveatur Deus ad decernendam illi pœnam iustam, non autem ante illud absolutè commissum ab homine, & vt sic absolutè prævisum à Deo.*

### NOSTRA SENTENTIA.

**D**ico igitur: *Deus ante prævisionem absolutam demeritorum personalem, vult absolutè reprobis pœnam iustam et talem, & vt offensivam sue iustitiæ punitivæ, ac proinde reprobatio etiam positiva, quatenus importat voluntatem de contrario, seu pœna æterna, est in Deo ante prævisionem absolutam demeritorum personalem.* Ita Illust. Godoy in præfenti, & Mag. Ildephonsus Michael, uterque fundatissimè, præsertim in Div. Thom. qui pro hac sententia stat apertissimè. Probatur autem primò ex illo Apost. ad Roman. 9. *Volens Deus ostendere iram, &c.* quem textum exponens D. Thom. in present. artic. 5. ad 3. sic ait: *Dicendum, quod ex ipsius bonitate divina ratio sumi potest prædestinationis aliorum, & reprobationis aliorum, quatenus nempe, propter suam bonitatem diversimodè manifestandam, vult quidquid vult, vt ibi explicat, & concludit: Voluit igitur Deus in hominibus quantum ad aliquos, quos prædestinas*  
*suum*

suam representare bonitatem per modum misericordie parcendo, & quantum ad aliquos, quos reprobat, per modum iustitię puniendo, & hæc est ratio, quare Deus quosdam eligit, & quosdam reprobat, & hanc causam assignat Apostolus ad Roman. dicens: Volens Deus ostendere iram, id est vindictam iustitię, & notam facere potentiam suam, substituit, id est permisit in multa patientia vasa irę apta in interitum, ut ostenderet divitiis glorię suę in vasa misericordię. Ex quo textu Apostoli, cum Glossa Div. Thom. apertè colligitur, quod Deus ordine volendi, seu in ordine intentionis, per se primò vult ut vltimum finem suam manifestare bonitatem ad extra in creaturis rationalibus, & quia non potest vno solum modo manifestari plenè, voluit illam manifestare, & per modum liberalitatis, & misericordię, ostendo divitiis, seu præfiositatem glorię suę, & per modum iustitię puniendo. Item ex hoc fine per prius intento, substituit, seu permisit vasa irę apta in interitum, seu aliquos homines fieri vasa irę, & aptari in interitum, ut nè per iustis ostenderet suam iustitiam, sive suam bonitatem per modum iustitię puniendo, & ut etiã inde ostenderet, & manifestaret divitiis, seu præfiositatem glorię suę in vasis misericordię, quia præfiositas glorię iustorum ostenditur, & eminet, ex iustitia, & pœna aliorum: Ergo per prius intendit Deus nostro modo concipiendi ostendere iustitiam suam per iustam pœnam in reprobis, quæ permittit illis peccata, & demerita personalia, quibus fiunt vasa irę apta in interitum: Vult ergo illis pœnam iustam ut offensivam iustitię punitive ante permissionem, & consequenter ante prævisionem absolutam peccatorum personalium.

3 Explicatur: Deus in serie reprobationis habet aliquem finem positivè volitum, quia reprobatio est pars providentię, & Deus in omni sua providencia respicit finem aliquem positivè volitum; sed quem finem, rogo, respicit in serie reprobationis, dum permittit homines suis peccatis fieri vasa irę apta in interitum? Sanè, Apostolus respondet, quod id permittit, volens ostendere iram, id est iustitiam, & notam facere potentiam suam: Ergo hic est finis volitus, propter quem permittit reprobis peccata personalia: Ergo per prius vult ostendere in illis suam iustitiam per iustam pœnam, quam permittit illis peccata personalia. Confirmatur ex ipso D. Thom. super Epist. ad Roman. cap. 9. ad prædictum textum, ubi in primis ait, quod finis reprobationis, vel obdurationis malorum, est manifestatio divini iustitię, & virtutis, & quantum ad hoc, dicit (Apost.) volens ostendere iram, &c. Item, quod finis usus malorum, in quantum Deus eis utitur, est ira Dei, id est pœna, & ideo vocat eos vasa irę, id est iustitię instrumen-

ta, in quantum eis Deus utitur ad ostendendam iram, id est iustitiam vindicativam. Et i. ad Anabald. dist. 40. artic. 3. sic concludit: Defectus vero eorum, qui defuturi essent, in bonum ordinavit sua iustitia, scilicet quæ pro culpa pœnas retribuit. Sic ergo ab æterno fuit propositum Dei, & respectu culpe permittende, & respectu pœne impigende, & hæc dicitur reprobatio. Mitto alia plura, in quibus Div. Thom. semper constans, tenet, finem, quem Deus respicit in serie reprobationis, esse pœnam ut offensivam suę iustitię punitive: Sed in ordinatè volente finis semper est prius volitus, quam eaque sunt ad finem: Ergo per prius debet intelligi Deus ut volens pœnam, ut offensivam suę iustitię, quam ut volens permittit, seu permittit demerita, quæ sunt media ad illum finem: Ergo ante permissionem, & consequenter ante prævisionem absolutam demeritorum, vult Deus reprobis pœnam iustam ut offensivam suę iustitię punitive.

4 Nec dicas primò, tam Apost. quam Div. Thom. per ly volens ostendere iram, iuxtalexisse voluntatem executivam pœnæ posterioris ad peccata pravisā. Contra enim est evidenter, quia volens ostendere iram substituit, id est permisit peccata, quibus fierent vasa irę apta in interitum: Ergo prius intelligitur velle offensionem iustitię ut finem, quam permittit peccata. Rursus, quia tam D. Thom. quam Apostolus loquuntur de voluntate ostendendi iustitiam, ut de voluntate finis, propter quem permisit, &c. Ergo loquuntur de voluntate precedente permissionem peccatorum, & consequenter illorum prævisionem. Nec dicas secundò, Apostolum, & Div. Thom. loqui de voluntate exclusivā à gloria, non de positivā pœnæ. Contra enim est evidenter, quia per pœnam exclusionem à gloria ut à beneficio indebito, non manifestatur divina iustitia, sed ad summum liberalitas, & gratia: Sed Apostolus ait: Volens Deus ostendere iram, id est, iustitiam, substituit, seu permisit, &c. & Div. Thom. ait offensionem iustitię esse finem, seu causam, & rationem finalem permittendi: Ergo non loquitur de voluntate purè exclusivā à gloria, ut à beneficio indebito, sed de voluntate positivā pœnæ. Ac denique, quia, ut suprà dicebamus, non datur reprobatio purè negativa, seu permissiva exclusionis à gloria ut à beneficio indebito, quæ non sit ex voluntate positivā finis, quia illa voluntas permissiva exclusionis à gloria debet esse providentialis, & nõ potest esse providentialis, nisi ex aliquo fine positivo intèro, in quo manifestetur divina bonitas: Sed non est alius finis, nisi offensio divi bonitatis per modum iustitię, quæ in sola pœna iusta manifestatur: Ergo illa voluntas exclusivā permissivè à gloria per prius est voluntas

positiva pœnæ vt offensivæ divinæ iustitiæ, tanquam finis positivè volitæ, ex quo sequitur permissio exclusivis.

5 Nec demum dicas, quod Apostolus non dicit, quod Deus permisit fieri vasa iræ, aut quod illis permisit peccata personalia, ex fine ostendendi iram; sed quod *substinuit in multa patientia*: Sed hæc patientia, & subſtinentia supponit iam peccata ipsa, quibus iam sunt vasa iræ: Ergo sensus Apostoli non est, quod Deus permittat peccata ex intentione ostendendi iram, sed quod suppositis peccatis, differt cum patientia tempus, & vitam, vt ostendat iram. Contra enim est, quia in primis huic expositioni contradicit expressè Glossa D. Thom. quæ apertè exponit ly *substinuit*, per ly *permisit*: Permissio autem propriè non est de peccato commissio, sed vt committatur: Ergo ly *substinuit*, vt exponitur à D. Tho. non intelligitur erga peccata prævisa, aut commissa, vt illis posteriori, sed pro eodem ac subſtituitur peccata committi, & fieri vasa iræ apta in interitum, ex fine ostendendi iram, seu iustitiam: S: d subſtinentia, qua Deus subſtinuit peccata committi, & fieri vasa iræ apta in interitum, est prior, seu præcedit peccatorum commissionem, cum sit illorum libera permissio: Ergo Apostolus loquitur de subſtinentia, & permissione præcedenti peccatorum commissionem. Contra secundò, quia dato, quod loquatur de subſtinentia erga peccata commissa, hæc est propriè permissio durationis illorum peccatorum, & impenitentiz de illis vsque ad mortem: Ergo saltem Deus per prius vult ostendere iram, seu iustitiam, & ex hoc fine subſtinuit, seu permisit consequenter, & pro posteriori perseverantiam in peccatis vsque ad mortem, seu impenitentiam finalem: Sed eadem difficultas est in hoc, ac in eo, quod permittat peccatum committi ex fine ostendendi iustitiam, volendo per prius ostendere iustitiam, quam permittere perseverantiam in peccato, & impenitentiam finalem: Ergo adhuc admissa prædicta expositione, manet eadem difficultas. Minor probatur, quia Deus equè liber est ante commissum peccatum, ad illud liberè permittendum, ac illo commissio, ad permittendam in illo perseverantiam; & sicut illo commissio, absque vlla iniuria liberè permittit hominem in illo perseverare vsque ad mortem, ita ante illum commissum liberè permittit hominem illud committere absque illius iniuria, aut nota crudelitatis: Ergo eadem difficultas est in eo, quod ex pœna positivè præintenta, seu volens ostendere iram, permittat perseverantiam in peccato vsque ad mortem, ac in eo, quod ex hoc ipso fine permittat ipsum peccatum. Sed de hoc infra.

6 Secundò probari posset conclusio ex alijs testimonijs Sacræ Scripturæ, primo ex illo Apostoli ad Timoth. 2. *In magna domo non so-*

*lum sunt vasa aurea, & argentea, sed etiam lignea, & fœtilia, & quadam quidem in bonorem, quadam vero in contumeliam, quo textu adducto in præsent. artic. 5. ad 3. subiungit D. Thom. Sed quare hos elegit in gloriam, & illos reprobavit, non habet rationem, nisi divinam voluntatem. Vnde Augustinus super Ioann. dicit: Quare istum trahat, & illum non trahat, non illi iudicare, si non vis errare. Et meritò, nam vt inquit Apostolus ad Roman. 9. O homo tu quis est, qui respondeas Deo, nunquid non potest figulus ex eadem massa facere aliud quidem vas in bonorem, aliud vero in contumeliam? Ex quibus omnibus, satis apertè suaderi potest, Deum ante prævisa merita, aut demerita discernentia inter hominem, & hominem, ex æquali, & eadem massa, velle facere alios vasa gloriæ, alios contumelie, seu velle in aliquibus ostendere suam liberalitatem, aut misericordiam eos glorificando, in alijs vero suam iustitiâ, eos puniendo pœna iusta. Secundo ex illo Proverb. 16. *Omnia propter semetipsum operatus est Deus, impium quoque in diem malum.* Ex quo etiam probatur, quod si Deus creavit hominem, quam impium esse permisit, & ipsum conservavit permittendo ipsius impietatem vsque ad diem malum, nempe mortis, totum hoc fecit propter semetipsum: Cum autem non aliter id propter semetipsum prestare poterit, nisi ex fine ostendendi suam bonitatem in illo per modum iustitiæ media pœna iusta, clarè colligitur Deum per prius velle impio pœnam iustam vt offensivam suæ iustitiæ, quam illi peccata, seu impietatem permittit.*

7 Tertiò ex illo: *Antequam quidquam boni, vel mali egissent, dictum est: Iacob dilexisti, Esau autem odio habui*, quoddam suprà expostivimus, intelligi de odio præcedente demerita prævisa, & spectante ad reprobationem. Et nunc addo non posse intelligi de odio purè negativo, seu negativa reprobatione tantum, quia illa non satis propriè diceretur odium, sed de reprobatione positiva, & positiva voluntate infligendi pœnam, seu puniendi peccata, quam per odium peccatorum significari, iam alibi satis ostendimus: Ergo ante prævisa absolutè demerita, saltem personalia, Deus vult positivè pœnam reprobis vt offensivam suæ iustitiæ, sicut ante merita personalia vult electis gloriam.

8 Quartò ex illo Ecclesiastici 33. vbi hanc ipsam doctrinam sub quadam metaphora, alèd docere videtur his verbis: *Quare dies diem superat, & iterum lux lacem, & annus annum à Sole: à Domini scientia separati sunt, factio Sole, & præceptum custodiens; & immutavit tempora, & dies festos ipsorum, & in illis dies festos celebraverunt ad bonum. Ex ipsi exaltavit, & magnificavit Deus, & ex ipsi possuit in numero dierum. Et applicans metaphoram subiungit: Et om-*

nes homines de Sole, & ex terra, unde creatus est Adam. In multitudine disciplinae Dominus separavit eos, & immutavit vias eorum. Ex ipsis benedixit, & exaltavit, & ex ipsis sanctificavit, & ad se applicavit; & ex ipsis maledixit, & humiliavit, & convertit illos à separatione ipsorum. Quasi lutum figuli in manu ipsius plasmare illud, & disponere; omnes vias eius secundum dispositionem eius; sic homo in manu illius, qui se fecit, & reddet illi secundum iudicium eius. Contra malum bonum est, & contra mortem vita, & contra virum iustum peccator. Et sic intueri omnia opera altissimi, duo, & duo, & unum contra unum. En ubi Spiritus Sanctus satis innuit, quod sicut Deus inter dies de se aequales, alios exaltavit, & fecit dies solemnes, & festos, dicatos lætitiæ, & gloriæ, & ex ipsis alios reliquit in numero dierum laboris; sic ex hominibus, qui omnes de Sole, & ex terra, unde creatus est Adam, nullo nempe eorum merito, aut demerito praevisio, unde praevidentur inaequales, alios exaltavit, & benedixit, eligens nempe illos ad gloriam, & alios humiliavit, & maledixit, designans nempe illis penam. Et item, quod sicut lutum est in manu figuli, ut de illo pro libito possit plasmare illud in vas, vel honoris, vel contumeliæ; sic homo in manu Dei, qui se fecit, ut tandem reddat illi secundum iudicium eius, vel gloriam, vel penam, ut sic appareant opera altissimi, duo, & duo, & unum contra unum, contra malum bonum, & contra mortem vitam, & contra virum iustum peccator. Quia videlicet, omnes viæ Domini misericordia, & iustitia, & ut hæc utraque Dei perfectio manifestetur, sic Deus opera sua disposuit, ut sic magis manifestarentur, quia opposita iusta se posita magis elucescunt. Sanè ut Deus mirabili providentia ita per vias quasi oppositas vellet ostendere, & manifestare in suis operibus suam bonitatem, vel per modum misericordiae, vel per modum iustitiae, non expectavit praevidere hominum merita, aut demerita, sed potius ex fine illo altissimo praeintento disposuit, vel positivè, vel permisivè differentiam honorum, & malorum: Ergo prior intelligitur in Deo voluntas ostendendi suam iusticiam in his, & suam misericordiam in alijs, quam praevisio, aut permissio meritorum, aut demeritorum, quia illud est finis, & hoc medium.

#### RATIO PRÆCONCLUSIONE.

9 **D**einde probatur ratione, quia Deus liberè permittit aliquibus peccatū nunquam remittendū; hoc quis neget? Sed non permittit illud, nisi providentialiter, & propter aliquem finem praeintantum, alias à casu, & sine fine illud permitteret: Ergo illud permittit ex aliquo fine, & propter aliquem finem talis permissionis:

Sed non est alius finis, propter quem permittat Deus peccatum finale, seu nunquam remittendū, nisi propter penam ut ostensivam suæ iustitiæ punitivæ: Ergo ante praevisionem peccati nunquam remittendi vult Deus reprobis penam ut ostensivam suæ iustitiæ punitivæ. Hæc consequentia patet, quia finis, propter quem peccatum permittitur, debet intelligi per prius volitus, quam peccatum permittatur, quia ut sæpè ostendimus ordine volendi prius est finis, quam media ad finem.

10 Huic rationi, quæ sanè vrgentissima est, respondent contrarij primò, esse alium finem permittendi peccatum, nempe exclusionem puram à gloria, ut à beneficio indebito. Sed contra, quia, ut suprà ostendimus *quæst. 11. a. n. 10.* Deus non vult positivè hanc exclusionem à gloria, sed purè permisivè, nec hæc permissio exclusionis à gloria potest esse providentialis, nisi sit ex fine positivè: Ex quo ergo fine Deus relinquit aliquos sine gloria, aut ad quem finem illi sine gloria deserviant? Sanè Apostolus ait, quod Deus sustinet eos uti vasa iræ volens ostendere iram, id est iusticiam: Ergo finis permittendi peccatum, & exclusionem à gloria est offensio iustitiæ per poenas iustas, & non alius. Respondent secundò, nemini Deus liberè permittere peccatum ut nunquam remittendum, nisi ex praevisio alio peccato, saltem originali. Sed contra etiam est manifestè, primò, quia in præfati conclusionis solum defendimus reprobationem ante praevisa demerita personalia. Secundò, quia falsum est, quod Deus nunquam permittat peccatum nunquam remittendum, nisi ex praevisio alio, quia sæpè iustis, quibus integrè remissum supponitur peccatum originale per baptismum quoad culpam, & quoad penam, permittit peccatum personale nunquam remittendum, propter quod damnantur. Itemque in Angelis evidenter Deus permittit illis primum peccatum nunquam remittendum, propter quod damnati sunt: Ergo falso supponitur contrarium. Sed de hoc infra.

11 Secundò probatur conclusio, & confirmatur præcedens ratio, quia sicut meritum finale est medium per se ad gloriam, ita demeritum finale, seu finalis impenitentia est medium per se ducens ad æternam penam: Est propter primam Deus ordinatè volens per prius vult electis gloriam, & ex intentione gloriæ donat illis meritum finale: Ergo eadem ratione Deus ordinatè procedens per prius vult penam æternam reprobis ut ostensivam suæ iustitiæ, & ex hac intentione permittit illis peccatum, seu demeritum finale. Explicatur, quia non minus supponit merita gloria ut corona, quam supponit demerita poena ut ostensiva divinx iustitiæ: Sed, primo non obstante, Deus ante praevisa merita vult electis gloriam: Ergo, secundo non obstante, reprobis vult



vult pœnam vt ostensivam suæ iustitiæ ante prævisâ demerita. Respondent contrarij, esse disparitatem, quia gloria vt corona est bonum per se intendibile, & amabile, & contra vero pœna licet iusta, & ostensiva divinæ iustitiæ, non est bonum, nisi occasionatum, & consequenter non intendibilis, nisi ex prævisâ culpa delinquentis. Sed contra est primum, quia pœnitentia etiam est bonum occasionatum: Et tamen est intendibilis, & intenditur à Deo ante prævisum absolutè peccatum, vt vidimus *suprà quæst. 9.* Ergo pariter pœna, quamvis solum sit bonum occasionatum. Secundò quia pœna, vt ostensiva est divinæ iustitiæ, non est bonum occasionatum, sed per se amabile, ostensio enim divinæ iustitiæ ad extra non est minus per se bona, quam ostensio divinæ misericordiæ, sicut non est minus per se bonum attributum iustitiæ in Deo, quam attributum misericordiæ, ni velis dicere, quod attributum iustitiæ est solum bonum occasionatum, & non per se amabile. Ergo saltem pœnam vt ostensivam divinæ iustitiæ potest Deus intendere ante prævisum absolutè peccatum. Tertiò, quia quod sit bonum occasionatum, solum probat, quod non possit intendi, nisi supponendo culpam aliunde infallibiliter imminentem, & futuram, nisi impediatur: Sed stat optimè, quod Deus intendat, & velit pœnam ante prævisam absolutè culpam, & quod supponat illam aliquid infallibiliter futuram, nisi impediatur: Ergo stat optimè quod sit bonum occasionatum, & quod Deus illam velit ante prævisam absolutè culpam. Maior patet, quia bonum occasionatum solum petit, quod intendi non possit, nisi in remedio alicuius mali; ad hoc autem satis est, quod intendens supponat malum aliunde infallibiliter imminens, & futurum, nisi ab ipso impediatur, quia eo ipso, potest intendere bonum illud in remedium, & correctionem talis mali. Quod sic probatur, probando minorem; quia eo ipso, quod Deus præsciat culpam futuram infallibiliter conditionatè, si ab ipso non impediatur, potest inter impedire culpam sua gratia, vel auxilio, vel illam corrigere iusta pœna, eligere quod voluerit, nempe vel illam corrigere, & punire iusta pœna, vel illam vitare sua gratia: Ponamus ergo quod eligat primum, sanè illud eligit ante prævisam absolutè culpam, quia ante illam electionem minimè supponitur culpa absolutè futura, sed solum conditionatè futura, si à Deo non impediatur: Ergo stat optimè, quod Deus absolutè velit corrigere culpam iusta pœna, ante prævisam absolutè culpam. Vide *suprà quæst. 9. ad num. 48.*

12 Explicatur, & vrgetur: Si ob aliquam rationem Deus non posset velle positivè pœnam ante prævisam absolutè culpam, maxime quia huiusmodi volitio, vel intentio haberet speciem iniustitiæ, & notam crudelitatis: Sed hanc spe-

ciem, vel notam minimè habet: Ergo. Probatur minor, quia quod Deus, videns infallibiliter futurum peccatum ex libero arbitrio æternum, nisi ab eo impediatur sua gratia, vel auxilio; & non obligatus ad illud impediendum, potensque eligere vnum è duobus, nempe vel peccatum impedire, aut sanare sua gratia, vel illud corrigere, ac punire iusta pœna, eligat potius illud corrigere iusta pœna, quam illud vitare sua gratia, nullam habet speciem iniustitiæ, nec notam crudelitatis, sed potius summæ bonitatis providentiæ, quæ melius iudicavit de malis æternis bonum iustitiæ elicere, quam mala nulla æterna esse permittere: Sed Deus sic eligens, vult positivè pœnam ante prævisam absolutè culpam: Ergo hoc velle nullâ speciem iniustitiæ, aut crudelitatis habet. Amplius: Deum permittere liberè peccatum nunquâ remittendum nullam speciem iniustitiæ, aut crudelitatis notam importat, vt per se patet, cum id Deus sapissimè permittere certum sit de fide, & nullus in hoc permittendo possit Deum iniustitiæ, aut crudelitatis arguere: Sed semel quod hoc liberè permittat, quod illud permittat cum prævia intentione illud corrigendi, & puniendi iusta pœna, nedum non arguit iniustitiâ, aut crudelitatem, sed potius arguit summam æquitatem, & bonitatem divinam, vi cuius non potest malum impunitum esse permittere: Ergo. Vltrâ: Peccatum est quoddam inordinatio creaturæ rationalis, quæ ordinem à Deo statum in universo pervertit; pœna autem est, quæ Deus illam inordinationem ad ordinem redigit, ita vt quod homines suis peccatis deordinaverunt, & perverterunt in universo, Deus per iustas pœnas ad ordinem redigit; vnde pœna iusta est quoddam remedium culpæ, & inordinationis peccati, vt nempe homo, qui per peccatum terminos, & gradum sibi divina lege statutos transgressus fuerat, ad gradum sibi per culpam promeritum divina iustitiâ redigatur, & qui ordinem iustitiæ legalis culpabiliter declinavit, saltem ordinem iustitiæ vindicativæ, licet invitatus, teneat, vt nihil in universo inordinatum majus: Sed semel quod Deus sine crudelitatis nota possit permittere culpam, & peccatum, nullam addit crudelitatis notam, quod illud permittat præveniendi illi remedium, seu cum prævia intentione corrigendi inordinationem illius: sed hoc potius extollit eius æquissimam, & ordinatissimam providentiâ: Ergo potest permittere peccatum cum prævia intentione corrigendi ipsum iusta pœna.

13 Denique hoc ipsum confirmatur; quia certissimum est, quod universum non esset tam perfectum, & pulchrum, nec ita universaliter representans Dei bonitatem, si in ipso esset tantum ordo bonorum præmio remuneratorum, absque ordine malorum pœna iustæ punitorum, ac modo est cum utroque ordine; nam ex utroque

ordine resultat maior pulchritudo sine comparatione, & maior ostensio divinæ perfectionis, & bonitatis. Lege D. Thom. *supra quæst. 1. i. num. 4.* Lege item Ecclesiastic. *in hac quæst. num. 8.* ubi concludit: *Intueri ergo omnia opera altissimi, duo, & duo, & unum contra unum, satis innuens in illis duobus ordinibus relucere pulchritudinem vniuersi, & ostensionem divinæ bonitatis magis quam relectret in vno tantum.* Et quidem illa virtus divina redigendi in debitum ordinem ipsam peccatorum inordinationem, illaque pulchritudo resultans ex eo, quod ordinat debite tenebras, & privationes per positivum ordinem, de qua loquens Augustinus de *Genesi ad Litteram*, cap. 5. ait: *Non dicimus Deum fecisse tenebras, quoniam speciem ipsam Deus fecit, non privationes, quæ ad nihilum pertinent; quas tamen ab eo ordinatas intelligimus, cum dicitur: Et divisit Deus inter lucem, & tenebras, ne vel ipsæ privationes non haberent ordinem suum, Deo cunctis regente, atque administrante: Sicut in cantando interpositiones silentiorum certis, & moderatis intervalis, quamvis vocum privationes sint, bene tamen ordinantur ab his, qui cantare sciunt, & suavitati universæ cantilenæ aliquid conferunt: Et umbræ in picturis, eminentiores quæque distinguunt, ac non species, sed ordine placent. Nam & vitiorum nostrorum non est Autor Deus, sed tamen ordinator, cum eo loco peccatores constituit, & ea perpeti cogit, quæ merentur. Ad hoc valet, quod oves ponuntur ad dexteram, hædi autem ad sinistram. Quadam ergo facit Deus, & ordinat: peccatores autem, in quantum peccatores sunt, non facit, sed ordinat tantum: Ipso ergo faciente pulchra sunt singula, & ipso ordinante pulchra sunt omnia. Hæc inquam pulchritudo, & ars divina manifesta esse non posset, si nihil in vniuerso esset nisi bonum, & bonum, & nihil malum, si omnis creatura rationalis bona esset, & nulla mala, si in omnibus largitas, & gratia, & in nulla iustitia exerceretur: sicut pulchra non esset musica, si sono continuo, & nullo silentio constaret, & pulchra non esset pictura, si tota lux esset, & umbris careret; & pulchrum non esset vniuersum corporeum, si omnia corpora alta, & nulla infima essent, si omnia diaphana, & nullum opacum: Sic ergo in vniuerso spiritali creaturarum intellectualium non tanta pulchritudo relucere, ut modo resultante post diem iudicii per æternitatem, si omnes bonæ, nulla mala, si omnes in gloria, nulla in pœna, si in omnibus gratia, & largitas, in nulla iustitia divina resplenderet; atque illa verè divina ordinandi tenebras, & privationes, ac ipsas vitiorum inordinationes in debitum ordinem redigendi, sopita maneret; concentusque, & armonia resultans ex pœnis iustis iniquorum, & gloria iustorum, quam subterrefrat eructabat Regius Plecter,*

dicens: *Misericordiam, & iudicium cantabo tibi Domine*, impedita penitus maneret: Est ergo longè maior vniuersi spiritalis pulchritudo, & perfectio cum vtroque ordine, malorum scilicet iuste punitorum, & iustorum glorificatorum, quam foret cum vno solo, multoque perfectius divinam bonitatem representans: Sed nulla est iniustitia nulla crudelitas, si Deus vniuersi conditor, & administrator, permittat malum, seu peccatum aliquibus creaturis rationalibus ex intentione maioris boni totius vniuersi, seu ut inquit D. Thom. ne maius bonum vniuersi impediatur, aut ne multo bona impediatur: Ergo nulla est iniuria, aut crudelitas nota, in eo, quod ex fine, & intentione ostenditur suam artem, sapientiam, potentiam, & iusticiam in ordinandis per iustas pœnas ipsis inordinationibus malorum, & ut vniuersum pulchrius Dei bonitatem representet, permittat Deus aliquibus creaturis intellectualibus ipsas inordinationes, vitia, & peccata, ad quæ vitanda nulla lege tenetur, nullo creaturæ iure obligatur.

14 Confirmatur ex eodem Augustino, qui *lib. 11. de Civit. Dei*, cap. 18. ad illa verba Ecclesiastici, sic ait: *Neque enim Deus vllum, non dico Angelorum, sed vel hominum creasset, quem maium futurum esse præscisset, nisi pariter nosset, quibus bonorum vitiis commodaret; atque ita ordinem seculorum, tanquam pulcherrimum carmen, ex quibusdam quasi antithetis beneffaret.* Antitheta enim in ornamentis locutionis sunt decentissima, quæ Latine appellantur opposita, vel contrapposita: Sicut ergo ista contraria contrariis opposita sermonis pulchritudinem reddunt; ita quadam non verborum, sed rerum eloquentia, contrariorum oppositione seculi pulchritudo componitur. Constat M. Gregorius *lib. 32. Moral. cap. 13.* ubi sic vniuersi describit in fine seculorum. *Ita enim tunc pulchra erit vniuersitas, dum & gehenna iuste cruciat impios, & æterna felicitas iuste remunerat pios. Sicut enim niger color in pictura subternitur, ut superiectus albus, vel rubeus, pulchrior ostendatur; ita tunc melos bene ordinans Deus feliciora exhibebit gaudia beatorum, ostensis ante eorum oculos supplicis improborum.* Hæc igitur pulchritudo, quam in fine seculorum vniuersum habiturum esse resplendet PP. est finis intentus à Deo, sive in bonis, quæ facit, sive in malis, quæ permittit: Sed nulla est iniuria partium, nec crudelitatis nota in Provisore vniuersi, si propter exitium totius pulchritudine permittat partibus particulare damnum, & detrimentum, ex intentione pulchritudinis; & boni totius vniuersi: Ergo nec erit nota crudelitatis in Deo, nec vlla creaturis suis iniuria, si aliquibus permittat incidere in peccata, ac demereri æternam pœnam, ut in illa pœna, simul cum aliorum gloria vniuersis pulcherrima ostenda-

tur, ac Dei bonitas perfectè respiciatur in universo. Probatur minor ex D. Thom. 3. *contra Gent. cap. 94.* ubi sic ait: *Deinceps considerandum est, quod omne agens intendit ad bonum, & melius, quod potest. Bonum autem, & melius non eodem modo considerantur in toto, & in partibus. In toto enim bonum est integritas, quæ ex partium ordine, & compositione relinquitur. Unde melius est toti, quod inter partes eius sit disparitas, sine qua ordo, & perfectio esse non potest, quam quod omnes partes essent æquales, unaquæ earum perveniente ad gradum nobilissimæ partis. Quilibet autem parti inferioris gradus in se considerata melior esset, si esset in gradu superioris partis. Sicut patet in corpore humano; dignior enim esset pes hominis, si oculi pulchritudinem, & virtutem haberet; corpus autem esset imperfectius, si ei pedis officium desset. Ad aliud igitur tendit intentio particularis agentis; & ad aliud universalis. Nam particulare agens tendit ad bonum partis absolutè, & facit eam quantum meliorem potest. Universale autem agens tendit ad bonum totius; unde aliquis defectus est præter intentionem particularis agentis, qui est secundum intentionem agentis universalis. Sed qui curat per se de bono totius universi plusquam de bono partium, nullam iniuriam facit partibus, nec incurrit crudelitatis notam, si ex illo fine altissimo permittat in partibus damnum, aut detrimentum, & quamvis hoc damni, & detrimenti sit ex intentione illa permittit, licet sit contra intentionem agentis particularis, qui solum bonum partis per se intendit. Ergo.*

15 Explicatur denique ex eodem D. Th. super *Epistolam ad Romanos cap. 8. lect. 6.* ad illa verba, *diligentibus Deum omnia cooperantur in bonum*, ubi sic ait: *Considerandum est, quod quidquid fit in mundo, etiam si malum sit, cedit in bonum universi, quia ut Augustinus dicit in Enchirid. Deus est adeo bonus, quod nihil mali esse permittit, nisi esset à Deo potens, quod ex quolibet malo, posset elicere aliquid bonum. Non autem semper cedit malum in bonum eius, in quo est, sicut corruptio vnius animalis, cedit quidem in bonum universi, in quantum per corruptionem vnius generatur aliud; non tamen in bonum eius, quod corruptitur; quia bonum universi est à Deo volitum secundum se, & ad ipsum ordinantur omnes partes: Ergo si ex intentione boni universi permittat detrimentum, aut malum partibus, nulla in hoc fit iniuria partibus, nec Deus potam crudelitatis incurrit. Imò, etiam si aliquibus partibus permittat detrimentum propter alias nobilissimas partes universi, nempe propter bonum electorum. Unde subiungit Div. Thom. *Est eadem ratio esse videtur circa ordinem nobilissimarum partium ad alias, quia malum aliarum partium ordinatur in bonum nobilissimarum.**

*Sed quidquid sit circa nobilissimas partes, non ordinatur, nisi in bonum ipsarum; quia de eis propter ipsas cura habetur: de alijs autem non propter ipsas, sed propter nobilissimas; sicut medicus infirmitatem pedis subijciunt, ut curet caput. Inter omnes autem partes universi excellunt Sancti Dei, ad quorum querelibus pertinet, quod dicitur Matth. 25. Super omnia bona sua constituet eum. Et ideo quidquid accidit, vel circa ipsos, vel circa alias res, totum cedit in bonum eorum; ita ut verificetur, quod dicitur Proverb. cap. 11. Qui stultus est serviet sapienti, quia scilicet etiam mala peccatorum in bonum iustorum cedunt. Unde Deus specialem curam de iustis habere dicitur secundum illud Psalm. 33. Oculi Domini super iustos, in quantum scilicet, nihil mali circa eos esse permittit, quod non in eorum bonum convertat. Et quasi. 5. de Veritat. artic. 7. ubi quaeritur, utrum Deus habeat providentiam de peccatoribus. Postquam exponit providentiam specialem, quam habet de iustis, inquit, quod homines, si, Deo nempe permittente, provideant circa se, non secundum ordinem, qui congruit creaturæ rationali, sed more brutorum; & divina providentia de eis ordinabit, secundum ordinem, qui brutis competit, ut scilicet ea, quæ in eis, vel bona, vel mala sunt, non ordinentur in eorum bonum proprium, sed in bonum aliorum, secundum quod in Psalm. 48. dicitur: Homo cum in honore esset non intellexit, comparatus est iumentis, & similis factus est illis. Ex quibus omnibus sequitur, quod Deus altissima providentia ex primaria intentione voluit offendere, & manifestare suam bonitatem, suaque attributa, in pulchritudine universi, & in nobilissimis partibus eius; ad cuius pulchritudinem per se intentam disposuit illos duos ordines, vñ electorum, in quibus misericordia, & liberalitas eius splendent, & gratia; & reprobatorum aliorum, in quibus eius dominii potentia, & iusticia manifestaretur per iustas penas, & totum hoc ad maiorem electorum gloriam, ut ex malis permixtis reprobis, discerent à quibus per gratiam liberati fuerint, & ex iustis poenis æternis illorum, à qua æterna poena liberati fuerunt per gloriam; & sic Dei iudicium pariter & misericordiam æterno cantio crucient, Deumque ex utroque attributo collaudent. Si ergo Deus ex hoc altissimo fine aliquibus creaturis rationalibus in peccata incidere, & prolabi permittat, non iniuriæ, non crudelitatis, sed summæ bonitatis, æquitatis, & providentiæ argumentum erit.*

16 Quod si id vix nos percipere possumus, ideo est, quia quisque, cum pars universi sit, suum bonum tantum respicit pro se; & quod in proprium damnum cedit, & detrimentum, iniuriam putat, & crudelitatem; sed si defecata mens ab amore proprii boni, elebatur ad considerandum bonum universi ut divinæ bonitatis manifestati-

vum, quod per se primo Deus ad extra intendit, & quod ad illud aliquarum partium detrimentum conducit; aperte cognoscet, nullam in hoc detrimento permittendo partibus iniuriam fieri, nullam crudelitatis nocam supponere provisorie incurrere, sed iustissime omnia ad illum altissimi num finem ordinare, contra quem partes nullum ius habent, nec praetendere possunt, si cum sui detrimento illi deservire opus fuerit. Sanè qui hoc merita verit, fundum verè humilitatis inveniet; & inter nobilissimas vaiverli partes connumerat i increbitur.

# SOLVUNTUR OBIECTA.

17 **O**bjicitur primo D. Tho. 1. ad Anselm. dist. 4. art. 3. in corpore ubi postquam dixit, voluntatem de contradictorio, nempe aliquem non salvandi, non requirere aliquam rationem ex parte voliti, subiungit: Sed voluntas damnationis respicit rationem voliti in damnato, et damnatio ex debito inferatur. Quia finis damnationis est Dei iustitia; debitum autem damnationis ex parte nostra non solum sunt opera mala huius, sed illius; sed etiam naturae infectio. Reprobatio ergo, quae utramque praedictarum voluntatum includit, habet causam quasi finalem divinam, iustitiam, habet vero quasi rationem voliti, non de necessitate praesentiam operationum, sed ad hoc sufficit praesentia imperfectionis naturae. Ergo reprobatio, ut importat voluntatem de contrario, aut voluntatem damnandi, requirit rationem ex parte voliti, quae vel sit praesentia operum, vel praesentia infectionis naturae. Confirmatur, quia quest. 6. de Veritat. art. 1. ad ultimum sic ait: Reprobatio etiam est praeparatio quantum ad poenam, quam etiam Deus vult voluntate consequenti, sed non antecedenti: Sed voluntas consequens, (inquit D. Thom. in 1. dist. 46. art. 1.) praesupponit praesentiam operum: Ergo reprobatio, ut importat voluntatem damnandi, praesupponit praesentiam operum.

18 **R**espondeo, sensum D. Tho. esse clarum, nam D. Thom. duas rationes solet distinguere in voluntate divina, nempe, & rationem volendi, & rationem ex parte voliti: Ratio volendi est, quae movet divinam voluntatem ad volendum hoc aut illud; ratio autem ex parte voliti, est ratio illa, quam debet habere volitum in executione; unde tunc aliquid est ratio volendi, quando Deus propter illud vult aliquid; tunc autem solum est ratio ex parte voliti, quando vult esse aliquid propter illud; quando autem Deus vult positive poenam, ut offensivam divinitus iustitiae, non negamus, sed potius affirmamus, quod Deus vult, & intendit poenam esse propter culpam, sicut quando vult, & intendit electis gloriam ut coronam, vult & intendit, gloriam esse

propter merita; & hoc est, culpam esse rationem poenae ex parte voliti, & merita esse rationem gloriae ut coronae ex parte voliti. Negamus autem culpam esse rationem ex parte volentis, quia negamus, quod Deus propter culpam praevisam velit poenam, seu quod moveatur ex culpa praevisa ad volendum poenam ut offensivam suae iustitiae; sicut negamus, quod propter merita velit gloriam ut coronam, seu quod moveatur ex meritis praevisis ad intendendam gloriam ut coronam. Et haec est expressa mens Div. Thom. nam expressè ait, in primo loco, quod reprobatio, quae includit utramque voluntatem, habet causam quasi finalem, divinam iustitiam; partem autem quod solum causam quasi finalem est ratio volendi ex parte volentis, quia volens ad volendum solum moveatur a fine praevolito. Et in secundo loco ait, quod voluntas est consequens, quia supponit praesentiam operum, non tanquam causam volendi, sed quasi rationem ex parte voliti. Et loco citat. de Veritat. art. 2. ad 2. ait: Praedestinationem includere voluntatem consequentem, quia respicit id quod est ex parte nostra, non sicut insitans voluntatem divinam ad volendum, sed sicut id, ad cuius productionem gratiam ordinat divina voluntas, vel sicut id, quod ad gratiam disponit, & gloriam meretur, & hoc vocat esse rationem ex parte voliti.

19 **V**nde cum inquit, quod voluntas consequens praesupponit praesentiam operum, debet intelligi, quod ex parte voliti ut exequendi praesupponit praesentiam operum, quia scilicet respicit volitum, non exequendum, nisi post opera praevisa, licet ante opera praevisa illud velit; quia ratio, quae non est ratio volendi, sed tantum ex parte voliti ut exequendi, debet quidem supponi praevisa ut absolute existens ante executionem passivam voliti, sed non ante volitionem illius, quia non est ratio volendi illud. Addimus, quod debet supponi praevisa etiam ante volitionem, non ut absolute existens, sed ut subens potestati eius, & dominio, vel positivo, vel permissivo, ita ut si ea ratio, propter quam exequendum est volitum, sit meritum, aut aliquid positive causandum à Deo, debeat praevideri ut conditionatè futura, si Deus velit; quia ut Deus ante merita absolute existentia, aut futura, velit absolute gloriam esse propter merita, requiritur, quod praesciat, merita esse in eius potestate, ita ut si velit ea efficaciter, illa infallibiliter erunt, aliter enim deberet expectare ea aliunde iam existentia videre, ne exponeretur periculo frustrationis. Si vero ratio voliti sine demerita, debet praevidere illa infallibiliter conditionatè futura, si Deus permiserit, quia aliter voluntas absoluta infligendi poenam propter illa exponeretur etiam periculo frustrationis, si adhuc Deo permittente, possent merita non sequi. Requiritur ergo, quod ratio ex parte voliti praescia-

tur ut subiecta infallibiliter dominio Dei, vel positivo, vel permissivo, & ut infallibiliter futura conditionatè, vel si Deus velit, vel si Deus permittat, & hoc sufficit, ut antequam prævideat illam rationem ex parte voliti absolute existentem, velit absolute, & intendat efficaciter, & infallibiliter exequi volitum propter illam, quia manet penes eius dominium, vel positivum, vel permissivum, quod illa ratio ante voliti executionem non deficiat. Que doctrina si rectè percipiat, nullum erit dubium de mente D. Thom. Nec sequens argumentum vrgebit.

20 Obijciunt secundò: Pœna in suo essentiali conceptu dicit ordinem ad culpam, propter quam est infligenda: Ergo ante culpam intelligi nequit: Ergo nec ante illam intendi potest. Respondet primò, instando, quia magis connectitur pœna secum ipsa, quam cum culpa: Et tamen ante pœnam absolute prævisam ut existentem, intenditur pœna: Ergo pariter potest intendi ante culpam absolute prævisam ut existentem. Item non minus liber dicit essentialè ordinem ad pa-pyrum, quam pœna ad culpam: Et tamen potest quis efficaciter intendere editionem libri ante pa-pyrum absolute prævisam ut existentem: Ergo. Item, non minus gloria ut corona dicit essentialè ordinem ad merita, quam pœna ad demerita: Et tamen gloria potest intendi efficaciter à Deo ut coram meritorum ante prævisam absolute merita ut existentia: Ergo pariter pœna. Et ratio omnia est, quia cum causa materiali, aut meritoria voliti subest liberè potestati volentis, non eget ad volendum efficaciter volitum ut sciendum ex illa, aut propter illam, prævidere illam ut iam absolute futuram, aut existentem, sed per ipsam intentionem efficacem voliti potest primo reddere, aut inferre infallibiliter illam ut futuram, aut extirpam absolute ante executionem voliti: culpa autem, etsi non sit in potestate, & dominio Dei positivo, est tamen infallibiliter in potestate, & dominio eius permissivo, ita ut, Deo sinente, & permittente hominem peccare, infallibiliter peccabit: unde ut velit pœnam non exequibilem, nisi propter culpam, & ut culpæ pœnam, non requirit prævidere culpam, ut absolute existentem, aut futuram, sed satis est eam præscire ut infallibiliter conditionatè futuram, Deo permittente illam, aut non impediende. Ex quo in forma, distinguo victimum consequens: Ergo nec ante illam intendi potest ex parte voliti, hoc est, ut exequenda ante culpam, concedo: Ante illam ex parte volentis, subdistinguo: Ante illam prævisam, ut absolute existentem, nego: Ante illam prævisam ut conditionatè futuram, si Deus permittat, aut ut subiectam in essendo dominio permissivo Dei, concedo consequentiam.

21 Sed replicabis, pœna essentialiter pendet à culpa, non solum ut causa materiali, sed ut

motivo: Ergo illam Deus velle non potest, nisi ex culpa ut motivo. Respondet Illust. Gpody, distinguendo antecedens: Essentialiter pendet à culpa ut motivo suæ executionis, seu voluntatis executivæ, concedit, ut motivo voluntatis incentivæ, negat. Sed contra hanc solutionem est; quod D. Thom. absolute negat culpam, aut demeritum esse causam volendi pœnam, aut ex parte volentis, & solum admittit esse rationem ex parte voliti. Ergo nec voluntatis executivæ culpa est motivum. Vide *suprà* *quæst.* 5. à *num.* 77. & 92. Respondet ergo, negando antecedens, quia culpa solum est ratio, seu causa moralis pœnæ ex parte voliti, non autem motivum divinæ voluntatis ad velle pœnam, nec incentivè, nec executivè, quia voluntas divina in nullo suo actu moveri potest ab aliquo creato, & multo minus à culpa, aut peccato, quæ pro formali nihil est, sed defectus relicitudinis. Motivum ergo vincit divinæ voluntatis ad velle pœnam sola est divina bonitas, vel si magis honestas obiectiva insitit vindicativæ ut eminenter in divina bonitate contenta, ad cuius operationem vult Deus ad extra pœnam iustam infligere. Si vero vrgas, quod culpa non potest esse causa moralis pœnæ, nisi movendo iudicem. Nego assumptum, quia ut sit causa moralis, satis est, quod iure sibi debeatur pœna, & quod reddat pœnam debitam peccatori, & quod bonitas divina, quia summa bonitas est, moveat divinam voluntatem ad reddendam pœnam peccatori, & offensori debitam, non ex passione vindictæ, aut iræ, quæ ab offensa movetur in nobis, sed ex equitate pacatæ iustitiæ, quæ vincit ex bonitate divina in Deo movetur, vindicta enim quæ à malo movetur, iræ passio est, non virtus iustitiæ, nam virtus iustitiæ, adhuc vindicativæ, ab honestate, & bono, & quoque movetur. Ex quo patet ad sequentem objectionem.

22 Obijciunt enim tertio: Motivum puniendi, seu iustitiæ vindicativæ est culpa, & iniuria: Ergo voluntas puniendi debet ex culpa moveri, aut ex iniuria. Distinguo antecedens: Motivum puniendi per iram, & passionem, concedo: Per pacatam virtutem iustitiæ vindicativæ, nego antecedens: ira enim, cum sit passio quædam illata ab iniuriante, aut nocente, movetur ab iniuria, aut nocimento sibi inflato adversus nocentem, & iniuriantem; sed in Deo non est talis passio, quia à nullo intrinsecè læditur, aut nocetur, unde nec intrinsecè patitur ab iniuriæ, aut offensa peccatorum, atque adeo ab illa non movetur; sed ex virtute pacatæ, ac serenæ iustitiæ movetur à sua summa bonitate ad puniendas iniurias, & offensas, quibus homines affectivè nocent, aut iniuriant ipsum, pœna illis iure debita, & vincit ad servandam æquitatem prout decet summam Dei bonitatem.

23 Sed replicabis, licet hoc verum sit,

tamen divina bonitas non movet in actu ad volendam poenam iustam, nisi supposita offensa, aut iniuria, aut nisi iniuriata: Sed pro priori ad culpam praevisam non supponitur iniuriata: Ergo nec movet ad volendam poenam iustam. Distinguo maiorem, nisi supposita offensa, aut iniuria conditionate futura Deo permitte[n]te, concedo: Nisi supposita offensa, absolute futura, aut existente ante volitionem poenae, nego maiorem, & eodem sensu distinguo consequens. Quia divina bonitas, ex quo Deus agnoscit quod ipso finente, & permitte[n]te, infallibiliter homo peccabit, & Deum iniuriabit, movet ipsum Deum, ut nunquam sinat, nec permittat hominem peccare, & ipsum offendere, nisi preparata per prius poena, aut satisfactio iusta talis offensis. Unde nisi Deus preparasset, vel satisfactio[n]em Christi pro culpis remittendis, vel poenam iustam pro culpis, & offensis nunquam remittendis, Deus non permitteret tales offensas, aut culpas, quia eius bonitatem, & summam equitatem non deceret permittere culpas, aut offensas fux Maiestatis nunquam ex quo satisfaciendas, nec puniendas. Ideoque dicimus, Christum Dominum ut Redemptorem, ac satisfactorem fuisse praedestinatum ante absolute praevisas offensas ab eo satisfaciendas; & consequenter etiam poenam iustam culparum nunquam remittendam in fuisse praedestinatum, ac preparatam ante praevisas absolute ut futuras, aut existentes ipsas culpas, quia ex quo Deus summus bonus, & equus est, non decet ipsum permittere culpas, aut offensas nunquam satisfaciendas, nec iuste puniendas; & ex quo summus providus est, non decet ipsum permittere malum, nisi preparato, & praedestinato bono, quod sit restauratio, & reparatio talis mali, quale est respectu culparum, vel plena satisfactio, vel iusta poena; quia nec decet ipsum permittere mala, nisi ex fine ostendendi suam bonitatem in reparatione, aut instauratione illorum.

24. Quarto arguitur principaliter ex Concilio Valentino, cap. 3. ubi sic ait: *Fatemur praedestinationem electorum ad vitam, & praedestinationem impiorum ad mortem, id est, ad supplicium; in electione tamen salvandorum misericordia Dei praecedere meritum bonum; in damnatione autem perit uxororum, meritum malum praecedere iustitiam Dei iudicium:* Sed hoc discrimen minime salvatur, si etiam reprobatio positiva, seu voluntas positiva poenae aeternae sit ante praevisa demerita, sicut praedestinatio ad gloriam est ante praevisa merita: Ergo dicendum est, reprobationem positivam esse post praevisa demerita. Respondendo, negando maiorem; quia differentia statuta à Concilio debet intelligi in munere efficiendi, aut causandi ad extra; quo sensu verissimum est, quod in praedestinatione electorum misericordia Dei praecedat causando, & efficiendo per prius merita, & pro meritis bonis consequenter causan-

do gloriam; at tamen in reprobatione positiva non praecedat Dei iustitia causando, aut efficiendo demerita, cum illa solum permittat, sed illa permittente, praecedat liberum arbitrium causando demerita, seu meritum malum, & tunc divina iustitia, aut iudicium efficit, & infligit positivè poenam iustam. Quia videlicet in praedestinatione per prius Deus efficit misericorditer hominè digni gloriae, & promerenti gloria, quam ipsum efficit iuste gloriosum, & beatum; at in reprobatione inferiorum Deus non efficit per prius hominem dignum poenae aeternae, aut promerenti illam, sed, ipso Deo solum permittente, homo à se fit dignus poena aeterna, & illam promerens, & consequenter divina iustitia infligit, & causat positivè poenam iustam. Unde in serie praedestinationis misericordia divina est quae incipit efficiendo, & causando, non liberum arbitrium, quia liberum arbitrium nihil prorsus efficit ad finem praedestinationis, nisi ut motus efficienter ex divina misericordia praeveniente; at in serie reprobationis, Deus non incipit causando, nec efficienter, nec deficienter quae ad finem reprobationis perducunt, sed liberum arbitrium est prima causa à se deficienter causas quae ad finem reprobationis perducunt, licet Deo liberè sinente, & permittente. Et haec est differentia radicalis, & maxima statuta à Concilio, quia per hanc penitus evitatur error, ac dogma falsum Calvini, qui tam in reprobatione, quam in praedestinatione voluit Deum ut primam causam, & primum motorem lucipere operando propriè, & per se, non solum opera bona, & merita, quae perducunt ad aeternam gloriam, sed etiam opera mala, & demerita, quae perducunt ad aeternam poenam, ad id ut vellet, quod non minus esset opus Dei proditione Iudae, quam vocatio Pauli. Veritatem, statuta hac differentia à Concilio, semper manet verum, quod sicut liberum arbitrium incipit à se causando quae perducunt ad aeternam poenam, Deus etiam incipit permittendo ipsi quod sic incipit casualiter, & deficienter; quia nisi Deus inciperet liberè permittendo, liberum arbitrium non inciperet liberè deficienter, quod certe à nemine ex Catholicis negari potest. Si autem Deus incipit liberè permittendo liberum arbitrium, quod incipiat liberè deficienter, cum ita Deus non incipiat permittendo improvidè, & sine certo fine, dicimus, quod in reprobis incipit permittere ex certo fine poenae aeternae ut ostendat iustitiam Dei, seu ex fine ostendendi in illis suam iustitiam punitivam, iuxta illud: Volens Deus ostendere iram, id est iustitiam punitivam, sublimat, id est permisit vasa irae, &c.

25. Arguitur quintò, quod ex nostra sententia, quod Deus odio habeat hominem gratias. Hoc est blasphemum, & contra illud *Diligis omnia quae sunt, & nihil odisti cor, quae fecisti:* Ergo. Sequela probatur, quia velle alicui malum

sine causa, aut demerito ex parte illius, est ipsam odio habere gratis: Sed poena æterna est verum malum hominis, & in nostra sententia ante demeritum hominis prævisum vult illi poenam eternam: Ergo in nostra sententia odio habet hominem gratis. Secundo, sequitur, Deum ex se latrari in perditione vivorum, contra illud Sapientie 1. *Nec letatur in perditione vivorum.* Sequela probatur, quia per nos, Deus ex se, id est, ante prævisum demeritum vult homini poenam eternam: Sed quisque letatur in eo, quod ex se vult: Latatur ergo Deus in poena æterna, seu in perditione vivorum. Tertiò sequitur, voluntatem divinam iniustissimam esse, quia quod in opere est iniustum, reddit iniustum voluntatem, si illud velit: Sed infligere poenam ante culpam prævisam foret iniustissimum: Ergo velle infligere poenam ante prævisam culpam erit voluntas iniustissima. Denique, quia sequitur dari in Deo ante prævisa demerita voluntatem infligendi, non solum poenam damni, sed etiam poenam sensus, & ignis inferni, ad illam destinare homines ante prævisa eorum demerita: Sed hoc est absurdum, repugnans gentili affectui divinæ voluntatis, & contra viscera misericordie ipsius, cuius est ex se inclinari ad benefaciendum hominibus, minimè autem ad illos torquendum: Ergo.

26 Respondeo, ista absurda vim facere eis, qui superficialiter, & grosso modo accipiunt nostram sententiam, vim tamen non habere, illa solidè, & rectè intellecta. Vnde ad primum, nego sequelam. Ad eius probationem, distinguo maiorem: Velle alicui malum, quod sit verum malum ipsius, & vt exequendum sine illius demerito, est ipsum odio habere gratis, concedo: Velle alicui malum, quod tantum est malum illi vt malo, vt infligendum illi postquam factus fuerit malus, & in reparationem mali illius, nego maiorem. Et distinguo minorem: Poena æterna est verum malum hominis, vt iniuste illata illi vt bono, nego suppositum, quod nempe illam Deus sic inferre velit: Vt infligenda iuste illi vt malo, & in reparationem mali veti ipsius, nempe peccati, nego minorem, quoad primam partem; & distinguo secundam: Deus ante demeritum prævisum vult poenam æternam homini vt infligendam iniuste illi vt bono, & ante malum commissum, nego: Vt iuste infligendam illi vt malo, & post malum commissum, & in reparationem veti mali ipsius, concedo minorem, & nego consequentiam. Vide quæ diximus de poena iusta *Disputat. 6. quæst. 4. a n. 16.* fuit enim valde notanda ad præsens intentum. Si autem quætas, quo pacto Deus ante prævisum absolute peccatum vult poenam iustam homini vt malo, & vt reparamm veri mali ipsius? Dico, ita velle, quia prænotat conditionatè, quod nisi illo impediens, malus erit, & peccabit, & fiet vetè malus; & potens vnum è duobus, nempe

vel impedire ne fiat vetè malus, & dignus poena, vel reparare, & corrigere malum eius verum poena iusta, quorū vtrūque bonū est, eligit hoc secundū, prætermisso primo. Quo pacto Deus nō eligit verum malum, sed verum bonum, nempe reparare verum malum hominis vero bono iustitiz, quale est poena iusta vt talisquam, licet intendat ante prævisum absolute futurum peccatum, non tamen vt infligendam homini vt bono, & antequam fiat absolute vetè malus per peccatū, sed vt infligendam vt malo postquam fuerit factus vetè malus suo peccato, & in correctionē, & reparationē mali veri, seu peccati. Nec inde inferas, quod si Deus vult absolute, & efficitur, ante prævisum absolute peccatum, illi vt peccatori, & vt malo infligere poenam iustam, ex hoc ipso vult virtualiter saltem, quod fiat malus. Negatur enim sequela, quia solum sequitur, quod virtualiter permittat ipsum fieri malum, ex quo non eligit vitare malum illius, sed ipsum punire, ac corrigere iusta poenā, & satis est id permittere, vt peccatum absolute futurum maneat consequenter ad talem electionem, & voluntatem. De quo, quia plura diximus, *quæst. 9. a num. 48. & 63. & per totam*, quæ non vacat repetere, modo nihil addimus.

27 Ad secundum absurdum, nego sequelam. Ad probationem, in primis nego suppositū maioris, nempe quod sit idem, Deum velle aliquid ex se, ac illud velle ante prævisa absolute hominis demerita, si illud velit post prævisam hominis defectibilitatem, vi cuius cognoscit, quod nisi Deo impediens sua gratia, homo à se fiet dignus poena, & vetè malus. Si enim ex hac prævisione eligat Deus potius corrigere, & reparare malum eius iusta poena, quam illud vitare sua gratia, id proprie Deus non vult ex se, hoc est, ex sola sui ipsius consideratione, sed ex consideratione sui ipsius vt summè iusti, & ex consideratione defectibilitatis liberi arbitrij, & imminentiæ peccati ex ipso, nisi à Deo impediatur, eo quod prima radix peccati, & mali puniendi, nō ex Deo, sed ex libero arbitrio est. E contra autem Deus ex se dicitur velle præmiare, quia ex sui solius consideratione, & in sua bonitate, agnoscit, & habet totam, ac primā radicē meritum præmiandorum, & totam ac primam radicem præmij. Vnde licet admitamus, quod Deus ante absolute prævisa demerita vult poenam eternam, non admittimus illam velle proprie ex se, sicut ex se vult coronā, sed illam velle attentā etiam imminentiæ peccati puniendi ex libero arbitrio, vt ex prima radice, & causa peccati; aliter enim Deus ex se solo poenam non vellet, quandoquidem ex se peccatum causare non potest, sed solum permittere. Deinde nego aliud suppositū arguentis, nempe, quod idem sit perditio vivorum, ac poena iusta malorū, seu peccatorum, perditio enim in peccato consistit,

sistit, quo homo spiritualiter perditur, aut redditur filius perditionis, & in hac perditione Deus minimè lætatur, sed potius illum punit, ac corrigit, & quodammodo reparat poena iusta, quæ perditio non est, sed perditionem supponit. Vnde quamvis Deus lætetur ut iustus in poena iusta perditorum, non tamen in illorum perditione. Deinde dico, quod lætatur in poena iusta, sicut lætatur iustus, cum viderit vindictam, quatenus in illa resplendet divina æquitas, & iustitia; nec tamen in illa lætatur ex se, aut illam ex se vult, sed ex suppositione peccati futuri, nisi ab ipso Deo viceretur sua gratia, vel auxilio.

28 Ad tertium, nego item sequelam, & ad probationem, concessa maiori, & minori, distinguo consequens: Ergo velle infligere poenam ante pravisam culpam erit voluntas iniustissima, si ly ante sumatur ex parte volentis, hoc est, si velit infligere ante culpam poenam, concedo: Si sumatur tantum ex parte volentis, hoc est, si ante pravisam absolute culpam velit infligere, non nisi post culpam, poenam, nego consequentiam, quia hoc secundo modo, & non primo, dicimus, Deum ante pravisam absolute culpam velle poenam, nempe non intelligendam, nisi post culpam, quo pacto volitum in opere iustum est, vnde & voluntas iustissima est.

29 Ad ultimum, concedo, quod Deus ante pravisam demerita vult homini iustam poenam damni, & sensus, & ignis inferni ut ostensivam suæ iustitiæ, & ut reparativam inordinationis, & peccati, futuri ante tale velle conditionatæ ex libero arbitrio, nisi à Deo impediatur, & fixari absolute, Deo permitte ex vi talis voluntatis, seu consequenter ad illam; nego tamen, quod hoc repugnet naturali affectui divini voluntatis, aut quod sit absurdum contra viscera divinæ misericordiæ. Nisi velis, quod sit absurdum contra viscera misericordiæ liberè permittere homini peccatum mortale dignum poena æterna damni, & sensus, & ignis inferni, hoc enim maius longè malum est, quam sit tota poena damni, & sensus, & ignis inferni; quod tamen Deus liberè permittit homini ante pravisum aliud peccatum mortale tanto malo dignum; quin audeas dicere, hoc esse contra viscera misericordiæ Dei, aut repugnare naturali affectui divinæ voluntatis. Ego quidem maiori tremore afflictor, dum cogito, Deum homini ante iustum, & nullo peccato gravi ante id promerente, liberè illi permittere malum verum peccati mortalis, quo fiat dignus inferno ipso, quam in eo, quod illud permittit volens tantum malum refrænare, & cohibere poena iusta in inferno, & ostendere in illo suam iusticiam vindicativam; plus enim longè nocet homini peccatum lætale, seu voluntas prava, ac inordinata, tanquàm bestia crudelis, ferè pessima, lupa rapax, ut illam appellat Bernardus; quam poena iusta, qua Deus in

inferno hanc coercet, incarcerat, & corrigit, ac tedit in ordinem, imò hæc poena per se non lædit hominem ut rationalem, sed verum illum malum, & nocumentum cohibet, ne magis lædat, saltem in universo, & minus malum hominem reddat, dum punit, quia peior esset impunitus, quam est punitus: Cui ergo, si non est contra viscera divinæ misericordiæ permittere in homine pravi, ac inordinatam voluntatem, quæ bestia crudelis, fera pessima, ac lupa rapax est, erit contra illam, non illam permittere, nisi animo, & intentione pravi illam redigendi in carcerem inferni, ut minus noceat, minus mala sit punita, quam impunita? Nec dicimus, Deum propriè prædestinare homines ad poenam, quia hoc propriè significat præparare ex intentione poenæ media, quibus homines ad poenam perducitur, & ordinatur, & cum hæc sint peccata, ea Deus non præparat, sed permittit, licet ex intentione poenæ iustæ, vnde solùm permittit, & improprie dicitur ordinare, aut prædestinare homines ad supplicium, vel ad poenam, ut iam supra diximus, & notavimus *quest.*

1. NUM. 2.

#### QUÆSTIO XIV.

AN PECCATVM ORIGINALB.  
sit causa reprobationis in  
adultis?

1 Vltimo absurdo, & proximè obiecto, & satisfacto, aliqui persuasi, putantes, Deum crudelem fore, si peccatum mortale liberè permitteret, aut ad illud vitandum gratiam, & auxilium necessariū non tribueret, nisi in poenam alterius peccati, recurret semper in permissione peccatorum personalium ad peccatum præcedens, ut propter illud, & in poenam illius Deus permittat subsequens; & cum aliquid ex illis sit primum, recurrunt ad peccatum originale, ut in poenam illius Deus iuste permittat personale, & sic tandem inquit, quod licet peccata personalia nunquam remittenda, sint effectus, & non causa reprobationis adultorum, tamen peccatum originale est causa, & motivum reprobationis positivæ illorum, & negativæ. Cum autem plures adulti, licet baptizati, & per baptismum peccato originali expiati, reprobati tamen sint, & damandi, alias nullus baptizatus periret, quod est contra fidem, nihilominus in his etiam volunt, causam demeritoriam, & motivum eos reprobandi, tam negativè, quam positivè, esse peccatum originale. Hanc sententiam defendunt Illust. Godoy, ut probabilem, & ut de mente Augustini, & M. Gonet absolute, & Iuveni late

in suis Institutionibus Theolog.  
Verumtamen.



## NOSTRA SENTENTIA.

2 **D**icendum existimo, quod peccatum originale in eis, quibus fuit remissum, non est motivum, nec causa demeritoria reprobationis negativa, nec positiva, nec voluntatis excludendi illos à gloria, aut infligendi damnationis poenam. Potissimum motivum huius sententiae est ex Concilio Trident. Sess. 5. Can. 5. ubi sic definit: *Si quis per Iesu Christi Domini Nostræ gratiam, quæ in baptismo confertur, reatum originis peccati remitti negat, Anathema sit.* Quam fidei definitionem confirmat S. Synodus ex Apostolo, qui ad Roman. 8. ait: *Nihil esse damnationis in his, qui verè confepulti sunt cum Christo per baptismum in mortem;* additque, nihil prorsus in eis manere, quod eos ab ingressu gloria remoretur. Ex quo sic arguuntur: Peccatum originale esse causam demeritoriam, aut motivum reprobationis, importat Deum velle excludere hominem à gloria, aut ipsum punire poena æterna propter culpam originalem, & in poenam illius: Sed hoc repugnat in eis, quibus est remissum peccatum originale: Ergo & quod in illis peccatum originale sit causa demeritoria, aut motivum reprobationis positivæ, aut negativæ. Probatur minor, quia implicat Deum velle excludere aliquem æternaliter à gloria in poenam peccati, remittendi quoad culpam, & reatum poenæ, nisi simul velit remittere peccatum quoad culpam, & reatum poenæ, & etiā illud punire poena æterna, quod evidenter implicat contradictionem: Sed peccatum originale in eis, quibus remittitur, remittitur quoad culpam, & quoad reatum poenæ præsertim æternæ, iuxta Tridentinam definitionem: Ergo implicat quod Deus velit illos excludere à gloria propter peccatum originale, aut in poenam illius. Explicatur: Reprobare hominem propter peccatum originale est velle illi poenam æternam, aut exclusionem æternam à gloria propter peccatum originale: Remittere autem illud quoad culpam, & reatum poenæ æternæ est nolle illum punire poena æterna, nec damni, nec sensus: Sed istæ voluntates prorsus Deo repugnant simul, quia se manifestè contradicunt: Ergo & quod velit excludere æternaliter à gloria propter peccatum originale, eos, quibus vult illud remittere quoad culpam, & reatum poenæ æternæ.

3 Responder Illust. Godoy, quod si ly *propter peccatum originale* sumatur ex parte voliti, ita ut sensus sit, volo excludere hunc hominem à Regno exclusione exequenda propter peccatum originale, huiusmodi voluntas non compatitur cum alia remittendi peccatum originale etiam quoad reatum poenæ æternæ. Si autem ly *propter peccatum originale* non ponatur ex par-

te obiecti, sed ex parte actus, ita ut sensus sit, propter peccatum originale volo hunc hominem excludere à gloria, ita ut in executione excludendus sit propter alia personalia, non propter originale, rectè compatitur huiusmodi voluntas cum voluntate illud remittendi etiam quoad reatum poenæ æternæ, quia stat optimè remitti peccatum originale quoad reatum poenæ, seu non manere reatum poenæ æternæ in homine, licet propter illud voluerit Deus illi homini poenam æternam infligendam propter alia; quia iam tale peccatum non punietur inquam postquam fuit remissum, licet maneat voluntas illa exclusionis à Regno concepta propter illud, & quæ fuit poena illius; quia remissio quantumcumque plena, non eximit à poena iam inflicta, sed solum ab ulteriori poena infligenda.

4 Sed contra hanc doctrinam militat plura. Primò, quia est expressè contra D. Thom. qui in præsent. artic. 1. in corpor. sic ait *Dicendum, quod cum prædestinatio includat voluntatem ut supra dictum est, sic inquirenda est ratio prædestinationis, sicut inquiratur ratio divinæ voluntatis. Dictum est autem supra (nempe. quæst. 19. de motivo divinæ voluntatis) quod non est assignare causam divinæ voluntatis ex parte actus volendi, sed potest assignari ratio ex parte volitorum, in quantum scilicet Deus vult esse aliquid propter aliud, live, ut dixerat loco citato, in quantum non propter hoc vult hoc, sed vult hoc esse propter hoc. Nullus ergo fuit ita in sana mentis, qui diceret, merita esse causam divinæ prædestinationis ex parte actus prædestinantis. Sed hoc in questione vertitur, utrum ex parte effectus prædestinatio habeat aliquam causam: Sed quoad hoc, eadem ratio est de reprobatione, aut voluntate reprobativa ex parte actus: Ergo iuxta D. Thom. nullus potest sana mente dicere, quod demeritum originale, aut aliquid extra Deum sit causa divinæ reprobationis, aut voluntatis reprobantis ex parte actus: Sed si Deus propter peccatum originale velit excludere aliquem à gloria, ly *propter sumpto* ex parte actus, & non ex parte voliti, ita ut ipse actus volendi exclusionem à gloria sit poena peccati originalis, non vero ipsa exclusio in re, evidenter sequitur, quod peccatum originale sit causa divinæ reprobationis, seu voluntatis reprobativæ ex parte actus volendi: Ergo prædicta sententia Illust. Godoy expressè est cõtra D. Th. Nec video, quod pro Illust. Godoy his responderi possit; nã ipse in ipsa conclusione dissertis verbis asserit, quod *peccatum originale est motivum intentionis efficacie ad Regno*, cum tamen nihil magis alienum à doctrina D. Thom. quam, quod aliquid extra Deum possit esse obiectum motivum divinæ voluntatis. Item asserit, ipsam institutionem, & voluntatem intentionem exclusionis à Regno esse*

pœnam peccati originalis, & cum pœna sit effectus culpæ, culpæque vera causa moralis pœnæ, negare non potest, quod culpa originalis sit vera causa moralis intentionis, seu voluntatis divinæ excludendi à Regno. Item ait, quod Deus propter peccatum originale vult exclusionem à Regno, *ly propter ex parte actus*, & non ex parte obiecti, ita ut propter peccatum velit exclusionem, non ita quod velit exclusionem esse ex parte obiecti propter peccatum; quod totum ex diametro opponitur doctrinæ D. Thom. notissimæ inter omnes Thomistas, & arguit, demeritum originale esse causam reprobationis ex parte actus, quod docere D. Thom. insanæ mentis proprium iudicat.

5 Secundo, hoc admissio, vel prætermisso, adhuc est contra dictam doctrinam, quod si peccatum originale est motum intentionis excludendi à gloria, & insitit demeritorie in illum actum, medio illo actu necessariò insitit demeritorie in exclusionem ipsam à gloria, & in executionem ipsam, quia ipsa intentio excludendi à gloria efficienter insitit, & causat ipsam exclusionem in executione: Ergo tandem ille, qui post remissionem originale damnatur, & excluditur à gloria, damnatur, & excluditur à gloria primò, & principaliter propter peccatum originale, ut propter primam causam demeritoriam damnationis, & exclusionis à gloria, à qua nempe incipit causalitas demeritoria damnationis, seu exclusionis: Ergo in pœnam peccati originalis: Hoc autem repugnat manifestè, si peccatum originale remissionem supponitur quoad totum pœnæ reatum, ut est de fide: Ergo.

6 Tertiò militat contra dictam doctrinam, quidquid suprà dictum relinquimus contra distinctionem decreti intentivi, & executivi erga idem obiectum, ita ut executivum non sit ex eodem, sed ex diverso motivo, ac intentivum; hoc enim esse impossibile iam ostendimus, quia supposita intentione efficacis alicuius effectus, & illa durante, non restat locus novo motivo habendo in illius executione, nisi illo, propter quod intenditur: Ergo si maneat intentio dammandi mota ex originali, dummodo ex illa intentione damnetur quis in executione, damnatur in executione propter peccatum originale: Ergo punitur in eo peccatum originale: Hoc autem evidenter repugnat fidei asserenti nihil damnationis manere in eo, cui peccatum originale expiatum fuit per baptismum. Mitto alia plura.

7 Nec instantiæ Illust. Godoy sunt vilius momenti. Instat primo in eis, quibus peccatum originale non est remissum, in quibus omnes faterentur, peccatum originale esse causam reprobationis. Sed faciliò respondeo, in illis adhuc non esse causam reprobationis ex parte actus, quia hoc sana mente defendi non potest in doctrinam

D. Thom. sed solum esse causam reprobationis ex parte voliti, & effectus, quatenus Deus, ex motivo suæ iustitiæ ostendendæ, vult illos damnari propter peccatum originale, & in pœnam illius. Unde nulla est instantia, Instat secundò, in prædestinatione, in qua Deus gratis vult in intentione dare gloriam, & tamen non vult illam dare in executione gratis, sed ex iustitia. Sed huic instantiæ iam diximus *quæst. 5. a. num. 78. id Deo enim actum esse gratiæ, seu libertatis, & iustitiæ, absque duplici motivo; unde Deus vult dare gloriam gratis, & iustitiam gratis, quia ex solo motivo suæ bonitatis communicandæ iustitiæ, quia ut eorum proportionatam meritis recipiant, & ut præmium illorum. At in nostro casu Deus ad volendam exclusionem à gloria non potest moveri ex parte actus à peccato originali; & aliusde, si peccatum originale sit remissum, non potest velle exclusionem à gloria ut pœnam peccati originalis ex parte obiecti. Unde nulla est paritas, nec instantia.*

8 Secundò respondet Iuenin argumento factò, peccatum originale per baptismum remitti quidem quoad totum reatum pœnæ, sed non quoad omne penalitatem. Sed post illum remissionem manere duas penalitates præcipuas, quæ ex illo proficiantur, concupiscentia nimirum, & privatio perseverantiæ. De concupiscentia contestatur Concil. Trident. *sess. 6. Can. 12. dicens: Manere in baptizatis concupiscentiam, vel fœditatem, que cum ad agonem relicta sit, nostre non consentientibus non valet.* De privatione perseverantiæ inquit, illam manere in his omnibus, qui non sunt ex prædestinatorum numero, etiam si baptizati fuerint. Quod probare nititur ex Augustino lib. de *Dono Perseverantiæ*, cap. 8. ubi quærenti: *Cur quibusdam, qui Deum coluerunt, bona fide perseverare cessare ad finem non dedit?* Respondet, perseverantiam non esse debitam naturæ, sed esse gratiam, quæ potest negari. Cur autem possit negari, initio capituli dixerat: *Ex quo quippè omnes in condemnationem non iniustam iudicati sunt tre, sed iusti. Qui ergo liberatur, gratiam diligit: Qui non liberatur, debitum agnoscat.* Unde tenet, reprobum baptizatum non damnari quidem propter peccatum originale proximè, & immediate, sed remotè tantum, & radicaliter, quatenus, eo licet quod culpam perfectè dimisso, remanet tanquam penalitas privatio specialis auxilij, quod in statu naturæ lapsæ ad perseverandum requiritur. Quod etiam confirmat iustit ex Epist. Synodica PP. Africanorum in Sardinia exulantium, in qua sic inquit: *In Esau vero iudicium iusta teneritatis ostendit, qui Sacramento quidem circumcisionis octavo die, secundum morem divinæ constitutionis accepto, reatu peccati originalis caruit, sed per nequitiam cordis in hominis terreni vestitus*

*tustate permansit, illius ibi iudicio derelictus, qui gratis salvat, insigne damnat.*

9. Sed hæc doctrina etiam falsa est, & haud leviter repugnans Tridentino. Ideo enim Tridentinum admisit, quod adhuc remisso originali, manet concupiscentia ad agonem, quia hæc non contentibus nocere non potest: Sed privatio perseverantiz non potest non nocere cultumque in sit, importat enim nocumentum omni documento maius, cum sit privatio iuris ad hereditatē coelestem, & inferat infallibiliter eternam damnationem: Ergo contra Tridentinum est, dicere, quod in renatis maneat pignus perseverantiz, ut consequuta ex originali, & in pœnam illius. Secundò, quia ea privatio contra ius, & veritatem vocatur poenaltas ex peccato originali piosciscens, poenaltas enim peccati originali aequè in prædestinatis, ac in reprobis consequuntur, ut patet in concupiscentia, in zgritudinibus, & in alijs: Sed privatio finalis perseverantiz non sequitur in omnibus indifferenter: Ergo non est poenaltas: Ergo si sit propter peccatum originale erit poena, & non poenaltas. Tertiò, quia iuxta Tridentinum, & Apostolum nihil damnationis manet in renatis: Sed privatio perseverantiz aliquid damnationis est, cum sit in iure ipsa damnatio: Ergo falsum est, quod in renatis maneat ista privatio propter peccatum originale, & ut illi annexa. Quartò, quia privatio perseverantiz finalis est exclusio à perseverantia finali, & consequenter exclusio à gloria: Sed in renatis implicat quod maneat exclusio à gloria propter peccatum originale, si perfectè remissum supponatur, ut est de fide: Ergo & quod remaneat privatio perseverantiz finalis propter peccatum originale, & ut illi annexa. Nec enim video, quia minori poena possit puniri peccatum originale, quam privatione perseverantiz finalis, quæ ex se est infallibiliter privatio gratiz, & gloriæ per totam æternitatem.

10. Explicatur primò: Peccatum originale pro priori ad sui remissionem per baptismum constituat reum, & dignum catendi gratia, & gloria, non solum pro vno mense, nec solum pro vno, duobus, aut pluribus certis annis, sed pro tota æternitate: Ergo si dum remittitur per baptismum, relinquit reprobum dignum, & reum privari perseverantia finali post mensem, post annum, vel post certos annos, sed per totam æternitatem, solum remissum fuit quantum ad reatum carendi gratia per annum, aut per certos annos, non tamen quod reatum carendi gratia post illos annos per totam æternitatem: Non ergo remissum fuit quoad reatum æternæ damnationis, quod est hæreticum. Explicatur secundò: Si quis mereretur æternum exilium à Patria, & Rex diceret, se remittere culpam, & reatum eius, iuberetque in signum remissionis eum redire ad

Patriam, cum voluntate tamen ut ille redditus esset tantum per mensem, aut per annum, postea iterum exulaturum propter primam culpam, absque nova prius commissa quam iterum per Regem exulare, convinceretur Rex purè simulator remississe offensam, aut saltem illam non remississe quoad totum reatum perpetui exilij, sed solum quoad partem partem reatus: Ergo pariter si Deus demerenti antecesserit perpetuam divinæ gratiz privationem, per baptismum solum reddit illi suam gratiam pro tempore limitato, ablaturus illi gratiam absque nova culpa personali, propter primam, post illud tempus determinatum, convincitur vel Deum solum simulator remississe culpam originale, vel illam remississe tantum quoad partem reatus, non autem quoad reliquum reatum privationis gratiz per æternitatem à parte post, quorum utrumque est hæreticum.

11. Tertiò: Vel Deus quando baptizatum privat perseverantia finali, privat illum ut dignum privari, & ut reum talis privationis per peccatum originale: Vel illum privat, non ut dignum privari, nec ut reum talis privationis, sed præcisè quia gratia perseverantiz finalis non est illi debita? Si primum: Ergo baptizatus manet ex peccato originali dignus privari perseverantia finali, & reus talis privationis: Ergo illi non fuit remissum originale quoad totum reatum pœnz æternæ, cū privatio perseverantiz finalis sit pœna de se æterna; hoc autem est hæreticum. Si secundum: Ergo illa privatio non est pœna, nec vno modo propter peccatum originale, sed vnicè negatio beneficii indebiti, quia cum sit gratia, illi non debetur, ad quod nullum demeritum, aut peccatum prærequirit, sed satis est non deberi; ut enim non dem, cui dare non debeo, nulla ratio requiritur ex parte voliti, sed satis est pro ratione non debeti; ut est doctrina expressa D. Thom. & Augustini loco obiecto à Iucinio.

12. Sed inquit, hoc ipsum non deberi esse propter peccatum originale. Sed contra primò, quia in primis hoc falso probatur ex Augustino textu relato, solum enim contestatur perseverantiam esse donum naturæ non debitum, & idè citra iniuriam non dari, quibus non datur. Quod autem initio capitis dixerit, quod omnes in condemnationem nascuntur, & qui liberatur gratiam diligit, qui non liberatur debitum agnoscit, non est ad rem. Quia non probatur id dixisse pro ratione, cur, qui benè vixit, postea orbatur perseverantia, nec pro ratione cū illi non debetur gratia; tum quia ineptè dictum prius assignatur pro ratione dicti posterioris. Tum quia ut non debeat, sufficiens ratio est esse gratiam. Tum quia qui non liberatur, est quæ non baptizatur, nam qui baptizatur, liberatur per Christum à toto reatu damnationis: Ergo quod dixerit: Qui

non liberatur debitum agnoscat, non est ad rem pro renatis, & liberatis à reatu aeternae damnationis. Nec magis est ad rem, quod refertur ex PP. Africanis, illi enim solum inquirunt, quod Esau per circumcissionem reatu peccati originalis caruit; & per nequitiam, nempe personalem, cordis in hominis terreni vetustate permansit, & ideo divino iudicio fuit derelictus, quia Deus gratis salvat, & iuste damnat; quod sane potius probat, non propter peccatum originale, sed propter actualia damnatum fuisse.

ALIA PROBATIO EFFICAX  
conclusionis.

13. **E**T denique impugnatur solutio, & probatur assumptum, quia permissio primi peccati personalis, & consequenter nec reprobatio, non exigit per se demeritum praecedens, in cuius poenam permittitur, sed satis est gratiam efficacem, ad illud vitandum necessariam, illi non deberi: Ergo sine fundamento, & sine necessitate recurritur in renatis ad peccatum originale pro causa demeritoria talis permissionis, & reprobationis. Antecedens probatur, quia primo parenti permissit Deus primum peccatum personale absque demerito prioris peccati, & Angelis malis permissit Deus primum peccatum nunquam remittendum absque demerito prioris peccati: Ergo permissio peccati non requirit ex se peccatum praecedens pro demerito permissionis. Explicatur: Ideo Adamo, & Angelis permissit Deus, citra illorum iniuriam, primum peccatum, absque demerito praecedenti, quia ut illis non daret gratiam efficacem, & specialem, qua vitaretur peccatum, satis fuit illam illis non deberi, & ut non deberetur satis fuit ipsam esse specialem gratiam, & ipsos esse naturae defectibiles, & peccabiles: Sed hanc eadem ratio currit in renatis: Ergo opus non est recurrere ad praecedens demeritum, in cuius poenam gratia specialis perseverantiae negetur, aut cui debita sit talis carentia gratiae.

14. Huic argumento, quod sanè vergentissimum etiam est, respondet Lucini, primo homini, & Angelis necessariam non fuisse gratiam specialem, ultra illam, quam habuerant, ad perseverandum, ac proinde illis Deum nullam gratiam necessariam ad perseverandum denegasse; sed illos potentes perseverare cum sola illa, propria culpa perseverantiam amisissent. Sed contra est manifestè, quia negari non potest, quod Deus primo homini, & Angelis malis, ut ornatis tota illa gratia, liberè permissit primum peccatum, potens illud suo auxilio vitare. Aliter enim dicendum erit, quod illa permissio non fuit libera Deo, nec providen-

tialis, sed casualis, & improvida, imò & inevitabilis, quo nihil absurdius excogitari potest, nec magis contra doctrinam Augustini, & Div. Thom. imò & omnium Sanct. PP. qui sapientissimè, inquirunt rationem, finem, & causas cur Deus permisit peccatum originale primo parenti, & etiam Angelis suum peccatum; quam rationem frustra quaerere, imò non quaerere, si Deus casualiter, & improvide tale peccatum permisisset, aut nisi existimarent Deum providè, & liberè illud peccatum permississe: Sed implicat quod ea permissio fuerit provida, & libera, & a Deo potente illud peccatum vitare, nisi illis liberè non dando gratiam, qua vitaretur peccatum, sive necessariam ut peccatum vitaretur: Ergo liberè illis non dedit gratiam, qua peccatum illud vitaretur, seu necessariam ad peccatum illud vitandum.

15. Dices ex praedicto Authore, circa hominem in statu innocentiae, & Angelos tenendam esse doctrinam Molinæ de vii scientiae medix in conferenda gratia auxiliante; ac proinde dicendum, Deum in tantum liberè permississe primo homini peccatum, & Angelis, in quantum dedit illis gratiam plenè sufficientem, qua soli ipsi possent vitare peccatum absque alia superaddita, sed sub qua praevideret peccatam mediam ipsos peccaturos pro lua ipsorum libertate; cum tamen posset ipsis conferre gratiam sufficientem, cum qua praevidisset eos perseveraturos in gratia absque alia superaddita, sicut bonis Angelis praestitit. Huc pervenit totus discursus huius Authoris, & aliorum plurium, qui de Augustini nomine gloriantur, & in Molinam debaccantur ut Augustini ex diametro contrarium, incidentes tandem in Molinæ doctrinam ut necessariam ad primum divinae providentiae, & gratiae gradum explicandum in primo parente, ubi incipit divina gratia, & providentia hominibus manifestari, & similiter in Angelis.

16. Sed contra est, quia in primis ea sententia de vii scientiae medix erga primum hominem, & Angelos, & non erga homines post lapsum iustificatos, purè voluntaria est, & omni absque fundamento in Augustino; aut alijs PP. De quo iam supra diximus *quest. 5.* Secundo, quia, illa admitta, remanet adhuc nostra difficultas. Etenim Deus per re liberè, & providè permissit Adamo, & malis Angelis primum peccatum, quatenus dedit illis gratiam sufficientem, sub qua praevidit eos peccaturos, & non perseveraturos: Rogo igitur, in cuius peccati poenam ita permissit liberè, & providè illis peccatum, aut negavit illis gratiam, sub qua praeviderat eos perseveraturos, qualem dedit bonis Angelis? Sanè nisi cum Pelagianis recurras ad pec-

catum, aut peccata conditionatè prævisa ut demerita, propter quæ Deus permittat absolute peccatum, non habebis demeritum præcedens: Ergo potest Deus permittere liberè ac providè peccatum absque demerito præcedenti. Etenim quod libera permissio peccati consistat in hoc, aut in illo, quod consistat in carentia gratiæ intrinsicè efficacis, aut in denegatione gratiæ prævisæ efficacis per scientiam mediam, aut in collatione gratiæ prævisæ inefficacis per eandem scientiam, ad rem non est, dummodo liberè, & providè, & scienter permittat infallibiliter peccatum permissione, cum qua nullus unquam vitabitur peccatum in sensu composito; ita autem Deum liberè permittere peccatum omnibus, qui peccant, nullus Theologus negat, nec Iesuitæ, qui planè concedunt, Deum liberè negare gratiam prævisam efficacem, & liberè dare prævisam inefficacem, cum possit opposito modo se gerere, & ita liberè, & cum providentia permittere peccatum infallibiliter, ita ut cum hac permissione sit incompositibilis consequenter vitatio peccati. Ideoque in præcedentibus quæstionibus, in quibus de permissione peccati egimus, cum Iesuitis de modo permissio non litigavi, quia differentia nos inter, & illos ad rem non est pro dictis, & dicendis, dummodo sit libera, & provida, & ex qua infallibiliter sequatur peccatum permissum, in quo omnes convenimus. Vide *suprà quæst. præcedent. num. 17.* Sed negari non potest Adamo, & malis Angelis, Deum liberè permisisse peccatum, (consistat in quo volueris, illa permissio peccati,) absque demerito præcedenti: Ergo permissio peccati ex se non requirit esse in poenâ præcedentis peccati.

17 Rursus, quia non maior apparet repugnantia in eo, quod Deus, præsciens neminem perseveraturum, aut vitaturum peccatum sine gratia prævisa efficaci à consensu conditionatè futuro, illam neget homini innocenti absque culpa illius, quam in eo, quod illi neget gratiam intrinsecè efficacem, præsciens neminem sine illa vitaturum peccatum, si tam sine ista, quàm sine illa maneat libertas, & potestas vitandi peccatum, & perseverandi; hocque Iesuitæ ipsi non negant, qui solum negant, sine ista manere libertatem vitandi peccatum, si ponatur necessaria ad vitacionem, sicut illa: Vel ergo Iuvenis, & quos sequitur, admittentes in statu naturæ lapsæ necessitatem gratiæ intrinsicè efficacis, secus in statu innocentie, in quo solum requirunt gratiam extrinsicè efficacem ex consensu conditionatè præviso, existimant, quod in statu naturæ lapsæ sine gratia intrinsicè efficaci manet vera libertas vitandi peccatum, vel id negant? Si negant, id fateantur plenè, & agnosceamus illos esse verè lapsenstas; si autem fateantur manere veram libertatem vi-

tandi peccatum sine gratia intrinsicè efficaci, licet necessaria; cur putant absurdum, quod Deus illam non det homini innocenti absque culpa præcedenti, quando admittitur, Deum negasse homini innocenti absque demerito præcedenti gratiam prævisam efficacem, necessariam ad vitandum peccatum in illo statu?

## SOLVUNTUR OBIECTA.

18 **O** Bijciunt primò in contraplura D. Augustini testimonia, in quibus videtur asserere, dari in hominibus causam reprobationis, asseritque illam esse peccatum originale; Sed hoc (subiungit Illustrissimus Godoy) esse non potest per influxum demeritorium formaliter in primi peccati personalis permissionem, propter quod damnantur, nec in damnationem prout executam: Ergo est causa reprobationis per solum influxum demeritorium formaliter in voluntatem inrentivam excludendi à gloria, aut damnandi illos, & per virtutem influxum in voluntatem executivam talis poenæ. Sed, ut videas argumenti debilitatem, ego aliter sub maiori proposita subsumo: Sed hoc intelligi nequit per influxum, aut causalitatem peccati originalis in divinam voluntatem, aut intentionem reprobativam ex parte actus, quia hoc (ait Div. Thom.) nullus sanæ mentis dixit; & alias per te, nec per influxum demeritorium formaliter in primum effectum reprobationis, nempe in primum peccatum personale nunquam remittendum, loquendo de renatis: Ergo vel Augustinus non loquitur de renatis, in quibus remissum fuit originale, vel si aliquando loquatur de renatis, non loquitur de causalitate demeritoria.

19 Igitur Augustinus ab omnibus explicandus est. Pro eo igitur rectè intelligendo supponendum est primò, controversiam illius præcipuam contra Pelagianos fuisse de prima conversione ad fidem, ad quam, vel ad cuius initium Pelagiani negabant necessariam gratiam, Augustinus e contra illam necessariam esse affirmabat, & talem, quæ non omnibus daretur. Cum vero Pelagiani durum, ac iniustum exillarent, quod Deus negaret gratiam requisitam ad fidem, sine qua nec placere Deo, nec salvari poterant. Recurrebat Augustinus ad peccatum originale, in cuius poenâ dicebat, iuste illis negari gratiam requisitam ad fidem, & ad salutem, & hoc pacto exclusionem à fide, & à salutè obtinenda, seu quod idem est, reprobationem esse iustam, & ex debito peccati originalis, seu in poenâ illius, quia cum omnes nascantur, aut concipiatur in massa illa peccato originali infecta, quæ massa est perditionis, & damna-

nationis, nullaminiua fiebat eis, quos Deus in tali massa relinqueret ab ea indistinctos, & non liberatos, sed potius debitum deberent agnosce-  
re, & culpæ originalis reatum, non Deum iniqui-  
tatis, aut iniustitiæ arguere. Contra vero, qui  
per gratiam Dei ab ea massa perditionis discer-  
neretur, non suum meritum, sed gratiam inde-  
bitam deberent agnoscere, quia Deus gratis ab ea  
perditionis, & damnationis massa eos discernebat,  
& liberabat, cum eis non gratia, sed poena debe-  
retur. In hac autem doctrina absdubio loquitur  
Augustinus, non de renatis in Christo, qui san-  
ctæ baptismi gratiam iam ab illa perditionis, seu  
damnationis massa liberantur, ita ut in eis nihil  
damnationis, nec reatus poenæ remaneat, ut est  
fide Sanctum, & Augustino notissimum; sed so-  
lùm de illis, qui nec ad fidem, nec ad baptismi  
gratiam perveniunt, nã hi soli sunt, qui iusto Dei  
iudicio in massa perditionis relinquuntur, & ab  
ea non discernuntur. Hoc patet, tum quia Au-  
gustinus loquitur de non discretis ab illa massa  
damnationis, in qua omnes nascuntur, aut concipi-  
untur; tum quia controversia præcipua erat de  
causâ quæ negetur gratia requisita ad fidem, quæ  
solùm negatur non renatis, non vero renatis.

20 Supponendum est secundò, quod citra  
influxum demeritorum, peccatum originale  
potest habere alium influxum physicum in renatis  
in peccatum personale illorum, nempe per  
concupiscentiam de se rationi non subordinatam;  
hac enim manet in renatis, non ut vera poena  
peccati originalis, sed ut effectus illius per modum  
penalitatæ ad agonem relicta, quæ, ut ait  
Tridentinum, nocere non valet, nisi conscientibus,  
& interdum appellatur peccatum, non quia  
re ipsa, & propriè peccatum sit, sed quia ex pec-  
cato nascitur, & in peccatum inclinatur, ut idem  
Concilium definit. Hoc ergo pacto etiam in renatis  
habet peccatum originale aliquem effectum,  
sed non demeritorius, quia concupiscentia ex origi-  
nali relicta, sicut propriè nec est culpa, nec pec-  
catum, ita nec est demeritum, sed sola inclinatio  
physica in peccatum, & inordinatio materialiter,  
citra culpam patientis, loquendo antecederet  
ad consensum, & post baptismi gratiam; cui quidem  
si voluntas renati consentiat, iam est causa  
peccati in actu secundo, & ratione talis pec-  
cati potest esse causa demeritoria reprobationis  
quantum ad ultimum illius effectum, qui est æter-  
na damnatio, seu poena æterna. Ex qua doctrina,  
quæ verè Catholica est, iam faciliè erit expo-  
nere Augustinum.

21 Respondeo ergo in forma, distin-  
guendo maiorem: Augustinus asserit, dari in ho-  
minibus causam reprobationis consideratæ ex  
parte actus reprobantis, nego maiorem, quia  
hoc nec somniavit Augustinus, cum iusta D. Th.

nullis sanæ mentis id dixerit: Reprobationis  
quantum ad ultimum illius effectum, concedo  
maiorem, quoad hanc partem, & distinguo secun-  
dam, nempe, hanc causam esse peccatum origi-  
nale, in non renatis, concedo: In renatis, subdi-  
stinguo: Esse causam demeritoriam ratione sui,  
nego: Esse causam physicam media concupiscen-  
tia inclinantem ad peccatum, & medio peccato,  
aut ratione illius demeritoriam, concedo maio-  
rem, & nego minorem; quia sensus Augustini de-  
bet esse ut explicatum relinquimus, non quem  
contendit Illust. Godoy. Ex quo patet ad ea, quæ  
in contra opponuntur.

22 Replicabis enim primò, quia ex duobus  
illis geminis Jacob, & Esau, uterque factus  
mentio circumcisionis fuit à peccato originali munda-  
tus: Et tamen Augustinus asserit, Esau fuisse re-  
probatus propter originale: Ergo etiam in re-  
natis peccatum originale est causa demeritoria  
reprobationis. Probat minor, quia Augustinus  
lib. 1. ad Simplicianum quæst. 2. explicans illud  
Apost. *Jacob dilexi, Esau autem odio habui*, ait:  
*Deum odio habere, non Esau hominem, sed Esau  
peccatorem*. Et subiungit: *Cur ergo Jacob dilexit,  
nuncquid peccator non erat? Sed dilexit in eo, non  
culpam, quam debebat, sed gratiam quam dona-  
bat*: Sed Augustinus nomine dilectionis, intelli-  
git prædestinationem, & nomine odij reproba-  
tionem: Ergo sensit, quod Esau reprobatus fuit  
propter peccatum originale. Respondet, primò  
distinguendo maiorem: Ex duobus illis geminis  
in sensu proprio, & personali illorum, uterque  
fuit originali expiatus, concedo: In sensu allego-  
rico sumptis, Jacob pro gremio electorum, &  
Esau pro gremio reprobatorum, nego maiorem;  
quia licet Esau, & Jacob personaliter ambo fue-  
rint sacramento circumcisionis ab originali munda-  
ti, tamen Esau, ut typus est omnium reprobo-  
rum, quo sensu accipitur ab Apostolo, non fuit  
mundatus ab originali, quia ut mundatus ab origi-  
nali non est typus omnium reprobatorum, cum  
plerique illorum non fuerint ab originali munda-  
ti. Vnde iam distinguo minorem: Augustinus  
sensit, Esau fuisse reprobatus propter originale  
peccatum, Esau inquam personaliter pro illo in-  
dividuo, cui fuit originale dimissum, & propter  
originale dimissum, nego minorem; quia hoc pactò,  
nec ipsum fuisse reprobum certum est: Esau  
typice acceptum pro reprobis in peccato origi-  
nali semper relicto, concedo minorem, & nego  
consequentiam, quæ minimè inferretur. Ad pro-  
bationes minoris, in primis concessio textu, &  
minori, distinguo consequens: Ergo Augusti-  
nus sensit Esau personaliter fuisse reprobatus  
propter originale peccatum, nego consequentiã:  
Esau typice sumptum pro reprobis, quibus nova-  
quam remissum fuit originale, concedo. Ex quo  
nihil contra nostram sententiam.

23 Secundò admissio, quod Augustinus loquatur de illis duobus generis personaliter, aut de Esau typicè pro reprobis etiam, quibus dimissum fuit originale, concessa maiori, nego minorem. Ad cuius probationem, explico Augustinum: Deus odio habuit, non Esau hominem, sed Esau peccatorem, peccato originali remittendo, nego: Sed Esau peccatorem peccato personali nunquam remittendo, concedo. Quod si oppositas, quo pacto, antequam quidquam mali egisset, dum adhuc in utero erat, odio habebat Deus Esau ut peccatorem peccato personali? Respondet alia interrogatione: Quomodo Deus dilexit Iacob antequàm quidquam boni egisset, dum erat in utero infans peccato originali, & peccator, nò minus quam Esau? Respondet Augustinus, quia dilexit in eo, non culpam, quam debebat, id est, quam remittere disponebat, sed gratiam, quam donabat, id est, quam donare illi disponebat: Ergo nec in Esau odio reprobato profectus est, culpam originale, quam etiam debebat, seu remittere disponebat, sed peccatum personale nunquam remittendum, quod illi permittebat, seu illi remittere disponebat. Et ratio est, quia sicut dilectio illa prædestinativa fuit causaliter, & positivè discretiva Iacobi ab Esau, ita odium illud reprobativum Esau fuit permisivè discretivum Esau à Iacob: Sed non fuit discretivum permisivè, quatenus odium peccati originalis remittendi, quia etiam in Iacob Deus odio habuit peccatum originale illius remittendum; solumque fuit discretivum permisivè, quatenus permisivum peccati personalis nunquam remittendi, quod Iacob permittitur non erat: Ergo illud odium ut reprobativum, fuit odium peccati personalis nunquam remittendi, quod Esau permittere disponebat, sicut illa dilectio ut prædestinativa in Iacob fuit dilectio gratiæ nunquam amittendæ, quam ipsi dare disponebat.

24 Sed replicabis contra hanc expositionem ex ipso Augustino, *Epist. 105.* ubi sic ait: *Quid enim diligebat in Iacob, antequam natus fuisset aliquid boni, nisi misericordia sua donum? Quid oderat in Esau, antequam quidquam mali egisset, nisi peccatum originale?* Ergo falsum est, quod in illo oderat peccatum personale, quod remittere disponebat. Respondet, exponendo Augustinum: Quid oderat odio communi Iacobi, & obiectivè temporali, nisi peccatum originale, concedo: Quod permisivè discretivo, aut discernente inter verumque, obiectivè æterno, & reprobato, nisi peccatum originale, nego, quod de hoc loquatur in his verbis Augustinus; quia quantum ad odium peccati originalis remittendi per circumfessionem, nulla fuit discretio inter Iacob, & Esau, quia etiam in Iacob odio habuit Deus peccatum originale remittendum, antequam remitteretur, odio nempe ob-

iectivè temporali, & hoc odium non erat per se reprobativum, sed commune de se prædestinatis: Odium ergo reprobativum obiectivè æternum discernens Esau permisivè à Iacob; erat odium permisivum peccati personalis nunquam remittendi, sicut dilectio prædestinativa Iacob, ut talis, erat dilectio communicativa gratiæ nunquam amittendæ.

25 Sed adhuc replicabis: Qui non sunt à massa damnationis, & perditionis discreti, reprobantur propter peccatum originale: Sed etiam illi in quibus peccatum originale est remissum, si in gratia accepta non perseverent, non sunt à massa perditionis discreti: Ergo propter illam, seu propter peccatum originale reprobantur. Probat minor, ex Augustino *lib. de Corrupt. & Grat. cap. 7.* ubi sic ait: *Ac per hoc, & qui Evangelium non audierant; & qui eo audito in melius commutati perseverantiam non acceperunt, &c. non sunt ab illa conspersione discreti, quam constat esse damnatam, cumque omnibus ex uno in damnationem:* Sed qui Evangelio audito, in melius commutati, perseverantiam non acceperunt, fuit illis remissum originale: Ergo nec illi censentur à massa damnationis discreti. Respondet explicando Augustinum, primò de illis, qui audito Evangelio in melius commutati per aliqualem imperfectum affectum ad Christi fidem, ad baptismum tamen non pervenerunt, quia non perseverarunt proficientes in illo affectu, qualiter solet contingere pluribus infidelibus; & in his peccatum originale remissum non fuit. Cuius interpretationis signum videtur esse, quod enumerans plures species damnatorum à massa perditionis non discretorum, fideles baptizatos non numerat, quos tamen si censeret ab illa massa damnationis non discretos, aperte numeraret; per illos ergo, qui audito Evangelio, in melius commutati, perseverantiam non acceperunt; forsan intelligit Cathecumenos imperfectos, qui propter defectum perseverantiæ discreti ab illa damnationis massa per baptismi gratiam non meruerunt; & in his cetè originale dimissum non fuit. Secundò, si per illos intelligat fideles baptizatos, & iustos, qui non perseverarunt finaliter, intelligendum est, quod non sunt ab illa conspersione discreti finaliter, sed tantum pro tempore aliquo vsquedum de novo, Deo permittente, amiserunt perseverantiam; non tamen, quod verè non fuerint per baptismi gratiam à massa damnationis discreti ex quo, & quandiu fuerunt renati in Christo; quia de fide est, quod in renatis nihil damnationis manet post baptismi gratiam.

26 Item in forma, primo explico maiorem: Qui Evangelio audito in melius commutati per affectum, aut desiderium imperfectum baptismi, perseverantiam non acceperunt, non sunt ab

ab illa massa discreti, concedo maiorem, & in hoc sensu, seu de his, nego minorem. Qui in melius commutati vsque ad gratiam baptismi, & veram iustitiam, perseverantiam in illa non acceperunt, nego, quod de his loquatur Augustinus, & de his concessa minori, nego consequentiam, quæ non intertur. Vel si contendas, quod etiam de renatis loquitur Augustinus, secundò explico textum maioris: Non sunt ab illa conspersione discreti finaliter discretionem prædestinativa, concedo: Discretionem vera vsque ad novum peccatum, per quod redeant ad illam massam, nego, quia in hoc sensu non negat Augustinus, quemlibet renatum discerni à massa perditionis, & damnationis, sed solum discretionem finali, aut prædestinativa.

27 Sed dices, causam cur non discernantur, discretionem nempe finali, & prædestinativam, assignat Augustinus peccatum originale, ait enim, *cunctis omnibus ex vno in condemnationem*: Ergo peccatum originale est causa cur, renati, qui non perseverant, non discernantur finaliter à massa damnationis, sed ad illam redeant. Distinguo consequens: Ergo peccatum originale est causa demeritoria, in cuius poena non discernantur finaliter, nego: Est causa remota physica media concupiscentia inclinans ad novum peccatum, quo amittitur perseverantia, concedo consequentiam; quia hoc solum pacto verum tenet, quod omnes, etiam renati, ex vno eunt in condemnationem, quia ex illo contrahunt concupiscentiam inclinantem in condemnationem, nisi gratia præveniente, illi resistatur, aut si Deo de novo permittatur, illi consentiatur.

28 Replicabis denique, quia Augustinus, quoties de permissione peccati loquitur, aut de negatione gratiæ requirit ad peccandum, semper illam dicit esse iustam, & ex iusto Dei iudicio provenire: Sed non potest esse iusta, nisi ex demerito, & culpa præcedenti, cuius poena iusta sit: Ergo etiam in renatis, dum illis non dat Deus auxilium necessarium, seu speciale perseverantiæ finalis, in poenam peccati præcedentis non dat: Sed non est aliud, nisi originale: Ergo in poenam originalis culpe permittit illis defectum perseverantiæ.

29 Hoc argumentum est, quod aliquam vim habet, sed manifestè instatur in Adamo, & Angelis, quia illis Deus permisit liberè defectum perseverantiæ, vel non dando illis gratiam intrinsecè efficacem per nos necessariam ad perseverandum ex parte actus secundæ; vel non dando illis gratiam prævisam efficacem à consensu conditionatè futuro, in sententia Molinæ etiam necessaria, & sine qua nemo perseverabit unquam; quocumque autem modo velis, hoc vnum certum est, quod Deus liberè illis permisit defectum perseverantiæ, quod liberè illis donum

perseverantiæ non dedit, cum posset dare. Rogo nunc: Vel iuste? vel iniuste? Sane non iniuste: Ergo iuste: Quo igitur modo iuste absque omni culpa præcedenti illorum? Respondi, & tua solutio, nostra erit.

30 Dico permissionem non semper exigere, esse positivè iustam correlative ad ius subiecti, cum nec ipsa actionem positivam importet ad extra; sed satis esse quod respectu subiecti sit negativè, sive permissivè iusta, hoc est non contra ius subiecti; quo pacto iusta est ex hoc ipso, quod ille, cui defectus aliquis permittitur, ius nullum habeat ut Deus talem defectum impediat, nec illi debita sit gratia specialis, sine qua non vitabitur; eo enim ipso absque omni iniuria illi permittitur defectus; seu non datur illi ea gratia, sine qua non vitabitur defectus, & consequenter iuste negativè, aut permissivè respectu subiecti; sed iuste positivè respectu finis; quia cum proportionem ad finem, propter quem permittitur. Sic ergo iusta fuit in Angelis permissio peccati nunquam remittendi; sic in Adamo permissio originalis in ipso, & in pluribus remittendi, in pluribus etiam nunquam remittendi; & sic in illis, in quibus fuit penitus remissum, ut in renatis, iterum permittitur defectus perseverantiæ, seu peccatum personale, quo gratiam baptismi à se expellunt, nulla culpa non remissa præcedente. Ex quo in forma, distinguo maiorem semper illam dici iustam positivè, aut ex iusto Dei iudicio positivè iusto respectivè ad subiectum, nego: Non designando an sit positivè, vel permissivè, aut negativè iusta, an positivè, concedo; & distinguo minorem: Non potest esse iusta positivè, nec ex iudicio iusto positivè respectivè ad subiectum, nisi ex præcedenti demerito, concedo: Iusta, aut ex iudicio iusto negativè, & permissivè respectu subiecti, & positivè respectu finis, nisi ex præcedenti demerito, nego minorem, & consequentiam.

31 Sed replicabis ex D. Thom. qui 2. 22. *quest. 2. artic. 5. ad 1.* Sic ait: *Hoc auxilium, quibusque divinitus datur, misericorditer datur; quibus autem non datur ex iustitia non datur in poenam præcedentis saltem originalis peccati, ut Augustinus dicit in lib. de Corrupt. & gratia*: Ergo iuxta Augustinum ex mente D. Thom. permissio peccati, seu negatio auxilii specialis est iusta positivè, in poenam scilicet præcedentis peccati, saltem originalis. Respondi, quod ibi D. Thom. aperte loquitur de auxilio requisito ad fidem, & charitatem, in eo quod ad illam nondum pervenit; in quo certum est non dari in poenam præcedentis peccati, saltem originalis; secus tamen est, in renatis per baptismi gratiam, in quibus nonquam Augustinus discrederet, nec D. Thom. quod in poenam præcedentis peccati remissi quoad culpam, & totum rea-



eum, negaretur illis auxilium perseverantæ finalis; unde replica non est ad propositum. Nec similiter est ad propositum alia facta ex *quest. 6. de verit. artic. 2. ad 9.* Vbi sic ait: *Electio Dei, qua unum eligit, & alium reprobatur, rationalis est, nec tamen oportet, quod ratio electionis sit meritum, sed in ipsa electione ratio est divina bonitas; ratio autem reprobationis est peccatum originale ut ait Augustinus.* Non inquam est ad propositum, quia debet intelligi de reprobatione non reatorum, non vero circa reatos in Christo, quibus peccatum originale dimissum est perfectè, cum quo implicat propter ipsum reprobari in æternum, aut damnari. Et similiter exponendi sunt alij D. Thom. textus. Vt enim crederemus, rum de M.P. Augustino, tum de Angelico Doctore, afferuisse, quod aliqui renati in Christo post originale perfectè remissum, propter illud reprobantur, opus erat, quod id disertis verbis asseruissent; cum autem id minimè præstiterint, sed potius vi quid circa hoc insinuare videntur, legitimam expositionem admittant, non videtur fas esse illis imponere sententiam in scholis invisam, & parum piam, & quæ iustificationem tenatorum, si non negat, quæ obumbrat, & difficilem reddit.

32. Obijciunt secundò: Reprobatio impiorum univèrsaliter sumpta supponit prævissum originale peccatum: Ergo peccatum originale potest esse causa reprobationis. Sed facile respondeo, distinguendo antecedens: Reprobatio univèrsaliter supponit prævissum originale ut nunquam remittendum, nego: Vt remissibile vel non remissibile, transeat antecedens, (mix dispurandum in hoc sensu,) & distinguo consequens: Ergo potest esse causa reprobationis si nunquam remittatur, concedo: Si aliquando perfectè remittatur, nego consequentiam de causa meritoria. Quia dico, quod reprobatio supponat peccatum originale in omnibus, non tamen in omnibus supponit illud ut causam demeritoriam in actu secundo, seu efficaciter reprobationis, sed solum ut causam in actu primo, & sufficientem. Et ratio huius est, quia peccatum originale solum supponitur in hac sententia ante reprobationem, ut remissibile, vel ut non remissibile, ut constituit massam illam communem reprobis, & prædestinatis, ex qua Deus pro merito suo beneplacito possit, quos voluerit, liberare, & quos voluerit, in ea relinquere; quo pacto peccatum originale est causa sufficienter de meritoria reprobationis, nedum in eis, qui de facto reprobantur, sed in eis qui prædestinantur, quos tam possit Deus etiam in illa massa relinquere, & reprobare propter illud: Non autem de facto, seu in actu secundo est causa reprobationis, nisi ut nunquam remittendum; cæterum hoc pacto non supponitur ante reprobationem, sed effectus

reprobationis, quia quod nunquam remittendum sit ex reprobatione provenit, & non intelligitur propriori ad reprobationem. Quam doctrinam, si advertissent contrarii, non asseruissent, in renatis esse causam demeritoriam reprobationis.

*QVÆRITVR ERGO, AN IN HIS, QVIBVS non est remissum peccatum originale, sit causa reprobationis?*

33. **R**espondeo primo, nec in illis esse causam reprobationis, quantum ad actum reprobandi, nec quantum ad voluntatem reprobativam. Id certum debet esse ex supra dictis contra illustrissim. Godoy ubi vidimus, quam contra doctrinam D. Thom. sit, actum diving voluntatis causari moraliter, aut moveri ab aliquo extra Deum.

34. Respondeo secundo: *Peccatum originale in eis, quibus remissum non est, sive ut non remissum, est causa reprobationis quantum ad ultimum, & positivum eius effectum, & quantum ab reliquis intermediis consequentes ad ipsum originale, non tamen quantum ad omnes reprobationis effectus.* Primum patet, quia in eis, in quibus non est remissum est causa de meritoria privationis, illud negationis gratiæ requiritur ad vitanda peccata personalia, & permissionis illorum, & tandem pœnæ æternæ damni ratione sui, & pœnæ sensus ratione peccatorum personalium propter illud permissionis: Sed pœna æterna damni, & sensus est ultimus, & positivus reprobationis effectus; subtrahit autem gratiæ requiritur, seu permissiones peccatorum personalium sunt effectus consequenti ad peccatum originale, id est defectus ex illo permisi: Ergo. Secundum patet etiam, quia ipsum peccatum originale ut non remissum est etiam effectus reprobationis: Sed hic non est effectus sui ipsius in genere causæ demeritoria, quia ipsum ut non remissum est causa demeritoria sui ipsius: Ergo nec sic est causa omnium effectuum reprobationis.

35. Sed dices: Est causa suæ non remissionis, quia demeretur sui non remissionem: Ergo est causa demeritoria sui ipsius ut non remissi. Distinguo antecedens: Est causa suæ non remissionis sufficiens & in actu primo, concedo: Efficax, & in actu secundo, subdistinguo: Per ipsum sui non remissionem, & ut non remissum, concedo ante ipsam, nego autecedens, & consequentiam in eodè sensu, quia peccatū originale ut contrariū, & specificativè sumptū, seu in quantum potens remitti, & non remitti, est solum causa sufficiens suæ non remissionis; ex se vero non est causa efficax, & in actu secundo, adhuc suæ non remissionis, nisi ut non remissum; nec in hoc est in conveniens, sicut nec in eo, quod principium non sit causa suæ actionis in actu secundo, nisi ut agens in actu secundo.

cundo, quia videlicet non est causa suæ actionis ut effectus à se causati, aut termini producti, sed ut quo agit, & producit: Sic ergo peccatum originale non est causa suæ non remissionis, ut effectus, aut pœnæ demeritæ ut quod, sed ut quo in actu secundo demeretur, unde sicut quod principium in actu secundo causat ut quo suam actionem debet esse effectus primi agentis; ira quod peccatum in actu secundo demeretur, debet esse à Deo permittente, seu non remittente, unde ut in actu secundo demerens, seu causans demeritorie, est à Deo non remittente ipsum, seu permittente ipsius demeritum in actu secundo, & sic est effectus reprobationis.

36 Respondeo tertio: Peccatum originale ut contra actum, & specificativè sumptum, in reprobis, quibus remittendus non est, potest dici defectus permissus ex vi reprobationis: sicut in predestinatis, quibus remittendum est, potest dici defectus permissus ex vi predestinationis. Hoc secundum difficile non videtur in sententia, quam supra defendebimus, quod nempe substantia predestinati, & prima illius existentia est effectus predestinationis; nam cum regulariter concipiatur in peccato originali, hoc etiam erit permissum ex vi predestinationis, & ex intentione ostendendi misericordiam in illius remissione. Et confirmari potest, quæ ibi diximus, totum ordinem, & seriem præstari à primo subiecto inclusive, usque ad ultimum terminum etiam inclusive, esse effectum divinæ predestinationis, eo, quod cum sit providentia perfectissima, debet attingere à fine, usque ad finem: Sed in hac serie includitur peccatum originale, ut terminus à quo ex parte subiecti: Ergo debet esse permissum ex intentione predestinationis. Et vergeri potest, quia si peccatum originale contrahi, vel non contrahi non caderet sub ordine predestinationis, nemo ex vi predestinationis posset præstari à peccato originali: Sed hoc est falsum, quia beata Virgo fuit præservata ab originali ex vi predestinationis: Ergo peccatum originale contrahi, vel non contrahi cadit sub ordine predestinationis: Ergo est defectus ex illa permissus.

37 Ex quo primum etiam probatur, quia reprobatio est etiam providentia perfecta in sua linea permissiva: Ergo debet comprehendere totam seriem continuam peccatorum permissorum à primo, usque ad ultimum: Ergo & peccatum originale in prima sui contractione, quando est continuandum usque ad terminum damnationis. Secundum, quia Deus, dum permittit contrahi peccatum originale continuandum usque ad damnationem, illud permittit providè, & ex certo fine: Sed non est in illis alius certus finis, nisi ostensio suæ iustitiæ, in pœna eterna: Ergo illud permittit contrahi ex fine certo ostendi suam iusticiam in illo, cui permittitur; non enim prius per-

mittit illud, quam præveniat illi finem certum, alias improvidè illud permitteret, sed ex fine certo præintento, ad quem et ipsa ducturus est peccatorem. Ac demum, quia per peccatum originale primo discernuntur reprobi ab aliquo prædestinato, nempe à B.V. Sed id, quo primo discernuntur reprobi ab aliquo prædestinato, debet esse in illis effectus, vel defectus permissus ex reprobatione: Ergo.

38 Sed contra hæc asserta, plura opponit Iuennius ubi supra, ex Scriptura, & Augustino, & D. Thom. Primum, quia Scriptura significat reprobationem nomine odij, iuxta illud *Esaia autem odio habui*: Sed odium supponit necessariò peccatum prævisum: Ergo reprobatio supponit essentialiter peccatum prævisum. Secundum: Id per quod Deus ostendit iram, supponit peccati prævisionem: Nam ut inquit Apost. *Nunquid ini- quus est Deus, qui infert iram quasi dixisset*, (exponit Iuennius) iniustus esset, si absque precedenti creaturæ culpæ irascereretur: Sed per reprobationem ostendit Deus iram, iuxta illud eiusdem Apost. *Dei volens ostendere iram*, &c. Ergo reprobatio supponit demerita prævisa, saltem originale. Tertiò, quia iuxta Augustinum predestinatio supponit peccati originalis prævisionem: Ergo multo magis reprobatio. Probatur antecedens, primum, quia August. definuit predestinationem, *preparatio beneficiorum, quibus certissime liberantur, quicumque liberati sunt*: Sed non liberantur, nisi qui præxistunt in peccato: Ergo predestinatio supponit prævisionem peccatorum, seu præexistentiam in peccato. Secundum, quia August. expressimè vocat predestinationem, discriminationem, & separationem à massa perditionis: Ergo supponit massam perditionis, & consequenter peccati originalis prævisionem. Tertiò, quia predestinatio electorum supponit adventum Christi: Sed Christi adventus supponit peccatum originale prævisum iuxta Augustinum, unde *serm. 8. de Verbis Domini, cap. 2. ait: Si homo non perisset, filius hominis non venisset*. Et *serm. 9. cap. 1. Nulla causa fuit veniendi Christo Domino, nisi peccatores salvos facere*: Ergo & predestinatio supponit peccatum originale prævisum: Ergo multo magis reprobatio supponit originale peccatum prævisum. Denique, quia creaturæ innocenti elevata Deus negare non potest celestem gloriam, ad quam supponitur elevari pro priori ad prævisionem culpæ ipsius, aut independentem à culpa prævisa: Ergo nec illam reprobare, nisi post prævisam culpam. Probatur antecedens, quia ex ipsa negatione celestis beatitudinis constitueretur misera: Sed esse misera non potest ante culpam: Ergo nec illi negari celestis beatitudo ante culpam prævisam. Minor probatur ex Augustino *lib. 1. Operis Imperfecti. athenes: Sub Deo iusto miser esse quisquam, nisi*

mea

*mereatur, non potest*: Ergo nec ante culpam, aut demeritum.

39 Sed hæc omnia sola æquivocatione tituntur, seu non penetratione doctrinæ D. Tho. Ad primum ergo, distingo maiorem: Scriptura significat reprobationem nomine odij obiectivæ æternæ, concedo: Namine odij obiectivæ temporalis, nego maiorem; ex qua distinctione, quam nemo negare potest, scilicet colligo, peccatum originale remittendum, in eis, quibus fuit remissum, non esse causam reprobationis, quia non est causa odij obiectivæ æternæ, sed solum causa odij obiectivæ temporalis, nempe pro solo tempore, quo duret vsque ad sui remissionem; odium enim obiectivæ æternum, nisi ex culpa obiectivæ æternæ causari non potest. Sed prætermittam maiorem, distingo minorem: Odium supponit necessitatem peccatum prævisum, vt aliunde futurum cōditionatè, nisi gratis impediatur, concedo: Vt absolute existens, aut futurum, subdistinguo: Quando odium non est permissivum ipsius mali quod odit, concedo: Quando est permissivum ipsius mali, quod odio persequitur, nego minorem, & distingo consequens prima distinctione. Insuper in divita distinctione, per quam etiam Scriptura prædestinationem significat, iuxta illud *Iacob dilexit*: Etenim: Dilectio supponit obiectum bonum dignum dilectione, sicut odium supponit obiectum malum dignum odio: Quo ergo pacto dilectio Dei prædestinativa præcedit meritum, aut condignitatem ipsius prædestinati vt diligatur? Sanè, quia dilectio Dei hoc habet speciale, quod causat sui obiectum, non supponit, sed refundit bonitatem in obiecto, qua dignum fiat dilectione, & amore ipso: Sic ergo odium Dei non quidem causat in obiecto malitiam, sed nec ipsam supponit absolute existentem, quia de se est permissivum ipsius malitiae, quam odio habet, & ante Dei permissionem non potest malitia supponi absolute existens, licet supponatur conditionatè futura, nisi à Deo gratis impediatur; quo prævisio, penes Dei arbitrium est, vel amore efficacis illam impedire, vel illam permittere, & odio habere.

40 Pro qua doctrina intelligenda, maxime iuvat alia iam sæpè citata, de modo, quo datur odium mali in Deo, nempe non per modum fugæ positivæ ex motivo ipsius mali, quasi malum moveat divinam voluntatem ad sui fugam, & displicentiam; hoc enim pacto fatemur, quod deberet malum supponi aliunde absolute futurum, aut existens ante ipsum odium, vtpotè: motivum illius. Solum ergo datur in Deo odium acceptum pro velle, aut amore boni malo contrarij, & eiusdem punitivi, nempe iustæ pœnæ, quæ verè bona est, ex hoc ipso quod est malo contraria, & reali punitiva: Sicut ergo admittimus in Deo voluntatem præcipientem meritorum, quæ me-

rita non supponit, sed gratis causat, ita admittimus in Deo voluntatem punitivam peccatorum, quæ peccata absolute commissa, aut incurfa non supponit, sed permittit ea committi, aut incurri, quia prævidet quod, eo petmittente, infallibiliter erunt ex libero arbitrio, aut alia causa deficiente, vt ex primo parente peccatum originale. Et hanc voluntatem positivam pœnæ, culpæ permissivam, quam Deus habet ex amore iustitiæ manifestandæ, & ostendendæ, vocamus odium in Deo, quæ tamen propriè, & strictè non est odium, sed iustitiæ amor, & ex fine iustitiæ ostendendæ permittens culpam aliunde prævisam imminetentem, & futuram, nisi ab eo gratis impediatur. Cum ergo hæc voluntas, vel amor iustitiæ manifestandæ in Deo non supponat culpam prævisam absolute futuram, aut existentem, sicut nec absolute à Deo permissam, sed potius sit ex consequenti permissiva illius, iuxta illud *Deus volens ostendere iram, id est, iustitiam sustinuit, id est, permisit*: Iude est, quod nec odium, quod est in Deo, & prout est in Deo, supponit culpam prævisam vt absolute existentem, sed potius est permissivum illius vt absolute existat, ex quo.

41 Ad secundam, distingo maiorem: Id, per quod ostendit Deus iram ex parte effectus, aut obiecti, supponit culpam, concedo: Id, per quod ex parte actus volendi ostendit iram, supponit culpam, subdistinguo: Supponit culpam aliunde conditionatè futuram, nisi gratis impediatur, concedo: Culpam prævisam vt absolute existentem, nego maiorem, & distingo minorem: Per reprobationem ostendit Deus iram ex parte actus, concedo, quia reprobatio est actus quo vult ostendere iram: Per illam ex parte effectus, vel obiecti, nego, quia reprobatio ipsa non est effectus, nec obiectum per quod ostenditur ira, sed sola pœna est obiectum, vel effectus, per quod ira Dei ostenditur; & de pœna fatemur, quod supponit culpam absolute existentem; id tamen negamus de actu, quo vult ostendere iram, quia hic est permissivus culpæ, aliunde imminetentis, ex ipso fine iram, seu iustitiam manifestandi. Nec textus ille Apostoli rectè exponitur in opposito sensu; si enim Apostolus existimaret, reprobationem fore iniustam, si culpam absolute prævisam non supponeret, ideoque iniustam non esse, quia culpam actu existentem, & vt talem prævisam supponeret in promptu erat, respondere illi interrogationi: *Nunquid iniquus est Deus?* Dicendo, *absit, quia nulla est iniquitas in eo quod Deus videns culpam absolute commissam, iram inserat*. Sed id minime respondit, sed recurrit ad altissimam Dei voluntatem, dicens: *Absit. Moysi enim dicit: Miserebor, cuius miserebor, & misericordiam præstabo, cuius miserebor, cuius enim vult miserebor, &*

quærit

quem vult indurat, nempe permissivè, quia nempe volens offendere iram, permittit ex eadem massa aliquos fieri vasa iræ apta in interitum, ex qua voluit facere alios vasa gloriæ, & hoc ex fine altissimo suæ providentiæ.

42 Ad tertiam, distinguo antecedens: Prædestinatio ex parte actus prædestinantis, aut ex parte omnium effectuum, nego: Ex parte principalis effectus, concedo antecedens. Ad cuius primam probationem, concessa maiori, distinguo minorem, non liberantur sanativè, nisi qui præexistunt in peccato, concedo: Non liberantur præservativè, nego, quia Angeli, & B. V. fuerunt liberati ex vi prædestinationis à morte æterna, qui tamen nunquam in peccato existerunt. Præterquam, quod etiam in illis, qui liberantur sanativè, vt in Adamo, etiam peccatum ipsum, à quo sanantur, permittitur ex vi prædestinationis illorum, vel ad ipsum humiliterem, vel ad ipsorum agonem, vt originale, vnde ipsum originale ex vi potest rationis ordinatur antecedenter ad maius eorum meritum. Vide *suprà* *quest.* 9. Ad secundam, concessio antecedentis, nego consequentiam, quia stat optimè, quod prædestinatio sit discretio ab aliqua paritate multorum, & quod non supponat absolutè, sed propter videtur antecedenter id ipsum, in quo sunt pates, vt patet tum in prædestinatione, quæ discernit inter duos, aut plures, qui per decem annos perseveraverunt in gratia, conservando istos ad finem vsque, alijs cadentibus finaliter; de qua dici non potest, quod præsupposuit perseverantiam illorum per decem annos, seu quod illa non fuit effectus prædestinationis illorum, sed solum illa, qua discreti sunt ab alijs, qui postea non perseveraverunt; alias enim solaperverantia pro ultimo instanti vitæ esse effectus prædestinationis, cetera autem, in quibus prædestinatus convenit cum alijs non prædestinatis, supponerentur ante prædestinationem, quod nec ipse Iuvenin admittit. Idemque de prædestinatione, quæ inter duos, aut plures, qui existunt in peccato personali vsque ad ultimum vitæ exclusivè, discernit per finalem poenitentiam de peccatis istos ab alijs, in qua fatetur, quod permissio peccati, in qua pares existerunt, fuit in his, qui poenituerunt, effectus prædestinationis, licet hæc sit discretiva: Cur ergo permissio peccati originalis, in qua omnes homines pares supponuntur, non erit etiam effectus prædestinationis in illis, qui propter illud humiles fuerunt, licet prædestinatio discretiva sit? Et ratio est, quia prædestinatio est discretiva, non per omnes effectus illius, sed per ultimos, & præcipuos. Præterquam, quod prædestinatio B. V. fuit discretiva ab omnibus contrahentibus originale, quod esse non posset, si de se supponeret absolutè prævisum originale.

43 Ad tertiam, concessa maiori, distinguo

quo minorem: Adventus Christi ex parte volitæ, seu in executioni supponit peccatum originale, concedo: Ex parte prædestinationis Christi, seu actus decernentis Christi adventum, nego minorem; quia vt suo loco dicemus, Christus vt Redemptor fuit prædestinatus ex parte actus ante originale peccatum absolutè prævisum, & permissio peccati originalis fuit effectus prædestinationis Christi, eo sensu, quo permissio dici potest effectus. Nec textus Augulini oppositum probat, quia ex quo Christus fuit prædestinatus vt Redemptor, licet ante prævisum absolutè peccatum, consequitur, quod in executione non venisset, nisi peccatum præcessisset; sicut ex quo alicui prædestinatur gloria vt corona, licet ante prævisa merita, consequitur, quod gloriam consequitur non fuisset, nisi merita præcessissent. Et cum dicitur, quod nulla causa fuit Christo veniendi, nisi peccatores salvos facere, id verum est, sed ante prævisa absolutè peccata voluit Deus ex parte actus peccatores salvos facere, seu ostendere suam misericordiam parcendo, & reddimendo, & ex hoc fine permisit peccata.

44 Ad ultimam, distinguo antecedens: Creaturæ innocenti Deus negare non potest gloriam pro priori ad provisionem culpæ eius in executione, concedo: In intentione, seu ex parte actus permittentis, aut permissivè negantis, nego antecedens. Ad cuius probationem, distinguo maiorem: Ex ipsa negatione in intentione, constitueretur formaliter, & in executione miser, nego: Ex illa intentione permissivè, & per illius effectum constitueretur formaliter miser, concedo maiorem, & distinguo minorem: Esse miser non potest ante culpam formaliter, & in executione, concedo: Permissivè in intentione, nego minorem. Ad cuius probationem dico, quod sub Deo iusto, nemo potest esse formaliter, & in executione miser, nisi postquam id demereatur, præsertim loquendo de miseria poenæ, (nam miseria culpæ non semper est ex demerito præcedenti, vt convincitur in miseria primæ culpæ) attamen ante demeritum, seu absque demerito præcedentis culpæ, potest alicui incurrere, & ex parte actus permitti miseria culpæ, & intendi miseria poenæ, seu negari intentivè gloria, vel quia ipsi secundum suam naturam nullo iure debita, vel ex fine ostendendi iustitiam punitivam. Ex quo non sequitur, quod sit miser ante culpam, sed vnicè post culpam, vel per culpam, licet intentio permittendi illi miseria culpæ, & inferendi miseria poenæ sit ante culpam absolutè existentem,

imminentem tamen infallibiliter,  
nisi gratis im-  
diatur.

**CONCLUSIO NOTANDA EX DICTIS**  
*& pro dictis.*

45 **C**oncluditur ex dictis maxima differentia prædestinationis, & reprobationis. Primo in eo, quod prædestinatio non solum est præparativa, præfinitiva, & electiva, & effectiva finis, nempe gloriæ, sed etiam mediorum, & meritorum per se ad finem conducentium: Attamen reprobatio per se solum est præparativa, & volitiva pœnæ positivæ; sed tantum permissiva demeritorum per se ad illam conducentium. Secundò in eo, quod prædestinationis quantum ad totum illius effectum nulla causa datur in prædestinato, aut ex parte prædestinati: Sed reprobationis, quantum ad totum illius effectum prima causa est in prædestinato, & ex parte prædestinati. Explicatur: Etenim reprobatio, & prædestinatio in primis conveniunt in eo, quod ex parte nostra, nec prædestinationis, nec reprobationis ex parte actus datur aliqua causa, aut ratio à priori, sed tota causa, & ratio utriusque ex parte actus, est sola divina bonitas. Quo sensu dixit D. Thom. in præsent. artic. 5. ad 3. *Sed quare hos elegit in gloriam, & illos reprobavit, non habet rationem, nisi divinam bonitatem.* Et quod ex ipsa bonitate divina ratio summi potest prædestinationis aliquorum, & reprobationis aliorum. Et in corpore, quod non est assignare causam divine voluntatis ex parte actus volendi aliam nempe à divina bonitate, eoque nullum fuisse sanæ mentis, qui assereret, merita esse causam prædestinationis ex parte actus prædestinantis, quod idem sequitur de reprobatione ex parte actus reprobandi, in quo eadem ratio militat. Sed differunt quam maximè ex parte voliti, & ex parte effectus prædestinatio & reprobatio. Nempe, quia totum volitum, totusque effectus positivus prædestinationis, nullam habet causam ex parte nostra; attamen totus effectus positivus, & totum positivè volitum per reprobationem habet causam ex parte nostra. Primum patet, quia licet gloria, quæ est finis volitus prædestinationis, habeat causam ex parte nostra, nempe merita, ipsa etiam merita sunt effectus & obiectum volitum ex vi prædestinationis, & licet merita habeant causam ex parte nostra, nempe liberum arbitrium gratia motum, & informatum, hoc etiam est effectus prædestinationis, & quidquid causæ excogitaveris conducentis ad finem prædestinationis, totum est effectus prædestinationis, prædestinatioque est prima causa totius ordinis ad finem prædestinationis ab initio illius ordinis inclusivè; vnde ex parte nostra non datur causa vlla totius effectus prædestinationis, eoque est quasi creatio ex nihilo, prædestinatioque dicuntur *creati in operibus bonis*, quia nulla causa præcedit ex parte ipsorum ut prædestinentur.

tur. Secundum etiam patet, quia reprobatio non habet alium effectum positivum, nec positivè volitum, nisi pœnam ut ostensivam divinæ iustitiæ; huius autem datur causa demeritoria ex parte nostra, cuius ipsa reprobatio causa vera non est, nempe culpa, & peccatum: Quod si vnius peccati quæras aliam causam, nempe aliud peccatum, nec ipsius causa est reprobatio: Imò si primi peccati causam inquires, prima causa est ipsa creatura rationalis ut defectiva, & mutabilis: Et si quæras cur est defectiva & mutabilis, nec hoc habet quia ex Deo, sed quia ex nihilo facta est, vnde prima causa reprobationis quantum ad totam seriem mediorum ducentium ad finem pœnæ æternæ est ex parte nostra, ex parte vero reprobationis non est nisi permissio. Et ratio est, quia media per se ducentia ad finem reprobationis sunt demerita & peccata ut talia, istorum autem prima causa propriè talis non est efficiens, sed deficiens; prima autem causa deficiens est ex parte nostra, ex parte vero Dei, aut reprobationis est sola permissio, vnde concluditur, quod prima causa propriè talis omnium mediorum per se ducentium ad pœnam æternam est ex parte nostra, licet prima causa impropriè talis, nempe permittens, omnium illorum sit ipsa reprobatio, quæ importat voluntatem permittendi culpam, & inferendi damnationis pœnam, ut inquit D. Thom.

46 Iam vero, si quæras causam ipsius permissiois, vel rogas de permissione activa, seu ex parte actus permittendi, & huius iam dictum est, quod nulla est causa ex parte nostra. Si vero permissionis passivæ, dico quod illa consistit in defectu gratiæ requisite ad vitandum peccatum, & huius defectus decimus, quod prima causa propriè talis est liberum arbitrium, quia causa propriè defectus est causa deficiens, sicut causa propriè efficiens est causa efficiens; prima autem causa deficiens est liberum arbitrium, vnde illud est pœna causa defectus gratiæ, seu deficiens à participatione gratiæ, licet prima causa permittens sit Deus, seu reprobatio: Consequitur ergo quod prima causa deficiens, seu propriè talis permissionis passivæ (sumptæ sit liberum arbitrium à se deficiens à participatione gratiæ, seu ponens obicem gratiæ, ut diximus *Tract. de Provid. quæst. 18.* licet prima causa permittens sit Deus, seu reprobatio.

**QVÆSTIO XV.****QVINAM SINT EFFECTVS**  
*reprobationis.*

**H**uius quæstionis solutio constat ex dictis. Nam vel loquimur de effectibus verè talibus, quod verè efficiatur à Deo & vi reprobationis; vel de effectibus impropriis, præcægentia aut defectu aliquo permissio, sed non factio, de

de qua distinctione iam diximus *suprà quaest. 9.* Ea tamen supposita.

2 Dico primò: *Sola poena positiva aeterna est verè, & propriè effectus reprobationis.* Patet, quia sola illa est positivè volita, effecta, & efficienter inflicta reprobis ex vi reprobationis: omnia autem media per se ad illam ducentia sunt defectus permisi, non effectus positivè voliti.

3 Sed dices: Ipsa tamen permissio illorum defectuum, & peccatorum, non est permilla, sed volita & causata, vnde D. Thom. in *present. artic. 3. ad 2. ait: Reprobatio non est causa eius, quod est in presenti, scilicet culpa, sed est causa derelictionis à Deo, est tamen causa eius, quod redditur in futuro, scilicet poena:* Ergo. Sed ad hoc iam respondimus vbi *suprà*, & ex hoc ipso textu D. Thom. satis colligitur noster sensus, quia D. Thom. expressè ait, quod reprobatio non est causa eius quod est in presenti, sed solum eius quod redditur de futuro: permissio autè est in presenti, vnde consequitur, quod non sit causa propria eius. Cum autem ait, *sed est causa derelictionis à Deo, sumitur modus causandi pro re causata, vt scapè vsuvenit, & est phrasia inexcusabilis ad plura explicanda, vnde sensus est, quasi diceret, non est propriè causa culpa, sed solum causa derelinquens, quod homo in culpam cadat, ex quo minime sequitur quod derelictio verè sit aliquid causatum, aut effectum, sed pura carentia, vel defectus derelictus, aut permissus.*

4 Dico secundo: *Omne peccatum, & omne malum, omnisque defectus per se perducens ad poenam aeternam, est effectus permissus ex vi reprobationis.* Unde non solum impoenitentia finalis, sed excecatio, induratio, & quodlibet peccatum nunquam remittendum est pro formali defectu permissus ex vi reprobationis. Patet, quia, vt ex dictis patet, omnia ista permittit Deus ex fine reprobationis, nempe ostendèdi iram in vasis iræ: Sed quod Deus permittit ex fine reprobationis est defectus permissus ex vi reprobationis, quia ex intentione, & voluntate poenæ, vt ostensivæ iustitiæ divinæ, quam importat reprobatio: Ergo.

5 Dico tertio: *Non solum peccata a nunquam remittenda, sed peccata etiam remittenda, specificativè sumpta, in reprobis sunt defectus permisi à reprobatione.* Ratio est, quia interdum relinquunt vestigia, quibus positi sui remissionem trahunt in alia peccata, & tandem inflant, licet non demeritorie, inclinativè, & dispositivè tamen, in finem reprobationis. Vel si huiusmodi vestigia per remissionem illorum cessent, tamen loco eorum ex vi prædestinationis permittuntur alia, per quæ conducunt ad finem, & cum quibus constitunt unam seriem obiectivam mediorum ad finem reprobationis: Ergo.

6 Dico quartò: *Peccatum originale, nunquam remittendum, in reprobis est defectus per-*

*missus ex vi reprobationis.* Hoc potest intelligi dupliciter, nempe vel de peccato originali reduplicativè vt nunquam remittendo, & hoc sensu certissimum est: quia ipsum non remitti vnquam ex reprobatione procedit, permittente ipsum pro semper; vel de illo specificativè, & vt contra, & hoc etiam modo dicimus, esse permissum ex vi reprobationis, quia ex fine illius, vt *suprà* dicebamus, *quaest. præced.*

7 Dico quintò: *Etiam peccatum originale aliquando remittendum in reprobis est defectus permissus à reprobatione.* Patet, quia licet remissus non conducatur demeritorie ad finem reprobationis, conducit tamen per conespicientiam, & somitem ex eo relictum dispositivè, & inclinativè: Sed hoc sufficit, vt dicatur permissus ex fine reprobationis: Ergo.

8 Sed rogabis, an substantia reproborum sit effectus reprobationis? Respondeo, quod per se non est effectus reprobationis, bene tamen per accidens, quatenus fit per peccata ordinata in reprobationis finem, & ad illum conducent. Quæ res secundo, an actus peccati pro materiali, seu quoad entitatem sit effectus reprobationis? Respondeo, non esse per se effectum reprobationis, sed per accidens ratione malitiæ, quo pacto non est effectus propriè, sed defectus. Sed quæres tertio, ad quam providentiam pertinet substantia reprobi, & actus peccati, cæterique actus positivi illius? Respondeo, quod pertinent ad providentiam generalem, cuius est providere cunctis de motibus, & actibus ad suum finem, frustrabiliter tamen à fine particulari, licet infirmitabiliter à fine universalis. Deinde dico, quod per se sunt effectus prædestinationis electorum, quia omnia, quæ sunt reproborum, ordinat Deus antequam ter ad gloriam electorum, quorum habet specialem providentiam, ex benevolentia erga ipsos, & propter ipsos; de reprobis autè non habet specialem providentiam ex benevolentia erga ipsos, vt tales, sed generalem tantum, & vt de conducentibus ad finem electorum. De quo vide *suprà quaest. 13. à num. 14.*

## QUÆSTIO ULTIMA.

### DE NUMERO PRÆDESTINATORVM, & reproborum.

1 DUO præcipuè solent hic disputari. Primum, an numerus electorum sit certus. Secundum, an maior sit, vel minor numerus electorum, quam reproborum. Igitur circa primum.

2 Dico primò: *Numerus electorum Deo certissimus est, non autem nobis, præsertim viatoribus.* Ita Canit Ecclesia, *Deus, cui soli cognitus est numerus electorum, in superna scientia locandus.*

*idus. Et patet, nam in primis, quod Deo certus sit numerus electorum, & reprobatorum, constat ex illo Sapientis: Omnia fecit in numero, pendere, & mensura. Vnde Augustinus. Epist. 106. sic ait: Novis quippe quod nras, & quantus numerus esse debeat, primis omnium hominum, deinde Sanctorum, sicut siderum, sicut Angelorum. Vnde de illo dicitur: Qui numerat multitudinem Stellarum, & omnibus eis nomina vocat. Certus igitur est Deo numerus electorum, & consequenter etiam reprobatorum.*

3 Quod autem nobis certus non sit, constat ex eo, quod pro omnibus otare monemur, eo quod Deus secundum voluntatem manifestam vult omnes homines salvos fieri. Secundò, quia nemo scit, an sit de prædestinatorum numero. Vnde Trident. Sess. 6. cap. 12. sic definit: *Nemo quæsit in hac mortalitate scivitur, de archano divina prædestinationis mysterio, usque adeò præsumere debet, ut certo flatuatur, se omnino esse in numero prædestinatorum.*

4 Dico secundò: Reprobatorum numerus ex omnibus hominibus multo maior est, quam numerus electorum. Constat hoc assertum ex illo Lucæ 13. *Multi sunt vocati, pauci vero electi.* Et ex illo Matth. 7. *Lata, & spatiosa est via, que ducit ad perditionem, & multi sunt, qui ingrediuntur per eam. Angusta est porta, & arcta est via, que ducit ad vitam, & pauci sunt, qui inveniunt eam.* Et Isaiæ cap. 17. & 24. comparantur electi spicis, quæ remanserunt in agro post collectam messem, racemis, quæ post vindemiam, reliquuntur in vinea, & olivis, quæ excusa olea, remanent in frondibus eius. Extant autem de hoc terribiles aliquorum PP. an sententiz, an ponderationes, quisque iudicet. Aiebat enim Chrysostomus homilia 14. ad Populum Antiochenum: *Quot putatis esse in Civitate nostra (Antiochia) nempe, in qua sexcenta hominum millia, vel ferè etiam qui salvi fiant? Non possunt in tot millibus centum inveniri, qui salventur; quin & de his dubito. Quanta enim in lucernibus malitia, in senibus torpor, &c.* Augustinus etiam Psal. 48. sic ait: *Quot sunt illi, qui videntur observare præcepta Dei? Vix invenitur unus, vel duo, aut paucissimi; ipsi soli liberaturus est Deus, ceteros damnaturus.*

5 Et quidem in huius confirmationem est, quod in triplici statu considerare possumus homines. Nempe in Lege Naturæ, in Lege Scriptæ, & in Lege Gratiæ. De hominibus in Lege Naturæ usque ad Noë, dicitur Genes. 6. *Videns autem Deus, quod multa malitia hominum esset in terra, & cuncta cogitatio cordis intenta esset ad malum; penitus eum, quod homines fecisset in terra. Vnde ex tot milibus hominum, solos octo salvavit in Arca. De tempore Legis Scriptæ, ait David Psal. 13. Omnes declinaverunt, simul inutiles*

*facti sunt, non est, qui faciat bonum, non est usque ad unum.* Post adventum Christi, videmus ex quatuor Orbis partibus, quod vix quarta pars Christianam fidem proficetur; & ex Christianis plerumque sunt, vel hæretici, vel schismatici. Ex Catholicis denique, in primæva Ecclesia omnes ferè salvi erant, ac prædestinati; sed cum pace Ecclesiæ redita, ut inquit Bernardus, *multiplicasti gentem, sed non multiplicasti latitantes*, quia quo magis crevit numerus Catholicorum, decrevit magis numerus Sanctorum, & abundavit malicia, refriguitque charitas. Ex quibus satis patet, quod facta collatione inter homines omnes ab initio mundi usque modo, plures longe sunt, qui damnantur, quam qui salvantur, plures reprobi, quam prædestinati.

6 Profunda vero ratio divinæ providentiæ, cur tam multos reprobos, tam paucos numero electos esse voluerit, coniectari licet; penitus inveniri, aut comprehendi non potest. Unde Augustinus Epist. 106. ait: *Deum tam multos creare reprobos in usus profundarum cogitationum suarum.* Nihilominus lib. 5. *constr. Julian. cap. 4.* aliqualem huius rationem exhibet, dicens: *Ceteri autem mortales, qui ex isto numero electorum non sunt, ad utilitatem nascentur istorum.* Quia nempe reprobi sunt ex illo Populo, de quo dictum est: *Et maior serviet minori, & silius serviet patri.* Reprobi enim sunt velarii servi electorum; & cū servi plures longè debeant esse, quam Domini, ideo oportuit reprobos plures longè esse, quam prædestinatos. Unde de prædestinatione dicitur: *Isaëus ut palma florebit, de reprobis autem, cum exorti fuerint peccatores sicut funis, quia quantum excedit lignum in numero palmam, & palma in nobilitate fenum, tantum excedant reprobi in numero prædestinatos; sed prædestinati in nobilitate reprobos. Vide supra quæst. 13 d. num. 15.*

7 Fateor, plura ab alijs de numero prædestinatorum dicuntur in præsentem, sed quæ in mera coniectura nituntur. Dicta enim sufficienter Theologo, in quibus, si quid erratum fuerit, propriè debet adscribi, non pertinacitè, sed ignotancitè. Omnia enim, quæ in hoc opere dixerim, Sapientiorum iudicio libenter subijcio, & præsertim S. R. E. In qua vivere, & moti vorum est mihi perpetuum, & cui omnia dicta, scripta, gesta, quæ subesse semper velim, cuique, si quid obsecui, aut vilitatis præstiterim in hoc opere, supremo Numini adscribendum esse, quis ambigat? In cuius honorem vtinam cedant; nec non Dei genitricis, Sanctæque Ecclesiæ Doctorum Augustini, & Thomæ, & mei Pauliani

Patentis, &c.

\*\*\*  
\*\*\*  
\*\*\*  
\*\*\*  
IN

# INDEX RERVM NOTABILIVM.

## A

Actus Dei liber variè à pluribus constituitur; Disp. 6. quæst. 6. à num. 1. Non constituitur re ipsa per respectum rationis, à num. 6. Nec per actionem formaliter transeuntem, à n. 8. Nec per perfectionem intrinsecam, adhuc extensivam, superadditam volitioni necessariè, à num. 13. Nec per realitatem, entitatem, aut modum superadditum, à num. 2. l. Nec per formalitatem intrinsecè contingentem, à num. 28. Nec rectè explicatur per contingentiam intrinsecam defectibilem, à num. 30. Nec per terminationem activam intrinsecè defectibilem, à n. 40. Non est passivè, sed purè activè liber, à n. 71. Quantumvis liber, non est contingens, à n. 82. Adhuc virtualiter intrinsecè, à num. 82. Est necessariò, & per essentiam prima actualis determinatio omnium contingentium ad esse, & non esse, à num. 85. & 27. Nihil intrinsecè contingens addit supra velle Dei necessarium, sed est ipsum velle necessarium Dei, quod per eminentiam, & independentiam ab omni obiecto secundario, seu per actuale dominium, & arbitrium de omni creato constituitur liber, à num. 87. Quo pacto dici possit contingens, à num. 132. Vide *libertas divina, decretum, voluntas.*

Æternitas, in ea idem est *aliquando ac semper.* Disp. 5. quæst. 1. à n. 45. & 74. Non constat pluribus durationibus virtualiter distinctis intrinsecè à parte rei, sed est simplex etiam virtualiter intrinsecè, à n. 51. Nec in illa dantur plures virtualitates eiusdem durationis, à n. 56. & q. 2 à n. 30. Quo sensu dici possit æternitas virtualiter multiplex duratio, q. 1. à n. 57. Æternitas simul ambit omne tempus, & non successivè, à n. 58. Quo sensu detur in illa *ante, & post, n. 87.* Est sicut centrum sine circumferentia, à n. 95. In illa nihil incipit, desinit, aut mutatur exercitè, licet in ea sit signarè inceptio, desirio, & mutatio rerum, à n. 97. Quo pacto sunt simul in illa sine contradictione existentia, & carentia eiusdem rei, à n. 100. Non durat per continuam sui replicationem in partibus temporis, à n. 40. Vide *duratio, futura.*

Amor amicitiz, & benevolentiz, quo modo detur in Deo erga creaturam rationalem. Disp. 6. q. 1. à n. 53. Ex amore comprehensivo omnipotentiz non probatur amor possibilium, licet ex cognitione comprehensivi omnipo-

otentiz inferatur cognitio possibilium, q. 12. à n. 31. Vide *creatura possibilis.* Deus amat se ipsum amore specialiter, & strictè tali, q. 13. à n. 2. De essentia talis amoris non est absentia obiecti, à n. 36. 9. Nec distingui à gaudio, à n. 5. Nec exigit præ regula noticiam abstractionem, à num. 14.

Angeli duratio non est tota simul formaliter, sed solum ex parte subiecti durantis, in quo differt ab æternitate, Disp. 5. q. 1. à n. 10.

Appetitus innatus non datur in Deo, nec ad intrinsecam, nec ad extrinsecam bonam, Disp. 6. q. 2. à n. 2. Nec etiam appetitus propriè talis ad bona intrinseca, n. 6. Nec ad bona extrinseca, à n. 8. Appetitus naturalis, & elicitus equo-parantur, q. 1. à n. 11. Naturalis sequitur ad formam naturalem, & elicitus ad formam apprehensam, ibid. Elicitus sequitur ad omnem, & quamlibet formam apprehensam, à n. 36. Repugnat cognitio, quæ non sit excitativa appetitus elicti, quantumvis sit speculativa, à n. 45. Imò & sensatio, quæ non excitet appetitum sensitivum, num. 54.

Arts, & providentia in Deo, si distinctè accipiantur, potius arts subordinatur providentiæ, quam providentia arti, Disp. 7. q. 10. à n. 8.

Augustinus innuens reprobari adultos propter originale peccatum, explicatur in sano sensu, Disp. 7. q. 14. à num. 28.

Auxilium ab intrinseco efficax non est propriè medium ad salutem, nec ad actum, quem efficit, Disp. 7. q. 2. à n. 18. Auxilium ad perseverantiam in quo consistat, à n. 22. Cur D. Tho. nominet singulariter auxilium, & non pluraliter auxilia, à n. 23. Cur dicitur superioribus gratiz, à n. 24. Auxilia sufficientia collata reprobis ex quo sine, & providentia conferantur, q. 4. à n. 40. & 42.

## B

Bonum proprium naturæ rationalis vrealis est verum, seu veritas, à n. 22. & 27. Bonum commune, quantum præponderet bono partium, ira ut propter illud iussit partibus permittere possit detrimentum, Disp. 7. q. 13. à n. 13.

## C

Causalis de causa prima est bona consequentia libera, non necessaria, in qua fiat antecedens verum, & cõsequens falsum, Disp. 6. q. 6. à n. 111. Certitudo moralis, imò & physica eventus con-



ciliatur cum eo, quod Deus maneat liber physice, & moraliter ad non eventum, Disp. 6. q. 3. 4. à n. 26. Certitudo prædestinationis conciliatur cum nostra libertate, Disp. 7. q. 2. à n. 27.

Vide prædeterminationem.

Cognitio intuitiva per se præsentiam physicam obiecti in ea duratione, in qua exercetur visio, Disp. 5. q. 1. à n. 20. Obiectum non potest, antequam exilar, terminare, multoque minus determinare sui cognitionem ut exercitam tempore anteriori, n. 23. Id verum tenet etiam respectu intellectus divini, n. 23. & 27. Sphæra obiectiva intellectus divini non est maior in duratione, quam eius duratio subiectiva, n. 27. Vide futurum præsentia. Cognitio divina semper est infallibilis formaliter, & subiectivè, Dis. 5. q. 6. à n. 206. Vide scientia.

Christus Domin. passus, & mortuus est pro salute omnium, & singulorum hominum, etiam post Adæ lapsum, Disp. 6. q. 1. à n. 33. & 41. Et oravit pro omnibus, & non solum pro prædestinatis, n. 42. Christus Domin. in mente divina non fuit medium electum ad redemptionem generis humani, sed potius ut Redemptor fuit finis omnium, quæ Deus voluit ad extra primo intentus à Deo, Disp. 7. q. 10. à n. 31. Eius incarnatio quo pacto supponit peccatum originale, q. 1. 4. à n. 43.

Concordia prædictæ Dei cum libertate creata exponitur, Disp. 5. q. 4. à n. 50. Quomodo ex præscientia Dei necessaria sequatur effectus liber, & contingens relatè ad causas secundas, num. 53.

Creaturæ possibiles, quo pacto sint bonæ in statu possibilitatis, Disp. 6. q. 12. à n. 18. Non habent bonitatem sufficientem, ut à Deo amentur in transitivè, n. 22. Licet habeant sufficientem veritatem ut à Deo cognoscantur, n. 28.

## D

Decretum divinum, casu, quo constituitur pro recto in solo actu necessario, adhuc est medium cognoscendi infallibiliter futura, Disp. 5. q. 5. à n. 23. Non est medium ut quod, sed ut quo, & applicativè, n. 24. Non lædit libertatem, n. 27. Decretum subiectivè absolutum, & obiectivè conditionatum circa omnia conditionalia, quam incertum, q. 6. à n. 348. Explicantur decreta obiectivè conditionata in Deo, Disp. 6. q. 10. à n. 26. Decretum obiectivè conditionatum variè accipi potest, n. 52. Purè obiectivè conditionatum repugnat in Deo, ibid. à n. 13. latè. Decretum de non concurrente ad illā volitionem Petri, quomodo sit possibile Disp. 6. q. 1. à n. 61. Decretum executivum distinctū ab intentivo respectu eiusdem relegatur à divina voluntate, Dis. 7. q. 3. à n. 21. & q. 5. à n. 9. & q. 10. à n. 16. Decreta divina si distinctè ac-

cipiantur, quomodo debeant ordinari, q. 10. à n. 35. Frustra distinguitur in Deo duplex decretum de gloria prædestinati, vnum gratuitū, & aliud ex iustitia, quia nullum datur, quod non sit gratuitum, q. 5. à n. 77. latè.

Desiderium peopli tale non datur in Deo, Disp. 6. q. 4. à num. 3.

Deus est omnino immutabilis, & tamen habet liberum arbitrium, licet utrumque difficile conciliatur, Disp. 6. q. 6. à n. 1. Est omni suæ creaturæ beneficiis, nulli nocivus, q. 4. n. 33. Si incederet velle aliquid in tempore, mutaretur physice, q. 8. à n. 3. & 24. Quo pacto nunc amat, & post odio habeat absque sui mutatione, n. 33. Neque amare creaturas propter se ipsas, q. 3. à n. 20. Vide voluntas divina. Nec se ipsum propter creaturas ut finem cuius gratia, n. 31. alioquin frueretur utendis, & uteretur fruendis, n. 33. Non potest velle aliquid libere purè inefficaciter, q. 9. à n. 3. & q. 11. à n. 108. & 121.

Quo sensu vult omnes homines salvos fieri, 11. per totam, & à n. 44. Non vult malum peccatoris, nec perditionem, sed solum illam permittit, Disp. 7. q. 12. à n. 10. & Disp. 6. q. 11. à n. 75. Quomodo est sui diffusivus absque vlla necessitate communicandi se, Disp. 6. q. 14. à n. 22. adhuc supposita exigentia redente effectum moraliter, aut physice certum, Deus manet liber moraliter ad illum non producendum, n. 23. Nulla necessitate tenetur velle, aut facere optimum, ibid. à n. 2. Adhuc ex suppositione, quod aliquid velit facere, n. 6. Imò nec suppositis exigentijs rerum, n. 9. Repugnat in Deo libertas physica, quæ non fit etiam libertas moralis, n. 13. Quo sensu Deus dicatur se cisse optimum, n. 15. Tam facilis est ad patranda miracula, sicut ad alia opera naturalia, n. 28. Si operaretur ex necessitate naturæ, non maneret liberum arbitrium, q. 15. à n. 2. Si tunc maneret liberum arbitrium, Deus in ea hypotefi non præberet ei eundem cōcursum, quem modo præstat, n. 5. Ex hoc adhuc permisso, voluntas creata non ageret libere, n. 9. Dum permittit peccata electis, non illa permittit improvidè, sed ex fine certos salutis, Disp. 7. q. 9. à n. 17. Absque nota crudelitatis, aut iniustitiæ potest ante prævia absolutè demerita velle aliquibus poenam iustam propter suam iustitiæ manifestationem, & propter vniuersi pulchritudinem, q. 13. à n. 3. & 13. Vide reprobatio, permissio peccati.

Dominium Dei non permittit aliquid contingenter evenire ante liberam eius determinationem, Disp. 5. q. 6. à n. 263.

Duratio Dei est tota simul, & quantum Deus durat totum simul durat, Disp. 5. q. 1. à num. 32. Non expectat Deus adventum temporis ut dureret in eo, n. 34. Quomodo durat in tempore in-

## Index rerum notabilium.

independenter ab eo, n. 36. Durantis deno-  
minatio non est Deo partim extrinseca, sed  
adequatè intrinseca, n. 42. Adverbia duratio-  
nis æquivocè accipiuntur, dum significatur  
duratio rerum in æternitate, n. 72. Quo pacto  
dici possit, vel negari, quod res antequam in se  
existant in æternitate, n. 79.

## E

Effectus prædestinationis tria requirit, Disp. 7. q. 8.  
à n. 2. Est duplex, alius elicitus, alius imperatus,  
n. 3. Explicatur alia diversitas inter effectus præ-  
destinationis, n. 6. Glorificatio, iustificatio, vo-  
catio efficax, & perseverantia finalis sunt effectus  
prædestinationis, n. 8. Et etiam gratia per  
peccatū interrupta, & vocationes inefficaces,  
q. 7. à n. 1. Et similiter actus salutares adhuc  
prout sunt à libero arbitrio, q. 8. à n. 2. Electivè  
& determinativè ab ipsa prædestinatione pro-  
venientes, n. 5. Permissio peccati in electis ma-  
gis propriè est defectus permissus ex prædesti-  
natione, quam effectus, q. 9. per tot. Vide per-  
missio. Primus effectus prædestinationis nō po-  
test cadere sub merito nostro, q. 10. à n. 2. 5. Ef-  
fectus prædestinationis nō debent esse inter se  
intrinsecè cōnexi, n. 27. Substantia prædestinati  
est effectus prædestinationis, q. 10. per tot. Quo-  
pacto effectus prædestinationis debet esse gra-  
tia, q. 9. n. 24. Et qualiter est ex meritis Christi,  
num. 25.

Effectus reprobationis positivus est sola pena  
iuxta æterna, Disp. 7. q. 15. n. 2. Effectus negati-  
vus est defectus permissus ex fine reprobatio-  
nis, & omne malū per se ducens ad damnatio-  
nem, n. 4. Imò & peccata remissa specificativè  
sumpta, n. 5. Et peccatum originale nunquam  
remittendum, n. 6. Et peccatum originale ali-  
quando remissum specificativè sumptum, n. 7.  
Non tamen substantia reprobatorum, n. 8.

Essentia divina per modum speciei non represen-  
tat determinatè cōsensum per dissentiu, nisi de-  
terminata per decretum, Disp. 5. q. 6. à n. 107.  
Libertas creata in statu conditionato non po-  
test determinare representationem essentie di-  
vine, n. 110. Adhuc intentionaliter, num. 113.  
Nec determinatur à consensu conditionato,  
adhuc tanquam à mera conditione, n. 128.

## F

Finis ultimi dignitas, & ratio explicatur, Disp. 6.  
q. 3. à n. 27. Deus titulo, ultimi finis habet ius,  
ut quidquid amatur, ametur propter ipsum,  
alioquin ut Supremus Legislator ad nihil obli-  
garet, num. 30.

Futura sunt Deo physice præsentia in sua æterni-  
tate semper ab æterno, Disp. 5. q. 1. à n. 2. Pro-  
bat ex gradatione SS. PP. n. 3. Non possunt

intelligi de sola præsentia obiectiva, 0.13. Vi-  
de æternitas, duratio. Si futura Deo non es-  
sent semper physice præsentia in æternitate,  
bis Deus ea cognosceret, & mutaretur Deū  
scientia, n. 61. & q. 2. à n. 15. Non semper in  
æternitate sunt præsentia res creatæ ex longi-  
tudine durationis earum, sed ex infinitate, &  
simplicitate æternitatis, q. 1. à n. 66. Inter coex-  
sistere æternitati, & esse præsentia in æternitate  
est differentia nō contemnenda, n. 68. Futura  
præsentia in æternitate ad quid requirantur  
ex parte scientiæ Dei, q. 2. per totam. Fu-  
tura possunt cognosci, vel ut in causa creatæ,  
vel ut in causa increata, & æterna, n. 4. Non  
possunt cognosci immediatè in se ipsis, nisi  
sint illi physice præsentia, n. 6. Nec similiter in-  
cognitivè, n. 11. Nec immutabiliter, n. 12.

Futura absoluta contingencia non cognoscuntur  
à Deo in se ipsis, nec motivè, nec terminati-  
vè, sed in essentia divina, ut idem determinat-  
ur per decretum, Disp. 5. q. 5. à n. 10. Deus  
cognoscit res ut futuras signatè, sed non extrin-  
sicè de futuro, num. 14. Adhuc ut præsentem  
non cognoscit eas in se ipsis motivè, aut de-  
terminativè, sed in decreto, n. 16. Nihilominus  
exigitur præsentia rei futuræ in æternita-  
te, n. 21. Non cognoscuntur ut infallibiliter  
futura in causis proximis, n. 2. Nec in prævia  
applicatione, aut determinatione voluntatis,  
n. 4. Nec in veritate obiectiva intrinseca, quæ  
vis illam habeant, n. 26.

Futura contingencia conditionata non cognos-  
cuntur à Deo in libero arbitrio super compre-  
henso, Disp. 5. q. 6. à n. 5. Nec in necessitate  
moralī, n. 12. Nisi ad summum ut moralī cer-  
titudine futura ex parte obiecti, num. 14. Hæc  
scientia non satis est ad prædestinandum cō-  
sensum inflexibiliter, n. 15. Nec in idem præ-  
priori ad decretum, num. 38. Nec per scientiam  
villam necessariam, nec in medio neces-  
sario, n. 56. Nec in se ipsis ante decretum exerci-  
cium divine voluntatis, n. 60. latè. Res non  
potest transire de merè possibili ad condicio-  
natè contingenter futuram, nisi per decretum  
exercitum, n. 74. Status futurationis conditio-  
natæ distinguitur ex parte obiecti à statu pos-  
sibilitatis, & existentie absolutæ, n. 83. Immo  
si non distinguantur, deficit omnino scientia  
media, num. 86. Futura contingencia conditio-  
nata non cognoscuntur in decreto conditiona-  
tè existentis, aut futuro, si illud sit indifferens, n.  
121. Nec si illud sit purè committans, n. 124.  
Si autem illud sit prædeterminativum, proba-  
bile videtur posse in illo cognosci, num. 125.  
Sed impugnatur, num. 126. Futuricio condi-  
tionata importat de præsentis determinationem  
ad eventum sub conditione, n. 138. Disparitas  
inter ipsam, & possibilitatem, n. 140. Futura

contingentia conditionata non revelata incertum est an sine re ipsa conditionata futura, vel non? n. 319. Post contingere, quod nec consensus, nec dissensus sit conditionate futurus determinat sub auxilio, & consequenter, quod Deus neutrum determinat cognoscat futurum, n. 324. Futuricio negativae carentiarum non exigit decretum positivum, sed solum permissivum, n. 346. Futurum conditionatum contingens non constituit formaliter tale per decretum pure obiective conditionatum, sed per determinationem aliquam creatam illam ex decreto absoluto, Disp. 6. q. 10. à n. 41. Vide scientia media.

**G**  
Gaudium propriè datur in Deo de bono nostro, Disp. 6. q. 4. à n. 8.

Gratia specialis, quomodo requiratur ad vincendam gravem tentationem, Disp. 5. q. 6. n. 27.

**H**  
Habitùs charitatis, quo pacto sit ordinativus, Disp. 7. q. 4. à n. 17.

**I**  
Iansenius erravit cõtra voluntatem Dei de salute omnium hominum, Disp. 6. q. 11. à n. 24.  
Immensitas complectitur omnia loca simul simulatè ubicationis ratione sui, & simulatè durationis ratione aternitatis, Disp. 5. q. 1. à num. 108.

Impetrium divini intellectus est efficax, & factivum rerum, actusque intellectus divini proprius, Disp. 5. q. 3. à n. 12. Est iudicium, n. 15. Practicum, n. 16. Imperat executionem mediorum, & regulat usum activum illorum, Disp. 7. q. 3. à n. 43. Non tamen est propriè impetrium, quasi monarchicum, sed quasi monarchicum imperans ad extra rebus, vel causis secundis, n. 47. Imperium quasi monarchicum datur propriè in intellectu creato, licet non in divino, n. 53. Ad quid sit necessarium impetrium in intellectu, n. 63.

Induratio, quo pacto contingat, aut qualiter Deus indurare dicatur cor humanum, Disp. 7. q. 1. à n. 14.

Intellectus divinus mensurat res intellectas, & contra res intellectas mensurat intellectum creatum, disparitas notanda, Disp. 5. q. 4. à n. 20. Implicat intellectus determinatus ad aliquam veritatem tantum, & non intellectus omnis veri, & cutis, Disp. 6. q. 1. à n. 22. Adhuc hoc admissio, intellectus inferret voluntatem, num. 24.

Intellectus in Deo non movetur re ipsa ex meritis, nec demeritis, Disp. 6. q. 2. à n. 61. Sed solum ex bonitate divina, *ibid.* Intellectus generalitèr

dicta propriè datur in Deo, Disp. 6. q. 5. à n. 9. Et iustitia legalis, à n. 11. Et similiter iustitia distributiva, à n. 12. Et vindicativa, à n. 15. Non tamen datur propriè, & formaliter in Deo iustitia commutativa erga penas creaturas, à n. 16. Distributiva explicatur, à n. 21. Iustitiz actus non potest esse ex iustitia, Disp. 7. q. 5. à n. 81. Qualis iustitia in Deo admittatur, à n. 82. Iustitiz divinæ ostensio non est bonum occasionatum, sed per se amabile à Deo, q. 13. à n. 11. Iustitiz divinæ punitivæ motivum non est culpa, sed divina bonitas, à n. 22.

**L**  
Libertas divina non est per modum actus primi re ipsa indifferentis ad plures actus secundos, nec ad actum, & omissionem actus, Disp. 6. q. 6. à n. 63. Est pure activa, à n. 77. Conciliari nequit cum Dei immutabilitate, si obiectum divinæ voluntatis formale sit aliquid creatum, n. 100. Libertas contradictionis, & contrarietatis, quoad exercitium, & specificationem, explicatur in Deo, Disp. 6. q. 7. à n. 1. Libertas contradictionis in Deo solum est activa erga extremum positivum, permissiva vero erga negativum, à n. 8. *latè.*

Libertas creata non potest impedire, nec determinare scientiam mediam de suo actum, quia illam supponit, Disp. 5. q. 6. à n. 180. Talem libertatem creatam Deus concedere nequit, quæ ulteriori Dei determinatione non egeat, & cur, à n. 268. Libertas est perfectio simpliciter simplex, eoque repugnat contineri in Deo eminenter, & non formalitèr, Disp. 6. q. 15. à n. 2. & 8.

**M**  
Malum verum creaturæ rationalis ut talis non est poena iusta, sed culpa. Explicatur Disp. 6. q. 4. à num. 21.

Malignam sententia specialis de determinativo voluntatis ad actum secundum, reprobatatur Disp. 5. q. 5. à n. 6.

Media ad salutem propriè talia semper sunt indifferentia intrinsecè, & non intersecèr efficacia, Disp. 7. q. 2. à n. 17. & 25.

Merita, & orationis Christi Domin. non sunt effectus, sed causa nostræ predestinationis, Disp. 7. q. 10. à n. 4. Ratione valoris infiniti possunt movere divinam voluntatem, q. 5. à n. 125. Merita nostra non movent divinam voluntatem ad predestinandum, q. 5. à n. 70. Sunt effectus predestinationis, à n. 71. Non possunt movere voluntatem executivam, nisi movendo intentivam, à n. 97.

Miracula non possunt contingere in supremo ordine rerum, sed solum in inferiori, Disp. 6. q. 14. à n. 44. Unde proveniat, quod miracula non contingant, n. 45.

Mi-

## Index rerum nota bilium.

Misericordia, quæter datur in Deo, Disp. 6. q. 5. à n. 28. Quare Deo proprium est miseri, n. 32.

## N

**Necessitas** moralis est aliquando frustrabilis ab evento, Disp. 5. q. 6. à n. 16. ubi plura de necessitate morali. Non semper voluntas agit cū necessitate morali, sed sæpè moraliter etiã libera, à n. 3. Necessitas moralis longè difficilior reddit libertatem, quam prædeterminationis Thomistica, Disp. 5. q. 6. à n. 37. In quo consistat, Disp. 6. q. 14. à n. 19. Quando est ad unum ex pluribus vage, importat difficultatem aliquam in omissione cuiuslibet, à n. 20. Notitia intuitiva, quo pacto infundi possit à Deo de re futura, Disp. 5. q. 2. à n. 20. & 28. Numerus prædeterminatorum soli Deo certus, Disp. 7. q. 16. à n. 2. Numerus reproborum ex omnibus hominibus longè maior est, quam numerus prædeterminatorum, n. 4. Profunda ratio huius mysterij, n. 6. & 7. à n. 15.

## O

**Obiectum** divinæ voluntatis, & amoris, quomodo sit distinctum, vel indistinctum ab ipso amore, Disp. 6. q. 3. à n. 2. Sola bonitas divinæ est obiectum formale divinæ voluntatis, à n. 4. Si obiectum formale motivum distingueretur realiter à voluntate divina, esset illi vera causa volendi, à n. 12. Non solum quoad terminationem activam, sed quoad entitatem, à n. 15. **Odium** propriè tale non datur in Deo, Disp. 6. q. 4. à n. 16. Quo sensu dicatur de Deo, explicatur à n. 41. Si daretur in Deo propriè, esset ætus, non solum specificè, sed realiter distinctus ab amore, n. 35. **Odium** Dei erga peccatorem, non causat malum, nec illud supponit absolute existens, sed illud permittit, quod existat absolute, Disp. 7. q. 14. à n. 39. Distingui debet odium obiectivè temporale, & obiectivè æternum, ibid. **Onnipotentia** consistit in intellectu practico, eiusque actio in imperio efficaci intellectus, Disp. 7. q. 3. à n. 40. **Oratio** quietis, seu mentis contemplatio, quo pacto otiosa nõ sit, Disp. 6. q. 1. à n. 66. Qualiter in illa voluntas movetur, vel non movetur, n. 68. Oratio non est eiusdem ad se ipsum, sed ad superiorem, sicut imperium ad inferiorem. Explicatur Disp. 7. q. 3. à n. 52. **Ordo** ingencionis, & executionis in divina voluntate explicatur Disp. 7. q. 3. à n. 19. Inret divina decreta qualiter admitti debeat, q. 5. à n. 89. 100. & 118. Eo admissio, prior est electio ad gloriam, quam mediorem electio, à n. 97. Ordo divinorum decretorum est invariabilis stante eodem ordine rerum extra Deum, nec

potest. Deus pro arbitrio, cum alio ordine subiectivo velle eadem, & sub eodem ordine obiectivo, q. 10. à n. 17.

## P

**Passiones** tristitiz, doloris, timoris, penitentiz, invidiz, iræ, & aliz similes non dantur in Deo, Disp. 6. q. 5. à n. 3. **Parvuli** pertinent ad providentiam, qua Deus vult omnes salvos fieri, Disp. 6. q. 13. à n. 48. & 53. Absurdum est dicere, Deum parvulos non baptizatos beneficiis affectisse Cælo maiori, à n. 55. **Pœna** iusta non est verum unaliqui creaturæ rationalis ut talis, Disp. 7. q. 13. à n. 26. Quomodo supponit culpam, à n. 29. **Penitentia** præingenditur à Deo ante præsumptum peccatum, quia ex hoc Deus velit peccatum, Disp. 7. q. 9. à n. 47. & 64. Quo pacto sit bonum occasionatum, à n. 67. Quo sensu penitentia attribuitur Deo, Disp. 6. q. 8. à n. 21. **Peccatum** est, creaturam amare se ipsam propter se ipsam absque subordinatione ad Deum, Disp. 6. q. 3. à n. 24. Explicatur primum peccatum Luciferi, ibid. Peccatum possibile non amatur à Deo, Disp. 6. q. 12. à n. 11. Nec odio habetur ab ipso, à n. 13. Peccatum Deus ordinat extrinsecè ad bonum finem, Disp. 7. q. 9. à n. 61. **Peccatum originale**, in eis, quibus fuit remissum, non est motivum, nec causa reprobationis illorum, Disp. 7. q. 14. à n. 22. Nec ex parte actus reprobandi, nec ex parte obiecti, n. 4. Remissio originali, nullus reatus manet in renato, sed sola concupiscentia ad agonem, n. 8. Nec reatus carendi perseverantiz dono, n. 9. Nec in illis, quibus non fuit remissum est causa reprobationis ex parte actus, n. 37. Bene tamen quantum ad omnes effectus reprobationis ipso posteriores, n. 34. Licet non quoad omnes absolute, quia ipsummet est defectus à reprobatione permissus, ibid. Quo pacto sit causa sui non remissionis, n. 35. **Permissio** peccati distinguitur penes activam, & passivam, Disp. 7. q. 9. à n. 1. Permissio passiva, propriè, & in rigore loquendo, non est effectus Dei, nec prædeterminationis, n. 3. & 40. Non est à Deo positivè volita, sed tantum permissivè, n. 5. & 53. Quo pacto permissio activa sit volita, bona, & sancta, n. 58. Potest dici ex nostro modo concipiendi effectus Dei, seu prædeterminationis, n. 8. Vide effectus. Deus eodem velle vult positivè penitentiam, & permissivè peccatum, n. 48. Absque ordine subiectivo ex parte ipsius volentis, n. 51. Admissio ordine aliquo, prior debet esse intentio penitentiz, quam permissio peccati, ibid. Absque mutua priori.

state, n. 52. Permissio passiva amari non potest quia utilis ad poenitentiam, nisi amato peccato, n. 40. Est tamen defectus permissus ex praesentia poenitentia, n. 44. latr. Ad nullum finem conducit, nisi medio peccato, & ratione peccati, n. 21. Non cognoscitur, nisi ratione peccati, n. 22. Deus praevidet permissum peccatum ex intentione robustioris instantis. more prudentis medici, n. 62. Permissio peccati finalis, seu nunquam remittendi est per se à reprobatione, seu ipsa reprobatio, q. 13: à n. 9. Permissio peccati in reprobis procedit ex intentione manifestandi iustitiam per poenam iustam in illis, q. 13: à n. 3. Quod magis patet dum permittit peccatum nunquam remittendum, n. 9. Magis mirandum, quod Deus ante aliud peccatum permittat peccatum lathale nunquam remittendum, quam quod velit poenam iustam ante praevium absolute peccatum, q. 13: à n. 29. Deus interdum permittit peccatum nunquam remittendum, quin praesupponat aliud peccatum, in cuius poenam hoc permittat, q. 14: à n. 13. Qualiter in eo casu permissio dicatur, & sit iusta, n. 28.

**Prædestinatio** quid sit, & eius etymologia, Disp. 7. q. 1. à n. 1. Generaliter sumpta extenditur ad omnia, quæ Deus decrevit facere in tempore, n. 3. Specialiter, & proprie solum significat ordinationem ad vitam æternam, *ibid.* Multis nominibus significatur in Sacro Textu, n. 4. Eius definitio ab Augustino tradita propugnatur, n. 6. Est verè scientia, sed non simpliciter intelligentia, nec scientia media, n. 7. Sed scientia libera practica, & visionis, *ibid.* Convenit proprie Angelis, & B. Virgini prædestinari, n. 11. Definitio prædestinationis tradita à Div. Th. exponitur, n. 13. Alia prædestinationis definitio, n. 20. Quænam dicantur prædestinari, n. 16.

**Prædestinatio** est omnino certa, Disp. 7. q. 2. à n. 1. Non solum respectu finis universalis, sed respectu finis particularis, n. 3. Non solum certitudine præscientiæ, sed certitudine ordinis, & causalitatis, n. 6. Hæc certitudo non innititur connexioni mediorum intrinsecæ cum fine, sed in efficacia immediata ipsius prædestinationis erga omnia media usque ad finem inclusive, n. 13. Prædestinatio requirit ex parte voluntatis divinæ dilectionem prædestinati, & electionem illius, q. 3: à n. 1. Et electionem mediorum ad finem vitæ æternæ, n. 4. Quos alios actus requirat, explicatur usque ad n. 18. Prædestinatio non consistit essentialiter, & pro recto in actu voluntatis, sed in actu intellectus, q. 4: à n. 7. Hic actus est iudicium practicum practicè ordinans totam seriem mediorum usque ad finem vitæ æternæ, & consequenter imperium, n. 11. Prædestinatio interdum accipitur pro proposito, seu actu voluntatis, n. 13. In quo prædestinatio differat à providentia, n. 25. Non est

pars subecliva, sed solum obiectiva providentia, n. 31.

**Prædestinatio** ad primam gratiam auxilientem est gratuita, Disp. 7. q. 5. à n. 2. Non est ex prævisa fide, aut initio bonæ voluntatis, n. 3. Exponuntur circa hoc plura PP. testimonia, n. 7. Prædestinatio ad primam gratiam habitalem est gratuita, & non ex meritis, n. 16. Prædestinatio infantium est gratuita, à n. 18. Non ex operibus conditionatè prævisis, n. 19. Prædestinatio electorum ad gloriam ut coram nam est gratuita, & non ex meritis prævisis, Disp. 7. q. 5: à n. 23. latr. Quantum autoritatis habeat hæc sententia, n. 48. Deus gratis eligit hominis ad perseverantiam finalem, n. 50. Quamvis electio ad gloriam non præcedat electionem meritorum, sed sit ipsa meritorum electio, ex hoc ipso est ante prævisa merita, n. 53. Electio efficax medijs efficacis non potest esse ex intentione finis purè inefficaci, n. 56. Quamvis medium sit solum efficax moraliter, n. 58. Prædestinatio importat electionem mediorum ad gloriam, non præcisè illorum quoad sufficientiam, sed etiam quoad efficaciam, n. 60. Aliter consensus voluntatis, ad finalis perseverantia non esset donum gratuitum Dei, n. 64. Et tota differentia prædestinati à non prædestinato esset ex parte præscientiæ, non per se ex parte prædestinationis, n. 66. Deus non movetur ex meritis ad prædestinandum, vel eligendum aliquem ad gloriam, n. 69. Electio divina facit electos dignos eligi, non illos tales supponit aliunde, sicut nostra electio, n. 70. Prædestinatio, & electio Angelorum ad gloriam etiam est gratuita, & non ex meritis, n. 129. Prædestinatio est ad gloriam certam, & in determinata mensura gloriæ, n. 140. Prædestinatio nostra est ex meritis Christi, n. 125. Quomodo supponat præscientiam futurorum, q. 10: à n. 33.

**Prædestinatus** nullus esse potest in præsentì providentia, nisi gratuito electus ante prævisa merita, Disp. 7. q. 12: à n. 5.

**Præscientia** idealis, seu Ægidij de conditionatè contingentibus impugnatur, Disp. 5. q. 6: à n. 38. Ausert libertatem creatam, n. 51. Præscientia interdum à PP. accipitur pro prædestinatione, Disp. 7. q. 1: à n. 8. & q. 5: à n. 26.

**Promissiones** obiectivè conditionatæ, quomodo dantur in Deo, Disp. 6. q. 10: à n. 32.

**Prophecia** quomodo intueatur res futuris in speculo æternitatis, Disp. 5. q. 2: à n. 22. & q. 4: à n. 16.

**Propositio** de futuro conditionato, quando habeat sensum disiunctivum, vel disiunctum, Disp. 5. q. 6: à n. 336. Quomodo debeat illi assignari contradictoria, n. 138. Semper affirmat connexionem aliquam conditionis cum conditionato, n. 344.

**Providentia**, & prudentia consistit in actu intellectu-

## Index rerum notabilium:

lectas practici per modum imperij, *Disp. 7. q. 4. à n. 4. & 18.* Quo pacto differant providentia, & scientia practica in *Deo. n. 36.* Quomodo diff. rat à lege æterna, num. 27. Et à divinis *ideis, n. 28.* Providentia naturalis si accipiatur ut distincta à providentia supernaturali, hæc præcedit illam ut imperans imperatam, tamen se ipsa est vulga providentia, q. 10. à *n. 29.* Providentia divina, quam simplex, & universalis sis, cuiusque *gubernatio, n. 32.* Quomodo distinguatur penes plures actus, aut decreta, *n. 34.*

## R

Reprehensio comparativa Iudæorum respectivè ad Tyrios non nititur in eventu ipso conditionare futuro, sed in dispositione vtrorumque absolute exiitenti, *Disp. 5. q. 6. à n. 189.*

Reprobationis existentia est de fide, *Disp. 7. q. 11. à n. 1.* Cur Deus aliquos reprobet, & aliquos prædestinet, *n. 3.* Reprobatio alia positiva, alia *negativa, n. 9.* Positiva importat actum positivum ex parte divinæ voluntatis, & intellectus, *n. 10.* *Negativa* non consistit in omissione, aut carentia actus, sed in actu, aut voluntate permissiva ad extra, *n. 11.* Esse non potest sine positiva, *n. 17.* Reprobatio parvulorum est etiam positiva, & importat voluntatem de *contrario, n. 8.* Si tamen in illis negetur omnis poena positiva, erit reprobatio pure negativa, seu permissiva erga illos, *n. 19.* Reprobatio negativa est ante prævisa demerita, q. 12. à *n. 3. latè.* Reprobatio positiva etiam est ante prævisionem demeritorum, q. 13. *per tot.* Non habet speciem iniustitiæ, nec notam crudelitatis, *n. 12.* Respicit rationem ex parte voliti, sed non ex parte volentis, nisi divinam voluntatem, aut bonitatem, *n. 18.* Quomodo supponat præscientiam operum, *n. 19.* Reprobationis, & prædestinationis differentia quantum ad supponere, vel non supponere merita, vel *demerita, n. 24. & q. 14. à n. 45.* Reprobatio etiam Angelorum fuit etiam ante prævisa absolute eorum demerita, q. 14. à *n. 13.* Licet reprobatio hominum supponat peccatum originale in omnibus, nõ sequitur quod sit propter illud in *omnibus, n. 32.* Reprobationis causa in renatis non est peccatum originale, q. 14 *per tot.* Vide *peccatum originale.*

## S

Scientia Dei de futuris est causa effectiva eorum, *Disp. 5. q. 3. à n. 3.* Scientia simplicis intelligentiæ est causa eorum virtute tantum, & per modum actus primi, scientia autem visionis per modum actus sciendi, *n. 9.* causat res sicut forma substantialis tuos effectus. Explicatur paritas ista, *n. 19.* Sicut ars artefacta, *n. 21.* Nõ ideo Deus cognoscit res esse, quia sũt, sed ideo sunt,

quia Deus eas cognoscit *esse, q. 4. à n. 2. per tot.* Id non intelligitur de malis, sed de bonis ut bona *sunt, n. 7.* Creaturæ non possunt esse causa scientiæ Dei, quia videt eas *esse, n. 14.* Nec obiectivè, *n. 15.* Si obiectivè, etiam physice, *n. 16.* Negata prædeterminatione, cum solo decreto indifferenti, nec scientia simplicis intelligentiæ esset causa *rerum, n. 28.* Quo sensu dixerint PP. res ideo cognosci à Deo, quia sunt, & non ideo esse, quia noscuntur. Explicatur *latè n. 31.*

Scientia media impugnatur, *Disp. 5. q. 6. à n. 2. & 59. latissimè.* Vide *futura conditionata.* Ex defectu obiecti *motivi, n. 97.* Indiget determinativo ex parte obiecti ultra determinationem ex parte *actus, n. 99. & 155.* Si specificaretur ab aliquo contingenti, esset contingens, & defectibilis quoad *enitatem, n. 65.* Si determinatur à consensu ut contento repræsentativè in essentia divina, supponit determinationem subiectivè absolutam, & obiectivè *conditionatam, n. 114.* Impugnatur ex defectu obiecti *terminativi, n. 71.* Item ex defectu *determinativi, n. 97.* Scientia Dei, quantumvis infinita, nõ est determinata ad cognoscendum consensum prædissensu prævisive à *decreto, n. 135.* Quamvis futuris conditionata non consistit formaliter in *decreto, n. 137. & 151.* Scientia media impugnatur ex eo, quod nec potest tendere modo *conditionato, nec modo absoluto, n. 177.* Ex eo quod repugnat cum supremo Dei dominio, *n. 191. & 215. & 247.* Item quia foret Deo *casualis, n. 202.* Item quia repugnat cum libertate *creata, n. 271.* Primo per *excessum, n. 272.* Secundo per defectum, *n. 279.*

Scientiam formaliter coniecturalem nullus Thomista asseruit in Deo, aut moraliter tantum *conjecturam, Disp. 5. q. 6. à n. 308.* Sed solum scientiam subiectivè, & formaliter infallibilem, licet de futuro, aut de futuritione solum naturaliter, aut moraliter, aut coniecturaliter certa obiectivè, *n. 308.* Deum scire aliqua conditionatè futura infallibiliter constat ex *Sacro Textu, n. 349.* Licet id à se suis efficaciter non *probetur, n. 371.* Ea conditionatè futura Deus non cognoscit, nisi in decreto actu exercito, & connexo cum eventu, vel mediatè, vel *immediatè, n. 378.* Si non dentur in Deo decreta formaliter conditionata, cognosceret conditionata motivè in decreto formaliter absoluto, sed terminativè in aliqua determinatione creata, quæ sit effectus talis decreti absolute *existens, n. 385.* Quo pacto Deus debet scire, quid erit sub qualibet conditione, *n. 323. & 398.* Scientia Dei est magis mirabilis erga contingentiæ, cognoscendo ea in decreto, quam in se *ipsis, n. 400.* Scientia obiectivè pure conditionata, nempe media nõ datur in Deo ex hoc ipso, quod in eo nõ *dantur* decreta pure obiectivè conditionata, *Disp. 6. q. 10. à n. 31. & 47.* Scientiæ mediæ usus in-

con

- consequenter admittitur in Deo erga Angelos, & negatur erga homines lapsos, Disp. 7. q. 14. a. 2. & 3.
- Species Angelorum, quo pacto determinantur ad representanda singularia contingentia, Disp. 5. q. 6. a. 1. & 2. Determinantur ab obiecto ut in idea divina, n. 158.
- Spiritus Sanctus, quomodo procedat ex amore libero, Disp. 6. q. 6. a. 10. & 11.
- Substantia prædeterminata est effectus prædeterminationis, Disp. 7. q. 10. a. 3. Imo & ex meritis Christi, ibi, n. 22.

## V

- Voluntatem dati in Deo est fide certum, Disp. 6. q. 1. n. 1. Ratione naturali demonstratur, n. 2. Ratio D. Th. qua id probat ex quo Deus est intellectivus, est demonstrativa, n. 4. Quomodo voluntas divina habeat obiectum, & finem, n. 7. Voluntas divina non potest amare creaturas propter se ipsas ut propter motivum formale, q. 3. a. 2. & 3. Amor, quo illas amaret propter ipsas, siliendo in ipsis, foret aperte peccatum, vel non datur peccatum in rerum natura, n. 23.
- Voluntas divina rectè dividitur in antecedentem, & consequentem, Disp. 6. q. 1. l. a. 3. Voluntate antecedenti Deus vult omnes homines salvos fieri, etiam post Adæ lapsum, n. 27. Etiam parvos, n. 48. Non dicitur antecedens, quia merita, aut demerita prævisa non supponat, aut præcedat, n. 4. Sed ex quo respicit obiectum secundum se, n. 5. Distinctio voluntatis antecedentis, & consequentis non est ex parte ipsius divini voluntatis, sed ex parte obiecti diversimodè considerati, n. 11. Est divisio adæquata, n. 12. Voluntas antecedens est voluntas solum secundum quid, n. 13. Quo pacto sit efficax, vel inefficax, n. 14. Non est formaliter conditionata, n. 15. Voluntas divina rectè etiam dividitur in voluntatem signi, & beneplaciti, n. 17. Voluntas signi quintuplex, n. 18. Voluntas antecedens non est absolutè, & simpliciter efficax, imo nec ita sufficiens, ut non cgeat alia speciali, n. 70. Cum ea comparatur, quod Deus libere permittat aliquos damnari, non tamen quod velit illos damnari, n. 70. & 75. Disp. 7. q. 12. a. n. 7. 12. & 17. Est absolutè, & efficax respectu ordinis, seu ordinationis generalis ad salutem, non autè immediatè respectu salutis, Disp. 6. q. 11. a. n. 78. Est propriè, & formaliter in Deo, sed non immediatè, & formaliter de salute in se ipsa, sed de illa ut contenta in medijs cõducantibus ad eam, n. 90. & 100. Non frustratur, nec frustrari potest volitio immediatè, n. 108. Voluntate antecedenti vult Deus peccatores salvos facere, etiam suppositis peccatis illorum, & nihilominus permittit illos damnari, Disp. 7. q. 12. a. n. 18. Voluntas consequens, quo sensu suppo-

- nat præscientiam operum, Disp. 6. q. 11. a. n. 9. & Disp. 7. q. 5. a. n. 123.
- Voluntas divina non vult media propter finem, sed propter sumptum formaliter, & ex parte actus, & ideo opus non est, quod ex parte actus velit prius formaliter finem, quam media, Disp. 6. q. 11. a. n. 17. Potest velle efficaciter media per volitionem inefficacem finis, sed nõ ex volitione, aut intentione purè inefficaci finis, n. 118. Quo sensu velit gloriam propter merita, Disp. 7. q. 5. a. n. 101. & 113. Voluntas divina, quo modo sit indifferens activè, & non passivè Disp. 6. q. 6. a. n. 135. Non est intrinsecè capax contrariorum, nec contradietorum disiunctim, n. 113. Voluntas divina libera purè inefficax, repugnat, Disp. 6. q. 9. a. n. 9.
- Voluntas creata, dum dicitur resistere voluntati Dei, nõ illi resistit immediatè, sed illi in suo effectum, Disp. 6. q. 11. a. n. 118. Voluntas quomodo sit, vel nõ sit ordinativa, Disp. 7. q. 4. a. n. 164. Voluntas creata an possit habere actus purè conditionatos, Disp. 6. q. 10. a. n. 29.
- Voluntas propria, quantum sit nociva. Explicatur Disp. 6. q. 4. a. n. 27. & 32. Est elica ignis inferni, qua cessante, cessaret infernus, n. 27. & 28.
- Volitio Dei libera, & necessaria non sunt due volitiones adhuc virtualiter intrinsecè, sed unica, Disp. 6. q. 6. a. n. 104.
- Veritas, qualiter conveniat nõ enti, seu carentijs, Disp. 5. q. 6. a. n. 146. Veritas, quantum intersit creaturæ rationali ut tali, Disp. 6. q. 1. a. n. 63. Dum verum queritur propter bonum, inordinatè queritur, n. 64.
- Virtutes humanæ ut tales propriè non conveniunt Deo, Disp. 6. q. 5. a. n. 5. Morales, & intellectuales distinguuntur, & explicantur, n. 2. Omnes continentur in Deo, vel formaliter, vel eminenter, n. 3. Nulla convenit Deo per modum habitus, n. 4. Nec in eo reperiuntur virtutes circa passionem, ut temperantia, continentia, &c. n. 6. Dantur tamen propriè in Deo virtutes circa adiones, ut liberalitas, & prudentia, n. 7. Virtutes morales in Deo non sunt distinctæ à virtute theologia charitatis, Disp. 6. q. 3. a. n. 57.
- Vniversum non esset tam perfectum sine ordine malorum iuste punitorum, sicut cum illo, Disp. 7. q. 13. a. n. 13.
- Virus activus, quid sit, Disp. 7. q. 3. a. n. 10. Est in Deo respectu rerum, aut causarum secundarum propriè, n. 11. & 13. Est etiam æquivalenter respectu suarum potentiarum ad intra, n. 12. Non tamen propriè, n. 15. Nec in volutate divina, nec in creata virus est actus specifice distinctus ab intentione, & electione, n. 12. & 31.
- Virus, & fructio, in quo consistant, & qualiter distinguantur, Disp. 6. q. 3. a. n. 34.

